


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

# **Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

## **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files dated 29 Jan 2022  
e9c4c3a0-6dec-54a4-aaba-fb395e5eddc7

## Contents

SAN MATEO . . . . .	1
SAN MARCOS . . . . .	78
SAN LUCAS . . . . .	120
SAN JUAN . . . . .	190
HECHOS . . . . .	240
ROMANOS . . . . .	299
1 CORINTIOS . . . . .	332
2 CORINTIOS . . . . .	362
GÁLATAS . . . . .	381
EFESIOS . . . . .	392
FILIPENSES . . . . .	403
COLOSENSES . . . . .	411
1 TESALONICENSES . . . . .	418
2 TESALONICENSES . . . . .	424
1 TIMOTEO . . . . .	428
2 TIMOTEO . . . . .	437
TITO . . . . .	443
FILEMÓN . . . . .	447
HEBREOS . . . . .	449
SANTIAGO . . . . .	476
1 SAN PEDRO . . . . .	484
2 SAN PEDRO . . . . .	492
1 SAN JUAN . . . . .	497
2 SAN JUAN . . . . .	504
3 SAN JUAN . . . . .	505
SAN JUDAS . . . . .	506
APOCALIPSIS . . . . .	509

## Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi  
(Lc 3.23-38)*

<sup>1</sup> Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwana pin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwana pin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

<sup>2</sup> Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba. <sup>3</sup> Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi. <sup>4</sup> Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi. <sup>5</sup> Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi. <sup>6</sup> Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urias xeina.

<sup>7</sup> Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi. <sup>8</sup> Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi. <sup>9</sup> Bapon Uzías Jotam paxa tatsi. Bapon Jotam Acáz paxa tatsi. Bapon Acáz Ezequías paxa tatsi. <sup>10</sup> Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi. <sup>11</sup> Bapon Josías Jecónias paxa tatsi, iru Jecónias peweicho jiwi bapontha cae axaba. Bapon Jecónias poxonae israelmonae teicaeya capoinchi Babilonia nacua beya, barapo jinaebotha Jecónias naexana epatotha.

<sup>12</sup> Bapoxonae pirapae Jecónias tanaexantsi pexanto Babilonia nacuatha. Jecónias Salatiel paxa tatsi. Bapon Salatiel Zorobabel paxa tatsi. <sup>13</sup> Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi. <sup>14</sup> Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi. <sup>15</sup> Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi. <sup>16</sup> Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

<sup>17</sup> Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jecónias naexana. Salatiel pia xainya weya tatsi trece poyobe pebiwi naexanapona xua Jecónias muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wnto barapo cae pin nacuathe  
(Lc 2.1-7)*

<sup>18</sup> Poxonae Jesucristo naexana bara iche: María Jesucristo pena tatsi, poxonae bapowa muhu pepichi pecotsiwa pon pewun José, poxonae abu cataunxuae jopa peru nacoyabiyo, bapoxonae María pexuyo burana taecatsi. Barapo pexuyo Nacom pia Pejumope tunaxu tatsi María tsiperu weeca exantsi. Barapo pexuyo pewun Jesús. <sup>19</sup> José, María pia pebin tatsi tsane, poxonae pichina pon pejuntu coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua burana taecatsi xua María aura peexanaenexa tsainchi jiwi peitatha tatsi. Bapoxonae José namicha moyiya najuntu cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa. <sup>20</sup> Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitutatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwana pin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope tunaxu tatsi pia pexuyo tatsi. <sup>21</sup> Bapowa tanaexanaeinchi pexanto. Bapon wun dutsiname, po wun ‘Jesús’, jei. Barapo wun, wun dutsiname tsipei bapon pijimonaecapanepaena xua abe pia peexanae cuiru

coyenein weya tatsi, xua daxota Nacom jopa petsitanexatsi xua barapomonae pexeinaewa penatsicuentisiwa”, jei matatsunpin.

<sup>22</sup> Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiwuna muxu duta Nacom nexa, xua jeye:

<sup>23</sup> “Matha taema, yabnyo pexuyo byana taecatsi powa jopa peru nacoayabiyo pebin.

Yawa tanaexanatsi pexanto, po pexuyo wun dutatsi, po wun ‘Emanuel’, jei”,

jei Nacom pia peitorobi jume pepaebin.

(Barapo wun jei: “Nacom naca baru popona”, jei.)

<sup>24</sup> Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi. <sup>25</sup> Bequein cae botha nabaru poponabe daichitha jopa came imoxoyo naperu cuicuinaeyobe beya poxonae pexanto tanaexanatsi. José pexuyo wun duta, po wun “Jesus”, jei.

## 2

*Meje yabara poxonae pomonae opitei pecayabara wunaeyaputaewi barapomonae Jesús siwa poinchi xua petaenexatsi*

<sup>1</sup> Jesús naexana Belén tomaratha, Judea nacua. Barapoxonaeru Herodes pon Judea nacua piwi pia peyanacua ewatsinchi popona barapo Judea nacua. Poxonae Jesús naexana pebiwi pata Jerusalén tomaratha. Barapomonae opitei pecayabara wunaeyaputaewi. Barapomonae pia tomara taju taenatsi ichaxota pocotsiwa xometo weecoina.

<sup>2</sup> Barapomonae ichawa beya yayainyaba tsiniya, jeye:

—¿Exota naexana pexuyo, po pexuyo judiomonae itorobiya pia pepa peewatsinchi exanaeinchi poxonae pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacua ichaxota pocotsiwa xometo weecoina. Papatan xua pata wunaeyajinchiwa tsane barapo pexuyo, jei.

<sup>3</sup> Herodes, pon Judea nacua piwi pia peyanacua ewatsinchi poxonae bapon yabara jume tane xua ichun naexana pon jiwi itorobiya pia pepa peewatsinchi, bapoxonae bapon bichocono unthuthu deideijejei Iruu Jerusalén tomarapiwino daxita bichocono unthuthu deideijeje pejume taexae baxua. <sup>4</sup> Nexata Herodes waba sacerdotemonae pia pentacaponae tatsi xua pia petanacaetutsinexa tsainchi pia botha. Matautano wabano pomonae jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

<sup>5</sup> Barapomonae jume nota, jeye:

—Bapon naexanaena Belén tomaratha, po tomara Judea nacua eca. Bapon naexana barapo tomaratha, tsipei Nacom pia peitorobi jume pepaebin caena bayatha tsiwunaeya yabara muxu dutsiya tina xua Mesías yabara, Nacom nexa. Nacom jeye:

<sup>6</sup> Belén tomara bequein po tomariyo tsiqui tomariyo jiwana tomara xua Judea nacua, daichitha Judea nacua pentacaponae yabara nanta xeinaena xua Belén tomara peainya cui tomariyo tsane. Baxua nanta xeinaena tsipei barapo tomariyotha naexanaena, pon jiwi pia Pecanamataxeinaeinchi tatsi.

Xan Nacom bapon itorobin tamonaetha, pomonae Israel nacua piwixae, xua bapon barapo israelmonae itorobiya pia pepa Peewatsinchi tsainchi’, jei Nacom, xua Nacom tatinatsi pon Nacom peitorobi jume pepaebin, jei sacerdotemonae iru pomonae jiwi pecuidubiwi Moisés pia peitorobi coyenewa tatsi.

<sup>7</sup> Nexata Herodes namicha moyiya waba pomonae opitei pecayabara wunaeyaputaewi. Herodes yainyaba barapomonaetha: “¿Eta poxonae yatsicaewa barapo opiteito paca tsita naituta?” jei bapon. <sup>8</sup> Poxonae barapomonae jume nota bapontha bapoxonae Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajeire barapo pexuyo. Poxonae pataebiname barapo pexuyo, nexata pana netsipaebare, tsipei xan iru ponaein wunaeyajainchinexa tsaneru barapo pexuyo, jei Herodes.

<sup>9</sup> Poxonae Herodes najume weta, barapo pebiwi bara ponaracupa, pomonae opitei pecayabara wnae yaputaewi. Bapoxonae po opiteito bayatha tane pia nacuatha, barapo opiteito jemeicha caewa naitataba. Yawa barapomonae matabapoinchi. Barapo opiteito ducuapona beya matapainya matatsun ducuatabica ichaxota barapo pexuyo boca. <sup>10</sup> Poxonae barapo pebiwi tane barapo opiteito, barapo pebiwi bichocono junte coyene weiweina. <sup>11</sup> Barapomonae bo joniya ichaxota tane barapo pexuyo xua pena baru ecatsi, barapowa Maria. Bapoxonae barapo pebiwi pentabocotontha ena xua barapo pexuyo wnae pejainchinexa tsainchi, tsipei barapoyo pon Pecanamataxeinaein peexanaexae tsainchi poxonae pinyo tsane. Bapoxonae barapomonae piawan coibo isacapenta xua cajjinca. Barapo pexuyo catsibatsi xuan pocotsiwa pewn oro nain. Catsibatsino xua pocotsiwa pewn incienso xua pocotsiwa tuxusi tuxuei benata poxonae tauta exana. Mataantano muxuna catsibatsi icha petuxueiwa pocotsiwa pewn mirra xua pocotsiwa anaincuito. <sup>12</sup> Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonae pia nacua be-iyiya, icha namto iyiya.

*Meje yabara poxonae Jesusbaru panenebiya Egipto nacua beya*

<sup>13</sup> Poxonae barapo pebiwi ponaracupa bapoxonae Nacom itoroba matatsunpin Josetha. Matatsunpin tsita naituta poxonae José amachinae. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacua bebaru naetsiriwiya. Ecare barapo nacua, beya baru poxonae equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

<sup>14</sup> Poxonae cataunxuae merawi, José nacosataxuba. José pexuyo pita, yawano José pita yabuo Maria xua pexuyo pena tatsi. Daxita barapoyobe warapa Egipto nacua beya poxonae cataunxuae quirei tsuncuae. <sup>15</sup> Barapo nacua, Egipto nacua, barapoyobe ecabe beya poxonae juinya Herodes tupa. Baxua José cana exanatsi xua bayatha Nacom pia peitorobi jume pepaebin petsiwnae yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jwi Pecanamataxeinaeinchi.

*Meje yabara poxonae Herodes itoroba, ichamonae itorobatsi xua pejutebinexatsi pexui*

<sup>16</sup> Poxonae Herodes yaputane xua pomonae opitei pecayabara wnae yaputaewi muxujainyabiya tsipaeba bapontha xua itara patapaeba, bapoxonae Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wtxixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, iru po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wtxixi daxita poxi Belén tomara cuariya beya. Herodes baxua exana yaitama bayatha pomonae opitei pecayabara wnae yaputaewi yopita xua pinae tane pexuyo pia opiteito tatsi barapo dos po weibetha poxonae peputha tapon, opiteito peputha tatsi xua jinaebotha, poxonae Judea nacua beya pona. <sup>17</sup> Baxua Herodes cana cui wetsiya exanatsi, xua bayatha Jeremías pon Nacom pia peitorobi jume pepaebin petsiwnae yabara paebixae, xua jeye:

<sup>18</sup> “Jume tan xua wecoyeyi Ramá tomaratha,

po tomara eca imoxoyo Belén tomaratha.

Powa xua wecoyeyi, bapowa Raquel,

powa bayatha tupa.

Bapowa Raquel pia pemomoxi susatopiwi siwa

wecoyeyi, tsipei daxita tajutebatsi.

Barapowa jopa naitawanae copatsiyo tsipei

pexui bayatha werapa bequein ichamonae jume

matawenta”, jei Jeremías.

<sup>19</sup> Herodes bapoxonae pirapae tupa. Bapoxonae matatsunpin pon Nacom itoroba, José tsita naitutatsi poxonae José amachinae Egipto nacua. Matatsunpin jeye Josetha: <sup>20</sup> “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiya. Tsipei bayatha werapa pomonae ichichipa xua barapo pexuyo pebexubiwatsi”, jei matatsunpin.

<sup>21</sup> Bapoxonae José natsixitaba. José pita pexuyo yawa coxiwa. Israel nacua beya caibe nawiya. <sup>22</sup> José jume tane xua juinya pinae Arquelao naexana Judea nacua piwa pia peyanacua ewatsin tatsi. Arquelao Herodes pexantato tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacua daxota José junuwa xua peponaewa barapo nacua. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacua. <sup>23</sup> Poxonae José patopa barapo nacua,

bapoxonae popona po tomaratha, po tomara pewan Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwānae muxu dutsiya jeye: “Bapon wan dutinchi po wan jei: ‘Nazaret tomarapin’, jei”, jei barapo Nacom pia peitorobi jume pepaebiwi.

### 3

*Meje yabara poxonae Juan, pon Pebautisabin jiji, cuiduba ira xuepana susato tsurucuae nacuatha*

*(Mr 1.1-8; Lc 3.1-9, 15-17; Jn 1.19-28)*

<sup>1</sup> Pirapae poxonae ainya wei yapucaewa, poxonae abū cataunxuae Jesús eca Nazaret tomaratha, bapoxonae Juan pon jiji Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwesi paeba ducuaenaebiya. <sup>2</sup> Juan namchi: “¡Icha juntu coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonae Nacom itorobiya peewatsixae”, jei Juan.

<sup>3</sup> Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume wūnaeya tina, xua caena bayatha Juan yabara jume wūnaeya tinatsi. Isaías jeye:

“Jume tan pon wawai ira xuepana  
susato tsurucuae nacuatha.

Bapon wawaya jeye: ‘Patsi najuntu cui  
coyene wūnaere pon jiji pia pepa

Pecanamataxeinaeinchi pia pepatopae wūnaeya tsane’,  
jei pon wawai”, jei Isaías petinae diwesitha.

<sup>4</sup> Juan jumaina duwein nabocoto, po duwein pewan camello. Coreinya bocoto maraina. Juan xane pocotsiwan yapupuna, pocotsiwan be sure, matautano bana daebano. <sup>5</sup> Jiwi pata Jerusalén tomara weya, iruru pata xua daxita tomaranpiwi xua Judea nacua weya, iruru pata po tomaranpiwi xua imoxoyo Jordán mene weya. Barapomonae pata Juan pejume taenexatsi. <sup>6</sup> Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

<sup>7</sup> Ichitha poxonae Juan tane xua nawita pata fariseomonae jiwana iruru xua saduceomonae jiwana pata ichaxota Juan bautisaba, Juan jeye barapomonaetha: “¡Paxam pomonae pemuxuitorobi jiji pam! ¡Paxam be bara jomomonae pam, tsipei jomo ba cuitaya ducupa nawa! Bara paichim anoxuae, paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanem Nacomtha. <sup>8-9</sup> Xaniwaicha pajinompāre xain ichamonae paca cui tane, xua icha juntu coyene painya nexeiñawa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowantsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiji forotsinchi barapo ibotixi weya, po ibotixi xote Jordán mene ipatha bobena. Barapo jiji naexanaena, po jiji yatsicaewa Abraham pia pemomoxi susato jiji tatsi, pomonae pejume cowantsiwixaetsi Nacom. <sup>10</sup> Poxonae pebin naein ūba sipari ba canacui wūnaeta xua pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca jūta ichiya paca cana exanaena. Nacom paca yabara nacui wūnaeta xua paca bebai tsane isototha, ichaxota po isototha jopa cuinaya itacounayijo tsipei Nacom jopa xanepanaya pata exanaem. <sup>11</sup> Xan xaniwaicha paca bautisabatsi meratha painya neauraxae xua abe paexaname xua daxota icha juntu coyene painya nexeiñawa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesías. Bapon paca bautisabina Nacom pia Pejumope tñaxatha tatsi poxonae Nacom paca najumope catsibina. Bapon paca jiwana cui copatsinchi xua atene tsane Cristo pejume cowantsixaetsi xua ichamonae atene exanaena. Bapon bichocono peyapusu itorobi coyenewa xaina beyacaincha xan. Bapon pon jiji pia Pecanamataxeinaeinchi. Daxota bapon bichocono tsita pin ura xeinan xua tataxu mū isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae poxonae baru cui itura jina pia pentacaponae wichi. <sup>12</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabotha. Matapepe jehebapona petautsinexa isototha, ichaxota

po isoto jopa cuinaya itacounayiyo. Bapon bara jata cana ichi tsane jiwitha icha trigo xu cana ichiya ichi. Jiwi Nacom tsana nobina pomonae pejume cowantsixaetsi pia nacuatha nexa. Ichamonae tsana nobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonae Jesús bautisabatsi*

(Mr 1.9-11; Lc 3.21-22)

<sup>13</sup> Nexata Jesús patopa ichaxota Juan uncua Jordán mentha xua Galilea nacuatha. Jesús patopa xua Juan pebautisabinexa tsane. <sup>14</sup> Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesustha:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

<sup>15</sup> Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonae Juan jume jejei xua Jesús bautisabatsi. <sup>16</sup> Nexata poxonae Jesús bautisabatsi, Jesús nainya mene wejuina. Bapoxonae nainya peitaboco nayausaranaxuba. Jesús tane xua Nacom pia Pejumope tñaxu tatsi Jesús tapatopeicatsi, be topiboto yaruneica. <sup>17</sup> Bapoxonae Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nejuntu coyene weiweina exana”, jei Nacom.

## 4

*Meje yabara poxonae Jesús juntu coyene jujutatsi caurimonae pia pentacaponaein tatsi xua Jesús abe coyeneya petaxanaenexa tsane*

(Mr 1.12-13; Lc 4.1-13)

<sup>1</sup> Nexata Nacom pia Pejumope tñaxu tatsi Jesús matakayatsi ira xuepana susato tsurucuae nacua beya. Baxotiya caurimonae pia pentacaponaein tatsi Jesús piraichi juntu coyene jujutatsi xua Jesús abe coyeneya petaxanaenexa tsane.

<sup>2</sup> Jesús jopa nabanaeyo baraxotiya cuarenta po matakabibetha matautano cuarenta po merawibetha. Poxonae barapo matakabin yapucaewaba bapoxonae Jesús bichocono jainpa. <sup>3</sup> Caurimonae pia pentacaponaein tatsi imoxoyo patopa Jesustha. Bapon Jesús piraichi juntu coyene jujutatsi xua Jesús abe coyeneya petaxanaenexa tsane. Bapon Jesús baraichi:

—Icha xam yatsicaya Nacom Pexantom, netsita iture. Barapo iboton itorobare xain pan naxanapenta, jei caurimonae pia pentacaponaein tatsi.

<sup>4</sup> Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara iru yawano Nacom Pejume Diwesi jiwi betiya yajuntu cui coyeneya junteimiya jinompa’, jei Nacom Pejume Diwesitha, jei Jesús.

<sup>5</sup> Nexata caurimonae pia pentacaponaein tatsi Jesús matakapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi. <sup>6</sup> Caurimonae pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha, poxonae wenaxorecame’, jei Nacom Pejume Diwesitha,

jei caurimonae pia pentacaponaein tatsi.

<sup>7</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa juntu coyene jujutsiya wñcaeinde Nacom pon jinya Necanamataxeinaein, xua necajume jejeiwa tsane xua necayawenaewa tsane poxonae jopa xapain exanaem’, jei Nacom Pejume Diwesitha, jei Jesús.

<sup>8</sup> Equeicha caurimonae pia pentacaponaein tatsi Jesús matakapoinchi ichaxota po demxuwa bichocono atororo. Baraxotiya Jesús tsita itutatsi daxita nacuan xua barapo cae pin nacuate. Matautano Jesús tsita itutatsi daxita nacuan pia peitupanae coyenewan.

<sup>9</sup> Caurimonae pia pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua matautano ichaunxuae newñnae jaintsiname xua nenanta xeinaewaxae xua xan jinya tacacanamataxeinaeinchi.



Bapoxonae barapo nacuan yawa muxuna nacuan pia peitupanae coyenewan, baxuan cacatsinchi xua jinya necanamataxeinaenexa barapo nacuan, jei caurimonae pia pentacaponaein tatsi.

<sup>10</sup> Nexata Jesús jume nota:

—Xam pon caurimonae pia pentacaponaein, bara nexubiriware. Yaitama Nacom Pejume Diwesitha namchi, jeye: ‘Meisa wanae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>11</sup> Bapoxonae caurimonae pia pentacaponaein tatsi Jesús pia xainya weya tatsi napitaba. Matautunpiwi pata Jesustha xua Jesús pecui matatecaenexa tsainchi, matautano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea nacua*  
(Mr 1.14-15; Lc 4.14-15)

<sup>12</sup> Poxonae Jesús jume tane xua Juan jiwi pecubi botha eca, bapoxonae Jesús pona Galilea nacua beya. <sup>13</sup> Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepoponaenexa. Barapo tomara eca, Galilea pucua itapatha ichaxota ainya nacuabe nacaquita ecabe po nacuiyo pewan Zabulón nacuiyo, yawa po nacuiyo iru pewan Neftalí nacuiyo. <sup>14</sup> Pocotsiwa Jesús exana poxonae Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaias, pecayabara cui wanae tsiwanaeya tinaexae poxonae jeye:

<sup>15</sup> “Po ainya nacuabe pewan Zabulón nacuiyo matautano Neftalí nacuiyo, barapo nacuabe ecabe ichaxota po namtotha pucua imoxoyo caquita ducuiya.

Barapo nacuabe ecabe ichaxota po pin nacua, pewan Galilea nacua.

Barapo Galilea nacua icha muxunenetha eca xua Jordán mentha.

Barapo Galilea nacua weya jinompa pomonae jopa judiomonae naexanaeyo.

<sup>16</sup> Barapomonae caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae.

Daxita barapomonae be pocotsi jiwimonae poxonae pona pequireiwatha xua poxonae matautano jopa xeinaeyo xua penatsiwana itiyobiwa.

Daichitha daxita barapomonae nama jume cowantsina, xua jume cowantsinchi

pon Nacom itoroba.

Bapon barapomonae juntu cui coyene babatsiya xanepanaya jinompaeya exanaeinchi ichi be jiwi ichi xua poxonae pin pecoichatha jinompa”,

jei Isaias, pon Nacom pia peitorobi jume pepaebin.

<sup>17</sup> Bapoxonae Capernaum tomaratha Jesús tamropata pitaba xua jiwi cuidubatsi. Jesús namchi, jeye: “Icha juntu coyene paxeinare Nacomtha, painya neauraxae xua abe paexaname. Tsipei Nacom paca waba painya nenaexanaenexa piamonae tatsi pomonae Nacom itorobiya peewatsixae”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi*  
(Mr 1.16-20; Lc 5.1-11)

<sup>18</sup> Jesús pona Galilea pucua itapatha. Jesús tane ponbe ainya caepipeweichobe. Ichun pewan Simón pon icha wanno Pedro. Ichun pewan Andrés. Baponbe duwei peyamonaeinbe. Baponbe mentha yamonauyabe duwei pocotsiwatha xua peyamaewa.

<sup>19</sup> Nexata Jesús baraibe baponbe, jeye:

—Anetha, pana nepuna pondebe. Paca cuidubinhibe. Anoxuae nama xan paca exanaeinhibe xua pinmonae payawenaenemebe xua barapomonae pejume cowantsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>20</sup> Nainya caena baraponbe peyamaewan xubotabe. Napuna ponabe Jesustha.

<sup>21</sup> Bapoxonae pirapae Jesús tane ichunbe, ponbe ainya caepipeweichobe. Ichun pewan Santiago. Ichun pewan Juan. Baponbe Zebedeo pexantobe tatsi. Baponbe jeratha paxa bara ecabe. Baponbe peyamaewan wanaetauyabe. Jesús waba, baponbe wabatsibe.

22 Caena nainya jera xubotabe matautano paxa cuenta ponabe. Baponbe Jesús puna poinchibe.

*Meje yabara poxonae Jesús pin bicheitomonae cuiduba  
(Lc 6.17-19)*

23 Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacaeutusi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaexatsi piamonae pomonae Nacom juntu coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae. 24 Pin bicheitomonae jiwi jume tane xua juinya Jesús exana daxita carepaya Siria nacua. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mubatsi. Jesús axaibi exana daxita barapomonae. 25 Pin bicheitomonae jiwi Jesús puna poinchi pomonae Galilea nacua weya pona. Iruru Jesús puna poinchi pomonae Decápolis nacua tomanan weya pona, iruru pomonae Jerusalén tomara weya pona, iruru pomonae Judea nacua weya pona. Iruru Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajuthiya.

## 5

*Meje yabara poxonae Jesús cuiduba jiwi demxuwatheicha*

1 Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacaeturarucupatsi pomonae pia pepuna ponaewichi. 2 Jesús tamropata pitaba xua diwesi cuiduba barapo pin bicheitomonae.

*Meje poxonae Jesús yabara cuiduba pomonae pejuntu coyene weiweinae jiwi  
(Lc 6.20-23)*

3 Jesús barai barapo pin bicheitomonae pomonae pijimonaexae tatsi, jeye: “Maisa bichocono juntu coyene weiweina pomonae yaputane xua Nacom pecanantawenonaewatsi xua xanapanaya pejinompaewa tsane. Tsipei barapomonae naexanaena Nacom piamonae pomonae Nacom juntu coyene itorobiya ewata.

4 “Maisa bichocono juntu coyene weiweina pomonae bequein anthuthurewe xua siwa wecoyei petaxae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthuthurewe, xua ichamonae siwa wecyeichi.

5 “Maisa bichocono juntu coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae nama patsina pena iratha po ira Nacom bayatha yabara paeba.

6 “Maisa bichocono juntu coyene weiweina pomonae ichichipa nawita xua exaneiba xua Nacom ichichipa, pexeinaenexa tsane pejuntu coyene xanepanaewa Nacomtha xua Nacom jopa petsitanexatsi xua barapomonae pexeinaewa penatsientsiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

7 “Maisa bichocono juntu coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

8 “Maisa bichocono juntu coyene weiweina pomonae pejuntu xeicae jiwi xua pomonae jopa pecayabara nanta xeinaexae abe peexanae cuiru coyene. Barapomonae Nacom necotsinchi.

9 “Maisa bichocono juntu coyene weiweina pomonae juntema pejinompaexae xua peyawenaexae xua iru ichamonae juntema jinompa peexanaexatsi pomonae copiya abe nata exaneiba. Barapomonae pomonae juntema pejinompaexae Nacom unuta ‘Tapexui’, jei Nacom.

10 “Maisa bichocono juntu coyene weiweina pomonae bequein bara aperutane exainchi matautano bequein bara anthuthutane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom juntu coyene itorobiya ewata.

11 “Maisa bichocono pajuntu coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, matautano poxonae bequeinno canaerabiya paca yabara paeba tapaneantobemxaem. 12 Pajuntu coyene weiweinare. Matautano juntema painompare tsipei Nacom paca catsina pia pexeinya

peitupanaewān pocotsiwan Nacom paca jūntana jeba pia nacuatheicha. Icha ichamonaē abe pacata exana payabara nanta xeinare, matha caena barichi poxonaē ichamonaē abe exana pomonaetha pomonaē Nacom pia peitorobi jume pepaēbiwi. Barapomonaē caena bayatha jinompa poxonaē paxam cataunxuae jopa pajinompāem”, jei Jesús.

*Meje yabara poxonaē Jesús diwesi paēba xua sare yabara yawa xua pecoicha yabarano (Mr 9.50; Lc 14.34-35)*

<sup>13</sup> Equeicha Jesús barai barapo pin bicheitomonaē, pomonaē pijimonaēxae tatsi jeye: “Sare beno bara beno wānaē. Ichitha icha barapo sare beno jopa abenataeyo bapoxonaē jopa peitacupaewatsi xua equeicha peabenataēwa. Bapoxonaē jiwi barapo sare beno xuba iratha. Mataūta beno taxunaunaba iratha. Paxam pomonaē tamonaē pam be bara jūtiya ichiya pam, icha sare beno cana ichichi. Paxam payawende jiwi pomonaē jinompa barapo cae pin nacuathe xua daxita jiwi jopa abe peexanaēwa tsane. Ichitha icha barapomonaē jopa xapain payawenaem tsane, Nacom bara paca bebai tsane. Tsipei jopa wānaē pam, Nacom bara paca bebai tsane icha jiwi ichi poxonaē bebai sare beno mataūta xua beno taxunaunaba, tsipei jopa abenataeyo.

<sup>14</sup> “Icha pecoicha ichi poxonaē penta xua poxonaē baxota jiwi yawenatsi, paxam bara jūta ichiya paichim poxonaē beta painompame. Barapocotsi coyenewatha jiwi payawenama xua beta jinompa. Po tomara ba demxuwatha eca, barapo tomara ba jiwi tajū tane. Bara paca yabara jūta coyene ichi, jiwi paca tane xua poxonaē beta painya nejinompāewa. <sup>15</sup> Jiton dapon ba aibi xua pon pecoicha coicha exana xua pecoicha matacatsinexa corototha. Jame, asiya coicha exanatsi xua pecoicha taenexa pomonaē bomaxūtha ena. <sup>16</sup> Bara paca yabara jūta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanapanaya paexaname painya neantobemxae Nacom. Bapoxonaē barapo jiwi Nacom wānaē jainchinchī, pon painya Axa, pon itabocotha eca”, jei Jesús.

*Meje yabara poxonaē Jesús jiwi yabara cuidubatsi Moisés pia peitorobi diwesi jume*

<sup>17</sup> Equeicha Jesús barai barapo pin bicheitomonaē, pomonaē pijimonaēxae tatsi, jeye: “Jopa pananta xeinaēinde xua xan patopeican xua apara Moisés pia peitorobi diwesi jume tacana exanaēwa tsane xua jiwi jopa equeicha pecanantawenonaēwa tsane barapo Moisés pia peitorobi diwesi jume xuano irū bara cana ichin tsane pomonaē Nacom pia peitorobi jume pepaēbiwi pia pecuidubiwan tatsi. Jame apara patopeican tanayabara jume cui yabara wetsinexan tsane pocotsiwa caena bayatha neyabara tsiwānaē paēba po diwesintha Moisés pia peitorobi coyenewa tatsi, irūno Nacom pia peitorobi jume pepaēbiwi pia penacuidubiwan jumeintha. <sup>18</sup> Bara xaniyeya paca tsipaebatsi poxonaē cataunxuae barapo itaboco ducue, mataūtano poxonaē cataunxuae barapo ira ducue, Moisés pia peitorobi diwesi jopa weraweracae tsane. Mataūtano jopa cae itanetiyo aichurucuae tsane beya poxonaē wetsina pocotsiwa bayatha Nacom tsiwānaē yabara paēba xua wetapaēba. <sup>19</sup> Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequeim saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana jūntū cui ita xexenecaeinchi. Ichitha nama pomonaē cuiduba ichamonaetha Nacom pia peitorobi coyenewan, mataūtano xua exana pocotsiwa Nacom itoroba, barapomonaē peainya cui jiwi tsane Nacom pia peitorobi nacuatheicha tatsi. <sup>20</sup> Paca tsipaebatsi jame bewa jūntū coyene xanapanaya paexaneibiname ichamonaetha be pocotsi coyeneya xua Nacom paca itoroba, beyacaincha poxonaē exana pomonaē pecuidubiwi Moisés pia peitorobi coyenewa tatsi, mataūtano xua poxonaē beyacaincha jinompa fariseomonaē. Icha jopa yatsicaēwa beta jūntū coyene xanapanaya paexanaem tsane beyacaincha xua poxonaē barapomonaē itarameyā wānaēya exana, jopa papatsim tsane Nacom pia peitorobi nacua beicha tatsi”, jei Jesús.

*Meje yabara poxonaē Jesús yabara cuiduba xua peanaēpanae cui coyene (Lc 12.57-59)*

<sup>21</sup> Equeicha Jesús barai barapo pin bicheitomonaē, pomonaē pijimonaēxae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ichūn anaya bexubinde. Tsipei pon xua ichūn bexotsi, ichamonaē yabara paēbina xua bapon natsicuenta xua abe peexanaēxae’, jei. <sup>22</sup> Ichitha nama seicaya paca tsipaebatsi xua pon caseba ichūnthā ichamonaē yabara paēbina xua bapon natsicuenta xua abe peexanaēxae. Irūnū pon biatane ichūnthā ichamonaē yabara paēbina xua bapon natsicuenta xua abe peexanaēxae. Pomonaē pecanamata caitorobi bicheito bapon yabara paēbinchi xua bapon natsicuenta tsipei bapon bichocono ũnthūthū anaēpana. Mataūtano irūnū pon

namchi xua ichun jeichichi: ‘Xam nabenecame’, jei pon, bapon xubinchi po nacua beya ichaxota isoto bapana jopa itacounaiyo.

<sup>23-24</sup> “Equeicha paca tsipaebatsi. Ichacuitha ichun duwein becapona ichaxota xua be pexaethopaewa xua tuxusi exana Nacom nexa poxonae tauta. Poxonae cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichantha. Matha be ichi tsane meje xuaje: Bu abu cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichun beya xua pia penaita coxone exanaewa tsanebe. Bapoxonae bapon caibeya bewa ponaena xua duwein petuxusi exanaewa tsane Nacom nexa poxonae tauta.

<sup>25</sup> “Icha ichamonae be paca itoroba paca necacaponanexa pontha pon jiwi peyabara paebin penatsicuentiwa, nexata patsipaebare barapomonae, poxonae cataunxuae namtotha paca baru pona xua painya nenaita coxone exanaewa tsanebe. Xain bapoxonae barapomonae jopa paca caponaebe tsane pontha pon jiwi peyabara paebin penatsicuentiwa. Tsipei icha barapomonae bara beya paca caponaetsipa, bapoxonae pon jiwi peyabara paebin penatsicuentiwa equeicha dabeya policiamonae beya paca itorobichipa. Bapoxonae nama policiamonae jiwi pecubi bo beya paca itorobichipa. <sup>26</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abu poxonae pana pu matomacaename daxita Jesu paratixi cuntha po paratixi xua paxeiname”, jei Jesús.

*Meje yabara poxonae Jesús yabara cuiduba xua jiton pita, powa ichun piowa tatsi, powa bequein piseuri xeina taetha*

<sup>27</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ichun piowa tatsi, powa piseuri xeina taetham’, jei Moisés. <sup>28</sup> Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taisa maituncuaewa tsane, bequein bapowa jopa taseuriyo’, jei, bapoxonae barapara abe exana Nacomtha, icha be pocotsi coyene ichi, poxonae pita yabuoytha powa jopa bequein piseuriyo tatsi.

<sup>29</sup> “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucua, barapo itamaiqueiton yawa taju beya pabebande. Metha wunae xua painya nebebeiw tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame wunae yatsicaewa, beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounaiyo.

<sup>30</sup> Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa taju beya pabebande. Metha wunae xua cae cobexi painya nebebeiw tsane, xua cae cobexi painya neyawa patsinexa Nacom pia nacua beicha. Baxua jame wunae beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounaiyo”, jei Jesús.

*Meje yabara poxonae Jesús yabara cuiduba xua jiwi piseurixi pepunapenteibiyainwa (Mt 19.9; Mr 10.11-12; Lc 16.18)*

<sup>31</sup> Equeicha Jesús barai barapo pin bicheitomonae, pomonae pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peapaxaibixae xua pocotsiwa bapowa exana, bapon barabu piowa catsina papera, po peperatha tina xua pexubiwa tsane piseuri’, jei barapo Moisés pia peitorobi coyenetha.

<sup>32</sup> Ichitha nama seicaya icha coyeneya paca tsipaebatsi. Icha pebin piowa punaxuba xua saya peachaxaibixae poxonae bequein bapowa jopa nasi cui coyene exanaeyo bapoxonae Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsixana, tsipei Nacom ichowa yabara nanta xeina xua bapowa cataunxuae ichun piowa tatsi bequein punaxuba”, jei Jesús.

*Meje yabara poxonae Jesús yabara cuiduba xua jiwi xainyeya penacui wunae tsiwunaeya yabara paebiwa xua peexanaewa pocotsiwa exanapaeba*

<sup>33</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: ‘Paxam jopa bewa naerabiya pana cui wunae tsiwunaeya yabara paebim tsane xua painya neexanaewa pocotsiwa paexanapaebame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebame xua Nacom peitabaratha tatsi’, jei Moisés pijimonaetha. <sup>34</sup> Ichitha xan seicaya icha coyeneya

paca tsipaebatsi. Poxonae jiwi peitabaratha tatsi pana nacui wūnae tsiwūnaeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cowuntsinexa. Jopa yawa muxuna icha jumein papaebinde. Jopa pajande ichuntha: 'Bara xaniyan xua exanaein. Nacui wūnae tsiwūnaeya xaniyeya yabara paeban Nacom peitabaratha xua exanaein', jopa pajande. Matautano jopa pajande: 'Bara xaniyan. Baraxua paeban po wuntha xua Nacom pia nacua wuntheicha tatsi', jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi. <sup>35</sup> Matautano barapocotsi coyenewa jopa bewa pana cui wūnae tsiwūnaeya yabara paebim ichuntha xua ira yabara. Tsipei barapo ira apara Nacom pia ira. Barapo iratha naxaxu wūyuteca. Barichi matautano barapocotsi coyenewa jopa bewa pana cui wūnae tsiwūnaeya yabara paebim ichuntha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya jop pepa Peewatsinchi. <sup>36</sup> Matautano barapocotsi coyene jopa bewa pana nacui wūnae tsiwūnaeya yabara paebim ichuntha xua painya nentasipa yabara. Saya meisa Nacom paca yabara matasipa yaputane. Pomonae pam xua pewowi pam xua pantana tsaeibiam jopa paca itacupaeyo xua equeicha pantana inyapaname. Matautano pomonae pam pomonae amomonae pam xua pantana inyapaname jopa itacupaetsi xua equeicha pantana tsaeibiam. Matautano jopa baxua daichiyo xua caentanatoxitha. Saya meisa Nacom itacupatsi xua cana exana baxua. <sup>37</sup> Saya meisa barapo jumethabe patsipaebare ichuntha ichaxota po jumetha jei 'Je, bara exanaein', jei, matautano ichaxota po jumetha jei 'Jume jopa exanaein tsane', jei. Tsipei poxonae pamuxuna paebame poxonae pana tsiwūnae yabara paebame ichamonaetha Nacom pia wuntha tatsi xua painya neexanaewa pocotsiwa paexanapaebame baraxua apara caurimonae pia pentacaponaein tatsi paca tsimuxu duba xua painya nepaebiwa baxua", jei Jesús.

*Meje yabara poxonae Jesús yabara cuiduba xua penyantomocae coyene (Lc 6.29-30)*

<sup>38</sup> Equeicha Jesús barai barapo pin bicheitomona, pomonae pijimonaexae tatsi, jeye: "Paxam pajume taneme xua bayatha Moisés paeba xua jeye: 'Pon itamaiquei esanopa ichun peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ichun wano teranopatsi, bapon xuya wano teranopaeinchi', jei. <sup>39</sup> Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitaueinta, pon peaitabein. Matautano icha ichun paca jumata tsauinopa pecobetha, moya equeicha icha jumata pana najumata caeware xua painya necajumata tsauinopaenexa. <sup>40</sup> Icha ichun paca yabara yopichiya paeba pontha pon jiwi peyabara paebim xua penatsicuentiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peamutiya camisa, po camisa xua athawe peruyaewa. <sup>41</sup> Icha soldadomona paca itoroba xua jeye: 'Painta caponde pocotsiwa arewe xua saya cae kilómetro beya', jei, bara moya pacaponde pocotsiwa arewe xua equeicha icha cae kilómetro pantaropatabare. <sup>42</sup> Daxita coyenexi pocotsiwa ichamona paca wūca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan", jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peaitafaetabi jiwichi (Lc 6.27-28, 32-36)*

<sup>43</sup> Equeicha Jesús barai barapo pin bicheitomona, pomonae pijimonaexae tatsi, jeye: "Matautano pajume taneme xua caena bayatha Moisés namchi, xua jeye: 'Paantobeinde pomonae painya jiwi. Matautano pacasebare pomonae painya nepaca caaitafaetabi jiwi', jei xua Moisés paeba. <sup>44</sup> Ichitha icha coyeneya paca tsipaebatsi: Paantobeinde pomonae bequein painya nepaca caaitafaetabi jiwi. Matautano Nacomtha patawūcare pomonae bequein abe pacata exana. <sup>45</sup> Icha paexanaename daxita barapo coyenexi bapoxonae yatsicaewa Nacom piamonae tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomonae pejuntū coyene xanepanae jiwi nexa irūru pomonae peajuntūcoyenebe jiwi nexa. Matautano Nacom ema taitorobicano daxita jiwi pomonae xaniwaicha pejuntū coyene xeicae jiwi nexa irūru pomonae peajuntūcoyenebe jiwi nexano. <sup>46</sup> Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei irūru barapo coyene exana pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, bequein jiwi yabara nanta xeina xua bapomonae peajuntūcoyenebewi. Barapomonae antobe pomonae xua pia peantobewixaetsi. <sup>47</sup> Matautano icha saya meisa

painyamonae pajacobame pomonae ira pejume cowantsiwi poxonae paca siwa pona, xuano xua jopa pajacobim ichamonae, pomonae jopa pejume cowantsiwi, barapo coyene jopa xanepanaeyo. Tsipei pomonae Nacom jopa peyaputae jiwi, barapomonae ira ba jacoba piamonae. Ichitha nama bewa toxinchiya pananta xeinaem beyacaincha barapomonae poxonae nanta xeina. <sup>48</sup> Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi jata coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa”, jei Jesus.

## 6

*Meje yabara poxonae Jesus jiwi yabara cuidubatsi xua jiwi xanepanaya peexanaewan*

<sup>1</sup> Equeicha Jesus barai barapo pin bicheitomonae, pomonae pijimonaexae tatsi, jeye: “Poxonae paxam paexaname pocotsiwan xua ichamonae tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi u painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

<sup>2</sup> “Daxota poxonae peacopeiwiwi xoxi pacatsibeibame jopa ichamonae patsipaebinde xua baxua painya neexanaexae. Jopa barapocotsi coyeneya bara paichinde icha be pomonae pemuxuitorobiwiwi ichi, poxonae itara mexeya pomonae xanepanaya pepaebiwi. Tsipei barapocotsimonae saya ichawa beya paeba xua pinae yawena nawita peacopeibi jiwitha. Barapomonae matha jiwi wabeibatsi xua barapomonae pejume taenexa tsainchi, bapoxonae judiomonae pia penacaetutsi botha yawa namtontha baxua yabara paeba nawita xua pinae yawena nawita pomonaetha pomonae peacopeibi jiwi. Barapomonae baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonae betiya exana, xua pejeinexa jiwi. Ichitha xaniwaicha paca tsipaebatsi, barapomonae xeina pia pecui yabara matomacaewatsi poxonae jiwi baxua caunuta tsipei jopa moicha exanaeyo Nacom nexa. <sup>3-4</sup> Ichitha poxonae paxam payaweneme peacopeiwiwi namicha moicha pacare barapomonaetha xua painya jiwimonae jopa paca necacui taenexa. Matautano poxonae Nacom painya Axa paca tane poxonae namicha moicha paexaname baxua bapoxonae bapon Nacom paca catsina pocotsiwa pia pecui yabara matomacaewa”, jei Jesus.

*Meje yabara poxonae Jesus jiwi yabara cuidubatsi po coyene xua Nacom pewacawatsi (Lc 11.2-4)*

<sup>5</sup> Equeicha Jesus barai barapo pin bicheitomonae, pomonae pijimonaexae tatsi, jeye: “Poxonae Nacom pawacame, jopa barapocotsi coyeneya paexanaeinde icha be pomonae pemuxuitorobiwiwi ichi, pomonae itara mexeya beta pepaebiwi. Barapomonae saya ichichipa xua jiwi pecui taenexa poxonae barapomonae Nacom wacatsi. Barapomonae ichichipa umena pewacaenexa Nacomtha judiomonae pia penacaetutsi bontha tatsi xua matautano barichino namtontha. Barapomonae baxua exana xua pecui taenexatsi xua ichamonae pecui taenexa. Bara xaniyei paca tsipaebatsi. Barapomonae barompaya xeina pia pecui yabara matomatsiwatsi poxonae jiwi yabara paeba xua barapomonae pinae bara xanepanaeya exana. Nama bapoxonae Nacom jopa catsiyo pia pematomatsiwa barapomonaetha tsipei barapomonae jopa moicha exanaeyo Nacom nexa. <sup>6</sup> Ichitha poxonae Nacom pawacame, barompaya painya tutu beya paponde yawa bomuxu tutu pacoibo xatababare. Bapoxonae painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha paexaname. Bapoxonae bapon Nacom paca catsina pocotsiwa pia paca yabara cui matomacaewa, xua beta painya neexanaexae poxonae Nacom patsipaebame.

<sup>7</sup> “Poxonae Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonae ichi pomonae jopa peyaputaewi Nacom. Barapomonae nanta xeina xua bara Nacom jume tane pocotsiwa barapomonae tsipaeba xua matowa pepaebixae. <sup>8</sup> Nexata jopa barapocotsi coyeneya bara paichinde icha be poxonae barapomonae icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonae pawacame Nacom.

<sup>9</sup> Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaen.

Barabu daxita jiwi cabaru cui itura

jina nejuntu coyene xanepanaeinxae.

<sup>10</sup> Barabu jopaena matacabi, po matacabitha  
poxonae xam jiwi itorobiya ewatsiname  
barapo cae pin nacuathe.

Barabu jiwi exanaena pocotsiwa  
jinya neichichipae coyenewa xua barapo  
cae pin nacuathe tsique.

Barabu jiwi exanaena icha peitabocotha ichi xua  
exana pocotsiwa jinya neichichipae coyenewa.

<sup>11</sup> Daxita matacabin pexaewa pana catsibeibare xua  
po pexaewa daxita matacabin pata  
canantawenonaewa tsaibi tsane.

<sup>12</sup> Pana neyabara cui cana juntemainare xua abe  
pata catsita exanaewatsi.

Bapoxonae pana neyabara cui cana exaname xua  
jopa equeicha pata catsita natsicuentisiwatsi  
xua abe pata catsita exanaexaetsi.

Baraxua painta exande icha paichin ichamonaetha.

Tsipei paxan copiya payabara cui cana exanan  
xua ichamonae jopa pana netsita natsicuentisiyo  
xua abe pata tanetsita exanaexae.

<sup>13</sup> Jopa pana copatsinde xua abe pata exanaewa  
tsane poxonae jiwi pana nejuntu coyene jujuta,  
xua abe pata exanaewa tsane.

Ichitha pana necapanenebiya exande barapo abe  
peexanae coyene weya', pajande poxonae

Nacomtha patsipaebame", jei Jesús.

<sup>14</sup> Equeicha Jesús barai barapo pin bicheitomonae, pomonae pijimonaexae tatsi, jeye:  
"Tsipei icha paxam pacui yabara juntemainame pocotsiwa ichamonae pacata abe exana,  
nexata xuya painya Axa Nacom pon peitabocotha peecaexae, xuya paca cui yabara  
juntemainaena pocotsiwa abe paexaname. <sup>15</sup> Ichitha icha paxam jopa pacui yabara  
juntemainaem pocotsiwa ichamonae abe pacata exana, nexata xuya painya Axa Nacom  
jopa paca cui yabara juntemainae tsane pocotsiwa abe paexaname", jei Jesús barapo pin  
bicheitomonaetha pomonae pijimonaexae tatsi.

*Meje yabara poxonae Jesús yabara cuiduba po coyene peyabara nainbotsi cui coyenewa*

<sup>16</sup> Equeicha Jesús barai barapo pin bicheitomonae pomonae pijimonaexae tatsi, jeye:  
"Poxonae paxam payabara nainbotame xua Nacom beta painya newucaenexa tsane, jopa  
bara juta ichiya coyeneya paexanaeinde icha be pomonae ichi pomonae itara mexeya  
betiya peexanaewi daichitha abe exana. Barapomonae piyain itabara aenaenaca xua  
poxonae bequein peyabara nainbotsiwatha Nacom. Barapomonae jopa nanta cachetsiyo  
yawa jopa naitabara quiatsiyo. Barapomonae ichipa xua ichamonae yaputane xua  
barapomonae cou bara nainbota. Bara xainyeya paca tsipaebatsi xua barapomonae  
bayatha xeina barompaya pia peyabara cui matomacaewatsi xua poxonae jiwi yabara  
wuna jainta xua barapomonae cou bara nainbota. <sup>17</sup> Ichitha paxam poxonae payabara  
nainbotame, xua Nacom betiya painya newucaenexa tsane, pana naitabara iquicare yawa  
beta pananta caichere. <sup>18</sup> Bapoxonae jiwi jopa paca cui yaputae tsane xua paxam bara cou  
payabara nainbotame. Namicha painya netsita exanaexae Nacom barapo coyene. Meisa  
saya painya Axa Nacom paca cui yaputane, tsipei daxita yaputane pocotsiwa namicha  
paexaname. Bapon paca catsina pocotsiwa pia paca yabara cui matomacaewa", jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejuntana jebi-  
watsi pia nacuatheicha*

*(Lc 12.33-34)*

<sup>19</sup> Equeicha Jesús barai barapo pin bicheitomonae, pomonae pijimonaexae tatsi, jeye:  
"Barapo cae pin nacuathe copei jopa pacaetubinde xua painya nexainaewa tsane nawita  
barapo cae pin nacuathe. Tsipei bocobocowaton abe exanaena poxonae xane pocotsiwan  
xua paxeiname. Ichacuitha abe exanaena poxonae painyawan axumainbatsi. Ichacuitha  
painyawan pocotsiwa paxeiname baxuan pomonae pecaibiwi paca caibina. <sup>20</sup> Ichitha  
jame paexande barapo pejuntu coyene xanepanaewa po pejuntu coyene xanepanaewa  
Nacom ichichipa. Bapoxonae Nacom paca catsibina pocotsiwa painya nepaca juntana je-  
biwa pia nacuatheicha. Baraxoteicha bapocotsiwa bocobocowaton jopa xaeyo. Yawa jopa  
axumainbichi. Matautano pomonae pecaibiwi jopa paca caibiyo baxuan xuan Nacom paca

necayabara cui matomacaewan. <sup>21</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

*Meje yabara poxonae Jesús yabara cuiduba jiwi po coyene xanepanaeya peexanaewa pejnntu coyene wetsina*  
(Lc 11.34-36)

<sup>22</sup> Equeicha Jesús barai barapo pin bicheitomonae, pomonae pijimonaexae tatsi, jeje: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton wnae, bara beta pataneme. <sup>23</sup> Ichitha icha painya itamaiqueiton abe, jopa beta pataetsipaem. Barichiru painya juntu coyenewan xua painya nenanta xeinaewan. Icha painya juntu coyenewan xanepanaetsipa bara beta Nacom payabara najuntu coyene xeinaetsipame. Ichitha icha painya juntu coyenewan jopa xanepanaetsipae jopa beta Nacom payabara najuntu coyene xeinaetsipame. Painya juntu coyenewan paca cana exanaetsipa xua bichocono abe paexanaetsipame”, jei Jesús.

*Meje yabara poxonae Jesús yabara cuiduba jiwi, xua pon nantaanta ainya pia pecanamataxeinaeinchibe tatsi*  
(Lc 16.13)

<sup>24</sup> Equeicha Jesús barai barapo pin bicheitomonae, pomonae pijimonaexae tatsi, jeje: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanaculichin meisa antobeya taexana caeintha pon pia pecanamataxeinaeinchibi poxonae itorobatsi. Icha pia pecanamataxeinaeinchibi jopa taraichiyu. Cae pia pecanamataxeinaeinchibi xanepanaeya taexana. Icha pia pecanamataxeinaeinchibi abeya taexana. Barichi jiton pon bichocono antobe Nacom jopa itacupaetsi xua bichocono peantobewa paratixi poxonae yawa bichocono antobetsi Nacom”, jei Jesús barapo pin bicheitomonaetha, pomonae pijimonaexae tatsi.

*Meje yabara poxonae Jesús yabara cuiduba po coyene xua Nacom eena pijimonae*  
(Lc 12.22-31)

<sup>25</sup> Equeicha Jesús barai barapo pin bicheitomonae, pomonae pijimonaexae tatsi, jeje: “Paca tsipaebatsi, jopa bichocono payabara najuntu coyene exabinde pexaewa xua painya neuna jinompaeewa tsane yawano xua painya neapaewanno tsane. Barichi jopa bichocono payabara najuntu coyene exabinde papaburu xua painya pepon nexa. Po coyene xua asu pejinompaeewa xua Nacom naca cata jame baxua ainya cui, beyacaincha pexaewa xua peuna jinompaeewa. Pepon ainya cui iru, beyacaincha papaburu xua pepon nexa. <sup>26</sup> Pataema peyapurunaewi. Barapoxi jopa ubiyo pabitha. Yawa xua penawetsiwa jopa notsiyo. Yawa jopa xeinaeyo bomuxun xua pejebinexa pexaewan. Ichitha Nacom apata peyapurunaewi pexaewa. ¡Paxam nama bichocono Nacom patsita ainya cuim, beyacaincha peyapurunaewi xua Nacom tsita ainya cuichi, po Nacom painya Axa pon itabocotha eca! <sup>27</sup> Dapon aibi pon paxam jiwana pon itacupaetsi xua xeinaena icha matacabi xua po matacabiha pepoponaewa tsane poxonae tupaena. Bequein bapon bichocono nayabara najuntu exaba baxua, ichitha jopa itacupaetsi xua xeinaena caentacabi equeicha.

<sup>28</sup> “Paxam bichocono payabara najuntu exabame papaburu. Jame pacayabara nanta xeinare pentonon, po pentonon wexotha xuwa, xua matono itupana. Pentonon jopa nacuchiyu yawa jopa natsixanaeyo papaburu penama xatabinexa. <sup>29</sup> Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonaie itorobiya pia pepa peewatsinchi pon bayatha tupa. <sup>30</sup> Pentonon po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wnae bara bequein saya pentonon. Barichi Nacom itacupaetsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae, be conotha pajume cowantame Nacom! <sup>31</sup> Jopa paunthuthu deideijeya jinompaeinde xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde. <sup>32</sup> Tsipei barapo cae pin nacuathe jiwi saya u baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantauntame. Barapon Nacom pon peitabocopin, pon yarutane daxita pocotsiwa xua xoxi panantawenoname. <sup>33</sup> Saya meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiwi itorobiya pia pepa peewatsinchi. Matautano jame bichocono payabara nanta



xeinare painya nexei naenexa peꝓntꝓ coyene xanepanaewa Nacomtha. Icha paexanae-name barapo coyenewan nexata bapoxonae Nacom paca catsibina xua daxita pocotsiwa panantawenoname. <sup>34</sup>Jopa payabara muxuna najꝓntꝓ exabinde anoxuae pocotsiwa baya tsane pocotsiwa painya neexanaewa tsane, tsipei barapo matacabi nama xeina pocotsiwa bichocono pacata ayapube. Daxita matacabi tsoponeibi pocotsiwa xua pacata ayapube xua pocotsiwa painya neexanaewan”, jei Jesús.

## 7

*Meje yabara poxonae Jesús cuiduba xua jiwi jopa bewa yabara paebi xua ichamonae penatsicuentisiwa*

*(Lc 6.37-38, 41-42)*

<sup>1</sup> Equeicha Jesús barai barapo pin bicheitomona, pomona pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya neexanaexae. <sup>2</sup> Nacom pia coya paca yabara paebina xua painya nenatsicuentisiwa xua abe painya neexanaewa icha po coyeneya paichim poxonae ichamonae payabara paebame xua penatsicuentisiwa xua abe peexanaexae. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús. <sup>3</sup> Equeicha Jesús paeba caeintha pomona pijimona jiwana pecayabara jꝓta pepaebi diwesiyo jeye: “Xam ba jinya jiton itata taneme poxonae itata jopiyatsi naepꝓtiyo, ichitha jopa taem xua irꝓꝓꝓ xam nama pin naepꝓto neitamaiqueitho ducua. Barapocotsi jꝓta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua irꝓꝓꝓ xam baraichim nama bichocono abe exaname. <sup>4</sup> Icha jopa taem pin naepꝓto xua neitamaiqueitho ducua jopa caitacꝓꝓꝓeo xua nejeiwa jinya jitontha: ‘Tajiton, cata jutinchi naepꝓtiyo xua ducua neitamaiqueitho’, xua nejeiwa. <sup>5</sup> Xam nepaebim xua ichꝓꝓ exana xua baxua neexanaewatha irꝓ. Xam copiya nata jure barapo pin naepꝓto xua neitamaiqueitho ducua. Bapoxonae beta taename nejutsinexa tsane naepꝓtiyo xua jinya jiton peitamaiqueitho tarucuatsi.

<sup>6</sup> “Jopa patsipaebinde Nacom Pejume Diwesi pomona anaya paca aeba, xuano anaya aeba Nacom Pejume Diwesi pomona jopa pejume cowantsiwi Nacom. Tsipei barapomona peajꝓntꝓcoyenebe jiwi bichocono. Barapomona bara abe exana be barapocotsi jꝓta coyeneya ichiya exana icha be auri ichi xua poxonae anaepanaya nawano webaba pocotsiwa pacatame. Matautano barapomona bara abe exana be barapocotsi jꝓta coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

*Meje yabara poxonae Jesús yabara paeba xua jiwi bewa matowa wꝓqueibi Nacomtha*  
*(Lc 11.9-13; 6.31)*

<sup>7</sup> Equeicha Jesús barai barapo pin bicheitomona, pomona pijimonaexae tatsi, jeye: “Matowa Nacom pawꝓcare, bapoxonae paca catsibina pocotsiwa xua pawꝓcame. Baraxua matowa paexande icha paichim poxonae matowa pajeiteibame beya poxonae pataebame yawa icha paichim poxonae matowa pawawam bomꝓꝓꝓtha beya poxonae ichꝓꝓ paca jume nota. <sup>8</sup> Tsipei pon matowa wꝓca ichꝓꝓ bara catatsi. Tsipei pon matowa necoba, bara taeba. Tsipei pon bomꝓꝓꝓ pecoibototha matowa wawai, bara tacoibo sarana xorenatsi, mataꝓta jume notatsino.

<sup>9</sup> “Paxam pomona pexui paxeiname paca muxuwetatsi. Poxonae painya pexui paca wꝓca pan, ꝓpacatsipame iboto? ꝓjume! <sup>10</sup> Ichacuitha tsipae, poxonae painya pexui paca wꝓca duwei, ꝓpacatsipame jomo wito? ꝓjume! Jopa baxua paraichim tsane. <sup>11</sup> Bara bequein peajꝓntꝓcoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha peecaen bichocono jopa juniya paca catsiyo peꝓntꝓ coyene xanepanaewan poxonae pawꝓcame beyacaincha poxonae painya pexui pacatsibeibame poxonae paca wꝓqueiba.

<sup>12</sup> “Paexande ichamonaetha xua po coyene painya neichichipaewa xua barapomona beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwi bayatha paca cui itoroba”, jei Jesús.

*Meje yabara poxonae Jesús yabara cuiduba po boupayo tsica boupayo dena*  
*(Lc 13.24)*

<sup>13-14</sup> Nexata equeicha Jesús barai barapo pin bicheitomona, pomona pijimonaexae tatsi, jeye: “Poxonae jiwi pona tomara beya, pomona itapeta pin namto iya pona, barapo jiwi pinmonae, tsipei barapo tomara namto boupa iya xua jopa ayapubeyo. Pomona

nama itapeta, po namto tsica namtiyo iya pona, barapo jiwi tsiquimonaeyo tsipei barapo tsica boupayo ayapube iya. Barichi poxonae jiwi patsina Nacom pia nacua beicha saya tsiquimonaeyo patsina tsipei ichamonae jopa tsita jũntũ cui coyene xanepanaetsi xua xanepanaeya pejinompaewa Nacomtha. Daxota pomonae Satanás pia nacua beya patsina pinmonae tsane tsipei jopa taayapubetsi xua barapo Satanás pia jũntũ coyeneyatha tatsi jinompa. Nama itapeta pacananta xeinaeya jinompare Nacom pia jũntũ coyeneya tatsi xua icha jiwi ichi poxonae seicaya irarũ barompaya pona tomara tsica namtiyo boupayo iya”, jei Jesús.

*Meje yabara poxonae Jesús yabara cuiduba xua jiwi yaputane nae, penacoichixae (Lc 6.43-44)*

<sup>15</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Dota pam, dota pomonae penaerabiwi, pomonae xua jeye: ‘Paxan papaeban Nacom nexa’, jei. Barapomonae painya xainya beya pata itara mexeya jopa jũntũ coyene anaepanaeyo icha be ichi pomonae xua Nacom pejume jejei jiwichi xua peexanaewa pocotsiwa Nacom itoroba xua mataũtano icha be ovejamonae ichi xua pia cui coyene xeina xua jopa anaepanaeyo. Daichitha barapomonae bichocono antũcuicoyeneyapube xua anaepana, icha be neũthũ ichi poxonae bichocono anaepana. <sup>16</sup> Ichitha paxam pacayabara ita coxoname barapomonae poxonae pataneme pocotsiwa barapomonae exana, icha be jiwi ichi xua poxonae yaputane nae, po nae penacoichixae. Mataũtano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Mataũtano jiwi jopa bapana teracae higo thei naexitha, tsipei apara higo thei xuwa higo naetha. <sup>17</sup> Tsipei daxita naein, po naein pexeinya naein bara nacoita po pethei pexeinya thei. Mataũtano daxita naein, po naein camatsa naein bara nacoita po pethei camatsa thei. <sup>18</sup> Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei. <sup>19</sup> Daxita naein, po naein jopa nacoichiyo po pethei pexeinya thei, jiwi barapo naein uncata. Bapoxonae jiwi barapo naein tauta isototha. <sup>20</sup> Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantũ cui coyene yaputaneme poxonae pataneme pocotsiwa barapomonae exana”, jei Jesús.

*Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha (Lc 13.25-27)*

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsicamonaeyo patsina Nacom pia peitorobi nacua beicha. Saya meisa patsina pomonae exana xua pocotsiwa Taxa ichichipa. Barapomonae patsina ichaxota Taxa po nacuatheicha ewatsiya itorobeibeca. <sup>22</sup> Poxonae barapo matabi jopana, po matabitha poxonae Nacom yabara paebina xua jiwi penaticuentsiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Mataũtano cauri paitawetan newuntha. Mataũtano jinya newuntha papaeban poxonae pexeinya petsita itutsi coyenewa paexanan’, nejei tsane. <sup>23</sup> Daichitha barapomonae jume notsin. Jan tsane: ‘Bũ canta bapana jopa paca yaitaetsi. ¡Taxainya weya pana natsixibarũcũpare pomonae abe painya neexanae jiwi pamxaem!’ jan tsane”, jei Jesús.

*Meje yabara poxonae Jesús ainya bomũxũbe yabara paeba (Mr 1.22; Lc 6.47-49)*

<sup>24</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pon nejume naitomata pocotsiwa paeban mataũtano exanano pocotsiwa ichichipan barapon beta popona Nacom nexa. Bara barapon barapocotsi jũta coyeneya nacana exana icha be pocotsin peyaputaen ichi, pon bo acabanota peira matatsucaewatha xua ichaxota ira daunwei. Meje jeye: Copiya mũthũn tajũ exanareca pecuaranobinexa bomũxũ naeton. <sup>25</sup> Poxonae ema duneica yawa mene matabaewaxuba yawa joibo bomũxũ daunweya capubabanota, barapo bomũxũ jopa joparenaeyo, poxoru naeton tajũ umenareca xuano poxoru barapo bomũxũ peira matatsucaewatha uncuu ichaxota ira daunwei. <sup>26</sup> Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi jũta coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafat-sana xuano naeton jopa tajũ umenarecaeyo poxoru taetowa. Baraxota mene pateiba

poxonae awubo tsaibi. <sup>27</sup> Poxonae ema duneica, yawa mene matacaewaxuba, yawa pin joibo capubabanota barapo bo, bapoxonae barapo бoмѣхѣ joparena poxoru naeton jopa taju umenarecaeyo xuano poxoru бoмѣхѣ uncua ichaxota ira matafatsana. ¡Maisa бoмѣхѣ bichocono abe!™ jei Jesús barapo pin bicheitomonaetha, pomonae pijimonaexae tatsi.

<sup>28</sup> Poxonae Jesús barapo diwesin najume weta, pomonae Jesús jume tainchi, barapomonae yabara najuntũ coyene cabenaeca xua Jesús pia pecuidubiwan tatsi. <sup>29</sup> Tsipei Jesús ba cuiduba be peyaputaen pia peayapusũ itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

## 8

*Meje yabara poxonae Jesús axaibi exana pon peperũ sawinchi*  
(Mr 1.40-45; Lc 5.12-16)

<sup>1</sup> Poxonae Jesús peitapatororo wejuinca, pin bicheitomonae Jesús puna poinchi. <sup>2</sup> Jesús imoxoyo caquita poinchi pebin, pon peperũ sawinchi. Bapon pentabocototha uncua Jesús peitabaratha tatsi xua Jesús pebarũ cui itura jinaexaetsi. Bapon namchi Jesús beya, jeye:

—Pon Necanamataxeinaem jiwi, icha bara ichichipame bara caitacũpa xua axaibi tana neexanaewam, tsipei jinya neayapusũ itorobi coyenewa nexainaem, jei bapon.

<sup>3</sup> Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaperũxaibi exantsi! jei Jesús.

Bapoxonae bapon nainya taachurucuaetsi xua peperũ sawiwatsi. <sup>4</sup> Nexata Jesús barai peperũ sawinchi:

—Taema, jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua peru wunaem, jei Jesús.

*Meje yabara poxonae Jesús axaibi exana pon soldadomonae romanomonae pia pentacaponaein tatsi tanacuitatsi*  
(Lc 7.1-10)

<sup>5</sup> Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomonae soldadomonae pia pentacaponaein tatsi. Bapon nantaũta pon tanacuiteibatsi pia botha. <sup>6</sup> Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabotha. Bapon mũbatsi yawa bichocono atene, jei barapo pentacaponaein.

<sup>7</sup> Jesús namchi:

—Bara beya tha ponaetsi taaxaibi exanaenexa bapon, jei Jesús.

<sup>8</sup> Barapo soldadomonae pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabotha tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba. <sup>9</sup> Xan barichi xeinan tanecanamataxeinaein pon neitoroba. Barichigũ xeinan soldadomonae pomonae itorobeiban. Poxonae ichũn itoroban: ‘ponde’, jan, bara bapon pona. Poxonae ichũn waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

<sup>10</sup> Poxonae Jesús baxua jume taeba, jume cui yabara cananthũthũ nanta xeinanaya cabenaeca, beta pepaebixae romanomonae soldadomonae pia pentacaponaein tatsi. Jesús necotaba pomonae puna poinchi, barai, jeye:

—Xaniyeya paca tsipaebatsi, Israel nacuatha irũ dapocotsin jopa caxinaeinoyo pocotsin icha pon iche pon tana necui yabara jume cowũntsũ xua bara neitacũpa xua axaibi taexanaewa jiwi. <sup>11</sup> Paca tsipaebatsi, pinmonae patsina Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Daxita carepaya barapomonae Abraham barũ equiyaena, irũ Isaac barũ equiyaena irũ Jacob barũ equiyaena. Daxita carepaya barapo nacuanmonaepiwi barũ nabanaeinchi peitaboco beicha. Abraham, barũ nabanaena barapomonae ichaxoteicha Nacom itorobiya ewateiba jiwi. <sup>12</sup> Ichamonae nanta xeina xua bepa pinae patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonae bebai tsainchi ichawatha waxainya weya ichaxota pequireiwatha. Baraxota barapomonae bichocono wecoyei tsane yawa nantanuweya nantũ jayabina, jei Jesús.

<sup>13</sup> Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonae barapo pentacaponaein pia petanacuichin tatsi bara caena taaxaibi exanatsi.

*Meje yabara poxonae Jesús axaibi exana Pedro pamiyo tatsi*

(Mr 1.29-31; Lc 4.38-39)

<sup>14</sup> Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi. <sup>15</sup> Jesús cobe pita, barapowa cobe pitatsi. Domaes taaichurucuatsi bapowa. Nainya barapowa nanta cotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*

(Mr 1.32-34; Lc 4.40-41)

<sup>16</sup> Poxonae tabopiya tsanaicha, ichamonae pomonae cauri xeina barapomonae Jesús becarendenatsi. Jesús pia jumetha itaweta caurimonae. Barichi Jesús axaibi exana daxita pomonae peatenewi. <sup>17</sup> Poxonae Jesús barapo coyenein exana, bara nayabara jume cui weta exana caena bayatha Isaías peyabara cui tsiwunaeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota wajuntu coyene bojeiwa. Matautano bapon naca wenota waatene coyenewan”, jei Isaías pejume diwesitha.

*Meje yabara poxonae Jesús yabara paeba pomonae ichichipa xua pepuna ponaewatsi*

(Lc 9.57-62)

<sup>18</sup> Poxonae Jesús tane xua pin bicheitomonae nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epatauta iya. <sup>19</sup> Poxonae cataunxuae Jesusbaru jopa torobabiyaeyo xua icha muxunene beya nexa, bapoxonae Jesús imoxoyo caquita uncuatabatsi pon jiji pecuidubin Moisés pia peitorobi coyene. Jesús baraichi:

—Pon jiji Necuidubim, capuna ponaeinchi daxita jupaeyantha xua ichaxotan neponaewa tsane, jei.

<sup>20</sup> Jesús jume nota:

—Namomonae ba pia muthun xeina ichaxota pemaitathopeibiwa. Iru peyapupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. <sup>1</sup> Nama jopa xeinaeinyo bo xua tabo xua xota nafinacaecan, jei Jesús.

<sup>21</sup> Bapoxonae ichan pon iru Jesús pijimonae jiwana bapon Jesustha namchi, jeye:

—Tanecanamataxeinaem, bara nepu copare tha taxa matha muthathu xubichi copiya xua bapoxonae tacapuna ponaewatsi tsainchi, jei.

<sup>22</sup> Jesús jume nota:

—Maisa jame nepuna ponde. Bara copare xua petupaewi bara muthucaeinchi, pomonae be pewerapaewi, jopa be tana nejume cowantsiwixae, barapomonae muthucaena, jei Jesús.

*Meje yabara poxonae Jesús xainya ducuanaya exana joibo yawa maratsacano xainya mene ducuanaya exanano*

(Mr 4.35-41; Lc 8.22-25)

<sup>23</sup> Nexata Jesús jeratha nontabiya. Jesús pijimonae baru pona jeratha. <sup>24</sup> Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua. <sup>25</sup> Bapoxonae Jesús pijimonae yaubaxotsi, jeichichi Jesús:

—¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

<sup>26</sup> Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cowantsim xua bara tana neitacupaewa xua tapaca yawenaewatsi? jei Jesús.

Nexata Jesús asiya uncua. Bapoxonae Jesús itawetaxuba joibo, maratsacano. Daxita caewanaya joibo yawa maratsacano. <sup>27</sup> Bapoxonae barapo pebiwi yabara najuntu coyene cabenaecatucupa xua pocotsiwa Jesús peexanaexae. Barapomonae najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

*Meje yabara poxonae pebinbe ponbe caurimonae pexeinaeinbe, ponbe Gadara nacupinbe*

(Mr 5.1-20; Lc 8.26-39)

<sup>28</sup> Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatabutsibe. Baponbe ibo wountha pophoneibabe. Caena bayatha baponbe xeinabe caurimonae. Barapo caurimonae baponbe anaepana cana exanatsibe daxota daxita jiwi junuwa xua peponaewa barapo namtotha ichaxota baponbe poponabe. <sup>29</sup> Bapoxonae jemeicha caurimonae baponbe wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pewunaeya xua po matacabitha xua poxonae Nacom atene pana exanaena xua abe pata exanaexae? jei baponbe xua caurimonae wawaya exana.

<sup>30</sup> Tsiwiyo tajuyo beya pin marrano duweimonae xayompa. <sup>31</sup> Caurimonae Jesús jeichi: —Icha pana itawetame, moya pana nepu copabare marrano duweimonaetha, jei caurimonae.

<sup>32</sup> Nexata Jesús jume nota caurimonaetha, jeye:

—Moya pataema, jei.

Nexata caurimonae pebinbe wepu ponatsibe, yawa marrano duweimonaetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

<sup>33</sup> Pomonae yapu eena barapo marrano duweimonae, junuwiya cuinaenouta peyabara paebinexa tomarapiwitha. Barapomonae yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe. <sup>34</sup> Bapoxonae daxita tomarapiwi pona ichaxota Jesús eca. Poxonae Jesús tainchi, barapomonae Jesús jeichichi: “Maisa bewa warapaename Gadara nacua weya, po nacua pata nacua weya”, jei daxita barapomonae.

## 9

*Meje yabara poxonae Jesús axaibi exana pon pecuenobinchi*

*(Mr 2.1-12; Lc 5.17-26)*

<sup>1</sup> Nexata Jesús jeratha nontabiya. Jeratha pona icha muxunene beya xua pucua epatawta iya. Jesús pia tomara beya patopa, barapo tomara icha muxunenetha eca. <sup>2</sup> Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonae barapocotsiwatha pecuenobinchi carendenatsi. Poxonae Jesús tane xua barapomonae yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae Jesús barai pecuenobinchi:

—Tajiton, najantu coyene tsacatabare. Cacui yabara junte mainaya juntu puxana exanatsiba jinya abe neexanae cuiru coyenein, jei Jesús.

<sup>3</sup> Bapoxonae pomonae jiwi pecuidubiwi Moisés pia peitorobi coyenewa tatsi, barapomonae daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara junte mainaya juntu puxana exanatsi abe pia peexanae cuiru coyenein tatsi”, najei barapomonae. <sup>4</sup> Daichitha Jesús yaputane xua barapomonae pijuntu coyeneintha natsipaeba. Jesús barai barapomonae, jeye:

—¿Eta xua metha baxua abeya pana neyabara cananta xeiname? <sup>5</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata junte mainatsi’, jan tsane? Ichacuitha ¿metha jan tsane: ‘Nontaponare, yawa bara ponare’, jan tsane? <sup>6</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui junte mainaya juntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

<sup>7</sup> Bapoxonae pon pecuenobinchi caena nainya nontapona barapomonae peitutha tatsi, yawa pita xua pemaituncuaewa. Bapoxonae pia bo be-iy. <sup>8</sup> Poxonae jiwi tane baxua, barapomonae yabara najantu coyene cabenaeca yawa Nacom wuna jaintatsi. Barapomonae nabarai:

—Anoxuae waxainchi tainchi pocotsiwa pewunaewa pocotsiwa jopa yaputaetsi, yawa wuna jaintatsi xua Nacom barapo jitontha pecatsixae pia peayapusu itorobi coyenewa, jei barapomonae.

*Meje yabara poxonae Mateo wabatsi, Jesús waba*

*(Mr 2.13-17; Lc 5.27-32)*

<sup>9</sup> Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewan Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jesustha.

<sup>10</sup> Pirapaeyo Jesús baru ecatsi, Mateo baru eca pia botha pexaethopeiwiwatha xua Jesús pebaru xaenexatsi. Barichi Jesús baru eca pinmonae barapo pexaethopeiwiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanaewi. Daxita barapomonae Jesús baru eca pexaethopeiwiwatha yawa Jesús pijimonae baru ecano penabanaenexa. <sup>11</sup> Ichitha poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

<sup>12</sup> Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene barapomonae jame canantawenona pon jiwi peyawabin. Bara juta coyene ichi barapomonae pomonae nebaru xane. Barapomonae nenantawenona xua tayabara cui jantemainaenexa abe pia peexanae cuiru coyenein tatsi. <sup>13</sup> Panacuidubaponde xua Nacom Pejume Diwesi paeba. Meje xua Nacom namchi, jeye: 'Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa', jei Nacom. Barichinno xan patopan aparta tha jopa tawabinexa tsane pomonae pejuntu coyene xanepanaewi. Aparta jame patopan tha meisa tawabinexa tsane pomonae peajuntu coyenebe jiwi, xua barapomonae icha juntu coyene pexeinaenexa tsane peuraxae xua abe exana, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

(Mr 2.18-22; Lc 5.33-39)

<sup>14</sup> Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Aparta paxan iru fariseomonaeru jopa juniya Nacom payabara nainboteibinyo poxonae Nacom pawaqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

<sup>15</sup> Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamonae pexaewa tsinacae-tuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha, bapoxonae jiwi ba peburuya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon taju pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

<sup>16</sup> Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. <sup>17</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto", jei Jesús.

*Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabuyo iru axaibi exanatsi poxonae Jesús pia paparuwa tajayabatsiru*

(Mr 5.21-43; Lc 8.40-56)

<sup>18</sup> Poxonae cataunxuae Jesús cueicueijeí barapomonaetha, bapoxonae pebin patopa. Bapon judiomonaē pia penacaeuttsi bo pia pecanamataxeinaein tatsi. Bapon pewn Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tupa. Icha xam ponaename yawa necobetha mata jayabi-name, bapoxonae barapowa equeicha asu tsane xua equeicha nacosatsina, jei Jairo.

<sup>19</sup> Jesús bapoxonae nontapona. Jairo puna poinchi. Iru Jesús pijimonaē puna poinchi. <sup>20</sup> Poxonae Jesús iya iru yabuyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabu janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi. <sup>21-22</sup> Baxua exana tsipei bapowa nanta xeina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena juntuabu jana naruntaba.

Nexata Jesús napatomeicha necota, yawa yabuyo tainchi. Jesús namchi bapowatha:

—Yabuyo, najuntemiya xore. Caaxaibi exanatsi jinya tana neyabara jume cowantsixaem xua bara tana neitacupaewa xua tacaaxaibi exanaewatsi, jei Jesús.

<sup>23</sup> Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabuyo bayatha tupa. Barapo pebiwi pomonaē pecapu obiwi pewerapeibiwi. Matautano Jesús tane pomonaē pesiwa namtsebiya wecoyei jiwi. <sup>24</sup> Jesús namchi jiwitha:

—Tutu weya paponde. Yabuyo apara jopa tupaeyo, maituncua apara, jei Jesús.

Poxonae Jesús baxua paeba, jiwi Jesús jume cui caponatsi. <sup>25</sup> Ichitha Jesús itoroba xua barapomonaē tutu wejojoniya pesato beya. Bapoxonae Jesús bo tutu joniya. Jesús cobe pita, yabuyo cobe pitatsi yawano asiya cuaranotatsino penacosatsixae. <sup>26</sup> Xua Jesús yabuyo axaibi exanatsi, barapo diwesi daxita jiwi jume taetaepona pomonaē barapo nacuatha jinompa.

*Meje yabara poxonae Jesús axaibi exana ponbe nantiyabe itata nacutabe*

<sup>27</sup> Poxonae Jesús bara weya pona ichaxota yabuyo caewa asu exanatsi, pebinbe Jesús puna poinchi. Baponbe peitata nacutsinbe. Baponbe wawaya jeibe:

—Xam Jesús, David pia pemomoxi susatopin jiwanam ponxaem Nacom necaitapetsin pana neyabara najuntu coyene xeinarebe xua pata tana neyawenaenexamebe, jeibe baponbe ponbe peitata nacutsinbe.

<sup>28</sup> Poxonae Jesús bomuxu bejoniya, ponbe peitata nacutsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowantamebe xua bara tana neitacupaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowantatsibe, jeibe.

<sup>29</sup> Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowantamebe xua bara tana neitacupaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

<sup>30</sup> Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

<sup>31</sup> Daichitha poxonae Jesús weya ponabe, pejume taewathabe xua Jesús paeba, tsipababe ichamonaetha pomonaē barapo nacuatha jinompa, daxita pocotsiwa xua Jesús cana exana baponbetha.

*Meje yabara poxonae Jesús axaibi exana pon pemuxusipanaein*

<sup>32</sup> Poxonae Jesús bo wejoniya iruru ponbe aitamaiqueixaibi exanatsibe, bapoxonae ichamonaē Jesustha pata. Barapomonaē capona pebin, pon muxusipana, matautano jopa paebiyo, tsipei cauri xeina. <sup>33</sup> Bapoxonae Jesús itaweta cauri xua barapo pebin muxusipana exainchi. Caena nainya bapon cueicueijeí. Nexata pomonaē xua tane xua Jesús exana, barapomonaē yabara najuntu coyene benaeca. Barapomonaē namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonaē.

<sup>34</sup> Ichitha poxonae fariseomonaē jume tane baxua, barapomonaē namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peayapusu itorobi coyene tatsi, jei fariseomonae.

*Meje yabara poxonae Jesús nantanuweya yabara cui nanta xeina jiwu xua peyawenaewa tsane*

<sup>35</sup> Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaetae judiomonae pia penacaeuttsi bontha tatsi. Matautano bapon paeba ducuaetae Nacom pia pexeinya jume diwesi tatsi po diwesi yabara xua Nacom waba jiwu petanaexanaenexatsi piamonae pomonae Nacom juntu coyene itorobiya ewata. Matauta bapon jiwu axaibi exana ducuaetae pomonae xua atene yawa xua cuenecuenona. <sup>36</sup> Poxonae Jesús jiwu tainchi, Jesús yabara nanta xeina barapomonae xua peyawenaewa tsane. Tsipei barapomonae natsepa matautano jopa itacupaetsi xua pia coutha penayawenaewa. Barapomonae bara be juta coyeneya ichi, icha be ovejamonae ichi xua poxonae iratha bobena tsipei natsepa matautano tsipei dapon aibi, pon pe-eenaen ovejamonae xua peyawenaenexa. <sup>37</sup> Nexata Jesús namchi pijimonaetha:

—Bara xainyeya paca tsipaebatsi. Pabitha ba pocotsiwa peabiwan naweta nawita, daichitha ba penacuichiwi pomonae jota pinmonae aibi. Bara juta ichi barapo cae pin nacuathe. Jiwi pinmonae jinompa pomonae nantawenona xua pejume taewa tsane Nacom pia pexeinya jume diwesi tatsi. Daichitha pomonae Nacom Pejume Diwesi cueicueiji tsurubenanaebiya ichamonaetha, barapomonae pinmonae aibi, saya tsiquimonae. <sup>38</sup> Daxota Nacom pawucare xua pecaitorobinexa tsane ichamonae xua petacamuxu tsipaebinexa tsainchi pia pejume diwesi pomonaetha pomonae barapo cae pin nacuathe pejinompaewi, jei Jesús.

## 10

*Meje yabara poxonae Jesús itapetsiya waba pia peitorobiwi tatsi xua doce poyobe (Mr 3.13-19; Lc 6.12-16)*

<sup>1</sup> Nexata Jesús pijimonae waba. Barapomonae jiwana itapetatsi doce poyobe, pomonae baraichi: “Jesús pia peitorobi jiwu tatsi”, jeichichi. Jesús barapomonae cata pia peayapusu itorobi coyenewa xua cauri ichamonae petaitawetsinexatsi pomonae xua cauri xeina. Matautano Jesús cata pia peayapusu itorobi coyenewa xua pijimonae tatsi axaibi peexanaenexa pomonae xua atene, xuano xua cuenecuenona.

<sup>2</sup> Barapomonae pomonae doce poyobe pomonae peitorobiwichi, ichun pewun Simón, pon icha wunno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho tatsi. Baponbe Zebedeo pexantobe tatsi. <sup>3-4</sup> Iru ichun pewun Felipe, iru ichun pewun Bartolomé, iru ichun pewun Tomás, iru ichun pewun Mateo. Barapon Mateo pon paratixi pentoma noteibin po paratixi jiwu bewa catsibina pon romanomonae itorobiya pia pepa peewatsinchi nexa. Iru ichun pewun Santiago, pon Alfeo pexanto tatsi. Iru ichun pewun Tadeo. Iru ichun pewun Simón, pon celotemonaepin. Iru ichun pewun Judas Iscariote, pon Jesús caenaetaxubatsi ichamonaetha xua pehexubinexatsi.

*Meje yabara poxonae Jesús itoroba pijimonae xua barapomonae peyabara cueicueijeinexa jiwitha po coyene xua Nacom waba jiwu xua petanaexanaenexatsi pijimonae tatsi (Mr 6.7-13; Lc 9.1-6)*

<sup>5</sup> Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomonae jopa judiomonae naexanaeyo. Jopa paponaeinde po tomaran ena Samaria nacuathe. <sup>6</sup> Meisa saya paponde pomonae Israel nacuaonaepiwitha. Barapomonae payawende tsipei barapomonae Nacom taju wepu jinompatsi xua pipato jinompa. Icha be pocotsi juta coyeneya ichi oveja, barapo ovejamonae napuxana napuxana poxoru wepu pona taju beya, xua pon pe-eenaen barapo ovejamonae bapon taju wepu poinchi icha xua poxonae napuxana. <sup>7</sup> Poxonae papaeba dubenanaebiyame, papaebare barapomonaetha po coyene xua anoxuae Nacom waba jiwu xua petanaexanaenexatsi piamonae pomonae itorobiya peewatsixae. <sup>8</sup> Matautano Nacom pia peayapusu itorobi coyenewatha po coyenewe meje baxua paexande: Axaibi paexande pomonae peatenewi; equeicha asu paexande pomonae werapeibina; axaibi paexande pomonae xua peperu sawichimonae; matautano caurimonae pata taitawere pomonae caurimonae pexeinaewi. Nacom amanaya paca cata barapo pia peayapusu itorobi coyene, daxota poxonae jiwu payawenama Nacom pia peayapusuwatha, jopa jiwu paratixi pawucaeinde.

<sup>9</sup> “Jopa pacaponaeinde paratixi xua poxonae painya newarapaenexa. <sup>10</sup> Jopa pacaponaeinde cote xua painya nejeyaenexa paparuwan poxonae pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde



ichawan xua painya nenataxu xatabiwan, yawa icha iwaton jopa pacaponaende. Painya xoba paauram xua poxonaе jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

<sup>11</sup> “Poxonaе papanenebiyam pin tomaratha, ichacuiitha tsiqui tomariyotha, pajeire pon jiwi baru cui itura jina xuano xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxonaе barapo tomara weya pawarapaename. <sup>12</sup> Poxonaе бoмъхъthа pajojoniyame, barapo bopiwi pajacobare, pajande: ‘Barabu Nacom juntema jinompa paca cana exanaena’, pajande. <sup>13</sup> Icha baxota jinompa pomonaе pomonaetha jiwi baru cui itura jina, bara baxua Nacom barapomonaе taexanaeinchi pocotsiwa papaebame. Ichitha icha baxota jinompa pomonaе pomonaetha jopa jiwi baru cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenana xua pocotsiwa papaebame. <sup>14</sup> Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitaewatsiyo, nexata bapoxonaе panatsixibare. Namto beya paponde xua бoмъхъ weya xua ichacuiitha icha tomara weya. Po tsorobo painya taxutha dubena pana nataxu wenunubabare barapo tomaratha. Poxonaе baxua paexaname patsita itapeinya xeinaename, apara xua barapomonaе abe exana painya xainya berena xua poxonaе barapomonaе paca jume itaweta. <sup>15</sup> Bara xainyeya paca tsipaebatsi matacabi patopaena, po matacabitha Nacom yabara paebina jiwi petsita natsicuentsixaetsi xua abe petsita exanaexaetsi. Barapo matacabitha jopa juniya bichocono atene tsane pomonaе paca jume itaweta. Caena bayatha Sodoma tomarapiwi iru Gomorra tomarapiwi bichocono abe exana. Daxota Nacom atene exanaena barapo tomaramonaеbe. Bara bequein Sodoma tomarapiwi atene matauta iru Gomorra tomarapiwi bequein atene tsipei bichocono abe exana barapomonaе. Ichitha nama pomonaе barapo tomaratha jinompa, pomonaе paca jume itaweta, jopa juniya peraxa jubebi tsainchi, beyacaincha poxonaе Sodoma tomarapiwi yawa Gomorra tomarapiwi peraxa jubebatsi”, jei Jesus.

*Meje yabara poxonaе Jesus yabara paeba xua ichamonaе abe exanaena Jesus pijimonaetha tatsi*

<sup>16</sup> Equeicha Jesus jeye: “Paponde ichaxota paca itorobatsi. Paca caitorobatsi pia xainya beya pomonaе jopa pejume cowantsiwi, pomonaе itacupatsi xua abe painya nepaca exanaewa, icha ovejan ichi xua poxonaе pona ichaxota neuthu jinompa xua itacupatsi xua abe peexanaewatsi. Paxam pananthuthu cui wunaetsiya tsaquiya jinompare, tsipei ichamonaе beya paca pepeichipa. Baxua bara paichinde icha jomo ichi xua peita coxonaein poxonaе waxouto cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua juntema yapoponeca. <sup>17</sup> Paxam dota pam, dota pomonaе peajuntucoyenebe jiwi. Barapomonaе paca teicaena pepaca caponaenexa tsane pomonaetha pomonaе tomaran pentacaponaewi. Bapoxonaе barapomonaе paca cuainchina judiomonaе pia penacaetutsi bontha tatsi. <sup>18</sup> Matauta barapomonaе paca caponaena pomonaе peyanacua ewatsi jiwi peitabaratha tatsi. Matauta paca caponaena pomonaе jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo pentacaponaewi peitabaratha tatsi paca itacupaena xua pata neyabara paebiwana pocotsiwa bayatha tapacata exanaewatsi paxam. Matautano paca itacupaena xua pata neyabara paebiwana pomonaе jopa judiomonaе naexanaeyo peitabaratha tatsi. <sup>19</sup> Ichitha poxonaе paca caponaena pentacaponaewi beya, jopa payabara najuntu coyene exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina po jume xua painya nacaunutsiwam tsane. <sup>20</sup> Tsipei beta jopa papaebimchিপae painya coutha, ichitha Nacom pia Pejumoপে তনখ্ৰ্ণ tatsi paca tsimumu cueicueijeji tsane. Bapon paca catsina po jumetha xua patsipaebiname.

<sup>21</sup> “Jiwi caenaetsina barompaya peweicho jiwi ichamonaetha xua ichamonaе pejutebinexa tsane. Iru coxiyeiwi ichamonaetha caenaetsina pia pexui xua ichamonaе pejutebinexa tsane. Iru pexui paxeiwi caenaetsina ichamonaetha xua ichamonaе pejutebinexa tsainchi. <sup>22</sup> Daxita nacuanpiwi paca casebina painya tana nejume cowantsixaemxae. Ichitha icha awiya paantuyarusuya nejume cowantsiya jinompaename xua beya payacuiya werapaeya othopaename, poxonaе bequein abe pacata exana ichamonaе Nacom napaeba paca cana exanaena. <sup>23</sup> Icha cae tomarapiwi paca abe exanaena, parucupare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abu poxonaе cataunxuae jopa panacui wetsim tsane xua paponame daxita israelmonaе pia nacua tomarantha tatsi, xua papaeba dubenanaebiyame Nacom Pejume Diwesi.

<sup>24</sup> “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaen. Mataata pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi. <sup>25</sup> Pon ba penacuidubin bewa nanta xeinae, bewa najei: ‘Maisa ichamonae inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maisa ichamonae inta abe exanatsi pon tancanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxonae baxua nayabara nanta xeinabe, bara pocotsi coyeneya paca cana ichiya exana jiwi icha poxonae neyabara ichiya namchi. Tsipei jiwi abe neyabara paeba xua jeye: ‘Maisa bapon Beelzebú tsecae pon caurimonae pia pentacaponaein tatsi’, jei. Mataata paca yabara jei tsane: ‘Maisa barapomonae Beelzebú pijimonae tatsi po Beelzebú caurimonae pia pentacaponaein tatsi’, paca yabara jei tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina (Lc 12.2-7)*

<sup>26</sup> Equeicha Jesús jeye: “Jopa jiwi pacunuwinde xua tapana neyabara paebiwam. Tsipei daxita diwesin, xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>27</sup> Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonae mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande. <sup>28</sup> Tamonae pam, paca tsipaebatsi, jopa pacunuwinde pomonae itacupatsi xua paca jutebina xua saya meisa painya pepontha. Ichitha barapomonae jopa itacupaetsi xua equeicha paca jumopein tñaxa jutebina. Jame paca tsipaebatsi pon jame bewa pajume cuitaya cunuwinde bapon apara jame Nacom. Tsipei barapon Nacom itacupatsi xua paca bebai pin isototha po pin isototha jopa bapana itacounaiyo xua weraweraca painya nepaca exanaenexa painya pepon yawa painya nejumope tñaxan.

<sup>29</sup> “Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonae barapo sitobe jiwana iratha yajopeica xua yatapa. <sup>30</sup> Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexeiaewa. <sup>31</sup> Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonae peitabaratha tatsi (Lc 12.8-9)*

<sup>32</sup> Equeicha Jesús namchi: “Yabara paca tsipaebatsi pomonae xua nayopita ichamonaetha pomonae xua najei: ‘Apara paxan Jesús pijimonae tatsi pan’, najei. Barichan xuya jan tsane Nacomtha: ‘Barapomonae apara tana nejume cowantsiwi’, jan tsane xuya barapo Nacom peitabaratha pon Taxa, pon peitabocotha peecaexae. <sup>33</sup> Ichitha pomonae xua neyabara jei ichamonaetha: ‘Jopa bapon yaitaeinyo’, jei, xan xuya barapomonae yabara jan tsane: ‘Apara barapomonae jopa yaitaeinyo’, jan tsane xuya Taxa beicha, pon peitabocotha peecaexae”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixaetsiru (Lc 12.51-53; 14.26-27)*

<sup>34</sup> Equeicha Jesús namchi: “Jopa pananta xeinaeinde xua patopeican saya meisa xua jiwi jantema jinompa tacana exanaewa tsane. Jopa baxua tsipatopeainyo. Apara jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomonae jopa nejume cowantsiyo ita aenae-aenei pomonaetha pomonae tana nejume cowantsiwi. <sup>35</sup> Coxian pexanto ita aenae-aenei tsainchi. Iru coxiwa pexantiyo ita aenae-aenei tsainchi. Iru ru ichowayo pecopeinyo ita aenae-aenei tsainchi. <sup>36</sup> Daxota pebin barompaya piamonae penaitafaetabi jiwi nacana exanatsi.

<sup>37</sup> “Pon antobe paxa yawa pena beyacaincha xua neantobe bapon jopa naexanae tsane pon tajiwiwimonae jiwanaepin. Pon antobe pexanto beyacaincha xua neantobe, bapon jopa naexanae tsane pon tajiwiwimonae jiwanaepin. Yawa pon antobe pexantiyo beyacaincha xua neantobe bapon jopa naexanae tsane pon tajiwiwimonae jiwanaepin. <sup>38</sup> Mataatano pon jopa awiya exana ducuanabiyaeyo pocotsiwa itoroban, tsipei jopa be peraxa exanaetsi icha be xua poxonae neichi nexata bapon jopa tajiwiwionaepinyo. <sup>39</sup> Pon naantobeya nata exana pocotsiwa bapon ichichipa bapon jopa xeinaeyo peajantuyarusawa, po peajantuyarusawa

ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan taneantobexae bapon xeinaena peajuntuyarusuwa, po peajuntuyarusuwa ataya tsiteca xua Nacom pia nacua beicha”, jei Jesús.

*Meje yabara poxonae Jesús yabara paeba xua pocotsiwan peyabara cui matomatsiwa (Mr 9.41)*

<sup>40</sup> Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa papaebiname, barapara bapon yawa neweyataneru. Barapon pon xua neweyatane, barapara matautano weyataenaru xua weyatainchi pon xua tana neitorobixae, bapon Nacom. <sup>41</sup> Pon cueicueijeji Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta iru pon xua pejuntu coyene xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntu coyene xeicaein. <sup>42</sup> Pon xua apatsina tajiwimonae jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwimonae jiwana pin yawenatsi”, jei Jesús.

## 11

*Meje yabara poxonae Juan pon jiwi Pebautisabin itoroba pijimonae Jesús beya, peyainyabinexa tsainchi Jesús (Lc 7.18-35)*

<sup>1</sup> Jesús najume weta xua pijimonae muxuwetsiya cuiduba, po jiwimonae tatsi xua doce pooyobe tatsi. Bapoxonae Jesús bara weya natsixitaba xua tomarantha peponaenexa po tomaran ena barapo nacua xua jiwitha pecuidubinexa Nacom pia pexeinya jume diwesi tatsi.

<sup>2</sup> Juan pon jiwi Pebautisabin, bapon jiwi pecubi botha etatsi. Poxonae cataunxuae jiwi pecubi botha eca, bapon jume tane xua juinya Cristo exana. Bapoxonae Juan itorobabe Jesús beya ponbe pia pepuna jinompaewichi jiwanae tatsibe xua petayainyabinexatsibe Jesús beya. <sup>3</sup> Barapomonae Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesias? ¿Ichacuitha metha bara ichun pawanae ewatan jampa? jei baraponbe xua Juan najume caruta.

<sup>4</sup> Jesús jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno. <sup>5</sup> Matautano patsipaebarebe xua pomonae peitana nacatsi jiwi equeicha tane, matauta xua pomonae pejayujayujeiwi beta pona equeicha, matautano xua pomonae peperu sawichimonae equeicha peru wanae, matauta pomonae xua pemuxusipanaewi equeicha muxu nasaba, matauta pomonae xua pewerapaewi equeicha asu tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume. <sup>6</sup> Patsipaebarebe Juan xua xan janje: ‘Juntu coyene weiweinaena pon jopa ainya unthunyo, pon xaniwaicha neyabara jume cowanta’, xua jan”, jei Jesús.

<sup>7</sup> Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: “Ira xuepana susato tsurucuae nacua paponame. Poxonae bara beya poponame, zeta xua painyatsi, painya jume taetsi pebin pon ainya unthuto cui xeina icha be naepanaewa ichi xua saya joibo ba jubabiya caya tsabi? Jume apara. <sup>8</sup> Bara paichim. Paponame zepaina nejumetaenexa pebin pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwaetsi. <sup>9</sup> Jume. Jopa baxua patsiponaem xua jopa painya jume taenexa pebin pon ainya unthuto cui xeina, matautano xua jopa painya jume taenexa pebin pon peitupanae paparuwa nama xatata. Apara jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin. <sup>10</sup> Juan bapon apara, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wanaetsina jiwi xua daxita jiwi najuntu cui wanaetsina xam nexa, xua

neccantenta weyataeya wabinexa poxonae patopaename', nejei Nacom Pejume Diwesitha.

<sup>11</sup> Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonae jopa ainya cui jiwi.

<sup>12</sup> "Juan pon jiwi Pebautisabin, poxonae bapon tamropata pitaba xua cueicueijeji Nacom Pejume Diwesi xua beya anoxuae pin bicheitomonae nejume cowanta pia penaexanaexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein ichamonae ayapube taexana barapomonaetha. <sup>13</sup> Daxita po petinae diwesin Nacom peitorobi jume pepaebiwi tina iru Moisés pia peitorobi coyenewa tatsi barapo naxobe peitorobi coyenewathabe yabara tsiwanae muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom juntu coyene itorobiya canamataxeinaena jiwi. Matapainya Juan patopa. Bapoxonae iru Nacom tamropata pitaba xua exana pocotsiwa bayatha yabara tsiwanae muxu duta. <sup>14</sup> Icha paxam xaniwaicha paichichipame xua payabara jume cowantame xua pocotsiwa barapomonae bayatha yabara paeba, bapoxonae bara panejume cowantsiname xua paeban, xua jan: 'Apara Juan bapon Elías pon caena bayatha tupa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena', jan. <sup>15</sup> Icha pamuxu dubename moya pana nejume naitaeware pocotsiwa tapaca tsipaebiwiatsi.

<sup>16</sup> "¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? Barapomonae be pexui, pocotsixi panatha nabaru jinompa. Nabaru wawai tsurubenanaebiya. <sup>17</sup> Barapoxi nabarai, jeye: 'Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyechiba icha be ichi poxonae ichan tatupatsi ichitha jopa pana itanuwe jume notsim xua painya newecoyeinexaru', jei barapoxi. <sup>18</sup> Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: 'Apara Juan xeina cauri', pajam. <sup>19</sup> Bapoxonae xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: 'Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi, iru pomonae paratixi pentoma noteibiwi, barapomonae pia jiton tatsi', pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi", jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi (Lc 10.13-15)*

<sup>20</sup> Nexata Jesús tamropata pitaba xua biatane ainya tomaranpiwi, ichaxota bayatha copyia matha matowa exana pia petsita itatsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peauraxae xua abe exana. <sup>21</sup> Daxota barapo tomaranpiwi beya, jeye: "¡Pai jaibo, Corazín tomarapiwi tsobenae! ¡iru Betsaida tomarapiwi tsobenae! Po tsita itatsi coyenewan exanan Corazín tomaratha iru Betsaida tomarathano, ichu jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha juntu coyenein Nacom petsita xeinaewatsi peauraxae abe peexanaexae bapontha. <sup>22</sup> Paxam pomonae Corazín tomarapiwi pam iru Betsaida tomarapiwi pam, bara xaniyeya paca tsipaebatsi. Poxonae barapo matacabi patopecicaena po mataqueitha Nacom yabara paebina daxita jiwi petsita natsicuentaetsi abe petsita exanaetsi, Tiro tomarapiwi iru Sidón tomarapiwi daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. <sup>23</sup> ¡Incane iru Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itatsi coyenewan painya tomaratha exanan icha bayatha barapo petsita itatsi coyenewan exanaetsipa

Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonaе metha bayatha xeinaetsipa icha juntu coyene xua peuraxae xua abe exana Nacomtha. Metha bapoxonae Nacom jopa jutebichipae barapo tomarapiwi. <sup>24</sup> Ichitha paca tsipaebatsi paxam Capernaum tomarapiwi pam, matacabi patopecaeana po mataqueitha Nacom yabara paebina daxita jiwi petsita natsicouentsixaetsi abe petsita exanaexaetsi. Barapo mataqueitha bichocono paca peraxa jubebina, beyacaincha xua Sodoma tomarapiwi peraxa jubebinchi bichocono”, jei Jesús.

*Meje yabara poxonae Jesús waba jiwi: “Anetha xan berena tapaca yawenaewa tsainchi”, jei*

*(Lc 10.21-22)*

<sup>25</sup> Bara caena bapoxonae Jesús juntu coyene weiweina exanatsi Nacom pia Pejumope tunaxu tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wunaе cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonaе bichocono penacuidubiwi pomonaе be pinyon penatsicotaewi tsipei nanta xeina xua bichocono peyaputaewi daxita. Jame tsita itutame barapo pexainyei coyenewa xua xan yabara pomonaetha pomonaе jopa bichocono penacuidubiwi, pomonaе be pexui penatsicotaewi tsipei jopa nanta xeinaeyo xua bichocono peyaputae jiwi daxita. <sup>26</sup> Axa, baxua exaname necatsita xanepanaexae baxua”, jei Jesús Paxatha.

<sup>27</sup> Equeicha Jesús namchi pijimonaetha, jeye: “Taxa daxita necata xua pia peitorobi coyenewa tatsi, matautano xua pia peyaputae coyenewa tatsi. Dapon aibi pon xaniwaicha nejuntu cui coyene yaputane. Jame saya meisa Taxa Nacom, nejuntu cui coyene yaputane. Dapon aibi pon Taxa juntu cui coyene yaputainchi. Saya jame meisa Taxaxae juntu cui coyene yaputan. Matautano barichi Taxa meisa juntu coyene yaputainchi pon saya bara copatan xua bara Taxa pejuntu cui coyene yaputaewa tsainchi. <sup>28</sup> Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca juntu coyene natsepa exana painya abe neexanae cuiru coyene baxua paca juntu cui coyene canapuxanaeya yabara junteinaeinchi xua painya nenaffinacaewatsinexa. Equeicha pena juntu coyene paca cana exanaeinchi, xua painya nejuntu coyene weiweinaeya jinompaewa tsane. <sup>29</sup> Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamonaе. Baxuan paexande tsipei xan jopa bapana juntu cui coyene anaepanaeya tacuidubin jiwi. Matauta bapana jopa tajuntu cui coyene atsacaein. Matautano jopa pajuntu coyene deidei-jeya jinompaem tsane. Saya jame xanepanaeya painompaename tsipei paexanaename tacuidubi cui coyenein. <sup>30</sup> Barapo tacuidubi cui coyenewan jopa ayapubeyo painya juntu cui coyenetha. Bara paca itacupa xua painya neexanaewa tsane barapo tacuidubi cui coyenewan”, jei Jesús.

## 12

*Meje yabara poxonae Jesús pijimonaе tatsi yaboto nota trigo xu judiromonaе barompaya pia pentaquei seicaе mataqueitha tatsi*

*(Mr 2.23-28; Lc 6.1-5)*

<sup>1</sup> Caentacabi poxonae judiromonaе barompaya pia pentaquei seicaе matakabitha tatsi barapo mataqueitha Jesús iru pijimonaе tatsino pabi iyiya. Jesús pijimonaе tatsi jainpa. Barapomonaе tamropata notarucupa xua yaboto xunumenapona trigo xu, bapoxonae pecobetha xu mata pepeta yawa xu xane. <sup>2</sup> Poxonae fariseomonaе cui tane xua Jesús pijimonaе tatsi exana, bapoxonae barapomonaе Jesús tsipaebatsi, jeye:

—Jamaisa jinya jiwimonaе nacuita barapo matakabithe poxonae yaboto nota trigo xu. Apara jiwi jopa yabara copatichi xua penacuchiwa po mataqueithe xua judiromonaе barompaya pia pentaquei seicaе matakabi tatsi, jei fariseomonaе. <sup>3</sup> Jesús jume nota, jeye:

—Barapo tajiwimonaе jopa apara abe exanaeyo. Jopa payabara yorobim pocotsiwa bayatha David exana poxonae jainpa, poxonae iru pijimonaе tajainpatsiru. Bapon David, pon caena bayatha israelmonae itorobiya pia pepa Peewatsinchi. <sup>4</sup> Bapon David iru pijimonaе tatsi barapomonaе Nacom pin pia botha tatsi jojoniya. David xane pan, po pan ichamonaе cana exana xua Nacomtha pecatsiwatsi. Iru barapo pan David pijimonaе cata xua pexaenexaru. Barapomonaе xane bequein bara Nacom pia peitorobi coyenewatha copata xua saya meisa sacerdotemonaе itacupatsi xua pexaewa tsane barapo pan. <sup>5</sup> Matautano bequein payabara yorobame Moisés pia peitorobi coyenewatha ichaxota jei: ‘Sacerdotemonaepiwi nacuita judiromonaе barompaya pia pentaquei seicaе matakabitha tatsi poxonae Nacom pin pia botha tatsi duwei tauta xua petuxusi exanaenexa Nacom nexa’, jei. Apara barapo coyene jopa peabe coyenewiyo. Jiwi bara copata. Jopa cui matawentsiyo

bequein bara barapo judiomonaē barompaya pia pentaquei seicaē matabitha tatsi exana taetha. <sup>6</sup> Ichitha paca tsipaebatsi xua nama taayapusu itorobi coyenewa ainya cui beyacaincha Moisés pia peitorobi coyenewan tatsi, xuanō beyacaincha barapo coyene po coyene poxonaē Nacom pin pia botha exana. <sup>7</sup> Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xainaē nthito xua ichamonaē painya neyawenaewa tsane. Baxua jame bichocono ichichipan beyacaincha xua duwei petautsiwa xua petuxusi exanaewa xan nexa’, jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxonaē barapo tamonaē jopa abe payabara paebimchipae pomonaē bequein bara jopa abe exanaeyo. <sup>8</sup> Xan ponxaein Nacom Tananeitapetsixae taitorobi coyene xainan xua jiwi tacoya taitorobiwa pentaquei seicaē matabitha, jei Jesús, fariseomonaetha.

*Meje yabara poxonaē Jesús cobe wunaē exana pon pecobe mabinchi*  
(Mr 3.1-6; Lc 6.6-11)

<sup>9</sup> Poxonaē Jesús najume weta xua fariseomonaē tsipaebatsi, bapoxonaē Jesús bara weya natsixitabiya ponataba trigo pabi weya. Bapoxonaē pona judiomonaē pia penacaetutsi bo tatsi beya, bapoxonaeno joniya barapo botha. <sup>10</sup> Barapo botha pebin eca pon pecobe mabinchi. Baxotarū fariseomonaē ena. Barapo fariseomonaē ichipa piraichi Jesús yainyabatsi xua icha Jesús jume notsina icha jumetha xua bapoxonaē Jesús pecui yabara paebinexatsi jiwitha xua Jesús abe exana. Barapo fariseomonaē Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicaē mataqueitha jampa? jei.

<sup>11</sup> Jesús jume nota, jeye:

—¿Jintam metha pon paxam jiwana, pon xeina cae oveja, xua poxonaē jopa jutsipae icha barapo oveja mathatha tajoparecatsi? Aparā bara awiya jutsipa pia ovejaxae bara bequein pentaquei seicaē matabitha taetha. <sup>12</sup> Nama apara bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanaē coyene exaneibina, bara bequein xua poxonaē pentaquei seicaē matabintha taetha, jei Jesús fariseomonaetha.

<sup>13</sup> Nexata Jesús barai pontha pon pecobe mabinchi jeye:

—Nacobe doire, jei.

Poxonaē bapon nacobe doita, bapoxonaē nainya cobe wunaē tsanaya icha icha cobe ichi. <sup>14</sup> Bapoxonaē fariseomonaē Jesús weya ponaracupa xua Jesús pecui yabara paebinexatsi xua po cui coyenewatha Jesús pebexubiwa tsainchi.

*Meje yabara xua Jesús peyabara tsiwunaē cui paebiwatsi*

<sup>15</sup> Poxonaē Jesús yaputane xua yabara cui paebatsi xua abe exana matautano xua behubapaebatsi, bapoxonaē Jesús bara weya ponataba. Matautano Jesús pinmonaeno puna poinchi. Jesús axaibi exana ducuaēbiya daxita pomonaē peatenewi. <sup>16</sup> Matauta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús. <sup>17</sup> Jesús itoroba pomonaē xua axaibi peexanaexae xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaiās pejume diwesitha bayatha yabara tsiwunaeya tina Nacom nexa pon Nacom peitorobi jume pepaebin. Nacom jeye, Jesús yabara:

<sup>18</sup> “Bapon apara pon inta nacuita, pon itapetan, pon bichocono antobein yawa xua nejantu coyene weiweina exana pon.

Taitorobicaein tajumope tanaxu xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonaē jopa judiomonaē naexanaeyo.

Barapon barapo pexeinya jume diwesi caponaena, xua pejume cowantsinexa tsane pomonaē poxonaē jume taibina barapo pexeinya jume diwesi xua bapoxonaē barapomonaē tayabara junteinaenexa abe pia peexanaē cuiru coyenein tatsi.

<sup>19</sup> Matauta bapon jopa jume matsontsonobeibi tsane. Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitawatsinexa tsaibi tsainchi.

<sup>20</sup> Pomonaē jopa peajuntacoyenesuwi xua tana nejume

cowantsiwa, bapon jopa bebai tsaibi tsane.  
 Barapomonae capanenebiya tsainchi.  
 Matautano pijimonae tatsi poxonae juntu  
 coyene faefaenena, jopa anaya jutebi tsane.  
 Bara bapon yawenaena barapomonae.  
 Bapon baxua exanaena xua pijimonae  
 yayawenaponaena beya tsane xua cui  
 amanayabina pia peaitafaetabi jiwichi.

<sup>21</sup> Matauta daxita nacuanpiwi jiwanaomonae  
 pomonae jopa judiomonae naexanaeyo barapomonae  
 bapon wunaewatatsi xua bara bapon  
 barapomonae pecapanenebiwa tsainchi Nacom  
 beicha”, jei Nacom Jesús yabara Isaías pejume  
 diwesitha.

*Meje yabara poxonae Jesús baraichi xua pinae xeina Beelzebú pia peayapusu itorobi  
 coyenewa tatsi*

(Mr 3.20-30; Lc 11.14-23; 12.10)

<sup>22</sup> Bapoxonae jiwi Jesús tacapatatsi pebin pon muxusipana exainchi cauri, matautano  
 xua itata nacuta exainchino. Bapon Jesús axaibi exana. Bapoxonae pebin muxu nasaba,  
 beta necota, matautano paebano. <sup>23</sup> Daxita pomonae cui tane baxua, pocotsiwa Jesús  
 exana, daxita barapomonae yabara najuntu coyene benaecaeya najei: “Jina, ¿bapon  
 apara David pia pemomoxi susato jiwi jiwanaopin tatsi jampa, pon Nacom yabara wuna  
 tsiwunaeya paeba xua pinae patopeicaena jampa?” jei.

<sup>24</sup> Poxonae baxua fariseomonae jume tane, jeye: “Bapon caurimonae itawetatsi apara  
 pexeinaexae Beelzebú pia peayapusu itorobi coyenewa tatsi pon caurimonae pia pe  
 ntacaponaein tatsi”, jei fariseomonae.

<sup>25</sup> Jesús yaputane xua fariseomonae nanta xeina poxonae natsipaeba baxua, daxota  
 jei fariseomonaetha: “Icha cae nacupapiwi nawepu tsatabe matauta nababe, bapoxonae  
 jopa xaexaenaecaeyo. Matauta irugu icha cae tomarapiwi nababe, bapoxonae jopa xapain  
 jinompaeyo barapo tomarapiwi. Matauta irugu icha cae bo matabxuyomonaebe nababe,  
 yawa nawepu tsatajopabe bapoxonae jopa xaexaenaecaeyo. <sup>26</sup> Barichi icha Satanás  
 pijimonae tatsi nawepu tsatajopabe, matautano nababe, bapoxonae jopa xaexaenaecaeyo.  
 Satanás jopa itacupatsi xua itoroba pijimonae, tsipei amsiya exana. <sup>27</sup> Paxam pana  
 neyabara jam: ‘Apara bapon itaweta cauri tsipei bapon xeina Beelzebú pia peaya-  
 pusu itorobi coyenewa tatsi, pon Beelzebú caurimonae pia pentacaponaein tatsi’, pana  
 neyabara jam. Icha baxua bara xainyei, ¿nexata eta po peayapusu itorobi coyeneya tatsi  
 painyamonae itaweta cauri? ¿Iruu barapomonae itaweta cauri Beelzebú pia peaya-  
 pusu itorobi coyenewatha tatsi? Daxota painyamonae paca yaputane xua apara paxam  
 panaerabame. <sup>28</sup> Ichitha nama xan cauri itawetan Nacom pia pejumope tñaxu tatsi pia  
 peayapusu itorobi coyenewatha tatsi, xua barapo pejumope tñaxu tana necatsixae pia  
 peayapusu itorobi coyenewa. Baxua apara paca tsipaebatsi painya neyaputaenexa xua  
 painya xantha patopan ponxaein Nacom Tananeitapetsin.

<sup>29</sup> “Dapon aibi pon itacupatsi xua botha joniya po botha pon bichocono maxu daunwei  
 pia bo tatsi xua daxita penotsiwa tsane pocotsiwa bapon xeina pon maxu daunwei,  
 icha jopa copiya matha maxu catanotsiyo. Barapocotsi juta coyeneya ichin. Xan cui  
 amanayaban Satanás daxota neitacupa xua torotsiya itawetan bapon pijimonae tatsi  
 pomonae caurimonae.

<sup>30</sup> “Pomonae jopa neyawenaeyo, barapomonae apara inta abe exana. Barapomonae  
 exana xua ichamonae jopa tana nejume cowantsiwa tsane. Barapomonae jopa yawenaeyo  
 xua ichamonae nenacaetutsina tajiwiwonaexae tsane.

<sup>31</sup> “Daxota paca tsipaebatsi xua pocotsiwa jiwi abe peexanae cuiru coyenein exana  
 matautano pocotsiwa xua jiwi abe paeba, barapo coyene Nacom itacupatsi xua yabara  
 junteinaena daxita barapo coyenein. Pon abe yabara paeba Nacom pia Pejumope  
 tñaxu tatsi Nacom bapana jopa yabara junteinae tsane xua bapon paeba. <sup>32</sup> Matautano  
 xan ponxaein Nacom Tananeitapetsin pon abe neyabara paeba Nacom itacupatsi xua  
 bapon peyabara junteinaewatsi pocotsiwa bapon abe neyabara paeba. Ichitha pon  
 nama bichocono abe yabara paeba Nacom pia Pejumope tñaxu tatsi, Nacom jopa bapana  
 yabara junteinae tsane bapon, anoxuae matautano xua bexa tsane”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae  
 (Lc 6.43-45)*

<sup>33</sup> Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae. <sup>34</sup> ¡Paxam pomonae bichocono abe peexanaewi pam! Icha jomomonae ichi xua abe exana jiwitha bara paichim, abe paexaname jiwitha. Paxam jopa paca itacupaeyo xua xanepanaeya painya nepaebiwa, tsipei pocotsiwa painya coibototha papaebame barapara barapara painya juntu coyenetha pacayabara nanta xeiname. <sup>35</sup> Pon ba pejuntu coyene xanepanaein bapon ba xua xanepanae paeba, tsipei ba pejuntu coyene xicaein. Pon ba peajuntucoyenebein bapon ba xua abe paeba tsipei ba peajuntucoyenebein. <sup>36</sup> Ichitha paca tsipaebatsi xua matabi patopeicaena po mataqueitha Nacom yabara paebina daxita jiwi penatsicuentisiwa abe peexanaexae bapontha. Barapo matabi daxita jiwi bewa atene tsane pepaebixae po jumein jopa xanepanaeyo. <sup>37</sup> Poxonae Nacom yabara paebina daxita jiwi penatsicuentisiwa abe peexanaexae bapontha, Nacom tsanaya tsabina pia pepaebixae jumeintha tsane. Pomonae paxam xanepanaeya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara jei tsane. Paxam pomonae bayatha abe papaebame poxonae cataunxuae pajinompame po irathe Nacom xuya paca yabara jei tsane: ‘Maisa barapomonae abe pepaebiwi’, paca yabara jei tsane”, jei Jesús.

*Meje yabara poxonae pomonae peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa*  
(Mr 8.12; Lc 11.29-32)

<sup>38</sup> Nexata fariseomonae jiwanamonae iraru pomonae jiwi pecuidubiwi Moisés pia peitorobi coyene tatsi jiwanamonae, daxita barapomonae Jesús cui itorobatsi, jeichichi:

—Pon jiwi Pecuidubim, paichichipan xua pata taewa tsane xua tapana netsita itatsiwam tsane cae jinya pexeinya netsita itatsi coyenewa pocotsiwa Nacom cacatsina pia peayapusu itorobi coyenewatha. Bapoxonae paca jume cowantsinchi, jei.

<sup>39</sup> Daxita barapomonaetha Jesús barai, jeye:

—Pomonae peajuntucoyenebe jiwi iraru pomonae jopa tana nejume cowantsi jiwi barapomonae necui itoroba xua taexanaewa cae coyenewa tapexeinya tsita itutsi coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. <sup>40</sup> Nacom Jonás itorobatsi Ninive tomarapiwi beya petsipaebinexa Nacom Pejume Diwesi barapomonaetha. Jonás jopa baxua peexanaexae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acoibi po matabiyo, matautano acoibi po merawiyobe, beya poxonae equeicha yacabaxotsi xua asu popona. Barichi tsane xan ponxaein Nacom Tananeitapetsin tupaen. Bapoxonae muthutha nebotsina acoibi po matabiyo nexa tsane, matautano acoibi po merawiyobe nexa tsane, beya poxonae equeicha Nacom asu juina neexanaena. <sup>41</sup> Matabi patopeicaena po matabiyo Nacom yabara paebina daxita jiwi peperaxa exanaexatsi penatsicuentisixae abe peexanaexae. Barapo mataqueitha Ninive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Baxua exanaena tsipei barapo Ninive tomarapiwi icha juntu coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxecinchi ainya cui coyenewa beyacaincha Jonás po cui coyene exana poxonae Nacom Pejume Diwesi capona Ninive tomarapiwitha. <sup>42</sup> Matauta barapo matabiyo tsane petsiriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueije tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi, tsipei ajuntucoyenefaetabiya jume tane pocotsiwa Mesías cuiduba bequein Mesías bichocono peyaputaen’, jei tsane barapowa. Barapowa baxua paebina tsipei bapowa bayatha taju werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaen Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaein pocotsiwa pepa peainya



cui coyenewa xua tacuidubin Nacom yabara daxita jiwitha. Barapocotsi coyenewa tox-einchiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

*Meje yabara poxonae Jesús yabara paeba cauri xua caewa nauyata pebintha*  
(Lc 11.24-26)

<sup>43-44</sup> Equeicha Jesús jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxonae caibeya pona cauri caxina, pebin caxinatsi xua xanepanaeya popona. <sup>45</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe beyacaincha bapon pon copiya. Daxita barapo caurimonae pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane caurimonae abe cana exanaena pomonaetha pomonae anoxuae jinompa, pomonaetha pomonae peajuntacoyenebe jiwi, icha barapo caurimonae ichi poxonae pebin abe cana exainchi”, jei Jesús.

*Meje yabara xua Jesús pena tatsi iruru peyapin jiwi tatsino*  
(Mr 3.31-35; Lc 8.19-21)

<sup>46</sup> Jesús cataunxuae cueicueijejei tsuncuae poxonae beya iruru pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús baru cueicueijeichi canta pin bicheito. <sup>47</sup> Ichun Jesús baraichi, jeye:

—Ena, iruru neyapin jiwino pesato beya umena. Bepara bequein cataei, necatsipae-binexa tsane, jei bapon.

<sup>48</sup> Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonae pia pepuna jinompaewichi.

<sup>49</sup> Nexata Jesús pijimonae cowai yawa jei jiwitha:

—Pomonae xua cowan apara barapomonae be taena tsicotan matautano iruru be tayapin jiwi tsicotanno. <sup>50</sup> Pomonae xua exana pocotsiwa Taxa Nacom itoroba, pon peitabocotha peecaeinxae, barapomonae be tayapin jiwi tsicotan, matautano iruru be tayapixi tsicotanno, matautano iruru be taena tsicotanno, jei Jesús.

## 13

*Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara*

(Mr 4.1-9; Lc 8.4-8)

<sup>1</sup> Barapo mataqueitha caena Jesús bo weya pona, bapoxonae pucua itapatha ecopa. <sup>2</sup> Tsipei pin bicheito nacaetuta Jesthata daxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena. <sup>3</sup> Jesús barapo pin bicheito cuiduba pecayabara juta pepaebi diwesintha.

Cae diwesiyotha Jesús namchi, jeye: “Pebin pon peubin pontaba pia ubichi pabitha. <sup>4</sup> Poxonae pon peubin ubauya, icha xu namtotha xu othopeica. Peyapurunaewi yapata yawa xu xane. <sup>5</sup> Icha xu, xu othopeica ibowantha ichaxota ira itafafana. Barapoxonae barapo xu caena nainya xu xuwa tsipei jopa tajú xu xuwarecaeyo. <sup>6</sup> Ichitha poxonae xometo atsa tsina bapoxonae yaboto tsaquiwa yawa tupa tsipei jopa tajú tabu opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wuna. Poxonae barapo xu, xu xuwa, xu nawunaeta. Icha xun, xu nanacoitapona cien po xu matabuxuyobe tsiniya. Icha xun, xu nanacoitapona sesenta po xu matabuxuyobe tsiniya. Icha xun, xu nanacoitapona treinta po xu matabuxuyobe tsiniya. <sup>9</sup> Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara juta pepaebi diwesiyo yabara jane, jei*

(Mr 4.10-12; Lc 8.9-10)

<sup>10</sup> Nexata Jesús pijimonae imoxoyo caquita umenarucupatsi yawa yainyabatsi, jeichichi: —¿Eta xua metha jiwitha paebame pecayabara juta pepaebi diwesin? jei Jesús pijimonae tatsi.

<sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa xua jiwi jopa peyaputaewa apara xua Nacom paca cana exana xua painya nepaca itacpaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae pomonae jopa nejume cowantsiyo jopa daichichi. Nacom jopa copatsiyo xua barapomona peyabara yaputaewa baxua. Daxota barapomonaе cuiduban pecayabara juta pepaebi diwesintha xua Nacom peyabara yaputaenexatsi. <sup>12</sup> Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>13</sup> Daxota jiwitha paeban pecayabara juta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. <sup>14</sup> Barapomonaе baxua exana bayatha petsiwanae cui yabara paebixaetsi, xua bayatha Isaías pon Nacom peitorobi jume pepaebin, petsiwanae cui yabara paebixae pejume diwesitha pocotsiwa barapomonaе poxonae baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaaputaem tsane xua jopa painya tana nejume cowantsinexam tsane. Pana necui taename ichitha xaniwaicha jopa bepayaaputaem tsane xua painya tana necui yabara jume cowantsinexam tsane.

<sup>15</sup> Paxam bichocono paainya unthatom, xua jopa painya tana neyaputaexae jiwim. Matautano jopa xanepanaeya pajume taem tsane, be pomonae penamuxujematsi jiwi pam tsane. Panaichaquetsiname icha be pomonae peitata nacutsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowantsinexa tsane.

Yawano matauta, baxua paexanaename tsipei jopa bepainya tana necui taewam tsane xua jopa painya tana nejume cowantsinexam tsane. Matauta baxua paexanaename tsipei jopa bepainya tana neyaputaewam tsane painya itamaiqueitontha. Matautano jopa painya neauraxae xua abe paexaname daxota jopa paca juntu coyene xanepana exanaetsi’, jei Isaías barapomonaetha xua Mesías nexa”, jei Jesús.

<sup>16</sup> Nexata Jesús pijimonaetha jeye: “Paxam pajuntu coyene weiweiname tsipei poxonae pana necui taneme pocotsiwa exanan bapoxonae pana necui yaputaneme. Matautano pajuntu coyene weiweiname tsipei poxonae pana nejume taneme pocotsiwa paeban bapoxonae pana nejume cowantame. <sup>17</sup> Xaniwaicha paca tsipaebatsi pin bicheitomonae, pomonae Nacom peitorobi jume pepaebiwil, matautano iru pomonae pejuntu coyene xeicae jiwi, pomonae caena bayatha jinompa barapomonaе newunae ewata xua tapatopeicaewa. Daxita barapomonaе bequein bichocono beaena pocotsiwa pana necui taneme, daichitha jopa baxua taeyo. Matautano bequein betaema taena pocotsiwa pana nejume taneme daichitha baxuan jopa nejume taeyo”, jei Jesús.

*Meje yabara poxonae Jesús pijimonaе muxu yaputane exana po diwesi xua pecayabara juta pepaebi diwesiyo pon peubin yabara (Mr 4.13-20; Lc 8.11-15)*

<sup>18</sup> Equeicha Jesús jeye: “Pajume taema xua paca tsipaebatsi pecayabara juta pepaebi diwesiyo xua pon peubin yabara: <sup>19</sup> Pomonae bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomonaе daichitha jopa yaputaeyo barapo coyenewa. Daxota barapomonaе jopa xanepanaya exanaeyo icha be pocotsi juta coyeneya ichi xua pexuton xua po xuton namto othopeica. Bara juta coyeneya cana ichichi pomonae jopa yaputaeyo tacuidubiwa. Caurimonaе pia pentacaponaein

tatsi barapomonaē omeicha bara jũntũ coyene weichichi tacuidubi coyenewa daxota barapomonaē jopa nejume cowũntsiyo. <sup>20-21</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano jũntũ coyene weiweinaya Nacom jume cowũntatsi. Ichitha bara caeto jume cowũnta poxoru barapomonaē antũfaetabiya jume jeba Nacom pejume diwesi pejũntũ coyeneintha. Poxonaē yaitama barapomonaē bichocono peatenexae, mataũtano poxonaē barapomonaē yaitama abe petaeaxanaexaetsi ichamonaē xua pejume cowũntsixae Nacom, bapoxonaē caurimonaē abe exana barapomonaetha xua barapomonaē jũntũ coyene wejũntemaina exanatsi xua Nacom pecayabara jũntemainaewatsi. <sup>22</sup> Po xuton xua xu othopa pesoiwantha, barapo xuton caunuta xua pomonaē Nacom Pejume Diwesi jume tane ichitha saya barompaya pia jũntũ coyenetha jinompa. Mataũtano saya Ʃ copei cayabara nanta xeina. Mataũtano saya exana pocotsiwa jũntũ coyene weiweina cana exainchi. Po coyene pebiwi exana baxuan barapocotsi jũta coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi jũta coyeneya ichi barapo jiwi. Jopa xanepanaya Nacom tsita jinompaetsi. <sup>23</sup> Po xuton xua xu othopeica peira wũnaewatha, bara nacoita. Barapo xuton yabara caunuta pomonaē jume tane Nacom Pejume Diwesi, mataũtano jume cowũntano poxoru jũntũ coyene xanepanaeya jume tane. Mataũtano beta exana dubenanaebiya beya matapainya jiwi cui tane xua barapomonaē bara jũntũ coyene xanepana Nacom peitabaratha tatsi. Bapoxonaē ichamonaē barapomonaē jiwana beta yawena ichamonaetha icha barapo xuto ichi xua cien po xu matabũxũyobe tsiniya tsoponaē. Mataũtano ichamonaē barapomonaē jiwana beta yawena ichamonaetha icha barapo xuto ichi xua sesenta po xu matabũxũyobe tsiniya tsoponaē xua jume cowũnta. Mataũtano ichamonaē barapomonaē jiwana beta yawena ichamonaetha icha barapo xuto ichi xua treinta po xu matabũxũyobe tsiniya tsoponaē”, jei Jesús.

*Meje yabara poxonaē Jesús cuiduba pecayabara jũta pepaebi diwesiyo xua trigo xu yabara xua irũ baxoyo xuwina ayabo xu*

<sup>24</sup> Bapoxonaē Jesús equeicha cuiduba jiwi icha pecayabara jũta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobix-aetsi. Bapon yabara paebina daxita jiwi penatsicuentsixae abe peexanaexae. Barapo coyenewa jũpa, icha be pocotsi coyeneya jũta ichi poxonaē pebin ba Ʃbapona pabitha peubi xuton po peubi xuton pexeinya xuton. <sup>25</sup> Ichitha poxonaē cataunxuae jiwi maitumena, bapoxonaē pon pabi pexeinaein pia peaitafaetabi jitonsti tapatopatsi pia pabitha tatsi. Bapoxonaē bapon ayabo xu taũbarecatsi ichaxoyo Ʃbareca po pexu pexeinya xu. Poxonaē nacobe weta xua Ʃba ayabo xu, bapoxonaē napitabiya ponataba. <sup>26</sup> Poxonaē trigo xu yaothopa bapoxonaē irũ ayabo xuwina. <sup>27</sup> Bapoxonaē pon pabi pexeinaein baraichi pomonaē pia petanacuichixaetsi: ‘Pata Tanecanamataxeinaem, icha bara metha Ʃbame po xu pexeinya xu, Ʃnexta eta werena metha ayabo pona xua xuwa?’ jei. <sup>28</sup> Pon pabi pexeinaein jume nota pomonaē pia petanacuichiwiwixaetsi jeye: ‘Apara baxua inta exana pon tana neaitafaetabi jiton’, jei. Bapoxonaē bapon baraichi pomonaē pia petanacuichiwichi, jeye: ‘Ʃchichipame xua pata ponaewa tsane bara beya pata xunaenexa barapo ayabo?’ jei. <sup>29</sup> Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu. <sup>30</sup> Bara saya yawa umenaena barapo ayabo beya abũ poxonaē yawa nawetsina trigo xu. Tha nexata bapoxonaē itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonaē trigo xu pejebinexa tabotha xua trigo xu matabotha’, jei pon pabi pexeinaein”, jei Jesús.

*Meje yabara poxonaē Jesús cuiduba pecayabara jũta pepaebi diwesiyo po peabi xutiyo pewũn mostaza xutiyo*

*(Mr 4.30-32; Lc 13.18-19)*

<sup>31-32</sup> Equeicha Jesús jiwi cuiduba icha pecayabara jũta pepaebi diwesiyo, jeye: “Nacom waba jiwi xua petanaexanaenexatsi pijimonaē tatsi, pomonaē itorobiya peewatsixae beya pinmonaē tsoponaē xua pomonaē jume cowũntapona Nacom. Barapo coyene jũpa icha be poxonaē pebin ichi poxonaē Ʃbanota pabitha po peabi xuto tsica xutiyo. Barapo xuto xuwa beya pin nae tsoponaē. Barapo nae pepinnaexae daxota siri pemaxaranantha coton exana”, jei Jesús.

*Meje yabara poxonaē Jesús cuiduba pecayabara jũta pepaebi diwesiyo xua lewadura yabara xua pan cotowa exana*

*(Lc 13.20-21)*

<sup>33</sup> Jesús equeicha cuiduba jiwi icha pecayabara jũta pepaebi diwesiyo, jeye: “Poxonaē Nacom waba jiwi petanaexanaenexatsi pijimonaē tatsi pomonaē itorobiya peewatsixae

barapomonaē pin bicheitomonaē naenaexanapona. Barapo coyene bara jata ichi, icha levadura matawɔn ichi pocotsiwa cotowa exana poxonaē pan exana. Petsiriwa tres po tsoropabe trigo xu beno muxuna cauyentaba levadura matawɔn pocotsiwa xua cotowa exana pan. Bapoxonaē pentubɔ naexananaya cocotowapona tsipei levadura matawɔn muxunaxuba”, jei Jesús.

*Meje yabara poxonaē Jesús cuiduba jiwi pecayabara jata pepaebi diwesixitha (Mr 4.33-34)*

<sup>34</sup> Jesús cuiduba jiwi daxita barapo coyenein xua xuan saya ɔ pecayabara jata pepaebi diwesixitha. Jesús jopa cuidubeibiyo poxonaē jopa paebeibiyo pecayabara jata pepaebi diwesixitha. <sup>35</sup> Bara barapo coyeneintha Jesús cueicueijeji xua penayabara jume wetsinexa xua bayatha pon Nacom peitorobi jume pepaebin pecui yabara wɔnaē tsiwɔnaeya pae-bixae, xua jeye:

“Jiwitha tsipaebin pecayabara jata pepaebi diwesintha. Matautano muxuna yabara tsipaebin pocotsiwa moya yawɔn xeina xua jiwi jopa peyaputaewa, po coyene caena bayatha moya yawɔn xeina xua poxonaē aena Nacom forota po cae pin nacuathe xua pocotsiwa beya anoxuae tsoponae”, jei bapon xua saya Jesús tapaebatsi.

*Meje yabara poxonaē Jesús pijimonaē yaputane exana po pecayabara jata pepaebi diwesiyo xua ayabo yabara*

<sup>36</sup> Nexata Jesús napeyaba pin bicheito jiwimonaē. Bapoxonaē botha joniya. Iru baxota Jesús pijimonaē tatsi barapo botha najojoniyaru. Jesús pijimonaē baraichi, jeye:

—Yabara pana neyaputane exande po diwesiyo xua ayabo po ayabo xuwa trigo pabitha, jei.

<sup>37</sup> Nexata Jesús namchi, jeye: “Pon uba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin. <sup>38</sup> Matautano po pabitha ichaxota uba jan, apara jiwi pia juntu coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonaē xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonaē caurimonaē pia pentacaponaein tatsi pijimonaē tatsi. <sup>39</sup> Pon uba po xuton abe xua ayabo xu jan, apara bapon caurimonaē pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matacabitha Nacom yabara paeibina jiwi penatsiuentiwa abe peexanaexae bapontha. Pomonaē xua trigo xu, xu siraca jan, apara yabara caunutan matatsunpiwimonaē. <sup>40</sup> Copiya matha xuexuetapona ayabo petautsinexa isotha. Jiwi bara jutiya ichainchi po matacabitha tsane Nacom daxita yabara paeibina jiwi penatsiuentiwa abe peexanaexae bapontha. Matautano barapo cae pin nacue weraweracaena. <sup>41</sup> Xan ponxaein Nacom Tananeitapetsin itorobin tamatat-sunpiwi xua jiwi penotsinexa tsainchi pomonaē abe peexanaewi, pomonaē xua cana exana ichamonaetha xua ichamonaē xuya Iru abe peexanaenexaru. Barapo matatsunpiwi wentsina pomonaē abe peexanaewi pomonaē tajiwimonaē baru jinompatsi. Barapo abe peexanaewi jopa tamonaeyo pomonaē itorobiya taewatsixae. <sup>42</sup> Daxita barapo jiwi pomonaē abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wecoyeyi tsane matauta baxota nantanuweya nantu jayabina, poxoru bichocono atene tsane. <sup>43</sup> Bapoxonaē pomonaē exana pocotsiwa Nacom ichichipa barapomonaē bichocono pexeinya coicha xeinaena po nacuaitha ichaxota Nacom itorobiya ewata piamonaē pon barapomonaē pia paxaxae tatsi. Po pexeinya coicha xua barapomonaē xeinaena, bichocono itapana icha be xometo ichi xua poxonaē pentha. Icha pamuxu dubename, moya pana nejume naitaware pocotsiwa tapaca tsipaebiwaitsi”, jei Jesús.

*Meje yabara poxonaē Jesús pecayabara jata pepaebi diwesiyo paeba xua po peitapanaeewa pocotsiwa bichocono ainya matoma xua ira buxapanatha boca panatha*

<sup>44</sup> Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonaē pejuntu coyene canamataxeinaexae pon jiwi itorobiya pia pepa peewatsinchi. Barapo coyene bara jata ichi, icha be pocotsiwa peitapanaeewa ichi pocotsiwa ainya matoma xua ira buxapanatha boca pabitha. Poxonaē pebin barapo peitapanaeewa jemeicha ira buxapanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonaetha. Bichocono juntu coyene weiweina. Bapoxonaē pia botha pona pecaenaetsinexa daxita

xua xuan pocotsiwan xeina. Bapoxonae barapo paratixitha comota barapo pabi, po pabitha boca barapo peitupanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntuyapusawa, icha poxonae pebin ichi xua pitapeitupanaewatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua po warowa pewan perla*

<sup>45</sup> Equeicha Jesús namchi, jeye: “Barichiru yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wanae. Barapo coyene bara juta icha be ichi poxonae jiton warowan matowa jeita. Barapo warowan xua bapon jeita, pewan perla. Bapon jeita pecomotsinexa tsane barapo warowan, po warowan ainya matoman. <sup>46</sup> Poxonae bapon cae warowaxuto taebota, po warowaxuto perla matawan xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewan perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntuyapusawa po peajuntuyapusawa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pecayamonaewa yabara*

<sup>47</sup> Equeicha Jesús namchi, jeye: “Yabara paca tsipaebatsi po coyene xua Nacom exana pon jiwi ewatsiya peitorobixaetsi xua poxonae yabara paebina jiwi penatsicuentisixae abe peexanaexae. Barapo coyene bara juta ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa. <sup>48</sup> Poxonae bichocono wancaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaubiya tsana pejejebaponaenexa. Po duwei pepa duwei tsana naitaubiya jejebapona corontha. Po duwei pocotsiwa camatsawan bebai tsoponae. <sup>49</sup> Barapocotsi juta coyeneya ichi tsane poxonae matacabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentisixae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi. <sup>50</sup> Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounaiyo. Baraxota wecoyei tsane matautano baxota nantanuweya nantu jayabina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pena peitupanaewa yawa xua peru peitupanaewa yabara*

<sup>51</sup> Nexata Jesús pijimonae yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecanamataxeinaemxaem, jei barapomonae.

<sup>52</sup> Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonae yabara cuiduba ichamonaetha xua po coyene Nacom exana pon itorobiya peewatsin jiwi. Barapomonae xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara. Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonae paeba jiwitha. Barapomonae bara be juta icha be poxonae pon bo pexeinaein ichi. Poxonae piamonaetha tatsi nantawenona paparawa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonae nexa, jei Jesús.

*Meje yabara poxonae Jesús Nazaret tomaratha popona  
(Mr 6.1-6; Lc 4.16-30)*

<sup>53</sup> Poxonae Jesús najume weta xua cuiduba jiwi barapo pecayabara juta pepaebi diwesixi bapoxonae Jesús tomara weya pontaba. <sup>54</sup> Bapoxonae Jesús patopa pia tomaratha, po tomara pewan Nazaret tomara. Baraxota Jesús cuiduba jiwi, judiomonaetha pia penacaeuttsi botha tatsi. Pomonae jinompa Nazaret tomaratha yabara najuntu coyene cabenaeca xua pocotsiwa Jesús cuiduba. Barapomonaetha natsipaeba, najei:

—¿Exota metha bapon nacuiduba jane, xua daxota bapon daxita peyaputaein? ¿Jintam metha pia peayapusawatha tatsi jane, poxonae po petsita itutsi coyene bapon exana?

<sup>55</sup> Apra saya bapon pexanto tatsi pon xua pecobe coxonaein xua naepan pematabobiwa.

Apara bapon pena tatsi María. Apara bapon Santiago pentapin tatsi, iru José pentapin tatsi, iru Simón pentapin tatsi, iru Judas pentapin tatsitu iru. <sup>56</sup> Matautano iru pamcho jiwi tatsi apara jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomona.

<sup>57</sup> Daxota barapomona Jesús casebatsi pecui uwixaetsi. Barapomona uwa tsipei Jesús bichocono peyaputaein. Jesús namchi jiwitha, xua nayabara paeba, jeye:

—Daxita jiwi ba baru cui itura jina pontha pon Nacom peitorobi jume pepaebin. Nama pia nacuapiwi tatsi iru pia bomona matabu xuyomonaepiwi tatsi barapomona ba jopa bapon baru cui itura jinaetsi, jei Jesús, xua nayabara paeba.

<sup>58</sup> Nazaret tomaratha, barapo tomaratha Jesús saya be conotha exana pexeinya petsita itatsi coyenewa tsipei barapo tomarapiwi Jesús jopa jume cowantichi.

## 14

*Meje yabara poxona Juan bexotsi  
(Mr 6.14-29; Lc 9.7-9)*

<sup>1</sup> Bapoxona caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana. <sup>2</sup> Herodes tsipaeba pomona petanacuichiwxiaetsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Apara bapon Juan, pon jiw i Pebautisabin, pon bequein bayatha tupa, pon equeicha asu juina. Tsipei bapon peyapusu itorobi coyenewa xeina daxota petsita itatsi coyenewa exana”, jei Herodes.

<sup>3</sup> Baxua Herodes paeba tsipei caena bayatha Herodes cui itoroba xua Juan pe-waetabinexatsi, matautano xua pemaxu cubinexatsi, matautano xua jiwi pecubi botha peetsinexatsi. Baxua Herodes exana tsipei piowa tatsi powa pewan Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabayo. <sup>4</sup> Juan bayatha paeba Herodesta, jeye: “Nacom pia peitorobi coyenewa jopa copatsiyo xua nexainaewa bapowa tsipei ichun piowa tatsi”, jei Juan.

<sup>5</sup> Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jiwi cunuwatsi. Tsipei daxita jiwi nanta xeina xua Juan apara pon Nacom pia peitorobi jume pepaebin. <sup>6</sup> Ichitha poxona Herodes yantacabi jopa po matacabitha poxona caena bayatha nowaeuncua, barapo mataqueitha pinmonae nacaetuta xua pexaewa yabara nacaetuta pia xaetsi. Barapo penacaetutsiwi peitutha tatsi Herodías pexantiyo tatsi nawiraba. Herodes baxua bichocono ita cui xanapanatsi. <sup>7</sup> Herodes barapowa beya paeba, jeye:

—Nacom peitutha cata tsiwanae yabara paebatsi xua pocotsiwa tacacatsiwa tsainchi pocotsiwa xua tana newucaewam tsane tsipei inta pexeinya penawirabi coyene exaname, jei Herodes.

<sup>8</sup> Bapoxona pocotsiwa pena itorobatsi barapowa Herodes wucatsi baxua. Bapowa namchi, jeye:

—Necare Juan pentasipa xua yutabore paratontha, pon jiwi Pebautisabin matasipa, jei Herodías pexantiyo tatsi.

<sup>9</sup> Ichitha baxua Herodes jume taya wecoyei tsanareca poxoru jopa ichipaeyo xua Juan petupaewa tsane. Tsipei mexeya poxoru bayatha Nacom peitutha peyabara tsiwanae pe-bixae xua bepa pinae catsina xua pocotsiwa pewucaewaxae tsainchi, matautano mexeya poxoru barapo pin bicheitho peitutha pepaebixae baxua, daxota itoroba xua bapowa bara catinchi baxua. <sup>10</sup> Daxota Herodes pomona petanacuichiwxiaetsi, barapomona Herodes cui itoroba xua Juan pewisi ucuibinexatsi jiwi pecubi botha iya. <sup>11</sup> Bapoxona barapomona paratontha matasipa yutabota yawa carendena. Bapoxona Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha tupa.

<sup>12</sup> Nexata pomona Juan pia pepuna jinompaewichi, barapomona pata jiwi pecubi botha. Juan petupaein pitatsi. Barapoxona barapomona Juan muthutha xotsi. Barapoxona barapomona pona Jesús beya xua baxua Jesús peyabara tsipaebinexatsi.

*Meje yabara poxona Jesús apata pexaewa cinco mil pebiwi  
(Mr 6.30-44; Lc 9.10-17; Jn 6.1-14)*

<sup>13</sup> Poxona Jesús yaputane xua Juan tupa, bapoxona compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomarapiwi pecae iya pona, ichaxota Jesús ponaena jeratha. <sup>14</sup> Poxona Jesús jera wenontounya, bapoxona Jesús pin bicheito tane. Jesús yabara nanta xeina barapomona xua peyawenaewa tsane. Bapoxona Jesús axaibi exana

peatenewi. <sup>15</sup> Tsipei yaitama bayatha tabopiya tsanaichaba, daxota Jesús imoxoyo caquita umenarucupatsi pijimonaе. Barapomonaе Jesús baraichichi, jeye:

—Apara bayatha tabopiya tsanaicha. Apara xote bomuxun ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

<sup>16</sup> Jesús jume nota pijimonaе, jeye:

—Apara jopa bewa ponaе barapomonaе, paxam jame maisa paapare pexaewa, jei.

<sup>17</sup> Jesús jume notatsi pijimonaе, jeye:

—Xote jopa pexaewa paxeinaeyo. Saya apara cinco po panyobe paxeinan matauta saya ainyobe paxeinan duweiyobe, jei.

<sup>18</sup> Jesús jume nota:

—Painta xawena baxua, jei. <sup>19</sup> Bapoxonaе Jesús najume caitoroba xua bepa daxita barapo jiwi iratha taenaetsei. Bapoxonaе Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Axa, juntu coyene weiweinan xua pexaewa pata tanecatixaxaem”, jei. Poxonaе Jesús najume weta xua Paxatha tsipaeba, bapoxonaе pan epa janaca, yawano duwei epa janaqueba. Bapoxonaе Jesús pijimonaе caitoroba pexaewa xua pijimonaе tatsi xuya pecacataponaenexa barapo jiwi. <sup>20</sup> Daxita barapo jiwi nabane beya barapo jiwi jain cowantaruсupatsi. Bapoxonaе Jesús pijimonaе tatsi doce po cote matabuxyobe wanba xua bayatha nacopaba pocotsiwa xua bayatha barapo jiwi jopa xaeyo petonsanaexae. <sup>21</sup> Pomonaе xua pexaewa nabane barapomonaе cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

*Meje yabara poxonaе Jesús mene matatsun jumatha pona*  
(Mr 6.45-52; Jn 6.16-21)

<sup>22</sup> Nexata bapoxonaе Jesús jera beitorobiya pijimonaе, xua pijimonaе copiya petsiwana warapaenexa tsainchi icha muxunene beya xua pucua iya. Poxonaе barapomonaе ponaruсupaba bapoxonaе Jesús barapo jiwi pu itoroba xua penawibiyaenexa pia tomanan beya. <sup>23</sup> Bapoxonaе Jesús demxuwa beicha pona xua baxota compa petsipaebinexa Nacomtha. Poxonaе quirei tsuxubi Jesús demxuwatha compa eca. <sup>24</sup> Poxonaе Jesús Paxa tsipaebaуа, bapoxonaе caena iruru Jesús pijimonaе tatsi cataunxuae tuwutha yana pona. Jera maratsaca caewa carena tsaiibi tsipei joibo dawerena daunwei. <sup>25</sup> Mataquei wanaeyo Jesús mene matatsun jumatha pona, pijimonaе itiya pona. <sup>26</sup> Poxonaе Jesús pijimonaе taerucupatsi, barapomonaе nanthuthu cui coyene nabenaeca. Junuwiya wawaya jeye:

—iPai jaibo, jina! iApara dowatsi! jei barapomonaе.

<sup>27</sup> Jesús pijimonaetha caena nainya tsipaeba, jeye:

—iApara xan! iJopa pajunuwinde! iMaisa pajuntu coyene weiweinare! jei Jesús.

<sup>28</sup> Bapoxonaе nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-iyaeenexa nexainya beya, jei Pedro.

<sup>29</sup> Jesús jume nota, jeye:

—iMoya anetha denandel! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi. <sup>30</sup> Daichitha poxonaе Pedro yabara nanta xeinanareca pin joibo, bapoxonaе bichocono junuwanareca. Daxota bapoxonaе Pedro yamene jopareca. Bapoxonaе Pedro jume daunweya wawaya jeye:

—iTanecanamataxeinaem, necapanepare, nepitaxuina! jei.

<sup>31</sup> Bapoxonaе Jesús nainya cobe pitaxuina. Jesús namchi, jeye:

—iMaisa be conotha neyabara jume cowantame xua bara tana neitacupaewa xua tacayawenaewa tsainchi! iEta xua metha ainya juntu coyeneintha nanta xeiname? jei Jesús.

<sup>32</sup> Poxonaе Jesús iru Pedro nontabiyabe jeratha, Jesús bapoxonaе joibo yainjei tsanaya exana. <sup>33</sup> Daxita pomonaе jeratha ena, barapomonaе Jesús wanae jaintatsi. Barapomonaе Jesús baraichi, jeye:

—Bara yatsicaya apara xam Nacom Pexantom tatsim, jei barapomonaе.

*Meje yabara poxonaе Jesús axaibi exana pomonaе peatenewi, pomonaе Genesaret nacuapiwi*

(Mr 6.53-56)

<sup>34</sup> Bapoxonaе Jesús iru pijimonaе tatsi jeratha yana enapona beya poxonaе Genesaret nacua beya pata. <sup>35</sup> Pomonaе baxota jinompa, barapomonaе Jesús caena yaitainchi. Daxota barapomonaе najume caitoroba ichamonaetha daxita barapo Genesaret nacuapiwitha beya, xua Jesús pepatopaexae. Bapoxonaе daxita jiwi carendena peatenewi

ichaxota Jesús pucua itapatha uncua. <sup>36</sup> Barapomonaē pomonaē peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonaē daxita barapomonaē axaibi tsane. Pomonaē Jesús pia paparuwa tajayabatsi daxita barapomonaē equeicha axaibi exanatsi pocotsiwa bayatha atene.

## 15

*Meje yabara poxonaē Jesús yabara paeba xua pebin abe pia peexanaē cuiuru coyene juntu coyene webocatsi*

(Mr 7.1-23)

<sup>1</sup> Fariseomonaē iru pomonaē jiwi pecuidubiwi Moisés pia peitorobi coyene tatsi, barapomonaē jiwana Jerusalén tomara werendena. Barapomonaē Jesús imoxoyo caquita umenarucupiya yainyabatsi, jeye:

<sup>2</sup> —¿Eta xua metha jinyamonae jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonaē pomonaē jinyamonae barapo cui jopa exanaeyo. Barapomonaē jopa matha tsiwanaya nacobe quiateibiyo poxonaē beya xaiba xua jopa penataxobinexa tsane pia juntu coyenewantha, jei daxita fariseomonaē, iruru pomonaē jiwi pecuidubiwi Moisés pia peitorobi coyene tatsi.

<sup>3</sup> Nexata Jesús xuya yainyaba, jeye:

—Iru paxamdu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba? <sup>4</sup> Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: ‘Axatha baru cui itura jinare, iruru enatha baru cui itura jinare’, jei Nacom. Yawa equeicha Nacom jeye: ‘Pon paxa abe yabara paeba matautano xua pena abe yabara paeba, bapon bewa tupaena’, jei Nacom Pejume Diwesitha. <sup>5-6</sup> Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: ‘Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwanae paeban xua Nacomtha bexa catsin’, xua pejeiwa. Matautano ba pajam: ‘Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha’, ba pajam. Poxonaē baxua pacaunutsiya paebame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene. <sup>7</sup> Itara mexeya pomonaē xanepanaeya pepaebi jiwi pam, daichitha apara peajuntucoyenebe jiwi pam! Bara apara Isaias caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonaē tina pejume diwesitha:

<sup>8</sup> ‘Barapomonaē itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonaē pia juntu coyenewatha jopa xaniwaicha neyabara baru cui itura jinae tsane.

<sup>9</sup> Bequein barapomonaē newunaē jainteibina poxonaē nacaetuteibina, daichitha baxua jopa yawenaē tsaibi tsainchi tsipei barapomonaē peajuntucoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane’, jei Isaias xua paca yabara paeba, jei Jesús.

<sup>10</sup> Nexata bapoxonaē Jesús waba daxita jiwi xua imoxoyo peumendenaenexa. Yawa namchi barapo jiwitha, jeye:

—Pana nejume naitaware, painya neyaputaenexa pocotsiwa paca tsipaebatsi.

<sup>11</sup> Pocotsiwa ba pebin pecoiboto deca tsijain jojonecatsi pexaewan, bequein jopa tsiwanaeya matha nacobe quiatsiyo poxonaē xaiba, barapo coyene apara ba jopa bapana pebin juntu coyene taxobichi xua poxonaē pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin juntu coyene taxobatsi xua poxonaē pecueieijeixae baxua, jei Jesús.



<sup>12</sup> Nexata Jesús imoxoyo caquita umenaracupatsi pijimonaе. Jesús pijimonaе yainyabatsi, jeichichi:

—¿Bara yaputaneme xua fariseomonaе cayabara muxu coniquiya anaepana, xua nepaebixae baxuan? jei.

<sup>13</sup> Jesús jume nota pijimonaе, jeye:

—Taxa pon peitabocotha peecaexae xubina pon jopa pejume cowantsinchi. Taxa barapocotsi juta coyeneya cana ichi tsane jiwitha icha pebin ichi xua poxonaе pabitha pona, matauta poxonaе naeyo tabu opina jonta daxita, pexubinexa. <sup>14</sup> Bara barabu neyabara muxuconacaena, fariseomonaе. Jopa payabara jume naitaewatsinde pocotsiwa barapomonaе paeba. Tsipei barapomonaе jopa xanepanaya peyawenaе jiwi ichamon-aetha. Barapomonaе barapocotsi juta coyeneya exana, icha be pon peitata nacutsin ichi, xua poxonaе matacapona ichun xua pon peitata nacutsin matacapoinchi. Bapoxonaе barapo cae peitata nacutsinbe napuna joparecabe muthutha deca, jei Jesús.

<sup>15</sup> Nexata Pedro Jesús baraichi, jeye:

—Yabara pana yaputane exande po pecayabara juta pepaebi diwesiyo xua pexaewa yabara, jei Pedro.

<sup>16</sup> Jesús biataeya jume nota pijimonaе, jeye:

—¿Paxam bara paichimdu icha jiwi ichi? ¿Cataunxuae jopa painya yaputae jiwi pamdu? <sup>17</sup> Bayatha paxam payaputaneme pocotsiwa pebin tsjain jojonecatsi pexaewa pecoiboto deca baraxua jopa juntu coyene taxobichi, tsipei barapo pexaewa jopa ponaeyo pia juntu coyenewatha. Jame barapo pexaewa pecotsorotha pona, bapoxonaе nawexacaeca.

<sup>18</sup> Ichitha pocotsiwa pecoiboto tsina caunuta peabe jume, baxua apara seicaya pejuntu coyene wetsina jume pichapa. Tsipei baxua penanta xeinae coyenewa, daxota pebin abeya paeba. Daxota Nacom tsitatsi xua bapon peajuntacui coyenebein Nacomtha. <sup>19</sup> Tsipei pejuntu coyene wetsina jume pichapa pocotsiwa abeya penanta xeinae coyewan, pocotsiwe meje: Ichun anaya pebexotsi coyenewa, iru ichun piseuri tatsi pepichi coyene, iru peita coxanae coyenewatsi coyene xua poxonaе penayaputae jiwi naperu nacoyoba, iru ichun piawa tatsi pecaibi coyene, iru ichun yabara penaerabiwatsi coyene, iru ichun yabara peabiwatsi coyene. <sup>20</sup> Nacom tsitatsi xua daxita barapocotsi coyenein pebin ajuntacoyenebe exanatsi xua juntu coyene taxobatsi xua daxota jopa itacupaetsi xua beta exana. Ichitha pocotsiwa pebin nabane matautano xua poxonaе bequein tsiwanaya matha jopa nacobe quiatsiyo, barapocotsi coyenein pebin jopa juntu coyene taxobichi Nacom peitutha tatsi, jei Jesús.

*Meje yabara poxonaе yabnyo powayo penanapaincha poponaewayo Jesús jume cowuntatsi*

(Mr 7.24-30)

<sup>21</sup> Nexata bapoxonaе Jesús barapo ira weya warapa Genesaret nacua weya. Matautano pona icha nacua beya po nacuatha ichaxota Tiro tomara eca yawa Sidón tomara ecano.

<sup>22</sup> Yabnyo, powayo barapo cananeamonaewayo patopa Jesús pia xantha tatsi. Bapoxonaе barapowa wawaya Jesustha jeye:

—¡Tanecanamataxeinaem, David pia pemomoxi susato jiwi jiwanam! Neyabara najuntu cui coyene cananta xeinare, xua tana neyawenaexam tsane. Taxantiyo inta cauri xeina; inta bichocono atene exanatsi, jei bapowa.

<sup>23</sup> Daichitha Jesús jopa jume notsiyo, saya moya uncua. Nexata bapoxonaе Jesús imoxoyo caquita umenaracupatsi pijimonaе. Matautano jume daunweya baraichichi pijimonaе, jeye:

—Barapowa itawere, tsipei barapowa waputha jume daunweya wawai, jei.

<sup>24</sup> Nexata Jesús jume nota pijimonaе, jeye:

—Nacom meisa saya neitoroba Israel piamonaе susato saineiwitha pomonaе judiomonaе xua tayawenaenexa barapomonaе, tsipei barapomonaе Nacom tsitatsi xua barapomonaе nacabeta icha be ovejan ichi xua poxonaе pipato napuxanompa, jei.

<sup>25</sup> Ichitha barapowa pentabocotha uncua yawa irabe taeuncuareca Jesús peitabaratha tatsi tsipei bapowa baru cui itura jina peauraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

<sup>26</sup> Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxonaе cataunxuae matha jopa yawenaeyo pepa tamonaе judiomonaе. Icha baxua exanaetsipan, bapoxonaе be pitan pexui pia pexaewa taapatsinexa aurimonaе, jei.

<sup>27</sup> Barapowa Jesús jume notatsi, jeye:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia pexaewa tatsi, yaitama auri iru xane pocotsiwa pexui sorobaba barapo pepurawixi pocotsiwa pexaethopaewa pebuxupana tsica. Daxota bara ichiya neichinde: Neyawende, tsipei bara neayapusu itorobi coyenewa nawita xeiname jinya axaibi exanaenexa judiomona. Po neayapusu itorobi coyenewa judiomona jopa canantawenonaeyo barapo neayapusu itorobi coyenewatha inta axaibi exande taxantiyo, jei.

<sup>28</sup> Nexata Jesús jume nota, jeye:

—¡Yabuyo, maisa bichocono neyabara jume cowantame xua bara tana neitacupaewa xua tacayawenaewatsi tsainchi! Bara cata exainchi pocotsiwa aunxuae newucame, jei Jesús.

Poxonae Jesús baxua paeba, bapoxonae nainya barapo yabuyo pexantiyo tatsi taaxaibi tsuxubichi.

*Meje yabara poxonae Jesús axaibi exana pin bicheitomona peatenewi*

<sup>29</sup> Nexata bapoxonae Jesús bara weya pona. Galilea pucua itapa iya pona. Bapoxona demxuwa icha juinya, baxota ecopa. <sup>30</sup> Ichaxota Jesús eca baxota pin bicheito jiwi ayei pata. Barapo bicheito jiwi carendena pejayuyajujeiwi, iru peitata nacutsi jiwino, iru pemuxusipanaewino, matautano pomona iru peacowaebi jiwi xua pomona jopa xeinaeyo xua xota nacowaeba. Matautano iru icha bicheitomonaeno, pomona peatenewi. Pomona peatenewi Jesús pexainya tajebarcatsi. Daxita barapomona Jesús axaibi exana. <sup>31</sup> Poxonae daxita jiwi baxua cui tane, pomona jopa judiomona naexanaeyo daxita barapo jiwi yabara cui coyene nanthuthu cabenaeca. Bapoxona Jesús xanapanaya peexanaexae, barapomona Nacom wunae jaintatsi, po Nacom Israel nacuapiwi pia Nacom tatsi. Daxota barapomona baxua exana, tsipei Jesús equeicha paeba cana exanaeya exana pomona pemuxusipanaewi. Matautano tsipei Jesús taduba exana pomona bayatha jopa xeinaeyo xua xota nacowaeba. Matautano tsipei pomona pejayuyajujei jiwi equeicha beta pona. Matautano tsipei pomona peitata nacutsi jiwi equeicha beta tane.

*Meje yabara poxonae Jesús pexaewa apata cuatro mil pebiwi*

*(Mr 8.1-10)*

<sup>32</sup> Nexata Jesús waba pijimona, jeye:

—Yabara cui cananta xeinan barapo pin bicheitomona tayawenaenexa, tsipei barapomona acolbi po matacabiyobe jinompa taxantha, maisa ajibi xua barapomona penabanaewa tsane. Jopa jainbotha bepu itorobinyo pia bon beya tatsi, tsipei icha barapomona jainbotha pu itorobichipan, metha piyain namtotha xuirabathopaetsipa, jei Jesús.

<sup>33</sup> Jesús baraichi pijimona, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijeitinchi pexaewa barapomona pomona pinmonaexae? jei.

<sup>34</sup> Jesús yainyaba pijimona jeye:

—¿Eta po panyobe paxeiname? jei.

Barapomona Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

<sup>35</sup> Nexata Jesús pijimona najume caitoroba xua bepa pinae barapo pin bicheito jiwi iratha taenaetsei. <sup>36</sup> Jesús pecobetha pita barapo siete panyobe yawa duweixino. Bapoxona Jesús Paxatha tsipaeba: “Axa, juntu coyene weiweinana xua pexaewa pata tanecatsiwxaxem”, jei Jesús. Bapoxona Jesús pijimona tsicobe epa nantarabiya janaquiya catsibapona xua xuya pijimona tatsi pecatsibaponaenexa barapo jiwitha. <sup>37</sup> Daxita barapomona nabane, beya barapomona bichocono jain cowantaracupatsi. Bapoxona Jesús pijimona tatsi siete po cotebe wunba pocotsiwa xua barapo jiwi jopa xaeyo petonsanaexae. <sup>38</sup> Pomona xua nabane pexaewa barapomona cuatro mil pebiwi. Matautano iru yabuxi nanabane matautano iru pexui nanabane, daichitha daxita jopa unnaeyo. <sup>39</sup> Bapoxona Jesús pu itoroba xua barapo jiwi penawibiyaenexa pia tomaran beya. Bapoxona Jesús jeratha nontabiya, peponaenexa Magadán nacua beya.

## 16

*Meje yabara poxonae fariseomona iru saduceomona Jesús cui itorobatsi pia pexeinya petsita itatsi coyene xua peitabocotha*

*(Mr 8.11-13; Lc 12.54-56)*

<sup>1</sup> Fariseomona iru saduceomona, barapomona pona Jesús beya xua Jesús pejuntu coyene kujutsinexatsi. Barapomona Jesús cui itorobatsi pia petsita itatsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua,

barapomonae pepeabinexa tsane xua deta cou Jesús jopa apara Nacom Pexanto tatsi.  
<sup>2</sup> Daichitha Jesús jume nota barapomonaetha, jeye: “Poxonae tabopiya paxam ba pajam: ‘Baya tsane pexeinya matacabi tsane tsipei anoxuae quiripitha itaboco tsobia’, ba pajam.  
<sup>3</sup> Ichacuiitha tsipae poxonae baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. itara mexeya pomonae xanepanaya pepeabiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wanae yaputaneme. Matautano pexeinya matacabino ba payabara wanae yaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itatsi coyenewan.  
<sup>4</sup> Barapo peajuntucoyenebe jiwi iru pomonae jopa tana nejume cowantsi jiwi, barapomonae necui itoroba tapexeinya tsita itatsi coyenewa pocotsi coyene cana exanan itaboco wetsica daichitha jopa baxua beexanaeinyo pocotsiwa barapomonae necui itoroba. Saya meisa barapo petsita itatsi coyene exanaein, icha be pocotsi coyeneya Jonás cana ichichi pon Nacom peitorobi jume pepeabin xua poxonae pin duweinth tsijuntutha eca acoi bi po matcabibe beya equeicha poxonae yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoi bi po merawithabe.

Bapoxonae Jesús ponataba, yawa cuenta pona barapomonae.

*Meje yabara poxonae Jesús pijimonae yabara yaputane exana, pocotsiwa pan cotowa exana*

(Mr 8.14-21)

<sup>5</sup> Poxonae Jesús pijimonae tatsi icha muxunene beya pona jeratha xua pucua iya, barapomonae juntemaini xua pan capana. <sup>6</sup> Nexata Jesús pewanaeya muxuweta pijimonae xua jopa pejume cowantsinexa tsane fariseomonae iru saduceomonae pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:  
 —Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Matauta dota pam xua saduceomonae pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntacuicoyeneyapube cana exanapoinchi icha be pocotsi coyene ichi xua levadura matawun xua pan cotowa exanapona beya poxonae pin pan, jei Jesús.

<sup>7</sup> Poxonae Jesús yabara paeba pocotsiwa xua pan cotowa exana, bapoxonae Jesús pijimonae tatsi catsawiya nanta xeinaeya natsipaeba caemonae, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonae.

<sup>8</sup> Jesús yaputane pocotsiwa barapomonae natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowantsim. <sup>9</sup> ¡Cataunxuae jopa pana necui yabara yaputaem! Paxam pana necui yabara juntemainame poxonae cinco mil pebiwi apatan pexaewa xua yabara juntemainame poxonae saya cinco po panbe. Matautano pana necui yabara juntemainame poxonae equeicha doce po cotebe pawwanbapona pocotsiwa jiwi jopa xaeyo. <sup>10</sup> Matautano paxam pana necui yabara juntemainame xua poxonae cuatro mil pebiwi apatan pexaewa xua poxonae saya siete po panbe. Matautano pana necui yabara juntemainame poxonae equeicha siete po cotebe pawwanbapona pocotsiwa jiwi jopa xaeyo. <sup>11</sup> Matautano jopa payaputaem xua poxonae yabara paca tsipaebatsi fariseomonae pia pecuidubi coyenewa tatsi, iru saduceomonae pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

<sup>12</sup> Bapoxonae matapainya Jesús jume yaputaerucupatsi pijimonae, xua apara yabara paeba fariseomonae pia pecuidubi coyenewan yainwa tatsi, iru saduceomonae pia pecuidubi coyenewan yainwa tatsi. Matautano matapainya yaputaerucupa xua apara Jesús jopa yabara paebiyo pocotsiwa pan cotowa exana.

*Meje yabara poxonae Pedro namchi Jesththa jeye: “Xam apara Mesías Nacom caitorobica”, jei*

(Mr 8.27-30; Lc 9.18-21)

<sup>13</sup> Bapoxonae pirapae Jesús pona. Poxonae Jesús patopa Cesarea de Filipino tomara pecuariya xua pepa tomaratha, bapoxonae Jesús yainyaba pijimonae, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

<sup>14</sup> Jesús jume notatsi pijimonae, jeye:

—Ichamonae cayabara jeye: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara jeye: ‘Apara bapon Elías pon equeicha petupaein asu juina’, jei. Iru ichamonae cayabara jeye: ‘Apara bapon Jeremías pon

equeicha petupaein asu juina', jei. Iruru ichamonae cayabara jeye: 'Apara bapon jiwana pomonae Nacom peitorobi jume pepaebiwi', jei, jei Jesús pijimonae tatsi.

<sup>15</sup> Nexata Jesús pijimonae barai, jeye:

—¿Incane iru paxamdu? ¿Eta pana neyabara jumichimdu xua xan eta pondun? jei Jesús.

<sup>16</sup> Simón Pedro Jesús jume notatsi, jeye:

—Xam apara Mesías. Nacom caitorobica, pon asu popona. Xam apara Nacom Pexanto tatsim, jei Simón Pedro.

<sup>17</sup> Jesús barai, Simón Pedro baraichi, jeye:

—Simón, Jonás pexantom, maisa Nacom cajuntu coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca. <sup>18</sup> Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawan dutatsi po wan xua jei: 'Pedro', jei, po wan caunuta xua jei: 'iboto', jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jutiya paebame poxonae jam: 'Xam apara Mesías. Nacom caitoroba, pon asu popona. Xam apara Nacom Pexanto tatsim', jam. Daxita pomonae xua neyabara jume cowanta barapo pexainyeya jume tana neyabara paebiwathaxaemxae, barapomonae tajiwiomonae exanaein. Tajiwiomonae catsin taayapusu itorobi coyenewa xua barapo tajiwiomonae jopa peamanayabinexa tsainchi pia peaitafaetabi jiwichi pomonae petupae cuiru nacua beya ponaena. <sup>19</sup> Xam Pedrom, cacatinchi taayapusu itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiomonaetha matautano caponaename pomonaetha pomonae jopa judiomonae naexanaeyo. Matautano xam pon tajitonxae, pocotsiwa xam jopa copatsim barapo cae pin nacuathe, xua pocotsiwa tamonae exana, baxuan bara iru Nacom jopa copatsiyo pia peitorobi nacua beicha xua barapomonae bara peexanaenexa baraxua. Pocotsiwa copatame xua tajiwiomonae peexanaenexa barapo cae pin nacuathe, bapocotsiwa iru Nacom copata pia peitorobi nacua beicha xua barapomonae bara peexanaenexa baxua, jei Jesús.

<sup>20</sup> Nexata Jesús pijimonae muxu barai xua pijimonae jopa peyabara pepaebinexatsi ichamonaetha baxua xua po coyene bapon apara Mesías.

*Meje yabara poxonae Jesús nayabara diwesi paeba po coyene xua petupaewa tsane (Mr 8.31–9.1; Lc 9.22-27)*

<sup>21</sup> Bapoxonae barapo matakabi weya Jesús tamropata pitaba xua pijimonaetha tsipaeba pocotsi coyene Jesús cana exanaeinchi ichamonae, jeye:

—Bewa ponaein Jerusalén tomara beya ichaxota pitiri jiji, iruru sacerdotemonae pia pentacaponaei tatsi, iruru pomonae jiji pecuidubiwi Moisés pia peitorobi coyene tatsi, daxita barapomonae bichocono neperaxa jubina. Matautano barapomonae nebexubina. Daichitha poxonae acoibi po matakabiyobe tsuxubi tsane equeicha Nacom tatupaein asu neexanaena, jei Jesús.

<sup>22</sup> Ichitha bapoxonae Pedro, Jesús baru natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiji cata exanaena baxua, jei Pedro.

<sup>23</sup> Nexata Pedro peitabara beya tatsi Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Najuntu coyene jajutame xua jopa xanepanaya taexanaewa tsane neaichaxaibixae xua tatsitupaewa tsane jiji! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiji, jei Jesús.

<sup>24</sup> Nexata Jesús barai pijimonae, jeye:

—Icha pebin ichichipa xua tajiwiomonae jiwana pin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon hexotsi ichamonae, tajiwiomonae jitonxae. <sup>25</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuypusawa, po peajuntuypusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntuypusawa, po peajuntuypusawa ataya tsiteca xua Nacom pia nacua beicha. <sup>26</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntuycoyenesawa po peajuntuycoyenesawa ataya tsiteca, bapoxonae bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha

matomatsina Nacomtha xua bapon pecatsinexa tsainchi peajuntucoyenesuwa xua barapoxonae pepatopaewanexa tsane Nacom pia nacua beicha tatsi. <sup>27</sup> Tsipei xan ponxaein Nacom Tananeitapetsin bewa yawa muxuna patopeicaein Nacom pia peitupanaewa tatsi. Matautano matatsunpiwi baru patopeicaein. Daxita carepaya jiwitha catsibin pocotsiwa peyabara cui matomatsiwatsi. Pomonae jopa xapain exanaeyo ichamonaetha xuya barapocotsi coyeneya exanaein xua antomabeya catsin. Pomonae xua xanepanaya exana ichamonaetha pocotsiwa cui itoroban xuya barapocotsi coyeneya exanaein matoma xanepanaya catsibin. <sup>28</sup> Bara xaniwaicha paca tsipaebatsi xua pomonae xote umene barapomonae jiwana abu, copiya matha yabara yaputaena poxonae xan ponxaein Nacom Tananeitapetsin tamropata pitabin xua itorobiya taewatsiwa tsane pomonae tana nejume cowantsiwi, jei Jesús.

## 17

*Meje yabara poxonae Jesús pijimonae peitutha pexeinya itupanae coicha tsanaya naexana*

*(Mr 9.2-13; Lc 9.28-36)*

<sup>1</sup> Poxonae seis po matabibibe jopa, po matabin weya poxonae Jesús paeba baxua, bapoxonae icha matabibitha Jesús pona demxuwa beicha. Pedro Jesús baru pona, iruno Santiago Jesús baru pona, iruno Juan Jesús baru pona, pon Santiago peweicho tatsi. Barapo acobi poyobe Jesús matabapona demxuwatha, po demxuwatha bichocono taucha ichaxota jiwaibi. <sup>2</sup> Baxoteicha daxita Pedrobaru peitutha tatsi Jesús pexeinya itupanae coicha tsanaya. Bichocono itabara daedaena icha be xometo ichi poxonae penta. Matautano pocotsiwa penama xatatsiwa bichocono inyapana tsanaya icha pecoicha ichi. <sup>3</sup> Bapoxonae Pedrobaru taerucupa Moisés iru Elías xua baponbe Jesús baru cueicueijeichibe. <sup>4</sup> Bapoxonae Pedro namchi Jesustha, jeye:

—Pata Tanecanamataxeinaem, maisa wanae xua xote pata umenaewa. Icha ichichipame, bapoxonae pacata acabinchi acobi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>5</sup> Poxonae cataunxuae Pedro cueicueijei, xua Jesús baru cueicueijeichi, bapoxonae daxita barapomonae bematawacaicha taruneicatsi tsaquinaebowa po tsaquinaebowa bichocono penta. Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nejuntucoyene weiweina exana. Bapon beta pajume taema pocotsiwa paca tsipaeba”, jei Nacom.

<sup>6</sup> Poxonae Jesús pijimonae tatsi jume taerucupa baxua, bapoxonae barapomonae pia coutha iratha nabebeya, irabe taebobendeca. Barapomonae bichocono pijunuwi. <sup>7</sup> Bapoxonae Jesús pijimonae imoxoyo caquita uncuataba yawa pijimonae waruba, jeye:

—Panonobaponde, painya xoba pajunuwame, jei Jesús.

<sup>8</sup> Poxonae barapomonae necobarucupa beya meisa Jesús compa uncu, ichamonae aichurubena.

<sup>9</sup> Poxonae Jesús pijimonae baru duneica demxuwa wetsica, pijimonae barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita itatatsi, beya abu poxonae xan ponxaein Nacom Tananeitapetsin equeicha asun poponaein tatupae coyene weya, jei Jesús.

<sup>10</sup> Nexata Jesús yainyabatsi pijimonae, jeye:

—Pomonae jiwí pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonae tatsi.

<sup>11</sup> Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Matautano bapon cana exana jiwitha xua jiwí cana juntu coyene weta exanaya exanatsi xua tana nejume cowantsiwa tsane xua tapatopaewa tsane. <sup>12</sup> Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwí jopa yaitaeyo bapontha pon icha Elías ichi. Saya barapo jiwí bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonae bara neichi tsane ponxaein Nacom Tananeitapetsin. Barapomonae iru nebexubina, jei Jesús.

<sup>13</sup> Jesús pijimonae tatsi matapainya yaputane xua poxonae Jesús pijimonae tsipaeba Elías yabara, apara xua Juan yabara paebatsi pon jiwí Pebautisabin.

*Meje yabara poxonae Jesús cauri taitaweta xua pewowin xeina*  
*(Mr 9.14-29; Lc 9.37-43)*

<sup>14</sup> Poxonae demxuwa weya pona, bapoxonae Jesús pijimonae baru patopa ichaxota pin bicheito jiwi jinompa. Bapoxonae pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

<sup>15</sup> —Tanecanamataxeinaem, inta taxanto yabara najuntu coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsabichino. Matautano mentha inta bebai tsabichino. <sup>16</sup> Bequein barapo taxanto xote caponanje jinyamonaetha yawa janje: 'Painta taxanto taitawere cauri', jan, daichitha jopa itacupaetsi xua taxanto petaitawetsinexatsi cauri, jei bapon.

<sup>17</sup> Jesús namchi daxita barapomonaetha, jeye:

—iPaxam barapomonaetha pam pomonaetha jopa xapain cataunxuae pana nejume cowantsim! iPaxam barapomonaetha pam, peajuntucoyenebe jiwi pam! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

<sup>18</sup> Bapoxonae Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

<sup>19</sup> Bapoxonae pirapaeyo Jesús compa tsipaebatsi pijimonae. Jesús jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonae tatsi.

<sup>20</sup> Jesús jume barai pijimonae jeye:

—Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo jata ichi xua tsica xutiyo, ichitha bara paca itacupa xua urutotha painya nejuiwa: 'Uruto bara jincoutha natabu jonde, icha ira beya naxore', xua painya nejuiwa. Bara jopa bayathiyoy tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiname tapana nejume cowantsiwam xua peya jume cowantsiwiyoy.

<sup>21</sup> Barapo cauri saya paca itacupa xua painya neitawetsiwa poxonae matha payabara nainbotame matautano poxonae matha Nacomtha matowa pawucame, jei Jesús.

*Meje yabara poxonae equeicha Jesús nayabara paeba xua poxonae tupaena (Mr 9.30-32; Lc 9.43-45)*

<sup>22</sup> Poxonae cataunxuae Jesús pijimonae baru popona Galilea nacuaetha, pijimonae tsipaeba, jeye:

—Xan ponxaein Nacom Tananeitapetsin, jiwi necaenaetsina ichamonaetha.

<sup>23</sup> Bapoxonae bequein nebexubina, ichitha poxonae acoibi po matabiyobe yapucaewina Nacom equeicha tatupaen asu neexanaena, jei Jesús.

Bichocono Jesús pijimonae tatsi anthuthutane, xua poxonae Jesús pejume taexaetsi poxonae baxua paeba.

*Meje yabara poxonae Jesús cata paratiyo xua Nacom pin pia bo nexa*

<sup>24</sup> Jesús baru patopa pijimonae Capernaum tomaratha. Bapoxonae pomonaetha paratixi penoteibiwi po paratixi judiomonaetha bewa catsibeibina xua Nacom pin pia bo nexa, barapomonaetha Pedro pexainya beya taponatsi. Barapomonaetha Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

<sup>25</sup> Pedro jume nota, jeye:

—Aa, bepa paca catsei, jei Pedro.

Poxonae Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuaetha, ¿eta po jiwi wucatsi paratixi, po paratixi xua jiwi bewa catsibeibina pomonaetha pomonaetha jiwi itorobiya pia pepa peewatsiwichi poxonae pomonaetha jiwi itorobiya pia pepa peewatsiwichi wuca? ¿Metha bara piamonaetha matabuxu wuca? Ichacuitha, ¿metha bara ichamonaetha wucatsi pomonaetha penanapaincha jinompaewi xua icha nacua werena peponaewi? ¿Eta pomonaetha cuita wucatsi? jei Jesús.

<sup>26</sup> Pedro Jesús jume notatsi, jeye:

—iApara jame wucaetsipa ichamonaetha! jei Pedro.

Equeicha Jesús jume nota, jeye:

—Nexata barapomonaetha jopa wucaeyo piamonaetha matabuxu. <sup>27</sup> Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonaetha jopa wanaca casebinexa, matha mene beya ponde. Curupobo xoyama mentha bapoxonae po duwein copiya wana pichina curupobo, pire barapo duwein. Bapoxonae

barapo duwein coiboto tsina paratiyo taename po paratiyo xua naca yajurabe xua watomatsiwabe tsane Nacom pin pia bo nexa. Bapoxonae barapo paratiyo caponde pomonae paratixi penotebiwi beya bara careno, jei Jesús.

## 18

*Meje yabara poxonae Jesús yabara yainyabatsi pijimonaе xua pon peainya cui peexanaeinchi*

(Mr 9.33-37; Lc 9.46-48)

<sup>1</sup> Nexata bapoxonae Jesús imoxoyo caquita umenaracuratsi pijimonaе, yawa pijimonaе yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonae Nacom wabina jiwi xua petanaexanaenexatsi pijimonaе pomonae itorobiya pecanamataxeinaexae? jei Jesús pijimonaе tatsi.

<sup>2</sup> Nexata Jesús waba pexuyo, yawa pijimonaе tatsi peitabarayo deca tatsi tacuaranoreca.

<sup>3</sup> Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha juntu coyenewa xua jopa pananta xeinaem peainya cui coyenewa yabara. Barapocotsi juntu coyenewa pexui ba xeina xua jopa taayapubetsi poxonae nejume cowanta. Bewa pananta xeinaem icha pexui ichi poxonae nanta xeina, icha paichichipame xua Nacom painya nepaca wabiwa xua pijimonaе tatsi painya nepaca exanaewa pomonae pamxaem Nacom itorobiya paca ewata. <sup>4</sup> Po jiton pon najuntu coyene acaura, xua daxota bichocono Nacom canantawenonatsi xua pejume cowantsiwatsi, bapon jame ainya cui xua pecana exanaewatsi Nacom pijimonaе tatsi jiwana pin pomonae pejume cowantsiwichi pomonae Nacom itorobiya peewatsixae. <sup>5</sup> Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon aparta bara nententa weyataeya waba. Xan jopa meisa nententa weyataeya wabiyo aparta bara iru matenta weyataeya wabatsi pon tana neitorobixae, xua pon bara Nacom, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

(Mr 9.42-48; Lc 17.1-2)

<sup>6</sup> “Nacom tsitatsi xua pebin bichocono abe exana poxonae ichun cana exanatsi xua abe peexanae cuiru coyene exana, po barapo ichun pon cataunxuae aena tana nejume cowantsixae. Metha jame wunae tsipae xua barapo pebin pon abeya cana exanaeya taexana ichantha, barapon pin iboto wisi catsipatsi yawa xua tuwatha xua pin mar mentha barapo iboto cayawa cabutabachipatsino. Tsipei jopa wunae tsipae xua bapon cana exana xua ichamonaе abe peexanae cuiru coyene exana pomonae cataunxuae aena nejume cowanta. <sup>7</sup> Maisa bichocono jopa xanepanaeyo barapo cae pin nacuathe nexa pomonae abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonaе cana exana xua barapo jiwi pecana exanaexaetsi xua ichamonaе cana exana xua barapo jiwi abe peexanae cuiru coyene peexaneibinexa xua daxota jopa nejume cowantebiyo. Ichitha pebin tsocuae xua bapon abe taexana xua ichun abe exanaeya taexanaetsi.

<sup>8</sup> “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa tajur beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuathe isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa tajur beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuathe isoto jopa itacounayiyo. <sup>9</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane painya netaexae painya itamaiqueitha, maisa pana naitamaiquei jucuaе. Yawa tajur beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

*Meje yabara poxonae Jesús tsipaeba pijimonae pecayabara j̄ta pepaebi diwesiyo xua oveja yabara pon nepapuxanaein*

(Lc 15.3-7)

<sup>10</sup> Equeicha Jesús jeye: “Barapocotsi pexuyo jopa catsa jumeja pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonae aena pejume cowantsiwi Nacom jopa pacayabara jande: ‘Maisa barapomonae jopa peainya cuimonaeyo’, jopa pajande. Paca tsipaebatsi pomonae Nacom pejume cowantsiwi barapomonae nantauta pia matatsunpiwi po matatsunpiwi barapomonae yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuatheicha, xua barapo pejume cowantsiwi peyawenaenexa tsaibi tsainchi. <sup>11</sup> Tsipei xan, ponxaein Nacom Tananeitapetsin patopecican tayawenaenexa pomonae jopa pejume cowantsiwi xua barapomonae napaeba tacana exanaewa tsane.

<sup>12</sup> “Pana nejume naitaeware po pecayabara j̄ta pepaebi diwesiyo xua paca tsipaebinchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewanaweneinexa oveja, pon catsawa jopa, beya matapainya taeba. <sup>13</sup> Xaniwaicha paca tsipaebatsi poxonae jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonae weiweina poxonae saya noventa y nueve poyobe po ovejamonae jopa catsawa othopaeyo. <sup>14</sup> Barichi barapocotsi j̄ta coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimonae xua pejume cowantsiwatsi matautano xua bara caeinno ir̄, pomonae aena pejume cowantsiwixae”, jei Jesús.

*Meje yabara poxonae Jesús yabara paeba xua jiton eta bichi tsane poxonae cayabara j̄ntemainaena pontha pon abe petaxanaexaetsi*

(Lc 17.3)

<sup>15</sup> Equeicha Jesús barai pijimonae, jeye: “Icha ich̄n pon ir̄ pejume cowantsindu, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonae paca itacoxonaena. <sup>16</sup> Ichacuitha icha ich̄n pon pejume cowantsindu, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinexa bapon xua abe peexanaexae. <sup>17</sup> Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonae Nacom pejume cowantsiwichi, xua barapomonae bapon peyabara paebinxatsi. Icha bapon awiya cataunxuae jopa came jume cowantsiya jejeyo barapomonaetha barapoxonae barapomonae bewa yabara nanta xeinae xua bapon bara be pocotsi jiton pon jopa bapana pejume cowantsin Nacom. Ichacuitha bewa yabara nanta xeinae xua bapon bara be pocotsi jiton jiwana, pomonae peaj̄nt̄coyenebewi, pomonae paratixi pentoma notebiwi, po paratixi j̄wi bewa catsibeibina pon romanomonae itorobiya pia pepa peewatsinchi nexa.

<sup>18</sup> “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonae tana nejume cowantsiwi, bapocotsiwa bara ir̄ Nacom jopa copatsiyo pia peitorobi nacua beicha xua barapomonae peexanaewa tsane baxua. Pocotsiwa pacopatame xua tajiwiwonae peexanaenexa barapo cae pin nacuathe bapocotsiwa ir̄ Nacom copata pia peitorobi nacua beicha xua barapomonae bara peexanaewa tsane baxua.

<sup>19</sup> “Matautano paca tsipaebatsi icha paxam jiwana nacueyatabe barapo cae pin nacuathe icha baponbe pebr̄ya j̄paya yabara nanta xeinabe xua Nacomtha pew̄caewabe, baponbe bara baxua taexanaeinchībe pocotsiwa pew̄caexaebe xua Taxa Nacom bara taexanaena pon peitabocotha eca. <sup>20</sup> Tsipei ichaxota ba nayantabe xua nacueyatabe poyobe, xua poxonae pew̄caenexabe Nacom xua ichacuitha ichaxota acobi poyobe, xua pomonae taneantobe j̄wixae, bara bequein saya caeyobe daichitha xan baxota ba uncueiban ir̄”, jei Jesús.

<sup>21</sup> Nexata Pedro Jesús yainyabatsi, jeye:

—Tanecanamataxeinaem, icha inta abe exana pon ir̄r̄ jume cow̄nta, ¿eta po cuiyobe tsipaebocuaein xua bewa tacui yabara j̄ntemainaewa tsane pocotsiwa inta abe exana? ¿Metha saya beya poxonae siete po jume cuiyobe tsipae? jei Pedro.

<sup>22</sup> Jesús jume nota, jeye:

—Ichitha jopa catsipaebichi xua saya siete po cuiyobetham netsipaebiwa tsane xua j̄nya necui yabara j̄ntemainaewa tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua j̄nya necui yabara



juntemainaeewa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

*Meje yabara poxonae Jesús cuiduba pecayabara jata pepaebi diwesiyo xua pon jopa yabara juntemainaeoyo ichantha*

<sup>23</sup> Equeicha Jesús pijimonaē barai pecayabara jata pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonaē bichocono yabara juntemainā po abe peexanae coyenein pijimonaē tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon waca xua caewa equeicha pematomatsinexatsi xua po matoman caena bayatha penacowaebixaetsi. <sup>24</sup> Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaēbe. <sup>25</sup> Barapon pon copiya pon petanacuichinxae pon jiwi itorobiya pia pepa peewatsinchi nexa jopa xeinaeyo paratiximonaē xua pon jiwi itorobiya pia pepa peewatsinchi caewa petacanawichinexa tsainchi. Daxota pon jiwi itorobiya pia pepa peewatsinchi itoroba ichantha xua barapo petanacuichinchi caenaetaxubinchi ichantha xua ichan pecomotsinexa tsane xua pon pebusi cui taetaeinchi pecanaexanaenexa tsainchi. Barapon pon jiwi itorobiya pia pepa peewatsinchi matauta cui itoroba xua yabayo pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi. <sup>26</sup> Nexata pon petanacuichin pentabocototha uncua pon jiwi itorobiya pia pepa peewatsinchi itabaratha tatsi matautano jume daunweya namchiya jeye: ‘Tanentacaponae, abu necayabara najuntu coyene xeinare, xua jopa bepijawa neaitaconaenexa. Barapara bexa daxita pentoman cacatsinchi’, jei pon petanacuichin. <sup>27</sup> Pon jiwi itorobiya pia pepa peewatsinchi bara yabara najuntu coyene xeina peyawenaenexa, yawa yabara juntemainā barapo paratiximonaē, matautano bara saya pu copata.

<sup>28</sup> “Daichitha bapon pon petanacuichinxae poxonaē pontaba pon jiwi itorobiya pia pepa peewatsinchi weya, jemeicha cacina pia jiton pon penabarū nacuichinxaebe. Pon caxinatsi bapon matoma amanayaba saya cien po paratiximonaēbe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathu waetaba, muxu penaichatabi. Pon pecoibotathu waetabixae bapon jei: ‘¡Equeicha inta caewa canawire xua bayatha nentoma amanayabame!’ jei. <sup>29</sup> Bapoxonaē pon coibotathu waetabatsi pentabocototha uncua pia jiton itabaratha tatsi, matautano jeye: ‘Abu, neyabara najuntu coyene xeinare, xua jopa bepijawa neaitaconaenexa. Barapara bexa pentoma cacatsinchi’, jei pon coibotathu waetabatsi. <sup>30</sup> Ichitha pon jiwi itorobiya pia pepa peewatsinchi weya pona bapon aichaxaibi xua abu came pentoma ewatsiwa. Daxota bapon pia jiton capona jiwi pecabi bo beya, beya abu poxonaē matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi. <sup>31</sup> Poxonaē ichamonae pomonaē iruru petanacuichiwi baxua cui tane, barapomonaē unthathu wecoyē, tsipei ichan pon iru petanacuichin jiwi pecabi bo beya. Bapoxonaē barapomonaē pon jiwi itorobiya pia pepa peewatsinchi beya pona. Barapomonaē tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichantha pon iruru petanacuichin. <sup>32</sup> Bapoxonaē pon jiwi itorobiya pia pepa peewatsinchi itoroba pijimonaē xua petawabinexa tsainchi pon petanacuichinxaeatsi pontha xua pon peyabara juntemainaeaxae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: ‘¡Maisa pon inta nacuitame maisa bichocono abem! Xan cayabara juntemainatsi daxita barapo ainya paratiximonaē tsipei tanebarū jumichimxae. <sup>33</sup> Xam bewa bayatha barichim. Bewa yabara najuntu coyene xeinaem jinya jiton xua nejuntemaināenexa pocotsiwa bapon cantoma amanayaba, icha xan ichin xua bayatha cayabara najuntu coyene xeinatsi tacayawenaenexa tsainchi’, jei. <sup>34</sup> Pon jiwi itorobiya pia pepa peewatsinchi bichocono anaepana. Daxota bapon cui itoroba ichamonae, xua barapon pon petanacuichinxaeatsi caponaeinchi jiwi pecabi bo beya. Baraxota peraxa exanaeinchi xua beya abu poxonaē barapon pon petanacuichinxaeatsi matoma catsinchi daxita po pentoma bayatha jopa caewa petacanawichixaetsi”, jei Jesús.

<sup>35</sup> Equeicha Jesús jeye:

—Bara jata coyeneya ichi tsane icha be pon jiwi itorobiya pia pepa peewatsinchi ichi. Poxonaē bapon peraxa exana barapo pia petanacuichinxaeatsi xua bapon pia jiton jopa

pecui yabara jantemainaexae, Nacom pon itaboco peecaein barichi tsane pijiwitha. Nacom exanaena baxua poxonae barapomonae jopa xapain yabara jantemainaeyo pomon-aetha pomonae abe petaexanaexaetsi, jei Jesús.

## 19

*Meje yabara poxonae Jesús cuiduba xua jiwi piseurixi pepunapenteibiyainwa.*  
(Mr 10.1-12; Lc 16.18)

<sup>1</sup> Poxonae Jesús najume weta xua tsipaeba pijimonae, bapoxonae Galilea nacua weya warapa. Bapoxonae Jordán mene deca bara bereca pona, equeicha dabeya barapo Jordán mene, mene epa uncatabiya xua patopa Judea nacua, po nacua eca ichaxota pocotsiwa xometo bejopiya xua po nacua Jordán mene weya eca. <sup>2</sup> Pin bicheitomonae puna poinchi. Baxotiya Judea nacuatha Jesús axaibi exana peatenewi.

<sup>3</sup> Bapoxonae fariseomonae piraichi Jesús imoxoyo caquita umenarucupatsi xua Jesús pejuntu coyene jujtsinexatsi daxota jeye Jesustha:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonae.

<sup>4</sup> Jesús fariseomonae jume notatsi, jeye:

—¿Jopa payorobim Nacom Pejume Diwesi? Barapo diwesitha jeye: ‘Poxonae aena Nacom forota, Nacom forota pebin yawa forota petsiriwa’, jei barapo Nacom Pejume Diwesitha. <sup>5</sup> Matauta jeyeno Nacom Pejume Diwesitha: ‘Daxota baxuaxae pebin paxa wepu natsata yawa pena wepu natsata xua piowabe imoxoyo penaperu nacoyobinexabe. Baraponbe be cae jiwimonae naexanabe’, jei Nacom Pejume Diwesitha. <sup>6</sup> Bapoxonae baponbe xua ainya jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

<sup>7</sup> Nexata fariseomonae Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonae.

<sup>8</sup> Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi jiwixae Nacom. Apra caena bayatha Nacom jopa baxua copatsiyo poxonae aena fororatapona jiwi. <sup>9</sup> Nama paca tsipaebatsi pon piowa punaxuba xua poxonae yabuo bequein jopa nasi cui exanaeyo ichantha, icha bapon ichowa pita, bapon abe exana Nacom peitatha tatsi tsipei Nacom tsitatsi xua powa copiya baru popona apra bara piowa tatsi, jei Jesús.

<sup>10</sup> Nexata Jesús tsipaebatsi pijimonae, jeye:

—Icha Nacom jopa copatsiyo xua pebin piowa punaxubina poxonae barapowa saya u exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonae.

<sup>11</sup> Jesús barai pijimonae, jeye:

—Daxita jiwi ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonae Nacom yabara yaputane exana barapo coyene, barapomonae itacupatsi xua pecana exanaewa barapo coyenetha xua jopa jitha peenaewa. <sup>12</sup> Barichi acoibi po cui coyenewabe xua pebiwi jopa penotsiwa pecotsiwaxi jiwi. Ichamonae aichaxaibi xua jitha peenaewa tsipei barapocotsi jiwimonae bara yacuiya naexana xua jopa penotsiwa yabuxitha. Ichamonae jopa itacupaetsi xua pecotsiwaxi penotsiwa tsipei bayatha tobu jucuatsi, xua ichamonae tobu jucua. Daxota jopa itacupaetsi xua pexui pecanaexanaewa. Ichamonae aichaxaibi xua pecotsiwaxi nota, peichichipaexae xua saya u peexanaewa pocotsiwa Nacom itoroba. Pon itacupaetsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanae tsane xua pepichiwa tsane pecotsiwa, jei Jesús.

*Meje yabara poxonae Jesús jeye pexuitha: “Barabu Nacom beta paca yawenaena”, jei*  
(Mr 10.13-16; Lc 18.15-17)

<sup>13</sup> Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewacaenexa barapo pexui nexa xua pejeinexa: “Barabu Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonae cui matawentatsi pomonae pexui carendena tsaibi. <sup>14</sup> Ichitha Jesús jume barai pijimonae, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejuntu coyene

xanepanaewi icha pexui ichi. Pexui pia cui xua tayapu xanepanatsi xua pia juntu coyeneintha jume cowanta Nacom, jei Jesús pijimonaetha.

<sup>15</sup> Poxonae Jesús nacobe weta xua pexui jayabatsi yawa xua Nacomtha tawuca barapo pexui, xua jeye: “Barabu Nacom beta paca yawenaena”, jei. Bapoxonae Jesús wepu pona barapomona.

*Meje yabara poxonae pewowin pon copei pexeinaein Jesús tsipaebatsi  
(Mr 10.17-31; Lc 18.18-30)*

<sup>16</sup> Pewowin pona xua Jesús petaenexatsi. Barapo pewowin jeye Jestustha:

—Ja Tanecuidubim, maisa nejuntu coyene xanepanaem. ¿Eta xua copiya matha exanocuaein xua ajuntayapusuya tapoponaewa tsane xua ataya tsane? jei.

<sup>17</sup> Jesús jume barai, jeye:

—¿Eta xua nebaram: ‘Nejuntu coyene xanepanaem’, jam? Apará ichun dapon aibi pon rejuntu coyene xanepanaein. Jame meisa apara bapon Nacom compa rejuntu coyene xanepanaein. Icha ichichipame xua ajuntayapusuya nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

<sup>18</sup> Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—Jopa ichun bexubinde. Jopa ichowa pichinde ichun piowa tatsi. Jopa caibinde ichun piawan tatsi. Jopa naerabiya cayabara paebinde pocotsiwa ichamonae exana. <sup>19</sup> Axatha baru jume cui itura jinare. Antobeinde necatsicuarabu enaewi icha ichim xua jincoutha naantobem’, jei Moises, jei Jesús.

<sup>20</sup> Pewowin Jesús jume baraichi, jeye:

—Daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

<sup>21</sup> Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya neexanaewa, matha daxita caenaere pocotsiwa xeiame yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wanae, jei Jesús.

<sup>22</sup> Poxonae barapo pewowin baxua jume taeba bichocono unthuthu wecoyeya ponataba tsipei bichocono copei pexeinaein.

<sup>23</sup> Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomonae bichocono copei pexeinaewi naexana Nacom pijimonaetha tatsi jiwana pomonae Nacom itorobiya peewatsixae. Tsipei barapomonaetha bichocono antasiwayatane barapo pia copei beyacaincha xua Nacom antobetsi. <sup>24</sup> Equeicha paca tsipaebatsi. Bichocono acuiruyapube xua duwein pon pewun camello xua pejoniyaeawa acucheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae Nacom itorobiya peewatsixae beyacaincha xua poxonae acuiruyapube xua poxonae camello acucheto peetabu wan iya pejoniyaeawa, jei Jesús.

<sup>25</sup> Poxonae baxua Jesús jume taeracupatsi pijimonaetha, barapomonaetha yabara najuntu cui coyene cabenaeca, yawa Jesús jeichichi:

—Bapoxonae ¿jintam metha nexata itacupatsi xua penacapanepaewa pia coutha? jei barapomonaetha.

<sup>26</sup> Jesús necotsiya jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>27</sup> Nexata Pedro jeye Jestustha:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan ¿eta pocotsiwa metha nexata pana necatsiname? jei.

<sup>28</sup> Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae caecaethopaewa bichocono itupana. Paxam

pomonaē tapanā nepuna jinompaewim doce po itapanāe enebithopeibiwatha paenaēname painya yabara paebineham tsane pomonaē doce po matabwaxnyobe israelmonae pia penatsicuentiwa abe peexanaexae. <sup>29</sup> Daxita pomonaē taneantobe jiwixae xua pecueicueije tsurubenanaebiyāenexa Nacom Pejume Diwesi, Nacom beta cana exanaena barapomonaē. Nacom beta cana exanaena pomonaē pia bon pecuenta ponaexae, matauta ichacuitha ichamonaē peweicho jiwī pecuenta ponaexae, matautano ichacuitha pamcho jiwī pecuenta ponaexae, matautano ichacuitha paxeiwi pecuenta ponaexae, matautano ichacuitha pena jiwī pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonaē barapo coyenein exana tana neantobe jiwixae, daxota daxita barapomonaētha Nacom jopa juniya catsi tsane barapo cae pin nacuathe. Matautano barapomonaētha Nacom catsina pia peitorobi nacuatheicha peajuntcoyenyapusuwa, po peajuntcoyenyapusuwa ataya tsiteca. <sup>30</sup> Pomonaē xua anoxuae pomonaē jiwī petsita ainya cui jiwichi po cae pin nacuathe, barapomonaē bexa Nacom pia peitorobi nacuatheicha jopa peainya cui jiwī tsane. Pomonaē xua anoxuae pepawi naexana, pomonaē jiwī jopa petsita ainya cui jiwichi po cae pin nacuathe, barapomonaē Nacom pia peitorobi nacuatheicha peainya cui jiwī tsane, jei Jesús.

## 20

*Meje yabara poxonaē Jesús paeba pecayabara jūta pepaebi diwesiyo pomonaē uva pabitha petanacuichiwi*

<sup>1</sup> Equeicha Jesús tsipaeba pijimonaē pecayabara jūta pepaebi diwesiyotha, jeye: “Nacom pijimonaē matomatsina pia nacuatheicha xua be pematomatsiwa petaxanaexaetsi pia petanacuichiwa tatsi icha pon pabi pexeinaein ichi xua poxonaē matoma catsiba pomonaētha pomonaē petanacuichixaetsi. Pon pabi pexeinaein caemumbotha pona xua jeita pomonaē pia petanacuichinexa tsainchi pia uva bacabo. <sup>2</sup> Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebinchi pocotsi paratiyo xua caentaqueitha nexa’, jei. Bapoxonaē bapon pia petanacuichiwichi itoroba pia uva bacabo beya. <sup>3</sup> Bapoxonaē equeicha bapon pona poxonaē xometo tajū beequaina xua pejeichinexa ichamonaē pomonaē petanacuichiwichinexa tsainchi pia uva bacabo. Bapoxonaē bapon tane ichamonaē, pomonaē panatha saya jinompa xua jopa nacuitompaeyo. <sup>4</sup> Bapon barai barapomonaē jeye: ‘Paxam iruru painta nacuire ta uva pabi. Nexata beta paca matoma catsibinchi, xua pocotsi paratiyo po horatha panacuitame nexa’, jei. Bapoxonaē barapomonaē pona pabi beya penacuichinexa. <sup>5</sup> Bapon mateinyaxae equeicha pona xua pejeichinexa ichamonaē pomonaē pia petanacuichiwichi tsainchi. Barichi equeicha poxonaē tabopiya pona xua pejeichinexa ichamonaē pomonaē pia petanacuichiwichi tsainchi. <sup>6</sup> Bapon equeicha pona pana beya poxonaē xometo iriya ducuañaicha xua pejeichinexa ichamonaē pomonaē pia petanacuichiwichi tsainchi. Bapon equeicha tane ichamonaē pomonaē xua jopa iru nacuitompaeyo. Bapon barai barapomonaētha, jeye: ‘Eta xua metha came saya anoxuae paumename po panathe, xua jopa panacuitompaeyo?’ jei pabi pexeinaein. <sup>7</sup> Barapomonaē jume nota, jeye: ‘Canta dapon aibi pon pata tana neitorobiwa tsane’, jei. Nexata bapon barai barapomonaē, jeye: ‘Paxam paponare, iruru painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane’, jei pon pabi pexeinaein.

<sup>8</sup> “Poxonaē quirei tsanaicha pon pabi pexeinaein, bapon itoroba pon pia petayapucaecaēinchi uva pabi, jeye: ‘Inta wabare pomonaē inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonaē opi dubena pomonaē inta cotacaya nacuita poxonaē xometo iriya ducuañaicha, beya poxonaē papataponaena pomonaē copiya inta nacuita caemumbotha’, jei. <sup>9</sup> Nexata copiya pata pomonaē cotacaya nacuita poxonaē xometo iriya ducuañaicha. Daxita barapoyobe pomonaē cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuihiyo. <sup>10</sup> Nexata bara iru bapoxonaē pata pomonaē tamropata notarucupa xua nacuita poxonaē tabopiya, bara barapomonaē iru beta matoma catsibatsi pocotsi paratiyo caentaqueitha nexa. Bapoxonaē iru pata pomonaē tamropata notarucupa xua nacuita poxonaē mateinyaxae, bara barapomonaē iru beta matoma catsibatsi, pocotsi paratiyo caentaqueitha nexa. Bapoxonaē iru pata pomonaē tamropata notarucupa xua nacuita poxonaē xometo tajū beequaina, bara barapomonaē iru beta matoma catsibatsi, pocotsi paratiyo caentaqueitha nexa. Bapoxonaē iru nama pata pomonaē tamropata notarucupa xua nacuita caemumbotha. Barapomonaē najei: ‘Metha equeicha mataropeichiya naca catsibina paraxi tsipei nacuitatsi

caemumbotha', najei barapomonaе. Daametha barapomonaе saya matoma catsibatsi, pocotsi paratiyo caentaqueitha nexa. <sup>11</sup> Ichitha poxonaе barapomonaе matoma nota, itaconacaracapa pontha pon peitorobixae barapomonaetha. <sup>12</sup> Barapomonaе anaya jei bapontha: 'Pomonaе nacuita cotacaya, saya cae horatha nacuita, barapomonaе matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan', jei barapomonaе. <sup>13</sup> Ichitha pon pabi pexeinaein jume nota caeintha barapomonaе jiwanapintha, jeye: 'Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi. <sup>14</sup> Bara jinya matoma pire. Bara nawiya. Xan ichichipan tacoya matoma catsiban pomonaе quiripitha nacuita barapocotsi matoma, pocotsi matoma jupa paca catsibatsi. <sup>15</sup> Apara xan tawaxae itacoxonan xua tantoma exanaewa. Apara pauwame ichamonaе xua jopa taasiwaxae xua tantoma exanaewa ichamonaetha', jei pon pabi pexeinaein.

<sup>16</sup> "Nacom barapocotsi juta coyeneya cana ichi tsane jiwitha icha pon pabi pexeinaein ichi poxonaе cana exana pomonaetha pomonaе pia petanacuichiwichi. Pomonaе xua anoxuae pepawi naexana, pomonaе jiwi jopa petsita ainya cui jiwichi po cae pin nacuathe, barapomonaе Nacom pia peitorobi nacuatheicha peainya cui jiwi tsane. Pomonaе xua anoxuae pomonaе xua jiwi petsita ainya cui jiwichi po cae pin nacuathe, barapomonaе bexa Nacom pia peitorobi nacuatheicha jopa peainya cui jiwi tsane", jei Jesús.

*Meje yabara poxonaе Jesús nayabara paeba acoibi po coyenebetha xua poxonaе tupaena (Mr 10.32-34; Lc 18.31-34)*

<sup>17</sup> Bapoxonaе pirapae Jesús pona Jerusalén tomara beya. Poxonaе cataunxuae Jesús pijimonaе baru ecapona namtotha pomonaе doce poyobe tatsi, barapo doce poyobe Jesús meisa waba aisowa beya petsipaebinexa.

<sup>18</sup> Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonaе pia pentacaponawitha tatsi yawa pomonaetha pomonaе jiwi pecuidubiwi Moisés pia peitorobi coyene tatsi. Barapomonaе necaenaetsina ichamonaetha xua ichamonaе tana nehexubiwa tsane. <sup>19</sup> Bapoxonaе daxita barapomonaе necaenaetsina pomonaetha pomonaе penanapaincha jinompaewi xua icha nacua werena peponaewi xua barapomonaе tana necui caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonaе acoibi po maticabibe yapu jopaena equeicha Nacom asu neexanaena petupae cuiru coyene weya, jei Jesús.

*Meje yabara poxonaе Jesús wucatsi powa, Santiago pena tatsi xua iru Juan pena tatsi (Mr 10.35-45)*

<sup>20</sup> Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jestutha. Barapo petsiriwa pentabocototha uncu Jesús peitabaratha tatsi, xua Jesús pewucaenexa tsainchi. <sup>21</sup> Jesús barai bapowatha, jeye:

—¿Eta pocotsiwa jinya newucaetsi? jei.

Barowa Jesús jume notatsi, jeye:

—Poxonaе maticabi patopaena po mataqueitha itorobiya ewatsiname jiwi barapo mataqueitha cawucatsi xua bara itorobiname barapo taxantobe, xua nantiyabe peecaewa tsanebe xantha, xua ichun necoxa weya peecaewa tsane, xua ichun netsocona weya peecaewa tsane, jei.

<sup>22</sup> Ichitha Jesús baraipe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonaе ichamonaе abe inta exanaena bara saya copatsin xua barapomonaе bara neperaxa jubina. Barichi poroxu paxambe pana neantobem, ¿bara iru paca itacupabe xua bara pacopatsinamebe xua bara ichamonaе paca peraxa jubinabe? Barichin bara saya copatsin xua ichamonaе bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonaе tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

<sup>23</sup> Jesús jume nota, jeye:

—Bara bara xainyei barapocotsi coyene ichamonaе paca cana exanaenabe. Ichamonaе paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom

meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

<sup>24</sup> Jesús pijimonaе pomonae umena, pomonae diez poyobe jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucupatsibe. <sup>25</sup> Ichitha Jesús pia xainya berena pijimonaе waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonaе naexanaeyo. Barapomonaе ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonaе, xua daxota bichocono jiwi taayapubetsi. <sup>26</sup> Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. <sup>27</sup> Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon bewa copiya matha daxita paxam amanaya pacata nacuichina pia coya peichichipaexae. <sup>28</sup> Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apara jopa baxua tsiapatopaeinyo xua ichamonae inta penacuichiwana tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe*  
(Mr 10.46-52; Lc 18.35-43)

<sup>29</sup> Poxonae Jesús pijimonaе baru pontaba Jericó tomara weya, bapoxonae Jesús puna poinchi pin bicheito. <sup>30</sup> Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—¡Pon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>31</sup> Barapo peitata nacutsinbe jume matawentsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—¡Pon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>32</sup> Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

<sup>33</sup> Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe. <sup>34</sup> Nexata baponbe Jesús yabara najuntu coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jesustha napuna ponabe.

## 21

*Meje yabara poxonae Jesús Jerusalén tomaratha patopa*  
(Mr 11.1-11; Lc 19.28-40; Jn 12.12-19)

<sup>1</sup> Poxonae bara itiya pona Jerusalén tomara, Jesús bara muxu pebaru patopae pijimonaе Betfagé tomaratha. Barapo Betfagé tomara demxuwa itapatororotha eca po demxuwa pewu Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwanabe. <sup>2</sup> Jesús baraipe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penun quetanotatsi pon pebto. Barapo burra paisanaxorebe yawa payama carenandebe coxiwa yawa penunno. <sup>3</sup> Icha ichun paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwi Pecanamataxeinaein bepa pata yama cayiyaenjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

<sup>4</sup> Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

<sup>5</sup> “Patsipaebare Sión tomarapiwi.

Pajande: ‘Pataename pon itorobiya painya pepa paca Ewatsin.

Pacata jantema patopaena, xua burriyotha equeicaena, penantha xua burra pesowato coxi tatsi’ pajande”, jei pon Nacom pia peitorobi jume pepaebin, bapon Isaías, xua Mesías yabara paebatsi.

<sup>6</sup> Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba. <sup>7</sup> Baponbe yama carenabe burra pesowato yawa yama carenabe penan. Baponbe pia paparuwan tsijuma jebicabe po paparuwan matha weruyabe coxiwathano yawa penanthano. Bapoxonae Jesús equeica penantha. <sup>8</sup> Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jehebapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jehebapoinya. Daxita barapomonae barapo coyene exana xua Jesús pebaru cui itura jinaenexa tsainchi. <sup>9</sup> Pomonae, xua Jesús tsiwana enapoinchi iruru pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barabu jiwi baru cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon jiwi itorobiya pia pepa peewatsinchi, maisa wunae! ¡Bapon patopa Nacom peitorobixae! ¡Maisa Nacom bichocono wunae jaintatsi pon athabeicha eca! jei barapomonae.

<sup>10</sup> Poxonae Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomonae nayainyaba, jeye:

—¿Jintam metha bapon jane? najei.

<sup>11</sup> Ichamonae jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuatha, jei ichamonae xua iru ichamonae jume notatsi.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

(Mr 11.15-19; Lc 19.45-48; Jn 2.13-22)

<sup>12</sup> Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tabu tayebiya bebai iratha pocotsiwa pexaethopaewan, po pexaethopaewantha nantiya nacatsiba paratixi yawa xua tabu tayebiya bebai iratha peenaewan po peenaewan ichaxota ena pomonae caenaeta topibo. <sup>13</sup> Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia mathu tutu pacana exaname ichaxota pijunuwi nantsiyabeibathopa tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

<sup>14</sup> Barapo Nacom pin pia botha tatsi, Jesús imoxoyo caquita umenarucupatsi pomonae peitata nacatsiwi. Iruru Jesús imoxoyo caquita umenarucupatsi pomonae pejayujayujeiwi. Jesús axaibi exana daxita barapomonae. <sup>15</sup> Sacerdotemonae pia pentacaponae wi tatsi iruru pomonae jiwi pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itutsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabu jiwi baru cui itura jinaena bapon pon David pia pemomoxi susato jiwanapin tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae wi tatsi iruru pomonae jiwi pecuidubiwi Moisés pia peitorobi coyenewa tatsi anaepana poxonae Jesús cui tainchi yawa xua jume tainchino. <sup>16</sup> Daxita barapomonae jopa ichipaeyo xua pexui paeba, daxota anaya Jesús jeichichi:

—¿Bayatha jume taneme xua baxua pexui cayabara wawaya namchi? jei barapomonae. Jesús jume nota barapomonae, jeye:

—Aa, bara bayatha jume tan xua pexui newunae jainta. Paxam bayatha payorobame Nacom Pejume Diwesi xua pexui bara cui copatatsi xua bara wunae pejainteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi, iru poxi jinompena, xua barapoxi pexeinya weixi cayabara caununaya naxuna poxonae cawuna jainchina’,  
 jei David Nacom Pejume Diwesitha,  
 jei Jesús daxita barapomonaetha.

<sup>17</sup> Nexata Jesús daxita barapomonaetha wepu pona Jerusalén tomara weya. Bapoxonae Betania tomara bewarapiya. Baxota merawi maiteca.

*Meje yabara poxonae Jesús biatane higuera nae xua jopa penacoichixa*  
 (Mr 11.12-14, 20-26)

<sup>18</sup> Poxonae Jesús caemambotha equeicha caibe iya Jerusalén tomara beya, bichocono jainpa pona. <sup>19</sup> Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya n noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yununcia. <sup>20</sup> Poxonae Jesús cui tainchi pijimonaetha baxua barapomonaetha yabara najuntá coyene cui cabenaeca bichocono. Yawa Jesús yainyabatsi pijimonaetha, jeye:

—¿Eta xua metha higuera nae nainya yununcia? jeichichi Jesús pijimonaetha.

<sup>21</sup> Jesús jume nota pijimonaetha, jeye:

—Bara xaniyeya paca tsipaebatsi. Icha xanepanaya payabara jume cowuntame xua Nacom painya nepaca cayawenaewa xuano xua jopa ainya unthuton paxeinaem bara paca itacupaena xua painya nepaebiwa icha ichin xua cana exanan higuera nae. Mataatano bara paca itacupaena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonae bara baxua jopa bayathiy tsane. <sup>22</sup> Daxita xua xuan pocotsiwan Nacom beya pawycame, icha bara xanepanaya pajume cowuntsiya wucame, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina*  
 (Mr 11.27-33; Lc 20.1-8)

<sup>23</sup> Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenaracupatsi sacerdotemonaetha pia pentacaponae tatsi iru judiomonaetha pia pitiri jiwi tatsi. Daxita barapomonaetha Jesús yainyabatsi, jeye:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa?

<sup>24</sup> Jesús jume nota barapomonaetha, jeye:

—Xan iruru tha barichichi paca yainyabinchi. Icha beta pana nejume notsinaem, bapoxonae xuya yabara paca tsipaebatsi xua po peayapusu itorobi coyeneyatha taexanaewa baxuan. <sup>25</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paeabatsi pon caena bayatha tupa.

Nexata daxita barapomonaetha caemonaetha najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. <sup>26</sup> Jiwi cui unuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cowuntatsi xua bapon apara pon Nacom pia peitorobi jume tatsi pepaebi jiton”, najei barapomonaetha. <sup>27</sup> Nexata barapomonaetha Jesús baraichi, jeye:

—Canta jopa payaputaeyino, jei barapomonaetha.

Nexata Jesús barai barapomonaetha, jeye:

—Nexata barichin tsane, jopa yabara paca tsipaebi tsainchi po peayapusu itorobi coyeneyatha xua daxita taexanaewan, jei Jesús.

*Meje yabara poxonae Jesús cuiduba pecayabara juta pepaebi diwesiyo xua pebin ainya pexantobe tatsi*

<sup>28</sup> Equeicha Jesús namchi Nacom pin pia botha daxita barapomonaetha, xua sacerdotemonaetha pia pentacaponae witha tatsi, iru judiomonaetha pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebatsi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei. <sup>29</sup> Bapon jume notatsi pexantobe jeye: ‘Bara, aichaxaibin’, jeichichi bapon pexantobe. Daichitha equeicha bapon pexantobe tatsi nanta xeinataba, bapoxonae pona



xua penacuichinexa uva pabi, paxa tatsi pia pabi tatsi. <sup>30</sup> Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantotha. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo. <sup>31</sup> Incane yabara paca yainyabinchi xua bapon barapo pexantobe tatsi, *¿eta po pewowinda pon exana pocotsiwa paxa itorobatsi? jei Jesús.*

Barapomonaе Jesús jume notatsi, jeye:

—Pon copiya paxa itorobatsi, jeichichi Jesús barapomonaе.

Nexata Jesús jume barai barapomonaе, jeye:

—Bara xaniyan yabara paca tsipaebatsi, pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa, iruru yabuxi powaxi pesi cui weiweinaewaxi. Bara bequein barapomonaе peantucoyenebewi, daichitha barapomonaе naexanaena Nacom piamonaе tatsi jiwana tatsi, beya poxonaе paxam iru panaexaname Nacom piamonaе tatsi jiwana tatsi. <sup>32</sup> Juan pon jiwí Pebautisabin patopa xua pia nepaca cuidubinexa xua pocotsiwa bewa paexanaename painya nexeiinaenexa tsane po juntu coyene pexanepanae juntu coyene. Daichitha paxam jopa pajume cowantsim pocotsiwa Juan paeba. Ichitha Juan yabara jume cowantatsi pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa. Iruru yabuxi powaxi pesi cui weiweinaewaxi Juan yabara jume cowantatsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonaе abe paexaname. Daxota icha juntu coyene jopa paxeinaem xua painya nejume cowantsinexa Nacom, jei Jesús.

*Meje yabara poxonaе Jesús paeba pecayabara juta pepaеbi diwesiyo pomonaе xua abe exana, pomonaе petayapucaenaewi uva pabi  
(Mr 12.1-12; Lc 20.9-19)*

<sup>33</sup> Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara juta pepaеbi diwesiyo. Matha iruru pebin pia pabi xeina. Bapon aba po unbo pewan uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonaе barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo po bo tancha xua baxota pebin bara wenecotequeica uva pabi. Bapoxonaе bapon itoroba pomonaе pia uva pabi pia petayapucaenaewichi tsainchi, xua bapoxonaе barapomonaе pejiwanaxaenexa pocotsiwa penawetsiwa. Bapoxonaе bapon icha nacua beya pona. <sup>34</sup> Barapo matacabi tsuxubi po matacabitha uva cuei naweta. Bapoxonaе barapo mataqueitha pomonaе pabi petayapucaenaewi jiwana itapetanota xua penawetsiwa. Bapoxonaе pon uva pabi pexeinaein, bapon pomonaе petanacuichiwichi jiwana itoroba, xua petawucaenexa tsainchi uva cuei pomonaе beya, pomonaе pabi petayapucaenaewichi. <sup>35</sup> Ichitha barapomonaе, pomonaе pabi petayapucaenaewichi teica, teiquebatsi pomonaе itorobatsi, pomonaе pabi pexeinaein itoroba uva pabi petayapucaenaewichi tatsi beya. Barapomonaе pomonaе petayapucaenaewi pabi, cuainta caeintha pomonaе penajume carutsi jiwichi jiwana pintha. Ichun bexotsi. Ichun ibotontha cuinbabatsi. <sup>36</sup> Pon pabi pexeinaein barichi equeicha itoroba ichamonaе pomonaе pia petanacuichiwichi. Equeicha barichi pomonaе pabi petayapucaenaewi bara jutiya cana exana barapomonaetha.

<sup>37</sup> “Bara nama matapainya pexanto itoroba. Bapon najei: ‘Barapomonaе metha taxanto inta yabara baru cui itura jinaeinchi, daxota itoroban bapon’, najei bapon. <sup>38</sup> Dapo jumetha pomonaе pabi petayapucaenaewi poxonaе bapon tainchi barapomonaе najei: ‘Apara bapon paxa copiniwa pichina. Daxota bapon bu bexotsi xainya xeinatsi barapo uva pabi’, najei barapomonaе. <sup>39</sup> Barapo pexanto tatsi uva pabi juma bemaxu caiyatsi. Baxotiya bexotsi”, jei Jesús.

<sup>40</sup> Nexata Jesús barai barapo jiwi Nacom pin pia botha, jeye: “Poxonaе pabi pexeinaein patopaena, *¿eta be cana ichi tsane pomonaetha pomonaе barapo uva pabi pia petayapucaenaewichi? je Jesús.*

<sup>41</sup> Barapomonaе Jesús jume notatsi, jeye:

—Bapon bewa jutebina barapomonaе, jopa weyatae tsane barapomonaetha xua peantucoyenyapube jiwixae. Bapoxonaе itorobina ichamonaе xua petayapucaenaenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonaе tsabina pabi pexeinaein nexa yawa iruru barapomonaе nexaru, jei barapo jiwitha pomonaе peenaexae Nacom pin pia botha.

<sup>42</sup> Nexata Jesús barai barapomonaе xua nayabara paeba, jeye:

—¡Paxam bara bayatha payorobameba Nacom Pejume Diwesitha! Barapo diwesitha neyabara caunuta poxonaе iboto yabara paeba, xua jeye:

'Pebiwu pomonae ibo bon peacabiwi,  
barapo pebiwi xuba po iboto tabu caboca  
po iboto peainya cui iboto.

Ichitha Nacom itapeta barapo iboto xua  
petabu cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana',  
jeichichi, jei Nacom Pejume Diwesitha  
xua neyabara caunuta.

<sup>43</sup> Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonae jiwana tatsi pam. Barapo coyenewa xua Nacom piamonae jiwana tatsi penaexanae coyenewa Nacom pichina painya xainya weya xua ichamonaetha pecatsinexa pomonaetha pomonae petsita juntu coyene xanepanaewichi. <sup>44</sup> Incane iboto yabara paca tsipaebinchi. Barapo ibototha poxonae ichauro jopeica pepawixi tsanaya. Matautano poxonae barapo iboto ichauro matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi juta coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaein, jei Jesús.

<sup>45</sup> Sacerdotemonae pia pentacaponawewi tatsi iru fariseomonae, poxonae jume tane barapo pecayabara juta pepaebi diwesi, xua Jesús paeba, barapomonae yaputane xua apara bara Jesús yabara paeba barapomonae. <sup>46</sup> Bequein barapomonae Jesús muxu pewaetabichi, ichitha barapomonae junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

## 22

*Meje yabara poxonae Jesús cuiduba pecayabara juta pepaebi diwesiyo xua pin pena-banaewa peexanaewa tsane*

*(Lc 14.15-24)*

<sup>1</sup> Equeicha Jesús tsipaeba jiwitha pecayabara juta pepaebi diwesiyo, jeye:

<sup>2</sup> "Nacom cana exana piamonaetha pomonae juntu coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonaewabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae. <sup>3</sup> Barapon pon jiwi itorobiya pia pepa peewatsinchi itoroba pomonae pia petanacuichiwichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane. <sup>4</sup> Bapoxonae barapon pon jiwi itorobiya pia pepa peewatsinchi equeicha itoroba ichamonaewabatsi xua petanacuichiwichi, jeye barapomonaetha: 'Pomonae bayatha tsiwabab pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui wanaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponawem bara beya xua painya nenanabanaenexa pexaewa, yaitama tsipei pinae pexanto tatsi pichina pecotsiwa, pajande', jei barapon pon jiwi itorobiya pia pepa peewatsinchi. <sup>5</sup> Daichitha barapomonae pomonae tsiwabatsi pexaewa, barapomonae jume naitemata, saya meisa u naitomatsiwa exana piawan. Barapomonae jiwapanin pia pabitha pona. Iru ichan piawa caenaetauya. <sup>6</sup> Ichamonaeru teica, pomonae pon jiwi itorobiya pia pepa peewatsinchi itoroba, barapomonae teicatsi. Yawano bichocono abe exainchi beya poxonae nama werapa. <sup>7</sup> Nexata bapon pon jiwi itorobiya pia pepa peewatsinchi bichocono caseba pomonae petajutebixae tsai pomonae bapon itoroba. Nexata bapon itoroba pia soldadomonae xua barapomonae xuya pejutebinexa tsainchi matauta xua tomara petatautsinexa tsainchi. <sup>8</sup> Bapon pirapae equeicha barai ichamonaetha pomonae pia petanacuichiwichi jiwitha, jeye: 'Bayatha bequein daxita wetan xua penabanaewa tsane, daichitha pomonae waban jopa xanepanaya nejume jejeyo daxota jopa bewa patsi tsane xua penabanaenexa. <sup>9</sup> Daxota paponde tomara namtontha, po namtontha pin namtontha, baxotiwa pomonae poxonae pacaxibeibame, barapomonae painta wabare', jei bapon. <sup>10</sup> Pomonae petanacuichiwi, barapomonae pona namton beya. Bapoxonae barapomonae, daxita pomonae caxiba namtontha, matacayiwa pon jiwi itorobiya pia pepa peewatsinchi pia bo tatsi beya. Pomonae abe peexanaewino carendenatsi, pomonae xanepanaya peexanaewino carendenatsi, beya poxonae bo tutu nayucaxuba.

<sup>11</sup> "Nexata pon jiwi itorobiya pia pepa peewatsinchi bo tutu joniya petanexa tsane pomonae pata. Bapon itabara tane pebin xua iruru pon baxota eca. Ichitha barapo pebin

pexeinya paparuwa jopa nama xatatsiyo icha be jopa ichiyo ichamonaе, tsipei ichamonaе pexeinya paparuwa nama xataba xua po paparuwa jiwi ba nama xataba poxonaе pona penacaetutsiwatha xua penabanaenexa pexaewa poxonaе pebin pecotsiwa pita. <sup>12</sup> Pon jiwi itorobiya pia pepa peewatsinchi barai bapon, jeye: ‘Tajiton, zeta xua metha xote naecame xua matauta jopa pexeinya paparuwa nama xatatsim?’ jei bapon. Ichitha bapon saya moya eca. <sup>13</sup> Bapoxonaе pon jiwi itorobiya pia pepa peewatsinchi barai pomonaetha pomonaе pexaewa carena tsaibi pexaethopaewatha, jeye: ‘Bapon pacobe caecunta cure yawa pataxu caecunta cure, yawa aisowa beya paxore ichaxota quirei. Baxota bapon wecoyei tsane yawa baxota nantanuweya nanta jayabina, bichocono peatenexae tsane’, jei pom jiwi itorobiya pia pepa peewatsinchi. <sup>14</sup> Barapon pon jiwi itorobiya pia pepa peewatsinchi bequein pinmonaе waba ichitha saya tsiquimonaeyo pata penabanaewatha. Icha barapon ichi Nacom bara juta coyene ichiya cana ichi tsane jiwi. Nacom bequein waba pin bicheitomonaе, daichitha saya tsicamonaeyo itapetatsi, pomonaе Nacom pijimonaе tatsi penaexanaenexa tsane”, jei Jesús.

*Meje yabara poxonaе Jesús yabara cuiduba paratixi matoma po paratixi jiwi bewa catsibina pontha pon romanomonaе itorobiya pia pepa peewatsinchi*

*(Mr 12.13-17; Lc 20.20-26)*

<sup>15</sup> Nexata fariseomonaе pona Jesús weya, caemonaе natsipaeba najei: “¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonaе waxainchi xain yopitatsi ichamonaetha xua bapon abeya wanaca jume notsiwaxae”, najei fariseomonaе. <sup>16</sup> Bapoxonaе barapomonaе itoroba pia pepuna ponaewichi, matautano barapomonaе itorobano pomonaе Herodes pia pepuna jinompaewichi. Daxita barapo matabuxayobe pata Jestutha pomonaе fariseomonaе itoroba. Barapomonaе Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pe-xeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonaе cuidubame poxonaе bequein jiwi jopa ichichipaeyo baxua, tsipei xam daxita jiwi bara catsita najupa. <sup>17</sup> Incane yabara pana netsipaebare xua nanta xeinae xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaе itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena peponaein? Icha jopa tsipae ¿metha daxua abe tsipae? jeichichi Jesús barapomonaе pomonaе fariseomonaе itoroba.

<sup>18</sup> Daichitha Jesús yaputane xua bichocono barapomonaе abeya nanta xeina xua Jesús abe pecanaexanaenexa tsainchi. Jesús barai barapomonaе, jeye:

—Paxam pomonaе itara mexeya xanepanaya pepaebiwi pam, daichitha abeya pepaebiwi pam. ¿Eta xua metha pana nejuntu coyene jutame poxonaе baxua yabara pana neyainyabame? <sup>19</sup> Incane moya painta xawena tha taetsi barapo paratiyo, jei Jesús.

Bapoxonaе barapomonaе barapo paratiyo Jesús tacapoinchi. <sup>20</sup> Poxonaе Jesús tane barapo paratiyo, bapoxonaе yainyaba barapomonaе, jeye:

—¿Jintam pejumopere? ¿Yawano jintam wan ducuae? jei Jesús.

<sup>21</sup> Nexata Jesús jume notatsi barapomonaе, jeye:

—Apara romanomonaе itorobiya pia pepa peewatsinchi, jei barapomonaе.

Nexata Jesús barai barapomonaе, jeye:

—Bara nexata romanomonaе itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

<sup>22</sup> Poxonaе barapomonaе jume tane xua Jesús beta xanepanaya jume nota, bapoxonaе barapomonaе yabara najuntu cui coyene cabenaeca. Bapoxonaе ponarucupa Jesús weya.

*Meje yabara poxonaе Jesús yabara yainyabatsi po coyene xua equeicha asu pomonaе pewerapeibiwi*

*(Mr 12.18-27; Lc 20.27-40)*

<sup>23</sup> Bapoxonaе caena barapo mataqueitha saduceomonaе jiwana pata Jesús pia xantha tatsi xua Jesús piraichi petsipaebinxatsi. Saduceomonaе barompaya pia pecuidubi coyenewa xeina xua pinae pomonaе pewerapeibiwi equeicha jopa asu tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonaе werapa. Daxota barapo saduceomonaе Jesús tsipaebatsi jeye:

<sup>24</sup> —Pon jiwi Necuidubim, Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua

bapoxonae pentapin pecoutha pexeinaenexa tsane pexui', jei Moisés. <sup>25</sup> Barichi, matha iruru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonae pentapin pecoutha pexui pexeinaenexa. <sup>26</sup> Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona bapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>27</sup> Bapoxonae matapainya iru bapowa tupa. <sup>28</sup> Xam Jesús, ba paebame, ba jam: Matabi jopaena po matabitha Nacom asu exanaena, xua jiwi asu exanaeinchi muthun wetsina, asu jam. Poxonae barapo matabi jopaena xua daxita jiwi asu jujuinaena, barapo matabitha zjintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>29</sup> Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peyapusu itorobi coyenewa tatsi. <sup>30</sup> Poxonae petupaewi equeicha asu jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuatheicha jinompa, xua po matatsunpiwi jopa jitha enaeyo. <sup>31</sup> Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asu jujuina. Barapo diwesitha Nacom jeye: <sup>32</sup> Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin', jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowantsiwixaetsi Nacom barapomonae jame pia Nacom tatsi, pon itabocotha eca, jei Jesús.

<sup>33</sup> Poxonae jiwi jume tane pocotsiwa Jesús cuiduba, barapomonae yabara najuntu cui coyene cabenaeca.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

(Mr 12.28-34)

<sup>34</sup> Poxonae fariseomonae yaputane xua saduceomonae moya umena xua Jesús beta pejume notsixa, bapoxonae fariseomonae nacaetuta xua equeicha peyainyabiwanexa tsainchi Jesús. <sup>35</sup> Barapo fariseomonae caein jiwana, pon peyabara yaputaen Moisés pia peitorobi coyene tatsi, bapon ichichipa xua Jesús pejuntu coyene jujatsiwaetsi xua icha bara metha Jesús abeya jume notsina. Bapon jeye Jestushta:

<sup>36</sup> —Ja pon jiwi Necuidubim, zeta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

<sup>37</sup> Jesús jume nota bapon, jeye:

—Po peitorobi cui coyenewa pepa ainya cui coyenewa jeye: 'Antobeinde pon jiwi Pecanamataxeinaein, bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasiopatha', jei. <sup>38</sup> Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba. <sup>39</sup> Po peitorobi coyene cotacaya itoroba ichaxota ba 'dos' jei, barapo peitorobi coyene be jume jupa po peitorobi coyene copiya ducua. Iruru barapo peitorobi coyenewatha jeye: 'Antobeinde jinya necatsicurarabu caein icha ichim xua jinya coutha naantobem', jei barapo peitorobi coyenewatha. <sup>40</sup> Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, iru pomonae Nacom peitorobi jume pepaewi pia pecuidubi coyenewatha baxua yabara paebaru, jei Jesús.

*Meje yabara poxonae Jesús nayabara jei: "Mesías, zjintam pia pemomoxi susato jiwana pin tatsira?" jei*

(Mr 12.35-37; Lc 20.41-44)

<sup>41</sup> Poxonae fariseomonae cataunxuae nacaetutompa bapoxonae Jesús yainyaba barapo fariseomonae, jeye:

<sup>42</sup> —zEta xua pacayabara nanta xeiname Mesías pon Nacom pia Peitapetsin? zjintam pia pemomoxi susato jiwana pin tatsira? jei Jesús.

Barapomonaē Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemomoxi susato jiwanapin tatsi, jei fariseomonaē.

<sup>43</sup> Bapoxonaē Jesús barai barapomonaē, jeye:

—David yabara paeba xua Mesías apara pia Pecanamataxeinaeinchi tatsi poxonaē David cueicueijeī exanatsi Nacom pia Pejumoŋe tūnaxū tatsi.

<sup>44</sup> David salmos penaxūnaē wei diwesitha bayatha jeye:

‘Nacom pon Pecanamataxeinaein jiwi,  
Tanecanamataxeinaein baraichi pon Mesías, jeichichi:  
Tacoxa werena ecare, beya abū tsane poxonaē  
necaaitafaetabi jiwi pia pecanamataxeinaeinchi  
tatsi caexanaeinchi, jei Nacom’,  
jei David salmos penaxūnaē wei diwesitha.

<sup>45</sup> Icha David Mesías yabara jei: ‘Bapon Mesías Tanecanamataxeinaein’, jei, ζeta xua metha tsipae xua Mesías apara David pia pemomoxi susato jiwanapin tatsi? jei Jesús.

<sup>46</sup> Daxita barapomonaē jopa itacupaetsi xua Jesús pejume notsiwatsi tsainchi, poxonaē pinaē David paeba xua pinaē jei: ‘Bapon Mesías Tanecanamataxeinaein’, jei. Bara nama barapo matabitha weya, equeicha nama Jesús jopa bepeyainyabiwatsi barapomonaē.

## 23

*Meje yabara poxonaē Jesús muxuweta jiwi xua pomonaē fariseomonaē irū pomonaē jiwi pecuidubiwi Moisés pia peitorobi coyene tatsi barapomonaē pecuiyainwa tatsi  
(Mr 12.38-40; Lc 11.37-54; 20.45-47)*

<sup>1</sup> Nexata Jesús barai pin bicheito jiwi irū pijimonaē, jeye: <sup>2</sup> “Pomonaē jiwi pecuidubiwi Moisés pia peitorobi coyene tatsi irū fariseomonaē daxita barapomonaē pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba. <sup>3</sup> Pacui yabara jume cowūnde pocotsiwa barapomonaē pia pecuidubi coyenewan tatsi. Mataūtano paexande pocotsiwa barapomonaē paca itoroba. Daichitha jopa paexanaeinde pocotsiwa barapomonaē exana tsipei barapomonaē itara beta pepae-biwi daichitha yabara jume toxeinchiya catsawiya exana, barapo peitorobi coyenewan. <sup>4</sup> Barapomonaē be pocotsimonaē poxonaē ichamonaē itorobatsi xua pecaponaewa pocotsiwa arewe, pocotsiwa jiwi bapana jopa itacupaetsi xua pecaponaewa. Daichitha barapomonaē jopa yawenaeyo pocotsiwa ichamonaē itorobatsi. Mataūtano barapomonaē jopa tayoichaeyo cae cobesitiyotha. Icha barapomonaē ichi poxonaē ichamonaē itorobatsi xua pecaponaewa pocotsiwa bichocono arewe, barapocotsi juta coyeneya ichi pomonaē jiwi pecuidubiwi Moisés pia peitorobi coyene tatsi, irū fariseomonaē, daxita barapomonaē itoroba pia pecuidubi coyenewatha pocotsiwa paxam painya neexanaenexa. Ichitha barapomonaē jopa exanaeyo baxua. Pocotsiwa barapomonaē paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan. <sup>5</sup> Barapomonaē ichichipa nawita xua jiwi pecui taewa tsane pocotsiwa poxonaē barapomonaē exana xua bapoxonaē jiwi penanta xeinaenexa xua barapomonaē bara pejūntū coyene xanepanaewi. Daxota barapomonaē tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxūtha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Mataūtano barapomonaē nama xataba po paparuwān bichocono apipiya deca, beyacaincha xua poxonaē ichamonaē nama xataba po paparuwān apipiya. <sup>6</sup> Mataūta barapomonaē nanta caxunaeneiba ichaxota nanta caxunaeneiba pomonaē peainya cui jiwi penaexanaewi. Mataūtano barapomonaē judiomonaē pia penacaeuttsi bontha ichichipa nawita xua nanta caeneiba ichaxota enathopeiba pomonaē peainya cui jiwi penaexanaewi. <sup>7</sup> Mataūta barapomonaē ichichipa xua jiwi pejacobeibiwa tsane namtontha barapomonaē, xua jiwi pebarū cui itura jineibinexa barapomonaē. Mataūtano barapomonaē ichichipa nawita xua jiwi ainya cui pecana exanaewa barapomonaē poxonaē jiwi pejei tsaiBINEXA ‘Pomonaē jiwi pecuidubiwi’ poxonaē pejei tsaiBINEXA jiwi.

<sup>8</sup> “Ichitha nama paxam jopa bewa pacopatsim xua bara jiwi jacobiya paca necajei tsaiBINEXA: ‘Pata pecuidubi jiwi pam’, paca necajei tsaiBINEXA xua ainya cui jiwi painya nepaca exanaē jiwixae. Painya xoba jiwi baxua bara pajume copatame, tsipei apara paxam be caemonaē jiwi pam, saya jame panantaūtame bara caein pon ainya cui penaexanaein painya itūtha. <sup>9</sup> Pomonaē po irathe jinompe jopa bewa wabi pajam ‘Axa’, jopa bewa pajam xua painya barū cui itura jinaexae pomonaē jopa bequein barompaya painya axeīwi. Painya xoba jiwi baxua bara pajume copatame, tsipei paxam panantaūtame bara caein

painya Axa, pon pabaru cui itura jiname pon peitabocotha eca. <sup>10</sup> Matautano jopa bewa pacopatsim xua bara jiwi jacobiya paca necajei tsaibiwa: 'Pata necanamataxeinaewi pam', paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam pananta~~ut~~tame bara caein pon painya Necanamataxeinaein, jame apara bapon meisa Cristo. <sup>11</sup> Icha pon paxam jiwana, icha bapon ichichipa naexana be pocotsin canamataxeina ichamona bapon matha bewa copiya daxita paxam beta amanaya pacata nacuichina. <sup>12</sup> Pon xua pia coutha peainya cui jiton naexana pe~~unt~~u coyenetha, Nacom exanaena xua bapon pecui paw jiton naexanaena. Ichitha pon xua pecui paw jiton naexana, pe~~unt~~u coyenetha, Nacom exanaena xua bapon peainya cui jiton naexanaena.

<sup>13</sup> "iPaxam pomonae Moisés pia peitorobi coyene tatsi painya necuidubiwi jiwi pam tsobenaem! iPaxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyeneyapubeya paexaname xua poxonae jiwi bequein ichichipa naexana Nacom piamonae tatsi jiwana. Paxam jopa pajume cowantsim Nacom yawa jopa pacopatsim xua ichamonae iru pejume cowantsiwa Nacom.

<sup>14</sup> "iPaxam pomonae Moisés pia peitorobi coyene tatsi painya necuidubiwi jiwi pam tsobenaem! iPaxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta werapaewaxichi piseurixi, barapowaxi pacueranta ename pia bon. Naemata Nacom pawuqueibame. Jopa cuinaya pana najume copababeibim poxonae pawuqueibame Nacom tsipei paichichipame nawita xua jiwi xanepanaya paca necayabara paebiwa xua bara cou paxam pe~~unt~~u coyene xanepanae jiwi pam. Daxota poxonae po mataqueitha Nacom yabara paebina daxita jiwi penatsicuentisiwa barapo mataqueitha Nacom bichocono paca peraxa jubina, beyacaincha poxonae peraxa jubinchi pomonae pacuidubame.

<sup>15</sup> "iPaxam pomonae Moisés pia peitorobi coyene tatsi painya necuidubiwi jiwi pam tsobenaem! iPaxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam tajn beya paponame daxita carepayan beya, xua painya cana exanaenxa ichuntha xua bapon pejume cowantsiwa tsane painya necuidubi coyenewan xua bapoxonae bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyo, icha paca cana ichi tsane poxonae paca bebai tsane barapo nacuatha.

<sup>16</sup> "iPaxam abe peexanae jiwi tsobenaem pam! Paxam barapocotsi coyeneya juta panacana exaname, icha be pon peitata nacutsin ichi xua poxonae ichun matakopoinchi pon iruru peitata nacutsin. Paxam ichamona ba pacuidubeibame ba pajam tsaimim: 'Icha ichun nayabara cui wanae tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wunthaxae tatsi, poxonae jei, baxua ba jopa ainya cuiyiyo poxonae ichun nayabara cui wanae tsimuxu duta bapocotsi wantha', ba pajam tsaimim xua ichamona poxonae pacuidubeibame. Matautano ba pajam tsaimim: 'Icha ichun nayabara cui wanae tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wantha pocotsiwa daedaena po oro nain coroton Nacom pin pia botha tatsi eca, poxonae jei, baxua ba xua bapon exana bapocotsi wantha, baxua jame ainya cui poxonae barapon barapo wantha nayabara cui wanae tsimuxu dubeibina', ba pajam tsaimim poxonae pacuidubeibame. <sup>17</sup> iPaxam barapocotsi coyeneya juta panacana exaname, icha be pomonae matasipa daunwei ichi poxonae jopa beta jume cowantsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonae aisowa beequiya Nacom pin pia bo weya jopa ainya cuiyiyo. Jame saya meisa poxonae bo tututha eca bapoxonae ainya cui barapo oro nain, tsipei barapo bo ainya cui cana exanatsi. <sup>18</sup> Matauta ba pajam tsaimim: 'Icha ichun nayabara cui wanae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wantha xua ichaxota duwei tauteiba xua tuxusi exaneiba Nacom nexa, poxonae jei, baxua ba bapon jopa bewa exanae poxoru baraxua xua be pexaethopaewa jopa ainya cuiyiyo poxonae ichun nayabara cui wanae tsimuxu duta bapocotsi wantha', ba pajam tsaimim poxonae ichamona pacuidubeibame. Matautano ba pajam tsaimim: 'Icha ichun nayabara cui wanae tsimuxu duta xua jeye: Xaniwaicha bara exanaein pocotsiwa xua catsipaebatsi duwei wantha po duwei xua bocopiya ichaxota xua be pexaethopaewa wantha, poxonae jei, baxua ba bapon jame bewa exanae poxoru po duwei xua bocopiya ichaxota xua be pexaethopaewa, baxua jame ainya cui poxonae bapon barapo wantha nayabara cui wanae

tsimuxu dubeibina', ba pajam tsaibim poxonae pacuidubeibame. <sup>19</sup> ¡Paxam barapocotsi coyeneya juta pana cana exaname, icha be pomonae matasipa daunwei ichi poxonae jopa beta jume cowuntsiyo Nacom! Pocotsiwa xua be pexaethopaewa ichaxota duwei tauteiba xua tuxusi exana Nacom nexa, poxonae tauta baraxua xua be pexaethopaewa bichocono ainya cui, beyacaincha ainya cui poxonae duwein aisowatha bexuba xua saya pexaenexa. Tsipei duwei saya ainya cui poxonae pocotsiwa xua be pexaethopaewatha bocopiya poxonae petuxusi exanaewa tsane Nacom nexa. Bapoxonae barapo duwein ainya cui, tsipei baraxua xua be pexaethopaewa ainya cui cana exantsi. <sup>20</sup> Daxota pon nayabara cui w̄nae tsimuxu duta xua be pexaethopaewa wuntha, xua ichaxota duwei tauteiba xua tuxusi exaneiba Nacom nexa, saya meisa jopa barapo wunthiyo, matautano jame nayabara cui w̄nae tsimuxu dutsina duwei wuntha, po duwein baxota bocopiya. <sup>21</sup> Matautano pon nayabara cui w̄nae tsimuxu duta Nacom pin pia ho wuntha tatsi, saya jopa meisa barapo wunthiyo, matautano jame nayabara cui w̄nae tsimuxu dutsina Nacom pewantha tatsi. Tsipei bara Nacom pin pia bothaxae eca. <sup>22</sup> Daxota pon nayabara cui w̄nae tsimuxu duta itaboco wuntha, saya meisa jopa barapo wunthiyo, matautano jame nayabara cui w̄nae tsimuxu dutsina Nacom pia pexeinya peecaethopeibiwa tatsi wuntha beicha matauta Nacom pewantha tatsi pon baxoteicha eca.

<sup>23</sup> ¡Paxam pomonae Moisés pia peitorobi coyene painya necuidubi jiwi pam tsobenaem! ¡Paxam pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam ba caewaxi pajiwana wetsabeibame xua painya catsibeibinexa Nacom poxonae diez xoyobe paxeineibame xua pocotsiwa painya neubiwan. Barichi pacana exaname tsiqui xutixitha po xutoxi pewan menta, matautano po pexuno pewan anís barichi matautano po pexuno pewan comino. Bara bequein barapo coyene paexaneibame, daichitha jopa paexanaem pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najunt̄u coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cowuntsinexa Nacom. Daxita barapo coyenein jame maisa paexanare, muxuna pa-eexanaponde po coyene copiya pa-eexanaponaem, po coyene poxonae pajiwana nonotaponeibame poxonae pocotsiwan diez xoyobe paxeineibame, xua pocotsiwa painya neubiwan. <sup>24</sup> ¡Paxam barapocotsi coyeneya juta pana cana exaname, icha be pon peitata nacutsin ichi xua poxonae ich̄n̄ matacapoinchi pon ir̄n̄ peitata nacutsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi juta coyeneya paexaname icha jiton ichi poxonae mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

<sup>25</sup> ¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae ir̄n̄ fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam jopa ba juniya paexaneibim poxonae meisa panaper̄u iquicame. Daichitha b̄pana iya painya junt̄u coyenetha pecaibi coyene paxeiname, peuwi coyeneno paxeiname. Be barapocotsi jiwi pam pocotsimonae coroton saya matawacaicha iquica yawa paratonno, ichitha atutuxuira bichocono. <sup>26</sup> Paxam fariseomonae pam, pocotsi jiwimonae pam pomonae be peitata nacutsi jiwi pam. Copiya matha pana najunt̄u cui coyene barapende barapo painya neajunt̄ucoyenebewan, bapoxonae jame xanepanaya painompaename.

<sup>27</sup> ¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam ir̄n̄ pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Jiwi ba inyapana exana xua pocotsiwa jiton pet̄paein peyam̄th̄u acatabiwatsi. Bequein bara baxua inyapana daichitha xua matha bocareca bichocono ayei xua jiton pet̄paein. <sup>28</sup> Barapocotsi juta coyeneya paexaname, icha be pocotsi coyene peayeiya ichi xua jiton pet̄paein. Bequein panaper̄u w̄naetame, daichitha painya junt̄u coyene abe bichocono. Bequein jiwi paca yabara nanta xeina poxonae paca cui tane xua paxam deta cou pejunt̄u coyene xanepanae jiwi pam Nacomtha, daichitha painya junt̄u coyene bichocono paajunt̄ucoyenebem. Matautano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

<sup>29</sup> ¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae ir̄n̄ fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam pet̄paeiwi pomonae Nacom pia peitorobi jume pepaebiwi payam̄th̄u acabame boutixi.

Mataũtano pomonaē pejuñtũ coyene xeicaē jiwī payamũthũ itũpana exaname. <sup>30</sup> Mataũta naerabiya pana najam: ‘Icha caena bayatha jinompaetsipatsi poxonae wamo susato jiwī jinompa metha jopa cueicha yawenaetsipaetsi poxonae barapo Nacom peitorobi jume pepaebiwi jutebatsi’, pana najam. <sup>31</sup> Barapo jumetha poxonae baxua pacaunutame, barapara barapo cui coyene paexaname, icha painya amo susato jiwī ichi poxonae barapo jũntũ coyeneya exana poxonae jutebatsi Nacom pia peitorobi jume pepaebiwi. <sup>32</sup> ¡Painya amo susato jiwī abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jiwī ichi poxonae tamropata notarũcũpa xua barapo Nacom pia peitorobi jume pepaebiwi jutebatsi.

<sup>33</sup> “¡Maisa paxam pomonaē pemuxuitorobi jiwī pam! ¡Daxota be jomomonaē pacui jũpame poxoru jomo ba cuitaya dũcũpa nawa! Bara paichim anoxuae bequein paichichipame xua Nacom pacuitaya dũcũpame xua abe paca exanaeyainwa. Ichitha Nacom paca itorobina ichaxota isoto jopa itacounayiyo. Jopa papanenebiyaem tsane barapo isoto weya. <sup>34</sup> Itorobicaein painya xantha pomonaē taitorobi jume pepaebiwi. Mataũta itorobicaein pomonaē peyaputaewi. Mataũtano itorobicaein pomonaē jiwī pecuidubiwi Moisés pia peitorobi coyene tatsi. Ichitha barapomonaē pajiwana jutebiname. Ichamonaē naetotha pacobe matabobiname painya jutebinexa tsane. Ichamonaē judiomonaē pia penacaeutusi bontha tatsi pabename. Daxita carepaya tomarantha abe pacana eexanaponaename pomonaetha pomonaē taitorobi jiwī. <sup>35</sup> Daxota Nacom paca cana exanaena xua paca peraxa exanaena xua daxita pomonaē pejuñtũ coyene xeicaē jiwī pejujutebaponaexaetsi painya nacuatha. Painya amo susato jiwī jujutebapona pomonaē pejuñtũ coyene xeicaē jiwī. Copiya matha Abel bexotsi pon pejuñtũ coyene xeicaein pon bequein jopa abe exanaeyo, beya poxonae irũgũ Zacarías bexotsirũ pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocot-siwa be pexaethopaewa xua ichaxota tuxusi exana Nacom nexa xua irũ baxota uncua pepa Nacom pia boyo tatsi xua naitama taeuncuabe. <sup>36</sup> Bara xaniwaicha paca tsipaebatsi pomonaē xua anoxuae pajinompame bichocono paca peraxa jubebina tsipei daxita paxam barapara Nacom tsitatsi xua paxam patsita xeiname penatsicuentisiwa xua painya amo susato jiwī pejujutebaponaexae pomonaē pejuñtũ coyene xanepanaē jiwī xua irũgũ paxam painya nejutebaponaexaerũ”, jei Jesús.

*Meje yabara poxonae Jesús Jerusalén tomarapiwi siwa wecoyeichi  
(Lc 13.34-35)*

<sup>37</sup> Bapoxonae Jesús yabara mũthũthũ wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam pajutebeibame pomonaē Nacom pia peitorobi jume pepaebiwi! ¡Mataũta paxam pajutebeibame ibotontha pomonaē Nacom pacata itoroba! ¡Maisa be paca caetucaetuteibinchi, tapaca cayawenaewatsi tsainchi, icha wacara ichi poxonae nacoxi caetucaetuteta pecuarafetha! ¡Maisa be barichocuaein tsane, daichitha jopa paichichipaem! <sup>38</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. <sup>39</sup> Paca tsipaebatsi xua equeicha jopa pana netaem tsane beya abũ poxonae pana neyabara jam tsane: ‘¡Maisa bapon jiwī jũntũ coyene weiweina cana exanatsi pon patopa, Nacom peitorobixae, pon jiwī Pecanamataxeinaeinchi!’ pana neyabara jam tsane”, jei Jesús fariseomonaetha.

## 24

*Meje yabara poxonae Jesús yabara paeba xua ichamonaē abe exanaena Nacom pin pia bo tatsi*

*(Mr 13.1-2; Lc 21.5-6)*

<sup>1</sup> Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarũcũpatsi pijimonaē. Yawa pijimonaē jeichichi:

—Maisa Nacom pin pia bo tatsi bepa wnaē, jei barapomonaē.

<sup>2</sup> Daichitha Jesús jume barai barapomonaē, jeye:

—¡Moya caepatiyo pataema! Bara xaniyan paca tsipaebatsi. Matacabi jopaena barapo mataqueitha ichamonaē pomonaē penanapaincha jinompaewi xua icha nacua werena peponaewi abe cana exanaena Nacom pin pia bo tatsi po bo anoxuae pataneme. Aparta jopa cae ibotiyo nacopatuncuae tsane icha iboto peũmatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewũnaeya exanaena petsita itũtsi coyenewa poxonae daxita weraweracaenaba  
(Mr 13.3-23; Lc 21.7-24; 17.22-24)*



<sup>3</sup> Bapoxonae Jesús pijimonae bará pona demxuwatheicha po demxuwa pewan demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewnaeaya tsita itapeinya xeinaena xua poxonae patopeicaena, matautano xua poxonae imoxoyo daxita weraweracaenaba? jei Jesús pijimonae tatsi.

<sup>4</sup> Nexata Jesús barai, jeye:

—Dota pam bá ichamonae naerabiya paca muxu tsipaeba xua daxota abe paexanaet-sipame. <sup>5</sup> Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan Mesías’, jei tsane. Poxonae barapomonae muxutorobiya paebina bapoxonae pinmonae jume cowantsina. <sup>6</sup> Pajume taename xua jiwi juinya nabenoutsina xote yawa xua juinya irarú nabenoutsina icha ira beya. Daichitha jopa pajunuwinde, tsipei baxua pewnaeaya matha copiya tsane. Daichitha cataunxuae dapo matacabi aichica tsane xua poxonae daxita weraweracaenaba yatsicaewa. <sup>7</sup> Cae nacuariwi irú icha nacuariwino, barapo ainya nacuariwibe nabenoutsina. Matautano irú pon nacua peewatsin irú ichandú pon icha nacua peewatsin, baraponbe irarú nantiya nabenabe. Matautano ainya nacuantha pin jainbo nacua tsane tsipei pin mayayo tsane. Matautano domae tsurucuae tsane ainya nacuantha. Matautano ainya nacuantha ira jijiyatsina. <sup>8</sup> Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

<sup>9</sup> “Bapoxonae jiwi paca teiquebina, paca atene exanaena matautano paca jutebina. Daxita nacuanpiwi paca casebina painya tana nejume cowantsixaemxae. <sup>10</sup> Barapo matacabintha jiwi pentsina xua Nacom pejume cowantsiwatsi. Matautano daxita jiwi nacasebina, matauta barapomonae piamonae caenaetsina ichamonaetha. <sup>11</sup> Pinmonae tsana pateibina, pomonae jiwi pemuxutorobiwi. Tsana jei tsane: ‘Xan Nacom peitorobi jume tapaebin, Nacom yabara paca cuidubinchi’, jei tsane. Barapo pemuxutorobi diwesi jume pinmonae jume cowantsina barapo diwesi. <sup>12</sup> Pinmonae jopa juniya abe exanaponae tsane daxota jiwi, jopa caemonae nantiya naantobe tsaibi tsane. <sup>13</sup> Ichitha pon awiya xua antayarusya nejume cowantsiya poponaena xua beya yacuiya tapaeya jopaena poxonae bequein abe taexanatsi ichamonae, bapon jame Nacom napaeba cana exanaena. <sup>14</sup> Tamonae capanaena tapexeinya jume diwesi po diwesi xua Nacom waba jiwi petanaexanaenexatsi pijimonae pomonae itorobiya peewatsixae. Barapo diwesi tajiwi monae pomonae tanejume cowantsi jiwi paebinoutsina daxita jiwitha. Poxonae barapo diwesi daxita nacuanpiwi jume taena, bapoxonae daxita barapo jiwi yaputaena xua bara matacabi imoxoyo jopaena po mataqueitha poxonae daxita weraweracaenaba.

<sup>15</sup> “Daniel, pon Nacom peitorobi jume pepaebin bapon caena bayatha yabara tsiwunaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichan Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matacabi jopanaena poxonae daxita weraweracaenaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitaewatsina pia peyaputaenexa tsane”, paca jeichi.)

<sup>16</sup> Cataunxuae Jesús cueicueije, jeye: “Poxonae bara pocotsiwa pataename bapoxonae pomonae Judea nacuaitha jinompa, barapomonae bewa demxuwam beracupiyaena. <sup>17</sup> Barapo matacabintha pon bo matatupatha uncuu bapon jopa bewa botha joniya tsane xua penotsiwa tsane pocotsiwa tabobeinchi bomaxú tututha. Saya jame bewa nainya benaetsiricuaena. <sup>18</sup> Irarú pon pabitha popona bapon jopa bewa caibeya ponae tsane botha xua penotsiwa tsane pia paparuan. Saya jame bewa nainya benaetsiricuaena. <sup>19</sup> ¡Pai yabuxi tsobenae powaxi pexui bupana taenatsi barapo matacabintha! ¡Pai powaxi irú pexui isaina, barapowaxi tsobenauerú! Tsipei acabe tsobenae tsane pexui. <sup>20</sup> Poxonae pewnaeaya tsane baxua Nacom rawucare xua jopa painya nerucupaewa tsane poxonae awábo peaquexae bichocono, matautano xua jopa painya nerucupaewa tsane poxonae pentaquei seicae matacabintha. <sup>21</sup> Tsipei barapo matacabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa. <sup>22</sup> Icha Nacom jopa be caentacabiyobe exanaetsipae, metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>23</sup> “Bapoxonae icha ichan paca jei: ‘Pataema bapon apara Mesías uncue pon Nacom itorobica’, paca jei, irú icha ichan paca jei: ‘Pataema bapon Mesías xota uncuiye’, paca jei,

baxuan jopa pajume cowantsinde barapo jumein. <sup>24</sup> Tsipei pomonae pemuxitorobi jiji tsana patsina. Barapomonae natsicotaena icha be xan ichi ponxaein Mesias. Matautano barapomonae natsicotaena icha be pomonae Nacom peitorobi jume pepaebiwi ichi tsane. Barapomonae pexeinya petsita itatsi coyenewan exanaena peitabocotha, po irathe tsaneno xua jiji pemuxitorobinexa tsainchi, xua jiji pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwi tati pemuxitorobinexa tsainchi, xua iruru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupaetsi tsainchi xua barapomonae pemuxitorobiwa tsainchi. <sup>25</sup> Baxua tsiwanaya yabara paca tsiwanuae muxu dutatsi. <sup>26</sup> Daxota icha jiji paca jei tsane: ‘Pataema bapon Mesias uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesias xote uncue bomuxu tututha’, icha paca jei, jopa baxua pajume cowantsinde. <sup>27</sup> Icha yamuxu ichi poxonae jemeicha yacoicha uncueicha xua coicha nayotaxuba itabocotha, barichi tsane po matabitha patopeicaein jemeicha. Xan ponxaein Nacom Tananeitapetsin tsita naitatsin daxita jiji. <sup>28</sup> Quequeremonae ba nacaetuta ichaxota baurin boca. Bara juta paichim tsane. Paxam pomonae tana nejume cowantsi jiji pam, pana newunae ewatsiname po mataqueitha patopeicaein. Bara po mataqueitha pana nacaetutsiname”, jei Jesus.

*Meje yabara poxonae Jesus nayabara paeba xua poxonae equeicha patopaetsica ponxae Nacom pia Peitapetsin*

(Mr 13.24-37; Lc 21.25-33; 17.26-30, 34-36)

<sup>29</sup> Equeicha Jesus namchi: “Po matabin poxonae nacui wetsina xua jiji pin peraxa tsane, bapoxonae xometo nainya naquitabina. Jomocoichato jopa penta tsane. Opiteiton peitabocó weothopeicaena. Matauta Nacom napuna torobabiyaena xua xuan itabocotha dubena. Bapoxonae jopa xapain dubenae tsane. <sup>30</sup> Bapoxonae daxita jiji taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonae daxita nacuanpiwi netaena xua patopaein, barapomonae pijunuwi wecoyei tsane. Jiji netaena ponxaein Nacom Tananeitapetsin xua patopeicaein tsaquinaebwantha. Nacom pia peayapusu itorobi coyenewatha, matautano bichocono pexeinya itapanae coichatha patopeicaein. <sup>31</sup> Matautano itorobin tamatatsunpiwi xua bichocono daunweya peobinexa tsane, po peobiwa pewan trompeta. Poxonae baxua jume taena tamatatsunpiwi inta caetutsina pomonae taitapetsiwi. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana”, jei Jesus.

<sup>32</sup> Equeicha Jesus jeye: “Pajume taema barapo pecayabara juta pepaebi diwesiyo xua higuera nae xua painya nenacidubiwa tsane. Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa. <sup>33</sup> Barapocotsi juta coyeneya ichi tsane poxonae pataeneme daxita baxuan pocotsiwa aunxae paca tsipaebatsi, pocotsiwa bexa exanaena, bapoxonae payaputaeneme, xua bara imoxoyo tsane xua tapatopae wunae tsane. <sup>34</sup> Bara xainyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxae paca tsipaebatsi. Bapoxonae barapo judiomonae weraweracaena. <sup>35</sup> Peitabocó aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesus.

<sup>36</sup> Equeicha Jesus jeye: “Po matabitha baxua exanaena, matauta po horatha baxua exanaena jiji jopa baxuan yabara yaputaeyo. Iru matatsunpiwi pomonae peitabocó beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matabitha baxua exanaena, matautano yaputane poxonae po horatha daxita exanaena baxua xuaunxae paca tsipaebatsi”, jei Jesus.

<sup>37</sup> Equeicha Jesus jeye: “Icha matha ichi poxonae Noé caena bayatha popona jiji jopa tsaqueinaeyo xua Nacom pin awubo exanaena methaunxae. Saya barompaya icha juntu cuiha jinompa daxota jiji werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiji jopa tsaqueinae tsane xua Nacom werapa exanaena barapo jiji pomonae jopa pejume cowantsiyoaxetsi. <sup>38</sup> Barapo matabintha poxonae Noé popona poxonae cataunxae pin ema jopa duneicaeyo, jiji jopa tsaqueinaeyo xua bexa pin awubo tsane. Barapo jiji juntema nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxonae po matabitha Noé pin jera naetha joniya.

Baropoxonae pin ema mu jopa. Daxita Noé wepu bunothopatsi pomonae jinompa poxonae Noé popona. <sup>39</sup> Barapo jiwi jopa awubo yabara tsaca jinompaeyo. Barapoxonae jemeicha pin ema uncueica. Matauta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein. <sup>40</sup> Barapo mataqueitha ainya pebinbe nacua nacuitauyaenabe pabitha. Ichun matatsunpin pichina, pejume cowantsixaetsi Nacom. Ichun saya cuenta ponaeinchi jopa pejume cowantsixaetsi Nacom. <sup>41</sup> Iraru ainya yabuyobe nacua yacatoyorobauyaenabe. Ichowa matatsunpin pichina, pejume cowantsixaetsi Nacom. Ichowa saya cuenta ponaeinchi jopa pejume cowantsixaetsi Nacom.

<sup>42</sup> “Tsaca pajinompeibare xua tapatopae wanae tsane, tsipei jopa payaputaem po mataqueitha patopaein ponxaein jiwi Tacanamataxeinaein. <sup>43</sup> Meje pocotsiwe payaputaema. Icha pon bo pexeinaein yaputaetsipa xua poxonae patopaena pon jiwi pecaibin, baropoxonae bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>44</sup> Daxota bara paichinde. Tawanaetha pana nacui wanaere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopae wanae tsane”, jei Jesús.

*Meje yabara poxonae Jesús yabara diwesi paeba ponbe xua bo peyapucaeaeinbe pon xua beta peexanaein iru xua pon jopa beta peexanaein*

*(Lc 12.41-48)*

<sup>45</sup> Equeicha Jesús namchi pijimonaetha pecayabara juta pepaebi diwesiyo xua pepatopae wanae tsane, jeye: “Yabara paca tsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matacabi pomonae xua inta nacuita’, jei bo pexeinaein. <sup>46</sup> Pon bo petayapucaeaein bara juntu coyene weiweinaena poxonae patopaena pon bo pexeinaein petaxeatsi xua bara beta tayapucaeae bo, xuano bara beta peexanaexae pocotsiwa xua bo pexeinaein itoroba. <sup>47</sup> Xaniwaicha paca tsipaebatsi. Bo pexeinaein itorobina xua pon petayapucaeaeatsi bo xua bapon cana exanaeinchi xua equeicha daxita piawan beta petayapucaeaeinchi xua xuan xeina pon bo pexeinaein. <sup>48</sup> Ichitha ichacuiha pon bo petayapucaeaein bapon peantacuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae pon bo petayapucaeaein. <sup>49</sup> Baropoxonae bapon cueinta pomonae pon bo pexeinaein tanacuitatsi. Matautano bapon nanabanaetsipa nawita ichamonae yawa cupatsi nanaexanaetsipano. <sup>50</sup> Baropoxonae pon bo pexeinaein jemeicha patopaena poxonae pon bo petayapucaeaein jopa wanae tsaqueinaeyo. Poxonae bara po hora tsuxubi jopa yaputaeyo yawa poxonae barapo matacabi tsuxubi jopa yaputaeyo. <sup>51</sup> Pon bo pexeinaein itoroba ichamonae xua pebenexatsi yawa peperaxa jubinexatsi tsainchi pon bo petayapucaeaeinchi. Matautano itoroba xua barapomonae bapon pexubinexatsi ichaxota jinompa pomonae itara mexeya wanaeya pepaebiwi ichitha abe peexanaewi. Barapo nacua bereca jiwi bichocono wecoyeyi pomonae abe peexanaewixae, matautano nantanuweya nantu jayabina bichocono peatenexae”, jei Jesús.

## 25

*Meje yabara poxonae Jesús cuiduba pecayabara juta pepaebi diwesiyo xua diez powayobe xua penowaxi*

<sup>1</sup> Nexata Jesús equeicha icha pecayabara juta pepaebi diwesiyo cuiduba pijimona, jeye: “Nacom cana exanaena jiwi xua pomonae pejuntu coyene itorobiya ewatsixae, icha pebin ichi poxonae diez powayobetha xua penowaxi cana exana powaxi bapana jopa peru nacoyabiyo pebiwi. Barapo diez powayobe nota pia lámpan xua peewatsinexa pon pia pecotsiwa nacoyobina. Barapowaxi barompaya capona pia lámpan xua aceite epaca. <sup>2</sup> Icha cinco powayobe barapo diez powaxi jiwana, barapowaxi ita coxanatsi xua penacui wanaetsiwa. Icha cinco powayobe ita coxone xua penacui wanaetsiwa. <sup>3</sup> Barapowaxi powaxi ita coxanatsi xua penacui wanaetsiwa barapowaxi poxonae lámpan cajjinca jopa muxuna cajjincaeyo icha aceite xua equeicha pemene epacaenexa poxonae ameneibi tsurubena. <sup>4</sup> Saya meisa powaxi yaputane xua penacui wanaetsiwa jame barapowaxi pia lámpan muxuna cajjinca aceite xua equeicha pemene epacaenexa poxonae ameneibi tsurubena. <sup>5</sup> Tsipei pon imoxoyo pecotsiwa nacoyobina bapon jopa cuinaya patopae, daxota daxita barapo diez powayobe itamaipanaruca. Matapainya

maitarucupa. <sup>6</sup> Poxonae papae tsuxubi poxonae barapowaxi cataunxuae maita, bapoxonae jume tane pon wawai xua barapowaxi jeichichi: 'Bara juiuya dawerena pebin pon pecotsiwa nacoyobina. Bapon panta enare painya necobe jacobinexa', jei pon wawai. <sup>7</sup> Daxita barapo diez powayobe nacosabarucupa. Matauta equeicha icha aceite epacarucupa xua bapoxonae peicocha exanaenexa. <sup>8</sup> Bapoxonae icha cinco powayobe, powaxi jopa nacui wunaetsiyo jeye ichawaxitha xua cinco powayobetha: 'Panecatsibare icha aceite meraxi pata tha equeicha mene epacaetsi, yaitama pata lámpan acueicheibi', jei barapowaxi. <sup>9</sup> Ichitha powaxi penacui wunaetsiwaxi jume barai, jeye: 'Aibi apara, canta peyaxi barompaya pacajijincan patauxi, jopa pacajijincaeyino xua paxam nexaru. Maisa ichaxota peacaenetsithopaewa aceite bara bepaiyande matha pacomocare aceite xua painya nemene epacaenexa', jei barapowaxi poxonae xua jume barai ichawaxitha. <sup>10</sup> Poxonae cataunxuae ichawaxi enapona xua pecomocaenexa aceite ichamonaetha, bapoxonaeru pebin pecoutha patopa, pon pecotsiwa imoxoyo nacoyobina. Powaxi bayatha nacui wunaeta napuna joniya bapontha xua penanabanaenexa pexaewa xua poxonae barapo pexaewa jiji tsinacaetuta xua penabanaenexa poxonae barapo pebin pecotsiwa nacoyobina. Bapoxonae ботыху bichocono boupa cateitabanota. <sup>11</sup> Bapoxonae pirapaeyo ichawaxi pata powaxi aceite siwayiya, jeye: 'Pata Tanecanamataxeinaem, painta boupa saranaxorena', jei barapowaxi. <sup>12</sup> Ichitha bapon barapowaxi jume baraiichichi, jeye: 'Canta jopa paca yaitaetsi', jei bapon", jei Jesús, xua pijimonaes tsipaeba.

<sup>13</sup> Bapoxonae Jesús barai pijimonaetha, jeye: "Tawanaetha pana najuntú coyene wunaere, tsipei jopa payaputaem po maticabitha patopaein, matautano jopa payaputaem po horatha patopaein ponxaein Nacom Tananeitapetsin", jei Jesús.

*Meje yabara poxonae Jesús paeba pecayabara juta pepaebi diwesiyo xua paratixi yabara (Lc 19.11-27)*

<sup>14</sup> Equeicha Jesús pijimonaes cuiduba pecayabara juta pepaebi diwesiyo xua paratixi, jeye: "Anoxuae ichichipan xua tapaca tsipaebiwatsi po coyene xua xan beta matomacan pomonae inta beta penacuichiwi pomonae Nacom juntú coyene itorobiya ewata. Barapo coyene jupa icha be poxonae pebin ichi poxonae bara juntucuru warapaenaba icha nacua beya. Pewunaeya poxonae warapaenaba matha waba pomonae pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonae cataunxuae wunaes ewatatsi xua pepatopaewa tsane. <sup>15</sup> Ichuntha pomonae barapomonaes jiwana cata cinco mil po paratiximonaebe. Iru ichuntha cata dos mil po paratiximonaebe. Iru ichuntha cata saya be cae mil po paratiximonaebe. Bapon daxita barapomonaetha barompaya catsiba be pocotsi coyeneya barapomonaes yapu jupatsi xua poxonae pecacomocaewa tsane barapo paratiximonaetha. Bapoxonae bapon warapa. <sup>16</sup> Pon catatsi cinco mil po paratiximonaebe, barapo cinco mil po paratiximonaebetha equeicha icha cinco mil po paratiximonaebe matoma exana. <sup>17</sup> Barichi pon catatsi dos mil po paratiximonaebe, barapo dos mil po paratiximonaebetha equeicha matoma exana icha dos mil po paratiximonaebe. <sup>18</sup> Ichitha pon catatsi cae mil po paratiximonaebe, bapon mutha xua iratha. Bapoxonae barapo muthatha bota barapo cae mil po paratiximonaebe", jei Jesús.

<sup>19</sup> Equeicha Jesús jeye: "Poxonae ainya maticabin yapucaewa, bapoxonae patopa pon paratixi catsiba barapomonaetha pon barapomonaes pia pecanamataxeinaeinchi tatsi. Bapon pia petanacuichiwi pia paratixi matoma yabara yainyaba. <sup>20</sup> Copiya patopa pon cinco mil po paratiximonaebe catatsi. Bapon icha cinco mil po paratiximonaebe cata pia pecanamataxeinaeinchitha, yawa jeye: 'Tanecanamataxeinaem, caena bayatha cinco mil po paratiximonaebe necatame, equeicha icha cinco mil po paratiximonaebe cata matoma exainchi', jei bapon. <sup>21</sup> Pon pecanamataxeinaein jume nota, jeye: 'Maisa juntú coyene wunaem matautano xam ponxaeim cayabara jume cowantatsi xua xanapanaya neexanebiwam pocotsiwa caitorobatsi. Tsipei inta xanapanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya tabotha nebaru joniya yawa nebaru juntú coyene weiweinare', jei pon pecanamataxeinaein. <sup>22</sup> Bapoxonae pirapae ichun patopa pon dos mil po paratiximonaebe catatsi yawa jeye pia pecanamataxeinaeinchitha: 'Tanecanamataxeinaem, caena bayatha dos mil po paratiximonaebe necatame, equeicha icha dos mil po paratiximonaebe cata matoma exainchi', jei bapon. <sup>23</sup> Pon pecanamataxeinaein jume nota, jeye: 'Maisa juntú coyene wunaem matautano xam ponxaeim cayabara jume cowantatsi xua xanapanaya neexanebiwam pocotsiwa caitorobatsi. Tsipei inta xanapanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya tabotha nebaru joniya yawa nebaru juntú coyene weiweinare', jei pon pecanamataxeinaein", jei Jesús.

<sup>24</sup> Equeicha Jesús jeye: “Bapoxonae matapainya patopa pon cae mil po paratiximonaebe catatsi. Bapon atsaquiya jei pia pecanamataxeinaeinchitha: Tanecanamataxeinaem, xan yaputan xua xam be barapocotsim pon jopa jiwi juniya itorobeibim. Matautano jiwi cobe itorobeibame xua penoteibiwa pocotsiwa jopa jinyawiyo. Matautano pexaewa xua naweta noteibame ichaxota jopa ubim. <sup>25</sup> Daxota cacunuwatsi baxua neexanaeinxae tsipei metha inta pichimo barapo paratiximonaebe poxonae equeicha icha paratiximonaebe cata matoma exainchi daxota jinya paratiximonaebe muthutha xubotan. Xote barapo paratiximonaebe caewa cata canawitatsi’, jei bapon. <sup>26</sup> Nexata pon pecanamataxeinaein namchi jeye: ‘jBepa maisa dapon abem, pon fifiname poxonae inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ubeibinyo. Matautano xua ichamonae cobe itorobeiban xua noteiba pocotsiwa jopa tawiyo. <sup>27</sup> Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxonae equeicha patopan, icha paratiximonaebe equeicha matoma xeinaetsipan xua equeicha inta pemataropeicha botsixaetsipae poxonae ichamonae nacowaeta barapo taparatiximonaebe’, jei pon pecanamataxeinaein. <sup>28</sup> Bapoxonae pon pecanamataxeinaein barai pomonae baxota umena jeye: ‘Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina. <sup>29</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxonae bapon equeicha bichocono Nacom pejume cowuntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowuntsiwa tsainchi. <sup>30</sup> Matauta bapon pon inta beta jopa nacuichiyo bapon paxore peitaquirei nacuaatha, xua barapo nacuaatha pewecoyeinexa, xua nantanuweya penantu jayabinexa tsane’, jei pon pecanamataxeinaein”, jei Jesús.

*Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiwi*

<sup>31</sup> Equeicha Jesús pijimonae tsipaeba, jeye: “Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitapanae ecaewatha xua tawa tayabara paebinexa daxita jiwi xua penatsicuentsiwa abe peexanaexae Nacomtha. <sup>32</sup> Jiwi nacaetutsina taitabaratha pomonae daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonae, matautano tsaba icha duweimonaeno, po duweimonaee pewun cabra. <sup>33</sup> Pon ovejamonae peewatsin, bapon ovejamonae cuaranoba pecoxa weya. Cabra duweimonaee petsocona weya cuaranoba. Bara cana jutiya ichin tsane jiwitha, icha pon ovejamonae peewatsin ichi. Pomonae xanepanaya peexanaewi tsane nobin. Pomonae abe peexanaewi tsane nobin. <sup>34</sup> Bapoxonae xan ponxaein jiwi itorobiya pepa Taewatsin baran tsane pomonae tacoxa weya inta umena, jan tsane: ‘Anetha paxam pomonae Nacom, Taxa, paca juntu coyene weiweina exana. Pajojoniyama Nacom pia peitorobi nacuaetheicha. Bara xoteicha caena bayatha Nacom paca tsiwunaeta pocotsiwa xua paxam nexa, beya poxonae barapo nacue forota. <sup>35</sup> Paca itacupa xua papatame baxoteicha, tsipei poxonae jainpan bayatha, bapoxonae pana neapatame pexaewa. Matauta tsipei poxonae meratsipan, bapoxonae mera pana neapatame. Matauta tsipei bayatha poxonae patopan painya botha poxonae be wawatsiyo coyeneya patopan daichitha pana nententa weyataeya wabame. <sup>36</sup> Matautano tsipei poxonae bayatha jumasa patopan, bapoxonae paparuwa pana necatame. Matautano tsipei poxonae bayatha neromaeba yawa poxonae atenein bara pana nesiwa poname painya tana neyawenaenexam. Matautano tsipei poxonae jiwi pecubi botha neeta, paxam papatame painya tana nenecotsinexam’, jan tsane xua ponxaein jiwi itorobiya pepa Taewatsin. <sup>37</sup> Nexata barapomonae, pomonae tacoxa weya inta peumenaexae pomonae xanepanaya peexanaewi, nejei tsane: ‘Pata Tanecanamataxeinaem, zeta poxonae paca tainchi xua jainpame matauta xua poxonae paca apatatsi pexaewa? zEta poxonae paca cui tainchi xua meratsipame xua bapoxonae mera paca apatatsi? <sup>38</sup> zEta poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? zEta poxonae paca tainchi xua poxonae jumasa patopame xua bapoxonae paca catatsi paparuwa? <sup>39</sup> zEta poxonae paca tainchi poxonae caromaeba xua poxonae atenemno xua bapoxonae paca siwa poinchi pata paca cayawenaenexatsi? zEta poxonae paca tainchi poxonae jiwi pecubi botha caeta xua bapoxonae papatan pata cataenexatsi?’ nejei tsane barapomonae. <sup>40</sup> Bapoxonae xan ponxaein jiwi itorobiya pepa Taewatsin, jume notsin barapomonaetha jan tsane: ‘Xaniyan paca tsipaebatsi. Daxita po coyenewan paxam bayatha paexaname

tamonae jiwitha poxonae bequein barapomonae jopa peainya cui jwiyo, apara bara painta exaname', jan tsane ponxaein jwi itorobiya pepa Taewatsin.

<sup>41</sup> "Nexata xan ponxaein jwi itorobiya pepa Taewatsin baran tsane pomonae tatsocona weya peumenaewi, pomonae jopa beta peexanaewi, jan tsane: 'Panatsixibarucupare taxainya weya, tsipei paxam pomonae abe painya neexanae jwi pam. Maisa po nacuatha isoto jopa cuinaya itacounayiyi baxota paponare. Barapo iso nacua caena bayatha Nacom yabara wanaeta caurimonae pia pentacaponaein tatsi nexa iruru pia matatsun-piwimonae tatsi nexa pomonae caurimonae. <sup>42</sup> Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim. <sup>43</sup> Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matauta tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jwi pecabi botha ecan, paxam jopa pana nesiwa ponaem', jan tsane. <sup>44</sup> Nexata pomonae abe peexanaewi nejume notsina, jei tsane: 'Pata Tanecana-mataxeinaem, zeta poxonae xua pata paca cui taewathatsi xua jopa paca yawenaetsi? zeta poxonae xua pata paca cataebenaewathatsi poxonae jainpame? Matautano zeta poxonae xua pata paca cataebenaewathatsi poxonae meratsipame? Matautano, zeta poxonae xua poxonae pata paca cataebenaewathatsi poxonae caromaeba? Matautano, zeta poxonae xua poxonae pata paca cataebenaewathatsi poxonae jwi pecabi botha caeta? Daxita baxuan, zeta poxonae xua poxonae jopa paca yawenaetsi?' nejei tsane barapomonae. <sup>45</sup> Xan ponxaein jwi itorobiya pepa Taewatsin jume notsin barapomonae jan tsane: 'Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jwiyoxae, apara bara jopa painta exanaem', jan tsane ponxaein jwi itorobiya pepa Taewatsin. <sup>46</sup> Bexa bapoxonae tsane barapo abe peexanae jwi ponaena po nacuatha bapana jopa nacui copatsi xua atene. Pomonae pentu cui xanepanae jwi ponaena po nacuatha jwi xeineiba peantucoyeneyarusawa, po peantucoyeneyarusawa ataya tsiteca", jei Jesus.

## 26

*Meje yabara poxonae fariseomonae iru sacerdotemonae pia pentacaponaei tatsi daxita barapomonae Jesus yabara nanta xeinatsi po coyeneya xua Jesus pewaetabiwa tsainchi (Mr 14.1-2; Lc 22.1-2; Jn 11.45-53)*

<sup>1</sup> Poxonae Jesus baxua daxita najume weta, bapoxonae pijimonae barai, jeye:

2—Paxam payaputaneme xua poxonae po baya tsane, jwi nacaetutsina penabanaenexa pexaewa peyabara nanta xeinaenexa barapo matacabi xua poxonae caena bayatha matha judiimonae Egipto nacua weya panenebiya, po matacabi pewun Pascua matacabi wun. Barapo mataqueitha ichamonae necaenaetsina xua teparucua tanaxanaenexa tsane naetotha, ponxaein Nacom Tananeitapetsin, jei Jesus.

<sup>3</sup> Poxonae Jesus pijimonae baxua tsipaebuncua, bara caena barapo mataqueitha sacerdotemonae pia pentacaponaei tatsi nacaetuta. Iruru baxota nacaetuta judiimonae pia pitiri jwi tatsi. Barapomonae daxita nacaetuta po tututha pon pewun Caifas pon sacerdotemonae pia pepa pentacaponaein tatsi pia pexeinya tutu botha tatsi. <sup>4</sup> Daxita barapomonae nabaru muxu jei xua bepa pinae eta bichi tsane poxonae Jesus nameicha waetabinchi xua pebexubiwa tsainchi. <sup>5</sup> Barapomonae najei:

—Abu jopa waetabi tsainchi poxonae jwi Pascua matacabi wantha nacaetuta penabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayataxubichipa, najei daxita barapomonae.

*Meje yabara poxonae petsiriwa Jesus mata epatabatsi penasiwa, po penasiwa petuxueiwa*

*(Mr 14.3-9; Jn 12.1-8)*

<sup>6</sup> Pirapae Jesus popona Betania tomaratha. Barapo tomaratha Jesus popona Simón pia botha tatsi, pon copya bayatha peperu sawinchi. <sup>7</sup> Barapo botha petsiriwa powa pesi cui weiweinaewa Jesus imoxoyo caquita uncuatabatsi. Barapo petsiriwa capatopa alabastro ibo wun bosibu atsato, xua bichocono wanca penasiwa xua petuxueiwa, po petuxueiwa bichocono ainya matoma. Poxonae Jesus eca pexaethopaewatha, bapoxonae barapo petsiriwa Jesus mata epatabatsi barapo petuxuei tuxusi nasiwatha. <sup>8</sup> Poxonae Jesus pijimonae tatsi tane baxua, barapomonae bichocono anaepana, yawa caemonae najei:

—zeta pocotsiwa metha saya baxua xuba jane? <sup>9</sup> Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jwi, najei barapomonae.

<sup>10</sup> Jesús yapatane xua pijimonaē tatsi baxua pepaēbiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayarā xua pexeinya coyene inta exana. <sup>11</sup> Barapo irathe peacopeibi jiwi paca barū jinompeibina painya neyawaenexa tsaibi tsane barapo jiwi. Ichitha nama paxam jopa ataya paca barū poponae tsainchi xua pata tana neyawaenexam barapo irathe. <sup>12</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wunaeta xua mūthū tana neboyawenexa poxonae tūpaein. <sup>13</sup> Bara xaniyan paca tsipaebatsi, daxita nacuantha poxonae jiwi cueicueijeji tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi  
(Mr 14.10-11; Lc 22.3-6)*

<sup>14</sup> Nexata Jesús pijimonaē tatsi pomonaē doce poyobe tatsi, barapo doce poyobe jiwana bara caein, bapon pewun Judas Iscariote. Bapon Judas pona sacerdotemonaē pia pentacaponaeawi tatsi beya xua petsipaebinxaxa barapomonaetha. <sup>15</sup> Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonaē Judas pentoma catatsi treinta po paratiximonaēbe, xua po paratixi bichocono matoma nawita. <sup>16</sup> Barapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonaē barū nabane Pascua wun matakabitha  
(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Nexata copiya matakabi jopa po matakabi tsiwana penantacarucuae matakabi, xua po matakabintha poxonae jiwi tsinacaetutsina xua penabanaewa tsane pan, po pan jopa muxunapentsiyo levadura matawun, pocotsiwa xua cotowa exana pan. Jesús imoxoyo caquita umenarūcapatsi pijimonaē yawa Jesús jeichichino:

—¿Exota ichichipame xua ichaxota pexaewa paca tsinacui wunaetsinchi wanabanaenexa tsane xua Pascua wun matakabi nexa? jei barapomonaē.

<sup>18</sup> Jesús barai pijimonaē, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tatūpae wūnae tsane. Jinya tututha tajiwiwimonaē tha barū nabanaetsi pexaewa Pascua wun matakabi nexa’, cajei pon jiwi Pecuidubin, pajande, jei Jesús pijimonaetha.

<sup>19</sup> Jesús pijimonaē tatsi bara exana pocotsiwa bayatha Jesús pijimonaē peitorobixae. Matautano barapomonaē pexaewa nacui wunaetajeba Pascua wun matakabi nexa xua penabanaenexa.

<sup>20</sup> Poxonae quirei tsanaicha bapoxonae Jesús pijimonaē barū eca pexaethopaewatha pomonaē doce poyobe tatsi. <sup>21</sup> Poxonae Jesús pijimonaē barū xunaeca bapoxonae barai pijimonaē, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamonaē, jei.

<sup>22</sup> Nexata bapoxonae Jesús pijimonaē tatsi unthūthū wecoyeyi tsurūcpae, nexata daxita tsana jei tsoponae Jesustha:

—Tanecanamataxeinaem, apara ¿xan cacaenaetaxubinchi? jei daxita barapomonaē xua Jesús tsana yainyabapoinchi.

<sup>23</sup> Jesús jume nota barapomonaē, jeye:

—Pon cae paratotha pana nabaerū jajaucuncuaponanbe pan, bapon apara pon necaenaetaxubina ichamonaetha. <sup>24</sup> Xan ponxaein Nacom Tananeitapetsin bewa tūpaein, tsipei Nacom Pejume Diwesitha baxua neyabara paeba caena bayatha. Ichitha pebin tsoctuae pon necaenaetaxubina ichamonaetha. Metha jame wūnae tsipae icha bapon bayatha jopa naexaenae tsipae, tsipei bexa tsane bichocono atene tsoctuae tsane, bichocono abe tana necana exanaexae, jei Jesús.

<sup>25</sup> Nexata Judas pon Jesús caenaetaxubinchi bapon itacaretaba, jeye Jesustha:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

<sup>26</sup> Poxonae Jesús pijimonaē barū xunaeca, bapoxonae Jesús pecobetha pita pan yawa Paxatha tsipaeba, jeye: “Axa, maisa juntu coyene weiweinan xua pan pata tana necatsiwam”, jei. Bapoxonae Jesús pecobetha pan epa janaca yawa catsiba pijimonaē. Bapoxonae pijimonaē barai, jeye:

—Paxaema po pan epa janacan. Barapo pan apara yabara caunuta tapepon xua poxonae tapaca tsitupaewatsi tsainchi, jei Jesús.

<sup>27</sup> Bapoxonae Jesús equeicha pecobetha pita corotiyo yawa Nacomtha tsipaeba, jeye: “Axa, maisa juntu coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyo xua pejiwana aapaponaenexa. Bapoxonae jeye pijimonaetha:

—Daxita pa-aapaponde xua barapo cae corotiyotha. <sup>28</sup> Pena peyabara tsiwunae muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonae tupaein. Barapo jana tsita itapeinya xeinaena xua jiwi pinmonae, yabara juntemainaein abe pia peexanae cuiru coyenein tatsi. <sup>29</sup> Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane equeicha pena coyenewatha paca baru apaeinchi, barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeyino”, pinae yabara jei tsainchi Jesús (Mr 14.26-31; Lc 22.31-34; Jn 13.36-38)*

<sup>30</sup> Poxonae Jesús pijimonae baru najume weta xua naxuna Nacom nexa, bapoxonae Jesús pijimonae baru pona demxuwa beya. Barapo demxuwa pewun demxu Olivowa, olivo naein peumenaexae baxota. <sup>31</sup> Nexata Jesús barai pijimonae, jeye:

—Anoxuae barapo merawithe daxita pam pana necuentaracupaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwunaeya jeye: ‘Poxonae ovejamonae peewatsin bexubinchi, bapoxonae ovejamonae tsanaracupaena’, jei Nacom. Penamchixae poxonae ichamonae newaetabina tana nebexubinexa pana necuentaracupaename. <sup>32</sup> Ichitha taeyarapayo poxonae equeicha asu neexanaena, bapoxonae paca tsiwana patopiyaeinchi Galilea nacua beya poxonae bara beya paponaname, jei Jesús.

<sup>33</sup> Nexata Pedro Jesús jume notatsi, jeye:

—Bequein ichamonae cacuentaracupaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

<sup>34</sup> Nexata Jesús Pedro jume baraichi, jeye:

—Bara xainyeya catsipaebatsi po merawithe, pewunaeya poxonae beya ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeyino’, neyabara jam tsane, jei Jesús.

<sup>35</sup> Pedro Jesús baraichi:

—Bara bequein capuna tupaeinchi ichitha baxua jopa cayabara paebi tsainchi, jei Pedro. Iruu daxita Jesús pijimonae tatsi bara jumichi, nanta jupiya paeba.

*Meje poxonae Jesús Paxa tsipaeba ichaxota tsica iriyo, po iriyo pewun Getsemani (Mr 14.32-42; Lc 22.39-46)*

<sup>36</sup> Nexata Jesús pijimonae baru patopa ichaxota tsica iriyo, po iriyo pewun Getsemani. Baxota Jesús barai pijimonae, jeye:

—Xote abu paenare tha matha Taxatha tsipaebichi painya cuariyatha xotiye, jei Jesús.

<sup>37</sup> Jesús baru pona Pedro. Iru Zebedeo pexantobe tatsi Jesús baru pona. Bapoxonae Jesús bichocono anthuthu wecoyeyi, yawa bichocono anthuthu deideijeji. <sup>38</sup> Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatupae. Xote paenare, yawa payoyocare xua painya tana nebaru naitaewatsinexam, jei Jesús.

<sup>39</sup> Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajuntataneyo. Bapoxonae Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthuthutane neexana. Ichitha jopa necana exanaeinde xua pocotsiwa ichichipam, saya jame necana exande xua pocotsiwa ichichipame, jei.

<sup>40</sup> Nexata Jesús equeicha caibe iya pijimonae tatsi beya poyobe xua acoibi poyobe, ichitha barapomonae maita. Jesús Pedro baraichi, jeye:

—Maisa jopa paca itacupaeyo xua pata tana nebaru yoyocaewam xua poxonae bequein bara cae horatha. <sup>41</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonae pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa ichitha painya pepon bichocono paacoyenetaetabim xua painya netsipaebiwa Nacom, jei Jesús.

<sup>42</sup> Equeicha Jesús bara nama caeto pona xua Paxa petsipaebinexa. Poxonae Paxa tsipaeba, jeye:



—Axa, icha jopa ichichipaem xua tana newepichiwam, pocotsiwa neajuntatane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

<sup>43</sup> Bapoxonae equeicha Jesús pijimonae beya pona xua acoiibi poyobe daichitha barapo acoiibi poyobe came maitumena, tsipei bichocono itata tsacatsaquei xua itamaipana. <sup>44</sup> Bara nexata Jesús equeicha saya cuentapona. Equeicha Jesús pona xua Paxa petsipaebinxaxa xua equeicha acoiibi po cuiyobetha, barapo jumetha equeicha Jesús Paxa tsipaeba. <sup>45</sup> Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaende aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaem Nacom Tananeitapetsin ichun necaenaetaxubina ichamonaetha, pomonaetha pomonae peantucoyenebe jiwi. <sup>46</sup> Panacosapende, panonobapondeno. Antha ba poinchi. Dota dawerena pon necaenaetaxubina ichamonaetha, jei Jesús pijimonaetha.

*Meje yabara poxonae Jesús waetabatsi*  
(Mr 14.43-50; Lc 22.47-53; Jn 18.2-11)

<sup>47</sup> Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae baru patopa. Ichamonaecusin cajjinca. Ichamonaecusin iwabi cajjinca. Daxota daxita barapomonae pata, tsipei sacerdotemonae pia pentacaponae tatsi iru pitiri jiwiru daxita barapo pentacaponae itoroba barapomonae. <sup>48</sup> Judas, pon Jesús caenaetaxubinchi, pewnaeya tsane xua poxonae patopa bapon cou tsiwanaya paeba barapo pin bicheitha, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei. <sup>49</sup> Daxota poxonae patopa, bapoxonae Judas Jesús imoxoyo caquita poinchi, matauta nainya Jesús jeichichi:

—Pon jiwi Pecuidubim, xamda, jei Judas.

Bapoxonae nainya Judas Jesús tsutsubatsi. <sup>50</sup> Nexata Jesús jume nota, jeye:

—Ponxaem tajitom, moya bara exande xua jinya necana exanaetsi, jei.

Nexata barapomonae pomonae Judas pebaru patopaexae barapomonae Jesús imoxoyo caquita umenarucupatsi, bapoxonae Jesús waetabatsi.

<sup>51</sup> Caein pon Jesús pijimonae tatsi jiwana, pon Pedro, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi, bapon muxuyoro catsonibatsi. <sup>52</sup> Nexata Jesús barai pijimonae jiwana jitontha, pon Pedro, jeye:

—Maisa cusi jeinca pentacuerutha. Tsipei pon ba cusitha namawainta, bapon ba xuya hexubinchi cusitha. <sup>53</sup> ¡Maisa xam jopa yaputaem! Icha ichichipan bara neitacupa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheitomonae xua tana neyawenaewa tsane. <sup>54</sup> Icha Taxa wucaetsipan xua bapon tana neyawenaewa tsane bapoxonae jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

<sup>55</sup> Nexata Jesús barai pomonaetha pomonae Judas baru patopa, jeye:

—Pacapatame cusin yawa iwabi be poxonae pacana ichim pontha pon jiwi pecaibin. Daxita matabin Nacom pin pia botha tatsi paca baru poponeibatsi, paca cuidubeibatsino, daichitha bapoxonae jame jopa pana newaetabim. <sup>56</sup> Ichitha daxita baxuan neyabara canacui jume weta exana, bayatha penecui yabara wuna tsiwanaya paebixae pomonae Nacom peitorobi jume pepaebiwi, Nacom Pejume Diwesitha, jei Jesús.

Bapoxonae Jesús cuentarucupatsi pijimonae, meisa Jesús baru umeinchi pomonae Judas bayatha baru patopa.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Pomonae Jesús teicatsi barapomonae Jesús capoinchi pon pewan Caifás itabaratha tatsi. Bapon Caifás, pon sacerdotemonae pia pepa pentacaponaein tatsi pon peainya cuin yatsicaya. Baxota iru nanacaetuta pomonae judiomonae pecuidubiwichi Moisés pia peitorobi coyene tatsi, iruru pitiri jiwi pomonae judiomonaexae. <sup>58</sup> Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae imoxoyo naeca policiamonaetha pecui taenexa xua po coyeneya Jesús cana exanaeinchi pomonae nacaetuta.

<sup>59</sup> Sacerdotemonae pia pentacaponaei tatsi iru ichamonaeno, pomonae pecanamata caitorobi jiwi bicheito, daxita barapomonae jeita ichamonaeno pomonae xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi. <sup>60</sup> Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe. <sup>61</sup> Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acoibi po matacabibe barapo Nacom pin pia bo tatsi xanebin’, jei, jeibe baponbe.

<sup>62</sup> Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

<sup>63</sup> Daichitha saya Jesús moya uncu. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

<sup>64</sup> Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapusu itorobi coyenewa pexeinaein. Matautano pana netaename poxonae equeicha patopecaein tsaquinaebowantha xua peitaboco wetsica, jei Jesús.

<sup>65</sup> Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonaeno xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo. <sup>66</sup> ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>67</sup> Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano butsinno. Ichamonaeno Jesús itabara tsaquibacotatsi. <sup>68</sup> Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomonae.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

(Mr 14.66-72; Lc 22.56-62; Jn 18.15-18, 25-27)

<sup>69</sup> Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabuyo, powa sacerdotemonae pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacuapin, jei yabuyo.

<sup>70</sup> Ichitha Pedro jume matawenta bapowa, daxita jiwi peitutha tatsi. Pedro jeye:

—Jopa yaputaeyo pocotsiwa xua yabara paebame, jei Pedro.

<sup>71</sup> Poxonae cataunxuae Pedro ecapona xua pia ponaetsi bomuxu coiboto beya, bapoxonae iru ichawayo Pedro tainchi. Barapowa tsipaeba ichamonaeno pomonae baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

<sup>72</sup> Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

<sup>73</sup> Equeicha bapoxonae pirapaeyo Pedro imoxoyo caquita poinchi pomonae baxota umena. Barapomonae Pedro jeichichi:

—Apara bara xam iruru bapon pijimonae tatsi jiwanam, daxota barapo jume coyeneya paebame, icha barapomonae ichi, jei.

<sup>74</sup> Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi, jopa dapon yaitaeyino xuaunxuae pon payabara paebame, jei Pedro.

Bapoxonae iruru caena nainya wacara pebto fibaru. <sup>75</sup> Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeyino, neyabara jam tsane. Bapoxonae iru nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyel, peajuntatanexae xua Jesús yabara paebatsi.

## 27

*Meje yabara poxonae Jesús capoinchi Pilato beya*

(Mr 15.1; Lc 23.1-2; Jn 18.28-32)

<sup>1</sup> Poxonae penta tsina sacerdotemonae pia pentacaponaeawi tatsi iruru judiomonae pia pitiri jiwi tatsi, daxita barapomonae yabara nacaetuta xua nanta jupaeya peburuya penanta xeinaenexa po coyeneya xua Jesús pebexubiwa tsainchi. <sup>2</sup> Daxita barapomonae equeicha Jesús maxu cutatsi. Bapoxonae Jesús yamaxu cutsiya capoinchi Pilato beya, pon Judea nacuapiwi peyanacua ewatsinchi xua romanomonae peitorobixae.

*Meje yabara poxonae Judas pia coutha nabexuba*

<sup>3</sup> Judas Jesús caenaetaxubatsi ichamonaetha. Poxonae bapon jume tane xua ichamona Jesús yabara paebatsi xua bewa tupaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixaetsi. Daxota Judas equeicha caewa capona barapo treinta po paratiximonaebe. Sacerdotemonae pia pentacaponaeawi catatsi iruru pitiri jiwi catatsi. <sup>4</sup> Judas barai barapomonae, jeye:

—Poxonae pebin caenaetaxuban, xua jopa pon abe exanaeyo, xua poxonae ichamona pebexubinexa xua pejana pichapabarena, xan apara bara abe exanan, jei.

Ichitha barapomonae Judas jume notatsi, jeye:

—Apara baxua jopa painta ainya cuiyiyo. Jame apara xam jinya coyam poxonae baxua cana exaname, jei.

<sup>5</sup> Nexata Judas barapo treinta po paratiximonaebe anaya xoya Nacom pin pia botha. Poxonae Nacom pin pia ho weya pona, bapoxonae Judas nabexuba pia coutha, nacoibo tathu catataba athawetsica.

<sup>6</sup> Bapoxonae sacerdotemonae pia pentacaponaeawi tatsi nota po paratixi Judas bebaya. Bapoxonae barapomonae najei:

—Jopa naca copatsiyo xua barapo paratixi bara wajebinxexa Nacom pin pia botha tatsi nexa. Tsipei apara barapo paratixi taxoba poxonae barapo paratixitha comotatsi pebin xua ichamona pebexubinexa, xua pejana pichapabarenaenexa, jei barapomonae.

<sup>7</sup> Bapoxonae daxita barapomonae peburuya nanta xeinarucupa, najei: “Waxainchi barapo paratixitha comotinchi tsica iriyo, po iriyotha jiton tsorobon noteiba xua juruwaton peexaneibinxexa. Barapo iriyotha tsane xua pemathathuqueibinxexa tsainchi poxonae werapeibina pomonae penanapaincha jinompaewi xua icha nacua werena peponaeawi”, najei. <sup>8</sup> Daxota barapo iriyo barapomonae wan duta po wan jeye: “Pejana ira”, jei. Po iriyo barapo wantha cataunxuae jiwi wan ununutapona beya anoxuae. <sup>9-10</sup> Baraxua barapomonae exana xua bayatha pecui yabara tsiwunaeya wunae tsimuxu dutsiya jeixae pon Nacom peitorobi jume pepaebin, pon pewun Jeremias pon caena bayatha tupa. Bapon Jeremias jeye: “Israelmonae pia pentacaponaeawi tatsi catsina treinta po paratiximonaebe ichuntha xua poxonae pecaenaetsixae tsainchi pon pejantu coyene xeicaein. Barapo matomatha cana matomatsinchi pon pejantu coyene xeicaein. Barapomonae baxua cana exanaena bapontha tsipei barapomonae peburuya nanta xeinarucupa pecana matomatsinxexa. Bapoxonae equeicha barapomonae caewa pichina barapo treinta po paratiximonaebe. Barapo paratixitha barapomonae iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonae exana be pocotsi coyeneya Nacom pon jiwi Pecanamataxeinaein nejume cui itoroba”, jei Jeremias.

*Meje yabara poxonae Jesús uncua Pilato peitabaratha tatsi*

(Mr 15.2-5; Lc 23.3-5; Jn 18.33-38)

<sup>11</sup> Jesús cataunxuae uncua Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainyabatsi, jeye:

—¿Bara yatsicaya xam judiomonae itorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

<sup>12</sup> Sacerdotemonae pia pentacaponaeawi tatsi iru judiomonae pia pitiri jiwi tatsi, daxita barapomonae Jesús abe yabara pabatsi xua pinae abe exana. Daichitha Jesús jopa jume barabotsiyo barapomonae. <sup>13</sup> Nexata daxota Pilato Jesús baraichi, jeye:

—¿Jopa jume taem pocotsiwa barapomonae bichocono abe cayabara paeba? jei.

<sup>14</sup> Ichitha Jesús jopa jume notsiyo Pilato xua pocotsiwa ichamonae Jesús abe peyabara pabewatsi xua matauta cae jume coyenewatha jopa jume notsiyo. Daxota Pilato bichocono yabara nantu coyene cui cabenaeca baxua.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

(Mr 15.6-20; Lc 23.13-25; Jn 18.38–19.16)

<sup>15</sup> Bara nama, Pilato ba pia cui xeina poxonae ba jiwi tsinacaetuta pexaewa penanabanaenexa. Barapo matacabitha Pilato ba caein jiwana pu sotaba pomonae jiwi pecubi botha peenaewi. Pilato ba pu sotaba pon ba jiwi itapeta cowai xua Pilato peisanaxubinexa.

<sup>16</sup> Barapo jiwi pecubi botha iruru eca pon bichocono abe peexanaein, pon peyaputaeinchi daxita jiwi poxonae abe exaneiba. Bapon pewun Barrabás. <sup>17</sup> Poxonae jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

<sup>18</sup> Baxua Pilato paeba tsipei bapon yaputane xua pomonae pecanamata caitorobi bicheito, Jesús peuwixaetsi, caenaetaxubatsi Pilatotha.

<sup>19</sup> Poxonae Pilato cataunxuae pia peecaethopeibiawatha eca xua Jesús peyabara pabebinxatsi penatsicuentiwa bapoxonae Pilato piowa tatsi najume caitoroba ichantha xua jeye: “Jopa copatsinde xua bapon pebexubinexatsi ichamonae, tsipei apara bapon pejuntu coyene xeicaein. Yaitama tsipei merawi bapon camaitan daxota bichocono anthathurewein, tsipei bapon dacotsiwa bexotsi”, jei bapon xua Pilato piowa tatsi najume caitoroba.

<sup>20</sup> Ichitha sacerdotemonae pia pentacaponaeawi tatsi, iruru judiomonae pia pitiri jiwi tatsi, daxita barapomonae jiwi cui tsacarabatsi, xua barapo jiwi Pilato pecui itorobinxatsi xua Barrabás pepu sotabinxatsi, matautano xua Jesús pebexubinexatsino. <sup>21</sup> Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomonae Pilatotha jeye:

—Maisa Barrabás pu sotabare bara, jei barapomonae.

<sup>22</sup> Equeicha Pilato yainyaba barapomonae, jeye:

—¿Eta xua cana exanocuaein Jesús pon Mesías baraichi? jei.

Nexata pinmonae Pilato jume daunweya jume notatsi, jeye:

—¡Bewa maisa naetotha tparucua exanaem! jei barapomonae.

<sup>23</sup> Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daunmetha barapomonae jume daunweya jeye:

—¡Bewa maisa naetotha tparucua exanaem! jei.

<sup>24</sup> Poxonae Pilato yaputane xua nama taaibichiba pocotsiwa bapon pepaebinxaxa picoya, xua peajumetsacaxae barapomonae, daxota Pilato itoroba ichan xua petaxawenaenexa tsainchi mera. Bapoxonae barapo meratha nacobe quiataxuba barapo jiwi peitatha tatsi. Bapoxonae bapon namchi, jeye:

—Xan apara jopa tacoutha bexuba exanaeinoyo bapon xua daxota pejana pichapabarena pon jopa bequein abe exanaeyo. Poxonae nacobe quiataxuban meratha, baxua tsita itapeinya xeinan xua apara jopa tacouthinyo. Apara jame painya coutha pam poxonae bexuba paexaname pon abe jopa exanaeyo, jei Pilato.

<sup>25</sup> Daxita barapomonae equeicha namchi, jeye:

—¡Paxan iru pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

<sup>26</sup> Nexata Pilato nama pu sotaba Barrabás. Bapoxonae itoroba xua soldadomonae bara Jesús moya bichocono pecuainchinexatsi pocotsiwatha eewa xua bichocono amapiya xua xota ba jiwi cuainteibatsi poxonae abe exaneiba. Matautano itorobano xua moya bara Jesús tparucua exanaeinchi naetotha.

<sup>27</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. <sup>28</sup> Bapoxonae Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi. <sup>29</sup> Bapoxonae cuane tepa xua pee tepa, yawa bapoxonae Jesús

canamitonsiya mata xatatatsi baxua xua cana exanatsi icha be ichi pon jiwi itorobiya pepa peewatsinchi poxonae mata xatatatsi tepa. Matautano Jesús cobenatatsi naewa icha be ichi pon jiwi itorobiya pepa peewatsinchi poxonae naewa cobenatatsi poxonae itoroba jiwi. Bapoxonae Jesús peitabaratha tatsi pentabocototha taenatsi xua Jesús naerabiya pebara cui itura jinaenexa tsainchi. Bapoxonae Jesús cui caponatsi, jeye:

—Jaco judiomonae itorobiya pepa Neewatsim! jei barapomonae xua Jesús canamiton-tatsi.

<sup>30</sup> Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi. <sup>31</sup> Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsofia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua tparucua peexanaenexatsi naetotha.

*Meje yabara poxonae Jesús tparucua exanatsi naetotha*

*(Mr 15.21-32; Lc 23.26-43; Jn 19.17-27)*

<sup>32</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin. Bapon pewın Simón. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tparucua peexanaenexatsi Jesús.

<sup>33</sup> Bapoxonae Jesús baru patatsi ichaxota po uruto be jiton matasipa piwa. Daxota barapo uruto jiwi wan unuta “Gólgota”, jei. <sup>34</sup> Baraxotiya Jesús apatatsi vino mera, po vino mera equeicha muxuna epareca hiel mera matawın po mera bichocono atsu wawa. Poxonae Jesús mene pana, bapoxonae Jesús aichaxaibi apa barapo mera.

<sup>35</sup> Poxonae Jesús canacobe wetatsi xua naetotha tparucua exanatsi, bapoxonae soldadomonae nata tsaba Jesús pia paparuwan tatsi. Barapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyoy bapon copiya pita Jesús pia paparuwan tatsi. <sup>36</sup> Nexata barapo soldadomonae Jesús yapu caenatsi poxoru jopa ichipaeyo xua Jesús pepanepaewa tsane. <sup>37</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje aparta judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

<sup>38</sup> Iruru ponbe jiwi pecaibinbe tparucua exanatsibe naetotha ichaxota imoxoyo Jesús ducua. Ichın Jesús petsocona wetauncuiyatsi, ichın pecoxa wetauncuarenatsi.

<sup>39</sup> Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi. <sup>40</sup> Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acuibin po matabibibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonae.

<sup>41</sup> Iruru barichi sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyene tatsi iruru judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

<sup>42</sup> —Bapon cain capanepaibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, bu bapon pia coutha naeto wetsica ecoinca, xainya bapoxonae jume cowantatsi. <sup>43</sup> Bapon jume cowanta Nacom, xua bepa pinae capanepainchi, xua Nacom capanepaena. Icha Nacom ichichipa, bu bara moya capanepaena, tsipei caena bayatha naca jei: ‘Aparta xan Nacom Pexanton’, naca jei, jei barapomonae.

<sup>44</sup> Barichiru baxua paeba ponbe jiwi pecaibinbe, ponbe xua iruru cobe matatabarutat-sibe naetotha. Baponbe iruru Jesús cui caponatsi.

*Meje yabara poxonae Jesús tupa*

*(Mr 15.33-41; Lc 23.44-49; Jn 19.28-30)*

<sup>45</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mataeinyaxae weya, beya yatabopiya. Tres po horabe quirei tsuncuae. <sup>46</sup> Bapoxonae Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>47</sup> Ichamonae pomonae Jesús baxota jume taeumeinchi, barapomonae jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha tupa, jei.

<sup>48</sup> Bapoxonae caein nainya cuinaepoinya pon barapomonae jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa.

<sup>49</sup> Ichitha ichamonae namchi, jeye.

—Abu, abu jopa apatsinde. Waxainchi abu matha taeinchi icha Elías patopeicaena xua bapon pecapanepaenexatsi, jei barapomonaе.

<sup>50</sup> Equeicha Jesús jume daunweya wawai, bapoxonaе nama tɔpanaicha Jesús. <sup>51</sup> Bapoxonaе paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueicha ainya epatobe naexanabe. Matautano ira jijiyataxuba, matauta ibo wacapouna. <sup>52</sup> Po muthantha pomonaе pewerapeibiwi bobena, barapo muthan coibo tupa wacapouna pocotsiwa coibo xatababanoba xua pin ibo panawan. Barapo muthantha cataunxuae abu saya bobena pomonaе caena bayatha werapa. Pirapaeyo acoibi po maticabiyobe poxonaе Jesús asu juina exanatsi, xua Nacom exana, bapoxonaе iruru pomonaе bayatha pejume cowantsiwichi Nacom pomonaе xua bayatha pewerapaexae barapomonaе iru asu jujuina exanatsi xua Nacom exana. <sup>53</sup> Bapoxonaе daxita barapomonaе muthu we-iyiya. Daxita barapomonaе, Jerusalén tomara beya pona po tomaratha xeina Nacom pin pia bo tatsi. Barapomonaе naitata pinmonaetha Jerusalén tomarapiwitha.

<sup>54</sup> Bapoxonaе soldadomonaе pomonaе Jesús yapu enatsi iruru barapo soldadomonaе pia pentacaponaein tatsi, pon romanomonaepin poxonaе daxita barapomonaе tane xua ira jijiyata yawa xua tane ichawanno, bapoxonaе barapomonaе bichocono junuwa. Bapoxonaе barapomonaе jeye:

—¡Apara bara yatsicaya bapon Nacom pepa Pexanto tatsi! jei barapo soldadomonaе.

<sup>55</sup> Barichi iru ainyawaxi yabuxi, barapowaxi Jesús tsiwiyo taju wetaeumeinyatsi. Barapowaxi Jesús bayatha matha puna jinompatsi xua poxonaе Galilea nacua weya pona xua Jesús peyawenaenexatsi. <sup>56</sup> Barapowaxi jiwana, ichowayo pewun María Magdalena, powa Magdala tomarapiwayo. Ichowayo pewun María, Santiago iru José baponbe penabe tatsi. Ichowayo pewun Salomé bapowa Zebedeo piowa tatsi, xua iru bapowa Santiago iru Juan baponbe pena tatsibe.

*Meje yabara poxonaе Jesús petupaеin ibo muthutha yauxatatabotatsi*  
(Mr 15.42-47; Lc 23.50-56; Jn 19.38-42)

<sup>57</sup> Poxonaе quirei tsanaicha, pebin patopa ichaxota Jesús naetotha tɔparucua. Bapon copei pexeinaein. Bapon pewun José. Bapon Arimatea tomarapin. Matauta bapon iru Jesús pia pepuna jinompaewichi jiwana pin tatsi pomonaе Jesús pia pejume cowantsiwichixaetsi. <sup>58</sup> Bapon pona Pilato beya pewucaenexa xua Jesús petupaеin. Nexata Pilato najume caruta xua bara José pecatsinexatsi Jesús petupaеin. <sup>59</sup> José nexata pita Jesús petupaеin. Bapoxonaе pena paparuwatha mata quiyontabareca xua pexeinya paparuwa. <sup>60</sup> Bapoxonaе José muthu iya Jesús botatsi pena ibo muthutha, po muthu bequein José pia muthu tatsi xua poxonaе petupaewa tsane. Poxonaе José nacobe weta xua yauxatatabota pin ibo panawatha, bapoxonaе ponataba. <sup>61</sup> Baxotiya ibo muthu itapatha eca María Magdalena, powa Magdala tomarapiwayo. Iru ichowayoru María baxota naeca.

*Meje yabara poxonaе Pilato itoroba soldadomonaе xua Jesús peyamuthu eenaenexa tsainchi*

<sup>62</sup> Icha maticabitha po maticabitha pentaquei seica maticabi bapoxonaе sacerdotemonaе pia pentacaponaei tatsi iruru fariseomonaе daxita barapomonaе pona Pilato beya. <sup>63</sup> Barapomonaе Pilato jeichichi:

—Pon pata Tanecanamataxeinaem, pananta xeinan xua barapo pemuxitorobin poxonaе cataunxuae popona, pana tsipaеba, jeye: ‘Poxonaе acoibi po maticabibe tsuxubi tsane equeicha asun tsane petupaе coyene cuiru weya’, pana jei bapon. <sup>64</sup> Daxota xam itorobare soldadomonaе xua xaniwaicha peyapu eenaenexa muthu xua beya poxonaе acoibi po maticabibe tsuxubi tsane. Baxua exande xua jopa pepatsinexa tsane muthu beya Jesús pia pepuna jinompaewichi, tsipei bu merawi barapomonaе pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha asu exanatsi petupaе cuiru coyene weya’, jei tsipae xua Jesús yabara naerabatsi. Barapomonaе baxua naerabichipa jiwitha, baxua bichocono abe tsipae, beyacaincha poxonaе Jesús bayatha pocotsiwa paeba xua pemuxitorobiwa, jei barapomonaе.

<sup>65</sup> Pilato barai barapomonaе, jeye:

—Bara moya pataema. Moya panore soldadomonaе. Moya muthu beya pabarɔ ponde. Paexande pocotsiwa panantawenoname xua bu moya barapo soldadomonaе xaniwaicha yapu eenaena, jei Pilato.

<sup>66</sup> Nexata barapomonaе iru soldadomonaе bara be-iyiya. Bapoxonaе muthu coibo daunwei exananta. Bichocono barapomonaе cateitabanota xua pin ibo panawa xua muthu boupa ata. Matautano bichocono barapomonaе pemacatha epatautarena boupa catabarena barapo peboupa patsiwa, xua peyaputaenexa icha ichun namicha patopa xua

pecaibinexa Jesús petupaein. Bapoxonae barapomonae cuentadendena soldadomonae xua barapo soldadomonae peyapu eenaenexa muthu.

## 28

*Meje yabara poxonae Jesús equeicha asu juina exanatsi petupae cuiru coyene weya (Mr 16.1-8; Lc 24.1-12; Jn 20.1-10)*

<sup>1</sup> Poxonae po pentaquei seicae matakabi yapu caewaba, bapoxonae matakabi jopa po matakabi xua nanta carucua xua cae semanatha xua penacuichi matakabi. Barapo mataqueitha María Magdalena, powa Magdala tomarapiwayo iru ichawayo María, barapowayobe caemumbotha siwa ponabe muthu ichaxota Jesús yamuthu uncuu. <sup>2</sup> Bapoxonae nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yaupataxubanota barapo pin ibo panawa. Bapoxonae barapo ibo panawatha ecopiya. <sup>3</sup> Barapo matatsunpin bichocono daedaena icha be yamuxu coicha ichi. Paparuwa bichocono inyapana. <sup>4</sup> Poxonae soldadomonae baxua taerucupa bichocono cuitaya jijiyei tsurucupae, mexeya poxi werapa iratha bobena, tsipei bichocono junuwa. <sup>5</sup> Barapo matatsunpin namchi barapowayobetha, jeje:

—Jopa pajunuwindebe. Bara yaputan xua pawenawenambe Jesús xua painya taetsibe, pon tupa exanadutatsi naetotha jiwi. <sup>6</sup> Xote apara bapon aibi. Apra bayatha equeicha asu juina exanatsi petupae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon petupaein botatsi bayatha. <sup>7</sup> Nainya papondebe weye, patsipaebarebe Jesús pijimonae tatsi. Pajandebe: ‘Bara bequein bapon bayatha tupa ichitha equeicha asu juina exanatsi petupae cuiru coyene weya. Bapon copya paca tsiwana ponaena Galilea nacua beya. Baxotiya bapon pataename, pana nejei matatsunpin’, pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apra xaniyei, jei matatsunpin.

<sup>8</sup> Bapoxonae barapo yabuyobe muthu weya nainya pontababe. Junuwiya juntu coyene weiweinabe. Barapowayobe cuinaepoinyabe Jesús pijimonae tatsi beya xua diwesi caponabe pocotsiwa matatsunpin paeba. <sup>9</sup> Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeje barapowayobetha: “Jacó”, jei Jesús. Barapowayobe imoxoyo caquita ponabe Jesthutha bapoxonae pentabocototha uncuabe yawa taxu waetababe xua Jesús wanae pejainchinexatsi. <sup>10</sup> Jesús barai barapowayobe, jeje:

—Jopa pana necunuwindebe. Paponarebe tajiwimonae beya. Patsipaebarebe pajandebe: Jesús paca itoroba bepa pinae paponae Galilea nacua beya. Bepa pinae baxotiya pataem, pajandebe, jei Jesús.

*Meje yabara poxonae soldadomonae naerabiya paeba, jeje: “Jesús pijimonae petupaein pitatsi”, jei*

<sup>11</sup> Poxonae barapo yabuyobe cataunxuae namtotha ecaponabe, bapoxonae icha soldadomonae jiwana, po soldadomonae Jesús yamuthu eenatsi, barapo soldadomonae tomara beya pona. Matauta sacerdotemonae pia pentacaponae tatsi tsipaebatsi daxita pocotsiwa xua xuan tane. <sup>12</sup> Barapo sacerdotemonae pia pentacaponae tatsi pona pitiri jiwi beya xua caemonae peyabara natsipaebinexa xua Jesús petupaein yabara. Bapoxonae daxita barapomonae soldadomonae paratixi nawita catsibatsi xua jiwi naerabiya petsipaebinexatsi. <sup>13</sup> Bapoxonae barapomonae soldadomonae baraichi, jeje:

—Patsipaebare jiwi xua merawi poxonae pamaitumenae Jesús pijimonae tatsi pata, yawa xua bapoxonae petupaein pitatsi. <sup>14</sup> Icha Pilato pon peyanacua ewatsin jiwi jume taebina xua Jesús petupaein aichurucuae, yawa icha bapon baxua yabara paca yainyabina, bapoxonae nexata paca yabara jume yawenaechi xua bapon jopa paca jutebi tsane, jei barapomonae.

<sup>15</sup> Nexata barapo soldadomonae nota paratixi yawa jiwi tsipaeba tsiniyatsi xua sacerdotemonae pia pentacaponae tatsi peitorobixae. Barapo penaerabi diwesi jume, judiomonae jume cocowantapona. Anoxuae barichi po judiomonae anoxuae jinompa, jume cocowantapona barapo diwesi.

*Meje yabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi*

*(Mr 16.14-18; Lc 24.36-49; Jn 20.19-23)*

<sup>16</sup> Nexata once poyobe pomonae xua Jesús pijimonae tatsi barapomonae nawibiya Galilea nacua beya. Bapoxonae barapomonae demxuwa beya pona, po demxuwa pinae Jesús caunuta xua pinae baxota patopaena. <sup>17</sup> Poxonae barapo once poyobe baxota Jesús taerucupatsi, ichamonae Jesús wanae jaintatsi, bequein ichamonae ainya juntu coyenein

xeina xua Jesús xapain beta jopa yabara jume cowantichi. <sup>18</sup> Nexata Jesús pijimonaē imoxoyo caquita pona. Bapoxonaē jeye:

—Nacom necata daxita peayapusū itorobi coyene xua peitabocotha nexa, matautano po cae pin nacuathe tsiquenexano. <sup>19</sup> Paponare daxita carepaya jiwitha xua daxita nacuantha. Jiwi pacana exande xua tana nejume cowantsiwa tsane. Daxita pomonaē tana nejume cowantsiwi pabautisabare. Poxonaē pabautisabame Taxa pewun pawun taibare, matautano pana newun taibare, ponxaein Nacom Pexanton, matautano Nacom pia Pejumo pe tynaxu tatsi pawun taibare xua barapo acoibi wunthabe painya paca nepaca yawenaenexa pia peayapusū itorobi coyenewatha. <sup>20</sup> Daxita barapomonaē pacuidubare daxita xua xuan pocotsiwa bayatha paca itorobatsi. Matautano painya xoba pajantemainame xua daxita matababin bara ataya paca baru poponeibinchi beya poxonaē tsane xua equeicha patopeicaein, jei Jesús pijimonaetha.

Baja Mateo.



## Jesucristo Pia Pexeinya Diwesi Jume Tatsi Marcos Petinae Diwesi

*Meje yabara poxonae Juan pon Pebautisabin jiwi cuiduba ira xuepana susato tsurucuae nacuatha*

*(Mt 3.1-12; Lc 3.1-9, 15-17; Jn 1.19-28)*

<sup>1</sup> Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

<sup>2</sup> Bayatha Nacom pia peitorobi jume pepaebin, pon pewan Isaías, bapon tina petinae diwesitha. Isaías tina Nacom nexa, Nacom barapo diwesitha jeye Pexantotha:

“Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jiwi yabara aura tsane abe pia peexanae cuiru coyenein tatsi, xua poxonae nepatopae wanaeya tsane.

<sup>3</sup> Pon itorobin bapon jume tan pon xua wawai ira xuepana susato tsurucuae nacuatha.

Bapon wawaya jeye: ‘Patsinajuntu cui coyene wanaere, pon jiwi pia pepa Pecanamataxeinaeinchi nexa pia pepatopae wanaeya tsane’, jei pon xua wawai’, jei Isaías petinae diwesitha.

<sup>4</sup> Nexata Juan pon Isaías peyabara paebixae bapon ira xuepana susato tsurucuae nacuatha patopa. Bapon Juan bautisaba ducuaenaebiya, xua jiwi bautisabatsi merantha. Mataantano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntu coyene paxeinare painya neauraxae xua abe paexaname. Bapoxonae Nacom paca yabara juntemainaena abe painya neexanae cuiru coyenein”, jei Juan. <sup>5</sup> Daxita Judea nacuamona, iraru Jerusalén tomarapiwi, daxita barapomona pona ichaxota beya Juan bautisaba jiwi ira xuepana susato tsurucuae nacuatha. Poxonae barapomona nayopita Nacomtha xua bepa pinae Nacom tsita auratsi xua abe peexanaexae bapoxonae barapomona Juan bautisaba Jordán mentha.

<sup>6</sup> Juan jumaina duwein nabocoto, po duwein pewan camello. Coreinya bocoto maraina. Xane pocotsiwa yapupuna pocotsiwan be sure poxi. Mataantano bana daeba. <sup>7</sup> Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayarusu itorobi coyenewa xaina beyacaincha xan. Bapon pon jiwi pia Pecanamataxeinaeinchi. Xan bichocono tapawin daxota bapon bichocono tsita pin ura xeinan xua tataxu mu isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomona amanaya petanacuichiwi pia pentacaponaeawi poxonae baru cui itura paca pia pentacaponaeiwichi. <sup>8</sup> Paca bautisabatsi meratha, ichitha nama barapon Mesías paca bautisabina Nacom pia Pejumope tñaxutha tatsi poxonae Nacom paca najumope catsibina”, jei Juan jiwitha xua Jesús yabara.

*Meje yabara poxonae Jesús bautisabatsi*

*(Mt 3.13-17; Lc 3.21-22)*

<sup>9</sup> Barapo dapaetha Jesús Nazaret tomara weya pona, po tomara eca Galilea nacuatha. Bapon Jordán mentha patopa, ichaxota Juan bautisaba. Baraxota Jesús bautisabatsi.

<sup>10</sup> Poxonae mene wejuina barapoxonae caena nainya Jesús itaboco necoicha xua peitaboco nayausaranaxuba. Jesús tane xua Nacom pia Pejumope tñaxu tatsi patopa bapontha xua be topiboto yaruneica. <sup>11</sup> Barapoxonae Jesús jume tane pocotsiwa peitaboco wetsipae-bicatsi, jeichichi: “Xam apara Taxantom, pom bichocono caantobetsi, pom caitapetatsi. Nejuntu coyene weiweina exaname”, jei Nacom.

*Meje yabara poxonae Jesús juntu coyene jujutatsi caurimonae pia pentacaponaein tatsi xua Jesús abe coyeneya petaexanaenexa tsane*

*(Mt 4.1-11; Lc 4.1-13)*

<sup>12</sup> Poxonae Jesús nanacui wetatsi xua bautisabatsi bapoxonae Nacom pia Pejumope tñaxu tatsi Jesús nainya itorobatsi ira xuepana susato tsurucuae nacua beya. <sup>13</sup> Jesús ira xuepana susato tsurucuae nacuatha popona cuarenta po matabibibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponaein tatsi pon Satanás Jesús piraichi juntu coyene jujutatsi xua

Jesús abe coyeneya petaxanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jestustha xua Jesús pecui matateicaenexa tsainchi, matautano xua peapatsinexatsi tsainchi.

*Meje yabara poxonae Jesús tamropata pitaba pia penacuichiwa xua Galilea nacuatha (Mt 4.12-17; Lc 4.14-15)*

<sup>14</sup> Nexata poxonae ichamonae Juan maxu waetabatsi xua peetsinexatsi jiwi pecubi botha, bapoxonae Jesús Galilea nacuatha patopa. Jesús paeba ducuaeta jiwitha Nacom pia pexeinya jume diwesi tatsi. <sup>15</sup> Jesús namchi jeye: “Nacom bayatha yabara necana cui weta exana po coyeneya xua poxonae tapatopaewa. Daxota jiwi itacupatsi xua naexana Nacom piamonae, pomonae Nacom itorobiya peewatsixae. Daxota icha juntu coyene paxeinare Nacomtha xua painya neauraxae xua abe paexaname, Nacom piamonae painya nenaexanaenexa tsane. Pajume cowande Nacom pia pexeinya jume diwesi tatsi”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi (Mt 4.18-22; Lc 5.1-11)*

<sup>16</sup> Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ichun pewun Simón, ichun pewun Andrés. Baponbe bara cae peweichobe. Baponbe peweichobe duwei yamonauyabe pucuatha. <sup>17</sup> Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bayatha paichimbe poxonae payamaamebe duwei nawita, jei Jesús.

<sup>18</sup> Bara caena baraponbe botabe barapo peyamaewa. Bapoxonae napuna ponabe Jestustha.

<sup>19</sup> Jesús equeicha pona. Bapoxonae equeicha ichunbe tainchibe. Baraponbe ichun pewun Santiago, iru ichun pewun Juan. Baponbe Zebedeo pexantobe tatsi. Jeratha mataquerabayabe peyamaewa xua ucupouna. <sup>20</sup> Jesús nainya waba, baponbe wabatsibe: Jesús baraipe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon pewun Zebedeo. Matautano cuenta ponabe pomonae Zebedeo pia payawenae jiwichi tatsi xua yamona duwei. Baponbe Jestustha napuna ponabe.

*Meje yabara poxonae pebin pon cauri xeina (Lc 4.31-37)*

<sup>21</sup> Bapoxonae Jesús pijimonae baru pona Capernaum tomara beya. Bapoxonaeru judiomonae barompaya pia pentaquei seicae matakabi tatsi tsuxubi. Barapo matakabitha Jesús pijimonae baru joniya judiomonae pia penacuettsi botha tatsi. <sup>22</sup> Barapo jiwi yabara najuntu coyene cabenaeca, tsipei pocotsiwa Jesús barapomonae cuidubatsi be pon peyaputaein pia peyapusu itorobi jume coyeneya tatsi paeba. Jesús jopa cuidubiyi be judiomonae pia pecuidubiwi pia coyeneya tatsi. <sup>23</sup> Pebin pon cauri xeina barapon eca barapo judiomonae pia penacuettsi botha tatsi.

<sup>24</sup> Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapuxanepanaem, jei pebin pon cauri xeina.

<sup>25</sup> Jesús taitaweta, pebin taitawetatsi cauri. Jesús cauritha jeye:

—¡Moyande! ¡Barapon wepu ponde! jei Jesús cauritha.

<sup>26</sup> Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi. <sup>27</sup> Daxita barapomonae yabara najuntu coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peyapusu itorobi coyenewa pexeinaein. Matautano caurimonae jume cowanta poxonae pocotsiwa bapon itoroba, najei barapomonae.

<sup>28</sup> Bapoxonae caena nainya daxita pomonae jinompa Galilea nacuatha jume taerucapa pocotsiwa juinya Jesús exana.

*Meje yabara poxonae Jesús axabi exana Simón Pedro pamiyo tatsi (Mt 8.14-15; Lc 4.38-39)*

<sup>29</sup> Jesús caena nainya pona judiomonae pia penacuettsi bo tatsi weya. Bapoxonae Jesús joniya Simón pia botha tatsi po bo xua iru Andrés pia bo tatsi. Barapo botha Santiago iru Juan Jesús baru joniya. <sup>30</sup> Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei. <sup>31</sup> Jesús caquita pona Simón pamiyo tatsi. Bapoxonae

bapowa cobe pitatsi. Barapowa asiya cuaranotatsi. Bapoxonae barapowa caena nainya taaichurucuaetsi domae. Nexata barapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*  
(Mt 8.16-17; Lc 4.40-41)

<sup>32</sup> Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, iru pomonae caurimonae xeina. <sup>33</sup> Daxita barapo tomarapiwi nacaetuta bomuxu boupatha. <sup>34</sup> Jesús axaibi exana pinmonae pomonae xeina daxita coyenexi xua xoxi peatenewa. Matautano Jesús taitaweta pomonae cauri xeina. Jesús jopa copatsiyo xua pecueicueijiwa caurimonae, tsipei caurimonae Jesús cui yaputainchi.

*Meje yabara poxonae Jesús cueicueijei Nacom Pejume Diwesi judiomonae pia penacae-tutsi bontha tatsi*

(Lc 4.42-44)

<sup>35</sup> Baya poxonae caemumbotha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaibi bara beya pona. Baraxotiya Jesús tsipaebauiya, Nacom tsipaebatsi. <sup>36</sup> Nexata Simón iru pomonae Jesús pepuna jinompae jiwichi, barapomonae Jesús pu barainatsi. <sup>37</sup> Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

<sup>38</sup> Jesús jume nota jeye:

—Barabu ponaeinchi icha tomaran beya, barapo tomarantha iru tacueicueijeinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

<sup>39</sup> Bapoxonae Jesús siwa pona ducuaeta daxita tomaran Galilea nacuaetha. Judiomonae pia penacae-tutsi bontha tatsi Nacom pia pexeinya jume diwesi Jesús tsipaeba barapo judiomonaetha. Matautano Jesús taitaweta caurimonae.

*Meje yabara poxonae Jesús axaibi exana pon peperu sawinchi*  
(Mt 8.1-4; Lc 5.12-16)

<sup>40</sup> Bapoxonaeru pebin, pon peperu sawinchi, Jesús caquita poinchi. Bapoxonae bapon pentabocototha uncuá Jesús peitabaratha tatsi xua Jesús pebaru cui itura jinaeaeetsi. Bapon matowa Jesús wucatsi, jeye:

—Icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexainaem, jei bapon.

<sup>41</sup> Jesús yabara najuntu coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

<sup>42</sup> Bapoxonae bapon nainya taaichurucuaetsi xua peperu sawiwatsi. Matautano axaibi tsanayano. <sup>43-44</sup> Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotepintha xua nenaitatsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wunaem, jei Jesús.

<sup>45</sup> Daichitha poxonae bapon pona jopa moya yawun xeinaeyo. Bapon yabara tsipaebapona ichamonaetha pocotsiwa xua bayatha peaxaibiwa. Daxota Jesús jopa itacupaetsi xua naitatsiya pata ducuaanebiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

## 2

*Meje yabara poxonae Jesús axaibi exana pon pecuenobinchi*  
(Mt 9.1-8; Lc 5.17-26)

<sup>1</sup> Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca. <sup>2</sup> Pin bicheito nacaetuta ichaxota po botha Jesús patopa, beya poxonae matauta bo coibo quecona. Barapomonaetha Jesús tsipaeba Nacom pia pexeinya jume diwesi tatsi. <sup>3</sup> Bapoxonae pebiwi pata cuatro poyobe. Barapo pebiwi yapaparua capata pon pecuenobinchi. <sup>4</sup> Tsipei pin bicheito, daxota barapo pebiwi jopa itacupaetsi xua Jesús imoxoyo pecaquita ponaewatsi. Daxota barapo pebiwi bomuxutha pentatupa wereca atsa caxinaxoreca ichaxoya Jesús uncuareca. Barapo muthu deca pon pecuenobinchi yapaparua yorecatsi. <sup>5</sup> Poxonae Jesús yapatane xua barapomonae yabara cui jume cowanta xua bara Jesús peitacupaewatsi xua

axaibi peexanaewatsi pon pecuenobinchi, bapoxonae pecuenobinchitha Jesús tsipaebiya jeye:

—Tajitom cacui yabara jüntemainaya jüntu puxana exanatsiba abe jinya neexanae cuiru coyenein, jei Jesús.

<sup>6</sup> Ichitha baraxota iru naena pomonae jiwí pecuidubiwi Moisés pia peitorobi coyene tatsi. Barapomonae nanta xeinaeya najei: <sup>7</sup> “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwí cacui yabara jüntemainaya jüntu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwí cacui yabara jüntemainaya jüntu puxana exanatsi abe pia peexanae cuiru coyenein tatsi”, najei. <sup>8</sup> Barapoxonae caena nainya Jesús yaputane pejüntu coyenewatha pocotsiwa barapomonae pin coutha nayainyaba. Jesús jeye barapomonaetha:

—¿Eta pocotsiwa metha baraxua pana natsipaebame? <sup>9</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jüntemainatsi’, jan tsane? Ichacuiitha ¿metha jan tsane: ‘Nontaponde, bara pire jinya nemaituncuaewa, yawa bara ponare’, jan tsane? <sup>10</sup> Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwí tayabara cacui jüntemainaya jüntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bapoxonae Jesús tsipaeba pontha pon pecuenobinchi. Jesús jeye:

<sup>11</sup> —Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>12</sup> Bapoxonae bapon caena nainya nontapona barapomonae peitutha tatsi, yawa pita xua pemaituncuaewa. Bapoxonae bapon bo tutu weya pona barapo pin bicheito peitutha tatsi. Daxita barapomonae yabara najüntu coyene cabenaeca, yawa Nacom wanae jaintatsi, jeye:

—Maisa waxainchi bapana bayatha jopa taetsi pocotsiwa wanae pocotsiwe icha be iche, jei barapomonae.

*Meje yabara poxonae Leví wabatsi, Jesús waba  
(Mt 9.9-13; Lc 5.27-32)*

<sup>13</sup> Barapoxonae Jesús pona Galilea pucua itapatha. Bapoxonae baxotiya pin bicheito pata Jesús pia xantha tatsi. Barapomonaetha Jesús cuiduba. <sup>14</sup> Poxonae Jesús cataunxae ecapona Galilea pucua itapatha, bapoxonae Leví tainchi. Bapon Leví Alfeo pexanto tatsi. Bapon Leví eca ichaxota bapon paratixi matoma noteibeca po paratixi jiwí bewa catsibina pon romanomonae itorobiya pia pepa peewatsinchi. Jesús Leví tsipaebatsi, Jesús jeye:

—Nepuna ponde, jei Jesús.

Bapoxonae Leví nontapona, yawa Jesús puna poinchino.

<sup>15</sup> Pirapaeyo Jesús Leví baru eca pexaethopeibiwatha, xua Leví pia botha tatsi xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwí bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanae jiwí. Matautano Jesús pijimonae baru eca barapo pexaethopaewatha. Pinmonae Jesús baru eca tsipei pinmonae Jesús puna poinchi. <sup>16</sup> Ichitha pomonae jiwí pecuidubiwi Moisés pia peitorobi coyenewa tatsi iruru fariseomonae, daxita barapomonae Jesús tainchi poxonae Jesús baru xayeca pomonae paratixi pentoma noteibiwi, iru pomonae abe peexanae cuiru coyenein peexanae jiwí. Pomonae Jesús tainchi daxita barapomonae Jesús pijimonae tatsi jeichichi:

—Maisa Jesús pon painya nepaca cacuidubin abe exana poxoru baru xayeca pomonae paratixi penoteibiwi, matautano, baru xayeca pomonae peajüntucoyenebe jiwí, jei barapomonae.

<sup>17</sup> Poxonae Jesús jume tane baraxua, bapoxonae Jesús jume nota, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwí peyawubin. Saya jame meisa pomonae ba atene barapomonae jame canantawenona pon jiwí peyawubin. Barichi xan patopan apara tha jopa tawabinexa tsane pomonae pejüntu coyene xanepanae jiwí. Saya apara tawabinexa pomonae abe peexanae cuiru coyene peexanaewi tayawenaenexa tsane barapomonae, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbot-siwatsi  
(Mt 9.14-17; Lc 5.33-39)*

<sup>18</sup> Caentaqueitha Juan pia pepuna jinompaewichi, iruru fariseomonaе, nainbota Nacomtha xua saya pewucaenexa Nacomtha. Poxonae barapomonaе nainbota, bapoxonae ichamonaе Jesús siwa poinchi. Barapomonaе Jesús yabara yainyabatsi barapo penainbotsi coyene. Barapomonaе jeye Jestutha:

—Juan pia pepuna jinompaewichi, iruru fariseomonaе jopa juniya Nacom peyabara nainbotsiwatsi poxonae Nacom wuqueibatsi. Ichitha jinyamonaе jopa daichiyu, jopa nainbotsiyu Nacomtha xua saya pewucaenexa Nacomtha, jei barapomonaе Jestutha.

<sup>19</sup> Jesús jume nota barapomonaе, jeye:

—Jiwi ba jopa bewa wecoyeya yabara nainbotsi poxonae ichamonaе pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiwa bapon eca pexaewa penabanaewatha bapoxonae jiwi ba peburuya nabane. Jopa bewa yabara nainbotsi tsane. <sup>20</sup> Ichitha icha pon aena piowa pita, caena nainya waetabatsi, ichamonaе waetaba xua taju bapon pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane.

<sup>21</sup> “Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. <sup>22</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo. Yawa pena bocoto jopa naxubiyo poroxu boco yeyena yawa poroxu pena bocoto”, jei Jesús.

*Meje yabara poxonae Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi*

(Mt 12.1-8; Lc 6.1-5)

<sup>23</sup> Caentacabi poxonae judiomonaе barompaya pia pentaquei seicaе matakabi tatsi, barapo matakabitha Jesús, iruru pijimonaе tatsino pabi iyiya. Jesús pijimonaе tatsi jainpa. Barapomonaе tamropata notarucupa xua yaboto xunumenapona trigo xu. Bapoxonae pecobetha xu mata pepeta. <sup>24</sup> Poxonae fariseomonaе cui tane xua Jesús pijimonaе tatsi exana, bapoxonae fariseomonaе Jesús tsipaebatsi, jeye:

—Jamaisa jinya jiwimonaе nacuita barapo matakabithe, poxonae yaboto nota trigo xu. Aparu jiwi jopa yabara cui copatsiyu xua ichamonaе nenacuichiwa barapo matakabithe xua judiomonaе barompaya pia pentaquei seicaе matakabi tatsi, jei fariseomonaе.

<sup>25</sup> Jesús jume nota, jeye:

—Barapomonaе tajiwimonaе jopa apara abe exanaeyo. ¿Jopa payabara yorobim pocotsiwa bayatha David exana poxonae jainpa, poxonae iruru pijimonaе tajainpatsiryu? Bapon David, pon caena bayatha israelmonae itorobiya pia pepa peewatsinchi. <sup>26</sup> Bapon David, iruru pijimonaе tatsi, barapomonaе joniya Nacom pin pia botha tatsi poxonae pon pewun Abiatar tanacuita Nacom. Bapon Abiatar sacerdotemonaе pia pepa pentacaponaein tatsi. David xane pan, po pan ichamonaе cana exana xua Nacom pecatsiwatsi. Iruru barapo pan David pijimonaе cata xua pexaenexaru. Barapomonaе xane bequein bara Nacom pia peitorobi coyenewatha copata xua saya meisa sacerdotemonaе itacupatsi xua pexaewa tsane barapo pan, jei Jesús.

<sup>27</sup> Equeicha Jesús namchi, jeye:

—Nacom, jiwi pewunaeya taexanatsi pentaquei seicaе matakabi. Barapo pentaquei seicaе matakabi Nacom tsixana jiwi, xua barapo matakabitha jiwi penaffinacaewatsinexa. Nacom jopa ainya cui cana exanaeyo pentaquei seicaе matakabi xua beyacaincha jiwi. <sup>28</sup> Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicaе matakabitha, jei Jesús fariseomonaetha.

### 3

*Meje yabara poxonae Jesús cobe wunaе exana pon pecobe mubinchi*

(Mt 12.9-14; Lc 6.6-11)

<sup>1</sup> Jesús equeicha joniya judiomonaе pia penacaetutsi botha tatsi. Baraxota pon pecobe mubinchi eca. <sup>2</sup> Barichi pomonaе jiwi pecuidubiwi Moisés pia peitorobi coyene tatsi, iruru fariseomonaе baxota ena. Daxita barapomonaе Jesús necotenatsi pecui taenexatsi icha bara metha Jesús cobe wunaе exanaena pentaquei seicaе mataqueitha pon pecobe

mabinchi. Icha Jesús pon pecobe mabinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. <sup>3</sup> Bapoxonae Jesús barai pontha pon pecobe mabinchi, jeye:

—Nontaponare. Uncuare xote, jei Jesús.

<sup>4</sup> Pomonae Jesús tainchi xua barai barapomonae, jeye:

—Paca yainyabinchi, zeta xua copata pentaquei seicae matabitha? ¿Wunae jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin hexotsi jampa? ¿Eta xua jane? jei Jesús.

Ichitha barapomonae jopa jume notsiyo, saya moya umena. <sup>5</sup> Nexata Jesús necota barapomonae. Anaya Jesús caseba barapomonae. Matautano juntu coyene wecoyeyi, tsipei barapomonae jopa beyaputaeyo pocotsiwa bapon exana. Jesús barai pon pecobe mabinchi:

—Nacobe doire, jei Jesús.

Bapon nacobe doita. Bapoxonae bapon nainya cobe wunae tsanaya. <sup>6</sup> Bapoxonae fariseomonae Jesús weya ponaracupa. Bapoxonae barapomonae nacaetuta Herodes pijimonaetha tatsi xua pecui yabara paebinxatsi xua po cui coyenewatha Jesús pebexubiwa tsainchi.

*Meje yabara poxonae pin bicheito nacaetuta Galilea pucua itapatha*

<sup>7</sup> Jesús pijimonae baru pona Galilea pucua itapa beya. Iruru pin bicheitomonae Jesús puna poinchi pomonae Galilea nacua weya pona. <sup>8</sup> Iruru pomonae Judea nacua werena pona iruru pomonae Jerusalén tomara werena pona, daxita barapomonae Jesús puna poinchi. Iruru Idumea nacupawi Jesús puna poinchi. Iruru ichamonae Jesús puna poinchi pomonae icha muxunenetha jinompa xua Jordán mentha. Iruru Tiro tomarapiwi Jesús puna poinchi. Iruru Sidón tomarapiwi Jesús puna poinchi. Daxita barapo bicheito Jesús itata patatsi poxonae jume tane daxita xua juinya pocotsiwan Jesús exana. <sup>9</sup> Tsipei pin bicheito, daxota Jesús pijimonae itoroba xua jera petaxawenaewa tsainchi xua pet-saquibabiyanwatsi barapo pin bicheito. <sup>10</sup> Yaitama Jesús axaibi exaneiba pin bicheito pomonae atenemonae, daxota iru ichamonae Jesús imoxoyo caquita poinchi. Barapomonae ichichipa xua Jesús pejayabiwatsi xua barapomonae iru axaibi peexanaenexasira.

<sup>11</sup> Pomonae caurimonae pexeinaewi, poxonae barapomonae Jesús tainchi, barapomonae pentabocototha umena Jesús peitabaratha tatsi. Barapomonae wawaya jeye xua caurimonae wawai peexanaexatsi:

—¡Maisa bara xam Nacom Pexantom! jei barapomonae xua wawaya exanatsi caurimonae.

<sup>12</sup> Jesús jume daunweya itoroba barapomonae, jeye:

—Jopa pana neyabara paebinde ichamonaetha xua xan Nacom Pexanton, jei Jesús.

*Meje yabara poxonae Jesús itapetsiya waba pia peitorobi jiwí tatsi pomonae xua doce poyobe*

*(Mt 10.1-4; Lc 6.12-16)*

<sup>13</sup> Bapoxonae Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Barapoxonae barapomonae Jesús pia xantha tatsi tapatatsi. <sup>14</sup> Jesús itapetsiya waba doce poyobe xua pomonae pebaru jinompaenexatsi. Matautano barapomonae Jesús itoroba xua daxita jiwitha petacueicueijeinexatsi Nacom Pejume Diwesi. <sup>15</sup> Barapomonaetha Jesús cata pia peayapusu itorobi coyenewa tatsi, xua cauri ichamonae petaitawetsinexatsi pomonae xua cauri peuna jinompaewichi. <sup>16</sup> Meje barapomonae pewunxi tatsi pomonae Jesús waba: Simón pon icha wun wun dutatsi “Pedro”, baraichi. <sup>17</sup> Ichun pewun Santiago. Ichun pewun Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wantha xua jei: “Yamyxu pexantobe tatsi”, jei). Barapo wun wun duta tsipei peajuntucoyenesunbe. <sup>18</sup> Ichun pewun Andrés. Iru ichun pewun Felipe. Iru ichun pewun Bartolomé. Iru ichun pewun Mateo. Iru ichun pewun Tomás. Iru ichun pewun Santiago pon Alfeo pexanto tatsi. Iru ichun pewun Tadeo. Iru ichun pewun Simón pon celotmonaepin. <sup>19</sup> Iru ichun pewun Judas Iscariote. Barapon Judas pon Jesús caenaetaxubatsi ichamonaetha pebexubinexatsi.

*Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi*

*(Mt 12.22-32; Lc 11.14-23; 12.10)*

<sup>20</sup> Bapoxonae Jesús, iru pomonae pia peitapetsiwi tatsi botha jojoniya. Bapoxonae equeicha pin bicheito nacaetuta Jesús pia xantha tatsi. Daxota Jesús iru pijimonae tatsi

jopa itacɔpaetsi xua penabanaewa tsane. <sup>21</sup> Jesús piamonae matabɔxɔyo tatsi jume tane xua jiwi paeba xua pinae juinya Jesús matayaibatsi. Daxota barapomonae pata, xua Jesús pewaetabinexatsi, xua pia bo beya pecaponaenexatsi.

<sup>22</sup> Matautano pomonae jiwi pecuidubiwi Moisés pia peitorobi coyene tatsi, pomonae Jerusalén werena pona, barapomonae jiwitha jeye Jesús yabara: “Bapon caurimonae itawetatsi, apara pexeinaexae Beelzebú pia peayapus itorobi coyene tatsi, pon caurimonae pia pentacaponaein tatsi”, jei barapomonae pomonae jiwi pecuidubiwi Moisés pia peitorobi coyenewa tatsi.

<sup>23</sup> Bapoxonae Jesús waba barapomonae pia xainya berena. Yawano Jesús pecayabara juta pepaebi diwesiyo tsipaeba, jeye: “Caurimonae pia pentacaponaein tatsi jopa itacɔpaetsi xua peitawetsiwa icha caurimonaetha, xua pecae caurimonaexae. <sup>24</sup> Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. <sup>25</sup> Matauta iruru icha cae bo matabɔxɔyomonaebe nababe yawa nawepu tsatajopabe, bapoxonae jopa xaexaenaecaeyo. <sup>26</sup> Barichi icha Satanás, pijimonae tatsi nawepu tsatajopabe matautano xua nababe, bapoxonae jopa xaexaenaecaeyo. Satanás jopa itacɔpaetsi xua itoroba pijimonae, tsipei amsiya exana.

<sup>27</sup> “Dapon ajibi, pon itacɔpatsi xua botha joniya po botha pon bichocono maxɔ daunwei pia bo tatsi xua daxita notsina pocotsiwa bapon xeina pon maxɔ daunwei icha jopa copiya matha maxɔ cutanotsiyo.

<sup>28</sup> “Bara xaniyeya paca tsipaebatsi. Pocotsiwa jiwi abe peexanae cuiru coyenein exana, matautano pocotsiwa xua jiwi abe paeba, barapo coyenein Nacom itacɔpatsi xua yabara juntemainena xua barapo jiwi abe exana. <sup>29</sup> Pon abe yabara paeba Nacom pia Pejumope tɔnaxɔ tatsi, Nacom bapana jopa yabara juntemainae tsane xua bapon paeba. Bara bapon ataya atene tsane ichaxota jopa itacounayiyo isoto xua bapon abe peexanaexae”, jei Jesús.

<sup>30</sup> Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope tɔnaxɔ tatsi. Daxota barapomonae Nacom pia Pejumope tɔnaxɔ tatsi tsita natsicuentatsi, tsipei Nacom pia Pejumope tɔnaxɔ tatsi abe yabara paebatsi.

*Meje yabara Jesús pena tatsi, iruru peyapin jiwi tatsino  
(Mt 12.46-50; Lc 8.19-21)*

<sup>31</sup> Pirapae Jesús pena tatsi, iru peyapin jiwi tatsi pata Jesustha. Ichitha barapomonae pesato beumeinya. Bapoxonae najume caruta ichamonaetha xua petawabinexa tsainchi Jesús. <sup>32</sup> Po bicheito Jesús matawacaicha enatsi, barapomonae Jesús tsipaebatsi, jeye:

—Ena, iruru neyapin jiwino, pesato beya umena. Bepara bequein cataei. Bepara bequein catsipaebeti, jei.

<sup>33</sup> Ichitha Jesús jume barai barapomonae, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús.

<sup>34</sup> Bapoxonae Jesús necota pomonae pematawacaicha enaewichi. Jesús jeye:

—Barapomonae pomonae xote umene apara be taena tsicotan, matautano be tayapin jiwi tsicotan. <sup>35</sup> Pomonae exana pocotsiwa Nacom itoroba, pon peitabocotha peecaenxae, barapomonae be tayapin jiwi tsicotan, matautano iru be tayapixi tsicotanno, matautano iru be taena tsicotanno, jei Jesús.

## 4

*Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara*

*(Mt 13.1-9; Lc 8.4-8)*

<sup>1</sup> Equeicha Jesús tamropata pitaba xua cuiduba Galilea pucua itapatha. Bapoxonae pin bicheito nacacetua ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa, po nae mentha ducuiya. Barapo pin bicheitomonaе taetabo itapatha umena. <sup>2</sup> Jesús barapomonaetha cuiduba pecayabara juta pepaebi diwesintha.

Poxonae Jesús cuiduba barapomonae, jeye: <sup>3</sup> “Pana nejume naitaeware barapo diwesiyo: Pebin pon peubin ponataba pia ubichi pabitha. <sup>4</sup> Poxonae pon peubin ubauya, icha xu namtotha othopeica. Pepupunaewi yapata. Bapoxonae barapo xu xu xane. <sup>5</sup> Icha xu, xu othopeica ibowantha ichaxota xua ira itafafana. Barapoxonae barapo xu caena nainya xu xuwa, tsipei jopa taju xu xuwarecaeyo. <sup>6</sup> Ichitha poxonae xometo atsa tsina, bapoxonae yaboto tsaquiwa yawa tɔpa tsipei jopa taju tabɔ opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. Daxota barapo xu jopa xu nacoichiyu. <sup>8</sup> Icha xu, xu

othopeica ichaxota ira wnae. Poxonae barapo xu, xu xuwa, xu nawnaeta. Icha xun, xu nanacoitapona treinta po xu matabuxnyobe tsiniya. Icha xun, xu nanacoitapona sesenta po xu matabuxnyobe tsiniya. Icha xun, xu nanacoitapona cien po xu matabuxnyobe tsiniya”, jei Jesús barapo pin bicheitomonaetha.

<sup>9</sup> Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaewatsi”, jei Jesús poxonae pijimonaе muxuconaquiya tsipaeba.

*Meje yabara poxonae Jesús namchi xua exua metha pecayabara juta pepaebi diwesin (Mt 13.10-17; Lc 8.9-10)*

<sup>10</sup> Nexata poxonae Jesús pipatotha eca, bapoxonae baru eca pomonaе pia pepuna ponaewichi, irano pijimonaе tatsi pomonaе doce poyobe. Barapomonaе Jesús yainyabatsi jeye: “¿Eta pocotsiwa yabara caunutame poxonae barapo pecayabara juta pepaebi diwesiyo cuidubame?” jei barapomonaе. <sup>11</sup> Jesús jume nota barapomonaе, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom paca cana exana xua painya nepaca itacupaewa xua painya nenaexanaewa Nacom piamonaе tatsi pam, pomonaе pamxaem Nacom itorobiya paca ewata. Ichitha meisa jame ichamonaе pomonaе jopa nejume cowantsiyo jopa daichichi. Nacom jopa copatsiyo xua barapomonaе peyabara yaputaewa baxua. Daxota barapomonaе cuiduban pecayabara juta pepaebi diwesintha, xua Nacom peyabara yaputaenexatsi. <sup>12</sup> Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru bapomonaе jopa icha juntu coyene xeinaeyo Nacomtha, daxota barapomonaе Nacom tsita natsicuentatsi abe petsita exanaexatsi xuano Nacom jopa yabara juntemainaeyo abe pia peexanae coyenein tatsi”, jei Jesús.

*Meje yabara poxonae Jesús pijimonaе muxu yaputane exana po diwesi xua pecayabara juta pepaebi diwesiyo, pon peubin yabara (Mt 13.18-23; Lc 8.11-15)*

<sup>13</sup> Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara juta pepaebi diwesiyo xua peubin yabara paeban daxota jopa payaputaemt-sipae bequein ainya pecayabara juta pepaebi diwesin paca tsipaebichipatsi. <sup>14</sup> Paca tsipaebatsi pecayabara juta pepaebi diwesiyo xua icha: Pon peubin jura, icha be ichi pon Nacom Pejume Diwesi pepaebi ducuaenaebiyaein. <sup>15</sup> Po xuton xua namto beothopiya, aichurubenaе. Barapo xuton yabara caunuta xua jiwi bara juntu weichichi caurimonaе pia pentacaponaein tatsi, pon Satanás. Jiwi juntu coyene weajumetsurubenaе exanatsi Nacom Pejume Diwesi xua bayatha po jume jume tane, xua bapoxonae jopa petajume cowantsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena. <sup>16-17</sup> Po xuton xua xu othopa ibowantha, barapo xuton yabara caunuta po jiwi xanapanaya jume tane Nacom Pejume Diwesi, xuano juntu coyene weiweinaya Nacom jume cowantsi. Ichitha bara caeto jume cowanta, poxoru barapomonaе ajuntufetabiya jume jeba Nacom Pejume Diwesi pejuntu coyeneintha. Poxonae yaitama barapomonaе bichocono peatenexae, matautano poxonae barapomonaе yaitama abe petaxanaexaetsi ichamonaе xua pejume cowantsixae Nacom, bapoxonae caurimonaе abe exana barapomonaetha, xua barapomonaе juntu coyene wejuntemaina exanatsi xua Nacom pecayabara juntemainaewatsi. <sup>18-19</sup> Po xuton xua xu othopeica pesoiwantha, barapo xuton caunuta xua pomonaе Nacom Pejume Diwesi jume tane, ichitha saya barompaya pia juntu coyeneyatha jinompa, yawa saya u copei cayabara nanta xaina, yawa saya exana pocotsiwa juntu coyene weiweina cana exainchi. Po coyene pebiwi exana baxuan bara jutiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi. Jopa xanapanaya jinompaeyo Nacom nexa. <sup>20</sup> Po xuton xua xu othopeica peira wnaewatha, bara nacoita. Barapo xuton yabara caunuta pomonaе jume tane Nacom Pejume Diwesi, matautano jume cowantano poxoru juntu coyene xanapanaya jume tane. Matautano beta exana dubenanaebiya beya matapainya jiwi cui tane xua barapomonaе juntu coyene xanepana Nacom peitabaratha tatsi. Bapoxonae ichamonaе barapomonaе jiwana beta yawena ichamonaetha icha barapo xuto ichi xua treinta po xu matabuxnyobe tsiniya tsoponaе. Matautano ichamonaе barapomonaе jiwana beta yawena ichamonaetha icha barapo xuto ichi xua cien po xu matabuxnyobe tsiniya tsoponaе”, jei Jesús.



*Meje yabara poxonae Jesús pijimonaе tsipaeba pecayabara juta pepaebi diwesiyo xua pecoicha yabara*  
(Lc 8.16-18)

<sup>21</sup> Equeicha Jesús barapomonaetha tsipaeba, jeye: “Poxonae jiton pecoicha, coicha exana, bapoxonae jopa coicha matacatsiyo cajatha. Yawa jopa coicha exanaeyo cama peupana deca. Jame asiya coicha exanatsi, xua pecoicha taenexa pomonaе jojoneibarena. <sup>22</sup> Daxita pocotsiwa xua moya peyawun xeinaewa bexa tsane jiwi yabara yaputaena. Barichi po diwesiyo xua pecayabara juta pepaebi diwesiyo xua paebapona jiwi barapo diwesiyo jiwi itacupaeinchi xua peyabara yaputaewa tsane. <sup>23</sup> Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonae pijimonaе muxuconaquiya tsipaeba.

<sup>24</sup> Equeicha Jesús barapomonaе barai, jeye: “Pana nejume naitaeware painya neexanaenexa pocotsiwa paca tsipaebatsi. Icha ichamonae daunweya payabara paebinae penatsicuentiwa xua abe peexanaexae Nacom barichi daunweya paca yabara paebina painya nenatsicuentiwa xua abe painya neexanaexae. Matautano equeicha ichawano mataropeicha paca catsina. <sup>25</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonae Jesús pecayabara juta pepaebi diwesiyo paeba xua peubi xuto yabara*

<sup>26</sup> Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamonae. Barapo coyene bara juta coyeneya ichi, icha pebin ichi poxonae peubi xu xu bebeya. <sup>27</sup> Poxonae nacobe weta xua uba, bapoxonae pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonae pebin maitequeiba, daichitha awiya barapo xu xuxuwapona. <sup>28</sup> Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonae pepato naexana. Bapoxonae pepa xu xu dubena xua bichocono axucucu. <sup>29</sup> Poxonae pepa xu xu naweta barapo matacabitha pebin pona xua penotsinexa pocotsiwa naweta”, jei Jesús.

*Meje yabara poxonae Jesús cuiduba pecayabara juta pepaebi diwesiyo po peubi xutiyo pewan mostaza xutiyo*  
(Mt 13.31-32; Lc 13.18-19)

<sup>30</sup> Jesús barapomonaе tsipaeba, jeye: “Poxonae Nacom waba jiwi xua petanaexanaenexatsi piamonae tatsi pomonaе itorobiya peewatsixae, zeta po coyene nacoyene jupabe? zeta xua paca cuidubinchi xua baxua yabara? <sup>31-32</sup> Nacom pijimonaе tatsi mataropeicha bichocono pinmonae tsoponae xua pomonaе jume cowantapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin uba pia pabitha. Xuwa beya pin nae tsoponae. Pepinnaexae daxota siri coton exana pemaxaranantha. Icha mostaza xutiyo ichi xua beya pin nae tsoponae, bara juta ichi Nacom pejume cowantsiwichi, pomonaе bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba jiwi pecayabara juta pepaebi diwesixitha*  
(Mt 13.34-35)

<sup>33</sup> Jesús jiwitha ainya pecayabara juta pepaebi diwesixi tsipaeba poxonae cuiduba Nacom Pejume Diwesi, icha barapocotsi diwesixi ichi xuaunxae po diwesixi paeba. Awiya cuidudubapona beya poxonae barapomonaе xainwaicha yaputane. <sup>34</sup> Saya meisa barapomonaetha Jesús cuidubeiba pecayabara juta pepaebi diwesixi coyenexitha. Poxonae Jesús meisa pijimonaе baru eca, bapoxonae Jesús pijimonaе yabara muxu yaputane exana pecayabara juta pepaebi diwesixi coyenexi.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*  
(Mt 8.23-27; Lc 8.22-25)

<sup>35</sup> Barapo mataqueitha poxonae quirei tsanaicha Jesús pijimonaе tsipaeba, jeye: —Antha poinchi icha muxunene beya, pucua beicha, jei Jesús.

<sup>36</sup> Bapoxonae Jesús pijimonaе baru wepu pona barapo pin bicheito. Bapoxonae Jesús pijimonaе baru poinchi jeratha, po jeratha Jesús cuidubeca barapo pin bicheito. Barichi icha jeranno naponano. <sup>37</sup> Bapoxonae mentha jemeicha naetaba pin joibo. Maratsacan

jeratha mene othopa, muxu jera pebunarecae. <sup>38</sup> Ichitha Jesús jera tafetha maituncua, nantasipa yuyutuncua paparuwatha xua xota nacuenacuena. Jesús pijimonae yaabatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomonaе.

<sup>39</sup> Bapoxonae Jesús asiya uncua, yawa joibo itawetaxuba. Jesús jeye maratsacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya. <sup>40</sup> Nexata Jesús barai pijimonae, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

<sup>41</sup> Barapomonaе bichocono najuntu coyene cabenaeca, yawa caemonae natsipaeba najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonaе.

## 5

*Meje yabara xua pebin pon caurimonaе xeina pon Gerasa nacupin  
(Mt 8.28-34; Lc 8.26-39)*

<sup>1</sup> Jesús, iru pijimonae tatsi pata icha muxunene beya xua barapo pucuathiya. Po iratha Jesusbaru pata barapo ira pewan Gerasa nacua. <sup>2</sup> Poxonae Jesús jera wenontouna bapoxonae patopa pebin pon caurimonaе xeina. Bapon ibo wou weya patopa Jesththa. <sup>3</sup> Barapo pebin poponeiba ibo wountha. Dapon aibi pon itacupatsi xua bapon pecatsiwatsi, matautano metha bequein penaintotha tsipae. <sup>4</sup> Bapon matowa penaintotha taxu cubeibatsi, yawa maxu cubeibatsi xua bapon peyapucaeneibinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi. <sup>5</sup> Barapon mataqueitha poponeiba, yawa merawitha poponeiba. Matautano atororotha yawa ibo wountha wawai tsopoponeibi. Matautano ibotixitha pia coutha nathabeiba. <sup>6</sup> Poxonae barapo pebin Jesús tajü taebatsi, bapoxonae cuinaepona Jesús beya. Bapon pentabocototha uncua Jesús peitabaratha tatsi xua Jesús pebaru cui itura jinaexaetsi peainya cuinxae. <sup>7</sup> Bapon waway jeye Jesththa:

—Jesús pon Nacom Pexantom, pon peitabocototha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

<sup>8</sup> Bapon baxua paeba tsipei Jesús copiya namchi, jeye:

—¡Caurimonaе pam, bapon pawepu ponare! jei Jesús.

<sup>9</sup> Jesús yainyaba bapontha:

—¿Eta po wam? jei.

Bapon jume nota jeye:

—Tawan Ayei, tsipei paxan caurimonaе pan ayei jiwi pan, jei bapon xua paeba exanatsi caurimonaе.

<sup>10</sup> Barapo caurimonaе Jesús muxu fayacotatsi xua bepa pinae barapomonaе jopa bewa itawetichi icha nacua beya. <sup>11</sup> Ichaxota imoxoyo peitapatororotha baxota jinompa pin marranomonaе. Barapo marrano duweimonaе xayompa peitapa tororotha. <sup>12</sup> Caurimonaе Jesús wucatsi, jeye:

—Icha pana itawetame, moya pana nepu copabare marrano duweimonaetha, jei caurimonaе.

<sup>13</sup> Bapoxonae Jesús copata xua bara caurimonaе ponaena marrano duweimonaetha pebin weya. Barapo marranomonaе ducupa. Pin pitapatororo othopareca. Pucuatha bunothopa. Yawa caurimonaе cabunathopatsi. Barapo marranomonaе dos mil po duweimonaеbe.

<sup>14</sup> Bapoxonae pomonaе peyapu eenaewi marranomonaе, barapomonaе bichocono junuwiya cuinaepona tomara beya, jiwi petsipaebinxatsi baxua yabara, yawa jiwi petsipaebinxatsi tomara cuariya beya. Bapoxonae jiwi pata petaenexa pocotsiwa Jesús cana exana pebintha. <sup>15</sup> Poxonae barapomonaе pata Jesththa, bapoxonae barapomonaе tane pebin pon bayatha cauri xeina. Barapo pebin moya eca, paparuwa nama xatatano, matautano jantema eca. Bapoxonae barapomonaе bichocono junuwa. <sup>16</sup> Pomonaе bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaetha pomonaе pata. Matautano yabara paeba pocotsiwa Jesús cana exana marrano duweimonaetha. <sup>17</sup> Bapoxonae barapomonaе tamropata notarucupa xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomonaе.

<sup>18</sup> Poxonae Jesús jeratha nontabiya, bapo pebin pon bayatha caurimonae xeina, bapon Jesús wɔcatsi xua bepa pinae Jesús puna ponaetsi. <sup>19</sup> Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamonae matabuxnyo beya. Barapomonaetha tsipaebare daxita pocotsiwa Nacom cacana exana. Matautano barapomonaetha tsipaebare xua Nacom bara cayabara najuntɔ coyene xeina pia necayawenaenexa, jei Jesús.

<sup>20</sup> Bapoxonae barapo pebin ponataba. Matautano tamropata pitaba xua cueicueijeji daxita pocotsiwa bayatha Jesús cana exana bapontha. Barapon baxua tsipaeba Decápolis tomarantha, po tomaran xua diez po tomaranbe xua imoxoyo nacacuita ena. Daxita jiwi barapo tomaran najuntɔ coyene cabenaeca poxonae jume tane xua barapon paeba.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabnyo axaibi exanatsi poxonae Jesús pia paparuwa tajayabatsiru*  
(Mt 9.18-26; Lc 8.40-56)

<sup>21</sup> Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha. <sup>22</sup> Bapoxonae caein patopa pon judiomonaen pia penacaeuttsi bo tatsi pecanamataxeinaewi jiwanamonaepin. Bapon pewan Jairo. Poxonae bapon Jesús tainchi, Jesús peitabaratha tatsi pentabocototha tauncuatsi. <sup>23</sup> Bapon Jairo bichocono Jesús wɔcatsi. Jairo jeye:

—Taxantiyo muxu imoxoyo petɔpae. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asu pepoponaenexa tsane, jei Jairo.

<sup>24</sup> Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi. <sup>25</sup> Barapo pin bicheitho iru napona yabnyo powa atene. Barapowa caena bayatha beya yadoce po weiyobe jopa xua pentabɔ janatha boca xua be nantawane. <sup>26</sup> Barapowa bichocono atene tsaiibi bequein siwa poneiba pomonaetha pomonaen peyawɔbiwi jiwi. Barapomonaen bapowa daxita cobe matapaeteibatsi paratixi xua bapowa peyawɔbixaeitsi, daichitha bapowa jopa yawenaetsi baxua. Saya equeicha bichocono abe tsoponaen bapowa. <sup>27</sup> Poxonae bapowa jume tane xua pinae juyina Jesús axaibi exana jiwi, bapoxonae bapowa imoxoyo caquita uncuataxoa Jesús peputha tatsi xua pin bicheitho. Barapowa Jesús pia paparuwa tatsi tajayabatsi xua peopirawa. <sup>28</sup> Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei. <sup>29</sup> Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi. <sup>30</sup> Jesús pia coutha nayaputane xua ichun axaibi peexanaewatsi, tsipei pia pepon weya taajiwanatsurucuatsi pia peayapusu itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

<sup>31</sup> Nexata Jesús pijimonaen jume notatsi, jeye:

—Apara xam bayatha taneme xua pin bicheito catsaquibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimonaen tatsi.

<sup>32</sup> Ichitha Jesús daxita jupaya tane peyaputaenexa pon pejayabiwatsi. <sup>33</sup> Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jesustha, yawa pentabocototha uncuata Jesús peitabaratha tatsi xua Jesús pebaru cui itura jinaxaeitsi peainya cuinxae. Barapowa bara xainyeya paeba daxita pocotsiwa xua exana. <sup>34</sup> Jesús jeye barapowatha:

—Yabnyo, caaxaibi exanatsi tana neyabara jume cowuntsixaem xua bara tana neitacɔpaewa xua tacaaxaibi exanaewatsi. Saya juntemiya poponde. Bara axaibim tsaim tsane xua bara nepu tsitecae tsane, jei Jesús.

<sup>35</sup> Poxonae Jesús cataunxuae cueicueijeji tsuncuae barapowatha, bapoxonae pata pomonaen Jairo pia botha petanacuichi jiwichi. Bapon Jairo pecanamataxeinaein judiomonaen pia penacaeuttsi bo tatsi. Barapomonaen jeye Jairotha pon pexantiyo taatenetsi:

—Nexantiyo bayatha cata tɔpa. ¿Eta xua metha came fayacotame pon jiwi Pecuidubin? jei barapomonaen.

<sup>36</sup> Bequein bara baxua Jesús jume tane, ichitha baxua Jesús jopa jume naitawatsiyo. Jesús jeye Jairotha:

—Jopa junuwinde, saya maisa nejume cowunde, jei Jesús.

<sup>37</sup> Bapoxonae Jesús jopa copatsiyo xua pepuna ponaewatsi tsainchi ichamonaen. Saya meisa Jesús copata, xua pepuna ponaenexa tsainchi Pedro, iru Santiago iru Juan pon Santiago peweicho tatsi. <sup>38</sup> Poxonae Jesusbaru pata Jairo pia botha tatsi, bapoxonae Jesusbaru tane pin bicheito xua ajumeyaexa. Barapomonaen bichocono wecoyei, yawa wawai xua Jairo pexantiyo petatɔpaexaeitsi. <sup>39</sup> Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa tupaeyo, apara maituncua, jei Jesús.

<sup>40</sup> Ichitha barapomonaе Jesús jume cui caponatsi. Nexata barapo pin bicheito Jesús pesato beitaweya. Meisa saya Jesús baru joniya coxiyan, coxiwano ichaxota Jairo pexantiyo tatsi petupaeyo tabocatsi. Matautano Jesús pijimonaе baru joniya poyobe acoibi poyobe. <sup>41</sup> Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yabuyo, asiya uncuare, catsipaebatsi”, jei Jesús.)

<sup>42</sup> Barapoxonaе barapowa caena nainya nontapona, powa xua doce po weibe xeina powayo Jairo pexantiyoxae tatsi. Barapowa asiya uncuа, yawa itacupaetsi xua peponaewa. Barapoxonaе barapo pin bicheito poxonaе baxua Jesús cui tainchi najuntu coyene cabenaeca. <sup>43</sup> Bapoxonaе Jesús jume daunweya itoroba jiwitha xua baxua jopa peyabara paebineхatsi ichamonaetha pocotsiwa Jesús cana exana barapowayotha. Bapoxonaе Jesús itoroba xua barapo pexuyo bara peapatsiwa tsainchi pexaewa.

## 6

*Meje yabara poxonaе Jesús Nazaret tomaratha popona*

(Mt 13.53-58; Lc 4.16-30)

<sup>1</sup> Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Iruа Jesús pijimonaе puna poinchi. <sup>2</sup> Poxonaе judiomonaе barompaya pia pentaquei seicae matakabi tatsi tsuxubi, barapo matakabitha Jesús tamropata pitaba xua cuiduba judiomonaetha judiomonaе pia penacaetutsi botha tatsi. Pinmonaе pomonaе Jesús jume tayenatsi, barapomonaе najuntu coyene cabenaeca, jeye:

—¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itatsi coyenewa exana?

<sup>3</sup> Apara bapon pon naepan pematabobin. Bapon apara María pentango tatsi, apara iru Santiago pentapin tatsi, iru José pentapin tatsi, iru apara Judas pentapin tatsi, iru Simón pentapin tatsi. Apara bara iru pamchowaxi tatsi watararatha jinompa, jei barapomonaе.

Daxota barapomonaе jopa xapain Jesús yabara jume cowantsichi. <sup>4</sup> Ichitha Jesús jeye barapo jiwitha:

—Daxita jiwі ba baru cui itura jina pontha pon Nacom peyayapusu itorobi jume pepaebin. Nama pia tomarapiwi tatsi, iru piamonaе tatsi iru pia bomonaе matabuxuyomonaepiwi tatsi, barapomonaе ba jopa bapon baru cui itura jinaetsi, jei Jesús.

<sup>5</sup> Daxota Jesús jopa itacupaetsi xua pexeinya petsita itatsi coyewewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tsicamonaeyo pomonaе peatenewi. <sup>6</sup> Jesús najuntu coyene cabenaeca, tsipei barapomonaе jopa yatsicaewa jume cowantsichi.

*Meje yabara poxonaе Jesús pijimonaе itoroba xua barapomonaе peyabara cueicuei-jeinexa jiwitha po coyene xua Nacom waba jiwі xua petanaexanaenexatsi pijimonaе tatsi*

(Mt 10.5-15; Lc 9.1-6)

Daxota Jesús cuidubapona tsiqui tomaraxitha po tomaraxi ena Nazaret tomara pecuariya. <sup>7</sup> Jesús waba pijimonaе pomonaе doce poyobe tatsi. Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonaе cata pia peyayapusu itorobi coyenewa, xua pijimonaе tatsi peitawetsinexa caurimonaе. <sup>8</sup> Jesús pijimonaе itoroba, xua pijimonaе tatsi jopa pecaponaenexa pocotsiwan xua poxonaе namtontha peponaenexa. Itoroba xua saya meisa pecaponaenexa naeton po naeton penacobena bababi naeton. Jopa bewa barapomonaе pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi. <sup>9</sup> Yawa Jesús pijimonaе itoroba xua bara nataxu xatabina sapaton, po sapaton pebuxumabiwan. Matautano barapomonaе bewa nama xatabina saya be cae camisan. Jopa bewa caponaе icha camisan. <sup>10</sup> Jesús pijimonaе barai, jeye:

—Poxonaе papatame tomaratha moya bara paenare po botha papatame, xua beya abu poxonaе pawarapaename barapo tomara weya. <sup>11</sup> Icha, icha tomarapiwi jopa paca matenta weyataeya wabiyo, matautano icha jopa paca jume naitawatsiyo pocotsiwa papaebame, nexata bapoxonaе barapo tomara weya pawarapare. Po tsorobon painya taxutha dubena panataxu wenunbabare barapo tomaratha. Baxua paexande xua barapomonaе peyaputaenexa xua apara barapomonaе abe exana paxamtha, jei Jesús.

<sup>12</sup> Bapoxonaе Jesús pijimonaе tatsi ponarupa Jesús pia xainya weya tatsi. Barapomonaе cueicueiei jiwitha xua bewa pinae jiwі icha juntu coyene xeinae Nacomtha xua peauraxae xua abe peexanae cuiru coyene exana Nacomtha. <sup>13</sup> Barichino barapomonaе

taita weta cauri pomonae cauri xeina. Matautano barapomonae caxueba penasiwatha pomonaetha pomonae peatenewi. Bapoxonae barapomonae axaibi exana pinmonae pomonae peatenewi.

*Meje yabara poxonae Juan bexotsi pon Pebautisabin jiwí*  
(Mt 14.1-12; Lc 9.7-9)

<sup>14</sup> Herodes pon Galilea nacuapiwi itorobiya pia pepa peewatsinchi bapon jume tane xua juinya jiwí daxita jume tane pocotsiwa Jesús exana. Daxota bapon jeye:

—Juan pon jiwí Pebautisabin pon bequein bayatha tupa, equeicha asu juina. Daxota barapon Jesús xeina barapo peayapusu itorobi coyenewa xua exana pexeinya petsita itabi coyenewan, jei Herodes.

<sup>15</sup> Ichamonae Jesús yabara jeichichi:

—Bapon apara Elías xua equeicha asu, pon bayatha tupa, jei.

Iruru ichamonae jeye:

—Bapon apara pon Nacom peitorobi jume pepaebin icha pomonae ichi pomonae Nacom peitorobi jume pepaebiwí pomonae caena bayatha jinompa, jei xua ichamonae paeba.

<sup>16</sup> Poxonae Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibiwatsi. Anoxuae bapon equeicha asu petupa cuiru coyene weya, jei Herodes.

<sup>17</sup> Herodes baxua paeba, tsipei caena bayatha Herodes cui itoroba xua Juan pe-waetabinexatsi, matautano xua pemaxu cabinexatsino matautano xua jiwí pecubi botha peetsinexatsi. Herodes baxua exana tsipei piowa tatsi powa pewun Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabyo. <sup>18</sup> Daxota Juan jiwí pecubi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xeiname bapowa tsipei bapowa eweicho piowa tatsi”, jei Juan.

<sup>19</sup> Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubiwatsi xua ichamonae pebexubiwatsi tsainchi, ichitha jopa itacupaetsi bapowa. <sup>20</sup> Herodías jopa itacupaetsi xua peexanaewa baxua, tsipei Herodes Juan sunuwatsi. Bapon yaputane xua Juan bara xaniwaicha peexanaein, xvano matautano bara juntu coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara unthuthu deideije pocotsiwa Juan pepaebixae, daichitha awiya ichichipa pocotsiwa Juan pepaebiwá. <sup>21</sup> Ichitha matacabi jopa, po matacabitha Herodías itacupaetsi xua Juan abe pecana exanaewatsi. Herodes yantacabi jopa, po matacabitha caena bayatha Herodes naexana poxonae pexuyo. Barapo matacabitha Herodes exana pin penabanaewa. Bapon waba pomonae iru pentacapon-aewi, pomonaetha itoroba xua iru tacanamataxeinatsi icha tomarantha. Irano wabano pomonae soldadomonaepia pia pepa pentacaponaewi tatsi. Irano wabano pomonae ainya cui penaexanae jiwí Galilea nacuatha. <sup>22</sup> Herodías pexantiyo tatsi patopa po tututha ichaxota nabanathopa. Barapowa tsita yaweibuncua xua barapomonae tane. Baxua Herodes ichichi xeica xua bapowa yaweibuncua. Iruru pomonae baxota naxayena, ichichi xeica baxua. Bapoxonae Herodes jeye bapowatha.

—Newucare pocotsiwa xua neichichipaewa, bapoxonae cacatsinchi jinya beta neyaweibixae, jei Herodes.

<sup>23</sup> Bapon Herodes yabara tsiwanae muxu dutsiya jeye:

—Bara cacatsinchi pocotsiwa xua newucame. Metha bequein newucaetsipame xua tanacua epa toyatsipan baraxua bara cacatsinchi, jei.

<sup>24</sup> Barapowa pona xua peyainyabinexa pena, jeye:

—Ena, zeta pocotsiwa metha wucacuaein? jei.

Barapowayo pena jume notatsi, jeye:

—Wucare Juan pentasipa tatsi, pon jiwí Pebautisabin matasipa, jei Herodías.

<sup>25</sup> Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatsiwam tsane paratontha Juan pentasipa tatsi, pon jiwí Pebautisabin matasipa, jei.

<sup>26</sup> Barapoxonae Herodes bichocono unthuthu wecoyei. Ichitha tsipei bayatha yabara petsiwanae muxu dutsixae xua bepa pinae catsina pocotsiwa wucaeinchi, matautano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa wucatsi. <sup>27</sup> Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwí pecubi bo beya. Baraxotiya Juan wisi ucuibatsi. <sup>28</sup> Barapo soldadomonaepin matasipa carena paratontha. Bapon cata yabyotha. Barapowayo xuya pena cata.

<sup>29</sup> Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonae pona jiwi pecabi bo beya xua Juan pepichinexa tsainchi petapaein, yawano xua peboyaenexa tsainchi ibo wou mathu iya.

*Meje yabara poxonae Jesús apata pexaewa cinco mil pebiwi*  
(Mt 14.13-21; Lc 9.10-17; Jn 6.1-14)

<sup>30</sup> Barapoxonae pirapae Jesús pia peitorobiwi tatsi, Jesús baru nacaetutatsi. Barapomonae Jesús tsipaebatsi xua daxita pocotsiwan barapomonae peexanaexae, yawano pocotsiwa xua bayatha barapomonae cuiduba. <sup>31</sup> Jesús pijimonae tsipaeba, jeye:

—Anetha poinchi, xua wanaffina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús iru pijimonae tatsi jopa itacupaetsi xua pexaewa tsane. <sup>32</sup> Barapoxonae Jesús, iru pijimonae tatsi compa ponarucpa jeratha ichawatha beya xua ichaxota jiwaibi beya. <sup>33</sup> Ichitha pin bicheitomonae tane poxonae Jesús iru pijimonae tatsi jeratha pona. Barapo pin bicheitomonae Jesusbaru yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonae tsiwanaya patatsi Jesús. <sup>34</sup> Poxonae Jesús jera wenontouna bapoxonae Jesús tane pin bicheito. Jesús yabara najuntu coyene xeina xua barapomonae peyawenaenexatsi. Barapomonae jopa xeinaeyo pon peyapu einaein. Daxota Jesús barapomonaetha cuiduba aina coyenein. <sup>35</sup> Poxonae tabopiya tsanaichaba Jesús pijimonae itata patatsi, jeye Jestustha:

—Bayatha tabopiya tsanaicha. Xote apara bon ajibi xua ichaxota jiwi jinompa.

<sup>36</sup> Barapomonae itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonae pecomocaewa pexaewa. Tsipei xote pexaewa ajibi, jei pijimonae tatsi.

<sup>37</sup> Ichitha Jesús pijimonae barai, jeye:

—Paxam jame moya paapare pexaewa, jei.

Barapomonae jeye:

—¿Xam ichichipame xua pata upain comocaewa tsane barapo bicheitomonae aina panmonaein xua pata comocaenexa doscientos po paratiximonaebetha pocotsi paratiximonaebe xeineiba pomonae nacuiteiba doscientos matakabibetha? jei barapomonae.

<sup>38</sup> Jesús barai pijimonae, jeye:

—Pan zeta xoyobe paxename? Incane matha pataema, jei.

Poxonae barapomonae yaputane jeye Jestustha:

—Cinco po panyobe, yawa dos poyobe duweiyobe, jei barapomonae.

<sup>39</sup> Jesús pijimonae najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya. <sup>40</sup> Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya. <sup>41</sup> Barapoxonae Jesús pecobetha pita pan cinco po panyobe. Yawa pita duweiyobe xua dos poyobe. Bapoxonae Jesús peitaboco benecoicha, Nacomtha tsipaeba jeye: “Axa maisa juntu coyene weiweinan, xua pexaewa pata tanecatsiwxaxaem”, jei Jesús. Barapoxonae Jesús epa janaxuba pan. Jesús pijimonae cata barapo pan, xua pijimonae tatsi xuya pecatsibaponaenexa barapo pin bicheitotha. Barichi Jesús duweiyobe epa janaxubabe. Bapoxonae apata barapo pin bicheitotha. <sup>42</sup> Barapo pin bicheito bara daxita nabane. Bara jain cowantarucpatsi. <sup>43</sup> Barapoxonae Jesús pijimonae tatsi doce po cotebe wumba xua nacopaba xua bayatha barapo jiwi jopa xaeyo petonsanaexae. <sup>44</sup> Pomonae xua barapo pan pexaexae barapomonae cinco mil pebiwimonae.

*Meje yabara poxonae Jesús mene matatsun jumatha pona*  
(Mt 14.22-27; Jn 6.16-21)

<sup>45</sup> Pirapae Jesús pijimonae itoroba xua peponaenexa jeratha, xua icha muxunene beya. Barapomonae Jesús tsiwana payatsi Betsaida tomara beya. Barapoxonae Jesús napeyaba barapo pin bicheito. <sup>46</sup> Poxonae Jesús napeyaba barapo pin bicheito, bapoxonae Jesús pona demxuwatheicha xua petsipaebinxexa Nacomtha. <sup>47</sup> Poxonae bayatha quirei tsanaicha, bapoxonae Jesús pijimonae tatsi iru jeratha tuwatha yanapona. Jesús iru compa pecaetha popona. <sup>48</sup> Jesús tane xua barapomonae bichocono daunweya nowaeta tsipei dawerena bichocono joibo daunwei. Poxonae mataqueiwanaeyo tsoponae, Jesús pijimonae imoxoyo caquita pona. Bapon mene matatsun jumatha pona. Jesús juntucuru xenta iya barapomonae. <sup>49</sup> Poxonae Jesús pijimonae tainchi xua mene matatsun jumatha pona, barapomonae itaraerowiya nanta xeina, xua Jesús itara mexeya dowatsiwejei. Yawa barapomonae wawai. <sup>50</sup> Daxota barapomonae bichocono wawai, tsipei daxita

barapomonae tane, yawa bichocono cuitaya junuwa. Ichitha Jesús barai barapomonae, jeye:

—¡Apara xan! ¡Jopa pajunuwinda! ¡Maisa pajuntá coyene weiweinare! jei Jesús.

<sup>51</sup> Bapoxonae Jesús jeratha nontabiya barapomonae pia xantha tatsi. Barapoxonae joibo caewanaya exana. Barapomonae bichocono najuntá coyene cabenaeca. <sup>52</sup> Barapomonae baxua exana, tsipei barapomonae cataunxuae jopa yaputaeyo xua apara Jesús pon Nacom itoroba. Bequein bapon pexeinya petsita itútsi coyenewa exana poxonae apata pan pin bicheitomonaetha, barapomonae jopa beyaputaeyo jopa juntá coyenewantha.

*Meje yabara poxonae Jesús axaibi exana pomonae peatenewi, pomonae Genesaret nacuapiwi*

(Mt 14.34-36)

<sup>53</sup> Jesús, irú pijimonae tatsi bara pitapa berubenathopiya xua pucua weya. Genesaret nacuatha pata. Baxota jera quetanota pitapatha. <sup>54</sup> Poxonae Jesús jera wenontouna, bapoxonae caena nainya pinmonae Jesús yaitaerucupatsi. <sup>55</sup> Bapoxonae barapo jiwi bara wecuinaeyiya daxita barapo ira weya. Matauntano carendena pocotsiwa pemaichiwatha pomonae atenemonae, Jesús pia xainya betacayiyatsi. <sup>56</sup> Daxitantha ichaxota Jesús ponaena, ichaxota bequein tsica tomaraxi, ichaxotano bequein pin tomaran, ichaxotano bequein tomaran cuariya, daxita barapomonae capona peatenewimonae. Barapo peatenewimonae jebatsi namtontha. Barapomonae Jesús wucatsi xua Jesús petajayabinexatsi pia paparuwa peopirato tatsi. Daxita pomonae Jesús pia paparuwa tajayabatsi daxita barapomonae axaibi tsurucupeibi.

## 7

*Meje yabara poxonae Jesús yabara paeba xua pebin abe peexanae cuiru coyene juntu webocatsi*

(Mt 15.1-20)

<sup>1</sup> Nexata fariseomonae, irú pomonae jiwi pecuidubiwi Moisés pia peitorobi coyene tatsi xua pomonae Jerusalén tomara werendena, daxita barapomonae Jesús imoxoyo caquita poinchi. <sup>2</sup> Barapomonae tane xua Jesús pijimonae tatsi jiwana najuntá coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonae xane. Daxota barapomonae nanta xeina xua Jesús pijimonae tatsi pomonae peantucuiruyapube jiwi. <sup>3</sup> (Barapomonae aichaxaibi xua Jesús pijimonae tatsi jopa matha nacobe quiatsiyo poxonae xane, tsipei fariseomonae irú daxita judiomonae jopa daichiyo. Barapomonae pia cui xeina xua jopa xaibiyo poxonae jopa matha tsiwanaya daunweya nacobe quiateibiyo. Barapomonae barapo cui coyene exana xua po cui coyene pia pamo susato jiwi tatsi copiya cananta forota. <sup>4</sup> Poxonae barapomonae caibe nawibeibarena ichaxota po bon xua pexaewa pecaenaetsiwan weya, bapoxonae copiya tsiwanaya merantha naperú tsicababeiba xua poxonae xane. Barichi barapomonae icha coyeneinno exanapona xua peitorobi coyenewantha itoroba xua poxonae corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.) <sup>5</sup> Bapoxonae fariseomonae, irú pomonae jiwi pecuidubiwi Moisés pia peitorobi coyene tatsi, jeye Jestustha:

—¿Eta xua metha jinya jiwimonae jopa exanaeyo xua pocotsiwa wamo susato jiwi pia peitorobi cui coyenewatha itoroba xua penajuntá coyene taxobiyainwa? Jinyamonae barapo cui jopa exanaeyo xua jopa matha tsiwanaya nacobe quiateibiyo poxonae beya xaiba. Daxota jinyamonae pomonae peantucuiruyapube jiwi xua penajuntá coyene taxobixae, jei barapomonae.

<sup>6</sup> Jesús jume nota barapomonae, jeye:

—Bara Isaias pon Nacom peitorobi jume pepaebin beta xaniwaicha paca yabara paeba xua paxam pomonae itara mexeya xanepanaeya pepaebi jiwi pam, daichitha apara abeya peexanae jiwi pam. Bapon paca yabara tinaeya jeye, xua Nacom paeba:

‘Barapomonae neyabara barú cui itura jina poxonae cueicueijeí tsaiibi, ichitha pejuntá coyenewantha jopa neantobeyo.

<sup>7</sup> Pocotsiwa poxonae barapomonae wúnae nejainta saya pejume pawí.

Po pecuidubiwa xua barapomonae cuiduba jiwitha saya apara jiwi pia peitorobi coyenewa tatsi’, jei Nacom xua Isaias tatina Nacom, jei Jesús.

<sup>8</sup> Equeicha Jesús jeye barapo fariseomonaetha irú pomonaetha pomonae pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quateibinexa poxonae xaiba penajuntu coyene taxobiyainwa, jei Jesús.

<sup>9</sup>Equeicha Jesús barapomonaetha jeye:

—Itapetsiya painya neexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi. <sup>10</sup>Bayatha Moisés pia peitorobi coyenewatha itoroba, jeye: ‘Axa baru cui itura jinare, iru ena baru cui itura jinare’, jei. Equeicha bapon Moisés jeye: ‘Pon abe yabara paeba paxa, xua jopa peyawenaewa paxa ichacuiitha tsipae xua penatha, bara bapon bewa tupaena’, jei Moisés. <sup>11</sup>Ichitha paxam papaebame, xua pinae pebin bara itacupatsi xua paxatha tsipaeba, ichacuiitha xua penatha xua jeye: ‘Jopa neitacupaeyo xua tapaca cayawenaewatsi, tsipei daxita pocotsiwa xeinan xua bequein pocotsiwotha tapaca cayawenaewatsi tsainchi baxuan daxita Nacomtha catan’, xua jei pebin. <sup>12</sup>Poxonae pebugya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, iruru xua penatha. <sup>13</sup>Poxonae paexanapona pocotsiwa painya amo susato jiwi pia peitorobi coyenewatha itoroba, xuano xua ichamonae pacana exaname xua baxua iru exana bapoxonae paxam Nacom pia peitorobi jume pecui pawu jume pacana exaname. Barichi ichawanno xua be jupa xua peabe coyenein paexanameno, jei Jesús.

<sup>14</sup>Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi. <sup>15</sup>Pocotsiwa ba pebin pecoiboto deca tsijain jojonecatsi pexaewan, barapo coyene apara ba jopa bapana pebin antacuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antacuiruyapube exanatsi xua poxonae pecueicueijeixae baxua. <sup>16</sup>Icha pamuxu dubename, moyo pana nejume naitaeware pocotsiwa tapaca tsipaebiwatsi, jei Jesús.

<sup>17</sup>Poxonae Jesús jiwi cuenta pona yawa bo bejoniya, bapoxonae Jesús pijimonae yabara yainyabatsi barapo pecayabara jata pepaebi diwesiyo. <sup>18-19</sup>Jesús jume nota pijimonae jeye:

—jPaxam bara paichim icha fariseomonaечи! Jopa payabara yaputaem barapo pecayabara jata pepaebi diwesiyo xua pexaewa yabara. Bayatha paxam payaputaneme pocotsiwa pebin tsijain jojonecatsi pexaewa pecoiboto deca, barapo pexaewa jopa abe cana exanaeyo pebin pia juntu coyenewa. Barapo pexaewa pebin jopa antacuiruyapube exanaetsi. Barapo pexaewa jopa ponaeyo pia juntu coyenewatha. Jame barapo pexaewa pecotsorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara wunaечи pexanaenexa. Jopa jiwi antacuiruyapube exanaetsi. <sup>20</sup>Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin antacuiruyapube exanatsi. <sup>21-22</sup>Tsipei pejuntu coyenewatha pebin nanta xeina, xua meje bapocotsiwanje: Abe penanta xeinaечи coyenewa, iru peita coxanaечи coyenewatsi coyenewa xua poxonae penayaputae jiwi naperu nacyoyaba, iru ichun piawa tatsi pecaibi coyenewa, iru ichun anaya pebexotsi coyenewa, iru ichun piseuri tatsi pepichi coyenewa, iru ichun piawa tatsi peichichipae coyenewa, iru abe peexanaечи coyenewa, iru ichun pemuxuitorobiwatsi coyenewa, iru peyuyujei coyenewa, iru peuiwi coyenewa, iru ichun peyabara naerabiwatsi coyenewa, iru ichamonae peaeibi coyenewatsi, iru jopa xainyeya peexanaечи poxonae bequein yaputaetha xua jopa bewa exanaечи. <sup>23</sup>Daxita barapo coyenein pejuntu coyene weya jume pichapa. Barapo jume coyeneintha pebin antacuiruyapube exanatsi, jei Jesús.

*Meje yabara poxonae yabwo powayo penanapaincha poponaewayo Jesús jume cowantatsi*

(Mt 15.21-28)

<sup>24</sup>Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aichaxaibi xua jiwi yaputane ichaxota bapon eca, ichitha Jesús jopa itacupaetsi xua nameicha eca. <sup>25</sup>Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jesustha. Yawa pentabocototha uncua Jesús peitabaratha tatsi xua bapowa petsita ainya cuixaetsi. <sup>26</sup>Barapowa penanapaincha poponaewayo pecueicueijeixae griegojume. Jopa judiomonaечи jitowayiyoy. Bapowa sirofeniciamonawayo naexana penaexanaexae Fenicia tomaratha xua Siria nacuaetha. Barapowa Jesús wucatsi jeye:

—Taxantiyo inta taitawere cauri, jei barapowa.



<sup>27</sup> Ichitha Jesús jume nota barapowatha pecayabara jata pepaebi diwesiyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeban xua jopa bewa catsin tsane pomonaetha pomonae penanapaincha jinompawei pomonae jopa judiomonae naexanaeyo xua pocotsiwa barompaya judiomonae piawa tatsi. Daxota jopa wunaeyo xua cayawenatsi, jei Jesús.

<sup>28</sup> Barapowa jume nota Jesustha pecayabara jata pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamataxeinaem. Xainyei paebame. Jopa ba bewa auri catsibi pexui pia pexaewa tatsi. Daichitha auri ba xane pocotsiwa pexui sorobaba barapo pepawixi pocotsiwa pexaethopaewa pebuxupana tsica othopeica. Bara jutiya ichiya necana ichinde, daichitha neyawende, jei barowa.

<sup>29</sup> Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

<sup>30</sup> Poxonae barapowa patopa pia botha, pexantiyo taebota xua camatha juntema boca. Matautano tane xua bapowayo bayatha wepu poinchi cauri.

*Meje yabara poxonae Jesús axaibi exana pon pemuxusipanaein*

<sup>31</sup> Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Matautano ichaxota diez po tomanbe iya pona po tomanan pewan Decápolis. Bapoxonae Galilea pucuatha patopa. <sup>32</sup> Baraxotiya Jesús pia xainya berena tacapoinchi pebin pon muxusipana, matautano xua jopa itacupaetsi xua pecueicueijeia. Pomonae pecarendenaexae bapon, barapomonae Jesús wacatsi, xua Jesús penta jayabiwa tsane xua bapon axaibi peexanaenexa tsainchi. <sup>33</sup> Barapo pebin Jesús aisowa bebaru poinya pin bicheito pia xainya weya tatsi. Jesús pecobesitobetha nantiyabe muxu yaxaata. Poxonae naone sutaba peone pecobetha bapoxonae barapo cobetha ebato jayaba bapontha. <sup>34</sup> Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efata!” jeichichi, (xua jeichichi: “¡Muxu nasabare!” jeichichi.)

<sup>35</sup> Bapoxonae caena nainya bapon muxu nasaba nantiyabe. Matautano bara ebato xanepana. Matautano bara itacupaetsi xua pecueicueijeia beta. <sup>36</sup> Bapoxonae Jesús barai barapomonae, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, daichitha barapomonae awiya baxua yabara paebeiba ichamonaetha beyacaincha xua Jesús jume matawenta. <sup>37</sup> Barapomonae najuntu coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonae pemuxusipanaewi equeicha beta jume tane, yawa bara cueicueijeí”, jei barapomonae.

## 8

*Meje yabara poxonae Jesús pexaewa apata cuatro mil pebiwi*  
(Mt 15.32-39)

<sup>1</sup> Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

<sup>2</sup> —Barapomonae yabara najuntu coyene xeinan tayawanaenexa, tsipei barapomonae bayatha xote nebaru jinompa acoibi po matabibibe. Anoxuae jopa xeinaeyo xua pocotsiwa pexaewa tsane. <sup>3</sup> Icha barapomonae jainbotha pu itorobichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamonae bayatha taju werendena, jei Jesús.

<sup>4</sup> Jesús pijimonae jume notatsi, jeye:

—Paxan jopa pana itacupaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

<sup>5</sup> Jesús yainyaba pijimonae, jeye:

—¿Eta po panyobe paxename? jei.

Jesús jume notatsi pijimonae, jeye:

—Siete po panyobe paxeinan, jei.

<sup>6</sup> Nexata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa juntu coyene weiweinan xua pexaewa pata tanecatxiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheitho. <sup>7</sup> Barichino barapomonae be conotha xeina duweixi poxi tsiquirixi. Jesús Paxa tsipaeba jeye: “Axa, maisa juntu coyene weiweinan xua pata tanecatxiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsibaponaenexa barapo bicheitho. <sup>8</sup> Daxita barapomonae bara xane. Daxita bara jain cowantarucapatsi. Pirapae awiya

equeicha wumba siete po cotebe xua nacopaba pocotsiwa xua barapomonae bayatha jopa xaeyo petonsanaexae. <sup>9-10</sup> Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomaran beya. Bapoxonae caena nainya Jesús, iru pijimonae tatsi, jeratha nonobabiya pewarapaenexa Dalmanuta nacua beya.

*Meje yabara poxonae fariseomonae Jesús cui itorobatsi xua peexanaewa tsane pexeinya petsita itatsi coyenewa*

(Mt 16.1-4; Lc 12.54-56)

<sup>11</sup> Bapoxonae fariseomonae pata Jesustha. Barapomonae tamropata notarucupa xua najume matsontsonoba exana Jesustha. Barapomonae Jesús pejunta coyene jujutsinexatsi, daxota Jesús piraichi cui itorobatsi pia petsita itatsi coyenewa pocotsi coyenewa xua cana exana itaboco weetsica. Barapomonae jopa bapon jume cowantsichi icha jopa itacupaetsi xua exana petsita itatsi coyenewa. <sup>12</sup> Jesús najumeicauna pejunta coyene weya poxoru barapomonae bapon amuxucoyenefaetabi exanatsi. Bapoxonae jeye:

—¿Eta pocotsiwa metha barapomonae tapexeinya tsita itatsi coyenewa necui itoroba jane? Bara xainyeya paca tsipaebatsi jopa bapana beexanaeinyo baxua, xua barapomonae necui itoroba, jei Jesús.

<sup>13</sup> Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

*Meje yabara poxonae Jesús pijimonae yabara yaputane exana pocotsiwa pan cotowa exana*

(Mt 16.5-12)

<sup>14</sup> Jesús pijimonae tatsi juntemaina xua capona pan. Meisa cae pan capona jeratha, po nae pin naetha. <sup>15</sup> Jesús itoroba pijimonae, jeye:

—Dota pam, jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Matautano dota pam, xua Herodes pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntucicoyeneyapube cana exanapoinchi icha be pocotsi coyene ichi xua levadura matawan xua pan cocotowa exanapona beya poxonae pin pan, jei Jesús.

<sup>16</sup> Jesús pijimonae tatsi tamropata notarucupa xua caemonae natsipaeba, najei: “Metha apara poxoru juntemainatsi xua caponatsi po pan xua levadura cotowa exana, daxota metha baxua Jesús junta coniquiya naca muxu tsipaeba”, najei barapomonae.

<sup>17</sup> Jesús yaputane pocotsiwa pijimonae tatsi natsipaeba. Ichitha poxoru Jesús yabara paeba xua fariseomonae iru Herodes pia pecuidubiwan tatsi daxota Jesús yainyaba piamonae:

—¿Eta xua metha pana natsipaebame xua jopa painya necaponaexae pan? Baxua papaebame apara poxoru jopa pana nejume yabara cowantsim pocotsiwa paca cuidubatsi. Cataunxuae jopa pana necui yabara yaputaem poxoru jopa paichichipaem xua painya neyaputaewa tsane painya junta coyeneintha. <sup>18</sup> Paxam bequein pana necui taneme, ichitha jopa xaniwaicha pana necui yaputaem. Matautano bequein bara pana nejume taneme ichitha jopa xaniwaicha pana nejume copi yaputaem. Matautano pajuntemainame poxonae pexeinya petsita itatsi coyenewa exanan jiwi nexa poxonae pan catan jiwitha. <sup>19</sup> Poxonae janacan pan xua cinco po panbe xua cinco mil pebiwi nexa, ¿eta po cotethabe pawnbaponame xua pocotsiwa nacopaba? jei Jesús.

Barapomonae Jesús jume notatsi, jeye:

—Doce po cotebe apara, jei Jesús pijimonae tatsi.

<sup>20</sup> —Poxonae janacan pan xua siete po panbe xua cuatro mil jiwi nexa, ¿eta po cotethabe pawnbaponame xua pocotsiwa nacopaba? jei Jesús.

Barapomonae Jesús jume notatsi jeye:

—Siete po cotebe apara, jei Jesús pijimonae tatsi.

<sup>21</sup> Nexata Jesús pijimonae barai xua muxu jei:

—Metha matapainya payaputaename xua apara jopa yabara paca tsipaebichi pan. Apara jame paca tsipaebatsi xua jopa bewa pajume cowantsim tsane fariseomonae iru Herodes pia pecuidubiwan tatsi, jei Jesús.

*Meje yabara poxonae Jesús itacuere wunaeta pon peitata nacutsin Betsaida tomaratha*

<sup>22</sup> Jesús pijimonae baru botouna jeratha Betsaida tomaratha. Barapo tomarapiwi jiwana carendena pon peitata nacutsin, Jesús pia xantha tatsi. Barapomonae Jesús wucatsi, xua bapon pemata jayabinexatsi xuano xua axaibi peexanaenexatsi. <sup>23</sup> Jesús cobe pita pon peitata nacutsin. Bapon cobe capoinchi aisowa beya xua tomara weya. Bapoxonae Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caitacupa xua netaewa? jei Jesús.

<sup>24</sup> Bapon necotaxuba, bapoxonae Jesús jume notatsi, jeye:

—Pebiwi tan, daichitha itanonojan. Jiwi saya be naewan jinompa, jei bapon.

<sup>25</sup> Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonae itamaiquei xanepana. Bapon bara beta matapainya wunae tane. <sup>26</sup> Jesús itorobiya jeye bapon xua penawiyenexa pia bo beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.

*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei*

*(Mt 16.13-20; Lc 9.18-21)*

<sup>27</sup> Bapoxonae Jesús, iru pijimonae tatsi pata tsiqui tomaraxitha, po tomaraxi pewun Cesarea de Filipino. Poxonae namtotha cataunxuae enapona, bapoxonae Jesús pijimonae yainyaba, jeye:

—¿Eta jiwi neyabara jei po coyene xua xan bapon aparan? jei Jesús.

<sup>28</sup> Barapomonae Jesús jume notatsi, jeye:

—Ichamonae cayabara jei: ‘Apara bapon Juan, pon jiwi Pebautisabin pon equeicha petupaein asu juina’, jei. Iru ichamonae cayabara jei: ‘Apara bapon Elías, pon equeicha petupaein asu juina’, jei. Iru ichamonae cayabara jei: ‘Apara bapon jiwana, pomonae Nacom peitorobi jume pepaebiwi’, jei, jei Jesús pijimonae tatsi.

<sup>29</sup> Bapoxonae Jesús pijimonae yainyaba, jeye:

—¿Incane iru paxamdu? ¿Eta paneyabara jumichimdu xua xan eta pondun? jei Jesús.

Bapoxonae Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

<sup>30</sup> Jesús pijimonae muxu barai xua pijimonae jopa peyabara paebinxatsi ichamonaetha baxua.

*Meje yabara poxonae Jesús nayabara diwesi paeba po coyene xua petupaewa tsane*

*(Mt 16.21-28; Lc 9.22-27)*

<sup>31</sup> Bapoxonae Jesús tamropata pitaba xua pijimonae tsipaeba pocotsi coyene xua Jesús cana exanaeinchi ichamonae, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iru sacerdotemonae pia pentacaponae aewi tatsi, iru pomonae jiwi pecuidubiwi Moisés pia peitorobi coyene tatsi, daxita barapomonae neitawetsina. Matautano barapomonae nexebubina. Ichitha equeicha asu poponaein poxonae acoibi po matacabiyobe tsuxubi tsane”, jei Jesús. <sup>32</sup> Baxua Jesús pijimonae wunaeya muxu tsipaeba xua barapomonae bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinxaxua. <sup>33</sup> Jesús pijimonae napatomeicha necota. Bapoxonae jume daunweya jeye Pedrotha:

—iXam be pon caurimonae pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

<sup>34</sup> Bapoxonae Jesús waba pin bicheito, matautano wabano pijimonae, yawa jeye daxita barapomonaetha:

—Icha pebin ichichipa xua tajiwiwimonae jiwanapin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanapona pocotsiwa itoroban, bequein bara bapon bexotsi ichamonae, tajiwiwimonae jitonxae. <sup>35</sup> Pon naantobeya nata exana pocotsiwa bapon ichichipa, bapon jopa xeinaeyo peajuntayarusawa, po peajuntayarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena peajuntayarusawa, po peajuntayarusawa ataya tsiteca xua Nacom pia nacua beicha.

<sup>36</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntayarusawa po peajuntayarusawa ataya tsiteca, bapoxonae bapon jopa itacupaetsi xua penajuntu coyene capanepaewa xua peweraweracaewa tsane.

<sup>37</sup> Tsipei pebin jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajuntayarusawa xua barapoxonae pepatopaewa tsane Nacom pia nacua beicha tatsi. <sup>38</sup> Icha ichun neacaura, yawa nejume diwesi acaurano jiwi peitabaratha tatsi, pomonaetha pomonae jopa tana nejume cowantsi jiwi, pomonaethano pomonae bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitapanae susato patopaetsicaein. Taxa pia

peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

## 9

<sup>1</sup> Barichino Jesús jeye:

—Bara xaniwaicha paca tsipaebatsi xua pomonae xote umene barapomonae jiwana abu copiya matha yabara yaputaena xua po coyene Nacom waba jiwi xua petanaex-anaenexatsi piamonae pomonae itorobiya taewatsixae taayapusuwatha. Bapoxonae barapomonae werapaena, jei Jesús.

*Meje yabara poxonae Jesús pijimonae peitutha pexeinya itupanae coicha tsanaya naexana*

(Mt 17.1-13; Lc 9.28-36)

<sup>2</sup> Poxonae seis po matabaibe jopa, xua Jesús paeba baxua bapoxonae pirapae Jesús baru pona Pedro, iru Santiago iru Juan. Barapoyobe Jesús compa baru pona demxuwatheicha po demxuwa bichocono taucha. Baxoteicha barapoyobe peitutha tatsi, Jesús pexeinya itupanae coicha tsanaya. <sup>3</sup> Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana. <sup>4</sup> Bapoxonae Pedro, iru Santiago iru Juan Elías taerucupatsi, iru Moisés ponbe caena bayatha naxubabe. Baponbe Jesús baru cueicueijeichibe. <sup>5</sup> Bapoxonae Pedro namchi, jeye Jesustha:

—Pon jiwi Necuidubim maisa wuna xua xote pata umenaewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>6</sup> Pedro baxua paeba, bequein jopa yaputaeyo pocotsiwa yabara cueicueije, tsipei poxoru saya barapomonae bichocono pijunuwi. <sup>7</sup> Bapoxonae daxita barapomonae pia xainya bematawacaicha tarueicatsi tsaquinaebowa. Barapo tsaquinaebowatha pejume jume tane, xua Nacom Jesús yabara cueicueijeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsipaeba”, jei Nacom. <sup>8</sup> Bapoxonae caena nainya poxonae necobarucupa barapomonae, baponbe jopa taetsi, meisa saya Jesús compa uncuu. <sup>9</sup> Poxonae Jesús pijimonae baru juinca demxuwa wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunxuae pataneme xua tapaca catsita exanaewatsi. Jopa payabara paebinde beya abu poxonae equeicha asun poponaein tatupae coyene weya, xan ponxaein Nacom Tananeitapetsin”, jei Jesús. <sup>10</sup> Daxota barapoyobe jopa yabara paebiyo ichamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae petupae coyene weya asu tsane?” najeibe. <sup>11</sup> Bapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, zeta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

<sup>12</sup> Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Matautano paeba xua bapon cana nantu coyene weta exanaena jiwi pia juntu coyenewantha xua jiwi pejume cowantsinexa Nacom. Matautano barapo Nacom Pejume Diwesitha paeba xua xan ponxaein Nacom Tananeitapetsin ichamona neperaxa jubina. Matautano bichocono abeya neyabara paebina. <sup>13</sup> Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamona, icha be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiwuna muxu dutsixae, jei Jesús.

*Meje yabara poxonae Jesús cauri taitaweta xua pewowin xeina*

(Mt 17.14-21; Lc 9.37-43)

<sup>14</sup> Bapoxonae pirapaeyo barapo acoibi poyobe Jesús baru nawiya ichaxota ichamona pijimonae tatsi tajinompatsi. Bapoxonae barapomonae tane xua Jesús pijimonae tatsi pomonae baxota petajinompawixatsi baru nacaetutatsi pin bicheito. Iru baxota naena pomonae jiwi pecuidubiwi Moisés pia peitorobi coyene tatsi. Barapo pecuidubiwi Jesús pijimonae tatsi jume matsontsonobatsi. <sup>15</sup> Barapo pin bicheito najuntu coyene nabenaeca poxonae Jesús taerucupatsi. Bapoxonae barapo pin bicheito caena nainya Jesús pexainya betacuinaeyiyatsi xua Jesús pejacobinexatsi. <sup>16</sup> Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwiwmonae pajume matsontsonobame? jei Jesús.

<sup>17</sup> Caein pon uncuu baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi. <sup>18</sup> Poxonae taxanto taibatsi cauri, inta iratha bebai tsaibichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wncan jinyamonae, janje: 'Painta taxanto taitawere cauri', jan, daichitha jopa itacupaetsi xua inta taxanto petaitawetsinexatsi cauri, jei bapon.

<sup>19</sup> Bapoxonae Jesús anaya barai pijimonae, jeye:

—iPaxam barapomonae pam, pomonae jopa xapain cataunxuae pana nejume cowantsim! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Pon cauri xeina painta baru awena, jei Jesús.

<sup>20</sup> Bapoxonae Jesús pexantha tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi. <sup>21</sup> Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae. <sup>22</sup> Matowa cauri inta taxanto isototha bebai tsaibichi. Matautano inta mentha bebai tsaibichi pebexubinexatsi. Icha caitacupa xua neexanaewa tsane baxua, pana yabara najuntú coyene xeinare jinya tapana neyawenaexam tsane, jei pexuyo paxa tatsi.

<sup>23</sup> Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

<sup>24</sup> Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bichocono matowa tacajume cowantsinexa tsainchi, jei pexuyo paxa tatsi.

<sup>25</sup> Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

<sup>26</sup> Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petupaeyo boca iratha. Daxota daxita barapo pin bicheito paeba xua pinae barapo pewowin apara tupa. <sup>27</sup> Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

<sup>28</sup> Bapoxonae Jesús joniya botha. Jesús pijimonae compa seicaya tsipaebatsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

<sup>29</sup> Jesús pijimonae jume nota, jeye:

—Barapocotsimonae caurimonae paca itacupa xua painya neitawetsiwa saya meisa poxonae memecabiya matowa pawncame Nacomtha, jei Jesús.

*Meje yabara poxonae equeicha Jesús nayabara paeba xua poxonae tupaena*

*(Mt 17.22-23; Lc 9.43-45)*

<sup>30</sup> Poxonae Jesús, iru pijimonae tatsi bara weya pona, bapoxonae Galilea nacua iya pona. Bapon jopa beyaputaetsi xua ichaxota ponaena, xua ichamonae yaputaena. <sup>31</sup> Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamonaetha. Yawano nebexubina. Ichitha poxonae acoibi po matabibibe yapucaewina, bapoxonae equeicha asu poponaein, jei Jesús.

<sup>32</sup> Ichitha barapomonae pomonae Jesús pijimonae jopa jume yaputaetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

*(Mt 18.1-5; Lc 9.46-48)*

<sup>33</sup> Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobaponame? jei Jesús.

<sup>34</sup> Barapomonae saya moya umena peauraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae. <sup>35</sup> Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui pawí jiton naexanae petanacuichinexa ichamonae, jei Jesús.

<sup>36</sup> Bapoxonae Jesús pita pexuyo, yawa pijimonae tatsi peitabarayo deca tatsi tacuara-noreca. Jesús isaeca barapo pexuyo, jeye:

<sup>37</sup> —Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*

*(Mt 10.42; Lc 9.49-50)*

<sup>38</sup> Nexata Juan namchi Jesustha, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan, tsipei jopa naca puna popon-aeayo, jei Juan.

<sup>39</sup> Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita itatsi coyenewan exana poxonae newun taiba xua bapoxonae cotacaya abeya neyabara paeba. <sup>40</sup> Tsipei pon abe jopa nacata exanaeyo, bapon apara naca yawena. <sup>41</sup> Pon paca yawena xua mera paca cata xua bequein tsica corotiyotha xua iru pejume cowantsixae, xua xan Criston tajiwimonae pamxaem, baxua peexanaexae, Nacom catsina bapontha pematomatsiwa baxua nexa, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

*(Mt 18.6-9; Lc 17.1-2)*

<sup>42</sup> Equeicha Jesús namchi, jeye: “Nacom tsitatsi xua pebin bichocono abe exana poxonae natsicuenta ichun cana exanatsi xua abe peexanae cuiru coyene exana, po barapo ichun pon cataunxuae aena tana nejume cowantsixae. Metha jame wunae tsipae xua barapo pebin pon abeya cana exanaeya taexana ichantha, barapon pin iboto wisi cuspatsi yawa xua tuwutha xua pin mar menetha barapo lbototha cayawa cabutabachipatsino. <sup>43-44</sup> Icha painya cobe paca exana xua abe painya neexanaewa tsane, maisa panacobe ucubobare. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaya xanepana beyacaincha xua ainya cobebe painya necayawa bebaiwa tsane ichaxota po nacuatha isoto jopa itacounayiyo, xua ataya tsiteca. <sup>45-46</sup> Matautano icha painya taxu paca exana xua abe painya neexanaewa tsane, maisa panataxu ucubobare. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebaiwa tsane ichaxota po nacuatha isoto jopa itacounayiyo xua ataya tsiteca. <sup>47</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane, painya netaexae painya itamaiqueitha, maisa pana naitacuere jucure. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia peitorobi nacua beicha tatsi. Baxua jame yatsicaewa xanepana, beyacaincha xua poxonae ainya itamaiqueitobe painya necayawa bebaiwa tsane ichaxota isoto jopa itacounayiyo. <sup>48</sup> Barapo nacuatha isoto jopa itacounayiyo xua ataya tsiteca yawa oro jopa tupaeyo.

<sup>49</sup> “Tsipei daxita jiwi pia pejuntu coyenein tatsi nacui wanaetsina Nacom nexa pocotsi coyenewantha xua jiwi taayapubetsi bichocono xua jiwi atene exanatsi pocotsiwa icha be isoto ichi. Matautano daxita pocotsiwan jiwi tauta xua petuxusi exanaewa Nacomtha, barapocotsiwa copiya yawa muxuna nacui xaxainchina sare beno. <sup>50</sup> Sare beno, bara bena wunae. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bara paichinde poxonae icha be sare beno ichi. Paxeinare pocotsi coyene pexeinya juntu coyene xua jopa po juntu coyene abeyo. Matautano junte-ma nantiya pana nabaru jinompare”, jei Jesús.

## 10

*Meje yabara poxonae Jesús cuiduba xua jivi piseurixi pepunapenteibiyainwa  
(Mt 19.1-12; Lc 16.18)*

<sup>1</sup> Jesús ponataba Capernaum tomara weya. Bapoxonae Judea nacuatha patopa. Yawa patopa Jordán mene iya icha muxunenetha, po muxunene xua Judea nacua weya. Baxotiya equeicha jivi pin bicheitomonae nacaetuta ichaxota Jesús uncua. Equeicha Jesús cuiduba barapomonaetha, tsipei pia cui xua cuidubeiba. <sup>2</sup> Bapoxonae ichamonae fariseomonae, barapomonaetha piraichi Jesús imoxoyo caquita umenaracpatsi xua Jesús pejuntũ cui coyene jejutsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha ichichipa jampa? jei.

<sup>3</sup> Jesús jume epa pita barapomonaetha, jeye:

—¿Eta xua bapon Moisés paca itoroba? jei.

<sup>4</sup> Barapomonaetha Jesús jume notatsi, jeye:

—Moisés copata xua jiton itacpatsi xua pecatsiwa papera piseuri, po paperatha tina xua pexubiwa tsane piseuri. Bara bapoxonae bapon xubina piseuri, jei barapomonaetha.

<sup>5</sup> Bapoxonae Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepajume cowantsim painya juntũ coyenewatha. <sup>6</sup> Tsipei poxonae Nacom aena forota daxita, pejume diwesitha jeye: ‘Nacom exana pebin, matautano exana yabũyo’, jei. <sup>7</sup> Equeicha Nacom jeye: ‘Daxota pebin paxa wepu natsata, yawa pena wepu natsata xua piowabe imoxoyo penaperũ nacoyobinexabe. <sup>8</sup> Baraponbe be cae jiwimonae naexanabe’, jei. Bapoxonae baponbe xua aina jiwibe aibi, bara be caein naexanabe. <sup>9</sup> Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

<sup>10</sup> Poxonae Jesús, irũ pijimonaetha tatsi botha jinompa, bapoxonae Jesús pijimonaetha yabara yainyabatsi baxua. <sup>11</sup> Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya barũ popona, apara bara piowa tatsi. <sup>12</sup> Bara icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitatha tatsi, tsipei Nacom tsitatsi xua pon copiya xeina, apara bara pia pebin tatsi, jei Jesús.

*Meje yabara poxonae Jesús jeye pexuitha: “Barabũ Nacom beta paca yawenaena”, jei  
(Mt 19.13-15; Lc 18.15-17)*

<sup>13</sup> Nexata jivi Jesús peju tacaponatsi xua Jesús pejayabinexa pecobetha, yawa xua Nacomtha pewũcaenexa barapo pexui nexa xua pejeinexa: “Barabũ Nacom beta paca yawenaena”, pejeinexa. Ichitha Jesús pijimonaetha tatsi poxonae baxua tane, tamropata notaracupa xua barapomonaetha cui matawentatsi pomonaetha pexui carendena tsabi. <sup>14</sup> Poxonae Jesús baxua jume tane, jopa ichipaeyo pocotsiwa pijimonaetha tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaetha nexa pomonaetha pejuntũ coyene xanepanaewi icha pexui ichi. Pexui pia cui xua tayapu xanepanatsi xua pia juntũ coyeneintha jume cowanta Nacom. <sup>15</sup> Bara xainyeya paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cowanta, bapon bapana jopa naexanaetha tsane Nacom pijimonaetha tatsi pomonaetha Nacom itorobiya ewata, jei Jesús.

<sup>16</sup> Bapoxonae Jesús tsana tamropata nonotapona pexui, yawa pecobetha pexui jayabiya tawũcatsi Nacom. Jeye: “Barabũ Nacom beta yawenaena barapo pexui”, jei.

*Meje yabara poxonae pewowin pon copei pexeinaein Jesús tsipaebatsi  
(Mt 19.16-30; Lc 18.18-30)*

<sup>17</sup> Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncua Jesús peitabaratha tatsi, xua pebarũ cui itura jinaenexatsi Jesús, tsipei Jesús pon peainya cuin. Bapon jeye Jesustha:

—Ja Tanecuidubim, maisa nejuntũ coyene xanepanaem. ¿Eta xua copiya matha xanocuaein xua ajuntũyapũyũ tapoponaewa tsane xua ataya tsane? jei bapon.

<sup>18</sup> Bapoxonae Jesús jume nota, jeye:

—¿Eta xua nebaram: ‘Nejuntũ coyene xanepanaem’, jam? Apara ichũn dapon aibi pon pejuntũ coyene xanepanaein. Jame meisa apara bapon Nacom compra pejuntũ coyene xanepanaein. <sup>19</sup> Xam bara yaputaneme po coyene Moisés pia peitorobi coyenewatha itoroba, xua jeye: ‘Jopa ichũn bexubinde. Jopa ichowa pichinde ichũn piowa tatsi. Jopa

caibinde ichan piawan tatsi. Jopa naerabiya cayabara paebinde pocotsiwa ichamonae exana. Jopa ichamonae yabara muxujainyabinde xua caibame. Axatha baru jume cui itura jinare. Matautano enatha baru jume cui itura jinare', jei Moisés, jei Jesús.

<sup>20</sup> Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

<sup>21</sup> Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya nexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wnae, jei Jesús.

<sup>22</sup> Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaei.

<sup>23</sup> Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaetha tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi, jei Jesús.

<sup>24</sup> Jesús pijimonaetha tatsi yabara najuntu coyene cabenaeca pocotsiwa xua Jesús paeba. Ichitha Jesús pijimonaetha equeicha tsipaeba, jeye:

—Pomonae tamonae pamxaem, ¡maisa bichocono ayapubecai xua pomonae copei pexeinaewi jume cowantsina Nacom! Barapomonae nanta xeina xua pia copeitha nayawena xua daxota jopa canantawenonaeyo xua Nacom pejume cowantsiwatsi. <sup>25</sup> Bichocono acuiruyapube xua duwein, pon pewan camello xua bapon pejoniyaeawa acuicheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetabu wan iya pejoniyaeawa, jei Jesús.

<sup>26</sup> Poxonae Jesús pijimonaetha jume taeracupatsi xua paeba bapoxonae najuntu coyene cabenaeca bichocono. Barapomonae caemonae nayainyaba, najei:

—Bapoxonae ¿jintam metha nexata itacupatsi xua pecapanepaewa pia coutha? jei barapomonae.

<sup>27</sup> Jesús tane barapomonae, yawa jeye:

—Pebiw ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Nexata Pedro Jesús jume notatsi, jeye:

—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

<sup>29</sup> Jesús Pedro jume notatsi, jeye:

—Bara xainyeya paca tsipaebatsi. Nacom beta cana exanaena daxita pomonae pecueicueijeixae Nacom pia pecapanenebiyae diwesi yawa taneantobexae beyacaincha xua ichamonae antobetsi. Nacom beta cana exanaena barapomonae pia bon pecuenta ponaexae inta peexanaexae. Matautano beta cana exanaena pomonae peweichowi pecuenta ponaexae. Matautano beta cana exanaena pomonae pamchowí pecuenta ponaexae. Matautano beta cana exanaena pomonae paxeíwi pecuenta ponaexae, matautano peniwi pecuenta ponaexae. Matautano beta cana exanaena pomonae pia pexui yawa pia iran pecuenta ponaexae. <sup>30</sup> Nacom barapomonaetha catsina po irathe pentoma xua cien po cuiyobe tsane. Barapomonae xeinaena bon, matautano nantaatsina peweichowi, iru pamchowí tatsi, iru peniwi tatsi, iru pia pexui tatsi, yawa iranno. Daxita barapomonaetha tsicotane be barompaya piamonae tatsi. Barapo cae pin nacuathe barapomonae peraxa jubinchi taneantobexae, daichitha barapomonae xeinaena Nacom pia peitorobi nacuatheicha peajuntuyarusawa po peajuntuyarusawa ataya tsiteca. <sup>31</sup> Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana pomonae jiwi jopa petsita ainya cui jiwichi, po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena (Mt 20.17-19; Lc 18.31-34)*



<sup>32</sup> Poxonae Jesús pijimonae cataunxuae namtotha baru ecapona xua Jerusalén tomara beya, Jesús pijimonae tsiwana nantacaponae. Bapoxonae Jesús pijimonae tatsi najuntu coyene cabenaeca, tsipei Jesús nainya nantacaponae. Iru pomonae Jesús puna poinchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonae compa waba aisowa beya xua pomonae doce poyobe tatsi. Jesús tamropata pitaba xua tsiapaeba pijimonae xua pocotsiwa imoxoyo ichamonae Jesús cana exanaeinchi. <sup>33</sup> Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonaee pia pentacaponaeawitha tatsi, yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae itorobina xua nebexubina. Matautano necana cobenatsina pomonaetha pomonae penanapaincha jinompaewi xua pomonae icha nacua werena peponaewi. <sup>34</sup> Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matacabibe weraweracaena equicha asu poponaein petapae coyene weya”, jei Jesús.

*Meje yabara poxonae Santiago iru Juan Jesús yainyabatsibe*  
(Mt 20.20-28)

<sup>35</sup> Bapoxonae Santiago iru Juan ponbe Zebedeo pexantobe tatsi, baponbe Jesús imoxoyo caquita uncuatabatsibe, jeibe Jesustha:

—Pon jiwi Necuidubim, paichichipan xua painta exanaename pocotsiwa paca wucacaeinchi, jei.

<sup>36</sup> Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

<sup>37</sup> Baponbe Jesús jume notatsi, jeye:

—Matacabi jopaena, po mataqueitha itorobiya ewatsiname jiwi poxonae ecaename jinyawa xua pexeinya itupanae ecaethopaewatha. Barapo mataqueitha copare xua paxanbe nantiyabe paecaeinbe patawantha xua pexeinya itupanae ecaethopaewatha. Ichun pocotsiwa necoxa weya ecaena. Ichun pocotsiwa netsocona weya ecaena, jeibe baponbe.

<sup>38</sup> Bapoxonae Jesús baraibe baponbetha, jeye:

—Paxambe jopa payaputaembe pocotsiwa pana newucamebe. Poxonae ichamonae abe inta exanaena, xan bara saya copatsin xua barapomonae bara neperaxa jubina. Barichi poxoru paxambe tapana neantobexaembe, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua pacopatsinamebe xua bara ichamonae tupa paca exanaenabe? jei Jesús.

<sup>39</sup> Barapoyobe jume notabe Jesustha, jeye:

—Aa, bara baxua pana neitacupabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa jubinabe. Matautano ichamonae bara tupa paca exanaenabe, icha xan necana ichi tsane. <sup>40</sup> Nama xua xantha nantiya paecamebe xua ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peanaenexa tsane, jei Jesús.

<sup>41</sup> Jesús pijimonae tatsi pomonae umena, pomonae diez poyobe, barapomonae jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucupatsibe. <sup>42</sup> Ichitha Jesús pia xainya berena pijimonae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantaata pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae xua daxota bichocono jiwi taayapubetsi. <sup>43</sup> Ichitha nama paxam barapocotsi coyeneya jopa bara paichinde. Seicaya nama icha juntu coyeneyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. <sup>44</sup> Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi. <sup>45</sup> Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Aparta jopa baxua tsipatopaeinyo xua ichamonae inta penacuichiwana tsane. Saya patopeican tsipei ichichipan xua daxita carepaya jiwi tayawenaewa tsane. Matautano

patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús.

*Meje yabara poxonae Jesús axaibi exana pon peitata nacutsin, pon pewun Bartimeo (Mt 20.29-34; Lc 18.35-43)*

<sup>46</sup> Bapoxonae Jesús iru pijimonae tatsi pata Jericó tomaratha. Jesús iru pijimonae tatsi tomara we-iyiya xua iruru pin bicheitomonae napona. Iruru bapoxonae pebin pon pewun Bartimeo, pon Timeo pexanto tatsi, bapon namtotha eca. <sup>47</sup> Poxonae Bartimeo jume tane xua juinya Jesús imoxoyo pona, pon Nazaret tomarapin, bapoxonae bapon Bartimeo tamropata pitaba xua wawaya jeye:

—Jesús, David pia pemomoxi susato jiwanapim, ponxaem Nacom necaitapetsim neyabara najuntu coyene xeinare jinya tana neyawenaenexam! jei.

<sup>48</sup> Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—Jesús, David pia pemomoxi susato jiwanapim, ponxaem Nacom Necaitapetsim neyabara najuntu coyene xeinare jinya tana neyawenaenexam tsane! jei bapon.

<sup>49</sup> Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nacutsin wabatsi, yawa barapomonae jeye bapontha:

—Bara najuntu tsacatabare, jopa amurande. Nontaponare, aunxuae cawaba, jei barapomonae.

<sup>50</sup> Bapoxonae pon peitata nacutsin pia penaupatsiwa xubiriwa, yawa jirawana. Bapoxonae pona Jesththa. <sup>51</sup> Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

<sup>52</sup> Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowntsixaemxae xua bara tana neitacupaewa xua tacayawenaewatsi, jei Jesús.

Bapoxonae caena nainya pon peitata nacutsin necotaxuba. Bapoxonae bapon Jesús puna poinchi namtotha.

## 11

*Meje yabara poxonae Jesús Jerusalén tomaratha patopa (Mt 21.1-11; Lc 19.28-40; Jn 12.12-19)*

<sup>1</sup> Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecape. Barapo tomarabe cuariya demxuwa eca, po demxuwa pewun Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana. <sup>2</sup> Jesús barai baponbetha, jeye:

—Paponarebe, po tomara painya itabaraya equiya. Poxonae papatopaenamebe barapo tomaratha, bapoxonae pacaxinaenamebe burro pon penun pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebe. <sup>3</sup> Icha ichun paca yainyabiya jeye: ‘¿Eta xua payama isanaxubamebe burro?’ paca jei, nexata pajandebe: ‘Pon jiwi Pecanamataxeinaein bepa pata yama caiyiaeinjei tsipei pinae nantawenona. Bexa nainya equeicha payama carenaein’, pajandebe, jei Jesús.

<sup>4</sup> Barapomonae ponarucupa. Yawa caxinarucupa barapo burro pebto, pon quietanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

<sup>5</sup> Pomonae baxota jinompa barapomonae baponbe yainyabatsi jeye:

—¿Eta xua paexanamebe? ¿Eta xua burro paisanaxubamebe? jeichichibe baponbe.

<sup>6</sup> Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe. <sup>7</sup> Bapoxonae baponbe tayama cayabe burro Jesús tayama cayatsibe. Bapoxonae pia paparawan tsijuma jebicabe, yawa Jesús tsijuma equeica. <sup>8</sup> Bapoxonae jiwi pinmonae namtotha yerababa jejabapoinya pia paparawan. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi. <sup>9</sup> Pomonae Jesús tsiwana nanta cajnincatsi, iru pomonae Jesús peputha tajnjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wanae, bapon patopa Nacom peitorobixae! <sup>10</sup> ¡Bara wanae jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wanae jaintatsi pon athabeicha eca! jei barapomona.

<sup>11</sup> Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonaē barū ponataba Betania tomara beya, poyobe xua doce poyobe, tsipei bayatha tabopiya.

*Meje yabara poxonae Jesús biatane higuera nae xua jopa penacoichixae*  
(Mt 21.18-19)

<sup>12</sup> Icha matakabitha baya, poxonae Jesús irū pijimonaē tatsi Betania tomara weya pona, Jesús jainpapon. <sup>13</sup> Taju weya Jesús tane higuera nae xua noxu tsuncuae. Jesús higuera nae beya pona piyain ptaenexa pethi, ichitha saya noxu tane, tsipei cataunxuae dapo dapae aibi po dapaetha higuera nae nacoita. <sup>14</sup> Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús.  
Jesús pijimonaē jume tainchi baxua poxonae higuera nae barai.

*Meje yabara poxonae Jesús aisowa benapuna torobabiya Nacom pin pia botha pomonaē pecaenaetsiwi*

(Mt 21.12-17; Lc 19.45-48; Jn 2.13-22)

<sup>15</sup> Bapoxonae pirapaeyo Jesús pijimonaē barū patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonaē pecaenaeta jiwi baxota. Jesús tabū tayebiya bebai iratha pocotsiwa pexaethopaewa po pexaethopaewantha nantiya nacatsiba paratixi, yawa xua irarū baxota topibo caenaeta. <sup>16</sup> Jesús jopa copatsiyo xua jiwi piawan capona Nacom pin pia bo tatsi tutiya iya. <sup>17</sup> Jesús cuiduba barapomonaē, jeye:

—Nacom Pejume Diwesitha jeye: ‘Tabo apara po botha xua daxita nacuanpiwi tanetsipaebinxata tsabi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthū tutu pacana exaname, ichaxota pijunuwi nantiyabeibathopa. Tsipei baxota panacaetutame saya ū xua painya necaibinexam tsane paratixi pomonaetha pomonaē xua pateiba xua Nacom petsipaebibinexatsi, jei Jesús.

<sup>18</sup> Sacerdotemonaē pia pentacaponaeawi tatsi, irarū pomonaē jiwi pecuidubiwi Moisés pia peitorobi coyene tatsi, daxita barapomonaē jume tane xua Jesús paeba. Bapoxonae barapomonaē tamropata notarucapa xua jeita po coyenewatha Jesús bexubinchi. Barapomonaē bequein ichichipa Jesús bexotsi ichitha baxua jopa exanaeyo tsipei barapomonaē junuwa xua jiwi anaepana xua barapo sacerdotemonaē pia pentacaponaeawi tatsi pecasebiwatsi irarū xua pecasebiwatsi pomonaē jiwi pecuidubiwi Moisés pia peitorobi coyene. Tsipei barapomonaē jiwi cunuwatsi, xua daxita jiwi peichichipaexae nawita pocotsiwa Jesús cuiduba. <sup>19</sup> Poxonae xometo iriya ecanaiha bapoxonae Jesús pijimonaē barū ponataba barapo tomara weya.

*Meje yabara poxonae higuera nae yununcia*  
(Mt 21.20-22)

<sup>20</sup> Baya poxonae penta tsina, Jesús pijimonaē baxoyo barū ecapona yawa tane xua higuera nae yununcia xua daxita petabaca opina wetsina. <sup>21</sup> Bapoxonae Pedro yabara nanta xeinataba xua mexuae Jesús biatane higuera nae. Bapoxonae jeye Jesustha:

—Pon jiwi Necuidubim, taema po higuera nae mexuae biataneme, bayatha yununcia, jei Pedro.

<sup>22</sup> Bapoxonae Jesús jeye pijimonaetha:

—Paxam bichocono pajume cowande Nacom. <sup>23</sup> Bara xainyeya paca tsipaebatsi. Icha xanepanaeya pana neyabara jume cowantame xua Nacom painya nepaca cayawenaewa xuano xua jopa ainya anthuton paxeinaem, bara paca itacupaena xua painya nepaebiwa icha ichin xua cana exanan higuera nae. Mataantano bara paca itacupaena xua painya nejeyiwa uruto beya, xua pajam: ‘Uruto, natsixitabare, mar mene beya jopare’, xua painya nejeyiwa. Bapoxonae bara baxua jopa bayathiyo tsane. <sup>24</sup> Daxita xua xuan pocotsiwan Nacom beya pawacame, icha bara xanepanaeya pajume cowantsiya wacame, bara Nacom paca catsibina baxuan. <sup>25</sup> Poxonae Nacomtha patsipaebame, icha ichin abe pacata exana, copiya payabara juntemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara juntemainaena pocotsiwa abe painya neexanaē cuiru coyenein paexaname. <sup>26</sup> Ichitha icha jopa payabara juntemainaem ichin pocotsiwa pacata abe exana, barichi Nacom pon

itabocotha eca, jopa paca yabara jantemainae tsane pocotsiwa abe painya neexanae cuiuru coyenein paexaname, jei Jesús.

*Meje yabara xua Jesús pia peitorobi coyenewa xeina  
(Mt 21.23-27; Lc 20.1-8)*

<sup>27</sup> Bapoxonae Jesús, iru pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdotemonae pia pentacaponae tatsi, iru pomonae jiwi pecuidubiwi Moisés pia peitorobi coyene tatsi iru pitiri jiwi, barapomonae Jesús imoxoyo caquita umenarucapatsi.

<sup>28</sup> Barapomonae Jesús yainyabatsi, jeichichi:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa? jei barapomonae.

<sup>29</sup> Jesús jume nota barapomonae, jeye:

—Xan iruru tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchí xua po peayapusu itorobi coyenyatha exanan baxuan. <sup>30</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

<sup>31</sup> Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús. <sup>32</sup> Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonae jiwi naca casebichipa anaya”, najei barapomonae. Barapomonae jiwi cunuwatsi tsipei daxita jiwi Juan yabara jume cowantatsi, xua apara bapon Nacom pia peitorobi jume tatsi pepaebi jiton. <sup>33</sup> Bapoxonae barapomonae namchi Jesús beya, jeye:

—Canta jopa payaputaeyino, jei barapomonae.

Nexata Jesús barai barapomonaetha, jeye:

—Nexata barichin tsane jopa yabara paca tsipaebi tsainchi po peayapusu itorobi coyenyatha exanan xua daxita taexanaewan, jei Jesús.

## 12

*Meje yabara poxonae Jesús paeba pecayabara juta pepaebi diwesiyo pomonae xua abe exana, pomonae petayapucaenaewi uva pabi  
(Mt 21.33-46; Lc 20.9-19)*

<sup>1</sup> Bapoxonae Jesús tamropata pitaba xua cuiduba jiwitha pecayabara juta pepaebi diwesiyotha, jeye: “Matha iruru pebin pin uva pabi xeina. Bapon uba po unbo pewun uva cuei unbo. Yawa yapucurata barapo pia uva pabi ibowantha xua jopa pejojondenaexa ichamonae barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo, po bo bichocono taucha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona. <sup>2</sup> Barapo matabi tsuxubi, po matabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapeta nota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya pomonae pabi petayapucaenaewichi. <sup>3</sup> Ichitha barapomonae pomonae uva pabi petayapucaenaewi barapomonae waetaba pon copiya patopa, pon uva pabi pexeinaein itoroba. Yawa bapon butsino. Bapoxonae bapon caibe cobesa itorobiyatsi. <sup>4</sup> Pon uva pabi pexeinaein equeicha itoroba ichun pon pia petanacuichinchi. Barichiru bapon ibotontha matasipa cunbabatsi, yawa abe jumetha biainchi. <sup>5</sup> Equeicha pon uva pabi pexeinaein itoroba ichun pon pia petanacuichinchi. Barichiru bapon bexotsiru. Equeicha ichamonae itorobatsi. Ichamonae butsi, iru ichamonae jutebatsi.

<sup>6</sup> “Cataunxae awiya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomonae taxanto inta yabara baru cui itura jinaeinchi’, jei coxiyun. <sup>7</sup> Dapo jumetha pomonae uva pabi petayapucaenaewi poxonae bapon tainchi, barapomonae najei: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomonae. <sup>8</sup> Bapoxonae barapomonae pon uva pabi pexeinaein pexanto tatsi tawaetabatsi. Poxonae bexotsi bapoxonae petupaein aisowa beya xotsi uva pabi pecuariya beya”, jei Jesús.

<sup>9</sup> Bapoxonae Jesús yainyaba, jeye: “Pon uva pabi pexeinaein, zeta be cana ichi tsane pomonaetha pomonae barapo uva pabi pia petayapucaenaewichi? Apara bapon

patopaena xua pejutebinexa tsane pomonaе uva pabi pia petayapucaenaewichi. Bapoxonaе barapo uva pabi catsina ichamonaetha xua petayapucaenaenexa tsainchi barapo uva pabi”, jei Jesús.

<sup>10-11</sup> Equeicha Jesús nayabara paeba barapomonaetha, jeye: “¡Paxam bara bayatha payorobameba Nacom Pejume Diwesi! Barapo diwesitha neyabara caunuta poxonaе iboto yabara paeba, jeye:

‘Pebiwi pomonaе ibo bon peacabiwi, barapo

pebiwi xuba po iboto tabu caboca,

po iboto peainya cui iboto.

Ichitha Nacom itapeta barapo iboto xua petabu cabocaenexa peainya cui ibotoxae.

Waxainchi nanta xeinatsi jeichichi: Maisa pocotsiwa Nacom exana naca tsita xanepana,

jeichichi’, jei Nacom Pejume Diwesitha”,

jei Jesús.

<sup>12</sup> Poxonaе bapomonaе jume tane xua Jesús paeba, Jesús muxu pewaetabichi. Tsipei bapomonaе yaputane xua apara barapomonaе yabara paebatsi poxonaе Jesús cueicueije barapo pecayabara juta pepaеbi diwesiyo. Daxota Jesús casebatsi. Tsipei barapomonaе jiwi cunuwatsi, daxota Jesús jopa waetabichi. Bapoxonaе bara saya ponaracupa.

*Meje yabara poxonaе Jesús yabara cuiduba paratixi matoma po paratixi jiwi bewa catsibina pontha pon romanomonaе itorobiya pia pepa peewatsinchi*

(Mt 22.15-22; Lc 20.20-26)

<sup>13</sup> Bapoxonaе pirapaeyo Jesús pia xainya betaitorobiyatsi fariseomonaе jiwana, iraru pomonaе Herodes pia pepuna jinompaewichi jiwana tatsi, xua daxita barapomonaе piraichi Jesús petsipaеbinexatsi xua Jesús xuya abeya pejume notsinexa. <sup>14</sup> Bara barapomonaе Jesús pia xantha tatsi tapatatsi, jeye Jestutha:

—Pon jiwi Necuidubim. Bara payaputan xua bara jume xainyeya tsipaеbame jiwi, xua matautano jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanaе juntu coyene. Matautano jopa jiwi cunuwim poxonaе cuidubame poxonaе bequein jiwi jopa ichichipaeyo baxua, tsipei xam daxita jiwi bara catsita najura. Xam jume xainyeya cuidubeibame jiwi Nacom pia peitorobi coyene. Incane yabara pana netsipaеbare xua nanta xeiname, xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaе itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaеin xua icha nacua werena pona? Icha jopa tsipae, ¿metha daxua abe tsipae? jeichichi Jesús barapomonaе pomonaе fariseomonaе itoroba.

<sup>15</sup> Daichitha Jesús yaputane, xua barapomonaе itara mexeya xanepanaeya pepaеbi jiwi ichitha abeya peexanaе jiwi. Jesús jeye:

—¿Eta pocotsiwa metha painya daichi pana nejuntu coyene jajutame? Moya painta xawena paratiyo, tha taetsi, jei Jesús.

<sup>16</sup> Bapoxonaе barapomonaе barapo paratiyo Jesús tacapoinchi. Poxonaе Jesús tane barapo paratiyo, bapoxonaе Jesús yainyaba barapomonaе, jeye:

—¿Jintam pejumopere? ¿Yawano jintam wun ducuaе? jei Jesús.

Barapomonaе Jesús jume notatsi, jeye:

—Apara romanomonaе itorobiya pia pepa peewatsinchi, jei barapomonaе.

<sup>17</sup> Jesús barai barapomonaе, jeye:

—Bara nexata romanomonaе itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

Barapomonaе yabara najuntu cui coyene cabenaeca pocotsiwa xua Jesús xanepanaeya beta jume nota.

*Meje yabara poxonaе Jesús yabara yainyabatsi po coyene xua equeicha asu pomonaе pewerapeibiwi*

(Mt 22.23-33; Lc 20.27-40)

<sup>18</sup> Bapoxonaе saduceomonaе jiwana pata Jesús pia xantha tatsi xua Jesús piraichi petsipaеbinexatsi. Saduceomonaе barompaya pia pecuidubi coyenewa xeina xua pinaе pomonaе pewerapeibiwi equeicha jopa asu tsaiбiyo. Barapo pecuidubi coyenewa jopa jurapaeyo po pecuidubiwa Jesús pia pecuidubiwa tatsi xua pinaе jiwi equeicha asu jinompaena poxonaе werapa. Daxota barapomonaе Jesús tsipaеbatsi, jeye:

<sup>19</sup> —Pon jiwi Pecuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua

bapoxonae pentapin pecoutha pexeinaenexa tsane pexui', jei Moisés. <sup>20</sup> Barichi, matha iru cae peweicho caepiwi naba ru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>21</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. <sup>22</sup> Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonae matapainya iru bapowa tupa. <sup>23</sup> Xam, Jesús, ba paebame, ba jam: 'Matacabi jopaena po matacabitha Nacom asu exanaena, xua jiwi asu exanaeinchi muthun wetsina', ba jam. Poxonae barapo matacabi jopaena xua daxita jiwi asu jujuinaena, barapo matacabitha jintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomonae.

<sup>24</sup> Bapoxonae Jesús jume nota barapomonae, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi. <sup>25</sup> Poxonae petupaewi asu jujuinaena jopa jitha eenaponae tsane. Yawa barapomonae pexantixi jopa jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo. <sup>26</sup> Paxam bequein bara bayatha payorobame pocotsiwa Nacom yabara namchi pejume diwesitha xua pomonae equeicha asu jujuina pomonae pewerapeibiwi. Barapo diwesitha Nacom cueicueijeje ichaxota xua poxonae po naewa taxuncua, Nacom jeye: 'Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin', jei Nacom. <sup>27</sup> Baxua Nacom paeba, tsipei Abraham, iru Isaac, iru Jacob pewerapaewi anoxuae equeicha caewa asu jinompa, Nacom pia nacuatheicha tatsi. Pomonae pewerapaewi, pomonae caewa equeicha asu jopa pejinompaewi, barapomonae jopa pia Nacom tatsi, pon itabocotha eca. Saya jame meisa pomonae pewerapaewi caewa equeicha asu pejinompaewi, barapomonae jame pia Nacom tatsi, pon itabocotha eca. Daxota paxam catsawa papaebame, jei Jesús.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

(Mt 22.34-40)

<sup>28</sup> Caein pon jiwanamonaepin pomonae jiwi pecuidubiwi Moisés pia peitorobi coyene tatsi, bapon jume tane xua Jesús iru saduceomonae najume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jesustha, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

<sup>29</sup> Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: 'Paxam Israel nacuamonaepiwi pam pajume taema xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi. <sup>30</sup> Antobeinde jinya Necanamataxeinaein bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha, matautano daxita nedaunwei coyenewatham', jei barapo peitorobi coyenewatha, po peitorobi coyenewa pepa peainya cui coyenewa. <sup>31</sup> Po peitorobi coyene cotacaya itoroba ichaxotaba 'dos' jei, barapo peitorobi coyene be jume jupa po peitorobi coyene copiya ducua. Iru ru barapo peitorobi coyenewatha jeye: 'Antobeinde jinya necatsicuarabu ecaein icha ichim xua jinya coutha naantobem', jei barapo peitorobi coyenewatha. Icha peitorobi coyenewa aibi po peitorobi coyene peainya cui coyenewa, po peitorobi coyenewa xua beyacaincha po peitorobi coyenewe, jei Jesús.

<sup>32</sup> Bapoxonae caein jiwanamonaepin pomonae jiwi pecuidubiwi Moisés pia peitorobi coyene tatsi, bapon jeye Jesustha:

—Bara beta paebame pocotsiwa aunxuae paebame ponxaem jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi. <sup>33</sup> Matautano bara xainyeya paebame xua pinae bewa Nacom antobetsi xua daxita wajuntu coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabu enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui

coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon. <sup>34</sup>Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowantsinexa xua nenantautsinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei*

(Mt 22.41-46; Lc 20.41-44)

<sup>35</sup> Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwanapin tatsi? <sup>36</sup> Nacom pia Pejumope t̃nax̃ tatsi David cueicueije exanatsi. David jeye:

‘Nacom pon Pecanamataxeinaein jiwi,

Tanecanamataxeinaein baraichi pon Mesías,

jeichichi: Tacoxa werena ecare, beya ab̃

tsane poxonae necaaitafaetabi jiwi pia

pecanamataxeinaeinchi tatsi caexanaeinchi, jei

Nacom pia Pejumope t̃nax̃ tatsi’, jei David.

<sup>37</sup> Icha David Mesías yabara jei, ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

Barapo pin bicheito bichocono tsimuxu w̃naetsi pocotsiwa Jesús cueicueije.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

(Mt 23.1-36; Lc 11.37-54; 20.45-47)

<sup>38</sup> Poxonae Jesús cuiduba jiwitha, jeye: “Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha bapomonae ichi xua barapomonae bichocono ichichipa xua penama xatabiwa po paparuwan apiipiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtontha jacobebina barapomonaetha xua jiwi pebar̃ cui itura jineibinexa barapomonae. <sup>39</sup> Barapomonae bichocono ichichipa xua nanta caeneiba judiomonae pia penacetatsi bontha tatsi ichaxota ba enathopeiba pomonae peainya cui jiwi penaexanaewi. Matautano barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewen tsinacetuteiba penabaneibinexa tsane. <sup>40</sup> Matautano barapomonae powaxi pecuenta werapaewaxichi piseurixi barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom jiwi yabara paebina penatsicuentisiwa xua abe peexanaexae Nacomtha. Barapomonae atene tsane beyacaincha poxonae ichamonae atene exanaeinchi xua jopa jume cowantsixaetsi Nacom”, jei Jesús.

*Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta t̃paewatsi piseuri*

(Lc 21.1-4)

<sup>41</sup> Poxonae Jesús eca Nacom pin pia botha tatsi xua peitabara weya, xua ichaxota jiwi jeyeiba paratixi Nacom nexa, bapoxonae Jesús tane xua pinmonae pomonae copei pexaewi paratixi nawita jeya ichaxota jiwi jeyeiba paratixi Nacom nexa. <sup>42</sup> Barapoxonaer̃ yab̃yo patopa, powa pecuenta t̃paewatsi piseuri. Barapowa bichocono peacopeiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe. <sup>43</sup> Bapoxonae Jesús pijimonae waba, yawa jeye barapomonaetha:

—Bara xainyeya paca tsipaebatsi. Barapo yab̃yo, powa pecuenta t̃paewatsi piseuri, bapowa peacopeiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae xua jeya xua Nacom nexa. <sup>44</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeiwayo, jei Jesús pijimonaetha.

## 13

*Meje yabara poxonaē Jesús yabara paeba xua ichamonaē abe cana exanaena Nacom pin pia bo tatsi*

(Mt 24.1-2; Lc 21.5-6)

<sup>1</sup> Poxonaē Jesús Nacom pin pia bo wejoniya, bapoxonaē caein Jesús pijimonaē jiwana tatsi, Jesús tsipaebatsi jeichi:

—¡Pon jiwi Necuidubim, taema maisa pexeinya iboton, yawa pexeinya ibo bo! jei bapon.

<sup>2</sup> Ichitha Jesús jume nota bapontha, jeye:

—Aunxuae patabename barapo iboton yawa xua pexeinya bon. Apra jopa cae ibotiyō nacopatuncaē tsane icha iboto peṁmatha. Daxita abe tsane, jei Jesús.

*Meje yabara poxonaē Jesús yabara paeba xua copiya matha pewṁnaeya exanaena petsita itṁtsi coyenewa poxonaē daxita weraweracaenaba*

(Mt 24.3-28; Lc 21.7-24; 17.22-24)

<sup>3</sup> Bapoxonaē Jesús pijimonaē barṁ pona demxuwatheicha, po demxua pewṁ demxu Olivowa tsipei baxota umena olivo naein. Poxonaē Jesús ecopiya demxuwatheicha, po demxua Nacom pin pia bo itama tayecatsi, bapoxonaē Jesús pijimonaē tatsi Pedro, irṁ Santiago irṁ Juan, irṁ Andrés, barapoyobe Jesús namicha tsipaebatsi. <sup>4</sup> Barapoyobe jeye:

—Paichichipan xua xam tapata netsipaebiwam tsane *¿eta* poxonaē metha ichamonaē baxua exanaena poxonaē abe cana exanaena Nacom pin pia bo tatsi? *¿Eta* pocotsiwa tsane metha xua pewṁnaeya tsita itapeinya xeinaena po coyene xua poxonaē imoxoyo daxita weraweracaenaba? jei Jesús pijimonaē tatsi.

<sup>5</sup> Jesús jume nota barapomonaetha, jeye: “Dota pam, bṁ ichamonaē naerabiya paca muxu tsipaeba, xua daxota abe paxanaetsipame. <sup>6</sup> Tsipei tsana patsina ayei bicheito jiwi pomonaē natsicotaena icha be xan ichin. Barapomonaē jei tsane: ‘Apra xan Mesías’, jei tsane. Poxonaē barapomonaē muxutorobiya paebina, bapoxonaē pinmonaē jume cowṁtsina.

<sup>7</sup> “Pajume taenema xua jiwi juinya nabenoutsina xote, yawa xua juinya irṁṁ nabenoutsina icha ira beya. Daichitha jopa pajunuwinde, tsipei baxua pewṁnaeya matha copiya tsane. Daichitha cataunxuae dapo matababi aichica tsane xua poxonaē daxita weraweracaenaba yatsicaewa. <sup>8</sup> Cae nacuapiwi irṁ icha nacuapiwino, barapo ainya nacuapiwibe nabenoutsina. Mataṁtano irṁ pon nacua peewatsin irṁ ichṁṁṁ pon icha nacua peewatsin, baponbe irṁ nantiya nabenabe. Mataṁtano ainya nacuantha ira jijiyatsina. Mataṁtano ainya nacuantha jainbo nacua tsane tsipei pin mayayo tsane. Baxua copiya matha tsane xua jiwi atene tsoponaē tsane bichocono xua beya jopa nama juniya tsane.

<sup>9</sup> “Ichitha dota pam, tsipei poxonaē baxua pewṁnaeya tsane jiwi paca teiquebina painya nepaca caenaetsinexa pomonaetha pomonaē toman pentacaponae. Mataṁtano paca cuainchina judiomonaē pia penacaetutsi bontha tatsi. Yawa paca caponaena nacua peewatsiwi peitabaratha tatsi, painya tana nejume cowṁtsixaemxae. Yawa paca caponaena pentacaponae. Peitabaratha tatsi pomonaē irṁ itoroba jiwitha xua pon nacua peewatsin nexa painya tana nejume cowṁtsixaemxae. Barapoxonaē bara paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. <sup>10</sup> Barapo pecapanenebiyae diwesi, tamonaē bewa paebinoutsina daxita nacuanpiwitha xua poxonaē pewṁnaeya tsane xua daxita weraweracaenaba. <sup>11</sup> Poxonaē barapomonaē paca caponaena pomonaetha pomonaē tomar pecanamataxeinaewi xua pia painya nepaca cayabara paebinexa tsane xua painya nenatsicuentisiwa xua abe painya neexanaexae bapoxonaē jopa patsiwanaya junuwiya najṁṁṁ coyene exabinde xua painya netsipaebiwa tsane barapomonaē. Paxam jame papaebare pocotsiwa xua caena bapoxonaē Nacom cueicueijeji paca exanaena. Bapoxonaē po jume paeicueiejam tsane apra jopa poxoru painya coya paichichipaem, apra jame Nacom pia Pejumope *ṁṁṁṁ* tatsi baxua paca cueicueijeji exanaena. <sup>12</sup> Jiwi barompaya pia peweicho jiwi caenaetsina ichamonaetha xua pejutebinexa tsainchi. Irṁṁ coxiyeiwi ichamonaetha caenaetsina pia pexui. Irṁ pexui paxa jiwi caenaetsina ichamonaetha pejutebinexa tsainchi. <sup>13</sup> Daxita nacuanpiwi paca casebina painya tana nejume cowṁtsixaemxae. Ichitha pomonaē awiwa *ṁṁṁṁṁṁṁ* nejume cowṁtsiya jinompaena xua beya yacuiya werapaeya othopaena poxonaē bequein abe taexanatsi ichamonaē barapomonaē jame Nacom napaeba cana exanaena.

<sup>14</sup> “Daniel pon Nacom peitorobi jume pepaebin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichṁ Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonaē payaputaename



xua bara imoxoyo matabi jopaenaba poxonae daxita weraweracaenaba”, jei Jesús. (Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesús jeye: “Poxonae barapocotsiwa pataename bapoxonae pomonaе Judea nacuatha jinompa, barapomonaе bewa demx-uwān beracūpiyaena. <sup>15</sup> Barapo matabitha pon bo matatupatha uncua, bapon jopa bewa botha joniyaе tsane xua penotsiwa tsane pocotsiwa tabobeinchi bomaxu tututha. Saya jame bewa nainya benaetsiricuaena. <sup>16</sup> Iruru pon pabitha popona, bapon jopa bewa caibeya ponaе tsane botha xua penotsiwa tsane pia paparuwan. Saya jame bewa nainya benaetsiricuaena. <sup>17</sup> iPai yabaxi tsobenaе powaxi pexui bupana taenatsi barapo matabitha! iPai iru powaxi pexui isaina barapowaxi tsobenaeru! Tsipei acabe tsobenaе tsane pexui. <sup>18</sup> Poxonaе pewnaeya tsane baxua Nacom rawucare xua jopa painya nerucpaewa tsane poxonaе awubo peaquexae bichocono. <sup>19</sup> Tsipei barapo matabintha jiwi bichocono pin peraxa exanaeinchi. Atene tsane beyacaincha poxonaе jiwi atene tsaibi poxonaе Nacom aena nacua exana, xua equeicha nama bichocono pin peraxa tsane. Equeicha bexa bapoxonaе bapana jopa baxua exanaе tsane poxonaе bichocono jiwi pin peraxa. <sup>20</sup> Icha Nacom jopa be caentacabiyo be exanaetsipae metha dapomonaе ajibi tsipae pomonaе panenebiya barapo peatene coyenewa weya. Daichitha Nacom be caentacabiyo be exanaena peantobexae pijimonaе, pomonaе pia peitapetsiwixae tatsi.

<sup>21</sup> “Bapoxonaе icha ichan paca jei: ‘Pataema bapon apara Mesias uncue pon Nacom itorobica’, paca jei, iru icha ichan paca jei: ‘Pataema bapon Mesias xota uncuiye’, paca jei, barapo jumein jopa pajume cowantsinde. <sup>22</sup> Tsipei pomonaе pemuxitorobi jiwi tsana patsina. Barapomonaе natsicotaena icha be xan ichin ponxaein Mesias. Matautano barapomonaе natsicotaena icha be pomonaе Nacom peitorobi jume pepaebiwi ichi tsane. Barapomonaе pexeinya petsita itutsi coyenewan exanaena peitabocotha, po irathe tsaneno xua jiwi pemuxitorobinexa tsainchi xua jiwi pejume cowantsinexa pocotsiwa barapomonaе paeba. Barichiru pomonaetha pomonaе Nacom pia peitapetsiwi tatsi pemuxitorobinexa tsainchi xua iruru icha metha barapomonaе pejume cowantsinexa tsaneru pocotsiwa barapomonaе paeba. Ichitha jopa itacupae tsainchi xua barapomonaе pemuxitorobiwa tsainchi. <sup>23</sup> Tsaca pajinompare, tsipei baxua tsiwanaya yabara paca tsiwanae muxu dutatsi”, jei Jesús.

*Meje yabara poxonaе Jesús nayabara paeba xua poxonaе equeicha patopaetsica ponxae Nacom pia Peitapetsin*  
(Mt 24.29-35, 42, 44; Lc 21.25-36)

<sup>24</sup> Equeicha Jesús namchi, jeye: “Po matabintha poxonaе nacui wetsina xua jiwi pin peraxa tsane, bapoxonaе xometo nainya naquitabina. Jomocoichato jopa pentha tsane. <sup>25</sup> Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonaе jopa xapain dubenanayo tsane. <sup>26</sup> Bapoxonaе daxita jiwi taena peitabocotha xua po coyene apara tapatopeicaewa tsaneba tsaquinae-bowatha peitaboco wetsica ponxaein Nacom Tananeitapetsin. Nacom pia peyapusu itorobi coyenewatha matautano bichocono pexeinya itupanae coichathano patopeicaein. <sup>27</sup> Matautano itorobin tamatatsunpiwi xua inta pecaetutsinexa pomonaе taitapetsiwi. Nacaetutsina daxita nacuanpiwi jiwana, iru ichamonaе pomonaе ichaxota xometo weecoinapiwi jiwana, iru ichamonaе pomonaе ichaxota xometo bejopiyaipiwi, jiwana, iru ichamonaе pomonaе pocotsiwa wereneipiwi jiwana, iru ichamonaе pomonaе pocotsiwa berequepiwi jiwana.

<sup>28</sup> “Payaputaema barapo pecayabara juta pepaebi diwesiyo xua higuera nae. Jeye: Poxonaе ba pataneme xua pena noxu xuxuwapona, bapoxonaе ba payaputaneme xua bara imoxoyo wei tsurucuae tsoxonaе, xua pentono perubenaenexa. <sup>29</sup> Barapocotsi juta coyeneya ichi tsane poxonaе pataename daxita baxuan pocotsiwa aunxuae paca tsipaebatsi pocotsiwa bexa exanaena, bapoxonaе payaputaename, xua bara imoxoyo tsane xua tapatopae wnae tsane. <sup>30</sup> Bara xainyeya paca tsipaebatsi daxita judiomonaе naitapataya naexanaponaena beya yacuiya othopaena poxonaе Nacom exanaena daxita baxuan pocotsiwa xuaunxuae paca tsipaebatsi. Bapoxonaе barapo judiomonaе weraweracaena pomonaе poxonaeru barapo matabitha jinompa. <sup>31</sup> Peitabocoye aichurucuae tsane. Matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>32</sup> “Po matabitha baxua exanaena, matautano po horatha baxua exanaena jiwi jopa baxua yabara yaputaeyo. Iru matatsunpiwi pomonaе peitaboco beicha jinompa baxuan iruru jopa yabara yaputaeyo. Iru xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonaе po matabitha baxua

exanaena. Mataũtano yaputane poxonaē po horatha daxita exanaena baxua xuaunxuae paca tsipaebatsi.

<sup>33</sup> “Tsaca pajinompeibare xua tapatopae wũnae tsane. Yawa Nacomtha patsipaeba dubenanaebiyama, tsipei jopa payaputaem po mataqueitha patopaein. <sup>34</sup> Barapocotsi coyeneya jũta ichi poxonaē xan patopeicaein taitorobinexa tsane jiwi, icha be poxonaē pebin ichi poxonaē warapaena icha nacua beya. Poxonaē bapon pewũnaeya tsane xua warapaena pia bo weya, copiya matha waba pia petanacuichiwichi. Bapon daxita pia petanacuichiwichi barompaya cobenata petanacuichiwantsi tatsi. Mataũtano bapon itoroba pon bo coiboto eena xua xanepanaeya bo pe-enaenexa. <sup>35</sup> Paxam tsaca pajinompere, tsipei jopa payaputaem poxonaē patopeicaein, icha be barapomonaē ichi poxonaē jopa yaputaeyo poxonaē pepatopaewa tsane pia pecanamataxeinaeinchi pon bo pexeinaeinxae. Barapomonaē jopa yaputaeyo icha barapon patopaena poxonaē quirei tsanaicha, ichacuitha icha bapon patopaena papaetha, ichacuitha icha bapon patopaena mataqueiwũnaeyo, ichacuitha icha bapon patopaena baya tsane. <sup>36</sup> Barapomonaē jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonaē maitumena. <sup>37</sup> Meje xuaje paca tsipaebatsi, xua paca jeichi: ‘Tsaca pajinompere’, paca jeichi, baxua irũ daxita jiwitha tsipaeban”, jei Jesús.

## 14

*Meje yabara poxonaē fariseomonaē irũ sacerdotemonaē pia pentacaponae wi tatsi daxita barapomonaē Jesús yabara nanta xeinatsi po coyeneya xua Jesús pewaetabiwa tsainchi (Mt 26.1-5; Lc 22.1-2; Jn 11.45-53)*

<sup>1</sup> Acoibi po matakabiyo be cataunxuae seica poxonaē jiwi nacaetutsina penabanaenexa pexaewa, peyabara nanta xeinaenexa barapo matakabi xua poxonaē caena bayatha matha judiomonaē Egipto nacua weya panenebiya. Barapo matakabi pewũn Pascua matakabi wũn. Barapo Pascua matakabi wũntha jiwi xane pan, po pan xua jopa cotowiyo. Sacerdotemonaē pia pentacaponae wi tatsi, irũ pomonaē jiwi peucidubiwi Moisés pia peitorobi coyene tatsi, daxita barapomonaē nabarũ muxu jei xua bepa pinae eta bichi tsane poxonaē Jesús nameicha waetabinchi pebexubinexatsi. <sup>2</sup> Ichitha barapomonaē najeye:

—Abũ jopa waetabi tsainchi poxonaē jiwi Pascua matakabi wũntha nacaetuta penabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonaē xua Jesús yabara paebatsi.

*Meje yabara poxonaē petsiriwa Jesús mata epatabatsi penasiwa, po penasiwa petuxueiwa*

*(Mt 26.6-13; Jn 12.1-8)*

<sup>3</sup> Poxonaē Jesús Betania tomaratha popona, bapoxonaē Jesús Simón pia bo tatsi beta-joniyatsi, pon peperũ sawinchi. Poxonaē Jesús eca pexaethopaewatha, bapoxonaē patopa petsiriwa. Bapowa capatopa alabastro ibo bosibũ atsato, xua bichocono wunca penasiwa xua petuxueiwa. Barapo petuxueiwa bichocono ainya matoma. Poxonaē wacataba barapo bosibũ, bapoxonaē Jesús mata epatabatsi barapo petuxuei nasiwatha. <sup>4</sup> Pomonaē irũ baxota ena, barapomonaē jiwana anaepana, yawa caemonaē najei:

—¿Eta pocotsiwa metha saya xuba jane barapo petuxuei nasiwa? <sup>5</sup> Barapo petuxuei nasiwa becaenaetsipatsi. Bapoxonaē bexeinaetsipatsi trescientos po paratiximonaēbe po paratiximonaēbe xua namatomata xua poxonaē trescientos matakabibe nexa xua poxonaē nacuita. Barapo paratixitha beyawenaetsipatsi peacopeibi jiwi, najei barapomonaē. Bapoxonaē barapomonaē barapowa casebatsi.

<sup>6</sup> Ichitha Jesús jeye barapomonaetha:

—Moya pande, bara pacopare. ¿Eta pocotsiwa metha barapowa pabiataneme? Pocotsiwa barapowa inta exana apara seicayarũ xua pexeinya coyene inta exana. <sup>7</sup> Barapo irathe peacopeibi jiwi paca barũ jinompreibina ataya tsaiibi tsane. Paca itacupa xua beta pata exaname barapomonaē poxonaē paichichipame. Ichitha nama paxam jopa ataya paca barũ poponaē tsainchi barapo irathe poxonaē paca itacupa xua pana neyaweneme. <sup>8</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wũnaeta xua mũthũ tana neboyaenexa poxonaē tũpaein. <sup>9</sup> Bara xainyeya paca tsipaebatsi. Daxita nacuanthan poxonaē jiwi cueicueijeji tsane Nacom pia pecapanenebiyae diwesi barapo jiwi yawa yabara paebina xua pocotsiwa poxonaē bapowa inta exana xua jiwi bapowa peyabara cui nanta xeinaenexatsi, jei Jesús.

*Meje yabara poxonaē Judas, Jesús caenaetaxotsi (Mt 26.14-16; Lc 22.3-6)*

<sup>10</sup> Barapoxonae Judas Iscariote pon doce poyobe jiwana, pomonae Jesús pijimonaexae tatsi, bapon sacerdotemonae pia pentacaponaeawi tatsi beya pona. Bapon pona xua petsipaebinexa xua Jesús caenaetaxubinchi barapomonaetha. <sup>11</sup> Poxonae barapomonae baxua jume taerucupa bichocono ichichiparucupa baxua. Yawa barapomonae Judas Iscariote muxu tsipaebatsi xua paratixi catsibapaebatsi. Bapoxonae Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha.

*Meje yabara poxonae Jesús pijimonae baru nabane Pascua wun matabacabitha  
(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Nexata copiya matabacabi jopa po matabacabi tsiwana penanta carucuae matabacabi xua po matabacabitha poxonae jiwi tsinaetutsina, xua penabanaenexa pan, po pan jopa muxua pentsiyo levadura matawun, pocotsiwa xua cotowa exana pan. Barapo penanta carucuae matabacabitha ba corderoxi pebtoxi xua oveja coxi jutebatsi xua jiwi pexaenexa. Bapoxonae barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonae panenebiya Egipto nacua weya. Barapo matabacabitha Jesús pijimonae yainyabatsi, jeye:

—¿Exota ichichipame xua xota pexaewa paca tsiwanaetsinchi wanabanaenexa tsane xua Pascua wun matabacabi nexa? jei barapomonae.

<sup>13</sup> Bapoxonae Jesús itoroba nacueyatabe poyobe ponbe xua doce poyobe jiwana, pomonae Jesús pijimonae tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatotha. Bara bapon papuna pondebe. <sup>14</sup> Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwiwimonae baru nabanaein pexaewa Pascua wun matabacabi nexa?’ jei bapon, pajandebe. <sup>15</sup> Bapoxonae bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui wunaetajebare xua wanabanaenexa pexaewa barapo Pascua wun matabacabi nexa, jei Jesús.

<sup>16</sup> Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui wunaetajebabe Pascua wun matabacabi nexa xua penabanaenexa.

<sup>17</sup> Poxonae quirei tsanaicha bapoxonae Jesús pijimonae baru patopa barapo tututha. <sup>18</sup> Poxonae Jesús pijimonae cataunxuae baru xunaboca pexaethopaewatha, bapoxonae Jesús pijimonae barai, jeye:

—Bara xainyeya paca tsipaebatsi caein pon paxam jiwana pam pon nebaru xaeuncua bapon necaenaetaxubina ichamonaetha, jei Jesús.

<sup>19</sup> Nexata bapoxonae Jesús pijimonae tatsi unthathu wecoyeyi tsurucupae, nexata daxita tsana jei tsoponae Jesustha:

—¿Apara xan cacaenaetaxubinchi? jei daxita barapomonae xua Jesús tsana yainyabaponatsi.

<sup>20</sup> Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabaru jajaucuncuaponanbe pan aparta bapon necaenaetaxubina ichamonaetha. <sup>21</sup> Xan ponxaein Nacom Tananeitapetsin bewa tupaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wunae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>22</sup> Poxonae Jesús pijimonae baru xaeuncua, bapoxonae Jesús pecobetha pita pane. Yawa Paxatha tsipaeba, jeye: “Axa, maisa juntu coyene weiweinan xua pan pata tanecatsiwam”, jei. Bapoxonae Jesús pecobetha pan epa janaca, yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan aparta neyabara caunuta tapepon xua poxonae tapaca tsitupaewatsi tsainchi, jei Jesús.

<sup>23</sup> Bapoxonae Jesús equeicha pecobetha pita corotiyo, yawa Nacomtha tsipaeba, jeye: “Axa, maisa juntu coyene weiweinan xua corotiyotha ecareca pepa uva mera xua pata tanecatsiwam”, jei. Bapoxonae Jesús pijimonae cata corotiyo xua pejiwana aapaponaeenexa. Daxita barapomonae bara jiwana aapapona. <sup>24</sup> Bapoxonae Jesús jeye pijimonaetha:

—Pena petsiwunae muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othoparenaein poxonae tupaein. Barapo jana tsita itapeinya xeinaena xua jiwi pinmonae yabara

juntemainaein abe pia peexanae cuiru coyenein tatsi. <sup>25</sup> Bara xainyeya paca tsipaebatsi, barapo uva mera jopa equeicha paca baru apae tsainchi anoxuae. Meisa abu bexa tsane pena coyenewatha paca baru apaeinchi barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

(Mt 26.30-35; Lc 22.31-34; Jn 13.36-38)

<sup>26</sup> Poxonae Jesús pijimonaе baru najume weta xua naxuna Nacom nexa, bapoxonaе Jesús pijimonaе baru pona demxuwа beya. Barapo demxuwа pewan demxu Olivowa, olivo naein peumenaexae baxota. <sup>27</sup> Nexata Jesús pijimonaе barai, jeye:

—Anoxuae barapo merawithe daxita pam pana necuentarucupaename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca yabara cui tsiwunaeya jeye: ‘Poxonaе ovejamonaе peewatsin bexubin, bapoxonaе ovejamonaе tsanarucupaena’, jei Nacom. Penamchixae poxonaе ichamonaе newaetabina tanebexubinexa pana necuentarucupaename. <sup>28</sup> Ichitha teayarapaeyo Nacom equeicha asu neexanaena. Bapoxonaе paca tsiwana patopiyaеinchi Galilea nacua beya, poxonaе bara beya paponaeinae, jei Jesús.

<sup>29</sup> Nexata Pedro Jesús jume notatsi, jeye:

—Bequein ichamonaе cacuentarucupaena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

<sup>30</sup> Nexata Jesús Pedro jume baraichi, jeye:

—Bara xainyeya catsipaebatsi, po merawithe pewunaeya poxonaе ainya jume cuiyobetha wacara pebto fibina, bapoxonaе xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>31</sup> Ichitha Pedro equeicha jume daunweya, jeye:

—Bara bequein capuna tupaеinchi ichitha baxua jopa cayabara paеbi tsainchi, jei Pedro. Iru ru daxita Jesús pijimonaе tatsi bara jumichi, nanta jupiya paeba.

*Meje yabara poxonaе Jesús Paxa tsipaeba ichaxota tsica iriyo, po iriyo pewan Getsemani*

(Mt 26.36-46; Lc 22.39-46)

<sup>32</sup> Nexata Jesús pijimonaе baru patopa ichaxota tsica iriyo po iriyo pewan Getsemani. Baxota Jesús barai pijimonaе, jeye:

—Xote abu paenare tha matha Taxatha tsipaebichi, jei Jesús.

<sup>33</sup> Jesús baru pona Pedro iru Santiago iru Juan. Bapoxonaе Jesús bichocono unthuthu wecoyеi, yawa bichocono unthuthu deideije. <sup>34</sup> Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatapae. Xote paenare, yawa payoyocare xua painya tanebaru naitaewatsinexam, jei Jesús.

<sup>35</sup> Nexata Jesús tsiwiyo dabe natsixitabiya, irabe taeuncuareca, tsipei jopa juniya ajuntutaneyo. Jesús yaputane xua bichocono tsiatene tsane xua daxita jiwi abe pia peexanae coyenein tatsi. Daxota Jesús Paxa waca xua icha itacupatsi xua jopa penantawenonaeawa xua peatenewa. <sup>36</sup> Bapoxonaе Jesús Paxa tsipaeba, jeye: “Axa caitacupa xua daxita exaname. Icha ichichipame xua taneyawenaewam tsane, newepire pocotsiwa neajuntutane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

<sup>37</sup> Nexata Jesús equeicha caibe iya ichaxota pijimonaе jiwana tatsi taenatsi xua acoibi poyobe. Ichitha barapomonaе maita. Jesús Pedro baraichi, jeye:

—Simón, ¿maituncuame? ¿Jopa caitacupaeyo xua yooyocame xua jinya tanebaru naitaewatsinexam, matautano xua bara cae horathano? <sup>38</sup> Maisa payoyocare. Nacom patsipaebare xua jopa abe painya neexanaewa tsane poxonaе caurimonaе pia pentacaponaеin tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa, ichitha painya pepon bichocono pa-coyenefaetabim xua painya netsipaebiwa Nacom.

<sup>39</sup> Equeicha Jesús bara nama caeto caibeya pona xua Paxa petsipaebinexa barapo jumetha, po jumetha copiya Paxa tsipaeba. <sup>40</sup> Bapoxonaе equeicha Jesús pijimonaе beya pona xua acoibi poyobe. Daichitha barapo acoibi poyobe came maitumena, tsipei bichocono itata tsacatsaquei xua itamaipana. Barapomonaе jopa yaputaeyo xua Jesús petsipaebiwa tsipoxonaе yaichamaicha mata taenanaboumeinchi. <sup>41</sup> Bara nexata equeicha Jesús saya cuenta pona pijimonaе, xua Paxa equeicha petsipaebinexa. Equeicha pijimonaetha patopa acoibi po cuiyobetha. Jesús jeye pijimonaetha:

—¡Moya bara painya nepu maitumenaеinde, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom

Tananeitapetsin, ichun necaenaetaxubina ichamonaetha, pomonaetha pomonae peantocoyenebe jiwí. <sup>42</sup> Panacosabapende, panonobapondeno. Antha bu poinchi. Dota dawerena pon necaenaetaxubina ichamonaetha, jei Jesús.

*Meje yabara poxonae Jesús waetabatsi*  
(Mt 26.47-56; Lc 22.47-53; Jn 18.2-11)

<sup>43</sup> Poxonae Jesús cataunxuae tsipaebuncua pijimonae, bapoxonae Judas patopa. Bapon Judas doce poyobe jiwana caein pomonae Jesús pepa pijimonaexae tatsi. Judas pinmonae baru patopa Jesustha. Ichamonaee cusin cajinjinca. Ichamonaee iwabi cajinjinca. Daxota daxita barapomonae pata tsipei sacerdotemonae pia pentacaponae tatsi, iru pomonae jiwí pecuidubiwi Moisés pia peitorobi coyene tatsi, iru pomonae pitiri jiwiru daxita barapo pentacaponae itoroba barapomonaetha. <sup>44</sup> Judas pon Jesús caenaetaxubinchi beya poxonae bapon patopa cou tsiwanaya paeba barapo pin bicheitotha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomonae xainwaicha pecatsinexa tsane”, jei Judas.

<sup>45</sup> Nexata Judas Jesús imoxoyo caquita poinchi. Bapoxonae nainya Jesús jeichichi:  
—Pon jiwí Necuidubim, ¿xamda? jei Judas.

Bapoxonae nainya Judas Jesús tsutsubatsi. <sup>46</sup> Nexata barapomonae pomonae Judas pebaru patopaexae, Jesús imoxoyo caquita umenarucupatsi. Bapoxonae Jesús waetabatsi.

<sup>47</sup> Caein pon Jesús pijimonae tatsi jiwana, bapon nainya cusí namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi. <sup>48</sup> Bapoxonae Jesús jeye jiwitha:

—Pacapatame cusin, yawa iwabi ichi be poxonae pacana ichim pontha pon jiwí pecaibin. <sup>49</sup> Daxita matakabin Nacom pin pia botha tatsi paca baru poponeibatsi. Paca cuidubeibatsino. Daichitha bapoxonae jame jopa pana newaetabim. Ichitha daxita baxuan neyabara canacuí jume weta exana, bayatha Nacom Pejume Diwesitha tana necuí yabara wnae tsiwanaya paebixae pomonae Nacom peitorobi jume pepaebiwi.

<sup>50</sup> Bapoxonae Jesús daxita pijimonae cuentarucupatsi.

<sup>51</sup> Bapoxonae pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomonae Judas baru patopa. <sup>52</sup> Ichitha barapo pewowin nama xueta cuta pia paparuwa epato. Tamasa naetsiricua.

*Meje yabara poxonae Jesús capoinchi judiomonae pia pecanamata caitorobi jiwí bicheito tatsi pia peitabaratha tatsi*

(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Pomonae Jesús teicatsi, barapomonae Jesús capoinchi pon sacerdotemonae pia pepa pentacaponaein tatsi pia bo tatsi beya, pon yatsicaya peainya cuin. Baxota iru sacerdotemonae pia pentacaponaei tatsi nanacaetuta. Iru pitiri jiwino nanacaetuta. Baxota iru nanacaetuta pomonae jiwí pecuidubiwi Moisés pia peitorobi coyene tatsi. Daxita barapo penacaetutsi jiwí, barapomonaetha jiwí wan duta “Pecanamata caitorobi jiwí bicheito”, jei. <sup>54</sup> Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-enaewi. Pedro cui tane po coyeneya xua Jesús cana exanatsi pomonae nacaetuta. Pedro nonoepca isototha.

<sup>55</sup> Sacerdotemonae pia pentacaponaei tatsi, iru ichamonaeno pomonae pecanamata caitorobi jiwí bicheito, daxita barapomonae jeita ichamonaee pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi jiwí bicheito came jopa xeinaeyo po diwesi xua daxota Jesús pebexubinxatsi. <sup>56</sup> Pinmonae bequein Jesús yabara naerabiya paebatsi, ichitha tsanaya barompaya pia diwesin paeba. <sup>57</sup> Ichamonaee asiya umena, yawa naerabiya Jesús yabara paebatsi.

<sup>58</sup> Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwí pia coutha acaba. Acoibi po matakabibe icha bo equeicha exanaein po bo jiwí jopa exanaeyo’, jei Jesús, jei barapomonae.

<sup>59</sup> Daichitha barapomonae awiya came cataunxuae tsanaya barompaya ichawan paeba. Barapomonae pia pepaebiwan xua Jesús peyabara paebiwatsi jopa pebaru nanta jupaya nanta xeinaeyo.

<sup>60</sup> Bapoxonae sacerdotemonae pia pepa pentacaponaein tatsi asiya uncuataba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyeyi xua po jumein barapomonae cayabara paeba? jei bapon.

<sup>61</sup> Daichitha Jesús saya moya uncua. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesustha:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wunae pajainteiban? jei bapon.

<sup>62</sup> Bapoxonae Jesús jume nota bapontha jeye:

—Aa, bara xan tsocuaein apara, Nacom Pexanton apara. Paxam pana netaename xua xan ponxaein Nacom Tananeitapetsin ecaein Nacom pexoxa weya tatsi, pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>63</sup> Nexata bapoxonae sacerdotemonae pia pepa pentacaponaein tatsi, pin anaetha anaya pia paparuwa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta. <sup>64</sup> Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>65</sup> Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere cutatsi, bapoxonae Jesús itabara tsaquibacotatsi pecobetha. Barapomonae jeye Jesustha:

—Incane pana netsipaebare: ¿Jintam caitabara tsaquibobara xua bequein paca itabara cutatsi? jei barapomonae.

Bapoxonae iru policiamonae pomonae Nacom pin pia bo tatsi peenaewi Jesús itabara cuaintatsi.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, xua yabara jeichichi Jesús*

(Mt 26.69-75; Lc 22.56-62; Jn 18.15-18, 25-29)

<sup>66</sup> Poxonae cataunxuae Jesús cana exanompatsi bapoxonae iruru Pedro eca panatha tsica xua bo peuma werena. Bapoxonae yabuyo patopa powa sacerdotemonae pia pepa pentacaponaein tatsi tanacuitatsi. <sup>67</sup> Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha iruru napuna poneibame Jesús, pon Nazaret tomarapin, jei yabuyo.

<sup>68</sup> Ichitha Pedro jume matawenta bapowa, jeye:

—Jopa dapon yaitaeinyo, matautano jopa yaputaeinyo pocotsiwa xua yabara paebame, jei Pedro.

Bapoxonae Pedro pona bomuxu coiboto beya. Bapoxonae wacara pebto fiba. <sup>69</sup> Equeicha bapowa Pedro tainchi. Bapoxonae bapowa tamropata pitaba xua tsipaeba pomonaetha pomonae baxota iru umena. Bapowa Pedro yabara paebatsi, jeye:

—Apara bapon pomonae Jesús pijimonae tatsi jiwana pin, jei.

<sup>70</sup> Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomonae umena baxota equeicha Pedro tsipaebatsi jeichichi:

—Bara xaniwaicha barapomonae jiwana. Apara xam Galilea nacuapim, jei pomonae umena.

<sup>71</sup> Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara paebame, jei Pedro.

<sup>72</sup> Bapoxonae iruru caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewunaeya poxonae ainya jume cuiyobetha wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya iru wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyeyi peanthuthutanexae xua Jesús peyabara paebiwatsi.

## 15

*Meje yabara poxonae Jesús uncua Pilato peitabaratha tatsi*

*(Mt 27.1-2, 11-14; Lc 23.1-5; Jn 18.28-38)*

<sup>1</sup> Poxonae penthata tsina sacerdotemonaē pia pentacaponae wi tatsi, iruru judiomonaē pia pitiri jiwi tatsi, iru pomonaē jiwi pecuidubiwi Moisés pia peitorobi coyenein tatsi, iruru ichamonaē pomonaē pecanamata caitorobi bicheito jiwi jiwana, daxita barapomonaē yabara nacaetuta xua nanta juraya peburaya penanta xeinaenexa po coyeneya xua Jesús pebexubiwa tsainchi. Bapoxonae barapomonaē Jesús maxu cutatsi. Bapoxonae capoinchi Pilato beya. <sup>2</sup> Pilato Jesús yainyabatsi, jeye:

—¿Bara xam yatsicaya judiomonaē itorobiya pia pepa neewatsin? jei.

Jesús jume nota, jeye:

—Xuaunxuae paebame bara baxua apara, jei Jesús.

<sup>3</sup> Sacerdotemonaē pia pentacaponae wi tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomonaē. <sup>4</sup> Equeicha Pilato yainyaba Jesustha, jeye:

—¿Jopa jume notsim pocotsiwa barapomonaē abe cayabara paeba? Maisa barapomonaē bichocono abe cayabara paeba, jei Pilato.

<sup>5</sup> Ichitha Jesús jopa equeicha jume notsiyo, Pilato jopa jume notichi. Daxota Pilato najuntu coyene cabenaeca poxoru Jesús jopa nayabara paebiyo xua pia coya penayawenaenexa.

*Meje yabara poxonae Pilato jume baru jejei xua Jesús bara pebexubiwa tsainchi ichamonaē*

*(Mt 27.15-31; Lc 23.13-25; Jn 18.38–19.16)*

<sup>6</sup> Bara nama matabi jopa poxonae ba Pilato pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba pu sotaba pon ba jiwi itapeta cowai xua Pilato peisanaxubinxaxa pomonaē jiwi pecubi botha peenaewi jiwana monaē pin. <sup>7</sup> Barapo jiwi pecubi botha iruru eca pon pewan Barrabás. Bapon bichocono abe peexanaein tsipei caena bayatha matabi botha ichamonaē xua barapomonaē najume tsacaba cana exanatsi xuano xua jiwi jutebatsi. <sup>8</sup> Bapoxonae pin bicheito jiwi pata Pilatotha, xua Pilato pewacaenexa tsainchi xua bapon exanaena pia cui coyeneya poxonae xua isanaxubina caein pomonaē jiwi pecubi botha peenaewi jiwana pin. <sup>9</sup> Bapoxonae Pilato yainyaba barapomonaē Jesús yabara, jeye:

—¿Paichichipame xua tapu sotabiwa tsane pon judiomonaē itorobiya pia pepa peewatsinchi? jei. <sup>10</sup> Baxua Pilato paeba, tsipei bapon yaputane xua sacerdotemonaē pia pentacaponae wi tatsi Jesús uwatsi. Daxota barapomonaē Jesús caenaetaxubatsi Pilatotha. <sup>11</sup> Ichitha barapo sacerdotemonaē pia pentacaponae wi tatsi jiwi jume cui tsacabatsi xua anaepana cana exanatsi, xua Pilato pecui itorobinxatsi xua Barrabás pepu sotabinexatsi, xua Jesús jopa pepu sotabinexatsi. <sup>12</sup> Equeicha Pilato yainyaba barapo jiwi, jeye:

—¿Eta xua cana exanoxaein pon pawan dutame, xua pajam: ‘Judiomonaē itorobiya pia pepa peewatsinchi?’ pajam, jei.

<sup>13</sup> Barapomonaē Pilato daunweya jume notatsi, jeye:

—¿Bewa maisa naetotha tparucua exanaem! jei.

<sup>14</sup> Bapoxonae Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha daemetha jume daunweya, jeye:

—¿Bewa maisa naetotha tparucua exanaem! jei.

<sup>15</sup> Pilato ichichipa xua bapon jopa peita aenae-aeneiwatsi jiwi. Daxota Pilato Barrabás nama pu sotabatsi. Bapoxonae Pilato itoroba xua soldadomonaē bara Jesús moya pecuainchinexatsi pocotsiwatha eewa xua bichocono amupiya xua xota jiwi cuainteibatsi poxonae abe exaneiba. Matautano itorobano xua moya bara Jesús tparucua exanaeinchi naetotha.

<sup>16</sup> Bapoxonae soldadomonaē Jesús capoinchi Pilato pia bo tatsi beya po soldadomonaē yapu eena Pilato pia bo tatsi. Bapoxonae barapo soldadomonaē waba icha soldadomonaē xua daxita barapo soldadomonaē Jesús pematawacaicha umenaenexa tsainchi. <sup>17</sup> Bapoxonae Jesús pia paparuwa juma xuenatsi. Yawa juma xatatatsi icha paparuwa po paparuwa tsofia xua Jesús be pecana exanaenexatsi pon jiwi itorobiya pia pepa peewatsinchi. Yawa poxonae nacobe weta xua fata pee bapoxonae Jesús muxuna mata xatatatsi barapo pee tepa. <sup>18</sup> Bapoxonae barapomonaē tamropata notarucupa xua Jesús cui caponaeya jeichichi:

—¿Xamda? ¿Apara xam barapom pon judiomonaē itorobiya pepa Neewatsin! jei.

<sup>19</sup> Po naewa xua Jesús cobenatatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Mataantano Jesús yabara naone subabatsi. Bapoxonae barapomonae Jesús peitabaratha tatsi pentabocototha taumeinchi, xua Jesús naerabiya wunae pejainchinexa tsainchi. <sup>20</sup> Poxonae Jesús cana cui wetatsi xua cui caponatsi equeicha bapoxonae Jesús caewa juma wejontatsi xua po paparuwa tsohia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua pecobe matabobinexatsi naetotha pebexubinexatsi.

*Meje yabara poxonae Jesús tɔparucua exanatsi naetotha*  
(Mt 27.32-44; Lc 23.26-43; Jn 19.17-27)

<sup>21</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pewun Simón. Bapon wexua werena pona. Bapon Alejandro paxa tatsi, iru xua Rufo paxa tatsi. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tɔparucua peexanaenexatsi Jesús.

<sup>22</sup> Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwi wun unuta “Gólgota”, jei. <sup>23</sup> Baraxotiya Jesús apatatsi vino mera, po vino mera equeicha muxuna epareca mirra mera matawun po mera bichocono atsu. Ichitha Jesús jopa apaeyo. <sup>24</sup> Mataantano bapoxonae Jesús tɔparucua exanatsi. Bapoxonae barapo soldadomonae nata tsaba Jesús pia paparuwan tatsi. Barapomonae bebeya ibotixi penacueranta notsinexa Jesús pia paparuwan tatsi.

<sup>25</sup> Poxonae baya a las nueve tsuxubi, bapoxonae Jesús tɔparucua exanatsi naetotha. <sup>26</sup> Jesús pentutu wetsica tadutatsi napaewa xua barapo napaewatha tina. Barapo petinae dutsiwa Jesús yabara jeichichi: “Baponje apara judiomonae itorobiya pia pepa peewatsinchi”, jei barapo petinae dutsiwa. <sup>27</sup> Iruru ponbe jiwi pecaibinbe tɔparucua exanatsi naetotha imoxoyo ichaxota Jesús ducua. Ichun Jesús petsocona wetarucuiyatsi, ichun pecoxa wetarucueinatsi. <sup>28</sup> Poxonae barapomonae baxua exana, bara barapomonae yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonae abe peexanaewi jiwana”, jei.

<sup>29</sup> Pomonae Jesús xenta poinchi barapomonae Jesús cui capoinchi. Yawa Jesús yabara itata naichaquebatsi. Barapomonae jeye Jesustha:

—¡Xam bayatha jam: ‘Nacom pin pia bo abe exanaein, bapoxonae equeicha acoibi po matababibe xanebin’, jam! <sup>30</sup> ¡Moya bara jinya coutha nacapanepare naeto wetsica icha bara metha Nacom Pexantom tsipaem! jei barapomonae.

<sup>31</sup> Iru sacerdotemonae pia pentacaponae tatsi, iru pomonae jiwi pecuidubiwi Moisés pia peitorobi coyene tatsi, barapomonae Jesús cui capoinchi, yawa najei Jesús yabara:

—Bapon cain capanepeibabei ichamonae, came jopa nacapanepaeyo. <sup>32</sup> ¡Icha bara bapon Mesías, pon israelmonae itorobiya pia pepa peewatsinchi, bu bapon bara pia coutha naeto wetsica ecoinca! ¡Xainya bapoxonae jume cowantatsi xua wataexae tsane! najei barapomonae.

Barichiru baxua paebabe ponbe jiwi pecaibinbe, ponbe xua iruru cobe matatabadutatsibe naetotha. Baponbe iruru Jesús cui caponatsi.

*Meje yabara poxonae Jesús tɔpa*  
(Mt 27.45-56; Lc 23.44-49; Jn 19.28-30)

<sup>33</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>34</sup> Bapoxonae Jesús jume daunweya wawai jeye: “Eloi, Eloi, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>35</sup> Ichamonae pomonae baxota Jesús jume taeumeinchi, barapomonae jeye:

—Pajume taema, bapon waba, Elías wabatsi, pon Elías Nacom peitorobi jume pepaebin pon caena bayatha tɔpa, jei.

<sup>36</sup> Bapoxonae caein bapomonae jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abu, abu jopa apatsinde. Waxainchi abu matha taeinchi icha Elías patopeicaena xua bapon pepichinexatsi naeto wetsica, jei.

<sup>37</sup> Bapoxonae Jesús jume daunweya wawai. Bapoxonae nama tɔpanaicha Jesús. <sup>38</sup> Bapoxonae paparuwa, po paparuwa Nacom pin pia botha tatsi ducua, barapo paparuwa nainya bopiya epa matonta tsitsiqueicha ainya epatobe naexanabe. <sup>39</sup> Soldadomonae pia



pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús t̄parucua, bapon jeye:

—Apara bara yatsicaya bapon Nacom pepa Pexanto tatsi, jei.

<sup>40</sup> Barichi ir̄u ainyawaxi yab̄uxi barapowaxi Jesús tsiwiyo taju wetaeumeinyatsi. Barapowaxi jiwana, ichowayo pew̄un María Magdalena, powa Magdala tomarapiwayo. Ichowayo ir̄u pew̄un María, Santiago pon xuyapin, ir̄u José matapin, baponbe penabe tatsi. Ichowayo ir̄u pew̄un Salomé. <sup>41</sup> Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Ir̄u ichowaxi yab̄uxi pinmonae powaxi Jesús bar̄u patopa Jerusalén tomaratha.

*Meje yabara poxonae Jesús pet̄upaein ibo math̄hatha yauxatatabotatsi  
(Mt 27.57-61; Lc 23.50-56; Jn 19.38-42)*

<sup>42</sup> Po mataqueitha pew̄un penacui xaxainchi matababi poxonae judiomonae ba weta daxita xua penacuichiwa pew̄unaeya poxonae jopaena pentaquei seicae matababi, poxonae quirei tsanaicha barapo penacui xaxainchi matababitha bapoxonae patopa pebin Pilatotha. <sup>43</sup> Bapon pon pepatopaexa bapon pew̄un José, pon Arimatea tomarapin. Bapon pomonae pecanamata caitorobi jiwi bicheito jiwanapin. Bapon bar̄u cui itura jineibatsi jiwi. Bapon yabara jume cowantsiya w̄nae ewateiba po coyenewa xua poxonae Mesías patopaetsica pon jiwi itorobiya peewetsinexatsi. José ajuntucoyenetsaquiya patopa Pilato pia xantha tatsi pew̄ucaenexa Jesús pet̄upaein. <sup>44</sup> Bapoxonae Pilato yabara najunt̄u coyene cabenaecatata xua bayatha Jesús t̄pa. Daxota bapon itoroba soldadomonae pia pentacaponaein tatsi pia yaputaetsi po coyene xua eta poxonae bayatha t̄pa. <sup>45</sup> Poxonae barapo soldadomonae pia pentacaponaein tatsi paeba xua pinae bayatha Jesús t̄pa, bapoxonae Pilato copata xua José bara pichina Jesús pet̄upaein. <sup>46</sup> Bapoxonae José pexeinya paparuwa comota. José naeto wepichica Jesús pet̄upaein. Yawa mata quiyontabareca barapo pexeinya paparuwatha. Bapoxonae José ibo m̄th̄u iya boya Jesús pet̄upaein. Yawa torenababapoinya pin ibo panawa. Yawa barapo ibo panawatha yauxatatabanota. <sup>47</sup> María Magdalena, powa Magdala tomarapiwayo ir̄u icha María powa José pena tatsi, barapowabe tanebe ichaxota Jesús pet̄upaein boyatsi.

## 16

*Meje yabara poxonae Jesús equeicha as̄u juina exanatsi pet̄upae cuiru coyene weya  
(Mt 28.1-10; Lc 24.1-12; Jn 20.1-10)*

<sup>1</sup> Nexata barapo judiomonae pia pentaquei seicae matababi tatsi yapucaewaba poxonae quirei tsanaicha xua icha matababi jopa. Bapoxonae María Magdalena, powa Magdala tomarapiwayo, ir̄u icha María powa Santiago pena tatsi, ir̄u ichowayor̄u powa pew̄un Salomé, daxita barapowaxi comoca petuxueiwan peponaenexa xua Jesús peper̄u epababinexatsi pet̄upaein. <sup>2</sup> Bapoxonae baya caem̄umbotha, po matababitha xua nanta carucua cae semanatha, barapowaxi capata petuxueiwan ichaxota Jesús ibo m̄th̄u iya boyatsi. Bapoxonae xomoto pichatabina. <sup>3</sup> Barapowaxi caewaxi natsipaebenapona, najei:

—¿Jintam metha nacata pataxubina barapo ibo panawa xua yauxatatabotatsi?

<sup>4</sup> Daichitha poxonae barapowaxi taer̄uc̄upa xua po pin ibo panawatha yauxatatababota barapo ibo m̄th̄u bayatha cou yaupataxubanota. <sup>5</sup> Barapowaxi johoniya barapo ibo m̄th̄u iya. Barapo ibo m̄th̄u tutu iya pewowin eca po muxunene pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yab̄uxi bichocono junuwa, pewowin cunuwatsi. <sup>6</sup> Ichitha barapo pewowin jeye barapo yab̄uxitha:

—Jopa pajunuwinda. Paxam pajeitame Jesús Nazaret tomarapin, pon bayatha naetotha t̄pa. Ichitha bapon anoxuae xote jopa bocaeyo. Bayatha as̄u pet̄upae cuiru coyene weya. Pataema ichaxota Jesús bayatha botatsi pet̄upaein. <sup>7</sup> Bara paponare, yawano patsipaebare Pedro ir̄u ichamonae pomonae Jesús pijimonae tatsir̄u. Nexata pajande: ‘Bepa Jesús paca tsiwana patopiyaei Galilea nacua beya poxonae bara bepaiyiyaename. Bapoxonae baxotiya pataeneme bapon icha be pocotsi coyeneya paca tsipaeba bayatha’, pajande, jei pewowin barapo yab̄uxitha.

<sup>8</sup> Barapo yab̄uxi ibo m̄th̄u wejojondena. Yawa bara weya d̄uc̄upa tsipei bichocono pijunuwi jijiyei. Barapo yab̄uxi jopa paebiyo ichamonaetha poxor̄u bichocono junuwa.

*Meje yabara poxonae Jesús María tsita nait̄utatsi powayo Magdala tomarapiwayo  
(Jn 20.11-18)*

<sup>9</sup> Poxonae Jesús as̄u exanatsiba pet̄upaewa weya po mataqueitha opi carucua xua cae semanatha poxonae aena pentha, bapoxonae Jesús tsita nait̄uta María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa. <sup>10</sup> Poxonae Jesús

tainchi bapowa pona pemuxu tsipaebinexa pomonaetha pomonae anoxuae anthuthutane yawa wecoyei xua Jesús petupaexae. Barapomonaetha bayatha Jesús pepuna jinompaewichi. <sup>11</sup> Poxonae barapomonaetha jume tane xua juinya Jesús asu popona, yawa xua bapowa bayatha Jesús tainchi, barapomonaetha baxua jopa yabara jume cowantsiyo.

*Meje yabara poxonae Jesús pebinbe tsita naituta namtotha poxonae Emaís tomara beya ponabe*

*(Lc 24.13-35)*

<sup>12</sup> Pirapae bapoxonae equeicha Jesús tsita naituta pijimonaetha tatsi jiwanaetha icha cui coyenyatha xua poxonae jopa xapain yaitaetsi poxonae namtotha pipatotha ecaponabe aisawatha. <sup>13</sup> Bapoxonae baponbe caibe nawiyabe. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitatatsibe. Ichitha barapomonaetha barichiru iru jopa jume cowantsiyoru barapo diwesi pocotsiwa baponbe paebabe.

*Meje yabara poxonae Jesús cui itoroba pijimonaetha xua pia diwesi tatsi daxita nacuantha petapaebiwa tsainchi*

*(Mt 28.16-20; Lc 24.36-49; Jn 20.19-23)*

<sup>14</sup> Pirapae Jesús tsita naituta pijimonaetha pomonaetha once poyobe poxonae barapomonaetha pexaethopaewatha iratha ena. Jesús pin jumetha muxutaenaquiya exana xua jopa pejume cowantsixaetsi matautano peyabara muxusipanaexaetsi matauta xua jopa peyabara jume cowantsixaetsi pocotsiwa paeba pomonaetha tane xua Jesús equeicha bayatha asu popona petupae cuiru coyene weya. <sup>15</sup> Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume. <sup>16</sup> Pomonaetha neyabara jume cowantsina xua xan apara Nacom Pexanton tatsi, matautano xua bautisabatsi, barapomonaetha capanenebiyaeinchi xua jopa peweraweracaenexa. Ichitha pomonaetha jopa neyabara jume cowantsiyo xua xan Nacom Pexanton tatsi, barapomonaetha peraxa jubebinchi xua Nacom peyabara paebixae xua pinaetha barapomonaetha jopa jume cowantsiyo. <sup>17-18</sup> Pomonaetha neyabara jume cowantsina xua xan Nacom Pexanton tatsin muxuna exanaein xuaje pocotsiwe: Barapomonaetha taitawetsina ichamonaetha cauri poxonae tawantha wuqueibina; matautano barapomonaetha pena jumeintha cueicueijeije tsane; icha barapomonaetha jomon notsina pecobetha, jopa barapomonaetha tupa exanaetha tsainchi jomon; matautano icha barapomonaetha apaena po mera jiwi tupa exanatsi barapo mera jopa abe exanaetha tsainchi barapomonaetha; matautano barapomonaetha itacupaetha inchi xua jayabina pecobetha pomonaetha peatenewi, xua bapoxonae barapo peatenewi peaxaibinexa tsaiibe tsane”, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi*

*(Lc 24.50-53)*

<sup>19</sup> Jesús pon jiwi Pecanamataxeinaeinchi, poxonae bapon najume weta xua cueicueijeije pijimonaetha, bapoxonae Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi. <sup>20</sup> Bara barapomonaetha Jesús pijimonaetha tatsi ponarucupa. Yawano barapomonaetha cueicueijeije tsurubanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwi pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonaetha muxuna exana pexeinya petsita itatsi coyenewan xua daxota pocotsiwa barapomonaetha cueicueijeije jiwitha bara pexainyei jumein. Je, bara ichi tsane.

Baja Marcos.

## Jesucristo Pia Pexeinya Diwesi Jume Tatsi Lucas Petinae Diwesi

*Meje po diwesi yabara xua Lucas tamropata pitaba poxona tina*

<sup>1</sup> Jaco Teófilo. Ponxaem nentũ cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxona xanepanaya popona pata xantha. <sup>2</sup> Pomona cou xua baxua pepaebixae barapomona pinae copiya yatsicaewa tane daxita pocotsiwa Jesús exana pata xantha. Matautano pinae barapomona Nacom Pejume Diwesi tatsi cuidubeiba. <sup>3</sup> Xan netsita wnae daxota nanta xeinan xua yabara tayainyabiwa pomona petinae xae yawa pecueieijeixae daxita barapo diwesi xua pinae juinya Jesús exana. Bapoxona cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsopona xuano xua bapoxona tsoponaeno. <sup>4</sup> Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

*Meje yabara poxona matatsunpin wnae yabara tsiwnae paeba xua Juan naexanaena pon jiwi Pebautisabin tsane*

<sup>5</sup> Caena bayatha poxona Herodes popona Judea nacuatha, xua pon Judea nacuapiwi peyanacua ewatsinchi, bapoxonaerũ barichi popona barapo nacuatha sacerdotepin pon pewn Zacarías. Bapon jiwana po sacerdotepiwi pia matabũxũ jiwi pewn Abías. Piseuri tatsi pewn Isabel. Piseuribe pia pamo susato jiwana pin tatsibe, bapon pewn Aarón pon yatsicaya tabũ ducua sacerdotepin. <sup>6</sup> Piseuribe Nacom tsita juntu coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe. <sup>7</sup> Ichitha pexui jopa xeinaeyobe, tsipei Isabel mawecowa, matautano tsipei bayatha acuewa irũ tsipei pebin bayatha amo tsecae.

<sup>8</sup> Caentacabi poxona Zacarías ƚ pia matabũxũ jiwi pia cuitha exana Nacom nexa, bapon Zacarías xuya piamona itapetatsi. <sup>9</sup> Barapomona sacerdotemona, pia cui coyene xeina xua caein piamona jiwana itapetatsi poxona daxita barapomona nacuita Nacom pon jiwi Pecanamataxeinaein pin pia botha tatsi. Bapon Zacarías itapetatsi xua pejoniyaenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae. <sup>10</sup> Poxona Zacarías cataunxuae tuxusi exanawiya petuxueiwa xua tauta Nacom nexa, barapoxona daxita pomona aisowa beumeinya barapomona Nacom tsipaebompa. <sup>11</sup> Bapoxona Zacarías tsita naitutatsi matatsunpin pon Nacom pon jiwi Pecanamataxeinaein itoroba. Po muxunene pecoxa weya matatsunpin iboto caquita uncuwa po ibotha xua ichaxota tauteiba petuxueiwa Nacom nexa. <sup>12</sup> Poxona Zacarías taeba matatsunpin jopa yaputaeyo xua peexanaewa, bichocono pejunuwixae. <sup>13</sup> Ichitha matatsunpin Zacarías baraichi, jeichichi:

—Zacarías, jopa junuwinde. Nacom bara cajume tane poxona tsipaebibame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin wnto. Xam wãn dutsiname bapontha, po wãn Juan, jei. <sup>14</sup> Juntu coyene weiweinaenae. Barichi pinmonae juntu coyene weiweinaena xua bapon penaexanaeae tsane. <sup>15</sup> Bapon Juan Nacom pon jiwi Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxona cataunxuae bũtiyotha eca bichocono juntu coyene yũcaeinchi Nacom pia Pejumope tũnaxũ tatsi pia peayapusũwa tatsi. <sup>16</sup> Bapon cana exanaena xua ainya Israel nacuapiwi jume cowantsina Nacom pon Pecanamataxeinaein jiwi xua barapomona barapo Nacom pia Nacom tatsi tsainchi. <sup>17</sup> Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia Pejumope tũnaxũ tatsi pia peayapusũwa tatsi icha cain Elías ichi pon Nacom peitorobi jume pepaebin. Bapon Elías bayatha tũpa. Juan exanaena xua pexui paxeiwi antobe tsaibi tsainchi. Matautano Juan cana exanaena xua jume cowantsina Nacom pomona copiya Nacom pejumefebiwichi. Tsipei exanaena baxua, barapomona tsiwanaya jume cui yabara najuntu coyene wnaetsina, xua barapomona pejume cowantsinexa Nacom pon Pecanamataxeinaein jiwi, jei matatsunpin.

<sup>18</sup> Zacarías yainyaba matatsunpin, jeye:

—¿Eta nejunichim yatsicaewara xua inta naexanaena pexuyo? Aparaxan amo tsecaein. Irũ tapetsiriwa apara inta acue tsecaeba, jei.

<sup>19</sup> Matatsunpin Zacarías jume notatsi, jeye:

—Apara xan Gabriel. Barapara Nacom ba imoxoyo caquita uncueiban. Nacom neitoroba bepara catsipaebichei barapo pexeinya jume diwesi. Daxota yatsicaya naex-anaenaba nexanto. <sup>20</sup> Incane jume taema. Yaitama jame maisa aunxuae jopa yabara nejume cowantsim, daxota methaunxuae jopa cuinaya paebim tsane. Yajume aunyeibiya yantacabi jopaname poxonae beya abũ nexanto naexanaena xuaunxuae catsipaebatsi, jei.

<sup>21</sup> Poxonae Zacarías tsipaebauyatsi, Zacarías pesato beya ewatumeinchi pomona Nacom tsipaeba pesatotha. Barapomona nabarai: “¿Eta pocotsiwa metha Zacarías came jopa jondenaeyo Nacom pin pia bo werena?” najei. <sup>22</sup> Poxonae Zacarías matapainya jondena jopa itacupaetsi xua petsipaebiwa barapomonaetha. Bapoxonae barapomona nanta xeina xua metha bara Zacarías tsita naitatatsi xua wũnae barapo tututha poxoru Zacarías pecobetha cowai barapomonaetha. Ichitha awiya came jopa cueicuejeiyoy.

<sup>23</sup> Poxonae Zacarías daxita nacobe weta xua exana Nacom nexa, Nacom pin pia botha, bapoxonae pia botha pona. <sup>24</sup> Pirapaeyo Zacarías piseuri tatsi Isabel bũpana taecatsi pexuyo. Barapowa jopa naitatsiyo cinco po xometiyobe. Saya pia botha eca. <sup>25</sup> Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

*Meje yabara poxonae matatsunpin wũnae tsiwanaya paeba xua Jesús naexanaena*

<sup>26</sup> Poxonae Isabel seis po xometiyobe yapucaewa poxonae pexuyo bũpana taecatsi, bapoxonae Nacom itoroba matatsunpin, pon pewũn Gabriel. Gabriel Nazaret tomara beitorobiyatsi po tomara eca Galilea nacuatha. <sup>27</sup> Gabriel patopa pesiwa ponaenexa yabũyo, powa bapana jopa pebin pichiyo. Bapowa muxu pepichi pecotsiwa, pon pewũn José. Bapon José David pia pemomoxi susato jiwana tatsi. Caena bayatha David Israel nacuamona itorobiya pia pepa peewatsinchi. Barapowa powa José pecotsiwaxae tatsi pewũn María. <sup>28</sup> Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita jũntũ coyene xanepanatsi beyacaincha icha yabũxi. Mataũtano barapara Nacom pon jiwi Pecanamataxeinaein cabarũ popona, jei matatsunpin.

<sup>29</sup> Ichitha poxonae jume taeba bapowa, yabara jume cuitaya nabenaeca. Pia coutha nayainyaba jeye: “¿Eta xua bapon nejacoba jane?” najei. <sup>30</sup> Matatsunpin María baraichi, jeichichi:

—María, jopa junuwinde, Nacom cayabara tsita jũntũ coyene xanepanatsi. <sup>31</sup> Matha taema xam methaunxuae pexuyo yapũrũwa jinaename xuano bara pabetsiname nexanto. Bapoyo wũn dutsiname po wũn Jesús. <sup>32</sup> Bapon ainaya cui peexanaeinchi tsainchi. Bapon wũn dutinchi, icha wũn jei tsainchi: ‘Nacom Pexanto tatsi pon peitabocotha eca’, jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi. <sup>33</sup> Bapon yacui tsitecaena xua jiwi peewatsinchi penaexanaewa tsane Israel piamonae susato saineiwi pexantha tatsi. Pia peitorobi coyenewa tatsi jopa weraweraca tsane, jei Gabriel, pon matatsunpin.

<sup>34</sup> Nexata María jume nota matatsunpin, jeye:

—¿Eta xua yapũrũwa jinocuaein pexuyo? Apara cataunxuae jopa nacueyabinyo, jei María.

<sup>35</sup> Matatsunpin jume nota, jeye:

—Nacom pia Pejumoepa tũnaxũ tatsi cata patopeicaena. Mataũtano Nacom pon bichocono pepa pejũntũ coyene xanepanaein bapon, pia peayapuswa tatsi cantatsun matawacaicha nontsicaena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita jũntũ coyene xanepanaeinchi. Barapo pexuyo yabara jei tsainchi: ‘Nacom Pexanto tatsi’, jei tsainchi. <sup>36</sup> Irũrũ barichi jinyamonaweyo Isabel, bequein bara acue tsecae, ichitha anoxuae pexanto yapũrũwa jina. Anoxuae barapowa seis po xometiyobe yapucaewa xua yapũrũwa jina bequein copiya mawecowa. <sup>37</sup> Dapocotsiwa aibi pocotsiwa Nacom tsita ayapubetsi, tsipei bapon daxita bara yaputane.

<sup>38</sup> Nexata María namchi, jeye:

—Xan bara barapowayũn xua taexanaewayon pocotsiwa Nacom pon jiwi Pecanamataxeinaein neitoroba. Bũ moya bara Nacom inta exanaena xuaunxuae netsipaebame, jei María, matatsunpintha.

Bapoxonae matatsunpin napitaba.

*Meje yabara poxonae María siwa pona, xua Isabel siwa poinchi*

<sup>39</sup> Pirapaeyo María nainya pontaba tomara beya, po tomara eca ichaxota ira marafowwa xua Judea nacuatha. <sup>40</sup> Baxota barapowa María joniya Zacarías pia botha tatsi. Bapoxonae

Isabel jacobatsi. <sup>41</sup> Poxonae Isabel jume tane xua María jacobae, bapoxonae pia pexuyo tsiperu natsixibecatsi Isabel. Bapoxonae Nacom pia Pejumope tñaxu tatsi pia peayapusuwa tatsi Isabel juntu coyene yñcatsi. <sup>42</sup> Bapoxonae Isabel jume daunweya wawai xua María baraichi, jeye:

—¡Nacom cayabara tsita juntu coyene xanepanatsi beyacaincha icha yabuxi! ¡Barichi nexanto Nacom yabara tsita juntu coyene xanepanatsi! <sup>43</sup> ¡Xam powa Tanecanamataxeinaein pena tatsim, bichocono auran xua tana nesiwa ponaewam tsipei jopa taainya cuiwayon! <sup>44</sup> Poxoru poxonae cajume tainchi xua nejacobame bapoxonae pexuyo netsiperu weiweinaya natsixibeca. <sup>45</sup> Juntu coyene weiweiname nejume cowantsixae tsipei bara nayabara jume cui wetsina pocotsiwa Nacom pon jiwi Pecanamataxeinaein yabara catsiwanae muxu duta pon Pecanamataxeinaein jiwi xua poxonae matatsunpin catsipaeba, jei Isabel.

<sup>46</sup> Nexata María namchi, jeye:

“Tajuntu coyene Nacom wñae jaintatsi pon jiwi Pecanamataxeinaein.

<sup>47</sup> Matautano tajuntu coyene Nacom yabara weiweinati pon Tanecapanepaein.

<sup>48</sup> Nacom neweyatane xua xan saya tapawin.

Bara barapowayun, powayun xua taexanaewa pocotsiwa Nacom neitoroba. Anoxuae xuano bexa tsaneno daxita jiwi pomonae naitapataya naexanaponaena wñae nejainchina tsipei Nacom nejuntu coyene weiweina exana bichocono beyacaincha icha yabuxi.

<sup>49</sup> Bapon Nacom pon peayapusu itorobi coyene pexeinaein inta bichocono wñae exana.

Bapon Nacom pepa pejuntu coyene xanepanaein.

<sup>50</sup> Bapon Nacom yaweneibina jiwi pia peantobewaxae pomonaetha pomonae copiya pecunuweibixaetsi.

<sup>51</sup> Nacom tsita itaba xua peayapusu itorobi coyenewa xeina.

Baxua exana poxonae juntu coyene amanayaba pomonaetha pomonae atsaquiya penayabara paebiwí xua ichamonae peaebiwíchi.

<sup>52</sup> Nacom cui pita cana exana pomonaetha pomonae pecanamataxeinaewi xua equeicha barapomonae jopa naexanae tsane xua pecanamataxeinaewa jiwi. Ichitha nama pomonaetha pomonae pecui pawí naexana barapomonaetha Nacom cana exana xua barapomonae penaexanaewa pomonae pecanamataxeinae jiwi.

<sup>53</sup> Pomonae xua piyain barapomonaetha Nacom cana exana xua barapomonae petonsanaewa xua penabanaewa po pexaewa pexeinya pexaewan. Matautano copei pexeinaewi barapomonaetha Nacom cana exana xua barapomonae pecobesainaewa.

<sup>54</sup> Nacom yaweneiba pijimonae Israel nacuapiwi pomonae pia pamo susatopin tatsi, bapon Israel pon tanacuita Nacom.

Nacom jopa yabara junteinaeyo xua peyaweneibiwa barapo pijimonae peantobexae.

<sup>55</sup> Nacom daxita exana pocotsiwa Abraham wamo susatopin yabara tsiwñanae muxu dutatsi xuano xua yabara tsiwñanae muxu dutatsi pia pemomoxi susato jiwi tatsi”, jei María.

<sup>56</sup> María cataunxuae acoibi pon xometyobe eca Isabel pia botha tatsi. Bapoxonae equeicha caibe nawiya pia bo beya.

*Meje yabara poxonae Juan naexana pon jiwi Pebautisabin*

<sup>57</sup> Nexata Isabel xua bñpana taecatsi pexuyo, peru cui nachitane. Bapoxonae pexuyo tanowaeincuatsi xua pexanto. <sup>58</sup> Pomonae Isabel pia botha petaenaewíchi, iruru piamonae tatsi pomonae pecuariya petaenaewíchi daxita barapomonae Isabel siwa poinchi xua

pejacobinexa tsainchi. Barapomonaē yaputane xua Nacom pon Pecanamataxeinaein xae jiwi Isabel beta taexanatsi poxonaē Isabel dacotsiwa taitorobatsi pexuyo. <sup>59</sup> Poxonaē ocho po matacabibe yapucaewa barapoxonaē pexuyo wi thabatsi xua pebin watoxae xua ichaxota nareixacaeca. Barapomonaē nanta xeina xua pexuyo wun dutsinchi po wun pexuyo paxa tatsi xeina, xua po wun “Zacariás”, jei. <sup>60</sup> Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

<sup>61</sup> Barapoxonaē barapomonaē Isabel baraichi, jeye:

—¿Exua? Jinyamonaē dapocotsi wun aibiba, po wun: ‘Juan’, jei, jei barapomonaē.

<sup>62</sup> Nexata barapomonaē moya pecobetha cowai Zacariastha. Matautano pecobetha cowaya yainyaba, Zacariás yainyabatsi jeichichi: “¿Eta po wun jinya nexanto wun dutsichi?” jei barapomonaē. <sup>63</sup> Zacariás wuca napaewa petinaenexa tsane. Barapoxonaē barapo napaewatha jei xua tina: ‘Apara pewun Juan’, jei. Barapoxonaē barapomonaē najuntu coyene benaeca xua iru bapon namchi: ‘Bara pewun Juan’, jei. <sup>64</sup> Poxonaē baxua exana, caena barapoxonaē jemeicha Zacariás equeicha caewa paeba. Equeicha ebato sadujei xua cueicueije. Zacariás tamropata pitaba xua wunaē jainta Nacom. <sup>65</sup> Barapoxonaē daxita pomonaē imoxoyo jinompa ichaxota Zacariás piseuribe poponabe, daxita barapomonaē junuwa. Matautano pomonaē xua pejinompaewi daxita ichaxota po ira xua marafowwa xua barapo Judea nacuatha, daxita barapomonaē paebinouta pocotsiwa xua bayatha petaxae. <sup>66</sup> Daxita pomonaē jume tane, barapomonaē najuntu coyene yabara nanta xeina nawita. Matautano caemonaē nantiya nayainyaba najei: “¿Eta bichane metha pexuyo poxonaē wichabina?” najei barapomonaē. Apara poxoru Nacom pon Pecanamataxeinaein jiwi bichocono pexuyo petsita juntu coyene xanepanaexaetsi daxota barapomonaē baxua paeba.

*Meje yabara xua Zacariás pia wei*

<sup>67</sup> Pexuyo paxa tatsi Zacariás, juntu coyene yucatsi Nacom pia Pejumope tuxaxu tatsi pia peyayapuswa tatsi. Matautano bapon cueicueije po jumetha po jume Nacom cata. Zacariás namchi, jeye:

<sup>68</sup> “Nacom pon Pecanamataxeinaein jiwi, pon Israel pia Nacom tatsi, barabu wunaē jainchinchi barapo Nacom. Tsipei bapon bayatha patopeica waxantha. Bapon bara piamonaetsi.

Matautano bapon bayatha naca capanepa.

<sup>69</sup> Pon Nacom nacata itorobica bapon pon jiwi pecapanenebiyaein pia peyayapuswatha.

Bapon David pia pemomoxi susato jiwana tatsi.

Bapon David pon Nacom pia petanacuitinchi xua peexanaewa pocotsiwa Nacom itoroba.

<sup>70</sup> Caena bayatha Nacom yabara naca tsiwunaē muxu duta, poxonaē itoroba pia peitorobi jume petapaebiwichi xua wanaca tsipaebinexa.

<sup>71</sup> Bara naca tsipaeba xua pinae bapon pon Nacom wanacata itorobicaexae, pinae naca capanepaena pomonaē wanaca aitafaetabi jiwi pia xainya weya tatsi.

Matautano pinae naca capanepaena pomonaē wanaca ita aenae-aenei jiwi pia xainya weya tatsi.

<sup>72</sup> Matautano Nacom naca tsipaeba xua pinae wamo susatopiwi yabara canantaxeinaeinchi xua peyawenaenexatsi.

Matautano pinae jopa junteinaē tsane xua wamo susatopiwi peyawenaponaewatsi xua bayatha Nacom yabara petsiwunaē muxu dutsixae baxua.

<sup>73</sup> Baraxua Nacom naca tsiwunaē muxu duta xua xainyeya bara paeba poxonaē Abraham tsipaebatsi, pon wamo susatopin.

<sup>74</sup> Nacom Abraham tsipaebatsi xua pinae naca capanenebiya tsane wanaca aitafaetabi

jiwi weya.

Baxua pinae nacata exanaena xua pinae  
waexanaewa tsane pocotsiwa naca itoroba,  
xuano jopa wacunuwinexa tsane  
ichamonae pinae.

<sup>75</sup> Matautano nacata exanaena xua pinae beta  
jinompaeinchi bapon peitabaratha, xuano xua  
juntũ coyene xeicaeya jinompaeinchi daxita  
matacabintha xua jopa abe waexanaponaewa.

<sup>76</sup> Irũ xam taxantom Juan jiwi cayabara wũn  
dutsina pon Nacom peitorobi jume pepaebin,  
pon itabocotha eca, cayabara jei tsane.

Baxua cayabara jei poxoru xam tsiwanaya  
patopaename pon jiwi pia pepa  
Pecanamataxeinaein.

Daxita jiwi juntũ coyene wũnaetsiname  
pepatopaenexa tsane pon jiwi pia pepa  
Pecanamataxeinaein, pon Mesías.

<sup>77</sup> Nacom caitoroba Juan xua jiwi neyaputane  
neexanaenexa tsane xua Nacom jantemainaena  
jiwi abe pia peexanae cuirũ coyenein tatsi.

Bapoxonae Nacom barapomonaecapanenebiya  
exanaeinchi bapon beya xua jopa Nacom petsita  
natsicuentaetsi xua abe peexanaexae.

<sup>78</sup> Wanacom jopa juniya wanaca antobexae xuano  
xua wanaca yawenaexae nacata itorobicaena  
pexanto itaboco wetsica.

Nacata wũnae exanaena icha xometo ichi xua  
nacata wũnae poxonae pentha pena matacabixae.

<sup>79</sup> Poxonae patopeicaena pon Nacom itorobicaena,  
bapoxonae bapon jiwi juntũ cui  
weiweinaya exanaeinchi.

Baxua exanaeinchi, pomonaetha pomonaecajume  
cowantsiwi bequein copiya barapomonaec  
muxu pewerapae bichocono abe peexanaexae.

Yawa Nacom naca jumope antasũ exanaena,  
xua jantema wajinompaenexa tsainchi”,  
jei Zacarías xua pexanto barai pon Juan.

<sup>80</sup> Barapo pexuyo Juan wichabeca. Matautano ajuntũyapusũya popona xua Nacom  
yabara yaputaepona. Juan ira xuepana susato tsurucuae nacuaitha tsana popona, beya  
poxonae po mataqueitha poxonae Juan tsita patopa Israel nacuaipiwi pebautisabinexa  
barapomonaec.

## 2

*Meje yabara poxonae Jesús nowaencua pebin wũto barapo cae pin nacuaitha  
(Mt 1.18-25)*

<sup>1</sup> Irũn bapoxonae popona romanomonaec itorobiya pia pepa peewatsinchi, pon pewũn  
Augusto. Bapon itoroba piamaenae peexanaenexa censo matawũn xua pewũn tinaewan  
xua daxita carepaya tomaran jiwi wũn tinaeinchi. <sup>2</sup> Barapo censo matawũn xua pewũn  
tinaewan jiwi, baxua matapainya nacobe cui jũta poxonae Cirenio Siria nacuaipiwi pia  
peyanacua ewatsinchi naexana. <sup>3</sup> Daxita jiwi tsanaya barompaya pia pepa tomaran beya  
benawibiyaena, ichaxota pia pamo jiwi tatsi tanowaeumeinchi. <sup>4</sup> Daxota José Nazaret  
tomara wewarapiya, xua Galilea nacua weya. Belén tomara bewarapiya po tomara eca  
Judea nacuaitha. Baraxota caena bayatha David pon judiomonaec itorobiya pia pepa  
peewatsinchi nacatsiwa, pon José pia pamo jiwi susato jiwana tatsi, pon yatsicaya tabũ  
ducua. <sup>5</sup> José pecotsiwa barũ pona pewũn tinaenexa tsainchibe. Barapowa pewũn María.  
Barapowa pexuyo bũpana taecatsi. <sup>6</sup> Poxonae cataunxuae baraxota Belén tomaratha  
ecabe, bapoxonae María xua bũpana taecatsi pexuyo, bara weaperutanetsiba. <sup>7</sup> Bara  
bapowa tanaexanatsi pexanto pon copiya tanacatsiwatsi. Barapo pexuyo paparuwan-  
tha tsiwixitha mata quiyontababota jeriyotha, po naeyotha ichaxota vaca naepanaewa

xayathopa. Tsipei tutu quecona po bomaxatha ichaxota jiwi maiteiba pomonae pateiba pomonae siwa poneiba.

*Meje yabara poxonae matatsunpiwi patsica ichaxota pomonaetha pomonae oveja duweimonae peyapu eenaewi*

<sup>8</sup> Imoxoyo Belén tomaratha, pebiwi oveja duweimonae yapu eeneiba wexotha poxonae merawi. <sup>9</sup> Nexata jemeicha barapo pebiwi tsita naitatatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peitupanae coicha tatsino barapomonae matawacaicha uncueicatsi. Barapo pebiwi bichocono junuwa. <sup>10</sup> Nexata matatsunpin barapomonae baraichi jeye: “Jopa pajunuwinde. Apra paca tsipaebatsi pexeinya jume diwesi xua po diwesi daxita jiwi juntu coyene weiweina exanaeinchi. <sup>11</sup> Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apra pewn Mesías pon Pecanamataxeinaein jiwi, pon Nacom weitorobicatsi. <sup>12</sup> Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quontabobotatsi jeriyotha ichaxota po naeyotha vaca naepanaewan xayathopa”, jei matatsunpin.

<sup>13</sup> Bapoxonae jemeicha equeicha icha matatsunpiwi pin bicheito naitabarucpa ichaxota icha matatsunpin uncu. Barapo matatsunpiwi itaboco wepatsica. Barapomonae Nacom wnae jaintatsi. Barapo matatsunpiwi namchi, jeye:

<sup>14</sup> “jMaisa bichocono Nacom wnae jaintatsi pon itabocotha peecaen, peitorobixae pexanto! jBarabu jiwi juntea jinompa barapo irathe pomonae xua Nacom juntu coyene weiweina exanatsi!” jei matatsunpiwi.

<sup>15</sup> Poxonae matatsunpiwi athabe ichicha caibeicha itaboco beicha, bapoxonae pomonae oveja duweimonae peyapu eenaewi barapomonae nabarai, jeye:

—Bu poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwi Pecanamataxeinaein nexa, jei barapomonae pomonae oveja duweimonae peyapu eenaewi.

<sup>16</sup> Barapoxonae oveja duweimonae peyapu eenaewi nainya ponarucpa. Barapoxonae María iru José caxibarucpatsi. Iru pexuyo poyo boqueca jeriyotha vaca matabotha caxibarucpatsi. <sup>17</sup> Poxonae barapomonae taerucpa pexuyo, barapomonae tsipaeba nawita ichamonaetha pocotsiwa bayatha barapomonae petsipaebixaetsi matatsunpin xua pexuyo yabara. <sup>18</sup> Daxita pomonae jume taerucpa baxua yabara najuntu coyene cabenaeca xua pomonae oveja duweimonae peyapu eenaewi pepaebixae baxua. <sup>19</sup> María barapo diwesi moya yawun xeina pejuntu coyenewatha xua jume cui cayabara nanta exaba. <sup>20</sup> Bapoxonae oveja duweimonae peyapu eenaewi caibe nawibiya. Barapomonae Nacom wnae jaintatsi petaxae xuano pejume taexaeno xua bayatha matatsunpiwi pepaebixae. Barapomonae namchi, jeye:

—Maisa Nacom pon pepa yatsicaewa pejuntu coyene xanepanaein, jei.

*Meje yabara poxonae María iru José caponabe Jesús Nacom pin pia botha tatsi*

<sup>21</sup> Poxonae ocho po matababibe yapucaewa, pexuyo wi thabatsi, xua pebin wtoxae xua ichaxota nareixacaeca. Baxua judiomonae pia cui coyenetha tatsi. Barapoyo wun dutatsi pewn Jesús, po wun bayatha matatsunpin wun unuta xua María muxu tsipaebatsi poxonae María cataunxuae abu jopa bapana taecaetsi pexuyo.

<sup>22</sup> Nexata matababi jopa, xua po mataqueitha María iru José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonae María iru José pexuyo caponabe Jerusalén tomara beya pecatsinexa tsanebe pexuyo Nacomtha pon jiwi Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane. <sup>23-24</sup> Baxua exana tsipei Nacom pia peitorobi diwesitha tatsi tina, jeyei: “Daxita jiwi pia pexui tatsi, pebin wutixi, poxi copiya nacatsiwena, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara iru ainya tsaqueintobe care. Ichacuiha icha tsaqueintobe aibi, bara iru ainya topibotobe care”, jei.

<sup>25</sup> Iruu barapoxonae pebin popona Jerusalén tomaratha, bapon pewn Simeón. Bapon pejuntu coyene xanepanaein. Bapon wnae jainteiba Nacom. Bapon wnae ewateiba xua



Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonaē weya. Barapo romanomonaē icha nacua werena pona xua Israel nacuapiwi cueranta enatsi. Tsipei barapo romanomonaē Israel nacuapiwi canamataxeinatsi. Nacom pia Pejumope t̄nax̄ tatsi Simeón bar̄u popoinchi. <sup>26</sup> Nacom pia Pejumope t̄nax̄ tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonaē xua pinae pirapaeyo t̄paena. <sup>27</sup> Nacom pia Pejumope t̄nax̄ tatsi Simeón joniya exanatsi Nacom pin pia botha tatsi. Bara José ir̄u pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba. <sup>28</sup> Simeón isapita pexuyo. Nacom w̄nae jaintatsino. Simeón namchi, jeye:

<sup>29</sup> “Nacom pon Tanecanamataxeinaem, bara anoxuae caitac̄pa xua tanecopatsiwam xua bara j̄ntemiya tat̄paewa tsane. Tsipei anoxuae bara nayabara jume wetame pocotsiwa bayatha yabara netsiw̄nae muxu dutame. Poxoru xan bapon tsocuaein xua exanan xua neitorobame.

<sup>30</sup> Xan yatsicaewa bara tanba, pon Pecapanenebiyaēin jiwi.

<sup>31</sup> Bapon tan pon xua itorobicapaebame, xua daxita jiwi taena xua bapon taeinchi.

<sup>32</sup> Bapon yaputane exanaena xua Nacom yaputaeinchi pomonaē jopa judiomonaē naexanaeyo.

Tsipei bapon be bapocotsin, xua poxonaē jiwi beta tane exainchi merawi xua xota yonoyonei. Yawano bapon exanaena xua Israel nacuapiwi, pomonaē jinyamonae xua w̄nae jaintinchi xua ichamonae w̄nae jainchina”, jei Simeón.

<sup>33</sup> María ir̄u José yabara naj̄nt̄u coyene cabenaecabe pocotsiwa Simeón pexuyo yabara paebatsi. <sup>34</sup> Nexata Simeón barai, Nacom baraichi xua María yabara yawano xua José yabara, jeye: “J̄nt̄u coyene weiweina exande baraponbe”, jei. Nexata Simeón, María baraichi xua pexuyo pena tatsi:

—Barapo pexuyo Nacom itapeta xua bapon peexanaenexa tsane po coyene xua Israel nacuapiwi ichamonae Nacom beya peponaenexa xua ichacuiitha icha ichamonae Nacom beya jopa peponaenexa tsane. Yawa Nacom itoroba barapo pexuyo, peitubinexa Nacom pia peayapus̄wa ichitha ichamonae jume cui aitafaetabi tsaibi tsane. <sup>35</sup> Daxota barapo pexuyo yaputaena pocotsiwa jiwi pej̄nt̄u coyeneintha nanta xeineibina. Ichitha xam, María, daxita baxuan caaj̄nt̄ucoyenerewe exanaena be poxonaē ich̄n̄ canth̄th̄u tsapinopaena cusitha, jei Simeón xua María tsipaebatsi.

<sup>36</sup> Ir̄u baxota poponar̄u petsiriwa, p̄w̄n Ana. Barapowayo Nacom peitorobi jume pepaebiwayo. Barapowa Fanuel pexantiyo tatsi. Aser pon yatsicaya tab̄u ducua bapon pia pemomoxi susato jiwana tatsi. Barapowa bara nama penapataewa t̄soponaē. Barapowa caena bayatha poxonaē penowayo t̄scae jitha eca. Pia pebinbe siete po weiyobe nabar̄u poponabe. Bapoxonaē pebin t̄pa. <sup>37</sup> Barapowa caena bayatha piseuri cuenta t̄patsi. Anoxuae nama barapowa yaochenta y cuatro po weiyobe jopaba. Barapowa Nacom pin pia bo weya jopa pichapeibiyo. Saya exaneiba pocotsiwa Nacom itoroba merawintha yawa matakabintha. Najainboteibano poxonaē tsipaēbeiba Nacomtha. <sup>38</sup> Poxonaē Jesús caponatsi Nacom pin pia botha xua Nacom pecatsinexatsi bapoxonaē Ana imoxoyo caq̄nt̄u uncua barapomonaetha. Barapowa tsipaēba Nacomtha, jeye: “Nacom maisa j̄nt̄u coyene weiweinan xua painta itorobame barapo pexuyo”, jei Ana. Bapoxonaē Ana yabara paēbaxoya pexuyo jiwitha pomonaetha pomonaē w̄nae ewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomonaē weya.

*Meje yabara poxonaē Jesusbar̄u caibe iyiya Nazaret tomara beya*

<sup>39</sup> Nexata María ir̄u José wetabeba daxita xua Nacom, pon jiwi Pecanamataxeinaein, peitorobi jume coyenewa paeba. Bapoxonaē caibe canawiyabe pexuyo Galilea nacua beya xua pia tomara beyabe, Nazaret tomara beyabe. <sup>40</sup> Pexuyo wichabeca. Matautano bichocono daunwei nawita, peyaputae coyene xexeinaponano. Nacom tsita j̄nt̄u coyene xanepanapoinchi.

*Meje yabara poxonaē Jesús siwa pona Nacom pin pia bo tatsi*

<sup>41</sup> Jesús pena tatsi iru paxa tatsi daxita weitha poneiba Jerusalén tomara beya xua nataiba Pascua wun matakabin. Barapo Pascua wun jei, poxonaē Israel nacuapiwi nanta xeina xua poxonaē pinae bayatha pia pamo susato jiwi tatsi capanenebiya exanatsi Egipto nacua weya, xua Nacom capanenebiya. <sup>42</sup> Poxonaē Jesús doce po weiyobe yapu jopa, María iru José iru Jesús, Jerusalén tomara be-iyiya. Tsipei barapomonaē pia cui xua poneiba barapo Pascua wun matakabin nexa. <sup>43</sup> María iru José caibe nawirenabe pia tomara berena poxonaē barapo matakabin weta. Ichitha pewowin Jesús naruntaba Jerusalén tomaratha. Jesús pena tatsi iru José jopa taeyobe xua Jesús nacopataba. <sup>44</sup> Nanta xeinabe xua Jesús mexeya itara napunaecaponawe pin bicheitho. Caentacabitha María iru José namtotha naecaponabe, bapoxonaē itaxanawiyabe pexanto. Necobauyabe pexanto pin bicheitho pia matabuxayo jiwimonaetha, pijiwimonaethano. <sup>45</sup> Jopa pexanto caxinaebe. Bapoxonaē equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

<sup>46</sup> Poxonaē acoibi po matakabiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichaxota pomonaē jiwi pecuidubiwi Nacom pia peitorobi jume. Jesús jume tane barapomonaē. Matautano yainyabano nawita barapomonaetha. <sup>47</sup> Daxita pomonaē jume tane, najuntu coyene cabenaeca tsipei Jesús peyaputaēin tsecae, matautano tsipei Jesús beta jume nota. <sup>48</sup> María iru José poxonaē baxua cui tanebe najuntu coyene cabenaecabe. María pexanto barai, jeje:

—Owae, ¿eta xua metha baxua painta exaname? Axa iru xan paca yabara najuntu coyene exabatsibe, paca jeitompatsi, jei.

<sup>49</sup> Jesús jume nota pena, jeje:

—¿Eta pocotsiwa metha ichawa beya pana nejeitompame? ¿Metha bara jopa payaputaēin jampa xua bewa necui eenaena xua Taxa pia cui yabara tatsi? jei.

<sup>50</sup> Ichitha María iru José jopa xapain yaputaeyobe pocotsiwa Jesús paeba.

<sup>51</sup> Jesús caibe nanawiya pena tatsibaratha Nazaret tomara beya. Jesús pena jume jejei tsaiibi yawano José jume jejei tsabichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntu coyenewatha.

<sup>52</sup> Nexata Jesús wiwichabapona yawa juntu coyene ayapusaya exanapoinchino Nacom pia Pejumopetha tñaxa tatsi. Nacom iru jiwi Jesús antobe tsoponaetsi.

### 3

*Meje yabara poxonaē Juan pon Pebautisabin jiwi cuiduba ira xuepana susato tsurucuae nacuatha*

(Mt 3.1-12; Mr 1.1-8; Jn 1.19-28)

<sup>1</sup> Iru Tiberio pon romanomonaē itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Barapoxonaē iru Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Iru Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichiru Lisaniás Abilinia nacuapiwi peyanacua ewatsinchi naexana. <sup>2</sup> Barichiru Anás iru Caifás baponbe sacerdotemonaē pia pepa pentacaponaeinbe tatsibe. Barapoxonaeru Nacom Juan tsipaebatsi poxonaē ira xuepana susato tsurucuae nacuatha popona. Juan bapon Zacariás pexanto tatsi. <sup>3</sup> Juan popona ducuaeta Jordán nacuatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeje:

—Icha juntu coyene paxeinare painya neauraxae xua abe paexaname. Paca bautisabina ichamonaē xua Nacom paca necayabara junteinaenexa abe painya neexanaē cuiru coyenein, jei Juan.

<sup>4</sup> Baxua exana, peyabara jeichixaetsi xua peyabara jeixae pon Nacom peitorobi jume pepaēin Isaiás poxonaē bapon tina pejume diwesi. Barapo diwesitha Isaiás caena bayatha wunaē tsiwunaeya yabara paeba xua Juan yabara. Isaiás namchi, jeje:

“Jume tan pon wawai ira xuepana susato tsurucuae nacuatha.

Bapon wawai jeje: ‘Patsinajuntu cui coyene wunaere pon jiwi pia pepa Pecanamataxeinaeinchi pia pepatopae wunaeya tsane.

<sup>5</sup> Daxita pamarafotontha paatsa jehebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya paexande.  
Pemarafotofotowa namton, panamto dameyama.  
Apara jopa yabara janyo namton, jame  
apara yabara jan painya juntu coyenein.  
Ichi paichim xua namton paxanebame bara  
paichinde pana najuntu cui wnaere  
painya Nepacacanamataxeinaein nexa  
poxonae bapon patopeicaena.

<sup>6</sup> Daxita nacuariwimonaē yaputaena Nacom pia  
pecapanenebiyae coyene tatsi, jei pon  
wawai”, jei Isaías pejume diwesitha.

<sup>7</sup> Pin bicheito pata, xua Juan pebautisabinexa tsane. Juan barai barapomonaē jeye:  
“¡Paxam pomonaē pemuxitorobi jwi pam! ¡Paxam be bara jomomonaē pam, tsipei jomo ba  
cuitaya ducpa nawa! Bara paichim anoxuae paichichipame Nacom pacuitaya ducpame  
xua abe paca exanaeyainwa. Jopa papanenebiyaem tsane bequein bara paca bautis-  
abinchi tsipei jopa pajuntu coyene xanepanaem Nacomtha. <sup>8</sup> Xaniwaicha painompare xain  
ichamonaē paca cui tane xua icha juntu coyene painya nexeiaewa Nacomtha, pon jwi  
Pecanamataxeinaein. Tsipei bequein paxam pajam: ‘Waxainchi Abraham pia pemomoxi  
susato jiwichixaetsi Nacom naca capanenebiya exanaena’, pajam, daichitha paxam jopa  
xaniwaicha pajume cowantsim Nacom. Daxota Nacom itacupatsi xua paca cui matawenta  
pia jopa paca nepaca capanenebiyaenexa tsane. Matautano barichino Nacom itacupatsi  
xua jwi forotsinchi barapo ibotixi weya, po ibotixi xote Jordán mene itapatha bobena.  
Barapo jwi naexanaena, po jwi yatsicaewa Abraham pia pemomoxi susato jwi tatsi,  
pomonaē pejume cowantsixaetsi Nacom. <sup>9</sup> Poxonae pebin naein uba, sipari ba canacui  
wnaeta pecaucubobinexa po naein jopa nacoichiyo. Poxonae barapo naein ucuboba  
nantatsun eta xua petautsinexa isototha. Paxam bara paca jata ichiya paca cana exanaena.  
Nacom paca yabara nacui wnaeta xua paca bebai tsane isototha, ichaxota po isototha jopa  
cuiinaya itacounaiyo tsipei Nacom jopa xanepanaya pata taexanaem”, jei Juan.

<sup>10</sup> Nexata barapomonaē Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonaē pata  
necui taenexa tsane xua bara pajuntu coyene xanepanaein Nacomtha? jei barapomonaē.

<sup>11</sup> Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa nauwa  
xatatsiyo camisa. Iruru pon tamatecatsi penabanaewa bapon becatsipa ichun pontha pon  
jopa xeinaeyo penabanaewa, jei Juan.

<sup>12</sup> Barichiru pata, pomonaē paratixi pentoma noteibiwi po paratixi jwi bewa catsibina  
pon romanomonaē itorobiya pia pepa peewatsinchi nexa. Barapomonaē pata xua Juan  
pebautisabinexa tsaneru barapomonaē. Barapomonaē Juan yainyabatsi, jeichichi:

—Pon jwi Necuidubim, ¿eta pocotsiwa Nacom ichichipa pocotsiwa pata exanaewa  
tsane? jei barapomonaē.

<sup>13</sup> Juan jume nota, jeye:

—Saya meisa jwi pawucaenema paratixi xua romanomonaē paca itoroba. Jopa yabara  
muxitorobiya pawucaeinde ichawan, jei Juan.

<sup>14</sup> Barichiru soldadomonaē Juan yainyabatsi, jeichichi:

—Iru paxan, ¿eta pocotsiwa Nacom ichichipa pocotsiwa pata exanaewa tsane? jei  
barapomonaē.

Juan jume nota, jeye:

—Jopa payabara jume daunweya wecobe noteibinde ichamonaē piawan tatsi.  
Matautano ichamonaē jopa pacui yopiteibinde pocotsiwa exana ichamonaē poxonae  
apara jopa exaneibiyo. Bara saya pajuntu coyene weiweinare poxonae paratixi paxename  
poxonae ichamonaē xua pata exaname xua soldadomonaē pamxaem, jei Juan.

<sup>15</sup> Daxita pomonaē wnae ewateiba xua Mesías pepatopeicaewa tsane, barapomonaē  
poxonae Juan jume tainchi, barapomonaē pejuntu coyeneintha nanta xeina, xua apara  
Juan metha apara Mesíaswei. <sup>16</sup> Ichitha Juan barai daxita barapomonaē, jeye: “Xan paca  
bautisabatsi meratha. Ichitha nama patopaena pon bichocono ainya cui beyacaincha  
xan. Bapon pon pepa Pecanamataxeinaein jwi. Xan saya tapawin. Daxota auran xua  
tataxu mu isanaxubiwa pia penataxu xatatsiwa. Bapon paca jiwana bautisabina Nacom  
pia Pejumope tnanaxtha tatsi. Bapon paca jiwana cui copatsinchi xua atene tsane Jesús  
pejume cowantsixaetsi tsane. <sup>17</sup> Bapon pon patopaena bapon bayatha tsinacobenata po  
paparato xua trigo xu nexa. Bapon trigo xu tsanaya seicaya matapepe jehebapona. Trigo xu  
jehebapona, trigo xu matabotha. Matapepe jehebapona petautsinexa isototha, ichaxota po  
isoto jopa cuiinaya itacounaiyo. Bara jata cana ichi tsane jiwitha icha trigo xu cana ichiya

ichichi jiwi Nacom tsananobina pomonae pejume cowantsixaetsi pia nacuatha nexa. Ichamonae tsananobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

<sup>18</sup> Icha diwesi yabara jumeno Juan barapomonaetha paeba Nacom pia pexeinya jume diwesi tatsi. <sup>19</sup> Matautano Juan biatane, Herodes biatainchi pon Judea nacuapiwi pia peyanacua ewatsinchi poxoro Herodes peweicho caiba yabayo powa Herodías. Herodes peweicho tatsi pewan Felipe. Matautano Juan biatane poxoru bayatha Herodes abe exana nawita jiwitha. <sup>20</sup> Ichitha daumetha equeicha Herodes abe exana xua Juan caenaetatsi ichamonaetha xua pecaponaenexa tsainchi jiwi pecabi botha.

*Meje yabara poxonae Jesús bautisabatsi*  
(Mt 3.13-17; Mr 1.9-11)

<sup>21</sup> Poxonae cataunxuae Juan jopa ecaeyo jiwi pecabi botha, Juan bautisaba ducuaeta jiwi. Barichi iru Jesús nabautisabatsi. Poxonae Jesús tsipaebuncua paxa, peitaboco nayausanaxuba. <sup>22</sup> Nacom pia Pejumo pe tñaxu tatsi patopeica Jesththa, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejuñtu coyene weiweina exaname, jei Nacom.

*Meje yabara pomonae Jesús pia pamo susatopiwi tatsi*  
(Mt 1.1-17)

<sup>23</sup> Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecueicuei-jeiwa xuano jiwi axaibi exana ducuaebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi. <sup>24</sup> Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi. <sup>25</sup> Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi. <sup>26</sup> Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi. <sup>27</sup> Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi. <sup>28</sup> Bapon Neri, Melqui pexanto tatsi. Bapon Melqui, Adi pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi. <sup>29</sup> Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi. <sup>30</sup> Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi. <sup>31</sup> Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi. <sup>32</sup> Bapon Natán, David pexanto tatsi. Bapon David, Isai pexanto tatsi. Bapon Isai, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wun Salmón. Bapon Sala, Naasón pexanto tatsi. <sup>33</sup> Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi. <sup>34</sup> Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi. <sup>35</sup> Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi. <sup>36</sup> Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi. <sup>37</sup> Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi. <sup>38</sup> Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

## 4

*Meje yabara poxonae Jesús juñtu coyene juñtatsi caurimonae pia pentacaponaein tatsi xua Jesús abe coyeneya petaxanaenexa tsane*  
(Mt 4.1-11; Mr 1.12-13)

<sup>1</sup> Poxonae Jesús juñtu coyene yucatsi Nacom pia Pejumo pe tñaxu tatsi bapoxonae caibe nawiya Jordán mene weya. Nacom pia Pejumo pe tñaxu tatsi Jesús mata cayatsi ira

xuepana susato tsurucuae nacua beya. <sup>2</sup> Baraxotiya Jesús popona cuarenta po matacabibe. Caurimonae pia pentacaponaein tatsi Jesús piraichi jũntũ coyene jũjutatsi xua Jesús abe coyeneya petaxanaenexa tsane. Barapo cuarenta po matacabibetha Jesús jopa nabanaeyo. Poxonae barapo matacabin yapucaewa Jesús bichocono jainpa. <sup>3</sup> Caurimonae pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita itũre. Barapo iboto itorobare xain pan naexanaxoya, jei caurimonae pia pentacaponaein tatsi.

<sup>4</sup> Jesús jume nota. Caurimonae pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan’, jei Nacom Pejume Diwesi, jei Jesús.

<sup>5</sup> Caurimonae pia pentacaponaein tatsi Jesús matacapoinchi ichaxota po demxua bichocono atororo. Baraxotiya Jesús tsita itutarabatsi daxita nacuan, xua barapo cae pin nacuathe. <sup>6</sup> Bapoxonae caurimonae pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewũnaewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ichũnthã pontha pon xua ichichipan xua tacatsiwa. <sup>7</sup> Ichaunxuae nentabocototha uncuaename taitabaratha, xuano ichaunxuae newũnae jainchiname xua nenanta xeinaewaxae xua xan jinya tacacanamataxeinaeinchi, bapoxonae baxuan daxita bara cacatsinchi jinya Necanamataxeinaenexa barapo nacuan, jei caurimonae pia pentacaponaein tatsi.

<sup>8</sup> Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa wũnae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>9</sup> Cotacaya nama equeicha Jesús matacapoinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatsim, wenaxoreinque. <sup>10</sup> Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

<sup>11</sup> Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxonae wenaxorecame’, jei Nacom Pejume Diwesitha, jei caurimonae pia pentacaponaein tatsi.

<sup>12</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa jũntũ coyene jũjũtsiya wũcaeinde Nacom pon jinya Necanamataxeinaein, xua cajume jejei tsane necayawenaenexa poxonae jopa xapain exanaem’, jei Nacom Pejume Diwesitha, jei Jesús.

<sup>13</sup> Poxonae caurimonae pia pentacaponaein tatsi yaputane xua jopa xeinaeyo po coyenetha equeicha Jesús pejũntũ coyene jũjũtsiwa tsainchi, bapoxonae nama Jesús wepu poinchiba xua saya bara caeto nexa.

*Meje yabara poxonae Jesús tamropata pitaba pia penacuichiwa Galilea nacuathe  
(Mt 4.12-17; Mr 1.14-15)*

<sup>14</sup> Jesús caibe iya Galilea nacua beya. Matautano jopa juniya xeinaeyo Nacom pia Pejumope tũnaxũ tatsi pia peayapusũ itorobi coyenewa tatsi. Daxita jiwi pomonae jinompa barapo nacuathe Jesús yabara paebinoutatsi. <sup>15</sup> Jesús cuidubeiba barapomonae judiomonae pia penacaetutsi bontha tatsi xua daxita tomarantha. Barapomonae Jesús wũnae jainteibatsi.

*Meje yabara poxonae Jesús Nazaret tomaratha popona  
(Mt 13.53-58; Mr 6.1-6)*

<sup>16</sup> Nexata Jesús Nazaret tomara beya pona, po tomaratha ichaxota wichaba. Judiomonae barompaya pia pentaquei seicae matacabitha tatsi Jesús joniya judiomonae pia penacaetutsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyorobinexa Nacom Pejume Diwesi, xua barapomonae pejume taenexa. <sup>17</sup> Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tupa. Poxonae Jesús diboro pataxuba baxota taeba pocotsiwa baxota paeba, xua jeye:

<sup>18</sup> ‘Nacom pia Pejumope tũnaxũ tatsi neyanta popona.

Nacom neitapeta tatacueicueijeinexa tsane

pia pexeinya jume diwesi tatsi pomonaetha  
pomonaе peacopeibi jiwi.  
Matautano neitoroba xua tayawenaenexa  
pomonaе anthathutane.  
Matautano neitorobano xua tayawenaenexa  
pomonaе caurimonaе itorobatsi nawita xua  
barapomonaе pepanenebiyaenexa.  
Matautano neitorobano xua tane tacana  
exanaenexa pomonaе peitata nacatsi jiwi.  
Matautano neitorobano xua tayawenaenexa  
pomonaе xua bichocono taayapubetsi xua  
pejinompaewa tsane xua barapomonaе jopa pexeinaе  
dubenanaebiyaenexa tsane barapo coyenein.

<sup>19</sup> Matautano neitorobano xua jiwi  
tatsipaebinxua po coyene xua Nacom nacui  
wunaeta xua jiwi peyawenaewa tsainchi  
pomonaе ichichipa xua Nacom pejume taewatsi”,  
jei Isaías pejume diwesitha, jei Jesús xua yoroba.

<sup>20</sup> Poxonaе Jesús barapo diboro acataraba, bapoxonaе cata pontha pon jiwi  
peyawenequeibin judiomonaе pia penacaetutsi botha tatsi. Bapoxonaе Jesús econeca.  
Daxita pomonaе baxota ena, Jesús necotenatsi xua cui ewatenatsi xua pecueicueijejiwa  
tsane Jesús. <sup>21</sup> Bapoxonaе Jesús tamropata pitaba xua paeba, jeye:

—Anoxuae xuaunxuae pajume taneme baxua apara barapo mataqueithe Nacom  
nayabara jume cui weta painya itatha, jei Jesús.

<sup>22</sup> Daxita carepaya jiwi Jesús xanepanaya yabara paebatsi. Daxita barapomonaе najuntũ  
coyene cabenaeca xua pejume taexae xua po jume barapomonaе petsipaebixaetsi. Bara-  
pomonaе nantiya nabarai, jeye:

—Maisa jume xeica bapon, jume wunaeya paeba. ¿Bara bapon José pexanto tatsi jampa?  
najei barapomonaе.

<sup>23</sup> Jesús barai barapomonaе, jeye:

—Metha pana netsipaebichipame icha be pocotsi diwesiyo iche xua pecayabara jata  
pepaebi diwesiyo xua ba jei: ‘Pon jiwi neyawabin, jinya coutha nayawabare’, xua ba  
jei. Barichi anoxuae pana nejam tsane: ‘Xua paxan pajume tan xua juinya Capernaum  
tomaratha exaname, barichinde xote exande jinya tomaratha’, pana nejam tsane, jei Jesús.

<sup>24</sup> Awiya cataunxuae Jesús cueicueijeji. Equeicha namchi, jeye:

—Xaniwaicha paca tsipaebatsi pon ba Nacom peitorobi jume pepaebin pia nacuamon-  
aepiwi ba aitafaetabichi. <sup>25</sup> Xaniyan paca baraichi xua caena bayatha poxonaе Elías po-  
pona pon Nacom peitorobi jume pepaebin, ainyawaxi powaxi pecuenta werapaewaxichi  
pia seuriwi Israel nacuatha jinompa. Barapo nacuatha cuinaya jopa duneicaeyo acobi  
po weiyobe xuano seis po xometiyobethano. Daxita jiwi piyain barapo nacuatha Israel  
nacuatha. <sup>26</sup> Nacom jopa itorobiyo, Elías jopa itorobichi xua peyawenaenexa tsane cae-  
wayo jiwana powaxi pecuenta werapaewaxichi pia seuriwi xua Israel nacuatha. Ichitha  
saya meisa Nacom itoroba, Elías itorobatsi powatha powa pecuenta tupaewayotsi piseuri,  
powa popona Sarepta tomaratha, xua Sidón nacuatha xua barapowayo peyawenaenex-  
atsi. <sup>27</sup> Barichi Israel nacuatha pinmonaе jinompa pomonaе peperũ sawatsi jiwimonaе,  
poxonaе Eliseo popona pon Nacom peitorobi jume pepaebin. Eliseo jopa jiwana axaibi  
exanaeyo. Ichitha meisa Eliseo Naamán axaibi exanatsi pon bichocono peperũ sawinchi.  
Bapon Naamán, Siria nacuapin, jei Jesús.

<sup>28</sup> Poxonaе barapomonaе jume tane pocotsiwa Jesús paeba pomonaе judiomonaе pia  
penacaetutsi botha ena, bapoxonaе barapomonaе Jesús casebatsi. <sup>29</sup> Asiya umenaracupa  
barapomonaе. Jesús tomara peuma beitaweyatsi. Jesús capoinchi pitapatororo itapa beya,  
po tsututha bomaxun jeba, xua bara wepexorecaenexa tsainchi Jesús. <sup>30</sup> Ichitha Jesús  
barapomonaе xenta iya, pu seicataba.

*Meje yabara poxonaе pebin pon cauri xeina*  
(Mr 1.21-28)

<sup>31</sup> Nexata Jesús pona Capernaum tomara beya po tomara eca Galilea nacuatha. Baxotiya  
Jesús cuiduba jiwi po mataqueitha pentaquei seicaе matabitha. <sup>32</sup> Barapomonaе yabara  
najuntũ coyene cabenaeca tsipei pocotsiwa bapon barapomonaе cuidubatsi be pon peya-  
putaein pia peayapusũ itorobi jume coyeneya tatsi paeba.

<sup>33</sup> Judiomonaе pia penacaetutsi botha tatsi pebin baxota eca, pon cauri xeina. Bapon  
bichocono wawayá exanatsi cauri. Bapon Jesús baraichi xua namtsebiya wawai, jeye:

<sup>34</sup> —Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruyapuxanepanaem, jei cauri.

<sup>35</sup> Jesús itaweta cauri, jeye:

—¡Moyande! ¡Bapon wepu ponde! jei Jesús.

Nexata cauri pebin iratha xotsi barapomonaе peitutha tatsi. Pebin wepu poinchi cauri, saya juntema. Equeicha jopa ateneyono. <sup>36</sup> Daxita barapomonaе yabara najuntu coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonaе pia peayapusaya itorobi coyenewatha. Matautano barapo caurimonaе bara pona.

<sup>37</sup> Daxita jivi paebinouta Capernaum tomara cuariyatha pocotsiwa Jesús exana.

*Meje yabara poxonaе Jesús axaibi exana Simón Pedro pamiyo tatsi*  
(Mt 8.14-15; Mr 1.29-31)

<sup>38</sup> Bapoxonaе Jesús judiomonaе pia penacaetutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domaebatsi. Barapowa piamonaе tatsi Jesús jume daunweya wacatsi xua bapowa axaibi peexanaenexa tsainchi. <sup>39</sup> Jesús imoxoyo caquita uncuа pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Ninaya barapowa nantacotaxuba. Bapoxonaе bapowa pexaewa apata barapomonaetha.

*Meje yabara poxonaе Jesús axaibi exana pin bicheitomonaе*  
(Mt 8.16-17; Mr 1.32-34)

<sup>40</sup> Poxonaе tabopiya tsanaicha pomonaе piamonaе barompaya taatenetsi pomonaе xua jopa nyaromae jupaeyo, daxita barapomonaе Jesús betacarendenatsi. Jesús ichawa beya jayabapona pecobetha, bapoxonaе daxita carepaya axaibi. <sup>41</sup> Barichi pomonaе cauri pexeinaewi Jesús taitaweta barapomonaе. Barapo caurimonaе wawayaja jeye:

—Apara xam Nacom Pexantom, jei.

Bequein caurimonaе baxua paeba ichitha Jesús awiya daumetha itaweta caurimonaе. Jesús jopa najume copatsiyo xua equeicha pepaebiwa tsane poxoru barapo caurimonaе yaputane xua bapon yatsicaewa Mesias pon Nacom itorobica.

*Meje yabara poxonaе Jesús cueicueijeі Nacom Pejume Diwesi judiomonaе pia penacaetutsi bontha tatsi*

(Mr 1.35-39)

<sup>42</sup> Poxonaе baya juntucuru pentha tsina, Jesús tomara weiya ichaxota jiwaibi bara beya pona. Ichitha jivi Jesús jeitatsi. Barapoxonaе bapomonaе pata ichaxota Jesús popona. Barapomonaе aichaxaibi xua Jesús pepewu warapaewa barapomonaе. <sup>43</sup> Ichitha Jesús namchi, jeye:

—Bewa iru yabara paebin Nacom pia pexeinya jume diwesi tatsi, po diwesi yabara xua Nacom waba jivi petanaexanaenexatsi piamonaе pomonaе Nacom juntu coyene itorobiya ewata. Apara baxua netsiyabara itorobica, jei Jesús.

<sup>44</sup> Daxota Jesús paeba ducuaeta Nacom Pejume Diwesi Judea nacuatha xua judiomonaе pia penacaetutsi bontha tatsi.

## 5

*Meje yabara poxonaе Jesús piamonaе yawena xua duwei yamona*  
(Mt 4.18-22; Mr 1.16-20)

<sup>1</sup> Caentacabi Jesús Genesaret pucua itapatha uncuа. Pin bicheito pata bichocono nacacunaxuba Jesustha, tsipei barapomonaе ichichipa jume tane Nacom Pejume Diwesi tatsi. <sup>2</sup> Jesús aina jerabe tane pucuatha taetabo itapatha, po jera saya naebe. Tsipei duwei peyamonaewi bayatha nacui wetarucupa, matautano poxoru bayatha nonobouna taetabotha. Barapomonaе pia peyamonaewan iquicompa. <sup>3</sup> Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonaе Jesús eca jeratha. Jesús mene wecuidubecarena jivi Nacom Pejume Diwesi. <sup>4</sup> Poxonaе Jesús najume weta, Simón baraichi, jeye:

—Jeratha ponde ichaxota pentatheiba. Paxoyama painya neyacamonaewa painya necapirenaenexa duwei, jei Jesús.

<sup>5</sup> Simón, Jesús jume notatsi, jeye:

—Pon jiwi Necuidubim, bequein barapo merawithe payamonoman, pacobesa patan. Yaitama aunxuae neitorobame, methaunxuae xoyaein tayamonaewa, jei Simón.

<sup>6</sup> Poxonae barapomonae xoya, duwei pin tunto capirena, muxu peucubabi xua peyamonawa. <sup>7</sup> Nexata barapomonae moya pecobetha itacowaeba pomonae penabarũ yaxunobompaexae, pomonae icha jeratha jinompa itacowaebatsi, penayawenaenexa. Barapomonae pata. Jera ainya naebe wantabe duwei. Muxu pebunopaebe jerabe. <sup>8</sup> Simón pon Jesús icha wãn duta, xua Pedro baraichi, bapon tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

<sup>9</sup> Poxoru Simón Pedro junuwiya najũntũ coyene cabenaeca yaitama peyamonawetha capirena duwei pin tunto. Iru pomonae Simón Pedro pia jeratha petanaewichi barapomonae irũ junuwiya najũntũ coyene cabenaeca. <sup>10</sup> Iru Zebedeo pexantobe tatsi, Santiago irũ Juan baponbe irũ junuwiya najũntũ coyene cabenaecabe. Baponbe ponbe Simón bebarũ yamonaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonae yawenaename xua barapomonae pejume cowantsiwa tsane Nacom icha bayatha ichim poxonae yamonaewa duwei nawita, jei Jesús.

<sup>11</sup> Nexata poxonae barapo jerabe botounabe, barapoxonae barapomonae baxuan daxita nacui barapenta. Bapoxonae barapomonae Jesús puna poinchi.

*Meje yabara poxonae Jesús axaibi exana pon peperũ sawinchi*  
(Mt 8.1-4; Mr 1.40-45)

<sup>12</sup> Jesús icha tomara siwa pona. Bapoxonae pebin patopa pon peperũ sawinchi. Poxonae Jesús taebatsi, bapon Jesús peitabaratha tatsi pentabocotha tauncuatsi yawa ira betaeuncuareca. Bapon Jesús jume daunweya wãcatsi, jeichichi:

—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusũ itorobi coyenewa nexenaem, jeichichi Jesús bapon.

<sup>13</sup> Nexata Jesús, nacobe yota, yawa mata jayaba bapon, pon peperũ sawinchi. Jesús barai, jeye:

—Bara ichichipan. ¡Bara axaibinde! ¡Bara caaperũxaibi exanatsi! jei Jesús.

Bapoxonae bapon nainya taachurucaetsi xua peperũ sawiwatsi. <sup>14</sup> Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua perũ wãnaem, jei Jesús.

<sup>15</sup> Ichitha daxita jiwi taju beya jume taetaepona pocotsiwa Jesús exana. Pin bicheiton nacaetutapona Jesustha pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomonae. <sup>16</sup> Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi*  
(Mt 9.1-8; Mr 2.1-12)

<sup>17</sup> Caentacabi Jesús cuidubauya. Iru baxotiya ena pomonae fariseomonae jiwana tatsi. Iru baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacuatha. Iru daxita tsiqui tomaraxi werendena po tomaraxi ena Judea nacuatha, irũ ichamonaen Jerusalén tomara werendena. Nacom pia peayapusũ itorobi coyenewa tatsi Jesús yawenatsi, daxota axaibi exana peatene jiwi. <sup>18</sup> Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bomũxũtha cajojoniyaiei xua bepa Jesús peitabaratha tabotichei. <sup>19</sup> Ichitha barapomonae jopa cajojoniyaeyo bomũxũtha tsipei pin bicheito boupa quecona. Barapo bo matatupa perca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe bũmacatha barapo pemaiteiwiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi.

<sup>20</sup> Jesús tane xua barapomonae yabara cui jume cowanta xua Jesús bara peitacupaewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui jũntemainatsiba abe jinya neexanae cuiru coyenein, jei Jesús.

<sup>21</sup> Nexata pomonae jiwi pecuidubiwi Moisés pia peitorobi coyene, irũ fariseomonae, daxita barapomonae caemonae natsipaeba, najei: “Maisa bapon bichocono abe tsipei



pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya juntu puxana exanatsi abe pia peexanae cuiro coyenein tatsi. Jame meisa apara caein Nacom yaputane xua jiwi cacui yabara jantemainaya juntu puxana exanatsi abe pia peexanae cuiro coyenein tatsi”, najei barapomona.

<sup>22</sup> Ichitha Jesús yaputane xua barapomona caemona natsipaeba. Jesús barai barapomona, jeye:

—¿Eta pocotsiwa metha baxua pana natsipaebame? <sup>23</sup> ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiro coyenein cata jantemainatsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane? <sup>24</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya juntu puxana exanaewa abe pia peexanae cuiro coyenein tatsi pomona jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>25</sup> Bapoxona pon pecuenobinchi caena nainya nontapona barapomona peitutha tatsi, yawa pita xua pemaituncuaewa. Pia bo be-iyawa yawa Nacom wanae jaintatsi poxona namtotha ecapona. <sup>26</sup> Barapomona daxita yabara najuntu coyene cabenaeca yawa Nacom wanae jaintatsi. Barapomona junuwiya namchiya jeye:

—Anoxuae waxainchi tainchi xua pewanaewa pocotsiwa jopa yaputaetsi, jei barapomona.

*Meje yabara poxona Levi wabatsi, Jesús waba*

*(Mt 9.9-13; Mr 2.13-17)*

<sup>27</sup> Poxona baxua Jesús nacui weta, bapoxona Jesús pontaba. Jesús tane pebin pon pewan Levi. Levi bapon pon paratixi pentoma noteibin po paratixi jiwi bewa catsibina pon romanomona pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Levi baraichi, jeichichi:

—Nepuna ponde, jei Jesús.

<sup>28</sup> Bapoxona Levi nontapona. Daxita baxua xubota, cuenta pona. Bapoxona Jesús puna poinchi.

<sup>29</sup> Pirapaeyo Levi pin penabanaewa exana pia botha xua Jesús tsixanatsi. Iru pebiwi pinmona pomona paratixi pentoma noteibiwi po paratixi jiwi bewa catsibina pon romanomona pia pepa peyanacua ewatsinchi nexa, barapomona Jesús baru eca pexaethopeibiwatha, iru ichamonaeno baru enatsi penabarun nabanaenexa tsane. <sup>30</sup> Ichitha fariseomona iru pomona jiwi pecuidubiwi Moisés pia peitorobi coyenewa, daxita barapomona Jesús pijimona abeya tsipaebatsi xua Jesús yabara. Barapomona namchi, Jesús pijimona tatsi baraichi, jeichichi:

—Maise Jesús abe exana poroxu baru xayeca pomona paratixi pentoma noteibiwi po paratixi jiwi bewa catsibina pon romanomona pia pepa peyanacua ewatsinchi nexa. Matautano baru xayeca pomona abe peexanae cuiro coyene peexanaewi, jeichichi Jesús pijimona tatsi barapomona.

<sup>31</sup> Jesús jume nota barapomona, jeye:

—Pomona ba xua xaniwaicha jinompa xua jopa ateneyo barapomona ba jopa canantawenonaeyo pon jiwi peyawabin. Saya jame meisa pomona ba atene canantawenona pon jiwi peyawabin. <sup>32</sup> Barichinno xan patopan apara tha jopa tawabinexa tsane pomona pejuntu coyene xanepanae jiwi. Apara tha meisa tawabinexa tsane pomona peajuntucoyenebe jiwi, xua barapomona icha juntu coyene pexeinaenexa tsane Nacomtha, jei Jesús.

*Meje yabara poxona Jesús yabara yainyabatsi po coyene xua Nacom peyabara nainbot-siwatsi*

*(Mt 9.14-17; Mr 2.18-22)*

<sup>33</sup> Nexata barapomona fariseomona iru pomona jiwi pecuidubiwi Moisés pia peitorobi coyene, daxita barapomona Jesús yainyabatsi, jeichichi:

—Pomona Juan pia pepuna jinompaewichi jopa juniya nainboteibiyo xua jopa juniya tsipaebibiyo Nacomtha. Iru pomona fariseomona barichiru. Ichitha nama jinyamona daxua jopa cou daichiyo, saya cou u penabaneibi xuaano saya u peapeibi cou, jeichichi Jesús.

<sup>34</sup> Jesús jume nota barapomona, jeye:

—Paxam jopa bewa paexanaem tsane xua ichamona nainbotsina, pomona patsiwabame pexaewa xua penabanaenexa xua poxona pebin pecotsiwa pita. Poxona cataunxuae awiya bapon eca poxona jiwi nabane, jopa ba bapoxona nainbotsi.

<sup>35</sup> Ichitha icha pon aena piowa pita, bapon caena nainya waetabatsi, ichamonae waetaba xua bapon tajɩ pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

<sup>36</sup> Matautano Jesús pecayabara juta pepaebi diwesiyo tsiipaeba barapomonae, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha pin wan tsanaya beyacaincha xua poxonae copiya. <sup>37</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocotono naxuba poxonae barapo bocoto tsitsica. <sup>38</sup> Daxota bewa jame pena vino mera eparecae pena bocototha. Bapoxonae pena vino mera jopa naxubiyo, xuano pena bocoto jopa nacubiyo poxoru boco yeyena xuano poxoru pena bocoto. <sup>39</sup> Pon ba xua peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

## 6

*Meje yabara poxonae Jesús pijimonae tatsi yaboto nota trigo xu judiomonae barompaya pia pentaquei seicae mataqueitha tatsi*

(Mt 12.1-8; Mr 2.23-28)

<sup>1</sup> Caentacabitha judiomonae barompaya pia pentaquei seicae matabitha tatsi Jesús pijimonae baru iya pabi iyiya. Jesús pijimonae tatsi xunumenapona trigo xu, bapoxonae barapomonae pecobetha xu mata pepeta yawa xu xane. <sup>2</sup> Nexata Jesús pijimonae tatsi tayainyabatsi, fariseomonae yainyaba, jeye:

—¿Eta pocotsiwa baxua paexaname? Apra jiwi jopa yabara cui copatsiyo xua ichamonae penacuichiwa barapo matabithe, xua judiomonae barompaya pia pentaquei seicae matabi tatsi, jei barapomonae.

<sup>3</sup> Jesús jume nota barapomonae, jeye:

—Barapo tajimonae jopa apra abe exanaeyo. ¿Jopa payabara yorobim pocotsiwa bayatha David exana poxonae jainpa poxonae iru pijimonae tajainpatsiru? Bapon David pon caena bayatha Israel nacuamonae itorobiya pia pepa peewatsinchi. <sup>4</sup> Bapon David iru pijimonae tatsi barapomonae Nacom pin pia botha jojoniya. David xane pan, po pan ichamonae cana exana xua Nacomtha pecatsiwatsi. Iru barapo pan David pijimonae cata xua pexaenexaru. Barapomonae xane bequein barapo Nacom pia peitorobi coyenewatha copata xua saya meisa sacerdotemonae itacupatsi xua pexaewa barapo pan.

<sup>5</sup> Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwi tacoya taitorobiwa pentaquei seicae matabitha, jei Jesús fariseomonaetha.

*Meje yabara poxonae Jesús cobe wɩnae exana pon pecobe mubinchi*

(Mt 12.9-14; Mr 3.1-6)

<sup>6</sup> Icha matabitha judiomonae pia pentaquei seicae matabitha tatsi Jesús joniya judiomonae pia penacaeutusi botha tatsi. Matautano tamropata pitaba xua cuiduba barapomonae. Barapo botha eca pon pecoxa weya pecobe mubinchi. <sup>7</sup> Pomonae jiwi pecuidubiwi Moisés pia peitorobi coyene tatsi, iru fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe wɩnae exanaena pentaquei seicae mataqueitha pon pecobe mubinchi. Icha Jesús pon pecobe mubinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. <sup>8</sup> Ichitha Jesús yaputane pocotsiwa barapomonae nanta xeina. Jesús barai pontha pon pecobe mubinchi, jeye:

—Nontaponde, uncuare xote, jei Jesús.

Bapon nontapona, asiya uncuwa Jesús peitabaratha tatsi. <sup>9</sup> Nexata Jesús barai ichamonae, jeye:

—Paca yainyabinchi, ¿eta xua copata pentaquei seicae matabitha? ¿Wɩnae jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

<sup>10</sup> Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe mubinchi, jeye:

—Nacobe doire, jei Jesús.



<sup>27-28</sup> Equeicha Jesús namchi, jeye: “Paxamtha pomonae beta pana nejume taneme, barapomonae paca baraiichi: Paantobeinde pomonae bequein painya nepaca caaitafaetabi jiwi. Matautano beta pata taexande pomonae paca ita aenae-aenei. Matautano amanaya beta papaebare pomonaetha pomonae paca yabara abe paeba. Nacomtha patawucare pomonae xua paca biatane. <sup>29</sup> Icha ichun paca jumata tsaquinopa pecobetha, moya equeicha icha jumata pana najumata caeware xua painya neajumata tsaquinopaenexa. Icha ichun pacata pita peamutiya camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa. <sup>30</sup> Daxita coyenexi pocotsiwa ichamonae paca wuca moya bara pacaichabeibare. Pon pacata pita painyawa jopa equeicha caewa pawucaeinde. <sup>31</sup> Paexande ichamonae xua po coyene painya neichichipaewa xua barapomonae beta painya nepacata exanaewa tsane.

<sup>32</sup> “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara iru pomonae peajuntucoyenebewi antobe ichamonae pomonae peantobewiatsi. <sup>33</sup> Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwi barapocotsi coyene iru exana ichamonae xua peaitabe jiwitha. <sup>34</sup> Barichi icha saya pacatsibame ichamonae xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonae peaitabe jiwi barichi icha peaitabe jiwitha pacatsiba xua xuya equeicha pecatsibeibinexatsi. <sup>35</sup> Paxam jame bewa paantobem tsane painya nepaca caaitafaetabi jiwi, xuano jame beta bewa paexanaem ichamonae. Matautano jame bewa bara pacatsibim ichamonae xua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca jantana jeba pia nacuatheicha. Matautano Nacom paca cana exanaena pia pexanton jiwi tatsi pam, pon peitabocotha eca. Tsipei Nacom pejuntu coyene xanepanaein, daxota yawena barapomonaetha, pomonae bequein xua jopa wecobe noteibiya jacobeibiyo xuano xua peaitabe jiwi. <sup>36</sup> Payabara cui nanta xeinare po coyene xua ichamonae painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jiwi, bara paichinde”, jei Jesús.

*Meje yabara poxonae Jesús cuiduba xua jiwi jopa bewa yabara paebina ichamonae xua penatsicuentisiwa xua abe peexanaexae*

(Mt 7.1-5)

<sup>37</sup> Equeicha Jesús namchi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya xua nenatsicuentisiwa xua abe painya exanaexae. Ichamonae jume daunweya jopa pajande: ‘Apara bapon picoya, apara bapon picoya’, jopa pajande. Nexata Nacom jopa paca daichi tsane baxua. Pacui yabara juntemainare po coyene ichamonae pacata abe exana, nexata Nacom paca cui yabara juntemainare xua abe painya neexanaewa. <sup>38</sup> Ichamonae, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata nuncutaxuina. Yawa pacata wunca exanaena. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús.

<sup>39</sup> Jesús tsipaeba barapomonae pecayabara jata pepaebi diwesiyo, jeye: “Pon ba peitata nacutsin jopa itacupaetsi xua pematacaponaewa ichun pon iru peitata nacutsin. Icha bapon baxua exanaetsipabe, baponbe fetotha joparecaetsipabe. <sup>40</sup> Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaein. Ichitha pon poxonae wetsina xua nacuiduba, bapon be pia pecuidubin cui jupa”, jei Jesús.

<sup>41</sup> Barichi equeicha Jesús paeba caeintha pomonae pijimonae tatsi jiwana icha pecayabara jata pepaebi diwesiyo, jeye: “Xam be jinya jiton itata taneme poxonae naeputiyo itata jopiyatsi, ichitha jopa taem xua iruru xam nama pin naeputo neitacueretotha ducua. Barapocotsi jata coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam bara ichim nama bichocono abe exaname. <sup>42</sup> Icha jopa taem pin naeputo xua neitacueretotha ducua, jopa caitacupaeyo xua nejewa jinya jintonha: ‘Tajiton, cata jutinchi naeputiyo xua ducua neitacueretotha’, xua nejewa. Xam nepaebin xua ichun exana xua baxua neexanaewaetha iru. Xam copiya nata jure barapo pin naeputo xua neitacueretotha ducua. Bapoxonae beta taeneme nejutsinexa tsane naeputiyo xua jinya jiton peitacueretotha tarucatsi”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae*  
(Mt 7.17-20; 12.34-35)

<sup>43</sup> Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa bapana nacoichiyo po pethei pexeinya thei. <sup>44</sup> Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara juta ichi jiwi yaputane xua pebin pejuntꝫ coyene xanepanaein pon xanepanaein pon xanepanaei peexanaeinxae. <sup>45</sup> Pon ba pejuntꝫ coyene xanepanaein, bapon ba jame ba paeba pocotsiwa pexeinya coyene, pejuntꝫ coyene xanepanaeinxae. Barichi pon ba peajuntꝫcoyenebein bapon ba abe paeba, peajuntꝫcoyenebeinxae. Pocotsiwa jiwi nanta xeina pejuntꝫ coyenetha, baxua ba pecoiboto tsina cueicueijej”, jei Jesús.

*Meje yabara poxonae Jesús ainya bomꝫꝫbe yabara paeba  
(Mt 7.24-27)*

<sup>46</sup> Equeicha Jesús namchi, jeye: “Paxam pana neyabara jam: ‘Patatanecanamatax-einaem’, pajam, daichitha jopa paexanaem pocotsiwa paca itorobatsi. <sup>47</sup> Incane yabara paca tsipaebinchí pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa. <sup>48</sup> Bapon barapocotsi juta coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya mꝫꝫꝫn tajꝫ exanareca pecuaranobinexa bomꝫꝫ naeton. Poxonae mene matacaewaxuba, barapo bomꝫꝫ jopa joparenaeyo poxoru naeton tajꝫ umenareca xuano poxoru bomꝫꝫ uncua pematatsucaewatha ichaxota ira daunwei. <sup>49</sup> Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa tajꝫ umenarecaeyo. Poxonae mene matacaewaxuba, barapo bomꝫꝫ joparena poxoru naeton jopa tajꝫ umenarecaeyo, xuano poxoru bomꝫꝫ uncua ichaxota ira matafatsana. Barapo bomꝫꝫ nainya joparena. ¡Maisa bomꝫꝫ bichocono abe!’” jei Jesús.

## 7

*Meje yabara poxonae Jesús axaibi exana pon soldadomonaе romanomonaе pia pentacaponaein tatsi tanacuitatsi  
(Mt 8.5-13)*

<sup>1</sup> Poxonae Jesús baxuan najume weta xua barapomonaе jume tane, barapoxonae Capernaum tomara beya pona. <sup>2</sup> Baxotiya popona romanomonaе soldadomonaе pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petꝫꝫꝫ. <sup>3</sup> Poxonae romanomonaе soldadomonaе pia pentacaponaein tatsi Jesús yabara jume tainchi, barapoxonae itoroba pitiri jiwi judiomonaе jiwanaipiwi Jesús beya xua petaxaibi exanaenexa tsainchi pia petanacuichin tatsi. <sup>4</sup> Barapomonaе Jesús imoxoyo caquita poinchi. Barapomonaе Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende. <sup>5</sup> Poxoru bapon wanacuamonaе wuna yabara cananta xeineibatsi. Matautano bapon itoroba xua acaba pata penacaetutsi bo pia paratixitha, jei barapo pitiri jiwi.

<sup>6</sup> Nexata Jesús bara poinchi barapomonaе. Ichitha poxonae Jesús muxu pepatopae, romanomonaе soldadomonaе pia pentacaponaein tatsi pia botha tatsi, barapo soldadomonaе pia pepa pentacaponaein tatsi, bapon itoroba pia jiwi xua petacajume jeichinexa tsainchi Jesththa: “Tanecanamataxeinaein, xan saya tacui pawin. Auran xua xam nepatopaewa tsane tabotha tsipei xam ainya cuim. <sup>7</sup> Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi barapoxonae bapon axaibi bara tsane pon inta nacuiteiba. <sup>8</sup> Xan bichi xeinan tanecanamataxeinaein, pon neitoroba. Barichirꝫ xeinan soldadomonaе pomonaе itorobeiban. Poxonae ichꝫꝫ itoroban: ‘ponde’, jan, bapon pona. Poxonae ichꝫꝫ waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonaе penacajume caitorobixaetsi.

<sup>9</sup> Poxonae Jesús baxua jume taeba, jume cui yabara cananthꝫꝫ nanta xeinanaya cabenaeca beta pepaebixae romanomonaе soldadomonaе pia pentacaponaein tatsi. Jesús necotaba pomonaе puna poinchi, barai, jeye:

—Xaniyan paca tsipaebatsi Israel nacuatha irꝫ dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacꝫꝫ xua axaibi taexanaewa jiwi, jei Jesús.

<sup>10</sup> Poxonae barapomonae botha caibe nawibiya, barapomonae taeba ducapa xua axaibiya boca romanomonae soldadomonae pia pentacaponaein tatsi pia petanacuichin tatsi.

*Meje yabara poxonae Jesús petapaein asu exana pexanto tatsi powa pecuenta tupaewayotsi piseuri*

<sup>11</sup> Poxonae Jesús baxua nacui weta, bapoxonae Naín tomara beya pona. Jesús cueyabatsi pijimonae, iru pin bicheitomonaeno naponae. <sup>12</sup> Poxonae Jesús muxu pepatopae tomaratha, Jesús tane xua pewowin petapaein cajojondenatsi xua pemuthathu xubinexa tsainchiba, pon pena tsita compa. Barapo pewowin powa pecuenta tupaewayotsi piseuri barapowa pexanto tatsi. Barapowa puna poinchi pin bicheito. <sup>13</sup> Bapon Jesús pon Pecanamataxeinaeinxae jiwi, barapowa yabara cui nanta xeinatsi. Jesús barai bapowa, jeye:

—Jopa wecoyande, jei Jesús.

<sup>14</sup> Nexata Jesús imoxoyo caquita pona petapaein, yacaja jayabano. Pomonae yacaja capona yacaja caumenarucapa. Jesús barai petapaein, jeye:

—Pewowin catsipaebatsi, nontaponde, jei Jesús.

<sup>15</sup> Nexata pewowin pon tupa, nantacotecataba, yawa tamropata pitaba xua pecueicuei-jeiwa. Jesús coxiwatha cana cobenata pexanto. <sup>16</sup> Poxonae pin bicheito taerucapa baxua, barapo pin bicheito bichocono junuwa. Barapoxonae barapo pin bicheito Nacom wnae jaintatsi, barapomonae namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonae pomonae pia pejume cowantsiwichi, jei barapomonae.

<sup>17</sup> Daxita jiwi jume tane xua Jesús exana Judea nacuatha, iru po nacuan imoxoyo caquita ena Judea nacuatha.

*Meje yabara poxonae Juan itoroba pijimonae Jesús beya peyainyabinexa tsainchi Jesús (Mt 11.2-19)*

<sup>18</sup> Juan pijimonae tsipaebatsi daxita baxua xua Jesús exana. Juan waba ainya pebinbe pijimonae jiwana tatsi. <sup>19</sup> Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichun jampa, xua pawnae ewatsin jampa jei. <sup>20</sup> Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiwi Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichun pawnae ewatan jampara?’ jei Juan, jei baponbe.

<sup>21</sup> Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina. Matautano yawenano xua equeicha tane pomonae jopa necotsiyo. <sup>22</sup> Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tane-mebe, matautano xuaunxuae pocotsiwa pana nejume tanemebeno. Matautano patsipaebarebe xua pomonae peitata nacutsi jiwi equeicha tane, matautano xua pomonae pejayu-jayujeimonae beta pona equeicha. Matautano xua pomonae peperu sawichimonae equeicha peru wnae, matautano xua pomonae pemuxusipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume. <sup>23</sup> Patsipaebare Juan xua xan janje: ‘Juntu coyene weiweinaena pon jopa ainya unthathanyo, pon xaniwaicha neyabara cui jume cowanta’, xua jan, jei Jesús.

<sup>24</sup> Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: “Ira xuepana susato tsurucuae nacuatha paponame. Poxonae bara beya paponame, ¿eta xua painyatsi? ¿Painya jume taetsi pebin pon ainya unthathato cui xeina icha be naepanaewa ichi xua saya joibo ba jubabiya caya tsai? Jume apara. <sup>25</sup> Bara paichim paponame, ¿painya nejume taenexa pebin, pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewatsiwixaetsi. <sup>26</sup> Jume. Jopa baxua patsiponaem xua jopa painya jume taenexa pebin pon ainya unthathato cui xeina, matautano xua jopa painya jume taenexa pebin pon peitupanae paparuwa nama xatata. Apara jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jwanapin beyacaincha ichun pon Nacom peitorobi jume pepaebin. <sup>27</sup> Juan bapon apara, pon yabara paebatsi Nacom Pejume Diwesitha poxonae Nacom netsipaeba, nejeyi:

‘Catsiwanae itorobinchi copiya pon tana nacajume carutsin. Barapon juntu cui wunaetsina jiwi, xua daxita jiwi najuntu cui wunaetsina xam nexa, xua necantenta weyataeya wabinexa poxonae patopaename’, nejei Nacom Pejume Diwesitha.

<sup>28</sup> Paca tsipaebatsi, xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonae jopa ainya cui jiwi.

<sup>29</sup> “Daxita barapomonae baxua jume taerucyapa. Irycy jume taerucyapa pomonae paratixi pentoma notebiwi romanomonae pia pepa peyanacua ewatsinchi nexa, pomonae bayatha Juan bautisaba. Daxita barapomonae nanta xeinarucyapa xua Nacom bara pepa pentacui xanepanaein. <sup>30</sup> Ichitha fariseomonae iru pomonae jiwi pecuidubiwi Moisés pia peitorobi coyene tatsi, barapomonae jume itaweta, Nacom jume itawetatsi pocotsiwa xua Nacom beexanaena barapomonae nexa. Matautano barapomonae cui itaweta, Juan cui itawetatsi xua pia pebautisabi coyenewa.

<sup>31</sup> “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? <sup>32</sup> Barapomonae be pexui, pocotsixi panatha nabaru jinompa. Nabaru wawai tsurubenanaebiya. Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichun tatupatsi, ichitha jopa pana itanuwe jume notsim xua painya newecoyeinexaru’, jei barapoxi. <sup>33</sup> Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam. <sup>34</sup> Bapoxonae xan, ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanae jiwi pia jiton tatsi, iru pomonae paratixi pentoma notebiwi barapomonae pia jiton tatsi’, pana neyabara jam. <sup>35</sup> Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana baxua Nacom tsita pexeinya coyenetsi”, jei Jesús.

*Meje yabara poxonae Jesús siwa pona Simón fariseomonaepin pia bo beya tatsi*

<sup>36</sup> Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane. <sup>37</sup> Nexata petsiriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanaeicha fariseomonae jiwanapintha. Barapowa alabastro ibo wun bosibu atsato capatopa Jestutha xua petuxuei nasiwa xua bichocono wanca. <sup>38</sup> Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonae barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecanamataxeinaein jiwi. Bapoxonae barapowa Jesús taxu epatabatsi petuxuei nasiwatha. <sup>39</sup> Poxonae fariseomonae jiwanapin pon Jesús pewabixaetsi petaxaenexa tsane pia botha, poxonae bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi अपरा powa pesi cui weiweinaewa, matautano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin. <sup>40</sup> Nexata Jesús barai fariseomonae jiwana jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

<sup>41</sup> Jesús barai, jeye:

—Pebinbe nacueyatabe nacowaetabe paratixi ichuntha. Ichun jopa cataunxuae xuya catsiyo quinientos po paratiximonaebe po paratixi quinientos po matacabibe nexa poxonae nacuita. Ichun jopa cataunxuae xuya catsiyo cincuenta po paratiximonaebe pontha pon penacowaetsixaetsi. <sup>42</sup> Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsixaetsi paratixi,

bapon namchi, jeye: ‘Metha basaya paca cui yabara junte-mainatsibe’, jei. Incane netsipae-bare Simón xua baponbe, ¿jintam yatsicaewa antobetsira xua beyacaincha ichan antobetsi xua antobe pon nacowaetatsi paratixi? jei Jesús.

<sup>43</sup> Simón jume nota, Jesús jume notatsi, jeye:

—Bu, metha moya pon bichocono cacui yabara junte-mainatsi bichocono pon penacow-etsixae quinientos po paratiximonaebe, jei Simón.

Jesús barai:

—Bara beta nejume notame, jei Jesús.

<sup>44</sup> Nexata Jesús necota barapo petsiriwa, bapoxonae Jesús Simón baraichi: Taema pocotsiwa barapo petsiriwa inta exana. Xan patopan jiwi botha ichitha jopa meratha netaxu waexubim xua painya cui coyeneyathaxae xua judiomonae pamxaem. Nama barapowa peitacuere mentha netaxu atatsica exana yawa pia pentanatha netaxu tsewa exana. <sup>45</sup> Xam jopa netsutsubim, ichitha bapowa poxonae caena jonarenan awiya came netaxu tsutsuba.

<sup>46</sup> Jopa nenta epatabim petuxuei tuxusi nasi mera. Ichitha barapowa petuxuei tuxusi nasi mera netaxu epataba. <sup>47</sup> Daxota catsipaebatsi xua bapowa matowa nasi cui mata-caeta. Daxita baxuan yabara junte-mainan, daxota bichocono neantobe. Ichitha nama pon be conotha nasi cui matacaeta, be conotha yabara cui junte-mainan. Bapon be conotha neantobe, jei Jesús.

<sup>48</sup> Equeicha Jesús namchi bapowatha. Petsiriwa baraichi, jei:

—Cacui yabara junte-mainaya juntu puxana exanatsiba abe jinya neexanae cuiru coyenewan, jei Jesús.

<sup>49</sup> Pomonae Jesús pebaru nabanaexaetsi, barapomonae nabarai, jeye:

—Bapon, ¿jintamda, jamaisa bapowa cacui yabara junte-mainaya juntu puxana exanatsi abe pia peexanae cuiru coyenewan tatsi? jei barapomonae pomonae baxota naena.

<sup>50</sup> Jesús barai petsiriwa, jeye:

—Bayatha necacapanepaewa caexainchi tsipei yabara tana nejume cowantsixaem. Saya junte-miya pponde, jei Jesús.

## 8

### *Meje yabara yabuxi powaxi Jesús yanabatsi*

<sup>1</sup> Bapoxonae pirapae Jesús daxita tomarantha pona ducuaeta, tsica tomaraxithano po tomarantha pin tomaranthano. Mataatano paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Jesús yanabatsi pia peitorobiwi tatsi pomonae doce poyobe. <sup>2</sup> Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pewun María Magdalena, tsipei pia tomara tatsi pewun Magdala. Barapowa María powa bayatha taitawetatsi siete poyobe cauri. <sup>3</sup> Bichiru petsiriwa, powa pewun Juana, bapowa napon. Bapowa Juana, Cuza piowa tatsi. Bapon Cuza pon Herodes pia bo tatsi tayapucaecatsi. Iru ichowa pewun Susana, bapowa napon. Iru ichowaxi ainya yabuxiru napon. Daxita barapowaxi Jesús upain exaneibatsi xua xoxi barapowaxi pexeinaexae.

*Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara*

(Mt 13.1-9; Mr 4.1-9)

<sup>4</sup> Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara juta pepaebi diwesiyo. <sup>5</sup> Jesús barai: “Pebin pon peubin pontaba pia ubichi pabitha. Poxonae pon peubin ubauya, icha xu namtotha othopeica, pexu jiwi taxunaunaba, yawa pepupunaewi xu xane. <sup>6</sup> Icha xu, xu othopeica ibowantha. Poxonae barapo xu xuwa, barapo xu, xu yunna poxoru jopa tajn xuwarecaeyo poxoru ibotixi nacucuna yawa poxoru ira tsewa. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wnae. Poxonae barapo xu, xu xuwa, xu nawnaeta. Caе xuto nacoita cien po xu matabuxuyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dube-name, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara juta pepaebi diwesiyo yabara, jane jei*

(Mt 13.10-17; Mr 4.10-12)



<sup>9</sup> Nexata Jesús yainyabatsi pijimonaе, barapomonaе namchi, jeye: “¿Eta pocotsiwa yabara caunutame poxonaе pana netsipaеbame barapo pecayabara juta pepaеbi diwesiyo?” jei bapomonaе. <sup>10</sup> Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom exana xua paca cana exana xua painya nepaca itacupaewa xua painya nenaexanaewa Nacom piamonaе tatsi pam, pomonaе pamxaem Nacom itorobiya paca ewata. Ichitha jame ichamonaе meisa pomonaе jopa nejume cowantsiyo jopa daichichi Nacom jopa copatsiyo xua barapomonaе pecayabara yaputaewa baxua. Daxota barapomonaе cuiduban pecayabara juta pepaеbi diwesiyo xua Nacom pecayabara yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

*Meje yabara poxonaе Jesús pijimonaе muxu yaputane exana po diwesi xua pecayabara juta pepaеbi diwesiyo pon peabin yabara*

(Mt 13.18-23; Mr 4.13-20)

<sup>11</sup> Equeicha Jesús namchi: “Meje apara baxua yabara caunutan poxonaе paeban pecayabara juta pepaеbi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonaе pebin juntu coyene webocatsi pebin wunaeya xanepanaya cana exanatsi. <sup>12</sup> Po xuton xua namto beothopiya, aichurubenaе. Barapo xuton yabara caunuta xua jiwi bara juntu coyene weichichi caurimonaе pia pentacaponaein tatsi. Jiwi juntu coyene weajumetsurubenaе exanatsi Nacom Pejume Diwesi xua bayatha po jume jume tane, xua bapoxonaе jopa petajume cowantsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena. <sup>13</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano juntu coyene weiweina Nacom jume cowantatsi. Ichitha bara caeto jume cowanta poxoru barapomonaе antaetabiya jume jeba Nacom Pejume Diwesi pejuntu coyeneintha. Matauta cauri juntu coyene wemuxu paeba xua abe peexanaenexa tsane. Daxota barapomonaе cayabara junte maina Nacom. <sup>14</sup> Po xuton xua xu othopa pesoiwantha barapo xuton caunuta xua pomonaе Nacom Pejume Diwesi jume tane ichitha saya barompaya pia juntu coyeneyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exanatsi. Po coyene pebiwi exana baxuan barapocotsi juta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi jopa xanepanaya jinompaeyo Nacom nexa. <sup>15</sup> Po xuton xua xu othopeica peira wunaewatha, bara nacoita. Barapo xuton yabara caunuta pomonaе jume tane Nacom Pejume Diwesi xuano jume cowantano poxoru juntu coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonaе juntu coyene xanepana Nacom peitabaratha tatsi”, jei Jesús.

*Meje yabara poxonaе Jesús pijimonaе tsipaeba pecayabara juta pepaеbi diwesiyo xua pecoicha yabara*

(Mr 4.21-25)

<sup>16</sup> Equeicha Jesús namchi: “Poxonaе jiton pecoicha coicha exana bapoxonaе jopa coicha matacatsiyo. Matauta jopa coicha exanaeyo cama peupana deca. Jame asiya coicha exanatsi, pecoicha taenexa pomonaе jojoneibarena. <sup>17</sup> Daxita pocotsiwa xua moya peyawun xeinaewa bexa tsane jiwi yabara yaputaena. Barichi barapo diwesi xua pecayabara juta pepaеbi diwesi xua paebaponan jiwi itacupaеinchi xua peyabara yaputaewa tsane.

<sup>18</sup> “Pana nejume naitaeware painya neexanaenexa pocotsiwa paca tsipaebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonaе bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara Jesús pena tatsi iruru peyapin jiwi tatsino*

(Mt 12.46-50; Mr 3.31-35)

<sup>19</sup> Nexata Jesús pena tatsi iruru peyapin jiwi tatsino pata ichaxota Jesús uncuа. Ichitha jopa Jesús imoxoyo caquita ponaetsi tsipei bichocono pin bicheito. <sup>20</sup> Ichun Jesús baraichi: —Ena, iruru neyapin jiwino pesato beya umena. Bepara bequein cataei, jei bapon.

<sup>21</sup> Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonaе xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*

(Mt 8.23-27; Mr 4.35-41)

<sup>22</sup> Caentacabi Jesús baru pona pijimonae jeratha. Jesús pijimonae barai:

—Antha, poinchi icha muxunene beya, pucua beya, jei Jesús.

Bara ponarucapaba. <sup>23</sup> Poxonae cataunxuae jeratha yana enapona bapoxonae Jesús maituncuataba. Bapoxonae jemeicha pin joibo naetaba mentha. Matauta bichocono jera mene wanca, muxu pebunarecae. <sup>24</sup> Nexata Jesús yaubaxotsi. Jesús baraichi:

—Jesús, Patatanecuidubim, yana bunarecatsi! jei barapomonae.

Nexata Jesús nacosataxuba. Jesús itawetaxuba joibo maratsacano. Daxita caewanaya joibo yawa maratsacano. <sup>25</sup> Nexata Jesús barai pijimonae:

—Jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

Barapomonae bichocono junuwa yawa najantu coyene cabenaecarucupa. Barapomonae caemonae natsipaeba, jeye:

—Jintam metha baponda? jamaisa bapon itaweta joibo yawa maratsacan xua daxita xainya dubenanaya! najei barapomonae.

*Meje yabara xua pebin yabara pon caurimonae pexeinaein pon Gerasa nacuapin*

(Mt 8.28-34; Mr 5.1-20)

<sup>26</sup> Pirapaeyo jebouna Gerasa nacua itapatha, po itapa eca Galilea nacua icha itapa panawa beya. <sup>27</sup> Poxonae Jesús muxu penontounae jeratha, pebin pon copiya tomarapin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonae. Paparuwa jopa yawa poponaeyo, matautano botha jopa poponaeyo, saya lbo wountha poponeiba. <sup>28</sup> Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocotha eca. ¿Eta pocotsiwa metha patopame taxantha? jume daunweya cabaraichi jopa neperaxa exanaeinde! jei.

<sup>29</sup> Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jiji taxu cubeiba yawa pemaxuno penaintohta xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri. <sup>30</sup> Jesús yainyaba:

—¿Eta po wam? jei Jesús.

Bapon jume nota exanatsi Jesustha. Bapon namchi, jeye:

—Tawun ayei, jei.

Baxua namchi tsipei bayatha cauri bicheito cunto pata bapontha. <sup>31</sup> Equeicha barapo pebin cueicueijei exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiji atene tsaiibi”, jei bapon xua cueicueijei exanatsi cauri. <sup>32</sup> Pin marrano duweimonae pitapatororotha jinompa xua yawa xayompano. Caurimonae Jesús jume daunweya wucatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei. <sup>33</sup> Nexata caurimonae pebin wepu ponatsi, yawa marrano duweimonaetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

<sup>34</sup> Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinexa xua baxua exana. <sup>35</sup> Jiji poxonae baxua tane, pata baxota ichaxota Jesús uncua. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axaibiya eca, be pocotsin jopa matsiyaibichi. Barapo jiji junuwa nawita. <sup>36</sup> Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa. <sup>37</sup> Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poxoru barapomonae junuwa bichocono. Daxota Jesús jeratha nontabiya bara warapano. <sup>38</sup> Pebin, pon wepu poinchi caurimonae, Jesús wucatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

<sup>39</sup> —Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru*  
(Mt 9.18-26; Mr 5.21-43)

<sup>40</sup> Poxonae Jesús caibe patoparena Galilea nacua berena, jiwi Jesús matenta weiweinaya wabatsi, tsipei daxita barapomonae Jesús ewatatsi. <sup>41</sup> Nexata pebin patopa pon pewun Jairo. Bapon Jairo pon canamataxeina judiomonae pia penacaeutusi bo tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeichi. Bapon Jairo Jesús jume daunweya wabatsi, jeye: “Antha tabotha ponare”, jei Jairo. <sup>42</sup> Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu petupae.

Poxonae Jesús iya iru pin bicheito napona. Bichocono jiwi acucu. <sup>43</sup> Barapo pin bicheitho yabuyo iru napona. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonae jiwi peyawubiwi cobe caewita daichitha jopa axaibi exanaetsi. <sup>44</sup> Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonae caena nainya barapowa ajaneibi tsanareca. <sup>45</sup> Nexata Jesús yainyaba barapo pin bicheitho, jeye:

—¿Jintam nejayabara? jei.

Daxita barapomonae paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acucu canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

<sup>46</sup> Ichitha Jesús jume nota:

—Ichun nejayaba tsipei taayapusawa newepu jiwana aichurucuae xua axaibi exanan, jei Jesús.

<sup>47</sup> Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototha uncua ira betaencuarecano Jesús petaxutha tatsi. Baxua exana bapowa poxoru Jesús ainya cui peexanaeichi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya axaibin, jei. <sup>48</sup> Nexata Jesús barai, bapowa baraichi, jeye:

—Yabuyo caaxaibi exanatsi tana neyabara jume cowantsixaem xua bara tana neitacupaewa xua tacaaxaibi exanaewatsi. Saya juntemiya poponde, jei Jesús.

<sup>49</sup> Poxonae cataunxuae Jesús tsipaebauya bapowatha, pebin patoparu pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomonae pia penacaeutusi botha tatsi pon Jairo. Jairo baraichi, jeichichi:

—Nexantiyo bayatha cata tupa. Jopa came fayacotsinde pon jiwi Pecuidubin, jeichichi Jairo bapon.

<sup>50</sup> Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowande. Nexantiyo cata axaibi tsane, jei Jesús.

<sup>51</sup> Poxonae botha pata, Jesús jopa juntucuru bebaru joniyaeyo ichamonae. Saya meisa Pedro iru Santiago iru Juan iru powayo tupa paxa tatsi, bapon Jairo yawa pena tatsi, Jesús baru joniya barapomonae. <sup>52</sup> Daxita barapomonae yabuyo siwa wawaya wecoyeichi. Ichitha Jesús barai barapomonae, jeye:

—Jopa pawecoyande, yabuyo apara jopa tupaeyo, maituncua apara, jei Jesús.

<sup>53</sup> Ichitha Jesús jume caponatsi barapomonae. Tsipei barapomonae yaputane xua yatsicaewa apara tupa barapowayo. <sup>54</sup> Nexata Jesús jume daunweya cobe pichiya barai, jeye:

—¡Ja, owae asiya uncuatabare! jei Jesús.

<sup>55</sup> Barapowayo equeicha petupaewa nacosataxuba, caena nainya asiya uncuataba. Jesús itoroba barapomonae xua barapowayo peapatsinexatsi pexaewa. <sup>56</sup> Barapowayo paxa tatsi iru pena tatsi najuntá coyene cabenaecaeya tanebe. Jesús barapomonae tsipaeba xua jopa cui yopichi tsainchi ichamonaetha xua po coyene bapon peexanaexae.

## 9

*Meje yabara poxonae Jesús pijimonae itoroba xua barapomonae peyabara cueicuei-jeinexa jiwitha po coyene xua Nacom waba jiwi xua petanaexanaexatsi pijimonae tatsi*  
(Mt 10.5-15; Mr 6.7-13)

<sup>1</sup> Jesús pijimonae caetuta pomonae xua doce poyobe. Yawa pijimonae cata pia peayapusawa. Matautano catano peitorobi coyenewa xua barapomonae peitaweteibinexa tsane cauri xuano xua peaxaibi exanaenexa tsaiibi tsane jiwi pomonae atene. <sup>2</sup> Jesús itoroba

barapomonaē xua barapomonaē peyabara cueicueijeinexa tsane jiwitha xua po coyene Nacom waba jwiwi xua petanaexanaenexatsi pijimonaē pomonaē itoroba peewatsixae. Matautano itoroba xua barapomonaē peaxaibi exanaenexa tsane jwiwi pomonaē atene. <sup>3</sup>Jesús barai pijimonaē:

—Jopa pacaponaēinde ichawa xua painya necawarapaenexa. Matautano jopa iwabi pacaponaēinde, yawa jopa cote pacaponaēinde. Matautano jopa pacaponaēinde pexaewa, yawa jopa pacaponaēinde paratixi. Saya cae camisa panama xatabare, jopa icha camisan pacaponaēinde. <sup>4</sup>Botha po botha papatsiname, bara po botha painya nepu enaēinde bapoxonaē barapo botha painya nepu warapaeinde. <sup>5</sup>Pomonaē xua ichaxota jopa paca matenta weyataya wabiyo barapo tomara weya pawarapare. Pana taxu wenunbabare tsorobon po tsorobon painya taxutha dubena. Baxua paexande xua barapomonaē peyaputaenexa xua abe exana paxamtha, jei Jesús.

<sup>6</sup>Bara barapomonaē ponarucupa. Matautano barapomonaē pona daxita carepaya peya tomaxitha. Matautano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jwiwi pomonaē atene.

*Meje yabara poxonaē Herodes Juan yabara jume unthuthu deideijeichi pebexubixaetsi bayatha*

(Mt 14.1-12; Mr 6.14-29)

<sup>7</sup>Bapoxonaē Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonaē catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei. <sup>8</sup>Iru ichamonaē namchi: “Bapon apara Elías, pon tsita naituta jiwitha”, jei. Iru ichamonaē namchi: “Apara pomonaē bayatha Nacom peitorobi jume pepaebiwi, barapomonaē jiwana, bapon apara, pon petupaēin equeicha juina”, jei barapomonaē. <sup>9</sup>Ichitha Herodes namchi:

—Bara bayatha ichamonaē cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinaē peitupanaewan exana? jei.

Herodes bichocono beyaitaena, Jesús beyaitaeinchi pon wanaē peexanaein.

*Meje yabara poxonaē Jesús apata pexaewa cinco mil pebiwi*

(Mt 14.13-21; Mr 6.30-44; Jn 6.1-14)

<sup>10</sup>Poxonaē pata pomonaē Jesús itoroba, barapomonaē Jesús tsipaebatsi pocotsiwa xua barapomonaē exana. Jesús tsana baru jopa barapo pijimonaē tatsi xua pin bicheito weya. Ichaxota jwiwi aibi, Jesús bara beya baru pona pijimonaē, Betsaida tomara pecuariya beya baru pona. <sup>11</sup>Ichitha poxonaē barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinaya waba barapo pin bicheito. Matautano Jesús yabara tsipaeba barapo bicheitha po coyene xua Nacom waba jwiwi petanaexanaenexatsi pijimonaē pomonaē itorobiya pecanamataxeinaexae. Matautano Jesús axaibi exana atenemonaē.

<sup>12</sup>Poxonaē imoxoyo tabopiya Jesús barompaya pijimonaē tatsi pomonaē xua doce poyobe, barapoyobe Jesús imoxoyo caquita umenarucupatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomaxitha yawa po bon pipatotha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonaē.

<sup>13</sup>Ichitha Jesús barai pijimonaē:

—Paxam paapare pexaewa, jei Jesús.

Jesús jume notatsi pijimonaē:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonaē nexa, jei.

<sup>14</sup>Barapo bicheito be cinco mil pebiwi. Nexata Jesús pijimonaē barai:

—Pana nantaure xua ichamonaē tsana eeniyaena be cincuenta po matabuxyobe tsiniya, jei.

<sup>15</sup>Bara Jesús pijimonaē tatsi exana pocotsiwa xua Jesús paeba. Bapoxonaē barapo pin bicheito iratha ena. <sup>16</sup>Bapoxonaē Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Poxonaē Jesús epa janaquiya nacobe weta, pijimonaē caitoroba xua pecatsibaponaenexa tsane barapo bicheitha. <sup>17</sup>Bara daxita nabane, yawa bara daxita jain cowuntarucupatsi. Bapoxonaē Jesús pijimonaē tatsi doce po cote matabuxyobe wunba xua bayatha nacopaba pocotsiwa xua bayatha barapo jwiwi jopa xaeyo petonsanaexae.

*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei Pedro*

(Mt 16.13-19; Mr 8.27-29)

<sup>18</sup> Caentacabitha Jesús Nacom tsipaebawiya, meisa pijimonaе baru pona. Bapoxonaе Jesús yainyaba pijimonaе, jeye:

—¿Eta jiwi neyabara jei po coyene xua xan bapon aparan? jei Jesús.

<sup>19</sup> Barapomonaе Jesús jume notatsi, jeye:

—Ichamonaе cayabara, jei: ‘Apara bapon Juan pon jiwi Pebautisabin, pon equeicha petupaеin asu juina’, jei. Iru ichamonaе cayabara, jei: ‘Apara bapon Elías, pon equeicha petupaеin asu juina’, jei. Iru ichamonaе cayabara, jei: ‘Apara bapon jiwana pomonaе Nacom peitorobi jume pepaеbiwi, pon petupaеin equeicha asu juina’, jei, Jesús pijimonaе tatsi.

<sup>20</sup> Nexata Jesús pijimonaе yainyaba, jeye:

—Incane iru paxamdu, ¿eta pana neyabara jumichimdu xua xan eta pondun? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

*Meje yabara poxonaе Jesús nayabara diwesi paeba po coyene xua petupaewa tsane*

(Mt 16.20-28; Mr 8.30–9.1)

<sup>21</sup> Jesús pijimonaе muxu barai, xua pijimonaе jopa peyabara paеbinexatsi ichamonae aetha baxua. <sup>22</sup> Yawa barai pijimonaе po coyene xua hexa ichamonaе Jesús cana exanaeinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonaе pia pentacaponae wi tatsi, iruru pomonaе jiwi pecuidubiwi Moisés pia peitorobi coyenewa tatsi, daxita barapomonaе neitawetsina. Matautano barapomonaе nebexubina. Ichitha equeicha asu poponaеin poxonaе acoibi po matababiyo be tsuxubi tsane, jei Jesús poxonaе nayabara paeba.

<sup>23</sup> Bapoxonaе Jesús barai daxita pijimonaе, jeye:

—Icha pebin ichichipa xua tajiwiwimonaе jiwana pin penaexanaewa tsane bewa bapon yabara naitematsi pocotsiwa xua bapon ichichipa pia peexanaе coyenewan tatsi. Bapoxonaе jame bapon bewa exanaponaе daxita matababi pocotsiwa itoroban bequein bara bapon bexotsi ichamonaе, tajiwiwimonaе jitonxae. <sup>24</sup> Pon naantobeya nata exana pocotsiwa bapon ichichipa, bapon jopa xeinaeyo peajuntayaruswa, po peajuntayaruswa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntayaruswa, po peajuntayaruswa ataya tsiteca xua Nacom pia nacua beicha. <sup>25</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntacoeyeneswa, po peajuntacoeyeneswa ataya tsiteca, bapoxonaе bapon jopa itacupaetsi xua penajuntu coyene capanepaewa xua jopa peweraweracaewa. <sup>26</sup> Icha ichun neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonaе patopaetsicaein be jiwi pia pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús. <sup>27</sup> Bara xaniwaicha paca tsipaebatsi xua pomonaе xote umene abu barapomonaе jopa werapae tsane. Barapomonaе jiwana copiya matha necotsina xua po coyene Nacom waba jiwi xua petanaexanaenexatsi piamonaе pomonaе itorobiya peewatsixae, bapoxonaе barapomonaе werapaena, jei Jesús.

*Meje yabara poxonaе Jesús pijimonaе peitutha pexeinya itupanae coicha tsanaya naexana*

(Mt 17.1-8; Mr 9.2-8)

<sup>28</sup> Poxonaе ocho po matababibe jopa xua poxonaе Jesús barapo diwesi paeba, bapoxonaе Jesús pona demxuwa beicha petsipaеbinexa Nacom. Pedro iru Juan iru Santiago barapo matabaxuyobe baru poinchibe. <sup>29</sup> Poxonaе Jesús cataunxuae Nacom tsipaebauya, bapoxonaе icha itabara tsanaya. Matauta penama xatatsiwano inyapana tsanaya yawa bichocono daedaena tsanaya. <sup>30</sup> Nexata pebinbe yaitupanae be damacu patopabe. Baponbe, iru Jesús, bapoyobe nabaru cueicueijeibe. Ponbe xua Jesús jemeicha tsita patopatsibe, bapon Moisés iru ichun pewun Elías, ponbe xua caena bayatha naxubabe. <sup>31</sup> Baponbe yabara baru cueicueijeibe xua Jesús petupaewa tsane xua peraxa jubinchi ichamonaе Jerusalén tomaratha. <sup>32</sup> Bequein Pedrobaru bichocono itamaipana daichitha nacosatumena. Pedrobaru tane xua Jesús yamatawacaicha pexeinya itupanae be damacu tsuncuaetsi. Matautano Pedrobaru tane ponbe Jesús baru uncua, Moisés iru Elías. <sup>33</sup> Moisés iru Elías, poxonaе baponbe Jesús weya naetababe, bapoxonaе Pedro Jesús barai chichi, jeye:

—Jiwi Necuidubin, maisa wanae xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba. <sup>34</sup>Poxonae Pedro cataunxuae baru cueicueijei Jesús, bapoxonae daxita pexainya bematawacaicha taruneicatsi tsaquinaebowa. Poxonae barapomonae tsaquinaebowa tututha nataerucapa bichocono junuwa. <sup>35</sup>Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

<sup>36</sup>Poxonae Nacom najume weta, Pedrobaru necobarucapa xua Jesús beya compa uncua. Pedrobaru saya moya. Jopa pejumeyo ichamonaetha xua tane.

*Meje yabara poxonae Jesús cauri taitaweta xua pewowin xeina*  
(Mt 17.14-21; Mr 9.14-29)

<sup>37</sup>Baya poxonae Jesús barapo acoibi poyobe pijimonaebe dabe baru dunareca Jesús pin bicheito matenta poinchi. <sup>38</sup>Nexata barapo bicheitha jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin. <sup>39</sup>Taxanto inta waetabatsi cauri, inta papai exanatsi, yawa inta iratha bebaichi. Matauta inta coibo thamthamei exanatsi poxoru matayaibatsi exanatsi. Inta taxanto cui tainchi jopa bepu sorobabeibichi barapo cauri. <sup>40</sup>Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itacapaetsi xua taxanto inta petailawetsiwatsi cauri, jei pewowin paxa tatsi.

<sup>41</sup>Jesús barai pin bicheitha, jeye:

—¡Paxam barapomonae pam pomonae jopa xapain cataunxuae pana nejume cowantsim! ¡Paxam barapomonae pam, peajuntucoyenebe jiwi pam! ¿Eta po weibe nantawenonan xua bewa tapaca baru ecaewa tsainchi xua beya poxonae tapana nejume cowantsiwam tsane? ¿Matautano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—¡Nexanto inta carenande! jei Jesús.

<sup>42</sup>Poxonae pewowin cataunxuae Jesús itiya poinchi, bapoxonae equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxiyan caewa catatsi pexantoxae. <sup>43</sup>Daxita barapo pin bicheito yabara najuntucoyene cabenaeca pocotsiwa pewowin pexeyina coyene taexanatsi Nacom.

*Meje yabara poxonae equeicha Jesús nayabara paeba xua poxonae tupaena*  
(Mt 17.22-23; Mr 9.30-32)

Poxonae awiya cataunxuae yabara najuntucoyene cabenaecompa barapo pin bicheito pocotsiwa Jesús exana, bapoxonae Jesús pijimonaе barai:

<sup>44</sup>—Incane beta pajume taema, yawa jopa pana nejume cayabara juntemainaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

<sup>45</sup>Ichitha Jesús pijimonaе jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

*Meje yabara poxonae Jesús yabara yainyabatsi pijimonaе po coyene xua pon peainya cui peexanaeinchi*

(Mt 18.1-5; Mr 9.33-37)

<sup>46</sup>Nexata Jesús pijimonaе tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichun?” jei. <sup>47</sup>Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuarareca. <sup>48</sup>Nexata Jesús barai pijimonaе:

—Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

*Meje yabara poxonae Jesús barai pijimonaе: “Pon jopa nacata abe exanaeyo, bapon ba apara naca yawena”, jei*

(Mr 9.38-40)

<sup>49</sup>Nexata Juan Jesús baraichi, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan tsipei jopa naca puna poponaeyo, jei Juan.

<sup>50</sup> Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

*Meje yabara poxonae Jesús jume itaweta, Santiago iru Juan jume itawetatsibe*

<sup>51</sup> Poxonae imoxoyo matakabi jopaena, po matakabitha Jesús athabe icha tsane, xua Nacom exanaena, bapoxonae Jesús bichocono awiya nantusuba xua peponaewa tsane Jerusalén tomara beya. <sup>52</sup> Jesús nawanae jume caitoroba pia jitonbe tatsi. Barapo Jesús pia jitonbe tatsi ponabe Samaria nacua beya. Ponabe xua bo tutu pewucaenexa tsanebe po tomara barapo Samaria nacua eca xua Jesús peecaenexa. <sup>53</sup> Ichitha barapo tomarapiwi xua Samaria nacua jinompa, barapomonae aichaxaibi xua Jesús weiweinya pententa wabiwatsi baxota poxoru barapomonae yaputane xua Jesús pona Jerusalén tomara beya. <sup>54</sup> Ichitha Santiago iru Juan poxonae baxua tanebe, ponbe bequein tawucabe bo tutu Jesús nexa, baponbe Jesús baraichi, jeye:

—Patatanecanamataxeinaem, xam ichichipame xua paxan isoto pawucaein po isoto xua itaboco wetsica xua petautsinexatsi barapomonae? jei baponbe.

<sup>55</sup> Nexata Jesús pijimonae napatomeicha necota yawa jume itaweta. <sup>56</sup> Nexata equeicha Jesús pijimonae baru pona icha tsiqui tomariyo beya.

*Meje yabara poxonae Jesús yabara paeba pomonae ichichipa xua pepuna ponaewatsi (Mt 8.19-22)*

<sup>57</sup> Poxonae namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin. <sup>58</sup> Jesús jume nota, jeye:

—Namomonae ba pia muthun xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeyo bo xua tabo xua xota nafinacaecan, jei Jesús.

<sup>59</sup> Jesús barai ichantha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha muthutha xubichi copiya xua bapoxonae tacapuna ponaenexatsi, jei.

<sup>60</sup> Jesús jume nota, jeye:

—Bara copare xua petupaewi muthucaeinchi, pomonae xua be pewerapaewi jopa betanejume cowwntsiwixae, barapomonae muthucaena. Ichitha xam ponare jinya neyabara tsipaebinxaxa jiwitha po coyene xua Nacom waba jwi petanaexanaenexatsi pijimonae pomonae itorobiya pecanamataxeinaexae, jei Jesús.

<sup>61</sup> Nexata ichun Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamona, tabopiwi, jei bapon.

<sup>62</sup> Jesús jume nota:

—Pebinba jopa itacupaetsi xua beta penacuichiwa pabi icha saya napatomeicha necobiya nacuita. Barapocotsi juta coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jwi petanaexanaenexatsi pijimonae pomonae itorobiya pecanamataxeinaexae icha bapon saya cayabara nanta xeina pocotsiwa barapo cae pin nacua the xeina, jei Jesús.

## 10

*Meje yabara poxonae Jesús pijimonae itoroba setenta y dos poyobe pebiwi*

<sup>1</sup> Barapoxonae Jesús pon jwi Pecanamataxeinaexae tatsi, bapon itapeta equeicha icha pijimonae tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena. <sup>2</sup> Jesús barai barapomonae poxonae muxu peitorobi, jeye: “Bara xaniyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonae jota pinmonae aibi. Bara juta ichi barapo cae pin nacua the. Jwi pinmonae jinompa pomonae nantawenona pejume taenexa Nacom pia pexeinya jume diwesi tatsi. Daichitha pomonae Nacom Pejume Diwesi cueicueijeje tsurubenanaebiya icha monaetha barapomonae pinmonae aibi saya tsiquimonaeyo. Daxota Nacom pawucare xua pecaitorobinxaxa tsane ichamonae xua petacamuxu tsipaebinxaxa tsainchi pia pejume

diwesi pomonae barapo cae pin nacuathe pejinompaewi nexa. <sup>3</sup> Paponde ichaxota paca itorobatsi. Paca itorobatsi pia xainya beya pomonae jopa jume cowantsiyo, pomonae itacupatsi xua abe painya nepaca exanaewa icha oveja ichi xua poxonae pona ichaxota neuthu jinompa xua itacupatsi xua abe peexanaewatsi. <sup>4</sup> Jopa pacaponaeinde cote. Yawa paratixi jopa pacaponaeinde. Yawa jopa pacaponaeinde painya nenatxu xatabiwan. Matauta jopa ichamonae namtotha paewatumeyaende xua saya painya netsipaebinxexa. <sup>5</sup> Poxonae bomuxutha pajojoniyaename, barapo bopiwi pajacobare, pajande: ‘Barabu Nacom juntema jinompa paca cana exanaena’, pajande. <sup>6</sup> Icha baxota jinompa pomonae juntema jinompa, baxua Nacom taexanaena xua papaebame. Ichitha icha baxota jinompa pomonae jopa juntema jinompaeyo, baxua Nacom jopa taexanae tsane xua papaebame. Equeicha caewa pacata parenaena xua baxua papaebame. <sup>7</sup> Barapo botha paenare. Paxaema paapareno pocotsiwa barapomonae paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde hontha, saya bara po botha paenare. <sup>8</sup> Poxonae tomaratha papanenebiyam, icha barapomonae paca matenta weyataeya waba, moya paxaema pocotsiwa barapomonae paca apata. <sup>9</sup> Axaibi paexande peatene jiwi, pomonae xua barapo tomaratha ena. Barapomonae pabarande: ‘Anoxuae Nacom waba jiwi xua petanaex-anaenexatsi piamonae tatsi pomonae itorobiya peewatsixae’, pajande. <sup>10-11</sup> Ichitha poxonae icha tomaratha papatsiname icha barapo tomarapiwi jopa paca matenta weyataeya wabiyo, pajande barapomonaetha: ‘¡Po tsorobon panataxu wenunubaban painya tomaratha, apara xua abe paexaname pata xainya berena poxonae pana nejume itawetame! Payaputaema, anoxuae Nacom waba jiwi petanaexanaenexatsi piamonae tatsi pomonae itorobiya peewatsixae ichitha pana nejume itawetame pomonae Nacom pata tana neitorobiwi panxaein’, pajande. <sup>12</sup> Xaniyeya paca tsipaebatsi matakabi patopaena. Barapo matakabitha Nacom yabara paebina jiwi xua penatsicuentisiwa xua petsita exanaexaetsi. Barapo matakabitha jopa juniya bichocono atene tsane pomonae paca jume itaweta. Ichitha nama pomonae barapo tomaratha jinompa pomonae paca jume itaweta jopa juniya atene tsane, beyacaincha poxonae Sodoma tomarapiwi atene”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi (Mt 11.20-24)*

<sup>13</sup> Jesús equeicha pijimonaetha namchi, pomonae setenta y dos poyobe xua ichamonae yabara paebatsi, jeye: “¡Pai jaibo Corazín tomarapiwi tsobenae! ¡Iru Betsaida tomarapiwi tsobenae! Po tsita itatsi coyenewan exanan Corazín tomaratha yawa Betsaida tomaratha ichan jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomaranbeipiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axan, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaenexa tsainchi xua icha juntu coyenein Nacom petsita xeinaewatsi peauraxae xua abe peexanaexae. <sup>14</sup> Poxonae barapo matakabi patopeicaena po matakabitha Nacom yabara paebina daxita jiwi xua petsita natsicuentisixaetsi xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchí. Ichitha nama paxam pomonae Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchí Tiro tomarapiwi iru Sidón tomarapiwi. <sup>15</sup> ¡Incane iru Capernaum tomarapiwi pamdu! ¿Bara pananta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca.

<sup>16</sup> “Pon xua paca jume naitaewata, barapara nejume naitaewataru. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

*Meje yabara poxonae equeicha caibe parenaena Jesús pijimonaetha tatsi pomonae setenta y dos poyobe pebiwi*

<sup>17</sup> Barapo setenta y dos poyobe juntu coyene weiweinaya caibe nawibarena, jeye:

—Patatanecanamataxeinaem, caurimonae pana nejume cowanta xua paitawetan poxonae paca wan wan taibatsi, jei Jesús pijimonaetha tatsi.

<sup>18</sup> Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamuxu ichi poxonae uncueica. <sup>19</sup> Paxam paca catatsi taayapuswa painya netaxunaunabaponaewa tsane jomon yawa putonno, xua jopa painya nepaca capepe-ichinexa. Po peayapuswa paca catatsi bichocono daunwei, beyacaincha painya nepaca



caaitafaetabi jiton, pon cauri pia pentacaponaein pia peayapusuwa tatsi xua xota jiwi abe exanatsi. Jiwi dapomonaē aibi pomonaē abe paca cana exana. <sup>20</sup> Jopa pajuntũ coyene weiweinaeinde xua caurimonaē pia paca jume jejeixae xua dycupa poxonaē paitawetame, saya jame pajuntũ coyene weiweinare xua Nacom painya nepaca wun dubixae pia di-borotha itabocothaicha.

*Meje yabara poxonaē Jesús juntũ coyene weiweina exanatsi Nacom pia Pejumope tũnaxũ tatsi*

(Mt 11.25-27; 13.16-17)

<sup>21</sup> Bara caena bapoxonaē Jesús juntũ coyene weiweina exanatsi Nacom pia Pejumope tũnaxũ tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wunaē cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonaē bichocono penacuidubiwi pomonaē be pinyon penatsicotaewi tsipei nanta xeina xua bichocono peyaputaewi daxita. Jame nama tsita itũtame barapo pexainyei coyenewa xan yabara pomonaetha pomonaē jopa bichocono penacuidubiwi pomonaē be pexui penatsicotaewi tsipei jopa nanta xeinaeyo xua bichocono peyaputaē jiwi daxita. Axa baxua exaname necatsita xanepanaexae baxua”, jei Jesús Paxatha.

<sup>22</sup> Equeicha Jesús pijimonaē barai pomonaē xua setenta y dos poyobe, jeye: “Taxa daxita necata xua pia peitorobi coyenewa tatsi mataũtano xua pia peyaputaē coyenewan tatsi. Dapon aibi pon xaniwaicha nejuntũ cui coyene yaputane. Jame saya meisa Taxa Nacom, nejuntũ cui coyene yaputane. Dapon ajibi pon Taxa juntũ cui coyene yaputainchi ichũn, saya meisa Taxaxae juntũ cui coyene yaputan. Mataũta barichi Taxa meisa juntũ coyene yaputainchi pon saya bara copatan xua bara Taxa pejuntũ cui coyene yaputaewa tsainchi pomonaē ichichipan”, jei Jesús.

<sup>23</sup> Nexata Jesús pijimonaē napatomeicha necota pomonaē xua doce poyobe. Meisa barapomonaebetha barai, jeye: “Juntũ coyene weiweina pomonaē xua tane, pocotsiwan xua pataneme. <sup>24</sup> Poxoru paca tsipaebatsi, xua Nacom pia peitorobi jume pepaebi jiwimonaē irũ nacuan peewatsiwimonaē, pomonaē bayatha napenta barapomonaē bequein betaena pocotsiwa pataneme ichitha jopa taeyo. Mataũta barapomonaē bequein bejume taena pocotsiwa pajume taneme ichitha jopa jume taeyo”, jei Jesús.

*Meje yabara poxonaē Jesús yabara paeba Samaria nacuapin, pon wunaē exana*

<sup>25</sup> Nexata irũnũ pon jiwi pecuidubin Moisés pia peitorobi coyene tatsi, barapon Jesús piraichi juntũ coyene jujatsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajuntũyapusũya tapopon-aewa tsane xua ataya tsane? jei.

<sup>26</sup> Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

<sup>27</sup> Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejuntũ coyene wetsina, mataũtano xua daxita jinya nepoponaē coyenewatha, mataũtano xua nanta xeiname, daxita xua nenanta xeinaewatha nentasiopatha, mataũtano daxita xua nedaunwei coyenewatham, mataũtano antobeinde necatsicuarabũ ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

<sup>28</sup> Nexata Jesús jume nota, jeye:

—Bara beta nejume notame. Icha baraxua exanaename peajuntũyapusũwa xeinaename po peajuntũyapusũwa xua ataya tsiteca, jei Jesús.

<sup>29</sup> Ichitha pon jiwi pecuidubin Moisés pia peitorobi coyene tatsi, barapon awiwi nanta xeina nawita, pia jiwi nanta xeinaetsi xua bapon xeina pexeinya peyainyabiwa. Bapon Jesús yainyabatsi, jeye:

—¿Jintam barũ pomonaē tanetsicuarabũ enaewi? jei.

<sup>30</sup> Nexata Jesús jume nota, jeye:

—Irũnũ pebin Jericó tomara bereca pona, Jerusalén tomara namtotha weya pona. Poxonaē awiwi namtotha ecapona jemeicha waetabatsi pomonaē jiwi pecaibiwi. Barapon daxita wecobe notatsi xua pocotsiwa xeina, yawa butsi. Barapomonaē aichurubenaē, tsica cuiyotha copatabatsi. <sup>31</sup> Bapoxonaē irũ sacerdotemonaepin barapo namto ecapona. Poxonaē barapon yasusũnya taebotatsi sacerdotemonaepin tajũ matawacaicha toquetaba. <sup>32</sup> Irũ levimonaepin baxoyo ecapona, bapon irũ tajũ matawacaicha toquetaba poxonaē yasusũnya taebota. <sup>33</sup> Ichitha Samaria nacuapin baxoyo irũ ecapona poxonaē yasusũnya taebota, yabara najuntũ coyene xeinanareca peyawenaenexa. <sup>34</sup> Nexata Samaria nacuapin

imoxoyo caquita uncuataba pon yasusainya boca. Bapon wan yawabecapona penasi-watha vino merathano. Bapoxonae paparuwatha wan yarabecapona. Bapoxonae bur-rotha cuaretsica piyantha. Вомѣхъ beya capona ichaxota jiwi maiteibathopa. Baxota xanepanaeya bota. <sup>35</sup> Bapoxonae baya poxonae juntucuru Samaria nacuapin ponaenaba, pita ainya paratixi. Bapoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

<sup>36</sup> Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wnae exana xua peantobexaetsi pon waetabatsi pomonae jiwi pecaibiwi, yawa xua butsin?” jei Jesús.

<sup>37</sup> Pon jiwi pecuidubin Moisés pia peitorobi coyene tatsi, bapon Jesús jume notatsi, jeye: —Pon xua yabara najuntu coyene xeinanareca xua peyawenaenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

*Meje yabara poxonae Jesús, Marta yawa María siwa poinchibe*

<sup>38</sup> Jesús pijimonae cataunxuae baru ecapona namtotha Jericó tomara beya baru pona. Pijimonae baru patopa tsica tomariyotha ichaxota petsiriwa popona powa pewun Marta. Barapowa Jesús matenta weyataeya wabatsi pia botha. <sup>39</sup> Marta peyapiyo nantaata powa pewun María. Barapowa María Jesús caquita ecatsi xua Jesús pejume taenexatsi pocotsiwa paeba. <sup>40</sup> Ichitha Marta enatsi pia penacuichiwa xua Jesús tsixanatsi pexaewa xuano xua pijimonae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bu neyawena, jei Marta.

<sup>41</sup> Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa.

<sup>42</sup> Saya cae coyene ainya cui xua xam nantawenoname pocotsiwa xua María exana xua barompaya itapeta xua wnae exana poxonae nejume tayeca. Jiton dapocotsin aibi xua pon María juntu coyene weaichurubenae exainchi xua nejume tayeca, jei Jesús.

## 11

*Meje yabara poxonae Jesús pijimonae yabara cuiduba xua Nacomtha petsipaebiwa (Mt 6.9-15; 7.7-11)*

<sup>1</sup> Caentacabi Jesús tsipaebauya Nacom ichawatha. Jesús najume weta, bapoxonae pijimonae tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimonae cuiduba, jei bapon.

<sup>2</sup> Jesús barai barapomonae, jeye:

—Poxonae Nacom patsipaebame, pajande:

‘Pata Taxam xam ponxaem peitabocotha athabeicha neecaein.

Barabu daxita jiwi cabaru cui itura jina

nejuntu coyene wanaewa nexainaexae.

Barabu jopaena matabi po matabi xua

poxonae xam jiwi itorobiya canamataxeinaename

barapo cae pin nacuathe.

<sup>3</sup> Daxita matabin pexaewa pana catsibeibare po

pexaewa daxita matabi pata canantawenonaewa.

<sup>4</sup> Pana neyabara cui cana juntemainare

xua abe pata catsita exanaewatsi.

Bapoxonae pana neyabara cui cana exanare xua

jopa equeicha pata catsita natsicuentisiwatsi

tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan

xua ichamonae jopa pana netsita natsicuentisiyo

xua abe pata tanetsita exanaewa.

Jopa pana copatsinde xua abe pata exanaewa

tsane poxonae jiwi pana nejuntu coyene

jujuta xua abe pata exanaewa tsane’,

pajande poxonae Nacomtha patsipaebame, jei Jesús.

<sup>5-6</sup> Equeicha Jesús barai, jeye:

—Metha beya tsipae xua caein paxam jiwana bapon nantauta pon peyaputaeinchi. Bapon pia peyaputaeinchi beya pona papaetha. Pia peyaputaeinchi barai: “Tamo, cacow-aetatsi acoibi po panbe, yaitama icha taneyaputaein patopa pon anoxuae warapa tabo berena. Jopa xeinaeinyo xua taapatsiwa bapon’, jei pebin. <sup>7</sup> Metha pon bomuxu tututha boca bapon jume notsipa, jei tsipae: ‘Jopa nejume fayacotsinde bomuxu boupa daunwei, tapexui baru maituncuan camatha. Jopa benontaponaeinyo xua pan tacacatsiwa tsane’, jei tsipae pon bomuxu tututha boca. <sup>8</sup> Paca tsipaebatsi bequein bapon bomuxutha jopa benontaponaeoyo, bequein bara pia peyaputaeinchi, daichitha cata poxoru jume fayacotsi pia peyaputaeinchi. Matautano cata daxita xua pia peyaputaeinchi nantawenona. <sup>9</sup> Daxota paca tsipaebatsi. Matowa pawucare Nacom, bapoxonae paca catsibina pocotsiwa xua pawucame. Baraxua matowa paexande icha paichim poxonae matowa pajeiteibame beya poxonae pataebame, yawa icha paichim poxonae matowa pawawam bomuxutha beya poxonae ichun paca jume nota. <sup>10</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai bara tacoibo sarana xorenatsi yawa jume notatsino.

<sup>11-12</sup> “Paxam pomonae pexui paxeiname paca yainyabatsi. Poxonae painya pexui paca wuca duwei, ¿painya pexui pacatsipame jomo? Jume. Ichacuitha tsipae poxonae painya pexui paca wuca petobu, ¿painya pexui pacatsipame puo? Jume, jopa baxua paraichim tsane. <sup>13</sup> Bara bequein peajuntucoyenebe jiwu pam, ichitha paxam payaputaneme xua pewunaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumope tunaxu tatsi poxonae pawucame. Nacom paca cata beyacaincha poxonae painya pexui pacatsibeibame poxonae paca wuqueiba”, jei Jesús.

*Meje yabara poxonae Jesús baraichi xua pinae xeina Beelzebú pia peyapusu itorobi coyenewa tatsi*

(Mt 12.22-30; Mr 3.20-27)

<sup>14</sup> Iruru Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najuntu coyene cabenaeca poxonae baxua tane. <sup>15</sup> Ichitha ichamonae namchi: “Bapon caurimonae itawetatsi apara pexeinaexae Beelzebú pia peyapusu itorobi coyenewa tatsi pon caurimonae pia pentacaponaein tatsi”, jei barapomonae.

<sup>16</sup> Ichamonae Jesús wucatsi: “Pana netsita iture peitupanaewa xua peitaboco wetsica jopeicaena”, jei. Barapomonae baxua paeba poxoru ichichipa xua Jesús tsita itutsina, pia yaputaetsi icha barapon pon yatsicaewa Nacom itoroba. <sup>17</sup> Ichitha Jesús yaputane xua barapomonae nanta xeina. Jesús barai:

“Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenaecaeyo. <sup>18</sup> Barichi icha Satanás pijimonae tatsi nawepu tsatajopabe matautano xua nababe bapoxonae jopa xaexaenaecaeyo. Satanás jopa itacupaetsi xua itoroba pijimonae tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peyapusu itorobi coyenewa tatsi pexeinaexae pon cauri pia pentacaponaein tatsi’, pana neyabara jam. <sup>19</sup> Icha Beelzebú pia peyapusu itorobi coyenewa tatsi cauri itawetan pon cauri pia pentacaponaein tatsi, ¿nexata eta po peyapusu itorobi coyenewa tatsi painyamonaecauri itaweta? ¿Iruru barapomonae cauri itawetatsi Beelzebú pia peyapusu itorobi coyenewa tatsi? Daxota painyamonaecauri itawetatsi Beelzebú pia peyapusu itorobi coyenewa tatsi? <sup>20</sup> Ichitha nama xan cauri itawetan Nacom pia Pejumope tunaxu tatsi pia peyapusu itorobi coyenewatha tatsi xua barapo pia pejumope tunaxu tatsi tanecatsixae. Baxua apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

<sup>21</sup> “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi. <sup>22</sup> Ichitha icha ichun patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomuxu pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

<sup>23</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowantsiwa tsane. Barapomonae jopa neyawenaeyo xua ichamonae nenacuetutsina tajiwiwonaexae tsane”, jei Jesús.

*Meje yabara poxonae Jesús yabara paeba cauri xua caewa nauyata pebintha*  
(Mt 12.43-45)

<sup>24</sup> Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. <sup>25</sup> Poxonae caibeya pona cauri caxina, pebin caxinatsi xua xanepanaya popona. <sup>26</sup> Nexata equeicha cauri pona pebin weya. Pirapayo bapon baru patopa siete poyobe cauri pomonae bichocono abe, beyacaincha bapon pon copiya. Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

*Meje yabara poxonae Jesús yabara paeba po coyene pepa pejuntũ coyene weiweinaewa*

<sup>27</sup> Poxonae Jesús cataunxuae cueicueijeji tsuncuae barapo diwesi, baxota pin bicheitho tha petsiriwa jume daunwei wawai Jesustha, jeye:

—jMaisa ena juntũ coyene weiweina powayo xua bayatha caexana yawa xua mito caapatano! jei petsiriwa.

<sup>28</sup> Ichitha Jesús barai petsiriwa, jeye:

—jBequein barichi, jame yatsicaewa juntũ coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

*Meje yabara poxonae pomonae peajuntũcoyenebe jiwi Jesús cui itorobatsi xua peexanaewa tsane pexeinya petsita itũtsi coyenewa*

(Mt 12.38-42; Mr 8.12)

<sup>29</sup> Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajuntũcoyenebe jiwi. Barapomonae necui itoroba xua bepa pinae tsita exanaein tatsita itũtsi coyenewa xua pexeinya coyenewa. Ichitha jopa exanaein tsane icha tatsita itũtsi coyenewa xua pexeinya coyenewa, saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. <sup>30</sup> Caena bayatha Nínive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonae anoxuae jinompa barapomonae neyaputane po coyene xua xan Nacom neitorobica peitaboco wetsica. <sup>31</sup> Matababi patopeicaena po matababitha Nacom yabara paebina jiwi xua penatsicuentisiwa daxita peperaxa exanaenexa xua abe peexanaexae. Barapo mataqueitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueijeji tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajuntũcoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina poxoru bapowa bayatha taju werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara. <sup>32</sup> Barichi barapo matababitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha juntũ coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntũ coyene paxeinaem. Nama apara xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha”, jei Jesús.

*Meje yabara poxonae Jesús yabara cuiduba jiwi po coyene xanepanaya peexanaewa pejuntũ coyene wetsina*

(Mt 5.15; 6.22-23)

<sup>33</sup> Jesús namchi jiwitha jeye: “Jiton dapon aibi pon pecoicha cueicha exana xua quirei pebuxu pana wetsina, yawa xua cueicha matacateta cajatha. Jume, jame, asiya cueicha exanatsi xua pecoicha taenexa pomonae jojoneibarena. <sup>34</sup>Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wuna beta pataneme. Ichitha icha painya itacuereton abe jopa beta pataetsipaem. Barichiru painya juntu coyenewan xua painya nenanta xeinaewan. Icha painya juntu coyenewan xanepanaetsipa bara beta Nacom payabara najuntu coyene xeinaetsipame. Ichitha icha painya juntu coyenewan jopa xanepanaetsipae jopa beta Nacom payabara najuntu coyene xeinaetsipaem. <sup>35</sup>Painya juntu coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapechipame. Barichi pam, painya xoba pajinompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame. <sup>36</sup>Icha painya juntu coyene wuna, xuano xua jopa paxeinaem peabe coyenewa painya juntu coyenewa, bara xaniwaicha Nacom payabara yaputaneme icha poxonae pecoicha paca cana ichi xua beta pataneme”, jei Jesús.

*Meje yabara poxonae Jesús muxuweta jiwi fariseomonae iru pomonae jiwi pecuidubiwi Moisés pia peitorobi coyene tatsi barapomonae pecuyainwa tatsi (Mt 23.1-36; Mr 12.38-40; Lc 20.45-47)*

<sup>37</sup> Poxonae Jesús najume weta, fariseomonae jiwanapin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha. <sup>38</sup> Fariseomonae najuntu coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonae xane icha judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha natsicuentisipa. <sup>39</sup>Nexata Jesús pon Pecanamataxeinaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperu iquicame. Daichitha bupana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam, pocotsimonae coroton saya matawacaicha iquica yawa paratonno, ichitha atutuxuira bichocono. <sup>40</sup>Jopa peyaputae jiwi pam. Nacom exana wapepon yawa exana wajuntu coyenewa. ¡Baxua payaputane-meba! <sup>41</sup>Xua xoxi paxeineibame matha abu copiya pajiwana tsabeibare pomonae peacopeibiwi nexa. Bapoxonae xua xoxi nacopabeiba baxua panata copabeibare. Icha bara paichim tsane, bara xaniwaicha pajuntu coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitutha xua be panatsicotaneme pocotsi pebin pejuntu coyene wunaein.

<sup>42</sup>Equeicha Jesús namchi, jeye: “¡Paxam fariseomonaepiwi pam tsobenae, xua peperaxa peru jubwi bexa paxinaename! Daxita xua painya neubiwa Nacom pacatsibeibame caewaxi poxonae diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Matauta ichamonae jopa xapain pata exanaem. Bewa paexanaem xua Nacom pacatsibeibame caewaxi poxonae diez xoyobe paxiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

<sup>43</sup>Bapoxonae Jesús fariseomonae baraichi, jeye: “¡Paxam fariseomonaepiwi pam tsobenae! Bexa paxinaename xua peperaxa peru jubwi. Paxam paichichipeibame xua painya nenanta caenebiwa pexeinya peenaewantha judiomonae pia penacetutsi botha po peenaewan ichaxota enathopeiba pomonae ainya cui penaexanaewi. Matautano paichichipeibame xua jiwi paca wuna jainteiba poxonae paca jacobana namtotha, xua jiwi painya nepaca baru itura jinaenexa”, jei Jesús.

<sup>44</sup>Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobenae! ¡Iru fariseomonae pam tsobenae! Poxonae jiton ba pona namtotha jopa tsaqueinaeyo xua jiton piwa baxoyo bocareca muthu deca, xua peayeiwa poxoru jopa wunaeyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya juntu coyenetha pananta xeiname xua abe xua jopa pecu wunaewiyo”, jei Jesús.

<sup>45</sup>Nexata pomonae jiwi pecuidubiwi Moisés pia peitorobi coyene tatsi, barapomonae jiwana caein bapon Jesús baraichi, jeye:

—Jiwi Necuidubin, poxonae baxua paebame, apara iru pana neyabara jam poxonae catsawiya paebame, jei.

<sup>46</sup>Nexata Jesús jume nota, jeye:

—iɾu paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamonaē paitorobame xua capona pocotsiwa arewe pocotsiwa jiwi bapana jopa itacupaetsi xua pecaponaewa, ichitha paxam jopa pata yoichaem, matauta bara cae cobe-sitiyotha jopa pata yoichaem. Jiton ba itoroba ichantha xua pecaponaenexa pocotsiwa jopa juniya arewiyō, xua pocotsiwa jopa itacupaetsi xua pecaponaewa pon itoroba. Bara paichim paxam ichamonaē pacuidubame xua jopa itacupaetsi xua peexanaenexa baxuan xua pocotsiwa iɾu xua jopa paca itacupaeyo xua painya neexanaewa baxuan.

<sup>47</sup> “iPaxam patsobenaem! Paxam petupaewi pomonaē Nacom peitorobi jume pepae-biwi payamuthu acabame boutixi bequein painya amo susato jiwi juteba barapomonaē.<sup>48</sup> Poxonaē baxua paexaname, ichamonaē patsita itapeinya xeiname xua paxam bara iɾu paichichipameru pocotsiwa xua painya amo susato jiwi juteba xua barapomonaē pomonaē Nacom peitorobi jume pepaebiwi jutebatsi. Daxota barapo petupaewi payamuthu acabame boutixi.

<sup>49</sup> “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi iɾu pomonaē taitorobiwi. Ichamonaē pomonaē taitorobi jume pepaebiwi jutebinchi. Ichamonaē pomonaē taitorobi jume pepaebiwi abe exanaeinchi. Ichamonaē, pomonaē taitorobiwi jutebinchi. Ichamonaē, pomonaē taitorobiwi abe exanaeinchi’, jei Jesús. <sup>50</sup> Equeicha Jesús namchi, jeye: “Pomonaē anoxuae jinompa Nacom cana exanaena xua barapomonaē peraxa jubebinchi petsitax-aetsi xua barapomonaē penatsicuentaſiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonaē Nacom aena forota barapo cae pin nacue. <sup>51</sup> Painya amo susato jiwi jujutebapona xua pomonaē pejuntu coyene xeicae jiwi jutebatsi. Copiya matha Abel hexotsi beya poxonaē iɾu Zacarias bexotsiɾu. Barapon Zacarias pabexubame Nacom pin pia botha ichaxota xua barapo bo tututha naitama taecuabe xua be pexaethopaewa xua ichaxota duwei tauteiba Nacom nexa iɾu ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonaē anoxuae pajinompage paca peraxa jubebina tsipei Nacom patsitame xua paxename penatsicuentaſiwa xua painya amo susato jiwi pejutebixae barapomonaē”, jei Jesús.

<sup>52</sup> Equeicha Jesús namchi, jeye: “iPaxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyo. Paxam jopa pajume cowantsim Nacom matauta jopa pacopatsim xua ichamonaē iɾu pejume cowantsiwa Nacom”, jei Jesús.

<sup>53</sup> Poxonaē Jesús baxua paeba poxonaē cataunxuae jopa natsixatabiyo, fariseomonaē iɾu pomonaē jiwi pecuidubiwi Moisés pia peitorobi coyene, daxita barapomonaē Jesús bichocono casebatsi. Barapomonaē Jesús muxu fayacotatsi xua yainyabatsi nawita, peamuxuconae exanaenexa tsainchi. <sup>54</sup> Barapomonaē Jesús piraichi matowa yainyabatsi peyaputaenexa icha Jesús ajumbeya jume bara botsina.

## 12

*Meje yabara poxonaē Jesús yabara cueicueijeji jiwitha xua fariseomonaē itara beta paeba ichitha jopa xapain exanaeyo*

<sup>1</sup> Poxonaē cataunxuae Jesús cueicueijeji tsuncuae, bapoxonaē ayei jiwi nacaetutapona Jesutha. Jiwi nataxu taxunaunaba. Jesús tamropata pitaba xua cueicueijeji jiwitha. Copiya matha Jesús pijimonaē tsipaeba, jeye: “Dota pam jopa pajume naitaewatsinde fariseomonaē pia pecuidubi coyenewa tatsi xua painya nejume cowantsiyainwa. Barapomonaē itara beta paeba ichitha jopa xapain exanaeyo. <sup>2</sup> Daxita diwesi xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonaē bexa yaputaeponaena baxua. <sup>3</sup> Paxam xua po diwesi merawi nameicha pana natsipaebame, barapo diwesi ichamonaē mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonaē panatha paca jume canawabiya wawai tsane”, jei Jesús.

*Meje yabara poxonaē Jesús yabara paeba xua pontha bewa ba jiwi cuitaya cunuwina (Mt 10.26-31)*

<sup>4</sup> Equeicha Jesús pijimonaē barai, jeye: “Tamonaē paxam paca tsipaebatsi jopa pacuitaya cunuwinda pomonaē xua itacupatsi xua paca necajutebiwa xua meisa painya pepontha. Ichitha barapomonaē jopa itacupaetsi xua equeicha paca jumopein tɾnaxu jutebina. <sup>5</sup> Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacupatsi xua painya nepaca bebaiwa pin isototha po pin

isothotha jopa bapana itacounayiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

<sup>6</sup>“Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara juntemainaeyo siri, mataatano caeyono jopa yabara juntemainaeyo. <sup>7</sup> Iru daxita painya nentanan Nacom daxita matapaicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamona peitabaratha tatsi*

(Mt 10.32-33; 12.32; 10.19-20)

<sup>8</sup> Equeicha Jesús namchi pijimonaetha, jeye: “Yabara paca tsipaebatsi pomonae xua nayopita ichamonaetha, pomonae xua najei: ‘Apara paxan Jesús pijimonaetha tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonae apara tana nejume cowantsiwi, jan tsane xuya barapo Nacom pia matatsunpiwi tatsi peitabaratha tatsi. <sup>9</sup> Ichitha pomonae xua neyabara jei ichamonaetha: ‘Jopa dapon payaitaeyno’, jei, xan ponxaein Nacom Tananeitapetsin xuya barapomonae yabara jan tsane Nacom pia matatsunpiwi peitabaratha tatsi: ‘Apara barapomonae jopa yaitaeyno’, jan tsane.

<sup>10</sup> “Xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara juntemainaewatsi pocotsiwa bapon abe neyabara paeba. Ichitha pon nama Nacom pia Pejumope tñaxu tatsi bichocono abe yabara paebatsi Nacom jopa bapana yabara juntemainae bapon.

<sup>11</sup> “Paca caponaena judiomonae pia penacaetutsi bontha ichaxota nacaetuteiba pentacaponaeawi. Paca caponaena pomonaetha pomonae peyabara paebi jiwi xua penatsicuentsiwa xua abe peexanaexae yawa tomara pia pentacaponaeawi peitabaratha tatsi paca caponaena. Poxonae baxua paca exanaena, jopa payabara najuntũ coyene exabinde pocotsiwa xua painya nejume notsiwa xuano xua painya netsipaebiwa tsane barapomonae. <sup>12</sup> Poxonae juntucuru pacaunutsiya paebiname, bapoxonae Nacom pia Pejumope tñaxu tatsi paca tsijume dubina pocotsiwa painya netsipaebiwa tsane”, jei Jesús.

*Meje yabara poxonae Jesús pijimonaetha yabara tsipaeba pon copei pexeinaein*

<sup>13</sup> Caenin pin bicheitho, bapon Jesús baraichi, jeye:

—Jiwi Necuidubim, taeweicho inta itorobare bu necata xua tawa xua taxa pecopiniwa xua xuan taxa bayatha pana nejuntana jeba, jei.

<sup>14</sup> Jesús jume epa pita, jei:

—Maisacai, apara dapon aibi pon necana exana xua xan tapaca yabara paebiwatsi xua painya nenatsicuentsiwa xua abe painya neexanaexae. Mataatano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca juntana jebeiba painya axa, jei Jesús.

<sup>15</sup> Yawa Jesús namchi, jeye:

—Dota xua asiwiya paantobem xua xoxi paxename. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

<sup>16</sup> Nexata Jesús tsipaeba jiwitha pecayabara jata pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita. <sup>17</sup> Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei. <sup>18</sup> Pia coutha najume nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan. <sup>19</sup> Nexata najuntũ coyene baran tsane: Bara daxita xeiname ainya wei dapaenin nexa. Naffinacaeare, xaibare, apeibareno, juntũ coyene weiweineibare’, najei xua najuntũ coyene barai pon copei pexeinaein. <sup>20</sup> Ichitha pon copei pexeinaein Nacom barai bapon, jeye: ‘Pebin pon jopa xapain nenanta xeinaem, methaunxae anoxuae merawi tãpaename. Daxita baxuan xua yabo notame, ¿jintam metha piawa tsane?’ jei Nacom. <sup>21</sup> Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejuntũ coyene tatsi tsocuae xua Nacom jopa pejume cowantsixaetsi”, jei Jesús.

*Meje yabara poxonae Jesús yabara cuiduba po coyene xua Nacom eena pijimonaetha*

(Mt 6.25-34)

<sup>22</sup> Bapoxonae Jesús pijimonaetha tsipaeba, jeye: “Paca tsipaebatsi, jopa bichocono payabara najuntũ coyene exabinde pexaewa xua painya neuna jinompawea tsane. Barichi jopa bichocono payabara najuntũ coyene exabinde papabaru xua painya pepon nexa. <sup>23</sup> Pocotsi

asu pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui iru, beyacaincha papaburu xua pepon nexa. <sup>24</sup> Uni payabara yaputaema. Bapomonaе jopa ubiyo pabitha. Matautano jopa jotsiyo pocotsiwa penawetsiwa. Jopa xeinaeyo ботыхун xua pejebinexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi. <sup>25</sup> Dapon aibi pon paxam jiwana pon itacupatsi xua xeinaena icha matabi xua po matabitha pepoponaewa tsane poxonae tupaena. Bequein bapon nayabara nantu exaba nawita baxua, ichitha jopa itacupaetsi xua xeinaena caentacabi equeicha. <sup>26</sup> Icha jopa paca itacupaeyo xua paexaname xua be conotha xua caentacabi nexa, zeta xua metha equeicha yabara panantu exabame ichawan xua daunwei bichocono?

<sup>27</sup> “Jame pacayabara nanta xeinare pentonon xua xuwa, xua matono itupana. Pentonon jopa nacuichiyo yawa jopa natsixanaeyo papaburu penamaxatabinexa. Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonaе itorobiya pia pepa peewatsinchi pon bayatha tupa. <sup>28</sup> Pentonon, po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wnae bara bequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae be conotha pajume cowantame Nacom! <sup>29</sup> Jopa payabara najantu coyene exabinde pexaewa xuano xua painya neapawan yabara. Jopa panthuthu deideijeya jinompaeyo xua ichawa pacayabara nanta xeiname. <sup>30</sup> Tsipei barapo cae pin nacuathe jiwu, saya i baxua pecayabara najantu coyene exabi pocotsiwa nantawenona. Ichitha nama paxam painya Axa Nacom panantautame pon yaputane daxita pocotsiwa xua xoxi panantawenoname. <sup>31</sup> Meisa saya bichocono pacayabara nanta xeinare xua painya neexanaewa xua Nacom ichichipa waba jiwu xua jiwu wabatsi xua petanaexanaenexatsi pijimonaе pomonaе itorobiya pecanamataxeinaexae. Icha baxua paexaname nexata Nacom paca catsibina xua daxita pocotsiwa panantawenoname”, jei Jesús.

*Meje yabara poxonae Jesús yabara cuiduba xua pocotsiwa Nacom jiwu pejuntana jebiwatsi pia nacuatheicha*

(Mt 6.19-21)

<sup>32</sup> Equeicha Jesús namchi, jeye: “Tamonae pomonaе be ovejamonae pam, painya nejunuwu jiwu pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimonaе tatsi jiwana pam pomonaе pejume cowantsiwichi pomonaе itorobiya pecanamataxeinaexae. <sup>33</sup> Pacaenaere xua paxei name. Barapo paratixi pomonaе acopeibiwi pacatsibare. Poxonae baxua paexaname, bapoxonae xuya Nacom athabeicha paca catsibina pocotsiwa xua painya nepaca juntana jebiwatsi pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Matautano ofo jopa xaeyo pocotsiwa xua pajebame bara xoteicha. <sup>34</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

*Meje yabara poxonae Jesús yabara paeba xua pinae bewa nacui wunaetichi*

<sup>35-36</sup> Equeicha Jesús namchi, jeye: “Pana najantu coyene cui wunaere xua tapatopaewa tsane. Barapocotsi juta coyeneya paichinde, icha pomonaе petanacuichiwi ichi xua nacui wunaeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwu nacaetuta xua pexaenexa pexaewa poxonae pebin piowa pita. Bapon nawirena bara werena, pomonaе pia petanacuichiwichixaetsi nainya tayausaranaxorenatsi pecoiboto poxonae bapon patopa pia botha. Barapocotsi juta coyeneya paichinde. Paxam panacui wunaetsiya jinompare xua tapatopeicaewa tsane. <sup>37</sup> Poxonae bo pexeinaein patopa icha bapon tane xua pomonaе pia petanacuichiwichixaetsi jopa maichiyo bapoxonae barapomonaе juntu coyene weiweina. Bara xaniwaicha paca tsipaebatsi bapon pon bo pexeinaein xua pia petanacuichiwichi cuareba pexaethopaewatha, bapoxonae apatsina pexaewa. <sup>38</sup> Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei wunaeyo, ichitha barapomonaе pomonaе petanacuichiwi juntu coyene weiweinaetsi paxonae bo pexeinaein tane xua jopa maichiyo barapomonaе. <sup>39</sup> Barichi payaputaema, icha bo pexeinaein yaputaetsi xua poxonae patopaena pon jiwu pecaibin jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>40</sup> Bara paichinde.



Tawanaetha pana nacui wanaere tsipei xan ponxaein Nacom Tananeitapetsin patopeicaein poxonaе jopa tsaca payabara jinompaem tsane poxonaе jopa payabara nanta xeinaem tsane xua tapatopaewa tsane”, jei Jesús

*Meje yabara poxonaе Jesús yabara diwesi paeba ponbe xua bo peyapucaeaeinbe pon xua beta peexanaein, iru xua pon jopa beta peexanaein*  
(Mt 24.45-51)

<sup>41</sup> Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara juta pepaebi diwesiyo, ¿saya meisa paxan nexa? ¿Iru ichamonae nexano? jei Pedro.

<sup>42</sup> Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha pepatopaewa tsane yabara, jeye: “Yabara catsipaebatsi pon matacapopona pomonaе bo pexeinaein tanacuitatsi. Barapon xanepanaya yaputaeya matacapopona. Poxonaе bo pexeinaein wepu warapa barapomonaе, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matacabi pomonaе xua inta nacuita’, jei bo pexeinaein. <sup>43</sup> Pon bo petayapucaeaein bara juntu coyene weiweinaena poxonaе patopaena pon bo pexeinaein, petaxe-aetsi xua bara beta tayapucaeа bo, xuano bara beta peexanaexae xua bo pexeinaein itoroba. <sup>44</sup> Xaniwaicha paca tsipaebatsi. Bo pexeinaein itorobina, xua pon petayapucaeaeaxaetsi bo, bapon cana exanaeinchi xua equeicha daxita piawa beta petayapu enaewatsi xua xuan xeina pon bo pexeinaein. <sup>45-46</sup> Ichitha ichacuiitha pon yapucaea bo bapon peantacuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonaе bapon cueinta pomonaе pon bo pexeinaein tanacuitatsi, pebiwi yawa petsiriwaxi. Matautano bapon nanabanaetsipa nawita ichamonae yawa cupatsi nanaexanaetsipano. Bapoxonaе bo pexeinaein jemeicha patopaena poxonaе pon bo petayapucaeaein jopa wnae tsaqueinaeyo. Poxonaе barapo hora tsuxubi jopa yaputaeyo yawa poxonaе barapo matacabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaeaein icha cana ichichi pomonaе jopa pejume cowantsiwi.

<sup>47</sup> “Pon bo yapucaea, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa jubinchi xua jopa peexanaexae pocotsiwa itorobatsi. <sup>48</sup> Ichitha ichuñ pon bo yapucaea jopa cono yaputaeyo pocotsiwa bo pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be conotha, tsipei abe exana be conotha. Pon ba be conotha Nacom yabara yaputaeinchi, Nacom bapontha cana exanaena xua ichawa peyabara yaputaewa tsane beya poxonaе bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonaе Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixae*  
(Mt 10.34-36)

<sup>49</sup> Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopaewaxae jiwi atene tsane icha be ichi poxonaе barapo jiwi tautatsi isototha. ¡Maisa metha bayatha bena baxua exanocuaein barapo isoto! <sup>50</sup> Xan barichin tsane daxita matapaеicha aperaxatanein tsane poxonaе tupaеin. Awiya bichocono anthuthurewein xua beya baxua inta exanaena. <sup>51</sup> ¿Pananta xeiname xua xan apara patopan xua jiwi juntema pejinompaewa tsane? Apara aibi, jopa baxua tsipatopaeinyo. Apara jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane. <sup>52</sup> Anoxua, yawa bexa tsane cinco poyobe cae matabuxayo xua bomuxutha jinompa barapomonaе nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabuxayobe naita aenae-aenei tsanebe. Baxua exanaena xua ichamonae tana nejume cowantsi jiwixae xua iru ichamonae jopa tana nejume cowantsixae. <sup>53</sup> Coxiyán pexanto ita aenae-aenei tsane. Coxiyán xuya pexanto ita aenae-aenei tsainchi. Coxíwa pexantiyo ita aenae-aenei tsane. Coxíwa xuya pexantiyo ita aenae-aenei tsainchi. Iruñ pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

*Meje yabara poxonae Jesús diwesi paeba xua jiwi itaboco tane peitaboco yaputaenexa (Mt 16.1-4; Mr 8.11-13)*

<sup>54</sup> Yawa Jesús barai jiwitha, jeye: “Poxonae tsaquinaebowa pataneme xua pocotsiwe wejopeine: ‘Ema dawa jopeina’, pajam. Jopa jume bara duneica. <sup>55</sup> Poxonae joibo jopa: ‘Wei imoxoyo’, pajam. Jopa jume bara coicha jopa. <sup>56</sup> Itara mexeya pexeinya juntu coyene paxename ichitha peajuntucoyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matakabi. Ichitha jopa payabara yaputaem xua bequein peitupanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

*Meje yabara poxonae Jesús paeba xua ichun juntu cui xanepanaya jntema popona cana exana xua pon peaitafaetabixaetsi (Mt 5.25-26)*

<sup>57</sup> Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha wanae painya neexanaewa? <sup>58</sup> Icha ichun bepaca itoroba paca necaponaenexa pontha pon jiwi peyabara paebin xua penatsicuentisiwa xua abe peexanaexae nexata bapon patsipaebare poxonae cataunxuae namtotha paca baru ecapona xua painya nenaita coxone exanaenexa. Xain bapoxonae bapon jopa paca caponae tsane pontha pon jiwi peyabara paebin xua penatsicuentisiwa xua abe peexanaexae. Tsipei icha bapon bara beya paca caponaetsipa, bapoxonae pon jiwi peyabara paebin xua penatsicuentisiwa xua abe peexanaexae equeicha dabeya policiamonae beya paca itorobichipa. Bapoxonae nama policiamonae jiwi pecubi bo beya paca itorobichipa. <sup>59</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abu poxonae panatsipu matomacaename daxita paratixi cuntha po paratixi xua paxename”, jei Jesús.

## 13

*Meje yabara poxonae Jesús yabara paeba xua ainya cui xua icha juntu coyene pexeinaewa Nacomtha*

<sup>1</sup> Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa xua petuxusi exanaenexa Nacom nexa. Ichitha poxonae cataunxuae baxua exanempa Galilea nacuapiwi pon Galilea nacuapiwi peyanacua ewatsinchi, pon pewun Pilato poxonae bapon baxua jume taeba, xua Galilea nacuapiwi exanempa Nacom pin pia botha, bapoxonae bapon pia soldadomonae itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwi jana cae jana naexananaya, jei barapomonae.

<sup>2</sup> Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonae abe peexanaewi pomonae jinompa Galilea nacuatha? <sup>3</sup> Apra aibi. Icha jopa Nacom patsita xeinaem icha juntu coyene, bara paichipaem, paca weraweraca exanaetsipa. <sup>4</sup> Ichacuitha metha pacui cananta xeiname pomonae dieciocho poyobe, pomonae bayatha bomaxutha mata perababatsi xua po botha bichocono taicha po bo pewun Siloé. ¿Barapomonae mata tsapababatsi bichocono abe peexanaexae beyacaincha pomonae jinompa Jerusalén tomaratha? <sup>5</sup> Apra aibi. Icha Nacom jopa patsita xeinaem icha juntu coyene, paxam bara paichipaem paca weraweraca exanaetsipa”, jei Jesús.

*Meje yabara poxonae Jesús yabara paeba higuera nae xua po diwesi pecayabara jnta pepaebi diwesiyo*

<sup>6</sup> Nexata Jesús tsipaeba pecayabara jnta pepaebi diwesiyo. Bapon namchi, jeye: “Matha irun pebin higuera nae xeina po nae ubanota pia pabitha. Barapo pebin pia pabitha pona pia taetsi icha yacuei dubena. Ichitha poxonae tane jopa yacuei dubenaeyo. <sup>7</sup> Nexata pon pabi pexeinaein tsipaeba pontha pon pabi petayapu eenaeinchi, namchi, jeye: ‘Taema acoibi po weibe pabitha poneiban tha bequein taibichi pethei ichitha jopa yacuei dubenebiyo. Hncataxore. Jopa ichichipaeyo xua came barapo nae saya uncuia ichaxota ubanotinchichi nae, po nae penacoichi nae’, jei pon pabi pexeinaein poxonae tsipaeba pon pabi petayapu eenaeinchi. <sup>8</sup> Ichitha pon pabi petayapu eenaein jume nota: ‘Tanentacaponae, abu barapo nae uncuena barapo weithe. Tha yaira tabaca nacuenacuena exanaetsi paraparatotha, bapoxonae duwei petasin jebarecaetsi petabaca deca. <sup>9</sup> Metha bapoxonae matono dubenaetsipa icha weitha. Icha jopa matono dubenae tsane icha weitha nexata moya beancataxotsi’, jei pon pabi petayapu eenaein”, jei Jesús.

*Meje yabara poxonae Jesús axaibi exana yabuyo pentaquei seicae matabitha powayo naepasi xurutsiya pona*

<sup>10</sup> Caentacabitha judiomonae barompaya pia pentaquei seicae matabitha tatsi Jesús cuidubauya Nacom Pejume Diwesi judiomonae pia penacaeuttsi botha tatsi. <sup>11</sup> Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua juntucuru epasi boipana ajibi. <sup>12</sup> Poxonae barapowa Jesús tane, Jesús waba barai, jeye:

—Yabuyo anoxuae jopa neraichiwa, bayatha wanaem, jei Jesús.

<sup>13</sup> Nexata barapowa Jesús pecobetha jayaba. Bapoxonae yabuyo epasi naroitaba yawa barapowa wanae jainta, Nacom wanae jaintatsi. <sup>14</sup> Ichitha pon pecanamataxeinaein judiomonae pia penacaeuttsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara iru seis po matabibibe xua be cae semanatha tsoponeibi xua barapo matabintha benacuitatsi. Jame barapo seis matabintha moya papare xua axaibi painya nepaca exanaewa tsane. Nama jopa papatsinde pentaquei seicae matabitha, jei bapon pon pecanamataxeinaein judiomonae pia penacaeuttsi bo tatsi.

<sup>15</sup> Bapoxonae Jesús jume nota, jeye:

—Itara mexeya pexeinya juntu coyene painya nexeiaewi ichitha peajuntucoyenebe jiwipam. Ichitha paxam iru panacuitame pentaquei seicae matabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matabitha. <sup>16</sup> Barapowa powayo Abraham pia pemomoxi susatopiwi jiwawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota iruru barapowa xan axaibi exanan pentaquei seicae matabitha, jei Jesús.

<sup>17</sup> Poxonae Jesús baxua caunuta, bapoxonae pomonae Jesús pia peaitaetabiwichi aura tsumenae. Ichitha daxita jiwipuntu coyene weiweina petaxae xua Jesús pexeinya pewanaewa exana.

*Meje yabara poxonae Jesús cuiduba pecayabara jata pepaebi diwesiyo po peabi xutiyo pewan mostaza xutiyo*

(Mt 13.31-32; Mr 4.30-32)

<sup>18</sup> Equeicha Jesús namchi, jeye: “Poxonae Nacom waba jiwipetanaexanaenexatsi pijimonae tatsi, pomonae itorobiya peewatsixae, zeta po coyene nacoyene jupabe? zeta xua paca cuidubinchi xua baxua yabara? <sup>19</sup> Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoponae. Pepinnaexae daxota siri exana coton pemaxarananthe. Icha mostaza xutiyo ichi xua beya pin nae tsoponae, bara jata ichi Nacom pejume cowantsiwi. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba pecayabara jata pepaebi diwesiyo xua levadura yabara xua pan cotowa exana*

(Mt 13.33)

<sup>20</sup> Barichi Jesús namchi, jeye: “Poxonae Nacom waba jiwipetanaexanaenexatsi pijimonae tatsi pomonae itorobiya peewatsixae barapomonae pin bicheitomonae nae naexanapona. zeta po coyene nacoyene jupabe? <sup>21</sup> Barapo coyene bara jata ichi icha levadura matawan ichi, pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauyentaba levadura matawan pocotsiwa xua cotowa exana pan. Bapoxonae pentub naexananaya, cocotowapona tsipei levadura matawan muxunaxuba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

(Mt 7.13-14, 21-23)

<sup>22</sup> Poxonae Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano. <sup>23</sup> Pomonae Jesús cuiduba barapomonae caein jiwana Jesús yainyabatsi, jeichichi:

—Patatanecanamataxeinaem, zsay tsiquimonaeyo pomonae capanenebiyatsi? jeichichi Jesús.

Nexata Jesús namchi jiwitha, jeye:

<sup>24</sup>—Bequein bichocono ayapube xua naexana Nacom pijimonae pomonae Nacom itorobiya ewata, ichitha bichocono pajjure xua panaexaname Nacom pijimonae tatsi. Baraxua be poxonae pin bicheitomonae ichichipa xua pejojondenaewa tsica boupayo dena. Bichocono ayapube. Bequein barapomonae ichichipaena xua pejojondenaewa tsane ichitha jopa itacpae tsainchi. <sup>25</sup> Barapoxonae matabi jopaena po matabitha poxonae pon

bo pexeinaein pecoiboto daunwei exanaena. Paxam pomonae aisowatha paumename pecoiboto padacadacatsiname, pajam tsane: 'Patatanecanamataxeinaem, painta coibo saranaxorena бoмaхu', pajam tsane. Ichitha bapon paca jume notsina. Jei tsane: 'Bа canta jopa paca yaitaetsi xua jopa paca yaputaetsi xua ichaxota werena painya neponaewi', jei tsane. <sup>26</sup> Paxam pajam tsane: 'Bara cain bayatha paca барu xainchiba yawa paca барu апaтsiba, yawa bayatha jiwi cuidubameba namtotha pata tomaratha', pajam tsane. <sup>27</sup> Ichitha Nacom pon painya Nepacacanamataxeinaein paca jume notsina: 'Aunxuae bayatha paca baraichiba: Bа canta jopa paca yaitaetsi. Jopa paca yaputaetsi xua ichaxota werena painya neponaewi', jan. 'Taxainya weya panatsixibaracupare. Apra paxam peajuntucoyenebe jiwi pam, xua abe painya neexanaewi', paca jei tsane. <sup>28</sup> Barapoxonae pataename xua Abraham, iru Isaac, iru Jacob, iru daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasinaename poxoru paca bebai tsane Nacom pia peitorobi nacua weya. <sup>29</sup> Poxoru pinmonae patsina, Nacom pia peitorobi nacuathe penabanaenexa tsane. Ichamonaе pomonae ichaxota xometo ecoina, barapomonaepiwi patsinano. Ichamonaе pomonae ena pocotsiwa bereca, barapomonaepiwi patsinano. Ichamonaе pomonae pocotsiwa beweyabeicha ena, barapomonaepiwi patsinano. <sup>30</sup> Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe barapomonaе Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomonaе bexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomarapiwi siwa wecoyeichi  
(Mt 23.37-39)*

<sup>31</sup> Barapoxonae fariseo jiwanamonaе pata. Jesús tsipaebatsi. Jeichichi:

—Bewa warapaetsipame barapo tomara weya. Dota bepa Herodes cabexubei, jei.

<sup>32</sup> Ichitha Jesús jume nota, jeje:

—Paponare painya netsipaebinexa pon jiwi pemuxujainyabin, bapon Herodes. Pana nejume yopire pajande: 'Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin', jei pajande. <sup>33</sup> Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonae popobaya patopiyaеin Jerusalén tomaratha. Jopa tana neitacupaxae xua tatupaewa taju Jerusalén tomara pepuya beya ponxaein Nacom peitorobi jume tapaebin. Bewa tupaеin Jerusalén tomaratha, jei Jesús fariseomonaetha.

<sup>34</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeje: "¡Maisa Jerusalén tomarapiwi pam, pajutebeibame pomonae Nacom pia peitorobi jume pepaebiwi! ¡Matautano paxam pajutebeibame ibotontha pomonae Nacom pacata itoroba! ¡Maisa bepaca caetucaetuteibinchi, tapaca cayawenaewa tsainchi, icha wacara ichi poxonae nacoxi caetucaetuteta pecuarafetha! ¡Maisa bebarichocuaein tsane daichitha jopa paichichipaem! <sup>35</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya abu poxonae pana neyabara jam tsane: '¡Maisa bapon jiwi juntu coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!' pana neyabara jam tsane", jei Jesús fariseomonaetha.

## 14

*Meje yabara poxonae Jesús axaibi exana pon peru putsuna*

<sup>1</sup> Caentacabi pentaquei seicaе maticabitha Jesús pona fariseomonaе pia pentacaponae aewi tatsi jiwanaпin pia botha tatsi penanabanaenexa. Baxota fariseomonaе ichamonaе Jesús amanayabiya tainchi pecui yaputaenexa tsainchi xua exana. <sup>2</sup> Iru baxota pebin patopa ichaxota Jesús naeca. Barapo pebin pon peru putsuna. <sup>3</sup> Nexata Jesús yainyaba pomonae jiwi pecuidubiwi Moisés pia peitorobi coyene, yainyabano fariseomonaе, jeje:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicaе maticabitha jampa? ¿Ichacuitha metha jopa yabara copatsiyo jampa? jei Jesús.

<sup>4</sup> Ichitha barapomonaе moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa. <sup>5</sup> Jesús tsipaeba, barapo fariseomonaetha, jeje:

—Paxam panantawenoname xua panacuitame pentaquei seicae mataqueitha xua poxonaе pajutsiname painya nexanto xua poxonaе butecatsi iruba бueyno bara bequein pentaquei seicae matabi, jei Jesús.

<sup>6</sup> Barapomonaе jopa itacupaetsi xua Jesús pejume notsiwatsi.

*Meje yabara poxonaе Jesús yabara paeba pomonaе pexaewa petsiwabiwichi penabanaenexa poxonaе pebin piowa pita*

<sup>7</sup> Nexata Jesús tsipaeba barapomonaе pecayabara juta pepaebi diwesiyo pomonaetha pomonaе xua pata penabanaenexa. Baxua tsipaeba poxonaе tane xua barapomonaе nanta caeniya, copiya penabanaenexa. Jesús namchi barapomonaetha, jeye:

<sup>8</sup>—Poxonaе ichan cawaba jinya nenabanaenexa tsane, jopa nantacaecaеinde ichaxota enothopeiba pomonaе peainya cui jiwi. Poxoru metha iruru patopaetsipa pon bichocono jiwi tsita ainya cuichi pon beyacaincha xam. <sup>9</sup> Pon xua cawaba, iru xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua paca mata canabane. Nexata icha muxunenetha uranaya eoundeacetsipame. <sup>10</sup> Daxota poxonaе cawaba nenabanaenexa, cotacaya ecareinca necajeinexa poxonaе patopa pon paca mata canabane: ‘Tajiton, icha muxunenetha ecare ichaxota xaiba pomonaе jiwi tsita ainya cui naexanatsi’, jei. Bapoxonaе pomonaе pata xua penabanaenexa barapomonaе cayaitaena xua xam pon jiwi tsita ainya cui naexanae. <sup>11</sup> Pon pia coutha peainya cui jiton naexana pejuntu coyenetha, Nacom exanaena xua bapon pecui pawi jiton naexanaena. Ichitha pon xua pepawi naexana pejuntu coyenetha Nacom exanaena xua bapon peainya cui jiton naexanaena, jei Jesús.

<sup>12</sup> Yawano Jesús barai pontha pon pexaewa petsiwabixaetsi, jeye:

—Poxonaе pexaewa tsixaname yawano ichacuiitha xua poxonaе pin penabanaewa tsixaname, jopa wabinde jinya jiwimonaе penabanaenexa. Iru jopa wabinde eweichomonaе iru jinyamonaе iru pomonaе copei pexeinaewi. Poxoru barapomonaе pentoma exanaetsipa xua xuya catsi wabichipa penabanaewa. <sup>13</sup> Jame maisa poxonaе jiwi pexaewa tsixaname yawano ichacuiitha pin penabanaewa tsixaname, wabare pomonaе peacopeibi jiwi. Yawa wabare pomonaе jopa peainya cui jiwi, iru pejayujayuwei jiwino, iru pomonaе peitata nacutsi jiwino. <sup>14</sup> Bapoxonaе juntu coyene weiweinaename. Barapomonaе jopa itacupaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonaе jiwi asu exanaeinchi pomonaе pejuntu coyene wnae jiwi, xuano xua exana pocotsiwa Nacom itoroba, jei Jesús.

*Meje yabara poxonaе Jesús cuiduba pecayabara juta pepaebi diwesiyo xua pin penabanaewa peexanaewa tsane*

(Mt 22.1-10)

<sup>15</sup> Poxonaе baxua jume tane, pomonaе xua xayena, barapomonaе caein jiwana Jesús baraichichi, jeichichi:

—iPon xua nanabane Nacom pia peitorobi nacuatheicha tatsi, bapon bichocono juntu coyene weiweina! jeichichi Jesús bapon.

<sup>16</sup> Nexata Jesús jume nota, jeye:

—Pebin pin penabanaewa tsixana jiwi. Barapo pebin itoroba ichan, xua pewabinexa ayei bicheito. <sup>17</sup> Poxonaе barapo hora tsuxubi poxonaе pexaewa nacui wnaeta, bapon itoroba pia petanacuichinchi xua pewabinexatsi pomonaе bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane. <sup>18</sup> Ichitha daxita barapomonaе paeba xua pinae enatsi xua peexanaewa. Ichun namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>19</sup> Ichun namchi: ‘Canta diez poyobe comotan бuey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>20</sup> Ichun namchi: ‘Canta anoxuaetha taseuri pitan. Nexata nejume yopire pinae jopa itacupaetsi xua pepatopaewa tsane, jande’, jei. <sup>21</sup> Poxonaе caibe nawiya pon penajume caitorobinchi bapon daxita baxua tsipaeba pia pecanamataxeinaeinchi. Nexata pon pecanamataxeinaein caseba pomonaetha pomonaе bequein pewabixae, xua jopa pepatsixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabanaewi caponde, pejayujayujeimonae caponde, pomonaе peitata nacutsi jiwi berene caponde’, jei pon pecanamataxeinaein. <sup>22</sup> Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: ‘Tanecanamataxeinaem, xua neitorobame bayatha exanan, ichitha ботуху jopa tutu canapaxubiyo, jiwi yayatha’, jei. <sup>23</sup> Nexata bapon jume notatsi pia pecanamataxeinaeinchi: ‘Equeicha nainya ponde tomara cuariya бeya po namton

pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canaꝑaxubinexa tsane. <sup>24</sup> Catsipaebatsi, pomonae bequein waban ichitha jopa patsiyo, barapomonae jopa nabanae tsane tabotha', jei pon pecanamataxeinaein, jei Jesús.

*Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi*

(Mt 10.37-38)

<sup>25</sup> Pin bicheitomonae Jesús puna poinchi. Jesús napatomeicha necota, namchi barapomonaetha, jeye: <sup>26</sup> "Icha pebin ichichipa xua tajiwiomonae jiwanapin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwiwonaepin. Ichitha icha jopa baxua exanaeyo xua bichocono nama tana neantobewa, bapon jopa tajiwiwonaeyo. <sup>27</sup> Matautano pon jopa awiya exana ducamaebiyayo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa tajiwiwonaepinyo. <sup>28</sup> Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecubaponaenexa pomonae nacuita bo. <sup>29</sup> Ichacuitharu saya nawea wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonae bo taenota. Poxonae tane barapomonae cui capona, bapon cui caponatsi. <sup>30</sup> Barapomonae namchi tsane, jei tsane: 'Barapon tamropata pitaba bo xua acaba, ichitha jopa itacupaetsi xua pewetsiwa', jei tsane", jei Jesús. <sup>31</sup> Equeicha Jesús namchi: "Iruꝑu pon jowi itorobiya pia pepa peewatsinchi ichichipa xua jowi naba exana ichan beya pontha pon iruꝑu jowi itorobiya pepa peewatsin. Poxonae bapon baxua exana, copiya nanta xeina, najei tsane: 'Jamaisa, saya beisa diez mil po soldadomonae bicheitobe neyaewatacua, bapon netsi veinte mil po soldadomonae bicheitobe yaewatatsi. Metha tamonae jopa inta itacupaetsi xua peamanayabiwa barapo veinte mil bicheitotha xua taxainya berena ponaena', najei tsane. <sup>32</sup> Icha barapon jopa itacupaetsi xua peamanayabiwa, bapon najume caitorobina ichantha, poxonae cataunxuae taju eca, ichan pon icha nacupapiwi itorobiya pia pepa peewatsinchi xua petapaebinexa tsainchi xua jopa penabiwa tsane yabara, xua equeicha juntama pejinompaenexa. <sup>33</sup> Icha bapon ichi pon jowi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxename, jopa paca itacupaeyo xua tajiwiwonaepainya nenaexanaewam", jei Jesús.

*Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi*

(Mt 5.13; Mr 9.50)

<sup>34</sup> Equeicha Jesús jeye: "Sare beno, bara beno wanae. Ichitha icha barapo sare beno jopa abenataeyo, bapoxonae jopa peitacupaewatsi xua equeicha peabenataewa. <sup>35</sup> Barapo sare jopa ira nexiyo tsipei naein jopa beta xuwa exanaetsi. Daxota barapo sare jowi bewa xubi. Icha pamuxu dubename moya pana nejume naitaeware pocotsiwa tapaca tsipaebiwatsi", jei Jesús.

## 15

*Meje yabara poxonae Jesús paeba pecayabara jata pepaebi diwesiyo xua oveja pe-eenaein yabara xua poxonae pia oveja taeba*

(Mt 18.10-14)

<sup>1</sup> Pomonae paratixi pentoma noteibiwi, po paratixi jowi bewa catsibina pon romanomonae itorobiya pia pepa peewatsinchi nexa, iruꝑu pomonae abe peexanae cuiru coyene peexaneibiwi daxita barapomonae Jesús imoxoyo caquita umenarucupatsi xua Jesús pejume taenexatsi. <sup>2</sup> Daxota fariseomonae iruꝑu pomonae jowi pecuidubiwi Moisés pia peitorobi coyene tatsi daxita barapomonae Jesús abe yabara paebatsi. Barapomonae namchi, jeye:

—Barapo pebin napona pomonaetha pomonae abe peexanae cuiru coyene peexanaewi, yawa barapomonaetha nanabane, jei.

<sup>3</sup> Tsipei Jesús yabara paebatsi barapomonae, daxota nexata Jesús tsipaeba pecayabara jata pepaebi diwesiyo jeye: <sup>4</sup> "Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba. <sup>5</sup> Poxonae jiton oveja taeba pon aichurucuae, juntu coyene weiweinaya bota peutucuratha. <sup>6</sup> Poxonae jiton oveja capatopa botha bapoxonae piamonae waba pomonae petaenaewichi pia botha, pia jowi wabano, wabano pomonae petsicuaraba

enaewichi. Jiton daxita barapomonaetha barai, jeye: ‘Panebara juntu coyene weiweinare tsipei oveja bayatha taeban pon bayatha inta aichurucuae’, jei bapon piamonaetha. <sup>7</sup> Xaniyan paca tsipaebatsi. Icha jiton ichi poxonae juntu coyene weiweina petaebixae oveja, barichi pomonae peitaboco beicha ena. Barapomonaetha bichocono juntu coyene weiweina poxonae ichun Nacom tsita xeinatsi icha juntu coyene pon copiya penacui matacaetsin xua abe peexanae cuiuru coyene exana. Barapomonaetha bapon yabara tox-einchiya juntu coyene weiweinatsi beyacaincha poxonae yabara juntu coyene weiweinatsi pomonae xua noventa y nueve poyobe jiwi pomonae xanepanaya peexanaewi, pomonae jopa Nacom pentichi”, jei Jesús.

*Meje yabara poxonae Jesús paeba pecayabara juta pepaebi diwesiyo xua yabayo yabara xua poxonae taeba paratiyo*

<sup>8</sup> Equeicha Jesús paeba pecayabara juta pepaebi diwesiyo, jeye: “Petsiriwa diez po paratiyobe xaina xua pecacomocae paratixi. Cae paratiyo taachurucuae, daxota pecoicha coicha exana. Bo tutu camona bewayo, beya matapainya taeba. <sup>9</sup> Poxonae barapowa paratiyo taeba bapoxonae pia jitowaxi waba, wabano powaxi petsicuarabu enaewaxichi. Barapowa namchi barapowaxitha: ‘Pana nebara juntu coyene weiweinare poxoru bayatha taeban paratiyo, po paratiyo bayatha inta aichurucuae’, jei. <sup>10</sup> Paca tsipaebatsi barichi peitabocotha Nacom pia matatsunpiwimonae tatsi bichocono juntu coyene weiweina poxonae ichun Nacom tsita xeinatsi icha juntu coyene pon copiya penacui matacaetsin xua abe peexanae cuiuru coyene peexanaein”, jei Jesús.

*Meje yabara poxonae Jesús paeba pecayabara juta pepaebi diwesiyo xua pebin yabara pon pexanto cayabara cui junte maina xua abe exana*

<sup>11</sup> Barichi equeicha Jesús paeba icha pecayabara juta pepaebi diwesiyo, jeye: “Jiton xaina pexantobe. <sup>12</sup> Pon xuyapin paxa barai: ‘Axa, necare xua necopinawa tsane pocotsiwa xua pana nejuntana jebame bequein cataunxuae poponame’, jei xuyapin. Nexata barapo jumetha coxiyan pexantobe tsata catabe. <sup>13</sup> Pirapaeyo xuyapin piawa caenaeta xua paxa catatsi. Barapo paratixi cuntha tajū beya pana icha nacua beya. Icha nacua abe exana. Barapo paratixi cobe caewitatsi xua nasi cui matacaeta yabaxitha. <sup>14</sup> Poxonae bapon daxita paratixi wetaxuba, irū mayayo tsuxubirū barapo nacua, barapon muxu piyain petupae. <sup>15</sup> Nexata bapon jeita penacuichiwa ichantha xua barapo nacua. Bara barapon itorobatsi xua petayapu eenaenexa marranomonaetha. <sup>16</sup> Bapon piyain ichichipa xane marranomonaetha pexunenowa xua petsebocoton, tsipei bapon jopa catichi pexaewa. <sup>17</sup> Nexata bapon pia coutha nanta xeinanaya najei: ‘¡Máis taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tatupae. <sup>18</sup> Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino. <sup>19</sup> Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin. <sup>20</sup> Nexata bapon paxa beya caibe nawiya.

“Poxonae cataunxuae tajū jiniya, paxa taebiyatsi, coxiyan pexanto yabara nantanuweya cui nanta xaina. Coxian pexanto matenta cuinaepoinya. Nexata pexanto cobe jayaba. Juntu coyene weiweina pexanto naisa cateita waetaba peantobexae. <sup>21</sup> Nexata barapo xuyapinxae paxa barai: ‘Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan’, jei barapo xuyapin. <sup>22</sup> Ichitha coxiyan barapo jumetha barai pia petanacuichiwichi: ‘Nainya papire pexeinya paparuwa pamaxatare taxanto. Yawa anillo pacobesi xatare. Yawa paxaxatare xua penataxaxatatsi. <sup>23</sup> Vacayo pebtiyo poyo nasiteca pacarenande. Pabexore. ¡Bū xainchi! <sup>24</sup> Poxoru barapo taxanto mexeya nacata tūpawejan, ichitha anoxuae asu. Bayatha nacata aichawiya, anoxuae matapainya netsita patopa’, jei coxiyan. Nexata bapoxonae tamropata notarūcūpa xua weiweina poxonae xane”, jei Jesús.

<sup>25</sup> Equeicha Jesús namchi, jeye: “Irū pin penabanaewa exanampa, irū matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba. <sup>26</sup> Nexata barapon pon matapinxae waba caein pomonae penacuichiwi. Yainyaba, jeye: ‘¿Eta xua juinya busi exanampa?’ jei. <sup>27</sup> Nexata barapon pon penacuichiwi jiwana jume nota. Jeye: ‘Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya asuya pepatopaexae’, jei. <sup>28</sup> Ichitha barapon pon matapinxae barapo jumetha anaepana. Jopa bejoniyaeyo botha. Coxian pesato bejoniya, pexanto jume daunweya waba: ‘Owae, antha, antha jonarena’, jei coxiyan. <sup>29</sup> Nexata barapo coxiyan pexanto jume notatsi: ‘Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweiyo cabritiyo, tajiwimonae tabarū nabanaenexa. <sup>30</sup> Ichitha barapo nexanto anoxuae cata patopa, xua jinya paratixi caewitaxuba xua penasi

cui matacaetsiwa yabuxitha. Xam penacuichiwi itorobame xua vacayo pebtiyo bexubina poyo nasiteca tayapin nexa', jei barapon pon matapinxae.

<sup>31</sup> "Nexata coxiyan jume nota pexanto: 'Owae, apara xam cabaru poponeibatsi. Daxita pocotsiwan xeinan, apara bara jinyawa. <sup>32</sup> Ichitha anoxuae wunaenawita xua pin penabanaewa, yawa juntu coyene weiweinaeinchi poxoru barapo neyapin, pon xua mexeya nacata tupawejan, anoxuae asu popona. Caena bayatha nacata aichurucuae, yawa anoxuae matapainya naca tsita patopa', jei coxiyan poxonae pexanto tsipaeba", jei Jesús.

## 16

*Meje yabara poxonae Jesús paeba pecayabara juta pepaebi diwesiyo xua pebin yabara pon jopa xanepanaya peyapucaecaein bo*

<sup>1</sup> Equeicha Jesús tsipaeba pijimonae pecayabara juta pepaebi diwesiyo. Jesús jeye: "Matha iru pebin popona pon copei pexeinaein. Bapon xeina pon bo petayapucaecaeinchi. Bapon pon copei pexeinaein tsipaebatsi ichamonae xua pinae pon bo petayapucaecaeinxaeitsi jopa pinae xapain exanaeyo, saya pinae abe exana, jei ichamonae. <sup>2</sup> Nexata bo pexeinaein pon copei pexeinaeinxae, bapon waba pia petayapucaecaeinchi bo. Bapon barai pontha pon bo petayapucaecaeinchi, jeye: '¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan', jei. <sup>3</sup> Nexata pon bo peyapucaecaeinxae nacui yabara nanta xeina pia coutha, nabarai: '¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxainaewa tsane pocotsiwa taexanaewa? Jopa nebusi coxonaeo xua naein tauncatsiwa pabitha. Auran tsipae xua saya amanaya i tawuqueibiwa paratixi. <sup>4</sup> Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha', jei. <sup>5</sup> Nexata bapon pon bo petayapucaecaein daxita taxonpatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: '¿Eta xoyobe matoma amanayabame xua jopa cataunxuae catsim pontha pon tanecanamataxeinaein?' jei. <sup>6</sup> Bapon jume nota, pon bo peyapucaecaein, jume notatsi, jeye: 'Cien po penasi mera bosibube xua pin bosixibun tha baxua catichi, ichitha cataunxuae jopa baxota matomatsinyo barapo penasi mera bosibun', jei. Pon bo petayapucaecaein xuya jume nota: 'Taema xote xeinanje jinya papera xua tinadutame, cien po nasi bosixibun, jam, xua bexa matomatsiname. Xote nainya ecoundeinque barapo netinadutsiwa, iquinaxore. Icha itaneto dure xua saya cincuenta po penasi mera bosixibube, jande', jei pon bo petayapucaecaein. <sup>7</sup> Bapoxonae equeicha ichuntha yainyaba: 'Incane iru xamdu, ¿eta xoyobe tanecanamataxeinaein taacoibichi xua catsiname bapon?' jei. Bapon jume nota, pon bo petayapucaecaein jume notatsi, jeye: 'Tha catichi cien po sacube aro sacun', jei bapon. Nexata pon bo petayapucaecaein xuya jume nota: 'Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinque barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaecaein. <sup>8</sup> Ichitha bo pexeinaein yabara paeba pon bo petayapucaecaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cowuntsiwi nama barichi. Barapomonae yabara najuntu coyene wunaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowuntsiwi.

<sup>9</sup> "Paca tsipaebatsi ichamonae pacatsibeibare paratixi xua painya jiji painya neexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawename barapomonae paca matenta weiweinaya wabina po bontha xua ataya tsitecaeya pajinompaename.

<sup>10</sup> "Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa. <sup>11</sup> Icha paxam jopa xanepanaya patayapuenam xua paratixi xua barapo cae pin nacuathe nexa, Nacom jopa paca itorobiyo xua patayapuenaname xua bapon pia pexeinya pexeinaewa tatsi.



<sup>12</sup> Icha jopa xanepanaya payapucaecaem ichun piawa, metha nexata jopa paca catsipae xua painyawa nexa tsane painya neyapucaenaewamxae.

<sup>13</sup> “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom”, jei Jesús.

<sup>14</sup> Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi. <sup>15</sup> Nexata Jesús fariseomonae baraichi, jeye: “Paxam barapomonae pam, xua ichamonae paca yabara nanta xeina xua pejuntu coyene xanepanae jiwi pam. Ichitha Nacom paca junta coyene yaputane xua peajuntucoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi”, jei Jesús.

*Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanamataxeinaexae*

<sup>16</sup> Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia pecuidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najuntu coyene sibi awiya xua pepatsinexa Nacom pia peitorobi nacua beicha tatsi.

<sup>17</sup> “Yapu xanepana xua itaboco yawa ira peweraweracaewa. Nama Nacom peitorobi jume ajumeyapusa bapana jopa peweraweracaewa bequein bara cae peitorobi coyene”, jei Jesús.

*Meje yabara poxonae Jesús cuiduba xua jiwi piseurixi pepuna penteibiyainwa (Mt 19.1-12; Mr 10.1-12)*

<sup>18</sup> Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peitatha tatsi, tsipei Nacom tsitatsi xua powa copya baru popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

*Meje yabara poxonae Jesús diwesi yabara paeba xua pon copei pexeinaein iru ichun pon Lázaro*

<sup>19</sup> Equeicha Jesús tsipaeba icha diwesi, jeye: “Matha iruru barichi pebin pon copei pexeinaein. Pexeinya paparuan xua pena paparua nama xatabapona. Matauta daxita matakabi peitupanae nabanaewa exaneiba. <sup>20</sup> Iruru ichun pebin popona, pon pewun Lázaro pon peacopeibin. Bapon Lázaro wan nawita xeina peparatotha. Bapon iratha eca pon copei pexeinaein pia bo boupatha weya tatsi. <sup>21</sup> Xua pon copei pexeinaein pia pexaethopaewatha taothopeicatsi pexaewa pepurawan, baraxua Lázaro ichichipa xaiba. Yawa aurimonae pata xua Lázaro pewan daebinxatsi. <sup>22</sup> Icha matakabitha Lázaro tupa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Iruru pon copei pexeinaein tupa, yawa mathathaxotsi.

<sup>23</sup> “Pon copei pexeinaein patopa ichaxota pateiba pomonae pewerapeibiwi barapo petupa cuiru coyene nacuattha. Bapon bichocono atene. Bapon athabeicha necoicha. Barapoxonae Abraham taju taebiyatsi asiyeicha, yawa xua Lázaro baru equiyatsi. <sup>24</sup> Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeinaysinexa meratha poxoru bichocono netaxua po isotothe uncuau’, jei. <sup>25</sup> Ichitha Abraham jume nota: ‘Tamonae susato jiwanam, nanta xeinatabare xua caena bayatha poxonae cataunxuae asu poponame, xeiname xua acabem xua pocotsiwan ichichipame xua nexainaewa. Xanepanaya poponame. Ichitha nama Lázaro jopa daichiyo poxonae cataunxuae asu popona. Jopa xanepanaya poponaeyo. Xote bapon winae yabara nantanuwewa cananta xeinatsi xua peyawenaenexatsi. Ichitha nama xam jopa caraichiyo. Bichocono caperu weyawa. <sup>26</sup> Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacupaetsi xua bara beparecaena nexainya bereca. Iru pomonae nexainya weruneina jopa itacupaetsi xua taxainya betsina pepatsinaenexa’, jei.

<sup>27</sup> “Nexata pon copei pexeinaein jume nota: ‘Nexata tamo susatopim sawncatsi inta Lázaro itorobare taxa pia bo beya. <sup>28</sup> Baxota xeinan cinco poyobe tayapin jiwi. Abraham Lázarotha najume carure xua bu tayapin jiwi jopa pepatsinexaru tsane ichaxota uncuan xua bichocono atenein’, jei. <sup>29</sup> Ichitha Abraham jume nota: ‘Apara neyapin jiwi xeina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonaexana pocotsiwa baraxua pejume coya’, jei Abraham. <sup>30</sup> Pon copei pexeinaein jume nota: ‘Aa, tamo susato jitom, Abraham, ichitha icha petupaewi jiwana caein siwa ponaena barapomonaexana beya, barapomonaexana jume cowantsina yawa icha juntu coyene pexeinaenexa tsane Nacomtha’, jei. <sup>31</sup> Ichitha Abraham jume nota: ‘Icha barapomonaexana jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaebiwi pia pecuidubiwan tatsi, barapomonaexana jopa jume cowantsipae bara bequein Nacom taitorobichipa xua jiwana caein pomonaexana petupaewi’, jei Abraham”, jei Jesús.

## 17

*Meje yabara poxonaexana Jesús paeba xua jiton jopa bewa cana exanaexana ichantha xua iru abe peexanaewa tsane*

(Mt 18.6-7, 21-22; Mr 9.42)

<sup>1</sup> Jesús namchi pijimonaetha, jeye: “Barapo nacuathepiwi ataya xeineiba po jiwi pecana exanaexaetsi xua ichamonaexana cana exana xua barapo jiwi abe peexanaexana cuiru coyene peexaneibinexa xua daxota jopa nejume cowanteibiyo. Ichitha pebin tsocae xua bapon cana exana, xua ichan cana exanatsi, xua ichan abe peexanaewa tsane. <sup>2</sup> Metha jame wnae tsipae xua barapo pebin pin iboto wisi cuspatsi pin mar mentha barapo iboto cayawa cabutabachipatsino. Tsipei jopa wnae tsipae xua bapon cana exana xua ichamonaexana abe peexanaexana xuiru coyene exana pomonaexana cataunxuae aena nejume cowanta. <sup>3</sup> ¡Dota pam, xua jopa bara paichim tsane!

“Icha ichan pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peuraxaexana xua pacata exana, bapoxonaexana pacui yabara juntemainare pocotsiwa bapon pacata exana. <sup>4</sup> Bequein bara bapon abe pacata exana, siete po cuiyobe xua cae matabitha, yawa paca tsipaeba siete po jumeyobe, bapon jeye: ‘Maisa auran tsocae xua abe pacata exanatsi, equeicha jopa pacata abe exanaexana tsainchi’, jei pon abe exana. Daxota paca jeichi xua nantawenona peyabara juntainaewa baxua xua po coyene bapon pacata abe exana”, jei Jesús.

*Meje yabara poxonaexana Jesús yabara paeba xua pin pejume cowantsi coyenewa*

<sup>5</sup> Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonaexana.

<sup>6</sup> Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo jata ichi xua tsica xutiyo ichitha bara paca itacupa xua naewatha painya nejewa: ‘Ee, naewa jinya coutha natabu jonde yawa pin mar mene beya equeicha uncuare’, painya nejewa. Bapoxonaexana barapo nae jopa bayatha tsipae poxonaexana pajam tsipae baxua, jei Jesús.

*Meje yabara poxonaexana Jesús paeba xua pocotsiwa jiwi bewa exanaexana pocotsiwa pentacaponaein itoroba*

<sup>7</sup> Equeicha Jesús namchi, jeye: “Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonaexana bapon pon penacuichin wexua wenawirena, bo nenawirena. Pon paxam jiwana caein metha bapon jopa jei tsipae: ‘Anetha, jondena matha xaema’, jopa jei tsipae bapon. <sup>8</sup> Jame bapon jei tsipae: ‘Pexaewa netsiupain exanare. Inta carena tsaibinde pexaewa pexaethopaewatha poxonaexana xunaecan. Bapoxonaexana cotacaya bexa nabanare’, jei tsipae pon paxam jiwana. <sup>9</sup> Pon penacuichin jopa jei tsipaetsi: ‘Jaco xua taneyawenaewam’, jopa jei tsipae pon paxam jiwana. Tsipei saya taexanatsi xua bapon peitorobixae. <sup>10</sup> Icha pon petanacuichin ichi xua taexana peitorobixaeitsi pia pentacaponaein, paxam bara jata paichinde. Poxonaexana pawetame pocotsiwa Nacom paca itoroba, pajande: ‘Paxan pata nebusi cui tataewimonaexana pan xuano pata pecui pawi pan, tsipei saya paexanan xua pocotsiwa bewa paexanaein’, pajande”, jei Jesús.

*Meje yabara poxonaexana Jesús axaibi exana diez poyobe pebiwi, pomonaexana peperu sawichimonaexana*

<sup>11</sup> Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona. <sup>12</sup> Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonaе, ichitha barapomonaе Jesús taju wetaeumendenatsi. <sup>13</sup> Barapomonaе wawai, jeye:

—Jesús, pon Patatanecuidubim, pana neyabara najuntu coyene xeinare jinya pata tana neyawenaenexam, jei barapo peperu sawichimonaе.

<sup>14</sup> Poxonae Jesús tane barapomonaе, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonaе peru jume tsurucupae xua peperu sawiwatsi barapomonaе. <sup>15</sup> Barapo diez poyobe jiwana caein, poxonae bapon taeba xua axaibi tsurucupae, bapoxonae Jesús beya pona, xua caibeya pona, yawa jume daunweya Nacom wanae jaintatsi. <sup>16</sup> Barapon pentabocototha uncua Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacuapin. <sup>17</sup> Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane? <sup>18</sup> Bapon apara penanapaincha jinompaewi jiwana pin. Yawa cou compa caiberena pia wanae jainchichi Nacom, jei Jesús.

<sup>19</sup> Nexata Jesús equeicha pebin barai, jeye:

—Nontaponde pondeno, bayatha axaibim tana neyabara jume cowantsixaemxae xua bara tana neitacupaewa xua axaibi tacaexanaewatsi, jei Jesús.

*Meje yabara poxonae Jesús yabara paeba po coyene xua poxonae Nacom itorobiya ewatsina jiji*

(Mt 24.23-28, 36-41)

<sup>20</sup> Fariseomonaе Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonaе Jesús.

Jesús jume nota, jeye:

—Poxonae Nacom itorobiya ewatsina jiji, barapo coyene jiji jopa itacupaetsi xua petaewa baxua. <sup>21</sup> Daxota jiji jopa jei tsane: ‘Baraxote bayatha patope’, jopa jei tsane. Matautano jopa jei tsane ‘Xoteiche bayatha patope’, jopa jei tsane. Tsipei apara po coyene xua Nacom itorobiya ewatsina jiji barapo coyene patopa jiwitha. Daxota Nacom juntu coyene itorobiya ewatsina jiji pomonaе pejume cowantsiwixaetsi Nacom, jei Jesús.

<sup>22</sup> Nexata Jesús barai pijimonaе, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacupaewa tsane xua painya tana netaewam tsane xuano xua caentacabi xua barapo matacabin jiwana. <sup>23</sup> Ichamonaе paca jei tsane: ‘Baraxote bayatha patopa bapon’, paca jei tsane. Ichacuitha paca jei tsane: ‘Baraxoteicha bayatha patopa bapon’, paca jei tsane, ichitha jopa paponaeinde bara beya yawa jopa pajume cowantsinde. <sup>24</sup> Icha yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matacabitha poxonae patopeicaein ponxaein Nacom Tananeitapetsin. <sup>25</sup> Ichitha copiya nantawenona xua neperaxa jubina ichamonaе. Yawa neitawetsinano pomonaе xua anoxuae jinompa. <sup>26</sup> Icha matha ichi poxonae Noé caena bayatha popona jiji jopa tsaqueinaeyo xua Nacom pin awabo exanaena methaunxuae. Saya barompaya icha juntu cuitha jinompa daxota jiji werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiji jopa tsaqueinae tsane xua Nacom werapa exanaena barapo jiji pomonaе jopa pejume cowantsiwoxaetsi. <sup>27</sup> Pomonaе jinompa poxonae Noé popona, barapomonaе junte ma nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonae po matacabitha Noé pin jera naetha joniya. Barapoxonae pin ema mu jopa. Daxita Noé wepu bunothopatsi pomonaе jinompa poxonae Noé popona. <sup>28</sup> Barichiru jiji pocotsiwa ichamonaе exana poxonae ichun pebin popona pon pewun Lot. Barapomonaе nabaneiba, yawa apeiba, yawa comaqueiba, yawa caenaeteiba, yawa pexaewa ubeiba, yawa bomaxun acabeiba. <sup>29</sup> Poxonae bapon Lot Sodoma tomara wenaetabiya, barapoxonae iso itere mu, mu othopeica tomaratha, yawa pocotsiwa be ibo puru baxua itaboco weothopeicano xua bichocono atou. Daxita Sodoma tomarapiwi werapa. <sup>30</sup> Icha Sodoma tomaratha ichi xua jemeicha iso itere mu, mu othopeica yawa xua jemeicha ibo puru itaboco weothopeica, bara juta ichin tsane jemeicha patopeicaein ponxaein Nacom Tananeitapetsin poxonae jiji tsita naitatsin.

<sup>31</sup> “Barapo matabitha icha ichan bo matatupatha uncua, barapon jopa bewa botha jonyiae tsane xua penotsiwa tsane pocotsiwa tabobeinchi bomuxu tututha. Iru pon pabitha popona jopa bewa caibeya ponae tsane botha, saya jame nainya benaetsircuaena. <sup>32</sup> Pacui yabara nanta xeinare Lot piseuri tatsi xua tupa poxonae jopa nainya naetsircuaeyo piawan caibe pesiwa necoyaexae. <sup>33</sup> Pon naantobeya nata exana pocotsiwa bapon ichichipa, bapon jopa xainaeyo peajuntuyapuswa po peajuntuyapuswa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xainaena peajuntuyapuswa, po peajuntuyapuswa ataya tsiteca xua Nacom pia nacua beicha.

<sup>34</sup> “Paca tsipaebatsi po mataqueitha patopaein, ainya pebinbe ponbe xua nanta juraya maitecabe, caein matatsunpin pichina, pon pejume cowantsixae Nacom. Ichun saya cuenta ponaeinchi jopa pejume cowantsiyoxae Nacom. <sup>35</sup> Iru ainya yabuyobe nacuara yacatoyorobauyaenabe, ichowa matatsunpin pichina pejume cowantsixae Nacom. Ichowa saya cuenta ponaeinchi jopa pejume cowantsixae Nacom. <sup>36</sup> Iru ainya pebinbe nacuara nacuitauyaenabe pabitha, ichun matatsunpin pichina, ichun saya cuenta ponaeinchi”, jei Jesus.

<sup>37</sup> Poxonae baxua Jesus pijimonae jume tainchi, Jesus yainyabatsi jeichichi, jeye:

—Pata Tanecanamataxeinaem, zexota metha baxua exanaena? jeichichi pijimonae.

Jesus pijimonae jume nota pecayabara juta pepaebi diwesiyotha, jeye:

—Quequeremonae ba nacaetuta ichaxota baurin boca. Bara juta paichim tsane paxam pomonae tana nejume cowantsi jiwi pam pana newnae ewatsiname po mataqueitha patopeicaein, barapo mataqueitha panacaetutsiname, jei Jesus.

## 18

*Meje yabara poxonae Jesus paeba pecayabara juta pepaebi diwesiyu xua yabuyu yabara powa pecuenta tupaewayotsi piseuri xua iru pon jiwi peyabara paebin xua penatsicuentisiwa xua abe peexanaexae*

<sup>1</sup> Jesus pijimonae tsipaeba pecayabara juta pepaebi diwesiyu xua pecuidubinexa, jeye: “Paxam daxita matabi bewa pawuqueibim Nacom. Painya xoba paajuntucoyenefaetabim tsaimbim poxonae pawuqueibame”, jei Jesus. <sup>2</sup> Equeicha Jesus pijimonae barai, jeye: “Matha iru tomaratha popona pon jiwi peyabara paebin xua penatsicuentisiwa xua abe peexanaexae. Bapon jopa Nacom cunuwichi. Yawa bapon jopa beta yabara nanta xainaeyo jiwitha xua peyawenaenexa. <sup>3</sup> Barapo tomaratha iru popona petsiriwa, powa pecuenta tupaewayotsi piseuri. Barapowa siwa poneiba pontha pon jiwi peyabara paebin xua penatsicuentisiwa xua abe peexanaexae. Barapowa jei tsaihi bapontha: ‘Neyawende, ichun inta abe exana’, jei tsaihi. <sup>4</sup> Pon jiwi peyabara paebin xua penatsicuentisiwa xua abe peexanaexae bapon ainya matababin juntucuru jopa beexanebiyo pocotsiwa barapowa wuqueiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Matauta jopa beta tayabara nanta xeineibin jiwi xua tayawenaenexa. <sup>5</sup> Ichitha barapo pecuenta tupaewayotsi piseuri matowa nefayacota daxota neamuxufaetabi exana. Metha moya barapowa yawenaen, xua equeicha barapowa jopa penesiwa ponanexa, tsipei bichocono amuxufaetabin’, najei pon jiwi peyabara paebin xua penatsicuentisiwa xua abe peexanaexae”, jei Jesus.

<sup>6</sup> Jesus pon Pecanamataxeinaein jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentisiwa xua abe peexanaexae xuano pon jopa beta yabara nanta xainaeyo jiwitha xua peyawenaenexa. Pajume naitaware pocotsiwa bapon paeba. <sup>7</sup> zEta xua metha pananta xeiname? zMetha bara Nacom came bayatha tsaihi poxonae jiwi yaweneibatsi pomonae xua pewuqueibixatsi? jJume, apara! Nacom nainya jiwi yaweneiba poxonae barapo jiwi abe exaneibatsi ichamonae, beyacaincha xua barapowa yawenatsi. Jame yatsicaewa Nacom yaweneiba pomonaetha pomonae peitapetsixae pewuqueibixatsi merawitha yawa mataqueithano. <sup>8</sup> Paca tsipaebatsi xua Nacom jopa bayatha tsaihiyo xua peyaweneibinexa pomonae nejume cowanta. Xan ponxaein Nacom Tananeitapetsin poxonae patopeicaein, zmetha bara pin bicheito taeyopeicaein jampa, pomonae xua xanepanaya beta tana nejume cowantsiya jinompawei pomonae Nacom pewuqueibiwichi?” jei Jesus pijimonaetha.

*Meje yabara poxonae Jesus paeba pecayabara juta pepaebi diwesiyu yabara xua fariseomonaenae iru pon paratixi matoma penoteibin*

<sup>9</sup> Jesus icha pecayabara juta pepaebi diwesiyu tsipaeba pomonaetha pomonae jiwi peaebiwi pomonae xua nayabara nanta xeina xua pinae beta jume cowanta xua pinae ichamonae jopa daichiyo. <sup>10</sup> Jesus namchi, jeye: “Iru ainya pebinbe Nacom pin pia bo beya ponabe, xua baxotiya pewucaenexabe Nacom. Ichun fariseomonaepin, ichun

bapon jiwana pomonae paratixi pentoma noteibiwi po paratixi jiwi bewa catsibina pon romanomonaē itorobiya pia pepa peewatsinchi nexa. <sup>11</sup> Fariseomonaepin nantacotuncua yawa penthutotha waca Nacomtha. Poxonae tsipaeba Nacom, jeye: ‘Nacom meisa xam pejuntũ coyene xanepanaein. Juntũ coyene weiweinan xua tana neyawenaewam tsipei xan jopa be ichamonaeyino pomonae xua jiwi pecaibiwi, yawa xua peabewi, xuano xua penasi cui matacaetsiwi yabuxitha. Matautano xan jopa dapomonaē jiwanyo pomonae xua paratixi pentoma noteibiwi po paratixi jiwi bewa catsibina pon romanomonaē itorobiya pia pepa peewatsinchi nexa. <sup>12</sup> Xan cayabara nainbotatsi ainya cuiyobe xua cae semanatha, beta tacawũqueibinexatsi. Matautano cae paratixi jiwana wetsabeiban xam nexa poxonae diez po paratiximonaēbe xeineiban. Yawano daxita xua xeinan baxuano jiwana tsaban xam nexa’, jei fariseomonaepin. <sup>13</sup> Ichitha pon paratixi pentoma noteibin auranaya tajũ beuncuiya. Saya irabe necoreca yawa jopa athabe necoichaeyo. Saya ƚ penantanuweya penanthũthũ jayabi abe peexanaeinxae. Bapon Nacom waca, jeye: ‘Jaibo, Nacom neyabara najũntũ coyene cui xeinare xua tana neyawenaewam tsane bequein bara taajũntũcoyenyapubein’, jei pon paratixi matoma penoteibin. <sup>14</sup> Barapon pon paratixi penoteibin poxonae najume weta xua waca Nacom, nawiya pia bo beya. Paca tsipaebatsi xua barapon Nacom tsitatsi xua jopa xeinaeyo xua penatsicuentsiwa xua abe peexanaexae. Ichitha fariseomonaepin jopa daichichi tsipei bapon awiya peajũntũcoyenebein. Pon xua pia coutha peainya cui jiton naexana pejuntũ coyenetha, Nacom exanaena xua bapon pecui pawĩ jiton naexanaena. Ichitha pon xua pepawi naexana pejuntũ coyenetha, Nacom exanaena xua bapon peainya cui jiton naexanaena”, jei Jesũs.

*Meje yabara poxonae Jesũs jeye pexuitha: “Barabũ Nacom beta paca yawenaena”, jei (Mt 19.13-15; Mr 10.13-16)*

<sup>15</sup> Nexata jiwi Jesũs tacaponatsi pexui, xua Jesũs pejayabinexa pecobetha yawa xua Nacomtha petawucaenexa barapo pexui xua pejeinexa: “Barabũ Nacom beta paca yawenaena”, pejeinexa. Ichitha Jesũs pijimonaē tatsi poxonae baxua tane, tamropata notarũcũpa xua barapomonaē cui matawentsatsi pomonae pexui carendena tsaibi. <sup>16</sup> Ichitha Jesũs waba pexui. Jesũs pijimonaē barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaē nexa pomonae pejuntũ coyene xanepanaewi icha pexui ichi. Pexui pia cui xua tayapu xanepanatsi xua pia jũntũ coyeneintha jume cowũnta Nacom. <sup>17</sup> Xaniyan paca tsipaebatsi. Pon jopa yabara jume cowũntsiyo xua icha be jopa pexui ichiyo xua ba pexui tayapu xanepanatsi xua jume cowũnta, bapon bapana jopa naexanae tsane Nacom pijimonaē tatsi pomonae Nacom itorobiya ewata, jei Jesũs.

*Meje yabara poxonae pewowin pon copei pexeinaein Jesũs tsipaebatsi (Mt 19.16-30; Mr 10.17-31)*

<sup>18</sup> Caēin pon pentacaponaeawi jiwanaēin bapon Jesũs yainyabatsi, jeichichi:

—Ja Tanecuidubim, maisa nejũntũ coyene wũnaem. ¿Eta xua copiya matha exanocuaein xua ajũntũyapusũya tapoponaewa tsane xua ataya tsane? jei.

<sup>19</sup> Jesũs jume epa pita, jeye:

—¿Eta xua nebaram: ‘Nejũntũ coyene xanepanaem’, jam? Apari ichũn dapon aibi pon pejũntũ coyene xanepanaein. Jame meisa apara bapon Nacom compra pejũntũ coyene xanepanaein. <sup>20</sup> Xam yaputaneme po coyene Moisés pia peitorobi coyenewatha itoroba xua jeye: ‘Jopa ichowa pichinde ichũn piowa tatsi, jopa ichũn bexubinde, jopa caibinde ichũn piawan tatsi, jopa naerabiya cayabara paebinde pocotsiwa ichamonaē exana. Axatha jume barũ cui itura jinare. Matautano enatha jume barũ cui itura jinare’, jei Moisés, jei Jesũs.

<sup>21</sup> Pon pentacaponaein jume epa pita, jeye:

—Daxita caēna bayatha barapo coyenein exaneiban, poxonae pexuyothan tamropata pitaban, beya anoxuae yacuiya pinyon, jei.

<sup>22</sup> Poxonae Jesũs baxua jume tane, Jesũs barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acuibiyonexa tsane xua pocotsiwa xanepanaeya ne-exanaewa, matha daxita caēnaere pocotsiwa xeiname, yawa catsibare pomonaētha pomonaē peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha, pocotsiwa Nacom necajũntana botsiwa pocotsiwa bichocono wũnae, jei Jesũs.

<sup>23</sup> Poxonae barapo pebin jume taeba, bichocono jũntũ wecoyei, tsipei bichocono copei pexeinaein. <sup>24</sup> Poxonae Jesũs tane xua barapon jũntũ coyene wecoyei, Jesũs barai, jeye:

—[Maisa bichocono ayapubecai xua copei pexeinaewi naexana Nacom pijimonae tatsi jiwana pomonae itorobiya canamataxeina! Tsipei barapomonae bichocono antasiway-atane barapo pia copei, beyacaincha xua Nacom antobetsi. <sup>25</sup> Nama bichocono acuiruyapube xua duwein pon pewn camello xua bapon pejoniyaeawa acuicheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetabu wan iya pejoniyaeawa, jei Jesús.

<sup>26</sup> Pomonae xua baxua jume taerucupa, barapomonae Jesús yainyabatsi, jeye:

—Bapoxonae çjintam metha nexata itacupatsi xua penacapanepaewa pia coutha? jei barapomonae.

<sup>27</sup> Jesús jume nota, jeye:

—Pebiwí ba jopa itacupaetsi xua baxua exana, saya jame meisa Nacom compa itacupatsi xua jiwí napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

<sup>29</sup> Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonae peyabara cueicueijeixae po diwesi xua Nacom waba jiwí petanaexanaenexatsi pijimonae tatsi pomonae itorobiya peewatsixae. Nacom beta cana exanaena barapomonae pia bon pecuenta ponaexae, yawa piseuri pecuenta ponaexae. Matautano beta cana exanaena pomonae peweichowi pecuenta ponaexae. Matautano beta cana exanaena pomonae pamchowi pecuenta ponaexae. Matautano beta cana exanaena pomonae paxei jiwí pecuenta ponaexae, matautano peniwí pecuenta ponaexae. Matautano beta cana exanaena pomonae pia pexui pecuenta ponaexae. <sup>30</sup> Barapomonae barapo coyenein exana taneantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntucoyeneyparuswa po peajuntucoyeneyparuswa ataya tsiteca, jei Jesús.

*Meje yabara poxonae Jesús nayabara paeba acoihi po coyenebetha xua poxonae tupaena (Mt 20.17-19; Mr 10.32-34)*

<sup>31</sup> Bapoxonae Jesús pijimonae compa waba aisowa beya xua pomonae doce poyobe tatsi. Jesús barai barapomonae, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwí newunae tsiwanaya yabara tina xua xan ponxaein Nacom Tananeitapetsin. <sup>32</sup> Yawa necaenaetsina pomonaetha pomonae penanapaincha jinompaewi, xua icha nacua werena reponaewi xua barapomonae tanecui caponaenexa. Matautano abe neyabara paebina. Yawa neyabara naone subabina. <sup>33</sup> Yawa necuainchina, barapomonae nebexubina. Daichitha poxonae acoihi po maticabibe yapu caewina equeicha asu neexanaena petupae cuiru coyene weya”, jei Jesús.

<sup>34</sup> Ichitha Jesús pijimonae tatsi jopa yaputaeyo baxua xua pocotsiwa Jesús pijimonae tsipaeba. Barapomonae jopa jume ita cui cupaetsi poroxu Jesús barompaya nabaru jume yabara canamchi, baxua barapomonae taayapubetsi bichocono.

*Meje yabara poxonae Jesús Jericó tomaratha axaibi exana pon peitata nacutsin (Mt 20.29-34; Mr 10.46-52)*

<sup>35</sup> Poxonae Jesús itiya pona Jericó tomara, pon peitata nacutsin namtotha eca, yawa jiwí wuqueibeca paratixi. <sup>36</sup> Poxonae bapon ponxae peitata nacutsin jume tane xua juinya pin bicheito pona, bapoxonae bapon ponxae peitata nacutsin jume yainyaba, ichamonae yainyabatsi, jeye: “ÇEta xua metha juinya pin bicheito pona?” jei pon peitata nacutsin. <sup>37</sup> Bapon ponxae peitata nacutsin jume notatsi, jeye: “Apara Jesús, Nazaret tomarapin xote imoxoyo patope”, jei. <sup>38</sup> Nexata bapon pon peitata nacutsin jume daunweya wawai, jeye:

—Jesús, David pia pemomoxi susato jiwanaepim, ponxae Nacom Necaitapetsim neyabara najuntu coyene xeinare jinya tana neyawenaenexam, jei pon peita nacutsin.

<sup>39</sup> Pomonae xua pin bicheito matacaenapoinchi, barapomonae pon peitata nacutsin jume matawantatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanaepim ponxae Nacom Necaitapetsim neyabara najuntu coyene xeinare jinya tana neyawenaenexam, jei pon peitata nacutsin.

<sup>40</sup> Nexata Jesús naruntaba. Jesús namchi, jeye:

—Painta maxu xawena, jei.

Poxonae pon peitata nacutsin imoxoyo patopa Jesustha, Jesús yainyaba, barai, jeye:

<sup>41</sup>—¿Eta xua jinya tacata exanaetsi? jei.

Pon peitata nacutsin jume nota, jeye:

—Jesús Tananecanamataxeinaem, benecotsin cuinaya, jei.

<sup>42</sup>Jesús jume nota, barai, jeye:

—Moya necore antha. Axaibi caexanatsi tana neyabara jume cowantsixaemxae xua bara tana neitacupaewa xua tacayawenaewatsi, jei.

<sup>43</sup>Caena nainya bapon necotaxuba. Yawa Jesús puna poinchi. Matautano Nacom wunae jaintatsi. Poxonae pin bicheito baxua cui tane, iruru daxita barapo bicheito Nacom wunae jaintatsi.

## 19

*Meje yabara poxonae pebin pon pewyn Zaqueo Jesús jume cowantsi*

<sup>1</sup>Jesús Jericó tomaratha patopa. Bapoxonae bapon barapo tomara xenta iya. <sup>2</sup>Baxota Jericó tomaratha pebin popona, pon copei bichocono pexeinaein. Bapon pewyn Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonaet itorobiya pia pepa peewatsinchi nexa. <sup>3</sup>Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matautano poxoru Zaqueo xataxatequeca. <sup>4</sup>Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncuia ichaxota Jesús ponaena, xua Jesús barapo naetheicha xaniwaicha peyaitaenexatsi. <sup>5</sup>Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

<sup>6</sup>Bapoxonae Zaqueo nainya dunatabica. Matautano Jesús matenta weiweinaya wabatsi pia botha. <sup>7</sup>Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponaet barapo botha, tsipei bapon abe peexanae cuiru coyene peexanaein, jei barapo bicheito.

<sup>8</sup>Nexata Zaqueo nantacotuncua pia botha, yawa jeye Jesustha:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopeibiwi. Matautano pomonae xua naerabiya wacan cae paratixi equeicha caewa tha catsibichi cuatro po paratixibe, jei Zaqueo.

<sup>9</sup>Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanam. <sup>10</sup>Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

*Meje yabara poxonae Jesús paeba pecayabara juta pepaebi diwesiyo xua diez po paratixibe yabara*

*(Mt 25.14-30)*

<sup>11</sup>Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara juta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

<sup>12</sup>Bapoxonae Jesús jeye: “Matha iruru pebin popona. Barapo pebin jiwana pin pomonae peainya cui jiwi pomonae barompaya piamonae matabuxhmonae. Barapo pebin taju pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha. <sup>13</sup>Poxonae cataunxuae jopa taju ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwiwi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinaponaenexa paratixi. Payacobe cui othopare poxonae beya patopaen’, jei barapo pebin. <sup>14</sup>Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetayiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaein jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

<sup>15</sup> “Daichitha barapon cana exanatsi, pon jiwi itorobiya pia pepa peewatsinchi, xua ichun cana exana pon iru jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuaatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba. <sup>16</sup> Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa. <sup>17</sup> Pon pecanamataxeinaein jume nota, jeye: ‘Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei. <sup>18</sup> Iru icha petanacuichinchi patopa. Bapon jeye: ‘Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe’, jei. <sup>19</sup> Pon pecanamataxeinaein jume nota. Bapontha jeye: ‘Xam pentacaponaein caexanaeinchi xua necanamataxeinaenexa cinco po tomariyobepiwi’, jei.

<sup>20</sup> “Iru icha pia petanacuichinchi patopa, bapon jeye: ‘Tanecanamataxeinaem, taema xote xeinanje jinya paratiyo, cata mata quiyontabatsi painyaweratha. <sup>21</sup> Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa ubim’, jei. <sup>22</sup> Nexata pon jiwi itorobiya pia pepa peewatsinchi namchi: ‘Bepa maisa dapon abem. Aparaxam jinya coutha nanatsicuenti exaname abe nepaebixae. Xam yaputaneme xua xan pon jopa jiwi juniya taitorobeibin, xvano xua pexaewa naweta tanoteibiwa xua ichaxota jopa tacoya ubeibinyo, matautano xua ichamonae cobe itorobeiban xua noteiba pocotsiwa jopa tawiyo. <sup>23</sup> Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonae patopan, icha paratiyo equeicha matoma xeinaetsipan xua equeicha inta pemataropeichabotsixae tsipae poxonae ichamonae nacowaeta barapo paratiyo’, jei. <sup>24</sup> Pon jiwi itorobiya pia pepa peewatsinchi barai, pomonae xua ena baxota baraichi: ‘Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina’, jei pon jiwi itorobiya pia pepa peewatsinchi. <sup>25</sup> Pomonae ena, barapomonae jume epa nota, jeye: ‘Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apara diez po paratixibe xeina’, jei barapomonae. <sup>26</sup> Pon jiwi itorobiya pia pepa peewatsinchi barapomonae jume notatsi, jeye: ‘Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>27</sup> Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarenenande ichaxota ecan. Barapomonae pajutebare ichaxota ecan’, jei pon jiwi itorobiya pia pepa peewatsinchi”, jei Jesús.

*Meje yabara poxonae Jesús Jerusalén tomaratha patopa  
(Mt 21.1-11; Mr 11.1-11; Jn 12.12-19)*

<sup>28</sup> Poxonae Jesús baxua najume weta, bapoxonae pona Jerusalén tomara beya. <sup>29</sup> Jesús itiya patopa Betfage tomara, Betania tomarano xua saya patopa demxuawatha po demxuwa pewan Olivowa tsipei baxota umena olivo naein. Bapoxonae nacueyatabe poyobe itoroba poyobe xua pijimonaexae tatsi jiwanaabe pomonae xua doce poyobe. <sup>30</sup> Jesús barai baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha, pacaxinaenamebe burro pon penun pon pequetanotsin, pon jopa ichamonae tsijuma enaeyo. Payama isanaxorebe bepayama carenandebe. <sup>31</sup> Icha ichun paca barai: ‘¿Eta pocotsiwa payama isanaxubamebe burro?’ icha paca jei bapon, nexata pajandebe: ‘Pon Wanacanamataxeinaein bepa pata yama cayiyeinjei, tsipei pinae nantawenona’, pajandebe, jei Jesús.

<sup>32</sup> Poxonae baponbe tomaratha patopabe, tanebe be pocotsi coyeneya bayatha Jesús namchi. <sup>33</sup> Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

<sup>34</sup> Baraponbe jume notabe barapomonaetha, jeye:



—Pon Pecanamataxeinaein jiwi bepa pinae patayama cayiyaein, tsipei pinae nantawenona, jeibe baponbe.

<sup>35</sup> Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiyu xua baponbe pia paparuwan tatsi, bapoxonae Jesús cuaretsicatsi. <sup>36</sup> Jesús burrotha ecapona. Jiwi paparuwan namtotha yerababa jeje-babapoinya. Barapo paparuwan Jesús matatsun ecapona burrotha. Barapomonae baxua exana tsipei Jesús matenta weyatainchi xua patopa. <sup>37</sup> Poxonae Jesús muxu perunadecae demxuwa wereca, po demxuwa pewan Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonae juntu coyene weiweinaya jume daunweya wawai. Yawano Nacom wunae jaintatsi xua bayatha pexeinya petsita itutsi coyenewan petaexae xua Nacom exana. <sup>38</sup> Barapomonae jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wunae, bapon patopa Nacom peitorobixae! ¡Pomonae xua peitabocotha jinompa juntu coyene weiweina bichocono! ¡Maisa Nacom bichocono wunae jaintatsi pon athabeicha eca! jei Jesús pijimonae tatsi.

<sup>39</sup> Nexata fariseo jiwanamona, pomonae naenapona pin bicheitha, barapomonae Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, jei fariseo jiwanamona.

<sup>40</sup> Ichitha Jesús jume epa pita, jeye:

—Paca tsipaebatsi, icha barapomonae metha moya tsipae bara nexata iboton jume daunweya wawai tsipae, jei Jesús.

<sup>41</sup> Poxonae Jesús imoxoyo Jerusalén tomaratha patopa, poxonae tomara tane, Jesús juntu coyene wecoyei tsanareca, poxoru Jerusalén tomaramonae yabara wecoyeichi. <sup>42</sup> Jesús namchi, jeye: “¡Pai maisa bepayaputaename xua pocotsi juntu coyene juntema jinompa paca cana exana! Nama anoxuae baxua nantsiyata. Jopa paca itacupaeyo xua painya nexainaewa painya juntu coyenetha. <sup>43</sup> Meisa matakabi pacata jopaena po matakabi abe. Barapo matakabitha painya nepaca caaitafaetabi jiwi paca yatomara yatoxoroto exanaxubina. Tsorobo paca yacaincha acabina. Yawa paca yacaincha umenaena daxita muxuneneintha. <sup>44</sup> Paxam Jerusalén tomarapiwi pam, yawano painya pexuino, icha monae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

(Mt 21.12-17; Mr 11.15-19; Jn 2.13-22)

<sup>45</sup> Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota. <sup>46</sup> Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwi tanetsipaebinexa tsalibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantsiyabeibathopa, tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebebinexatsi, jei Jesús.

<sup>47</sup> Nacom pin pia botha daxita matakabi Jesús cuidubeiba. Ichitha sacerdotemonae pia pentacaponae, iru pomonae jiwi pecuidubiwi Moisés pia peitorobi coyene tatsi, iraru tomara pia pentacaponae daxita barapomonae Jesús yabara nanta xeinatsi nawita xua pebexubinexa tsainchi. <sup>48</sup> Ichitha jopa itacupaetsi barapomonae xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

## 20

*Meje yabara xua Jesús pia peitorobi coyenewa xeina*

(Mt 21.23-27; Mr 11.27-33)

<sup>1</sup> Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicueije. Bapoxonae iru sacerdotemonae pia pentacaponae tatsi pata. Iru pata pomonae jiwi pecuidubiwi xua Moisés pia peitorobi coyenewa tatsi. Iru pata pomonae penapatae jiwi. <sup>2</sup> Daxita barapomonae Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿jintam cacata barapo peitorobi coyene? jei.

<sup>3</sup> Nexata Jesús jume nota, jeye:

—Xan irur̃a tha barichichi paca yainyabinchi pana nejume nore. <sup>4</sup> ¿Jintam Juan cui itorobatsi jane xua jiwi pebautisabinexa tsainchi? ¿Metha bara Nacom cui itoroba jampa? ¿Metha bara jiwi cui itoroba jampa? jei Jesús.

<sup>5</sup> Barapomonaē caemonaē yabara natsipaeba pocotsiwa Jesús pepaebiwa. Barapomonaē jeye: “¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘¿Eta xua metha nexata jopa pajume cowwantsim Juan?’ metha naca jei tsipae Jesús. <sup>6</sup> Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomonaē. <sup>7</sup> Barapomonaē Jesús jume notatsi, jeye:

—Canta jopa payaputaeyino xua pon Juan cui itorobatsi xua jiwi pebautisabiwatsi, jei barapomonaē.

<sup>8</sup> Nexata Jesús barai barapomonaē, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

*Meje yabara poxonaē Jesús paeba pecayabara juta pepaebi diwesiyo pomonaē xua abe exana, pomonaē petayapucaenaewi uva pabi*

*(Mt 21.33-44; Mr 12.1-11)*

<sup>9</sup> Nexata Jesús diwesi tsipaeba jiwitha po diwesi pecayabara juta pepaebi diwesiyo. Jesús jeye: “Matha ir̃a pebin pin uva pabi xeina. Bapon uba po unbo pew̃an uva cuei unbo. Bapoxonaē bapon itoroba pomonaē pia uva pabi petayapucaenaewichi tsainchi, xua bapoxonaē barapomonaē pejiwanaxaenexa pocotsiwa penawetsiwa. Bapoxonaē bapon icha nacua beya pona ainya wei nexa. <sup>10</sup> Maticabi tsuxubi xua uva cuei naweta. Bapoxonaē barapo mataqueitha pomonaē pabi petayapucaenaewi jiwana itapeta nota xua penawetsiwa. Bapoxonaē pon uva pabi pexeinaein, caein jiwana itoroba pomonaē pia petanacuichiwichi jiwana, xua petaw̃caenexa tsainchi uva cuei pomonaē beya pomonaē pabi petayapucaenaewichi. Ichitha barapon pon najume caitorobatsi, bapon butsi. Bapon caibe cobesa iya. <sup>11</sup> Pon uva pabi pexeinaein bapon equeicha caein jiwana itoroba pomonaē pia petanacuichiwichi jiwana. Bapon barichi bichocono butsi, caibe cobesa nawiya yawa jopa catichi. <sup>12</sup> Pon uva pabi pexeinaein equeicha caein jiwana itoroba pomonaē pia petanacuichiwichi jiwana. Barichi pomonaē pabi petayapucaenaewi barapon butsi yawa wan exanatsi yawa pabi weya xotsi.

<sup>13</sup> “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxonaē taxanto taeinchi, metha inta yabara bar̃a cui itura jinainchi’, najei. <sup>14</sup> Dapo jumetha pomonaē uva pabi petayapucaenaewi poxonaē bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon b̃a bexotsi xua xainya xeinatsi barapo uva pabi’, najei barapomonaē. <sup>15</sup> Barapo pexanto tatsi uva pabi juma bemãx̃ cayiyatsi. Baxotiya bexotsi”, jei Jesús.

Nexata Jesús barai barapomonaē, pomonaē jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomonaē barapo uva pabi pia petayapucaenaewichi? <sup>16</sup> Pon uva pabi pexeinaein patopaena pia uva pabitha, pomonaē uva pabi peyapucaenaewi daxita barapomonaē jutebinchi. Barapoxonaē barapo uva pabi ichamonaē xuya catinchi xua petayapucaenaenexa tsainchi barapo uva pabi”, jei Jesús.

Pomonaē Jesús jume tayenatsi poxonaē baxua jume tane xua Jesús paeba, barapomonaē Jesús jume itawetatsi, jeye:

—[Bara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonaē! jei barapomonaē.

<sup>17</sup> Ichitha Jesús tane, barapomonaē tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonaē iboto yabara paeba, jeye:

‘Pebiw̃i pomonaē ibo bon peacabiwi,

barapo pebiwi xuba po iboto tab̃a

caboca, po iboto peainya cui iboto.

Ichitha Nacom itapeta barapo iboto xua

petab̃a cabocaenexa peainya cui ibotoxae’,

jei Nacom Pejume Diwesitha.

<sup>18</sup> Incane iboto yabara paca tsipaebinchi. Barapo ibototha poxonaē ichauyo jopeica pep̃ur̃aw̃ixi tsanaya. Matautano poxonaē barapo iboto ichauyo matatsun jopeicatsi pebena tsanaya. Icha barapo iboto ichi poxonaē cana exana ichaũxitha peainya cui ibotoxae, xan barapocotsi juta coyeneya barichin pomonaetha pomonaē jopa tana nejume

cowantsiwi. Pia jopa tana neyaputaexae barapomonae daxota peraxa exanaeinchi, jei Jesús.

<sup>19</sup> Sacerdotemonae pia pentacaponaeawi tatsi, iru pomonae jiwi pecuidubiwi xua Moisés pia peitorobi coyenewa tatsi, daxita barapomonae juntucuru Jesús teicatsi poxoru barapomonae yaputane xua yabara paebatsi xua Jesús paeba. Nexata Jesús jopa teicaetsi poxoru jiwi cunuwatsi.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

(Mt 22.15-22; Mr 12.13-17)

<sup>20</sup> Barapomonae itoroba, ichamonae itorobatsi xua petataenexa tsainchi. Pomonae xua itorobatsi, barapomonae naexana itara mexeya pentu cui xanepanaewi. Barapomonae pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonae Jesús waetabichi yawa pia caponaetsi pontha pon Judea nacupapiwi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonae itorobiya pia pepa peewatsinchi. <sup>21</sup> Daxota barapomonae Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi catsita najupa. <sup>22</sup> Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara pon penanapaichinchi poponaein? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

<sup>23</sup> Ichitha Jesús yaputane xua piraichi baxua yainyabatsi.

<sup>24</sup> Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wun ducuaré? jei Jesús.

Barapomonae jume nota, jeye:

—Apara romanomonae itorobiya pia pepa peewatsinchi, jei barapomonae.

<sup>25</sup> Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua iru piawaxae tatsi, jei Jesús.

<sup>26</sup> Barapomonae jopa itacupaetsi xua Jesús pewaetabiwatsi daxita jiwi peitatha, tsipei Jesús beta jume nota barapomonae. Barapomonae yabara nanjantu cui coyene cabenaeca pocotsiwa xua Jesús xanepanaya beta jume nota, daxota barapomonae saya moya umena.

*Meje yabara poxonae Jesús yabara yainyabatsi po coyene xua equeicha asu pomonae pewerapeibiwi*

(Mt 22.23-33; Mr 12.18-27)

<sup>27</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubiwa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota saduceomonae Jesús siwa poinchi. Saduceomonae Jesús baraichi:

<sup>28</sup> —Pon jiwi Necuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>29</sup> Barichi, matha iru cae peweicho jiwi xua caepiwi naba ru jinompa siet poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>30</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. <sup>31</sup> Bapoxonae ichan xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo.

<sup>32</sup> Bapoxonae matapainya iru barapowa tupa. <sup>33</sup> Xam, Jesús, ba paebame, ba jam: ‘Matacabi jopaena po matacabitha Nacom asu exanaena xua jiwi asu exanaeinchi muthu wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha, ¿jintam metha barapowa xuya pichinchi, xua ichan pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>34</sup> Nexata saduceomonaе, Jesús jume nota. Jesús jeye:

—Barapo nacuathe pebiwi yawa yabuxi, barapomonaе jitha eenapona. <sup>35</sup> Pomonaе xua Nacom itapeta waba, poxonaе barapomonaе patsina Nacom pia nacuaatha, barapomonaе jopa equeicha jitha eenaponaе tsane, yawa jopa pexantixi jitha cuarebaponaе tsane. <sup>36</sup> Tsipei barapo nacuatheicha, barapomonaе hexa jopa werapae tsane icha matatsunpiwi ichi xua jopa werapaeayo. Matauta barapomonaе Nacom pia pexui, tsipei barapomonaе equeicha asu barapo petupaе coyene weya. <sup>37</sup> Caena bayatha Moisés yabara naca cuiduba xua pomonaе pewerapeibiwi xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. <sup>38</sup> Baxua Nacom paeba tsipei Abraham iru Isaac, iru Jacob pomonaе bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonaе pewerapaewi pomonaе jopa caewa equeicha asu pejinompaewi, barapomonaе jopa pia Nacom tatsi, pon itabocotha eca. Saya jame meisa pomonaе bayatha pewerapaewi caewa equeicha asu pejinompaewi pomonaе pejume cowantsiwixaetsi Nacom, barapomonaе jame pia Nacom tatsi, pon itabocotha eca, jei Jesús.

<sup>39</sup> Nexata pomonaе jiwi pecuidubiwi Moisés pia peitorobi coyene tatsi, barapomonaе jiwanamonaе Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomonaе.

<sup>40</sup> Saduceomonaе equeicha jopa Jesús yainyabichi xua equeicha beta pejume notsiwat-siyainwa.

*Meje yabara poxonaе Jesús nayabara jei: “Mesías, ¿jintam pia pemomoxi susato jiwanapin tatsira?” jei*

*(Mt 22.41-46; Mr 12.35-37)*

<sup>41</sup> Equeicha Jesús nayabara paeba pomonaetha pomonaе jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwanapin tatsi? <sup>42-43</sup> Tsipei David jei salmos penaxanaе weixi diwesintha:

‘Nacom pon Pecanamataxeinaein jiwi

Tanecanamataxeinaein baraichi pon

Mesías jeichichi:

Tacoxa werena ecare, beya abu tsane poxonaе

necaaitafaetabi jiwi pia Pecanamataxeinaeinchi

tatsi caexanaeinchi, jei Nacom’,

jei David salmos penaxanaе weixi diwesintha.

<sup>44</sup> Icha David yabara jei xua Mesías yabara jeichi: Bapon Mesías Tanecanamataxeinaein, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

*Meje yabara poxonaе Jesús muxuweta jiwi xua pomonaе jiwi pecuidubiwi Moisés pia peitorobi coyene tatsi barapomonaе pecuiyainwa tatsi*

*(Mt 23.1-36; Mr 12.38-40; Lc 11.37-54)*

<sup>45</sup> Pomonaе xua umena daxita barapomonaе Jesús jume taeumeinchi poxonaе Jesús pijimonaе tsipaeba. Jesús namchi, jeye: <sup>46</sup> “Dota pam, dota pomonaе jiwi pecuidubiwi Moisés pia peitorobi coyene tatsi. Barapomonaе pia pecuidubi coyenewan tatsi pecuiyainwa pande. Jopa paexanaeinde icha barapomonaе ichi xua barapomonaе bichocono ichichipa xua penama xatabiwa po paparuwan apiipiya deca xua be pomonaе peainya cui jiwi penaexanaewi naexana. Barapomonaе bichocono ichichipa xua jiwi namtotha jacobebina xua barapomonaе pejacobinexatsi xua jiwi pebaru cui itura jineibinexa barapomonaе xua barapomonaе pebaru cui itura jineibinexatsi. Barapomonaе bichocono ichichipa xua nanta caeneiba judiomonaе pia penacaetutsi bontha tatsi ichaxota ba enathopeiba pomonaе peainya cui jiwi penaexanaewi. Matauta barapomonaе bichocono ichichipa xua eneiba ichaxota ba eneiba pomonaе peainya cui jiwimonaе poxonaе pexaewan tsinacaeteiba xua poxonaе penabaneibinexa tsane. <sup>47</sup> Matautano barapomonaе powaxi pecuenta werapaewaxichi piseurixi, barapowaxi cueranta enatsi pia bon. Barapomonaе naemata jopa cuinaya najume copababeibiyo poxonaе tsipaеbeiba Nacom. Barapomonaе bichocono peraxa jubebinchi poxonaе po mataqueitha Nacom yabara paebina jiwi xua pia penatsicuentsiwa xua abe petsita exanaexaetsi. Barapomonaе bichocono atene tsane xua poxonaе beyacaincha ichamonaе atene exanaeinchi xua jopa pejume cowantsixaetsi Nacom”, jei Jesús.

## 21

*Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri*

(Mr 12.41-44)

<sup>1</sup> Nacom pin pia botha Jesús tane xua baxota pomonae copei xeinaewi paratixi jeya Nacom nexa ichaxota jiwi jebeiba paratixi. <sup>2</sup> Barichi Jesús tane xua iru ainya tsica paratiyobe jeca baxota powa pecuenta tupaewatsi piseuri, yawa bapowa peacopebiwayo. <sup>3</sup> Jesús jeye:

—Bara xaniyeya paca tsipaebatsi. Barapo yabayo powa pecuenta tupaewatsi piseuri, barapowa peacopebiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae nawita jeya xua Nacom nexa. <sup>4</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca po paratiyobe bequein canantawenona xua pexaewa tsane, bequein bichocono peacopebiwayo, jei Jesús pijimonaetha.

*Meje yabara poxonae Jesús yabara paeba xua ichamonae abe exanaena Nacom pin pia bo tatsi*

(Mt 24.1-2; Mr 13.1-2)

<sup>5</sup> Ichamonae yabara natsipaeba nawita Nacom pin pia bo tatsi. Barapomonae najei: “¡Maisa Nacom pin pia bo tatsi bepa wuna! ¡Maisa bepa wuna xua jiwi tutu pepena peitupanaewan barapo Nacom pin pia botha xua Nacom nexa!” jei barapomonae. Nexata Jesús jeye:

<sup>6</sup>—Matacabi jopaena po mataqueitha tsane ichamonae pomonae penanapaincha jinompaewi pomonae xua icha nacua werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyi nacopatuncuae tsane icha iboto pewmatha, daxita abe tsane, jei Jesús.

*Meje yabara poxonae Jesús yabara paeba xua copiya matha pewunaeya exanaena petsita itatsi coyenewa poxonae daxita weraweracaenaba*

(Mt 24.3-28; Mr 13.3-23)

<sup>7</sup> Nexata jiwi Jesús yainyabatsi, jeye:

—Pon jiwi pata Pecuidubim, zeta poxonae metha ichamonae baxua exanaena poxonae abe cana exanaena Nacom pin pia bo tatsi? zEta pocotsiwa tsane xua pewunaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonaetha.

<sup>8</sup> Jesús jume barai: “Dota pam bu ichamonae naerabiya paca muxu tsipaeba xua daxota abe paexanaetsipame. Tsipei tsane patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan, Mesías’, jei tsane. Ichun jei tsane: ‘Anoxuae Mesías patopaena’, jei tsane. Ichitha paxam jopa payabara jume cowuntsinde pocotsiwa xua barapomonae paeba. <sup>9</sup> Pajume taename xua jiwi juinya nabenoutsina xote, yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapo matacabi aichica tsane xua poxonae daxita weraweracaenaba yatsicaewa”, jei Jesús.

<sup>10</sup> Equeicha Jesús namchi: “Cae nacuapiwi iru icha nacuapiwino barapo ainya nacuapiwibe nabenoutsina. Matautano iru pon nacua peewatsin iru ichundu pon icha nacua peewatsin baponbe iru nantiya nabenabe. <sup>11</sup> Matautano ainya nacuantha ira jijiyatsina. Matautano ainya nacuantha jainbo nacua tsane, tsipei pin mayayo tsane. Matautano domaet tsurucuae tsane ainya nacuantha. Matautano Nacom peitabocotha peitupanaewan itatsina, xua jiwi bichocono sunuwa.

<sup>12</sup> “Poxonae baxua pewunaeya tsane jiwi paca teiquebina, paca atene exanaena. Judiomonaetha pia penacaeuttsi botha paca caponaena painya paca yabara paebinexa painya nenatsicuentsiwa xua abe painya neexanaexae. Yawa paca caponaena jiwi pecubi botha. Paca caponaenano nacua peewatsiwi peitabaratha tatsi, painya tana nejume cowuntsixaemxae. Yawano paca caponaena pentacaponae peitabaratha tatsi, pomonae iru itoroba jiwitha xua pon nacua peewatsin nexa painya tana nejume cowuntsixaemxae. <sup>13</sup> Barapoxonae paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. <sup>14</sup> Pananta xeinare painya juntu coyenetha, pana najande: ‘Jopa tsiwanaya yabara nacui wunaetsi tsainchi xua ichamonae watsipaebiwatsi xua abe wanaca yabara paebiwa’, pana najande. <sup>15</sup> Tsipei xan paca tsimuxu dutinchi po jume xua pacauntsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jiwi jopa paca jume matanonopentsi tsane, xvano xua jopa peitacupaenexa tsainchi xua abe painya nepaca yabara paebiwa.

16 Paca caenaetsina ichamonaе icha jiwitha pomonaetha pomonaе jiwi pecanamataxeinaewi. Iru painya axeiwi yawa painya ena jiwi paca caenaetsina ichamonaetha. Iru painya eweicho jiwi paca caenaetsina ichamonaetha. Iru painya amoyo jiwi paca caenaetsina ichamonaetha. Iru painya jiwimonaе paca caenaetsina ichamonaetha. Barichi ichamonaе pomonaе paxam jiwana pam jutebinchi. 17 Daxita nacuanpiwi paca casebina, painya tana nejume cowantsixaemxae. 18 Ichitha Nacom paca capanenebiyaena painya nejuntu coyenein panenebiyaenexa. 19 Awiya paantuyarusuya nejume cowantsiya jinompare poxonaе bequein ichamonaе abe pacata exana xua beya payacuiya werapaeya othopaename xua painya xeinaewa tsane peajuntuyarusuwa po peajuntuyarusuwa ataya tsiteca.

20 “Poxonaе pataename xua soldadomonaе xua icha nacuanpiwi yacaincha matawacaicha yatoxoroto naexanaxubina Jerusalén tomara bapoxonaе payaputaename xua barapo tomara bara imoxoyo abe exanaeinchi. 21 Barapo mataqueitha, daxita pomonaе Judea nacuattha jinompa barapomonaе bewa demxuan berucapiyaena. Iru pomonaе Jerusalén tomarapiwi, barapomonaе bewa bara berucapiyaena. Iru pomonaе pabitha jinompa, barapomonaе jopa bewa ducupaetsipae tomara beya. 22 Tsipei barapo matababintha Nacom cui itorobina, ichamonaе cui itorobinchi, xua jiwi peraxa exanaeinchi, icha be po coyeneya Nacom Pejume Diwesitha yabara paeba baxua. 23 ¡Pai yabuxi tsobenae powaxi pexui bupana taenatsi barapo matababitha! ¡Pai powaxi iru pexui isaina, barapowaxi tsobenaer! Tsipei acabe tsobenae tsane pexui. Matautano Nacom cui itorobina barapo nacuathe, ichamonaе cui itorobinchi xua barapo nacuathepiwi pin peperaxa jubiwatsi tsainchi. 24 Ichamonaе cusitha jutebinchi. Ichamonaе yamaху cbiya caponaeinchi icha nacuan beya. Barapo Jerusalén tomaratha pomonaе penanapaincha jinompaewi xua icha nacua werena peponaewi dubenanaebiyaena beya barapo matababi yacobe cui othopaena, po matababitha xua Nacom cobe matawentsina xua equeicha jopa enae tsane barapo tomaratha barapomonaе”, jei Jesús.

*Meje yabara poxonaе Jesús nayabara paeba xua poxonaе equeicha patopaetsica ponxae Nacom pia Peitapetsin*

(Mt 24.29-35, 42-44; Mr 13.24-37)

25 Equeicha Jesús jeye: “Bapoxonaе xometotha naitutsina peitupanaewa, yawa jomocoichatho, yawa opiteitontha. Barapo irathe daxita nacuanpiwi yabara najuntu coyene cabenaoutsina. Matautano busi taena pin maratsacan busi xua busi jopa xainya mene ducuaeyo. Bichocono jiwi najuinyaena. 26 Jiwi pijunuwi muxu pewerapae tsane poxonaе nanta xeinaena po coyene Nacom exanaena barapo cae pin nacuathe. Matauta junuwina xua exanaena itabocotha poxonaе Nacom napuna torobabiyaena xua xuan itabocotha dubena. Bapoxonaе jopa xapain dubenaeyo tsane. 27 Bapoxonaе jiwi ne-taena ponxaein Nacom Tananeitapetsin xua tsaquinaebowatha patopeicaein. Nacom pia peayarusuwa itorobi coyenewatha, matautano bichocono pexeinya itupanae coichatha yawa patopeicaein. 28 Poxonaе baxuan juntucuru exanaenaba, panantuyarusupare, athabe panecotumeinyama, tsipei bara imoxoyo paca necapanenebiwa tsane”, jei Jesús.

29-30 Nexata Jesús pijimonaе tsipaeba pecayabara jata pepaebi diwesiyo xua higuera nae, jeye: “Pataema nae po nae pewun higuera nae, xuano ichacuitha icha naeinno xua pataneme xua pena noxu xuxuwa pona. Nexata bapoxonaе payaputaema xua imoxoyo wei tsurucuae tsoponaе. 31 Nexata barapocotsi jata coyeneya icha tsane xuaunxae paca tsipaebatsi xua poxonaе jiwi muxu pijunuwi pewerapae tsane. Bapoxonaе payaputaename xua bara imoxoyo tsane poxonaе xua tapatopae wnae tsane poxonaе jiwi itorobiya ewatsin.

32 “Bara xaniyeya paca tsipaebatsi daxita judiomonaе naitapataya naexanaponaena beya yacui othopaena poxonaе Nacom exanaena daxita baxuan pocotsiwa xuaunxae paca tsipaebatsi. Bapoxonaе barapo judiomonaе weraweracaena. 33 Peitaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

34 “Dota pam, pana neyabara cananta xeinaeya jinompare. Painya xoba pana najuntu coyene ararana exaname xua pana nasi cui matacaetame yabuxitha xuano xua pana nacupa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonaе barapo matababi xain jopa paca benaecae tsane poxonaе jopaena. 35 Tsipei barapo matababi jemeicha jopaena, icha be pocotsi jata coyeneya ichi poxonaе duwein jemeicha aatabatsi mayatha. Barapo matababi jopaena daxita barapo cae pin nacuathe yajiwu canapaxuinchi. 36 Tsaca pajinompeibare xua tapatopae wnae tsane. Matowa patsipaeba dubenanaebiyama Nacom. Patsipaebibare xua Nacom paca capanenebiya exanaena baxua weya xua poxonaе Nacom cana

exanaena ichamonaetha xuaunxuae paca tsipaebatsi. Barichi patsipaebeibareno xua painya nepaca itacupaewa tsane xua painya neuменаewa taitabaratha ponxaein Nacom Tananeitapetsin”, jei Jesús pijimonaetha.

<sup>37</sup> Daxita matakabi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuaa beya poneiba xua baxotiya peecaenexa tsaibi tsane, po demxuaa pewun Olivos. <sup>38</sup> Daxita matakabi jiwi caemumbotha tsaibi pateiba Nacom pin pia botha xua Jesús pejume taenexa tsaibi tsainchi.

## 22

*Meje yabara poxonae fariseomonaе iru sacerdotemonaе pia pentacaponae tatsi daxita barapomonaе Jesús yabara nanta xeinatsi po coyeneya xua Jesús pewaetabiwa tsainchi (Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Bara nama imoxoyo matakabi jopa po matakabitha xua jiwi nacaetuta pexaenexa pan xua jopa cotowiyo. Barapo matakabi pewun Pascua matakabi wun. Barapo Pascua matakabi wuntha jiwi yabara nanta xeina po matakabi poxonae caena bayatha matha judiomonaе Egipto nacua weya panenebiya. <sup>2</sup> Sacerdotemonaе pia pentacaponae tatsi, iru pomonaе jiwi pecuidubiwi Moisés pia peitorobi coyene tatsi, daxita barapomonaе nabaru muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

<sup>3</sup> Bapon Judas caein jiwana pomonaе doce poyobe pomonaе Jesús pijimonaexae tatsi. Judas icha wun xeina, po wun “Iscariote”, baraichi. Nexata bapoxonaе Satanás caurimonaе pia pentacaponaein tatsi, Judas imoxoyo peinya caquita uncuatabatsi peitorobinexatsi xua abe peexanaewa tsane. <sup>4</sup> Judas siwa pona sacerdotemonaе pia pentacaponae tatsi, iru policiamonaе xua pebaru cueicueijeinexa tsane. Barapomonaе policiamonaе pentacaponae tatsi, xua pomonaе peyabara umenaewi Nacom pin pia bo tatsi. Daxita barapomonaetha Judas tsipaeba xua pocotsi coyeneya poxonae Jesús caenaetinchi barapomonaetha. <sup>5</sup> Barapomonaе bichocono ichichiparucupa baxua. Yawa barapomonaе Judas muxu tsipaebatsi xua paratixi catsibapaebatsi. <sup>6</sup> Judas bara yabara jejei xua barapomonaе paeba. Bapoxonaе Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha poxonae jiwaibi tsurucupae.

*Meje yabara poxonae Jesús pijimonaе baru nabane Pascua wun matakabitha (Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Nama matakabi jopaba po matakabitha poxonae jiwi tsinacaetutsina xua penabanaenexa pan po pan jopa muxuna pentsiyo levadura matawun pocotsiwa xua cotowa exana pan. Barapo penantacarucuae matakabitha ba corderoxi pebtoxi xua oveja coxi jutebatsi xua jiwi pexaenexa. <sup>8</sup> Pedro iru Juan itorobatsibe, Jesús itoroba. Jesús barai, jeye: —Paponarebe panacui wunaerebe pexaewa Pascua wun matakabi nexa waxaenexa tsainchi, jei Jesús.

<sup>9</sup> Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matakabi nexa? jei barapomonaе.

<sup>10</sup> Jesús jume nota. Jeye:

—Poxonaе tomaratha papatopaenamebe, pataenamebe pebin. Barapo pebin juruwa-totha yantana ponaena mera. Bapon papuna ponarebe bo beya ichaxota bapon joniyaena. <sup>11</sup> Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwiwimonaе baru xaein Pascua wun matakabi nexa? jeye Pecuidubin’, pajandebe, jei Jesús.

<sup>12</sup> Equeicha Jesús jeye:

—Bapoxonaе pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui wunaetajebare xua wanabanaenexa pexaewa barapo Pascua wun matakabi nexa, jei Jesús.

<sup>13</sup> Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonaе pexaewa nacui wunaetajebabe Pascua wun matakabi nexa xua penabanaenexa.

<sup>14</sup> Poxonaе barapo hora tsuxubi poxonae quirei tsanaicha, Jesús baru ecoundeca pexaethopaewatha pijimonaе pomonaе doce poyobe pomonaе pia peitorobiwixae tatsi Jesús.

<sup>15</sup> Nexata Jesús barai, jeye:

—Maisa bichocono juntu coyene weiweinan xua tapaca cabaru nacaetutswatsi, yawa tapaca cabaru nabanaewatsi barapo Pascua wun nabanae matakabithe, xua baxua matha pewunaeye tsane xua poxonae tatupaewa tsane. <sup>16</sup> Daxota paca tsipaebatsi xua equeicha

jopa tapaca barũ nacaetutsiwatsi tsainchi xua wanabanaewa tsane Pascua wũn matacabitha. Equeicha exanaeinchi barapo penabanaewa po mataqueitha poxonae Nacom neexanaena xua jiwi itorobiya ewatsin, jei Jesús.

<sup>17</sup> Nexata Jesús pecobetha pita corotiyo, Nacomtha tsipaeba, jeye:

—Axa, maisa jũntũ coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimona, jeye:

—Barapo corotiye pana nacobe wenonotaponde tamropata tsiwixi pa-aapaponde.

<sup>18</sup> Daxota paca tsipaebatsi barapo uva mera jopa equeicha paca barũ apae tsainchi anoxuae. Meisa abũ bexa tsane pena coyenewatha paca barũ apaeinchi barapo uva mera poxonae Nacom neexanaena xua jiwi itorobiya ewatsin, jei Jesús.

<sup>19</sup> Jesús pecobetha pita pan, Nacomtha tsipaeba, jeye:

—Axa, maisa jũntũ coyene weiweinan xua pan pata tanecatsiwam, jei.

Barapoxonae Jesús pecobetha epa janaca pan, yawa catsiba pijimona. Pijimona barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitũpaewatsi tsainchi. Baxua paexaneibare bapocotsiwa xuaunxuae pan paca barũ xainchi. Barapo coyene paexaneibare painya tana neyabara jũntanaineibinexa tsaiibi tsane, jei Jesús.

<sup>20</sup> Poxonae Jesusbarũ najain weta, barapoxonae Jesús yabara paeba corotiyo, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaapaewiyotha uva mera paapame, xuaunxuae paapame, apara natsicotane be tajana xua tatũpaein jana jopeicaein. Barapo pejanatha paca jũntũ coyene cui capanepaeinchi abe painya neexanae cuiru coyenein weya. <sup>21</sup> Pebin taxantha necacuita namaxũ yũtabota pexaethopaewatha, barapo pebin nacaenaetsina ichamonaetha xua tanebexubinexa tsane ichamona. <sup>22</sup> Xan ponxaein Nacom Tananeitapetsin bewa tũpaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon nacaenaetaxubina ichamonaetha, jei Jesús.

<sup>23</sup> Nexata barapomona caemona nantiya nayainyaba, jeye: “¿Jĩntam metha caenaetatsi Jesús?” najei barapomona.

*Meje yabara poxonae Jesús pijimona tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana*

<sup>24</sup> Pirapaeyo Jesús pijimona tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana. <sup>25</sup> Nexata Jesús jume barai: “Pomona jopa judiomona naexanaeyo, barapomona ba nantaũta piamona pomona nacua peewatsiwi. Barapomona pomona jiwi itorobiya pia pepa peewatsiwichi barompaya piamaonaexae jopa juniya itorobeiyo. Barapomona pomona jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomona pomona jiwi itorobiya pia pepa peewatsiwichi wũnae nacata exana xua naca itoroba’, pia jeichi jiwi. <sup>26</sup> Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamona bapon bewa naexanaena be pon pecui pawĩ. Pon xua jiwi itorobeiba, bapon bewa naexanaena be pon amanaya tanacuita ichũn nexa. <sup>27</sup> Irũ ainya pebinbe. Ichũn pexaethopaewatha ecoundeca. Ichũn pexaewa apata. Pon ecoundeca apatatsi. ¿Jĩntamda pon ainya cui peexanaeinchira xua beyacaincha ichũn? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichũn. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyio.

<sup>28</sup> “Paxam barapomona pam, pomona meisa pana nebarũ jinompeibame poxonae bequein ichamona inta abe exana. <sup>29</sup> Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan. <sup>30</sup> Barapo peitorobi coyenewan paca catatsi, painya nenabarũ nabanaenexa taitorobeibi nacuatheica. Paenaename pexeinya peitũpanae enaewantha, painya neyabara paebinexa tsane pomona doce po bicheito cuntiyobe, pomona Israel pia pemomoxi susato jiwimona tatsi xua penatsicuentiwa abe pia peexanaexae”, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeyo”, pinae yabara jei tsainchi Jesús*

(Mt 26.31-35; Mr 14.27-31; Jn 13.36-38)

<sup>31</sup> Equeicha Jesús jeye:



—Simón jan, caurimonae pia pentacaponaein tatsi, bapon Satanás newuca: ‘Jinyamon-ae-pin necare’, nejei. Bapon ichichipa xua abe cata exanaena xua taneitawetsinexam tsane. Icha jiwí ichi xua pebeno daunweya yasisita pexubinexa pesiberapewa. Barichi caurimonae pia pentacaponaein tatsi ichichipa cajuntu coyene itorobina xua taneitawetsinexam tsane. <sup>32</sup> Ichitha xan Taxa beicha cata tsipaebatsi xua jopa tana neyabara juntemainaenexam tsane xua tana nejume cowantsiwam. Ichitha Satanás cacana exanaena xua tana nejumefebiwam saya bara caeto tsane. Bapoxonae eque-icha caewa nejume cowantsiname. Poxonae equeicha caewa nejume cowantsiname, nexata ichamonae pomonae tana nejume cowantsiwi barapomonae yawenaename xua ajuntuyapushya tana nejume cowantsiwa tsane, jei Jesús.

<sup>33</sup> Simón Jesús jume notatsi, jeye:

—Tanecanamataxeinaem, maisa be cabaru poponaeinchi. Bara bequein ichamonae cacaponaeina jiwí pecabi botha ichitha awiya capuna tupaieinchi. Matauta bequein tupaename ichitha awiya capuna tupaieinchi, jei Simón Pedro.

<sup>34</sup> Jesús jume nota, jeye:

—Pedro, catsipaebatsi hexa necaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonae iru tsane wacara pebto fibina, jei Jesús.

*Meje yabara poxonae bara nama barapo matabi tsane po matabitha Jesús waetabatsi*

<sup>35</sup> Nexata Jesús pijimonae yainyaba, jeye:

—Poxonae bayatha paca itorobatsi paca jeichi: ‘Jopa paratixi doru pacaponaeinde, jopa cote pacaponaeinde, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomonae Jesús jume notatsi, jeye:

—Ajibi, bara paxeinan pocotsiwa panantawenonan, jei.

<sup>36</sup> Nexata Jesús jume nota. Barapomonae jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponae. Pon xeina paratixi doru, moya bewa caponae. Pon peaitiyu camisa xeina, bapon bewa caenaetsina barapo camisa, barapo paratixitha bewa comotsina cusi. <sup>37</sup> Poxoru paca tsipaebatsi caena bayatha Nacom Pejume Diwesitha neyabara paeba, jeye: ‘Bapon cayabara cananta xeinaeinchi jei tsane bapon jiwana caein pomonae peabewi’, jei Nacom Pejume Diwesitha xua pinae jiwí jei tsane. Jiwí nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

<sup>38</sup> Barapomonae Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

*Meje yabara poxonae Jesús Paxa tsipaeba ichaxota tsica iriyo po iriyo pewun Getsemani (Mt 26.36-46; Mr 14.32-42)*

<sup>39</sup> Nexata Jesús tomara weya pona. Bapon pona demxuwa beya po demxuwa pewun demxu Olivowa, olivo naein peumenaexae baxota poxoru pia cui xua poneiba baxota petsipaebibinexa Paxa. Jesús pijimonae puna poinchi. <sup>40</sup> Poxonae barapo demxuwaatha patopa, Jesús pijimonae barai:

—Nacom patsipaebare xua jopa abe painya neexanaewa tsane xua caurimonae paca itoroba.

<sup>41</sup> Nexata Jesús pijimonae tsiwiyo wepu natsixitaba. Saya jopa tajayo. Be poxonae pebin ibotiyu xoya xua be pocotsiwaatha naruntabiya jopeica. Jesús pentabocototha ecounteca. Paxa tsipaeba. <sup>42</sup> Jesús namchi: “Axa, icha ichichipame xua tana neyawenaewam, inta pire xua ajuntucoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

<sup>43</sup> Bapoxonae Jesús tsita naitutatsi matatsunpin pon itaboco wetsica pona. Barapo matatsunpin Jesús antushya cana exanatsi poxonae yawenatsi. <sup>44</sup> Bichocono Jesús ajuntutane tsipei Paxa copatatsi xua jiwí petsitupaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothopeica.

<sup>45</sup> Poxonae najume wetaba xuanu xua asiya uncuanu bapoxonae pijimonae beya pona. Jesús tane pijimonae xua tamaitumeinchi. Barapomonae maita tsipei juntu cuerona xua wecoyei, xua Jesús yaitama petupapaebixae. <sup>46</sup> Nexata Jesús pijimonae barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonae paca itoroba, jei Jesús.

*Meje yabara poxonae Jesús waetabatsi  
(Mt 26.47-56; Mr 14.43-50; Jn 18.2-11)*

<sup>47</sup> Cataunxuae ab<sub>u</sub> Jesús pijimonae tsipaebuncua poxonaer<sub>u</sub> jiwí pin bicheito pata. Caein Jesús pijimonae tatsi jiwana, pon pew<sub>u</sub>n Judas, pomonae xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi. <sup>48</sup> Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

<sup>49</sup> Pomonae Jesús pijimonae tatsi caquita umeinchi, poxonae barapomonae baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonae Jesús baraichi:

—Pata Tanecanamataxeinaem, ¿barapomonae cusitha paucuboban? jei Jesús pijimonae tatsi.

<sup>50</sup> Jesús pijimonae tatsi jiwana caein, bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya. <sup>51</sup> Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon eque-icha muxuyoro ducuanaya. <sup>52</sup> Jesús tsipaeba, sacerdotemonae pia pentacaponaei tatsi tsipaebatsi. Yawano tsipaebano pomonaetha pomonae penapataewi. Barichi tsipaebano pomonaetha pomonae Nacom pin pia bo peyapu enaewi. Daxita barapomonaetha Jesús cueicueijei, pomonae ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwí pecaibin! <sup>53</sup> Poxonae daxita matacabi Nacom pin pia botha paca bar<sub>u</sub> poponeibatsi, jopa pana newaetabim. Ichitha anoxuae barapo matacabi tsuxubi nama po matacabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Nexata daxita barapomonae Jesús teicatsi. Yawano capoinchino sacerdotemonae pia pepa pentacaponaein tatsi pia bo beya tatsi. Pedro, Jesús tsiwiyo taju pu taetae tsiniyatsi.

<sup>55</sup> Baraxotiya sacerdotemonae pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonae barapomonae nayatoxoroto exanaxubiya ena isototha. Baraxota ir<sub>u</sub> Pedro naeca. <sup>56</sup> Yab<sub>u</sub>yo powa sacerdotemonae pia pepa pentacaponaein tatsi tanacuitatsi, poxonae Pedro tainchi barapowa, xua ir<sub>u</sub> naeca baxota isototha barapowa Pedro caununaya baraichichi, jeichichi:

—Bapon ir<sub>u</sub> apara bayatha Jesús puna poponeibatsi, jei.

<sup>57</sup> Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

<sup>58</sup> Bapoxonae pirapaeyo ir<sub>u</sub> ich<sub>u</sub>nd<sub>u</sub> pebin patopa. Bapon Pedro ir<sub>u</sub> tainchi xua ir<sub>u</sub> naeca baxota. Pedro baraichi bapon, jeye:

—Xam apara ir<sub>u</sub> Jesús pijimonae tatsi jiwanam, jei.

Ichitha Pedro jume barai, jeye:

—¡Pebin, jopa dapomonae jiwanyo apara! jei Pedro.

<sup>59</sup> Poxonae cae hora yapucaewa, ir<sub>u</sub> ich<sub>u</sub>n Pedro matowa baraichichi:

—Bapon apara napuna poneiba Jesús, tsipei bapon Galilea nacuapind<sub>u</sub>, jei.

<sup>60</sup> Ichitha Pedro jume barai, jeye:

—¡Pebin, daumetha jopa taeinyo xua paebame! jei Pedro.

Poxonae Pedro cataunxuae baxua cueicueijei, bapoxonae caena nainya wacara pebto caein fiba. <sup>61</sup> Nexata Jesús napatomeicha necota, Pedro neoyatsi. Nexata Pedro nanta xeinataba xua bayatha Jesús Pedro tsipaebatsi, poxonae jeye: “Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonae ir<sub>u</sub> nainya wacara pebto fibina”, jeichi Pedro xua Jesús paeba. <sup>62</sup> Nexata Pedro pesato bejoniya. Bichocono wecoyei, peajuntanexae xua Jesús yabara paebatsi.

*Meje yabara poxonae Jesús cui caponatsi  
(Mt 26.67-68; Mr 14.65)*

<sup>63</sup> Pomonae Jesús yapucaumeinchi, daxita barapomonae Jesús cui caponatsi, yawa butsinó. <sup>64</sup> Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

<sup>65</sup> Daxita barapomonae Jesús tsuṃṃṃ jume barṃṃ paebatsi ainya jumeintha.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

(Mt 26.59-66; Mr 14.55-64; Jn 18.19-24)

<sup>66</sup> Poxonae penta tsina nabaru nacaetuta penapataewi judiomonae, irṃṃ sacerdote-monae pia pentacaponae tatsi, irṃṃ pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

<sup>67</sup> —Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowantsitsipaem. <sup>68</sup> Icha paca yainyabichipatsi tayainyabiwan apara jopa pana nejume notsipaem. <sup>69</sup> Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peyapusu itorobi coyenewa pexeinaein, jei Jesús.

<sup>70</sup> Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

<sup>71</sup> Nexata barapomonae caemonae natsipaeba najei:

—Anoxuae jopa nantawenonaetsi xua ichamonae Jesús peyabara paebiwatsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonae.

## 23

*Meje yabara poxonae Jesús uncu Pilato peitabaratha tatsi*

(Mt 27.1-2, 11-14; Mr 15.1-5; Jn 18.28-38)

<sup>1</sup> Nexata daxita penayatoxoroto exanaxubiya enae jiwi barapomonae asiya ume-narṃṃṃṃ, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi. <sup>2</sup> Baxota daxita barapomonae Jesús cui yopitatsi xua abe exana, jeye:

—Barapo pebin patan xua wajiwimonae jume cui tsacabatsi xua anaepana cana exanatsi. Yawano pajume tanno pocotsiwa jopa bewa pinae paratixi matoma catsi pontha pon romanomonae itorobiya pia pepa peewatsinchi. Matauta bapon nayabara paeba: ‘Xan apara Mesias pon jiwi itorobiya pepa Taewatsin’, jei, jei barapomonae.

<sup>3</sup> Nexata Pilato Jesús yainyabatsi, jeye:

—¿Xam judiomonae itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

<sup>4</sup> Nexata Pilato barai sacerdotemonae pia pentacaponae tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae exanaewa, xua pebexubinexatsi barapo pebin, jei.

<sup>5</sup> Ichitha barapomonae jume daunweya cueicueijei, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equicha aunxuae waxainya becu joparene, jei.

*Meje yabara poxonae Jesús uncu Herodes peitabaratha tatsi*

<sup>6</sup> Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitha.

<sup>7</sup> Barapo bicheito namchi, jeye:

—Aa, bapon Galilea nacuapin, jei barapomonae.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara.

<sup>8</sup> Poxonae Jesús taebatsi Herodes, bapon bichocono juntu coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itatsi coyenewa exanaena. <sup>9</sup> Herodes Jesús matowa yainyabatsi. Ichitha Jesús jopa jume notsiyo. <sup>10</sup> Baraxota irṃṃ ena sacerdotemonae pia pentacaponae tatsi. Irṃṃ baxota ena pomonae jiwi pecuidubiwi Moisés pia peitorobi coyenewa tatsi. Daxita barapomonae Jesús bichocono abe yabara paebatsi Herodes pia xantha tatsi. <sup>11</sup> Nexata Herodes yawano pia soldadomonae tatsino daxita barapomonae

Jesús tsumu jume baru paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonae peyanacua ewatsi jiwí. Equeicha Jesús itorobatsi Pilato peitabaratha beya, Herodes bara beitorobiya. <sup>12</sup> Barapo matacabitha Herodes irũno Pilato naitacoxonabe. Baponbe caena bayatha saya penaita aenae-aenei jitonbe.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

(Mt 27.15-26; Mr 15.6-15; Jn 18.39-19.16)

<sup>13</sup> Sacerdotemonae pia pentacaponae tatsi irũu judiomonae pia pentacaponae, irũu daxita jiwí, daxita barapo bicheito Pilato waba xua barapo bicheito penacae-tutsinexa. <sup>14</sup> Pilato barai barapo bicheito, jeje:

—Paxam barapo pebin pacaponame taxantha. Pajam: ‘Barapo pebin daxita jiwí jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame. <sup>15</sup> Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi. <sup>16</sup> Tha cueintichi bapon. Tha bapoxonae pu copatichi, jei Pilato.

<sup>17</sup> Poxonae Pascua matacabintha ichun ba bewa isanaxubichi. Pilato barapo Pascua matacabintha nantawenona xua isanaxubina caein pon jiwí pecubi botha peecaein, pon xua jiwí ichichipa, xua bapon peisanaxubinexa tsainchi.

<sup>18</sup> Bapoxonae daxita jiwí jume daunweya wawai, jeje:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

<sup>19</sup> Barrabás jiwí pecubi botha etatsi, tsipei caena bayatha matacaponae ichamonae xua barapo tomarapiwí najume tsacaba cana exanatsi xuano xua jiwí jutebatsi. <sup>20</sup> Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi. <sup>21</sup> Ichitha equeicha barapo bicheito jume daunweya wawai Pilatotha, jeje:

—¡Bewa maisa naetotha tũparucua exanaem! ¡Bewa maisa naetotha tũparucua exanaem! jei.

<sup>22</sup> Equeicha Pilato tsipaeba barapo bicheito, jeje:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

<sup>23</sup> Barapo bicheito jopa juniya wawayo xua naetotha tũparucua peexanaenexatsi Jesús. Irũu sacerdotemonae pia pentacaponae tatsi jume daunweya wawairũ, beya capanepa po coyene ichichipa pecana exanaewa. <sup>24</sup> Daxota Pilato namchi: “Moya paexande be pocotsi coyeneya paichichipame”, jei Pilato. <sup>25</sup> Nexata Pilato nama pu sotaba pon jiwí pecubi botha peecaein, pon jiwí ichichipa xua bapon peisanaxubiwa tsainchi. Bapon pewan Barrabás, pon waetabatsi poxonae jiwí najume tsacaba xuano poxonae jiwí jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús tũparucua exanatsi naetotha*

(Mt 27.32-44; Mr 15.21-32; Jn 19.17-27)

<sup>26</sup> Poxonae Jesús cataunxuae caenapoinchi tũpa peexanadutsinexatsi naetotha, pebin waetabatsi, soldadomonae waetaba. Bapon pewan Simón, Cirene tomarapin. Bapon wexua warena pona. Bapon peutcuratha tabotsicatsi naeto, xua pecaponaenexa Jesús peputha tatsi.

<sup>27</sup> Jesús peputha tapoinchi pin bicheito, irũ ainya yabũxino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús. <sup>28</sup> Ichitha Jesús necotabiya barai barapowaxi, jeje:

—Yabũxi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande. <sup>29</sup> Tsipei matacabin othopaena po matacabintha jiwí atene tsane. Barapo mataqueintha, jiwí jei tsane: ‘Jũntũ coyene weiweina po yabũxi jopa pexui xeinaeyo. Jũntũ coyene weiweina po yabũxi jopa bapana butixitha taenaetsi pexui. Jũntũ coyene weiweina po yabũxi bapana pexui jopa isainae’, jei tsane jiwí barapo matacabintha. <sup>30</sup> Yawano jiwí namchi tsane: ‘Maisa xanepana xua wawerapaewa xua wanaca canubabiwa demxuwana, yawano tsorobon naca matatsun wetoxebabina xua jopa wanaca itatsiwa tsane’, jei tsane

jiwi barapo matacabintha. <sup>31</sup> Xan wuna exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

<sup>32</sup> Cataunxuae Jesús ecapona. Iruru ponbe abe matowa peexanaeinbe, baponbe Jesús peputha tacapoinchibe, xua baponbe iru pebexubinexa tsainchibe poxonae Jesús bexotsi. <sup>33</sup> Daxita jiwi Jesús baru patatsi ichaxota po uruto be jiton matasipa piwa. Po uruto wan caunuteiba xua jei tsaiibi: “La Calavera”, jei. Barapo uruto matasoitha Jesús tparucua exanatsi naetotha. Iruru ponbe jiwi pecaibinbe tparucua exanatsibe naetotha ichaxota imoxoyo Jesús ducua. Ichun Jesús petsocona wetauncuiyatsi, iru ichun pecoxa wetauncuarenatsi. <sup>34</sup> Poxonae Jesús naetotha ducua, Jesús jeye:

—Axa yabara cui juntemainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonae nata tsaba Jesús pia paparuwan tatsi. Bapomonae ibotixi bebeya peacuercanta notsinexa Jesús pia paparuwan tatsi. Pon beta xoya ibotiyoy bapon copiya pita Jesús pia paparuwan tatsi. <sup>35</sup> Baraxota Jesús taeumeinchi jiwi. Ichitha nama pentacaponae Jesús cui caponatsi, barapomonae jeye:

—Bapon cain capanepeibabei ichamonae, came jopa nacapanepaeyo. Icha bara bapon Mesías, pon Nacom pia peitapetsin, bu bara bapon pia coutha nacapanepa naeto wetsica, jei barapomonae.

<sup>36</sup> Soldadomonae iru Jesús cui capoinchi, imoxoyo caquita umenapoinchino. Barapo soldadomonae Jesús apatatsi po mera pewun vino, po mera mene atsu. <sup>37</sup> Barapo soldadomonae Jesús baraichi, jeye:

—Icha xaniwaicha judiomonae itorobiya pia pepa Neewatsim, moyo jinya coutha nacapanepare! ¡Naeto wetsica ecoinca! jei soldadomonae.

<sup>38</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa peewatsinchi”, jei barapo petinadutsiwa.

<sup>39</sup> Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ichun, bapon Jesús biatainchi petapaeyainwa naetotha. Bapon namchi:

—Icha xaniwaicha xam Mesías, ponxaem Nacom caitapeta, moyo jinya coutha nacapanepare! ¡Yawano pana necapaneparebe! jei bapon.

<sup>40</sup> Pon icha naetotha ducua, bapon jume matawenta, pon Jesús casebatsi, bapon jume matawentatsi. Pon icha naetotha ducua namchi, jeye:

—¿Xam jopa cuitaya junuwim Nacom? Aparauunxuae tpaieinchibe ichaunxuae Jesús ichi tsane. <sup>41</sup> Waxainchibe jopa juniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

<sup>42</sup> Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matacabitha poxonae patopeicaename xua jiwi neitorobinexam tsane, jei bapon.

<sup>43</sup> Jesús jume nota, jeye:

—Xaniwaicha bara catsipaebatsi, anoxuae tsane cabaru ecaeinchi ichaxota jiwi juntu coyene weiweinathopeiba, peitapanae nacuatheicha, jei Jesús.

*Meje yabara poxonae Jesús tupa  
(Mt 27.45-56; Mr 15.33-41; Jn 19.28-30)*

<sup>44</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>45</sup> Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica. <sup>46</sup> Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús tpanaicha.

<sup>47</sup> Soldadomonae pia pentacaponaein tatsi Roma nacupin, poxonae bapon baxua taeba, bapoxonae Nacom wuna jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

<sup>48</sup> Daxita pomonae xua baxua taeumena baxota, barapomonae pia bo benawibiya. Poxonae namtotha enapona, daxita barapomonae nantacari cuainbobenapona poxoru bichocono ajuntucoyenetane xua Jesús pewisiwatsi. <sup>49</sup> Ichitha pomonae Jesús peyaitae jiwi, iru yabuxino, powaxi Jesús puna dendenatsi Galilea nacua werena, daxita barapomonae Jesús taju wetaeumeinyatsi poxonae ichamonae Jesús bexotsi.

*Meje yabara poxonaē Jesús pet̃paein ibo m̃th̃h̃tha yauxatatabotatsi  
(Mt 27.57-61; Mr 15.42-47; Jn 19.38-42)*

<sup>50</sup> Ir̃r̃u pebin popona, bapon pew̃n José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta pepoponaein Nacom peit̃h̃a tatsi. José, bapon jiwana caein pomonaē judiomonaē pia pecanamata caitorobi bicheito tatsi. <sup>51</sup> Barapon José yabara jume cow̃ntsiya w̃naē ewateiba po coyenewa xua poxonaē Mesías patopaetsica pon jiwi itorobiya peewatsinexatsi. Poxonaē pomonaē pecanamata caitorobi bicheito exana poxonaē Jesús bexotsi, baxua José jopa pebur̃ya nacayabara nanta xeinaeyo. <sup>52</sup> José Pilato siwa poinchi. Pilato w̃catsi Jesús pet̃paein, José w̃ca. <sup>53</sup> José naeto wepichica Jesús pet̃paein. Bapoxonaē José mata quiyontabareca barapo pexeinya paparuwatha. Bapoxonaē José ibo m̃th̃h̃ iya boya, po m̃th̃h̃ jiwi m̃th̃h̃ tofobobapona. Barapo m̃th̃h̃h̃ cataunxuae pet̃paein ich̃n jopa boyaeitsi. <sup>54</sup> José baxua exana po mataqueitha pew̃n penacui xaxainchi matacabi poxonaē judiomonaē ba weta daxita xua penacuitsiwa pew̃naeya poxonaē jopaena pentaquei seicaē matacabi. Barapo pentaquei seicaē matacabi imoxoyo jopaena.

<sup>55</sup> Powaxi Jesús puna dendenatsi Galilea nacua werena, barapowaxi pona m̃th̃h̃h̃, petaenexa xua Jesús m̃th̃h̃h̃a xotsi. <sup>56</sup> Poxonaē barapowaxi bo benawibiya, bapoxonaē nacui w̃naetajeba petuxueiwan yawa penasiwanno, xua Jesús pet̃paein tsixaxaintaje-batsi.

## 24

*Meje yabara poxonaē Jesús equeicha as̃ juina exanatsi pet̃pae cuiru coyene weya  
(Mt 28.1-10; Mr 16.1-8; Jn 20.1-10)*

<sup>1</sup> Barapowaxi botha cuicuina peseicaē matacabitha, Moisés pia peitorobi coyeneya pepaebixae, barapo matacabi yabara.

Poxonaē judiomonaē pia pentaquei seicaē matacabi tatsi yapu caewaba bapoxonaē patopa matacabi po matacabi xua copiya ducua cae semanatha. Barapo matacabitha poxonaē aena pentha tsina, yab̃xi pona m̃th̃h̃ beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueya-batsi icha yab̃xi. <sup>2</sup> Poxonaē barapowaxi barapo m̃th̃h̃ beya pata, barapowaxi taer̃cupa xua po ibo panawatha yauxatatababota xua pin ibo panawa barapo ibo m̃th̃h̃ bayatha cou yaupataxubabota. <sup>3</sup> Barapowaxi jojoniya m̃th̃hiya ichitha barapowaxi jopa taeyo xua Jesús pon Pecanamataxeinaein pet̃paein pebocuaewa. <sup>4</sup> Barapowaxi yabara najunt̃a coyene cabenaeca. Jopa yaputaeyo xua exana tsipei jopa taeyo xua Jesús pet̃paein boca. Barapowaxi tsita naitutatsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena. <sup>5</sup> Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha pet̃pae cuiru coyenewatha panecobompame pon equeicha as̃ barapo pet̃pae cuiru coyene weya? <sup>6</sup> Xote jopa bocaeyo bapon. Bayatha bapon as̃ pet̃pae cuiru coyene weya. Payabara jume nanta xeinare xua bayatha bapon paca tsipaeba poxonaē cataunxuae Galilea nacuatha popona. <sup>7</sup> Paca jeye: ‘Xan ponxaine Nacom Tananeitapetsin, bewa necaenaetsina pomonaetha pomonaē abe peexanaewi. Barapo abe peexanaewi naetha t̃parucua neexanadutsina. Ichitha equeicha po matacabi acoibibetha as̃n juina neexanaena pet̃pae cuiru coyene weya’, paca jei Jesús, jei barapo pebinbe xua barapowaxi tsipaebatsi.

<sup>8</sup> Nexata barapowaxi baxua jume cui yabara nanta xeinar̃cupa xua bayatha barapowaxi tsipaebatsi, xua Jesús tsipaeba. <sup>9</sup> Poxonaē barapowaxi m̃th̃h̃ wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonaē xua once payobe barapomonaē tsipaebatsi, ichamonaeno tsipaebatsino, pomonaē Jesús jume cow̃ntatsi. <sup>10</sup> Powaxi yopita, xua powaxi Jesús pia peitorobiwi tsipaebatsi, ichowayo pew̃n María Magdalena powa Magdala tomarapiwayo, ir̃u ichowayo Juana, ichowayo María, Santiago pena tatsi, yawanor̃u ichowaxino powaxi saya napona. <sup>11</sup> Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cow̃ntsichi barapowaxi.

<sup>12</sup> Bapoxonaē Pedro m̃th̃h̃ becuinaepoinya. M̃th̃h̃ tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

*Meje yabara poxonaē Jesús pebinbe tsita nait̃ta namtotha poxonaē Emaús tomara beya ponabe  
(Mr 16.12-13)*

<sup>13</sup> Barapo matabitha Jesús pijimonaē tatsi jiwanaē namtotha ecaponabe, siwa ponabe tomara, po tomara pewan Emaús. Barapo tomara eca once po kilómetrobe xua Jerusalén tomara weya. <sup>14</sup> Baraponbe yabara natsipaebecaponabe namtotha xua mexuaetha exana. <sup>15</sup> Poxonaē cataunxuae yabara natsipaebecaponabe yawa yabara najume matsontsonobecaponabe, bapoxonaē Jesús imoxoyo caquita uncuatababe yawa naponano. <sup>16</sup> Bequein baraponbe Jesús tainchi, ichitha baponbe jopa ita cui canaupaetsibe xua Jesús peyaitaewatsi. <sup>17</sup> Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntu wecoyeya naruntababe peyabara natsipaebecaponaexaēbe xua mexuaetha exana. <sup>18</sup> Ponbe penacueyatsixaēbe caein pewan Cleofas. Bapon Cleofas Jesús jume notatsi, jeye:

—Daxita pomonaē jinompa Jerusalén tomaratha, daxita barapomonaē yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

<sup>19</sup> Nexata Jesús baraibe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaēbin, pon peitapanae petsita itatsi coyenein exana Nacom pia peayapusu itorobi coyeneya tatsi’, pajan. ‘Pon xanepanaya pecueicueijein Nacom peitatha tatsi, xuano xua jiwi peitatha tatsi’, pajan. <sup>20</sup> Sacerdotemonaē pata tanecanamataxeinaewi iru pata pecanamata caitorobiwi piraichi Jesús cobe waetabatsi pia Pilato peitorobinexa soldadomonaē xua Jesús teparucua peexanaenexa tsainchi naetotha. <sup>21</sup> Bequein pawnaē ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaayo barapomonaē. Yawano acoihi po matabibibe pu caewa poxonaē Jesús bexotsi. <sup>22</sup> Yabuxi, powaxi xua paxan jiwana pan, barapowaxi pona muthu beya poxonaē aena pentha tsina. Pona ichaxota Jesús boca. Barapowaxi pana tsipaēba xua tane. Daxua pana nenabenaēca exana bichocono. <sup>23</sup> Barapowaxi pinaē jopa taeyo Jesús petupaēin. Bapoxonaē pana netsipaēba xua pinaē barapowaxi tsita naitutatsi matatsunpiwi. Pinaē matatsunpiwi namchi: ‘Bayatha Jesús asu’, jei pinaē. <sup>24</sup> Bapoxonaē pata jiwimonaē, barapomonaē jiwana muthu beya pona. Barapomonaē bara tane baxua, xua yabuxi yopita. Ichitha Jesús petupaēin jopa taetsi, jeibe xua Jesús tsipaēbatsi.

<sup>25</sup> Nexata Jesús jume nota baraponbe, jeye:

—Paxam pomonaē jopa peyaputae jiwi pam, xuano xua bewayo pajume cocowantaponame pocotsiwa bayatha Nacom peitorobi jume pepaēbiwi paēba. <sup>26</sup> Paxam payaputaname xua Mesías pon Nacom itapeta, copiya bewa peraxa exanaēinchi. Nacom cana exanaēna xua bapon patopaēna Nacom pia peitorobi nacua beicha xua pexeinaenexa tsane Nacom pia peayapusu itorobi coyenewa tatsi, jei Jesús.

<sup>27</sup> Nexata Jesús tsipaēba baraponbe xua daxita i dapo diborontha Jesús yabara paēbatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paēbatsi. Bapoxonaē equeicha Jesús yaputane exana xua po diwesi Nacom peitorobi jume pepaēbiwi tina, xua Jesús yabara paēbatsi.

<sup>28</sup> Jesús, iru barapo pebinbe imoxoyo pata tomaratha, po tomara siwa ponaēna. Barapo pebinbe naruntababe, ichitha Jesús mexeya maisa pona namto tomara weya. <sup>29</sup> Ichitha baponbe Jesús jume daunweya baraichi, jeye:

—Pana nebaru ecare, apara bayatha tabopiya tsanaicha, quirei tsanaicha apara, jeibe.

Daxota Jesús puna joniya ichaxota baraponbe patopaēba xua barponbe pebaru ecaenexa tsainchibe. <sup>30</sup> Nexata poxonaē Jesús baru eca pexathopaēwatha baponbe, bapoxonaē Jesús wecobe pita pan. Paxa barai: “Axa, maisa juntu coyene weiweinan xua pata tana necatsiwam barapo pan”, jei. Bapoxonaē Jesús epa janaxuba pan. Baponbe catatsibe. <sup>31</sup> Poxonaē Jesús baxua exana, caēna bapoxonaē baponbe Jesús yaitainchi. Baponbe yaitaēbabe. Bapoxonaē Jesús yacuinaya jemeicha aichurucuae tsanaya. <sup>32</sup> Baponbe natsipaēbabe, najeibe:

—Maisa juntu coyene weiweinsibe poxonaē namtotha naca tsipaēbecaponabe. Bapon naca yaputane exanabe xua bapon peyabara paēbiwatsi Nacom Pejume Diwesitha, jei baponbe.

<sup>33</sup> Bapoxonaē caēna yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonaē once poyobe pomonaē Jesús pia peitorobiwi tatsi. Iruu nanacaetuta pomonaē cueyaba xua pomonaē once poyobe pia pecueyabiwichi. <sup>34</sup> Barapo penacaetutsi jiwi namchi baponbētha, jeye:

—Apara xainyei. Bara Jesús pon Pecanamataxeinaein, asu. Apara bapon Jesús Simón tsita naitatatsi, jei barapo penacaetutsimonaē.

<sup>35</sup> Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Matauta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

*Meje yabara poxonae Jesús tsita naitata pijimonaē Jerusalén tomaratha (Mt 28.16-20; Mr 16.14-18; Jn 20.19-23)*

<sup>36</sup> Poxonae cataunxuae tsipaebabe barapo diwesi, bapoxonae Jesús jemeicha tsita naitata barapomonaē peitabaratha. Jesús jacobā barapomonaē, jeye:

—Barabū Nacom jūntema jinompa paca cana exana, jei Jesús barapo penacaetutsimonaē aetha.

<sup>37</sup> Barapomonaē bichocono nabenaeca, yawa bichocono cuitaya junuwa. Barapomonaē nanta xēina xua metha Jesús perowatsi tainchi. <sup>38</sup> Ichitha Jesús barai barapo penacaetutsimonaē, jeye:

—¿Eta xua metha junuwiya pana nabenaecame? ¿Eta xua metha ainya unthūton pam?

<sup>39</sup> Pana necobe taema, yawa pana netaxu taema. Apara bara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

<sup>40</sup> Poxonae baxua Jesús najume weta, nacobe wan itaba, yawa nataxu wan itaba. <sup>41</sup> Ichitha came awiya barapomonaē jopa jume cowantsiyo poxoru barapo diwesi barapomonaē tsita jume xEICATSi yawa barapo diwesi yabara najūntū coyene cabenaeca exanatsi. Jesús jeye:

—¿Paxam xote penabanaewiyo paxename? jei Jesús.

<sup>42</sup> Nexata barapomonaē Jesús catatsi duweiyō, poyo seba. <sup>43</sup> Jesús wecobe pita, yawa xane barapomonaē peitatha tatsi. <sup>44</sup> Bapoxonae Jesús namchi barapomonaē aetha:

—Caena bayatha paca tsipaebatsi poxonae cataunxuae paca barū ecatsi. Paca jeichiche: ‘Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxūnaē weixi diwesintha neyabara tina, bewa necana exanaena’, paca jeichiche, jei Jesús.

<sup>45</sup> Jesús barapomonaē yaputane exana xua Nacom Pejume Diwesi paeba. <sup>46</sup> Jesús barai barapomonaē, jeye:

—Nacom Pejume Diwesitha neyabara jei: ‘Mesías bewa tūpaena, yawa equeicha asū tsane po matacabi acoibibe petūpae coyene cuiru weya. <sup>47</sup> Yawano bewa barapomonaē Mesías pia pejume cowānchiwichi bewa tsipaebina daxita nacuantha Nacom Pejume Diwesi tatsi Mesías pia peayapusū itorobi coyeneyatha tatsi. Copiya petamropata nōtsinexa Jerusalén tomara weya. Barapomonaē jei tsane jiwitha: Bewa icha jūntū coyene Nacom patsita xēinaem xua bapoxonae Nacom painya nepaca cayabara jūntemainaewa tsane abe painya neexanaē cuiru coyenewa, jei tsane barapomonaē’, jei Nacom Pejume Diwesitha, jei Jesús. <sup>48</sup> Equeicha Jesús barai pijimonaē, jeye:

—Paxam daxita jiwi patsipaebiname daxita xua pataneme. <sup>49</sup> Matauta pataemano xua pacata itorobicaeinchi Nacom pia Pejumo pe tūnaxū tatsi xua bayatha Taxa yabara paca tsiwūnaē muxu duta. Barapo Nacom pia Pejumo pe tūnaxū tatsi yawa patopaena peayapusū itorobi coyenewa. Paenare xote Jerusalén tomaratha, beya poxonae barapon yawa pacata patopaena pia peayapusū itorobi coyenewa Nacom pia nacua tatsi wetsica, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi (Mr 16.19-20)*

<sup>50</sup> Nexata Jesús pijimonaē barū pona Jerusalén tomara weya, Betania tomara bebarū iya. Jesús namaxū yoicha itaboco beicha yawa tsipaeba Nacomtha xua pijimonaē tatsi nexa, xua pijimonaē petayawenaenexatsi. <sup>51</sup> Poxonae cataunxuae Jesús tsipaebuncua Nacom xua pijimonaē tatsi nexa, bapoxonae Jesús athabe juinya exanatsi peitaboco beicha, Nacom exana. <sup>52</sup> Poxonae Jesús pijimonaē tatsi baxua tane, bapoxonae barapomonaē Jesús pecoutha tatsi namchi: “Maisa Wanacanamataxeinaein wūnaē”, jei. Barapomonaē Jerusalén tomara beya jūntū coyene weiweinaya caibe nawibiya. <sup>53</sup> Barapomonaē Jesús pia peitorobi jiwi tatsi Nacom pin pia botha, baxota Nacom jopa juniya wūnaē jainteibichi.

Baja Lucas.



## Jesucristo Pia Pexeinya Diwesi Jume Tatsi Juan Petinae Diwesi

*Meje yabara poxonae Mesías jiwi forotatsi, pon pewan “Pejume”, baraichi*

<sup>1</sup> Poxonae cataunxuae daxita nacuan jopa forotsiyo, bapoxonae iruru caena bayatha Mesías popona, pon Nacom Pexanto tatsi, pon pewan “Pejume”, baraichi. Bapon Nacom caena bayatha baru poponeiba. Bapon apara bara Nacom. <sup>2</sup> Poxonae aena copiya, bapoxonae bapon caena bayatha Nacom baru popona. <sup>3</sup> Nacom cana exana xua Mesías daxita nacuan fororota. Dapocotsiwa aibi xua yaseicanaya xua pocotsiwa bapon jopa exanaeyo. <sup>4</sup> Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeneno cana catsiya taexanano jiwi xua jiwi yaputaena po coyene pexainyei coyenewa. <sup>5</sup> Icha pecoicha ichi xua jiwi yaweinchi xua beta pejinompaenexa poxonae quirei, bara juta ichi Mesías. Bapon jiwi yaweinchi xua beta xanapanaya pejiinaponaenexa poxonae bapon Mesías cuiduba jiwi. Caurimonaе pia pentacaponaein tatsi bequein ichichipa xua Mesías peamanayabiwatsi, ichitha caurimonaе pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peyapusawa xeina.

<sup>6</sup> Bapoxonae ira Nacom itoroba pebin, pon pewan Juan. <sup>7</sup> Bapon patopa xua Mesías peyabara paebinxatsi, po wan xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewanaeya tatsi, penajuntu cui wanaetsinexa xua daxita jiwi Mesías pejume cowantsinexa tsainchi. <sup>8</sup> Juan apara Mesías aibi. Apara saya pia Mesías wnae yabara paebichi xua Juan peitorobixaetsi baxua. <sup>9</sup> Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

<sup>10</sup> Bapon popona barapo cae pin nacuathe tsique. Bara bequein bapon exana pia coya barapo nacue, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita.

<sup>11</sup> Bequein bapon bara pia nacuathe patopeica, daichitha barapo cae pin nacupapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba. <sup>12</sup> Ichitha ichamonaе pomonaе bapon matenta weiweinaya wabatsi xuano xua bapon jume cowantatsi, barapomonaе Mesías cana exana xua po coyeneya barapomonaе Nacom piamonaе tatsi penaxanaewa tsane. <sup>13</sup> Tsipei barapomonaе jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomonaе jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomonaе jopa naexanaeyo Nacom pia pexui xua poxoru coxiyın peichipaexae xua pexinaewa pia pexui. Saya jame barapomonaе Nacom pia pexui tatsi naexana, tsipei Nacom cana exana baxua.

<sup>14</sup> Bapon Mesías pon pewan “Pejume”, baraichichi, bapon poxonae naexana po cae pin nacuathe tsique bara bapon yatsicaya pepa jiton. Matautano naca baru popona bapon. Bapon wan ununatatsi “Jesús” baraichichi. Matautano bapon pejuntu coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan xua Jesús exaneiba pia pexeinya peyapusawatha po pexeinya peyapusawa Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto. <sup>15</sup> Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abu cataunxuae jopa naexanaeyo’, janje”, jei Juan.

<sup>16</sup> Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi junteма watsita jinompaenexa tsane bapon. <sup>17</sup> Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume. <sup>18</sup> Dapon aibi pon Nacom petawatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebaru poponaexaetsi.

*Meje yabara poxonae Juan pon jiwi Pebautisabin Jesucristo yabara cueicueijeichi (Mt 3.11-12; Mr 1.7-8; Lc 3.15-17)*

<sup>19</sup> Judiomonaē pomonaē ena Jerusalén tomaratha barapomonaē sacerdotemonaē itorobatsi irur̄ levitamonaē itorobatsi Juan beya, xua Juan peyainyabinexatsi xua pejeinexatsi: “¿Xam jintam̄mda?” pejeinexatsi. <sup>20</sup> Juan beta nayabara paeba, jeye:

—Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

<sup>21</sup> Nexata equeicha Juan yainyabatsi, jeichichi:

—¿Metha nexata xam jintam̄mda? ¿Bara xam bapom pon Nacom peitorobi jume nepaebim pon pew̄n Elías, pon bayatha t̄pa? jei barapomonaē.

Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomonaē.

Equeicha Juan jume nota, jeye:

—Jume, xan apara aibin dapon, jei Juan.

<sup>22</sup> Nexata daxita barapomonaē Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonaē pana nejume caitoroba. ¿Etabe pana nejumichim tsane xua jinya coutha nayabara paebiwam? jei barapomonaē.

<sup>23</sup> Nexata Juan jume nota, jeye:

—Xan bapon aparan pon wawan ichaxota ira xuepana susato tsurucuae nacua beya, xua jan: ‘Patsi najunt̄ cui coyene w̄naere, pon jiwi pia pepa Pecanamataxeinaeinchi nexa pia pepatopae w̄naeya tsane’, xua jan ponxaein xua wawan ira xuepana susato tsurucuae nacua beya. Bayatha Isaias pejume diwesitha taneyabara jume cui w̄nae tsiwanaya paebiae pon Nacom peitorobi jume pepaebim, jei Juan.

<sup>24</sup> Daxita pomonaē Juan bar̄ cueicueijeichi, barapomonaē fariseomonaē itoroba.

<sup>25</sup> Daxita barapomonaē Juan yainyabatsi, jeichichi:

—Icha xam bapon Mesias aibim xuano xua icha Elías aibim, yawa icha xam bapon aibim pon Nacom peitorobi jume nepaebim, ¿nexata jintam cacui itoroba xua nebautisabiwa jiwi? jei barapomonaē.

<sup>26</sup> Juan jume nota, jeye:

—Xan meratha bautisaban, ichitha ich̄n beta exanaena beyacaincha xan. Bapon bara bequein painyamonaē pia xantha tatsi popona ichitha bapon jopa payaitaem. <sup>27</sup> Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu mā isanaxubiwa tsane pia penataxu xatatsiwa tatsi, jei Juan.

<sup>28</sup> Daxita baxuan Juan yainyabatsi ichaxota po tomara pew̄n Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

*Meje yabara xua poxonaē Jesús pon “Cordero”, baraichichi*

<sup>29</sup> Icha mataqueitha Juan tane, Jesús tainchi xua Juan pexainya tarenatsi. Bapoxonaē Juan jiwitha jeye: “Incane pataema pon pejunt̄ coyene xeicaein pon Nacom itorobica, pon ‘Cordero’, baraichichi xua oveja pebto pen̄n. Apra bapon pon jiwi petsit̄paewa tsainchi xua abe pia peexanaē cuiru coyenein tatsi icha poxonaē ovejiyo ichi poxonaē tsit̄pa jiwi abe pia peexanaē cuiru coyenein tatsi. <sup>30</sup> Bara bapon apra pon bayatha yabara paeban poxonaē janje: ‘Pon cotacaya patopa xua xan tsiw̄na patopan, bapon jame bichocono peainya cuin, beyacaincha xan. Tsipei bapon caena bayatha popona poxonaē xan aibin xua poxonaē ab̄ cataunxuae jopa naexanaein̄yo’, janje. <sup>31</sup> Xan copiyatha jopa yaputaein̄yo xua Jesús bapon barapara Mesías, pon icha w̄n Cristo, pon Nacom itorobica. Ichitha xan patopan tabautisabinexa meratha Israel piamonaē susato saineiwi xua barapomonaē bapon peyaputaewa tsainchi”, jei Juan.

<sup>32</sup> Juan yawa namchi, jeye: “Poxonaē bapon bautisaban bapoxonaē tan Nacom pia Pejumo pe t̄nax̄ tatsi xua peitaboco weruneica xua be topiboto yaruneica. Barapo Nacom pia Pejumo pe t̄nax̄ tatsi, bapon pexantha tapatopatsi. <sup>33</sup> Xan cataunxuae bapoxonaē xaniwaicha jopa yaitaen̄yo bapon. Ichitha pon xua necui itoroba xua jiwi bautisaban meratha, neji bapon: ‘Taename tajumo pe t̄nax̄ xua be topiboto tsecae xua peitaboco weruneica, po tajumo pe t̄nax̄ bapon pia xantha tapatopatsi. Poxonaē baxua taename bapoxonaē yaputaename xua barapo pebin apra pon jiwi pebautisabiwa tsainchi tajumo pe t̄nax̄. Bapon barompaya pia pebautisabi coyenewa exanaena xua poxonaē barapo tajumo pe t̄nax̄ catsibina pomonaetha pomonaē piamonaethaxae.

Barapoxonae barapo tajumope t̄nax̄u barapomonae yanaba jinompaeinchi', jei Nacom.  
<sup>34</sup> Bapoxonae bapon yaitan xua deta cou apara Mesías, yaitama tan xua poxonae bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi", jei Juan jiwitha.

*Meje yabara xua poxonae Jesús itapeta pomonae copiya pomonae Jesús pijimonae tatsi*

<sup>35</sup> Icha mataqueiitha equeiitha Juan pon jiwi Pebautisabin pecoutha patopa xuano xua pebinbe nacueyatabe puna poinchi ponbe xua pia pepuna ponaewichi jiwanae tatsi.  
<sup>36</sup> Poxonae Juan tane xua Jesús dawerena ichaxoyo Juan dena, bapoxonae Juan jeye xua Jesús yabara jeichi:

—¡Pataema apara bapon pon 'Cordero' baraichi xua oveja pebto pen̄n pon Nacom itorobica xua petsit̄paenexa jiwi abe pia peexanae cuiru coyenein tatsi! jei Juan.

<sup>37</sup> Barapo pebinbe ponbe Juan pia pepuna ponaewichi jiwanae tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe.

<sup>38</sup> Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

<sup>39</sup> Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueiitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

<sup>40</sup> Ponbe Juan pejume taexaetsibe xuano pepuna ponaexaetsibe Jesús, caein pew̄n Andrés, Simón Pedro peweicho tatsi. <sup>41</sup> Andrés copiya matha peweicho wenawenei pon pew̄n Simón. Andrés barai peweicho, jeye:

—Paxan pacaxinan pon pew̄n Mesías, jei Andrés. (Barapo w̄n yabara caunuta xua jei "Cristo", jei.)

<sup>42</sup> Bapoxonae Andrés peweicho capona, Simón capoinchi ichaxota Jesús uncu. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae new̄n Cefas tsane, barapo w̄n Cefas wun jei: 'Iboto', jei, jei Jesús. Seicaya griego jume w̄n 'Pedro', jei barapo w̄n ir̄u jei: 'Iboto', jei.

*Meje yabara poxonae Jesús Felipe wabatsi, ir̄u Natanael wabatsi*

<sup>43</sup> Bapoxonae icha mataqueiitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

<sup>44</sup> Barapon Felipe Betsaida tomarapin, po tomaratha ir̄u Andrés popona ir̄u Pedro.

<sup>45</sup> Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiw̄nae cui tina pia peitorobi diwesi jume coyenewatha. Matautano pon bayatha ir̄u Nacom peitorobi jume pepaebiwi yabara tsiw̄nae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

<sup>46</sup> Natanael jeye:

—Dapon pebin pon pejūnt̄u coyene xanepanaein Nazaret tomara weya bapana jopa pona. Tsipei daxita barapo tomarapiwi apara peajūnt̄ucuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

<sup>47</sup> Poxonae Jesús tane xua Natanael imoxoyo caquita pona, Jesús jeye:

—Patopa pebin pepa israelmonaepin, pon jopa jiwi pemuxutorobin, pon xaniwaicha pejume cowantsin Nacom, jei Jesús.

<sup>48</sup> Nexata Natanael Jesús yainyabatsi. Natanael jeye:

—¿Eta ichim xua taneyaitaewam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

<sup>49</sup> Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara xam Israel nacuamonae itorobiya pia pepa Neewatsim! jei Natanael.

<sup>50</sup> Jesús jume nota, jeye:

—Xam nejume cowantame poxonae xua saya catsipaebatsi xua cacataewatsi higuera naetha. Ichitha bexa necotsiname xua exanaein pocotsiwa pexeinya peitapanae tsita itatsiwan, beyacaincha xua saya aunxuae catsipaebatsi, jei Jesús.

<sup>51</sup> Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

## 2

*Meje yabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa*

<sup>1</sup> Poxonae acoibi po maticabibe yapucaewa, bapoxonae iruꝛu pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi iruꝛu baxota natane pewabixaetsi. <sup>2</sup> Iruꝛu Jesús wabatsi, iruꝛu pijimonae tatsi wabatsi xua penaponaewa tsane barapo pexaewa petsinacaetutsiwa xua poxonae pebin pecotsiwa pita. <sup>3</sup> Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

<sup>4</sup> Jesús jume nota, jeye:

—Ena, abꝛu bexabꝛu abꝛu jopa yabara neyainyabinde baxua. Canta daxua aichica xua petsita itubiwa taexanaewa, jei Jesús.

<sup>5</sup> Bapoxonae barapowa barai pomonaetha pomonae pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

<sup>6</sup> Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosibuꝛu matabꝛuꝛuoyobe tutu canaꝛpa. Icha juruwatontha tsiniya setenta po mera bosibuꝛu matabꝛuꝛuoyobe tutu canaꝛpa. Barapo juruwatontha ba judiomonae mene yaebeiba xua barapo merantha penacobe quieteibinexa xua daxota jopa Nacom petsita najantuꝛu coyene taxobeibinexatsi. <sup>7</sup> Pomonae pexaewa carena tsaibi barapomonae Jesús barai, jeye:

—Barapo saya juruwatontha pawꝛnbare mera, jei.

Bapoxonae barapomonae barapo juruwaton wꝛnba. <sup>8</sup> Bapoxonae Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonae bara baxua exana xua Jesús peitorobixae. <sup>9</sup> Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonae mene eepacapona barapo juruwatontha barapomonae yaputane xua barapo juruwatontha jiwana mene nota xua po mera vino mera naexana. Bapoxonae pon mata canabane pexaewa waba, pon pecotsiwa pita bapon wabatsi. <sup>10</sup> Bapon barai, pon pecotsiwa pita baraichi, jeye:

—Daxita jiwi ba poxonae aena copiya matha apata po vino mera mene xeica. Poxonae jiwi ba wenaxuba po vino mera xeica, bapoxonae ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonae barapo vino mera jiwi wenaxuba po vino mera be conotha mene xaexaeca bapoxonae apatame po vino mera bichocono xeica, jei bapon.

<sup>11</sup> Baxua xua Jesús exana Caná tomaratha xua Galilea nacuatha. Barapo pexeinya petsita itatsi coyenewa poxonae xua aena copiya matha exana pia peayapusawatha. Poxonae baxua Jesús pijimonae cui tainchi, Jesús jume cowantatsi pijimonae.

<sup>12</sup> Poxonae baxua pexaewa najain weta bapoxonae Jesús pona Capernaum tomara beya. Bapon pena barꝛu pona yawa peweicho jiwi barꝛu pona, matautano pijimonae barꝛu pona. Baxota Capernaum tomaratha daxita Jesusbarꝛu be caentacabiyobe ena.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

(Mt 21.12-13; Mr 11.15-18; Lc 19.45-46)

<sup>13</sup> Tsipei poxoru imoxoyo barapo maticabi tsaneba xua Pascua wꝛn maticabin daxota Jesusbarꝛu Jerusalén tomara beya pona. Barapo Pascua wꝛn maticabin, po maticabin poxonae judiomonae yabara nanta xeina xua pinae caena bayatha pia pamo susato jiwi tatsi panenebiya Egipto nacua weya. <sup>14</sup> Baxota Jesús caxina Nacom pin pia botha pomonae baxota caenaeta buey duweimonae, yawa ovejamonaeno yawa topibomonae caenaetano.

Matautano Jesús tane xua pomonae ena pexaethopaewantha ichaxota paratixi nantiya nacatsiba jiwi. <sup>15</sup> Poxonae Jesús tane barapomonae, Jesús bapoxonae exana xua pocotsiwa xota cuainta xua duwein per<sub>u</sub> m<sub>u</sub>to. Daxita barapomonae Jesús Nacom pin pia bo wenapuna torobabiya. Yawano Jesús muxuna itaweta xua barapomonae piawanxae, bueymonaeno, ovejamonae. Pomonae xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan. <sup>16</sup> Pomonae baxota caenaeta topibo, Jesús barai barapomonae, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

<sup>17</sup> Bapoxonae Jesús pijimonae tatsi yabara jume cui nanta xeinara<sub>u</sub>ca<sub>u</sub>pa xua Nacom Pejume Diwesitha namchi xua Cristo yabara jeichichi xua jeye: “Yabara nej<sub>u</sub>nt<sub>u</sub> coyene yuca xua yabara nanta xeinan xua pocotsiwa Taxa pia pin pia botha tatsi xaina. Daxota jiwi necaseba”, jei Nacom Pejume Diwesitha xua Cristo yabara paebatsi.

<sup>18</sup> Nexata judiomonae Jesús yainyabatsi, jeye:

—¿Eta po pexeinya petsita itatsi coyenewa pana netsita itatsiname? Bapoxonae xain payaputa<sub>e</sub>in xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

<sup>19</sup> Jesús jume nota, jeye:

—Icha barapo bo weraweraca paexanaename, equeicha acoibi po matcabibetha beta caewa xanebin, jei Jesús.

<sup>20</sup> Nexata barapo judiomonae Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po matcabibetha equeicha w<sub>u</sub>nae exanaetsi? jei judiomonae.

<sup>21</sup> Po bo xua Jesús yabara paeba apara xua nayabara paeba pia pepon. <sup>22</sup> Daxota poxonae Jesús equeicha as<sub>u</sub> juina pet<sub>u</sub>pa<sub>e</sub> cuariyatha Jesús pijimonae yabara jume cui nanta xeinatsi xua bayatha Jesús paeba. Daxota jume cow<sub>u</sub>nta Nacom Pejume Diwesi. Yawano Jesús jume cow<sub>u</sub>ntatsi pocotsiwa xua paeba.

*Meje yabara xua po coyene Jesús daxita j<sub>u</sub>nt<sub>u</sub> coyene yaputane jiwi*

<sup>23</sup> Poxonae Jesús Jerusalén tomaratha popona xua Pascua w<sub>u</sub>n matcabinth<sub>u</sub> bapoxonae pin bicheitomonae Jesús jume cow<sub>u</sub>ntatsi. Daxota barapo bicheiton jume cow<sub>u</sub>nta tsipei tane Jesús pia pexeinya petsita itatsi coyenewan tatsi. <sup>24</sup> Jesús jopa yabara jume cow<sub>u</sub>ntsiyo barapomonae bequein jume cow<sub>u</sub>ntatsi taetha. Tsipei Jesús daxita j<sub>u</sub>nt<sub>u</sub> coyene yaputane jiwi xua ainya j<sub>u</sub>nt<sub>u</sub> coyene pexeinaewa. <sup>25</sup> Daxota jopa nantawenonaeyo xua ichamonae Jesús petsipaebi<sub>w</sub>atsi icha jiwi yabara. Tsipei bapon Jesús daxita j<sub>u</sub>nt<sub>u</sub> coyenein yaputane jiwi.

### 3

*Meje yabara poxonae Nicodemo Jesús tsipaebatsi*

<sup>1</sup> Ir<sub>u</sub>r<sub>u</sub> pebin popona pon fariseomonaepin, pon pe<sub>w</sub>n Nicodemo. Bapon judiomonae canamataxeinatsi. <sup>2</sup> Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ich<sub>u</sub>n jopa itac<sub>u</sub>paetsi xua pexeinya petsita itatsi coyenew<sub>u</sub>n peexanaewa Nacom pia peayapus<sub>u</sub>w<sub>u</sub>th<sub>u</sub> tatsi icha Nacom jopa yantsiyo bapon icha be xua poxonae ichim poxonae xua exaname Nacom necayantsixae, jei Nicodemo.

<sup>3</sup> Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itac<sub>u</sub>paetsi xua Nacom piamonae tatsi penaexanaewa pomonae Nacom itorobiya peewatsixae, jei Jesús.

<sup>4</sup> Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itac<sub>u</sub>paetsi xua pena equeicha tsiper<sub>u</sub> wepatopa xua equeicha caewa penaexanaenexa pena jiton? jei Nicodemo.

<sup>5</sup> Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xainaeyo Nacom pia Pejumo<sub>e</sub> t<sub>u</sub>nax<sub>u</sub> tatsi po jumope t<sub>u</sub>nax<sub>u</sub> bapon icha j<sub>u</sub>nt<sub>u</sub> coyene xaina pecana exanaenexatsi, bapon jopa itac<sub>u</sub>paetsi xua Nacom piamonae tatsi penaexanaewa pomonae Nacom itorobiya peewatsixae. <sup>6</sup> Pomonae pena jiwi tsiper<sub>u</sub> wenaexana bara jiwi coyeneya yacuiya naexana. Pomonae naexana Nacom piamonae tatsi barapomonae Nacom pia Pejumo<sub>e</sub> t<sub>u</sub>nax<sub>u</sub> tatsi cana exana xua barapomonae pexeinaewa icha j<sub>u</sub>nt<sub>u</sub>

coyene. Barapomonaē yacuiya naexana Nacom piamonae tatsi tsipei exana pocotsiwa Nacom pia Pejumope t̄nax̄ tatsi itoroba. <sup>7</sup> Jopa najunt̄ coyene cabenaeceinde xua tacatsipaebi watsi xua tacajei watsi: ‘Daxita jiwi bewa pena jiwi naexanae equeicha’, tacajei chwatsi xua. <sup>8</sup> Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa taeyo Nacom pia Pejumope t̄nax̄ tatsi. Saya jiwi yaputane xua icha jiwi j̄unt̄ coyene xeica cana exainchi barapo Nacom pia Pejumope t̄nax̄ tatsi, jei Jesús.

<sup>9</sup> Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumope t̄nax̄ tatsi? jei Nicodemo.

<sup>10</sup> Jesús jume barai, Nicodemo jume baraichi, Jesús jeye:

—Xam pon daxita neyaputaēin israelmonae pexantha tatsi yawa pon jiwi necuidubim barapomonaē pexantha tatsi. Bequein barapo j̄itom ichitha jopa baxua yabara yaputaem xua tacatsipaebi watsi. <sup>11</sup> Xaniyan catsipaebatsi xua paxanbe, Juan, pon jiwi Pebautisabin, ir̄a xan Jesús paca tsipaebatsi xua pocotsiwan payaputanbe. Matautano paxanbe bara yatsicaewa pata paeinbe xua patanbe bayatha. Ichitha paxam pomonaē judiomonaē pam jopa yabara pana nejume cowantsim pocotsiwan xua barapo cae pin nacuathe yabare paca tsipaebatsi. <sup>12</sup> Icha jopa pana nejume cowantsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cowantsipaem icha yabara paca tsipaebichipatsi pocotsiwan Nacom pia peitorobi nacua beicha tatsi.

<sup>13</sup> “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi. <sup>14-15</sup> Caena bayatha ira xuepana susato tsurucuae nacua, pinmonae werapa poxoru jomon sinebatsi. Daxota Moisés penaino asiya duta xua be jomo canaxobiya exana. Pomonaē jomon sinebatsi, poxonaē barapomonaē tane barapo penain jomo, bapoxonaē jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha t̄parucua neexanaena. Barichi tsane pomonaē yabara nejume cowantsina po coyene xua xan naetotha tatsit̄paewa tsane xua barapomonaē abe pia peexanae cui ru coyenein tatsi, barapomonaē jopa weraweracae tsane. Barapomonaē xeinaena peaj̄unt̄yap̄us̄wa, po peaj̄unt̄yap̄us̄wa ataya tsiteca”, jei Jesús.

*Meje yabara xua Nacom daxita jiwi bichocono antobetsi barapo cae pin nacuathe*

<sup>16</sup> Equeicha Jesús nayabara paeba poxonaē Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cowantatsi, bapon jopa weraweracae tsane. Bapon peaj̄unt̄yap̄us̄wa xeinaena, po peaj̄unt̄yap̄us̄wa ataya tsiteca. <sup>17</sup> Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuent̄s̄ixae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuent̄siwa weya.

<sup>18</sup> “Pon Nacom Pexanto tatsi yabara jume cowantatsi, bapon jopa Nacom tsitatsi xua atene peexanaewa tsainchi xua penatsicuent̄s̄ixae xua abe peexanaexae Nacomtha. Ichitha nama pon Nacom Pexanto tatsi jopa yabara jume cowantsichi bapon Nacom bayatha tsitatsi xua atene peexanaewatsi tsainchi xua penatsicuent̄s̄ixae jopa peyabara jume cowantsixaetsi Nacom Pexanto tatsi, pon bara compa. <sup>19</sup> Pomonaē jopa Nacom Pexanto tatsi yabara jume cowantichi, barapomonaē Nacom bayatha tsitatsi xua atene peexanaewatsi xua penatsicuent̄s̄ixae xua abe peexanae cui ru coyenein peexanaexae. Tsipei poxonaē Nacom Pexanto tatsi patopeica po cae pin nacuathe tsique, barapomonaē ichichipa exana abe peexanaewan beyacaincha xua peexanaewa pocotsiwa Nacom itoroba. <sup>20</sup> Tsipei daxita pomonaē abe peexanaewi barapomonaē Nacom Pexanto tatsi aichaxaibichi daxota jopa imoxoyo caquita ponaetsi bapon. Barapomonaē jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonaē abe exana. <sup>21</sup> Ichitha pomonaē pejume cowantsiwi, pomonaē yatsicaewa beta xanepanaya exana, barapomonaē Nacom Pexanto tatsi imoxoyo caquita poinchi. Tsipei barapomonaē ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonaē w̄nae peexanaexae, xua pocotsiwa Nacom peitorobixae”, jei Jesús Nicodemotha poxonaē nayabara paeba.

*Meje yabara poxonaē Juan pon jiwi Pebautisabin equeicha Jesús yabara cueicueijeichi*

<sup>22</sup> Poxonaē Jesús najume weta xua poxonaē Nicodemo tsipaebatsi, bapoxonaē pirapae Jesús pijimonaē bar̄a pona Judea nacua beya. Barapo nacua, xua Jesús ainya maticabintha

pijimonae baru popona. Matautano baxota Jesús pijimonae cui itoroba xua jiwi pebautisabiwa tsainchi. <sup>23</sup> Iruru Juan bautisaba jiwi Enón tomaratha, po tomara eca ichaxota imoxoyo po tomara pewun Salim. Tsipei baxota menein nawita. Pinmonae Juan itata patatsi, yawa Juan bautisaba barapomonae. <sup>24</sup> Juan baxua pewunaeya exana xua poxonae jiwi pecubi botha etatsi.

<sup>25</sup> Bapoxonae pomonae Juan pia pepuna jinompaewichi tatsi iru judi monaeno, barapomonae yabara baru najume matsontsonobatsi pebautisabi coyenewa. <sup>26</sup> Barapomonae Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon canijiw cabaru popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonae tatsi xua Jesús yabara paebatsi.

<sup>27</sup> Nexata Juan barai barapomonae, jeye:

—Jiwi ba jopa xeinaeyo icha Nacom jopa catsiyo. <sup>28</sup> Paxam bara yatsicaewa pana nejume taneme xua paca jeichi: ‘Xan dapon aibin Mesias’, jan. ‘Apara bapon pia pewunaeya tatsi Nacom neitoroba’, jan. <sup>29</sup> Poxonae ba pebin pecotsiwa pita bapon pona yabayo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxonae jume taeuncua xua pia jiton tatsi piowa pita. Icha pebin cana ichichi pia jiton, bara jata ichin Jesucristotha anoxuae. Bichocono juntu coyene weiweinan tsipei daxita jiwi Mesias puna poinchi. <sup>30</sup> Bapon bewa mataropeicha ainya cui naexanaponae jiwi peitatha tatsi. Xan bewa jopa ainya cui naexanaponaein tsane jiwi peitatha tatsi, jei Juan.

*Meje yabara poxonae Juan yabara paeba pon peitaboco wetsica pona*

<sup>31</sup> Equeicha Juan piamonae barai, jeye:

—Pon peitaboco wetsica pona, bapon jame bichocono peyaputaein beyacaincha xua ichamonae. Pon xua po irathepin bapon apara saya jiton. Bapon saya yabara cueicueijei pocotsiwa po irathe yabara. Ichitha pon peitaboco wetsica pona, bapon daxita canamataxeina. <sup>32</sup> Bapon bequein jiwi yabara tsipaebatsi pocotsiwa xua bayatha tane peitabocotha, xuan xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba. <sup>33</sup> Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonae, xua apara Nacom bara xaniwaicha pepaebin. <sup>34</sup> Pon xua Nacom itoroba bara bapon cueicueijei Nacom pejumein tatsi, tsipei Nacom jopa juniya nacua jume tanaxu catsiyo xua bapon peyawenaewa tsainchi. <sup>35</sup> Nacom bichocono antobe Pexanto. Pexanto cata peyapusu itorobi coyenewa xua bapon daxitan pecanamataxeinaewa tsane. <sup>36</sup> Pon Nacom Pexanto tatsi yabara jume cowantinch, bapon peajuntayapusuwa xeinaena, po peajuntayapusuwa jopa bapana weraweracaeyo. Ichitha pon Nacom Pexanto tatsi jopa yabara jume cowantichi, bapon jopa xeinae tsane barapo peajuntayapusuwa. Nama bapon Nacom cana exanaena xua bapon bichocono atene peexanaewa tsainchi, jei Juan.

## 4

*Meje yabara poxonae Jesús tsipaeba powayo Samaria nacuapiwayo*

<sup>1</sup> Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxechiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha. <sup>2</sup> (Daumetha Jesús apara jopa bautisabiyo. Apara jame Jesús pijimonae tatsi bautisaba jiwi.) <sup>3</sup> Poxonae Jesús jume yaputane xua jiwi paeba fariseomonaetha, bapoxonae Jesús pijimonae Judea nacua wararu warapiya. Caibeya warapa Galilea nacua beya.

<sup>4</sup> Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya. <sup>5</sup> Bapoxonae Jesús pijimonae baru patopa Sicar tomaratha, po tomara eca Samaria nacua. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewun José. Jacob iru pexanto tatsi caena bayatha tupa. <sup>6</sup> Barapo iriyotha mene muthu eca, barapo mene muthu pewun, “Jacob pia muthu”, jei. Tsipei Jesús natsepapona namto dena, tsipei taju werena pona, daxota barapo mene muthu muxaburutha ecapa. Matautano bapoxonae mateinyaxae tsuxubi iru. <sup>7-8</sup> Iru bapoxonae Jesús pijimonae tatsi tomara be-iyiya pecomocaenexa pexaewa. Barapomonae pecoutha tatsi yabayo Samaria nacuapiwayo patopa ichaxota Jesús po mene muthu muxaburutha eca. Jesús barai bapowa, jeye:

—Mera necare, jei Jesús.

<sup>9</sup> Bapoxonae barapo Samaria nacuamonaepiwayo Jesús jume notatsi. Barapowa jeye:

—¿Eta pocotsiwa metha mera nebará ununame? Apará judi monaepim irá xan apará Samaría nacuamonaewayon, jei.

Barapowa baxua paeba tsipei judi monaé irá Samaría nacuamonaé daxita barapomonaé jopá naita coxonaeýo. <sup>10</sup> Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera sawúcatsi, bapoxonaé jame newcaetsipame mera, xua icha mera, po mera jiwi peajuntúyapusúwa xeina cana exainchi, po peajuntúyapusúwa jopá bapana weraweracaeyo, jei Jesús.

<sup>11</sup> Barapowa Jesús jume notatsi, jeye:

—Pon jiwi Necanamataxeinaem, apará jopá xeinaem xua xota mene capatame. Yawa po mene múthe apará tajá deca. ¿Jinya exota po mene boca inta mene capitichi, po mera jiwi ajuntúyapusú exainchi? <sup>12</sup> Barapon Jacob pata tamo susatopin pana cata barapo mene múthá. Bapon barapo mene múthá mene capaneiba peapeibinexa, irá pia pexui tatsi mene capaneiba xua peapeibinexa, mataútonaé mene capaneiba peapeibinexa pia duweimonaein. ¿Metha bara Jacob toxeincha ainya cuim, beyacaincha bapon? jei bapowa.

<sup>13</sup> Jesús jume nota, jeye:

—Daxita pomonaé xua po mene mútháthe mene capaneiba xua peapeibinexa equeicha meratsiponeibina. <sup>14</sup> Ichitha pon apa xua po mera catai, bapon equeicha jopá caewa meratsipae tsane. Barapo mera icha ira búpana mene ichi xua epatoya mene jujuina poxoru bichocono ira búxpana mene nauca. Barichi po coyene xua cacatinchi barapo coyene cajuntú coyene yúca cacana exanaena, bapoxonaé xeinaename peajuntúyapusúwa, po peajuntúyapusúwa xua ataya tsiteca, jei Jesús.

<sup>15</sup> Nexata barapowa Jesús jume notatsi, bapowa jeye:

—Pon jiwi Necanamataxeinaem, dapo mera necare xua jopá caewa tameratsiponeibiwa tsane yawa xua equeicha po mene mútháthe jopá tapateibiwa tsane xua mera tacapanathopeibinexa, jei barapowa.

<sup>16</sup> Jesús jume nota, jeye:

—Moya matha iyande, matha jinseuri wabare. Nexata bapoxonaé xote papatoparebe, jei Jesús.

<sup>17</sup> Barapowa jume nota, Jesús jume notatsi, jeye:

—Taseuri apará jopá xeinaeinyo, jei.

Nexata Jesús jume barai, jeye:

—Bará xainyeya paebame poxonaé jam, ‘Taseuri jopá xeinaeinyo’, jam. <sup>18</sup> Tsipei caena bayatha cinco poyobe pebiwi punaxubame. Pon xua anoxuae bará popyname, apará jinseuri aibi. Poxonaé paebame baxua bara xainyeya paebame, bara jopá naerabim, jei Jesús.

<sup>19</sup> Barapowa poxonaé Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apará pon Nacom peitorobi jume nepaebim. <sup>20</sup> Pata tamo susato jiwi, Samaría nacuamonaepiwi, barapomonaé wúnaé jainteiba Nacom xote po demxuwathe. Ichitha paxam judi monaé pam, papaebame xua pinaé bewa jiwi wúnaé jainteibina Nacom bomúxútha po bo uncua Jerusalén tomaratha po bo Nacom pin pia bo tatsi, jei barapowa.

<sup>21</sup> Jesús jume nota, jeye:

—Yabúyo moya yabara nejume cowúnde xua tacatsipaebiwatsi. Tsipei barapo mat-acabi imoxoyo patopaena, po mataqueitha xua wúnaé pajainteibiname Nacom. Nama jopá painya nenantawenonaewam tsane xua painya neponaewa, po demxuwathe yawa Jerusalén tomara beya xua wúnaé painya nejainteibiwa tsane Nacom. <sup>22</sup> Paxam Samaría nacuamonaé pam, jopá payaputaem pon wúnaé pajainteibame. Paxan nama judi monaé pan payaputan pon wúnaé pajainteiban, tsipei pon pecapanenebiyaein jiwi apará bapon judi monaé jiwana-pin. <sup>23</sup> Ichitha anoxuae nama patopa po mataqueitha poxonaé pomonaé xaniwaicha wúnaé pejainchiwa Nacom, barapomonaé icha coyene cuitha Nacom wúnaé jaintinchi, xua barapomonaé pia Paxaxae tatsi. Barapomonaé xaniwaicha pia pejuntú coyenewatha wúnaé jainchina Nacom. Tsipei Nacom baxua ichichipa xua wúnaé pejainchiwatsi xua jiwi wúnaé pejainchiwa pejuntú coyenewatha. <sup>24</sup> Nacom pejuntú coyene xanepanaein pon peinya jumopein. Daxota pomonaé Nacom wúnaé pejainchiwatsi, barapomonaé bewa xaniwaicha pejuntú coyenewatha wúnaé jainchina Nacom, jei Jesús.

<sup>25</sup> Barapowa jume nota, jeye:

—Yaputan xua patopeicaena pon pewún Mesías, (xua pon icha wún “Cristo” baraichi). Poxonaé bapon patopeicaena daxita yabaran pana necuidubina, jei bapowa.

<sup>26</sup> Jesús jume nota, jeye:

—Apará xan bapon, pon aunxuaein catsipaebatsi, jei Jesús.



<sup>27</sup> Bapoxonae equeicha Jesús pijimonae tatsi pata. Daxita barapomonae yabara najuntũ cui coyene cabenaeca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesustha, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa. <sup>28</sup> Nexata bapowa juruwato cuenta iya tomara be-ya, nainya yacuina yia. Bapowa jiwi tsipaeba, jeye:

<sup>29</sup> —Anetha, pataema pebin ichaxota mathũ mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesias! jei bapowa.

<sup>30</sup> Bapoxonae jiwi tomara we-iyiya peponaenexa ichaxota Jesús popona. <sup>31</sup> Irũrũ Jesús pijimonae jume daunweya baraichichi, jeye:

—Pon Patatanecuidubim, matha xaema, jeichichi pijimonae.

<sup>32</sup> Jesús jume barai pijimonae, jeye:

—Xan xeinan pexaewa, po pexaewa jopa payaputaem, jei Jesús.

<sup>33</sup> Jesús pijimonaexae tatsi nexata bara caemonae nayainyaba, jeye:

—¿Metha bara ichũn Jesús apatatsi pexaewa? najei barapomonae.

<sup>34</sup> Ichitha Jesús pijimonae jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Mataũtano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanejuntũ coyene yucaewa tsane be poxonae pebin xua pexaewa una tonsana. <sup>35</sup> Paxam ba pajam: ‘Abũ cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi jata coyeneya paca jeichi: ‘Jiwi barapo cae pin nacuathe bayatha najuntũ cui coyene wũnaetaba xua pejume taenexa Nacom Pejume Diwesi xua pejume cowantsinexa’, paca jeichi. <sup>36</sup> Catsibin pomonae tamonaexae pocotsiwa xua pematomatsiwa xua inta ichamonae peyawenaexaetsi xua irũrũ be tamonae jiwi penaexanaenexa. Pomonae nejume cowũnta barapomonae catsibin peajuntũyapusũwa, po peajuntũyapusũwa jopa weraweracaeyo. Tsipei pomonae tajume diwesi pecueicueijewi copiya xuano irũ pomonae tajume diwesi cotacaya xuya yaputane cana exana xua daxota jiwi nejume cowũnta, daxita barapomonae matabũxũyobe nabarũ jũntũ coyene weiweina xua ichamonae nejume cowũnta pecana exanaexaetsi. <sup>37</sup> Tsipei po diwesiyo xua tsica diwesiyo, po diwesiyo yabara canaũta jũtsiya pepaebiwa bara aparta xaniwaicha, po diwesiyo xua ba jeye: ‘Ichũn abũ, irũ ichũn xuya jota poxonae naweta’, xua jei po diwesiyo. <sup>38</sup> Paca itorobatsi xua inta payawename jiwi xua tajiwiwimonae penaexanaenexa xua po coyene jopa pacata ayapubeyo xua poxonae paexaname baxua. Baxua paexanaename bequein bara jopa dapomonae pam pocotsimonae copiya tajume diwesi paeba barapo jiwitha. Jame paxam aparta barapomonae pam, xua xuya cotacaya yaputane pacana exaname barapo tajiwiwimonae. Baraxua icha be poxonae ichi poxonae ichũn xuya jota cotacaya poxonae ichũn copiya abũ, jei Jesús.

<sup>39</sup> Bapoxonae pin bicheitomonae pomonae barapo tomaratha jinompa xua Samaria nacuaitha, Jesús jume cowũntatsi, tsipei barapo petsiriwa pejeixae: “Bapon Jesús yabara netsipaeba daxita pocotsiwa bayatha caena exanan”, jei. <sup>40</sup> Poxonae barapo Samaria nacuapiwi Jesustha pata, bapoxonae Jesús jume daunweya jeichichi: “Pana barũ ecare pata tomaratha”, jeichichi. Daxota Jesús ainya matabacabibe naeca barapo tomaratha. <sup>41</sup> Bichocono pinmonae Jesús jume cowũntaponatsi poxonae jume tane xua Jesús paeba. <sup>42</sup> Nexata barapomonae bapowa tsipaebatsi, jeichichi:

—Anoxuae nama pajume cowũntan jopa meisa saya poxoru pata tanetsipaebiwam. Mataũtano bara pajume cowũntan tsipei yatsicaewa pata muxutontha pajume tan pocotsiwa bapon paeba. Mataũtano bara payaputan xua bapon pon jiwi Pecapanenebiyaeinchi abe pia peexanae ciuru coyenein tatsi weya xua barapo jiwi jopa peweraweracaenexa, jei barapomonae.

*Meje yabara poxonae Jesús axaibi exana pon pentacaponaein pexanto tatsi*

<sup>43</sup> Poxonae barapo ainya matabacabibe yapucaewa, bapoxonae Jesús pijimonae Samaria nacua webarũ warapiya xua barũ pona Galilea nacua beya. Ichitha pijimonae jopa barũ patopaeyo pia tomaratha Nazaret tomaratha. <sup>44</sup> Tsipei Jesús bayatha pijimonae tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa barũ cui itura jinaetsi, jei Jesús. <sup>45</sup> Poxonae Jesús pijimonae barũ patopa Galilea nacuaitha, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalen tomaratha, poxonae jiwi nacaetuta xua penabanaenexa pexaewa po matababintha pewũn Pascua wũn matababin poxonae jiwi yabara canantana

xeina xua caena bayatha pia pamo susato jiwi tatsi panenebiya Egipto nacua weya. Matautano tsipei poxoru bayatha barapomonaē tane daxita pocotsiwa Jesús exana baxota.

<sup>46</sup> Bapoxonaē Jesús pecoyo baru pona pijimonaē Caná tomara beya xua po tomara eca barapo Galilea nacuaŋa. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonaē Jesús Caná tomaratha eca, iruru pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacuitatsi. <sup>47</sup> Barapon pon pentacaponaein yaputane xua Jesús pijimonaē baru patopa Galilea nacuaŋa xua Judea nacua weya pona. Bapoxonaē Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo petupaē, jei bapon.

<sup>48</sup> Nexata Jesús barai bapon xua piamonaē tatsiru, jeye:

—Paxam jopa yabara pana nejume cowantsim. Saya poxonaē pexeinya petsita itutsi coyenewan paca tsita exaneibatsi bapoxonaē deta pana nejume cowanteibame, jei Jesús.

<sup>49</sup> Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewunaeya tsane poxonaē taxanto tupaena, jei.

<sup>50</sup> Nexata Jesús jume barai bapon, jeye:

—Moya caibe nawiya jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya. <sup>51</sup> Poxonaē barapo pentacaponaein cataunxuae ecapona namtotha xua pia bo beya pona, bapoxonaē bapon matenta poinchi pomonaē pia petanacuichiwiŋaetsi pia botha. Bapon jeichichi:

—Nexanto bayatha cata axaibi, jei barapomonaē.

<sup>52</sup> Nexata bapon yainyaba pia petanacuichiwichi, jeye:

—¿Eta poxonaē inta taxanto axaibi? ¿Eta xoyo poxonaē ecatabiya xometo? jei bapon.

Barapomonaē jume nota, jeye:

—Mexuae axaibi tsuxubi poxonaē mateinyaxae pepuya weya bapoxonaē yasataxotsi domaē, jei barapomonaē.

<sup>53</sup> Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiya jinya bo beya, bayatha nexanto cata axaibi”, jei Jesús. Bapoxonaē bapon iru pomonaē pia botha petaenaewichi Jesús yabara jume cowantatsi.

<sup>54</sup> Barapo pexeinya petsita itutsi coyenewa xua poxonaē equeicha Jesús cotacaya exana poxonaē caibe warapiya Galilea nacua beya poxonaē Judea nacua wewarapiya.

## 5

*Meje yabara poxonaē Jesús axaibi exana pon pecuenobinchi ichaxota po fetiyo pewun Betzata*

<sup>1</sup> Bapoxonaē pirapaē Jesús pona Jerusalén tomara beya. Barapo tomaratha judiomonaē nacaetuta xua penabanaenexa pexaewa. <sup>2</sup> Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei. Barapo fetiyoŋa cinco po boutiyobe umena. <sup>3</sup> Barapo boutontha peatenewi iratha bobenapoinya, ichamonaē pomonaē peitata nacatsi jiwi, iru ichamonaeno pomonaē pejayuyajujei jiwi, iru ichamonaeno pomonaē pecuenobiwichi. Barapomonaē ewatabobena xua barapo mene fetiyo mene najirababa. <sup>4</sup> Tsipei ichacuitha tsaiŋi matatsunpin patopeiqueiba barapo mene fetiyoŋa xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonaē axaibi exainchi. <sup>5</sup> Baxota pebin iru boca pon caena bayatha atene treinta y ocho po weiyobetha. <sup>6</sup> Jesús tane xua bapon iratha boca. Matautano Jesús yaputane xua bapon ainya dapaēin bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

<sup>7</sup> Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonaē matatsunpin mene najirababa exana. Poxonaē tacoutha taepatotha iya tsaiŋin ichun copiya netsiwana patopeiba. Bapon axaibi, copiya pecaxinaexae mene, jei pon atene.

<sup>8</sup> Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

<sup>9</sup> Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matacabi apra po matacabi pentaquei seicae matacabi. <sup>10</sup> Daxota judiomonae barai pontha pon axaibi exainchi. Jeichichi:

—Apra anoxuae po matacabi xua pentaquei seicae matacabi. Barapo mataqueitha jopa cacopatsiyo xua bara necaponaewa jinya nebocaewa, jei judiomonae.

<sup>11</sup> Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomonaetha.

<sup>12</sup> Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

<sup>13</sup> Ichitha bapon jopa wun taeyo pon peaxaibi exanae xaetsi, tsipei Jesús pin bicheitotha naita cafetaba. <sup>14</sup> Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenem tsipae beyacaincha xua poxonae copiya atenem, jei Jesús.

<sup>15</sup> Nexata barapo pebin pona judiomonae beya xua pejeinexa:

—Apra pon neaxaibi exana bapon apra Jesús, jei bapon.

<sup>16</sup> Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataqueitha pentaquei seicae mataqueitha. <sup>17</sup> Ichitha Jesús jeye barapomonaetha:

—Taxa, apra cataunxuae nacuiteiba daxita matacabintha. Xan barichin bara bequein pentaquei seicae matacabi tan, jei Jesús.

<sup>18</sup> Daxota bichocono nama judiomonae jopa juniya anaepanaeyo, yawa ichichipa xua Jesús pebexubiwa tsainchi. Barapomonae anaepana tsipei yaitama Jesús po mataqueitha pentaquei seicae matacabintha nacuita poxonae bequein barapomonae jopa copatsiyo. Mataufano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

*Meje yabara poxonae Jesús yabara paeba xua pexeinaewa pia peayapusu itorobi coyenewa*

<sup>19</sup> Nexata equeicha Jesús barai barapo judiomonae, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan. <sup>20</sup> Taxa bichocono neantobe, yawa netsita ituta daxita xua bapon pocotsiwa exana. Taxa equeicha ichawanno netsita itutsina pocotsiwa xua bichocono wuna beyacaincha xua bayatha exanan. Bapoxonae yabara pana najuntu cui coyene cabenaecaename. <sup>21</sup> Taxa equeicha asu cana exana pomonae caena bayatha werapa. Xan barichin tsane Nacom Pexantonxaein equeicha asu cana exanaein pomonae pewerapaewi, pomonae xua ichichipan xua asu tacana exanaewa. <sup>22</sup> Taxa jopa ba yabara paebiyo jiwi xua penatsicuentisiwa xua abe peexanae xae. Saya meisa xan Pexanto tatsixaein necata barapo peayapusu itorobi coyenewa xua tayabara paebiwa jiwi xua penatsicuentisiwa xua abe peexanae xae Nacomtha. <sup>23</sup> Baxua Taxa barapo peayapusu itorobi coyenewa necata xua daxita jiwi tana nebaru cui itura jinaenexa xua icha barapo jiwi ichi xua poxonae Taxa baru cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebaru cui itura jinaeyo bapon barichi Taxa jopa baru cui itura jinaetsi.

<sup>24</sup> “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitaewata pocotsiwa paeban xuano xua Taxa jume cowantsatsi bapon peajuntuayapusuwa xeinaena po peajuntuayapusuwa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuentisiwa xua daxota bapon bewa tupaena abe peexanae xae. Tsipei bapon be barapocotsin, bara be pocotsin xua equeicha asu exanan petupae cuiru coyene weya. <sup>25</sup> Xainyeya paca tsipaebatsi. Apra anoxuae barapo matacabi patope, po mataqueitha pomonae be pewerapaewi jopa pexeinae xae peajuntuayapusuwa, barapomonae nejume taena. Yawano icha barapomonae nejume cowantsina bapoxonae xeinaena peajuntuayapusuwa. <sup>26</sup> Taxa xeina xua peajuntuayapusuwa, po pia peajuntuayapusuwa tatsi jopa weraweracaeyo. Daxota bara tayaru xanepanatsi xua ichan pecatsinexatsi barapo peajuntuayapusuwa. Mataufano Taxa necata barapo peajuntuayapusuwa xua daxota xuuya jiwi catan. <sup>27</sup> Taxa pia peayapusu itorobi coyenewa necata xua jiwi tayabara paebinexa xua penatsicuentisiwa xua abe peexanaewixae Nacomtha. Tsipei naexanan pepa Jiton daxota necui jupa xua barapo pia peayapusu itorobi coyenewatha jiwi tayabara paebiwa xua penatsicuentisiwa xua abe peexanae xae. <sup>28</sup> Jopa baxua payabara najuntu coyene cabenaecaende pocotsiwa tapaca

tsipaebiwaſi. Tſipei patopaena icha matacabi po mataqueitha pomonae pewerapaewi neſume taena. <sup>29</sup> Barapomonae pomonae pewerapaewi muſu wejujuinaena. Pomonae xua xanepanaya exana xua poxonae caena bayatha jinompa, barapomonae aſu exanaeinchi xua pexeinaewa tsane peajuntuſyapusuwa. Ichitha nama pomonae abe exana xua poxonae caena bayatha jinompa, barapomonae aſu exanaeinchi xua peyabara paebinexaſi xua penatsicuentaſiwa xua abe peexanaexae Nacomtha”, jei Jeſuſ.

*Meje yabara poxonae Jeſuſ tſita itapeinya xeina jiwi xua bara xeina peayapusuſ itorobi coyenewa*

<sup>30</sup> Cataunxuae awiya Jeſuſ cueicueijeji judi monaetha. Jeſuſ jeye: “Jopa exanaeinſyo pocotiſiwa tacoutha ichichipan. Jiwi yabara paeſan xua penatsicuentaſixae xua abe peexanaexae Nacomtha be pocotiſi coyeneya Taxa tanecui itorobixae. Baxua xua pocotiſiwa poxonae jiwi yabara paeſan xua penatsicuentaſiwa xua abe peexanaexae apara bara xanepana. Tſipei jopa exanaeinſyo pocotiſiwa tacoutha ichichipan jame ſaya exanan pocotiſiwa Taxa ichichipa, pon tana neitorobixae. <sup>31</sup> Icha ſaya meisa nayabara pae-bichipan tacoutha, yawa icha ichuſan jopa neyabara jume yawenaetſipae metha bapoxonae pana neyabara jam tſipaem: ‘Apara pocotiſiwa bapon pia coutha nayabara paeſa jopa xainyeyo’, pana neyabara jam tſipaem. <sup>32</sup> Ichitha ichuſan neyawena xua tana neyabara paeſiwa tſipei paeſan xua pocotiſiwa bapon paeſa. Nanta jupaya papaebanbe. Apara bapon Nacom bara Taxa. Bara yaputan po coyene bapon xua tana neyabara paeſiwa apara bara xainyei. <sup>33</sup> Paxam ichamonae paitorobame Juan beya, xua Juan peyainyabiwa tſainchi, pocotiſiwa Juan yabara paca jume nota xua xan yabara, bara apara xainyei. <sup>34</sup> Xan jopa jiton nantawenonaeinſyo xua tana nebaruſ jume yawenaewa xua jiwi yabara tana neſume cowuſntſiwa xua bara xainyeya tapaebin. ſaya yabara paca tſipaebatſi pocotiſiwa Juan tana neyabara paeſiwa. Poxonae baxua pajume cowuſntſiname pocotiſiwa Juan tana neyabara paeſiwa bapoxonae paca capanenebiyaena abe painya neexanae ciuru coyenein weya xua jopa painya atene tſaibiwa tsane abe painya neexanaewantha. <sup>35</sup> Poxonae pecoicha itanata, jiwi ba caeto juntuſ coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntuſ coyene weiweiname caeto, poxoru paichichipame barapo diweſi pocotiſiwa bapon paca tſipaeba. <sup>36</sup> Ichitha nama xan xeinan xua pocotiſiwa ainya cui beyacaincha xua po diweſi Juan tana neyabara paeſiwa. Baxuan xua xuan pocotiſiwa exanan apara bara xua pocotiſiwa Taxa neitoroba. Po pexeinya petſita itabiwan xua exanan poxonae baxuan jiwi necui tane bapoxonae neſume cowuſntſiwa xua Taxa necata barapo peayapusuſ itorobi coyenewa. <sup>37</sup> Matautano Taxa, pon tana neitorobixae, beta xanepanaya neyabara paeſa. Ichitha paxam jopa bapana Nacom pajume taem xua pejume. Matautano jopa bapana pataem pia pepon. <sup>38</sup> Nacom Pejume Diweſi jopa paxeinaem painya juntuſ coyeneintha tſipei jopa pana neſume cowuſntſim ponxaein xua Nacom tana neitorobixae. <sup>39</sup> Paxam matowa pana nacuidubame Nacom Pejume Diweſi, tſipei pananta xeiname xua pia bapoxonae Nacom painya nepaca catſibichi pia peajuntuſyapusuwa, po peajuntuſyapusuwa jopa weraweracaeyo. Ichitha Nacom Pejume Diweſi, po diweſi payorobame, apara xua tana neyabara paeſiwa. <sup>40</sup> Ichitha jopa bapana pana neſume cowuſntſim xua tapaca catſibinexatſi barapo peajuntuſyapusuwa, po peajuntuſyapusuwa jopa weraweracaeyo.

<sup>41</sup> “Jopa netsita ainya cuiyiyo xua bara jiwi tana nebaruſ cui itura jinaewa xua ainya cuin tanaexanaexae. <sup>42</sup> Matautano paca juntuſ coyene yaputainchi xua painya juntuſ coyeneintha jopa Nacom paantobem. <sup>43</sup> Xan, Nacom Taxa tana neitorobixae, pacata patopatiſi, dai-chitha jopa pana neſume cowuſntſim. Ichitha icha ichuſan pacata patopaetſipa pon pia coutha naitoroba, bapon xanepanaya pajume cowuſntſipame. <sup>44</sup> Jopa paca itacupaeyo xua pana neſume cowuſntſiname tſipei ſaya pananta xeiname xua pia jiwi paca necayabara baruſ cui itura jinebiwa. Jopa pananta xeinaem xua po coyene Nacom paca necayabara baruſ cui itura jinaewa tsane. <sup>45</sup> Jopa pananta xeinaeinde xua Taxatha tapaca yabara paeſiwaſi xua po coyene abe painya neexanaewa. Xan dapon apara aibin xua abe tapaca yabara paeſiwaſi. Paxam pananta xeiname, pana najam: ‘Caena bayatha Nacom nacana jume diweſi cata Moieſtha xua jiwi pejume cowuſntſiwa tsane. Jume cowuſntſiwaſi barapo diweſi, daxota Nacom naca capanenebiya tsane’, pana najam. Daichitha jopa paexanaem pocotiſiwa Moieſ paca itoroba. Poxoru tſipei jopa Nacom pajume cowuſntſim daxota Nacomtha abe paexaname. <sup>46</sup> Icha pajume cowuſntſipame pocotiſiwa Moieſ neyabara tinaeya paeſa, metha iruruſ pana neſume cowuſntſipame, tſipei Moieſ neyabara tina. <sup>47</sup> Icha jopa pajume cowuſntſim pocotiſiwa Moieſ neyabara paeſa, bara paichipaem jopa pana neſume cowuſntſipame”, jei Jeſuſ xua judi monaetha tſipaebatſi.

## 6

*Meje yabara poxonae Jesús apata pexaewa cinco mil pebiwi  
(Mt 14.13-21; Mr 6.30-44; Lc 9.10-17)*

<sup>1</sup> Poxonae Jesús najume weta judiomaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wun Tiberias pucua.

<sup>2</sup> Pin bicheito Jesús puna poinchi, tsipei Jesús cui tainchi xua exana pia pexeinya petsita itutsi coyenewan, poxonae axaibi exana peatenewi. <sup>3</sup> Nexata Jesús pijimonae baru ecoinya demxuwa icha. Bapoxonae baxoteicha Jesús pijimonae baru ecopiya. <sup>4</sup> Imoxoyo bara nama patopaena matababi xua judiomaetha pia Pascua wun matababi tatsi. <sup>5</sup> Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonaepain comocaeinchi? jei Jesús Felipetha.

<sup>6</sup> Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa.

<sup>7</sup> Nexata Felipe Jesús jume notatsi, jeye:

—Bequein doscientos po pan matabaxumonaepain comocaetsipathatsi jopa awiya jupaetsipae xua daxita barompaya pexexeinaponaewa barapo bicheito. Barapo denario paratiyo matawun xua bichocono matoma nawita xua caentaqueitha nexa xua matoma xeineiba pomonaepanacuichiwi, jei Felipe.

<sup>8</sup> Bapoxonae Andrés pon iruru Jesús pijimonae tatsi jiwana jiton, pon Simón Pedro peweicho tatsi, bapon Jesús jeichichi:

<sup>9</sup>—Meje pewowin wuto uncue. Bapoyo cinco po panbe xeina, po pan xua cebada beno pan. Matautano bapoyo duweiyoinyobe capana. ¡Ichitha apara jopa yapu jupaeyo xua pin bicheito! jei Andrés.

<sup>10</sup> Nexata Jesús jume nota pijimonae, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi. <sup>11</sup> Nexata Jesús pecobetha pita pan, po pan xua pexuyo capatopa. Bapoxonae Jesús Paxatha tsipaeba: “Axa, maisa juntu coyene weiweinan xua pata tana necatsiwaaxaem pexaewa”, jei Jesús. Bapoxonae Jesús pijimonae tsicobe jajanacaponapan. Equeicha Jesús pijimonae tatsi cacatsibapona barapo pan barapo cinco mil pebiwitha. Jesús barichiya exana poxonae duweiyobe pita. Matautano pijimonae tsicobe jajanacaponapan barapo bicheito nexa. Barapo cinco mil pebiwi bara xane xua ichichipa piyainxae. <sup>12</sup> Poxonae daxita tonsanarucupa, bapoxonae Jesús pijimonae barai:

—Panore xua barapomonaepain jiwana xane. Pajebare, jopa pabebande, jei Jesús.

<sup>13</sup> Barapomonaepain Jesús pijimonae tatsi nonotapona pocotsiwa barapo pin bicheito jiwana xaexaepona. Jesús pijimonae tatsi doce po cotebe wunba xua bayatha po cinco panbe jiwana xaexaepona pin bicheito po pan xua cebada beno pan. <sup>14</sup> Barapo cinco mil jipi poxonae Jesús cui tainchi xua pexeinya petsita itutsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinape patopaena po nacuathe xua wanacuatha tsica, jei.

<sup>15</sup> Ichitha Jesús yaputane xua barapomonaepain ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuathe tatsi. Daxota equeicha Jesús ponataba demxuwa beya, xua compa peecaenexa.

*Meje yabara poxonae Jesús mene matatsun jumatha pona  
(Mt 14.22-27; Mr 6.45-52)*

<sup>16</sup> Poxonae quirei tsanaicha Jesús pijimonae tatsi pucua itapa bepareca. <sup>17</sup> Bapoxonae jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo. <sup>18</sup> Bapoxonae pin joibo tsuxubi. Yawa maratsaca muxunenababa jera. <sup>19</sup> Poxonae Jesús pijimonae tuwatha yana panenebiya, bapoxonae Jesús pijimonae tainchi. Jesús mene matatsun juma dena pona jera dena. Bapoxonae barapomonaepain bichocono junuwa. <sup>20</sup> Ichitha Jesús pijimonae barai, jeye:

—¡Apara xan! ¡Jopa pajunuwinda! jei Jesús.

<sup>21</sup> Bapoxonae Jesús pijimonae yaitaerucupatsi. Bapoxonae Jesús juntu coyene weiweinaya wabatsi pijimonae xua jeratha penontabinaenexa. Bapoxonae nainya patarucupa Capernaum tomaratha.

*Meje yabara poxonae jiwi Jesús wenaweneichi*

<sup>22</sup> Icha mataqueitha pin bicheito, pomonaepain umena pucua itapatha xua icha muxunenetha, barapomonaepain tane xua Jesús pijimonae cuenta ponarucupatsi jeratha, po jera saya bara cae nae xua po nae baxota boca. <sup>23</sup> Poxonae cataunxuae Jesús yabara

nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntu coyene weiweinan xua pata tanecatsiwam pan”, xua jei, xuano xua baxota Jesús apata pan jiwitha. <sup>24</sup> Barapomonae yaputane xua Jesús aichurucuae. Matautano yaputane xua Jesús pijimonae tatsi aichurubena. Daxota jeran notarycra Capernaum tomara be-iyiya xua Jesús pewenaweniwa tsainchi.

*Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobcatsi*

<sup>25</sup> Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, zeta poxonae xote patopame? jei barapomonae.

<sup>26</sup> Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apra jopa baxua patsipatsim xua bayatha tapaca tsita exanaeatsi pexeinya tatsita itatsi coyenawan. <sup>27</sup> Jopa pananta xeinaeinde xua saya pexaewa pana natsiapain nacuitame, po pexaewa saya nainya weraweraca. Saya meisa jame payabara nanta xeinare xua peajuntuyarusu coyenewa, po peajuntuyarusu coyenewa jiwi ajuntuyarusu exanatsi, po peajuntuyarusuwa jopa weraweracaeyo. Taxa, Nacom, barapo peajuntuyarusuwa necata, po peajuntuyarusuwa xuya paca catsinchi ponxaein Nacom Tananeitapetsin, jei Jesús.

<sup>28</sup> Nexata barapomonae Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

<sup>29</sup> Nexata Jesús jume nota barapomonae, jeye:

—Jame Nacom baxua ichichipa xua pata tanejume cowantsiwam tsane ponxaein xua barapon Nacom, Taxa, neitoroba, jei Jesús.

<sup>30</sup> Nexata barapomonae Jesús yainyabatsi, jeye:

—¿Eta po jinya pexeinya netsita itatsi coyenewa, pana netsita itatsiname? Icha paca cui taeinchi baxua xua pana netsita itatsiname nexata bapoxonae xua xain paca jume cowantatsi. <sup>31</sup> Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawan. Barapomonae baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomonae.

<sup>32</sup> Nexata Jesús jume barai barapomonae, jeye:

—Xaniyan paca tsipaebatsi, Moisés barapo pexaewa apra jopa wamo susato jiwi catsichi, po pexaewa xua itaboco wetaitorobcatsi. Apra jame Nacom, Taxa, barapo pexainyei nabanae pexaewa taitorobica. <sup>33</sup> Po pexaewa Nacom itaboco wetaitorobica, apra neyabara wnae caunuta. Nacom neitorobica xua tacana exanaewa tsane jiwi barapo cae pin nacuathe xua jiwi pexeinaewa tsane peajuntuyarusuwa, po peajuntuyarusuwa jopa weraweracaeyo, jei Jesús. <sup>34</sup> Nexata barapomonae Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matababi tsabi, jei.

<sup>35</sup> Jesús jume nota, jeye:

—Xan apra bapon xua po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajuntuyarusuwa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenonaewa. <sup>36</sup> Bara bayatha bequein paca tsipaebatsi, daichitha jopa pana nejume cowantsim bequein pana netaneme. <sup>37</sup> Daxita pomonae xua Taxa necata, barapomonae bara tamonae. Barichi pomonae nejume cowanta, barapomonae jopa beban tsane. <sup>38</sup> Xan apra jopa baxua tsipatopeicaeinyo itaboco wetsica xua taexanaewa tsane pocotsiwa tacoutha ichichipan. Apra saya jame baxua tsipatopan xua taexanaewa tsane pocotsiwa Taxa ichichipa. <sup>39</sup> Tsipei Taxa ponxae neitoroba, barapon ichichipa xua daxita jiwi beta ta-eenaewa tsane pomonae tana necatsixae. Matautano Taxa jopa ichipaeyo xua barapomonae jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomonae tana necatsixae xua poxonae po matababi opi ducuaenaba po cae pin nacuathe. <sup>40</sup> Paxam yabara paca tsipaebatsi xua pocotsiwa Taxa peichichipaewa. Daxita pomonae neyabara paebina po coyene xua xan apra Nacom Pexanton, xuano xua nejume cowanta, barapomonae xeinaena

peajntuyaruswa xua ataya tsiteca. Barapomonaе asu exanaein petapae coyene cuariya weya poxonaе matacabi opi ducuaenaba po cae pin nacuathe, jei Jesús.

<sup>41</sup> Poxonaе Jesús baxua nayabara paeba bapoxonaе judiomonaе Jesús abe yabara paebatsi, tsipei Jesús jeye: “Xan apara bapon po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajntuyaruswa tacatsin”, jei Jesús. <sup>42</sup> Barapomonaе najei caemonaе:

—Apara bapon Jesús, José pexanto tatsi. Apara coxiyаn bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomonaе.

<sup>43</sup> Nexata Jesús jume barai, jeye:

—Jopa caemonaе pana natsipaebinde xua abe papaebame. <sup>44</sup> Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonaе asu exanaein petapae coyene cuariya weya poxonaе po mataqueitha daxita weraweracaena po nacuathe. <sup>45</sup> Nacom peitorobi jume pepaebiwi pia petinae diwesintha jeye: “Daxita jiwi Nacom yaputane cana exanaena”, jei barapo Nacom peitorobi jume pepaebiwi pia petinae diwesintha. Daxota daxita pomonaе Taxa jume tainchi xuano xua jume cowantsino barapomonaе bara pata taxantha.

<sup>46</sup> “Dapon aibi pon Taxa tainchi. Jame meisa ponxaein itaboco wepatopeican bara Taxa tan. <sup>47</sup> Xaniyan paca tsipaebatsi, pon nejume cowanta bapon jame xeinaena peajntuyaruswa, po peajntuyaruswa jopa weraweracaeyo. <sup>48</sup> Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajntuyaruswa tacatsin. <sup>49</sup> Painya amo susato jiwi pexaewa xane ichaxota ira xuepana susato tsurucuae nacuathe. Barapo pexaewa maná matawаn. Bequein bara barapo pexeinya pexaewa nabane daichitha matapainya werapa. <sup>50</sup> Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wnae caunutsixae. Pon nejume cowantsina jopa weraweracaе tsane icha ichаn ichi xua poxonaе xane barapo pexaewa jopa tupaeyo. <sup>51</sup> Xan apara bapon xua po pexaewa Nacom itaboco wetaitorobica jiwi, po pexaewa ayarusu, xua po pexaewa tana neyabara wnae caunutsixae. Pon xua nejume cowanta bara ataya poponaena icha ichаn ichi xua poxonaе xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaеin xua jiwi pexeinaewa tsane peajntuyaruswa”, jei Jesús.

<sup>52</sup> Nexata judiomonaе caemonaе najume matsontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wana-banaewa tsane? jei barapomonaе.

<sup>53</sup> Jesús barai barapomonaе, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajntuyaruswa, po peajntuyaruswa jopa weraweracaeyo. <sup>54</sup> Pon xua tapepon xane yawa xua apa tajana, bapon xeinaena peajntuyaruswa, po peajntuyaruswa jopa weraweracaeyo. Yawa bapon asu exanaein petapae coyene cuariya weya po mataqueitha poxonaе daxita weraweracaena po cae pin nacuathe. <sup>55</sup> Tsipei tapepon be pexeinya pexaewa poxonaе xua jiwi pexaewa tsane. Yawa tajana be pexeinya peapaewa xua jiwi peapaewa tsane. <sup>56</sup> Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitupan, yawano xua tajana othoparenaewa bapon nexa xua abe pia peexanae cuiru coyenein tatsi nexa. <sup>57</sup> Taxa ponxae neitoroba bapon ataya asu poponeiba. Iruаn xan barichin ataya asu poponeiban tsipei Taxa necata pia peajntuyaruswa, po peajntuyaruswa jopa weraweracaeyo. Barichiru pon xane tapepon, xua poxonaе tana nejume cowantsiwa, bapon asu poponeibina tacatsixae peajntuyaruswa. <sup>58</sup> Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa jurapeyo, xua icha be maná matawаn ichi, po pexaewa painya amo susato jiwi xane. Daichitha barapomonaе matapainya werapa. Po pexaewa yabara paeban icha ichаn xane barapo pexaewa, bapon xeinaena peajntuyaruswa, po peajntuyaruswa jopa weraweracaeyo, jei Jesús.

<sup>59</sup> Baxuan Jesús cuiduba judiomonaе pia penacaetutsi botha tatsi xua Capernaum tomaratha.

*Meje yabara poxonaе Jesús yabara paeba peajntuyaruswa, po peajntuyaruswa jopa weraweracaeyo*

<sup>60</sup> Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacupatsi xua peexanaewa tsane pocotsiwa bapon paeba? najei.

<sup>61</sup> Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube? <sup>62</sup> ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin? <sup>63</sup> Jiwi asu jinompa poxoru xeina pejumope tñaxu. Poxonae pejumope tñaxu panepa jiton ba pia pepon tpa. Icha pejumope tñaxu ichi xua jiton asu exainchi pia pepon, barichi xua xan pocotsiwa tapaca tsipaebiwatsi barapo jume paca juntu coyene ayapusu cana exana xua jopa painya neweraweracaewa tsane. <sup>64</sup> Ichitha cataunxuae pinmonae pomonae paxam jiwana pam, jopa nejume cowantsiyo, jei Jesús.

Caena bayatha Jesús copiya wuna tsiwanaya yaputane pomonae jopa pejume cowantsiwa tsainchi. Matautano caena bayatha Jesús copiya wuna tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús.

<sup>65</sup> Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

<sup>66</sup> Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi. <sup>67</sup> Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya iru ponaetsiru? jei Jesús.

<sup>68</sup> Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaeetsipatsi. Saya meisa payaputan xua meisa xam compam yabara pana netsipaebame peajuntayapusuwa, po peajuntayapusuwa jopa weraweracaeyo. <sup>69</sup> Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

<sup>70</sup> Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamonae jiton tatsi, jei Jesús.

<sup>71</sup> Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

## 7

### *Meje yabara poxonae Jesús jopa yabara jume cowantichi peweicho jiwi*

<sup>1</sup> Bapoxonae Jesús popona ducuaeta baxota xua Galilea nacuaetha. Jesús aichaxaibi xua pepoponaewa Judea nacuaetha, tsipei judiomonae, pomonae baxota jinompa, ichichipa xua Jesús pebexubiwatsi. <sup>2</sup> Bara nama imoxoyo tsurucuae tsoponaeba po matabintha judiomonae jinompa tsica bomaxuxitha xua penabanaexa pexaewa. Barapo matabin ba judiomonae cayabara nanta xeina xua caena bayatha pinae pia pamo susato jiwi tatsi jinompa tsica bomaxuxitha ira xuepana susato tsurucuae nacuaetha. <sup>3</sup> Jesús baraichi pia peweicho jiwi, jeye:

—Jopa xote poponaende. Judea nacua beya warapiyama xain baxotiya jinyamonae cacui tane pocotsiwa exaname xua jinya netsita itutsiwa. <sup>4</sup> Pon xua ba ichichipa peyaputaewatsi daxita jiwi, bapon ba daxita jiwi peitatha exana po coyene xua moya peyawun xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam iruru barichinde. Daxita jiwi peitatha exande xain cacui tane xua jinya netsita itubiwa neexanaewam, jeichichi Jesús peweicho jiwi.

<sup>5</sup> Baxua Jesús baraichichi peweicho jiwi, tsipei Jesús jopa jume cowantichi peweicho jiwi.

<sup>6</sup> Nexata Jesús jume barai peweicho jiwi, jeye:

—Apara inta cataunxuae dapo matababi aichica, po mataqueitha tana naitutsiwa judiomonaetha xua Judea nacuaetha. Ichitha poxonae paichichipame xua painya neponaewa moya bara paponde Judea nacua beya. <sup>7</sup> Pomonae jopa Nacom jume cowantichi barapomonae jopa paca casebiyo. Ichitha xan necaseba tayabara paebixae xua po coyene pocotsiwa barapomonae exana pejuntu coyeneintha apara abe. <sup>8</sup> Paxam bara moya



paponde ichaxota judiomonae nacaetuta xua penabanaenexa pexaewa. Xan nama jopa ponaeyno cataunxuae canta tamatacabi aichica, jei Jesús.

<sup>9</sup> Poxonae Jesús baxua najume weta, bapoxonae abũ cataunxuae Galilea nacuatha popona be caentacabiyohe xua pecoyo weya peponaenexa.

*Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa*

<sup>10</sup> Poxonae Jesús peweicho jiwi tatsi bayatha ponaba penabanaenexa pexaewa iru Jesús bara beya pona. Jesús compa nameicha pipatoha pona. Jopa peburaya naponae yo jiwitha. <sup>11</sup> Barapo judiomonae penacaetutiswatha Jesús wenaweneichi. Barapo judiomonae pia pentacaponae wi tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

<sup>12</sup> Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuñtu coyene xanepanaein”, jei. Ichamonae jeye: “Bũ, metha jume, apara jiwi muxujainyabeibatsi”, jei barapomonae.

<sup>13</sup> Ichitha dapon aibi pon penta pejume jinaewa jiwi peitatha xua Jesús peyabara paebi watsi, tsipei judiomonae pia pentacaponae wi tatsi cunuwatsi.

<sup>14</sup> Poxonae cuatro po matacabinbe yapucaewa xua poxonae judiomonae po matacabintha nacaetuba, bapoxonae Jesús joniya Nacom pin pia botha. Matautano baxota tamropata pitaba xua pecuidubiwa jiwitha.

<sup>15</sup> Bapoxonae judiomonae yabara najuntũ cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyõ xua waxainchi wepu wanacuidubi watsi diwesi? jei.

<sup>16</sup> Jesús jume nota barapomonae, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecu itorobixae baxua. <sup>17</sup> Icha ichan ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusa itorobi coyenewatha po coyene xua tawa xua saya tacoutha ichichipan. <sup>18</sup> Pon barompaya pia diwesi pia coutha nayabara paeba, apara bapon pia xua wunae yabara paebichi xua jiwi wunae peyabara paebiwa tsane. Ichitha ichan pon ichichipa xua jiwi Nacom wunae pejainchi watsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxitorobin jiwi.

<sup>19</sup> “Moisés paca cata pia peitorobi coyenewa. Daichitha jopa pacayabara jume cui cowuntsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubi wam?” jei Jesús.

<sup>20</sup> Daxita barapomonae Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonae.

<sup>21</sup> Jesús jume barai barapomonae, jeye:

—Daxita paxam payabara najuntũ cui coyene cabenaecame, tsipei pebin axaibi exanan po matacabitha pentaquei seicae matacabitha. <sup>22</sup> Ichitha paxam irũ panacuiteibame barapo matacabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matacabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo sasato jiwi tamropata notarucapa baxua. Poxonae ocho po matacabibe yapu othopeiba pawi thabame pebin wutixi bequein poxonae pentaquei seicae matacabi pataetham. <sup>23</sup> Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wutixi pawi thabame ichaxota pebiwichi xeinatsi xua ichaxota nareixacaena bequein pentaquei seicae matacabi pataetham poxonae. Icha bara paichim pentaquei seicae matacabitha, ¿eta pocotsiwa metha pana necasebame xua pebin axaibi taexanaexae pentaquei seicae matacabitha? <sup>24</sup> Painya xoba pebin payabara paebame xua penatsicuentisiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copya pacui yaputaema xua icha bara metha pebin abe exana tsipei methapara barapo pebin xanepanaya exana.

*Meje yabara xua Jesús yabara paeba xua ichaxota copya popona*

<sup>25</sup> Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi? <sup>26</sup> Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponae wi bapon yabara nanta xeinatsi xua bapon barapara Mesías pon Nacom itoroba daxota jopa pejume yoo barapomonae? <sup>27</sup> Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

<sup>28</sup> Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponae. Apra jopa tsipatopaeinyo xua taexanaewanexa pocotsiwan ichichipan tacoutha. Mexeya apra daxota tsipatopan ichun tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem. <sup>29</sup> Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

<sup>30</sup> Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matacabi jopa tapatopeicaetsi. <sup>31</sup> Pin bicheitomonae Jesús yabara jume cowantsiwa xua Jesús apra bara Mesías. Barapomonae Jesús yabara jeichichi:

—Barapo pebin pexainya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

*Meje yabara poxonae fariseomonae itoroba policiamonae xua Jesús pewaetabiwa tsainchi*

<sup>32</sup> Bapoxonaeru fariseomonae jume tane pocotsiwa jiwi Jesús yabara baraichi: “Bapon apra Cristo”, xua jei jiwi. Nexata bapoxonae fariseomonae iruru sacerdotemonae pia pentacaponae wi tatsi, daxita barapomonae itoroba policiamonae Nacom pin pia bo beya xua Jesús pewaetabiwa tsainchi. <sup>33</sup> Nexata Jesús jei jiwitha:

—Saya caeto paca baru popoinchi. Bapoxonae pirapaeyo equeicha tacoya beicha Taxa beicha ponaein pon tana neitorobixae. <sup>34</sup> Paxam pana newenawenam tsane ichitha jopa pana necaxinaem tsane. Tsipei jopa paca itacupae tsane xua painya neponaewa xua ichaxota taponae wa tsane, jei Jesús.

<sup>35</sup> Nexata judiomonae caemonae nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomonaetha ponaena jampa po judiomonae icha nacua werena pona po judiomonae griegomonae baru jinompa jampa? Metha pia bapoxonae bapon cuidubichi barapo judiomonae, griegomonaeno. <sup>36</sup> ¿Eta xua metha baxua caunuta poxonae naca jei: ‘Paxam pana newenawenam tsane ichitha jopa pana necaxinaem tsane, tsipei jopa paca itacupae tsane xua painya neponaewa xua ichaxota taponae wa tsane’, poxonae xua naca jei? najei judiomonae.

*Meje yabara poxonae Jesús yabara paeba xua ira baxupana mene epatoyaya ichawa beya mene pona*

<sup>37</sup> Po matacabi opi ducuanayaba xua po mataqueitha judiomonae nacaetuta xua penabanaenexa pexaewa, barapo matacabi bichocono peainya cui matacabi. Barapo matacabitha Jesús uncua jiwi peitabaratha tatsi. Matautano jume daunweya wawaya jeye:

—Icha ichun meratsipa, bu pona xan berena xua peapaenexa mera. <sup>38</sup> Nacom Pejume Diwesitha paeba: Pinae pon tana nejume cowantsiwa bichocono juntu coyene unuca exanaponaeinchi po coyene xua tana nejume cowantsiwa, icha be pinae mene ichi tsane po mene ira baxupana mene, po mene xua ichawa beya epatoyaya mene pona bichocono remene nauca ponaexae, jei Jesús.

<sup>39</sup> Baxua Jesús paeba, xua pomonae pejume cowantsiwa tsainchi, barapomonae pinae xeinaena Nacom pia Pejumope tuxaxu tatsi. Ichitha cataunxuae Nacom pia Pejumope tuxaxu tatsi aichica. Tsipei cataunxuae Jesús jopa tupaeyo naetotha. Matautano tsipei cataunxuae jopa ponaeyo Nacom beicha. Bapoxonae bexa tsane barapomonae pomonae Jesús pejume cowantsiwichi xeinaena Nacom pia Pejumope tuxaxu tatsi.

*Meje yabara poxonae jiwi Mesías yabara najume matsontsonobatsi*

<sup>40</sup> Baxota iruru ena ichamonae pomonae Jesús jume tainchi poxonae yabara paeba mera. Barapoxonae barapomonae najume matsontsonobiya paeba. Ichamonae jeye:

—Apra barapo pebin pon Nacom peitorobi jume pepaebin, pon wanae ewatatsi, pon bewa juinya patopaena, jei.

<sup>41</sup> Ichamonaē jeye:

—Apara barapo pebin, bapon apara Mesías pon Nacom itorobeicapaeba peitaboco wetsica, jei.

Ichitha ichamonaerū jeye:

—Jume apara, apara Mesías aibi, tsipei Mesías jopa patopaeyo Galilea nacua werena.

<sup>42</sup> Tsipei Nacom Pejume Diwesitha jeye: ‘Bapon Mesías itorobarecaein. Bapon Mesías David pia pemoxoxi susato jiwanapin tatsi, pon caena bayatha Judea nacuumonaē itorobiya pia pepa peewatsinchi tatsi naexana. Bapon Mesías Belén tomaratha naexanaena, po tomaratha David ichaxota popona bayatha’, jei Nacom Pejume Diwesitha, jei barapomonaē.

<sup>43</sup> Daxota pinmonaē najume matsontsonoba, tsipei daxita barapomonaē Jesús ichawa beya barompaya yabara nanta xeinatsi. <sup>44</sup> Barapomonaē jiwanamonaē bequein ichichipa xua Jesús pewaetabiwatsi, ichitha dapon aibi pon Jesús pewaetabiwatsi.

*Meje yabara poxonaē pentacaponae wi jopa Jesús yabara jume cowantichi*

<sup>45</sup> Bapoxonaē policiamonaē pomonaē Nacom pin pia bo peyapu eenaewi nawibiya fariseomonaē beya yawa sacerdotemonaē pia pentacaponae wi tatsi beyano. Daxita barapomonaē policiamonaē yainyabatsi, jeichichi:

—¿Eta xua metha jopa pacarendenaem Jesús? jei daxita.

<sup>46</sup> Barapo policiamonaē jume nota barapomonaē, jeye:

—¡Dapon aibi ichun pon beta pepaebiwa, icha bapon ichi xua beta wunaeya paeba! jei.

<sup>47</sup> Daxita nexata barapomonaē policiamonaē jume notatsi, jeye:

—¿Paxam iruru jiwi pacui jurame, xua iruru pajume cowantame bequein bara bapon paca muxuitoroba? <sup>48</sup> Tsipei apara jopa yapaputaem xua judiomonaē pia pentacaponae wi tatsi jopa yabara jume cowantsiyo bapon. Irū fariseomonaē pia pentacaponae wi tatsi jopa yabara jume cowantsiyo bapon. <sup>49</sup> Pomonaē Jesús jume cowantatsi apara barapomonaē jopa yaputaeyo pocotsiwa Nacom paeba pia peitorobi jumeintha. Barapomonaē apara Nacom atene cana exanaena xua petsita natsicuentisixaetsi xua abe petsita exanaexaetsi, jei daxita fariseomonaē.

<sup>50</sup> Barapo fariseomonaē jiwanapin baxota eca, pon pewun Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

<sup>51</sup> —Waitorobi coyenewatha ba jeichichi: ‘Jopa bewa yabara paebichi pebin xua penatsicuentisiwa xua abe peexanaexae poxonaē cataunxuae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana’, ba jeichichi, jei Nicodemo.

<sup>52</sup> Nexata fariseomonaē Nicodemo jume notatsi, jeye:

—¿Xam iruru barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacua werena pona, jei fariseomonaē.

*Meje yabara poxonaē yabyo abe exana poxonaē nasi cui wainmeinta icha pebintha bequein pia pebin xeinaetha*

<sup>53</sup> Nexata daxita barapomonaē barompaya pia bon be-iyiya.

## 8

<sup>1</sup> Nexata Jesús pona demxuwa beya, po demxuwa pewun demxu Olivowa. <sup>2</sup> Icha matabitha poxonaē pentha tsina, bapoxonaē equeicha Jesús caibeya pona Nacom pin pia bo tatsi beya. Pinmonaē Jesús imoxoyo caquita poinchi. Jesús eca yawa tamropata pitaba xua pecuidubiwa jiwi. <sup>3</sup> Bapoxonaē judiomonaē, pomonaē jiwi pecuidubiwi Moisés pia peitorobi coyene tatsi, iruru fariseomonaē, daxita barapomonaē carendena petsiriwa Jesús pia xantha tatsi. Barapomonaē cui taepona poxonaē barapo petsiriwa nasi cui wainmeinta icha pebintha bequein pia pebin xeinaetha. Bapoxonaē daxita barapomonaē barapo petsiriwa cuaranotatsi pin bicheito itabarayo deca xuano xua Jesús peitabarayo deca tatsi. <sup>4</sup> Daxita fariseomonaē iruru judiomonaē, pomonaē jiwi pecuidubiwi Moisés pia peitorobi coyene tatsi daxita barapomonaē Jesús baraichi, jeye:

—Pon jiwi Necuidubim, paxan jemeicha pacui taeponan xua barapo yabyo abe exana, poxonaē nasi cui wainmeinta icha pebintha bequein pia pebin xeinaetha. <sup>5</sup> Moisés pia peitorobi coyenewatha naca tsipaeba xua pinae bewa tupa exanaetsi ibowantha powaxi poxonaē barapo coyene exana xua abe exana. ¿Incane iru xamdu? ¿Jinya eta xua pana netsipaebichi xua pata cana exanaewa bapowatha? jei.

<sup>6</sup> Baxua naemata Jesús yainyabatsi, pia poxonaē Jesús abeya jume notsina bapoxonaē pia barapomonaē Jesús abe yabara paebichi. Nexata bapoxonaē Jesús irabe taecuareca

yawano ira tinano pecobesitotha. <sup>7</sup>Tsipei barapomonae matowa Jesús yainyabatsi, daxota yequeicha nantacotaxuba. Yawano barai barapomonae, jeye:

—Caein paxam jiwana pam, pon bapana jopa abe exanae, bu bapon jame copiya matha bapowa cuintabatsi ibotha, jei Jesús.

<sup>8</sup>Equeicha Jesús irabe taecuareca. Yawano equeicha Jesús ira tina pecobesitotha. <sup>9</sup>Ichitha poxonae barapomonae Jesús jume tainchi, bapoxonae daxita barapomonae barompaya nanthutha cayabara nanta xeina xua iruru abe exanaru barapomonae. Daxita barapomonae Jesús pia xainya weya tatsi tsana nanatsixibapona. Copiya penapataewi pona, bapoxonae cotacaya ichamonae nawibiya, beya jiwaiibi. Saya meisa barapo yabuyo compa uncua Jesús pia xantha tatsi. <sup>10</sup>Bapoxonae Jesús equeicha nantacotaxuba. Yawa Jesús tane barapo yabuyo xua compa uncua pia xantha tatsi. Jesús barai yabuyo, jeye:

—¿Incane dapomonae? ¿Dapomonae aibi pomonae cayabara paeba xua nenatsicuentisiwa xua abe neexanaexae Nacomtha? jei Jesús.

<sup>11</sup>Barapowa Jesús jume notatsi, jeye:

—Jume, Tanecanamataxeinaein, dapomonae aibi pomonae neyabara paeba xua tanatsicuentisiwa xua abe taexanaexae Nacomtha, jei.

Nexata Jesús barai bapowa, jeye:

—Xan iruru jopa cayabara paebi tsainchi xua nenatsicuentisiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

*Meje yabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús*

<sup>12</sup>Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomonae jinompa po cae pin nacuathe. Pon nejume cowanta, bapon xeinaena peajuntayapuswa, po peajuntayapuswa ataya tsiteca xua bapon jopa abe peexanaenexa, jei Jesús.

<sup>13</sup>Nexata fariseomonae Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowantichi tsipei jopa ainya cuiyo pocotsiwa paebame, jei fariseomonae.

<sup>14</sup>Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponae xua xua ichaxota beya taponae tsane. Ichitha paxam jopa payaputaem ichaxota werena taponae xua xua ichaxota beya taponae tsane. <sup>15</sup>Paxam jiwi payabara paebame xua penatsicuentisiwa xua abe peexanaexae Nacomtha saya xua poxonae pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentisiwa xua abe peexanaexae Nacomtha saya xua poxonae tan xua exana.

<sup>16</sup>Icha jiwi yabara paeban xua penatsicuentisiwa xua abe peexanaexae Nacomtha bara pexainyei coyenyatha exanan. Tsipei jopa bapana companyo poxonae jiwi yabara paeban xua penatsicuentisiwa xua abe peexanaexae Nacomtha tsipei Taxa Nacom nebaru exana baxua pon tana neitorobixae. <sup>17</sup>Painya itorobi coyenewatha jeye: ‘Icha ichunbe nanta jupaeya yabara paebabe pocotsiwa tanebe bewa baponbe pajume cowantsiname tsipei baxua apara ainya cui’, jei. <sup>18</sup>Xan tacoutha nayabara diwesi paeban. Iruru Taxa nayabara diwesi paeba, pon tana neitorobixae. Daxota Taxa pana nacueyatanbe, jei Jesús.

<sup>19</sup>Nexata barapomonae Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonae metha payaitaetsipame Taxa, jei Jesús xua fariseomonae tsipaebatsi.

<sup>20</sup>Baxuan Jesús caunuta poxonae tsipaeba jiwi Nacom pin pia botha tatsi. Jesús imoxoyo uncua ichaxota jiwi jeba parotxi Nacom nexa. Dapon aibi pon Jesús pewaetabiwatsi, tsipei Jesús pia matacabi cataunxuae taachicatsi.

*Meje yabara poxonae Jesús namchi: “Jopa paca itacypae tsane xua painya neponaewa tsane ichaxota taponae tsane”, jei Jesús*

<sup>21</sup>Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawanaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonae pawerapae-name. Jopa paca itacypae tsane xua painya neponaewa ichaxota taponae tsane, jei Jesús fariseomonaetha.

<sup>22</sup>Nexata judiomona caemonae najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itacupaes tsane xua waponaewa ichaxota bapon peponae tsane? ¿Metha pia coutha pia nabexuichi? jei judiomonaes.

<sup>23</sup> Nexata Jesús barai judiomonaes, jeye:

—Paxam saya betsiquepiwi pam. Xan seicaya nama athabeicha tapoponaein. Paxam seicaya nama po cae pin nacuathepiwi pam. Xan nama po cae pin nacuathepin aibi. <sup>24</sup> Daxota bayatha paca jeichi: ‘Paxam jopa paca capanepaes tsainchi abe painya neexanaes cuiru coyenein weya poxonaes pawerapaename’, jan. Tsipei jopa pana neyabara jume cowantsim po coyene xua bara tana neitacupaewa xua tapaca cayawenaewatsi, daxota pamuxua werapaename abe painya neexanaes cuiru coyenein, jei Jesús judiomonaetha.

<sup>25</sup> Nexata barapomonaes Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomonaes, jeye:

—Poxonaes aena tamropata pitaban xua paca cuidubatsi, bapoxonaes bayatha nayopichiya paca tsipaebatsi po coyene xua ichaxota werena taponae. <sup>26</sup> Acoibi nawita xua yabara tapaca tsipaebiatsi po coyene xua abe peexanaes cuiru coyenein painya neexanaewa xua daxota Nacom patsita natsicuentame xua abe painya neexanaes Nacomtha. Taxa neitoroba xua jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyepaeba, jei Jesús.

<sup>27</sup> Ichitha barapomonaes jopa yaputaeyo poxonaes Jesús jeye Nacom yabara: “Taxa”, jei xua apara Paxa caunuta, pon Nacom. <sup>28</sup> Daxota Jesús barai barapomonaes, jeye:

—Poxonaes paxam naetotha pana necobe matatabarutsiname xan ponxaein Nacom Tananeitapetsinxas, bapoxonaes pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba. <sup>29</sup> Tsipei pon neitoroba apara nebaru popona. Taxa bapana jopa compa popona neexanaes tsipei saya exaneiban pocotsiwa Taxa tsita xanepanatsi, jei Jesús.

<sup>30</sup> Poxonaes Jesús baxua caunuta pinmonaes judiomonaes Jesús jume cowantsi.

*Meje yabara poxonaes Jesús yabara paeba Nacom pijimonaes tatsi iru pomonaes caurimonaes pia pentacaponaein tatsi piamonaes tatsi*

<sup>31</sup> Nexata bapoxonaes Jesús barai judiomonaes, po judiomonaes Jesús pejume cowantsixaetsi. Jesús jeye:

—Icha paxam xanepanaya pana nejume cowantsiya exanaponaeya jinompaename pocotsiwa tapaca tsipaebiatsi, bapoxonaes bara pepa tajimonaes pam tsane. <sup>32</sup> Bapoxonaes payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

<sup>33</sup> Barapo judiomonaes, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonaes pana itoroba xua poxonaes pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomonaes Jesús jopa jume cowantichi.

<sup>34</sup> Jesús barai barapomonaes, jeye:

—Xaniyan paca tsipaebatsi daxita pomonaes xua abe peexanaes cuiru coyenein exana barapomonaes bara exana po coyenein pia pepon itorobatsi icha jiton ichi pon amanaya tanacuita ichun xua poxonaes bewa exanaes pocotsiwa peitorobixaetsi poxonaes busi cui tatainchi. <sup>35</sup> Pon ba amanaya tanacuita ichun, bapon ba apara piamonaes aibi pomonaes peitorobixaetsi, tsipei bapon pebusi cui taetaeinchi. Ichitha pon ba xua ichun pexantoxas tatsi, bapon ba ataya pexanto tatsi bara piamonaes pexeinaes bapon. <sup>36</sup> Daxota xan Nacom Pexanton, icha panenebiya paca cana exainchi caurimonaes pia pentacaponaein tatsi weya, pon xua paca itorobeiba xua abe painya neexanaewa, bapoxonaes bara ataya paca capanenebiya tsoponeibi tsainchi bapon pexainya weya tatsi. <sup>37</sup> Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaes xua painya nejume taewa pocotsiwa paca tsipaebatsi. <sup>38</sup> Xan yabara paeban po coyenein xua Taxa netsita itata. Paxam paexaname xua po coyenein painya axa paca itoroba, jei Jesús.

<sup>39</sup> Barapomonaes Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonaes.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana. <sup>40</sup> Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apará Abraham jopa bapana baxua daichi. <sup>41</sup> Paxam bara barapocotsiwa paexaname pocotsiwa painya axa exana, jei Jesús.

Nexata barapomonaé Jesús baraichi, jeye:

—Paxan dapomonaé pan aibi pomonaé piacoibi jiwi pan, tsipei pata taena jopa nasi cui wainmeinchiyó. Paxan xaniwaicha payaputan xua bara compa painta pata taxa, bapon Nacom, jei barapomonaé.

<sup>42</sup> Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuaje. Apará jopa daxua tsipatopaeyino xua tacoutha tana nayabara paebiwa tsane. Saya patopan poxoru Nacom neitoroba. <sup>43</sup> Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi. <sup>44</sup> Caurimonaé pia pentacaponaein tatsi, bapon apará painya axa. Barapo caurimonaé pia pentacaponaein tatsi bapon piamonaé tatsi pam daxota paexaname pocotsiwa bapon paca itoroba. Barapo caurimonaé pia pentacaponaein tatsi jiwi jutebapoinchi poxonaé Nacom aena nacua forota weya, xua beya anoxuae. Bapon bapana jopa xainyeya pepaebin tsipei po *juntú* coyene Nacom xainyeya peyabara paebiwatsi jopa xeinaeyo. Poxonaé bapon naerabiya paeba, baxua paeba tsipei barapo penaerabi *juntú* coyene xeina. Bapon jiwi itorobatsi xua jiwi naerabiya pepaebiwiwa tsane. <sup>45</sup> Paxam bapon piamonaé tatsi pamxaem daxota jopa xaniwaicha pana nejume cowuntsim pocotsiwa xainyeya tapaebiwa. <sup>46</sup> Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowuntsim. <sup>47</sup> Pon ba Nacom piamonaé tatsi baraba namuxu naewata pocotsiwa Nacom paeba. Paxam apará jopa Nacom piamonaé tatsi pam, daxota jopa bepajume cowuntsim pocotsiwa Nacom paeba, jei Jesús xua judiomonaé tsipaebatsi.

*Meje yabara poxonaé Jesús namchi: “Poxonaé cataunxuae Abraham jopa poponaeyo, caena bayatha tsiwanaya ataya poponeiban”, jei Jesús*

<sup>48</sup> Nexata equeicha judiomonaé Jesús baraichi, jeye:

—Bara xainyeya paca yabara paebatsi poxonaé pana najan: ‘Bapon apará Samaria nacua monaepin, apará cauri xeina’, poxonaé paca yabara jeichichi, jei judiomonaé.

<sup>49</sup> Jesús jume nota, jeye:

—Xan apará cauri jopa nebará poponaeyo. Saya xua exanan bara pocotsiwa jiwi cana exanan xua Taxa wúnae pejainchiwatsi, ichitha nama paxam pana necasebame, saya abeya pana neyabara paebame. <sup>50</sup> Jopa netsita ainya cuiyiyo xua jiwi wúnae tana nejainchiwa. Bequein Taxa ichichipa xua jiwi wúnae tana nejainchiwa. Bapon Taxa yabara paebina jiwi pomonaé xua abe peexanaewa xua penatsicuentisiwa xua abe petsita exanaexaetsi. <sup>51</sup> Xaniyan paca tsipaebatsi pon nejume cowuntsiya exanaena pocotsiwa paeban, bapon jopa bapana *túpaé* tsane, jei Jesús.

<sup>52</sup> Bapoxonaé judiomonaé Jesús jume notatsi, jeye:

—Bara xaniwaicha payaputan xua xam cabará popona cauri. Abraham irurá pomonaé Nacom peitorobi jume pepaebiwi daxita barapomonaé caena bayatha werapa. Ichitha xam pana nejam: ‘Pon nejume cowuntsiya exanaena pocotsiwa paeban, bapon jopa bapana *túpaé* tsane’, pana nejam. <sup>53</sup> Xam apará jopa toxeyincha ainya cuim Abraham pon pata tamo susatopin! Bapon caena bayatha *túpa* irurá caena bayatha werapa pomonaé Nacom peitorobi jume pepaebiwi. ¿Eta xua metha jinya coutha nanta xeiname xua ichamonaé cayabara nanta xeinaena xua xam pon peainya cui jitom? jei judiomonaé.

<sup>54</sup> Jesús jume nota, jeye:

—Icha saya compa xan tacoutha wúnae najaintan baxua jopa xapain wúnaeyo. Jame pon wúnae nejainta bapon apará Nacom, pon payabara jam: ‘Apará pata Taxa, bapon Nacom’, pajam. <sup>55</sup> Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaeyin: ‘Bapon jopa yaputaeyino’, jan tsipaeyin, metha apará naerabichipan icha paichim xua naerabiya papaebame poxonaé. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom. <sup>56</sup> Abraham painya amo susatopin bayatha yabara wúnae yaputane xua tapatopaewa tsane po cae pin nacuathe tsique. Daxota bapon bichocono *juntú* coyene weiweina. Bara xainyei patopan po cae pin nacuathe tsique daxota bichocono *juntú* coyene weiweina bapon.

<sup>57</sup> Nexata judiomonaé Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham tɔpaba, jei judiomonaē.

<sup>58</sup> Jesús jume nota, jeye:

—Xaniyan paca tsipaebatsi poxonaē cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonaētha.

<sup>59</sup> Nexata bapoxonaē barapomonaē anaepanaya ibowan notarɔɔɔpa pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonaē pia xainya iya tatsi.

## 9

*Meje yabara poxonaē Jesús axaibi exana pon peitata nacɔtsin, pon xua pexuyotha yawa naexana*

<sup>1</sup> Irɔɔɔ Jesús Nacom pin pia bo weya barɔ pona pijimonaē xua poxonaē namtotha barɔ ecapona. Bapoxonaē Jesús caxina pebin pon peitata nacɔtsin xua pon pexuyotha yawa naexana. <sup>2</sup> Jesús pijimonaē yainyabiyatsi, jeye:

—Patatanecuidubim, ¿eta pocotsiwa metha bapon itata nacɔtsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomonaē.

<sup>3</sup> Jesús pijimonaē jume barai, jeye:

—Jume apara, jopa apara itata nacɔtsiyoy poxoru abe peexanaexae bapon. Matautano jopa apara baxua xua paxa tatsi abe peexanaexae. Matautano jopa apara baxua xua pena tatsi abe peexanaexae. Jame apara bapon itata nacɔta xua jiwi peyaputaenexa xua Nacom peayapusɔwa xeina xua axaibi peexanaenexa tsainchi bapon. <sup>4</sup> Jiton ba nacuita poxonaē cataunxuae pentha tsuncuae. Poxonaē quirei tsuxubi pebin ba jopa itacɔpaetsi xua penacuichiwa. Xan barichin. Poxonaē cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonaē tɔpaein jopa neitacɔpae tsane xua taexanaewa barapo tanacuichiwa xua bayatha Nacom neitoroba. <sup>5</sup> Poxonaē cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaētha.

<sup>6</sup> Poxonaē Jesús baxua najume weta, bapoxonaē iratha naone sutaba, yawa peonetha tsoroboyo nacobena ponaxuba. Bapoxonaē Jesús barapo tsoroboyotha itacuere caxueba peitata nacɔtsin. <sup>7</sup> Nexata Jesús barai bapon, jeye:

—Ponare fetiyo beya, po fetiyo pewɔn Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wɔn jei: “Po fetiyo Nacom itoroba”, jei.)

Pon peitata nacɔtsin pona fetiyo beya naitata waexubano. Poxonaē equeicha bapon caibe iya Jesús beya, nama bara itacɔpatsi xua petaewa. <sup>8</sup> Bapon pia petsicuarabɔ enaewichi tatsi, irano pomonaē pecui yaputaexaetsi xua poxonaē bapon aitatabeya popona daxita barapomonaē bapon yabara natsipaebatsi. Ichamonaē jeye:

—¿Apara baponda pon iratha jiwi wɔquequeibara paratixi? jei.

<sup>9</sup> Ichamonaē jeye:

—Aa, apara bapon, pon iratha jiwi wɔquequeiba paratixi, jei.

Ichamonaē jeye:

—Apara bapon aibi. Saya apara be bapon, jei.

Ichitha pon peitata nacɔtsin pia coutha jeye:

—Apara bara xan tsocuaein, jei.

<sup>10</sup> Nexata daxita barapomonaē peitata nacɔtsin yainyabatsi, jeichichi:

—¿Eta xua metha anoxuae taneme? jei daxita barapomonaē.

<sup>11</sup> Pon peitata nacɔtsin jume nota barapomonaē, jeye:

—Pon pewɔn Jesús, bapon tsoroboyo peonetha nacobena pontaba, bapoxonaē barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewɔn Siloé. Barapo fetiyotha naitacuere waexore’, nejei. Bara barabeya ponan. Poxonaē baxota naitacuere waexuban, bapoxonaē bara tan, jei bapon.

<sup>12</sup> Bapoxonaē peitata nacɔtsin yainyabatsi barapomonaē, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonaē, jeye:

—Bɔ, canta jopa taeinyo, jei bapon.

*Meje yabara poxonaē pon equeicha xua itata wɔnae matowa yainyabatsi xua fariseomonaē matowa yainyaba*

<sup>13</sup> Pon xua equeicha itata wɔnae, pomonaē pia petsicuarabɔ enaewichi tatsi barapomonaē bapon capoinchi fariseomonaē beya. <sup>14</sup> Ichitha po mataqueitha Jesús axaibi

exana pon peitata nacutsin, xua poxonae tsoroboyo peonetha nacobena pontaba, barapo matabi apara judiomonaē pia pentaquei seicaē matabi tatsi. <sup>15</sup> Bapoxonae bapon yainyabatsi fariseomonaē, jeye:

—¿Eta bichim xua anoxuae jamaisa necotame? jei fariseomonaē.

Bapon jume barai, jeye:

—Bapon tsoroboyo peonetha neitacuere caxueba. Bapoxonae naitacuere waexuban meratha. Bapoxonae yawa bara necotan, jei fariseomonaetha.

<sup>16</sup> Bapoxonae fariseo jiwamonae bapon baraichi, jeye:

—Pon caaxaibi exana apara Nacom jopa bapon itorobicaeyo, tsipei bapon jopa yabara baru cui itura jinaeyo barapo pentaquei seicaē matabi, jei fariseo jiwamonae.

Ichamonae jeye:

—Icha bapon peajuntacoyenebein, ¿metha nexata eta pocotsiwa pexeinya petsita itatsi coyenewa exana? jei.

Daxita barapo fariseomonaē nantiya najume matsontsonoba. <sup>17</sup> Equeicha fariseomonaē, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinameru pon caaitacuere axaibi exana? jei fariseomonaē.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

<sup>18</sup> Ichitha judiomonaē jopa bejume cowantsiyo pocotsiwa pon peitata nacutsin bayatha itacuere axaibi exainchi xuano xua anoxuae itacupatsi xua petaewa. Daxota bapoxonae barapo judiomonaē pon itacuere axaibi exainchi paxa tatsi wabatsi, yawa pena tatsi wabatsi. <sup>19</sup> Barapo judiomonaē jeye coxiyanbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacutsiya naexana? ¿Eta bichi xua anoxuae itacupatsi xua penecotsiwa? jei judiomonaē.

<sup>20</sup> Barapo coxiyanbe jume notabe, jeibe:

—Bara yatsicaewa payaputan xua bapon barapara pata taxanto. Matautano payaputan xua bayatha bapon itata nacutsiya naexana. <sup>21</sup> Daichitha jopa payaputaeyo xua eta bichi xua bapon anoxuae necota. Matautano jopa payaputaeyo xua pon pata taxanto itacuere axaibi exainchi. Paxam moya bara bapon payainyabare. Bu nexata bapon pia coya paca jume notsina tsipei apara bayatha pinyo, jeibe coxiyanbe.

<sup>22</sup> Barapo coxiyanbe sunuwa judiomonaē sunuwatsi. Tsipei judiomonaē bayatha jei: “Pomonaē Jesús yabara jume cowantsi, pomonaē xua jeye: ‘Jesús apara bapon Mesías pon Nacom itorobica’, pomonaē jeye, barapomonaē paitawetan pata penacae-tutsi ho weya”, jei barapo judiomonaē. Daxota barapo coxiyanbe pijunuwi jopa jeibe: “Apara bapon Jesús pon Mesías bapon panta taxanto itacuere axaibi exainchi”, jopa jeibe. <sup>23</sup> Daxota barapo coxiyanbe barapo judiomonaetha jeibe: “Paxam moya bapon payainyabare. Bu nexata bapon pia coya paca jume nota tsipei bayatha pinyo”, jeibe coxiyanbe.

<sup>24</sup> Bapoxonae equeicha judiomonaē pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua iruru Nacom necajume taenexa. Paxan payaputan xua Jesús bapon apara pon peajuntacoyenebein, jei judiomonaē.

<sup>25</sup> Bapon jume nota barapo judiomonaetha, jeye:

—Xan jopa yabara yaputaeyo xua icha metha bapon pon peajuntacoyenebein. Saya meisa yaputan xua copiya taitata nacutsin xuano xua anoxuae neitacupa xua tanecotsiwa, jei bapon.

<sup>26</sup> Equeicha barapo judiomonaē bapon yainyabatsi, jeichichi:

—¿Eta caitacuere ichi poxonae caaitacuere axaibi exana? jei judiomonaē.

<sup>27</sup> Bapon jume nota barapo judiomonaē, jeye:

—Bara bayatha paca tsipaebatsiba. Came jopa yabara pana nejume cowantsim. ¿Eta xua metha equeicha bepa baxua matowa paca tsipaebichi? ¿Painya iruru naexanaetsi Jesús pijimonaē tatsi? jei bapon.

<sup>28</sup> Ichitha barapo judiomonaē bapon biatainchi, jeichichi:

—Xam moya Jesús piamonaē jiton tatsi naexande, nama paxan Moisés pia peitorobi coyenewa pata exanaponaē jiji. <sup>29</sup> Paxan payaputan xua Nacom Moisés itorobatsi. Ichitha nama pon caaitacuere axaibi exana jopa payaputaeyo xua ichaxota werena peponaewa xua ichan peitorobixae, jei judiomonaē.

<sup>30</sup> Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuere axaibi exanaewa. <sup>31</sup> Waxainchi



yaputainchi bara, xua Nacom jopa jume naitaewatsiyo pomonaetha pomonae abe exanaewi xua peyawenaewanexa. Nacom saya meisa jume naitaewata pomonaetha pomonae wuna pejainchixaetsi. Matautano Nacom saya jume naitaewata pomonaetha pomonae peitorobixae xua pia petaexanaewa tsainchi pocotsiwa bapon peichichipaexae. <sup>32</sup> Poxonae aena Nacom nacua forota, bapoxonae xua beya anoxuae, dapon aibi pon ichan itacuere axaibi exainchi pon peitata nacutsin. <sup>33</sup> Icha bapon Nacom jopa itorobichipae, metha bapon jopa itacupaetsipaetsi xua ichan itacuere axaibi peexanaewatsi, pon peitata nacutsin, jei bapon.

<sup>34</sup> Nexata bapon baraichi, jeichichi:

—Daxota itata nacutsiya naexaname tsipei ajuntacoyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penacaetutsi bo tatsi weya.

*Meje yabara poxonae Jesús yabara paeba pomonae jopa Nacom yaputaetsi*

<sup>35</sup> Jesús yaputane xua pon bayatha itacuere axaibi exainchi itawetatsi judiomonae pia penacaetutsi bo tatsi weya, xua judiomonae itaweta. Poxonae bapon Jesús caxina, Jesús jeje:

—¿Xam yabara jume cowantame pon Nacom pia Peitapetsin tatsi? jei Jesús.

<sup>36</sup> Bapon jume barai Jesús, jeje:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nacutsin.

<sup>37</sup> Jesús jume nota, jeje:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

<sup>38</sup> Nexata bapon pentabocototha uncua Jesús peitabaratha tatsi xua Jesús wuna pejainchinxatsi. Bapon jeje:

—¡Tanecanamataxeinaem, cajume cowantatsi bara! jei bapon.

<sup>39</sup> Bapoxonae Jesús barai, jeje:

—Barapo cae pin nacuathe patopeican xua jiwi tayabara paebinexa xua penatsicuentiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yputaetainchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yputaetsainchi, jei Jesús.

<sup>40</sup> Bapoxonae fariseo jiwanamonae, pomonae Jesús barai uncua, poxonae barapomonae Jesús jume tainchi, Jesús yainyabatsi, jeje:

—¿Apara pana baram xua equeicha jopa payabara yputaetin tsane Nacom? jei fariseo jiwanamonae.

<sup>41</sup> Jesús jume nota, jeje:

—Icha paxam bayatha jopa payabara yputaemtspae Nacom, jopa apara painya coutham tsipae xua poxonae abe painya neexanaewa. Ichitha mexeya poxoru pajam: ‘Payaputan Nacom’, pajam daxota apara painya coutham xua bara abe painya neexanaewa, jei Jesús.

## 10

*Meje yabara poxonae Jesús yabara paeba pon oveja pe-eeinaein*

<sup>1</sup> Equeicha Jesús namchi: “Xaniyan paca tsipaebatsi diwesi xua pata neyabara yputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apara pon pecaibin oveja. <sup>2</sup> Pon jame joniya pepa boupa iya bapon apara pon pe-eeinaein oveja. <sup>3</sup> Pon peboupa xatababin, bapon boupa saranaxorena pon oveja pe-eeinaein taboupa saranaxorenatsi. Poxonae pon oveja pe-eeinaein junuta oveja, barapo oveja jume copi yaputane baxua. Pon oveja pe-eeinaein, bapon daxita barapo oveja barompaya pia wunxitha junuta. Bapoxonae bapon curara weya mata coniya ovejamonae. <sup>4</sup> Poxonae curara weya mata coniya daxita bapon mata caecapona yawa punaenapoinchi pejume copi yputaexaetsi. <sup>5</sup> Ichitha barapo ovejamonae jopa puna ponaeyo ichantha, pontha pon jopa yaitaeyo. Saya cuitaya ducupa tsipei ichan jopa jume copi yaputaetsi”, jei Jesús.

<sup>6</sup> Jesús tsipaeba barapomonae barapo pecayabara juta pepaebi diwesiyo poxonae oveja yabara paeba, daichitha came barapomonae jopa yputaeyo barapo diwesi.

*Meje yabara xua Jesús pon beta pe-eeinaein jiwi*

<sup>7</sup> Nexata equeicha Jesús tsipaeba barapomonae, jeje: “Icha oveja ichi xua curaratha joniya xua peboupa peyawenaexaetsi, barichi jiwi xua Nacom pia nacuatheicha tatsi

pata poxoru xanxaein xua tayawenaexae. <sup>8</sup> Daxita pomonae netsiwana pata, pomonae xua jei: 'Nacom pana itoroba', jei, barapomonae aparta pomonae jiwi pemuxujainyabiwi. Ichitha jiwi jopa yabara jume cowantsiyo barapomonae, icha oveja ichi xua aichaxaibi pepuna ponaewa ichantha jopa pejume copi yaputaexae. <sup>9</sup> Xan jiwi tayawenaein daxota pon nejume cowanta yawenan xua pepatopaewa Nacom beicha. Icha oveja ichichi xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomonae tana nejume cowantsiwi barapomonae beta yawenan.

<sup>10</sup> "Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajuntayarusawa, po peajuntayarusawa jopa weraweracaeyo xua jiwi jopa juniya mataropeichiya hexeinaronae tsane barapo peajuntayarusawa. <sup>11</sup> Pon beta pe-enaenain oveja, bapon tsitapa pia ovejamona, tsipei jopa ichichipaeyo xua petajutebiwatsi pia ovejan tatsi xua poxonae pomonae pecaibiji jutebina. Barapocotsi coyene ichi jiwi beta ta-enaenain. Jiwi tsitapaenain xua barapomonae tacapanepaenexa. <sup>12</sup> Ichitha pon tanacuita ichin xua tayapu eena oveja aparta saya piaparaxichichi. Poxonae bapon neutha tane pijunuwi, oveja cuenta naetsiriwa, tsipei barapo ovejamona pia ovejamona tatsi aibi. Poxonae neutha icha ovejan teicatsi, bapoxonae icha ovejamona tsanaothopa. <sup>13</sup> Bapon naetsiriwa tsipei saya oveja eena xua piaparaxichichi, xuano xua jopa xapain peyabara nanta xeinaexae ovejamona.

<sup>14-15</sup> "Xan natsicotan be pon ovejamona beta tayapu eenaenain tsipei beta ta-enaenain pomonae tana nejume cowantsiwi. Taxa neyaitane, xuya Taxa yaitan. Barichi yaitan pomonae tana nejume cowantsiwi, xuya barapomonae neyaitane. Xan tana nejume cowantsiwi yaitatsin xua tatsitapaenexa naetha xua jopa peweraweracaewa tsane barapomonae. <sup>16</sup> Barichi xeinan icha tana nejume cowantsiwi pomonae jopa israelmonaeyo. Barapomonae bewa iruru nacaetuta exanaenain xantha pomonae caena bayatha tana nejume cowantsiwi iru pomonano xua bexa nejume cowantsinano. Cae bicheito exanaenain. Barapomonae exanaena pocotsiwa itoroban. Matautano xeinaena bara compa xua xan ponxaein beta ta-enaenain, icha pebin ichi pon ovejamona peyapu eenaenain xua poxonae ovejamona caetucaetuteta cae curaratha.

<sup>17</sup> "Taxa bichocono neantobe tsipei tsitapaenain pomonae tana nejume cowantsiwi. Ichitha equeicha asun tsane. <sup>18</sup> Dapon aibi pon xua pia coutha tana nebexubiwa. Saya jame poxonae tacoutha ichichipan. Xan itacoxonan xua bara jiwi tatsitapaewa. Matautano itacoxonan xua equeicha asu tapoponaewa tsane petapaewa weya. Baxua itacoxonan xua taexanaewa, Taxa tana neitorobixae", jei Jesús.

<sup>19</sup> Poxonae barapo judiomona Jesús baxua jume tainchi, bapoxonae equeicha barapo judiomona yabara najume matsontsonoba. <sup>20</sup> Ichamona judiomona yainyaba xua icha judiomona yainyabatsi, jeichichi:

—¿Eta xua metha bapon pajume naitawatame pocotsiwa bapon paeba? ¡Apara matayaibatsi! ¡Cauri xeina aparta! jei judiomona.

<sup>21</sup> Ichamona jeye:

—Dapon aibi pon xanapanaya pepaebiwa icha cauri xeina. Caurimonaepin jopa bapana itacupaetsi xua pon peitata nacutsin axaibi peexanaewatsi, jei ichamona.

*Meje yabara poxonae judiomona Jesús jume itawetatsi*

<sup>22</sup> Poxonae awubo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi matababin poxonae nabane jiwi yabara nanta xeina xua caena bayatha piamonae tatsi equeicha xaneba Nacom pin pia bo tatsi poxonae ichamona abe exana. Barapomonae baxua yabara nacaetuta peyabara paebinexa xua barapo bo Nacom nexa. <sup>23</sup> Jesús popona Nacom pin pia bo tauchipa bouto. Barapo Nacom pin pia bo tauchipa bouto pewun Salomón. <sup>24</sup> Baxota judiomona Jesús imoxoyo caquita umenarucupatsi yawa Jesús jeichichi:

—¿Eta po matababe metha ainya muxu paxeinaenain xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

<sup>25</sup> Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowantsim. Pocotsiwa xua exanan, xua Taxa tana neitorobixae, baxua aparta bara paca tsita naitapeinya xeinatsi xua xan aparta bara Mesías. <sup>26</sup> Baxua jopa pana neyabara jume cowantsim tsipei jopa tajimona pam be pocotsi coyeneya aunxuae bayatha paca tsipaebatsi. <sup>27</sup> Pomona tana nejume cowantsiwi nejume copi yaputane yawa nepuna pona, icha ovejamona ichi xua jume copi yaputane pontha pon pe-enaexaetsi xuano xua barapo ovejamona puna pona xua bapon puna poinchi. <sup>28</sup> Tana nejume cowantsiwi catan peajuntayarusawa, po peajuntayarusawa xua bapana jopa peweraweracaewa tsane. Matautano ichamona jopa

itac̄paetsi xua tana newecobe notsiwa xua tamonaē inta notatsi. <sup>29</sup> Taxa barapomonaē necata. Barapon Taxa bichocono toxecha caein ainya cui, beyacaincha ich̄n xua ainya cui. Dapon aibi pon Taxa wecobe notatsi xua piamonaē tatsi tanotatsi. <sup>30</sup> Xan, ir̄ Taxa bara caein panbe, jei Jesús.

<sup>31</sup> Nexata judiomonaē ibotoxi nota xua Jesús pecuinbabiwa tsainchi. <sup>32</sup> Jesús barai barapomonaē, jeye:

—Paxantha matowa exaneiban pexeinya tatsita it̄tsi coyenewan Taxa pia peayapus̄watha tatsi. ¿Eta po tatsita it̄tsi coyenewan taexanaexae ibotoxitha painya necuinbabihi? jei Jesús.

<sup>33</sup> Judiomonaē jume nota, jeye:

—Jopa apara daxota paca cuinbabichi poxoru pexeinya petsita it̄tsi coyenewan neexanaexae. Daxota paca cuinbabatsi tsipei jam: ‘Xan ir̄ Taxa bara caein panbe’, jam. Baxua apara abe paebame tsipei be Nacom naexaname jinya coutha poxonaē saya pebim, jei judiomonaē.

<sup>34</sup> Jesús barai, jeye:

—Nacom Pejume Diwesitha yabara paebatsi pomonaē Nacom pejume cowantsiwichi. Nacom jeye: ‘Paxam ir̄r̄ nacommonaē pam’, yabara jei Nacom, pomonaē pejume cowantsiwixaetsi. <sup>35</sup> Nacom paeba xua pinaē pomonaē petajume cowantsiwixaetsi pejume diwesi barapomonaē pinaē bara nacommonaē tsenaē. Matautano waxainchi yaputainchi barapo diwesitha xua jopa bapana Nacom naerabiyo. <sup>36</sup> Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonaē jan: ‘Xan Nacom Pexanton’, jan? <sup>37</sup> Icha jopa exanaeinyo pocotsiwa Taxa neitoroba painya xoba pana nejume cowantame baxua. <sup>38</sup> Icha exanan pocotsiwa Taxa neitoroba, bapoxonaē pana necui yabara jume cowande pocotsiwa exanan, bequein jopa pana nejume cowantsim xua paca tsipaebatsi. Bapoxonaē xain payaputaename xua xan Taxa nebar̄ popona, xua barichin xua Taxa bar̄ poponan, jei Jesús.

<sup>39</sup> Equeicha barapomonaē ichichipa xua Jesús pewaetabiwatsi ichitha Jesús naetsiriwa barapomonaē weya.

<sup>40</sup> Nexata Jesús pijimonaē caibe bar̄ nawiya icha muxunene beya xua Jordán mentha. Baraxotiya Jesús pijimonaē bar̄ eca, ichaxota Juan bayatha bautisaba jiwi. <sup>41</sup> Pin bicheitomonaē Jesús siwa poinchi pejume taenexatsi. Barapomonaē Jesús yabara natsipaebatsi, najei:

—Xaniyei bequein Juan pexeinya petsita it̄tsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xainyei, najei barapomonaē.

<sup>42</sup> Baraxotiya pin bicheitomonaē Jesús yabara jume cowantatsi.

## 11

### *Meje yabara poxonaē Lázaro t̄pa*

<sup>1</sup> Ir̄ pebin popona, pon pew̄n Lázaro. Bapon atene. Bapon Betania tomarapin. Ir̄r̄ bapon Lázaro pamchobe tatsi barichi Betania tomarapiwayobe. Barapo pamchobe tatsi ichowayo pew̄n María, ichowayo pew̄n Marta. <sup>2</sup> Barapowa María, powa Lázaro pamcho tatsi, powa Jesús taxu epatabinchi icha matababitha penasiwatha xua petuxueiwa xvano xua taxu tsewa exanaeinchi pentanatha. <sup>3</sup> María pamchobe najume caitorobabe ich̄ntha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

<sup>4</sup> Poxonaē Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua t̄pa peexaneibiwa ataya. Saya atene, apara Nacom pia jiwi tsita it̄tsichi pia peayapus̄ya itorobi coyenewa. Matautano ir̄ xan Nacom Pexanton jiwitha tatsita it̄tsinexa taayapus̄ya itorobi coyenewa, jei Jesús.

<sup>5-6</sup> Bequein Jesús antobe Marta ir̄ María ir̄ Lázaro ichitha cataunxuae eca baxotiya ainya matababibe poxonaē jume taetha xua Lázaro bayatha atene nawita. <sup>7</sup> Pirapae Jesús daxita pijimonaē barai, jeye:

—Caibeya poinchi Judea nacua beya, jei Jesús.

<sup>8</sup> Nexata daxita Jesús pijimonaē baraichi, jeye:

—Pon Patatanecuidubim, cain judiomonaē, Judea nacuathe ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

<sup>9</sup> Jesús barai, jeye:

—Caentacabi doce po horabe xeina poxonaē pentha tsuncuae. Icha pebin mataqueitha popona jopa xuirapopaeyo pentha petsuncuaexae barapo cae pin nacuathe. <sup>10</sup> Barichin

poxonae cataunxuae poponan barapo cae pin nacuathe bewa exanaein xua Taxa pocot-siwa neitoroba. Tsipei poxonae tupaen jopa neitacypae tsane xua exanaein baxua, barapo cae pin nacuathe.

<sup>11</sup> Pirapae Jesús daxita pijimonae barai, jeye:

—Wajiton, Lázaro, maituncua. Ichitha tha bexa yaubaxuichi, jei Jesús.

<sup>12</sup> Nexata daxita Jesús pijimonae baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasatatsi, daxota baxua paebame? jeichichi.

<sup>13</sup> Ichitha Jesús namchi: “Lázaro bayatha tupa”, jei, xua poxonae jei: “Lázaro maituncua”, jei. Daichitha Jesús pijimonae tatsi nanta xeina xua metha Lázaro maituncua icha merawi ichi poxonae maiteca. <sup>14-15</sup> Bapoxonae Jesús pijimonae tsita najume itapeinya xeina, jeye:

—Lázaro bayatha naxuba. Pacata daxua wuna xua jopa baxotiya poponaeyno poxonae Lázaro tupa. Tsipei baxua painya nejume cowantsinexa, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

<sup>16</sup> Nexata Tomás, pon icha wun Gemelo peweichobe penama naexanaexaebe, bapon Jesús pijimonae tatsi baraichi, jeye:

—Bu naca baru pona Jesús, xain Jesús naca baru werapa, jei Tomás.

*Meje yabara xua Jesús namchi: “Xan pon jiwí asu taexanaein petupae cuiru coyene weya”, jei*

<sup>17</sup> Poxonae Jesús pijimonae baru patopa Betania tomaratha, jiwí Jesús tsipaebatsi xua pinae bayatha Lázaro cuatro po matacabibe yapucaewa xua muthutha xotsi. <sup>18</sup> Betania tomara tajyo itamataeca Jerusalén tomara saya tres po kilómetro epatiyobe xeina. <sup>19</sup> Pinmonae judiomonae Marta iru María siwa poinchibe pia botha tatsi peitanuwe matutaenexa tsainchibe petatupaexaetsibe peweicho tatsi. <sup>20</sup> Poxonae Marta yaputane xua Jesús pijimonae baru patopa, bapowa bo wejonarena xua Jesús pententa weyataeya wabinexatsi. Ichitha nama María botha eca. <sup>21</sup> Marta Jesús baraichi, jeye:

—Pon Necanamataxeinaem jiwí, icha bayatha xote ecaetsipame, metha bayatha jopa tupaetsipae taeweicho. <sup>22</sup> Yaputan xua methaunxuae Nacom cacatsina daxita pocotsiwa newucaewam, jei Marta.

<sup>23</sup> Jesús barai, jeye:

—Eweicho equiecha cata asu poponaena, jei Jesús.

<sup>24</sup> Marta Jesús baraichi, jeye:

—Aa, bara yaputan xua equiecha asu poponaena poxonae po mataqueitha daxita jiwí Nacom asu exanaena petupae cuiru coyene weya poxonae po cae pin nacue daxita weraweracaena, jei Marta.

<sup>25</sup> Nexata Jesús jume barai, jeye:

—Xan apara barapo jiton, pon jiwí asu jinompa taexanaein petupae cuiru coyene weya. Matautano xan pon jiwí tacatsin peajuntuyarusawa, po peajuntuyarusawa jopa weraweracaeyo. Pon nejume cowanta bequein bara tupa ichitha equiecha asu poponaena.

<sup>26</sup> Pon xeinaena peajuntuyarusawa xuano xua nejume cowantsina, bapon bapana jopa weraweraca tsane. ¿Baxua bara yabara jume cowantame? jei Jesús xua Marta tsipaebatsi.

<sup>27</sup> Bapowa jume nota, jeye:

—Aa, Tanecanamataxeinaem, bara baxua yabara jume cowantan xua xam Mesías pon Nacom Pexantom, pon bewa jinuya patopaename po cae pin nacuathe tsique, jei Marta.

*Meje yabara poxonae Jesús itamata wecoyeyi tuncuae ichaxota Lázaro yamuthu uncua*

<sup>28</sup> Poxonae Marta najume weta xua Jesús tsipaebatsi, bapoxonae Marta pamcho waba powa pewun María. Marta nameicha pamchotha jeye:

—Pon jiwí Pecuidubin xote patope, cawaba, jei Marta.

<sup>29</sup> Poxonae María baxua jume taeba, bapoxonae caena nainya ponataba Jesús petaenexatsi. <sup>30</sup> Jesús abu cataunxuae pijimonae jopa baru ponaeyo tomaratha. Jesús caxinatsi ichaxota copya Marta Jesús caxinatsi. <sup>31</sup> Judiomonae pomonae María pamchobe itanuwe matateicatsibe xua pomonae pia botha tatsi taenatsibe, poxonae barapo judiomonae tane xua María nainya ponataba, iraru barapomonae napuna pona. Barapo judiomonae nanta xeina xua mexeya itara María pamchobe muthu beya ponabewei xua pewecoyeinexabe ichaxota peweichobe tatsi tayamuthu uncuatsibe.

<sup>32</sup> Poxonae María itamata patopatsi María pentabocototha uncua, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa tupaetsipae, jei María xua Jesús tsipaebatsi.

<sup>33</sup> Jesús tane xua María wecoyei. Taneno xua judiomonae pomonae napona xua iruru wecoyei. Bapoxonae Jesús anthuthu wecoyei yawa anthuthurewe. <sup>34</sup> Jesús baraino barapomonae, jeye:

—¿Exota Lázaro pamthuthu xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

<sup>35</sup> Iruru Jesús wecoyei tsanareca. <sup>36</sup> Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

<sup>37</sup> Ichitha ichamonae judiomonae Jesús yabara jeichichi:

—Icha bapon itacupatsi xua pon peitata nacatsin axaibi exainchi, ¿eta xua metha bapon jopa itacupaetsi xua Lázaro yawenatsi xua bayatha jopa tupaetsipae? najei judiomonae.

*Meje yabara poxonae Lázaro equeicha asu popona*

<sup>38</sup> Equeicha Jesús bichocono anthuthurewe. Yawa imoxoyo pijimonae baru pona muthu beya. Barapo muthu ibo muthu, yawa muthu yauxatatabanota pin ibo panawatha. <sup>39</sup> Jesús barai barapomonae, jeye:

—Papataxore ibo panawa, jei Jesús.

Lázaro pon tupa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matabibibe yapucaewa poxonae tupa, jei Marta.

<sup>40</sup> Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cowantame, necotsiname Nacom pia peayapusawa, cajeichiba, jei Jesús.

<sup>41</sup> Nexata ichamonae ibo panawa pataxuba. Bapoxonae Jesús peitaboco beicha athabe-icha necoicha. Yawa jeye Paxatha:

—Axa, juntu coyene weiwaina, yaitama nejume taneme pocotsiwa tacawucaexaetsi.

<sup>42</sup> Bara yaputan xua nejume taibame poxonae cawuqueibatsi. Apara catsipaebatsi baxua xua pomonae xote umene barapomonae nexa xua tana neyabara jume cowantsinexa xua xan pon tana neitorobim, jei Jesús.

<sup>43</sup> Poxonae Jesús najume weta baxua, bapoxonae jume daunweya wawai, jeye:

—¡Lázaro, bara wejondena! jei Jesús.

<sup>44</sup> Bapoxonae pon xua tupa muthu wejondena. Xua bayatha paparuwatha maxu caecunta cubaxotsi yawa pesito decano yawa xua painyaweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonae bu bara pona, jei Jesús.

*Meje yabara poxonae fariseomonae iru sacerdotemonae pia pentacaponaei tatsi daxita barapomonae Jesús yabara nanta xeinatsi xua po coyeneya Jesús pewaetabiwa tsainchi (Mt 26.1-5; Mr 14.1-2; Lc 22.1-2)*

<sup>45</sup> Judiomonae pomonae María pamchobe cueyatatsibe, poxonae barapo judiomonae baxua Jesús cui tainchi Jesús yabara jume cowantatsi pinmonae. <sup>46</sup> Ichitha ichamonae judiomonae fariseomonae beya pona xua peyabara paebina pocotsiwa bayatha Jesús exana. <sup>47</sup> Nexata fariseomonae iru sacerdotemonae pia pentacaponaei tatsi daxita barapomonae nacaetuta penacanamata caitorobi bicheitha, yawa najei barapomonae:

—¿Eta xua exanaeinchi metha? Barapo pebin exana nawita pexeinya petsita itusi coyenewan. <sup>48</sup> Icha baraxua saya yabara cui copatnichi metha pinmonae bapon yabara jume cowantsinchi. Barapoxonae romanomonae pia pentacaponaei patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonae.

<sup>49</sup> Caein bapomonae jiwana pewun Caifás. Bapon Caifás barapo weitha sacerdotemonae pia pepa pentacaponaein tatsi naexana. Bapon Caifás jei pin bicheitha:

—Paxam apara jopa baxua payabara yaputaem. <sup>50</sup> Matautano jopa payabara yaputaem xua po coyene pacata xanepana xua ichun bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

<sup>51</sup> Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponaein tatsi naexana, daxota tsiwanae yabara paeba xua Nacom cueicueiei exana xua Jesús bewa tsitupaena judiomonae. <sup>52</sup> Meisa barapo judiomonae Jesús jopa tsitupaeyo, apara iruru ichamonae nexano Jesús tsitupa xua Jesús caemonae nacaetuta peexanaenexa pomonae Nacom piamonae tatsi, pomonaeno taju ena ichaxota icha nacuantha. <sup>53</sup> Daxota barapomonae judiomonae pia pentacaponaei tatsi nabaru muxu jei po coyeneya xua poxonae Jesús pebexubiwa tsainchi.

<sup>54</sup> Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pew̃n Efraín, po tomara eca ichaxota ira xuepana susato tsurucuae nacua. Barapo tomaratha pijimonaē bar̃ eca Jesús.

<sup>55</sup> Bara nama imoxoyo tsurucuae tsoponae po matakabin xua judiomonaē pia Pascua w̃n matakabin tatsi. Pin bicheitomonaē tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonaē bewa baxua exanaena Pascua w̃n matakabin pew̃naeya. <sup>56</sup> Daxita barapomonaē Jesús wenaweneichi. Poxonaē barapomonaē Nacom pin pia botha pata, baxota barapomonaē najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonaē.

<sup>57</sup> Fariseomonaē ir̃u sacerdotemonaē pia pentacaponaw̃i tatsi daxita barapomonaē jiwi baraichi, jeichichi:

—Pon tane Jesús, nexata b̃u pana netsipaeba, xua bapon pata tha waetabichi, jei barapomonaē.

## 12

*Meje yabara poxonaē petsiriwa Jesús mata epatabatsi penasiwa, po penasiwa petuxu-eiwa*

(Mt 26.6-13; Mr 14.3-9)

<sup>1</sup> Poxonaē cataunxuae seis po matakabibe aibi xua Pascua w̃n matakabin nexa, Jesús pijimonaē bar̃u pona Betania tomara beya. Barapo Betania tomara, po tomara ichaxota Lázaro popona, pon Jesús bayatha as̃u exana pet̃pae cuiru coyene weya. <sup>2</sup> Baxota pexaewa Jesús up̃ain exanatsi. Marta apata pexaewa. Jesús pijimonaē tatsi ir̃u naena pexaethopaewatha. Ir̃u Lázaro baxota naeca xua ir̃u naxane. <sup>3</sup> Ir̃u bapoxonaē María carena bosib̃u bichocono w̃nca petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pew̃n nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonaē María pentanatha Jesús taxu tsewa exainchi. Daxita bom̃x̃u tutu canaupa ducua xua tuxuei tsurucuae. <sup>4</sup> Ir̃u naeca Judas Iscariote, pon Simón pexanto tatsi. Bapon Judas Jesús pijimonaē tatsi jiwana. Barapo Judas pon bexa Jesús caenaetsinchi. Bapon namchi, jeye:

<sup>5</sup> —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaēbe xua po paratiximonaēbe beyacaincha trescientos po matakabibe nexa, poxonaē nacuita, jei Judas Iscariote.

<sup>6</sup> Judas apara jopa baxua paebiyo xua peantobexaetsi pomonaē peacopeibiwi. Saya apara baxua paeba poroxu bapon pon pecaibin jiwi. Bapon Judas Jesusbar̃u paratixi dunucue tacapoinchi. Ichitha bapon cou jiwana wenoteiba paratixi poxonaē Jesusbar̃u jeiba. <sup>7</sup> Nexata Judas Jesús barai, jeye:

—¡Moyande bara copare! Apara xua barapowa netsibota barapo petuxuei tuxusi nasiwa tapepon nexa xua tat̃paein tana neper̃u waenexa poxonaē po mataqueitha m̃thiya tana neboyaenexa tsane. Baxua netsibota apara xua m̃th̃u tana neboyaenexa poxonaē t̃paein. <sup>8</sup> Barapo irathe peacopeibi jiwi paca bar̃u jinmpeibina painya neyawenaenexa tsaibi tsane barapo jiwi. Ichitha nama paxam jopa ataya paca bar̃u poponaē tsainchi xua pata tana neyawenaenexam barapo irathe, jei Jesús.

*Meje yabara poxonaē sacerdotemonaē pia pentacaponaw̃i tatsi pebr̃u nanta xeina xua Lázaro pebexubiwa tsainchi*

<sup>9</sup> Pinmonaē judiomonaē jume tane xua Jesús popona Betania tomaratha. Bapoxonaē barapo judiomonaē pona Betania tomara beya xua Jesús pet̃aenexatsi ir̃u xua Lázaro pet̃aenexatsi pon Jesús bayatha as̃u exana pet̃pae cuiru coyene weya. <sup>10</sup> Nexata sacerdotemonaē pia pentacaponaw̃i tatsi pebr̃u nanta xeina xua ir̃u Lázaro pebexubiwa tsainchi. <sup>11</sup> Tsipei pinmonaē judiomonaē penta sacerdotemonaē pia pentacaponaw̃i tatsi pia pecuidubiwan tatsi. Matautano barapo judiomonaē saya Jesús jume cow̃antatsi tsipei Jesús cui tainchi pocotsiwa Jesús w̃nae exana poxonaē Lázaro as̃u exainchi pet̃pae cuiru coyene weya.

*Meje yabara poxonaē Jesús Jerusalén tomaratha patopa*

(Mt 21.1-11; Mr 11.1-11; Lc 19.28-40)

<sup>12</sup> Icha mataqueitha baya xua poxonaē po mataqueitha Jesús taxu wainchi petuxuei nasiwatha, bapoxonaē Jesús pijimonaē bar̃u pona Jerusalén tomara beya. Bapoxonaer̃u Jeruslén tomaratha ena pin bicheito pomonaē xua copiya bayatha pata Pascua w̃n

matacabin nexa. Daxita barapomonaē yaputane xua anoxuae methaunxuae patopaena Jesú barapo tomaratha. <sup>13</sup> Barapo pin bicheito peaxu ucuboba po axu icha coichaxu axu ichi. Barapomonaē Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Máis Jesús pon Pecanamataxeinaein jiwí deta wúnae, bapon patopa Nacom peitorobixae! ¡Máis Nacom bichocono wúnae jaintatsi pon peitabocotha eca! ¡Máis Jesús deta wúnae, pon Israel nacuamonaē itorobiya pia pepa Peewatsinchi tatsi! jei barapo pin bicheito.

<sup>14</sup> Bapoxonaē Jesús tane burro pon penan. Bapoxonaē barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

<sup>15</sup> “Sión tomarapiwí pam, jopa pajunuwinde.

Pataema pon itorobiya pepa painya Nepacacaewatsin.

Bapon pacata patopaena xua burrotha equeicaena”, jei Nacom Pejume Diwesitha.

<sup>16</sup> Bapoxonaē Jesús pijimonaē tatsi jopa yaputaeyo po coyene xua caena bayatha Jesús wúnae yabara tsiwúnae paebatsi, xuano xua po coyene exanaenano. Ichitha pirapae poxonaē Jesús caibe nawicha peitaboco beicha, yawa poxonaē Paxa matenta weyataeya wabatsi, bapoxonaē barapomonaē yaputane po coyene Jesús yabara tsiwúnae paebatsi Nacom Pejume Diwesitha, xuano xua jiwí exana poxonaē Jesús wúnae jaintatsi.

<sup>17</sup> Pomonaē napona poxonaē Jesús Lázaro wabatsi petúpaē cuiru coyene weya, barapomonaē tamropata notarúcpa xua jiwitha paeba pomonaetha pomonaē Jerusalén tomarapiwí, pomonaē bayatha Jesús pecuí taexaetsi poxonaē Lázaro asu exainchi. <sup>18</sup> Daxota pinmonaē pona Jesús beya xua Jesús pematenta weyataeya wabinexatsi. Tsipei barapo pinmonaē jume tane pocotsiwa Jesús exana pexeinya petsita itatsi coyenewa poxonaē Lázaro asu exainchi. <sup>19</sup> Nexata fariseomonaē caemonaē natsipaeba, najei:

—¡Incane matha pataema! Barapomonaē jopa naca jume cowantsiyo, yawa daxita jiwí meisa napuna pona bapontha, najei barapomonaē.

*Meje yabara poxonaē griegomonaē Jesús wenaweneichi*

<sup>20</sup> Barapo pin bicheito, po bicheito copiya bayatha Jerusalén tomaratha ena, xua baxota wúnae pejainchinexa Nacom, barapo pin bicheito jiwanamonaē, griego nacuamonaepiwí jiwana. <sup>21</sup> Barapo griego nacuamonaepiwí Felipe imoxoyo caquita poinchi. Barapon Felipe Betsaida tomarapin xua Galilea nacuatha. Barapo griego nacuamonaepiwí Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

<sup>22</sup> Bapoxonaē Felipe jume yopita Andrés beya, xua equeicha baponbe pejume yopichinexabe Jesús beya. <sup>23</sup> Bapoxonaē Jesús baraponbe baraichi yawa daxita barapo jiwí baraichi, jeye:

—Nama imoxoyo barapo matacabi tsoponaē, po mataqueitha xan, ponxaein Nacom tana neitapetsixae nebexubina ichamonaē. Barapo mataqueitha Nacom ainya cui neexanaena. <sup>24</sup> Xaniyan paca tsipaebatsi. Poxonaē trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacúpaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonaē jame bara pexaewa naexana. Icha barapo trigo xuto ichi, xan barapocotsi coyeneya jiwí bara necana ichi tsane. <sup>25</sup> Pon naantobeya nata exana pocotsiwa bapon ichichipa po cae pin nacuathe, bapon jopa xeinaeyo peajuntuyapusúwa, po peajuntuyapusúwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajuntuyapusúwa, po peajuntuyapusúwa ataya tsiteca xua Nacom pia nacua beicha. <sup>26</sup> Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

*Meje yabara poxonaē Jesús nayabara paeba xua petúpaewa tsane*

<sup>27</sup> Equeicha Jesús jeye: “Anoxuae bichocono anthathurewein tsipei tatúpaewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeyo. Apara tsipatopeican xua taaperatanewa tsane jiwí nexa. <sup>28</sup> Jame bejan: ‘Axa, bara bu jiwí cana exaname xua wúnae necajainchiwa’, bejan jame”, jei Jesús.

Poxonaē Jesús baxua najume weta, bapoxonaē Jesús jume tane xua Nacom namchi peitaboco wetsica, jeye: “Bayatha apara baxua jiwí cana exanan xua jiwí wúnae tana

nejainteibiwanexa, tsipei daxita beta exanan. Matautano equeicha ichawa exanaein xua jiwi w̄nae tana nejainteibiwanexa tsane”, jei Nacom.

<sup>29</sup> Pinmonae umena xua Jesús jume taeumeinchi, ir̄a Jesús pijimonae tatsi baxota umenara. Barapo jiwi baxua nayabara yainyaba xua Nacom cueicueijei. Ichamonae jeye:

—¡Apara xua jurujurei yam̄xu! jei.

Ichamonae jeye:

—¡Apara bapon tsipaebatsi matatsunpin! jei.

<sup>30</sup> Nexata Jesús pijimonae barai, jeye:

—Pon pajume taneme apara Nacom. Jopa apara paebiyo xua xan nexa. Apara paeba pia xua painya nejume taenexa daxota baxua Nacom paeba. <sup>31</sup> Imoxoyo nama matacabi patopaena, po mataqueitha Nacom yabara paebina jiwi xua penatsicuentisiwa xua abe peexanaexae bapontha. Pon jiwi j̄unt̄a coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonae xubina barapo cae pin nacue weya. <sup>32</sup> Poxonae ichamonae nedutsina naetotha tat̄upaenexa tsane, bapoxonae daxita jiwi cana exanaein xua pomonae peichichipaewa tsane xua tana nejume cow̄antsinexa, jei Jesús.

<sup>33</sup> Poxonae Jesús baxua paeba jiwi yaputane exainchi xua Jesús pebexubiwa tsainchi poxonae t̄upaena. <sup>34</sup> Bapoxonae barapo jiwi Jesús tsipaebatsi. Jesús jeichichi:

—Paxan pajume tan xua poxonae wamonae yoroba Moisés pia peitorobi coyenewatha pocotsiwa baxota jeye: ‘Bara Mesías ataya as̄u poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha t̄upaena? ¿Jintam metha pon Nacom Peitapetsin? jei barapomonae.

<sup>35</sup> Nexata Jesús tsipaeba barapomonae xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxonae xometo paca yawena xua beta pajinompame mataqueitha. Pana nejume cow̄unde poxonae cataunxuae po cae pin nacuathe poponanje. Matautano poxonae cataunxuae paca itac̄pa xua pata tanejume cow̄antsiwam. Jopa abe paexanaeinde xua poxoru poxonae jopa pata tanejume cow̄antsixaemxae. Tsipei bara j̄utiya ichi, poxonae jiwi abe exana be poxonae pomonae pona ichaxota quirei. Jopa beta ponaeyo tsipei jopa xeinaeyo pecoicha. <sup>36</sup> Pana nejume cow̄unde poxonae cataunxuae po cae pin nacuathe poponanje. Bapoxonae paxam taji-monae pam tsane, jei Jesús.

Poxonae baxua Jesús najume weta, barapo jiwi weya natsixitaba yawa wepu aichuru-cae.

*Meje yabara poxonae Jesús yabara paeba xua eta xua metha pinae Jesús jopa jume cow̄antichi judiomonae*

<sup>37</sup> Bequein Jesús matowa exana pia pexeinya petsita itatsi coyenewan barapomonae peit̄utha tatsi, daichitha pinmonae barapomonae jopa Jesús yabara jume cui cow̄antichi po coyene xua Jesús bara bapon Mesías pon Nacom itorobica. <sup>38</sup> Baxua exana xua nayabara jume cui weta po coyene bayatha pon Nacom peitorobi jume pepaebin Isaías w̄nae tsiwanaya yabara jei:

“Pon jiwi Necanamataxeinaein barapomonae jopa jume cow̄antsiyo xua pacuiduban bequein barapomonae tane matowa poxonae paexanan Nacom pia peayapusuwatha”, jei Isaías.

<sup>39</sup> Barapomonae jopa jume cow̄antsiyo, tsipei Isaías equeicha jei:

<sup>40</sup> “Nacom cana exana xua barapomonae jopa beta xapain naita cui coyene yaputaeyo. Matautano Nacom cana exana xua jopa pejume cow̄antsiwa pej̄unt̄a coyene wetsina. Barapomonae be natsicotane peitata nacatsi jiwi, tsipei jopa beyaputaeyo, xua icha j̄unt̄a coyene pexeinaewanexa. Matautano jopa ichipaeyo xua peyabara jume cow̄antsiwa po coyene xua Nacom itac̄patsi xua pej̄unt̄a coyene xanepana peexanaewa”, jei Isaías pejume diwesitha.

<sup>41</sup> Daxita baxuan Isaías paeba xua Jesús yabara paebatsi. Isaías caena bayatha tane poxonae eca Mesías pia pexeinya pia peit̄upanae peecaewatha. Daxota Isaías yabara paeba, Mesías yabara paebatsi xua pocotsiwa bayatha petaexae.



<sup>42</sup> Bequein daxita judiomonae Jesús jopa jume cowantichi, daichitha ichamonae judiomonae Jesús jume cowantatsi. Mataatano ichamonae judiomonae xua pomonae judiomonae pia pentacaponaeawi tatsi Jesús jume cowantatsi. Ichitha daxita barapomonae jopa Jesús yabara paebichi jiwi peitatha tatsi tsipei fariseomonae cunuwatsi. Tsipei icha barapomonae Jesús yabara paebichipatsi, metha barapomonae itawetsipatsi judiomonae pia penacaeuttsi bon tatsi weya, xua fariseomonae itawetsipa. <sup>43</sup> Tsipei barapo Jesús pia pejume cowantsiwichi pijunuwi daxota itapeta jume naitaewata xua jiwi jei: “Jopa Jesús payabara paebinde”, jei jiwi. Barapomonae pomonae Jesús pejume cowantsiwichi baxua itapeta jume naitaewata beyacaincha xua poxonae bequein Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penatsicuentisiwa xua abe peexanaexae*

<sup>44</sup> Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae. <sup>45</sup> Pomonae xua neyaputane barapomonae barichi Taxa yaputainchi. <sup>46</sup> Xan pon yabara yaputane paca cana exainchi Nacom. Patopeican po cae pin nacuathe xua pomonae tana nejume cowantsiwi jopa penantawenonaenexa xua pejinompaewa poxonae jopa Nacom yabara yaputaetsi. <sup>47</sup> Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentisiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimonaeyabara paebineha xua penatsicuentisiwa xua abe peexanaexae Nacomtha. Jame apara tsipatopan xua jiwi u tacapanenebiyaenexa tsane. <sup>48</sup> Pon jopa tsita ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxae paeban, bapon barapo jumetha yabara paebinchi xua penatsicuentisiwa xua abe peexanaexae poxonae po mataqueitha nacua weraweracaena. <sup>49</sup> Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin. <sup>50</sup> Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajuntayapusawa, po peajuntayapusawa ataya tsiteca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

## 13

*Meje yabara poxonae Jesús pijimonaeyabara matawane meratha*

<sup>1</sup> Barapoxonaeyabara barapo matabi tsuxubi, po matabi tsivanaya mata carucua xua Pascua wan matabin. Jesús yaputane xua bara nama imoxoyo bara po matabi tatsoponaetsiba, po mataqueitha Jesús cuenta ponaena po cae pin nacue xua Pacha beicha peponaewa tsane. Jesús antobe tsaihi pia pejume cowantsiwichi pomonae xua tajinom-patsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomonae pia pejume cowantsiwichi.

<sup>2-4</sup> Judas, pon Simón Iscariote pexanto tatsi, bapon cui itorobatsi caurimonae pia pentacaponaein tatsi xua Jesús pecaenaetsinexatsi ichamonaetha. Jesús yaputane xua bayatha Pacha wetsica pona. Mataatano xua equeicha Pacha beicha patopaena xuano xua Pacha catatsi daxita pia peayapusawa itorobi coyenewa. Baxua bequein xeina, daichitha poxonae pijimonaeyabara eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cuta. <sup>5</sup> Bapoxonae Jesús mera epata corototha. Bapoxonae pijimonaeyabara matawaepona meratha. Yawa paparuwatha taxu tsewa exana po paparuwatha naepa cuta.

<sup>6</sup> Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, zeta pocotsiwa metha iru jinya netaxu matawaetsi? jei Simón Pedro.

<sup>7</sup> Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

<sup>8</sup> Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonaeyabara jitom tsipaem, jei Jesús.

<sup>9</sup> Simón Pedro jume barai, jeye:

—Tanecanamataxeinaem, meisa jopa netaxu matawaemde, jame yawa necobe matawaema, yawa nentasipa matawaema, jei Simón Pedro.

<sup>10</sup> Jesús jume barai, jeye:

—Pon xua anoxuae nowaexuba, bapon equeicha jopa nantawenonaeyo xua pia pepon matawaeinchi, saya jame meisa petaxu. Paxam pejuntũ coyene xeicae jiwi pam, saya caein jiwana pam jopa daichiyo, jei Jesús.

<sup>11</sup> Jesús jeye: “Paxam pejuntũ coyene xeicae jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonae Jesús pijimonaetatsi, bapon Jesús caenaetinchi.

<sup>12</sup> Poxonae Jesús nacobe weta xua pijimonaetaxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonaet barai, jeye:

—¿Bara payaputaneme xuaunxuae pacata exanatsi? <sup>13</sup> Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon. <sup>14</sup> Icha xan painya Tapacacuidubinchi xuanu xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha. <sup>15</sup> Baxua paca tsita exainchi xua painya bara paichinexam tsane ichaunxuae ichin. <sup>16</sup> Xaniyan paca tsipaebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui. <sup>17</sup> Icha baxua payaputaneme yawa icha baxua paexanaenameno bapoxonae pejuntũ coyene weiweinae jiwi pam tsane.

<sup>18</sup> “Apara jopa daxita paca yabara paebichi xua pejuntũ coyene weiweinae jiwi pam tsane, tsipei caein jiwana pam jopa daichiyo. Xan paca juntũ coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwinae yabara paeba pejume diwesitha. Nacom jeye: ‘Pon baru xan, pon itara mexeya tajiton, bapon equeicha caewa tana neaitafaetabi jiton naexana’, jei Nacom Pejume Diwesitha. <sup>19</sup> Baxua pewinaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cowantsinexam tsane xua xan bapon aparaxua ponxaein paca tsipaebatsi. <sup>20</sup> Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae”, jei Jesús.

*Meje yabara poxonae Jesús jeye: “Judas necaenaetsina ichamonaetha”, jei (Mt 26.20-25; Mr 14.17-21; Lc 22.21-23)*

<sup>21</sup> Poxonae baxua Jesús najume weta, bapoxonae bichocono anthatharewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caein jiwana pam bapon necaenaetsina ichamonaetha, jei Jesús pijimonaetha.

<sup>22</sup> Nexata Jesús pijimonaetatsi naitabara taeracupa, nantiya najeye: “¿Jintam metha bepa Jesús caenaetichi?” najei. Ichitha barapomonaet jopa yaputaeyo xua Jesús yabara jei pon. <sup>23</sup> Caein Jesús pijimonaetatsi jiwana, pon bichocono Jesús antobe, bapon Jesús imoxoyo baru xunaeca, barapo pexaethopaewatha. <sup>24</sup> Simón Pedro pecobetha moya jume itoroba jeye: “Jesús yainyabare: ‘¿Jintam yabara paebame?’ jande”, jei Simón Pedro xua jume itorobatsi pon Jesús imoxoyo caquita ecatsi. <sup>25</sup> Bapoxonae Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam cacaenaetsina? jei.

<sup>26</sup> Jesús jume nota, bapon jume notatsi, jeye:

—Pan purawiyoy tha atatsica exanaetsi. Pon catan barapo pan purawiyoy, bapon apara pon necaenaetsina ichamonaetha, jei Jesús pontha pon peyainyabixaeatsi.

Poxonae Jesús pan purawiyoy atatsica exana, bapoxonae Jesús cata, Judas catatsi pon Simón Iscariote pexanto tatsi. <sup>27</sup> Poxonae Judas barapo pan Jesús wecobe pitatsi, bapoxonae caena nainya Judas juntũ coyene itorobatsi Satanás caurimonaet pia pentacaponaein tatsi xua Jesús pecaenaetsiwa tsainchi. Bapoxonae Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

<sup>28</sup> Daxita barapomonaet pomonae Jesús pijimonaetatsi, pomonae pebaru xunaecaexae, jopa xapain yaputaeyo pocotsiwa Jesús itoroba, xua Judas itorobatsi. <sup>29</sup> Tsipei bapon Judas paratixi dorocapona, daxota Jesús pijimonaetatsi nanta xeina xua mexeya itara Jesús itorobawejei xua pia tacomotichi pexaewa penabanae coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha. <sup>30</sup> Poxonae Judas Jesús wecobe pitatsi pan purawiyoy, bapoxonae Judas ponataba. Iruru bapoxonae quirei tsanaicharu.

*Meje yabara poxonae Jesús yabara cuiduba jiwi pena peitorobi coyenewa*

<sup>31</sup> Nexata poxonae Judas pontaba Jesús pijimonaē barai, jeye:

—Imoxoyo nama paca tsita itutsinchi taayapusu itorobiya coyenewa xua xan apara bara ponxaein Nacom Tananeitapetsin. Barichino paca tsita itutsinchi Nacom pia peayapusu itorobi coyenewa tatsi. <sup>32</sup> Icha xan ponxaein Nacom Tananeitapetsin, icha paca tsita itutatsi Nacom pia peayapusu itorobi coyenewa, nexata Nacom xuya nainya paca tsita itutsina taayapusu itorobi coyenewa xua xan apara bara ponxaein Nacom Tananeitapetsin. <sup>33</sup> Pomonaē be tapexui tapaca canatsicotaewichi pam, bara nama saya caeto paca baru poponaēinchi. Icha ichin xua caena bayatha xua judiomonaē tsipaēban, bara paca jumichichi anoxuae: ‘Jopa paca itacupaē tsane xua pana nepuna ponaēname ichaxota taponaeua tsane’, paca jeichi. <sup>34</sup> Barapo pena itorobi coyenewe paca cuidubatsi, xua janje: ‘Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane’, jan. <sup>35</sup> Icha paxam nantiya pana naantobem tsurubenaēbiyam tsane, daxita jiwi paca cui yaputaena xua paxam bara apara tana nejume cowantsi jiwi pam, jei Jesús.

*Meje yabara poxonae Jesús namchi xua Pedro jei tsane: “Jopa dapon yaitaeinyo”, pinae yabara jei tsainchi Jesús*

(Mt 26.31-35; Mr 14.27-31; Lc 22.31-34)

<sup>36</sup> Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi? jei Simón Pedro.

Jesús jume nota, jeye:

—Anoxuae jopa caitaēupaeyo xua tana nepuna ponaewam ichaxota ponaēin. Ichitha bexa tsane caitaēupaena xua tana nepuna ponaewam ichaxota ponaēin, jei Jesús.

<sup>37</sup> Nexata Simón Pedro jume barai, jeye:

—Tanecanamataxeinaem, ¿eta xua metha baxua paebame xua anoxuae jopa neitaēupaeyo xua tacapuna ponaewatsi ichaxota poname? ¡ichitha xan bara copatan xua jiwi tana nebexubinexa tacapuna ponaēnexatsi! jei Pedro.

<sup>38</sup> Jesús jume barai, jeye:

—¿Bara xaniwaicha xua xam bara copatame xua jiwi necabexubinexa tana nepuna ponaēexam? Jume, apara xaniyan catsipaebatsi barapo merawithe acoibi po jume-yobebe neyabara jam tsane: ‘Jopa dapon yaitaeinyo’, neyabara jam tsane. Bapoxonaē iruru wacara pebto fibina, jei Jesús.

## 14

*Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús*

<sup>1</sup> Equeicha Jesús pijimonaē barai, jeye: “Jopa yabara nantu exabinde ichawan. Pana neyabara jume cowanteibare yawano Taxa payabara jume cowanteibareno. <sup>2</sup> Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paēban tsipei xainyan. Daxota paca tsiwanaeya pacata tutu wnaētinchi bara po bon. <sup>3</sup> Poxonaē wetan xua Taxa beicha taponaeua xuano xua icha nacobe wetan xua bon paca tsiwanaeya tutu wnaētatsi, bapoxonaē equeicha patoēcaēin. Paca caponaēinchi ichaxoteicha xua tapoponaewa tsane. <sup>4</sup> Paxam payaputaneme ichaxota ponaēin. Daxota payaputanemeno po coyeneya xua painya nepatsiwa tsane baxota”, jei Jesús.

<sup>5</sup> Tomás jeye Jestusta:

—Patatanecanamataxeinaem, jopa payaputaēinyo po nacua beya ichaxota ponaēname. Tsipei baxua jopa payaputaēinyo, daxota jopa pana neitaēupaeyo xua pata ponaewa po nacua beya ichaxota xam ponaēname, jei Tomás.

<sup>6</sup> Jesús jume nota, jeye:

—Xan apara pon jiwi tamatacaponaēin Taxa beicha. Matautano xan pon xainyeya tapaebin. Matautano xan apara pon jiwi tacatsin peajuntayapusuwa, po peajuntayapusuwa ataya tsiteca. Saya meisa xan ba jiwi yawenan xua pepatsiwa Taxa beicha. <sup>7</sup> Icha paxam pana neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netanem, jei Jesús.

<sup>8</sup> Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonaē juntea pata jinompaewa tsane, jei Felipe.

<sup>9</sup> Jesús Felipe jume notatsi. Jesús jeye:

—Felipe, bara bayatha cabaru popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam. <sup>10</sup> ¿Eta xua metha jopa jume cowantsim xua bara Taxa neyanta xua bara iru Taxa yantandu? Daxita pocotsiwan paca tsipaebatsi apara jopa

paebinyo pocotsiwa tacoutha ichichipan. Apara Taxa pon neyantsiya popona baxua apara exana pocotsiwa xua exanan. <sup>11</sup> Pajume cowunde xua Taxa neyanta popona, xua Taxa iru yanta poponan xua daxota Taxa be caein panbe. Icha jopa paca itacupaeyo xua pana nejume cowuntame pocotsiwa yabara paca tsipaebatsi Taxa, moya pana necui yabara jume cowunde xua bayatha exanan pexeinya tatsita itutsi coyenewan. Baxuan jwi tsita ituban xua bara xainyei xua Taxa neyanta popona xua daxota Taxa be caeinbe panbe. <sup>12</sup> Xaniyan paca tsipaebatsi, pon nejume cowanta, bapon iru exanaena pocotsiwa exanan. Matautano equeicha ichawan mataropeicha exanaena pewunaewan beyacaincha xua pocotsiwa exanan. Tsipei xan ponaein Taxa beicha. <sup>13</sup> Daxita pocotsiwan pana newun caununaya wucame Taxa beicha, bara baxua exanaein, tapaca catsita itatsinexatsi Taxa pia peayapusu itorobi coyenewa tatsi. <sup>14</sup> Bara pacata exanaeinchi poxonae pana newun caununaya wucame Taxa beicha, jei Jesús.

*Meje yabara poxonae Jesús tsiwunaeya paeba xua bexa Nacom najumope tnanaxu itorobinajiwitha*

<sup>15</sup> Equeicha Jesús barai pijimona, jeye: “Icha pana neantobem, moya paexande taitorobi coyenewan. <sup>16</sup> Icha baxua paexanaename tha bapoxona Taxa wucaetsi jan tsane: ‘Axa, ichan itorobare xua barapomona peyawenaenexatsi’, jan tsane. Bapoxona Taxa pacata itorobina pon ataya paca yantsiya poponeibina. <sup>17</sup> Pon Nacom itorobina, apara bapon bara pia Pejumo tnanaxu tatsi, po Pejumo tnanaxu tatsi paca yaputane exana xua bara xainyei xua pocotsiwa Nacom yabara. Ichitha pomona jopa nejume cowantsiyo, barapomona jopa yaputaeyo Nacom pia Pejumo tnanaxu tatsi. Daxota barapo Nacom pia Pejumo tnanaxu tatsi jopa itacupaetsi xua barapomona peyantsiya jinompawatsi. Daichitha payaputaename barapo Nacom pia Pejumo tnanaxu tatsi tsipei pacata patopaena yawano ataya paca yantsiya poponaena”, jei Jesús.

<sup>18</sup> Equeicha Jesús barai pijimona, jeye: “Jopa paca punapentsi tsainchi. Equeicha caibe patopeicaein xua tapaca baru poponaewatsi tsainchi. <sup>19</sup> Bara caeto jwi jopa netae tsane pomona jopa tana nejume cowantsiwi. Ichitha paxam pana netaename. Paxam equeicha asu pajinompae name tsipei xan equeicha asu poponaein. <sup>20</sup> Barapo mataqueitha poxona Nacom pia Pejumo tnanaxu tatsi patopeicaena, payaputaename xua xan Taxa be caein pana naexananbe iru xua paxam be caein pana necana exaname iru xua xan be caein paca cana exanatsi. <sup>21</sup> Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon baru poponan”, jei Jesús.

<sup>22</sup> Iru Judas pon seicaya ichandu, pon Judas Iscariote aibi, barapo Judas Jesús tsipaebatsi, Jesús jeichichi:

—Patatanecanamataxeinaem, zeta xua jinya meisa pana neyaputane exanaetsi xua bara pana nebaru jinompame xua jopa daichim pomonaetha pomona jopa cajume cowantsiyo? jei Judas.

<sup>23</sup> Jesús Judas jume notatsi, jeye:

—Pon neantobe bapon exana pocotsiwa itoroban. Bapoxona Taxa antobe tsane bapon. Xan iruru Taxa pon caein panxaeinbe papatopaeinbe bapontha pata yantsinexa bapon. <sup>24</sup> Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apara baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

<sup>25</sup> Equeicha Jesús pijimona barai, jeye: “Daxita baxuan paca tsipaebatsi poxona cataunxuae paca baru popoinchi anoxuae. <sup>26</sup> Inta paxam pacata Nacom najumope tnanaxu itorobina. Barapo Nacom pia Pejumo tnanaxu tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumo tnanaxu tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

<sup>27</sup> “Poxona paca cuenta ponaeinchi jantema jinompa paca cana exanaeinchi. Paca catinchi po coyene jantema tapopona coyenewa. Barapo jantema tapopona coyenewa jopa bara be juta ichiyo xua jwi barompaya jantema pia pejinompae coyenewa tatsi. Jopa yabara pana pajuntu exabinde ichawan. Matauta jopa junuwiya pajinompaeinde. <sup>28</sup> Bayatha pana nejume taneme xua ponaein jan xuano xua equeicha patopeicaein paxantha xua paca baru poponaeinchi jan. Icha xaniwaicha pana neantobem tsipaem metha pajuntu coyene weiweinaetsipame xua taponawa Taxa beicha. Tsipei Taxa bichocono ainya cui, beyacaincha xua xan poxona cataunxuae poponan po cae pin nacuathe. <sup>29</sup> Baxua paca tsipaebatsi xua tsiwuna paeban painya tana nejume cowantsinexam tsane poxona xaniwaicha baxua tsane.

<sup>30</sup> “Nama imoxoyo jopa neitacapaeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi juntu coyene itorobeibatsi po jiwitha jopa tana nejume cowantsiwi. Ichitha bapon jopa xeinaeyo peayapusu itorobi coyenewa xua tana neitorobiwa tsane. <sup>31</sup> Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús pijimonaetha.

## 15

### *Meje yabara poxonae Jesús yabara paeba uva ʼnboto xua pepa ʼnboto*

<sup>1</sup> Equeicha Jesús jeje: “Icha pepa ʼnboto ichi xua petabu opina wejujuina mene xua uva thei penacoichinexa, xan bara pocotsi jata coyeneya cana ichin jiwi. Jiwi ajuntucoyenyepayusya cana exanan pomonae tana nejume cowantsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara jata coyeneya ichi. Taxa yawena pomonae tana nejume cowantsiwi, pomonae xanepanaya inta pejinompaewi. <sup>2</sup> Uva pabi pexeinaein daxita ucuboba po maxuranaan xua jopa nacoichiyo. Bapoxonae daxita barapo remaxuranaan po maxuranaan xua dubena xanepanaya nacoita beyacaincha xua copiya poxonae nacoita. Taxa barapocotsi jata coyeneya exana. Taxa itaweta pomonae bequein nejume cowanta ichitha jopa beta jinompaeyo xan nexa. Barichi pomonae bequein nejume cowanta ichitha saya tsisiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban. <sup>3</sup> Pajuntu coyene wanaem painya tana nejume cowantsixaemxae xua bayatha po jume diwesi tapaca tsipaebixaetsi. <sup>4</sup> Pana necayawa jinompeibare icha ichin xua ataya paca cayawa poponeibinchi. Uva ʼnboto maxuranaawa ba poxonae iratha maxurana boca jopa ba pipatotha matono xuwouncuaeyo xua pethei perubenaenexa. Bara jata coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peajuntuayapusu coyenewa.

<sup>5</sup> “Icha pepa uva ʼnboto ichi xua xeina remaxuranaawan, bara jata coyeneya ichin. Xeinan pomonae tana nejume cowantsi jiwi pam. Pepa uva ʼnboto nacoita exana nawita pethei remaxuranaawantha tsipei poxoru remaxuranaawan dubena pepa uva ʼnbototha tsica. Bara jutiya ichi icha pana necayawa jinompame bapoxonae bichocono paca juntu coyene xanepana exanaeinchi. Daxota icha pana nepetsiya jinompame jopa paca itacapaetsipae xua paexaname pocotsiwa xua Nacom ichichipa. <sup>6</sup> Pon jopa necayawa paponae bapon Taxa itawetsina, icha xua uva pabi pexeinaein ichi. Bapon petapae maxuranaawan nota xua bayatha ucobobeba yawa bapoxonae isotototha bebeya petautsinexa.

<sup>7</sup> “Icha pana necayawa jinompaename yawa icha jopa pajuntemainae tsane pocotsiwa bayatha paca cuidubatsi, bapoxonae pocotsiwa pana newucaename bara baxua pacata exanaeinchi. <sup>8</sup> Jiwi Taxa baru cui itura jinatsi poxonae paca tane xua betiya xanepanaya pajinompame painya neexanaexae pocotsiwa Taxa paca itoroba. Yawa Taxa baru cui itura jinatsi tsipei barapomonae paca cui yaputane xua paxam barapara pepa tamonae jiwi pam. <sup>9</sup> Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonae tapana nejume cowantsi jiwi pam. <sup>10</sup> Paexanaponde pocotsiwa paca itorobatsi, bapoxonae bichocono tsitecaeya paca antobe tsoponae tsainchi, icha xan ichin xua poxonae exanan pocotsiwa Taxa neitoroba xua daxota ataya tsitecaeya neantobe tsoponae.

<sup>11</sup> “Baxuan paca tsipaebatsi xua paca juntu coyene xanepana exanaeinchi xua bapoxonae bichocono pajuntu coyene weiweinaename. <sup>12</sup> Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan. <sup>13</sup> Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonae peantobexae pia jiton yayitataba xua pebexubinxatsi xua pia jiton tatsi jopa bepetahexubiwa tsainchi. <sup>14</sup> Paxam apara tajiwimonae pam, icha paexanaponaename pocotsiwa xua tapaca itorobiwatsi. <sup>15</sup> Anoxuae jopa bepaca caunutichi xua paxam pomonae inta amanaya penacuichiwi pam. Nama po cae pin nacuathe pomonae petanacuichiwi jopa yabara yaputaeyo pocotsiwa exana pomonae pia pecanamataxeinaewichi tsipei jopa baxua yabara paebiyo. Ichitha paca caunutatsi xua paxam apara tajiwimonae pam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba. <sup>16</sup> Apra jopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa peweraweracaewa tsane pocotsiwan painta exanaename. Bapoxonae Taxa bara pacata exanaena poxonae Taxa

beicha paꝛaxamae poxonae pana neꝛaxana bobenouname. <sup>17</sup> Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

*Meje yabara poxonae Jesús jeye: “Jiwi necaseba, iru paca caseba”, jei Jesús*

<sup>18</sup> Equeicha Jesús jeye: “Pomonaе jopa neјume cowantsiyo icha barapomonaе paca caseba pananta xeinare xua barapomonaе copiya necaseba daxota paca casebaꝛu. <sup>19</sup> Icha paxam pomonaе jopa pata tana neјume cowantsiwi јiwana pam tsipaem, bapoxonaе pomonaе necaseba paca antobe tsipae icha ichi xua barompaya antobe pijimonaе. Pomonaе xote јinompe, pomonaе jopa tana neјume cowantsiwi, barapomonaе pexantha tatsi paca itapetatsi daxota barapomonaе paca caseba. Tsipei anoхuae paxam jopa barapomonaе јiwana pam. <sup>20</sup> Pana neјume cayabara nanta xeinare xua bayatha paca tsipaebatsi xua janje: ‘Pon ba tanacuita ichun, bapon јopa ainya cuiyo, јame pia pentacaponaein tatsi ainya cui pon peitorobixaetsi’, paca jeichi. Tsipei јiwi inta abe exana daxota iru pacata abe exana. Jiwi jopa јume cowantsiyo tacuidubiwa. Barichi jopa јume cowantsiyo painya necuidubiwa. <sup>21</sup> Daxita baxuan јiwi paca cana exanaena xua painya neexanaeаe pocotsiwa paca itorobatsi tsipei јopa yaputaetsi pon neitoroba pon Taxaxae.

<sup>22</sup> “Icha jopa patopaеinchipae po cae pin nacuathe, xуano xua icha jopa cuidubinchipae barapomonaetha, barapomonaе jopa natsicuentcipae xua abe peexanaeаe tsipei јopa yaputaetsipae xua abe exana. Ichitha anoхuae јopa itacꝛpaetsi xua pejeiwa: ‘Јopa payaputaеinyo xua abe paexanan’, xua pejeiwa, tsipei patopan yawa cuiduban barapomonaе. <sup>23</sup> Pomonaе xua necaseba, barapomonaе iru Taxa casebatsi. <sup>24</sup> Barapomonaе tane xua xan exanan pocotsiwa ichun јopa itacꝛpaetsi xua peexanaewa. Icha barapomonaе јopa bayatha necui taetsipae xua exanan јopa natsicuentcipae xua abe peexanaeаe јopa peyaputaеаe tsipae xua abe exana. Ichitha barapomonaе bara xaniwaicha necui tane xua exanan. Matautano yaputane xua abe exana. Daxota barapomonaе necaseba iru daxota Taxa casebatsi. <sup>25</sup> Ichitha baxua bewa neyabara јume cui wetsina tsipei Moіsés pia peitorobi coyenewatha neyabara tsiwanaeya jeye: ‘Barapomonaе necaseba poхору saya апatsi’, jei barapo Moіsés pia peitorobi coyenewatha.

<sup>26</sup> “Itorobin Nacom pia Peјumope tꝛnaxu tatsi xua po peјumope tꝛnaxu Taxa werena pona, po peјumope tꝛnaxu paca yawenaena po peјumope xainyeya pepaеbin. Barapo peјumope tꝛnaxu neyabara paebina poxonae bapon patopeicaena. <sup>27</sup> Paxam bara paichim tsane ichamonaetha pana neyabara paebiname. Tsipei poxonae aena tamropata pitaban tanacuichiwa barapo cae pin nacuathe, bapoxonaе caena bayatha pana nebaꝛu јinompame”, jei Jesús pijimonaetha.

## 16

<sup>1</sup> Equeicha Jesús barai pijimonaе, jeye: “Baxua paca tsipaebatsi xua јopa painya nebarapentsiwa tsane xua tapananeјume cowantsiwam poxonae јiwi abe pacata exanaena. <sup>2</sup> Paca itawetsina јudiomonaе јiwi penacaeuttsi bon weya. Po mataqueitha poxonae јiwi paca јutebina, barapo јiwi catsawiya nanta xeinaena xua Nacom pecui itorobixae xua daxota painya paca necajutebiwa tsane. <sup>3</sup> Barapo јiwi baxua pacata exanaena, tsipei јopa neyaputaеyo matauta Taxa tsipei јopa yaputaetsi. <sup>4</sup> Baraxua paca tsipaebatsi xua painya tana necayabara јume cananta xeinaewam tsane poxonae barapo matacabi tsane poxonae po mataqueitha јiwi abe pacata exanaena.

*Meje yabara po coyne xua Nacom pia Peјumope tꝛnaxu tatsi exana*

“Poxonaе aena tamropata pitaban tanacuichiwa baraxua јopa paca tsipaebichi tsipei paca baꝛu popoinchi. <sup>5</sup> Ichitha nama anoхuae baxua paca tsipaebatsi tsipei ponaеin, xua Taxa beicha taеaeаeаe tsane pon tana neitorobixae. Dapon aibi paxam јiwana pam pon neyainyaba xua nejei: ‘¿Eta xota ponaename?’ pon nejei, tsipei daxita pam bara pana neyaputaneme xua xota taponaeаe. <sup>6</sup> Nama anoхuae bichocono panthuthu wecoyam tapaca tsipaebixaetsi baxua. <sup>7</sup> Ichitha bara yatsicaya xainyeya paca tsipaebatsi. Baxua pacata wꝛnae xua taponaeаeаe tsipei icha јopa ponaеinchipae, јopa neitacꝛpaetsipae xua taitorobiwa Nacom pia Peјumope tꝛnaxu tatsi xua painya nepaca cayawenaenexa. Icha ponaеin barapo јumope pacata itorobinchi. <sup>8</sup> Poxonaе Nacom pia Peјumope tꝛnaxu tatsi patopeicaena, јiwi yabara yaputane cana exanaeinchi pocotsiwa daxita јiwi abe peexanaе cuiru coylenein exana. Matautano barapo Nacom pia Peјumope tꝛnaxu tatsi јiwi yaputane cana exanaeinchi xua xan saya xanepanaya Nacom tayabara paеbin. Matautano barapo Nacom pia Peјumope tꝛnaxu tatsi јiwi yaputane cana exanaeinchi xua po coyne poxonae Nacom exanaena xua Nacom yabara paebina daxita јiwi xua penatsicuentsiwa xua abe peexanaeаe. <sup>9</sup> Poxonaе barapomonaе abe peexanae cuiru coyne exana baxua tsita itapeinya xeina xua barapomonaе јopa tana neјume cowantsiwi. <sup>10</sup> Matautano јiwi yaputane cana exanaeinchi xua xan saya xanepanaya Nacom tayabara paеbin, tsipei

Taxa beicha ponaein yawa paxam jopa equeicha pana netaem tsane. <sup>11</sup> Matauta barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. Tsipei caena bayatha bapocotsiwa exana caurimonae pia pentacaponaeintha, pon jiwi juntu coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

<sup>12</sup> “Ichawa bequein xeinan xua tapaca tsipaebiwatsi ichitha anoxuae jopa paca itacupaeyo xua painya neyaputaewa tsipei jopa paca coyene cupaeyo. <sup>13</sup> Poxonae patopeicaena Nacom pia Pejumope tñaxu tatsi, barapo pejumope tñaxu paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope tñaxu yabara yaputane paca cana exanaena pocotsiwa bexa tsane exanaena po cae pin nacuathe tsique. <sup>14</sup> Barapo Pejumope tñaxu jiwi cana exanaeinchi xua jiwi wñae tana nejainchiwa tsane. Pocotsiwa xua paca tsipaebatsi, barapo pejumope tñaxu xuya yaputane paca exanaena. <sup>15</sup> Daxita xua Taxa pocotsiwa xeina iru apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope tñaxu xuya equeicha paca cuidubina’, paca jeichi.

<sup>16</sup> “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonae pirapaeyo Taxa beicha ponaein”, jei Jesús pijimonaetha.

*Meje yabara poxonae Jesús jeye: “Bequein copiya pawecoyam tsane ichitha bexa equeicha pajuntu coyene weiweinaename”, jei Jesús*

<sup>17</sup> Bapoxonae ichamonae pomonae Jesús pijimonaetha tatsi caemonae nayainyaba, najei: —¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana netaename. Bapoxonae pirapaeyo Taxa beicha ponaein’, naca jei? <sup>18</sup> ¿Eta xua metha ‘caeto tsane’, jane? Jopa baxua yaputaetsi, najei.

<sup>19</sup> Jesús pijimonaetha yaputane xua pijimonaetha juntucuru yainyabatsi. Daxota pijimonaetha barai, jeye:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxonae equeicha pana netaename’, jan ¿baxua apara pana necayabara jume yainyabame? <sup>20</sup> Xaniyan paca tsipaebatsi. Tacoutha paxam pawecoyam tsane yawano paanthatharewem tsane poxonae iraru juntu coyene weiweinaena pomonae jopa tana nejume cowantsi jiwi. Bequein caeto pawecoyam tsane ichitha equeicha pajuntu coyene weiweinaename. <sup>21</sup> Poxonae yabyo bapana taecatsi pexuyo, poxonae imoxoyo naexanaena pexuyo, bapowa bichocono wecoyeyi. Ichitha poxonae bayatha pexuyo naexana, bapoxonae bapowa nacayabara juntemaina xua bayatha yaporowa papai xua peatenexae. Daxota bapowa juntu coyene weiweina pexuyo bayatha penaexanaexae. <sup>22</sup> Bara juta coyeneya paichim tsane. Poxonae tupaen xua taponaeintha tsane, bequein pawecoyam tsane, ichitha panetaename poxonae asun tsane xua ponaein Taxa beicha. Yawa bapoxonae pajuntu coyene weiweinaename. Dapon aibi pon barapo juntu weiweinae coyenewa paca juntu coyene wejuntemaina cana exanaena.

<sup>23</sup> “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana newun caununaya wucaename, bara baxua daxita pacata exanaena. Baxuan pocotsiwa paca tsipaebatsi bara xainyan. <sup>24</sup> Caena bayatha xua beya anoxuae jopa pana newun caununaya wucaename Taxa beicha. Anoxuae nama pana newun caununaya wucaename Taxa beicha. Bara baxua pacata exanaena xua bichocono yatsicaya painya nejuntu coyene weiweinaewa tsane”, jei Jesús pijimonaetha.

*Meje yabara poxonae Jesús jeye: “Xan amanayabaxubin pon jiwi juntu coyene itorobatsi po cae pin nacuathe”, jei Jesús*

<sup>25</sup> Equeicha Jesús barai pijimonaetha, jeye: “Pocotsiwan xua bayatha paca tsipaebatsi, bara paeban pecayabara juta pepaebi diwesixitha. Ichitha barapo matacabi patopaena, po mataqueitha jopa paca tsipaebi tsainchi pecayabara juta pepaebi diwesixitha. Barapo mataqueitha bara Nacom yabara jume penthiya paca tsipaebinchi. <sup>26</sup> Barapo mataqueitha pana newun caununaya wucaename Taxa beicha. Jopa paca tsipaebichi xua Taxatha tapacata wucaewa tsainchi tsipei apara bara painya coya paca itacupa. <sup>27</sup> Taxa paca antobe pata tana neantobemxae yawa pata tana nejume yabara cowuntsixaemxae xua xan bara yatsicaya Taxa wetsica ponan. <sup>28</sup> Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponaeintha tsane”, jei Jesús pijimonaetha.

<sup>29</sup> Nexata Jesús pijimonaexae baraichichi, jeye:

—Anoxuae bara yatsicaya jume penthiya pana netsipaebame. Jopa paebim pecayabara jata pepaebi diwesixitha. <sup>30</sup> Anoxuae payaputan po coyene xua bara daxita neyaputaewan. Matautano payaputan xua jopa pata nantawenonaewa xua paxan pata paca cayainyabiwatsi. Daxota pajume cowantán xua xam bara yatsicaewa Nacom wetsica neponaein, jeichichi Jesús pijimonaē.

<sup>31</sup> Jesús jume barai pijimonaē, jeye:

—¡Anoxuae matapainya pana nejume cowantame! jei Jesús. <sup>32</sup> Bara nama imoxoyo matacabi patopa, po mataqueitha tsana paracupaename poxonaē jiwi paca yotabina. Paxam pana necuentaracupaename. Daichitha xan jopa companyo tsane tsipei Taxa neyanta bayatha. <sup>33</sup> Daxita baxuan paca tsipaebatsi painya nejuntu coyene weiweinaenam tsane tapana necayawa jinompaexaem tsane. Poxonaē cataunxuae pajinompaename po cae pin nacuathe jiwi paca atene exanaena poxonaē abe paca cana exanaena. Daichitha juntema pajinompare. Tsipei xan amanayabaxubin pon jiwi juntu coyene itorobatsi po cae pin nacuathe, jei Jesús pijimonaetha.

## 17

### *Meje yabara poxonaē Jesús pijimonaē tawuca Paxatha*

<sup>1</sup> Poxonaē Jesús baxua najume weta xua pijimonaē tsipaeba, bapoxonaē Jesús itaboco necoicha. Paxatha tsipaeba jeye: “Axa, aunxuae patopaena xua poxonaē jiwi tsita itutsiname xua xan, apara bara Nexanton, pon taainya cuin. Bapoxonaē jiwi tsita itutsin xua xam jinya neainya cuim. <sup>2</sup> Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowantsiwi, barapo jiwi catsin peajuntuyarusawa, po peajuntuyarusawa ataya tsiteca. <sup>3</sup> Axa, yatsicaya compam xam Nacom, iru xan Jesucriston compan ponxaein neitorobame po cae pin nacuathe tsique. Pomonaē nejume cowanta iru xuano cajume cowantano, barapomonaē xeinaena peajuntuyarusawa, po peajuntuyarusawa ataya tsiteca.

<sup>4</sup> “Po cae pin nacuathe exanan xua jiwi wanaē necajainchiwa. Bayatha wetan xua bayatha necui itorobame xua taexanaewa tsane. <sup>5</sup> Axa, anoxuae equeicha ainya cui neexande neitabaratha, icha matha neichim poxonaē caena bayatha ainya cui neexaname neitabaratha poxonaē nexantha poponan poxonaē cataunxuae po cae pin nacue jopa forotsinyo.

<sup>6</sup> “Pomonaē bayatha itapetame, pomonaē nejume cowanta, barapomonaē yabara cuiduban xua xam cayabara paebatsi. Barapomonaē bara jinyamonaē yawa nepuna pona exaname. Barapomonaē bara xanepanaya exana xua pocotsiwa itorobame. <sup>7</sup> Pocotsiwan xua xan paeban xuano xua exanan, daxita baxuan exanan tana necatsimxae jinya pexeinya ayarusu itorobi coyenewa. Anoxuae daxita baxuan barapomonaē yaputane. <sup>8</sup> Pocotsiwan necuidubame xuya barapomonaē cuiduban. Daxita baxuan barapomonaē yabara nejume jejei. Barapomonaē yaputane xua xan bara yatsicaya xam wetsica ponan. Matautano yaputaneno xua xam tana neitorobiwam.

<sup>9</sup> “Cawucatsi barapomonaē nexa xua neyawenaewa tsane barapomonaē. Apara jopa yabara cawucaetsi pomonaē jopa nejume cowantsiyo xua neyawenaewa tsane. Saya jame yabara cawucatsi pomonaē tana necatsixaemxae pomonaē jinyamonaexae. <sup>10</sup> Daxita pomonaē xua jinyamonaē apara tamonaeru. Daxita iruru pomonaē xua tamonaē, apara jinyamonaeru. Ichamonaē wanaeya necayabara nanta xeina xua xan ainya cuin tsipei xanepanaya jinompa, pomonaē tana nejume cowantsi jiwi.

<sup>11</sup> “Xan jopa poponaēin tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonaē jopa daichiyo, saya po cae pin nacuathe dubenanaebiyaena. Axa, xam ponxaem bichocono nejuntu coyene xanepanaein tsaibim. Pomonaē bayatha tana necatsixaemxae barapomonaē bebere jinya neayarusu neitorobi coyenewatha xua barapomonaē jopa pejuntu coyene cui itorobinexa tsainchi xua abe peexanaewa tsane xua caurimonaē pia pentacaponaein tatsi juntu coyene cui itoroba. Bapoxonaē barapomonaē be caein cana naexanaeinchibe waantobexaēbe barapomonaē icha ichichibe xua be caein naexainchibe. <sup>12</sup> Poxonaē cataunxuae poponan po cae pin nacuathe, apara xan bebeteiban barapomonaē jinya neayarusu neitorobi coyenewatha pomonaē tana necatsixaemxae. Barapo tamonaexae beta bebetan yawa jopa copatsinyo xua ichan tana newepu aichurucuaewa, saya meisa caein nexubina barapomonaē jiwana. Daxota bapon bewa tupaena tsipei bichocono peajuntucoyeneyapubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

<sup>13</sup> “Anoxuae xan ponan nexainya beicha ichaxoteicha ecame. Ichitha daxita baxuan paeban poxonaē cataunxuae po cae pin nacuathe poponanje xua barapomonaē



bichocono pejantũ coyene weiweinaenexa, po pejantũ coyene weiweinaewa bayatha xeinan. <sup>14</sup> Nejume diwesi catan barapo tamona. Ichitha barapo tamona inta casebatsi ichamona tsipei barapo jiwi po cae pin nacuathepiwi. Barapo tamona nama po cae pin nacuathepiwi aibi, icha ichin xua xan po cae pin nacuathepin aibin. <sup>15</sup> Apari jopi cawũcaetsi xua barapo tamona nenotsinexa po cae pin nacue weye. Saya apara cawũcaetsi xua barapomona nebebetsinexa caurimona pia pentacaponaein tatsi pecuiyainwa. <sup>16</sup> Icha xan ichin xua po cae pin nacuathepin aibin, barichi barapo tamona jopi barapo cae pin nacuathepiwiyo. <sup>17</sup> Nejume diwesi, apara po diwesi nexainyei diwesi jume. Poxona barapo tamona jume tane baxua barapomona catame xua pejantũ coyene weiweinaewa xua peexanaewa tsane pocotsiwa ichichipame. <sup>18</sup> Icha neichim xua neitorobame pomonaetha pomona jopi jume cowũntsiyo, barichin pomona tana ne-jume cowũntsiwi itoroban pomonaetha pomona jopi tana nejume cowũntsiwi. <sup>19</sup> Najantũ coyene catan nexaina beya tha xua exanaetsi pocotsiwa ichichipame. Baxua exanan tsipei antobain tamona. Exande xua barapomona irũ penajantũ coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

<sup>20</sup> “Jopi meisa cawũcaetsi barapo tamona nexa, apara yawano irũ yabara cawũcatsi pomona hexa nejume cowũntsiwa poxona jume taena tajume diwesi xua poxona pepaebixae tsane barapo tamona. <sup>21</sup> Cawũcatsi xua barapomona be caein penaexanaenexa xuano xua cae penanta xeinaeya nacana barũ cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsirũ. Poxona barapomona be caein nacayawa naexana ponaeinchibe, bapoxona ichamona yabara jume cowũntsiwa xua xam bara yatsicaya tana neitorobiwam. <sup>22</sup> Barapo tamona peainya cui coyenewa catan, po peainya cui coyenewa xam necatame xua barapomona be caein penaexanaenexa icha ichichibe xua bara caein naexanatsibe. <sup>23</sup> Xan tamona yantan irũ xam neyantame, tsipei daxitatsi be caein naexainchi daxota barapomona yatsicaya bara be caein naexana. Bapoxona daxita jiwi cui yaputaena xua xam bara yatsicaya tana neitorobiwam. Mataũtano barapo jiwi cui yaputaena xua tamona antobem icha ichim xua neantobem.

<sup>24</sup> “Axa, necatame barapo tana nejume cowũntsiwi. Ichipan xua barapomona pomona tana nejume cowũntsiwi ponaena ichaxoteicha taponawa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxona cataunxuae jopi forotsiyo po cae pin nacue. <sup>25</sup> Axa, pon bichocono nejantũ coyene xanepanaem. Pomona jopi tana nejume cowũntsiwi jopi pepa jinyamonae yo tsipei jopi cayaitaeyo. Ichitha xam bara cayaitainchi. Pomona tamona, pomona tana nejume cowũntsiwi barapomona neyabara yaputane xua xam tana neitorobiwam. <sup>26</sup> Barapomona pomona tana nejume cowũntsiwi yabara yaputane exanan xua xam cayabara paebatsi. Abũ cataunxuae awiya baxua exanaein xua jinya necaantobenexa tsane icha neichim xua neantobem. Mataũtano barapomona ataya yaitata poponeibin”, jei Jesús poxona Paxa tsipaeba.

## 18

*Meje yabara poxona Jesús waetabatsi  
(Mt 26.47-56; Mr 14.43-50; Lc 22.47-53)*

<sup>1</sup> Poxona Jesús najume weta xua poxona Paxa tsipaeba, bapoxona pomona Jesús pijimonaexae tatsi Jesús barũ pona. Jesús barũ pona foto iya icha muxunene beya, po foto cataunxuae ira tsewa. Barapo foto pewan Cedrón. Barapo icha muxunene beya umena xua ponaein peubi naein, baxota Jesús pijimona barũ patopa. <sup>2</sup> Judas, pon Jesús caenaetatsi, bapon yaputane barapo momiyo tsipei baxota matha matowa Jesús pijimona barũ nacatuteiba. <sup>3</sup> Judas patopa ichaxota Jesús pijimona barũ uncua. Judas barũ pona soldadomona irũno policiamona, po policiamona pomona Nacom pin pia bo peyabara umenaewi. Daxita barapomona, pomona Judas barũ patopa fariseomona itoroba irũ sacerdotemona pia pentacaponae tatsi itorobaru. Daxita barapomona cusin capona. Irũ ichamona lãmparan capata irũ ichamona banaxuton capata. <sup>4</sup> Bequein Jesús tsiwana yaputane barapomona xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

<sup>5</sup> Daxita barapomona Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Iru Judas, pon Jesús caenaetatsi, baxota nauncuaru. <sup>6</sup> Poxonae Jesús, jeye: “Apara, bara bapon uncuanje”, jei, bapoxonae barapomonae рента ийиуа caibeya yawa xuirabathopa. <sup>7</sup> Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

<sup>8</sup> Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamonaе intа painta pu copabare, jei Jesús.

<sup>9</sup> Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ichun tana newepu aichurucuaewa”, jei Jesús.

<sup>10</sup> Bapoxonae Simón Pedro namara wejonta pia wato cusi. Simón Pedro muxuyoro catsoniba pon pewan Malco, po muxuyoroto pecoxa werucuiya. Bapon Malco pon sacerdotemonaе pia pepa pentacaponaein tatsi tanacuitatsi. <sup>11</sup> Jesús Pedro baraichi, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiji atene tana necana exanaewa? jei Jesús.

*Meje yabara poxonae Jesús uncua Anás peitabaratha tatsi*

(Mt 26.57-58; Mr 14.53-54; Lc 22.54)

<sup>12</sup> Bapoxonae soldadomonae iru soldadomonae pia pentacaponaein tatsi iruru policiamonaе, po policiamonaе pomonaе Nacom pin pia bo peyabara umenaewi, daxita barapomonae Jesús waetabatsi yawa maxu cubatsi. <sup>13</sup> Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonaе pia pepa pentacaponaein tatsi naexana. <sup>14</sup> Barapon Caifás, pon caena bayatha jei judiomonaetha: “Metha wunaе xua bara caein piamonaе yaitatsina pebexubinexatsi xua daxita piamonaе tatsi jopa petajutebinexatsi”, jei Caifás xua bayatha paeba.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

(Mt 26.69-70; Mr 14.66-68; Lc 22.55-57)

<sup>15</sup> Simón Pedro iru ichun ponxaeru Jesús pijimonaе tatsi jiwana Jesthа napuna ponabe poxonae policiamonaе Jesús capoinchi sacerdotemonaе pia pepa pentacaponaein tatsi pia botha tatsi. Barapon pon ichun bapon yaitainchi xua sacerdotemonaе pia pepa pentacaponaein tatsi yaitane. Daxota bapon sacerdotemonaе pia pepa pentacaponaein tatsi pia pin pia bo panatha tatsi Jesús puna joniyaеtsi. <sup>16</sup> Nama Pedro aisowatha uncua peboupa juma werena. Daxota bapon pon ichun pana weya pona peboupa beya xua yabuyo petsipaebinxatsi powayo yapu eeneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonaе pia pentacaponaein tatsi bapon yaitainchi daxota barapowa Pedro bara copatsi xua bara jondenaena. <sup>17</sup> Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonaе tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

<sup>18</sup> Yaitama iru aque tsuncuaeru daxota pomonaе sacerdotemonaе pia pepa pentacaponaein tatsi tanacuitatsi iru policiamonaeno, daxita barapomonae isoto itutaeta barapo panatha. Daxita barapomonae nonopumena barapo isototha. Pedro iru baxota nanonopuncuaru.

*Meje yabara poxonae sacerdotemonaе pia pepa pentacaponaein tatsi Jesús matowa yainyabatsi*

(Mt 26.59-66; Mr 14.55-64; Lc 22.66-71)

<sup>19</sup> Iruu bapoxonae sacerdotemonaе pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam baru jinyamonae? ¿Eta po diwesi cuidubame barapo jinyamonae?” jeichichi Jesús.

<sup>20</sup> Jesús jume nota, jeye:

—Caena bayatha daxita jiji peitatha cueicueijan tsalbin. Judiomonaе pia penacae-tutsi bontha ataya cuidubeiban. Matautano Nacom pin pia botha ichaxota judiomonaе nacaeteiba, baraxotano ataya cuidubeiban. Bapana jopa jiji wepu nameicha paebin xua pocotsiwa jiji jopa tana nejume taenexa. <sup>21</sup> ¿Eta pocotsiwa metha nejume yabara yainyabame? Jame maisa moya yainyabare pomonaе bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yapaetaexae pocotsiwa bayatha tsipaeban, jei Jesús.

<sup>22</sup> Poxonae Jesús baxua najume weta, bapoxonae caein policiamonae jiwana pin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

<sup>23</sup> Jesús jume nota, jeye:

—Icha bara pocotsiwa abe paeaban, moya netsipaebare xua abe. Ichitha icha xua wunae paeaban, ¿eta pocotsiwa metha nexata nejumata cuaintaxubame? jei Jesús.

<sup>24</sup> Bapoxonae Anás Jesús yamaxa cubiya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weithara.

*Meje yabara poxonae equeicha Pedro Jesús yabara paeabatsi: “Jopa dapon yaitaeinyo”, yabara jeichichi Jesús*

(Mt 26.71-75; Mr 14.69-72; Lc 22.58-62)

<sup>25</sup> Poxonae baxuara, iru cataunxuae Pedro nanonopuncia. Barapoxonae barapomonae Pedro yainyabatsi, jeichichi:

—¿Xam apara Jesús pijimonae tatsi caein jiwana mda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro. <sup>26</sup> Bapoxonae equeicha ichun Pedro yainyabatsi pon sacerdotemonae pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonae Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca bara pona momiyo beya. ¿Bara methara? jeichichi Pedro.

<sup>27</sup> Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaera caena nainya wacara pebto fiba.

*Meje yabara poxonae Jesús uncuca Pilato peitabaratha tatsi*

(Mt 27.1-2, 11-14; Mr 15.1-5; Lc 23.1-5)

<sup>28</sup> Caemumbotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewan Pilato. Ichitha judiomonae jopa joniyaewo barapo botha pon jiwi peyanacua ewatsinchi pin pia bothaxae tatsi. Judiomonae pia junta coyene cui xeina xua jei: “Judiomonae jopa bewa nanacaetutsi pomonae jopa be judiomonae naexanaewo pia bothaxae tatsi po mataqueitha poxonae imoxoyo Pascua wan matakabin xua poxonae jiwi penabanaewanexa pexaewa”, jei. Tsipei icha baxua exanaetsipa pia coutha najunta coyene taxobichipa yawa barapomonae jopa itacupaetsipaetsi xua pexaewa xaena, po pexaewa poxonae xane Pascua wan matakabintha. <sup>29</sup> Daxota Pilato aisowa bejoniya pia bo weya xua petsipaebinxatsi pomonae pesatoha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

<sup>30</sup> Barapomonae Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonae.

<sup>31</sup> Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentisiwa xua abe peexanaexae, jei Pilato.

Barapo judiomonae jume nota, jeye:

—Ichitha paxan judiomonae pan, romanomonae pia peitorobi coyenewa jopa pana capatsiyo xua ichun pacui itoroban xua jiton pebexubiwatsi xua poxonae abe peexanaexae, jei judiomonae.

<sup>32</sup> Baxua exana tsipei bayatha Jesús tsiwanaya nayabara paeba po coyeneya jiwi poxonae Jesús pebexubiwa tsainchi. <sup>33</sup> Bapoxonae Pilato equeicha pia pin pia bo bejoniya yawa Jesús wabatsi, jeichichi:

—¿Xam judiomonae itorobiya pia pepa Neewatsin? jei Pilato.

<sup>34</sup> Jesús jume nota, jeye:

—¿Apara jincoya necayabara cananta xeinaeya yainyabame? Apara ichun yabara necatsipaebixae baxua, ¿daxota barapo jumetha neyainyabame? jei Jesús.

<sup>35</sup> Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi iru sacerdotemonae pia pentacaponaei tatsi, apara barapomonae cacaenaeta taxantha. ¿Eta pocotsiwa metha exaname? jei Pilato.

<sup>36</sup> Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaet-sipan, bara nexata tamonaeyawenaetsipa xua judiomonaey jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

<sup>37</sup> Nexata Pilato Jesús jeichichi:

—¿Apara xam pon jiwi itorobiya pia pepa Neewatsin? jeichichi Jesús.

Jesús jume nota, jeye:

—Aa, apara bara xan bapon pon jiwi itorobiya pia pepa Taewatsin xuaunxuae bara pae-bame. Daxota naexanan po cae pin nacuathe yawa patopan tapaebinexa xua pocotsiwa pexainyeiwa yatsicaewa. Daxita pomonaey ichichipa xua pejume cowantsiwa xua barapo pexainyei jume, barapomonaey bara nejume tane, jei Jesús.

<sup>38</sup> Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

*Meje yabara poxonaey Pilato jume baraxujei xua Jesús bara pebexubiwa tsainchi icha-monaey*

*(Mt 27.15-31; Mr 15.6-20; Lc 23.13-25)*

Poxonaey Pilato baxua yainyaba, bapoxonaey Pilato equeicha aisowa bejoniya xua eque-icha judiomonaey petsipaebinexatsi. Pilato barai judiomonaey, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinexatsi. <sup>39</sup> Ichitha paxam painya cui paxei name xua ba caein tapacata isanax-ubiwatsi pomonaey jiwi pecabi botha nobatsi poxonaey xua po mataqueitha Pascua wun matacabintha. ¿Bara anoxuae pacata saya pu copatinchi pon judiomonaey itorobiya pia pepa peewatsinchi? jei Pilato.

<sup>40</sup> Nexata barapo judiomonaey jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo ju-diomonaey.

Barapon Barrabás, pon bichocono jiwi pecaibi.

## 19

<sup>1</sup> Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amapiya xua xota ba jiwi cuaintebatsi poxonaey abe exaneiba. Soldadomonaey baxua exana. <sup>2</sup> Barapo soldadomonaey Jesús mata xatatatsi pee tepa. Mataatano bapoxonaey Jesús pia paparuwa juma xuenatsi. Icha paparuwa juma xatatatsi po paparuwa tsobia. <sup>3</sup> Bapoxonaey barapo soldadomonaey Jesús imoxoyo cacuita ume-naracupatsi. Yawa Jesús cui caponaeya jeichichi:

—¡Jaina, maisa wunaem pon judiomonaey itorobiya pia pepa Neewatsin! jei barapo soldadomonaey xua Jesús cui capoinchi.

Bapoxonaey Jesús itabara cuaintatsi.

<sup>4</sup> Equeicha Pilato pesato bejoniya judiomonaey beya. Pilato barai judiomonaey, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

<sup>5</sup> Bapoxonaey Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

<sup>6</sup> Bapoxonaey sacerdotemonaey pia pentacaponaei tatsi iru policiamonaey, poxonaey daxita barapomonaey Jesús taeracupatsi, jume daunweya wawaya jeye:

—¡Naetha bara tparucua bewa exanaem! ¡Naetha bara tparucua bewa exanaem! jei barapomonaey.

Pilato barai jiwi, jeye:

—Moya paxam jame bara papire, moya painya coya naetha tparucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

<sup>7</sup> Ichitha judiomonaey Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa tpaena tsipei pata taitorobi coyenewa baxua peyabara paeibixae, jei judiomonaey.

<sup>8</sup> Poxonaey Pilato baxua jume tane, Pilato nama bichocono equeicha junuwa. <sup>9</sup> Equeicha Pilato Jesús caibe maxu coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo. <sup>10</sup> Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitacupaewa xua jiwi taitorobiwa xua tɔparucua necaexanadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

<sup>11</sup> Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonaе jopa itorobimchipae xua ichamonaе abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

<sup>12</sup> Poxonaе baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonaе jume daunweya wawai. Barapomonaе jeye:

—¡Icha xam bara saya, pu sotabame, apara romanomonaе itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be naticotane pon jiwi itorobiya pia pepa peewatsinchi, bapon apara romanomonaе itorobiya pia pepa peewatsinchi bapon pia peaitafaetabinchi jitonsti! jei judiomonaе.

<sup>13</sup> Poxonaе Pilato baxua jume taeba, bapoxonaе ecoundeca ichaxota pia coutha cayabara cananta xeinecaeya cueicueijeі tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei. <sup>14</sup> Bapoxonaeru barapo matacabi tsuxubiru, po matacabi copiya tsiwanaya ducua Pascua wɔn matacabi. Barapo mataqueitha judiomonaе pexaewa xaxaintajeba xua Pascua wɔn matacabi nexa xua baya tsane. Poxonaе mateinyaxae tsuxubi, bapoxonaе Pilato barai judiomonaetha, jeye:

—¡Incane pataema pon itorobiya pepa painya Nepacacaewatsin! jei.

<sup>15</sup> Ichitha barapo judiomonaе jume daunweya wawaya jeye:

—¡Maisa bara tɔpaena! ¡Bara naetotha tɔparucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacaewatsin? jei Pilato.

Ichitha sacerdotemonaе pia pentacaponae wi tatsi Pilato jume notatsi, jeye:

—Apara ichɔn jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa pon itorobiya pepa pata Neewatsin, bapon jame apara pon romanomonaе itorobiya pia pepa Peewatsinchi, jei judiomonaе.

<sup>16</sup> Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara tɔpa peexanaenexatsi naetotha. Bapoxonaе barapo judiomonaе Jesús pitatsi.

*Meje yabara poxonaе Jesús tɔparucua exanatsi naetotha*

*(Mt 27.32-44; Mr 15.21-32; Lc 23.26-43)*

<sup>17</sup> Jesús bara pona, yawa pia naeto utucurapona, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demxuwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.) <sup>18</sup> Barapo demxu matasoitotha Jesús cobe matatabarutatsi naetotha. Iru ainya pebinbe cobe matatabarutatsibe. Jesús tutiyotha yanaeto uncuwa, ichɔn Jesús pecoxa weya tayanaeto uncuatsi iru ichɔn Jesús petsocona weya tayanaeto uncuatsi. <sup>19</sup> Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonaе itorobiya pia pepa Peewatsinchi”, jei barapo petinae napaeuyotha. <sup>20</sup> Pinmonae judiomonaе yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pewɔn Jerusalén. Barapo petinae napaeuyotha, hebreo jumetha tina, griego jumetha tinano, iru latín jumetha tinano. <sup>21</sup> Daxota sacerdotemonaе pia pentacaponae wi tatsi, pomonaе judiomonaexae, Pilato baraiichi, jeye:

—Jopa jande ‘Pon judiomonaе itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonaе itorobiya pia pepa Taewatsin, najei’, jande, jei sacerdotemonaе pia pentacaponae wi tatsi.

<sup>22</sup> Ichitha Pilato jume nota, jeye:

—Xuaunxuae tinadutan bara ducuaena, jei Pilato.

<sup>23</sup> Soldadomonaе poxonaе Jesús canacobena wetatsi xua cobe matabobatsi, bapoxonaе nota Jesús pia paparuwan tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonaе. Matauta dorouto Jesús juma wejontatsi, po dorouto ompareca, xua jopa epa xɔxɔcaeyo. <sup>24</sup> Barapo cuatro poyobe xua soldadomonaе caemonaе natsipaeba, najei:

—Jopa tsana nata epa tsitsicae tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyi beta xoya, moya copiya pichina, jei.

Baxua barapomonae exana peyabara cui wanae tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuwān nata tsabina yawa ibotixi bebeya tsane penacueranta notsinexa tsane tapaparuwān”, jei pon Nacom peitorobi jume pepaebin. Bara baxua exana barapo soldadomonae.

<sup>25</sup> Jesús pena tatsi imoxoyo uncuā ichaxota Jesús ducua. Barichi Jesús pena tatsi iru pamcho tatsi baxota umena. Barichi icha María, powa Cleofas piowa tatsi baxota uncuā. Barichi icha María, powa María Magdalena, powa Magdala tomarapiwayo, baxota uncuā. <sup>26</sup> Poxonae Jesús taenota pena yawa poxonae taenota pon bichocono Jesús antobe, pon pijimonae jiwānapin bapoxonae Jesús barai pena, jeye:

—Ena, taema bapon nexanto cata uncuareque, jei Jesús.

<sup>27</sup> Bapoxonae Jesús barai bapon, jeye:

—Incane taema barapowa, powayo enaxae, jei Jesús.

Bapoxonae barapowa barapon pena tsicotaeya waba pia botha.

*Meje yabara poxonae Jesús tupa*

(Mt 27.45-56; Mr 15.33-41; Lc 23.44-49)

<sup>28</sup> Bapoxonae pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiwanae paebatsi, bapoxonae Jesús jeye:

—Meratsipan, jei.

<sup>29</sup> Baxota juruwato eca xua yawa eca vino mera, po mera atsu. Nexata barapo soldadomonae esponjatha mene yutsiya capita. Bapoxonae Jesús naewatha tadutatsi yawa tayoichatsi pecoiboto deca. <sup>30</sup> Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús.

Bapoxonae Jesús nawisi jetataba. Tupañacha.

*Meje yabara poxonae soldadomonaepin Jesús epa catsitsinaxubiya cawuichatsi dejonatha*

<sup>31</sup> Cataunxuae barapo matababi po matababitha poxonae judiomonae pewanaeya nacui wanaeta pia pentaquei seicae matababi tatsi nexa. Barapomonae jopa ichipaeyo xua came naetotha dubenaena po pebiwi naetotha werapa poxonae jopaena barapo pentaquei seicae matababi, po matababi peainya cui matababixae. Barapo pentaquei seicae matababi, po matababi tamropata pitaba xua Pascua wān matababin. Judiomonae jopa ichipaeyo xua pejonsiwa pepon naetotha barapo pentaquei seicae matababitha. Daxota barapo judiomonae Pilato jume itorobatsi, jeye: “Soldadomonae itorobare xua petopa janacaenexa tsainchi pomonae naetotha dubena xua nainya barapo pebiwi tupa peexanaenexatsi. Matauta itorobare xua barapo pebiwi naeton wetsica peotsinexatsi icha xaniwaicha daxita barapo pebiwi bayatha werapa”, jei barapo judiomonae.

<sup>32</sup> Nexata soldadomonae bara beya pona. Yawa barapo soldadomonae copiya topa janaxuba ichān pon Jesús icha muxunene wetarucuiyatsi. Bapoxonae equeicha ichān topa janaxotsi pon Jesús icha muxunene wetarucuiyatsi. <sup>33</sup> Poxonae soldadomonae imoxoyo umenaracupa ichaxota Jesús ducua, bapoxonae Jesús tainchi xua bayatha Jesús tupa. Daxota barapo soldadomonae Jesús jopa topa janaxuichi.

<sup>34</sup> Ichitha caein barapo soldadomonae jiwana, bapon Jesús epa cawuicha catsitsinaxubiya dejonatha. Bapoxonae caena nainya jana othoparena yawano mera othoparenano. <sup>35</sup> Xan, Juan, baxuan daxita tan pocotsiwa soldadomonae Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowuntsinexam. <sup>36</sup> Barapomonae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha. <sup>37</sup> Matautano icha jume diwesitha xua Nacom Pejume Diwesi, jeye: “Necoichaeinchi pon xua cawuichatsi”, jei Nacom Pejume Diwesitha.

*Meje yabara poxonae Jesús petupaen ibo muthatha yauxatatabotatsi*

(Mt 27.57-61; Mr 15.42-47; Lc 23.50-56)

<sup>38</sup> Bapoxonaeru bebin, pon pewān José, pon Arimatea tomarapin, bapon Jesús iru jume cowantatsi. Ichitha José baxua jopa nayopichiyo ichamonaetha xua Jesús pejume cowuntsiwatsi, tsipei judiomonae jume cunuwatsi. Bapon José copiya Pilato muxu tsipaebiya jeichichi, jeye:

—Nejume baru jejanē tha jontichi Jesús petupaen naeto wetsica, jei José.

—Bara moya taema, jei Pilato.

Daxota José bara beya pona. Bapoxonae José jonta naetotha Jesús petupaein. <sup>39</sup> Iruru ichun naponna Jesús pia muthutha. Bapon pewun Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo caratopa treinta po kilobe xua pocotsiwa pebeno, po beno xua tuxuei. Barapo benotha muxunaxuba po petuxuei nain pewun mirra, xuano xua icha petuxuei nainwano po petuxuei nainwa pewun áloe. <sup>40</sup> Bapoxonae José iru Nicodemo pitabe Jesús petupaein. Yawa paparuwatha petuxuei beno muxuna capanaboinca mata quiyontabicabe. Baxua exanabe, tsipei judiomonae pia cui coyene xeina xua poxonae pon petupaein canacui wanae wetatsi poxonae namuthuqeiba. <sup>41</sup> Imoxoyo ichaxota Jesús po demxuwatha tupa, baxota peubi naein umena. Barapo peubi naein uniyotha ibo itapatororotha muthu boca pena muthu, po muthutha cataunxuae jopa muthutha xubichi petupaein ichun. <sup>42</sup> Barapo pena muthutha Jesús boyatsi, tsipei barapo pena muthu imoxoyo boca ichaxota Jesús tupa. Matauta tsipei quirei tsanaicha xua poxonae patopa pentaquei seicae matakabi, po mataqueitha judiomonae jopa nacuichiyo.

## 20

*Meje yabara poxonae Jesús equeicha asu juina exanatsi petupae cuiru coyene weya (Mt 28.1-10; Mr 16.1-8; Lc 24.1-12)*

<sup>1</sup> Bapoxonaeru domingo matakabi jopa, po matakabi xua copiya ducua cae sem-anatha. Bapoxonae caemumbotha poxonae cataunxuae quiriquirica, bapoxonae María Magdalena, powa Magdala tomarapiwayo, muthutha patopa ichaxota Jesús boca. Barapowa tane xua muthu yapusauncua xua bequein ichamonae yapu xatatabanota pin ibo panawatha. <sup>2</sup> Bapoxonae barapowa nainya pata taxainya becuinaerena ichaxota Simón Pedro uncua iru xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petupaein pitatsi, pon Wanacanamataxeinaein. Jopa payaputaeyinyo ichaxota equeicha botatsi, pana nejei.

<sup>3</sup> Bapoxonae Simón Pedro, iru xan Juan, muthu bepaiyanbe. <sup>4</sup> Bara beya pana nacuara cuinayanbe. Ichitha xan, Juan, bichocono bichoinan beyacaincha Pedro. Daxota muthutha patopan copiya. <sup>5</sup> Yawa muthu beya nabuxu tsutiya necobiyan. Paparuwa tan xua iratha boca, po paparuwatha Jesús petupaein mata quiyontabatsi, ichitha jopa joniyaeyinyo. <sup>6</sup> Bapoxonae Simón Pedro tacoya werena cotacaya patopa. Bapoxonae muthu joniya. Barichi barapon barapo paparuwa tane xua iratha boca. <sup>7</sup> Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca. <sup>8</sup> Bapoxonae xan, ponxaein copiya patopan, iru joniyan muthu iya. Poxonae daxita baxuan tan, bapoxonae nainya jume cowuntan xua Jesús bayatha asu. <sup>9</sup> Bayatha jopa payaputaeyinyo Nacom Pejume Diwesi, po diwesitha xua xota bapon yabara paebatsi po coyene xua bapon bewa asu tsane petupae coyene cuiru weya. <sup>10</sup> Nexata xan, Juan, iru Simón Pedro caibe panawiyambe bo beya.

*Meje yabara poxonae Jesús María tsita naitutatsi, powayo Magdala tomarapiwayo (Mr 16.9-11)*

<sup>11</sup> María Magdalena, Magdala tomarapiwayo, powa pana tsiwun caya, bapowa equeicha caiberena muthutha patopa. Barapowa muthu coiboto juma weya wecoyei tsuncuae. Poxonae wecoyei tsuncuae nantanuweya nabuxu japasota necobiya muthu iya. <sup>12</sup> Bapoxonae bapowa tane ponbe matatsunpinbe xua ecabe ichaxota bayatha Jesús botatsi petupaein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi. <sup>13</sup> Barapo matatsunpinbe María yainyabatsi, jeichichi:

—María, ¿eta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein petupaein pitatsi. Jopa taeinyo xua equeicha xota botatsi petupaein, jei María.

<sup>14</sup> Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi. <sup>15</sup> Nexata Jesús María yainyabatsi, jeichichi:

—Ja, ¿eta pocotsiwa came wecoyam tsauyam? ¿Jintam wenawenam? jei.

Barapowa nanta xeina xua mexeya itara pon peubi naein yapu eenawei. Daxota bapowa, jeye:

—Icha xam bayatha pitame petupaein pon Tanecanamataxeinaein, incane netsipaebare xua equeicha exota botame. Tha bapoxonae petupaein equeicha pitichi, jei María.

<sup>16</sup> Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwi Necuidubin”, jei).

<sup>17</sup> Jesús jume nota, jeye:

—Jopa nejayatabinde tsipei cataunxuae jopa ponaeinyo ichaxota Taxa equiuya. Jamaisa ponde, paebreno tajimonaetha xua xan paeban xua jan: ‘Taxa beicha ponaein, po Taxa painya Axa iru’, jan. ‘Barapon Nacom, Tanacom iru paxam painya Nacom’, jan xua, jei Jesús.

<sup>18</sup> Barapoxonae María Magdalena, powa Magdala tomarapiwayo, tsiwun caya Jesús pijimonaе tatsi beya. Bapowa tsipaeba xua bayatha tane pon Pecanamataxeinaein jiwi. Yawano tsipaebano daxita pocotsiwa Jesús paeba bapowatha.

*Meje yabara poxonae Jesús pijimonaе tsita naituta*  
(Mt 28.16-20; Mr 16.14-18; Lc 24.36-49)

<sup>19</sup> Barapo mataqueitha poxonae cataunxuae awiya domingo, bapoxonae merawi Jesús pijimonaе tatsi nacaetuta. Tsipei judiomonaе cui cunuwatsi daxota bo bichocono boupa daunwei exana. Nexata Jesús barapo tututha patopa. Yawa pijimonaе peitabarayo deca tauncua. Pijimonaе jacobiya jeye:

—Maisa juntema pajinompare, jei Jesús.

<sup>20</sup> Poxonae Jesús baxua najume weta bapoxonae tsita nacobe wan ituta pijimonaе yawa naepa wan ituta. Poxonae Jesús pijimonaе taerucypatsi bichocono junta coyene weiweina petaxaetsi Jesús pon barapomonaе Pecanamataxeinaexaetsi. <sup>21</sup> Pirapaeyo equeicha Jesús pijimonaе barai, jeye:

—Maisa juntema pajinompare. Icha Taxa neichi xua neitoroba bara paca ichichi paca itorobatsi, jei Jesús.

<sup>22</sup> Nexata bapoxonae Jesús pijimonaе matatsun ofutaba, jeye:

—Nacom pia Pejumope tuxaxu tatsi bara paca yantsina, jei. <sup>23</sup> Pomonaе xua pacui cayabara juntemainame abe pia peexanae cuiro coyenein tatsi, bara barapomonaе Nacom iru cayabara cui juntemainaena abe pia peexanae cuiro coyenein tatsi. Pomonaе jopa pacayabara cui juntemainam abe pia peexanae cuiro coyenein tatsi, bara barapomonaе Nacom iru jopa cayabara cui juntemainaeayo abe pia peexanae cuiro coyenein tatsi, jei Jesús.

*Meje yabara poxonae Tomás tane xua Jesús equeicha asu*

<sup>24</sup> Tomás, bapon Jesús pijimonaе tatsi jiwana. Bapon icha wun Gemelo, po wun xua jei: “Nama naexanabe pexuyobe”, jei. Barapon Tomás jopa naecaeyo poxonae Jesús pijimonaе tsita naituta.

<sup>25</sup> Pirapae poxonae Jesús napitaba ichamonaе pomonaе Jesús pijimonaе tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuano xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

<sup>26</sup> Poxonae ocho po matabibye yapucaewa xua icha domingotha, bapoxonae equeicha botuxutha nacaetuta Jesús pijimonaе tatsi. Bapoxonaeru Tomás jame naeca. Bequein botuxu boupa bichocono daunwei exana ichitha Jesús jonarena. Pijimonaе peitabarayo deca tauncua. Yawa jacobiya jeye:

—Maisa juntema pajinompare, jei Jesús.

<sup>27</sup> Bapoxonae Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wande. Yawano neyene wan jayabare. Jopa ainya muxu xeinaeinde. Moya maisa nejume cowunde, jei Jesús.

<sup>28</sup> Nexata Tomás jume nota, jeye:

—¡Jaina, deta Tanecanamataxeinaem! ¡Yawa Nacom, Tanacom! jei Tomás.

<sup>29</sup> Jesús jume nota, jeye:

—Tomás anoxxuae nejume cowantame tanetaemxaem. Ichitha pomonaе bequein jopa netaeyo xua daichitha nejume cowanta, barapomonaе bichocono junta coyene weiweina, jei Jesús.

*Meje yabara xua eta pocotsiwa metha yabara tina barapo diboro*

<sup>30</sup> Jesús ainya coyenein matowa pijimonaе peitatha exaneiba pexeinya petsita itutsi coyenewan. Daxita barapo coyenein awiya yabara seica xua jopa yabara tinaeinyo



barapo diborothe. <sup>31</sup> Daxita xua xuan pocotsiwa yabara tinan po diborothe apara xua baxuan painya yabara jume cowantsinexam tsane xua Jesús apara bara Mesías. Matautano yabara tinan xua painya yabara jume cowantsinexa xua Jesús apara Nacom Pexanto tatsi. Matautano yabara tinan xua painya nexeiaenexa tsane peajuntuyarusüwa, po peajuntuyarusüwa xua ataya tsiteca xua poxonae pajume cowantsiname Jesús.

## 21

*Meje yabara poxonae Jesús tsita naituta siete poyobe pomonae pijimonaexae tatsi jiwana*

<sup>1</sup> Bapoxonae pirapae equeicha Jesús pijimona tsita naituta Tiberias pucua itapatha. Poxonae pijimona tsita naituta poxonae apara iche: <sup>2</sup> Jesús pijimona tatsi nacaetuta. Barapo matabuxuyobe meje: Simón Pedro, iru Tomás pon icha wun Gemelo, iru Natanael Caná tomarapin, po tomara eca Galilea nacuatha, iru xan, Juan, iru taeweicho xua Zebedeo pexantobe tatsi panbe, iru ichunberu. Daxita barapo matabuxuyobe pan panacaetutan Tiberias pucua itapatha. <sup>3</sup> Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonae jeratha daxita panonobabiyan. Ichitha barapo merawitha jopa duwei pataeinyo, bequein payamonan. <sup>4</sup> Poxonae baya pentha tsina, Jesús pana tsita naituta pitapathiya, tuwatha payana nubendenan. Ichitha paxan jopa payaitaeinyo xua bapon apara Jesús. <sup>5</sup> Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

<sup>6</sup> Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonae pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaewa, poxoru pin duwei tunto pacapirenan. <sup>7</sup> Nexata xan, Juan, ponxaein bichocono Jesús neantobe, Simón Pedro baran, janje:

—Apara bapon Jesús, pon Wanacanamataxeinaein, jan.

Poxonae Simón Pedro nejume taeba, bapoxonae paparuwa xua nama xuenabota nainya yacuinaya nama xatataba. Bapoxonae mene weitata jopiya. <sup>8</sup> Ichitha paxan pomonae jopa paraichinyo jeratha pajebounan. Barapo jera be conotha taju tuwatha berucuaena saya cien metrobe xeina. Bewayo pajeboundenan tsipei peyacamonaewa mentha yawa ducuapona pin duwei tunto. <sup>9</sup> Poxonae jera wepanonobabiyan, bapoxonae isoto patan xua barapo isototha duwein yutaboya yawano xua pan boquiya. <sup>10</sup> Jesús pana barai, jeye:

—Painta xawena duwei xuaunxuae pacaebouname, pana jei.

<sup>11</sup> Simón Pedro jeratha nontabiya. Yawa taetabo itapa bejutabotsina peyamonaewa xua bichocono wanca duwei. Ciento cincuenta y tres po duwei matabuxumonaebe. Bequein duwei bichocono wanca daichitha jopa ucupanaiyo peyacamonaewa. <sup>12</sup> Nexata Jesús pana barai, jeye:

—Antha matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon apara pon Patatanecanamataxeinaein. <sup>13</sup> Bapoxonae Jesús isoto bepoinya pepichinexa pan. Bapoxonae pana necatsiba yawa duwei pana necatsiba.

<sup>14</sup> Baxua exana poxonae nama acoibi po cuiyobe xua Jesús pana netsita naituta xua poxonae equeicha asu popona petapae cuiru coyene weya.

*Meje yabara poxonae Jesús baru cueicueijejei Simón Pedro*

<sup>15</sup> Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamona tana nejume cowantsiwi yawende, icha pon ovejaxi pe-eenaein ichi xua yawena ovejaxi, jei Jesús.

<sup>16</sup> Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamonaе tana nejume cowantsiwi yawende, icha pon ovejamonaе pe-eenaеin ichi xua yawena ovejamonaе, jei Jesús.

<sup>17</sup> Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro jantx coylene wecoyei yaitama Jesús yainyaba acoibi po jume cuiyobetha. Pedro jeye Jesustha:

—Tanecanamataxeinaem, bayatha caena daxita yaputaibame. Matautano yaputanemeno xua tacaantobewatsi, jei Pedro.

Jesús jume nota, jeye:

—Icha neantobem, inta tamonaе pomonaе tana nejume cowantsiwi yawende, icha pon ovejamonaе pe-eenaеin ichi xua yawena ovejamonaе. <sup>18</sup> Xaniyan catsipaebatsi poxonaе matha cataunxuae pewowim jinya paparuwa bara jincoutha namaxatabeibame. Matautano matha bara poneibame xua ichaxota ba ichichipa neponaewa. Ichitha poxonaе perum tsane, ichamonaе camaxx cabiya yotsina. Ichxn paparuwa cama xatatsina. Ichamonaе camaxx caponaena ichaxota jopa ichipaem xua neponaewa, jei Jesús.

<sup>19</sup> Poxonaе Jesús baxua paeba Pedro wunaе tsiwanaya cui yaputane exainchi xua jiwi eta bichi tsane poxonaе Pedro hexubinchi. Matautano Jesús tsiwanaya cui yaputane exana xua jiwi Nacom wunaе jainchinchu xua poxonaе jiwi taena xua po coylene cuirutha xua poxonaе Pedro tupaena peexanaexae pocotsiwa Nacom itoroba. Bapoxonaе Jesús jeye Pedrotha:

—¡Bara ataya yacuiya poponare xua tamonaе jitom! jei Jesús.

*Meje yabara poxonaе Jesús neyabara paeba ponxaein xua Jesús bichono neantobe*

<sup>20</sup> Poxonaе Pedro napatomeicha necota, bapoxonaе netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonaе matha jan: “Tanecanamataxeinaem, ¿jintam pon cacaenaeta-paeba?” ponxaein matha jan. <sup>21</sup> Poxonaе Pedro netane, bapoxonaе jeye Jesustha:

—Tanecanamataxeinaem, ¿incane ponje tsaneru? jei Pedro.

<sup>22</sup> Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asu poponaena beya poxonaе xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coylene xua tamonaе jitom, jei Jesús.

<sup>23</sup> Daxota Jesús pijimonaе tatsi, barapomonaе neyabara tsiwun capana pijimonaetha xua xan jopa tatupaewa tsane. Ichitha Jesús jopa paebiyo xua jopa tatupaewa tsane. Saya apara jei: “Icha xan tacoutha ichichipan xua bapon bara ataya asu poponaena beya poxonaе xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

<sup>24</sup> Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Matauta barapo diborothe xan apara tinan, pon Juan tsocuaein. Bara paichim daxita xua xuan tinan payaputanemera xua baxuan apara bara pexainyeiwan.

<sup>25</sup> Awiya cui yapu seica xua tayabara tinaewa pocotsiwa Jesús daxita exana. Icha daxita diwesi tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canapaetsipaetsi.

Baja Juan.

## Po Coyenein Jesucristo Pia Peitorobiwi Tatsi Pexeinya Coyenein Exana

*Meje yabara xua Lucas yabara tina xua Nacom yabara tsiwuna muxu duta xua itorobina jiwitha pia Pejumoƿe t̃nax̃ tatsi.*

<sup>1</sup> Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesitha yabara catsipaeƿatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, matautano xua pecuidubiƿano, xua beya yacui weraweracanaya po mataqueitha poxonae athabe juinya. <sup>2</sup> Poxonae peƿunaeya tsane xua Jesús athabe icha, matha pia peitorobiwi itapeta. Jesús cuiduba barapomonae xua Nacom pia Pejumoƿe t̃nax̃ tatsi pia peayarus̃watha tatsi. Jesús cata barapomonae po coyenewan xua Jesús petaxanaenexa tsainchi. <sup>3</sup> Poxonae Jesús equeicha as̃, poxonae bequein t̃pa, ƿapoxonae Jesús tsita naitata barapomonaetha. Cuarenta po matabibetha Jesús tsita naitaba ducunaebiya barapomonae. Petsita naitaba ducunaebiyaexa pijimonae, barapoxonae pijimonae yaputainchi xua xaniƿaicha bara pet̃paein equeicha as̃. Jesús barapo pia peitorobiwi yabara cuiduba po coyene Nacom waba jiwi petanaexanaenexatsi pijimonae pomonae itorobiya peewatsixae.

<sup>4</sup> Poxonae cataunxuae awiya Jesús pia peitorobiwi bar̃ nacaetuta ducunaebiya, Jesús barai, jeye:

—Ab̃ jopa paponaeinde Jerusalén tomara weya. Paeware xua Nacom Taxa bayatha yabara paca tsiwuna muxu duta. Taxa namchi: ‘Tajumoƿe t̃nax̃ itorobicaein’, jei. Baraxua bayatha paca tsipaeƿatsi. <sup>5</sup> Barapon Juan bautisaba ƿ meratha. Ichitha tsiwiyo bayiyo bexa tsane Nacom pia Pejumoƿe t̃nax̃ tatsi paca bautisabina. Pacata patsina Nacom pia Pejumoƿe t̃nax̃ tatsi painya paca bar̃ poponaenexa tsane, jei Jesús pijimonaetha.

*Meje yabara poxonae Jesús athabe icha*

<sup>6</sup> Poxonae Jesús pia peitorobiwi bar̃ nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimonae.

<sup>7</sup> Jesús jume nota pijimonae, jeye:

—Paxam jopa paca itac̃paeyo xua painya neyaputaewa po dapae poxonae Nacom peexanaewa tsane baxua, matautano xua po mataqueitha poxonae peexanaewa tsane. Saya meisa Taxa xeina peayarus̃ itorobi coyenewa, po peayarus̃ itorobi coyenewatha xua peexanaewa baxua. <sup>8</sup> Poxonae Nacom pia Pejumoƿe t̃nax̃ tatsi pacata patsina painya nepaca bar̃ poponaenexa xua ƿapoxonae peayarus̃watha painya nexenaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya taj̃ nacuantha, jei Jesús.

<sup>9</sup> Poxonae Jesús baxua najume weta, Jesús athabe caichatsi Nacom. Jesús pia peitorobiwi taeumeinyatsi. Barapomonae tsaquinaebowa tane xua Jesús matawacaicha duneicatsi. Equeicha Jesús jopa taetsi. <sup>10</sup> Poxonae awiya came barapomonae necotumeinya itaboco, barapomonae jemeicha caquita umenar̃c̃patsi pon xua nacueyatabe, ponbe xua pe-mainya paparuwa penama xatatsinbe. <sup>11</sup> Baraponbe Jesús pijimonae tatsi baraichi, jeye:

—Ja, pomonae Galilea nacuapiwi pam, ¿eta xua metha came awiya paitaboco necotumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi jeta coyeneya ichi tsane ichaunxuae aunxuae icha ichi, poxonae athabe icha.

*Meje yabara poxonae Jesús pia peitorobi jiwi tatsi Matías itapetatsi Judas pecoutha petanacuichiwa tsainchi*

<sup>12</sup> Barapoxonae Jesús pia peitorobi jiwi tatsi demxuwa weiyiya po demxuwa peƿun Olivo demxuwa xua Jerusalén tomara be-iyiya. Poxoru Jerusalén tomara imoxoyo daxota barapomonae itac̃patsi xua peponaewa Jerusalén tomara beya demxuwa weya bequein bara judiomonae pia pentaquei seicae matabi tatsi saya poxoru Moisés pia peitorobi coyenewatha baxua peyabara copatsixae. <sup>13</sup> Poxonae Jesús pia peitorobiwi tatsi pareca Jerusalén tomaratha, athabe juinya po tututha athawetsica jinompa. Baraxota jinompa Jesús pia peitorobiwi tatsi peƿun Pedro, ir̃ Juan, ir̃ Santiago, ir̃ Andrés, ir̃ Felipe, ir̃ Tomás, ir̃ Bartolomé, ir̃ Mateo. Ir̃ popona ich̃n Santiago pon Alfeo pexanto tatsi. Ir̃

popona ichun pon pewun Simón. Barapon Simón celotemonae jiwapanin. Barapo celotemonae pomonae ba ichichipa xua pexeinaewa barompaya pia pecanamataxeinaeinchi. Iru popona ichun pon pewun Judas pon Santiago pexanto tatsi. <sup>14</sup> Daxita barapomonae iru Jesús peyapin jiwi tatsi baru nacaetuteibatsi, xua pebaru tsipaebibinexatsi Nacomtha. Iru Jesús pena tatsi, bapowa María, iru ichowaxi yabaxi baru nacaetuteibatsi xua pebaru tsipaebibinexatsi Nacomtha.

<sup>15</sup> Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye: <sup>16</sup> “Tamonae pam, pomonae iru painya nejume cowantsiwi xae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueijejei exanatsi Nacom pia Pejumope tñaxu tatsi xua Judas cui coyene caunutatsi xua pinae Jesús waetabinchi pomonae Judas matacapona. <sup>17</sup> Bara Judas yatsicaya pata jiton petain pana naba ru nacuitan barapo penacuichiwa. <sup>18</sup> Poxonae Judas Jesús caenetatsi, sacerdotemonae pia pentacaponae tatsi Judas catatsi paratixi. Pirapae sacerdotemonae pia pentacaponae tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, unu pichatecatsino abe peexanaexae. <sup>19</sup> Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wun duta po wun jei: ‘Acéldama ira’, jei. Barapo jume, barapomonae pijumetha xua jei: ‘Pejana ira’, jei”, jei Pedro. <sup>20</sup> Equeicha Pedro barai barapomonae pomonae pejume cowantsiwi, jeye: “Salmos penaxanae wei diwesitha Judas petupaexae yabara paeba, jeye:

‘Pia bo tatsi tausaya bo tauncuaeinchi.

Jopa ichun ecae tsane baxota’, jei.

Matautano namchino:

‘Equeicha pecoutha tanacuitinchi ichun’,

jei Salmos penaxanae wei diwesitha,

xua Judas yabara”, jei Pedro.

<sup>21</sup> Nexata Pedro equeicha namchi, jeye: “Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanamataxeinaein pana nebaru jinompa daxita pan. <sup>22</sup> Barapo pebiwi taneno xua Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducuaenaebiya pocotsiwa xua pewanaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna cueicueijejei tsane xua po coyene Jesús equeicha asu pepoponaewa”, jei Pedro barapo pejume cowantsi jiwitha.

<sup>23</sup> Barapomonae pomonae pejume cowantsi jiwi najiwana itapeta ayunbe. Ichun pewun José Barsabás, pon icha wun Justo. Iru ichun pewun Matías. <sup>24</sup> Nexata barapomonae Jesús athabeicha tsipaebatsi, jeye: “Nacom, pon jiwi Necanamataxeinaem. Daxita jiwi nejuntu coyene yaputaein. ¿Incane methara ponbe jiwana pon xua ichichipamera, pon xua cuita itapeta ichichipame? <sup>25</sup> Barapon iru penaexanaexa jinya neitorobi jiton pon xuya Judas pecoutha petanacuichinexatsi. Judas tupa nacabeta abe peexanaexae. Judas pona ichaxota po nacutha jopa nacoicha duntsiyo isoto”, jei barapomonae.

<sup>26</sup> Nexata barapomonae wun jiyatabaxuba ibotiyoibe. Nexata saya Matías wun naitutaraba. Daxota bapon Matías itapeta cuita wabatsi. Matías once pomonaeyobetha napona pomonae Jesús pia peitorobi jiwi tatsi.

## 2

*Meje yabara poxonae Nacom pia Pejumope tñaxu tatsi patopeica pomonaetha pomonae Nacom pejume cowantsiwi*

<sup>1</sup> Pentecostés matacabi tsuxubi, po mataqueitha xua poxonae jiwi tsinacaetuteiba penabanaexa pexaewa peyabara nanta xeinaexae xua pexaewa naweta. Barapo matacabitha daxita pomonae Jesús pejume cowantsiwi bara cae botha nacaetuta. <sup>2</sup> Barapo mataqueitha barapomonae busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canaapa ichaxota barapomonae nacaetuta. <sup>3</sup> Barapoxonae barapomonae tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonae jajayababa tsiniya taenatsi. <sup>4</sup> Barapoxonae daxita carepaya barapomonae juntu coyene yucatsi Nacom pia Pejumope tñaxu tatsi pia peayapusu itorobi coyenewa tatsi. Matautano daxita barapomonae barompaya tsanaya icha jumeintha cueicueijejei xua

be po jumetha Nacom pia Pejumope t̃nax̃u tatsi cueicueijeji cana exana barapomonae po jumein xua jopa yaputaeyo.

<sup>5</sup> Barapo matakabintha, ir̃u pinmonae judiomonae pata Jerusalén tomaratha, po judiomonae i dapocotsi nacuan werena peponaewi xua penataenexa Pentecostés w̃n matacabi poxonae tsinacaetuta pexaewa penabanaenexa. Barapomonae bichocono pejume cow̃ntsiwi Nacom. <sup>6</sup> Barapo ayei bicheitomonae pomonae judiomonae barapomonae busi tane xua po busi, busi duneica ichaxota nacaetuta pomonae barapon Jesús pia pejume cow̃ntsiwichi tatsi. Barapo judiomonae jume tane xua daxita barapomonae barompaya pia jumexitha cueicueijeji xua judiomonae pia pejume tatsi. Bapoxonae barapomonae nanacaetuta Jesús pejume cow̃ntsiwitha. Barapomonae pomonae judiomonae naj̃nt̃u coyene cabenaeca. Yawa jopa yaputaeyo xua peyabara nanta xeinaewa baraxua tsipei daxita barapomonae pomonae Jesús pejume cow̃ntsiwichi barompaya judiomonae pijumexitha tatsi cueicueijeji. <sup>7</sup> Daxita barapomonae pomonae judiomonae naj̃nt̃u coyene cabenaeca. Nantiya caemonae natsipaeba, jeye:

—j̃ina, bara barapomonae Galilea nacuapiwiba, pomonae bequein barapomonae jopa icha jumeintha pecueicueijeji jiwi xua wajumeintha pecueicueijejiwa! <sup>8</sup> ¿Eta pocotsiwa barapomonae metha daxita barompaya tsanaya icha jumeintha cueicueijeji xua wajumeintha? <sup>9</sup> Xote jinompa Partia nacuapiwi ir̃u Media nacuapiwiba, ir̃u Elam nacuapiwiba. Barichi xote jinompe Mesopotamia nacuapiwi, ir̃u Judea nacuapiwiba, ir̃u Capadocia nacuapiwiba, ir̃u Ponto nacuapiwiba, ir̃u Asia nacuapiwiba. <sup>10</sup> Mataantano barichi xote jinompa Frigia nacuapiwi, ir̃u Panfilia nacuapiwiba, ir̃u Egipto nacuapiwiba, ir̃u Libia nacuapiwiba pomonae jinompa imoxoyo Cirene nacua. Mataantano ichamonae pata pomonae Roma tomarapiwi. <sup>11</sup> Barapo Roma tomarapiwi icha judiomonae pepa judiomonae xua yacui naexana. Icha judiomonae jopa pepa judiomonaeyo. Saya judiomonae penaexanaewi, tsipei barapomonae jume cow̃nta Nacom icha be judiomonae ichi pomonae pepa judiomonae. Ir̃u pata ichamonae Creta nacuapiwi, ir̃u Arabia nacuapiwiba. Ichitha daxita waxainchi jume tainchi xua Nacom pew̃naewan exana peayapus̃watha, poxoru barapo Jesús pijimonae tatsi wajumeintha paeba, jei barapo judiomonae.

<sup>12</sup> Daxita barapo judiomonae naj̃nt̃u coyene cabenaeca. Daxota barapomonae jopa xaniwaicha yabara nanta xeinaeyo baxua. Barapomonae caemonae nayainyabiya, jeye:

—¿Eta pocotsiwa metha baxua jane? jei. <sup>13</sup> Ichamonae saya jume cui capana. Barapomonae namchi, jeye:

—j̃Apara barapomonae Jesús pijimonae tatsi c̃patsi! jei.

*Meje yabara poxonae xua Pedro tsipaeba barapomonae*

<sup>14</sup> Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Mataantano nontapona pepa bicheito itabaratha tatsi. Pedro jume daunweya barai barapo bicheitho, jeye: “Paxam, pomonae Judea nacuapiwi pamxaem ir̃u daxita pomonae Jerusalén tomarapiwi pamxaem, incane pana nejume taema, yabara paca tsipaebinchi xuaunxuae pajume taneme. <sup>15</sup> Barapo pebiwe xua Jesús pijimonae tatsi apara jopa c̃paetsi xuaunxuae pacui yabara nanta xeiname. Apara awiya xometo caewa ecareca. Cataunxuae apara baya daxota jopa c̃paetsi. <sup>16</sup> Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiwunae muxu duta pon pew̃n Joel. Joel baraxua Nacom Pejume Diwesitha tina xua saya tatina, xua pinae Nacom paeba.

<sup>17</sup> Jeyei Nacom:

‘Poxonae barapo cae pin nacuathe po matakabi opi weraweracaena, bapoxonae barapo matakabitha daxita carepaya jiwitha najumope t̃nax̃u cayataxubiya catsibin. Painya nexanto jiwi ir̃u painya nexantixi neyabara cueicueijeji tsane pocotsiwa xua yaputane exanan. Pewowi yatsicaya tsita naitateibinchi be poxonae camaiteibina.

Pitiri jiwi camaiteibina poxonae amachinae tsane.

<sup>18</sup> Pomonae xua amanaya neyabara diwesi canantsipaebina, barapomonaethano najumope catsibin barapo matakabitha, yab̃xithano, pebiwithano. Barapoxonae inta cueicueijeji tsane.

<sup>19</sup> Peitabocotha paca tsita it̃tsinchi po coyenein

bichocono pewnaewan xua jiwi bichocono najntu coyene cabenaeca exanatsi.

Iratha tsicano paca tsita itatsinchi po coyenein xua jopa juniya be pejana tsurucuae tsane, xuano xua jopa juniya be isoto tsurucuae tsane, xuano xua jopa juniya be nobo tsxu tsurucuae tsane.

<sup>20</sup> Poxonae patopaetsica pon jiwi Pecanamataxeinaein copiya baraxue panecotsiname xua xometo quiri jei tsane, jopa pentha tsurucuae tsane. Yawa panecotsiname xua jomocoichato be janowa ducuaena.

Barapo matacabi wnae tsane poxonae pon jiwi Pecanamataxeinaein patopaetsica.

Barapo matacabi Nacom pepa peitupanae matacabi exanaena.

<sup>21</sup> Pomonae picoya penata wnaewa Nacomtha xua Nacom peyawenaenexa tsainchi, barapomonae capanenebiya tsainchi Nacom', jei Joel xua saya Nacom tapaebatsi", jei Pedro.

<sup>22</sup> Equeicha Pedro barai barapomonae jeye: "Pomonae Israel nacuapiwi pamxaem, incane pana nejume taema, xua paca tsipaebinchi. Jesús, pon Nazaret tomarapinxae bapon Nacom itoroba painya xantha. Bapon Jesús pewnaewan exana pexeinya petsita itatsi coyenewanno Nacom pia peayapusawatha tatsi, painya neyaputaenexa tsane xua Nacom yawena xua Jesús peyawenaewatsi. Paxam bayatha payaputaneme xua bapon tsita naituba ducuaanebiya. <sup>23</sup> Bayatha Nacom paca cui wnae tsiwanaya tane xua po coyeneya pata exanaename pexantotha tatsi. Nacom bara paca cui copata xua abe paexaname. Jesús pawaetabame painya caenaetsinexa tsane bapon peacui be jiwitha. Barapomonae Jesús cobe matabobatsi naetotha yawa bexotsi. <sup>24</sup> Ichitha equeicha Nacom asu exana pexanto petupae cuiru nacua weya. Nacom Pexanto capanepa pia peantayapusawatha barapo petupae cuiru nacua weya, tsipei barapo petupae cuiru nacua jopa xeinaeyo peayapusawa xua Jesús awiya pebotsiwatsi barapo petupae cuiru nacua. <sup>25</sup> Iru David, Israel nacuapiwi itorobiya pia pepa peewatsinchi, caena bayatha tina Nacom Pejume Diwesitha. David tina Jesús jume yabara tatsi. David namchi, jeye:

"Yaputan xua Tanecanamataxeinaein nebaru poponeiba daxita matacabi.

Bapon neyaweneiba.

Bapon nebaru poponeiba daxota

jopa junuwin tsane.

<sup>26</sup> Daxota bichocono juntu coyene weiweinan.

Matautano daxota Nacom Pejume Diwesi

juntu coyene weiweinaya

cueicueijan ichamonaetha.

Bara bequein tupaen, muthutha bocuaeinno, ichitha jume cowantan xua Nacom equeicha asu neexanaena pia peantayapusawatha.

<sup>27</sup> Xam Nacom jopa punaxubim tsane tajumope petupae cuiru cuariyatha.

Poxoru xan jinya nexanton tajuntu cui

xanepanaein daxota jopa benecopatsim

xua tatupaen tuxamnuncuaen,

yawa xua tsabanuncuaen.

<sup>28</sup> Neita cui tsita itabame beta xaniwaicha tapoponaenexa tsane poxonae equeicha asu neexanaename petupae cuiru nacua weya.

Nejuntu coyene weiweina exaname tsipei

neyanta poponeibame", jei David

xua saya Jesús tapaebatsi", jei Pedro.

<sup>29</sup> Equeicha Pedro barai barapomonae, jeye: "Tamonae, daxota beta paca tsipaebatsi xua pinae David wamo susato nacupin bayatha pinae tupa. Piamonae muthutha xotsi. Awiya waxantha boca barapo muthu ichaxota petupaen muthutha xotsi. <sup>30</sup> Apra, barapon

David, pinae Nacom peitorobi jume pepaebin. Bayatha pinae David nacana wɔnae tsiwanaya muxu tsidutatsi Nacom, xua pinae David pijimonaе tatsi jiwana pon jiwi Pecanamataxeinaein tatsi naexanaena. Barapon pon Pecanamataxeinaein jiwi Israel nacuapiwi canamataxeinaeinchi icha cain bayatha David ichi poxonae canamataxeina barapo Israel nacuamonaе. <sup>31</sup> Bayatha pinae David yabara tsiwɔnae muxu duta xua bexa tsane Nacom Mesías equeicha asɔ exanaeinchi. Nacom Pexanto tatsi pon David yabara jume jei, apara bapon Mesías. David namchi xua Mesías jeyei xua saya pinae David tapaeba: ‘Xam Nacom jopa punaxubim tsane tajumope petɔpae cuiru cuariyatha. Poxoru xan jinya nexanton tajuntɔ cui xanepanaein, daxota jopa benecopatsim xua tatɔpaein tuxamnuncuaein yawa xua tsabanuncuaein’, jei David xua Mesías jeyei. <sup>32</sup> Pon Mesías, pon xuaunxuae yabara paca tsipaebatsi apara bapon Jesús pon Nacom equeicha asɔ exana. Baraxua paxan yatsicaewa pata cui taewi. <sup>33</sup> Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaein exanatsi Nacom. Matautano Jesús nacana jumope catatsi, Nacom. Barichi baxua xuaunxuae pataneme yawa pana nejume tanemene xua daxita carepaya barompaya icha jumexitha pacueicueijan, baraxua Nacom pia Pejumope tɔnaxɔ tatsi pana cata. <sup>34</sup> Poxoru David saya tɔpa, jopa athabe ichiyo, icha be jopa Jesús ichiyo poxonae athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye:

‘Nacom, Tanecanamataxeinaein baraichi.

Tacoxatha weya ecare.

<sup>35</sup> Abɔ beya poxonae matapainya necaaitafaetabi jiwi

pia Pecanamataxeinaein tatsi caexanaeinchi.

Barapomonaе beexanaetsipa pocotsiwa xua xam

nepaebiwam’, jeye pinae Nacom xua Mesías

tsipaebatsi, jei David Nacom nexa”, jei Pedro.

<sup>36</sup> Equeicha Pedro namchi barapomonaetha: “Paxam, pomonaе Israel nacuapiwi pamx-aem. Anoxuae payaputaneme pon xua naetotha tɔparucua peaxaname, Nacom exana xua bapon jiwi pia Pecanamataxeinaein tatsi naexana. Yawano Nacom naca itata caewata xua pon Mesías jei, pon Nacom itorobica petsitɔpaenexa jiwi, apara bapon Jesús”, jei Pedro.

<sup>37</sup> Poxonae daxita carepaya barapomonaе baxua jume taerɔcɔpa bichocono juntɔ coyene wecoyеi tsɔrɔcɔpae. Barapomonaе Pedro baraichi irɔ Jesús pia peitorobi jiwi tatsi baraichi, jeye:

—Patamonaе, ζeta bewa pabichin tsane metha? jei.

<sup>38</sup> Nexata Pedro barapomonaе barai, jeye:

—Icha juntɔ coyene paxeinare Nacomtha painya neauraxae xua abe peaxaname. Matautano daxita carepaya pam ichamonaе paca bautisabina Jesucristo pewantha xua Nacom pia paca necayabara juntemainaenexa xua abe painya neexanaе cuiru coyenein. Barapoxonae Nacom paca nacana jumope catsibina. <sup>39</sup> Barapo peyabara tsiwɔnae muxu dutsiwa apara paxam nexa, irɔ muxuna daxita painya pexui nexano. Matautano pomonaе tajɔ beya jinompa irɔ barapomonaе nexa. Barichi Nacom pon Wanacanamataxeinaeinxae, pomonaе waba peantobexae barapomonaе irɔ nexa, jei Pedro.

<sup>40</sup> Barapo jumeintha yawa icha jumeintha Pedro tsipaeba barapomonaе. Matautano Pedro bichocono muxuweta poxonae jeye:

—Po coyenein xua daxita abe peexanaе cuiru coyenein paexaneibame, barapo coyenein pana nacui barapende, po coyenein xua daxita carepaya jiwi exaneiba, jei Pedro.

<sup>41</sup> Po matacabitha poxonae Pedro paeba baxua barapo matacabitha pomonaе jume cowanta xua Pedro paeba barapomonaе bautisabatsi. Barapo matacabitha tres mil po bicheito jiwimonaеbe naexana xua pomonaе copiya pomonaе Nacom pejume cowantsiwixaetsi barapomonaе mataropeicha pinmonaе naexanatsi. <sup>42</sup> Barapomonaе nacuiduba nawita, xua Jesucristo pia peitorobi jiwi tatsi paeba. Barapomonaе nacana cui nanta jɔpaya jinompa. Nacomtha nabarɔ tsipaеbeibano. Nabarɔ nacaetuteibano xua penabarɔ epa janaqueibinexa pan xua penabarɔ xaibinexa. Barapomonaе baxua exana dubenanaebiya xua Jesucristo peyabara nanta xeina dubenanaebiyaenexatsi po coyene xua Jesucristo bayatha icha ichi xua poxonae pan epa janaca.

*Meje yabara po coyeneya xua jinompa pomonaе copiya Jesús pejume cowantsiwi*

<sup>43</sup> Jesucristo pia peitorobiwi tatsi, barapomonaе pexeinya petsita itatsi coyenewan exana nawita Nacom pia peayapusɔwatha tatsi. Daxota pomonaе jopa Jesucristo pejume cowantsiwichi, daxita barapomonaе junuwa, Nacom cunuwatsi poxonae cui tane baxuan.

<sup>44</sup> Daxita barapomonaе, pomonaе Jesús pejume cowantsixaetsi, barapomonaе xaniwaicha caemonaе peburɔya nabarɔ jinompa. Matautano barapomonaе caemonaе nantiya nacat-siba dubenanaebiya pichiwi xi pocotsiwan xua xeina. <sup>45</sup> Matautano barapomonaе daxitan

pocotsiwan xua xeina caenaeta dubenanaebiya. Bapoxonae barapo paratixi nata tsaba dubenanaebiya xua jopa pexeinaexae ichamonae xua icha be pocotsi coyeneya pocotsiwan canantawenona ichamonae. <sup>46</sup> Daxita carepaya barapomonae nabaru nacaetuta dubenanaebiya Nacom pin pia botha. Matautano pia boxitha nabaru nacaetuta dubenanaebiya pan nabaru epa nantaruba janaquiya exana dubenanaebiya. Juntema nabaru juntu coyene weiweinaeya xerubenanaebiya. <sup>47</sup> Daxita barapomonae carepaya Nacom wunae jainta dubenanaebiya. Matautano barapomonae baru cui itura jinatsi ichamonae beta peexanaexae. Daxita matakabi tsaiibi pomonae Nacom pejume cowantsiwiwaetsi barapomonae Nacom cana exana xua mataropeicha pinmonae tsoponae tsaiibi.

### 3

*Meje yabara poxonae pon pejayuyajujei jiton equeicha cui jume exanatsi*

<sup>1</sup> Caentaqueitha quiripitha poxonae tres po horabe tsuxubi po horatha poxonae jiwi ba poneiba Nacom pin pia botha xua petsipaebeibinexa Nacomtha bapoxonae Pedro iru Juan Nacom pin pia botha joniya. <sup>2</sup> Barapo bo Nacom pin pia bo tatsi icha coiboto jiwi wun duta, jeje: “Pexeinya coiboto”, jei. Barapo coibototha daxita matakabi tsaiibi pebin cuareteibatsi pon pejayuyajujei jiton xua yawa naexana poxonae pexuyo. Daxota bapon baxota cuareteibatsi xua pewaquequeibinexa pomonaetha pomonae jojoneibiya barapo coiboto iya. <sup>3</sup> Pon pejayuyajujei jiton wuca paratixi poxonae Pedro iru Juan tainchibe xua muxu pejoniyaebe barapo coiboto iya. <sup>4</sup> Nexata Pedro iru Juan tanebe bapon. Pedro barai bapontha, jeje:

—Incane pana taemabe, jei Pedro.

<sup>5</sup> Nexata necota bapon. Nanta xeinataba xua catinchi paratixi. <sup>6</sup> Ichitha Pedro barai bapontha, jeje:

—Canta jopa xeinaeinyo paratixi. Matautano jopa xeinaeinyo pocotsiwa oro nain matawun. Meisa po coyenewa xua taxainaewa baxua cacatinchi. Jesucristo, Nazaret tomarapin wuntha cabaraichi, asiya uncuatabare yawa pondeno, jei Pedro.

<sup>7</sup> Nexata Pedro pocotsiwa pecoxa cobe pita. Yawa asiya cuaranotano. Bapoxonae nainya beta taxuyawere daunweya ducuanaya. Pesitano wunae tsanayano. <sup>8</sup> Nexata bapon pon pejayuyajujei jiton jirawana. Asiya uncuatabano. Ponano. Bapoxonae Pedro iru Juan puna joniyaetsibe bapon, Nacom pin pia botha. Jirajirawiya ponano. Yawano Nacom wunae jaintatsi. <sup>9</sup> Nexata daxita pomonae xua Nacom pin pia bo tututha peenaexae, tainchi pon pejayuyajujei jitonxae xua pona, yawano xua Nacom wunae jaintatsino. <sup>10</sup> Barapomonae daxita carepaya najuntu coyene cabenaecaeya tane, tsipei barapomonae bayatha cui tane xua bapon amanaya jiwi wunquequeiba paratixi pecoibototha, po coiboto pewun “Pexeinya coiboto”, jei.

*Meje yabara poxonae Pedro diwesi paeba Nacom pin pia botha po tututha pewun Salomón bo wun tututha*

<sup>11</sup> Poxonae pejayuyajujei jiton awiwa maxu waetabatsibe Pedro Juanno bapoxonae irun daxita jiwi najuntu coyene cabenaecaeya cuinaenouta Nacom pin pia botha xua tututha po tututha Salomón bo wun tututha ichaxota Pedro baru jinoma. <sup>12</sup> Poxonae Pedro barapomonae caetaebiya, Pedro barai: “Ja, pomonae Israel nacuamonaepiwi pamxaem, zeta xua metha daxita paxam pana najuntu coyene cabenaecaeya taneme baxua? zPana neyabara nanta xeinamebe xua pata taayapusuwatha paaxaibi exananbe pejayuyajujei jiton? zMatautano pana neyabara nanta xeinamebe poxoru Nacom pajume cowuntanbe daxota pon pejayuyajujei jiton axaibi? <sup>13</sup> Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apra bapon baxua taexana Nacom. Bapon Nacom Pexanto bichocono ainya cui cana exana poxonae pexanto asu exana petypae cuiru coyene weya. Bapon apra Jesús pon pacaenaetame pomonaetha pomonae pentacaponawewi, pon bepa bequein isanaxubei Pilato poxonae paxam jopa pacopatsim xua bapon peisanaxubiwa. <sup>14</sup> Bapon pon bichocono pejuntu coyene xanepanaein xua jopa xeinaeyo penatsicuentiwa xua abe peexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa pawucame xua Pilato peisanaxubiwa ichun pon jiwi pejutebeibin pon Barrabás. <sup>15</sup> Poxonae baxua paexaname barapara Jesús pabexubame. Bapon Jesús pon jiwi cana exanatsi xua jiwi ajuntuayapusuya pejinompaewa. Bapon Jesús Nacom equeicha asu exana petypae cuiru coyene weya. Bara baxua yatsicaya pacui tan daxita. <sup>16</sup> Po jume wun peayapusu wun, bapo wun Jesús pia wun. Daxota pejayuyajujei jiton barapo jume wuntha axaibi exanatsi. Barapon pataneme xua axaibi, tsipei bapon jume nanta pitabiya jume cowunta barapo peayapusu jume wun. Daxota barapon painya itabaratha axaibi tsuxubi poxoru jume cowunta Jesús”, jei Pedro.



<sup>17</sup> Equeicha Pedro jeye: “Tamonae yaputan xua jopa payabara yaputaem xua paexaname poxonae Jesús pabexubame. Barichi painya pentacaponawino jopa yabara yaputaeyo xua baxua exana. <sup>18</sup> Nacom peitorobi jume pepaebiwi bayatha Mesías yabara tsiwana paebatsi. Barapomonae paeba, jeye: ‘Bexa tsane Mesías bexubinchi’, jei. Nacom bara nacui yabara jume weta baxua xua bayatha Nacom peitorobi jume pepaebiwi paeba. <sup>19</sup> Daxota icha juntu coyene paxeinare Nacomtha painya neauraxae xua abe paexaname. Yawa pajume cowande painya nepaca cayabara juntemainaenexa abe painya neexanae cuiuru coyenein. Yawa Nacom pawncare xua paca juntu coyene xanepana exanaena. Bapoxonae Nacom paca juntu coyene ayapusua exanaena. <sup>20</sup> Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiuru coyenein weya. <sup>21</sup> Cataunxuae abũ Jesucristo equiya Nacom pia nacuatheicha tatsi. Equeicha bapon patopaetsica poxonae Nacom wnae exanaena daxitan, be pocotsi coyeneya bayatha Nacom peitorobi jume pepaebiwi paeba. <sup>22</sup> Barichi Moisés pata amo susato jiton namchi: ‘Painyamonae jiwana Nacom cana exanaena, pon Nacom pia peitorobi jume pepaebin tsecae tsane icha neichi. Pajume cowantsiya exande daxita pocotsiwa xua bapon paca tsi-paebina. <sup>23</sup> Daxita pomonae jopa jume cowantsiyo pocotsiwa bapon paeba, barapomonae Nacom weraweraca cana exanaena xua jopa penaexanaenexa Nacom pijimonae tatsi’, jeyei Moisés”, jei Pedro.

<sup>24</sup> Equeicha Pedro jeye: “Daxita Nacom peitorobi jume pepaebiwi irũ Samuel pon xua yatsicaya tabũ ducua, baraxua carepaya bapo diwesin yabara paeba barapo matacabin. <sup>25</sup> Barapo Nacom pia peyabara tsiwinae muxu dutsiwa po peyabara tsiwinae muxu dutsiwa Nacom tsiwinaeya muxu duta Nacom pia peitorobi jume pepaebiwi jiwitha, apara bara irũ paxam nexa. Baxua Nacom pena peyabara tsiwinae muxu dutsiwa Abraham yabara tsiwinae muxu dutatsi pon wamo susatopin xua xanepanaya painya nejinom-paenexa. Nacom Abraham baraichi, jeye: ‘Caein jinya nemomoxi susato jivi jiwana pin pepatopaexae tsane daxita i dapocotsi nacuanpiwi yawenaen’, jei Nacom Abrahamtha. <sup>26</sup> Poxonae Nacom Pexanto asũ exana petupa cuiuru coyene weya, bapoxonae copiya pacata itoroba painya xantha pia painya nepaca cayawenaenexa xua daxita paxam painya nenacui barapotsinexa abe painya neexanae cuiuru coyenein”, jei Pedro.

## 4

*Meje yabara poxonae Pedro irũ Juan cueicueijeji tsuncuaebe pomonae tomarapiwi pia pentacaponawewi tatsi peitabaratha tatsi*

<sup>1</sup> Poxonae cataunxuae Pedro irũ Juan cueicueijeibe barapomonaetha, bapoxonae sacerdotemonae pia pentacaponawewi tatsi pata. Irũ patopa pon soldadomonae pia pentacaponaein tatsi pon Nacom pin pia botha tatsi pe-eenaen. Yawa saduceomonaeno irũ pata baxota. <sup>2</sup> Barapomonae bichocono anaepana, yaitama Pedro Juanno paebabe xua po coyene Jesús petupaen equeicha asũ, xua pinae barichi jiwino poxonae tupa equeicha asũ. <sup>3</sup> Bara nexata Pedro Juanno waetabatsibe barapomonae. Jiwi pecubi botha capoinchibe. Barapo botha etatsibe tsipei quirei tsanaya xua beya poxonae yaitapenaena. <sup>4</sup> Pinmonae jume tane po diwesi Juan irũ Pedro paebabe, yawa jume cowantano barapo diwesi. Barapomonae irũ pomonae copiya jume cowanta caena bayatha, daxita barapomonae nexata daxita cinco mil bicheito tsuxubi xua saya pebiwi ununatsi.

<sup>5</sup> Icha mataqueitha judiomonae pia pentacaponawewi tatsi, irũ pitiri jivi, irũ pomonae jivi peuidubiwi Moisés pia peitorobi coyenewa tatsi, daxita barapomonae nacaetuta Jerusalén tomaratha. <sup>6</sup> Baxota irũ nanacaetuta Anás pon sacerdotemonae pia pepa pentacaponaein tatsi. Irũ nanacaetuta Caifás, Anás perobi. Irũ nanacaetuta Juan irũ Alejandro, ponbe Anás piamonae tatsi. Barichirũ nanacaetuta ichamonae pomonae sacerdotemonae pia pentacaponawewi tatsi barapomonae piamonae tatsi. <sup>7</sup> Bapoxonae ichamonae itoroba xua Pedro irũ Juan pecuaranotatsinexatsibe barapo penacaetutsiwi itabaratha. Yainyabatsibe, jeichibe:

—¿Jintam pia peayapusũ itorobi coyenewatha tatsi mataantano jintam pewantha tatsi axaibi paexanamebe? jeichichibe.

<sup>8</sup> Pedro bichocono juntu coyene yacatsi Nacom pia Pejumo pe tunaxa tatsi pia peayapusũ itorobi coyenewa tatsi. Pedro barapomonae jume nota, jeye:

—Pomonae tomarapiwi pia pentacaponae jivi pamxaem, irũ pomonae pitiri jivi pamxaem, pomonae Israel pijimonae tatsi pamxaem, daxita barapomonae pam paca tsipaebatsi. <sup>9</sup> Maisa yabara pana yainyabamebe xua po coyene pejayujayujei jiton axaibi xua painya neyaputaenexa xua eta po coyeneya xua paexananbe poxonae bapon axaibi exanatsi po coyene xua bichocono wnae. <sup>10</sup> Daxota paxanbe paca jume notatsi xua irũ

israelmonaepiwi peyaputaenexa po coyene xua pon pejayuyajujei jiton axaibi exanatsi poxonae pawɛn paeban Jesús pewɛn pon Nazaret tomarapin. Bapon Jesús, pon apara naetotha tɔparucua paexaname mataatano pon equeicha Nacom petɔpaein asɛ exana petɔpae cuiru coyene weya. <sup>11</sup> Bayatha Nacom Pejume Diwesitha tsiwanaya yabara paeba xua po coyeneya pacana exanaename Jesustha. Paxam be barapocotsimonae pam, be pocotsimonae xua ibo bo peacabiwi. Barapomonaе xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cuin xua Nacom ainya cui cana exana beyacaincha ichamonae. <sup>12</sup> Barapo cae pin nacuathe dapocotsin aibi pon capanepeiba jiwɛ. Saya meisa bapon Jesús capanepeiba jiwɛ. Ichɛn Nacom jopa nacata itorobiyo.

<sup>13</sup> Daxita tomarapiwi pia pentacaponaeawi tatsi yabara najuntɛ coyene cabenaeca xua Pedro Juanno jopa auriyobe xua atsaquiya paebabe. Tsipei barapomonaе pomonaе pentacaitorobi bicheito yaputane xua Pedro Juanno jopa nacuidubiyobe petinae botha mataatano xua baponbe jopa sapa pecui pawɛ jitonbe. Barichi barapo pentacaitorobi bicheito yaputaneno xua xaniwaicha apara baponbe ponbe napuna poponeibabe Jesustha. <sup>14</sup> Barapomonaе moya ena tsipei pon pejayuyajujei jiton Pedro Juanno axaibiya caquita uncuatsibe. Daxota barapomonaе Pedro Juanno jopa abe yabara paebichibe. <sup>15</sup> Pedro Juanno matha pesato beitorobiyatsibe. Barapomonaе natsipaeba. <sup>16</sup> Nabarai, jeye:

—¿Eta bichainchi metha baraponbetha Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexeinya petsita itatsi coyenewa Nacom pia peyayusɛwatha tatsi. Daxota jopa naca itacɔpaeɔ xua wapaebiwa po coyene xua baponbe jopa apara exanaeyobe pexeinya petsita itatsi coyenewa Nacom pia peyayusɛwatha tatsi. <sup>17</sup> Maisa aichaxaibichi xua daxita carepaya jiwɛ jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomonaе.

<sup>18</sup> Barapo pentacaitorobi bicheito equeicha Pedro irɛ Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomonaе.

<sup>19</sup> Bara nexata Pedro Juanno jume notabe barapomonaе, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba. <sup>20</sup> Bewa paexanaeinbe daxita pocotsiwa Nacom pana neitorobabe. Bewa papaebinde daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

<sup>21</sup> Barapomonaе pomonaе tomarapiwi pia pentacaponaeawi tatsi, Pedro irɛ Juan jume itawetatsibe. Daichitha saya pu copatatsibe. Barapomonaе jopa itacɔpaetsi xua pecuainchiwatsibe Pedro irɛ Juan jiwɛ pecunuwixaetsi, tsipei pinmonae jiwɛ Nacom wɛnae jaintatsi, petaeae pocotsiwa Pedro irɛ Juan exanabe. <sup>22</sup> Pon pejayuyajujei jiton pontha pon Nacom pexeinya petsita itatsi coyenewa taexana, bapon axaibi exanatsi poxonae cuarenta po weiyobe xeina.

*Meje poxonae pomonaе Jesús pejume cowantsiwichi tatsi wɛca Nacom xua jopa pe-junuwinexa tsane poxonae Nacom Pejume Diwesi cueicueijeɛ tsane jiwitha*

<sup>23</sup> Pedro Juanno nainya pontababe ichaxota Jesús pejume cowantsiwichi tatsi jinompa. Baxota nanabarɛ nacaetutatsibe. Barapomonaetha paebabe, xua baraunchichibe sacerdotemonaе pia pentacaponaeawi, pitiri jiwino. <sup>24</sup> Poxonaе Pedro irɛ Juan baxua jume taerɛɔpatsibe, barapomonaе Nacomtha tsipaeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno. <sup>25</sup> David pon neitorobi jume pepaebin, nejumope tɛnaxɛ cueicueijeɛ cana exanatsi xua cata paeba, poxonae jeye:

‘¿Eta xua metha, pomonaе jopa judiomonaе naexanaeyo cayabara anaepana?

Bara bequein ichipa abe cata exana ichitha jopa itacɔpaetsi.

<sup>26</sup> Daxita carepaya nacuanpiwi pomonaе jiwɛ itorobiya pia pepa peewatsiwichi irɛ ichamonae pomonaе jiwɛ peyanacua ewatsiwichi barapomonaе nacaetuta xua abe necayabara paebinexa yawa xua Nexanto pia abe yabara paebichi pon Mesias, pon jinya Neitapetsin’, jeyei David,

xua pinae Nacom tapaebatsi”, jei barapomonaе xua wuca Nacomtha.

<sup>27</sup> Equeicha bapomonaе jeye: “Bara yatsicaya baxua exana poxonaе Herodes iru Poncio Pilato, iru icha nacuamonaepiwino, iru Israel nacuamonaepiwino xote nacaetuta Jerusalén tomaratha. Barapomonaе nacaetuta xua Jesús abe peyabara paebineхatsi nexanto pon pejuntu coyene xanepanaein pon Mesias pon itapetame. <sup>28</sup> Barapomonaе, pomonaе xote nacaetuta, exana daxita xua caena bayatha cui wanae tsiwanaya yabara paebame po coyene xua barapomonaе exanaena. <sup>29</sup> Pata Necanamataxeinaem, matha jume taema xua pana yabara abe jume baraunchi xua abe pana exanapaeba. Pana care xua neajuntuypusuwа xua jopa junuwiya pata paebineхatsi tsane jinya jume diwesi, tsipei paxan jinya neitorobi jiwi pan. <sup>30</sup> Peatenewi axaibi exande neayapusuwatha. Matautano barabu copatame xua pexeinya petsita itatsi coyenewan paexanaein poxonaе pacueicueijan tsane jinya jume diwesi, Jesús nexanto pia peayapusuwatha tatsi pon pejuntu coyene xanepanaein”, jei barapomonaе poxonaе wuca Nacomtha.

<sup>31</sup> Barapomonaе najume wetarucupa xua Nacomtha petsipaebiwa. Bapoxonaе ichaxota nacaetuta barapomonaе ira jijiyataxuba. Daxita barapomonaе juntu coyene yuca cana exanatsi Nacom pia Pejumope tanaxu tatsi pia peayapusu itorobi coyenewa tatsitha. Matautano barapomonaе Nacom Pejume Diwesi jopa junuwiya paebinoutsiyu.

*Meje yabara poxonaе pomonaе Jesús pejume cowuntsiwi pocotsiwan xua xeina daxita baxuan bara barapomonaе nexa*

<sup>32</sup> Pomonaе pejume cowuntsiwi Jesucristo pinmonaе tsoponaе. Barapomonaе peburуya nanta xeina be caenthato coyeneya. Ichun jopa jeiyu: “Apara pocotsiwa xeinan meisa tawa”, jopa jeiyu. Ichitha daxita xua barapomonaе xeina baxua saya daxita bara barapomonaе nexa. <sup>33</sup> Jesús pia peitorobi jiwi tatsi ajumeyapusuya yabara paeba pocotsiwa bayatha tane poxonaе Jesucristo pon jiwi Pecanamataxeinaeinchi xua equeicha petupaein asu popona exanatsi. Matautano yabara cueicueijeji po coyene Nacom bichocono wanae exana daxita barapomonaetha peantobexaetsi. <sup>34-35</sup> Jopa ichun acopeibiyo pomonaе Jesús pejume cowuntsiwi. Daxita barapomonaе xeina xua pocotsiwa penantawenonaewa poxoru ichamonaе pomonaе nawita pexeinaewi caenaeta dubenanaebiya pabin, bomuxunno. Barapo paratixi poxonaе xeineiba, catsibeibatsi Jesucristo pia peitorobi jiwi tatsitha. Nexata xuya barapo paratixi Jesucristo pia peitorobi jiwi tatsi catsibeiba pomonaetha pomonaе peacopeibi jiwi xua daxota jopa petaseicaenexatsi pocotsiwa nantawenona.

<sup>36</sup> Barichi exana bapon José pon Levi pia pemomo susato jiwana pin. Jesucristo pia peitorobi jiwi tatsi icha wun duta bapontha, po wun Bernabé. (Barapo wun, xua hebreo jume jei: “Pon jiwi pentateiqueibin”, jei.) Barapon José, Chipre tunaetotha naexana.

<sup>37</sup> Bapon pia pabi caenaeta. Bapoxonaе barapo paratixi Jesucristo pia peitorobi jiwi tatsi catatsi peacopeibiwi nexa.

## 5

*Meje yabara poxonaе Ananías iru piowa Safira abe exanabe*

<sup>1</sup> Bapoxonaе iru ichun pon pewun Ananías iru piowa pewun Safira, pabi xeinabe. Bapon piowabe pia ira caenaetabe. <sup>2</sup> Bapon piowabe najupa nanta xeinabe. Baponbe icha paratixi nata botabe. Icha paratixi Jesucristo pia peitorobi jiwi tatsi catabe bequein Ananías paeba xua daxita catabe Jesús pia peitorobi jiwitha tatsi. <sup>3</sup> Bara nexata Pedro Ananías baraichi, jeye:

—Ananías, zeta xua metha Satanás jume jejam xua cajume tsiduta xua Nacom pia Pejumope tanaxu tatsi muxuitorobame? Zeta xua metha paratixi nata botame xua ira matoma cacata? <sup>4</sup> Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. Zeta xua metha baxua najuntu coyene xeiname? Jopa apara muxuitorobim pebiwi. Jame yatsicaya apara Nacom pia Pejumope tanaxu tatsi muxuitorobame, jei Pedro.

<sup>5</sup> Poxonaе baraxua Ananías jume taeba, petupaein Ananías iratha jopa. Daxita pomonaе xua jume tane xua bapon tupa, bichocono junuwa. <sup>6</sup> Pewowi pata. Ananías petupaein mata yarabatsi pesato becayatsi, xua pemuthutha xubineхatsi.

<sup>7</sup> Pirapaeyo poxonaе tres po horabe weta, Ananías piowa tatsi patopa ichaxota Pedro-baru ena. Barapowa jopa yaputaeyo xua pia pebin tatsi tatupatsi. <sup>8</sup> Nexata Pedro barai barapowa, jeye:

—ZBara daxita pana catame xoxi pacaenaetame pentoma pabi? jei Pedro.

Barapowa jume nota, jeye:

—Aja, bara daxita, jei barapowa.

<sup>9</sup> Nexata Pedro barai barapowa, jeye:

—¿Eta xua metha pana muxu wetamebe xua Nacom pia Pejumope t̄nax̄n̄ tatsi pamuxitorobinamebe? Taema, pewowi pomonae aunxuae jinya pebin m̄th̄th̄ta xotsi, pecoibototha pata, necam̄th̄th̄ta xubinexa tsaner̄.

<sup>10</sup> Barapoxonae caena nainya Safira Pedro petaxutha pet̄p̄p̄aein tanabotabatsi. Poxonae pewowi taeba xua barapowa bayatha t̄pa, bapoxonae bapowa jontaxorenatsi. Pia pebin cacuita m̄th̄th̄ta xorecatsi. <sup>11</sup> Daxita Jesús pejume cow̄ntsi jiwi, ichamonaeno un̄th̄th̄ta nayotar̄ac̄pa pejunuwixae poxonae baraxua jume tane.

*Meje yabara poxonae Jesús pia peitorobi jiwi tatsi ainya pexeinya petsita it̄tsi coyenewan exana, Nacom pia peayapus̄watha tatsi*

<sup>12</sup> Jesús pia peitorobi jiwi tatsi pexeinya petsita it̄tsi coyenein exana jiwitha Nacom pia peayapus̄watha tatsi. Pinmonae Jerusalén tomarapiwi pomonae jume cow̄nta Jesús, Nacom pin pia botha nacaetuta. Po tutu pew̄n Pórtico de Salomón tutu, bapo tututha nacaetuta. <sup>13</sup> Ichamonae, pomonae xua jopa jume cow̄ntsiyo Jesús, junuwa xua penanacae-tutsiwa Jesús pejume cow̄ntsi jiwitha tatsi. Ichitha barapo Jerusalén tomarapiwi tsita cui w̄naetsi Jesús pejume cow̄ntsi jiwi tatsi. <sup>14</sup> Pin bicheito nayoyotapona, pebiwino, yab̄x̄ino pomonae xua jume cow̄ntapona Jesús ponxae jiwi Pecanamataxeinaeinchi. <sup>15</sup> Jesús pia peitorobi jiwi tatsi w̄nae peexanaexae, Nacom pia peayapus̄watha tatsi, daxota pomonae atene namtotha capoinchi. Ichamonae camatha bobena namtotha. Ichamonae weintha bobena. Barapomonae ichipa jayababatsi xua Pedro pejumope tatsi, xua barapomonae peaxabi exanaexa tsainchi. <sup>16</sup> Jiwi nacaetuta Jerusalén tomaratha pomonae xua pia tomaran jeba Jerusalén tomara pepuya weya. Barapomonae capata peatenewi ir̄u pomonae xua matajemabatsi exanatsi cauri. Daxita barapomonae peb̄w̄ya axabi exanatsi. Daxita barapomonae carepaya equeicha axabi.

*Meje yabara poxonae Jesús pia peitorobi jiwi tatsi peraxa exanatsi*

<sup>17</sup> Nexata sacerdotemonae pia pepa pentacaponaein tatsi, ir̄u pomonae xua napuna pona, pomonae saduceomonae, daxita barapomonae Jesús pia peitorobi jiwi tatsi anaepanaya jume uwatsi. <sup>18</sup> Daxota pomonae xua anaepana Jesús pia peitorobi jiwi tatsi teicatsi. Jiwi pec̄bi bothano capoinchi. <sup>19</sup> Ichitha Jesús itoroba matatsunpin. Bapon merawi patopa. Jiwi pec̄bi coiboto yausaranaxuba. Matatsunpin aisowa bemāx̄ cayiya Jesús pia peitorobi jiwi tatsi. <sup>20</sup> Matatsunpin Jesús pia peitorobi jiwi tatsi tsipaebatsi, jeye: “Paponde Nacom pin pia botha. Baxota paumende. Payabara paebare daxita jiwitha barapo pena j̄nt̄u coyene po coyene xua Nacom cata jiwitha xua beta pejinompaenexa”, jei matatsunpin. <sup>21</sup> Poxonae baya caem̄b̄botha Jesús pia peitorobi jiwi tatsi bara exana xua matatsunpin paeba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, ir̄u saduceomonaeno waba daxita carepaya Israel nacua pia penapatae jiwi xua penacaeutsinexa pentacaitorobi bicheittha. Barapoxonae barapomonae itoroba ichamona xua Jesús pia peitorobi jiwi tatsi pecuaranobinexatsi pin bicheittha peitabaratha tatsi. <sup>22</sup> Ichitha poxonae policiamonae jiwi pec̄bi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya capona pin bicheito peitabaratha. <sup>23</sup> Policiamonae namchi, jeye:

—Poxonae papatan jiwi pec̄bi botha, soldadomonae pomonae peewatsiwi barapo pec̄bi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

<sup>24</sup> Poxonae sacerdotemonae pia pepa pentacaponaein tatsi, ir̄u Nacom pin pia bo peyabara umenaewi pia pentacaponaein tatsi, ir̄u sacerdotemonae pia pentacaponaeiw̄i tatsi jume tane baxua, bapoxonae naj̄nt̄u coyene benaecaeya nayainyaba, jeye: “¿Exota metha jane Jesús pia peitorobi jiwi tatsi? ¿Exua jane?” jei. <sup>25</sup> Ir̄ū barapoxonae pebin patopa. Barapomonae baraichi, jeye:

—Ja, pomonae jiwi pec̄bi botha pacaponame, barapomonae Nacom pin pia botha umena. Matātano cuiduba jiwi, jei bapon.

<sup>26</sup> Nacom pin pia bo peyabara umenaewi barapomonae pia pentacaponaein tatsi bapon bar̄u pona policiamonaeno Nacom pin pia botha. Equeicha caewa bar̄u dendenatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya bar̄u cui w̄naeya carendenatsi poroxu barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinabiwa tsipaetsi ibotixitha. <sup>27</sup> Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeye:

<sup>28</sup> —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

<sup>29</sup> Nexata Pedro iru ichamonae pomonae Jesús pia peitorobi jiwi tatsi daxita barapo matabuxuyobe jume nota barapomonaetha, jeye:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi. <sup>30</sup> Pata amo susato jiwi pia Nacom tatsi, barapo Nacom Jesús equeicha petupaein asu exanatsi pon xua pabexubame, poxonae naetotha tupa ruca paexanaeutame. <sup>31</sup> Nacom Pexanto pia peayapusa watha exana yatsicaya jiwi pia pepa Pecanamataxeinaein tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha juntu cui coyene xeinaena bapontha, xua bapoxonae barapomonaen Nacom pecui yabara junte mainaenexa po coyene xua barapomonaen Nacom tsita natsicuentatsi xua abe pe-exanaexae. <sup>32</sup> Bara yatsicaya pata cui taewi daxita baxuan, Nacom pia Pejumope tana xua tatsi iru taneru. Daxota paca tsipaebatsi baxua, pocotsiwa xua Jesús exana. Nacom najumope cata pomonaetha pomonae xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

<sup>33</sup> Pentacaitorobi bicheito jume taerucapa xua pocotsiwa paeba barapomonaen pomonae Jesús pia peitorobiwi tatsi. Bapoxonae barapomonaen bichocono casebarucupatsi. Barapo pentacaitorobi bicheito ichichipa xua barapo Jesús pia peitorobiwi tatsi pejutebiawatsi. <sup>34</sup> Barapo pentacaitorobi bicheitha eca fariseomonaepin pewun Gamaliel, pon jiwi pecuidubin Moisés pia peitorobi coyene tatsi. Jiwi bapon baru cui itura jineibatsi. Bapon asiya uncua yawa itoroba xua bara caeto pesato becayiya tsainchi barapomonaen pomonae Jesús pia peitorobi jiwi tatsi. <sup>35</sup> Bapoxonae bapon Gamaliel barai barapomonaen pomonae pentacaitorobi bicheitha, jeye:

—Paxam pomonae Israel nacuamonaepiwi pamxaem, dota pam xua pocotsi coyeneya pacana exanaenae barapomonaen. <sup>36</sup> Metha bara pajunte mainame poxonae matha bapon Teudas poxonae pia coya pentacaponaein naexana, nayabara paeba xua pinae bichocono peainya cui jiton. Cuatrocientos pebiwimonae matabuxube puna jinompatsi bapon. Ichitha poxonae Teudas bexotsi ichamonae, bapoxonae pijimonae tatsi ducapa, poxonae daxita yotabatsi. Saya xua Teudas exana baxua pecui pawu. <sup>37</sup> Barichi Teudas pepuya yawa ichun patopa pon pewun Judas. Bapon pentacaponaein najainta poxonae jiwi pewun tinae matacabi tsuxubi. Bapon Galilea nacuapin. Piamonae pin bicheito puna jinompatsiru, ichitha barichi bapon Judas bexotsi ichamonae. Barichiru pijimonae tatsi tarucupatsi poxonae yotabatsi. <sup>38</sup> Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonaen saya exanaetsipa xua jiwi itoroba, nexata barapomonaen jopa amanayabichipae pocotsiwa xua ichichipa peexanaewa. <sup>39</sup> Ichitha icha barapomonaen exanaetsipa pocotsiwa Nacom itoroba, nexata paxam jopa pacui amanayabichipaem barapomonaen. Dota pam. Daxota jopa paexanaponaeinde po coyene xua Nacom pia peaitaefatabi jiwichi pana naexanaponame, jei Gamaliel.

Barapomonaen pomonae pentacaitorobi bicheito bara jopa pecuiyo Gamaliel pepae-bixae. <sup>40</sup> Barapoxonae barapomonaen pomonae pentacaitorobi bicheito equeicha wabatsi Jesús pia peitorobi jiwi tatsi. Bapoxonae matha copiya ichamonae itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonae pu copababatsi nama Jesús pia peitorobi jiwi tatsi. <sup>41</sup> Jesús pia peitorobi jiwi tatsi pentacaitorobi bicheito weya pona. Barapomonaen juntu coyene weiweina tsipei peraxa exanatsi ichamonae, Jesús pijimonaexae xua baxua saya Nacom pecopatsixae. <sup>42</sup> Awiya barapomonaen amsiya yabara cuiduba, Nacom pin pia botha Jesús pia pexeinya jume diwesi yawa xua boxithano. Matautano cuidubano xua Jesús apara Mesias pon Nacom itorobica.

## 6

*Meje yabara poxonae Jesús pia peitorobi jiwi tatsi itapeta siete poyobe peyawenaenexa tsane ichamonaetha*

<sup>1</sup> Barapoxonae barapo mataqueitha pinmonae jume cowanta Jesús. Pomonae xua griego jume pecueicueijiwi anaya tsipaeba, pomonae xua hebreo jume pecueicueijiwi baraichi, jeye: “Patamonae, powaxi pecuenta werapaewaxichi piseurixi powaxi griego jume pecueicueijiwaxi poxonae judiomonaen apata pexaewa, barapowaxi saya peyaxui

apatatsi pexaewa. Ichitha meisa judi monaewaxi powaxi pecuenta werapaewaxichi barapowaxi jopa juniya nabaneibiyo”, jei. <sup>2</sup> Jesús pia peitorobi jiwi tatsi, pomonae doce poyobe, barapomonae bar<sub>u</sub> nacaetuta ichamonae pomonae ir<sub>u</sub> Nacom pejume cowantsiwi. Barapomonae pomonae Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijiwa Nacom Pejume Diwesi xua saya pexaewa pata apatsinexa jiwi. <sup>3</sup> Daxota wajiwiwimonae paitapere siete poyobe pebinbe paxam jiwana. Paitapere pomonae xua daxita jiwi ita cui jant<sub>u</sub> coyene xanepaneibatsi, pomonae xua jant<sub>u</sub> coyene yacatsi Nacom pia Pejumo pe t<sub>u</sub>nax<sub>u</sub> tatsi pia peayapus<sub>u</sub>watha tatsi, pomonae xua peyaputaewi. Barapo siete poyobe pacui itorobin xua pexaewa apateibina. <sup>4</sup> Barapoxonae paxan Jesús pia peitorobi tatsi pan, jopa paapatsin tsane pexaewa. Saya meisa Nacom pata tsipaebelbichi nawita yawa pata cueicueiji tsailbichi Jesús pejume diwesi, jei barapomonae.

<sup>5</sup> Jesús pejume cowantsi jiwi tatsi nanta j<sub>u</sub>paya nanta xeinar<sub>u</sub>c<sub>u</sub>pa. Barapoxonae Esteban itapetatsi. Bapon Esteban pon bichocono jume cowanta Jesús yawa bichocono jant<sub>u</sub> yacatsi Nacom pia Pejumo pe t<sub>u</sub>nax<sub>u</sub> tatsi pia peayapus<sub>u</sub>watha tatsi. Itapetatsi Felipe, ir<sub>u</sub> Prócoro, ir<sub>u</sub> Nicanor, ir<sub>u</sub> Timón, ir<sub>u</sub> Parmenas, ir<sub>u</sub> Nicolás. Bapon Nicolás Antioquía tomarapin. Bapon copiya jopa naexanaeyo judi monaepin. Poxonae jume cowanta Nacom, barapoxonae judi monaepin naexana. <sup>6</sup> Barapoxonae barapo siete poyobe Jesús pejume cowantsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya taw<sub>u</sub>ca Nacomtha xua Nacom yawenaena barapomonae.

<sup>7</sup> Pinmonae jume tane Nacom Pejume Diwesi. Pinmonaeno ir<sub>u</sub> jume cowanta Cristo Jesús, pomonae Jerusalén tomaratha jinompa. Ir<sub>u</sub> judi monaepin pia sacerdotemonae tatsi, barapocotsimonae pin bicheito jume cowanta.

#### *Meje yabara poxonae Esteban waetabatsi*

<sup>8</sup> Esteban pexeinya petsita itatsi coyenewan exaneiba jiwitha Nacom pia peayapus<sub>u</sub> itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapus<sub>u</sub>wa. <sup>9</sup> Nexata nacaetuta pinmonae judi monaepin pia penacaetutsi botha tatsi. Ichamonae w<sub>u</sub>n dutatsi xua jeichichi: “Pomonae pepu sorobabewiwichi poxonae busi cui tatayebabatsi”, yabara w<sub>u</sub>n jeichichi. Ir<sub>u</sub> nanacaetutapona Cirene tomarapiwi, ir<sub>u</sub> Alejandria tomarapiwi, ir<sub>u</sub> Cilicia nacuapiwi ir<sub>u</sub> Asia nacuapiwi. Daxita barapomonae Esteban jume matsontsonobatsi. <sup>10</sup> Ichitha Esteban xaniwaicha cueicueiji exanatsi Nacom pia Pejumo pe t<sub>u</sub>nax<sub>u</sub> tatsi. Daxota poxonae Esteban paeba barapomonae jopa itac<sub>u</sub>paetsi xua beta pejume notsiwa. <sup>11</sup> Nexata barapomonae po pin bicheito penacaetutsimonae ichamonae nantsiyatsiya catatsi paratixi petacamuxu-itorobinexa tsainchi xua Esteban paeba. Barapomonae pomonae pemuxuitorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei. <sup>12</sup> Barapo jumetha pemuxuitorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Ir<sub>u</sub> pomonae jiwi pecuidubiwi Moisés pia peitorobi coyene tatsi barapomonaeno ir<sub>u</sub> anaepana. Daxota barapo penapatae jiwi ir<sub>u</sub> pomonae jiwi pecuidubiwi Moisés pia peitorobi coyene tatsi barapomonae Esteban yorobateicatsi. Pentacaitorobi bicheito peitabaratha capoinchi. <sup>13</sup> Barapo pentacaitorobi bicheito equeicha waba pomonae Esteban jume cui canaerabatsi wabatsi. Barapomonae pomonae penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei. <sup>14</sup> Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonae pomonae penaerabiwi.

<sup>15</sup> Pomonae baxota ena pomonae pentacaitorobi bicheito, barapomonae Esteban necotensatsi. Barapomonae itabara tayena xua Esteban peitabara be matatsunpin itabara, xua bichocono w<sub>u</sub>nae.

## 7

#### *Meja yabara poxonae Esteban pentacaitorobi bicheito itabaratha pia coya paeba*

<sup>1</sup> Nexata sacerdotemonae pia pepa pentacaponaein tatsi bapon Esteban baraichi, jeichi: “¿Bara xainyei xua barapomonae cabarai?” jei sacerdotemonae pia pepa pentacaponaein tatsi. <sup>2</sup> Esteban jume nota, jeye: “Tamonae pam pana nejume taema. Wanacom w<sub>u</sub>nae nawita. Barapon Abraham tsita naitutatsi poxonae caena bayatha awiya Mesopotamia nacuatha popona. Bapon Abraham wamo susatopin matha copiya tsiwanaeya popona Mesopotamia nacuatha poxonae Harán tomara bewarapiya. <sup>3</sup> Nacom pinae Abraham

baraichi: 'Barapo ira jinya ira cuenta warapare. Jinyamonaeno cuenta warapare. Icha ira bewarapiyama ichaxota po ira beya cacaponaeinchi', jei pinae Nacom. <sup>4</sup> Nexata pinae Abraham Caldea nacua wewarapiya. Harán tomara pinae bewarapiya. Poxonae pinae Abraham Harán tomaratha popona pinae Abraham paxa tatupatsi pon pewn Taré. Bapoxonae Nacom, Abraham pinae itorobatsi barapo irathe po irathe pajinompame anoxuae. <sup>5</sup> Barapoxonae pinae Abraham cataunxuae jopa catichi ira. Saya pinae tacayabara wnae tsimuxu dutatsi. Nacom pinae Abraham baraichi: 'Jinya ira tsane, iru jinya jiwi penaitapataya naexana dubenaponeibiwi tsane pomonae jinya nemomo susato jiwi pia ira nexa tsaneru', jei pinae Nacom. Ichitha pinae barapoxonae jopa xeinaeyo pexui. <sup>6</sup> Baraxua Nacom pinae Abraham baraichi: 'Jinya nemomo susato jiwi icha nacuatha jinompaena. Be pomonae penanapaincha jinompaewi tsicotaeinchi xua be pocotsi jiwimonae icha nacua werena peponaewi. Tanacuiinchi ichamonae xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weyobe tsane xua jinyamonae naitapataya atene exaneibinchi', jei Nacom Abrahamtha. <sup>7</sup> Equeicha Nacom tsipaeba Abraham, jeye: 'Barapomonae xua abe pacata exanaena poxonae paca busi cui tataibina barapomonae jopa cui junteinaein tsane. Barapomonae itawetsiya peraxa jubin. Bapoxonae jinya nemomoxi susato jiwi warapaena po nacuathe ichaxota uncuame yawa wnae nejainchina xote', jei pinae Nacom Abrahamtha. <sup>8</sup> Nacom pinae Abraham itorobatsi xua peexanaenexa po coyene xua pexui pebin wutixi pewi thabiwatsi xua ichaxota nareixacaena. Barapo coyene exana Abraham penanta xeinaenexa iru piamonae tatsi xua po coyene bayatha Nacom pinae yabara tsiwanae muxu duta, xua bepa pinae yaweneibina xua barapomonae pinae bepa yaweneibinchi. Daxota pinae poxonae Abraham pexanto tanaexanatsi pexanto wi thaba, pinae pewn Isaac. Isaac iru pinae barichi pexanto wi thaba, pinae pewn Jacob. Jacob iru pinae barichi wi thaba pexanto jiwi, pomonae bayatha Israel nacuamonaepiwi pia pentacaponae tanaexanatsi barapo doce poyobe.

<sup>9</sup> "Jacob pia pexanto jiwi tatsi, barapo doce poyobe, wamo susatomonae. Barapo doce poyobe jiwana caein pewn José. José pentapin jiwi uwatsi. Daxota José pentapin jiwi caenaetatsi. Pomonae bapon José comotatsi barapomonae José Egipto nacua becayiyatsi. Pon be jiwi pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebaru poponaexaetsi. <sup>10</sup> Poxonae José abe jume baraunchaibichi ichamonae, yawa poxonae muxu atene peexaneibichi awiya José capanepibatsi Nacom. Poxonae faraón peitabaratha taponatsi José, Nacom exana xua José faraón tsita juntu coyene xanepanatsi. Matautano Nacom peyaputaein exanano. Bapon faraón Egipto nacuamonae pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Matautano faraón cana exana xua José canamataxeina daxita xua xuan faraón xeina.

<sup>11</sup> "Barapoxonae Egipto nacua nacuatha jainbo nacua tsurucuaeno, Canaán nacuathano iru. Pata amo susato jiwi jopa pexaewa taeyo. Yawa piyain pewerapae nacua tsurucuae poxoru pexaewa ajibi. <sup>12</sup> Poxonae Jacob jume tane xua trigo xu xeina Egipto nacuatha, pia pexui bara beitorobiya. Barapon Jacob pia pexui tatsi, pata amo susato jiwi. Baraxua poxonae xua copyia aena pona Egipto nacuatha. <sup>13</sup> Poxonae equeicha pona José pentapin jiwi tsita naitapeinya xeina xua bapon bara peweicho jiwi tatsi. Bapoxonae faraón yaputane xua barapomonae apara bara José piamonae tatsi. <sup>14</sup> Pirapae José pentapin jiwi itoroba xua petabarū dendenaenexatsi paxa tatsi, pon pewn Jacob, matautano piamonae tatsi petabarū dendenaenexatsi po jiwimonaexae xua setenta y cinco poyobe. <sup>15</sup> Daxota Jacob iru pijimonaeno Egipto nacua beya warapa. Baxota pirapae bapon tupa. Iru pirapae pata amo susato jiwino weraparū baxota. <sup>16</sup> Pirapaeno Jacob piwan capoinchi Siquem tomara beya. Baxota piwan muthutha xotsi, po ira bayatha Abraham comota, po ira Hamor pexantixi tatsi caenaeta.

<sup>17</sup> "Ainya wei tsuxubi. Poxonae barapomonae Egipto nacua wewarapiyaenaba, be pocotsi coyeneya bayatha Nacom yabara tsiwanae muxu duta, bapoxonae Israel nacuapiwi pinmonae naexana. <sup>18</sup> Nexata Egipto nacuatha ichun nacua peewatsin naexana, pon José jopa yaputaetsi. <sup>19</sup> Barapo Egipto nacuapiwi itorobiya pia pepa peewatsinchi tatsi pata amo susato jiwi muxitorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaiibi tsane aisowatha xua pewerapeibinexa. <sup>20</sup> Barapoxonae iru Moisés naexanaru. Moisés paxa pia botha wichatatsi acobi po xometiyobe. Barapon Moisés pexeinyan nawita Nacom tsita juntu coyene xanepanecatsi barapo pexuyo. <sup>21</sup> Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa caba, barapoxonae faraón pexantiyo tatsi Moisés pitatsi. Be pexanto tsicotane, pia botha wichata. <sup>22</sup> Bapon Moisés nacuiduba nawita pocotsiwa Egipto nacuamonae yaputane. Daxota peyaputaein tsecaeno, wnae peexanaein tsecaeno.

<sup>23</sup> “Pirapae poxonae Moisés yacurenta po weibe jopa, bapon nanta xeina xua piamonae pesiwa ponaewa pomonae Israel nacuamonaexae. <sup>24</sup> Poxonae Moisés piamonae siwa pona, bapon tane xua piamonae jiwana tatsi tabutsi, Egipto nacuapin. Daxota Moisés yawena pon piamonae jiwanaexae tatsi yawa bexuba Egipto nacuapin. <sup>25</sup> Moisés nanta xeina, pia coutha nabarai: ‘Tamonae, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua weya, penacapanenebiyaenexa tsane’, najei. Ichitha daumetha barapomonae jopa tsaqueinaeyo. <sup>26</sup> Icha matacabitha Moisés tane xua caepinbe iru nababeru Israel nacuamonaepinbe. Moisés barai baponbe: ‘Ja, zeta xua metha caepinbe pana nabamebe?’ jei. <sup>27</sup> Pon piamonae ba, Moisés napuna torobabapoinchi. Moisés baraichi: ‘Zjintam caitoroba pata xantha xua pon be jiwi neyabara paebin penatsicuentisiwa xua abe peexanaexae, xuano xua jiwi Necanamataxeinaem naexaname?’ <sup>28</sup> Zjinya nebexuichi icha mexuae ichim Egipto nacuapin?’ jeichichi Moisés. <sup>29</sup> Poxonae Moisés jume taebiriwa baxua, Moisés naetsiricua Madián nacua benaetsir-icuiya. Baxota Moisés tanaexantsi pexuyobe, pebin wutobe’, jei Esteban.

<sup>30</sup> Equeicha came Esteban barapomonae baru cueicueije. Namchi, jeye: “Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacua. Imoxoyo demxuwan, po demxuwan pewun Sinai baraxota Moisés tsita naitatatsi matatsunpin xua poxonae isototha uncua xua taxuncua tsica naeyo. <sup>31</sup> Moisés yabara najuntu coyene cabenaeca. Bapon itatapoinya tsipei ichipa yaitane. Bapoxonae baxota Moisés jume tane xua Nacom namchi: <sup>32</sup> ‘Apara jinya amo susato jiwi pia Nacom tatsin. Iru apara, Abraham pia Nacom tatsin. Iru apara Isaac pia Nacom tatsin. Apara iru Jacob pia Nacom tatsin’, jei Nacom. Moisés pijunuwi bichocono jiyijiyei daxota aichaxaibi xua tane. <sup>33</sup> Nacom pinae Moisés baraichi: ‘Xua nataxu xatatame nataxu wejonde, poxoro po iratha poname apara taiyo. <sup>34</sup> Tamonae, pomonae Egipto nacua jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya’, jei pinae Nacom”, jei Esteban.

<sup>35</sup> Equeicha Esteban namchi, jeye: “Pomonae Egipto nacua jinompa, barapomonae Moisés aichaxaibichi. Barapomonae Moisés baraichi: ‘Zjintam caitoroba pata xantha xua naexaname pon be jiwi neyabara paebin xua penatsicuentisiwa xua abe peexanaexae xuano xua naexaname pon be necanamataxeinaein?’ jei barapomonae. Bequein barapomonae baxua paeiba ichitha Nacom cana exana xua bapon Moisés naexana be pon jiwi peyabara paebin xua penatsicuentisiwa xua abe peexanaexae. Matautano Moisés cana exanatsi pon pecapanepaein piamonae. Baxua Moisés naexana poxonae matatsunpin itoroba po matatsunpin Moisés tsita naitatatsi poxonae isototha uncua xua taxuncua tsica naeyo. <sup>36</sup> Bapon Moisés pon wamo susato jiwi capanepatsi Egipto nacua weya. Moisés petsita itatsi coyenewan exana Nacom pia peayapuswatha. Baxua exana Egipto nacua, Mar Rojo menthano. Matautano exanano ichaxota ira xuepana susato tsurucuae nacua cuarenta po weibetha. <sup>37</sup> Moisés Israel nacuamonaepiwi namchi: ‘Nacom paca jiwana cana exanaena pon pia peitorobi jume petapaebinchi icha neichi barichi tsane. Bapon xua pon Nacom itorobina, apara pon painyamonae jiwana tsane’, jei Moisés. <sup>38</sup> Matautano apara bapon Moisés pon nanacaetuta poxonae Israel nacuamonaepiwi nacaetuta ichaxota ira xuepana susato tsurucuae nacua. Matautano bapon Moisés diwesi tsipaeba jiwitha xua petsipaebixatsi matatsunpin poxonae tsipaebatsi demxuwa po demxuwa pewun Sinai. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntuyapuswa pexeinaewa. Barapo diwesi iru waxainchi nexaru.

<sup>39</sup> “Ichitha barapomonae wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomonae ichipa xua equeicha caibeya penawibiwa Egipto nacua beya. <sup>40</sup> Poxonae cataunxuae Moisés demxuwa pona, barapoxonae barapomonae Moisés peweicho tatsi pon pewun Aarón, bapon baraichi: ‘Painta exande ainya ibo nain nacomun. Barapo ibo nain nacomun naca tsiwana copiya cajjincaena namtotha. Jopa payaputaeyo xua Moisés aichawiya pon pana matacapona Egipto nacua weya’, jeichichi Aarón. <sup>41</sup> Barapoxonae barapomonae penain nacom exana be vacayo pebtiyo canaxobeta. Bapoxonae barapomonae tabexuba oveja, penain nacom vacayo nexa. Tsipei barapomonae nanta xeina xua metha penain nacom ichichipa baxua. Barapomonae bichocono juntu coyene weiweina penain nacom pia coya peexanaexae, xua pin penabanaewa xua pebaru itura jinaenexatsi barapo ibo nacom. <sup>42</sup> Barapomonae Nacom wepu tsatajopa tsipei barapomonae pia penain nacom exana. Nacom bara copata barapomonae xua bara barapomonae bara exanaena be pocotsi coyeneya xua ichichipa peexanaewa. Daxota barapomonae opitei be nacom cana exana, po opitei barapomonae wunae jainta. Barapomonae pomonae wamo susatomonae, exana pocotsiwa caena bayatha Nacom pia peitorobi jume papeabin yabara cui tsiwana



muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesitha, jeye:

‘Israel nacuamonae, paxam oveja pabexubame

painya penain nacomun nexa,

ichitha xan nexa jopa paraichim.

Baraxua paexaname poxonae pajinompage ichaxota

ira xuepana susato tsurucuae nacuatha

xua cuarenta po weibetha.

<sup>43</sup> Yawa pacaponame penain boutiyo nacom

po penein boutiyo nacom pewun Moloc.

Yawa pacaponame icha penain opitei nacom

po opitei penain nacom pewun Refán.

Barapo penain nacombe paexaname

painya wunae jaintichi.

Daxota xan itorobin ichun xua paca mata

cawarapaena Babilonia nacua beya.

Bequein jopa bewarapaem ichitha awiya

paca itorobinchi’, jei Nacom.

<sup>44</sup> “Wamo susato jiwi exana xua be bo xua anseraboco, xua ichaxota tututha jeba ibo xua po iboton Moisés mata tina xua Nacom pejume caitorobiwan. Barapomonae cuita acaba be pocotsi boyo Moisés tsita itutatsi Nacom. <sup>45</sup> Wamo susato jiwi poxonae tawerapatsi paxa tatsi, itorein pita barapo boyo xua anseraboco boyo. Pata tamo jiwi Nacom pia boyo capona poxonae Josué naponae. Poxonae pata tamo jiwi ainya nacuan nonota tsiniya barapoxonae equeicha barapo anseraboco boyo capona beya yacobe cui matacabi othopa poxonae David popona pon Israel nacuapiwi itorobiya pia pepa peewatsinchi. <sup>46</sup> Bapon David pon Israel nacuapiwi itorobiya pia pepa peewatsinchi tatsi, Nacom tsita pejuntu coyene xanepanaeinchi. Bapon David ichichipa xua acaba pin bo Nacom nexa po Nacom Jacob pia Nacom tatsi. <sup>47</sup> Ichitha Salomón bapon apara pon Nacom pin pia bo exana.

<sup>48</sup> Bequein Nacom pon pepa Nacom jopa poponaeyo botha pocotsi bo jiwi acaba Nacom nexa. Nacom peitorobi jume pepaebin baxua yabara paeba xua Nacom tapaebatsi, jeye:

<sup>49</sup> ‘Peitaboco apara ichaxota taequeibithopeibiwa.

Ira apara ichaxota nataxu yutabotan.

¿Eta pocotsi bo netsiexanaename?’

jei pon Wanacanamataxeinaein.

Matautano jeino: ‘Ichacuitha ¿eta po irara

xua ichaxota naffinacaecaen?’

<sup>50</sup> Apara xan tacoutha exanan daxita ira yawa

peitaboco daxota jopa nantawenonaeyo xua

ichawa tana netsiexanaewam’, jei Nacom”,

jei Esteban.

<sup>51</sup> Equeicha Esteban barai, jeye: “Maisa bichocono pajuntu coyene daunwam xua jopa bepayaputaem. Matautano pamuxu tutu daunwam, yawano pajuntu coyene daunwam icha be pocotsimonae ichi pomonae jopa peyaputaewi Nacom. Barichi paaichaxaibim Nacom pia Pejumoepa tunaxu tatsi. Paxam bara paichim icha painya amo susato jiwi ichi. <sup>52</sup> Apara painya amo susato jiwi bayatha Nacom pia peitorobi jume pepaebiwi catsa jume baru paebatsi, yawa cueintatsino. Matautano bayatha jutebatsi barapomonae pomonae Nacom pia peitorobi jume pepaebiwi, pomonae namchi: ‘Bexa patopaena pon pepa pejuntu xanepanaein pon Mesías baraichi’, jei. Cain paxam, barapon poxonae patopa, pacaenaetame, pabexubameno. <sup>53</sup> Nacom pia peitorobi diwesi pajume taneme xua matatsunpiwi paca tsipaeba Nacom nexa. Ichitha jopa paexanaem pocotsiwa Nacom paca itoroba barapo pia peitorobi diwesitha”, jei Esteban pentacaitorobi bicheitha.

#### *Meje yabara poxonae Esteban tupa*

<sup>54</sup> Poxonae pentacaitorobi bicheito jume tane pocotsiwa Esteban paeba, bapoxonae bichocono Esteban yabara cui anaepanarucupatsi. <sup>55</sup> Ichitha Esteban bichocono juntu coyene yuca cana exainchi Nacom pia Pejumoepa tunaxu tatsi pia peayapusawatha. Esteban athabeicha necoicha. Bapon necota Nacom pia peitupanae coicha tatsi iru Jesucristo xua uncuwa Nacom pecoxatha tatsi. <sup>56</sup> Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncuwa Nacom pecoxa weya tatsi ponxae Nacom pia Peitapetsin tatsi, jei Esteban.

<sup>57</sup> Barapomonaе jume itapataya namuxu acaba pocotsiwa Esteban paeba. Yawa anaepanaya wawai. Barapomonaе be cae bicheito naexana pomonaе Esteban betacuinaeyiyatsi. <sup>58</sup> Barapomonaе Esteban aisowa bexoyatsi tomara weya. Yawa baraxota ibotontha cuinbabatsi. Pomonaе abe peexanaewichi Esteban, barapomonaе Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

<sup>59</sup> Poxonaе barapomonaе Esteban cuinbabompatsi ibotontha bapoxonaе Esteban tsi-paeba Nacomtha, jeye: “Jesús, pon Tanecanamataxeinaem, nejumope t̄nax̄u pire”, jei Esteban. <sup>60</sup> Bapoxonaе pentabocototha uncua. Namtsebiya wawaino, jeye: “¡Jesús, Tanecanamataxeinaem! ¡Necana cui j̄ntem̄inare, yawa jopa neyantomatsinde xua barapomonaе inta abe exana!” jei Esteban.

Poxonaе najume wetaba, t̄panaicha Esteban.

## 8

<sup>1</sup> Saulo ir̄u bar̄u ita cui w̄naetsi poxonaе ichamonaе Esteban bexotsi.

*Meje yabara poxonaе Saulo abe exana pomonaetha pomonaе Jesús pejume cow̄ntsiwi*

Po matacabitha Esteban bexotsi, barapo matacabitha judiomonaе tamropata notar̄c̄pa xua Jesús pejume cow̄ntsi jiwi tatsi bichocono abe exanatsi Jerusalén tomaratha. Daxita Jesús pejume cow̄ntsi jiwi tatsi yotabatsi. Ichamonaе Judea nacua ber̄c̄piya, ichamonaе Samaria nacua ber̄c̄piya. Meisa Jesús pia peitorobi jiwi tatsi pomonaе xua doce poyobe ena Jerusalén tomaratha. Jopa d̄c̄paeyo. <sup>2</sup> Ichamonaе, pomonaе Nacom pejume cow̄ntsiwichi, Esteban m̄th̄tha xotsi. Barapomonaе Esteban bichocono siwa wecoyeichi. <sup>3</sup> Saulo jeita ducuaeta Jesucristo pia pejume cow̄ntsi jiwi tatsi. Daxita bom̄x̄n j̄paya Saulo jiwi teteica tsiniya yab̄x̄ino pebiwino. Jiwi pecubi bo beya capona.

*Meje yabara poxonaе Jesús pejume cow̄ntsi jiwi tatsi paeba dubenanaebiya Jesús pia pexeinya jume diwesi tatsi Samaria nacuaetha*

<sup>4</sup> Pomonaе bewa Jerusalén tomara wer̄c̄piyaena barapomonaе Jesucristo pia pecapanepae jume diwesi paeba dubenanaebiya daxita po tomarantha xua pateiba. <sup>5</sup> Barapomonaе jiwana tatsi pon Felipe baraichi bapon pona pepa tomaratha Samaria nacuaetha. Barapo tomaratha tamropata pitaba xua pecueicueijiwa Cristo yabara. <sup>6</sup> Jiwi nacaetuta dubenanaebiya. Matautano jume naitomatsiya jume taerubenanaebiya pocotsiwa Felipe cueicueijiwa Cristo yabara. Matautano barapomonaе taerubenanaebiya pexeinya petsita itatsi coyenewan xua Felipe exana Nacom pia peayapus̄u itorobi coyenewatha. <sup>7</sup> Pomonaе xua cauri pexeinaewi, barapomonaе equeicha axaibi exanatsi poxonaе Felipe taitaweta cauri. Matautano caurimonaе barapomonaе wawaya wepu d̄c̄peibatsi. Ichamonaе pomonaе pecuenobichi jiwi, pejayuyajujeimonaeno, daxita barapomonaе axaibi exanatsi. <sup>8</sup> Felipe baxua peexanaexae daxota barapo tomarapiwi bichocono j̄nt̄u coyene weiweinaya jinompa.

<sup>9</sup> Barapo Samaria tomaratha ropona pon pentaw̄n Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxonaе bapon pia coya pentacoponaein naexana. <sup>10</sup> Daxita tomarapiwi pomonaе peacopebiwi ir̄u pomonaе nawita pexeinaewino, barapomonaе beta jume naitawata pocotsiwa Simón paeba. Barapomonaе namchi, jeye: “Barapon Simón apara pon yabara jeichichi: ‘Pon bichocono Nacom pia peayapus̄wa tatsi xeina’, yabara jeichi”, jei barapomonaе.

<sup>11</sup> Daxita barapo tomarapiwi itapeta jume naitawata pocotsiwa Simón paeba, tsipei saya caena bayatha barapomonaе muxujainyabatsi mara peexanaewi pia coyeneyatha tatsi. <sup>12</sup> Barapomonaе jume cow̄nta po pexeinya jume diwesi Felipe cueicueijiwa xua Nacom yawa Jesucristo yabara, po diwesi xua Nacom waba jiwi petanaexanaenexatsi pijimonaе tatsi jiwana pomonaе Nacom itorobiya ewata. Bapoxonaе barapomonaе bautisabatsi pebiwi yawa yab̄x̄ino. <sup>13</sup> Bapoxonaе bapon Simón ir̄u jume cow̄nta. Ir̄ano bapon bautisabatsi. Matautano bapon tamropata pitaba xua Felipe peyantsiwatsi. Bapon Simón yabara naj̄nt̄u coyene cabenaeca bichocono poxonaе Felipe pexeinya petsita itatsi coyenewan exana Nacom pia peayapus̄watha.

<sup>14</sup> Jesucristo pia peitorobi jiwi tatsi, pomonaе peenaexae Jerusalén tomaratha, jume tane xua Samaria nacuaemonaе jume cow̄nta Nacom Pejume Diwesi. Daxota barapomonaе Pedro itorobatsi ir̄u Juan itorobatsi, Samaria nacuaemonaе beya. <sup>15</sup> Poxonaе Juan Pedro pe patopabe barapomonaetha, bapoxonaе Nacomtha taw̄c̄abe Samaria nacuaipiwi nexa, pomonaе pejume cow̄ntsixae Nacom. Baponbe ichichipabe xua barapomonaе peyanaba jinompaenexatsi Nacom pia Pejumo pe t̄nax̄u tatsi. <sup>16</sup> Pedro ir̄u Juan taw̄c̄abe barapomonaе Nacomtha. Tsipei barapomonaе awiya cataunxae jopa tapatichi pia j̄nt̄u coyeneintha Nacom pia Pejumo pe t̄nax̄u tatsi. Saya meisa poxoru bautisabatsi Jesús

pon Pecanamataxeinaein jiwi bapon pewantha tatsi. <sup>17</sup> Pedro iru Juan, pecobetha mata jayababe barapomona. Barapoxona barapomona tapatatsi pia juntu coyeneintha tatsi Nacom pia Pejumope tana xu tatsi.

<sup>18</sup> Poxona Simón cui tane xua Pedro Juanno pecobetha mata jayababe xua daxota Nacom pia Pejumope tana xu tatsi tapatatsi barapomona, Simón ichichipa xua pecatsiwa paratixi baponbetha. <sup>19</sup> Simón namchi, jeye:

—Dapo peayarusawa necare. Tha iru poxona mata jayabeiban ichamona tapateibinchi Nacom pia Pejumope tana xu tatsi, jei Simón.

<sup>20</sup> Nexata Pedro Simón baraichi, jeye:

—Barabu xam yawa jinya paratixino cayawa muxuna weraweraca exanaena, tsipei saya nanta xeiname xua necaitacupaewa xua Nacom pia peayarusawa tatsi necomotsiwa paratixitha, po peayarusawa bequein Nacom amanaya pecatsiwa jiwitha. <sup>21</sup> Jopa caitacupaeyo xua nexainaewa Nacom pia peayarusawa tatsi, tsipei apara Nacom cajantu coyene yaputane xua neajuntucoyenebewa. <sup>22</sup> Nacui baraxore jinya abe neexanae cuiru coyenein. Nacom wucare, xain Nacom cayabara junteina xua nanta xeiname baxua. <sup>23</sup> Catainchi xua pejume uwiwa nenthutha xeiname. Xam neabewa canthuthu yancababa daxota beta jopa xapain poponaem, abe nanta xeiname jincoutha, jei Pedro.

<sup>24</sup> Nexata Simón jume nota. Pedro iru Juan jume notatsibe, jeye:

—Painta yabara wucarebe Nacomtha baxua xuaunxuae pana netsipaebamebe, xain barapoxona xeinaein barapo coyene xua jopa abe tana necana exanaenexa, jei Simón.

<sup>25</sup> Barapoxona Pedro Juanno ichamonaetha nacui yopitabe po coyene xua bayatha jume cowuntabe Nacom. Yawa xua penthutha taecatsibe Nacom pia Pejumope tana xu tatsi. Baponbe Nacom pia pexeinya jume diwesi tsipaebabe barapomonaetha. Jerusalén tomara bewarapiyabe. Poxona warapabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

*Meje yabara xua poxona Felipe iru Etiopia nacuapin nantenta ponabe namtotha*

<sup>26</sup> Barapoxona pirapae, Jesucristo pon Pecanamataxeinaein jiwi, bapon pia matatsunpin tatsi, Felipe tsita naitatsiya tsipaebatsi, jeichichi: “Nontaponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya. <sup>27</sup> Felipe nantacotaxuba, barapoxona bara ponataba. Poxona Felipe namtotha ecapona, barapoxona caxina pebin Etiopia nacuapin. Barapon pon pentacaponaein pon peainya cui jiton. Matautano bapon paratixi tayapu eena xua yabayo nexa powa Etiopia nacua pepa peewatsiwayo. Bapon Etiopia nacuapin bayatha pona Jerusalén tomara beya xua wanae pejainchinexa Nacom. <sup>28</sup> Bapon caewa pia nacua siwa ecapona Etiopia nacua. Cawayu pecapona naeyotha ecapona yawa yorobecapona po diwesi bayatha Isaías tina, pon Nacom peitorobi jume pepaebin.

<sup>29</sup> Nacom pia Pejumope tana xu tatsi Felipe baraichi, jeye: “Imoxoyo ponde cawayu pecapona naeyo beya yawa imoxoyo caquita naecaponde”, jeichichi Felipe. <sup>30</sup> Felipe cuinaepona cawayu pecapona naeyo beya, ichaxota jume tane xua yoroba Etiopia nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

<sup>31</sup> Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca. <sup>32</sup> Po diwesi ichaxota bapon yoroba xua baxue meje:

“Be poxona jiji oveja yamu capona pebexubinexa tsane, barichi tsane jiji caponaena jiton pebexubinexa tsane. Be cordero moya, jopa papayo poxona na thabatsi barichi tsane jiton moya tsane, jopa papai tsane poxona caitacueintinchi poxona yawa aperutane tsaneno.

<sup>33</sup> Jiton ura exanaeinchi.

Jiwi ura exanaena.

Jopa beta yabara exanae tsainchi poxona jiton atene tsane poxona jopa bequein abe exanaeyo.

Jiwi jopa yabara paebi tsane xua pia

pepxui tatsi, poxoru jopa nantausti  
tsane pepxui, pemomoxino.

Jiwi barapo jiton bexubinchi”, jei Nacom  
Pejume Diwesi, po diwesi Isaías tina xua  
ichaxota yoroba Etiópía nacuapin.

<sup>34</sup> Nexata Felipe yainyabatsi Etiópía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha nayabara jei jampa? ¿Bara metha ichun yabara jeichi? jeichichi Felipe Etiópía nacuapin.

<sup>35</sup> Felipe yaputane exana Etiópía nacuapin po diwesi xua Isaías tina Jesús jume yabara. Bapoxonae nama paeba po coyene Jesús pia pexeinya jume diwesi tatsi. <sup>36</sup> Poxonae Felipe Etiópía nacuapinno namtotha ecaponabe, bapoxonae Etiópía nacuapin namchi, jeye:

—Taema meniyo eque jeba. ¿Jopa nebautisabim tsane? jeichichi Felipe.

<sup>37</sup> Felipe barai, jeye:

—Icha daxita carepaya jume cowantame nejantá coyenetha, methaunxuae bara cabautisabinchi, jei Felipe.

Etiópía nacuapin Felipe jume notatsi, jeye:

—Bara yabara jume cowantan xua Jesucristo, bara Nacom pexanto tatsi, jei bapon.

<sup>38</sup> Nexata Etiópía nacuapin cobe itoroba xua duntabina pon xua cawayu pecomae-caein. Nexata duneicabe Felipe Etiópía nacuapinno. Meniyo bejonecabe. Nexata Felipe meniyotha bautisaba Etiópía nacuapin. <sup>39</sup> Poxonae meniyo wejuinabe, Nacom pia Pejumo pe tñaxu tatsi Felipe puxanatsi. Felipe equeicha jopa taetsi Etiópía nacuapin. Saya equeicha Etiópía nacuapin jüntema pona pia nacua beya. <sup>40</sup> Felipe taerucupatsi ichamonae Azoto tomaratha. Felipe daxita tomaran tamropatecapona xua pecueicueijiwa Jesucristo pia pexeinya jume diwesi tatsi, beya yacui jopa Cesarea tomaratha.

## 9

*Meje yabara poxonae Saulo jume cowanta Jesús  
(Hch 22.6-16; 26.12-18)*

<sup>1</sup> Awiya came Saulo ichipa daxita pejutebiwa pomonae Jesucristo pejume cowantsi jiwi tatsi, pon Jesús Pecanamataxeinaein jiwi. Daxota Saulo siwa pona sacerdotemonae pia pepa pentacaponaein tatsi. <sup>2</sup> Saulo wuca: “Necare cartan judiomonae pia penacaetutsi bon pia pentacaponaeawi nexa. Tha tacaponaetsi Damasco tomara beya. Icha caxinaein pomonae Jesús pejume cowantsiwi tha jiwi pecabi botha caponaetsi Jerusalén tomaratha, pebiwino, yabuxino”, jei Saulo. <sup>3</sup> Saulo Damasco tomara beya pona. Poxonae bara muxu pepatopae, bapoxonae pin coicha yacaincha matawacaicha matatsun uncuatabicatsi. Barapo coicha peitaboco wejopeica. <sup>4</sup> Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, ¿eta xua metha tamonae inta abe exaname?” jei pejume.

<sup>5</sup> Saulo jume nota, jeye: “Pon jiwi Pecanamataxeinaem, ¿jintamúmda?” jei Saulo. Saulo u pejume jume notatsi, jeye: “Apara bara xan Jesús, ponxaein inta abe cana exaname tamonae. <sup>6</sup> Nontaponde, tomara be-iyande. Baraxotiya catsipaebina pocotsiwa bewa exanaename”, jeichichi Saulo.

<sup>7</sup> Pebiwi, pomonae Saulo puna poinchi bichocono pijunuwi moya umena tsipei saya u pejume jume tane ichitha pepon jopa xapain taeyo. <sup>8</sup> Saulo nantacotaxuba asiya uncuu. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya. <sup>9</sup> Baraxota Damasco tomaratha Saulo eca acoiwi po matabibibe. Jopa xapain necotsiyo. Barapo acoiwi po matabibibetha jopa nabanaeyo, jopa apaeyono.

<sup>10</sup> Baxota Damasco tomaratha popona pon pejume cowantsin Jesucristo. Bapon pewun Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeichichi: “¡Ananías!” jeichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

<sup>11</sup> Nexata Jesús Ananías baraichi: “Nontaponde. Namto beya ponde, po namto pewun Bopiya perucuiyae namto. Poxonae Judas pia botha patopame, yainyabare barapo botha. “¿Incane Saulo, Tarso tomaramonaepin?” jande. Iraunxuaera Saulo Nacom tsipaebauya. <sup>12</sup> Saulo amachinae xua cacamaita, xua Ananiam xua itacuere wunaetsiname Saulo necobetha”, jei Jesús.

<sup>13</sup> Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinae bapon cata abe exanatsi jinya jiwimonae, pomonae Jerusalén tomaratha jinompa. <sup>14</sup> Bapon carta capatopa xote, po carta bayatha sacerdotemonae pia pentacaponaeawi caitoroba. Saulo carta capatopa poxoru sacerdotemonae jume jejei xua Saulo

pinæ bara caponaena jiwi pecũbi bo beya pomonæ cawun ununeiba poxonæ Nacom tsipaebibatsi”, jei Ananías.

<sup>15</sup> Jesús Ananías baraichi, jeichichi: “Ponde tsipei yaitama bapon bayatha Saulo itapetan. Bapon Saulo tsipaebina tajume diwesi icha nacuantha, po nacuantha jinompa pomonæ jopa judiomonæ naexanaeyo. Matautano tsipaebina pomonaetha pomonæ jiwi itorobiya pia pepa peewatsiwichi. Matautano tsipaebina barapo tajume diwesi israelmonaetha.

<sup>16</sup> Tha bexa Saulo tsita itutichi po coyene xua bewa atene tsane tajume diwesi penatsipei cueicueijeixæ tsane”, jei Jesús.

<sup>17</sup> Nexata Ananías pona ichaxota Saulo eca. Poxonæ joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixæ Jesús. Bapon Jesús pon jiwi Pecanamataxeinaein neitoroba, pon namtotha catsita naitata xuano xua catsipaebano. Jesús neitoroba nenecotsinexa tsane yawa Nacom necajuntu coyene yuca exanaenexa pia Pejumoꝑe tunaxutha, jei Ananías xua Saulo tsipaebatsi.

<sup>18</sup> Barapoxonæ caena nainya peitacueretotha be petsebocoton taothopeinatsi. Bapoxonæ equeicha caewa wunaeya daxita carepaya tane. Saulo asiya uncuæ bapoxonæ caena bautisabatsi. <sup>19</sup> Poxonæ nabane bapoxonæ cui thunei tsanaya. Be caentacabiyobe Saulo eca Damasco tomaratha ichaxota ena pomonæ pejume cowantsiwi Jesucristo.

*Meje yabara poxonæ Saulo Jesús pejume diwesi paeba Damasco tomaratha*

<sup>20</sup> Caena nainya Saulo pona judiomonæ pia penacæutusi bontha tatsi. Tsipaeba barapomonaetha, jeye: “Barapon Jesús, apara Nacom Pexanto tatsi”, jei. <sup>21</sup> Daxita pomonæ jume tayena barapomonæ yabara najuntu coyene cabenaeca, nabarai, najei:

—Bara baraponda, pon cain matha Jerusalén tomaratha patopa xua abe peexanaponæenexatsi pomonæ Jesucristo pewun ununaewichi poxonæ Nacom wæqueibatsi. Apara bapon pon bayatha xote patope xua peteicaenexatsi pomonæ pejume cowantsiwi xuano xua pecaponaenexatsi pomonaetha pomonæ sacerdotemonæ pia pentacaponaewi xua Jerusalén tomara beya, najei.

<sup>22</sup> Ichitha bapon Saulo awiyya jume tsacatsacapiya cueicueije. Bapon tsita itapeinya xeina xua Jesús apara Mesías. Daxota barapomonæ judiomonæ moya umenarucupa tsipei yabara najuntu coyene cabenaeca pocotsiwa xua Saulo paeba.

*Meje yabara poxonæ Saulo panepa judiomonæ pecuiyainwa*

<sup>23</sup> Poxonæ ainya matakabin yapucaewa judiomonæ caemonæ peburaya nanta xeina xua bepa bexubichei Saulo. <sup>24</sup> Saulo ichun muxu baraichi: “Bepa cabexubei ichamonæ”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita matakabi, yawa merawino. <sup>25</sup> Ichitha Saulo merawi panepa poxonæ pijimonæ pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

*Meje yabara poxonæ Saulo Jerusalén tomaratha popona*

<sup>26</sup> Poxonæ Saulo Jerusalén tomaratha patopa bepa bequein baru nacaetutei Jesús pejume cowantsiwichi tatsi, ichitha barapomonæ Saulo cunuwatsi tsipei nanta xeina xua Saulo jopa xapain Jesús pejume cowantsiwichi jiwana tatsi. <sup>27</sup> Ichitha Bernabé Saulo cuaranotatsi Jesús pia peitorobi jiwi tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita naitutatsi Jesús pon jiwi Pecanamataxeinaein. Matautano pinae Saulo muxu tsipaebatsi. Matautano pinae tsipaeba Jesús pejume diwesi Damasco tomaratha xua pinae cui tsacatsacapiya cueicueije”, jei Bernabé. <sup>28</sup> Daxota Saulo napopona ducuaæta Jerusalén tomaratha ichaxota Jesús pia peitorobi jiwi tatsi. Saulo Jerusalén tomaratha jume tsacatsacapiya cueicueije ducuaæta Jesús pejume diwesi tatsi pon jiwi Pecanamataxeinaein. <sup>29</sup> Saulo yabara baru natsipaeba Jesús pejume diwesi, yawa baru najume matsontsonobatsi judiomonæ, pomonæ xua griego jume penatsipaebiwi. Barapomonæ judiomonæ, ichichipa xua Saulo sebexubiwatsi. <sup>30</sup> Pomonæ iru Jesús pejume cowantsiwi tatsi jume tane, xua bepa Saulo imoxoyo bexubichei judiomonæ. Daxota Saulo Cesarea tomara becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

<sup>31</sup> Daxita Jesús pejume cowantsiwi tatsi junte ma jinompa Judea nacuaetha, Galilea nacuaetha, Samaria nacuaetha, tsipei jopa ichamonæ abe exanaeyo barapomonaetha. Matautano barapomonæ mataropeichiya nacuidubapona xua pejume cowantaponaewa Nacom. Matautano exanapona pocotsiwa Nacom ichichipa. Nacom pia Pejumoꝑe tunaxu tatsi barapomonæ yaweinchi pejuntu coyeneintha tatsi. Pinmonæ Jesús jume cocowantapona.

*Meje yabara poxonæ Eneas axaibi exanatsi*

<sup>32</sup> Poxonae Pedro siwa pona ducuaetaeiba daxita tomaran Jesús pejume cowantsi jiji tatsi, bapoxonae yawa siwa ponano pomonae Jesús pejume cowantsi jiji pomonae ena Lida tomaratha. <sup>33</sup> Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pewan Eneas. <sup>34</sup> Pedro, Eneas baraichi: —Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonae caena yacuina nantacotaxuba Eneas. <sup>35</sup> Nexata Lida tomarapiwi, iru Sarón tomarapiwino, barapomonae Eneas tainchi xua equeicha beta pona. Bapoxonae barapomonae nacui barapenta xua copiya jume cowanta pejume cowantsinexa Jesucristo, pon jiji Pecanamataxeinaein.

*Meje yabara poxonae Dorcas equeicha caewa asu exanatsi poxonae tupa*

<sup>36</sup> Iruu jame caena bayatha Jope tomaratha popona powa pejume cowantsiwayo Jesús. Bapowa pewan Tabita. Barapo wan seicaya griego jume wan “Dorcas” baraichi. Barapowa pocotsiwa wunae itapeta exaneiba nawita. Matautano barapowa yaweneiba pomonaetha pomonae peacopeibiwi. <sup>37</sup> Barapowa caena nainya atene tsanaya. Caena nainya tapanaya. Daxita petupaein matapaeta peru iquicatsi. Bapoxonae po tutu athabeicha baxota boichatsi. <sup>38</sup> Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonae Jesús pejume cowantsiwichi tatsi jume tane xua jinya Pedro Lida tomaratha popona. Bapoxonae itoroba pebinbe nacueyatabe xua bepa pinae tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonae Jesús pejume cowantsiwichi tatsi. Bepa pinae anetha iyaem”, jeibe baponbe.

<sup>39</sup> Bara Pedro puna pona baponbetha. Poxonae Pedro patopa Jope tomaratha, baru jojoniyatsi Pedro, ichaxota po tututha boca petupaewa Dorcas. Daxita pecuenta werapaewaxichi piseurixi caquita wecoyei tsumenaetsi Pedro. Yawa barapowaxi Pedro tsita itubatsi doroburu, camisanno xua bayatha Dorcas taxuxuca poxonae cataunxuae abu popona. <sup>40</sup> Pedro pesato beitaweya daxita barapomonae. Pedro imoxoyo caquita eca pentabocototha. Nacomtha tsipaeba. Bapoxonae powa tumpuncua Pedro pexainya benecoya, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa tumpuncua necotaxuba. Poxonae Pedro tainchi, bapoxonae nantacotecataba. <sup>41</sup> Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cowantsi jiji tatsi, iruru powaxi pecuenta werapaewaxichi piseurixi. Barapomonae Pedro tsita itata xua equeicha Dorcas asu. <sup>42</sup> Jope tomarapiwi jume taerucara xua equeicha Dorcas petupaewa nacosata. Bapowa equeicha asu popona. Daxota pinmonae jume cowanta Jesús pon jiji Pecanamataxeinaeinchi. <sup>43</sup> Jope tomaratha Pedro baxota popona ainya matabacin. Pedro popona Simón pia botha tatsi pon xua duwei peboco wunaeteibin.

## 10

*Meje yabara Pedro iru Cornelio*

<sup>1</sup> Iruu jame Cesarea tomaratha pebin warapaeya popona. Bapon pewan Cornelio. Cornelio, jame yatsicaya pia nacua tatsi Italia nacua. Bapon soldadomonae pia pentacaponaein tatsi. Iruu soldadomonae pia nacua tatsi Italia nacua. <sup>2</sup> Cornelio piamonae baru jume cowanta Nacomtha. Matautano Nacom wunae jaintatsi. Barapon Cornelio matowa yaweneiba judiomonae, pomonae peacopeibiwi. Bapon paratixi catsibeiba barapomonaetha. Bapon Cornelio tsipaebeiba Nacomtha. <sup>3</sup> Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonae camaita. Matatsunpin patopaeya namchi, jeye: “¡Cornelio!” jei. <sup>4</sup> Cornelio junuwiya camaitiya tane matatsunpin. Cornelio jume epa pita, jeye: “Pon jiji Pecanamataxeinaem, zeta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonae tsipaebame pexainya beya. Cacu taneno xua yaweneibame peacopeibiwi. Nacom cayabara nanta xeina. <sup>5</sup> Cornelio, ichamonae Jope tomara beitorobiyama pewabinexa tsainchi pon ainya wanbe pexeinaein. Bapon Simón baraichi yawa Pedro baraichi. <sup>6</sup> Barapon Simón Pedro eca icha Simón pia botha tatsi pon Simón seicaya pon duwein peboco wunaeteibin. Barapon Simón mar mene itapatha yabo uncua”, jeichichi Cornelio matatsunpin.

<sup>7</sup> Poxonae matatsunpin napitaba, barapoxonae Cornelio ichamonae waba, pomonae xua pia botha petanacuichiwichi. Iru soldadomonaepin waba, pon xua pia botha tanacuitatsi. Barapon soldadomonaepin rejuntu coylene xanepanaein Nacomtha.

<sup>8</sup> Barapomonaetha tsipaebatsi pocotsiwa bayatha Cornelio tsipaebatsi matatsunpin. Cotacaya Cornelio itoroba barapomonaе Jope tomara beya.

<sup>9</sup> Icha mataqueitha barapomonaе warapa Jope tomara beya. Poxonaе cataunxuae itiya pona poxonaе mateinyaxae, poxonaе bara imoxoyo patichaba, bapoxonaе итн Pedro bo matatupa beecoinyara, po bo matatupa pereca. Nacom tsipaebawiya poxonaе bayatha mataeinyaxae tsuxubi. <sup>10</sup> Pedro bichocono jainpeca, bepa bequein xaei. Ichitha poxonaе awiya cataunxuae tasetatsi, Pedro tsita naitutatsi be poxonaе camaita. <sup>11</sup> Pedro athabe necoicha xua peitaboco nayausaranaxuba. Yawa taneno xua pin paparuwa pexainya betaruneicatsi, be xua jiton nantiya caruneicabe. <sup>12</sup> Bapoxonaе barapo paparuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibun. Yawa tane daxita xua xuan saya petompacuetontha bobenapona be jomon. Matautano tane daxita xua xuan saya yapupuna be peyapupunaewi. <sup>13</sup> Nexata Pedro peitabocotha jume tane xua namchi, jeye: “Pedro asiya uncautabare. Pon xua ichichipame, pire. Moya bexore. Yawa xaema”, jei barapo jume.

<sup>14</sup> Nexata Pedro jume nota, jeye: “Bara, bayatha apara jopa bapana camatsawan xaeinyo, xua tamonaе jopa copatsiyo xua pexaewa”, jei Pedro. <sup>15</sup> Equeicha Pedro jume tane pejume xua tsipaebatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

<sup>16</sup> Pedro matha acoibi po jumeyobe tsipaebatsi baxua. Bapoxonaе paparuwa caibe juinya peitaboco beicha. <sup>17</sup> Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonaе Cornelio itoroba, barapomonaе i dapo bon yainyainyaba tsiniya: “¿Incane Simón pia bo?” jei. Bapoxonaе bapomonaе pata Simón pia curara coibototha tatsi. Poxonaе barapomonaе pata, Pedro cataunxuae yabara nanta xeina xua tsipaebatsi xua Nacom tsipaeba. <sup>18</sup> Poxonaе Cornelio pijimonaе tatsi pata baxota, pin jumetha namchi, jeye: “¿Incane Simón pon icha wan ‘Pedro’ baraichi? ¿Baxota bara ecará?” jei.

<sup>19</sup> Awiya came Pedro baxua yabara nanta xeinequiya xua pocotsiwa bapon tane. Nexata bapoxonaе Nacom pia Pejumope tuxaxu tatsi Pedro baraichi, jeye: “Pedro, nejume taema. Acoibi poyobe pebiwi cawenawenei tsompae. <sup>20</sup> Nontaponde nainya ira bedunatabareinca. Barapomonaе naponde, beitatema napontabare, yaitama barapomonaе itoroban”, jeichichi Pedro.

<sup>21</sup> Bara nexata Pedro ira bedunatabareca. Pedro barai barapomonaе, jeye:  
—Apara bara xan, po jiton xua pana newenawenei tsompaem. ¿Eta xua metha papatame? jei.

<sup>22</sup> Barapomonaе Pedro jume notatsi, jeye:  
—Papatana yaitama Cornelio, pon soldadomonaе pia pentacaponaein tatsi, bapon pana itoroba. Barapon pejuntu coyene xanepanaein. Barapon Nacom jume cowuntatsi. Итн daxita judiomonaе barapon baru cui itura jineibatsi yawa antobetsi. Pinae Nacom pia matatsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonaе, xua Pedro tsipaebatsi.

<sup>23</sup> Nexata Pedro waba barapomonaе xua petamaitenaewa tsainchi barapo botha. Icha matacabitha piawa xaxainta xua caponaena. Bapoxonaе Pedro napona barapomonaе. Итн ichamonaе naponano, pomonaе итн Jesús pejume cowuntsiwi tatsi, pomonaе xua ena Jope tomaratha.

<sup>24</sup> Icha matacabitha pata Cesarea tomaratha. Baraxota Simón Pedro ewatatsi. Cornelio pia matabuxuyomonaе pewabixae baru ewateca, yawa pia jiwi tatsino. <sup>25</sup> Poxonaе Pedro Cornelio pia botha tapatopatsi, Cornelio Pedro jacobatsi. Bapoxonaе Cornelio Pedro peitabaratha pentabocototha tauncuatsi, pewunaе jainchinexa tsainchi Pedro. <sup>26</sup> Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

<sup>27</sup> Poxonaе Pedro natsipaebiya jonyabe, baxota Pedro pin bicheito tane xua nacaetuta. <sup>28</sup> Nexata Pedro barai barapomonaе, jeye:

—Bara bayatha payaputaneme xua waxainchi judiomonaе jiwichi wacui coyenewa xeinatsi xua jopa nacui yabara copatichi xua wabarun nacaetuteibiwa pomonaе jopa judiomonaе naexanaeyo. Matautano jopa nacui yabara copatichi xua pia bonthano waponeibiwa. Ichitha Nacom aunxuae necuiduba xua pinae jopa bewa ichamonaе catsapiwi jaintin tsane. <sup>29</sup> Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

<sup>30</sup> Nexata Cornelio, Pedro jume notatsi, jeye:  
—Petain cuatro po matacabibe tsuxubi, quiripitha xote tabohta poxonaе yabara nainbotan xua Nacom tsipaeban barapoxonaе matatsunpin jemeicha tabohta patopa. Barapo

matatsunpin paparuwa nama xatata po paparuwa bichocono daedaena. <sup>31</sup> Matatsunpin nebarai: ‘Cornelio, bayatha Nacom cajume tane poxonaе tsipaеbame pexainya beya. Cacui taneno xua yaweneibame peacopeibiwi daxota Nacom cayabara nanta xeina’, jei. <sup>32</sup> Nebaraino: ‘Ichamonaе Jope tomara be itorobiyama, pewabinexa tsainchi pon ainya wunbe pexeinaein. Bapon Simón baraichi, yawa Pedro baraichi. Pedro eca ichan Simón pia botha tatsi, pon Simón pon seicaya duwein peboco wunaeteibin. Barapon Simón mar mene itapatha yabo uncua’, nejei. <sup>33</sup> Daxota nainya itoroban ichunbe acoiби poyobe yaitama apara cawabatsi. Barabu patopame. Daxita paxan xote Nacom peitabaratha pajinompan. Matautano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

*Meje yabara poxonaе Pedro pin diwesi paeба Cornelio pia botha tatsi*

<sup>34</sup> Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichan ainya cui xua beyacaincha ichan. Nacom daxita jiwi tsita najupatsi. <sup>35</sup> Daxita nacuantha pomonaе xua Nacom wunae jaintatsi xuano xanepanaya exanano, Nacom antobe barapomonaе. <sup>36</sup> Bayatha payaputaneme xua Nacom Pejume Diwesi nacariwesi itoroba paxantha pomonaе Israel pia pemomoxi susato jiwi tatsi panxaein. Barapo pexeinya diwesi jume junteма jinompa pana exana poxonaе Jesucristo pajume cowantan. Nacom Jesús Pecanamataxeinaein exanatsi daxita carepaya jiwi nexa. <sup>37</sup> Paxam bara payaputaneme xua Juan Jesús yabara cueicueijeichi yawa bautisaba jiwi Galilea nacuatha. Bapoxonaе iruru Jesucristo tamropata pitaba xua cueicueijei Galilea nacuatha yawa daxita Judea nacuatha. <sup>38</sup> Matautano bara payaputanemeno xua Nacom cata pia peayapusu itorobi coyenewa, Jesucristo Nazaret tomarapin catatsi. Yawano Jesucristo nacana jumope tunaxu catatsi. Bapoxonaе Jesús daxita carepaya tomarantha popona ducuaeta. Yawa axaibi exana ducuaetaetano peatene jiwi. Yawa taitaweta ducuaetaetano pomonaе xua cauri pexeinaewi. Daxota bapon baxua beta exana Nacom bebaru poponaexae. <sup>39</sup> Bayatha pacui tan daxita carepaya xua Jesús exana Judea nacuatha, Jerusalén tomarathano ichaxota jinompa judiomonaе. Bapoxonaе nama Jesús naetha cobe matatabarutatsi, xua poxonaе tupa exanadutatsi naetha. <sup>40</sup> Poxonaе acoiби po matababibe tsuxubi Nacom petapaein equeicha asu exana. Matautano bapon pana netsita naituta exana. <sup>41</sup> Ichitha daxita jiwi jopa tsita naituta exanaetsi. Saya paxan pana netsita naituta exana. Nacom pana itapeta pia patayopichinexa ichamonaetha pocotsiwa Jesús exana xuano xua paeбano. Paxan Jesús pabaru nabanан, matautano pabaru apanno poxonaе equeicha asu popona. <sup>42</sup> Jesús pana itoroba daxita nacuantha pata paebinexa tsane Nacom Pejume Diwesi, xuano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentisiwa xua abe peexanaexae. Bexa tsane Jesús daxita jiwi nanantaitsiya jiwana torotsiya itawetsina, pomonaе cataunxuae jinompa yawa pomonaе bayatha werapano. <sup>43</sup> Bayatha pomonaе Nacom pia peitorobi jume pepaebiwi Jesús pejume diwesi paeба. Barapomonaе namchi: ‘Daxita pomonaе Jesús pejume cowantsiwichi barapomonaе Nacom yabara juntemainaena abe pia peexanaе cuiu coyenein tatsi Nacom pia peayapusuwathaxae’, jei barapomonaе, jei Pedro.

*Meje yabara poxonaе pomonaе jopa judiomonaе naexanaeyo pejantu coyeneintha tapatsi Nacom pia Pejumope tunaxu tatsi*

<sup>44</sup> Poxonaе cataunxuae Pedro cueicueijei, bapoxonaе Nacom pia Pejumope tunaxu tatsi tapatsi pomonaе jume tane xua Pedro paeба. <sup>45</sup> Judiomonaе, Jope tomarapiwi, pomonaе pejume cowantsixae Jesucristo, barapomonaе Pedro puna poinchi. Barapomonaе daxita yabara najuntu coyene cabenaeca xua iru barapomonaе pomonaе jopa judiomonaе naexanaeyo iru pejuntu coyeneintha taenatsi Nacom pia Pejumope tunaxu tatsi. <sup>46</sup> Judiomonaе yaputane xua bara xaniwaicha Nacom pia Pejumope tunaxu tatsi tapatsi pomonaе jopa judiomonaе naexanaeyo. Yaputane tsipei barapomonaе barompaya tsanaya icha jumeintha cueicueijei. Ichitha barapomonaе jopa xapain najume copi yaputaeyo. Judiomonaе jume taneno xua pomonaе jopa judiomonaе naexanaeyo Nacom wunae jaintatsi. <sup>47</sup> Pedro namchi, jeye:

—Barapomonaе apara Nacom pia Pejumope tunaxu tatsi xeina icha waxainchi ichichi. Jiton dapon aibi pon jeye: ‘Jopa bewa bautisabi, apara pomonaе jopa judiomonaе naexanaeyo’, xua pon pejeiwa, jei Pedro.

<sup>48</sup> Pedro cui itoroba judiomonaе. Pedro namchi, jeye: “Pabautisabare barapomonaе pomonaе jopa judiomonaе naexanaeyo. Jesucristo pewun pawun taibare poxonaе pabautisabame”, jei Pedro. Bapoxonaе pirapae barapomonaе, pomonaе xua aena taenatsi Nacom pia Pejumope tunaxu tatsi, Pedro apusiwatsi xua jopa warapae tsane yawa xua caeto abu ecaenano.



## 11

*Meje yabara poxonae Pedro diwesi tsipaeba pomonaetha pomonae Jesús pejume cowantsiwi Jerusalén tomaratha*

<sup>1</sup> Jesús pia peitorobi jiwí tatsi iruru pomonae pejume cowantsiwi Jesús, pomonae ena Judea nacuatha, barapomonae daxita jume tane xua iruru pinae pomonae jopa judiomonae naexanaeyo bayatha jume cowanta Nacom Pejume Diwesi. <sup>2</sup> Poxonae Pedro Jerusalén tomara bewarapiya, judiomonae pomonae xua jume cowanta xua ainya cui Jesús pejume cowantsiwi jiwí tatsi pewi thabiwa tsainchi, barapomonae Pedro jume daunweya tsipaebatsi. <sup>3</sup> Pedro baraichi, jeye:

—¿Eta xua metha barapomonae siwa poname pomonae jopa judiomonae naexanaeyo? ¿Eta xua metha naxaneme barapomonaetha? jei judiomonae.

<sup>4</sup> Nexata Pedro diwesi eetapona xua cueicueije barapomonaetha. Po diwesi eetapona, barapo diwesi xua poxonae siwa pona pomonae jopa judiomonae naexanaeyo. Pedro namchi:

<sup>5</sup>—Poxonae Jope tomaratha Nacom tsipaeban, pin paparuwa tan be poxonae camaitan. Barapo paparuwa peitaboco weruneica be pematontha nantiya yacaincha opi queraba. Taxainya duneica. <sup>6</sup> Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquibun. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi. <sup>7</sup> Peitabocotha jume tan xua nebarai: ‘Pedro asiya uncuatabare. Pon xua ichichipame, pire. Moya bexore. Yawa xaema’, nejei. <sup>8</sup> Jume notan nexata: ‘Bara, bayatha apara jopa bapana camatsawan xaeinyo xua tamonae jopa copatsiyoxua pexaewa’, jan. <sup>9</sup> Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei. <sup>10</sup> Acoibi po jumeyobe nebarai. Saya u barapo jumethabe nebarai. Bapoxonae paparuwa equeicha peitaboco beicha caibe caicha. <sup>11</sup> Paparuwa caibe juinya, iruru pebiwi acoibi poyobe pataru. Bapoyobe Cesarea tomarapiwi, taxantha pata. Barapo acoibi poyobe, pomonae Cornelio itoroba. <sup>12</sup> Nacom pia Pejumope tunaxu tatsi nebarai: ‘Napuna ponde. Beitatema pontabare’, nejei. Iru nebaru pona seis poyobe Cesarea tomara beya pomonae pejume cowantsiwi Jesús. Pajojoniyati Cornelio pia botha tatsi. <sup>13</sup> Cornelio pana netsipaeba xua pinae pia botha tapatopatsi matatsunpin. Matatsunpin namchei: ‘Pebiwi Jope tomara beitorobiyama, pewabinexa tsainchi pon xua ainya wunbe xeina, Simón yawa Pedro. <sup>14</sup> Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom’, jei pinae matatsunpin poxonae pinae Cornelio tsipaebatsi, jei Pedro barapomonaetha. <sup>15</sup> Pedro equeicha namchi:

—Poxonae Jesucristo pejume diwesi paebaxoyan Corneliobaratha, barapoxonae Nacom pia Pejumope tunaxu tatsi tapatatsi barapomonae. Icha cain painta ichi, barichi pomonaetha Nacom nacana jumope catsiba. <sup>16</sup> Bapoxonae nantana pitaban Jesús pejume, poxonae pana barai: ‘Juan saya u meratha bautisaba. Ichitha Nacom seicaya barompaya pia cuitha paca bautisaba. Ichitha Nacom seicaya barompaya pia cuitha paca bautisabina. Bapoxonae painya juntu coyeneintha pacata patsina Nacom pia Pejumope tunaxu tatsi’, jei Jesús. <sup>17</sup> Xaniwaicha beta yaputan xua Nacom nacana jumope tunaxu cata barapomonaetha pomonae jopa judiomonae naexanaeyo, icha cain ichi poxonae Nacom nacana jumope tunaxu cata pata xantha poxonae Jesucristo pajume cowanta. Daxota Nacom jopa cui yancatabinyo poxonae ichichipa exana barapomonaetha, jei Pedro.

<sup>18</sup> Poxonae Jesucristo pejume cowantsiwi, pomonae ena Jerusalén tomaratha, poxonae baxua jume taerucpa moya umenarucpa. Matautano Nacom wunae jaintatsino. Barapomonae namchi, jeye:

—¡Maisa wunae, iru Nacom nacana cui cata pomonaetha pomonae jopa judiomonae naexanaeyo xua barapomonae pejume cowantsiwa tsaneru Jesús, yawa xua jantema pejinompawea tsaneru! Baraxua Nacom ichichipa xua barapomonae najuntu cui coyene barapenta xua abe, petaxeinaenexa tsainchi peajuntu yarupuswa, po peajuntu yarupuswa xua jopa weraweracaeyo, jei barapomonae.

*Meje yabara poxonae Jesús pejume cowantsiwi jiwí tatsi jinompa Antioquia tomaratha*

<sup>19</sup> Jesucristo pia pejume cowantsiwi jiwí tatsi ducpa, tsipei peanaepanaewi yotaba, poxonae po matacabitha Esteban bexotsi. Barapomonae tsanarucpa, ichun Fenicia nacua beya, ichun Chipre nacua tunaeto beya, ichun Antioquia tomara beya. Barapomonae saya judiomonaetha cueicueije Jesucristo pejume diwesi. <sup>20</sup> Ichamonae, pomonae pejume cowantsiwi Jesús, Chipre nacua tunaetopiwi, Cirene tomarapiwino, barapomonae Antioquia tomaratha pata. Daxita barapomonae tsipaeba pomonaetha pomonae jopa judiomonae naexanaeyo Jesús pejume diwesi tatsi pon jiwí pia Pecanamataxeinaeinchi.

<sup>21</sup> Barapomonaē yawenatsi nawita Nacom pia peayapusuwa tatsi. Daxota pin bicheito pomonaē jopa judiomonaē naexanaeyo, barapomonaē jume cowantatsi Jesús, pon jiwi Pecanamataxeinaeinchi.

<sup>22</sup> Jerusalén tomaratha, Jesucristo pejume cowantsi jiwi tatsi, barapomonaē, jume tane xua Antioquia tomarapiwi jume cowanta Jesucristo pomonaē jopa judiomonaē naexanaeyo. Daxota Bernabé Antioquia tomara beitorobiyatsi. <sup>23</sup> Poxonaē Bernabé Antioquia tomaratha patopa be ita cui wunaetsi xua Nacom yawena barapomonaētha. Bapoxonaē Bernabé juntu coyene weiweina. Bernabé barapomonaē barai, jeye: “Paañtucoyenyapusuwa jinompare Nacomtha. Matautano Nacom añntuyapusuwa pajume cowantaponde”, jei Bernabé. <sup>24</sup> Bernabé peñntu coyene xanepanaein. Bapon juntu coyene yucatsi Nacom pia Pejumo peñntu tatsi tsipei daxita i daxuan exana pocotsiwa Nacom itoroba. Matautano bichocono Nacom jume cowantatsi. Daxota pin bicheito jume cowanta Jesús, pon jiwi Pecanamataxeinaeinchi.

<sup>25</sup> Nexata Bernabé Tarso tomara bewarapiya, pewenaweneinexatsi Saulo. <sup>26</sup> Poxonaē Saulo caxinatsi baxota, Antioquia tomara bebaru warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwi matha Jesús pijimonaē tatsi wñ dutatsi xua Antioquia tomarapiwi wñ duta xua jeye: “Cristobaromonaē”, jeichichi barapomonaē pomonaē Jesús pijimonaē tatsi.

<sup>27</sup> Poxonaē Bernabé iru Saulo cataunxuae cuidubapoponaē Antioquia tomaratha, Nacom pia peitorobi jume pepaebiwi baxota pata, Jerusalén tomara werendena. <sup>28</sup> Baracaēin jiwana pewñ Agabo. Agabo asiya uncuwa barapomonaētha. Bapon wñnaē tsiwanaya paeina. Agabo yaputane exanatsi Nacom pia Pejumo peñntu tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxonaē jumba matha Claudio romanomonaē itorobiya pia pepa peewatsinchi tatsi naexana, bapoxonaē pin jainbo tsurucuae. <sup>29</sup> Daxota Jesús pejume cowantsiwi tatsi, pomonaē ena Antioquia tomaratha, ichipa yawena pomonaē iru pejume cowantsiwiwae Jesús pomonaē peenaexae Judea nacuaitha. Daxota barapomonaē pomonaē Jesús pejume cowantsiwiwae peñntu nanta xeina xua paratixi taitorobina. Daxita barapomonaē carepaya paratixi cata be xua po coyene cobe itacupatsi xua pecatsiwa. <sup>30</sup> Barapomonaē baxua exana. Barapo paratixi Bernabé iru Saulo caitorobatsibe pitiri jiwi nexa xua Judea nacua beya.

## 12

*Meje yabara poxonaē Santiago bexotsi iru xua poxonaē Pedro jiwi pecubi botha capoinchi*

<sup>1</sup> Barapoxonaē Herodes pon Judea nacuaipiwi peyanacua ewatsinchi, bapon tamropata pitaba xua pomonaē Jesús pejume cowantsiwi tatsi peraxa exanatsi. <sup>2</sup> Herodes itoroba pia jiwi, xua pin cusitha Santiago pebexubiwatsi, pon Juan peweicho tatsi. <sup>3</sup> Herodes jume tane xua judiomonaē tsita xanepanatsi xua Santiago bexotsi. Daxota Herodes cui itoroba piomonaē xua Pedro pewaetabiwatsi xua pecaponaenexatsi jiwi pecubi botha. Baxua exana poxonaē Pascua wñ matacabintha poxonaē jiwi pan xane po pan xua jopa xeinaeyo levadura xua pocotsiwa cotowa exana. <sup>4</sup> Poxonaē Pedro jiwi pecubi botha eca, soldadomonaē yapucaumena, Pedro yapucaumeinchi. Soldadomonaē, cuatro po bicheito matabuxuyobe. Cae matabuxuyo xeina be cuatro pooyobe. Be cae matabuxuyo tamroropatapona poxonaē yacaincha umeneibatsi Pedro. Herodes yabara nanta xeina xua peexanaewa tsane xua Pedro pin bicheito peitabaratha cuaranotinchi pepa tomaratha poxonaē Pascua wñ matacabin yapu caewina. <sup>5</sup> Awiya came Pedro jiwi pecubi botha eca. Ichitha Jesús pejume cowantsiwichi jume daunweya wñca Nacom, Pedro tawucatsi.

*Meje yabara poxonaē Nacom, Pedro capanepatsi jiwi pecubi bo weya*

<sup>6</sup> Herodes merawi nanta xeina xua baya tsane Pedro cuaranotinchi pepa bicheitho peitabaratha. Barapo merawitha, abu cataunxuae Pedro nantiya cobe nain camaituncuatsibe soldadomonaepinbe. Iru soldadomonaepinbe yacaincha uncuabe jiwi pecubi bo boupa. <sup>7</sup> Caena nainya Jesús pia matatsunpin tatsi Pedro tsita naitatatsi. Jiwi pecubi botha pin coicha penta tsuxubi bichocono. Matatsunpin Pedro yaubaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxonaē Pedro nantiya cobe nain jopeicabe iratha. <sup>8</sup> Bapoxonaē matatsunpin Pedro baraichi, jeye: “Coreinya bocoto bichocono nacoto epa catatabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

<sup>9</sup> Nexata matatsunpin Pedro pecoiboto bepuna joniya, pesato beya. Ichitha Pedro xapain jopa naita cui coyene taeyo xua jiwi pecubi bo wepuna joniya matatsunpin. Saya nanta xeina be amachinae. <sup>10</sup> Pedro iru matatsunpin xenta joniya be soldadomonaepin

pon yacaincha uncu a ichaxota Pedro etatsi. Bapoxonae equeicha icha soldadomonaepin xenta joniyabe pon ewatuncua pepa boupa xua pesatotha. Pedro iru matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxonae icha namtotha patopabe bapoxonae jemeicha matatsunpin Pedro cuenta aichurucuaetsi tomara namtotha.

<sup>11</sup> Barapoxonae Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba tsipei metha bepa necapanepae Herodes pia xainya weya tatsi xuano xua judiomonae pia xainya weya tatsi, pomonae ichichipa abe inta peexanaewa”, najei.

<sup>12</sup> Poxonae baxua nacui cananta xaina, Pedro pona María pia bo tatsi beya. Bapowa Juan pena tatsi. Juan icha wun xaina, Marcos. María pia botha tatsi pin bicheito nacaetuta pewaqueibinexa Nacomtha. Baxota Pedro patopa. <sup>13</sup> Pedro curara coiboto dadacata. Yabuyoy powa pewun Rode muxu naya pia yaputaetsi pon patopa. <sup>14</sup> Poxonae barapowa Pedro jume copi tainchi xua wawai abu jopa saranaxubiyoy peboupa. Bapowa bichocono juntu coyene weiweina daxota caibe cuinaya piamonae tsiwun caya. Namchi:

—Pedro curara coibototha uncu, jei Rode.

<sup>15</sup> Barapomonae namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomonae jume nota, jeye:

—Metha apara Pedro pia matatsunpin tatsi, pon yantatsi,

jei.

<sup>16</sup> Awiya came Pedro peboupa dacadacatuncua. Poxonae barapomonae peboupa saranaxoya, Pedro yabara najuntu coyene benaecaeya tainchi. <sup>17</sup> Pedro pecobetha moya jume matawenta. Cotacaya Pedro diwesi tsipaeba barapomonae xua bayatha capanepatsi jiwi pecubi bo weya, xua Jesús capanepa pon jiwi Pecanamataxeinaeinxae tatsi. Pedro namchi, jeye:

—Barapo diwesi Santiago patsipaebare iru ichamonae patsipaebare pomonae Jesús pejume cowantsiwi tatsi, jei Pedro.

Barapoxonae Pedro icha namto be-ya.

<sup>18</sup> Poxonae baya pentha tsina soldadomonae nabenaenompa tsipei jopa yabara yaputaeyo po coyene xua Pedro aichurucuae. <sup>19</sup> Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae jutebinchi. Barapoxonae Herodes Judea nacua wewarapiya, Cesarea tomaratha pepoponaenexa.

### *Meje yabara poxonae Herodes tupa*

<sup>20</sup> Herodes pon Judea nacuapiwi peyanacua ewatsinchi, bapon Tiro tomarapiwi casebatsi iru Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyoy poxoroy Herodes caseba barapo tomarapiwibe. Daxota Sidón tomarapiwi iru Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota barapomonae Blasto tsipaebatsi xua barapomonae peyabara jume yawenaexatsi xua poxonae petsipaebinxatsi Herodes. <sup>21</sup> Daxota Herodes wun duta, barapo matabi, po matabitha xua Herodes siwa ponaeinchi barapomonae. Poxonae matabi tsuxubiba barapo matabitha Herodes pia paparuwa nama xatataba po paparuwa tsobia, pocotsi paparuwan nama xataba pentacaponae. Bapoxonae pia peecaewatha eca. Herodes piamonaetha tsipaeba. <sup>22</sup> Nexata barapomonae wawai Herodes baraichi, jeye: “¡Apara xua bapon paeba, jopa be pebinyo, apara bara nacom tsecae!” jei barapomonae. <sup>23</sup> Bara caena bapoxonae Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonae pia coya Nacom naexana. Oro unu caewita poinchi. Jana caewita poinchino. Tsapita poinchino. Herodes tupaenexa.

<sup>24</sup> Pomonae xua jume cowanta Jesús, barapomonae taju tsipaebapona Nacom Pejume Diwesi daxita nacuantha. Daxota daxita pinmonae jume cowantatsi Jesús.

<sup>25</sup> Poxonae Bernabé Saulono nacui wetabe baxua, Jerusalén tomara wewarapiyabe. Antioquia tomara bewarapiyabe. Juan Marcos bara warapatsi.

## 13

*Meje yabara poxonae Bernabé Saulono Nacom Pejume Diwesi caponabe*

<sup>1</sup> Baraxota Antioquia tomaratha jiwana jinompa pomonae pejume cowantsiwi Nacom pomonae Nacom pia peitorobi jume pepaebiwi iru pomonae jiwi pecuidubiwi Moisés pia peitorobi coyene. Barapomonae meje: Bernabé iru Simón pon icha wanno, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana. <sup>2</sup> Caentacabi, poxonae barapomonae Nacom pejume coyene canatsipaeba exana, yawa yabara nainbota, barapoxonae Nacom pia Pejumope tñaxu tatsi barapomonae tsipaebatsi, jeye: “Paitorobare Bernabé, Saulono, petsipaebinexa tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tñaxu tatsi.

<sup>3</sup> Nexata poxonae xua Nacom wuca najume weta, xuano poxonae weta xua yabara nainbota, barapoxonae Bernabé Saulono pecobetha mataboco jayabatsibe. Bapoxonae napeyabatsibe.

*Meje yabara poxonae Nacom pia peitorobi jiwi tatsi, Nacom pia diwesi tatsi cueicueiji Chipre tunaetotha*

<sup>4</sup> Bapoxonae Bernabé Saulonuru itorobatsibe Nacom pia Pejumope tñaxu tatsi. Seleucia tomara bewarapiyabe. Bapoxonae ponabe jeratha po naetha po nae pin nae, petunaeto beya. Barapo tunaeto pewan Chipre. <sup>5</sup> Poxonae patopa Salamina tomaratha, Nacom pia pexeinya diwesi tatsi cueicueiji judiomonae pia penacaeuttsi bontha tatsi. Juan Marcos bichi napona Bernabé Saulono peyawenaenexatsi.

<sup>6</sup> Barapoyobe daxita barapo tunaeto matawacaicha enapona petsipaebinexa Nacom pia pexeinya jume diwesi tatsi. Bapoxonae Pafos tomaratha pata. Barapo tomaratha bapoyobe caxinabe judiomonaepin pon pewan Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan taceicueijein Nacom nexa”, jei. <sup>7</sup> Barapon napuna poneiba pontha pon Chipre tunaetopiwi peyatunaeto ewatsinchi ponxae pewan Sergio Paulo. Bapon Sergio Paulo peyaputaein. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa. <sup>8</sup> Barapon pon mara pexeinaein icha wan xeina, griego jume, “Elimas”, baraichi. Bapon Bernabé Saulono jume yancatabatsibe, tsipei jopa ichipaeyo xua Sergio Paulo jume cowantsina Nacom Pejume Diwesi. <sup>9</sup> Nexata Saulo, pon icha wanxae Pablo, Nacom pia Pejumope tñaxu tatsi juntu coyene yucatsi. Pablo bichocono pexainya beya tane. <sup>10</sup> Pablo barai, jeye:

—jBarjesús, xam pon jiwi nemuxitorobeibin, abe neexanaein, cauri pexantom, daxita xua pewanaewan neaichaxaibim! ¿Eta xua daichim jiwi cui yancababeibame xua pejume cowanteibiwa Jesús, pon jiwi Pecanamataxeinaeinchi? <sup>11</sup> Bara anoxuae Nacomtha natsi-aeae cuentsiname. Daxota caitacuere piontababa. Jopa caeto pesato taem tsane, beya poxonae matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ichan nacobena jayaba, pecobe caponaenexatsi peitata nacatsinxae. <sup>12</sup> Poxonae Sergio Paulo baxua tane bapoxonae bapon Nacom jume cowantatsi tsipei tsita wanaetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

*Meje yabara poxonae Bernabé Pablono Antioquia tomaratha ecabe xua Pisdia nacuatha*

<sup>13</sup> Pablo iru pijimonae tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomonae Juan Marcos wu pona. Barapoxonae Jerusalén tomara bewarapiya. <sup>14</sup> Nexata Pablo iru pijimonae tatsi Antioquia tomara be-iyiya. Barapo tomara Pisdia nacua nacacuita ecabe. Barapo matababitha, po matababitha pentaquei seicae matababitha, judiomonae pia penacaeuttsi botha tatsi pata, yawa enoundeca. <sup>15</sup> Baraxota ichan yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeba. Bapoxonae poxonae najume weta pentacaponae wi, pomonae peyabara umenaewi penacaeuttsi ho, barapomonae Pablo wabatsi iru piamonae tatsi wabatsi. Barapomonae jeye:

—Pata tajiwimonaem, icha paxei name diwesi, po diwesi xua barapomonae pejuntu coyene tsacabiwatsi xua junte ma pejinompaewa nexa barapomonae pomonae xote ene, bara moya papaebare barapo diwesi, jei barapomonae.

<sup>16</sup> Nexata Pablo asiya uncua. Pecobetha jume matawenta xua moya peenaenexa. Pablo barai, jeye:

—Incane pajume taema, israelmonae pam, iru paxamno pomonae Nacom abe paca necaexanaeyainwa pam xua icha abe paexaname, pomonae judiomonae jopa naexanaeyo

pam. <sup>17</sup> Wamo susato jiwi, pomonae Israel piamonae, barapomonae Nacom cana exana xua barapomonae nayoyotapona beya xua pin bicheito naexanapona, poxonae cataunxuae Egipto nacuatha jinompa. Nacom itapeta waba barapomonae, xua petanaexanaenexatsi pijimonae jiwana tatsi. Daxota Nacom pia peayapusuwatha wamo jiwi capanepatsi Egipto nacua weya. <sup>18</sup> Wamo jiwi ira xuepana susato tsurucuae nacua beya warapa cuarenta po weibe. Nacom yaweneiba barapomonae bequein barapomonae abe exaneiba cuarenta po weibe. <sup>19</sup> Wamo susato jiwi tsimaxu dubatsi Nacom poxonae jutebatsi Canaan nacuamonae. Nacom caewitaxuba Canaan nacuamonae siete po bicheito matabuxuoyobe. Wamo susato jiwi barapo ira xuya catatsi, Nacom cata. <sup>20</sup> Daxita baraxua Nacom exana barapomonaetha cuatrocientos cincuenta po weibetha.

“Bapoxonae Nacom jiwana cana exana pomonae jiwi peyabara paebiwichi xua penatsicuentisiwa xua abe peexanaexae pentacainompaenexa tsane barapomonae. Nacom baxua exana beya poxonae pon pewan Samuel popona pon Nacom pia peitorobi jume pepaebin. <sup>21</sup> Nexata israelmonae Nacomtha wuca pon be yatsicaya barapomonae barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pewan Saul, Cis pexanto tatsi, pon Benjamin pia pemomoxi susato jiwana tatsi. Bapon Saul, pon jiwi itorobiya pia pepa peewatsin naexana cuarenta po weiyobe. <sup>22</sup> Bapoxonae Saul cui matawentatsi Nacom abe peexanaexae. Equeicha exana ichun pon jiwi itorobiya pia pepa peewatsinchi, pon pewan David. Nacom yabara jume jei David: ‘David tan, pon Isai pexanto. David netsita juntu coyene xanepana yawa wunae exanano. David itapeta exanaena daxita pocotsiwa ichichipan’, jei Nacom. <sup>23</sup> David pia pemomo susato jiwana tatsi, bapon pewan Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamonae. Baraxua caena bayatha Nacom yabara tsiwunae muxu duta. <sup>24</sup> Pewunaeya poxonae Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa nacui barapentsina abe peexanae cuiru coyenein xua Nacom petsita xeinaexatsi icha juntu coyenein, xuano xua bewa pinae nabautisabina. <sup>25</sup> Poxonae Juan bara imoxoyo tupa, jeye: ‘Jopa daponyo xan, pon xua payabara nanta xeiname, pon Mesías baraichi. Cotacaya ichun patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu mu isanaxubiwa tsane pia penataxu xatatsiwa tatsi’, jei Juan”, jei Pablo.

<sup>26</sup> Equeicha Pablo jeye: “Tamonae pam, Abraham pia pemomoxi susato jiwi tatsi pamx-aem, iruru pomonae Nacom abe paca necaexanaeyainwa pam xua icha abe paexaname. Nacom pacata itoroba barapo pepapanebiyae diwesi jume po diwesi Juan yabara paeba. <sup>27</sup> Barapomonae pomonae Jerusalén tomaratha jinompa iru pia pentacaponaeawi tatsi jopa Jesús yaitaetsi po coyene xua bapon apara Mesías. Matautano barapomonae jopa yaputaeyo xua bayatha Nacom peitorobi jume pepaebiw yabara wunae tsiwanaya paeba xua hexa Jesús cana exaneinchi. Pentaquei seicae matababitha poxonae ichamonae yoroba po diwesi xua Nacom pia peitorobi jume pepaebiw tina, judiomonae pia penacaetutsi botha tatsi barapomonae jopa yabara yaputaeyo barapo diwesi. Poxonae Jesús naetotha teparucua exanatsi, barapomonae nanta jupiya exana Jestutha icha be pocotsi coyeneya bayatha Nacom pia peitorobi jume pepaebiw paeba. <sup>28</sup> Barapo judiomonae jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomonae Pilato wucatsi xua Pilato itorobina soldadomonae xua Jesús pebexubiwa tsainchi. <sup>29</sup> Barapomonae exana daxita po coyene bayatha xua Jesús yabara wunae tsiwanaya paebatsi Nacom Pejume Diwesitha. Barapoxonae Jesús pijimonae petupaen naeto wepichicatsi. Pijimonae muthutha xotsi petupaen pitapatororo muthutha. <sup>30</sup> Ichitha Nacom, Jesús equeicha caewa asu exanatsi petupaen cuiru coyene weya. <sup>31</sup> Matha cain Jesús puna jinompeibatsi ichamonae poxonae Galilea nacuatha popona, Jerusalén tomarathano. Barapomonaetha equeicha Jesús tsita naituta ducuanebiya ainya matababi dapaen. Pomonae Jesús bayatha tsita naituta, barapomonae apara pomonae xua anoxuae daxita tomaran tsipaeba dubenanaebiya Jesús yabara.

<sup>32</sup> “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiwunae muxu duta wamo susato jiwitha. <sup>33</sup> Baxua Nacom exana poxonae Jesús equeicha asu exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha tina Nacom Pejume Diwesitha xua salmos penaxunae weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei. <sup>34</sup> Nacom, Jesús asu exanatsi, xua equeicha jopa petupaenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiwunae muxu dutan’, jei. <sup>35</sup> Daxota pon xua tina salmos penaxunae weixi diwesintha, barapo diwesintha Nacom baraichi: ‘Jopa copatsim xua nexanto petsabanuncuaewa tsane pon bichocono pejuntu coyene xanepanaein’, jei.

<sup>36</sup> Xainyei, David exana xua Nacom ichipa poxonaē baru popona Israel nacuapiwi. David bayatha tupa. Muthutha xotsi ichaxota pamo jiwi tatsi yamuthu umena. Yawa bayatha tsabanuncua. <sup>37</sup> Ichitha barapo pepon po pepon Nacom asu exana, barapo pepon jopa tsabanaeyo. <sup>38</sup> Tamonaē pam, maisa bepayabara yaputaename Jesús po coyene xua bapon Jesús pacata cayawa tupa abe painya neexanaē cuiuru coyenein xua daxota Nacom juntemaina barapo abe painya neexanaē cuiuru coyenein. <sup>39</sup> Tsipei Jesús tupa daxota daxita pomonaē jume cowanta bapontha, Nacom juntu coyene wunaetsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi juntu coyene xanepana exanaetsi abe pia peexanaē cuiuru coyenein tatsi weya. <sup>40</sup> Dota, icha metha jopa Nacom pajume cowantsipaem, bara paichim tsipae icha be pocotsi coyeneya bayatha pomonaē Nacom peitorobi jume pepaebiwi yabara tina. Namchiya tina, jeye:

<sup>41</sup> 'Ja, jiwi pecui caponaemonaē pam, bara pana nabenaecare, pawerapare. Xan, Nacom, anoxuae exanaein bichocono pepa pewunaewa poxonaē cataunxuae pajinompage. Baxua xua exanan, jopa pajume cowantsim, bara bequein ichamonaē paca tsipaeba', jei Nacom", jei Pablo.

<sup>42</sup> Pablo, iru pia pepuna ponaewichi daxita barapoyobe judiomonaē pia penacaetutsi bo tatsi wejoniya. Pomonaē baxota umena pomonaē jopa yacuiya naexanaeyo xua judiomonaē penaexanaewa, barapomonaē Pablo wucatsi xua bepa pinae Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicaē matacabitha. <sup>43</sup> Poxonaē najume weta Pablo iru Bernabé, puna poinchibe judiomonaē iru pomonaē jopa judiomonaē naexanaeyo. Barapomonaē Nacom jume cowanta nawita icha judiomonaē ichi. Pablo Bernabeno tsipaebabe barapomonaē: "Nacom pajume cowanta dubenaebiyama xua Nacom wanae pia pacata exanaenexa painya juntu coyeneintha pia paca necaantobexae", jeibe.

<sup>44</sup> Icha matacabitha, po matacabitha pentaquei seicaē matacabitha, pin bicheito pomonaē tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi. <sup>45</sup> Ichitha poxonaē judiomonaē pinmonaē necota, jume uwa tsipei pinmonaē nacaetuta pejume taenexatsi Pablo. Pablo jume matawentatsi xua paeba yawa tsamu jume baru paebatsino. <sup>46</sup> Nexata Pablo Bernabeno tsipaebabe barapomonaē. Jopa auriya paebiyobe. Jeibe:

—Bara xanepana xua copiya Nacom Pejume Diwesi paca tsipaebatsi pomonaē judiomonaē pamxaem. Daichitha, jopa bepajume taem barapo diwesi tsipei jopa paichichipaem xua painya nexeiwa peajuntuyarusawa po peajuntuyarusawa ataya tsiteca. Daxota anoxuae ichamonaetha pata tha ponaetsi pomonaetha pomonaē jopa judiomonaē naexanaeyo. <sup>47</sup> Pata Tanecanamataxeinaein Nacom pana itoroba. Pana baraino, jeye:

'Paca exanatsi xua painya neyawenaewa daxita pomonaē jopa judiomonaē naexanaeyo xua xanepanaeya pejinompaenexa tsane. Matautano paca exanatsi xua beta painya netsipaebinxua Nacom Pejume Diwesi daxita nacuantha, xua jiwi pecapanenebiyaenexa tsainchi Nacom abe pia peexanaē cuiuru coyenein weya tatsi', jei Nacom, jei Pablo.

<sup>48</sup> Poxonaē baxua jume taerucapa, pomonaē jopa judiomonaē naexanaeyo, barapomonaē bichocono juntu coyene weiweinarucapa, juntema jinompano. Pablo tsipaebatsi: "Nacom Pejume Diwesi jume xeica. Bichocono jume wnae", jei. Daxita barapomonaē jume cowanta pomonaē Nacom cuita itapeta petaxeinaenexa tsainchi peajuntuyarusawa, po peajuntuyarusawa ataya tsiteca. <sup>49</sup> Barapomonaē pomonaē Jesús pejume cowantsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein. <sup>50</sup> Ichitha judiomonaē anaepana exana yabaxi powaxi Nacom cananta xeinatsi bichocono. Yawa pebiwi pomonaē peainya cui jiwi, barapo pebiwi anaepana exanatsiru. Iru judiomonaē Pablo Bernabeno abe yabara cueicueijeichibe, daxota daxita jiwi Pablo iru Bernabé casebatsibe. Barapo jiwi Pablo Bernabeno itawetaxotsibe pia nacua beya. <sup>51</sup> Nexata Pablo Bernabeno nataxu nuwtababe tsorobo. Baxua exanabe

petsita itapeinya xeinaenexa po coyene bapomonaе abe exana poxonae jume itaweta Nacom Pejume Diwesi. Barapoxonae warapabe Iconio tomara beya. <sup>52</sup> Ichitha pomonaе Jesús jume cowanta, barapomonaе bichocono junta coyene weiweina. Matautano barapomonaе junta coyene yacatsi Nacom pia Pejumoре тnахн тати.

## 14

### *Meje yabara poxonae Pablo Bernabeno Iconio tomaratha poponabe*

<sup>1</sup> Iconio tomaratha Pablo Bernabeno judiomonaе pia penacaetutsi botha тати jonyiabe. Beta paebabe daxota pinmonae Jesús jume cowanta. Judiomonaе jume cowanta, iruа pomonaе jopa judiomonaе naexanaeyo jume cowanta Jesús. <sup>2</sup> Ichitha po judiomonaе jopa Jesús pejume cowantsiwichi barapomonaе cui tsacaba pomonaе jopa judiomonaе naexanaeyo cui tsacabatsi. Daxota barapomonaе pomonaе jopa judiomonaе naexanaeyo abe yabara nanta xeina xua pomonaе Jesús pejume cowantsiwi тати abe yabara nanta xeinatsi. <sup>3</sup> Pablo Bernabeno barapo tomaratha ecabe. Ainya matababi dapaеin baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayapuswa peexanaenexabe pexeinya petsita itutsi coyenewan. Poxonae jiwi cui тane xua baponbe exanabe, barapo jiwi yaputane xua Nacom yawena baponbe, peantobexaetsibe. <sup>4</sup> Daxita jiwi tomaratha be ainya jiwibe natsababe. Ichamonaе judiomonaе ichichipa. Ichamonaе Jesús pia peitorobi jiwi тати ichichipa. Daxota ainya bicheitobe nacana exanabe. <sup>5</sup> Nexata bapoxonae judiomonaе iruа pomonaе jopa judiomonaе naexanaeyo peburuya yabara jume baru nanta xeinarucpa xua pentacaponaeui paeba po coyene xua Pablo yawa Bernabé abe peexanaewa tsainchibe xuano xua ibotontha pecuinbabinexatsibe. <sup>6</sup> Poxonae Bernabé Pablobe jume taebabe nainya naetsirucuabe Lистра tomara beya, Derbe tomara beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha. <sup>7</sup> Barapo tomarantha cuiduba ducuaеbiyabe Jesús pia pexeinya jume diwesi тати.

### *Meje yabara poxonae Pablo Lистра tomaratha ibotontha cuinbabatsi*

<sup>8</sup> Lистра tomaratha pebin popona pon pemubinchi, pon xua jopa peponaein. Bapon pexuyotha caena yawa naexaneca, xuano bapana jopa ponaе. <sup>9</sup> Bapon pon pemubinchi Pablo jume tainchi xua pocotsiwa cueicueije. Pablo pemubinchi тane. Pablo nanta xeina, xua pon pemubinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemubinchi. Daxota bichocono Pablo naita cui duya bapontha beya. <sup>10</sup> Nexata Pablo jume daunweya barai, jeje:

—Asiya uncuare, jei.

Pon pemubinchi asiya uncuatabiya jirawana yawa nainya ponano. <sup>11</sup> Poxonae Pablo cui tainchi barapomonaе, jume daunweya wawai pin jumetha, Licaonia pijumetha тати:

—¡Nacombe be pebin juta tsecae waxainya berena patopabe! jei.

<sup>12</sup> Barapomonaе namchi: “Maisa Bernabé bara mexeya nacom tsecae, po nacom pewan Zeus. Iruа Pablo bara mexeya icha nacom tsecae, po nacom pewan Hermes”, jei. Barapomonaе bapo wan duta poxoru tsipei Pablo penantacapaеbin tsecae. <sup>13</sup> Iruа barapo nacom Zeus pia sacerdotemaeepin xeinaru, pon Zeus wanae jainteibatsi pia penacaetutsi bo tatsitha. Barapo penacaetutsi bo uncuа tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacaetutsi botha тати. Barapo tomarapiwi iruа Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo iruа Bernabé nexabe pia Pablo iruа Bernabé yabara nanta xeinaеbe barapomonaе xua barapomonaе bara pejuntu coyene xanepanaewi. <sup>14</sup> Bernabé Pablobe jume тanebe xua taexanaeinchibe baxua barapomonaе. Bapoxonae anaya nama paparuwa tsitsinaxubabe. Cuinaeponaya wawaibe poxoru aichaxaibibe xua baxua barapomonaе exanaena. Jeibe:

<sup>15</sup> —¿Eta xua daxua pana canautame? Aparа saya jiwi panbe. Be paxam paichim bara paichinbe. Papatopanbe tsipei apara pata paca catsipaеbinexa tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peantucuiyarusn, exana peitaboco, iranno, pin meneinno. Daxita xua xuanno yawa muxuna dubena tsiniya Nacom bayatha exana. <sup>16</sup> Wawunaeya Nacom cui copata daxita nacuapiwi xua bara pejinompaenexa icha be pocotsi coyeneya ichichipa xua pejinompaewa. Daxita jiwi pia cui nata exana saya. <sup>17</sup> Nacom xua pewunaewan nacopiniwa tsita itaba daxota jiwi naita cui coyene тane xua Nacom exana. Barapon Nacom apara pon ema pacata itorobica, pexuwiwanno paca tsijain exaneica catsicano. Pexaewa paca cata. Paca junta coyene weiweina exana, jei.

<sup>18</sup> Bequein Bernabé Pablobe jume daunweya yabara paebabe baraxua, awiya barapomonaе ichichipa jutebina vaca pebton xuano xua w̄nae pejainchinexatsibe Pablo ir̄u Bernabé. Barapomonaе muxu pejutebi vaca daichitha jopa jutebiyo.

<sup>19</sup> Bapoxonaе judiomonaе pomonaе jopa pejume cow̄ntsiwi, Antioquía tomara weparena, ir̄u Iconio tomara weparena. Daxita barapo judiomonaе Listra tomarapiwi bar̄a cueicueijeichi pebar̄a anaepanaenexatsibe Pablo ir̄u Bernabeno. Nexata barapomonaе Listra tomarapiwi ibotontha cuinbabatsi Pablo. Barapomonaе najunt̄a coyene xeina xua bayatha t̄upa Pablo. Pablo tomara coiboto juma bejojontapoinyatsi. <sup>20</sup> Jesús pejume cow̄ntsiwichi Pablo cacuita mata wacaicha umenar̄uc̄upatsi. Bapoxonaе Pablo asiya uncuataba. Equeicha tomara bepoinya. Icha mataqueitha Bernabé Pablobe Derbe tomara beya ponabe.

<sup>21</sup> Barapoxonaе Bernabé Pablobe muxu tsipaebabe Jesús pia pexeinya jume diwesi tatsi. Pinmonaе jume cow̄nta Jesús. Equeicha bapoxonaе Listra tomara beya, caibeya ponabe. Iconio tomarano, Antioquía tomara beyano bara bewarapiyabe. <sup>22</sup> Bernabé ir̄u Pablo barapo tomarantha j̄unt̄a coyene tsacababe pomonaetha pomonaе pejume cow̄ntsiwi xua xanepanaya pejinompaewa tsane. Matautano cui itorobabe barapomonaetha xua bewa barapomonaе beta xanepanaya jume cow̄nta dubenanaebiyaena. Barichino matautano tsipaebabe xua pinaе poxonaе ichamonaе pepatsiwa tsane Nacom pia peitorobi nacua be-icha bewa matha ajunt̄acoyenetane exaneibinchi xua ichamonaе taexanaena. <sup>23</sup> Bernabé Pablobe tamroropata itapeta tsiniyabe pitiri jiwi daxita Jesús pejume cow̄ntsiwi pia penacaetutsi bontha. Barapo pitiri jiwi itapetatsi peyawenaenexa xua peyawenaenexatsi pomonaе Jesús pejume cow̄ntsiwi. Poxonaе daxita najume weta xua Nacomtha petsipaebiwa, xuano xua yabara nainbota pitiri jiwi nexa, barapoxonaе Pablo ir̄u Bernabé, Nacom pon Pecanamataxeinaein jiwi, jeichichi: “Nacom, barapo pitiri jiwi beta eenare jinya necajume cow̄ntsixae”, jeibe.

*Meje yabara poxonaе Bernabé ir̄u Pablo Antioquía tomaratha equeicha caibe patopiyabe xua po tomara peecaexae Siria nacuatha*

<sup>24</sup> Copiia matha Pisidia nacua bewarapiyabe. Bapoxonaе Panflia nacuatha patopabe. <sup>25</sup> Jesús pia pexeinya jume diwesi tsipaebabe Perge tomaratha. Barapoxonaе equeicha Atalia tomara bewarapiyabe. <sup>26</sup> Baraxotiya Atalia tomaratha Antioquía bewarapiyabe jeratha, po naetha po nae pin nae. Antioquía tomara barapo tomara ichaxota bayatha matha barapomonaе Bernabé ir̄u Pablo taw̄catsibe Nacomtha poxonaе juntucuru warapabe. Bayatha cain barapo Antioquía tomarapiwi taw̄ca Nacomtha, xua Nacom beta eenaena peantobexae xua Pablo ir̄u Bernabeno beta eenaeinchibe poxonaе nacuitabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichiwabe bayatha wetabe. <sup>27</sup> Bernabé ir̄u Pablo poxonaе patopabe Antioquía tomaratha caetutabe pomonaе pejume cow̄ntsiwi Jesús. Baponbe barapomonaetha tsipaebabe po coyene bayatha Nacom Pablo ir̄u Bernabé taexanatsibe. Matautano tsipaebabe xua Nacom pon Pecanamataxeinaein jiwi, pomonaе jopa judiomonaе naexanaeyo tacopatatsi xua ir̄u barapomonaе peitac̄upawatsi xua pejume cow̄ntsinexatsi Jesús. <sup>28</sup> Bernabé ir̄u Pablo baraxotiya ainya dapaein naecabe barapomonaе pia xantha tatsi pomonaе Jesús pejume cow̄ntsi jiwichi.

## 15

*Meje yabara poxonaе nacaetuta Jerusalén tomaratha Jesús pia peitorobi jiwi tatsi ir̄u penapatae jiwi*

<sup>1</sup> Barapoxonaе ir̄u pebiwi, pomonaе Judea nacuatha jinompa, pata Antioquía tomaratha. Barapomonaе tamropata notar̄uc̄pa xua pecuidubiwa pomonaetha pomonaе ir̄u pejume cow̄ntsiwixae Jesús. Jeye: “Icha paichichipame xua painya nepaca capanenebiwa matha pana nawi thabare pebiwi pam ichaxota pana nareixacaename icha be ichi pocotsi coyeneya bayatha Moisés paca itoroba”, jei. <sup>2</sup> Pablo ir̄u Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomonaе. Daxota Pablo ir̄u Bernabé w̄n dutatsibe, ir̄u ichamonaе w̄n dubatsi xua daxita barapomonaе peponaenexa Jerusalén tomara beya. Matautano barapomonaе itorobatsi xua barapo penawi thabi coyene yabara petsipaebinxatsi Jesús pia peitorobi jiwi tatsi, ir̄u pitiri jiwi petsipaebinxatsi pomonaе penacaetutsi jiwi jiwana xua Jerusalén tomaratha.

<sup>3</sup> Barapo Antioquía tomarapiwi pomonaе Jesús pejume cow̄ntsiwi pu taeumena. Pablo ir̄u Bernabé ir̄u icha pebiwi pu taeumeinchi. Barapoxonaе Pablo Bernabeno ir̄u icha pebiwino warapa. Barapomonaе siwa pona Fenicia nacua beya, Samaria nacua beyano. Barapomonaе Pablo Bernabeno tsipaebabe, jeibe: “Pomonaе xua jopa judiomonaе naexanaeyo, barapomonaе pia cui coyenein nacui barapenta po coyenein xua jume cow̄nta



bayatha pia jume cowantichi Nacomtha”, jeibe Pablo, Bernabeno. Daxita pomonae iru pejume cowantsiwixae Jesús bichocono juntũ coyene weiweina poxonae jume tane baxua.

<sup>4</sup> Bernabé iru Pablo poxonae patopabe Jerusalén tomaratha, pomonae pejume cowantsi jiwí baponbe matenta weiweinaya wabatsibe. Iru Jesús pia peitorobi jiwí tatsi matenta weiweinaya waba. Barichiru pitiri jiwí matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbethe. <sup>5</sup> Ichitha ichamonaefariseomonaef, pomonaef bayatha jume cowanta Jesús, asiya umena. Barapomonaef namchi, jeye:

—Pomonaef jopa judiomonaef naexanaeyo pomonaef pejume cowantsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

<sup>6</sup> Bapoxonae Jesús pia peitorobi jiwí tatsi iru pitiri jiwimonaeno nacaetuta peyabara paebinxae barapo penawi thabi coyene. <sup>7</sup> Caena bayatha bapomonaef najume mat-sontsonobompa. Bapoxonae Pedro asiya uncuataba. Barai barapomonaetha, jeye:

—Tamonaef pam, pomonaef iru painya nejume cowantsiwixae Jesús, paxam paya-putaneme, xua caena bayatha Nacom neitapeta painya xantha. Newaba tacueicueijeinexa tsane Jesús pia pexeinya pecapanenebiyae diwesi jume pomonaetha pomonaef jopa judiomonaef naexanaeyo, xua iruru barapomonaef pejume cowantsinexa barapo diwesi.

<sup>8</sup> Nacom pejuntũ coyene yaputaefin jiwí daxota naca yaputane exana xua bapon tsitatsi xua barapomonaef pejuntũ coyene xanepanaewi bequein jopa judiomonaef naexanaeyo. Nacom bara nanajumore tunaxu cata barapomonaetha icha matha naca naca ichi. <sup>9</sup> Nacom bichocono antobe barapomonaef icha ichi xua bichocono naca antobe. Nacom juntũ coyene puxana exana barapomonaef xua abe pia peexanaef cuiru coyenein tatsi pejume cowantsixaetsi icha naca ichi. <sup>10</sup> Maisa anoxuae jopa bepayabara yaputaem pocotsiwa Nacom exana. Matautano barapo pejume cowantsiwi pomonaef jopa judiomonaef naexanaeyo pacui itorobame xua penawi thabiwa xua ichaxota nareixacaena xua ichaxota pebiwichi xeinatsi. Matautano be paca ita cui jicha xua barapomonaef bewa exanaena pocotsiwa Moisés itoroba. Apra baraxua jopa naca itacupaeyo xua waexanaewa. Iru wamo susato jiwí jopa itacupaetsi xua peexanaewa baxua. <sup>11</sup> Nama apra waxainchi wanaca capanenebiyae jiwichi xua saya amanaya xua Jesús pon jiwí Pecanamataxeinaefin peichichipaexae baxua. Barapo pejume cowantsiwi iru bara cana ichichi, jei Pedro barapomonaetha.

<sup>12</sup> Bapoxonae barapomonaef moya umena. Barapomonaef Bernabé iru Pablo jume taeumenatsibe. Tsipaebabe: “Paponeibanbe pomonaetha pomonaef jopa judiomonaef naexanaeyo. Paexaneibanbe barapomonaetha pexeinya petsita itatsi coyenewan Nacom pia peayaruswiyatha tatsi”, jeibe. <sup>13</sup> Poxonae Bernabé iru Pablo najume wetabe xua paebabe, bapoxonae Santiago namchi, jeye:

—Tamonaef pam, pomonaef iru painya nejume cowantsiwixae Jesús, pana nejume taema:

<sup>14</sup> Simón Pedro aunxuae naca tsipaeba. Pedro namchi: ‘Poxonae Nacom copiya tamropata pitaba xua yawena pomonaef jopa judiomonaef naexanaeyo, Nacom jiwana itapeta pomonaef xua peantobenexa tsainchi bapon’, jei Pedro. <sup>15</sup> Xuaunxuae Pedro paeba caena bayatha Nacom pia peitorobi jume pepaebiwi yabara tsiwunaef muxu dutsiya tina Nacom Pejume Diwesitha xua Nacom nexa, jeye:

<sup>16</sup> Poxonae daxita baraxua wetsina, xan Nacom equeicha patoparecaefin. Exanaefin xua caefin, pon David pia pemomo jiwí tatsi jiwana matacapoponaena piamonaef, icha matha David ichi poxonae piamonaef matacapopona.

<sup>17</sup> Poxonae baraxua exanaefin, barapoxonae ichamonaef pomonaef jopa judiomonaef naexanaeyo newenawenei tsane pia tanejume cowantsinexa tsane. Barapomonaef pia Pecanamataxeinaefin tatsi naexanaefin taitapetsixae barapomonaef.

<sup>18</sup> Nacom pon jiwí yaputaeya exanatsi barapo coyenein caena bayatha pepaebixae baxua daxota xaniwaicha Nacom exanaena’, jei Nacom pia peitorobi jume pepaebiwi, Nacom Pejume Diwesitha xua Nacom nexa, jei Santiago.

<sup>19</sup> Santiago cataunxuae awiya cueicueije, jeye: “Daxota nanta xeinan, equeicha wax-ainchi jopa bewa itorobi tsainchi pomonae jopa judiomonae naexanaeyo xua peexanaewa po coyenein xua taayapubetsi. Barapomonae nacui barapenta pia cui coyenein po coyenein xua jume cowanta bayatha pia jume cowantichi Nacomtha. <sup>20</sup> Betatinaetsipatsi carta pomonae jopa judiomonae naexanaeyo. Barapo cartatha jeichipaetsi: ‘Jopa equeicha pewi paxaeinde po wi jiwi tajeba ibo nacom nexa. Painya xoba yabuxi panotame po yabuxi jopa painya seurixi. Painya xoba duwei pawí xaneme pon saya pipato tupa xuano pon saya bunopa. Matautano jopa paxaeinde pejanan’, bejei tsipaetsi. <sup>21</sup> Baraxua bewa exanaetsi poxorú caena cain bayatha pomonae Nacom Pejume Diwesi pecanatsipaebi jiwi yorobeiba barapo diwesi judiomonae pia penacaeutsi bontha tatsi. Daxita tomarantha xua po matabantha pentaquei seicae matabantha barapomonae yorobeiba Nacom Pejume Diwesi, po diwesi xua Moisés tina bayatha pocotsiwa yabara tsiwanae muxu duta Nacom”, jei Santiago.

*Meje yabara poxonae barapo bicheito carta tatina pomonaetha pomonae jopa judiomonae naexanaeyo*

<sup>22</sup> Jesús pia peitorobi jiwi tatsi irurá pitiri jiwi, irú daxita pomonae pejume cowantsiwi juntucuru najiwana itapeta. Bapoxonae xua Antioquia tomara beya penajiwana itorobinexa Pablo irú Bernabé. Judas wan dutatsi pon icha wan Barsabás. Irú Silas wan dutatsi, baponbe ponbe bichocono peainya cui jitonbe xua pomonae irú pejume cowantsiwi pia xantha tatsi. <sup>23</sup> Jesús pia peitorobi jiwi tatsi irurá pitiri jiwi, irú pomonae Jesús pejume cowantsiwi, barapomonae carta tina xua pecaitorobinexa xua Pablo irú Bernabé irú Judas irú Silas barapoyobe pecaitorobinexatsi. Barapo carta namchi, jeye:

“Paxan Nacom pia peitorobi jiwi tatsi pan, irú pitiri jiwi panno xua nacaemonae jiwichi xua wajume cowantsiwichi Jesús. Paxan pajacoban patamonae pomonae jopa judiomonae naexanaeyo pomonae irú Jesús pejume cowantsiwichi, pomonae pejinompaexae Antioquia tomaratha, xuano xua pejinompaexae Siria nacuaetha, Cilicia nacuaethano. <sup>24</sup> Payaputan ichamonae xua patamonae pata tomara weya pipato paca siwa pona painya tomara beya. Paca cajume acaura. Barapomonae namchi: ‘Pana nawí thabare. Matautano paexande pocotsiwa Moisés pia coyenewatha itoroba’, jei. Jopa paitorobinyo barapo jume. <sup>25</sup> Daxota be juntucuru pawanaein xua cuita pananta juraya nanta xeinan. Paitoroban ichamonae pata xainya weya pia paca necataenexa tsane. Napuna ponabe Bernabé Pablono ponbe bichocono paantobein. <sup>26</sup> Baponbe Pablo irú Bernabé muxu pebocaebe xua pebexubiwatsibe pecueicueije tsurucuaenaebiyaexaebe Jesucristo nexa, pon Wanacanamataxeinaein. <sup>27</sup> Paitorobanbe Judas Silasno. Baraponbe saya pia coutha paca tsipaeninabe daxita xua barapo cartatha papaeban painya neyaputaenexa. <sup>28</sup> Paxan irú Nacom pia Pejumope tanaxú tatsi pananta juraya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya u baxua xua pacata tinatsi po cartathe baxua panantawenoname xua painya neexanaewa tsane. <sup>29</sup> Painya xoba paxaneme pewi po wi jiwi tajeba ibo nacom nexa poxonae tauta barapo duwei xua tuxusi exana barapo ibo nacom nexa. Barichi painya xoba duwei pawí xaneme pejanano po duwei pipato tumpuna. Matautano ichamonae painyamonae jiwana pia xoba nota yabuxi powaxi jopa piseurixi tatsi. Icha baraxua panacui barapentsiname xanepanaya pajinompaename. Baja”, jei barapo cartatha.

<sup>30</sup> Bernabé irú Pablo, irú Judas Silasno barapomonaeyobe peitorobixaetsi bara Antioquia tomara be-iyiya. Barapo tomarathiya barapomonaeyobe caetuteta pomonae pejume cowantsiwi. Matautano barapomonaeyobe barapo carta cata barapomonaetha. <sup>31</sup> Pomonae irú pejume cowantsiwixae Jesús bara yoroba barapo carta. Barapomonae bichocono juntú coyene weiweina tsipei barapo cartatha cui matateicaeya yabara pae-batsi. <sup>32</sup> Judas irú Silas peitacupaexaetsibe xua beta petsipaebiwbabe Nacom Pejume Diwesi xua Nacom yaputane exana, daxota juntú coyene tsacababe barapomonaetha pomonae irú Jesús pejume cowantsiwi tatsi xua beta pejinompaewa tsane. Matautano baponbe cui matateicabe. <sup>33</sup> Barapoyobe barapo pejume cowantsiwitha naecabe caena bayiyo. Barapoxonae barapomonae pomonae pejume cowantsiwixae Jesús barapoyobe juntú coyene xanepanaya pu napeyabatsi xua penawibiyaexae caibeya ichaxota werena bayatha pomonae peitorobirenaexaetsi. <sup>34</sup> Ichitha Silas juntucuru narunta. <sup>35</sup> Pablo irú Bernabé Antioquia tomaratha ecabe. Baponbe irú ichamonaeno pomonae pinmonae, daxita barapomonae cuiduba dubenanaebiya yawa tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

*Meje yabara poxonae Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueijiwa nexa*

<sup>36</sup> Pirapaeyo icha mataqueitha, Pablo barai, Bernabé baraichi, jeye:

—Antha equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomona, jei Pablo.

<sup>37</sup> Bernabé ichichipa xua puna poinchibe pon Juan, pon icha wanno Marcos. <sup>38</sup> Ichitha Pablo jopa ichipaeyo xua pebaru ponaewatsi Juan Marcos tsipei bayatha Panflia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi. <sup>39</sup> Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya. <sup>40</sup> Barapoxonae Pablo cuita waba Silas. Antioquia tomaratha pomona pejume cowantsiwixae Jesús, Pablo Silasno tatsipaebatsibe Nacomtha xua Nacom peenaenexa peantobexae xua Pablo iru Silas peenaenexatsibe poxonae cueicueijeibe Nacom Pejume Diwesi. <sup>41</sup> Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomona pejume cowantsiwi Jesús xua beta pejinompaewa nexa.

## 16

*Meje yabara poxonae Timoteo cueyata, Pablo iru Silas cueyatatsibe*

<sup>1</sup> Pablo iru Silas Derbe tomaratha patopabe. Equeicha bapoxonae Listra tomaratha patopabe. Baraxota Listra tomaratha caxinabe pebin pon pejume cowantsin Jesús. Bapon pewan Timoteo. Pena tatsi saya judiomonawayo. Barapowa iru pejume cowantsiwayo Jesús. Timoteo paxa tatsi griegomonaepin. <sup>2</sup> Jesús pejume cowantsiwi, pomona jinompa Listra tomaratha, iru pomona Iconio tomaratha jinompano, barapomona Timoteo beta yabara paebatsi xua pinae pejuntu coyene xanepanaein. <sup>3</sup> Pablo ichichipa xua bepuna ponaichatsi Timoteo xua peyawenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xsina. Pablo baxua exana tsipei jopa ichipaeyo xua judiomonae anaepana peexanaewa tsainchi xua jopa pewi thabixae tsipaetsi Timoteo. Tsipei Pablo yaputane xua judiomonae nawita ichaxota poneibinabe. Barapomona judiomonae nawi thabeiba tsipei pia cui. Matautano barapomona judiomonae yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomona jopa daxua exaneibiyo. <sup>4</sup> Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomona Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxonae nacaetuta Jerusalén tomaratha pomona pejume cowantsiwi Jesús. <sup>5</sup> Daxota pomona penacatetsi jiwi bara xanepanaya beta jume cowanta. Daxotano pinmonae jume cowanta. Daxita matakabi mataropeicha pinmonae tsopona xua jume cowantapona Jesús.

*Meje yabara poxonae Pablo camaita Macedonia nacuapin*

<sup>6</sup> Nacom pia Pejumo pe tñaxu tatsi Pablo jopa copatichi xua pecueicueijeiwa tsane Nacom pejume diwesi Asia nacuatha. Daxota Pablobaru Frigia nacua iya pona xuano xua Galacia nacua iya pona. <sup>7</sup> Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumo pe tñaxu tatsi apusiwa. <sup>8</sup> Daxota Misia nacua iyiya. Troas tomaratha mene itapatha pata. <sup>9</sup> Baraxota merawi Pablo camaita pebin pon Macedonia nacuapin. Bapon Macedonia nacuapin nantacotunca. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo. <sup>10</sup> Pablo camaita bapon, daxota paxainxainyan xua pata warapaenexa Macedonia nacua beya. Iru xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicueijeiwa tsane Jesús pia pexeinya jume diwesi tatsi.

*Meje yabara poxonae Pablo iru Silas Filipos tomaratha ecabe*

<sup>11</sup> Jeratha pawarapan, po naetha po nae pin nae. Paponarucsuran Troas tomara mene itapa weya. Weratha bopiya payiyan petunaeto cacuitiya Samotracia tunaeto. Icha matakabitha papatan Neápolis tomaratha. <sup>12</sup> Equeicha baxotiya Filipos tomara bepaiyan, po tomaratha xua romanomona cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matakabin paenan. <sup>13</sup> Caentacabi, po matakabi pentaquei seicae matakabitha, tomara pepuya beya paponan mene itapa beya, ichaxota judiomonae Nacom wñqueiba. Paenan baraxotiya. Jesús pejume diwesino pacueicueijan yabuxitha powaxi xua cou bayatha nacaetuta. <sup>14</sup> Barapowaxi caewayo jiwana pana jume tane. Barapowa pewan Lidia, Tiatira tomarapiwayo. Bapowa caenaeteiba papaburu, po papaburu mu tsobia po papaburu ainya matoman. Barapowa wñnae jainteiba Nacom. Barapowa beta jume tane pocotsiwa Pablo paeba. Nacom pon

jiwi Pecanamataxeinaein, barapowa icha jantũ coyene cana exanatsi xua peexanaenexa pocotsiwa Pablo paeba. <sup>15</sup> Barapowa bautisabatsi, yawa piamonae matabũxũyo tatsi bautisabatsi. Bapoxonae bapowa pana barai, jeye:

—Icha bara metha xaniwaicha pananta xeiname xua Jesús tajume cowũntsiwayo, pon jiwi Pecanamataxeinaein, nexata antha tabotha pamaire, pana nejei Lidia.

Pecono jumeyotha pana barai, bepa pinae xua pia botha pamaichin.

<sup>16</sup> Icha mataqueitha poxonae namtotha paenaponan xua poxonae paponan ichaxota jiwi wũqueiba Nacomtha, baxota yabũyo pacaxinan namtotha. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Mataũtano barapowayo paratixi caetuba pia pentacaponaein tatsi nexa xua bapowa pecueicueijeji tsalbixae pocotsiwa cauri yaputane exana. <sup>17</sup> Barapowa, Pablo, irũ paxan pana pu wabapona. Bapowa wawaya namchi, jeye:

—¡Barapomonae tanacuita Nacom nexa, po Nacom itabocotha eca! ¡Paca muxu tsipaeba Nacom pia pecapanenebiyae diwesi! jei barapowayo.

<sup>18</sup> Bapowa baxua exaneiba ainya matacabin. Pablo amuxufaetabi. Pablo barapowa taitaweta cauri. Pablo cauritha namchi, jeye:

—Jesucristo wũnta caitawetatsi. Naetsiriware. Xubariware bapowayo, jei Pablo.

Bara caena barapowayo copatabatsi cauri.

<sup>19</sup> Barapoxonae yabũyo cui tainchi pia pentacaponaeiwichi tatsi xua equeicha jopa amanaya tacaetubi tsane paratixi barapomonae nexa. Daxota Pablo Silasno waetabatsibe. Pematacaitorobi bicheito jiwi peitabaratha capoinchibe tomara panatha. <sup>20</sup> Barapomonae Pablo irũ Silas cuaranotatsibe peitabaratha tatsi pomonae jiwi peyabara paebiwi xua penatsicuentisiwa xua abe peexanaexae. Barapomonaetha jeye:

—Baponbe judiomonae jitombe, watomaratha baponbe wamonae cui tsacabatsi xua najume matsontsonoba. <sup>21</sup> Baraponbe pia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomonaetsi, jei barapomonae.

<sup>22</sup> Bara nexata Pablo irũ Silas barũ anaepanarũcpatsibe jiwi. Mataũtano pomonae jiwi peyabara paebiwi xua penatsicuentisiwa xua abe peexanaexae, barapomonae ichamonae cui itorobatsi xua Pablo irũ Silas peũma xuenaxubinexatsibe paparuwa, bapoxonae xua pecuainchinexatsibe iwatontha. <sup>23</sup> Matha bichocono cuaintatsibe. Bapoxonae caponatsibe jiwi pecubi bo beya. Pon peyabara equeibin pomonae cubebatsi jiwi pecubi botha bapon cui itorobatsi jeichichi: “Beta yapu eenare, xua jopa penaetsiriwanexabe”, jeichichi barapon. <sup>24</sup> Poxonae bapon jume tane pocotsiwa pentacaponaeiwi cui itoroba, bapoxonae po tutu taju beya baxota Pablo irũ Silas cuaranoyatsibe. Bichocono naepawatha taxu cateitabetatsibe jiwi petaxu cateibabi naewatha.

<sup>25</sup> Papaetha Pablo irũ Silas Nacomtha tsipaebabe yawa Nacom pijume weino naxũnabe. Ichamonae baraxota cubebatsi jiwi pecubi botha. Barapomonae Pablo irũ Silas jume tayenatsibe. <sup>26</sup> Barapoxonae jemeicha bichocono jijiyataxuba. Ibowano jijiyataxubano xua bomyũxũ peyutanotsiwa. Bapoxonae jemeicha nainya saya dubenanaya peboupn. Mataũtano pomonae jiwi pecubi botha jebatsi daxita taxu nain sarababatsi. <sup>27</sup> Pon peyabara equeibin pomonae cubebatsi, bapon nacosataxuba. Bapon tane xua barapo jiwi pecubi bo saya peboupa umenarũcpa. Bapoxonae pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno irũ ichamonaeno. <sup>28</sup> Ichitha Pablo waba bapon pon peyabara equeibin pomonae cubebatsi jiwi pecubi botha, jeye:

—¡Jopa jinya coutha nabexubinde, tsipei apara cataunxuae xote pajinompan! jei Pablo.

<sup>29</sup> Nexata pon peyabara equeibin pomonae cubebatsi jiwi pecubi botha, wawaya namchi, jeye: “Painta itanabare”, jei. Jijiyeya cuinaepondena. Pablo irũ Silas imoxoyo petaxutha pentabocotha caquita tauncuatabatsibe. <sup>30</sup> Bapoxonae bapon pon peyabara equeibin pomonae cubebatsi jiwi pecubi botha, bapon Pablo irũ Silas pesato becayatsibe. Pablo irũ Silas baraichichibe, jeye:

—Ja, zeta bichocuaein tsane xua tana necapanepaewa tsane Nacom beicha? jei bapon.

<sup>31</sup> Pablo irũ Silas jume notabe, jeye:

—Jume cowũnde Jesús pon jiwi Pecanamataxeinaein, bapoxonae necapanepae jitom tsane irũ jinyamonae matabũxũyo pecapanenebiyae jiwi tsainchi, jeibe.

<sup>32</sup> Tsipaebabe bapontha, Jesús pon jiwi Pecanamataxeinaein, pia pexeinya jume diwesi tatsi. Mataũtano tsipaebabe piamonae matabũxũyo jiwitha tatsi, pomonae pia botha petae-naexaetsi. <sup>33</sup> Caena barapoxonae, pon peyabara equeibin pomonae cubebatsi jiwi pecubi botha, Pablo, irũ Silas wan quietatsibe. Bapoxonae bapon bautisabatsi irũ piamonae matabũxũyo tatsi bautisabatsi. Pablo, irũ Silas bautisababe. <sup>34</sup> Bapoxonae Pablo irũ Silas

bo beya caponatsibe. Pexaewa catatsibe. Bapon piamonae matabaxayo tatsino bichocono juntu coyene weiweina pejume cowantsixae Nacom.

<sup>35</sup> Pomonae jiwi peyabara paebiwi penatsicuentisiwa xua abe peexanaexae, barapomonae caemumbotha itoroba, policiamonae itorobatsi ichaxota pon peyabara equeibin pomonae cubebatsi jiwi pecubi botha. Bapon copatatsi xua bara Pablo iru Silas pepu copatsinexatsibe. <sup>36</sup> Nexata pon jiwi peyabara equeibin pomonae cubebatsi jiwi pecubi botha, bapon Pablo baraichi, jeye:

—Pomonae jiwi peyabara paebiwi penatsicuentisiwa xua abe peexanaexae, barapomonae necui itoroba xua tapaca isanaxubiwa tsainchibe. Bara paca itacupabe xua bara papu seicaenamebe, jei bapon.

<sup>37</sup> Ichitha Pablo barai policiamonaetha, jeye:

—Apara barapomonae pana cuainta pepa bicheito peitabaratha. Dacotsiwa barapomonae abe painta exana. Seicaya apara romanomonae pan. Copiya matha jopa pana caponaeyobe ichaxota pon jiwi peyabara paebin xua penatsicuentisiwa xua abe peexanaexae. Saya barapomonae pia coutha paeba xua abe paexananbe. Daxota jiwi pecubi botha pana caponabe. Deta aena poxonae juntucuru pana isanaxubapaebabe moya namicha pana itorobabe. Pentacaponae patsipaebare, pomonae pana cuainta, bu jame barapomonae pia coutha pana nepu sotababe, jei Pablo.

<sup>38</sup> Baxua policiamonae bayatha jume yopita pomonaetha pomonae jiwi peyabara paebiwi xua penatsicuentisiwa xua abe peexanaexae. Barapomonae bichocono junuwa poxonae jume tane xua Pablo iru Silas apara romanomonaepinbe. <sup>39</sup> Barapomonae ponarucupa jiwi pecubi botha, Pablo, iru Silas siwa poinchibe peuraxae xua bayatha Pablo, iru Silas cuaintsibe. Barapomonae Pablo iru Silas tsipaebatsibe, jeichichibe: “Maisa paauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei. <sup>40</sup> Poxonae Pablo iru Silas jiwi pecubi bo wenaetabiyabe, Lidia pia bo tatsi be-iyabe. Siwa ponabe pomonae pejume cowantsiwixae Jesús. Barapomonaetha baponbe juntu coyene tsacababe xua xanepanaya pejinompaewa tsane. Bapoxonae bara wewarapiyabe.

## 17

*Mejeyabara poxonae Tesalónica tomarapiwi namtsebiya anaepanaeya wawai xua Pablo, iru Silas pecasebixatsibe*

<sup>1</sup> Pablo iru Silas Anfipolis tomara iyabe. Apolonia tomara iyabeno. Barapoxonae Tesalónica tomaratha patopabe po tomara ichaxota judiomonae pia penacetutsi bo tatsi uncuu. <sup>2</sup> Pablo pia cui xeina xua judiomonae pia penacetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae maticabintha barapo judiomonae pia penacetutsi botha Pablo iru Silas cuidubabe. <sup>3</sup> Pocotsiwa Nacom Pejume Diwesi paeba, baxua Pablo tsipaeba po coyene xua pinea pon Mesías bewa bexubinchi ichamonae, xuano xua pinae bapoxonae equeicha asu tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

<sup>4</sup> Ichamonae, judiomonae jume cowanta. Barapomonae Pablo, iru Silas caemonae naexanatsibe. Barichi pin bicheiton griegomonae jume cowantaru, pomonae Nacom wanae jaintatsi. Barapomonae jume cowanta Jesús. Iruru ainya yabaxi bicheiton jume cowanta Jesús powaxi baru cui itura jineibatsi xua jiwi baru cui itura jineiba. <sup>5</sup> Ichitha icha judiomonae pomonae jopa pejume cowantsiwi, baxua yabara uwa. Daxota barapomonae pebiwi baru nacaetuba po pebiwi peajuntucoyenyapubewi xua po pebiwi saya pejinompaewi namtontha. Daxita barapomonae namtsebiya wawai tomaratha. Jasón pia botha tatsi anaepanaya joniya xua Pablo iru Silas pejeichinexatsibe xua pewaetabinexatsibe xuano xua pecaenaetsinexatsibe jiwitha. <sup>6</sup> Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonae pomonae pejume cowantsiwixae Jesús. Pablo iru Silas waetabatsi. Daxita barapomonae pentacaponae jiwitha becayiyatsi. Daxita barapomonae yabara wawaichiya jeichibe:

—¡Barapo pebinbe daxita nacuantha abe paeba ducuanabiyabe yawa waxainya becu joparenabe! <sup>7</sup> Jasón barapomonae matenta weiweinaya waba pia botha. Jasón pia botha maitecabe. Daxita Pablobaru jopa exanaeyo po peitorobi coyenewan xua pon romanomonae itorobiya pia pepa peewatsinchi itoroba. Matautano barapomonae paeba xua pinae ichan popona pon jiwi itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonae itorobiya pia pepa peewatsinchi, jei barapomonae xua namtsebiya wawai.

<sup>8</sup> Poxonae baxua jume tane, pentacaponaeawi iru pomonae xua baxota umena, daxita barapomonae anaepanaeya namtsebiya wawai. <sup>9</sup> Barapo pentacaponaeawi wecobe nota paratixi xua Jasón iru pomonae pejume cowuntsiwi wecobe notatsi. Barapo pentacaponaeawi namchi xua pinae equeicha caewa catsinchi Jasón barapo paratixi poxonae Pabloaru tomara weya ponaena. Bapoxonae pentacaponaeawi Pablo baru pu sorobabatsi pewarapaenexa tsane tomara weya.

*Meje yabara poxonae Pablo iru Silas Berea tomaratha poponabe*

<sup>10</sup> Barapo merawitha pomonae iru pejume cowuntsiwixae Jesús, barapomonae Pablo, iru Silas itorobatsibe xua nainya pewarapaenexabe Berea tomara beya. Poxonae barapo tomaratha patopiyabe judiomonae pia penacaeuttsi botha tatsi jonyiabe. <sup>11</sup> Judiomonae, pomonae Berea tomarapiwi, barapomonae pejuntu coyene xanepanaewi icha be jopa Tesalónica tomaratha ichiyi. Jame barapo Berea tomarapiwi bara xanepanaya jume tane Jesús pejume diwesi. Daxita matababi barapomonae Nacom Pejume Diwesitha yorobeiba pia yaputaetsi barapo diwesi, po diwesi xua Pablo iru Silas paebebe icha metha baraxua bara xainyeibe. <sup>12</sup> Daxota pinmonae jume cowanta Jesús. Judiomonae jume cowanta Jesús. Iru griegomonae jume cowantano, yabuxi, iru pebiwi. Powaxi jume cowanta Jesús, barapowaxitha jiwu baru cui itura jineiba. <sup>13</sup> Judiomonae, Tesalónica tomaramonae, jume tane xua Pablo cuiduba Nacom Pejume Diwesi Berea tomaratha. Daxota bapomonae Berea tomara be-iyiya. Baxotiya barapomonae namtsebiya wawai xua Pablo iru Silas pecasebixatsibe. <sup>14</sup> Ichitha pomonae pejume cowantsiwixae Jesús, Pablo itorobatsi xua nainya peponaenexa imoxoyo mar mene beya poxonae cataunxuae Silas iru Timoteo ecabe Berea tomaratha. <sup>15</sup> Pomonae Pablo cueyabatsi barapomonae Pablo punaxubathopatsi Atenas tomaratha. Barapomonae equeicha caibe nawibiya Berea tomara beya. Barapomonae Silas iru Timoteo tsipaeabatsibe xua Pablo najume caruta xua bepa pinae Silas iru Timoteo nainya patopaenabe Atenas tomaratha.

*Meje yabara poxonae Pablo Atenas tomaratha popona*

<sup>16</sup> Pablo ewata, Silas iru Timoteo ewatatsibe Atenas tomaratha. Barapoxonae barapo tomaratha Pablo tane xua barapomonae ainya ibo nacomun xeina. Daxota bichocono yabara najuntu coyene exaba. <sup>17</sup> Daxota Pablo tsipaeba Nacom Pejume Diwesi judiomonae aetha judiomonae pia penacaeuttsi botha tatsi. Matautano baxotano tsipaeba pomonae bequein jopa judiomonae naexanaeyo, barapomonae Nacom wunae jaintatsi. Barichi daxita matababi pomonae Pablo caxibeiba pomonae nacauteiteba tomara pin panatha barapomonaethano Pablo cuidubeiba Nacom Pejume Diwesi. <sup>18</sup> Barichi griegomonae ichichipa xua pejume taewa pocotsiwa Pablo paebe. Ichamonae griegomonae itapeta jume cowanta pocotsiwa epicureomonae cuiduba. Iru ichamonae griegomonae itapeta jume cowanta pocotsiwa estoicomonae cuiduba. Barapomonaebe Pablo tsipaeba. Bapoxonae ichamonae Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueijeji tsabiyo? jei.

Ichamonae jeye:

—Mexeya maisa bapon cueicueijeji pia nacomun nexa, jei.

Barapomonae baraxua paebe, tsipei Pablo Jesús pia pexeinya jume diwesi paebe ducuanaebiya, matautano poxoru paebe xua Jesús equeicha pinae asu. <sup>19</sup> Nexata ichamonae Pablo teicatsi pecaponaenexatsi atororotha ichaxota ba pentacaponaeawi nacauteiteba, poxonae ichaxi muxu peexaneibi. Barapo pentacaponaeawi matabuxuyo pewun Areópago, Pablo yainyabatsi, jeichichi:

—Pana netsipaebare bepaya yaputaen po diwesi xua cuidubiya paebe ducuanaebiyaye. <sup>20</sup> Xuaunxuae pana tsipaebame, barapo diwesi jopa payaputaenyo bayatha. Pata bequein yabara yaputaetsi xua po diwesi baxua yabara caunuta, jei barapomonae.

<sup>21</sup> Atenas tomaramonae iru pomonae penanapaincha jinompaewi xua icha nacua warena peponaeawi, pomonae anoxuae jinompa xote, daxita barapomonae u saya pepaebeibi. Yawa saya u cou paebeiba poxonae pena jume jume taiba, saya baxua paebeiba.

<sup>22</sup> Nexata Pablo Areópago wun matabuxuyo peitabaratha tatsi asiya uncuataba. Pablo namchi, jeye:

“Paxam Atenas tomaramonae pam. Bara paca cui yaputainchi xua painya nacomun wunae pajaintame. <sup>23</sup> Poxonae ponan ichaxota painya nacomun wunae pajaintathopeibame tan ainya ibo nacom matabon. Matautano tan baxota, ichaxota nacom wunae pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwu jopa yaputaeyo’, pajam. Xuaunxuae cou asiya pawun dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

<sup>24</sup> “Barapon pon pepa Nacom, daxita barapo ira exana. Daxita carepaya jupaya exana. Barapon pon pia coya peewatsin barapo susato nacuano, yawa barapo itabocono. Po bon patsiacabeibame Nacom xua po botha jiwi wunae pejaintithopeibinexa Nacom, apara ba Nacom jopa poponaeyo barapocotsi botha. <sup>25</sup> Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapuswano, naca cata. Daxita barapo petusato tutu joibo naca cata. Baxuan daxita amanaya saya nacata exana. Daxita ichauxino muxuna exanano.

<sup>26</sup> “Copiya meisa bapon Nacom compa exana pebin, bara caein. Barapo cae janatha daxita yanacua exana jiwi. Daxita wunae tsiwanaeya yaputaneno poxonae naexanaena daxita jiwi. Matautano apaputane xua eta po weiyobetha jinompaena. Matautano yaputane xua pia iranthe bexa naexanumenaponaena. <sup>27</sup> Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cowantsiwa tsainchi. Nacom jopa tajū ecaeyo ichitha bara waxantha imoxoyo popona. <sup>28</sup> Nacom pepoponaexae daxota asū jinompatsi. Nacom naca exana, daxota beta nacuiyenabatsi, yawa daxota wacobexitha ū waexanae. Ichaunxuae ichin xua paca tsipaebatsi barichi painyamonae baxua paeba pomonae diwesi petinaewi poxonae jei, ‘Nacom apara pia jiwichi waxainchi’, jei. <sup>29</sup> Waxainchi Nacom pia jiwichixaetsi, daxota jopa bewa nanta xeinaetsi xua Nacom po Nacom pepa Nacom, apara jupa po nacomūn jiwi exana pecobetha. Barapo nacomūn po nacomūn xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua peexanaewa barapo nacomūn. <sup>30</sup> Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonae jopa yabara yaputaeyo pocotsiwa Nacom ichichipa. Ichitha matapainya anoxuae daxita jiwi Nacom cui itoroba xua petsita xeinaenexatsi icha jūntū coyene, xua jopa equeicha peexanaenexa abe peexanae coyene. Saya ū penanta xeinaenexa tsane pocotsiwa Nacom ichichipa. <sup>31</sup> Nacom matababi wūn duta xua po mataqueitha tsane Jesús caetucuetutetsina daxita jiwi pia peitabaratha. Barapo matababiha tsane Jesús xaniwaicha yabara paebina daxita jiwi xua penatsicuentisiwa xua abe peexanaexae. Pomonae xua abe exana itawetsinchi, pomonae xua wunae exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaebin. Poxonae Nacom Jesús asū exanatsi petupaewitha, Nacom naca tsita itapeinya xeina xua apara Jesús tsiitapetatsi barapo penacuichiwa”, jei Pablo.

<sup>32</sup> Poxonae barapomonae Pablo jume tainchi po coyene xua equeicha petupaewi pinae asū tsaibi tsane, ichamonae Pablo jume cui caponatsi nawita. Ichamonae namchi, jeye:

—Bexa paca jume tainchi equeicha xuaunxuae paebame, jeichichi Pablo.

<sup>33</sup> Nexata Pablo cuenta ponatataba barapomonae. <sup>34</sup> Ichitha ichamonae Pablo puna poinchi yawa bapomonae Jesús jume cowuntatsi. Ichūn barapomonae jiwana pewūn Dionisio. Bapon Dionisio Areópago wūn matabaxūyo jiwapanin. Petsiriwa powa irū napona powa irū pejume cowantsixae Jesús, bapowa pewūn Dámaris. Ichamonae irū napona pomonae irū Jesús pejume cowantsiwichi.

## 18

### *Meje yabara poxonae Pablo Corinto tomaratha popona*

<sup>1</sup> Pirapae equeicha Pablo Atenas tomara wewarapiya. Corinto tomara bewarapiya. <sup>2</sup> Baraxota Pablo caxina judiomonaein, pon pewūn Aquila. Bapon Ponto nacuarin. Piowa tatsi pewūn Priscila. Piseuribe mexuaetha Italia nacua wewaraparenabe, tsipei pon romanomonae itorobiya pia pepa peewatsinchi pon pewūn Claudio, bapon judiomonae daxita itorobatsi xua pewarapaewa tsane barapo Roma tomara weya. Daxota Corinto tomaratha patopabe. Pablo siwa pona, Aquila petsiriwano siwa poinchibe. <sup>3</sup> Pablo naeca Aquila pia botha tsipei bapon pia penacuichiwiyo irū xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, irū Pablo piawa nacuita. <sup>4</sup> Daxita matababi, po matababintha pentaquei seicae matababintha Pablo poneiba judiomonae pia penacuettsi botha tatsi. Baxota Pablo jume daunweya cueicuei-jei pomonaetha pepa judiomonae irū pomonaetha jopa judiomonae naexanaeyo. Pablo cueicuei-jei barapomonaetha tsipei ichichipa xua barapomonae Jesús pejume cowantsiwa tsainchi.

<sup>5</sup> Poxonae Silas irū Timoteo Macedonia nacua wepatoparenabe, barapoxonae daxita matababintha Pablo cuidubeiba judiomonae. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomonae pewūnae ewatsixae. <sup>6</sup> Barapomonae tamropata pitaba xua Pablo abe yabara paebatsi yawa tsūmū jume barū paebatsi. Nexata Pablo pepatomeicha nama paparuwa nūntaba. Baxua exana poroxu barapomonae anthūfaetabiya jume tane. Pablo barai barapomonae, jeye:

—Bara apara painya coutha icha pana natsicuentame xua daxota poxonae paweraw-eracaenae. Jopa tacouthinyo xua jopa paxeinaem tsane peajuntucuiyapuswa, tsipei bayatha yabara paca tsipaebatsi barapo peajumeyapusu diwesi. Tha anoxuae Nacom Pejume Diwesi caponaetsi pomonaetha pomona jopa judiomona naexanaeyo, jei Pablo.

<sup>7</sup> Barapoxona Pablo judiomona pia penacaetutsi bo tatsi wewarapiya. Pablo pona Justo pia bo beya tatsi. Bapon Justo, icha wan xeina, Ticio baraichi. Bapon wanae pejainteibin Nacom. Bapon yabo uncua ichaxota imoxoyo judiomona pia penacaetutsi bo tatsi peuma werena. <sup>8</sup> Iru Crispo, pon judiomona pia penacaetutsi bo peyapucauncuaein, bapon piamona matabuxayo baru jume cowanta Jesús pon jiwi Pecanamataxeinaein. Barichi pinmonae pomona Corinto tomaratha jinompa poxona jume tane Nacom Pejume Diwesi, bapomona iru jume cowanta Jesús. Pomona pejume cowantsiwi barapomona daxita bautisabatsi. <sup>9</sup> Bapoxona Pablo merawi camaituncua Nacom pon Pecanamataxeinaein jiwi. Pablo baraichichi, jeye: “Jopa junuwinde. Nacom Pejume Diwesi paeba ducuaaebiyama. Jinxoba moyam. <sup>10</sup> Tsipei apara, xan cabaru popoinchi, daxota ichamona jopa itacupaetsi xua abe necaexanaewa. Barapo tomarathe tamona, pinmonae apara inta jinompa”, jei Jesús. <sup>11</sup> Pablo baxota popona dieciocho po xometiyobe Corinto tomaratha. Baxota Pablo cuiduba ducuaaebiya Nacom Pejume Diwesi.

<sup>12</sup> Iru pebin popona pon pewan Galión. Bapon Galión Acaya nacuapiwi pia peyanacua ewatsinchi exanatsi. Barapoxona judiomona pomona Acaya tomarapiwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi. <sup>13</sup> Judiomona namchi, Galión baraichi, jeye:

—Poxona bapon Pablo paeba ducuaaebiba pinmonae baraxua jume jejei tsaibi. Pablo cuidubeiba jiwi, xua pinae jame bewa jiwi wanae jainteibi Nacom po coyene jopa jupaeyo Moisés pia peitorobi coyenewa tatsi, jei barapomona.

<sup>14</sup> Pablo bara muxu pepaebi, iru Galión paebaxoyaru. Nexata barapon namchi judiomona baraichi, jeye:

—Û judiomona pam. Painya xoba pana tsipaebame. Jame icha bapon caiba, icha jiton bexotsi, icha ichawiyoy exana xua abe, metha jame bapoxona paca jume jejei tsipaetsi. Ichitha bapon jopa abe exanaeyo. <sup>15</sup> Saya u payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame. Tsipei jopa bepacata naexanaetsi be pon jiwi peyabara paebin xua penatsicuentasiwa xua abe peexanaexae. Moya painya coutha pacui itawere, jei Galión.

<sup>16</sup> Bapoxona Galión pesato benapuna torobabiya barapo judiomona. <sup>17</sup> Bara nexata daxita judiomona Sóstenes waetabatsi pon judiomona pia penacaetutsi bo tatsi peewatsin. Barapomona Sóstenes butsi Galión peitabaratha tatsi. Daichitha baxua Galión saya cui tane, jopa tsita ainya cuichi.

*Meje yabara poxona Pablo equeicha Antioquia tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi*

<sup>18</sup> Pablo awiya came baxota popona ainya maticabin Corinto tomaratha. Bapoxona nama copiya napeyaba pomona pejume cowantsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxona juntucuru bara ponatabichiba copiya matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaena xua bayatha Nacomtha nayabara tsiwuna muxu duta. <sup>19</sup> Bara Efeso tomaratha patarucupa. Baxota Pablo Aquila piseuribe xubetatsibe pia ponaetsi ichaxota judiomona nacaetuta barompaya pia penacaetutsi botha. Baraxota Pablo baru cueicueije barapo judiomona. <sup>20</sup> Efeso tomarapiwi bequein Pablo apusiwatsi xua abe peecaewa tsane. Ichitha Pablo juntucuru jopa beecaeyo baxota ainya maticabin. <sup>21</sup> Nexata Pablo napeyaba barapomona. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacaetutsinexa pexaewa xua penabanaewa. Metha equeicha paca taeyoparenaeinchi icha Nacom metha newuna ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae. <sup>22</sup> Poxona Cesarea tomaratha patopa Jerusalén tomara be-iyá, pia jacobichi pomona Jesús pejume cowantsiwichi. Bapoxona equeicha Antioquia tomara bewarapiya. <sup>23</sup> Poxona bara juntucuru yaainya merawin jopa baxotiya equeicha icha nacuabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomona Jesús pejume cowantsiwi. Pablo juntu coyene tsacaba xua barapomona ajuntuyapusuya pejume cowantaponaewa tsane Jesús.

*Meje yabara poxona Apolos Nacom Pejume Diwesi cueicueije Efeso tomaratha*



<sup>24</sup> Caein judiomonaе jiwanapin Efeso tomaratha patopa. Bapon pewan Apolos. Bapon seicaya iru Alejandria tomarapin. Bapon Nacom Pejume Diwesi peyaputaеin yawa beta cacueicueijeі barapo diwesi. <sup>25</sup> Apolos beta yabara cuidubatsi ichamonae xua Jesús, pon Pecanamataxeinaein jiwi, pia cui. Juntu coyene weiweinaya paeba. Xaniwaicha piamonae cuiduwa Jesús yabara bequein saya yaputane xua po coyene pinae Juan pebautisabiwa jiwi xua icha juntu coyene pexeinaenexa Nacomtha. <sup>26</sup> Apolos judiomonaе pia penacaetutsi botha tatsi bichocono juntu coyene wunaeya cueicueijeі Nacom Pejume Diwesi. Priscila, Aquila piowabe jume tanebe bapon. Wababe bapon, pia bo becayabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo. <sup>27</sup> Apolos ichichipa xua peponaewa Acaya nacua beya. Bapoxonae pomonae pejume cowantsiwixae Jesús, Apolos canatsiwana tinaxotsi carta xua tatinatsi pomonae pejume cowantsiwixae Jesús. Daxota barapomonae tatina xua Apolos pententa weiweinaya wabinexatsi. Poxonae Apolos patopa Acaya nacuatha, bapon yawena pomonaetha pomonae bayatha Nacom jume cowantatsi pomonae Nacom peantobexae. <sup>28</sup> Apolos daxita jiwi peitabaratha jume amanayaba poxonae Jesús beta yabara paebatsi. Daxota barapomonae judiomonaе jopa itacupaetsi xua pejume notsiwatsi bapon po coyene xua poxonae bapon abe pepaеbiwa. Poxonae Apolos yoroba Nacom Pejume Diwesi bapon tsita itapeinya xeina xua Jesús apara Mesias pon Nacom itorobica.

## 19

### *Meje yabara poxonae Pablo Efeso tomaratha popona*

<sup>1</sup> Poxonae Apolos Corinto tomaratha eca, bapoxonae iru Pablo seicaya ducuaеabiya daxita tomaran jupaya, po tomarantha ichaxota atororon. Efeso tomaratha patopa, baxota Pablo caxina ichamonae pomonae Cristo pejume cowantsiwichi. <sup>2</sup> Pablo yainyaba barapomonae, jeye:

—¿Bayatha Nacom pia Pejumope tınaxu tatsi painya juntu coyenetha pacata pata poxonae pajume cowantame Jesús? jei.

Barapomonae Pablo jume notatsi, jeye:

—Jume, jopa payaputaеinyo. ¿Eta pocotsiwara xua Nacom pia Pejumope tınaxu tatsi? Bayatha jopa payabara jume taeinyo baxua, jei.

<sup>3</sup> Pablo yainyaba, jeye:

—¿Eta pabichim poxonae pajume cowantame poxonae paca bautisaba? jei.

Pablo jume notatsi, jeye:

—Apara saya payabara jume cowantan xua Juan cuiduba, po coyene xua Juan itorobatsi xua jiwi pebautisabiwatsi, jei.

<sup>4</sup> Pablo jume nota, jeye:

—Aja, Juan bautisaba pomonaetha pomonae abe pia peexanae cuiru coyenein nacui barapenta xua pomonae pejume cowantsiwichi Nacom. Daxota metha Juan piamonaetha barai: ‘Pajume cowunde pon xua tsiwana patopan’, jei Juan piamonaetha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesias’ baraichi, jei Pablo.

<sup>5</sup> Poxonae baraxua Pablo jume taerucupatsi, caena barapomonae bautisabatsi Jesús pia pewantha tatsi pon Pecanamataxeinaein jiwi. <sup>6</sup> Poxonae Pablo barapomonae pecobetha mata jayaba, barapoxonae barapon Nacom pia Pejumope tınaxu tatsi barapomonae tapatatsi pejuntu coyeneintha, yawa cueicueijeі exanebatsi icha jumeintha xua ichamonae pia jume tatsi. Matautano barapoxonae barapomonae cueicueijeі Nacom Pejume Diwesi pocotsiwa Nacom yaputane exana. <sup>7</sup> Daxita bapomonae pomonae baxota ena doce pomonae matabaxuyobe pomonae xua Jesús pejume cowantsixaetsi.

<sup>8</sup> Baxota Efeso tomaratha, Pablo judiomonaе pia penacaetutsi botha tatsi poneiba acoiби po xometiyobetha Nacom Pejume Diwesi pecueicueijeіwanexa. Bapon jopa junuwiyo poxonae cueicueijeі. Matautano yabara tsipaeba po coyene Nacom waba jiwi petanaexanaenexatsi piamonae tatsi pomonae itorobiya peewatsixae. <sup>9</sup> Ichitha ichamonae aichaxaibi jume tane. Jopa juntucuru bejume cowantsiyo. Saya barapomonae jiwi peitatha tatsi abe yabara paeba Jesús pia pena pecuidubiwa tatsi. Nexata barapomonae pia xainya weya tatsi Pablo napitaba. Saya meisa baru pona pomonae Jesús pejume cowantsiwichi po bo penacuidubi bo beya. Pebin pon pewan Tirano barapo bo, bapon pia bo tatsi. Barapo botha Pablo daxita matababi Nacom Pejume Diwesi cuidubeiba. <sup>10</sup> Baraxota Pablo ainya weibe paeba ducuaеabiya Nacom Pejume Diwesi. Daxita pomonae Asia nacuapiwi judiomonaе iru pomonae jopa judiomonaе naexanaeyo barapomonae jume cowanta Jesús pia pexeinya jume diwesi tatsi, pon Pecanamataxeinaein jiwi. <sup>11</sup> Nacom Pablo yawenatsi xua pexeinya petsita itatsi coyenewan exana Nacom pia peayapusawatha tatsi.

<sup>12</sup> Ichamonae paparuwan yawa painyaweran capona Pablo beya xua barapo paparuwantha Pablo peperu jayababinexatsi. Barapo paparuwan nata capona peatene jiwitha. Bapoxonae barapo paparuwantha nainya axaibi tsouneibi. Iru pomonae cauri xeina barapo paparuwantha nacapanenebiya tsaiibi. Barapomonae cauri wepu poneibatsi.

<sup>13</sup> Ichamonae judiomonae, pomonae saya pejinompaewi, barapomonae pia cui xeina xua jwi taitaweteibatsi cauri. Barapomonae ichichipa Jesús wun wun taibatsi poxonae itaweta cauri. Barapomonae caurimonae baraichi, jeye: “iBara Jesús pewuntha paca itawetatsi, pon Pecanamataxeinaein jwi, xua pon Pablo wun yopita ducuaaebiya!” jei barapomonae.

<sup>14</sup> Iru barapoxonaeru judiomonaeepin pon pewun Esceva, xeina siete poyobe tatsi pebiwi. Barichi barapo siete poyobe wun wun taibatsi Jesús, poxonae itaweta cauri. Esceva sacerdotemonae pia pentacaponaeewi jiwana tatsi. <sup>15</sup> Poxonae barapomonae paeba barapo wuntha, Jesús pewuntha tatsi, barapomonae jume notatsi cauri, jeye: “Bara tayaputaein Jesús, Pablono bara yaputanno. ¿Incane paxamda? ¿Jintam pamda?” jei bapon cauri.

<sup>16</sup> Bapoxonae barapo siete poyobe pexainya betanaxorenatsi pon cauri xeina. Barapomonae butsi. Matautano barapomonae jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo bejumasa ducupiya. <sup>17</sup> Pomonae Efeso tomaratha peenaewi, judiomonae, iru pomonae jopa judiomonae naexanaeyo, daxita bapomonae jume tane xua siete poyobe jumasa ducupa. Barapomonae junuwa bichocono. Daxota barapomonae Jesús pon Pecanamataxeinaein jwi wunae jaintatsi.

<sup>18</sup> Pomonae Jesús jume cowantatsi pinmonae barapomonae jiwana baxota pata. Barapomonae jwi peitatha tatsi paeba xua bepa pinae bayatha abe exana poxonae mara coyeneya exana nawita. <sup>19</sup> Pomonae Jesús pejume diwesi coyene nacuiduba, barapomonae carendena diboron po diboron xua mara yabara penacuidubiwan. Barapo diboron tauteba. Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonaebe pinae nantomata. <sup>20</sup> Barapoxonae pin bicheito jume cowunta Jesús, pon Pecanamataxeinaein jwi. Yawa barapomonae tsita itapeinya xeina dubenanaebiya xua bara Nacom apara xeina peayapusu itorobi coyenewa.

<sup>21</sup> Poxonae baxua weta Pablo najuntu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya. <sup>22</sup> Ponbe Pablo yawenatsi, Timoteono Erastono, baponbe Pablo Macedonia nacua beitorobiyabe. Cataunxuae abu bapon Pablo Asia nacuatha eca.

*Meje yabara poxonae jwi namtsebiya wawai Efeso tomaratha Pablo pecasebixaetsi*

<sup>23</sup> Barapoxonae Efeso tomarapiwi anaya anaepanaeya najume cayayataxuba poxoru aichaxaibi xua pejume taewa xua Pablo yabara cueicueije Jesús pia pena pecuidubiwa tatsi. <sup>24</sup> Pon xua abe penajume cayayataxubin xua poxonae namtsebiya wawai bapon pewun Demetrio. Bapon pinmonae xeina pomonae petanacuichiwichi xua petaxanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomiyo. <sup>25</sup> Bapon Demetrio pia petanacuichiwichi waba. Pomonae iru Artemisa pia penain boxi peexanaewi wabatsino. Demetrio namchi daxita barapomonaetha, jeye: “Bara metha payaputaneme xua paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi. <sup>26</sup> Pon pataneme yawa pajume tanemeno, barapon Pablo. Bapon paeba ducuaaebiya xua pinae pomonae icha nacom canaatsiya exana apara pinae xapain jopa daxua pepa nacomiyo. Pomonae Pablo cuidubeiba jume jejei tsabichi ayei jwi Efeso tomarathano, Asia nacuathanoru jume jejei pinmonae. <sup>27</sup> Baxua bichocono nacata abe, tsipei icha jwi jopa comocatsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: ‘Artemisa pia pin bo tatsi abe. Xapain jopa pepa Nacom pin pia boyo’, jei tsane. Cataunxuae anoxuae barapo jwi Asia nacuapiwi iru daxita nacuanpiwi Artemisa wunae jainteibatsi. Ichitha icha jume cowantsinchi Pablo, metha equeicha jopa bewunae jainteibichipaetsi Artemisa”, jei Demetrio.

<sup>28</sup> Poxonae baxua Demetrio jume taerucupatsi, anaepanarucupa barapomonae. Yawa barapomonae namtsebiya wawai, jeye: “iMaisa Artemisa powa pata tanecanamataxeinaewa, barapowa bichocono pejuntu coyene xanepanaewa! iMaisa Efesiomonae pan Artemisa wunae pajaintan!” jei barapomonae.

<sup>29</sup> Barapoxonae daxita tomarapiwi jupaya anaepana. Gayo iru Aristarco, ponbe Macedonia nacupinbe, ponbe Pablo pepuna ponaexaetsibe, baraponbe waetabatsibe. Po botha ichaxota jwi nacaeteiba pecueicueijeinexa tsaiibi tsane bara bemaXu cayatsibe. <sup>30</sup> Bepa

bequein Pablo najoniyaei barapo botha, petsipaebinexa tsane barapomonae, ichitha Jesús pejume cowantsiwichi Pablo jopa pu copatichi. <sup>31</sup> Barichi pomonae pentacaponae wai jiwana Asia nacuatha, barapomonae Pablo pia jiwu tatsi cou tana cajume caitorobatsi xua bepa pinae Pablo jopa najoniyae tsane baxota. <sup>32</sup> Barapoxonae barapo penacaeutswi-watha, ichamonae icha caununaya wawai iru ichamonae icha caununaya wawai. Daxita barapomonae najume cayataxubiya wawai. Ichamonae jopa yaputaeyo po coyene xua barapomonae yabara nacaetuta. <sup>33</sup> Barapo penacaeutswimonae anaepana. Pablo yabara anaepanatsi iru pijimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaeutswi-watha. Bapon pewan Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae. <sup>34</sup> Poxonae barapomonae Alejandro yaitaerucypatsi xua Alejandro judiomonaepin, barapoxonae equeicha daxita namtsebiya wawai tsompae ainya horabe. Barapomonae namchi, jeye: “¡Maisa pata tanecanamataxeinaewa Artemisa! ¡Maisa barapowa pejuntu coyene xanepanaewa! ¡Maisa efesiomonae pan Artemisa wanae pajaintan!” jei barapomonae.

<sup>35</sup> Nexata, pon xua tomara peewatsin, bapon uncuwa barapo penacaeutswi itabaratha. Bapon jume matawenta xua equeicha jopa penamtsebiya wawainexa tsane barapomonae. Barapoxonae bapon namchi, jeye: “Pomonae Efeso tomaramonae pam. Bara daxita nacua-monaepiwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia pawu. <sup>36</sup> Jiton dapocotsin aibi pon xua nejume barai xua naeraban, daxota saya iru moya pande. Painya xoba ichawa pananta xeiname poxonae jopa beta pananta xeinaem. <sup>37</sup> Ponbe, Gayo iru Aristarco, ponbe pacarendename, baponbe jopa abe paebiyobe. Baponbe jopa caibiyobe xua xoyo boca Artemisa pin pia botha tatsi. Matautano Artemisa nacomwa jopa cui aebiyobe. <sup>38</sup> Icha Demetrio iru petanacuichiwi nanta xeina xua ichamonae Demetrioaru abe taexainchi moya jame barapomonae bewa ponaena po bo ichaxota ena pomonae jiwu peyabara paebiwi xua penatsicuentisiwa xua abe peexanaexae. Barapoxonae barapomonae itacypatsi xua petsipaebiwa pomonaetha pomonae tomara pentacaponae wai po coyene xua ichamonae abe exana barapomonaetha. <sup>39</sup> Icha ichawa painya paebichi abu anoxuae jopa papaebinde. Po mataqueitha poxonae pentacaponae wai ba nacaetuta pejume taenexa xua jiwu paeba barapoxonae jame papaebare. <sup>40</sup> Wanamtsebiya wawaijexae anoxuae daxota romanomonae naca yabara anaepanaena tsipei nanta xeinaena xua waxainchi aichaxaibichi xua barapomonae naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin. <sup>41</sup> Poxonae najume wetaba baxua, barapomonae pesato beitorobiatsi.

## 20

### *Meje yabara poxonae Pablo siwa pona Macedonia nacua, Grecia nacuanu*

<sup>1</sup> Bara najume wetarucupa daxita poxonae namtsebiya wawai tsompae. Barapoxonae Pablo waba pomonae Jesús pejume cowantsiwichi pebaru nacaetutswinexa. Barapomonaetha Pablo yabara tsipaeba Jesús pejume diwesi xua barapomonae peajuntuyapusuya xanepanaya pejinompaenexa tsane Nacomtha. Barapoxonae Pablo barapomonae napeyaba. Macedonia nacua bewarapiya. <sup>2</sup> Daxita barapo tomaran, Pablo siwa pona barapo Macedonia nacuatha, cuidubano pomonaetha pomonae Jesús pejume cowantsiwichi, xua peajuntuyapusuya xanepanaya tajinompaenexa tsainchi Nacomtha. Poxonae nacui wetaba equeicha Grecia nacua bepatopiya. <sup>3</sup> Baraxota Pablo acoiibi po xometiyobe yapucaewa. Bara juntucuru Siria nacua beya warapa jeratha po nae pin naetha. Barapoxonae jume tane xua pinae judiomonae anaepana xua Pablo behubapaebatsi. Daxota Pablo najuntu cui weta xua caibeya peponaewa tsane petaxutha Macedonia nacua beya. <sup>4</sup> Pablo yanabatsi ichamonae. Iru ichun napona bapon pewan Sópater, pon Berea tomarapin, pon Pirro pexanto tatsi. Iru ichunbe naponabe baponbe pewanbe Aristarco iru Segundo, baponbe Tesalónica tomarapinbe. Iru ichun napona, bapon pewan Gayo, Derbe tomarapin. Iru ichun napona, bapon pewan Timoteo. Iru ichunbe naponabe, ponbe pewanbe Tíquico iru Trófimo, baraponbe Asia nacupinbe. <sup>5</sup> Barapomonae daxita pana netsiwana nantacapona, Troas tomaratha cou baxota pana ewata. <sup>6</sup> Ichitha Filipos tomara weya pawarapan jeratha, po naetha po nae pin nae poxonae weta Pascua wun matacabin. Barapo Pascua matacabintha jiwu xane pan xua pocotsiwa jopa cotowiyo. Poxonae cinco po matcabibe caewa papatan Troas tomaratha, baxota barapomonae pacaxiban. Baraxota paenan siete po matcabibe.

### *Meje yabara poxonae Pablo Troas tomara siwa pona*

<sup>7</sup> Pentaquei seicae matabitha, domingotha, pana nacaetutan, pata epanantarabi janacaenexa tsane pan. Pablo cuiduba pomonae Jesús pejume cowantsiwichi, tsipei baya warapaena Pablo. Daxota poxonae cueicueije beya yapapae. <sup>8</sup> Po tutu athabeicha barapo tututheicha pana nacaetutan. Barapo tututha ainya coichan dubena. <sup>9</sup> Pewowinda pewyn Eutico, barapoyo bomaxu tututha ventanatha pemaxuburutha eca. Pablo baiyio tsuxubi xua Nacom Pejume Diwesi cueicueije. Barapoxonae Eutico nantacotiya maitecataba. Taju wejopeica. Po tututha Pablo cueicueije tsuncuae xua ichaxota acobi tututheicha barapo tutu wejopeica. Eutico petupaeyo pitatsi. <sup>10</sup> Bara nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamonae barai Pablo, jeye:

—Jopa pajunuwinde, bara apara asu, jei.

<sup>11</sup> Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueije Nacom Pejume Diwesi, beya yajume pentha tsina. Bapoxonae weta. Bara cou nama matabi wnae tsuxubiba Pablo warapa. <sup>12</sup> Barapo pewowin Eutico equeicha bara asu. Eutico piamonae po becayiyatsi. Daxita saya juntu coyene tsacabatsi xua juntea jinompa xua equeicha Eutico peasuxae.

*Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya*

<sup>13</sup> Paxan copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponae. Bara xotiya, Aso tomaratha paichichipan payapitan Pablo. <sup>14</sup> Poxonae Pablo Aso tomaratha pacaxibarucupan, bapon equeicha pana yantaba. Mitilene tomara beya pawarapan. <sup>15</sup> Mitilene tomara wewarapiyan. Bapoxonae icha matabitha imoxoyo Quio tunaetotha papatan icha muxunenetha. Baraxota caentacabitha paenan. Equeicha icha matabitha Samos tunaetotha papatan. Barapoxonae equeicha icha matabitha Mileto tomaratha papatan. <sup>16</sup> Baxua Pablo exana tsipei bapon nanta xeina xua jopa becaeyo ainya matabin Asia nacuatha. Bapon aichaxabi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés matabi tsane, icha bara pecui jupaenexatsi.

*Meje yabara poxonae Pablo tsipaeba penapatae jiwi Efeso tomaratha*

<sup>17</sup> Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwi pewabinexatsi pomonae Jesús pejume cowantsiwichi, xua Mileto tomaratha pepatsinexa. <sup>18</sup> Poxonae Efeso tomarapiwi, penapatae jiwi pata baxota, Pablo barai, jeye: “Bara paxam payaputaneme xua wnae poponan poxonae copiya patopan Asia nacuatha painya xantha. Awiya cataunxuae barichin wnae poponan. <sup>19</sup> Daxita matabi Jesús pejume diwesi cueicueijan tsaibi. Jopa bichocono atsaca tsaibinyo. Jume wnaeya natsipaeban saya. Poxonae Nacom pon jiwi Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibe. <sup>20</sup> Paxam payaputaneme xua jopa nacui baraxubinyo xua tapaca tsipaebiwatsi Jesús pejume diwesi xua po coyene painya nepaca yawenaewa tsane. Paca cuidubatsi jiwi peitabaratha tatsi. Matautano painya boxithano paca cuidubatsi. <sup>21</sup> Judiomonae jume daunweya cuiduban. Iragu pomonae jopa judiomonae naexanaeyo jume daunweya cuiduban xua barapomonae bewa icha juntu coyene pexeinaenexa Nacomtha xuano pejume cowantsinexatsi Jesús pon Wanacanmataxeinaein. <sup>22</sup> Nacom pia Pejumo pe tnanaxu tatsi neitoroba xua bewa ponaetsipanjei Jerusalén tomara beya. Ichitha jopa nayaputaeneyo pocotsiwa xua baxotiya tsane ichamonae inta exanaena. <sup>23</sup> Jame anoxuae saya meisa yaputan xua Nacom pia Pejumo pe tnanaxu tatsi yabara netsipaeba xua daxita toman ichaxota pateibin. Nebarai, jeye: ‘Jiwi pecubi bontha cajeibeina, yawa caperaxa exaneibinano’, nejei Nacom pia Pejumo pe tnanaxu tatsi. <sup>24</sup> Juntucuru xua icha tapan, baraxua jopa netsiti ainya cuiyo. Bara jemba tsane icha saya poponaein. Icha tapan, bara jemba tsane. Daxota neitacupa xua juntu coyene weiweinaeya exanaein pocotsiwa Jesús neitoroba beya yacuiya tupaopaein. Matautano daxota neitacupa xua wetsin pocotsiwa Jesús neitoroba, pon Pecanamataxeinaeinchi jiwi, xua tapaca tsipaebiwatsi barapo pexeinya jume diwesi po coyene xua bichocono jiwi peantobewatsi Nacom.

<sup>25</sup> “Bayatha paca tsipaebatsi Nacom Pejume Diwesi po diwesi yabara xua Nacom waba jiwi, petanaexanaenexa tsainchi pijimonae jiwana tatsi pomonae itorobiya peewatsixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane. <sup>26</sup> Daxota anoxuae paca tsipaebatsi icha jopa pajume cowantsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebibatsi pexeinya jume diwesi. <sup>27</sup> Daxita xua Nacom neitoroba barapo diwesi omeicha paca tsipaebatsi. Jopa icha diwesiyo copatsinyo.

<sup>28</sup> Painya coutha xanepanaya pana najuntũ coyene yabara nanta xeinare. Matautano xaniwaicha payapu eenare pomonae Jesús pejume cowũntsiwichi. Paxam pitiri jiwi pam, baxua paexande tsipei Nacom pia Pejumope tũnaxũ tatsi paca itoroba painya neyapu cainompaenexa tsane Jesús pejume cowũntsiwi tatsi. Matautano baxua paexande tsipei barapomonae Nacom piamonae tatsi, tsipei pexanto tatsi tsitupa xua barapomonae jopa peweraweracaewa tsane. <sup>29</sup> Yaputan poxonae warapaen tacoutha patsina ichamonae. Barapomonae Jesús pejume cowũntsiwichi abe exanaeinchi. Barapomonae Jesús pejume cowũntsiwichi dũcũpa exanetinchi icha neũthũ ichi. <sup>30</sup> Barichi painya jiwi jiwanamonaē ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cowũntsiwichi pejume cowũntsinexa barapo penaerabi diwesi. <sup>31</sup> Dota pam, xua peabe jume, painya nejume cowũntsiwa. Pana necui yabara nanta xeinare xua paca cuidubatsi acoiibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

<sup>32</sup> Tamonaē pam, Nacomtha pacata tsipaebatsi xua paca necayawenaewa tsane, xuanõ xua Nacom Pejume Diwesi painya necayawenaenexa po diwesi xua paca cuiduba xua pinaē Nacom paca antobe. Barapo Nacom Pejume Diwesi peayapusũwa xeina xua ajũntũyapusũya paca cana exanapona. Matautano paca catsina daxita pocotsiwa bayatha pepa piamonaetha yabara tsiwũnaē muxu duta xua catsiba paeba. <sup>33</sup> Jopa taichichi tsalbinyo xua ichũn pia paratixi tatsi matautano xua ichũn pia paparuwan tatsi. <sup>34</sup> Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba. <sup>35</sup> Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajũntemainaeinde xua Jesús pon Pecanamataxeinaein jiwi namchi, xua jeye: ‘Ba jũntũ coyene weiweina bichocono pon cata beyacaincha xua pon pecatsixaetsi’, jei Jesús”, jei Pablo.

<sup>36</sup> Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncuu. Pablo daxita barũ tsipaeba Nacomtha. <sup>37</sup> Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi. <sup>38</sup> Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopiatsi po naetha po nae pin nae.

## 21

*Meje yabara poxonae Pablo weratha Jerusalén tomara bewarapiya po naetha po nae pin nae*

<sup>1</sup> Poxonae Jesús pejume cowũntsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepapiyan weratha. Barapoxonae equeicha icha matabitha Pátara tomara bepawarapiyan weratha. <sup>2</sup> Pátara tomaratha baxota equeicha icha nae panotarũcũpan. Fenicia tomara bepawarapiyan. <sup>3</sup> Poxonae Chipre tunaeto patan pamatawacaicha toqueban. Barapo tunaeto pata tatsocõna iya paxenta iyian. Siria nacua bepapiyan. Barapo nae Tiro tomaratha botouna, pejotsinexa tsane xua capona. Tiro tomaratha paxubarũcũpan barapo nae. Baxota painompanno. <sup>4</sup> Baraxota Tiro tomaratha pacaxibarũcũpan pomonae Jesús pejume cowũntsiwichi. Barapomonae pia xantha tatsi pajinompan siete po merawiyobe. Barapomonae Pablo tsipaebatsi, jeichichi: “Jopa Jerusalén tomara beya ponaeinde”, jeichichi. Nacom pia Pejumope tũnaxũ tatsi barapomonae yabara tsiwanaya tsipaebatsi po coyene xua ichamonae Pablo cana exanaeinchi barapo tomaratha. <sup>5</sup> Poxonae barapo siete merawiyobe payapucaewan paponarũcũpan. Daxita pomonae Jesús pejume cowũntsiwichi, tomara weya pana nepu taemenathopiya yabũxino pexuino. Taetabo mene itapa bepapiyan. Baraxota pentabocototha paumenan. Nacom patsipaeban. <sup>6</sup> Pana napeyaban barapomonae, pana naisa teica pata taneantobexae. Barapoxonae equeicha jera panotarũcũpan, barapomonae equeicha pia boxi benawibiya.

<sup>7</sup> Bara papanenebiyan tsarũcũpaē xua Tiro tomara weya paponan. Tolemaida tomara beya papanenebiyan. Baxota equeicha pajacoban pomonae Jesús pejume cowũntsiwichi. Caentacabitha baxota pajinompan. <sup>8</sup> Icha matabitha, Pablono yawa xua pomonae pata tacueyabixae pan Cesarea tomaratha papatan. Barapo tomaratha Felipe pia bo tatsi bepapiyan. Bapon Nacom Pejume Diwesi pecueicueijeji ducuaēbiyae jiton. Bapon jiwana pomonae siete poyobe pomonae peyawenae jiwi. Barapo siete poyobe, matha cain itapetatsi Jerusalén tomaratha xua Jesús pia peitorobi jiwi tatsi peyawenaenexatsi. Barapon pia xantha tatsi paenan. <sup>9</sup> Felipe cuatro po pexantiyobe tatsi xeina. Barapowaxi

cataunxuae jopa jitha enaeyo. Barapowaxi tsipaeba jiwi Nacom Pejume Diwesi xua Nacom yaputane exana. <sup>10</sup> Baxota caentacabiyo be paenan Cesarea tomaratha. Barapoxonae Judea nacuapin patopa, pon Nacom pia peitorobi pepaebin, pon pewan Agabo. <sup>11</sup> Agabo pana nesiwa pona. Pablo coreinya bocoto mara wejontatsi. Barapo coreinya bocototha petaxuno, pemaxano Agabo pia coutha nacaecunta cubaxuba. Bapoxonae Agabo namchi, jeye:

—Bayatha Nacom pia Pejumope tuxaxu tatsi netsipaeba po coyene xua judiomonae exanaena Jerusalén tomaratha. Bepa pinae barapomonae caiche tsane pon xua pia bocoto pexeinaein pocotsi bocote, ichaunxuae naichin, bara jeta caichi tsane pinae. Matautano bepa pinae barapomonae cacaponae pomonaetha pomonae penanapaincha jinompaewi xua icha nacia werena peponaewi, jei Agabo.

<sup>12</sup> Poxonae baxua pajume tan, paxan iru pomonae Cesarea tomarapiwi Pablo pabaran, pajanje:

—Bara, jinxoba poname Jerusalén tomara beya, pajan.

<sup>13</sup> Ichitha Pablo pana jume nota, jeye:

—¿Eta xua metha pana siwa wecoyam? ¿Eta xua metha pana itanuwe forotame? Bara bayatha nacui yabara jume wetan tanecubinexa tsane, matautano tatupaenexa tsane Jerusalén tomaratha tajume cowantsixae Jesús, pon jiwi Pecanamataxeinaein, jei Pablo.

<sup>14</sup> Bequein Pablo jume daunweya pabaran xua jopa pona tsane ichitha Pablo dapojumetha bepa ponaei. Matapainya saya jopa equeicha pata jumeyo. Matautano pajan:

—Basaya moya baxua exanaena be pocotsi coyeneya xua Nacom ichichipa, pajan.

<sup>15</sup> Bapoxonae poxonae pana jume wetan baxua, bara nama paxainxainyan. Bapoxonae Jerusalén tomara bewararapiyan. <sup>16</sup> Ichamonae Cesarea tomarapiwi, pomonae Jesús pejume cowantsiwichi pana nepuna pona. Pana capona bo beya pata tajinompaenexa tsane, bebin pon pewan Mnasón, bapon pia bo beya tatsi. Bapon Mnasón Chipre tunaetopin. Bapon pinae caena bayatha jume cowanta Jesús.

*Meje yabara poxonae Pablo, Santiago siwa poinchi*

<sup>17</sup> Poxonae Jerusalén tomaratha papatan, baxota pomonae Jesús pejume cowantsiwichi weiweinaya pana matenta waba bichocono. <sup>18</sup> Icha maticabitha Pablo pana nebaru pona. Pasiwa ponan Santiago. Baraxota iru daxita pitiri jiwi jinomparu. <sup>19</sup> Barapomonae Pablo jacobae. Bapoxonae tsiwiyo bexa Pablo tsipaeba daxita po coyene xua Nacom exana pomonaetha pomonae jopa judiomonae naexanaeyo. Yawano paeba po coyene Pablo itorobatsi Nacom, xua petacaponae Nacom Pejume Diwesi tatsi. <sup>20</sup> Poxonae jume tane baxua xua Pablo paeba, barapoxonae barapomonae Nacom wuna jaintatsi. Nexata Santiago Pablo baraichi, jeye:

—Taema, incane jume taema. Judiomonae pin bicheiton tsoponae, pomonae bayatha Jesús jume cowantsi. Daxita barapomonae namuxutainyaba xua pinae daxita jiwi nantawenona xua Moisés pia peitorobi coyene exanapona. <sup>21</sup> Cayopita ichamonae xua pinae cuidubame judiomonae pomonae icha nacuantha pejinompaewi. Pinae cuidubame xua equeicha pinae barapomonae bewa jopa yabara jume cui exanae pocotsiwa bayatha Moisés itoroba. Matautano pinae cuidubame barapomonae xua pinae jopa bewa penawi thabi coyene exanae tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinae cuidubame xua barapomonae bewa jopa exanae barapo peitorobi coyenewan xua pinae pocotsiwa wamo jiwi bayatha exaneiba.

<sup>22</sup> ¿Eta xua waxainchi exanaeinchi? Tsipei judiomonae, pomonae pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame.

<sup>23</sup> Paxan xua paca itorobatsi baxua exande. Taema xote pata xantha cuatro poyobe ponabe pebiwi. Barapoyobe yabara nacui wuna tsijume dutabe Nacomtha pocotsiwa xua exanapaeba. Anoxuae baxua barapomonae bewa exanae pocotsiwa bayatha exanapaeba.

<sup>24</sup> Barapomonae maticayande paratixi nanacui baru nantomare sacerdotemonaepintha, xam nexano iru barapomonae nexano xua jopa painya nenajuntu coyene taxobinexa. Nanacui baru nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamonae abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba. <sup>25</sup> Paxan pata tinan carta pomonae Jesús pejume cowantsiwichi, pomonae jopa judiomonae naexanaeyo. Pata yabara tinan baxua xua pananta xeinan xua barapomonae beexanaetsipa. Pajan barapo cartatha: ‘Painya xoba duwei paw xaneme po duwein jiwi tsiseba ibo nacom. Matautano painya xoba paxaneme po duwein pon saya pipato tuncua, xuano painya xoba pajana xaneme. Painya xoba pasiwa xeiname yabuxi xua jopa painya seurixi’, pajan, jei Santiago.

*Meje yabara poxonae soldadomonaе Pablo maxu waetabatsi judiomonaе pin pia botha tatsi, bapoxonaе jiwі pecubi bo beya caponatsi*

<sup>26</sup> Nexata Pablo baru poinya barapo cuatro poyobe. Icha matabi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonaе Pablo iru barapo cuatro poyobe Nacom pin pia botha tatsi jojoniya. Pablo namchi, jeye: “Equeicha papatsinan siete po matabibе poxonae pawetsin po coyene xua daxota jopa pata najuntu coyene taxobiwa Nacomtha. Pacaponaеin duwein sacerdotemonaepin pebexubinexa tsane xua pata catsinexa Nacom”, jei Pablo.

<sup>27</sup> Poxonaе barapo siete matabiyobe imoxoyo yapucaewinaba, bapoxonaе Pablo judiomonaе Nacom pin pia botha tainchi. Pomonaе Pablo tainchi, barapomonaе judiomonaе pomonaе Asia nacua weya pona. Pomonaе Pablo tainchi, barapomonaе exana xua pin bicheito namtsebiya wawai xua Pablo pecasebixaetsi. Bapoxonaе Pablo waetabatsi. <sup>28</sup> Jume daunweya wawai, jeye: “¡Pajume taema, paxam pomonaе Israel nacuapiwi pamxaem! ¡Pana yawende! Barapon cuiduba ducuaеbiya daxita jiwі. Abeya naca yabara cui cueicueijeі. Matautano abeya yabara cueicueijeі Moisés jipa peitorobi coyenewan tatsi. Matautano barapo Nacom pin pia bo abeya yabara cueicueijeі barapon. Matautano bapon griegomonaе matabipoinchi barapo Nacom pin pia bo berena. Poxonaе Pablo matabipona griegomonaе, Nacom pin pia botha tatsi atutube exana”, jei barapomonaе.

<sup>29</sup> Baxua paeба, tsipei poxoru bayatha barapomonaе Pablo tainchi Jerusalén tomaratha. Baxota Pablo baru pona Efeso tomarapin, pon pewan Trófimo. Daxota barapomonaе catsawa nanta xeina xua metha bayatha Pablo Nacom pin pia botha baru pona Trófimo. Daumetha Trófimo baxota jopa naponaeayo.

<sup>30</sup> Daxita tomarapiwi jurapa equeicha jume daunweya wawai. Daxita cuinaerendena, barapomonaе Pablo yoroba teicatsi. Nacom pin pia bo wemaxu capoinyatsi. Barapoxonaе barapomonaе bichocono yaboupa cateitabanota Nacom pin pia bo. <sup>31</sup> Barapomonaе, pomonaе peanaepanaewi muxu Pablo pebexubichi. Bara nexata romanomonaе soldadomonaе pia pepa pentacaponaеin tatsi jume tane xua daxita Jerusalén tomaramonaе najume cayayataxuba. <sup>32</sup> Nexata soldadomonaе pia pepa pentacaponaеin tatsi, bapon pia soldadomonaе copiya piamonaе caecaetuteta. Bapoxonaе barapo soldadomonaе pin bicheito becuinaeyiya ichaxota Pablo muxu pebexubichi. Poxonaе barapo soldadomonaе taerucupatsi barapo bicheito xainya umenarucupa. Barapoxonaе barapomonaе equeicha jopa Pablo batsi. <sup>33</sup> Nexata soldadomonaе pia pepa pentacaponaеin tatsi Pablo imoxoyo caquita uncuatatsi. Bapoxonaе Pablo maxu waetabatsi. Bapon soldadomonaе pia pepa pentacaponaеin tatsi piamonaе itoroba xua ainya naintothabe pemaxu cubaxubinexatsi Pablo. Bapoxonaе bapon soldadomonaе pia pepa pentacaponaеin tatsi yainyaba pin bicheitho, jeye: “¿Jintam baraponda? ¿Eta xua metha bapon exana?” jei. <sup>34</sup> Ichitha barapomonaе ichawan caununaya wawai. Ichamonaе ichawa wawai. Daxota bapon soldadomonaе pia pentacaponaеin tatsi jopa xapain jume taeyo. Bapoxonaе bapon soldadomonaе pia pentacaponaеin tatsi Pablo itorobatsi soldadomonaе pia bo beya tatsi. <sup>35</sup> Poxonaе patopa soldadomonaе pia bo beya, penonobabeiyawatha xua nonababeibiya soldadomonaе Pablo yoichiya capoinchi bara beya. Pin bicheito bichocono anaepana daxota Pablo yoichiya capoinchi. <sup>36</sup> Barapo pin bicheito soldadomonaе cayabara wawaya punaenapoinchi, jeye: “¡Maisa pabexore bapon!” jei barapomonaе.

*Meje yabara poxonae Pablo paeба barapomonaе peitabaratha*

<sup>37</sup> Poxonaе juntucuru Pablo soldadomonaе pia bo beya capoinchi, Pablo barai soldadomonaе pia pentacaponaеintha tatsi, jeye:

—¿Metha ichauyo catsipaebichipatsi? jei Pablo.

Poxonaе baxua jume taeba, soldadomonaе pia pentacaponaеin tatsi yainyaba, jeye:

—¿Xam necueicueijeinda griego jumera? <sup>38</sup> ¿Xam barapo jitonda egipcio nacuapimda, pon nacauteiba exaneiba pijimonaе xua ichamonaе pejutebeibinexa tsainchi? ¿Xam barapomonaе pia pentacaponaem tatsi, pon xua matabiponaem cuatro mil jiwі ichaxota ira xuepana susato tsurucuae nacuatha? jei soldadomonaе pia pepa pentacaponaеin tatsi.

<sup>39</sup> Nexata Pablo jume nota, jeye:

—Apara pepa judiomonaepiyon. Tarso tomaratha naexanan. Tatomara ainya cui tsipei pepa tomara. Tarso tomara Cilicia nacuatha eca. Nejume cui yabara copare xua barapomonaе tatsipaеbiwa tsane, jei Pablo.

<sup>40</sup> Soldadomonaе pia pepa pentacaponaеin tatsi bara Pablo yabara jume copatatsi xua Pablo bara pepaеbiwa tsane. Pablo ichaxota nonababeibiya baxota asiya uncuа.

Yawa pecobetha jume matawenta barapomonaе xua moya peenaenexa. Poxonaе moya enaracupa barapomonaе, Pablo hebreo jumetha cueicueijeі. Namchi, jeye:

## 22

<sup>1</sup>“Tamonaе pam, iru pomonaе pitiri jiwi pam, pana nejume taema xua tapaca tsipaеbiwa tsainchi xua tana nabaу jume yawenaewan”, jei Pablo.

<sup>2</sup> Poxonaе barapomonaе jume taeracupa, xua Pablo hebreo jumetha cueicueijeі, barapomonaе moya enaracupa. Pablo barapomonaе barai, jeye:

<sup>3</sup> “Xan apara judiomonaepin. Bayatha naexanan Tarso tomaratha, Cilicia nacuatha. Saya apara Jerusalén tomaratha wichaban. Baxota nacuiduban po coyenein wamo susato jiwi itorobeiba. Daxita barapo coyenein pebin pewun Gamaliel, necuiduba. Necui eeneiba xua Nacom tanacuiteiban xua daxita tajuntu coyenewatha icha anoxuae daxita paichiponaem. <sup>4</sup> Bayatha jeiteiban pomonaе pejume cowantsiwi Jesús pia pena pecuidubiwa tatsi. Teiqueibanno, jiwi pecubi bo beya caponeiban, pebiwino yawa yabuxino. Tsipei ichichipan xua ichamonaе jutebeiba xua barapomonaе pejutebeib-inexatsi. <sup>5</sup> Sacerdotemonaе pia pentacaponaein tatsi iru pitiri jiwi paca tsipaebina xua bayatha barapomonaе necata cartan xua barompaya wajudiomonaе nexa xua Damasco tomaratha. Barapo cartanxae neitacupa xua tateicaewa tsane pomonaе Jesús pejume cowantsiwichi. Baxota Damasco tomaratha ponan tajeichinexa pomonaе Jesús pejume cowantsiwichi, tsipei tha Jerusalén tomara becayaetsi barapomonaе, matautano tsipei tha yamaxu cabiya caponaetsi taperaxa exanaenexa tsane barapomonaе”, jei Pablo.

*Meje yabara poxonaе Pablo diwesi paeba xua poxonaе po coyene pejume cowantsiwa Jesustha*

<sup>6</sup> Equeicha Pablo jeye: “Damasco tomara namtotha ecaponan, bara nama mateinyaxae tsuxubi. Poxonaе bara muxu tapatopaeba barapo tomaratha, bapoxonaе pin coicha neyancataba. Taxainya benematawacaicha jopeica. Peitaboco wejopeica. <sup>7</sup> Iratha jopan. Bapoxonaе peitaboco wenearaichica. Jume tauncuan, nebarai, jeye: ‘Saulo, Saulo, zeta xua metha tamonaе inta abe exaname?’ jei. <sup>8</sup> Nexata yainyaban: ‘Pon jiwi Necanamataxeinaem, zjintamunda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaе inta abe exaname’, nejei. <sup>9</sup> Pomonaе nepuna pona iru coicha taneno. Bichocono bapomonaе junuwa. Xuya meisa coicha tane, saya jopa jume taeyo po jume xua nebaraichica. <sup>10</sup> Nexata yainyaban: ‘Pon jiwi Necanamataxeinaem, zeta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichun yabara catsipaebina pocotsiwa xua bewa exaname’, nejei. <sup>11</sup> Barapo coicha bichocono neitata naquitaba exana. Pomonaе nepuna pona Damasco tomara benemamaxu cayiya.

<sup>12</sup> “Barapo tomaratha, Damasco tomaratha, cou pebin popona, bapon pewun Ananias. Bapon daxita yabara jume cuiya exaneiba Moisés pia peitorobi coyene tatsi. Barapo judiomonaе, Damasco tomaratha, barapomonaе Ananias xanepanaya yabara paebeibatsi. <sup>13</sup> Ananias nesiwa pona. Bapon nebarai: ‘Saulo, tamonaе jitom, equeicha caewa nepu necotsinde’, jei. Bara caena barapoxonaе equeicha caewa necotaxuban. Bapon bapoxonaе taenotan. <sup>14</sup> Ananias nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejuntu coyene xanepanaein, matautano nejume taenexa pocotsiwa catsipaeba. <sup>15</sup> Aunxuae Jesús yabara cueicueijam tsane daxita nacuan jupayantha. Yabara paebiname daxita xua taneme xuano xua jume tanemeno. <sup>16</sup> Anoxuae, zeta xua metha came ecame? Nontaponde. Barabu ichun cabautisabina Jesucristo pewantha, pon jiwi Pecanamataxeinaein, necayabara juntemainaenexa abe jinya neexanae cuiru coyenein’, nejei Ananias”, jei Pablo.

*Meje yabara poxonaе Pablo nayabara paeba xua peitorobiwatsi ichaxota pomonaetha pomonaе jopa judiomonaе naexanaeyo*

<sup>17</sup> Pablo cataunxuae cueicueijeі, jeye: “Poxonaе caibe nawiyen Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxonaе camaitan xua netsita naitauta. <sup>18</sup> Jesús necotan, pon jiwi Pecanamataxeinaein. Bapon nebarai: ‘Anthа yacuinaya pontabare Jerusalén tomara weya, tsipei barapomonaе jopa xapain cajume cowantsi tsane xua tana neyabara paebiwan’, jei Jesús. <sup>19</sup> Nexata jume epa pitan: ‘Pon jiwi Necanamataxeinaem, barapomonaе bayatha necui yaputane xua poneiban daxitan judiomonaе pia penacaeuttsi bontha tatsi. Bayatha jiwi pecubi botha caponeiban, pomonaе necajume cowantsiwi. Matautano bichocono beibanno. <sup>20</sup> Poxonaе Esteban bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxonaе Esteban bexotsi, saya cui matu



taeuncuan. Yabara jume bar<sub>u</sub> cui jejan poxonae barapomonaе Esteban bexubapaeabatsi. Barapomonaе pipaparuwan tajeбан', jan Jesustha. <sup>21</sup> Ichitha bapon pon jiwi Pecana-mataxeinaein nebarai: 'Antha ponde. Aunxuae taju caitorobinchi barapomonaе beya, pomonaetha pomonaе jopa judiomonaе naexanaeyo beya', nejei", jei Pablo.

*Meje yabara poxonaе soldadomonaе pia pentacaponaein tatsi Pablo waetabatsi*

<sup>22</sup> Pablo cataunxuae paebuncua barapo penonobabeibiyathopaewatha soldadomonaе pia botha. Poxonaе Pablo jume taerucupatsi xua bepa pinae ponaena pomonaetha pomonaе jopa judiomonaе naexanaeyo beya, bapoxonaе barapo bicheito namtsebiya wawai, jeye: "¡Maise bapon pabexore bara! ¡Dapocotsin jopa bewa poponaе!" jei. <sup>23</sup> Awiya came barapomonaе wawai tsompae. Yawa pia paparuwan anaya n<sub>u</sub>n<sub>u</sub>baba. Yawa taetowan anaya athabe bebeicha. <sup>24</sup> Romanomonaе soldadomonaе pia pepa pentacaponaein tatsi, bapon pia soldadomonaе itoroba xua Pablo pecaponaenexatsi soldadomonaе pia bo beya tatsi xua jiwi pecubi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomonaе. <sup>25</sup> Poxonaе bara juntucuru Pablo max<sub>u</sub> cutanotatsi xuanu juntucuru muxu pebetsino, Pablo barai soldadomonaе pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana necanaichipaem icha jopa neyabara paebiyo pon jiwi peyabara paebin penatsicuentisiwa xua abe peexanaexae, jei Pablo.

<sup>26</sup> Poxonaе baxua jume tane, soldadomonaе pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apara cou deta Pablo ir<sub>u</sub> romanomonaepin, jei.

<sup>27</sup> Nexata soldadomonaе pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepin? jeichichi Pablo.

Pablo jume nota, jeye:

—Aa, bara xan tsocuaein, jei Pablo.

<sup>28</sup> Soldadomonaе pia pepa pentacaponaein tatsi Pablo jume notatsi, jeichichi:

—Xan ir<sub>u</sub> barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apara seicaya nama xan caena bayatha pexuyothan yacuiya naexanan romanomonaepin, jei.

<sup>29</sup> Poxonaе Pablo baxua paeba, bapoxonaе pomonaе Pablo muxu pecuainchichi Pablo pexeinya wetanatsixibarucupiyatsi. Ir<sub>u</sub>u bara wenatsixitabiya soldadomonaе pia pepa pentacaponaein tatsi tsipei bapon yaputane xua Pablo apara romanomonaepin. Daxota junuwa xua Pablo pemax<sub>u</sub> cubixaetsi.

*Meje yabara poxonaе Pablo pentacaitorobi bicheitomonaе peitabaratha uncuapomonaе judiomonaе*

<sup>30</sup> Icha matabitha soldadomonaе pia pepa pentacaponaein tatsi bepa yaputaei, bepa jeyei: "¿Eta xua metha Pablo yabara anaepanatsi judiomonaе?" bepa jeyei. Daxota bapon, Pablo taxuenaxotsi xua max<sub>u</sub> cutatsi. Nexata bapon itoroba xua sacerdotemonaе pia pentacaponaein tatsi ir<sub>u</sub> pentacaitorobi bicheito nacaetutsina. Pablo bara bebar<sub>u</sub> iyatsi. Baraxota cuaranotatsi barapomonaе peitabaratha tatsi.

## 23

<sup>1</sup> Pablo pentacaitorobi bicheito beya bichocono naita xua dutsiya necoya. Pablo barapomonaе beya namchi, jeye:

—Tamonae, caena bayatha beya anoxuae juntu coyene xanepanaya poponan Nacom peitatha tatsi, jei Pablo.

<sup>2</sup> Nexata sacerdotemonaе pia pepa pentacaponaein tatsi, Ananiás, bapon itoroba xua Pablo pecoibo cuainchinexatsi pomonaе Pablo imoxoyo caquita peumenaexaetsi. <sup>3</sup> Ichitha Pablo jume nota, Ananiás jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxutorobin, Nacom cacuainchina. Xam ecame xote jinya tana neyabara paebinxam tana natsicuentisiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonaе ichamonaе itorobame xua tana necoibo cuainchinexa poxonaе Moisés pia peitorobi coyenewatha jopa baxua itorobiyo, jei Pablo.

<sup>4</sup> Pomonaе Pablo imoxoyo caquita umeinchi, jeichichi:

—Apara sacerdote pia pepa pentacaponaein tatsi abe tsipaebame pon Nacom tanacui-tatsi, jei barapomonaе.

<sup>5</sup> Pablo jume nota, jeye:

—Tamonae, jopa yaputaеinyo xua pon tsipaeban apara sacerdotemonae pia pepa pentacaponaein tatsi. Icha yaputaetsipan, jopa paеbinchipae. Nacom Pejume Diwesitha namchi, jeye: ‘Jopa bewa painya pentacaponaeiwi jiwana abe pajainchim pomonaе xua painya tomaratha’, jei Nacom Pejume Diwesitha, jei Pablo.

<sup>6</sup> Nexata Pablo cui yabara nanta xeina barapomonaetha tsipei ainya bicheitobe, ichamonae saduceomonaе<sub>u</sub>, ichamonae fariseomonaе<sub>u</sub>. Daxota bapon Pablo jume daunweya wawai barapomonaetha, jeye:

—Tamonae, bara xan apara fariseomonaepin, yawa fariseomonaepin pexanton. Tsipei jume cowuntan xua jiwi petupaewi equeicha asu tsaibi tsane daxota pana necaponaе painya tana neyabara paеbinexam xua tana natsicuentsiwa xua abe taexanaexae, jei Pablo.

<sup>7</sup> Poxonae Pablo baxua paeba saduceomonaе iru fariseomonaе najume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya nabaru nanta xeina. <sup>8</sup> Saduceomonaе paeba xua pinaе petupaewi jopa equeicha asu tsaibi tsane. Matautano barapomonaе paeba xua pinaе matatsunpiwi jopa jinompayo, matautano pinaе dowatsi dapomonaе pinaе ajibi. Ichitha meisa fariseomonaе jume cowunta daxita barapo diwesin, xua pinaе pewerapeibiwi equeicha asu tsaibi tsane, matautano xua pinaе dowatsi jinompa, xuano xua pinaе matatsunpiwi bara jinompa. Daxita barapo diwesin fariseomonaе jume cowunta. Ichitha nama saduceomonaе jopa daichiyо. <sup>9</sup> Daxita barapo bicheitobe namtsebiya wawai. Fariseomonaе jiwana ichamonae nonobapona. Barapomonaе yaputane nawita Moisés pia peitorobi coyene tatsi. Barapomonaе namchi, jeye:

—Bapon Pablo jopa abe exanaeyoba, metha dowatsi bapon tsipaebatsi, ichacuiitha metha matatsunpin bapon tsipaebatsi, jei barapomonaе.

<sup>10</sup> Barapomonaе daxita najume matsontsonobiya biatane. Bapon romanomonaе soldadomonaе pia pepa pentacaponaein tatsi, bapon bichocono junuwa tsipei Pablo tsana peru xunaeinchi. Daxota bapon romanomonaе soldadomonaе pia pepa pentacaponaein tatsi itoroba pia soldadomonaе xua Pablo equeicha caponaеinchi soldadomonaе pia bo beya tatsi.

<sup>11</sup> Icha mataqueitha merawi pon Pecanamataxeinaеin jiwi, Pablo imoxoyo caquita uncuatsi xua tsaitaеtatsi. Bapon namchi, Pablo baraichi, jeye: “Pablo, najuntu coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

*Meje yabara poxonae judiomonaе nanta xeina xua Pablo pebexubiwa tsainchi*

<sup>12</sup> Icha mataqueitha, ichamonae judiomonaе peburuа nanta juraya nanta xeina xua Pablo pebexubiwa tsainchi. Barapomonaе nayabara tsiwunaе muxu duta Nacomtha xua bepa pinaе jopa nabanaе tsane, xuano jopa apae tsaneno xua beya pinaе yajainbonaya othopaena poxonae Pablo bexubinchi. <sup>13</sup> Barapomonaе pomonaе Pablo bexubapae-batsi xuano xua yabara nainbotapaeбatsi bichocono pinmonae beyacaincha xua pocotsi cuarenta po pebiwimonaeyobe. <sup>14</sup> Barapomonaе pona sacerdote pia pentacaponaeiwi tatsi beya, yawa judiomonaе pia pitiri jiwi tatsi beya. Barapo pebiwimonaeyobe barai barapomonaetha, jeye:

—Bayatha pana nayabara tsiwunaе muxu duban Nacomtha xua jopa pata nabanaewa tsane beya tsane poxonae cataunxuae jopa pabexubinyo tsane Pablo. <sup>15</sup> Paxam iru pomonaе pentacaitorobi bicheito, romanomonaе soldadomonaе pia pepa pentacaponaein tatsi patsipaebare xua bapon pia soldadomonaе peitorobinexa xua Pablo pecuara-notsinexa tsainchi painya itabaratha baya tsane. Romanomonaе soldadomonaе pia pepa pentacaponaein tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenaetsi. Pata tha bexuichi, poxonae barapomonaе Pablo caponaеinchi, jei barapomonaе.

<sup>16</sup> Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pewaetabinexa tsainchi Pablo. Daxota Pablo perobi tatsi pona soldadomonaе pia bo tatsi beya. Baxota Pablo perobi tsipaebatsi xua barapomonaе Pablo bepa bexubichei. <sup>17</sup> Nexata Pablo waba pon xua romanomonaе soldadomonaepin pia pentacaponaeiwi jiwana. Pablo namchi, jeye:

—Poye pewowin wuto caponde romanomonaе soldadomonaе pia pepa pentacaponaein tatsi beya, tsipei hapoyo diwesiyo xeina xua petsipaеbiwa tsane, jei Pablo.

<sup>18</sup> Romanomonaē soldadomonaē pia pentacaponaein tatsi Pablo perobi tatsi capoinchi xua romanomonaē soldadomonaē pia pepa pentacaponaein tatsi beya. Bapon namchi, jeye:

—Pablo soldadomonaē pia botha peecaēin, bapon neitoroba xua pinae bepa caponaēin-jei poye. Tsipei pinae xeina diwesiyo xua necatsipaebinexa, jei bapon soldadomonaē pia pentacaponaein tatsi. <sup>19</sup> Pablo perobi tatsi cobe pitatsi romanomonaē soldadomonaē pia pepa pentacaponaein tatsi. Bara nebisixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

<sup>20</sup> Nexata pewowin wato jume nota romanomonaē soldadomonaē pia pepa pentacaponaeintha, jeye:

—Judiomonaē pebɨɨɨ nanta xeina xua bepa cawɨcaei xua Pablo baya necaponaenexa pentacaitorobi bicheitotha. Bepa camuxutorobei. Bepa jeyei: ‘Panantawenonan pata tha Pablo yainyabichi ichawiyoy’, bepa jeyei barapomonaē. <sup>21</sup> Ichitha jopa jume cowantsinde, barapomonaē namtotha nantsiyatsiya bobenapaeba pewaetabinexa tsainchi taxuyo. Barapo cuarenta po pebiwimonaeyobe natsiwɨnae yabara muxu duba Nacantha xua bepa pinae jopa nabanae tsane yawa jopa apae tsane beya pinae poxonae tsane poxonae Pablo bexubinchi. Anoxuae barapomonaē cajume cui ewata xua jam tsane: ‘Baya tsane Pablo pentacaitorobi bicheitotha itorobinan’, jam tsane, jei Pablo perobi tatsi.

<sup>22</sup> Nexata romanomonaē soldadomonaē pia pepa pentacaponaein tatsi barapoyo napeyabatsi. Pewowin wato ponataba. Pewowin wato baraichi, jeye:

—Ichantha jopa tsipaebinde xuaunxuae po diwesiyo netsipaebame, jei soldadomonaē pia pepa pentacaponaein tatsi.

*Meje yabara poxonae soldadomonaē pia pepa pentacaponaein tatsi Pablo itorobatsi Félix beya pon Judea nacuamonaē pia peyanacua ewatsinchi*

<sup>23</sup> Romanomonaē soldadomonaē pia pepa pentacaponaein tatsi waba ainya pentacaponaeinbe. Bapon barapobetha itoroba. Barai: “Soldadomonaē pacui wɨnaerebe doscientos po soldado matabɨɨɨbe pomonaē xua petaxutha ponaena, irɨ setenta po soldado matabɨɨɨbe pomonaē xua cawayutha ponaena, irɨ doscientos po soldado matabɨɨɨbe pomonaē dejonan cajjincaena. Barapo bicheito daxita peponaenexa Cesarea tomara beya merawitha poxonae a las nueve tsuxubi. <sup>24</sup> Matautano pacui wɨnaerebe cawayu ayunbe xua Pablo peequicaenexa tsane. Matautano paitorobarebe xua Pablo beta pecaponaenexatsi, xua asɨno Félix beya”, jei. <sup>25</sup> Bapon pia soldadomonaē caitoroba carta. Barapo cartatha namchi, jeye:

<sup>26</sup> “Xan Claudio Lisias. Félix, ponxaem tacabara cui itura jinaeinchi, cajacobatsi. <sup>27</sup> Pon anoxuae cata itorobatsi nexainya beya barapo pebin waetabatsi, judiomonaē waetaba. Muxu pebexuichi. Poxonae jume tan xua bapon romanomonaēin najainta daxota nainya soldadomonaē bara ponan bapoxonae bapon capanepan. <sup>28</sup> Tsipei tha yaputaetsi xua barapomonaē Pablo yabara paebatsi, daxota Pablo cuaranotan judiomonaē pia pentacaitorobi bicheitotha tatsi. <sup>29</sup> Jume tan xua barapomonaē Pablo yabara paebatsi xua pinae bapon jopa exanaeyo icha be pocotsiwa barapomonaē pia peitorobi coyenewan tatsi paeba. Ichitha barapomonaē jopa xeinaeyo po coyene xua daxota Pablo pebexubinexatsi, xuano xua daxota jiwi pecabi botha peetsinexatsi. <sup>30</sup> Ichitha bapoxonae jume tan xua judiomonaē namuxuweta pebexubinexa tsainchi Pablo. Daxota Pablo nexainya beya itoroban. Tsipaeban judiomonaē pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana—cabaraichi— bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

<sup>31</sup> Barapo soldadomonaē exana pocotsiwa xua bayatha itoroba pon romanomonaē soldadomonaē pia pepa pentacaponaein tatsi itoroba pon pewɨn Claudio. Barapo soldadomonaē barapo merawitha Pablo capoinchi Antipatris tomara beya. <sup>32</sup> Icha mataqueitha barapomonaē soldadomonaē pomonaē petaxutha pona, caibe nawibiya ichaxota tauncuatsi soldadomonaē pia bo beya. Pomonaē cawayutha pona awiya Pablo bara poinchi. <sup>33</sup> Soldadomonaē Pablo capoinchi Cesarea tomara beya. Barapomonaē soldadomonaē Félix catatsi barapo carta. Pablono baxota punaxubothopatsi. <sup>34</sup> Félix matha yoroba carta. Bapoxonae Pablo yainyabatsi, jeichichi:

—Pablo, ¿eta po nacua jitomda? jei.

Pablo jume nota, jeye:

—Bara Cilicia nacua piyon, jei.

<sup>35</sup> Félix namchi, jeye:

—Poxonae judiomonaē patsina, pomonaē xua abe cayabara paeba, bapoxonae cajume taeinchi xua tana netsipaebiwan tsane, jei Félix.

Bapoxonae Félix itoroba soldadomonae xua Pablo yapucaenaeinchi ichaxota po botha peitapanae bo, po bo Herodes cuenta naxuba.

## 24

*Meje yabara poxonae Pablo Félix peitabaratha tatsi nayabara jume paeba*

<sup>1</sup> Icha matabitha poxonae cinco po matabibite tsuxubi, pebiwi pata Cesarea tomaratha. Ichun pewun Ananías. Bapon Ananías sacerdotemonae pia pepa pentacaponaein tatsi. Iru pitiri jiwimonaeno pata. Iru pon xua petapaebeibin jiwi, pon pewun Tértulo bapon napatopa. Barapomonae nacuara pata Cesarea tomaratha. Barapomonae Félix peitabaratha taumeinchi, xua Pablo abeya peyabara paebinxatsi. <sup>2</sup> Poxonae Pablo carendenatsi, Tértulo Pablo abe yabara paebatsi. Félix baraichi, jeye:

—Félix, xam pon pana yanacua ewatame. Daxota juntema xanepanaya pajinompan. Maisa bara beta itorobiya canamataxeiname jiwi jinya neyaputae coyenewatha. Daxota xam beta exaname barapo nacuathe. <sup>3</sup> Félix, xam pon pata paca baru itura jinainchim, xua exaname yatsicaya wunae nawita barapo nacue nexa. <sup>4</sup> Jopa ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi. <sup>5</sup> Anoxuae payaputan xua Pablo bichocono pana cui fayacota xua abe exana. Matautano bapon judiomonae cui tsacabatsi xua nacaseba exanatsi daxita nacuantha. Matautano bapon, apara pomonae nazerenomonae barapomonae pia pentacaponaein tatsi, pomonae pecuidubi jiwi icha coyeneya pocotsiwa jopa xainyeyo. <sup>6</sup> Yawa Nacom pin pia bono tatsi juntucuru abe taexanatsino, poxonae juntucuru baru jonyatsi pon jopa judiomonae naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha. <sup>7</sup> Ichitha soldadomonae pia pepa pentacaponaein tatsi, Lisias, daunweya pana wecobe maxu pitatsi Pablo. <sup>8</sup> Soldadomonae pia pepa pentacaponaein tatsi, Lisias, pana barai: ‘Pomonae Pablo abe jaintatsi moya Félix peitabaratha papaebare’, pana jei Lisias, jei Tértulo.

Tértulo equeicha namchi, jeye:

—Félix icha yainyabatsipame Pablotha metha bara yaputaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

<sup>9</sup> Judiomonae, pomonae Tértulo puna poinchi namchi: “Tértulo bara xaniyei paeba”, jei. <sup>10</sup> Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsiuentsiwa xua abe peexanaexae xua barapo tomarathe nexa. Daxota junta coyene weiweinan xua tana nayabara paebiwa neitabaratha. <sup>11</sup> Icha yainyabame barapomonae, Jerusalén tomarapiwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wunae tajainchinexa Nacom. Anoxuae petain doce matabibite yapucaewan poxonae xua bayatha ponan bara beya. <sup>12</sup> Jopa jume matsonobeibinyo jiwi. Yawa jiwi jopa jume cui tsacabeibinyo xua anaepanaya penajume sayyatsinexa. Baxuan jopa exanaeinyo Nacom pin pia botha. Matautano judiomonae pia penacaetutsi bontha tatsi, baxuan jopa exanaeinyo. Matautano tomaran pecuariyathan jopa baxuan exanaeinyo. <sup>13</sup> Pomonae paeba xua pinae abe exanan, barapomonae jopa jume cupaetsi xua tana necui yopichiwa xua abe exanan. <sup>14</sup> Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuiduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomonae yabara nanta xeina xua pinae barapo pecuidubiwa jopa xainyeyo. Xan jume cowuntan daxita Moisés pia peitorobi coyenewan. Matautano po diwesin Nacom pia peitorobi jume pepaebiwi tina, barapo diwesinno jume cowuntan. <sup>15</sup> Xan barichinda, Nacom yabara baru jume cowuntsiya ewatan icha barapomonae ichi xua po coyene pomonae pewerapaewi equeicha asu tsane, pomonae peajuntucoyenebe jiwi iru xua asu tsane pomonae pejuntu coyene xanepanae jiwino. <sup>16</sup> Daxota jopa najuntu coyene acaurinyo tsipei nayaputan xua Nacom beta taexanan. Jiwithano jopa najuntu coyene acaurinyo.

<sup>17</sup> “Ainya wei dapaein saya icha nacuantha poponan. Bapoxonae equeicha tatomara beya poponan, Jerusalén tomara beya. Patopan baxota Nacom pin pia botha poxoru yaitama paratixi caponan xua tamonae nexa po paratixi ichamonae taitoroba. Matautano bara beyan xua baxotiya Nacom tatsita exanaenexa xua pocotsiwa be tacatsiwa Nacomtha, xua duwein tatautsiwa tsane. <sup>18</sup> Barapo coyenein awiya exanawiyen, bequein bayatha nenacui yabara jume weta exana po coyene xua daxota Nacom jopa tsitanyo xua taajuntucoyenebewan be pocotsi coyeneya xua judiomonae itoroba. Bapoxonae

judiomonae pomonae Asia nacua weparena netaeba Nacom pin pia botha. Barapomonae baxota necaxiba bequein poxonae jopa jiwi namtsebiya wawaya exanaeinyo. <sup>19</sup> Pomonae netane Nacom pin pia botha pomonae Asia nacua werena pepatsiwi bewa dapomonae xote patsi xua necatsipaebinexa tsane xua tana neyabara paebinexa tsane xua abe taexanaewa. <sup>20</sup> Icha barapomonae jopa patsiyo pomonae xote ena bu paeba. Barapomonae netane poxonae cain matha judiomonae pia pentacaitorobi bicheito peitabaratha uncuan. Barapomonae bu catsipaeba, icha metha bara abe exanan poxonae barapo pentacaitorobi bicheito peitabaratha tatsi uncuan. <sup>21</sup> Saya u baxua exanan poxonae peitabaratha uncuan, bapoxonae bichocono wawan. Janje: ‘Anoxuae poxonae paxam pana neyabara paebame xua tanatsicuentisiwa xua abe taexanaewa paxam pananta xeiname xua abe exanan yaitama jume cowuntan xua pewaterapaewi equeicha asu tsaiibi tsane’, jan jei”, Pablo.

<sup>22</sup> Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae abu jopa baxua yabara paebiyo pocotsiwa barapomonae paeba. Daxota Félix namchi, bapomonaetha, jeye:

—Abu bexa pacatsipaebinchí, poxonae soldadomonae pia pepa pentacaponaein tatsi patopaena pon Lisias, bapoxonae yabara paebin pocotsiwa Pablo exana, jei Félix.

<sup>23</sup> Nexata Félix itoroba soldadomonae pia pentacaponaein tatsi xua soldadomonae Pablo cataunxuae yapu eeniya pebaru jinompaenexatsi Herodes pia botha tatsi, bequein bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamonae xua piamonae peyawenaenexatsi xua pocotsiwa nantawenona bapon.

<sup>24</sup> Icha matcabitha pirapaeyo Félix piowabe patopabe. Petsiriwa pewun Drusila. Barapowa judiomonaewayo. Félix najume caitoroba ichuntha xua Pablo pewabinexatsi Félix berena, matautano xua Pablo Félix yabara petsipaebinexatsi xua po coyene jiwi jume cowanta Jesucristo. <sup>25</sup> Pablo Félix tsipaebatsi xua pinae ainya cui xua jiwi beta yanthuthiya jinompa icha be Nacom ichi xua beta yanthuthiya popona. Matautano paebano xua pinae jiwi pia xoba abe exaneiba. Matautano namchino xua pinae caentcabitha tsane Nacom wabina daxita jiwi xua peyabara paebinexa xua penatsicuentisiwa xua abe peexanaexae barapo cae pin nacuathe. Félix najuntu coyene cabenaeca poxonae jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyo jopa neenaeyo, jei Félix.

<sup>26</sup> Félix nanta xeina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo. <sup>27</sup> Baraxua exana beya yaainya weibe jopa. Barapoxonae Félix weta xua pon peyanacua ewatsin jiwi naexana barapo Judea nacua, xua icha nacua beya pewarapaexae. Ichun Félix pecoutha tatsi tapatopatsi pon pewun Porcio Festo pon xuya pon peyanacua ewatsin jiwi naexana Judea nacua. Félix ichichipa xua peweyataewatsi xua judiomonae peweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.

## 25

### *Meje yabara poxonae Pablo Festo peitabaratha tatsi tauncuatsi*

<sup>1</sup> Festo bara patopa xua penaexanaenexa pon peyanacua ewatsin jiwi. Poxonae acoibi po matcabibe weta Cesarea tomara weya pona, Jerusalén tomara beya pona. <sup>2</sup> Barapo tomaratha Jerusalén tomaratha sacerdotomonae pia pentacaponaei tatsi iru judiomonaeno pomonae pentacaponaeiwino, barapomonae Pablo abeya cui yabara canantsipaebatsi. <sup>3</sup> Barapomonae Festo baraichi: “Bu painta ichamonae Pablo Jerusalén tomara beya capoinchi”, jei. Barapomonae baxua Festo jeichichi, tsipei Pablo namtotha ewatabobena-paebatsi pebexubinexatsi. <sup>4</sup> Festo jume nota, jeye:

—Canta Pablo Cesarea tomaratha eca xua soldadomonae baru jinompatsi. Tha nama imoxoyo bara beya equeicha caibeya ponaetsi. <sup>5</sup> Painyamonaе jiwana pomonae pentacaponaei moya bu barapomonae nepuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonae, jei Festo.

<sup>6</sup> Festo cataunxuae Jerusalén tomaratha ocho po merawiyobe yapucaewa xua equeicha ainya dapaeyobe. Barapoxonae Cesarea tomara bewarapiya caibeya. Icha matcabitha Festo eca peequeibithopebiwatha po tututha ichaxota yabara paebequeiba jiwi xua penatsicuentisiwa xua abe peexanaexae. Festo barai soldadomonae: “Painta caponde Pablo taxainya berena”, jei. <sup>7</sup> Poxonae Pablo patopa, judiomonae imoxoyo umenaracupa pomonae Jerusalén tomara weparena. Barapomonae judiomonae Pablo yacaincha matawaqueicha umenatsi. Barapomonae Pablo cui yabara paebatsi xua abe

exana nawita. Ichitha xua barapomonae paeba jopa tsita itapeinya xeinaeyo xua apara bara xainyei pocotsiwa barapomonae paeba. <sup>8</sup> Nexata Pablo pia coya nayabara paeba, jeye:

—Xan jopa abe exanaeyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomonae itorobiya pia pepa peewatsinchi tatsi, jei Pablo.

<sup>9</sup> Festo bepara antobetsei judiomonae. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchi nenatsicuentisiwa xua abe neexanaexae? jei Festo.

<sup>10</sup> Pablo jume nota, Festo jume notatsi, jeye:

—Xan uncuan peitabaratha tatsi pomonae pentacaponae, pomonae romanomonae itorobiya pia pepa peewatsinchi tatsi itoroba. Barapomonae pentacaponae bara itacupatsi xua barapo tomarathe tana neyabara paebinxua xua tana natsicuentisiwa xua abe taexanaexae. Jopa nantawenonaeinyo xua taponae tsane Jerusalén tomaratha. Xam bayatha beta yaputaneme xua jopa abe exanaeyo judiomonaetha. <sup>11</sup> Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomonae neyabara paeba, metha nexata barapomonae jopa nebexubichipae. Tha nama warapaetsi romanomonae itorobiya pia pepa peewatsinchi beya, tacoya nayabara paebichi, jei Pablo.

<sup>12</sup> Copiya matha Festo tsipaeba pejume yaweneibiwichi. Barapoxonae Festo, Pablo baraichi, jeye:

—Yaitama aunxuae siwa ponapaebame romanomonae itorobiya pia pepa peewatsinchi tatsi, xua necayabara paebinxua xua nenatsicuentisiwa xua abe neexanaexae daxota moya ponaename bapon beya, jei Festo.

*Meje yabara poxonae Pablo uncua Agripa peitabaratha tatsi pon peyanacua ewatsin jiwi*

<sup>13</sup> Icha matcabitha Agripa, pon peyanacua ewatsin jiwi, bapon pona Cesarea tomara beya. Petsiriwa puna poinchi, bapowa pewan Berenice. Festo siwa poinchi Cesarea tomaratha iya. <sup>14</sup> Baraxotiya Agripa petsiriwano ainya matcabin ecabe. Festo namchi Agripa, jeye:

—Xote equ pon cain Félix xubeta Cesarea tomaratha xua bapon pebaru jinompaenexatsi soldadomona. <sup>15</sup> Poxonae Jerusalén tomaratha ecan, sacerdotemonae pia pentacaponae jiwi tatsi, pitiri jiwino, barapomonae netsipaeba xua bepa pinae Pablo itorobin xua petupaewa tsane. <sup>16</sup> Barapomonae baran: 'Barapocotsi coyene romanomonae pan pata cui coyene. Paxan jopa pacopatsinyo xua ichan amanaya bexotsi. Jame copiya pomonae xua abe yabara paeba ichantha, barapomonae bewa paebina bapon peitabaratha tatsi icha bara metha bapon xaniwaicha abe exana. Bapoxonae bapon pia coutha beya nayabara paebichipa xua barapomonae paeba', jan. <sup>17</sup> Daxota poxonae barapomonae pata xote, jopa be bayathinyo yaitama. Daxota baya caena nainya ecoundecan, po tututha yabara paebequeiban jiwi xua penatsicuentisiwa xua abe peexanaexae. Itoroban soldadomona xua Pablo pecaponaenexatsi taxainya berena. <sup>18</sup> Xan nanta xeinan xua Pablo bichocono abe exana. Ichitha poxonae barapomonae asiya umena peyabara cueicueijeinexa tsainchi, Pablo jopa paebiyo po diwesi xua daxota tananta xeinaexa xua Pablo bara abe exana cou. <sup>19</sup> Pocotsiwa xua Pablo yabara cueicueijeichi, saya xua apara pia pejume cowantsiwa tatsi yabara, matautano xua Pablo peyabara cueicueijeixae pebin pon Jesús baraichi, xua pinae queicha asu poxonae tupa. Seicaya nama barapomonae paeba xua pinae bapon apara tupa, xua equeicha jopa asuyo. <sup>20</sup> Jopa yaputaeyo xua baxua exanan xua Pablo abe yabara paebatsi. Daxota copiya matha Pablo yainyaban, janje: '¿Xam, jinya ponaetsi Jerusalén tomara beya xua baraxotiya cayabara paebinchi xua nenatsicuentisiwa xua abe neexanaexae?' jan. <sup>21</sup> Ichitha Pablo dapo jumetha netsipaeba xua bepa ponaei Augusto beya, romanomonae itorobiya pia pepa peewatsinchi beya, pon xua bepa pinae yabara paebinchi xua penatsicuentisiwa xua abe peexanaexae. Daxota itoroban soldadomona xua Pablo abu pebaru jinompaenexatsi soldadomona, beya abu poxonae necui jupa xua itorobin pontha pon romanomonae itorobiya pia pepa peewatsinchi, jei Festo xua Agripa tsipaebatsi.

<sup>22</sup> Nexata Agripa Festo baraichi, jeye:

—Tha bequein iru jume taetsiru Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

<sup>23</sup> Bara icha matcabitha Agripa iru Berenice patopabe. Paparuwa peitupanaewa nama xatatabe. Agripa pinmonae baru pata, soldadomona pia pepa pentacaponae tatsino,

iru Cesarea tomara pia pentacaponaeuino. Barapo bicheito Agripa baru pona. Festo itoroba soldadomonaе xua Pablo pecarendenaenexa tsainchi. <sup>24</sup> Festo barai, jeye:

—Agripa, xam pon neyanacua ewatsin jiwi, iru pomonaе pecanamataxeinae jiwi pamdu. Bapon xote uncue Pablo. Daxita judiomonaе iru Jerusalén tomarapiwi, iru Cesarea tomarapiwi, daxita barapomonaе Pablo jume yabara paebatsi xua pinae abe exana. Matautano barapomonaе neitoroba nawita xua bepa pinae Pablo itorobin xua petupaewa tsane. <sup>25</sup> Ichitha xan saya tacoya nanta xeinan be jopa neichichi abe exanaeyo, poxonaе nejume nota, poxonaе tsipaeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaei romanomonaе itorobiya pia pepa peewatsinchi tatsi beya, pon pewun Augusto, tsipei bepa pinae yabara paebichi xua penatsicuentaе xua abe peexanaexae. Daxota yabara najuntu coyene wetan xua bapon Pablo taitorobiwa tsane bara beya. <sup>26</sup> Yaitama bapon jopa abe exanaeyo, jopa yaputaеinyo xua eta be tajumichiwa tsane barapo cartatha poxonaе Pablo itorobin xuano xua cartano cayabara cui pu catsin bara beya. Daxota anoxuae Pablo painya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha pon romanomonaе itorobiya pia pepa peewatsinchi. <sup>27</sup> Tsipei inta jopa xanepanaetsipae icha itorobichipan Pablo pon pewaetabinchi icha jopa yabara peabinchipae xua pocotsiwa bapon peexanaexae, jei Festo xua Agripa tsipaebatsi.

## 26

*Meje yabara poxonaе Pablo pia coutha cuita paeba, Agripa peitabaratha tatsi, pon peyanacua ewatsin jiwi*

<sup>1</sup> Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxonaе Pablo namaxu yoicha xua Agripa jacobatsi. Bapoxonaе namchi, jeye: <sup>2</sup> “Agripa, pon neyanacua ewatsin jiwi, maisa bichocono juntu coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomonaе po coyene xua pinae abe exaneiban. <sup>3</sup> Poxoru yaitama, xam Agripa, bayatha yaputaneme pata juntu coyenein pomonaе judiomonaе panxaein. Yaputanemeno baxuan xua pana najume matsontsonoban. Daxota cabaraichi xua saya beta nejume taema xua jopa aitaconaeinde”, jei Pablo.

*Meje yabara poxonaе Pablo nayabara paeba, poxonaе pinae cataunxuae jopa jume cowuntsiyo Jesús*

<sup>4</sup> Equeicha Pablo namchi, jeye: “Daxita judiomonaе barapomonaе neyaputane xua poxonaе pexuyon, poxonaе caena bayatha pia xantha tatsi poponan xua tanacuaxae. Barichino neyaputane poxonaе Jerusalén tomaratha poponan. <sup>5</sup> Icha yainyabatsipame barapomonaе, yabara catsipaebichipa pocotsiwa exaneiban xua fariseomonaе pocotsi juntu coyene cuidubeiba, pocotsiwa judiomonaе cuidubeibatsi, tsipei xan fariseomonae pin. Daxita barapomonaе yaputane xua caena bayatha jume cowuntan daxita pocotsiwa xua barapomonaе itoroba. Fariseomonaе itapeta cuita exaneiba pocotsiwa Nacom itoroba beyacaincha ichamonaе xua exaneiba. <sup>6</sup> Judiomonaе necapona xote tsipei saya poxoru yabara wnae ewatan xua hexa Nacom asu exanaena pomonaе xua werapa. Baxua pinae Nacom wamo susato jiwi yabara tsiwanae muxu dutatsi. <sup>7</sup> Patamonaе pomonaе Israel nacuamaepiwi pomonaе xua doce pomonaе bicheitobe, baxua yabara jume cui wnae ewata poxonaе petupaewi equeicha asu exanaeinchi, xua poxonaе Nacom exanaena. Daxota barapomonaе Nacom wnae jainteibatsi. Matautano itapeta exana pocotsiwa Nacom itoroba, merawithano, matabithano. Xam Agripa pon neyanacua ewatsin jiwi catsipaebatsi baxua tayabara jume cowuntsixaeru, daxota judiomonaе neyabara paeba xua pinae abe exanan. <sup>8</sup> Painya xoba pananta xeiname xua Nacom jopa itacupaetsi xua equeicha jiwi asu peexanaewatsi pomonaе xua werapa”, jei Pablo.

*Meje yabara poxonaе Pablo nayabara paeba xua pinae copiya abe exana nawita pomonaetha pomonaе pejume cowuntsiwichi Jesús*

<sup>9</sup> Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaetha pomonaе Jesús pejume cowuntsiwichi pon Nazaret tomarapin. <sup>10</sup> Jerusalén tomaratha baxua exanan. Sacerdotemonaе pia pentacaponae wi pia peitorobi coyenewa necata xua daxota tana necui jupaewa xua jiwi tacaponaewa jiwi pecubi botha. Pinmonaeai caponan, pomonaе Jesucristo pejume cowuntsiwi. Xan yabara jume jejan xua barapomonaе pejutebi watsi. <sup>11</sup> Anaya caenaetan, peraxa exananno poxoru ichipan xua barapomonaе pentsina xua Jesús pejume cowuntsiwatsi. U baxua exanan. Daxita judiomonaе pia penacaetutsi bontha tatsi exananno. Bichocono anaepanan. Daxota icha

nacuantha ponan tajeichinexa pomonae pejume cowantsiwichi Jesús xua barapomonae abe taexanaenexa”, jei Pablo.

*Meje yabara poxonae equeicha Pablo nayabara paeba poxonae pinae jume cowanta Jesús*

<sup>12</sup> Equeicha Pablo namchi, jeye: “Barichi sacerdotemonaē pia pentacaponaeawi tatsi pia peitorobi coyenewa necata xua daxota tana necui jupaewa xua taponaewa Damasco tomara beya, xua pomonae jume cowanta Jesucristo tacaponaenexa tsane Jerusalén tomara berena. <sup>13</sup> Xam pon neyanacua ewatsin jiwi bara xaniwaicha catsipaebatsi poxonae namtotha paenaponan poxonae mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomonae nepuna pona nebaru matawacaicha matatsun uncueica. <sup>14</sup> Nexata daxita iratha paothopan. Jume tan xua pon hebreo jumetha nebarai, jeye: ‘Saulo, Saulo, zeta xua tamonaē inta abe exaname?’ Poxonae tamonaē peraxa exaname, apara jinya coutha atene nacana exaname icha be buey ichi poxonae ba pia coutha xua xota sojei nataxua matababa’, nejeyi. <sup>15</sup> Nexata jume notan janje: ‘Pon jiwi Necanamataxeinaem, zjintam xamda?’ jan. Nejume nota jeye: ‘Apara bara xan, Jesús ponxaein inta abe exaname tamonaē pomonae tana nejume cowantsiwi. <sup>16</sup> Nontaponde. Xua anoxuae necotame catsita naitutatsi. Apara tha tana nejume yopichim. Matautano hexano equeicha ichawa necotsiname tana neyabara paebinexam tsane baxuanno. <sup>17</sup> Cacui itorobatsi xua Nacom Pejume Diwesi necueicueijamexam. Nexata cacapanepainchi poxonae juntucuru caperaxa exana judiomonaē iru pomonae jopa judiomonaē naexanaeyo. <sup>18</sup> Caitorobatsi judiomonaetha iru pomonaetha pomonae jopa judiomonaē naexanaeyo xua jopa equeicha pejinompaenexa poxonae jopa jume cowantsiyo. Matautano caitorobatsi xua barapomonae jopa peexanaponaenexa pocotsiwa caurimonaē pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomonae tana nejume cowantsinexa. Bapoxonae yabara juntemainaēin barapomonae abe pia peexanaē cuiru coyenein tatsi, matautano xua pexeinaenexa pocotsiwa Nacom yabara tsiwunaē muxu duba’, nejeyi Jesús”, jei Pablo.

*Meje yabara poxonae Pablo exana pocotsiwa Nacom itoroba poxonae tsita naitutatsi namtotha*

<sup>19</sup> Equeicha Pablo namchi, jeye: “Agripa, xam pon neyanacua ewatsin jiwi, xan jopa jumefebinyo xua Jesús neitoroba poxonae itaboco wenetsita naitutsica xua namtotha netsita naituta poxonae peicoichatha jume tan xua Jesús netsipaeba. <sup>20</sup> Copiya matha Damasco tomarapiwi tsipaeban Nacom Pejume Diwesi. Bapoxonae equeicha barapo diwesi tsipaeban Jerusalén tomarapiwi. Bapoxonae equeicha daxita Judea nacuumonaēpiwi barapo diwesi tsipaebanno. Iru pomonaetha pomonae jopa judiomonaē naexanaeyo tsipaebanno. Barapo diwesi tsipaeban xua barapomonae icha juntu coyenein pexeinaenexa, yawa Nacom pejume cowantsinexatsi, matautano xua barapomonae petsita itapeinya xeinaenexa jiwitha xua bara Nacom jume cowantatsi xua beta peexanaexae. <sup>21</sup> Daxota judiomonaē newaetaba poxonae Nacom pin pia botha patopan yawa bepa nebexubei. <sup>22</sup> Ichitha Nacom neyawena. Daxota awiya Nacom Pejume Diwesi paeban bichocono daxita i dapomonaēintha pomonaetha pomonae pepawi jiwi iru poponaethano pomonae peainya cui jiwi. Baraxua saya meisa paeban be pocotsi coyeneya matha juinya Moisés yabara wunaē tsiwanaya paeba iruru be pocotsi coyeneya matha juinya Nacom peitorobi jume pepaēbiwi yabara wunaē tsiwanaya paeba. <sup>23</sup> Barapomonae tsipaeban po diwesi yabara xua pinae bexa Mesías peraxa exanaēinchi ichamonaē. Matautano bapon pinae pon xua copiya pomonae pewerapaewi asu nanta caexanaēinchi. Matautano xua pinae judiomonaē iru pomonae jopa judiomonaē naexanaeyo yabara yaputane exanaēinchi pecapanenebiyae diwesi jume”, jei Pablo xua Agripa tsipaebatsi.

*Meje yabara poxonae Pablo paeba Jesús pejume diwesi Agripatha xua Agripa pejume cowantsinexa*

<sup>24</sup> Poxonae baraxua Pablo najume weta xua nayabara jume paeba, Festo jume daunweya wawai, jeye:

—¡Pablo, maisa cantsiyai beca poxoru saya u necuidubi daxota cantsiyaiba! jei Festo.

<sup>25</sup> Pablo jume nota, jeye:

—Festo ponxaeim tacabaru cui itura jinaēinchi, jopa nentsiyaibiyo apara. Xuaunxuae paeban, apara seicayaru xua xaniwaicha paeban xua bara apara pexainyeiwa. <sup>26</sup> Ee taema, Agripa, pon pepa peyanacua ewatsin jiwi pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxuae catsipaebatsi bapon baxua daxita yaputane poxoru jopa namicha exanaēinyo. <sup>27</sup> Agripa, xam pon neyanacua



ewatsim jiwi. Jume cowantame pocotsiwa Nacom pia peitorobi jume pepaebiwa paeba? Bara yaputan xua bara jume cowantame, jei Pablo.

<sup>28</sup> Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowantsinan Jesús, jei Agripa.

<sup>29</sup> Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata wacatsi xam nexa, iru pomonae nexa, pomonae nejume tane painya nejume cowantsinexam tsane Jesús. Ichichipan xua painya neexanaewa icha ichin xua tajume cowantsiwa, bara bequein jopa ichipaeinyo xua painya nemaxutha painya nexainaewa jiwi pecabi nainto be pocotsi nainto xuaunxuae tamaxutha ducua, jei Pablo.

<sup>30</sup> Poxonae Pablo najume weta baxua, Agripa pon peyanacua ewatsin jiwi iru Berenice asiya uncuatababe. Iru Festo pon peyanacua ewatsin jiwi asiya uncuataba. Pomonae iru ena asiya umenarucupa. <sup>31</sup> Aisowa be-iyiwa barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexubinexatsi, matautano po coyeneyatha xua daxota bapon jiwi pecabi botha peetsinexatsi, najei barapomonae.

<sup>32</sup> Agripa tsipaeba, Festo baraichi, jeye:

—Icha metha jopa naca wucaetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinexatsi penatsicuentisiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

## 27

### *Meje yabara poxonae Pablo Roma tomara beitorobiyatsi*

<sup>1</sup> Barapomonae najuntu coyene weta xua pata taneitorobiwa Italia nacua beya. Pablo iru ichamonaeru pomonae peteiquebiwichi daxita barapomonae itorobatsi Roma tomara beya. Pon barapomonae matacapoinchi bapon pewun Julio, pon soldadomonae pia pentacaponaein tatsi. Barapo matabuxayo soldadomonae bicheito wun dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo iru ichamonaecaponatsi Augusto beya. <sup>2</sup> Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa siwa ponaei. Ichun pana cueyata. Bapon pewun Aristarco Tesalónica tomarapin. Barapo tomara Tesalónica tomara eca Macedonia nacua. <sup>3</sup> Icha matacabitha Sidón tomaratha papatan. Baraxota barapon Julio, Pablo baru jume wunaetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuno xua bara Pablo peyawenaenexatsi xua xoxi nantawenona. <sup>4</sup> Bara Sidón tomara wewarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan. <sup>5</sup> Bara mar mene iya paenaponan, Cilicia nacua, Panfilia nacuanimoxyo pacaquita enaponan. Bapoxonae Mira tomaratha papatan, po tomara Licia nacua eca.

<sup>6</sup> Baraxota pon soldadomonae pia pentacaponaein tatsi bapon icha nae taeba baraxota. Barapo nae Alejandría tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya. <sup>7</sup> Ainya matacabin saya bewayo paenaponeiban, poxoru yaitama joibo jera caewa carena tsaibi. Gnido tomara paxenta enaponan. Salmón tomarano paxenta enaponan. Creta tunaetono pantawaqueban. <sup>8</sup> Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewun Buenos Puertos. Barapo tomara imoxoyo eca ichaxota Lasea tomara.

<sup>9</sup> Baraxota came awiyya ainya matacabin paenan. Bayatha yapu caewa barapo matacabin poxonae barapomonae warapapaeba barapo matacabitha xua pin mene mara mene iya. Tsipei imoxoyo awubo tsurucuae tsoponae, daxota Pablo nanta xeina xua icha metha paponaeitsipan, panacabetsipan. Daxota barapomonae Pablo muxuweta. <sup>10</sup> Pablo namchi, jeye:

—Pebiwi pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiwi methaunxuae napentsina, jei Pablo.

<sup>11</sup> Ichitha soldadomonae pia pentacaponaein tatsi, bapon Julio, jopa jume naitomatsiyo xua Pablo tsipaeba. Ichitha dapo jumetha saya meisa pon jera pecanamataxeinaein iru pon jera pexeinaein, baponbe itapeta jume naitomatatsibe. <sup>12</sup> Barapomonae nanta xeina,

xua baraxota jopa beenaeyo poxoru barapo tomara jopa cui wunaeyo xua jera pebo-caewa poxonae awubo pin joiboxae. Pinmonae barapomonae jiwana tsita xanepanatsi xua Buenos Puertos weya pewarapaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awubo, joibono”, jei. Barapo tomara cui wunaeyo xua ichaxota jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaei poxonae awubo tsuxubi.

*Meje yabara poxonae maratsaca daunwei pepa mar mentha*

<sup>13</sup> Nexata bewayo joibo tsuncuae, be pocotsiwa parowa wejopeina. Daxota barapomonae namchi: “Бу poinchi cataunxuae saya tsiqui joibiyo”, jei. Bapoxonae totabiya jera. Barapo Creta tunaeto imoxoyo pitapa pacaquita enaponan weratha. <sup>14</sup> Poxonae saya caeto paenaponan bapoxonae pin joibo pana epa taepona, Creta nacua tunaeto wejoparena. Jera epa yutaba. <sup>15</sup> Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba. <sup>16</sup> Cauda tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha. <sup>17</sup> Panacuitontan xua pajonta xuinan. Barapo naeyo pepa jeratha pacatabotan. Nexata jera penacuichiwi pepa bamacantha peuma wemuxuburu capabina, muxuburu babataruba xua pewacatabiyainwa joibo. Nexata barapomonae bichocono junuwa poxoru nanta xeina xua mexeya itara jera naxatatabawei taetabotha, po taetabo pewan Sirte. Daxota wera jontabota jeratha. Saya jera caputabiya joibotha. <sup>18</sup> Icha matacabitha came awiya maratsacan bichocono daunwei. Daxota ichawan mentha bebai xua xuan capona. <sup>19</sup> Icha matacabitha daxota pabeban xua jeratha jeba tsipei ichichipa xua tafafanatsi. <sup>20</sup> Ainya matacabin came awiya jopa panecotsinyo xometo. Opiteino jopa panecotsinyono. Pajunuwan. Pananta xeinan: “Metha aparauunxuae jopa nacapanenebiya tsainchi. Bunothopaeinchi aunxuae”, pajan.

<sup>21</sup> Ainya matacabin pana yapu xenaca xua jopa panabanaeinyo. Pablo nontapona. Barapomonae baraichi, jeye:

—Bara bayatha paca tsipaebatsiba: ‘Creta tunaeto beya, jopa pawarapaeinde’, paca baraichiba. Даумetha equeicha pawarapame. Daxota aunxuae jera abe exana. Matautano pananta puxanamemo xuaunxuae pabebam xoxi pacaponame. <sup>22</sup> Ichitha saya jopa pajunuwinde. Jopa pajiwana tpaem tsane, bequein meisa jera naxubina. <sup>23</sup> Merawi matatsunpin netsita naituta. Barapo matatsunpin Nacom itoroba pon Tanacom xuano xua taexanaexae pocotsiwa bapon neitoroba. <sup>24</sup> Barapo matatsunpin nebarai: ‘Pablo jopa junuwinde poxoru bexa tsane romanomonae itorobiya pia pepa peewatsinchi pon Augusto, peitabaratha tatsi uncuaename. Daxota pomonae xua naponata cata capanepatsi Nacom’, nejeyo matatsunpin. <sup>25</sup> Daxota, paxam pana najuntu coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena. <sup>26</sup> Ichitha petunaetotha naca monapentsina, jei Pablo.

<sup>27</sup> Poxonae catorce po matacabibe tsuxubi, barapoxonae mar mene pacaxiban. Barapo pepa mar mene pewan Adriático mene. Barapo mentha joibo pana yana muxunenababa. Merawi papaetha, pomonae petanacuichiwi barapo naetha, barapomonae nanta xeina xua imoxoyo ira itiya pona. <sup>28</sup> Barapomonae mene epa tutu canaubareca. Treinta y seis po mu epatiyobe xeina xua iratha deca. Caeto equeicha mene epa tutu canauba, baxota veinte y siete po mu epatiyobe xeina xua iratha deca. <sup>29</sup> Barapomonae pejunuwixae xua jera tofotabina poxonae yutabina ibowantha, daxota barapomonae po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Matautano barapomonae Nacomtha waca xua xometo pentha tsane, penecotsinexa tsane. <sup>30</sup> Pomonae petanacuichiwi barapo naetha barapomonae nanta xeina xua perucpaewa. Daxota barapomonae naemata po nainto arewe dureca rebuxreca. Ichitha tsiqui naeyo mentha durecano, poxoru pia namicha ducpaetsi barapo naeyotha. <sup>31</sup> Pablo barai Julio, pon soldadomonae pia pentacaponaein tatsi, xuano baraino soldadomonaetha, jeye:

—Icha pomonae petanacuichiwi barapo naetha icha jopa enae tsane barapo pin naetha, jopa Nacom capanenebiyae tsane, jei Pablo.

<sup>32</sup> Daxota soldadomonaeyo jeriyo mu ucuiuba. Jeriyo mentha jopeica.

<sup>33</sup> Poxonae caemambo, Pablo pijiwimonae jain itoroba. Pablo pijiwimonae barai, jeye:

—Bayatha dos po semanabe painya junuwi jopa bichocono panabanaem poxoru pajunuwame xua pabunothopame. <sup>34</sup> Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaenexam. Bara caein jopa napuxanae tsane. Matautano jopa caentanatiyo aichurucuae tsane.

<sup>35</sup> Poxonae Pablo najume weta, pecobetha pan pita, Nacomtha tsipaeba barapomonae peitabaratha tatsi. Barapoxonae pan epa janaxuba. Barapoxonae xane. <sup>36</sup> Barapoxonae barapomonae najuntũ soyene tsacabarũcũpa. Mataũtano barapomonae daxita jũntema nabanerũcũpa. <sup>37</sup> Jerapiwi doscientos setenta y seis po matabũxũmonaebẽ pan xua daxita pan. <sup>38</sup> Poxonae barapomonae najain wetarũcũpa, daxita barapomonae trigo xu bebai pepa mentha poxoru bepa jera tafafanaetsei.

*Meje yabara poxonae jera bunareca*

<sup>39</sup> Poxonae xometo baya pentha tsina, pomonae petanacuichiwi barapomonae jopa yaitaeyo ira, po iratha muxu pepatsi. Poxonae barapomonae pexutoroto tane, barapomonae nanta xeina xua juntucuru jebounaena taetabo itapatha. <sup>40</sup> Daxota barapomonae nayana mũ ucuiba, xua po nainton arewe mene bũpana bobendeca. Po catenano pecabobotsi catena, barapo catenano isanaxoreca. Nexata paparũwa duta wera naetotha. Barapo wera pebũxũtha duta. Jera nainya cacuita caputabiya ira. <sup>41</sup> Ichitha barapoxonae barapo nae ichaxota tsewa tuwũtha naxatatabarena. Bũxũ naxatatabuncua bichocono. Petafe fotaba maratsacatha.

<sup>42</sup> Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara dũcũpaenawei. <sup>43</sup> Ichitha soldadomonae pia pentacaponaein tatsi, bapon Julio, ichipa xua Pablo asũ popona. Daxota Julio jopa yabara jume copatsiyo xua jutebinchi pomonae peteiquebi jiwichi. Barapoxonae Julio itoroba pomonae yaputane xueiba, copiya pepatsinexa tsane pepa iratha. <sup>44</sup> Pomonae xua jopa xueibiyo napae-wan cobena xueibiya. Mataũtano barapo jera pepan cobena xueibiya. Daxota daxita panenebiya pepa iratha.

## 28

*Meje yabara poxonae Pablo Malta tunaetotha patopa*

<sup>1</sup> Poxonae po tunaetotha papanenebiyan ichamonae pana tsipaeba: “Apara Malta tunaeto”, jei. <sup>2</sup> Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Barapoxonae barapomonae pana waba: “Antha panonopenare”, jei. <sup>3</sup> Pablo isoton nota po isoton tsewa. Poxonae barapo isoton pepa isototha bebebeya, barapo isotontha jomo athabe jopeina poxoru bichocono atou. Pablo cobe sinaducuatsi barapo jomo. <sup>4</sup> Malta tunaetomonaepiwi, Pablo cui tainchi xua jomo cobe sinaducuatsi. Barapomonae nantiya natsipaeba, najei: “Barapo pebin apara pon jiwĩ pejutebin. Bequein panepa pepa mar mentha ichitha barapo nacom, po nacom pewan Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

<sup>5</sup> Ichitha Pablo nacobe nũũtaba jomo isototha. Saya axaibi tsuncuae Pablo. <sup>6</sup> Daxita barapomonae Pablo cui necotumeinchi xua cobe putsunanaya yawa icha iratha jopiyaena petũpaein. Bayatha cui wenaewatumenã. Poxonae baxua jopa daichiyo, daxota equeicha ichawa nanta xeinarũcũpa: “Metha moya bara Pablo nacom tsecae”, jei barapomonae.

<sup>7</sup> Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matabacibe beta pexaewa pana apata. Baxota yawa pamaitenan. Bapon pewan Publio pon iran pata tan. <sup>8</sup> Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Barapoxonae Pablo cobe jayabiya tsipaeba Nacomtha. Bara bapon axaibi tsanaya. <sup>9</sup> Poxonae baraxua exana Pablo, daxita Malta tunaetomonaeb, pomonae peatenewi, baxota pata. Iru Pablo axaibi exanarũ daxita barapomonae. <sup>10</sup> Malta tunaetomonaeb pana barũ xũ itura jina nawita. Barapoxonae poxonae equeicha pawaraparũcũpan jeratha, pana nepu catsiba xua xoxi pata nantawenonaenexa poxonae weratha pawarapan.

*Meje yabara poxonae Pablo Roma tomaratha patopa*

<sup>11</sup> Poxonae acoibi po xometiyobe payapucaewan barapo Malta tunaetotha, barapoxonae pawarapan. Pawarapan weratha po naetha po nae barapo Malta tunaetotha ayawũbo tsuncuae. Barapo nae Alejandrĩa tomara werena peponae nae. Barapomonae barapo naetha petafetha cuareta naewiyo be jityonyobe. Saya canaxoba pia nacombe. Icha nacom pewan Cãstor. Icha nacom pewan Põlux. <sup>12</sup> Siracusa tomaratha pajebounan. Barapo tomaratha acoibi po matabacibetha paenan. <sup>13</sup> Barapo tomara wewararapiyan, Siracusa tomara weya. Barapoxonae Regio tomaratha papatan. Icha matabacibitha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha. <sup>14</sup> Baraxota pacaxiban pomonae irũ pejume cowũntsiwichi Jesús. Barapomonae pana waba: “Cae semanatha pana barũ enare”, jei. Barapoxonae equeicha Roma tomara bewararapiyan. Pecae payiyan. <sup>15</sup> Pomonae irũ pejume cowũntsiwichi Jesús, Roma

tomaramonaepiwi, cou pana yabara jume tane xua imoxoyo papatan. Daxota cou ichamonaepiwi pana siwa dendra pecaerena. Foro de Apio tomara beparena. Ichamonaepiwi Tres Tabernas tomara beparena pia pana taetsi. Poxonaepiwi Pablo barapomonaepiwi tane, Nacomtha tsipaeba. Pablo juntu coyene sadujei xua juntema pepoponaewa poxonaepiwi tane pomonaepiwi pejume cowantsiwichi Jesús. <sup>16</sup> Poxonaepiwi Roma tomaratha papatan, soldadomonaepiwi pia pentacaponaein tatsi, copata xua Pablo bara saya pepoponaenexa icha botha, xuano xua saya caein Pablo peyapu eenaenexatsi soldadomonaepiwi.

*Meje yabara poxonaepiwi Pablo Nacom pexeinya jume diwesi paeba Roma tomaratha*

<sup>17</sup> Poxonaepiwi acoibi po matacabibe yapucaewa, Pablo najume caruta ichamonaepiwi petawabinexa tsainchi Roma tomarapiwi, pomonaepiwi judiomonaepiwi pia pentacaponaeiwi tatsi. Poxonaepiwi barapomonaepiwi pata, Pablo barai barapomonaepiwi, jeje:

—Jopa panta abe exanaeinyo wamaonaepiwi pomonaepiwi judiomonaepiwi. Matautano bequein jopa abe exanaeinyo wamo susato jiwi piamonaepiwi pia coyene cuitha tatsi, ichitha barapomonaepiwi newaetaba. Matautano jiwi pecubi botha necapona Jerusalem tomaratha xua romanomonaepiwi pia pentacaponaeiwi tatsi pia xantha tatsi. <sup>18</sup> Barapomonaepiwi, romanomonaepiwi, neyabara yainyaba nawita xua icha abe exanan. Ichitha barapomonaepiwi neyaputane xua jopa abe exanaeinyo. Daxota barapomonaepiwi ichipa xua saya tana necopatibiya tsane. Romanomonaepiwi aichaxaibi xua jemeicha saya nenacui cayantomata xua tana nebexubiwa tsane tsipei pinae jopa abe exanaeinyo. <sup>19</sup> Ichitha judiomonaepiwi neapusiwa xua jopa taponaeiwa tsane. Daxota bewa wacaen xua taponaeiwa tsane romanomonaepiwi itorobiya pia pepa peewatsinchi beya, xua tana neyabara paebinexa tsane icha metha abe exanan. Baxota ponan bequein jopa xeinaeinyo xua po coyene tayabara paebiwa tamonaepiwi xua abe exana. <sup>20</sup> Daxota paca wabatsi tha paca cataetsi xuano xua tha panejume taicham. Waxainchi israelmonaepiwi winae ewatatsi pon Nacom itorobicapaeba. Tajume cowantsixae baxua daxota anoxuae penainto tamaxutha ducua, jei Pablo barapo pentacaponaeiwi.

<sup>21</sup> Barapoxonaepiwi romanomonaepiwi Pablo baraichi, jeichichi:

—Jopa panta patopaeyo carta Judea nacua werena xua xam necayabara tinaewa. Po judiomonaepiwi, Judea nacua werena pata pomonaepiwi patamonaepiwi, barapomonaepiwi jopa abe cayabara paebiyo. <sup>22</sup> Paichichipan paca jume tainchi xua jinya coutha nanta xeiname. Poxoru daxita nacuan pajume tan, xua Jesús pia pena pecuidubi coyenewan tatsi abe yabara paeba, jei barapo judiomonaepiwi pia pentacaponaeiwi tatsi xua Pablo tsipaebatsi.

<sup>23</sup> Pablo muxu tsipaebatsi po mataqueitha xua patsina. Barapo mataqueitha Pablo pia botha tapatatsi pin bicheito. Pablo baya tamropata pitaba xua tsipaeba barapomonaepiwi, beya yapantha. Pablo jume daunweya yabara cueicueije barapomonaepiwi po diwesi po coyene xua Nacom waba jiwi petanaexanaeinxatsi piamonaepiwi tatsi poxonaepiwi Jesús jume cowantatsi. Matautano tsipaeba barapomonaepiwi Jesús yabara xua Jesús apara pon Moisés yabara paeba pia peitorobi coyenewatha. Matautano Jesús apara pon Nacom pia peitorobi jume pepaebiwi yabara tina pia petinae diwesi. <sup>24</sup> Xua Pablo po jume diwesi paeba, ichamonaepiwi jume cowanta poxonaepiwi catainxuaeru ichamonaepiwi jopa jume cowantsiyo. <sup>25</sup> Barapomonaepiwi be ainya bicheitobe natsicotane. Daxota bapomonaepiwi tamropata notarucupa xua peponaewa. Pablo namchi, jeje:

—Po diwesi Nacom pia Pejumoepiwi tana xua tatsi cata xua Isaías catatsi xua bapon petsipaebinexa xua wamo susato jiwi petsipaebinexatsi, barapo diwesi po diwesi pexeinya diwesi, xua jeje:

<sup>26</sup> Ponde, barapomonaepiwi jande:

Pajume taneme ichitha jopa xapain payabara jume yaputaem pocotsiwa pajume taneme. Pataneme painya itacueretontha ichitha jopa xapain payaputaem pocotsiwa panecotame.

<sup>27</sup> Barapomonaepiwi najuntu coyene ararana exana, jopa peichichipaexae xua pejume taewa. Matautano antaetabiya jume tane. Barapomonaepiwi baraxuan exana, poxoru jopa betaeyo peitacueretontha, poxoru jopa bejume taeyono pemuxutontha, yawa poxoru pejuntu coyeneintha jopa beyaputaeyo. Barapomonaepiwi jopa ichipaeyo xua tana netsita xeinaewa icha juntu coyene xua daxota jopa neitacupaeyo xua tayabara junteinaewa abe pia peexanae cuiru coyenein tatsi,

jeyei Nacom pia Pejumoŋe t̄nax̄u tatsi xua  
Isaīas cueicueiŋei exanatsi pinae, ŋei Pablo.

<sup>28</sup> Pablo cataunxuae cueicueiŋei, jeye:

—Anoxuae xuano bexa tsaneno payaputaename xua pomonae jopa judiomonae naex-  
anaeyo jume taena Nacom pia pecapanenebiyae diwesi. Bara barapomonae beta jume  
naitaewatsina.

<sup>29</sup> Poxonae Pablo najume weta natsixibar̄uŋ̄apa judiomonae. Poxonae pona bara-  
pomonae yabara najume matsontsonoba xua Pablo paeba.

<sup>30</sup> Pablo Roma tomaratha popona ainya weibe. Pia botha eca xua saya tanacowaeicha  
eca. Barapo botha daxita matenta weiweinaya wabeiba pomonae pesiwa poneibixaetsi  
Pablo. <sup>31</sup> Pablo tayapu xanepanatsi xua pepoponaewa. Barapoxonae Pablo barapomon-  
aetha yabara tsipaeba po diwesi po coyene Nacom waba jiwi petanaexanaenexatsi piŋi-  
monae tatsi pomonae itorobiya peewatsixae. Matautano yabara cuidubano xua Jesucristo  
yabara, pon Pecanamataxeinaein jiwi. Romanomonae pia pentacaponaein tatsi Pablo  
jopa cui matawentichi.

Baja Lucas.

## Meje Po Carte Pablo Tatina, Roma Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomona Roma tomarapiwi*

<sup>1</sup> Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwi jiwana tatsin xua tacueicueijeinexa Nacom pia pecapanenebiyae diwesi jume.

<sup>2</sup> Barapo pecapanenebiyae diwesi jume caena bayatha Nacom yabara tsiwuna muxu duta Nacom pia peitorobi jume pepaebi jiwitha poxona barapomona tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi. <sup>3</sup> Barapo diwesi yabara tinatsi Jesucristo, pon Wanacanamataxeinaein, pon Nacom Pexanto tatsi. Poxona bapon Jesucristo be jiton coyenya naexana, xaniwaicha bapon David pia pemomoxi susato jiwana pinsi tatsi. Barapo David pon caena bayatha Israel nacuapiwi itorobiya pia pepa peewatsinchi. <sup>4</sup> Poxona Nacom pia peayapusu itorobi coyenewatha Jesucristo pon Wanacanamataxeinaein asu exanatsi petupae cuiru coyene weya, bapoxona Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tanaaxu tatsi juntu coyene xanepana Nacomtha.

<sup>5</sup> Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwi tatsi. Nacom pana itoroba pata cueicueijeinexa daxita nacua jiwitha xua barapomona pejume cowantsinexa yawa xua peexanaenexa pocotsiwa xua Jesucristo itoroba. <sup>6</sup> Daxita barapomona pomona jume cowanta, paxam barapomona jiwana pam. Nacom iru paca waba xua paxam Jesucristo piamona tatsi jiwana pam painya nenaexanaenexa. <sup>7</sup> Daxita pam pacata tinatsi pomona pajinompa Roma tomaratha, pomona pam xua Nacom paantobem. Yawano Nacom paca waba xua bapon painya tsita nenajuntu coyenein xanepana exanaenexam tsane. Barabu Nacom, pon Waxa, iru Jesucristo pon jiwi Pecanamataxeinaein baponbe paca yawenaenabe pia paca necaantobexae. Matautano baponbe barabu juntema jinompa paca cana exanaena.

*Meje yabara poxonae Pablo ichichipa xua pesiwa ponaewa Roma tomara*

<sup>8</sup> Matha copiya Jesucristo wan caununaya tsipaeban Nacomtha, janje tsailin: "Nacom, yabara juntu coyene weiweinan Roma tomarapiwi, tsipei daxita nacuan jiwi yabara paeba xua pinae barapo Roma tomarapiwi xaniwaicha beta cajume cowanta", jan tsailin Nacomtha. <sup>9</sup> Ajuntayapusuya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha. <sup>10</sup> Nacomtha yainyabeiban xua icha bapon ichichipa xua bara metha neitacupaetsipa xua matapainya tapaca siwa ponaewatsi tsainchi. <sup>11</sup> Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tanaaxu tatsi painya nepaca cayawenaenexa tsane painya juntu coyenewatha. Bapoxona paca juntu coyene ayapusu exanaena. <sup>12</sup> Pocotsiwa xuaunxuae yabara paeban apara xua waxainchi caemona nantiya wanajuntu coyene tsacabinexa xua juntema wajinompaenexa. Baxua nacana exanaeinchi poxona wanatsipaebibinexa Nacom Pejume Diwesi, po jume diwesi pajume cowantame xua iruru jume cowantandu.

<sup>13</sup> Tamona pam, pomona iru painya nejume cowantsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaihi tsainchi. Ichitha beya anoxuae jopa neitacupaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomona jopa copiya jume cowantsiyo, xua iruru pejuntu coyene tsacabinexatsi pomona copiya jume cowanta. Baxua barichin tsane icha bayatha ichin ichamonaetha xua poxona yawenan pomona jopa judiomona naexanaeyo xua pejume cowantsinexa. <sup>14</sup> Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae. <sup>15</sup> Daxota bichocono ichichipan xua paxam iru tapaca cuidubiwatsi tsainchi Nacom Pejume Diwesi pomona pamxaem xua painya nejinompaewi pam Roma tomaratha.

*Meje yabara xua Nacom Pejume Diwesi xeina peayapusu itorobi coyenewa xua jivi pecapanenebiwatsi*

<sup>16</sup>Jopa ajumeurinyo xua tacueicueijeixa Nacom pia pexeinya jume diwesi. Poxonae jivi jume cowanta barapo diwesi, Nacom capanenebiya exana barapomonaē abe pia peexanae cuiuru coyenein weya tatsi pia peayapusu itorobi coyenewatha. Nacom capanenebiya pomonaē pia pejume cowantsiwichi, matha copiya judiomonaē, bapoxonae iru pomonaē jopa judiomonaē naexanaeyo. <sup>17</sup>Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentisixae xua abe waexanaeae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom juntu coyene xanepana exana pia peyabara jume cowantsinxatsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

*Meje yabara xua jivi penatsicuentisiwa Nacomtha abe peexanaeae*

<sup>18</sup>Waxainchi yaputainchi xua Nacom anaepana pomonaetha pomonaē abe peexanaewi. Daxota itorobica athawetsica po coyene xua barapo jivi atene peexanaewatsi. Nacom anaepana, jivi abe peexanaeae bapontha yawano abe peexanaeae ichamonaetha. Matautano barapomonaē abe peexanaeae, jopa copatsiyo xua bara pia juntu coyeneintha peyaputaewa pexainyei jumein. <sup>19</sup>Barapomonaē bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene itata barapomonaetha. <sup>20</sup>Jivi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jivi yaputane xua Nacom xaniwaicha popona yawa pia peayapusu itorobi coyenewa bapana jopa weraweracae tsane. Jivi yaputane baxua poxonae tane pocotsiwa Nacom forota bequein Nacom jopa taetsi. Daxota jivi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom. <sup>21</sup>Bequein barapomonaē yabara yaputane xua bara Nacom popona, daichitha barapomonaē jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonaē jopa jei tsabiyo Nacomtha: “Nacom, pajuntu coyene weiweinan xua pocotsiwa panta neexanaewamxae”, jopa jei tsabiyo. Saya meisa barapomonaē yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume. <sup>22</sup>Bequein barapomonaē paeba xua pinae peyaputaewi daichitha be pomonaē xua jopa xapain peyaputaē jivi naexanaeyo. <sup>23</sup>Barapomonaē jopa wnae jainchiyo Nacom, pon ataya tsitecaeya popona. Saya u wnae pejainchi ibo nacomun, po ibo nacomun be tsita jiwichi xua saya peweraweracae coyene. Yawano icha ibo nacomun exana xua xuan be peyapupunaewi, yawano po ibo nacomun be jomon xua petompacuetontha pona, yawano po ibo nacomun be duwein xua pecobe xeina yawa pesito xeina.

<sup>24</sup>Daxota Nacom copata xua barapomonaē bara moya peexanaenexa abe peexanaewa be pocotsi coyeneya xua ichichipa. Bapoxonae barapomonaē nantiya nata exana pocotsiwa xua aura exanatsi pia pepontha. <sup>25</sup>Baxuan Nacom copata xua peexanaewa barapomonaē, tsipei barapomonaē jopa jume cowantsiyo Nacom pia pexainyei diwesi jume. Saya barapomonaē itapeta u jume cowanta xua xuan penaerabi diwesi jumein. Pocotsiwan Nacom forota baxuan barapomonaē be pia nacomun cana exana pejume cowantsinexa, matautano xua barapomonaē pebaru cui itura jinaenexa xua wnae pe-jainchiwa nexa. Barapomonaē jopa wnae jainchiyo pepa Nacom, pon daxita peforotsin. Barapon waxainchi bewa wnae jainteibinchi xua ataya tsabi tsane pia peexanebixae waxainchi nexa. Je, bara ichi tsane.

<sup>26</sup>Daxota Nacom copata xua barapomonaē bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonaē pia yabuxi tatsi jopa equeicha exanaeyo po coyene yabuxi ba exana poxonae peichichipaewa pia pebin. Bapoxonae barapo yabuxi exana xua cae yabuxi naichichipa. <sup>27</sup>Barichi pebiwi aichaxabi po coyene pebiwi ba exana poxonae peichichipaewa pia petsiriwa. Saya meisa bichocono penthutontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonaē abe peexanaeae Nacomtha natsicuenta. Daxota Nacom copata xua barapomonaē pia pepon atene nata exana.

<sup>28</sup>Poxoru barapomonaē jopa ichipaeyo xua jopa pejume cowantsiwa Nacom, daxota Nacom copata xua barapomonaē moya bara abeya penanta xeinaenexa. Matautano Nacom copata xua barapomonaē bara moya exanaena pocotsiwan jopa bewa exanae pocotsiwa xua abe. <sup>29</sup>Barapomonaē jopa juniya juntu coyene yucaetsi xua peabe coyenewan. Barapomonaē nasi cui weiweina exanaduta, yawano abe exana ichamonaetha. Yawano

exana xua ichichipa pocotsiwa ichamonaе xeina. Yawano ichichipa xua ichamonaе atene exanatsi. Barapomonaе uwa, ichamonaе uwatsi. Yawano barapomonaе juteba, ichamonaе jutebatsi. Yawano penabi coyene exana. Yawano barapomonaе jiwi muxujainyaba nawita. Yawano barapomonaе bichocono piamonaе caseba nawita. Yawano caemonaе nabaru paxapaxei xua ichamonaе abe yabara paebatsi. <sup>30</sup> Yawano barapomonaе jume atsaquiya abeya yabara paeba xua ichamonaе pocotsiwa exana. Barichi barapomonaе Nacom casebatsi. Yawano barapomonaе biatane ichamonaе. Yawano pia coutha penayabara paebiwi xua pinae peainya cui jiwi. Yawano barapomonaе peabiwi xua ichamonaе aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi. <sup>31</sup> Barapomonaе jopa ichichipaeyo xua Nacom peyabara yaputaewatsi. Yawano barapomonaе jopa jume xainyeya exanaeyo pocotsiwan xua exanapaеbeiba. Yawano barapomonaе jopa xapain antobeyo ichamonaе. Yawano barapomonaе jopa ichamonaе yabara juntemainaetsi xua abe exana. Yawano barapomonaе jopa ichamonaе xapain yabara nanta xeinaetsi xua peyawenaenexatsi. <sup>32</sup> Barapomonaе yaputane pocotsiwa xua Nacom itoroba. Yawano barapomonaе yaputane xua pomonaе barapo peabe coyenewan exana bewa werapaena. Bequein barapomonaе yaputane baxuan ichitha awiya abe eexanapona. Yawano barapomonaе juntu coyene weiweina, poxonaе ichamonaе iru barapo peabe coyenewan exana.

## 2

*Meje yabara xua Nacom yabara paebina penatsicuentsiwa jiwi, xua yatsicaewa pexainyei coyenewatha*

<sup>1</sup> Paca tsipaebatsi paxam judiomonaе jiwana pam pomonaе xua ichamonaе pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichuntha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonaе ichun payabara paebame xua penatsicuentsiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonaе payabara paebame xua penatsicuentsiwa xua abe pia peexanaewaxae. <sup>2</sup> Waxainchi yaputainchi xua Nacom yabara paebina daxita jiwi xua penatsicuentsiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonaе Nacom yabara paebina xua penatsicuentsiwa jiwi, bapon paebina xua pomonaе barapo peabe coyenewan exana bewa peraxa jubebinchi xua atene tsane. <sup>3</sup> Paxam ichun payabara paebame penatsicuentsiwa xua abe pia peexanaewaxae. Apara painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonaе Nacom atene exanaena xua poxonaе yabara paebina jiwi xua penatsicuentsiwa xua pomonaе abe peexanaewi. <sup>4</sup> Paxam paichaxaibim poxonaе Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paichaxaibim poxonaе Nacom abu saya juntema ewata xua beta pacata exanaena xua pomonaе pamxaeum xua rajume cowuntsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonaе Nacom wucaetsi xua painya nepaca cayabara juntemainaenexa painya abe exanae coyenewan. <sup>5</sup> Paxam ainya unthuton paxeiname. Yawano jopa paichipaem xua icha juntu coyene painya tsita xeinaewa Nacom. Daxota paxam mataropeicha paexanaponaе xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonaе barapo peabe coyenewan exana. Nacom yabara paebina jiwi xua penatsicuentsiwa xua abe peexanaexae xua yatsicaewa pexainyei coyenewatha abe peexanaexae bapontha. <sup>6</sup> Nacom catsibina pentoman daxita carepaya jiwitha xua pocotsiwan pia petanacuichiwixaetsi. Pomonaе abeya tanacuita xuya abeya matoma catsibebinchi. Pomonaе wunaeya tanacuita xuya wunaeya matoma catsibebinchi. <sup>7</sup> Ichamonaе Nacom peajuntuyparusu coyenewa catsibina pomonaetha pomonaе jopa aitaconaeya exana dubenanaebiyayeyo pocotsiwa Nacom ichichipa. Barapomonaе ichichipa nawita xua po coyene Nacom petsita xanepanaewa tsainchi. Matautano barapomonaе ichichipa nawita pia pebaru cui itura jinaewa Nacomtha. Matautano barapomonaе ichichipa nawita xua pia xeinaetsi peajuntuyparusu coyenewa po peajuntuyparusu coyenewa ataya tsiteca. <sup>8</sup> Ichamonaetha, Nacom anaya exanaena xua atene exanatsi barapomonaе pomonaе saya u piawa nata exana. Yawa Nacom atene exanaena pomonaе jopa jume cowuntsiyo Nacom pia pexainyei jume diwesi. Barapomonaе Nacom bichocono caseba itapeta peichichipaewaxae xua



abe coyenewa peexanaewa. <sup>9</sup> Atene exanebinchi yawa ajanturewe exanebinchi daxita pomonae abe coyenewan peexanaewi, matha copiya pomonae judiomonae, bapoxonae iru catsibinchi pomonae jopa judiomonae naexanaeyo. <sup>10</sup> Ichitha nama Nacom seicaya catsibina pomonaetha pomonae xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua juntema pejinompa coyenewan. Matha copiya catsibinchi judiomonae, bapoxonae iru catsibinchi pomonae jopa judiomonae naexanaeyo.

<sup>11</sup> Barapomonaethabe Nacom catsina barapo coyenein tsipei Nacom tsita najupatsi daxita jiwi. <sup>12</sup> Pomonae jopa judiomonae naexanaeyo daxita barapomonaeyo yaputane poxonae abe exana pia peitorobi coyenewan pexeinaexae. Icha barapomonaeyo awiye eexanapona pocotsiwa xua abe, Nacom tsita natsicuentatsi. Barapomonaeyo werapaena abe peexanaexae bequein jopa yaputaeyo Moisés pia peitorobi coyenewa tatsi. Pomonae judiomonae barapomonaeyo yaputane Moisés pia peitorobi coyenewa tatsi. Daxota yaputane poxonae abe exana. Poxonae barapomonaeyo abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi. <sup>13</sup> Pomonae jume tane Moisés pia peitorobi coyenewa tatsi xuano exana pocotsiwa itoroba, barapomonaeyo Nacom tsita juntu coyene xanepanatsi. Pomonae saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonaeyo Nacom jopa tsita juntu coyene xanepanaetsi. <sup>14</sup> Pomonae jopa judiomonae naexanaeyo barapomonaeyo jopa xeinaeyo Moisés pia peitorobi coyenewa tatsi. Ichitha ichacuitha barapomonaeyo exana xua be pocotsi coyene Moisés pia peitorobi coyenewatha itoroba. Baxua barapomonaeyo exana, tsipei pejuntu coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonae baxuan exana be barompaya pia peitorobi coyenewan xeina pia juntu coyenewantha. <sup>15</sup> Poxonae barapomonaeyo beta exana, baxua itapeinya xeina xua barapomonaeyo pia juntu coyenewantha xeina Nacom pia peitorobi coyenewa tatsi. Barapomonaeyo yacuiya naexana. Barapomonaeyo pia juntu coyenein yaputane cana exanatsi xua poxonae wunae exana xuano xua poxonae ichacuitha abe exana. <sup>16</sup> Jemeicha jopaena matacabi po mataqueitha poxonae Nacom itorobina xua Jesucristo yabara paebina daxita jiwi xua pia penatsicuentisiwa xua abe peexanaexae Nacomtha. Barapo mataqueitha Jesucristo yabara paebina jiwi xua penatsicuentisiwa xua abe peexanaexae xua pocotsiwan namicha abeya peexanaexae matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonae cueicueijan Nacom pia pexeinya pecapanenebiyae diwesi jume.

*Meje yabara xua judiomonae yawa Moisés pia peitorobi coyenewa tatsi*

<sup>17</sup> Paxam papaebame, pajam: “Paxan seicaya judiomonaepiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom. <sup>18</sup> Barichi paxam papaebame xua pinae payaputaneme pocotsiwa xua Nacom pia peichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa. <sup>19</sup> Matautano atsaquiya papaebame, pajam: “Paxan pacuiduban pomonae jopa peyaputae jiwi Nacom. Yawa jume cowanta pacana exanan pomonae jopa jume cowantsiyo Nacom”, pajam. <sup>20</sup> Paxam pananta xeiname xua paca itacupa xua pacuidubame pomonae Nacom jopa peyaputae jiwi. Barichi pananta xeiname xua paca itacupa xua yaputane pacana exaname pomonae pena pejume cowantsiwi. Paca itacupa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan. <sup>21</sup> Poxonae ichamonae po coyenein yabara pacuidubame paxam jopa apara matha pajume yabara cowantsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua iru painya barichiwathamdu. <sup>22</sup> Paxam pacuidubame xua jopa bewa ichu piowa tatsi tapichichi xua iru painya barichiwathamdu. Paxam papaebame xua pinae paaichaxaibim ibo nacomun, ichitha paxam pacaibame pocotsiwan xua jeba ibo nacomun pia botha tatsi. <sup>23</sup> Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi. <sup>24</sup> Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

<sup>25</sup> Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa perɯ muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae. <sup>26</sup> Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi. <sup>27</sup> Ichacuiitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha wɯnae paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba. <sup>28</sup> Pon jiwi tsitatsi xua pepa judiomonae pin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi. <sup>29</sup> Jame xua pepa judiomonae pin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexeinaewa Nacomtha xua pexanepanaewa. Saya apara meisa Nacom pia Pejumope tɯnaxɯ tatsi baxua exana. Jiwi wɯnaeya yabara paeba pomonae xua pewi thabiwichi. Ichitha nama Nacom wɯnaeya yabara paeba pontha pon icha juntu coyene xaina bapontha xua pexanepanaewa.

### 3

<sup>1</sup> Metha beya ichɯn yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae. <sup>2</sup> Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonae”, jan tsipae. <sup>3</sup> Ichacuiitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowantsiwa xua Nacom bexa exanaena pocotsiwa Nacom yabara tsiwɯnae muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwɯnae muxu dutsiwa?” jei tsipae. <sup>4</sup> Metha jan tsipae: “Jume, apara Nacom bapana jopa baxua exana! Apara jame Nacom daxitan pexainyewantha exaneiba. Nacom bewa exaneibina baxuan bara bequein jiwi pemuxuitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye:

‘Nacom, poxonae cueicueijam jiwi yaputaena  
xua xam xainyeya bara nepaebin.

Bapoxonae jiwi jume amanayabame poxonae baxua  
exaname poxonae bequein jiwi cayabara paeba xua  
abe exaname’, jei David Nacom Pejume  
Diwesitha”, jan tsipae.

<sup>5</sup> Ichitha metha ichamonae jume coxonaya najume matsontsonobichipa jei tsipae: “Poxonae waxainchi abe exanatsi bapoxonae Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae coyenewantha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanae cuiru coyene waexanaexae?” jei tsipae barapomonae, xua saya paeba icha jiwi ichi pomonae jopa peyaputae jiwi. <sup>6</sup> Metha barapomonae jume notsipan, jan tsipae: “Jume apara, baxua jopa xainyeyo! Icha Nacom jopa xaniwaichiya exanaetsipae poxonae naca yabara paeba xua penatsicuentisiwa bapoxonae jopa itacupaetsipaetsi xua daxita yabara paebatsi jiwi xua penatsicuentisiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itacupatsi xua daxita jiwi yabara paebatsi penatsicuentisiwa”, jan tsipae.

<sup>7</sup> Metha ichamonae jei tsipae: “Nacom jopa bewa naca yabara paebi penatsicuentisiwa tsane wanaca yabara paebinexa xua abe waexanaewan poxona naerabiya cueicueijeichi. Poxoru poxona naerabiya cueicueijeichi ichamonae tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin”, jei tsipae barapomona. <sup>8</sup> Ichamonae iru jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomona. Barapomona naerabiya paeba xua pinae xan barapo coyene cuiduban ichamonae. Barapo naerabiya pepaebiwi xua neyabara jume caenaeraba, barapomona Nacom tsita natsicuentinchi abe taneyabara paebixae.

*Meje yabara xua daxitatsi pomonaetsi pomona Nacom watsita natsicuentisiwichi abe waexanaexae bapontha*

<sup>9</sup> ¿Waxainchi pomona judiomonaetsi Nacom tsitatsi xua jopa wanatsicuentisi jiwichi xua beyacaincha pomona jopa judiomona naexanaeyo xua naca toxeinchiya bichocono abe peexanaewi? Jume. Tsipei bayathauxuae paeban: “Waxainchi judiomonaetsi iru pomona jopa judiomona naexanaeyo daxitatsi abe waexanae jiwichi”, jan. <sup>10</sup> Nacom Pejume Diwesitha baxua yabara jeye:

“¡Dapomona ajibi pomona xua xanepanaya peexanaewi, xua matautano bara caeinno!

<sup>11</sup> Matautano dapon ajibi pon ichichipa xua peyabara yaputaewa pexainyei coyenewa.

Matautano dapon ajibi pon xua ichichipa penaponaewa Nacomtha.

<sup>12</sup> Daxita jiwi Nacom pentatsi yawano abe peexanae jiwi bichocono.

¡Dapon ajibi pon xua xanepanaya beta exana, xua matautano bara caeinno!

<sup>13</sup> Barapomona caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa. Barapomona pepaebiwantha ichamonae muxujainyabeibatsi.

Barapo pepaebiwantha ichamonae ajuntacoyenetane exanatsi, icha jomo ichi xua ichan sinatsi poxona bichocono atene exanatsi pewano tsapa pexeinaexae.

<sup>14</sup> Barapomona saya u cueicueijeji xua xuan peabe jumein, po jumein xua atsaca pepaebiwa.

<sup>15</sup> Barapomona bichocono ichichipa nawita xua ichamonae bichocono atene peexanaewatsi xuano xua pejutebiwatsi.

<sup>16</sup> Daxita ichaxota poneiba barapomona, ichamonae abe exaneibatsi. Matautano exaneiba pocotsiwa ichamonae ajuntacoyenetane cana exanatsi.

<sup>17</sup> Barapomona jopa yaputaeyo xua po coyene caemona nantiya juntema jinompa penaexanae coyenewa.

<sup>18</sup> Matautano barapomona jopa cunuwiyo Nacom xua abe peexanaeyainwatsi”, jei Nacom Pejume Diwesitha.

<sup>19</sup> Waxainchi yaputainchi xua daxita Nacom paeba Moisés pia peitorobi coyenewatha baraxua judiomona nexa. Barapomona bewa exanae Moisés pia peitorobi coyenewa tatsi. Ichitha judiomona jopa itacupaetsi xua peexanaewa barapo coyenewa. Barichi pomona jopa judiomona naexanaeyo jopa itacupaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaebinexa xua pinae jopa abe peexanaewa barapo jiwi. Matautano Nacom tsita itapeinya xeina jiwitha xua Nacom yabara paebina xua penatsicuentisiwa daxita jiwi xua abe peexanaexae bapontha. <sup>20</sup> Dapon ajibi pon itacupaetsi xua pejeiwa: “Xan bichocono tajuntu coyene xanepanaein xua Nacom jopa tatsita natsicuentisixae abe taexanaexae bapontha. Tsipei daxita yabara jume cuiya exanan pocotsiwa Moisés pia peitorobi coyenewatha itoroba”, xua pejeiwa. Tsipei jame apara barapo Moisés pia peitorobi coyenewa tatsi naca yaputane exana xua waxainchi apara abe waexanae jiwichi.

*Meje yabara xua jiwí capanenebiyatsi pejume cowantsixae Nacom*

<sup>21</sup> Ichitha anoxuae Nacom jiwí yaputane exanatsi po coyeneya bapon exana xua poxona jiwí juntu coyene xanepana exanatsi bapontha. Nacom jopa tsita natsicuentichi barapomona xua abe peexanaexae. Nacom baxua exana jopa poxoruyo xua peexanaexae pocotsiwa Moisés pia peitorobi coyenewatha itoroba. Moisés pia peitorobi coyenewa tatsi, iru Nacom pia peitorobi jume pepaebiwi paeba xua bewa jiwí Nacom tsita juntu coyene xanepanaetsi. <sup>22</sup> Nacom juntu coyene xanepana cana exana jiwí poxona barapo jiwí jume cowanta Jesucristo. Nacom bara daxita najuntu coyene jupiya exana pomonaetha pomona pejume cowantsiwi Jesucristo, poxoru Nacom tsita najupatsi barapo pejume cowantsiwichi. <sup>23</sup> Tsita najupatsi yaitama daxita jiwí peabe coyenewan exana. Yawano barapo jiwí taseicatsi po coyene xua Nacom tsita xanepanatsi barapomona. <sup>24</sup> Ichitha Nacom peantobexae jopa tsita penatsicuentisiwatsi barapo jiwí. Baxua Nacom amanaya taexana. Nacom pentoma exana xua jiwí pejuntu coyene xanepanaenexa poxona Cristo Jesús naetho tsitupa, xua jiwí tsitupatsi. <sup>25</sup> Nacom Pexanto itorobica, pon Cristo. Bapon jana pichapabarena poxona tsitupa jiwí pia peabe coyenewan tatsi. Nacom junte maina jiwí pia peabe coyenewan poxona barapomona jume cowanta Cristo. Barapo coyenewatha Nacom yaputane exana xua bara juntu coyene xanepana cana exana jiwí xua jopa Nacom petsita natsicuentisiwatsi xua abe peexanaexae. Bayatha bapon beitatemaya cui taetaepona jiwí abe pia peexanae cuiru coyenewan tatsi pomona xua caena bayatha jinompa poxona cataunxuae Jesús jopa tupaeyo. <sup>26</sup> Ichitha anoxuae Nacom yaputane exana jiwí xua beta xanepanaya peexanaewa. Anoxuae Nacom jopa beitatemaya cui taeyo jiwí abe pia peexanae cuiru coyenewan tatsi. Apra jame Nacom juntu coyene xanepana cana exana jiwí poxona Nacom yabara junte maina jiwí xua pia penatsicuentisiwa xua abe peexanaexae. Baxua exana daxita pomonaetha pomona pejume cowantsiwi Jesús.

<sup>27</sup> Daxota waxainchi jopa naca itacupaeyo xua atsaquiya nayabara paebatsi xua beta waexanaewa. Waxainchi jopa najuntu coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apra wajume cowantsixae Jesús, daxota bapon naca juntu coyene xanepana cana exana Nacomtha. <sup>28</sup> Nama anoxuae waxainchi yaputainchi xua Nacom juntu coyene xanepana cana exana pontha pon jume cowanta Jesús. Nacom jopa juntu coyene xanepana exanaeyo poxona bequein ichun ichichipa xua peexanaewa pocotsiwa Moisés pia peitorobi coyenewatha itoroba xua daichitha poxona jopa exanaeyo.

<sup>29</sup> Nacom jopa meisa apra judiomona pia Nacom tatsi. Apra iru pomona jopa judiomona naexanaeyo barapomona iru pia Nacom tatsi. <sup>30</sup> Icha Nacom ajibi, saya meisa bapon Nacom nacata bara compa. Barapo Nacom juntu coyene xanepana cana exana jiwí, pomonaetha pomona jume cowanta Jesucristo, bequein pomona wi thabatsi xuano bequein pomona jopa wi thabichi. <sup>31</sup> Waxainchi jopa nacui barapentichi Moisés pia peitorobi coyenewa tatsi yaitama jume cowantatsi Jesús. Jame poxona xaniwaicha jume cowantatsi Jesús bapoxona bara xaniwaicha exanatsi pocotsiwa Moisés pia peitorobi coyenewatha itoroba.

## 4

*Meje xua Abraham yabara*

<sup>1</sup> Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, iruru daxita judiomona pia pamo susatopin tatsi pon caena bayatha tupa.

<sup>2</sup> Abraham jopa pia soya najuntu coyene xanepana exanaeyo xua jopa Nacom petsita natsicuentisiwatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi. <sup>3</sup> Nacom Pejume Diwesitha Abraham yabara paebatsi, jeye: “Abraham jume cowanta Nacom. Peyabara jume cowantsixae pocotsiwa xua Nacom exanapaeba, Nacom juntu coyene xanepana cana exana bapon”, jei Nacom Pejume Diwesitha. <sup>4</sup> Poxona jiton ba tanacuita ichun, jopa jiton pentoma becatsichi xua saya amanaya nexa poxoru ichun peyabara nanta xainaexae bapon. Jame jiton ba bewa pentoma catsichi xua poxoru penacuichixae. <sup>5</sup> Ichitha nama Nacom seicayiya exana. Pon yabara jume cowanta pocotsiwa Nacom exanapaeba xua Nacom peyabara junte mainaenexa xua bapon pia penatsicuentisiwa tatsi, bara Nacom yawena bapon. Barapo jiton Nacom tsita juntu coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane. <sup>6</sup> David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntu coyene weiweina. Jeye: “Pon peyabara

jume cowantsixae pocotsiwa Nacom exanapaeba, Nacom juntu coyene xanepana cana exana. Jopa apara Nacom juntu coyene xanepana exanaeyo xua poxoru bapon wynaeya xanepanaya peexanaexae. Apara poxoru Nacom peichichipaexae, daxota baxua exana”, jei David. <sup>7</sup>Equeicha David jei:

“Juntu coyene weiweina pomonae Nacom yabara junte maina xua puxana exana abe pia peexanae cuiru coyenewan tatsi.

<sup>8</sup>Juntu coyene weiweina pon Nacom jopa tsita natsicuentisichi xua abe peexanaexae”, jei David.

<sup>9</sup> Po rejuntu coyene weiweinaewa xua David yabara paeba, meisa saya ɱ pomonae pewi thabiwichi jopa nexiyo. Apara barapo rejuntu coyene weiweinaewa iru pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowanta pocotsiwa Nacom exanapaeba, daxota Nacom juntu coyene xanepana cana exana bapon xua jopa Nacom tsitatsi xua Abraham penatsicuentisawa xua abe peexanaexae. <sup>10</sup> Abraham jopa juntu coyene xanepana exanaetsi poxonae nacana cui wetatsi xua pewi thabiwatsi. Apara Nacom Abraham juntu coyene xanepana exanatsi poxonae cataunxuae jopa wi thabichi. <sup>11</sup> Abraham peyabara jume cowantsixae pocotsiwa Nacom exanapaeba, Nacom juntu coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntu coyene xanepana exana Abraham, peyabara jume cowantsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi xua Abraham be coxiyɱn poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowantsiwixaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom iru yabara nanta xeina xua bara iru barapomonae juntu coyene xanepana bapontha. <sup>12</sup> Barichi Abraham be coxiyɱn cana exanatsi, xua pomonae bayatha pewi thabiwichi barapomonae be pia pecanamataxeinaeinchi. Jopa Abraham be coxiyɱn cana exanaetsi xua poxoru barapomonae pewi thabixaetsi. Jame apara be coxiyɱn cana exanatsi poxoru iru peyabara jume cowantsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

*Meje yabara xua poxonae Nacom cata pia peyabara tsiwɱnae muxu dutsiwa, Abraham catatsi*

<sup>13</sup> Nacom yabara tsiwɱnae muxu duta Abrahamtha iru pia pemomoxi susato jiwitha tatsi. Nacom yabara tsiwɱnae muxu duta xua catsina daxita barapo cae pin nacue Abrahamtha, iru pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwɱnae muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tupa. Apara Nacom cata barapo yabara petsiwɱnae muxu dutsiwa poxoru Abraham peyabara jume cowantsixae pocotsiwa Nacom exanapaeba. Daxota Nacom yabara tsitatsi xua bara Abraham rejuntu coyene xanepanaein bapontha. <sup>14</sup> Icha pomonae xeinaetsipa pocotsiwa Nacom yabara tsiwɱnae muxu duta, icha barapomonae apara barapomonae tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonae jopa nantawenonaetsipae xua yabara jume cowanta pocotsiwa Nacom exanapaeba. Matautano pocotsiwa xua Nacom yabara tsiwɱnae muxu duta barapomonae jopa tsita xainyei tsipaetsi. <sup>15</sup> Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonae jopa xeinaeyo Moisés pia peitorobi coyenewa, barapomonae Nacom jopa tsita penatsicuentisawatsi xua abe peexanaexae xua poxonae jopa exanaeyo barapo peitorobi coyenewa.

<sup>16</sup> Daxota Nacom yabara tsiwɱnae muxu duta Abrahamtha peyabara jume cowantsixaetsi pocotsiwa Nacom exanapaeba. Nacom pia yabara petsiwɱnae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonae peexanaewi xua Moisés itoroba. Apara Nacom iru cata pomonaetha pomonae pejume cowantsiwichi icha Abraham ichi poxonae jume cowanta Nacom. Bapon Abraham be coxiyɱn cana exainchi xua daxita waxainchi be xua wanacanamataxeinaein, copiya pejume cowantsixae. <sup>17</sup> Nacom jeje Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be

coxiyım”, jei Nacom Pejume Diwesitha. Daxota barapo yabara petsiwınae muxu dutsiwa Nacom tsita coyene xanepanatsi. Barapon Nacom Abraham yabara jume cowınta pocotsiwa Nacom exanapaeba. Matautano barapo Nacom equeicha ası exana pomonae bayatha werapa. Matautano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae abı jopa forotsiyo bapocotsiwan.

<sup>18</sup> Abraham poxonae nawei wetaba xua jopa itacıpaetsi xua pexeinaewa pexui, awiya cataunxuae yabara jume cowıntsiya wınae ewata pocotsiwa Nacom exanapaeba. Bapon jume cowıntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowınta pocotsiwa Nacom exanapaeba pocotsiwa yabara tsiwınae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyım. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom. <sup>19</sup> Abraham jopa jıntı coyene natsepaeıyo xua peyabara jume cowıntsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon ırı piowa tatsi Sara bara imoxoyo methaunxuae tıpaenabe. Abraham piseuribe bichocono perunbe. Matautano yaputaneno xua Sara jopa itacıpaetsi xua pexui pexeinaewa. <sup>20</sup> Bapon Abraham jopa ainya muxu xeinaeyo. Matautano jopa nacui baraxubiyo xua peyabara jume cowıntsiwa pocotsiwa Nacom exanapaeba xua pocotsiwa Nacom yabara tsiwınae muxu duta xua pinae Abraham pexanto xeinaena. Jame bapon Abraham beta xaniwaicha jume cocowıntapona. Abraham wınae jaintapona Nacom. <sup>21</sup> Baxua Abraham exanapona poxoru bara yatsicaewa yaputane xua Nacom itacıpaetsi xua peexanaewa pocotsiwa xua bapon yabara tsiwınae muxu duta. <sup>22</sup> Abraham peyabara jume cowıntsixae pocotsiwa Nacom exanapaeba, daxota bapon Nacom tsitatsi xua bapon bara peyabara jıntı coyene tsita xanepanaeinchi xua jopa petsita natsicuentisixaeıtsi abe peexanaexae bapontha.

<sup>23</sup> Po jumein xua bayatha Abraham yabara paebatsi xua jeye: “Nacom tsitatsi xua bapon bara pejıntı coyene xanepanaein xua jopa petsita natsicuentisixaeıtsi abe peexanaexae bapontha”, jei, barapo jumein jopa meisa tinaeyo xua bapon nexa. <sup>24</sup> Barapo jumein xua po jumein tina apara ırı bara waxainchi nexa xua naca yabara pebaru. Wajume cowıntsixae Nacom, daxota Nacom tsitatsi xua bara waxainchi ırı wajıntı coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cowıntatsi pocotsiwa Nacom exanapaeba, pon Jesús ası exanatsi petıpaı cuiru coyene weya, pon Wanacanamataxeinaein. <sup>25</sup> Nacom itoroba xua bapon Jesús naca tsitıpa abe waexana cuiru coyenewan. Matautano Nacom ası exanano, xua Jesús ası petıpaı cuiru coyene weya xua wanaca cana exanaenexa xua jopa Nacom watsita natsicuentisiwa tsane xua abe waexanaexae bapontha.

## 5

*Meje yabara xua Nacom wanaca cana exanaewa xua jopa wanatsicuentisiwa tsane bapontha, xua abe waexanaexae*

<sup>1</sup> Nacom naca cana exana xua bapon jopa watsita natsicuentisiwa tsane abe waexanaexae bapontha. Baxua Nacom naca cana exana wayabara jume cowıntsixae pocotsiwa Nacom exanapaeba. Daxota waxainchi jıntema dubenanaebiyatsi Nacom peıtıtha tatsi Jesucristo wanaca tsitıpaıxae, pon Wanacanamataxeinaeinxae. <sup>2</sup> Cristo wajume cowıntsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae ajıntıcoyenesıya jinompatsi. Yawa waxainchi jıntı coyene weiweinatsi wawınae ewatsixae xua bexa ırı xeinaeinchi pebaru cui itura jinaewa po pebaru cui itura jinaewa jiwi Nacom tsita xeinatsi peainya cuinxae icha bapon ichi. <sup>3</sup> Jopa meisa baxua nexiyo, jame yawa jıntı coyene weiweineibatsi poxonae ichamonae naca atene exaneiba. Tsipei waxainchi yaputainchi xua wanaca jıntı coyene ayarıpı exanaewa xua daxota jopa waaitaconaewa poxonae bequein ichamonae naca atene exana. <sup>4</sup> Poxonae ajıntıcoyeneıyapıusıya jinompatsi xua daxota jopa waaitaconaewa poxonae bequein ichamonae naca atene exana, bapoxonae Nacom naca weyatane xua bara beta waexanaewa. Poxonae Nacom naca weyatane, baxua naca cana exana xua wawınae ewatsiya ewatsiwatsi xua Nacom nacata exanaena pocotsiwa yabara naca tsiwınae muxu duta. <sup>5</sup> Barapo wawınae ewatsiwa jopa naca jıntı coyene cana exanaeyo xua wajıntı coyene wecoyeyiwa xua jopa wataexae pocotsiwa wawınae ewatsiwa. Nacom bichocono naca jıntı coyene yıca cana exana pia peantobe coyenewa pia Pejumope tınaıxıtha. Barapo pia Pejumope tınaıxı tatsi naca nacana jumope cata wajıntı coyenewatha.

<sup>6</sup> Poxonae waxainchi jopa naca itacıpaıeyo xua wacoutha wanacapanenebiwa, bapoxonae Cristo naca tsitıpa abe waexanae cuiru coyenewan nexa. Bapon Cristo tıpa poxonae

po mataqueitha Nacom copata xua bapon petupaewa tsaneba. <sup>7</sup> Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichan peita araranaewatsi xua peyapu cabocaewa xua daxota petupaewa bequein barapo ichan daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiantabe, jopa ichipaeyo xua petupaewa. Ichitha ichacuitha tsipae metha jiton yaita araranaetsipa xua peyapu cabocaewa xua daxota petupaewa pon xanepanaya petaexanaein ichamona. <sup>8</sup> Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxona. Cristo naca yapu caboca xua wanaca tsitupaewa bara bequein cataunxuae abe waexanae jiwichi. <sup>9</sup> Nacom naca exana xua waxainchi pejuntũ coyene xanepanae jiwichi xua poxona. jopa natsicuentisichi bapontha abe waexanaexae, xua poxona. Cristo naca tsitupa. Bapoxonae yawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisipa xua abe peexanaexae, barapo mataqueitha Nacomtha jopa natsicuentisichi tsainchi xua abe waexanaexae. <sup>10</sup> Copiyatha waxainchi Nacom pia peaitafaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitupaexae. Ichitha anoxuae Nacom pia jiwi tatsiwaetsi, Jesucristo naca capanenebiya pia peasũ popona coyenewatha. <sup>11</sup> Jopa meisa baxuiyo, jame juntũ coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamataxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

*Meje xua Adán yabara irũ Cristo yabara*

<sup>12</sup> Caen pon xua copiya abe exana barapo cae pin nacuathe, bapon Adán. Bapon caena bayatha tupa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana. <sup>13</sup> Barapo cae pin nacuathe jiwi abe eexanapona beya poxona Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomona. pexeinaewa penatsicuentisichi coyenewa bapontha bequein barapomona abe exanaetha. <sup>14</sup> Ichitha po dapaetha poxona Adán popona weya xua beya poxona irũ Moisés popona, jiwi abe eexanapona. Daxota jiwi xeinaepona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxona bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopecapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

<sup>15</sup> Pocotsi coyene xua Adán naca tsixana jopa be ichiyo xua pocotsi coyene naca tsixana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsixana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsixana bichocono peainya cui coyene, beyacaincha po cui coyene Adán naca tsixana. Barapo coyene Nacom naca tsixana xua peantobexae daxita jiwi peyawenaenexa ayei jiwitha. <sup>16</sup> Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsixana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisipa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntũ coyene xanepana exana jiwi xua barapo jiwi jopa natsicuentisichi bapontha, abe peexanaexae. Baxua exana Cristo petsitupaexae jiwi. <sup>17</sup> Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusu beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntũ coyene xanepana exana. Daxota Nacom weyatane xua barapomona jopa xeinaeyo penatsicuentisichi coyenewa bapontha bequein barapomona abe exana taetha. Barapomona. Jesucristo ayapusu nanabaru yawa popona penanabaru yawa itorobinexa tsane ichamonaetha.

<sup>18</sup> Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po peexanepanae coyenexae xua Jesucristo exana, barapo

coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonae pejume cowantsixae Jesucristo itacupaetsi xua ataya asu jinompaena. <sup>19</sup> Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomona Nacom capanenebiya exana xua pia penatsicuentisi coyenewa weya, xua abe peexanaexae.

<sup>20</sup> Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanapona jiwi poxonae jopa yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponae xua peyawenaenexatsi barapomona. <sup>21</sup> Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi coyenewa xua abe peexanaexae. Nacom jiwi catatsi peajuntuayarusu coyenewa po peajuntuayarusuwa ataya tsiteca Jesucristo pon Wanacanamataxeinaein wanaca tsitupaexae.

## 6

### *Meje yabara xua waxainchi asu jinompatsi caemonae wanaexanaexae Cristotha*

<sup>1</sup> Waxainchi jopa bewa abe eexanaponaeinchi xua Nacom wanaca yayawenaponaenexa xua daxota wayaputaenexa xua bara Nacom naca antobe. <sup>2</sup> Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa. <sup>3</sup> Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jesustha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa. <sup>4</sup> Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupae cui ru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayarusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayarusu itorobi coyenewatha.

<sup>5</sup> Tsipei waxainchi be caemonae nanaexanaeinchi po petupae coyenewatha poxonae bapon tupa. Barichi tsane poxonae equeicha asu naca exanaena petupae cui ru coyene weya icha matha Cristo ichichi poxonae asu exainchi petupae cui ru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petupae cui ru coyene weya, naca barichi tsane. Nacom equeicha asu naca exanaena petupae cui ru coyene weya caemonae wananaexanaexaetsi Cristotha poxonae be naca yawa tupa Cristo. <sup>6</sup> Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane. <sup>7</sup> Daxota ba pon xua bayatha tupa jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane. <sup>8</sup> Waxainchi Cristo naca cayawa tupa, daxota jume cowantsi xua bexa bapon Cristo baru jinompaeinchi. <sup>9</sup> Waxainchi yaputainchi, xua poxonae Cristo equeicha asu exanatsi petupae cui ru coyene weya, bapoxonae bapana equeicha jopa tupa exanae tsainchi. <sup>10</sup> Poxonae Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane. <sup>11</sup> Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nanaexanaexae Cristo Jesustha.

<sup>12</sup> Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaein tsane xua pocotsiwa



painya pepon paca itoroba xua pocotsiwa ichichipa paexaname xua peabe coyenewan.<sup>13</sup> Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asu exanatsi xua jopa equeicha abe exanaeyo.<sup>14</sup> Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

*Meje yabara xua waxainchi bewa exanaetsi pocotsiwa pexainyei coyenewa*

<sup>15</sup> Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apra Nacom naca itoroba wanaca yawenaenexa xua wanaca antobexae.<sup>16</sup> Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya juntu coyenein xanepana xua jopa painya nenatsicuentisiwa abe painya exanaexae bapontha.<sup>17</sup> Ichitha baxua yabara Nacom tsipaeban, janje: “Nacom maisa juntu coyene weiweinan, barapo Roma tomarapiwi pia peexanaexae. Tsipei copiya u saya xua abe coyenewan peexanaewi. Ichitha anoxuae barapomonae cajume cowanta. Barapomonae bichocono jume cowanta pia juntu coyenewatha pocotsiwa pexainyei jume xua barapomonae nacuiduba”, janje Nacomtha.<sup>18</sup> Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam.<sup>19</sup> Xan cueicieijan pocotsi jumeintha xua jiwi itacupatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita juntu coyene xanepanaya jinompame.

<sup>20</sup> Poxonae cataunxuae saya u painya neexanaewi abe peexanae coyenewan, bapoxonae jopa u painya neexanae jiwi pocotsiwa pexanepanae coyenewan.<sup>21</sup> Poxonae bayatha peabe coyenewan paexaname baraxua apra jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane.<sup>22</sup> Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apra poxonae Nacom paca juntu coyene xanepana cana exana bapontha. Matautano Nacom paca catsibina pocotsiwa peajuntucoyenesuwa po peajuntucoyenesuwa ataya tsiteca.<sup>23</sup> Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apra po coyene xua peajuntuyparusi coyene po peajuntuyparusi coyene ataya tsiteca. Barapo peajuntuyparusi coyenewa naca cana exana xua caemonae naexainchi Cristo Jesustha, pon Wanacanamataxeinaein.

## 7

*Meje yabara xua po peitorobi coyenewa poxonae jitha peecaewa yabuyoy*

<sup>1</sup> Tamonae pam, pomonae pam pomonae iru painya nejume cowantsi jiwixae Jesucristotha. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonae cataunxuae jinompa barapo cae pin nacuathe. Ichitha poxonae jiwi werapa barapomonae jopa equeicha bewa exanae pocotsiwa barapo peitorobi coyenewa itoroba.<sup>2</sup> Paca tsipaebatsi peyabara juta paebiwa: Petsiriwa powa xeina piseuri bewa piseuriha cuicuinae pepaebixae barapo peitorobi coyenewa, xua poxonae pia pebin tatsi awiya asu popona. Ichitha icha barapowa pia pebin tatsi tatupatsi barapowa jopa nantawenonaeyo xua peexanaewa pocotsiwa Moisés itoroba barapo

peitorobi coyenewatha xua po coyene bebin yabara paebatsi. <sup>3</sup> Daxota icha barapowa isa maiteca icha bebin xua nasi cui exana icha pebintha poxonae cataunxuae barapopona pia bebin, bapowa bapoxonae Nacom tsita natsicuentatsi xua abe peexanaexae. Ichitha icha barapowa pia bebin tatsi tatupatsi barapowa itacupatsi xua pepichiwa icha bebin. Barapowa jopa Nacom tsita natsicuentatsi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyo baxua.

<sup>4</sup> Tamonaе pam, paxam pomonaе iru painya nejume cowantsiwixae Jesucristo. Barichi bara jata ichi poxonae Cristo tupa, paxam iru be pawerapame. Daxota jopa panantawenon-aem xua paexanaename pocotsiwa Moisés itoroba pia peitorobi coyenewatha. Anoxuae paxeiname ichan pon paca itoroba. Baraxua barichi icha yabyayo ichi xua pita icha bebin pon bapowa itorobatsi poxonae piseuri tatsi tatupatsi. Anoxuae paxam Cristo piamonaе tatsi pam, pon equeicha asu exanatsi petupae cuiru coyene weya. Barapo coyenewatha Nacom naca cana exana xua wanaca itacupaewa xua waexanaewa tsane pocotsiwa xanepana Nacom nexa. <sup>5</sup> Poxonae waxainchi copiya jume cowantatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanae coyenewan poxonae jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane. <sup>6</sup> Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena juntu coyene po pena juntu coyene Nacom pia Pejumope tynaxu tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

*Meje yabara xua Pablo jeye: “Meje xua po peabe exanae coyene xeinan”, jei.*

<sup>7</sup> Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonae yabara uwiya ichichipan pocotsiwan ichamonaе xeina. Ichitha barapo peitorobi coyenewa naca tsipaeba, naca jeye: “Jopa yabara uwiya paichichipaeinde pocotsiwa xua ichamonaе xeina”, jei barapo peitorobi coyenewa. <sup>8</sup> Poxonae copiya jume cowantan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonaе piawan. Ichitha jame ichichipan nawita tajuntu coyenewatha xua taxainaewa tsane xua ichamonaе piawan poxonae jume tan xua jopa bewa ichichipaein tsane xua taxainaewa tsane ichamonaе piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxainaewa pocotsiwa ichamonaе piawan. <sup>9</sup> Caena bayatha poxonae jopa yaputaeinyo Moisés pia peitorobi coyenewa xan saya juntema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonaе piawan peuwiiya yabara, awiya bichocono abe exanaponan. Bapoxonae bara be tatupae coyenewaba tsipei jopa juntema tapoponaewa abe taexanaexae. <sup>10</sup> Barapo Moisés pia peitorobi coyenewa tatsi Nacom cata xua jiwi pejuntu coyene weiweinaenexa xua poxonae pejuntu coyene xanepanaewa tsane. Poxonae jiwi jume cowantsiya exana daxita xua barapo coyenewatha itoroba, barapo jiwi bexa tsane xeinaena peajuntu yapuswa xua bara ataya tsane xeinaena. Daichitha barapo coyenewa wecoyeyi necana exana tsipei bewa tatupae coyenewa tsane poxoru jopa neitacupaeyo xua exanan daxita xua barapo coyenewa itoroba. <sup>11</sup> Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajuntu yapuswa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita itata xua bewa tupaеin tanatsicuentsiwaxae abe taexanaexae Nacomtha.

<sup>12</sup> Daxita po peitorobi coyenewan Nacom cata Moiestha daxita bara wnae, yawa bara pexainyei coyenewan. <sup>13</sup> Barapo Moisés pia peitorobi coyenewa jopa necana exanaewa xua bewa tupaеin tanatsicuentsiwaxae abe taexanaexae Nacomtha. Apara jame barapo abe taexanae coyene necana exana xua be tupaеin tanatsicuentsiwaxae abe taexanaexae Nacomtha. Bequein barapo Moisés pia peitorobi coyene tatsi wnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

<sup>14</sup> Yaputainchi xua Moisés pia peitorobi coyenewa tatsi apara xanepana, Nacom weya pejume pichipaexae. Ichitha poxoru saya jiton juntu coyeneya taxainaеinxae tajuntu coyene necana exana xua abe taexanaewa. <sup>15</sup> Tsipei jopa xapain yaputaeinyo pocotsiwa

xua exanan, poxoru jopa exanaeinyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, dai-chitha apara baxua exaneiban. <sup>16</sup> Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan. <sup>17</sup> Tacoutha jopa ichipaeyo xua abe taexanaewa bequein baxua exanan. Ichitha barapo abe peexanae coyenewa xua tajuntu coyenewatha xeinan, barapo coyene necana exana xua apara abe taexanaewa. <sup>18</sup> Tsipei xan yaputan xua xeinan jiton pia coyene. Daxota jopa xinaeinyo pexanepanae coyenewa. Bequein ichichipan xua xanepanaya taexanaewa, ichitha jopa neitacupaeyo xua baxua exanan tacoutha. <sup>19</sup> Jopa exanaeinyo po pexanepanae coyenewa bequein ichichipaethan xua taexanaewa. Ichitha u exanaponan po abe peexanae coyenewan bequein aichaxaibithan xua taexanaewa. <sup>20</sup> Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacupaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntu coyenewatha xeinan, barapo coyene necana exana xua equeicha mataropeicha abe taexanaewa.

<sup>21</sup> Daxota nayaputan pocotsiwa exaneiban tajuntu coyenewatha, xua poxonae bequein ichichipan beta taexanaewa tsane bapoxonae abe exaneiban. <sup>22</sup> Bichocono ichichipeiban tajuntu coyenetha Nacom Pejume Diwesi tatsi. <sup>23</sup> Ichitha yaputan xua po peabe coyenewa tajuntu coyenewatha xeinan neitoroba xua abe taexanaewa tsaiibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntu coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

<sup>24</sup> Ooo, jopa taxanepanae tsocuaeinyo! jJopa tajuntu coyene wunae tsocuaeinyo! jJintam metha necapanepana barapo tapepon weya po pepon xua bewa tupaena? <sup>25</sup> Daxota Nacomtha janje: “Nacom juntu coyene weiweinan xua Jesucristo, pon Tanecanamataxeinaein, itacupaetsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntu coyenewatha exanan pocotsiwa xua abe taexanaewa.

## 8

*Meje yabara xua peajuntu yapusuya pejinompaewa po peajuntu yapuswa Nacom pia Pejumope tñaxu tatsi naca cata*

<sup>1</sup> Dapon ajibi pon itacupaetsi peyabara paebiwa xua pomonae caemonaе penaexanaewi Cristo Jesustha natsicuenta abe peexanaexae Nacomtha. <sup>2</sup> Nacom pia Pejumope tñaxu tatsi naca cata peajuntu yapuswa xua wajinompae coyenewanexa xua caemonaе xua wanaexanaexaetsi Cristo Jesustha. Barapo Nacom pia Pejumope tñaxu tatsi neyawena pia peayapusu itorobi coyenewatha. Necapanepa exana po peitorobi coyene weya xua neitoroba xua abe taexanaewa. Matautano necapanepa exana xua po peitorobi coyene weya tupa necana exana. <sup>3</sup> Moisés pia peitorobi coyenewa tatsi jopa itacupaetsi xua jiwi capanenebiya exainchi abe pia peexanae cuiru coyenein weya. Jiwi jopa itacupaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca peru coyene jupa, po peponsi xua abe waexanae jiwichi. Poxonae Cristo tsitupa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacupaenexa tsainchi xua wanaca cana exanaewa tsane xua equeicha abe waexanaewa tsane. <sup>4</sup> Nacom baxua exana xua waxainchi wanaca itacupaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacupa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apra jame exainchi xua pocotsiwa Nacom pia Pejumope tñaxu tatsi wanaca itorobixae.

<sup>5</sup> Pomonaе exana dubenanaebiya pocotsiwa pia pepon ichichipa exana, saya barapomonaе yabara nanta xeina xua abe peexanae coyenewa. Pomonaе exana dubenanaebiya icha pocotsiwa Nacom pia Pejumope tñaxu tatsi ichichipa, barapomonaе saya yabara nanta xeina xua xanepanaya peexanae coyenewa pocotsiwa Nacom nexa. <sup>6</sup> Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coyene. Iru icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumope tñaxu tatsi ichichipa, barapomonaе xeinaena peajuntu yapuswa

po peajuntayarusuwa xua bara ataya tsane. Matautano xeinaena juntema pejinompae coyenewa. <sup>7</sup> Pomonaē saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonaē apara Nacom pia peaitaetaebi jiwichi. Barapomonaē jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacapaetsi xua peexanaewa barapo coyene. <sup>8</sup> Pomonaē naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonaē Nacom jopa tsita xanepanaetsi.

<sup>9</sup> Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompage icha be pocotsi coyeneya Nacom pia Pejumoŋe t̄nax̄u tatsi ichichipa, icha barapo jumope yatsicaewa paca bar̄u jinompa. Pon jopa Nacom pia Pejumoŋe t̄nax̄u tatsi bar̄u poponaetsi, bapon jopa Cristo pijimonaē tatsi. <sup>10</sup> Ichitha icha Cristo paca bar̄u popona, Nacom pia Pejumoŋe t̄nax̄u tatsi paca cana exana xua jopa painya nenatsicuentisiwam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nejt̄nt̄u coyene xanepanaexae Nacomtha. <sup>11</sup> Nacom pia Pejumoŋe t̄nax̄u tatsi Jesús as̄u exanatsi peŋpae cuiru coyene weya. Icha Nacom pia Pejumoŋe t̄nax̄u tatsi paca bar̄u popona, bapoxonaē Nacom as̄u exanaena painya pepon, po pepon xua werapaena. Baxua Nacom pacata exanaena, icha Nacom pia Pejumoŋe t̄nax̄u tatsi ichi poxonaē Cristo as̄u exanatsi peŋpae cuiru coyene weya. Baxua Nacom exanaena painya nepaca bar̄u jinompaexae Nacom pia Pejumoŋe t̄nax̄u tatsi.

<sup>12</sup> Tamonaē pam, paxam pomonaē ir̄u painya nejume cowantsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane. <sup>13</sup> Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonaē pawerapaenama. Ichitha jame paexana dubenanaebiyama pocotsiwa Nacom pia Pejumoŋe t̄nax̄u tatsi paca cui itoroba xua painya neexanaewa tsane. Bapoxonaē jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonaē bexa tsane aj̄nt̄us̄uya pajinompaenama Nacom pia nacuatheicha.

<sup>14</sup> Daxita pomonaē Nacom pia Pejumoŋe t̄nax̄u tatsi itorobiya ewata, barapomonaē bara Nacom pia pexui tatsi. <sup>15</sup> Nacom paca nacana jumope cata. Barapo pejumoŋe jopa paca cana exanaeyo pomonaē be painya nepaca busi cui tatayebeibi jiwī pam xua ichamonaē amanaya painya netanacuiichi jiwī pam, xua daxota equeicha pajunuwame. Jame barapo Nacom pia Pejumoŋe t̄nax̄u tatsi paca cana exana xua Nacom pia pexui tatsi pam. Barapo Nacom pia Pejumoŋe t̄nax̄u tatsi naca exana xua barompaya wajeiwa: “Axa”, wajeiwa Nacomtha. <sup>16</sup> Nacom pia Pejumoŋe t̄nax̄u tatsi ir̄u waj̄nt̄u coyenewa natsipaebabe xua pinae bara Nacom pia pexui tatsi wanaexanaewichiba. <sup>17</sup> Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca juntana jebiwa xua bexa tsane naca catsibina. Barapocotsiwa bayatha yabara naca tsiw̄nae muxu duba. Poxonaē Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonaē naca atene exana, icha poxonaē Cristo ichichi xua matha atene exanatsi ichamonaē, bapoxonaē waxainchi Cristo bar̄u xeinaeinchi pocotsiwa Nacom wanaca juntana jebiwa. Nacom naca catsibina po pexeyina peit̄panae coicha xua bayatha Cristo catatsi.

*Meje yabara xua Nacom piamonaetha catsicaena pia pexeyina peit̄panae coicha*

<sup>18</sup> Xan yaputan xua bequein ichamonaē naca atene exana barapo cae pin nacuathe, baxua jopa ainya cuiyo. Matautano yaputan xua Nacom cata pia pexeyina peit̄panae coicha Jesustha. Barichi naca catsibina barapo pexeyina peit̄panae coicha po pexeyina peit̄panae coicha xua jopa juniya w̄naeyo. <sup>19</sup> Daxita po jiwī Nacom forota barapo cae pin nacuathe, barapo jiwī w̄nae weyataeya ewata po mataqueitha poxonaē Nacom tsita it̄tsina piamonaē. Nacom tsita it̄tsina piamonaē xua daxita jiwī peyaputaenexa tsane xua xaniwaicha barapomonaē apara Nacom pia pexui. <sup>20</sup> Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana j̄nt̄u coyene weta exana xua pejopaewa tsane matakabi po mataqueitha xua barapo cae pin nacue pena nacua naexanaena.

<sup>21</sup> Barapo cae pin nacuathe xua pena nacua, jiwī jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom w̄nae cana exanaena, icha pijimonaetha cana ichi tsane xua pijimonaē tatsi bichocono w̄naeya xanepana

naexanaena. <sup>22</sup> Waxainchi yaputainchi daxita baxuan xua pejinompaewan xua Nacom peforotsiwan caena bayatha atene xua beya anoxuae. Atene icha wabyo ichi xua bichocono atene poxonae imoxoyo pexuyo tanaexantsi. <sup>23</sup> Daxita baxuan meisa jopa ateneyo. Bara iru waxainchi daxitatsi atenetsi bequein Nacom pia Pejumope tñaxu tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajuntucoyenerewetsi xua jantũthũ wecoyeichi, poxonae waxainchi ewatatsi po mataqueitha poxonae Nacom yatsicaewa naca cana exanaena pia pexuichi, xua barichino naca catsibinano pena pepon. <sup>24</sup> Poxonae Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abũ wũnae ewatatsi. Icha waxainchi xainaenchĩ pocotsiwa xua wũnae ewatatsi bapoxonae jopa nantawenonaetsi xua came wũnae ewatatsi, tsipei bayatha xainaenchiba. Poxoru jiton ba jopa came wũnae ewatsiyo pocotsiwa xua bayatha xeinaba. <sup>25</sup> Ichitha icha wũnae ewatatsi pocotsiwa xua came jopa xainaetsi bapoxonae bewa wũnae ewatichi xua jopa bepijawa aitaconaetsi.

<sup>26</sup> Barichi Nacom pia Pejumope tñaxu tatsi naca yawena tsipei waxainchi wajantu coyene faefaenaewi. Waxainchi jopa yaputaetsi xua betiya cuitiya wucatsi Nacom. Ichitha poxonae jantu coyene bojeichi, poxoru jopa wanaca itacũpaewa xua po jumetha wacaunutsiwa, bapoxonae Nacom pia Pejumope tñaxu tatsi nacata wũca Nacomtha. <sup>27</sup> Nacom, bapon yaputane pocotsiwa xua jiwi pia jantu coyenewatha nanta xaina. Matautano barapon yaputane pocotsiwa Nacom pia Pejumope tñaxu tatsi ichichipa pæba jiwi nexa. Nacom pia Pejumope tñaxu tatsi Nacom wucatsi icha be pocotsi coyeneya Nacom ichichipa pomonae xua Nacom piamonae tatsi nexa.

*Meje yabara xua waxainchi amanayabatsi po coyenein xua bequein naca atene exana*

<sup>28</sup> Waxainchi yaputainchi xua daxita po coyenein xua nacata exana bequein wũnae, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonae pia peantobexaetsi. Barapomonae Nacom waba petaexanaewa tsainchi pocotsiwa bapon ichichipa. <sup>29</sup> Caena bayatha poxonae aena naca forota, Nacom tsiwana yaputane barapomonae pomonae pejume cowantsiwichi tsainchi. Matautano Nacom itapeta xua pecana exanaexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi. <sup>30</sup> Pomonae xua Nacom itapeta xua caena bayatha xua copiya poxonae aena naca forota, bara yawano Nacom waba xua peexanaexa pia pexui tatsi. Pomonae Nacom pewabixae bara yawano exana xua barapomonae jopa penatsicuentiwa xua abe peexanaexae pecatsixae pejantu coyene xanepanaewa bapontha. Pomonae xua Nacom pejantu coyene xanepana exanaexae, bara yawano yabara tsiwũnae muxu duta xua barapomonae naexanaena icha be Nacom Pexanto tatsi ichi.

<sup>31</sup> Anoxuae waxainchi yaputainchi xua Nacom naca yawena daxota dapon ajibi pon naca jantu coyene amanayaba xua abe wanaca exanaenexa. <sup>32</sup> Poxoru Nacom Pexanto jopa asiwiyo daxota Nacom copata xua wanaca tsitũpaenexa. Daxita waxainchi yputaenchĩ xua daxota daxitan coyenein Nacom amanaya naca catsiba po coyenein canamatawenonatsi. <sup>33</sup> Dapon ajibi xua itacũpatsi yabara pæba xua pinae Nacom tsita natsicuentatsi pomonae pia peitapetsiwixae tatsi xua abe petsita exanaexaetsi. Nacom yabara pæba xua pinae apara jopa barapomonae tatsi natsicuentisichi xua abe petsita exanaexaetsi bequein abe exana taetha. <sup>34</sup> Matautano dapon ajibi xua itacũpatsi yabara pæba xua barapomonae bewa werapaena penatsicuentisixae xua abe peexanaexae Nacomtha. Barapomonae jopa bewa werapae tsane, tsipei Cristo Jesús tsitũpa barapomonae, abe peexanaexae Nacomtha. Bapon Cristo Jesús equeicha asu exantsi. Anoxuae eca Nacom pia coxa weya tatsi. Bapon Cristo Jesús Paxatha wũca xua nacata wũca. <sup>35</sup> Cristo naca antobe, daxota dapon ajibi pon itacũpatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiwa Cristo naca antobe. Ichacuitha ichamonae daunwei wanacata exanaewichitha awiwa naca antobe. Ichacuitha ichamonae abe wanacata exanaewichiwathatsi wayabara cueicueijeixae Jesús awiwa bapon naca antobe. Ichacuitha wajainpaewichiwathatsi awiwa naca antobe. Ichacuitha wanacata acoibichiwathatsi paparuwa awiwa naca antobe. Ichacuitha wanapeipeichi-wathatsi poxonae ichamonae abe nacata exana awiwa naca antobe. Ichacuitha ichamonae wanaca jutebichiwathatsi awiwa naca antobe. Daxita barapo coyenein jopa canaupaetsi xua tsanayiya wanaca exanaewa Cristo weya. <sup>36</sup> Icha naca ichi daxita barapo coyenein, barichiru Nacom Pejume Diwesitha bayatha baxua yabara naca tsiwũnae muxu duta, jeje: "Nacom poxoru tapaca cajume cowantsi jiwixaetsi daxita maticabin tsaiibi ichamonae ichichipa pana jutebeiba.

Barapomonaē pana necana exaneiba icha jiwi  
 ichi xua poxonae daxita matakabin ovejan  
 capaneiba pon oveja pejutebeibin beya”,  
 jei Nacom Pejume Diwesitha, xua  
 yabara naca tsiwūnae muxu duta.

<sup>37</sup> Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapusa itorobi coyenewatha pon wanaca antobein. <sup>38-39</sup> Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonae tupaethatsi, yawa bara bequein poxonae jinompaethatsi. Iru matatsunpiwi jopa canapaetsi xua tsanayiya wanaca cana exanaewa, bequein iru caurimonaeru, bequein iru pocotsiwan xua anoxuae exanaponaru, bequein iru xua pocotsiwan bexa tsanaru, bequein iru xua pocotsiwan wetsica patopaenano, bequein iru xua pocotsiwan ira wetsinano, bequein iru ichawano xua pocotsiwa Nacom forota. Bara bequein daxita barapo coyenein, ichitha jopa canapaetsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

## 9

### *Meje yabara xua Nacom itapeta judiomonaē*

<sup>1</sup> Pocotsiwan paca tsipaebatsi barapocotsiwan pexainyei jumein. Tajume cowantsixae Cristo, bara jopa naerabinyo. Tajuntu coyenetha Nacom pia Pejumoŋe tūnaxu tatsi neitoroba. Barapon jume daunweya netsipaeba xua pinae bara yatsicaewa xainyeya cueiceijan. <sup>2</sup> Xainyan, wecoyan. Bichocono tamonaē siwa anthuthutanein tsaiŋi jopa pejume cowantsixae Cristo. <sup>3</sup> Bichocono antobein barapomonaē pomonaē tanacuapiwi. Daxota nayabara paeban, janje: Bena bequein siwa tupaŋuaein tamonaē xua bequein tsana tanaexanaewa Cristo weya, xua be poxonae Nacom tsita tanatsicuentsiwa xua barapomonaē abe pia peexanae coyenewan nexa. Bapoxonaē xua Nacom tamonaē pia pecapanenebiyaenexatsi, daxota Nacom copata xua ichamonaē nebexubina, najanje. <sup>4</sup> Pon Israel, pon caena bayatha tupa, bapon nawun cata tamonaetha. Daxota tamonaē “israelmonaē”, baraichi. Bapon pia pemomoxi susato jiwi tatsi pomonaē tamonaexae Nacom barapomonaē pia pexui exana. Barapomonaē bayatha Nacom yanta pona xua daxota barapomonaē tane Nacom pia pexeinya peitupaŋane coicha poxonae xua beta exana barapomonaē nexa, Nacom tsipaeba barapomonaē pocotsiwa xua bapon peichichipaewa. Matautano Nacom yabara tsiwūnae muxu duta pomonaetha pomonaē xua ataya yaweneibina barapomonaē peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonaē po coyene xua barapomonaē xaniwaicha wūnae pejaŋchinexa bapontha. Matautano Nacom yabara tsiwūnae muxu duta barapomonaē xua Cristo pepatopeicaewa tsane. <sup>5</sup> Barapomonaē wamo susato jiwi pia pemomoxi susato jiwi tatsi. Cristo be jiton coyeneya naexana barapomonaē jiwana pomonaē pia pemomoxi susatopiwi jiwana tatsi. Bapon Cristo apara bara Nacom. Barabu Nacom bara ataya wūnae jainteibinchi pon xua daxita coyeneintha canamataxeina.

<sup>6</sup> Ichitha barapomonaē bequein Nacom cata daxita barapo coyenein, daichitha anoxuae barapomonaē jopa Nacom xanepanaya beta tsita jinompaetsi jopa Cristo peyabara jume cowantsixaetsi. Bequein ichamonaē nanta xeinaetsipa xua pinae Nacom Pejume Diwesi jopa ainya cuiyo xua barapomonaē jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonaē nanta xeina. Baraxua jame tsita itapeinya xeina xua apara jopa daxitiyo pomonaē Israel pia pemomoxi susato jiwi tatsi xua Nacom piamonaē tatsi. <sup>7</sup> Matautano Abraham pia pemomoxi susato jiwi tatsi apara jopa daxitiyo barapomonaē xua Nacom piamonaē tatsi. Nacom caena bayatha tsipaeba Abrahamtha, jeye: “Xam xeinaenane pomonaē pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom. <sup>8</sup> Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaē pejume cowantsixae xua Nacom pia peyabara tsiwūnae muxu dutsiwa. Barapomonaē jume cowanta Nacom pia peyabara tsiwūnae muxu dutsiwa xua Cristo capanenebiyaena barapomonaē. <sup>9</sup> Tsipei Nacom tsipaeba Abrahamtha poxonae yabara tsiwūnae muxu duta. Nacom jeye: “Barapo xometotha xua icha weitha taitorobi coyenewatha bapoxonaē Sara pexanto pabetsina pebin wuto xua nexanto tsane”, jei Nacom.

<sup>10</sup> Jopa meisa baxuiyo, ichawano Nacom exana. Sara pexanto tatsi naexana pewn Isaac. Poxonae Isaac pinyo, bapon nacueyoba piowa, pewn Rebeca. Rebeca tanama ecatsibe pebin wutobe. Barapo pexuyobe cae axa nantaubate bapon Isaac, pon wamo susatopin. <sup>11-13</sup> Caena bayatha pewnaeya poxonae barapoyobe jopa naexanaebe, xvano pewnaeya xua poxonae barapoyobe jopa abe exanaeyobe matautano pewnaeya xua poxonae jopa wnae exanaebe, bapoxonae Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jupabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyarin, ichitha nama Esaú naitematan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonae xua peichichipaewa, xua pewabiwa barapomona. Nacom jopa yabara itapetsiyo barapomona peexanaexae pocotsiwa Nacom peichichipaewa.

<sup>14</sup> Ichamona peaba, xua pinae Nacom jopa xapain exanaeyo poxonae caein jiwana itapeta, xua poxonae ichun naitematatsi. Aparajopa xapain wnaeyo xua barapomona Nacom yabara paebatsi. <sup>15</sup> Tsipei Nacom peaba Moisesitha, jeye: “Pomonae wnaeya yabara nanta xeinaein xua tayawenaenexa, barapomona beta yawenaein”, jei Nacom. <sup>16</sup> Baxua naca cuiduba xua jopa jiton itapetichi poxoru wnae peexanaexae. Matautano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxonae Nacom wnaeya yabara nanta xeina xua peyawenaenexa tsane barapomona. <sup>17</sup> Nacom cueicueije pejume diwesitha nacia peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeyina tsita itutsi coyenewa exanaein xua tsita itapeinya xeinaein xua xan xeinan bichocono peayapusu itorobi coyenewa. Matautano exanaein xua daxitan nacuan jiwi taneyabara jume taenexa”, jei Nacom. <sup>18</sup> Daxota yaputainchi xua Nacom itacupatsi xua wnaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichun pejunt coyenetha pexeinaewa po coyene pejumefebi coyenewa. Baxuan Nacom cana exana pomonaetha pomonae Nacom ichichipa xua xeinaena barapo coyenein.

<sup>19</sup> Metha paxam pana nebaram xua barapomona yabara xua pajam: “Poxonae Nacom atene exana pomonaetha pomonae petsita natsicuentisixaetsi xua abe peexanaexae ¿baxua Nacom jopa xaniwaicha exanaeyo jampa? Nacom copata xua barapomona xeina pejunt coyeneintha pejumefebi coyenewan. ¿Barapomona Nacom tsita natsicuentatsi jampa, poxonae Nacom bequein copata baxua jampa?” pajam. <sup>20</sup> Ichitha paca jume notatsi, janje: “¿Paxam pebiwi tsobenae pam! ¿Eta pojiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaexaetsi: ‘¿Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacupaetsi xua pepaebiwa baxua”, paca jeichi. <sup>21</sup> Pon xua juruwato peexanaein bapon itacupatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacupatsi xua pexeinya juruwato exana xua bichocono ainya matoma. Matautano bapon itacupatsi xua bara cana exana xua jopa wnaeyo xua saya pecasetsinexa.

<sup>22</sup> Nacom barichi itacupatsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita ituta pia peanaepanaewa pomonaetha pomonae abe peexanaewi, ichitha jopa cataunxuae baxua exanaeyo. Matautano bequein ichichipa tsita ituta pia peayapusu itorobi coyenewa po coyene xua barapomona tupa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitatemaya taetaepona xua barapomona abe pia peexanae coyenewan, po abe coyenewan xua Nacom anaepana exanatsi. Barapomona muxu pewatereraca exanaetsi abe peexanaexae. <sup>23</sup> Nacom beitatemaya naca taetaepona wanaca tsita itutsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwinaeta xua iru waxeinaenexa Nacom pia pexeinya junt coyenewa xua bichocono peantobewa.

<sup>24</sup> Nacom naca waba pomonaexaetsi pomonae judiomona jiwanaetsi. Matautano Nacom naca waba pomonaexaetsi pomonae jopa judiomona naexanaeyo jiwanaetsi. <sup>25</sup> Baxua Nacom yabara peaba pejume diwesitha pomona yabara, pomona jopa judiomona naexanaeyo po diwesitha ichaxota Oseas tina. Nacom jeye: “Pomonae copiya jopa tamonaeyo, barapomona yabara jan tsane, ‘Apara tamona’, jan tsane. Matautano pomona copiya jopa antobeinyo barapomona yabara jan tsane:

‘Apara taantobe jiwi’, jan tsane.

<sup>26</sup> Matautano ichaxota ba jiwi yabara jan: ‘Paxam jopa tamonaē pam’, jan, baraxota barapomonaē yabara jan tsane: ‘Apara paxam tapexui pam, po Nacomxaein ataya tsitecaeya jiwi asu jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tupa.

<sup>27</sup> Barichi iru Isaías yabara jeye judiomonaē: “Bequein judiomonaē bichocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonaē jiwana pomonaē xua Nacom capanenebiya. <sup>28</sup> Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentisixaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena”, jei Isaías. <sup>29</sup> Isaías copiya yabara tsiwūnaē muxu duta, jeye:

“Nacom apara bapon pon xua itoroba  
daxita coyeneintha.

Bapon wūnaeya naca yabara nanta xeina xua  
wanaca yawenaewa tsane xua awiya be  
conotha pejinompaenexa pomonaē wamomoxi  
susato jiwi jiwana, xua daxita  
jopa peweraweracaewa tsane.

Icha Nacom jopa baxua exanaetsipae, bapoxonaē  
waxainchi bara naca jūta ichipae icha bayatha  
Sodoma tomarapiwi cana ichichi, matautano icha  
matha Gomorra tomarapiwi cana ichichi xua  
daxita weraweraca”, jei Isaías

Nacom Pejume Diwesitha.

*Meje yabara xua judiomonaē jopa jume cowūntsiyo Nacom pia pexeinya jume diwesi tatsi*

<sup>30</sup> Barapo peyabara jūtiya paebiwan naca yaputane exana xua apara pomonaē jopa judiomonaē naexanaeyo Nacom jopa tsitatsi xua barapomonaē penatsicuentisiwa xua abe peexanaexae. Baxua Nacom cana exana barapomonaētha bequein barapomonaē jopa tsaqueinaeyo xua pexeinaewa pejūntu coyene xanepanaewa Nacomtha. Barapomonaē xeina pejūntu coyene xanepanaewa Nacomtha Cristo pejume cowūntsixaetsi. <sup>31</sup> Ichitha nama barapo judiomonaē paeba, jeye: “Nacom naca jūntu coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha. Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba”, jei barapomonaē. Daichitha barapomonaē judiomonaē jopa itacupaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha. <sup>32</sup> ¿Eta xua metha jane xua barapomonaē jopa itacupaetsi xua exana pocotsiwa Moisés pia peitorobi coyenewatha itoroba? Metha poxoru barapomonaē nanta xeina xua poxonaē beta exana bapoxonaē jopa pexeinaewa tsane penatsicuentisiwa Nacomtha. Barapomonaē jopa jume cowūntsiyo xua Nacom itorobica Cristo, daxota barapomonaē Nacom tsita natsicuentatsi xua abe petsita exanaexaetsi. Barapomonaē nacabeta exana, poxonaē jopa jume cowūntsiyo Nacom, atene peexanaexaetsi tsane icha jiton ichi poxonaē xuirapopa ibototha xua pia coutha nacabeta exana xua atene naexana. <sup>33</sup> Nacom Cristo yabara paebatsi pejume diwesitha. Icha jiwi ichi poxonaē nacabeta poxonaē xuirabathopa ibototha, barichi jiwi nacabeta poxonaē Cristo jopa jume cowūntichi. Nacom jeye:

“Jerusalén tomaratha po tomara atororo  
xua po tomara pewūn Sión

barapo tomaratha notsin pon  
jiwi pecapanenebiyaenexa tsainchi.

Jiwi nacabeta exana poxoru barapo jiwi  
jopa jume cowūntsiyo bapontha,  
icha jiwi ichi xua nacabeta exana  
poxonaē xuirabathopa ibototha.

Pon jume cowūntsiyo bapontha, jopa bapana  
jūntu natsepanayae tsane”, jei Nacom.



## 10

<sup>1</sup> Tamonaē pam, paxam pomonaē ira painya nejume cowantsiwixae Jesucristo. Maisa bichocono tajuntũ coyenewatha ichichipan daxota bichocono Nacomtha tsipaeban judiomonaē nexa, xua barapomonaē pecapanenebiyaenexa tsainchi abe pia peexanae cui ru coyenein weya. <sup>2</sup> Barapomonaē yabara paeban xua barapomonaē judiomonaē bequein ichichipa nawita xua Nacom petanacuichi watsi, daichitha jopa yaputaeyo xua pocotsiwa Nacom xaniwaicha ichichipa xua barapomonaē peexanaewa. <sup>3</sup> Barapomonaē jopa yabara yaputaeyo xua pocotsiwa poxonae Nacom juntũ coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomonaē jujũta xua icha barompaya pia cui coyeneyatha exanaena xua bapoxonae pexeinaenexa tsane pejũntũ coyene xanepanaewa Nacomtha xua jopa penatsicuentisiwa xua abe peexanaexae. Barapomonaē jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua bapoxonae jiwi pexeinaenexa pejũntũ coyene xanepanaewa Nacomtha. <sup>4</sup> Barapomonaē jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonae yabara jume cuiya exanaena pinae xeinaena pejũntũ coyene xanepanaewa.

<sup>5</sup> Caena bayatha Moisés yabara paeba xua pinae pia peitorobi coyene tatsi itacũpatsi xua jiwi juntũ coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, bapoxonae bapon bara ataya tsitecaeya poponaena peajũntũ yapuũ coyenewatha”, jei Moisés. <sup>6</sup> Nacom Pejume Diwesitha yabara paeba pomonaē jopa xeinaeyo penatsicuentisiwa Nacomtha pejume cowantsixae Cristotha. Nacom jeye: “Jopa pananthũthũ yainyabinde, jopa pajande: ‘Jĩntam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande. <sup>7</sup> Mataũtano jopa pajande: ‘Jĩntam metha ira bereca ponaena xua Cristo pecatsinaenexa tsainchi barapo cae pin nacuathe xua petũpae cui ru coyene weya?’ jopa pajande”, jei Nacom. <sup>8</sup> Nacom equēicha pejume diwesitha pejũntũ coyene xanepanaewa yabara jeye: “Tajume diwesi bara imoxoyo dubena xua paca itacũpa painya necueicueijeinexa barapo diwesi. Mataũtano paca itacũpa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najũpabe po diwesi xua yabara paca cuidubatsi xua painya nejume cowantsiwa. <sup>9</sup> Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Mataũtano bewa pajume cowantsim painya nejũntũ coyeneintha xua Nacom Jesús equēicha asũ exanatsi petũpae cui ru coyene weya. Bapoxonae Nacom paca capanenebiyaena abe painya neexanae coyenewan weya. <sup>10</sup> Poxonae jiton jume cowanta pia juntũ coyenewatha Jestustha bapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueijeji xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cui ru coyenewan weya.

<sup>11</sup> Nacom Pejume Diwesitha jeye: “Pon jume cowanta Cristotha, Cristo yawenaena xua daxota jopa bapana juntũ coyene natsepanayae tsane”, jei Nacom, xua pejume diwesitha. <sup>12</sup> Nacom jopa tsita seicayatsi daxita jiwi, bara saya tsita najũpatsi, bequein bara metha judiomonaē tsipae irũno metha bequein jopa dapomonaē tsipae pomonaē jopa judiomonaē naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonaē pewũcae jiwixaetsi. <sup>13</sup> Tsipei Nacom Pejume Diwesitha jeye: “Daxita pomonaē wũca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonaē bara capanenebiya tsainchi”, jei Nacom. <sup>14</sup> Jiwi jopa itacũpaetsi xua petsipaebiwa pontha pon jiwi Pecanamataxeinaein icha jopa jume cowantsiyo bapontha. Mataũtano jopa itacũpaetsi xua pejume cowantsiwa pontha pon jiwi Pecanamataxeinaein icha jopa bapana yabara jume yaputae bapontha. Mataũtano jiwi jopa itacũpaetsi xua peyabara jume yaputaewa bapon icha ichamonaē jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein. <sup>15</sup> Mataũtano jiwi jopa itacũpaetsi xua pecueicueijeijiwa xua po diwesi pon jiwi Pecanamataxeinaein peyabara paebiwatsi icha dapomonaē ajibi pomonaē itoroba barapomonaetha xua barapomonaē pecueicueijeinexa. Nacom Pejume Diwesitha yabara jei baxua: “Maisa bichocono daxua wũnae xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

<sup>16</sup> Daichitha jopa daxita jijiwo xua ichichipa pejume taewa barapo pexeinya jume diwesi. Baxua Isaiás yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiawati”, jei Isaiás. <sup>17</sup> Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

<sup>18</sup> Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¿jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonae tatsi capona Nacom  
Pejume Diwesi taju beya.

Po diwesi xua barapomonae paeba taju beya  
jume pichapapona daxita barapo cae pin  
nacuathe”, jei Nacom Pejume Diwesitha.

<sup>19</sup> Equeicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¿jume! ¿Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwunae muxu duta. Moisés tatina Nacom, xua Nacom jeye:

“Ichamonae capanenebiyan pomonae  
jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae  
jopa bichocono peyaputae jiwi.

Paxam paca exanatsi xua baxua paca anaepana  
exana, jei Nacom”, xua Moisés tatina.

<sup>20</sup> Bapoxonae iru pirapae Isaiás atsaquiya yabara tsiwunae muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara  
barapomonae cana exanan xua barapomonae  
neyaputane”, jei Nacom, xua Isaiás tatina.

<sup>21</sup> Equeicha Isaiás yabara tsiwunae muxu duta judiomonae Nacom nexa, xua Nacom jeye: “Daxita matacabi wabeiban barapomonae. Ichitha barapomonae jopa exaneibiyo pocotsiwa itorobeiban tsipei barapomonae tanejume torobabeibi jiwi xua jopa, tanejume cowantsiwa”, jei Nacom, xua Isaiás tatina.

## 11

*Meje yabara xua Nacom itapeta judiomonae piwi pomonae Israel pon caena bayatha tupa bapon piamonae tatsi*

<sup>1</sup> Equeicha nayainyaban najan: ¿Metha bara Nacom torota daxita piamonae israelmonae jampa? najan. Jume apara, tsipei apara xan barapo israelmonae jiwana pin, daxota jopa netorotsiyo, Abraham pia saineiwimonae jiwana tatsin apara, matautano Benjamín pia pemomoxi susato jiwi jiwana tatsin apara. <sup>2</sup> Nacom jopa torotsiyo piamonae pomonae xua caena bayatha peitapetsixae xua cana exana be piamonae tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonae, jeye: <sup>3</sup> “Nacom ponxaem Tanecanamataxeinaem, barapo israelmonae juteba, jutebatsi pomonae jinya neitorobi jume pepaebiwi. Matautano barapo israelmonae cayatsiya abe exana pocotsiwan iboton xua xuan xota duwei yubeibiya jutebathopeiba xua poxonae catsita tuxusi exana. Xan compan napaeban xua pomonae beta necajume cowantsiwi barapomonae jiwanan. Iruru barapomonae ichichipa nebexubaru”, jei Elías poxonae tsipaeba Nacomtha. <sup>4</sup> Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonae, pomonae tanejume cowantsi jiwi. Barapomonae jopa pentabocototha umenaeyo xua poxonae wunae pejainchinexa ibo nacom, po ibo nacom pewun Baal”, jei Nacom. <sup>5</sup> Nama anoxuae awiya barichi israelmonae be conotha pomonae jume cowanta Nacomtha pomonae Nacom peitapetsiwi, pia peantobexae barapomonae. <sup>6</sup> Nacom itapeta barapomonae, pomonaetha pomonae peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonae, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta

jiwi, xua peyabara cui matomatsinexa xua barapo jiwi peexanaexae barapoxonae Nacom be jopa bapana amanaya exanaeyo jiwi nexa.

<sup>7</sup> Daxota yaputainchi xua pinmonae xua barapo israelmonae jiwana jopa catsibichi pejuntũ coyene xanepanaewa xua bequein baxua tsixana nawita po coyenein Moisés itoroba. Jame Nacom cata barapo coyene pomonaetha pomonae peitapetsiwixae, xua pomonae israelmonae jiwana. Barapomonae, pomonae israelmonae jiwana barapomonae Nacom jopa catsibiyo barapo pejuntũ coyene xanepanaewa. Nacom copata xua barapomonae pejuntũ coyenewatha xeina pejume torobabi coyenewa. <sup>8</sup> Nacom Pejume Diwesitha Moisés yabara paeba barapomonae. Moisés jeye: “Nacom copata xua barapomonae xeinaena po juntũ coyene jopa itacũpaetsi xua peyaputaewa. Bequein barapomonae yoroba xua pejume xainyei coyenewa daichitha jopa yaputaeyo. Mataũta bequein barapomonae jume tane pexainyei jume daichitha jopa jume cowũntsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha. <sup>9</sup> Irũrũ David yabara paeba israelmonae poxonae Nacom tapaebatsi. David jeye: “Barapomonae beitatemaya juntũ coyene weiweinapona pin penabanaewantha. Barapomonae nanta xeina xua jopa catsita natsicuentsiyo xua abe peexanaexae. Poxonae barapomonae cataunxuae eexanapona baxua barabũ xam Nacom jemeicha atene cana exanaename barapomonae, jopa pia necajume cowũntsixae.

<sup>10</sup> Daxota barabũ copatsiname xua barapomonae israelmonae jopa yaputaeyo po coyene xua barapomonae catsita natsicuenta abe necatsita exanaexae. Mataũtano barabũ copatsiname xua barapomonae xeinaena po peatene coyenewa anthũthũrewewẽ cana exanatsi xua ataya, abe peexanaexae”, jei David, israelmonae yabara, Nacom Pejume Diwesitha.

*Meje yabara xua pomonae jopa judiomonae naexanaeyo Nacom jume cowũntatsi*

<sup>11</sup> Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowũntsixaetsi ħmetha bara Nacom itawetsina barapomonae xua ataya tsane jampa? ¡Jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiro coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae. <sup>12</sup> Poxoru judiomonae Nacom nawepu tsabatsi daxota Nacom xanepana exana ichamonaetha, xua daxita carepaya barapo cae pin nacuathe. Judiomonae jopa Nacom pejume cowũntsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowũntsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae irũ Cristo jume cowũntsinchi.

<sup>13</sup> Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui. <sup>14</sup> Beexanaein xua tamonae judiomonae paca uwa, xua bapoxonae barapomonae pejume cowũntsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa. <sup>15</sup> Tsipei poxonae Nacom itaweta barapomonae judiomonae bapoxonae Nacom itapeta ichamonaetha pomonae barapo cae pin nacuanpiwi jiwana xua pecanaexanaenexa pia jiwimonae tatsi. Poxonae judiomonae irũ cana exanaeinchi Nacom pia jiwimonae tatsi Cristo pejume cowũntsixaetsi baxua bichocono wũnae tsane be poxonae jiwi equeicha asũ exanatsi petũpae cuiro coyene weya. <sup>16</sup> Ainya pecayabara jũta pepaebi diwesiyo be paca tsipaebatsi. Poxonae jiwi ba pentabũ tsequeta xua cae pan exana pecatsinexa Nacomtha barapo pan matabũyo bara Nacom piawa tatsi. Barichi pepa matabũ barapara Nacom piawa tatsi. Barichi poxonae jiwi ba paeba xua pinae

nae petabũ opina catsina Nacomtha bara Nacom piawa tatsi. Barichi pepa maxũranan barapara Nacom piawa tatsi. Icha barapocotsi naxobe coyenewabe cana ichiya exana jiwĩ, barapocotsi jũta coyeneya Nacom cana exana jiwitha. Poxoru Abraham irũ pomonae Nacom peitorobi jume pepaebiwi barapomonae Nacom piamonae tatsi daxota irũ pia pexui tatsi irũ Nacom piamonae tatsi.

<sup>17</sup> Equeicha pecayabara jũta pepaebi diwesiyo paca tsipaebatsi. Jiwi itacũpatsi xua olivo nae jiwana maxũranan weucuboba po nae ubanota pabitha xua bebai. Icha olivo nae maxũranan jiwana weucuboba, po nae untha uncua. Barapo maxũranan wantha japateita cutsiya duba po naetha po nae uncua pabitha, po nae copiya jiwana maxũranan bebai. Barapo nae tabũ opinan aisa cana exana xua barapo maxũranan beta nacoita tsipei mene nota barapo nae tabũ opina tsina. Bara jũta coyeneya ichi, icha olivo naetha cana ichichi, Nacom jiwĩ barapocotsi coyeneya cana ichi. Nacom jiwana torota po judiomonae jopa pejume cowũntsixaetsi xua baroxonae Nacom paca cana exana piamonae tatsi pam. Nacom paca cana exana xua peajũntũyapũsũwa painya nexeiaewa painya nejume cowũntsixae Jesucristo. Barapo coyene icha be poxonae pemaxũranan cana ichichi poxonae aisa cana exainchi pemene notsixae petabũ opinan tsina, xua beta xu xuwa exana pena maxũranatha. <sup>18</sup> Daxota jopa paatsaquiya aebiya nanta xeinaeinde xua ainya cui jiwĩ pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara jũta paebiwa. Barapo maxũranan jopa apara nacoita exanaeyo barapo nae tabũ opina deca. Jame apara barapo nae tabũ opina nacoita exaneina barapo maxũranantha.

<sup>19</sup> Metha papaebichipame, pajam tsipae: "Nacom torota judiomonae xua wanaca exanaenexa piamonae tatsichi, xua icha jiwĩ cana ichi olivo naetha", pajam tsipae. <sup>20</sup> Metha moya bara xainyei tsipae. Bara Nacom torota barapomonae judiomonae jopa pejume cowũntsiwixaeetsi Jesucristo. Paxam Nacom piamonae tatsi paca cana exana, tsipei saya apara pajume cowũntame Jesucristo, saya meisa baxuaxae. Jopa pana najũntũ coyene yabara atscande xua painya nexeiaenexae pocotsiwa Nacom paca cata. Jame saya dota pam xua jopa xanepanaeya pajume cowũntsim Jesucristo xua daxota Nacom painya nepaca torotsiwa tsane. Jiwi pemaxũranan ucubobiya bebai po nae pabitha uncua. <sup>21</sup> Bara jũta coyene ichi, Nacom torota judiomonae pomonae copiya piamonaexae tatsi jopa pejume cowũntsixae Jesucristo. Nacom bara paca ichipae paca torotsipa icha jopa pajume cowũntsi paem. <sup>22</sup> Anoxuae waxainchi yaputainchi xua Nacom yawena jiwĩ, peantobexae. Yawano yaputainchi xua Nacom ayapube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentisiwa pomonae xua jopa pejume cowũntsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowũnta dubenanaebiyaename. Ichitha icha awiya jopa pajume cocowũntaronaem tsane Nacom paca torotsina. <sup>23</sup> Matautano Nacom itacũpatsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cowũntsinchi. Nacom baxua cana exanaena icha jiton ichi xua equeicha caewa pecoutha japateita cutanota wantha pemaxũrana, po maxũrana bequein ucubiya xuba. <sup>24</sup> Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa piamonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxũrana ucuiba. Equeicha barapo maxũrana icha olivo nae maxũrana wantha japateita cutsiya duta po olivo nae pabitha ubanota. Baroxonae barapo unupi olivo nae maxũranatha pexeinya thei xuwa. Ichitha icha pebin equeicha pita po maxũrana xua ucuiba nepa olivo nae weya yawa equeicha caewa pecoutha japateita cutanota wantha, barapo maxũrana beta xuwa beyacaincha xua xuwa unupi olivo nae maxũrana poxonae japateita cutanota wantha. Icha pebin ichi, Nacom bara itacũpatsi cana exana judiomonaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomonae.

*Meje yabara xua Nacom bexa tsane israelmonae capanenebiya tsainchi*

<sup>25</sup> Tamonae pam, paxam pomonae irũ painya nejume cowũntsiwixae Jesucristotha. Maisa ichichipan xua paxam yabara painya neyaputaewa tsane xua moya peyawũn xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwĩ pam. Meje baxue xua moya peyawũn xeinaewan: Anoxuae israelmonae xeina pejũntũ coyenewatha po coyene xua Nacom pejume torobabi coyenewatsi xua daxota Nacom jopa pejume cowũntsiwatsi. Ichitha jame bexa poxonae abũ daxita carepaya jume cowũntsiwa Nacom pomonae jopa judiomonae naexanaeyo pomonae Nacom itapeta, baroxonae equeicha judiomonae jume cowũntsiwa. <sup>26</sup> Baroxonae daxita israelmonaexae pomonae

judi monaexae pomonae Nacom itapeta, capanenebiya tsainchi abe pia peexanae cui ru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae jiwanatha pomonae Si6n tomara wunmonae.

Bapon juntu coyene wepichina Jacob pia pemomoxi susato jiwi tatsi abe pia peexanae cui ru coyenewan tatsi, pomonae israelmonaexae.

<sup>27</sup> Juntu coyene wepichin barapo judi monaexae abe pia peexanae cui ru coyenewan tatsi.

Barapoxonae cayabara jume weta exanaein pocotsiwa caena bayatha yabara tsiwunaexae muxu dutan barapomonae pia pamo susato jitontha tatsi pon pewun Jacob, pon Israelxae”, jei Nacom Pejume Diwesitha.

<sup>28</sup> Ichamonae xua israelmonae jiwana anoxuae barapomonae Nacom pia peaitafaetabi jiwichi tsipei barapomonae jopa jume cowantsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonae baxua exana, daxota paxam pomonae jopa judi monaexae naexanaeyo pam, bara paca itacupa xua painya nejume cowantsiwa Cristo. Ichitha barapo israelmonae Nacom caena bayatha copi ya itapeta. Barapo israelmonae awiya Nacom antobe, pia pamo susato jiwi tatsi copi ya peitapetsixaetsi. <sup>29</sup> Tsipei Nacom jopa ichawa beya paebiyo. Pocotsiwa Nacom cata equeicha jopa caewa pichiyo. Pomonae Nacom itapeta equeicha jopa itawetsiyo. <sup>30</sup> Paxam pomonae jopa judi monaexae painya nenaexanaewi pam, copi ya paxam jopa painya neexanae jiwi pam pocotsiwa Nacom paca itoroba. Daichitha anoxuae judi monaexae jopa peexanaexae pocotsiwa Nacom itoroba, daxota Nacom wunaeya paca yabara nanta xeina pia nepaca cayawenaewa tsane. <sup>31</sup> Ichitha anoxuae bequein barapomonae judi monaexae jopa exanaeyo pocotsiwa xua Nacom ichichipa, bexa tsane barapomonae judi monaexae jume cowantsina. Poxonae baxua exanaena Nacom, xua wunaeya paca yabara nanta xeina pia nepaca cayawenaewa tsane iru wunaeya yabara nanta xeinaena peyawenaenexa tsane xua barapomonae peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonae Nacom pacata exana. <sup>32</sup> Nacom bara copata xua daxita jiwi bara najupa xua penatsicuentisiwa xua jopa pejume cowantsixaetsi. Nacom bara baxua copata, xua penanta jupiya yawenaenexa daxita jiwi, peantobexae.

<sup>33</sup> ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiwunaexae yaputaeyo peyaputae coyenein xua bexa exanaena! ¡Dapon ajibi pon itacupatsi xua pecayabara yaputaeya paebiwa pocotsiwa Nacom cuita yabara exana! ¡Barichi dapon ajibi pon itacupatsi xua peyaputaewa Nacom pia cui coyenewan tatsi! <sup>34</sup> Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaexae. Matautano dapon ajibi, pon xua Nacom pecuidubi watsi. <sup>35</sup> Matautano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi. <sup>36</sup> Aparta daxita coyenein Nacom forota. Nacom canamataxeina pia peayapusu itorobi coyenewatha daxitan pocotsiwan xua xuan exana. Daxitan bara piawa tatsi. ¡Barabu Nacom wunaexae jainteibatsi xua ataya tsai bi tsane! ¡Je, bara ichi tsane!

## 12

### *Meje yabara xua wajin ompaewa wataexanaenexa Nacom*

<sup>1</sup> Tamonae pam, paxam pomonae iru painya nejume cowantsiwixae Jesús. Paxam payaputaname xua Nacom bichocono naca yawena pia wanaca antobexae. Daxota paca itorobatsi daxita pam. Pana najuntu coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo asu cata xua pebexubinexa Nacom nexa. Poxonae pana najuntu coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wunaexae pajaintsiname Nacom painya juntu coyeneintha. <sup>2</sup> Jopa bara paichiponaexinde xua abe paexanaponame po coyenewan icha ichi xua exana dubenanaebi ya pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha juntu coyene paxename xua beta painya nenanta xeinaponaenexam tsane. Barapoxonae payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua aparta painya neexanaponaewa tsane xua meje: pocotsiwa bara

wɯnae, mataɯtano pocotsiwa Nacom pejuṅtu coyene weiweina exanaewatsi, mataɯtano pocotsiwa daxita bichocono matapaecha xanepana.

<sup>3</sup> Nacom taneantobexae necata barapo peayapusu itorobi coyenewa xua tapaca itorobi-watsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwɯ pam beyacaincha poxonae Nacom pia coutha ainya cui paca cana exana. Nacom paca catsiba pejume cowɯntsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename. <sup>4</sup> Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta juɯae coyeneya exanaeyo. <sup>5</sup> Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowɯntsixae Cristo. Caemonae wanaexanaexae Cristotha, daxota nantiya nayawenatsi.

<sup>6</sup> Nacom daxita carepaya barompaya naca catsiba wajuntu coyeneya waexanae coyenewan, peichichipaexae xua naca yawenaena wanaca antobexae. Barapo juntu coyeney-atha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueiwei coyenewa Nacom Pejume Diwesi. Bapoxonae barapomonae bewa cueicueiwei barapo diwesi jiwitha. Bapomonae bewa exanae baxua daxita po pejume cowɯntsiwatha Nacom bapomonaetha cata. <sup>7</sup> Ichamonaetha Nacom naca jiwana catatsi, po coyene xua ichamonae peyawenaewatsi. Barapomonae bewa moya ichamonae bara beta yawenaetsi. Ichamonae Nacom naca jiwana catatsi po coyene xua ichamonae pecuidubi-watsi. Pomonae yaputane xua pecuidubiwa ichamonaetha, bewa moya bara beta cuidubina ichamonaetha. <sup>8</sup> Ichamonaetha Nacom naca jiwana catatsi peyaputae coyenewa po coyenewa xua pejuṅtu cui coyene tsacabinexa pejume cowɯntsiwi xua junte-ma pejinompaenexa. Pomonaetha Nacom cata barapo peyaputae coyenewa bapomonae bewa moya bara beta juntu cui coyene tsacabina ichamonae. Ichamonaetha Nacom naca jiwana catatsi peyaputae coyenewa po coyenewa xua piawan peroutsuwa ichamonaetha. Bapomonae bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonae canamataxeinaeya itoroba. Bapomonae bewa moya bara saya daunweya beta canamataxeinaeya itorobaponae. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwɯ. Bapomonae bewa moya juntu coyene weiweinaeya yawena.

*Meje yabara xua pocotsiwa bewa exanae pomonae pejume cowɯntsiwi Cristo*

<sup>9</sup> Poxonae pana naantobem xaniwaicha nantiya caemonae pana naantobeinde. Panaitemare abe peexanae coyenewan. Saya naitomatsiya paexanaponde pocotsiwa pexanepanae coyenewan. <sup>10</sup> Bewa caemonae nantiya pana naantobem, icha caepi jiwɯ ichi xua yatsicaewa naantobe xua cae peweicho jiwɯ. Bewa ichamonae pabarɯ cui itura jinaem xua barapomonae peainya cui jiwɯ beyacaincha paxam.

<sup>11</sup> Juntu coyene daunweya patanacuire pon jiwɯ Pecanamataxeinaein. Jopa paacoyene-faetabinde poxonae pata nacuitame. Antucoyeneyapusuwa bapon patanacuire, bichocono painya neichichipaexae.

<sup>12</sup> Painya newanae ewatsixae pocotsiwa xua Nacom paca catsibapaeba bexa daxota pajuntu coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua paajuntucoyenetanem, bara saya junte-ma pajinompare. Jopa paaitaconaeinde. Jopa pana cui barapentsinde xua painya tsipaebiwa Nacom.

<sup>13</sup> Nacom piamonae xua iru pomonae Nacom pejume cowɯntsiwixae tsai payawende pocotsiwa xua barapomonae nantawenona. Pantenta weyataeya wabeibare painya bontha pomonae painya nepaca casuwa poneibiwi, pomonae pejume cowɯntsiwi Nacom pomonae jopa painya yaitaibi jiwɯ.

<sup>14</sup> Pomonae paca atene exana painya nejume cowɯntsixae Jesucristo barapomonae patawɯcare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

<sup>15</sup> Iruɯ pajuntu coyene weiweineibare poxonae ichamonae juntu coyene weiweineiba. Ichacuitha pajuntu coyene wecoyei tsabindeno poxonae ichamonae juntu coyene wecoyei tsaibi.

<sup>16</sup> Pebɯɯya nanta cui juɯaeya pajinompare xua junte-ma nantiya pana nabaru dube-nanaebiyame. Jopa ichamonae paaebinde. Pacana exande painya jiwɯ xua be pomonae pecui pawɯ jiwɯ. Jopa pana nayabara nanta xeinaeinde xua painya neyaputae jiwɯ pam.

<sup>17</sup> Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xeinare xua daxita jiwi xaniwaicha painya netaexanaewa tsane pocotsiwa barapomonaetha tsita cui xanepanatsi. <sup>18</sup> Paexanaponde daxita pocotsiwan paca itacupa, xain bapoxonae juntema pana nabaru jinompame daxita jiwi. <sup>19</sup> Tamonae pam paxam pomonaetha tapaca caantobe jiwichi pam iru painya nejume cowantsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonaetha abe pacata exana. Tsipei Nacom Pejume Diwesitha tatsi baxua yabara jeye: “Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonaetha paca abe exana jei pon Pecanamataxeinaein jiwi”, jei Nacom Pejume Diwesitha. <sup>20</sup> Jopa xuya payantomateibim tsane. Jame paexande xua Nacom Pejume Diwesitha tatsi jeye: “Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae”, jei Nacom Pejume Diwesitha. <sup>21</sup> Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname barapomonaetha pomonaetha painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

## 13

<sup>1</sup> Daxita jiwi bewa exanae pocotsiwa itorobatsi pomonaetha itorobiya pecanamataxeinaein jiwi pomonaetha peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonaetha peayapusu itorobi coyenewa xeina xua pecanamataxeinaewatsi ichamonae saya maisa Nacom bara yabara cui copaba xua barapo jiwi bara pecanamataxeinaewa tsane ichamonae. <sup>2</sup> Daxota icha ichun jume naitemata xua pocotsiwa itorobatsi xua itoroba pon piamonaetha itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonaetha pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae. <sup>3</sup> Pomonaetha beta peexanae jiwi jopa bewa cuitaya junuwi tsane xua pecuitaya junuwiwatsi pomonaetha itorobiya pecanamataxeinaewi. Jame saya maisa pomonaetha abe peexanae jiwi bewa cuitaya junuwina xua pecuitaya junuwiwatsi pomonaetha itorobiya pecanamataxeinaein jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename. <sup>4</sup> Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonaetha abe peexanaewi atene tsane xua penatsicuentatsixae xua abe peexanaexae Nacomtha. <sup>5</sup> Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane. <sup>6</sup> Daxota xain barapomonaetha pacatsibame pematomatsi paratixi pocotsi paratixi jiwi bewa cantsibina pomonaetha pomonaetha itorobiya pecanamataxeinaein jiwi. Tsipei barapomonaetha nantawenona paratixi xua beta pe-eexanaponaewa tsane poxonae Nacom tanacuitapoinchi.

<sup>7</sup> Daxita barapomonaetha barompa paratixi pacatsibare po paratixi bewa pacatsibim barapomonaetha. Pomonaetha painya nepaca canamataxeinaewi pacatsibare daxita po coyenein peyabara matomatsiwan xua xuan paca waca. Daxita pomonaetha pecanamataxeinaein jiwi pabaru cui itura jinare, xua daxota betiya painya nebaru cueicueijejiwa tsane.

<sup>8</sup> Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cowantsiya exana daxita pocotsiwa xua Moisés itoroba pia peitorobi coyenewatha. <sup>9</sup> Moisés pia peitorobi coyenewatha jeye: “Jopa pichinde ichun piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ichun xeina”, jei barapo itorobi coyenewatha. Barapo coyenein xuaunxuae paeban, iruno daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha

naantobem”, jei barapo peitorobi coyenewatha. <sup>10</sup> Pon ba beta antobe tsaibi ichamonae bapana jopa abe taexanaeyo barapomonaetha. Daxota icha antobetsi ichamonae bapoxonae barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

<sup>11</sup> Daxita baxuan bewa paexanaename tsipei payaputaneme xua anoxuae po dapaetha pajinompame bichocono peayapube dapae. Barapo dapaetha tsaca pajinompame, tsipei imoxoyo naca itiya pona po mataqueitha Nacom naca capanenebiyaena. Barapo matakabi imoxoyo beyacaincha xua poxonae aena jume cowantatsi Jesucristo. <sup>12</sup> Pequireiwa ba bewayo caewanaya poxoru matakabi dawetsina. Bara juta coyeneya ichi poxonae pomonae ba abe peexanaewi bara aparta pequireitha abe exana. Barapomona barapenta xua abe exana poxonae matakabi tsuxubi. Barichi waxainchi bewa barapontichi xua abe waexanae coyenewa icha barapomona ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntũ coyene wunaetatsi xua najuntũ coyene ayapusũ exanatsi abe waexanaeyainwa. Baxua icha be poxonae ba soldadopin ichi poxonae matakabitha nacui wunaeta penabinexa. Bapon penaintontha nayaitata xua daxita pepontha xua pebexotsiyainwatsi. <sup>13</sup> Baraba beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacupa exanae dubenanaebiyae tsainchi xua peamenetsaxawa. Matautano jopa bewa ponaeinchi po penabanaewan xua ichaxota pinmonae penacaeuttsiwa yawa abe exana. Jopa bewa nasi cui exanae tsainchi. Matautano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Matautano jopa bewa nauwi tsainchi. <sup>14</sup> Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya juntu coyenein ichichipa xua peexanaewa.

## 14

*Meje yabara xua jopa bewa abeya yabara paebichi po coyene xua pejinompaewa pomonae ira pejume cowantsiwi*

<sup>1</sup> Icha ichũn juntu coyene faefaena pejume cowantsiwa Cristotha, bapon pacana exande be painyamona jwi jiwana pomonae painya nejume cowantsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuiitha po coyeneya xua bapon jopa bewa exanae. <sup>2</sup> Ichamonae ba nanta xeina xua itacupatsi penabanaewa xua daxita coyenein pexaewan. Ichamonae ba pomonae juntu coyene faefaena xua pejume cowantsiwa Cristotha barapomona ira pipexaewa xane jopa pewi xaeyo. <sup>3</sup> Pon penabanaein daxita coyeneya pexaewan, bapon jopa bewa paebi tsane ichantha pontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara ira pexanto tatsi, icha ichi pon jopa penabanaein pewi. <sup>4</sup> Xam jopa bewa daxua paebim tsane xua pon ichũn tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantaũta pon jiwi Pecanamataxeinaein. Bapon jopa nantawenonaeyo xua ira xam canamataxeiname bapon. Saya meisa Nacom itacupatsi xua yabara paeba poxonae po coyene icha bapon wnae exana xuano xua icha jopa xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

<sup>5</sup> Ichamonae nanta xeina xua caentaqueitha bichocono peainya cui matakabi beyacaincha xua icha matakabi tsipei barapo matakabitha xua Nacom wnae pejainchiwatsi. Ichamonae nanta xeina xua daxita matakabin bara najupa xua peainya cui matakabin xua Nacom wnae pejainchiwanexatsi barapo matakabintha. Daxita barapomona bewa barompaya pia juntu coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ichũn yabara nanta xeina. <sup>6</sup> Pon jopa nacuichiyo po mataqueitha xua peainya cui matakabi, bapon baxua exana xua Nacom wnae pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, aparta xua Nacom wnae pejainchinexatsi, pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam daxita coyeneya pexaewan”, jei. Irano pon jopa



pewi xaeyo, bapon barapara xua Nacom w̄nae pejainchinexatsi pon jiwi Pecanamataxeinaein, tsipei bapon jeye: “Nacom maisa j̄nt̄u coyene weiweinan xua tanecatsiwam ira pipexaewa”, jei bapon.

<sup>7</sup> Tsipei dapon ajibi pon waxainchi jiwantsi pomonaexaetsi pomonae wajume cow̄ntsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon t̄paetsipa apara saya poxoru Jesucristo pon jiwi Pecanamataxeinaein bara copata xua bapon pet̄paewa tsane. <sup>8</sup> Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom w̄nae pejainchinexatsi. Icha Nacom pon jiwi Pecanamataxeinaein copata xua bara wat̄paewa tsane barapo coyene bewa cana exanaetsi xua jiwi w̄nae pejainchiwa Nacom. Daxota bequein icha waxainchi jinompaetsipatsi, yawano poxonae bequein icha t̄paetsipatsi bara barapara barapo coyeneinya waxainchi bewa cana exanaetsi xua jiwi Nacom w̄nae pejainchinexatsi pon jiwi Pecanamataxeinaein poxoru waxainchi piamonae tatsichi. <sup>9</sup> Daxota Cristo t̄pa, yawano equeicha as̄u popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonae werapa ir̄no pomonae cataunxuae jinompano.

<sup>10</sup> Daxota dapon ajibi pon paxam jiwana pam pon bewa yabara paebina pomonaetha pomonae ir̄u pejume cow̄ntsiwi Cristo, xua pejeiwa: “Barapomonae Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonae ir̄u pejume cow̄ntsiwi, xua jei: “Maisa barapomonae jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha. <sup>11</sup> Tsipei Nacom Pejume Diwesitha jeye:

“Xan bara xaniwaicha yabara paca tsiw̄nae muxu dutatsi xua daxita jiwi patsina xua pentabocotha peumenaenexa taitabaratha tanew̄nae jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei tsane”, jei Nacom pon jiwi

Pecanamataxeinaein xua Pejume Diwesitha.

<sup>12</sup> Bapoxonae barapo mataqueitha yabara cueicueijei tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha w̄nae exainchi yawano icha bara metha abe exainchi.

*Meje yabara xua jopa bewa exanaetsi pocotsi coyeneya pomonae pejume cow̄ntsiwi abe peexanaewa tsane*

<sup>13</sup> Daxota waxainchi jopa bewa yabara nantiya namuxutainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonaee pomonae ir̄u pejume cow̄ntsiwi xua pocotsi coyeneya barapomonae peexanaewa tsane xua daxota jopa pejume cow̄ntsiwa tsane Nacom. <sup>14</sup> Tsipei xan tajume cow̄ntsixae Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanej̄nt̄u coyene taxobiwa xua icha taxaewa tsane. Ichitha icha ich̄n yabara nanta xeina xua po pexaewa betaxobichipatsi icha xaetsipa bapoxonae bara tsita xainye-ichi, betaxobichipatsi icha xaetsipa. <sup>15</sup> Ichitha icha paxaetsipame pocotsiwa xua painya jiton jopa ichichipaeyo xua pexaewa, pon ir̄u pejume cow̄ntsin bapoxonae peantobe coyenewa jopa patsita xeinaem bapon. Painya xoba paexaname pocotsi coyenetha xua ich̄n baraxuba Nacom xua poxoru pocotsiwa painya nexaexae. Tsipei apara Cristo bayatha tsit̄pa bapon. <sup>16</sup> Paxam pananta xeiname xua bara w̄nae paexaname po coyenein ichamonae tsita abetsi pej̄nt̄u coyenein taxobixaetsi. Bequein baxua payabara nanta xeinaetham tsipae ichitha jopa paexanaemtsipae barapo coyenein. Tsipei icha paexanaetsipame barapo coyenein, ichamonae yabara jei tsipae barapo coyenein: “Maisa po coyenein barapomonae exana bichocono abe”, jei tsipae. <sup>17</sup> Nacom ichichipa xua waxainchi peb̄n̄ya j̄nt̄ema wajinompawewa. Daxota poxonae Nacom naca itoroba po coyene yabara po coyeneya bewa nabar̄u jinompaeinchi, jopa yabara paebi tsainchi xua po peitorobi coyenein xua waxaewa yawa waapaewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi pej̄nt̄u coyene xanepanaewa. Matautano bewa pinae j̄nt̄ema nabar̄u jinompaeinchi Nacom nexa. Matautano bewa j̄nt̄u coyene weiweinaeya jinompaeinchi. Daxita barapo coyenein xeinatsi wanaca cat-sibixae Nacom pia Pejumoore t̄nax̄u tatsi. <sup>18</sup> Poxonae barapo coyeneya Cristo taexainchi

bapoxonae Nacom tsita xanepanatsi pocotsiwa xua exainchi. Matauta jiwi naca yabara paeba xua pinae bara beta exainchi.

<sup>19</sup> Daxota bewa waxainchi exaneibinchi pocotsi coyenein xua juntea nabaꝛu jinompatsi exanatsi. Yawano bewa exaneibinchi pocotsi coyeneintha xua nantiya jume cowaꝛntaponatsi naexainchi. <sup>20</sup> Jopa bewa paxaem ichuꝛn peitabaratha pon painyamonaꝛe jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon iru metha xaetsipa barapo pexaewa. Bapoxonae bapon nanta xeinaetsipa xua bapon pomonaꝛe jiwana pomonaꝛe penatsicuentiwa Nacomtha xua abe peexanaeaxe. Painya xaexae bapon pacana exaname xua jopa beta pejume cowaꝛntsiwa Nacom. <sup>21</sup> Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Matautano jopa bewa paapaem peamenetsaxawa. Matautano jopa bewa paexanaem pocotsi coyenewatha painya jiton exanaena pon iruꝛ pejume cowaꝛntsin Cristo xua abe peexanaewa tsane. <sup>22</sup> Icha paxam pajume cowaꝛntame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca juntuꝛ coyene taxobiyo saya jame meisa Nacomtha yabara patsipaebare baxua. Painya xoba ichamonae yabara patsipaebame pexaewa po pexaewa barapomonaꝛe jopa babana xae. ꝑMaisa juntuꝛ coyene weiweina pon daxita coyeneya pexaewa penabanaein pon pia juntuꝛ coyenewa jopa tsipaebichi xua pinae penatsicuentiwa xua abe peexanaeaxe Nacomtha poxonae barapo pexaewa xane! <sup>23</sup> Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonae daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowaꝛntichi xua waexanaewa pocotsiwa Nacom ichichipa bapoxonae barapara abe exanatsi, poxonae baxuan exanatsi.

## 15

### *Meje yabara xua pocotsiwa bewa exanaetsi xua ichamonae tsita xanepanatsi*

<sup>1</sup> Waxainchi pomonaetsi pomonaꝛe ajuntuꝛcoyenesutsi xua wajume cowaꝛntsiwa Cristotha. Daxota bewa yawenaetsi pomonaꝛe xua juntuꝛ coyene faefaena xua pejume cowaꝛntsiwa Cristotha xua barapomonaꝛe awiya jume cowaꝛntsina. Jopa meisa bewa exanaetsi pocotsiwa xua waxainchi wacoꝛya ichichipatsi. <sup>2</sup> Daxita waxainchi bewa exanaetsi pocotsi coyenewa tsita coyene xanepanatsi pomonaꝛe ichamonae pomonaꝛe iruꝛ pejume cowaꝛntsiwi pocotsi coyenetha xua barapomonaꝛe yawenatsi xua pejume cowaꝛntaponaeaxa. <sup>3</sup> Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonae abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonae jinya necaifaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha. <sup>4</sup> Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawunaꝛe ewatsinexa. Xeinatsi baxua poxoru Nacom Pejume Diwesi naca cana exana xua jopa dapo coyene xeinaetsi xua bepijawa aitaconaetsi xua bequein ichamonae abe nacata exana. Yawano barapo diwese naca cana exana xua najuntuꝛ coyene tsacabatsi xua wajume cowaꝛnta dubenanaebiyaewa. <sup>5</sup> Nacom bapon naca cana exana xua jopa bepijawa aitaconaetsi yawano xua naca juntuꝛ coyene tsacaba exana. Barabuꝛ barapon Nacom paca yawena xua pebuꝛaya nanta juꝛiya pananta xeiname xua painya nabaꝛu exanaewa tsane, icha be pocotsi coyeneya Cristo Jesuꝛ exana. <sup>6</sup> Barabuꝛ be caemonaꝛe pana nabaꝛu wunaꝛe jaintame Nacom, pon Jesucristo Paxa tatsi, pon Jesucristo Wanacanamataxeinaein.

### *Meje yabara xua po coyene pomonaꝛe jopa judiomonae naexanaeyo tsipaebatsi Nacom pia pecapanenebiyae diwesi jume*

<sup>7</sup> Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi wunaꝛe pejainteibinexa Nacom painya neexanaewamxae baxua. <sup>8</sup> Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwunaꝛe muxu duta wamo susato jiwitha. <sup>9</sup> Yawano Cristo daxota patopa xua pomonaꝛe jopa judiomonae naexanaeyo wunaꝛe pejainchinexa Nacom xua Nacom wunaeya peyabara nanta xeinaeaxe xua peyawenaenexa barapomonaꝛe. Nacom Pejume Diwesitha baxua yabara jeye xua Cristo paeba paxatha:

“Wunaꝛe cajaintatsi daxita nacuan

jiwitha pomonae jopa judiomonae  
naexanaeyo pia xantha tatsi.

Wunaē cajaintatsi xua poxonae cata  
naxh̄natsi”, jei Nacom Pejume  
Diwesitha xua Cristo Paxatha paeba.

<sup>10</sup> Equeicha Nacom Pejume Diwesitha jeye:  
“Barab̄u daxita nacuan jiwī caemonae nabaru  
junt̄u coyene weiweinaena pomonae Nacom  
itapeta xua pecana exanaenexa piamonae tatsi”,  
jei Nacom Pejume Diwesitha.

<sup>11</sup> Equeicha Nacom Pejume Diwesitha jeye:  
“Barab̄u daxita pam pomonae jopa judiomonae  
naexanaeyo pam wunaē pajainchiname  
pontha pon jiwī Pecanamataxeinaein.  
Matautano barab̄u daxita nacuanpiwi  
wunaē jainchina bapontha”, jei  
Nacom Pejume Diwesitha.

<sup>12</sup> Equeicha Nacom Pejume Diwesitha xua Isaías tatina, jeye:  
“Pebin patopaena pon Isai pia pemomoxi  
susato jiwī jiwana tatsi,  
pon David paxa tatsi.

Bapon Nacom cana exana xua bapon itorobiya  
pecanamataxeinaenexa tsane pomonae  
jopa judiomonae naexanaeyo.  
Barapomonae jume cowh̄ntsiya wunaē ewatsina  
xua barapon barapomonae pecapanenebiwa  
tsainchi abe pia peexanaexae cuiru  
coyenein weya tatsi”, jei Isaías  
Nacom Pejume Diwesitha.

<sup>13</sup> Barab̄u Nacom pon naca cana exana xua wawunaē ewatsiwa Cristo bichocono paca  
junt̄u coyene weiweina exanaena. Matautano barab̄u Nacom junt̄ema jinompa paca cana  
exanaena. Nacom baxua pacata exana painya nejume cowh̄ntsixae bapon. Baroxonae  
barab̄u Nacom paca cana exana xua jopa juniya painya newunaē eewataponaeewa tsane  
Cristo. Nacom pia Pejumope t̄nax̄u tatsi baxua paca cana exana pia peayapus̄u itorobi  
coyenewatha.

<sup>14</sup> Tamonae pam, paxam pomonae ir̄u painya nejume cowh̄ntsixae Jesucristo. Bara  
xaniwaicha beta yaputan, xua paxam beta painya neexanaewam po peantobewa xu-  
aunxuae yabara paca tsitinatsi. Matautano paxam payaputaneme daxita xua pocotsiwa  
bewa paexanaename. Matautano payaputaneme xua po coyene bewa nantiya pana  
namuxuwetsim. <sup>15</sup> Barapo cartathe pecono jumeyoṯa atsaquiya pacata tinatsi. Baxuan  
xua pocotsiwan pacata tinatsi jopa ichipaeinyo xua painya nejunt̄emainaewa. Daxota at-  
saquiya pacata tinatsi baxuan Nacom tanebar̄u cui itura jinaexae poxonae necata barapo  
tanacuichiwa. <sup>16</sup> Nacom neitoroba xua Jesucristo tatanacuichinexa tayawenaenexa  
pomonae jopa judiomonae naexanaeyo. Tanacuitan Nacom poxonae cueicueijan Nacom  
pia pecapanenebiyae diwesi jume pomonaetha pomonae jopa judiomonae naexanaeyo.  
Barapomonae pejume cowh̄ntsixae Cristo, Nacom pia Pejumope t̄nax̄u tatsi cana exana  
xua barapomonae pejunt̄u coyene xanepanaewa Nacomtha. Po coyene exanan baxua  
be po coyene icha sacerdotemonaepin ichi. Poxonae bapon duwei jiwī tsitautatsi abe  
pia peexanae coyenein nexa tatsi bapoxonae barapo jiwī Nacom petsita junt̄u coyene  
xanepanaewichi.

<sup>17</sup> Tajume cowh̄ntsixae Cristo Jesús daxota bichocono netsita xanepana xua tataex-  
anaexae barapo penacuichiwa xua Nacom nexa. <sup>18</sup> Jopa yabara paebinyo xua Cristo exana  
ichamonae nexa. Saya meisa bichocono netsita xanepana pocotsiwa xua Cristo exana xan  
nexa. Cristo neyawena xua pomonae jopa judiomonae naexanaeyo pejume cowh̄ntsinexa  
Nacom. Barapomonae Nacom jume jejeichi poxonae jume tane pocotsiwa cueicueijan  
xuanō xua tane pocotsiwan xua exananno. <sup>19</sup> Nacom neexana xua pia Pejumope t̄nax̄u  
tatsi pia peayapus̄u itorobi coyenewatha exanan pexeinya petsita it̄ubi coyenewan po  
coyene jiwī junt̄u coyene nabenaeca cana exainchi. Daxota poxonae Jerusalēn tomara  
wewarapiyan daxita jiwitha cueicueijan tsoponae Nacom pia pecapanenebiyae diwesi  
jume xua Cristo yabara. Baxua exanan beya Iliria nacuatha yacui jopan. <sup>20</sup> Daxota  
ichichipeiban xua tacueicueiweiwa Nacom pia pecapanenebiyae diwesi jume xua Cristo  
yabara ichaxota cataunxuae jiwī jopa yabara jume taeyo Cristo. Jopa becueicueijanyo

Nacom Pejume Diwesi ichaxota ichamonae copiya bayatha cueicueijeje barapo diwesi. <sup>21</sup> Poxonae xan baxua exanan, exanan be pocotsiwa bayatha Nacom Pejume Diwesiha pepaebixae, xua Cristo yabara jeichichi: “Pomonae cataunxuae jopa tsipaebichi po diwesi xua bapon peyabara paebiwatsi, barapomonae jume taena, xua bapon yabara jume taeinchi. Bapoxonae barapomonae yaputaena po diwesi xua bapon peyabara paebiwatsi xua daxota bapon jume cowantsinchi”, jei Nacom Pejume Diwesiha tatsi.

*Meje xua poxonae Pablo paeba xua pinae beponaena Roma tomara beya*

<sup>22</sup> Ichamonae tatsipaebaponaexae barapo diwesi jopa neitacupaeyo xua tapaca casiwa ponaewatsi. Bequein bayatha ichichipeiban xua tapaca casiwa ponebiwa tsainchi ichitha jopa neitacupeibiyo. <sup>23</sup> Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi. <sup>24</sup> Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejuntu coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapana neyawenaewam tsane pocotsiwa nantawenonan tawarapaewanexa poxonae painya tomara weya ponaein. <sup>25</sup> Ichitha anoxuae copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae iruru pejume cowantsiwi Cristo. <sup>26</sup> Macedonia nacuapiwi iruru Acaya nacuapiwi pomonae pejume cowantsiwiwaxe Cristo daxita barapomonae pia coya juntucuru exana po coyene tsita coyene xanepanatsi. Barapomonae taitoroba paratixi Jerusalén tomarapiwi nexa, pomonae peacopebiwi pomonae iruru jume cowanta Jesús icha paxam paichim. <sup>27</sup> Barapo pejume cowantsiwi pomonae Macedonia nacuapiwi iruru Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichun. Ichitha barapomonae bewa yawenaena pomonaetha pomonae acopebiwi. Barapomonae pomonae jopa judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawena barapomonaetha judiomonaetha pocotsiwantha xua barapomonae pexeinaexae Nacom weya. <sup>28</sup> Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya. <sup>29</sup> Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita juntu coyene xanepana xua daxota painya nejuntu coyene weiweinaewa tsane.

<sup>30</sup> Tamonae pam, paxam pomonae iruru painya nejume cowantsiwiwaxe Jesucristo. Paca wucatsi xua be caemonae panaexande xua ajumesaya daunweya painya pana nebaruru tsipaebinxae Nacomtha xua bapon tana neyawenaewa tsane xua tatanacuichiwa bapon. Baxua paca wucatsi iruru painya jume cowantsixae Jesucristo pon Wanacanamataxeinaeinxae. Barichi paca wucatsi iruru painya xeinaexae po peantobe coyenewa Nacom pia Pejumo pe tana xuru tatsi naca cata. <sup>31</sup> Nacomtha painta tsipaebare xua jopa abe tana nexanaenexa pomonae Judea nacuaetha pejinompaewi, pomonae jopa pejume cowantsiwi. Matautano Nacomtha painta tsipaebare xua barapo Jerusalén tomarapiwi pomonae pejume cowantsiwi jiwu tantenta cobe wenotsinexa barapo paratixi. <sup>32</sup> Bapoxonae icha Nacom ichichipaena juntu coyene weiweinaya paca siwa patopaeinchi. Matautano nafi-fina caewatsin xua tapaca casiwa ponaewatsixae tsainchi. <sup>33</sup> Baraburu Nacom pon juntema jinompa naca cana exana paca baruru poponaena daxita. Je, bara ichi tsane.

## 16

*Meje yabara poxonae Pablo jacobae Roma tomarapiwi*

<sup>1</sup> Anoxuae yabara paca tsipaebatsi powa pewun Febe, powa beta peexanaewayo. Baropowa paca siwa ponaena. Baropowa be wamcho watsicotaewa iruru pejume cowantsixae Jesús. Baropowa Nacom tanacuítatsi xua yawenatsi pomonae pejume cowantsiwi jiwu Cerea tomaratha. <sup>2</sup> Baropowa wunaeya pantenta weyataeya wabare Jesucristo piamonae jiwanaxae pon Wanacanamataxeinaein. Baxua bewa paexanaem icha pomonae pejume cowantsiwi ichi xua bewa nantiya nantenta weyataeya wabeibina. Baropowa payawende xua pocotsiwa baropowa nantawenona, tsipei baropowa bayatha yawena nawita pin bicheitomnae. Yawano baropowa bayatha iruru neyawena.

<sup>3</sup> Painta jacobare powa pewun Prisca. Iru painta jacobare, pia pebin tatsi, Aquila, tsipei baru nacuitanbe barapo tanacuichiwa po coyenein exanan Cristo Jesús nexa. <sup>4</sup> Baraponbe bara muxu petupaebe tana necapanepaenexabe poxonae ichamonaе juntucuru muxu tana nebexubi. Daxota xan baranbe: “Maisa juntu coyene weiweinan xua tapaneyawe-naemxaebe”, jan. Barichiru daxita pomonaе Nacom pejume cowantsiwichi pomonaе jopa judiomaе naexanaeyo pomonaе Nacom petsita nacaetuteibiwichi xua wunaе pejain-teibinexatsi, jeye: “Maisa pajuntu coyene weiweinan xua paxambe pana neyawename xua Pablo jopa petupaewa”, jei. <sup>5</sup> Iruno painta jacobare pomonaе nacaetuta Prisca pia pebinbe pia botha tatsibe. Matautano painta jacobare Epeneto pon tajiton, pon bichocono antobein. Bapon pon copiya jume cowanta Cristo Asia nacuatha. <sup>6</sup> Matautano painta jacobare Maria. Barapowa powa bichocono pacata nacuita. <sup>7</sup> Matautano painta jacobarebe Andrónico iru Junias ponbe iru judiomaepinbe icha xan ichin. Baponbe neyawa baru muxuna etabe jiwi pecubi botha. Matautano baponbe Jesucristo pia peitorobi jiwi tatsi jiwanae. Jiwi beta yaputaena xua baponbe bara Jesucristo pia peitorobi jiwi jiwanae tatsi. Baponbe caena bayatha netsiwana jume cowantabe Cristo.

<sup>8</sup> Painta jacobare Ampliato pon tajiton, pon bichocono antobein, pon iru pejume cowantsixae pontha pon jiwi Pecanamataxeinaein. <sup>9</sup> Painta jacobare Urbano, pon xua naca baru muxuna tanacuita Cristo. Matautano painta jacobare Estaquis, pon tajiton, pon bichocono antobein. <sup>10</sup> Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowantsiwatsi poxonaе bequein abe taexaneibatsi ichamonaе. Matautano painta jacobare Aristóbulo piamonaе tatsi. <sup>11</sup> Matautano painta jacobare Herodión pon iru judiomaepinbe icha xan ichin. Iru painta jacobare Narciso piamonaе tatsi pomonaе pejume cowantsixaeru pontha pon jiwi Pecanamataxeinaein. <sup>12</sup> Iru painta jacobare powa Trifena iruno powa Trifosa. Barapowayobe, powayobe iru tanacuitabe xua pon jiwi Pecanamataxeinaein tanacuitatsibe. Iru painta jacobare Pérsida powayojajitwayo, powayoj antobein iruru pejume cowantsixaeru. Barapowa iruru nawita daunweya tanacuitaru xua pon jiwi Pecanamataxeinaein daunweya tanacuitatsi. <sup>13</sup> Iruno painta jacobare pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Iruno painta jacobareno bapon Rufo pena tatsi, powa iru be taena tsicotan. <sup>14</sup> Iru painta jacobare pon Asíncrito, iruno pon Flegonte, iruno pon Hermes iruno pon Patrobas, iruno pon Hermas. Iruno painta jacobare daxita pomonaе iru pejume cowantsiwixae Cristo pomonaе xua baru jinompatsi barapomonaе. <sup>15</sup> Matautano painta jacobare pon Filólogo. Iruno painta jacobare powa Julia. Iruno painta jacobare pon Nereo, iruno Nereo pamcho tatsi. Iruno painta jacobare pon Olimpas. Matautano painta jacobare daxita pomonaе iru pejume cowantsiwixae Cristo, pomonaе baru jinompatsi barapomonaе.

<sup>16</sup> Betya painta nantiya pana nacobe najacobare painya neantobewaxae Cristo. Daxita barapomonaе pomonaе Cristo pejume cowantsiwichi pomonaе xote jinompe, daxita barapomonaе paca jacoba.

<sup>17</sup> Tamonaе pam, paxam pomonaе iru painya nejume cowantsiwixae Jesucristo. Paxam paca muxuwetatsi xua dota pam painya necui naitawatsinexa pomonaе xua tsana paca necaexanae jiwi xua ainya bicheitobe paca cana exana. Barapomonaе pacata ayapube exana xua painya nejume cowantsiwa Cristo. Barapomonaе catsawa yabara jume toxeinchiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonaе taju pajume cuitaya ponde. <sup>18</sup> Barapomonaе jopa tanacuichiyo xua Jesucristo jopa tanacuichichi pon Wanacanamataxeinaein. Barapomonaе saya nacuita xua saya pia coutha peexanaenexa xua pocotsiwa barapomonaе ichichipa xua peexanaewa. Barapomonaе muxujainyaba nawita pomonaetha pomonaе be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume. <sup>19</sup> Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono juntu coyene weiweinan. Ichichipan xua painya nexainaewa tsane painya neyaputae coyenewan po coyenewan xua peexanae coyenein painya neexanaenexa. Matautano ichichipan xua jopa painya neexanaewa tsane icha be ichi xua poxonaе exana pomonaе jopa peyaputaewi, xua jopa abe painya neexanaewa tsane. <sup>20</sup> Nacom bapon apara pon juntema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabu Jesús, pon Wanacanamataxeinaein, paca yawenaena pia paca nacaantobexae.

<sup>21</sup> Iruno Timoteo paca jacoba pon nebaru nacuita Jesucristo nexa. Matautano pon Lucio, iruno pon Jasón, iruno pon Sosipater, barapoyobe paca jacoba. Barapoyobe iru judiomaepinbe, icha xan ichin.

<sup>22</sup> Xan Tercio, barapo carte saya tatinan Pablo. Xan bapon irurũ paca jacobatsi irurũ taantobexae pon jiwi Pecanamataxeinaein.

<sup>23</sup> Irurũ pon Gayo bapon paca jacobata. Xan Pablon bapon Gayo pia botha tatsi anoxuae poponan. Baxota pia botha tatsi tanacaetutatsi pomonae pejume cowantsi jiwi, Nacom wũnae pejainchinexatsi. Irũno Erasto paca jacobaru pon paratixi peenaein Corinto tomaratha xua Corinto tomarapiwi pia paratixi tatsi. Irũno Cuarto bapon paca jacobata, pon irũ pejume cowantsin Cristo.

<sup>24</sup> Barabũ Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

*Meje xua Pablo Nacom wũnae jaintatsi poxonae najume opi duta exana barapo carte*

<sup>25</sup> Barabũ wũnae jaintatsi Nacom. Nacom itacũpatsi xua paca ajũntũyarusũya cana exana xua beta painya nejume cowantsinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena nacua forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei abũ be namicha jume yawũn xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi. <sup>26</sup> Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Mataũtano jiwi yaputane poxoru Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cowantsinexa Cristo. Mataũtano jume tane exana xua barapo jiwi peexanaewa tsane pocotsiwa Nacom itoroba.

<sup>27</sup> Barabũ Nacom wũnae jaintatsi, pon meisa compa yatsicaewa daxita peyaputaein. Jesucristo naca cana exana xua Nacom wũnae wajainchiwa xua ataya nexa. Je, bara ichi tsane.

Baja Pablo.

## Meje Po Carte Copiya Tatina Pablo Corinto Tomarapiwi Tatinatsi

*Meje poxonae Pablo tatina Corinto tomarapiwi*

<sup>1</sup> Xan, Pablon, pacata tinati Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinati. <sup>2</sup> Paxam pomonaе painya nejume cowantsi jiwi pam Corinto tomaratha. Barapomonaе pam pacata tinati pomonaе Nacom piamonaе tatsi pam painya neyawa jinompaexae Cristo Jesús. Nacom paca waba painya nenajuntu coyene wanae exanaenexa Nacomtha. Pacata tinati daxita nacuapiwi pam, pomonaе iru painya nejume cowantsiwixae pam Jesucristo, xua pomonaе painya newun ununeibiwi Jesús pewun poxonaе pawuqueibame Nacomtha. Bapon Jesucristo Wanacanamataxeinaein iruru daxita nacuanthapiwi pomonaе pejume cowantsiwi barapomonaе pia Pecanamataxeinaeinchi tatsi. <sup>3</sup> Barabu Nacom Waxa, iru Jesucristo pon jiwi Pecanamataxeinaein juntema jinompa paca exanaena. Matautano barabu baponbe paca yawenaena pia paca necaantobewaxae.

*Meje poxonae Pablo tawuca Nacomtha Corinto tomarapiwi*

<sup>4</sup> Daxita matabi tsaibi Nacomtha pacata tsipaеbeibatsi, jan tsaibin: “Nacom maisa juntu coyene weiweinan xua barapomonaе tana neyawenaewa xua Cristo Jesús peantobexae barapomonaetha”, jan tsaibin. <sup>5</sup> Painya neyawa muxuna jinompaexae Cristo, daxota Nacom peayarusawa jopa juniya paca catsiyo xua xaniwaicha painya nepaеbiwa pejume diwesi. Barapon Nacom paca cata po coyene beta yabara painya neyaputaewa bapon. <sup>6</sup> Po diwesi paca tsipaеbatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanaponaе. <sup>7</sup> Paxam paxeinae pocotsiwa Nacom pia Pejumope tanaxu tatsi paca cata, daxita xua pocotsiwan panantawenonaе xua betiya painya nejinompaewa tsane Nacom nexa. Daxita baxuan paxeina dubenanaеbiyaеname poxonaе cataunxuae pawunaе ewatsinaеname xua poxonaе Jesucristo po mataqueitha equeicha patopeicaena pon Wanacanamataxeinaein. <sup>8</sup> Nacom paca yaweneibina xua paajuntusaya jinompaеname beya poxonaе Jesucristo equeicha patopaetsica. Dapon xain aibi tsane pon paca yabara paеba xua painya natsicuentasiwa xua abe painya neexanaexae Nacomtha xua poxonaе equeicha patopaetsica pon Wanacanamataxeinaein Jesucristo. <sup>9</sup> Nacom bara ataya exaneiba pocotsiwa pia petsiwanae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein, Nacom Pexanto tatsi.

*Meje poxonae Pablo yabara paеba po coyene pomonaе pejume cowantsiwi Cristo xua natsaba nacana exana*

<sup>10</sup> Tamonaе pam, paxam pomonaе iru painya nejume cowantsiwixae Jesucristo. Jume daunweya paca tsipaеbatsi tajuntu coyenetha tsipei daxita paxam Jesucristo piamonaе tatsi pam pon Wanacanamataxeinaein. Caemonaе peburaya cuita pacueicueijan tsurubenaеbiyama. Jopa pana najume matsontsonobinde xua daxota painya nenatsabiwam tsipae. Jame maisa peburaya pananta xeinare xua be bara caemonaе pam. <sup>11</sup> Tamonaе pam, pomonaе iru painya nejume cowantsiwixae Jesucristo. Daxota baxua paca tsipaеbatsi, yaitama yabuyo powa pewun Cloé piamonaе tatsi netsipaеba pinaе paxam nantiya pana najume matsontsonoba dubenanaеbiyame. <sup>12</sup> Jume tan xua paxam jiwana xua barompaya tsanaya paеba, jeye: “Pablo yabara jume cowantan pocotsiwa cuiduba”, jei. Ichamonaе jeye: “Apolos yabara jume cowantan pocotsiwa cuiduba”, jei. Ichamonaе jeye: “Pedro yabara jume cowantan pocotsiwa cuiduba”, jei. Ichamonaе jeye: “Cristo yabara jume cowantan pocotsiwa cuiduba”, jei. <sup>13</sup> Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetho. Jopa apara paca bautisabichi tawuntha xua daxota tamonaе painya nenaexanaenam. <sup>14</sup> ¡Pai jaibo! ¿Incane metha barichipaеin? ¿Incane metha bautisabichipan? Daxota Nacom tsipaеban janje: “Nacom maisa juntu coyene weiweinan xua barapomonaе jopa tabautisabiwa”, jan. Saya meisa bautisaban Crispo iruru Gayo. <sup>15</sup> Daxota dapon aibi pon itacupatsi xua pejeiwa: “Xan nebautisaba Pablo pewuntha”, xua pejeiwa. <sup>16</sup> Jaina iruru Estefanas piamonaе tatsi bautisaban. Ichitha ichamonaе jopa yabara nanta xeinaeyo xua tabautisabiwa bayatha. <sup>17</sup> Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijeinexa pecapanenebiyae diwesi. Ichitha jopa

cueicueijanyo icha be ichi pon bichocono cueicueijei poxoru bichocono peyaputaexae. Ichi baxua exanaetsipan jiwí jopa yabara yaputaetsipae Jesucristo pia pecapanenebiyae diwesi xua poxonae Cristo naetotha tsitupa jiwí.

*Meje poxonae Pablo yabara paeba xua Cristo xeina Nacom pia peyapusuwa tatsi xuano Nacom pia peyaputae coyenewano tatsi*

<sup>18</sup> Ichamonae jopa beta yabara nanta xeinaeyo po diwesi xua Cristo petsitupaewa naetotha jiwí. Barapomonae yawa muxuna weraweracaena abe peexanaewan. Barapomonae jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonae Nacom capanenebiyaena abe pia peexanae cuiru coyenein tatsi weya. Barapomonae yaputane xua barapo diwesi bichocono peyapusu diwesi xua Nacom weya. <sup>19</sup> Nacom Pejume Diwesitha baxua yabara paeba. Nacom jeje:

“Weraweraca exanaein peyaputae coyenewan, po peyaputae coyenewan xeina pomonae peyaputaewi. Pecuidubi coyenewan beban tsane, po pecuidubi coyenewan xeina pomonae peyaputaewi”, jei Nacom.

<sup>20</sup> Pon xua peyaputaewin iru pon xua pecuidubin, iru pon jume daunweya yabara cueicueijei po nacuathe, barapomonae Nacom jopa tsita ainya cuichi. Nacom cui capona peyaputae coyenewan, po peyaputae coyenewan xeina pomonae peyaputae jiwí barapo cae pin nacuathe. <sup>21</sup> Nacom xainyeya xeina peyaputae coyenewa. Nacom jopa copatsiyo jiwí xua peyaputaewatsi bapon, peyaputae coyenewatha po peyaputae coyenewa xeina pomonae jinompa barapo cae pin nacuathe. Jame Nacom ichichipa xua capanepa jiwí abe pia peexanae cuiru coyenein weya pejume cowantsixaetsi poxonae pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi. <sup>22</sup> Judiomonae ichichipa tane nawita Nacom pia pexeinya petsita itutsi coyenewan xua pejume cowantsinexa tsane Nacom Pejume Diwesi. Seicaya nama griegomonae yabara jeita nawita barapo irathe pia peyaputae coyenewan xua pejume cowantsinexa tsane Nacom Pejume Diwesi. <sup>23</sup> Ichitha paxan payabara cueicueijan Mesías pon naetotha tsitupa xua jiwí abe pia peexanae cuiru coyenein tatsi. Barapo diwesi judiomonae jopa be jume jejeyo poxoru tsita ajumebetsi. Seicaya nama pomonae jopa judiomonae naexanaeyo tsita penamitacueinchi diwesichi barapo diwesi. <sup>24</sup> Ichitha pomonae Nacom waba pomonae bara metha bequein judiomonae tsipae iruru pomonae metha bequein jopa judiomonae naexanaeyo tsipae barapomonae jame Jesucristo jume cowantatsi. Barapomonae nanta xeina xua Mesías xeina Nacom pia peyapusu coyenewa tatsi matautano xua Nacom pia peyaputae coyenewa tatsi xua jiwí pecapanenebiyaenexa tsainchi. <sup>25</sup> Pocotsiwa jiwí tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwí xeina barapo cae pin nacuathe. Matautano pocotsiwa jiwí jopa tsita peyapusatsi xua Nacom xeina baxua apara bara jame Nacom tsita peyapusu coyenewatsi bichocono, beyacaincha po peyapusu coyenewa jiwí xeina barapo cae pin nacuathe. <sup>26</sup> Tamonae pam, paxam pomonae iru painya nejume cowantsiwixae Jesucristo. Paxam bewa pana nacayabara nanta xeinaem xua eta po jiwí pam xua poxonae Nacom aena paca waba. Bapoxonae pananta xeinaem xua saya paxam caeyobe pam pomonae peyaputae jiwí pam. Barichi paxam saya caeyobe pam pomonae peyapusuwa itorobi jiwí pam. Matautano paxam saya caeyobe pam pomonae peainya cui jiwí pam. <sup>27</sup> Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwí”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejuntu coyene faefaenawei pejume cowantsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa pejuntucoyenesuwa. <sup>28</sup> Nacom itapeta pomonae barapo cae pin nacuathepiwi jiwana, pomonae pecu pawi jiwí xua piamonae peexanaenexa. Barapomonae pomonae ichamonae abe peyabara paebiwichi, matautano xuano pomonae ichamonae jopa petsita ainya cui jiwichi. Nacom itapeta pomonae jopa peainya cui jiwí xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwí. <sup>29</sup> Daxota dapon aibi pon peitacupaewatsi xua Nacom peitabaratha atsaquiya



penayabara paebiwa xua peainya cui jitonxae. <sup>30</sup> Nacom paca exana xua painya neyawa jinompaewa Cristo Jesús pia peajuntayapusuwa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentysiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitupa naetotha wanaca capanenebiyaenexa abe waexanae cuiru coyenein weya. <sup>31</sup> Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bu jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

## 2

### *Meje xua Cristo petupaewa diwesi yabara*

<sup>1</sup> Tamonaе pam, paxam pomonaе iru painya nejume cowantsiwixae Jesucristo. Patopan painya xantha tapaca catsipaebinxatsi Nacom pia pexainyei diwesi jume. Bapoxonaе jopa paca tsipaebichi po diwesi ayapube xua tacueicueijeiwa xua poxonaе icha ichi xua paeba pon peyaputaein bichocono. <sup>2</sup> Poxonaе poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonaе bapon naetotha tupa. <sup>3</sup> Poxonaе paxamtha naitatan nayabara nanta xeinan xua neita coxana xua beta tacueicueijeiwa. Matautano tajunuwi unthuthu deideijan. <sup>4</sup> Poxonaе paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonaе cueicueijeie pon bichocono peyaputaein. Ichitha seicaya nama paca tsipaebatsi tana neitorobixae Nacom pia Pejumope tunaxu tatsi yawano Nacom pia peayapusu itorobi coyenewathano. <sup>5</sup> Daxota poxonaе pajume cowantame Jesucristo apara poxoru jopa painya nejume cowantsixae jiwi pia peyaputae coyenewa. Apara jame poxoru Nacom painya nepaca yawenaexae pia peayapusu itorobi coyenewatha daxota pajume cowantame.

### *Meje yabara xua Nacom naca yaputane exana pia Pejumope tunaxutha tatsi*

<sup>6</sup> Paxan pacueicueijan pomonaetha pomonaе bichocono pejume cowantsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apara barapo cae pin nacuathe weya ponaeyo. Matautano jopa apara barapo coyene xua po coyene jopa ponaeyo pomonaе piamonaе itorobiya pecanamataxeinaewi weya. Pomonaе anoxuae piamonaе itorobiya pecanamataxeinaewi werapaena, yawano weraweracaena pia peyaputae coyenewan tatsi. <sup>7</sup> Po coyene xua paca tsipaebatsi apara Nacom pia peyaputae coyenewa tatsi. Barapo coyene caena bayatha Nacom namicha yawun xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewunaeya poxonaе Nacom nacua forotsina bapon nanta xeina xua naca capanepaena. Baxua apara Nacom pia peyaputae coyenewa tatsi xua matapainya naitata. <sup>8</sup> Barapomonaе pomonaе piamonaе itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonaе yaputaetsipa metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitupanae coicha pexeinaein. <sup>9</sup> Nacom Pejume Diwesitha baxua yabara jeye:

“Nacom bayatha jiwi tsiwunaeta po jiwi peantobewixaetsi pocotsiwan xua bichocono pewunaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwunaeta pocotsiwa xua jiwi jopa bapana yabara nanta xeinae jopa juniya pewunaexae”, jei Nacom Pejume Diwesitha.

<sup>10</sup> Nacom yabara naca yaputane exana baxuan pia Pejumope tunaxutha tatsi. Nacom pia Pejumope tunaxu tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawun xeina.

<sup>11</sup> Jiton dapon aibi pon itacupatsi xua yaputane ichun pia pejuntu coyene tatsi. Saya jame meisa ichun itacupatsi xua pia coutha najuntu coyene yaputane. Bara juta ichi meisa Nacom pia Pejumope tunaxu tatsi yaputane xua Nacom pia pejuntu coyenewa tatsi. <sup>12</sup> Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apara jame seicaya naca cata pia Pejumope tunaxu tatsi, wanaca yaputane exanaenexa xua pocotsiwan yabara Nacom wanaca catsiwa wanaca

antobexae. <sup>13</sup> Waxainchi diwesi cueicueijeichi pomonaetha pomonae Nacom pejume cowantsiwi po coyenetha Nacom pia Pejumope tñaxu tatsi naca yaputane exana. Jopa apara barapo diwesi cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope tñaxu tatsi ichichipa paeba pomonaetha pomonae Jesús pejume cowantsiwichixaetsi. Barapomonaeyaputane barapocotsiwan.

<sup>14</sup> Nama pon jopa pejume cowantsin Jesús jopa yaputaeyo pocotsiwan wacueicueijeia, pocotsiwan Nacom pia Pejumope tñaxu tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesi tsipei jopa xeinaeyo Nacom pia Pejumope tñaxu tatsi xua peyawenaenexatsi xua peyaputaewanexa. <sup>15</sup> Jame pon pejume cowantsin Nacom, bapon yawenatsi Nacom pia Pejumope tñaxu tatsi xua yabara peyaputaewa daxitan. Ichamonae jopa itacupaetsi xua bapon peyabara paebiwatsi xua penatsicuentisiwa xua abe peexanaexae. <sup>16</sup> Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

### 3

#### *Meje xua Pablo yabara paeba pomonae penabarũ nacuichiwi Nacom nexa*

<sup>1</sup> Tamonae pam, paxam pomonae irũ painya nejume cowantsiwixae Jesucristo. Jopa neitacupaeyo xua tapaca catsipaebiwa tsainchi icha bichocono pajume cowantame Nacomtha icha be pocotsi jiwimonae ichi pomonae bichocono jume cowanta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowantame Cristo. <sup>2</sup> Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitacupaeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itacupaetsi xua pewito pexaewa. <sup>3</sup> Paxam cataunxuae painompame icha be ichi poxonae jinompa pomonae jopa pejume cowantsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cowantsiwi Nacom. <sup>4</sup> Ichamonae pomonae paxam jiwana pam, jeye: “Pablo yabara jume cowantan pocotsiwa cuiduba”, jei. Ichũ jeye: “Apolos yabara jume cowantan pocotsiwa cuiduba”, jei. Poxonae papaebame baxua bapoxonae bara pajinompame icha jiwi ichi poxonae jinompa pomonae jopa pejume cowantsiwi Nacom.

<sup>5</sup> Daxota paca tsipaebatsi: Xan Pablo jopa taainya cui jiton, barichirũ Apolos. Apara paxanbe saya ponbe amanaya pata tanacuichinbe Nacom. Nacom Apolos pana neitorobae xua pata cueicueijeinexabe Nacom Pejume Diwesi. Apolos baxua pata exanaexaebae daxota pajume cowantame Jesucristo pon jiwi Pecanamataxeinaein. <sup>6</sup> Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apara bapon, pon paca yawena xua painya nejume cocowantaponaenexa. Barapo coyene icha be nae ichi xua peabi nae. Ichũ ubanota. Ichũ mera mata epababapona. Ichitha nama Nacom, apara bapon, pon exana xua xaniwaicha xuwa. <sup>7</sup> Ichũ copiya uba irũ ichũ xuya mata epababa meratha. Pon peabixae jopa ainya cui jitonyo. Irũ pon xuya pemata epababaponaexae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos irũ xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe. <sup>8</sup> Pomonae xua uba irũ pomonae xuya meratha mata epababapona barapomonae Nacom tsita najupatsi. Nacom pentoma cata barapomonaetha be pocotsi coyeneya xua barapomonae petanacuichiwa. Pon xua abeya petanacuichixae, be conotha matoma catsinchi. Pon xua wũnaeya petanacuichixae, wũnaeya matoma catsinchi. <sup>9</sup> Paxan pana nabarũ yawa tanacuitan Nacom xua pata cueicueijeia Nacom Pejume Diwesi poxonae paxanan poxonae Nacom Pejume Diwesi paca cuidubatsi icha pebin ichi poxonae uba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntũ coyene xanepanaewa tsane. Baxua Nacom paca cana exana, icha be pocotsi jata coyeneya ichi poxonae pebin botũxũ acabapona xua beya poxonae bichocono pexeinya bo. <sup>10</sup> Nacom necopata

xua ponxaein copiya matha tapaca cayawenaewatsi xua painya nejume cowantsinexa bapon. Nama bapoxonae xuya ichamonae paca cuidubapona Nacom Pejume Diwesi xua painya nejume cocowantaponaenexa. Barapocotsi jata coyeneya exanan poxonae tapaca cayawenaewatsi, icha pebin ichi pon peyaputaen xua bo peacabiwa poxonae bo acaba po bo ibo bo. Bapon copiya matha tsicobe nobabareca po iboton beta petabñ caumenaewa xua ichamonae tsicobe nobabarecasi. Athawetsica xuya ichamonae exanapona. Daxita pomonae acaba barapo ibo bo bewa beta xanapanaya exanaena icha jiwi ichi xua poxonae bewa beta taexanaena xua pocotsiwa taexana Nacom nexa. <sup>11</sup> Poxonae jiton ibo bo acaba bapon copiya beta noba po iboton xua copiya nanta caumena. Bapoxonae ichñ bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxonae paca cuidubatsi Jesucristo pejume diwesi. Ichñ bewa beta yabara paca cuidubina icha coyene xua baxua painya nejume cowantsinexa. <sup>12</sup> Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusñ be pocotsiwa pewñ oro nain, yawano pocotsiwa xua pewñ plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jata ichi, pebin itacupatsi xua yawenaena ichamonaetha. Ichacuitha beta cuidubina pomonae xua jume cowanta Jesucristotha pocotsiwa xua bichocono ayapusñ. Ichacuitha cuidubina pocotsiwa xua pepawi pomonae xua jume cowanta Jesucristotha xua jopa ayapusyo. <sup>13</sup> Jopaena matacabi po mataqueitha Nacom yabara paebina jiwi xua penatsicuentiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanapanatsi pocotsiwa xua bichocono ayapusñ po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa. <sup>14</sup> Icha pebin exana pocotsiwa xua bichocono ayapusñ xua Nacom nexa, Nacom matoma catsina bapontha. <sup>15</sup> Ichitha icha ichñ taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonae Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

<sup>16</sup> Barapara paxam payaputaneme xua painya jñtñ coyene Nacom tsitatsi xua bara be Nacom pin pia bo tatsi tsipei Nacom pia Pejumope tñaxñ tatsi popona painya jñtñ coyenetha. <sup>17</sup> Icha ichñ saraboba Nacom pin pia bo, Nacom xuya weraweraca exanaena barapo jitontha. Nacom pin pia bo tatsi, bara po bo Nacom tsita xanapanatsi poxoru pia Pejumope tñaxñ tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca jñtñ coyene itoroba xua abe painya neexanaewa tsane. Nacom baxua exana tsipei Nacom pia Pejumope tñaxñ tatsi popona painya jñtñ coyenetha.

<sup>18</sup> Jopa pacopatsinde xua painya coutha pana namuxuitorobame. Icha ichñ pia coutha nacayabara nanta xeina xua bichocono peyaputaen icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaen. Bapoxonae bapon bara Nacom tsita be pon pepa peyaputaenichi. <sup>19</sup> Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: "Nacom tsitatsi xua apara xeina penatsicuentiwa xua abe peexanaexae pocotsi jiton peyaputaen, peexanaexae barompaya pia peyaputae coyenewatha", jei Nacom Pejume Diwesitha. <sup>20</sup> Matautano Nacom Pejume Diwesitha baxua yabara jeino: "Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi", jei Nacom Pejume Diwesitha. <sup>21</sup> Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: "Pon jume cowantan pocotsiwa cuiduba bapon bichocono peyaputaen beyacaincha ichñ pon peyaputaen", xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irñno daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane. <sup>22</sup> Xan Pablon Nacom neitoroba, irñ Apolos itorobatsi, irñ Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajñtñyapusuwa, po coyenewano petupae coyenewa, matautano po coyene anoxuae piawa yabara, po coyenewano hexa piawa yabara xua painya nepaca yawenaenexa.

23 Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

## 4

*Meje xua Jesucristo pia peitorobi jiwi tatsi taexana, Nacom taexanatsi*

<sup>1</sup> Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawun xeinaewa tatsi po coyene copiya bequein bayatha moya yawun xeina xua jiwi jopa yabara yaputaeyo. Barapo coyene xua moya peyawun xeinaewa, anoxuae Nacom najume yabara copata xua jiwi bara peyaputaenexa. <sup>2</sup> Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowuntsinexatsi pia pecanamataxeinaeinchi xua bara xaniwaicha exana. <sup>3</sup> Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeyo xua icha metha barapo coyene jopa exanaeyo, xua daxota tanatsicuentisixae abe taexanaexae Nacomtha. <sup>4</sup> Tajuntu coyene netsipaeba xua bara pinae xanepanaya taexanaewa. Bequein tajuntu coyene baxua netsipaeba ichitha jopa nayaputaeyo xua metha apara abe taexanaewa xua daxota Nacom tsita natsicuantan. Nacom pon jiwi Pecanamataxeinaein bapon apara pon taneyabara paebin xua tanatsicuentisixae xua abe taexanaexae. Bapon meisa nejuntu coyene yaputane icha bara metha tsita xeinan xua tanatsicuentisixae xua abe taexanaexae. <sup>5</sup> Jopa bepajawa payabara paebinde ichamonae xua abe pia peexanaewa. Abu tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntu coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntu coyeneintha xua penatsicuentisixan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaxanaewichi. Pontha pon xanepanaya petanacuitsinchi Nacom wunae jainchina bapontha. Nacom jopa wunae jainti tsane pon jopa xanepanaya petanacuitinchi.

<sup>6</sup> Tamonae pam, paxam pomonae iru painya nejume cowuntsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara iru xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyenexa pocotsiwa jopa paebiyu Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichan bichocono peainya cui jiton beyacaincha ichan. <sup>7</sup> Nacom jopa paca exanaeyo xua peainya cui jiwi pam beyacaincha xua ichamonae pomonae iru pejume cowuntsiwi Nacom. Pocotsiwa paxeiname jopa apara pana namatsim painya coutha barapocotsiwa. Apara jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apara pajuntemainame pocotsiwa xua Nacom painya nepaca catsibiwa daxita.

<sup>8</sup> Itara mexeya daxita painya nexeinea jiwi pam po coyenein xua paichichipame painya neyaputaewa Nacom yabara daichitha jopa barapomonae pam. Pananta xeiname icha pomonae copei pexeinaewi ichi iru icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonae. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita xua Nacom Pejume Diwesi yabara xua bapoxonae pata tana nebaru yaputaewam tsane daxita Nacom Pejume Diwesi.

<sup>9</sup> Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonae pecui pawu jiwimonae pan xua daxota daxita nacuanpiwi iru matatsunpiwi pana ichichi xeica. <sup>10</sup> Jiwi pana neyabara nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaeyo. Paxan jiwi pana yabara nanta xeina xua pajuntu coyene faefaenabenan. Jaina nama pana nayabara nanta xeiname xua pajuntu coyene daunwam Nacomtha. Jaina maisa jiwi paca baru cui itura jina, jopa

pana daichibenaeyino. Nama atsaquiya abeya pana yabara paeba. <sup>11</sup> Caena bayatha beya anoxuae, paxan bichocono pajainpan. Matautano pameratsipanno bichocono. Matautano painta paparuwan bichocono jonopa. Jiwi pana neba bichocono. Yawano jopa bo paxeinaeyino. <sup>12</sup> Pana nacobe fifinatontan, patain pata nacuichixae bichocono. Bequein jiwi tsumu jumetha pana casebeiba daichitha barapomona Nacomtha patawauqueiban xua barapomona peyawenaenexa tsabi tsainchi. Poxona jiwi pana atene exaneiba bara saya pacui copatan. <sup>13</sup> Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxona jiton ichi poxonae piawa basuratha xuba. Baxua jiwi painta exanapona beya anoxuae.

<sup>14</sup> Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi. <sup>15</sup> Bequein icha bara metha paxeinaetsipame diez mil poyobe pomona painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyen pon be painya axa tapacata natsicotaeinchi, tsipei paxam copiya Cristo Jesús pajume cowantame poxona paca cuidubatsi Nacom Pejume Diwesi. <sup>16</sup> Daxota bichocono paca muxu jeichi, paexanaponde icha xan ichin xua exanaponan.

<sup>17</sup> Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowantsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowantsixae Cristo Jesús. Barapo coyenein cuidubeiban ichaxota poneiban daxita i dapocotsi penacaetutsi bon jiwitha pomona Nacom pejume cowantsiwichi. <sup>18</sup> Ichamona pomona paxam jiwana pam, bichocono juntu coyene yacatsi xua ichamonae paebiwatsi. Baxua exana tsipei barapomona nanta xeina xua xan jopa tapaca siwa ponaewa tsainchi. <sup>19</sup> Icha Nacom pon jiwi Pecanamataxeinaein copatsina xua bara taponawa tsane aunxuae paca siwa poneinchi. Bapoxona taein pomona xua ichamonae paebiwichi icha metha barapomona xeina Nacom pia peayapusu itorobi coyenewa tatsi. Ichacuitha metha tsipae apara metha saya paeba. <sup>20</sup> Jiwi jopa patsi tsane Nacom pia peitorobi nacua beicha xua poxoru wnae pepaebixae tsane pia coutha. Apra jame jiwi patsina bara beicha pexeinaexae Nacom pia peayapusu itorobi coyenewa tatsi. <sup>21</sup> ¿Eta xua painyatsi? ¿Paca tscapatinchi naewan xua xota paca beinchi? Jume apra. Ichacuitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

## 5

### *Meje xua poxona Pablo itaweta pon penowa tsiperu nacoyoba*

<sup>1</sup> Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomona bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua. <sup>2</sup> Paxam pomona painya nenanta xeinae jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya. <sup>3</sup> Bequein jopa yatsicaewa paca baru ecaetsi ichitha paca yabara nanta xeineibatsi be poxona paca baru ecatsi yatsicaewa. Bara bapon yabara paeban xua penatsicuentiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonae yatsicaewa tapaca baru ecaewatsi. <sup>4</sup> Poxona panacaetutame daxita pam, pomona painya nejume cowantsi jiwi Jesús, paca yabara nanta xeineibinchi icha be poxona tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi paxeina dubenanaebiyama. <sup>5</sup> Pon xua awiya abe exanapona barapo jiton bara pacopare Satanastha pon caurimona pia pentacaponaeintha tatsi. Bapoxona barapo caurimona pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxona barapo pebin equeicha jume cowantsina Nacom po pebin copiya abe peexanaexae. Pia pejumope tunaxu tatsi Nacom capanepaena po mataqueitha poxona Jesús patopeicaena, pon jiwi Pecanamataxeinaein.

<sup>6</sup> Paxam jopa bewa atsaquiya pajinompaem xua poxoru pocotsiwa painya neexana dubenanaebiyaxae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonae pinmonae painyamona abe exanapona. Bara paxam payaputaneme pocotsi diwesiyo ba jiwi yabara canaata jutisiya paeba baxua yabara xua pejeiwa: “Levadura matawun xoyo bequein peyauyo baxoyo daxita pantha cotowa exana”, xua pejeiwa. <sup>7</sup> Painya xainya weya patorore pon abe peexanaein abe peexanaeyainwa daxita painyamona xua icha bapon ichi xua abe exana. Barapo coyene icha be ichi poxonae jiwi levadura bebai, po levadura peru levadura abe peexanaeyainwa pan matabutha. Poxonae bapo pebin patorotame bapoxonae painyamona pomona pejume cowantsiwi xanepanaya jinompaena. Caena bayatha judiomona juteba oveja xua poxonae pewunaeya tsane poxonae Egipto nacua weya pona. Bapoxonae Nacom yabara jantemaina judiomona abe pia peexanae cuiru coyenein tatsi poxonae cordero bexotsi xua oveja pebto penan. Nacom tsitatsi xua Cristo bara be cordero poxonae tupa naeotha. Cristo naca tsitupa xua abe waexanae cuiru coyenein icha cordero ichi xua tsitupa xua judiomona abe pia peexanae cuiru coyenein tatsi. <sup>8</sup> Waxainchi jopa bewa peabe coyenewa exanaetsi. Jame bewa xaniwaicha juntu coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

<sup>9</sup> Icha cartatha paca tsipaebatsi xua jopa bewa painyamona jiwi pacana exanaem pomona pesi cui weiweinae jiwi xua bequein jopa piseuri jiwi. <sup>10</sup> Barapomona pomona pesi cui weiweinae jiwi pomona jopa pejume cowantsiwi Jesús apara jopa paca tsipaebichi barapomona yabara. Pomona jimun jiwi xua ichichipa copei xeinaewi naexana xua beyacaincha ichamona pomona jopa pejume cowantsiwi Jesús apara jopa paca tsipaebichi barapomona yabara. Pomona jopa pejume cowantsiwi Jesucristo pomona pecaibi jiwi apara jopa paca tsipaebichi barapomona yabara. Pomona ibo nacomun wuna pejainchiwi apara jopa paca tsipaebichi barapomona yabara. Barapomona pexainya weya painya newarapaenexa maisa jame bewa pawarapaem barapo cae pin nacua weya, xua ichaxota po nacua jiwaibi beya xua bara beya painya newarapaenexa. <sup>11</sup> Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomona abe peexanae jiwi bequein paeba xua pinae jume cowanta Jesucristo. Barapomona jopa bewa payawa muxuna jinompaem pomona pesi cui weiweinae jiwi, irano pomona jimun jiwi xua ichichipa copei xeinaewi naexana beyacaincha xua ichamona irano pomona ibo nacomun wuna pejainchiwi, irano pomonae nacupa penaexanaewi, irano pomonae jiwi pebiataewi, irano pomona pecaibi jiwi daxita barapomona jopa bewa pabarua xaem bequein paca wabitha tsipaeno xua painya nenanabanaewa tsane”, jan. <sup>12</sup> Xan jopa neitacupaeyo xua jiwi tayabara paebiwa xua penatsiuentisiwa Nacomtha xua abe peexanaexae pomona jopa jume cowantsiyo. <sup>13</sup> Jame apara meisa Nacom yabara paeba xua penatsiuentisiwa xua abe peexanaexae pomona jopa Nacom pejume cowantsiwichi. Ichitha bewa payabara paebim xua penatsiuentisiwa pomona penacaetutsi jiwi pomona pejume cowantsiwixae xua abe peexaneibixae poxonae. Daxota bewa paxam patorotsim pon abe exana painya xantha pon penowa tsiperu wenacoeyoba xua awiya baru jijinapona.

## 6

*Meje yabara pomona pejume cowantsiwi Jesucristo xua peponaewa pontha pon jiwi yabara paeba xua penatsiuentisiwa xua abe peexanaexae*

<sup>1</sup> Poxonae ichamona pomona pejume cowantsiwi jiwana pacata abe exana painya xoba paponame ichaxota eca pon jiwi yabara paeba xua penatsiuentisiwa xua abe peexanaexae. Jamaisa baxua paexaname xua pawucame pon jopa pejume cowantsim pon jiwi yabara paeba xua penatsiuentisiwa xua bapon peitawetsinexa pomona abe peexanaewi. Bapoxonae painya pia bapon paca tsipaebichi xua barapomona paca tsita natsiuenta xua abe peexanaexae. Jame bewa paponaname ichaxota nacaetuta pomona pejume cowantsiwi Jesucristo. Bapoxonae barapomona yabara paebina pomona xua penatsiuentisiwi xua abe peexanaexae paxamtha. <sup>2</sup> Paxam payaputaneme xua pomona pejume cowantsiwi Jesucristo, barapomona yabara paebina pomona xua penatsiuentisiwi xua abe peexanaexae pomonaetha pomona barapo nacuathepiwi. Barichi bexa tsane poxonae Cristo patopeicaena payabara paebiname pomona barapo nacuathepiwi xua penatsiuentisiwa xua abe peexanaexae. Daxota anoxuae bewa paexanaem xua payabara paebiname xua penatsiuentisiwa xua bequein bara conotha abe peexanaexae pomonaetha pomona pejume cowantsiwi Jesucristo po coyenein bara bequein bichocono jopa abeyo. <sup>3</sup> Waxainchi yaputainchi xua bexa tsane wayabara paebiwa

matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae Cristo patopeicaena. Daxota anoxuae paca itacupa xua painya neyabara paebiwa xua penatsicuentisiwa xua abe painya nepaca tsita exanaexae pomonaetha pomonae pejume cowantsiwi xua wajinompaewa yabara barapo cae pin nacuathe. <sup>4</sup> Icha paxeiname po coyenein xua abe pacata exana pomonae iruru pejume cowantsiwi, jopa bewa paponame ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin. <sup>5</sup> Baxua paca tsipaebatsi xua painya neauramnexa tsane. Pon ba peyaputaein bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa? <sup>6</sup> Ponbe paxam jiwana pam, ponbe pejume cowantsinbe Jesucristo, baponbe nababe. Ichu xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

<sup>7</sup> Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha. <sup>8</sup> Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

<sup>9-10</sup> Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxitorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuae: Pomonae pesi cui weiweinae jiwi, pomonae wanae pejainchiwi ibo nacomun, iru pomonae penotsiwi yabuxi powaxi bara bequein pia pebiwi xeina, iru po pebiwi cae pebiwi penaixa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi nexana beyacaincha xua ichamonae, iruru pomonae nacupa penaexanaewi, peatsaxa meran, irano pomonae jiwi pebiataewi, irano pomonae peyabara muxitorobi jiwi pecaibinexa. <sup>11</sup> Copiyatha paxam be barapocotsi jiwimonae pam xua poxonae matha aena pajume cowantame xua abe painya neexanae jiwi pam. Daichitha Nacom paca yabara juntemaina abe painya neexanae cui ru coyenein. Matautano Nacom paca yabara caunuta jeye: "Tapexuimonae jiwi", paca yabara jei. Matautano Nacom jopa painya tsita natsicuentisiwa xua abe painya neexanaexae. Nacom pia Pejumope tuxaxu tatsi iru Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

*Meje xua Pablo jei: "Wapepon Nacom piawa", jei*

<sup>12</sup> Jiwi ba jeye: "Xan necopata xua bara taexanaewanexa pocotsiwa xua ichichipan", jei. Bara bequein xainyei jiwi xua pepaebiwa, ichitha ichacuitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuitha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa. <sup>13</sup> Bara jiwi ba xainyeya paeba poxonae jeye: "Pexaewa wanae xua pecosoro nexa, iru pecosoro wanae xua pexaewa nexa", jei. Ichitha bexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsixana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa. <sup>14</sup> Icha Nacom ichi xua asu exana petupaе cui ru coyene weya pon jiwi Pecanamataxeinaein Jesucristo, Nacom bara naca ichi tsane, asu naca exanaena petupaе cui ru coyene weya pia peayapusu itorobi coyenyatha.

<sup>15</sup> Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejuntu coyene xanepanae jiwi. Xan iru barapo pejuntu coyene xanepanae jiwi piamonae jiwana tatsin. Daxota jopa benatsiperu jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon. <sup>16</sup> Paxam payaputaneme icha pebin natsiperu jayababa powatha

powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha. <sup>17</sup> Poxonae ichun cae juntu coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejuntu coyenewatha.

<sup>18</sup> Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichuntha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana. <sup>19</sup> Paxam payaputaneme xua Nacom pia Pejumope tñaxu tatsi paca baru jinompa pia paca nacana jumope tñaxu catsixae paxamtha. Icha barapo Nacom pia Pejumope tñaxu tatsi ichi xua paca baru jinompa, barichi barapo Nacom pia Pejumope tñaxu tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jiwi pam. <sup>20</sup> Nacom bayatha pacata pematomatsiwa exana xua poxonae Jesús naetho painya nepaca tsitpaewa xua abe painya neexana cuiru coyenein. Daxota beta pajume cowantsiya jinompare ichamonae petitutha tatsi. Bapoxonae barapomonae Nacom baru cui itura jinatsi xua pon xanepanaya peexanaein poxonae paca cui tane xua xanepanaya pajinompame.

## 7

### *Meje xua Pablo yabara muxuweta xua jitha peenaewa yabara*

<sup>1</sup> Anoxuae paca jume notatsi po peyainyabiwa pana yainyabame cartatha. Icha pebin jopa jitha becaeyo bu bara moya jopa jitha ecae tsane, bequein bara baxua taxanepanatsi bapon. <sup>2</sup> Ichacuitha poxonae pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabuxi bewa barompaya seicaya notsina pia pebiwi. <sup>3</sup> Pebin bewa bara exanaena piowatha xua poxonae peisa maitecae coyenewa. Barichiru yabuyo bewa bara exanaena pia pebintha xua poxonae petsicuara maitecae coyenewa. <sup>4</sup> Petsiriwa powa jitha eca, jopa bewa nayabara nanta xeinae xua penaperu xeinaewa xua saya pia coutha nexa. Jame bewa nanta xeinae xua apara bara pia pebin tatsi pia peruto tatsiru. Barichi pebin jopa bewa nayabara nanta xeinae xua penaperu xeinaewa xua saya pia coutha nexa. Jame bewa nanta xeinae xua apara bara piowa tatsi pia peruto tatsiru. <sup>5</sup> Petsiriwa jopa bewa aichaxaibi tsane xua isa maiteca pia pebin. Pebin iru jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha wucauyabe bapoxonae baponbe itacupatsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonae po mataqueitha najume wetsina xua Nacomtha pewucaewabe bapoxonae jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pejuntu coyene jujatsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

<sup>6</sup> Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa. <sup>7</sup> Ichichipan xua daxita jiwi jinompa dubenaebiyaena icha po coyeneya ichin xua poxonae poponan xua jeinya ecan. Dai-chitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene jupaeyo.

<sup>8</sup> Pomonae pemisa dubenaewi pam iru powaxi painya seuriwi painya necacuenta werapaewaxichi pam, daxita barapomonae pam paca tsipaebatsi. Bara wnae tsipae icha jopa jitha paenaemtsipae icha be xan ichin xua jopa jitha taecaewa. <sup>9</sup> Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

<sup>10</sup> Ichitha pomonae xua bayatha jitha painya neenaewi pam barapomonae pam paca itorobatsi. Jopa apara taitorobi coyeneya paca tsipaebichi. Jame apara Nacom taneitorobixae xua po coyeneya tapaca catsipaebinxatsi. Paca jeichi: “Yabuyo jopa bewa cuenta warapaena pia pebin xua pexubinexa”, paca jeichi. <sup>11</sup> Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

<sup>12</sup> Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume cowantsiwayo bapon jopa bewa punaxubi tsane bapowa icha bapowa ichichipa xua bapon pebaru poponaewatsi. <sup>13</sup> Barichi icha yabuyo powa jume cowanta



xeina pebin pon jopa pejume cowantsin bapowa jopa bewa punaxubi tsane icha bapon ichichipa xua bapowa bebaru poponaewatsi. <sup>14</sup> Po pebin bequein jopa jume cowantsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowantsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi juntu coyene xanepanena. <sup>15</sup> Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Bapoxonae bapowa bara copata xua pepunaxubiwatsi pia pebin. Barichi ichacuitha yabuyo powa jopa pejume cowantsiwayo ichichipa punaxubiwatsi pia pebin pon pejume cowantsin. Bapoxonae bapon bu bara copata xua pepunaxubiwatsi pia petsiriwa. Nacom copata barapomonae jopa pejume cowantsiwixaetsi xua piseuriwi pepunapemtsiwa tsipei ichichipa xua juntemiya wanabaru jinompaewa tsane saya. <sup>16</sup> Yabuyo icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

<sup>17</sup> Daxita paxam bewa xanepanaya pajinompaname icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxename ichacuitha bara metha bequein jopa paxeinam tsane painya seurixi. Baxuan cuiduban daxita carepaya penacatutsi bontha pomonae Nacom pejume cowantsiwichi. <sup>18</sup> Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bu saya barabu tsane baxua. Barichi ichacuitha Nacom waba xua pebin wabatsi pebin cowantsinexa tsane. Barichi icha barapocotsi pebin caena bayatha jopa wi thabichi bu saya barabu tsane baxua xua jopa pewi thabinexatsi. <sup>19</sup> Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jwi bewa exanaena, jame maisa bewa jwi jume cowantsiya exanaena pocotsiwa Nacom itoroba. <sup>20</sup> Daxita paxam bewa jura paexana dubenanaebiyaname icha copiya paichim xua paexana dubenanaebiyame poxonae copiya aena Nacom paca waba. <sup>21</sup> Poxonae Nacom waba pon paxam jiwana pam xua poxonae bu bapoxonae amanaya tanacuitha pia pentacaponaein, bapon jopa bewa yabara nantu exabi baxuan xua pia saya poponaetsi. Ichitha icha bapon itacupatsi xua saya pepoponaewa bu moya saya popona xua jopa penantawenonaenexa tsane xua amanaya petanacuichiwa ichun. <sup>22</sup> Barichi ichacuitha pon bayatha exanatsi xua amanaya petanacuichinexa ichun bapon jume cowanta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichun bapon jume cowanta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba. <sup>23</sup> Nacom pin matomatha pacata matomata poxonae Jesús naetotha paca tsitupa abe painya neexanae cuir coyenein nexa. Painya xoba pacopatame xua jwi equeicha caewa painya nepaca itorobiwa xua abe painya neexanaewa. <sup>24</sup> Tamonae pam daxota paca itorobatsi xua painya nejume cowanta dubenanaebiyenexa Nacom, icha paichim xua pajume cowanta dubenanaebiyame poxonae copiya Nacom aena paca waba.

<sup>25</sup> Jopa xeinaeinjo po jumetha xua tacueicueijejwa po coyenewa xua Nacom pon jwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itacupa xua pata tana nejume cowantsiwam tsipei Nacom necata barapo peyaputae coyenewa tana neantobexae. <sup>26</sup> Xan tacoya nanta xeinan xuaje: Bara bewa saya jwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wanapapeichiwatsi. <sup>27</sup> Icha jitha paename painya xoba pana napunapentame. Barichi icha pajeynya ename painya xoba pasi cui weiweiname. <sup>28</sup> Icha jitha paename jopa apara bara abe paexanaem. Iru icha yabuyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

<sup>29</sup> Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiawatsi tsainchi xua meje xua janje: "Waxainchi pin dapae jopa xeinae tsainchi po mataqueitha poxonae Jesús patopeicaena", jan. Daxota

pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiyae pomonae jeinya peenaewi xua xaniwaicha Nacom daunweya petanacuichiawatsi. <sup>30</sup> Daxita jiji bewa eenatsi xua Nacom petanacuita dubenanaebiyae-watsi. Daxota pomonae anthathutane xua pewecoyeixa be barapomonae jinompa icha ichi xua jinompa pomonae jopa anthathutane xua jopa pewecoyeixa xua daunweya penacuichixae Nacom nexa. Barichi pomonae xua bichocono juntu coyene weiweina be barapomonae jinompa icha ichi xua jinompa pomonae jopa juntu coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyae be barapomonae jinompa icha ichi xua jinompa pomonae jopa pecomoca dubenanaebiyae xua daunweya penacuichixae Nacom nexa. <sup>31</sup> Poxonae cataunxae pajinompame barapo cae pin nacuathe jopa paichichipa dubenanaebiyaeinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

<sup>32</sup> Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca juntu deideijeji exana. Po pebin jeinya eca itacupatsi xua penajuntu coyene eena exanaewa xua petaxanaewatsi Nacom pon jiji Pecanamataxeinaein. Barapo coyene Nacom juntu coyene weiweina exanatsi. <sup>33</sup> Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara bara juntu coyene weiweinaenexa. <sup>34</sup> Barapon barapo naxobe coyenewabe muxuna yawa nanta xeina. Barichi yabaxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha eca bapowa itacupatsi xua penajuntu coyene eena exanaewa xua petaxanaewa po coyene Nacom ichichipa pon jiji Pecanamataxeinaein. Barapowa ichichipa exana xua Nacom pejuntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntu coyene weiweinaenexa.

<sup>35</sup> Baxua paca tsipaebatsi tsipei ichichipan xua tapaca cayawenaewatsi. Apra jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompawea xua painya netanacuita dubenanaebiyaeenexa Nacom daxita painya juntu coyeneintha.

<sup>36</sup> Pebin iru yabayo nanta xeinabe xua penapichinexa tsanebe. Ichitha cataunxae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe. <sup>37</sup> Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana. <sup>38</sup> Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

<sup>39</sup> Petsiriwa powa jitha eca powa pejume cowantsiwa bewa piseuri cuicuinaena poxonae cataunxae jopa tatupaetsi piseuri. Icha pia pebin tatupaetsi barapowa itacupatsi xua pichina icha pebin pon saya pejume cowantsin. <sup>40</sup> Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Bapoxonae bapowa bichocono juntu coyene weiweinaetsipa beyacaincha poxonae pita icha pebin. Baxua nanta xeinan xua saya tananta xeinaewa. Mataatano iruru barichin jume cowantan xua Nacom pia Pejumope tunaxu tatsi tana nebaru poponaewa. Daxota neitacupa xua yabara tapaebiwa barapo coyenein.

## 8

*Meje xua Pablo peyabara paebiwa pexaewa po pexaewa jiji tajeba ibo nacomun*

<sup>1</sup> Anoxuae ichichipan xua pexaewa yabara tapacata tinaewatsi po pexaewa jiji tajeba ibo nacomun poxonae jiji wuna jainteiba ibo nacomun. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apra naca yawena xua beta wanabaru jinompawatsi. <sup>2</sup> Pon xua nanta xeina xua pinae yaputane bichocono bapon apra taacoibichi pocotsiwa xua bapon bewa yaputaena. <sup>3</sup> Icha ichan Nacom antobetsi bara Nacom juntu coyene yaputane bapontha.

<sup>4</sup> Daxota equeicha pexaewa yabara paca tsipaebatsi, po pexaewa jiji tajeba ibo nacomun. Barapo pexaewa xuya ichamonae xane cotacaya. Waxainchi yaputainchi xua ibo nacomun jopa xaniwaicha xeinaeyo peayarusawa xua apra saya jiji pecobetha forota.

Jame nama yaputainchi pepa Nacom, pon compa. <sup>5</sup> Jiwi jume cowanta xua pinae pinomnae jinompa, pomonae nacomun, itabocotha, barapo cae pin nacuatheno. Barichino xua pinae pentacoponaewi jinompa itabocotha barapo cae pin nacuatheno. <sup>6</sup> Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajuntacoyenesuwa, po peajuntacoyenesuwa xua bapon naca cata.

<sup>7</sup> Ichamonae pomonaе pejume cowantsiwi Nacom, jopa yabara yaputaeyo xua ibo nacomun. Barapomonaе awiya nanta xeina xua ibo nacom peayapusuwa xeina bequein anoxuae barapomonaе jume cowanta Nacom. Barapomonaе bayatha pia cui xeina xua pexaewa tajebeiba ibo nacomun poxonaе wunae jainteiba barapo ibo nacomun. Barapomonaе abetha nanta xeina jeye: “Icha xaetsipan pewi po pewi ichamonae tajeiba ibo nacomun metha neajuntacoyenebe cana exanaetsipa poxoru barapo pewi ibo nacomun piawa”, jei xua abetha nanta xeina. Bequein barapomonaе jume cowanta Nacom ichitha jopa yaputaeyo xua ibo nacomun pia pexaewa jopa itacupaetsi xua ajuntacoyenebe cana exanatsi barapomonaе icha jiwana xaetsipa barapo ibo nacomun pia pexaewa. <sup>8</sup> Pexaewa jopa naca yawenaeyo xua wanajuntu coyene xanepana exanaewatsi xua daxota Nacom wanaca weyataewa tsane. Icha waxainchi nabunatsi pexaewa jopa naca yawenaeyo xua Nacom tsita juntu coyene xanepanatsi beyacaincha xua poxonaе jopa nabanaetsi. Barichi icha najainbotatsi baxua jopa naca yawenaeyo xua Nacom tsita juntu coyene xanepanatsi beyacaincha xua poxonaе nabunatsi. <sup>9</sup> Paca itacupa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeiba ibo nacomun, baxua jopa paca tsita abeyo. Ichitha poxonaе paexaname baxua pomonaе ainya unthuton pexeinaewi, aena pejume cowantsiwxae, barapomonaе tsita ayarubetsi. Icha barapomonaе xaena barapo pexaewa painya neexanaewaxae bequein barapomonaе tsitatsi xua abe peexanaewi poxonaе xane barapo ibo nacomun pia pexaewa tatsi. Daxota painya xoba paexaname po coyene painya neichichipaewa. <sup>10</sup> Metha beya paca taetsipa pon pejume cowantsin poxonaе panabaname pexaewa po pexaewa jiwi tajebeiba ibo nacomun poxonaе wunae jainteiba barapo ibo nacomun. Iruru metha beya tsipata bapon naxaetsipa barapo pexaewa poxonaе bapon paca jain tane. Paxam pomonaе painya neyabara yaputaewi pam barapo pexaewa. Payaputaneme xua barapo pexaewa apara jopa itacupaetsi xua jiwi ajuntacoyenebe cana exanatsi. Ichitha pomonaе ainya unthuton pexeinaewi aena pejume cowantsiwxae jopa yaputaeyo baxua yabara icha paxam paichim. Barapomonaе awiya nanta xeina jeye: “Icha barapo pexaewa xaein neajuntacoyenebe exanaena”, jei. <sup>11</sup> Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaewae baxua xua paxaneme barapo pexaewa daxota bichocono abe paexaname pontha pon ainya unthuton xeina, pon abetha nanta xeina, jeye: “Icha barapo pexaewa xaein neajuntu coyenebe exanaena”, jei. Daxota bapon payabara nanta xeinare xua apara iru Cristo tsitupa bapon icha ichi xua paca tsitupa. <sup>12</sup> Pacata jopa abeyo xua poxonaе paxaneme barapo pexaewa. Jame apara abe paexaname poxonaе iruru xane barapo pexaewa pomonaе ainya unthuton xeina. Poxonaе abe paexaname barapomonaetha apara bara iru abe paexaname Cristotha, tsipei apara barapomonaе pomonaе iru pejume cowantsiwxae Cristo. <sup>13</sup> Metha beya xaetsipan pewito pocotsi wito xua ichun, pon iru pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacomun. Poxonaе bapon nejain tane, bapon iru xane, najuntu coyene taxoba. Bapoxonaе abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

## 9

*Meje po coyenein yabara pomonaе Jesús pia peitorobi jiwi tatsi itacupaetsi xua peexanaewa*

<sup>1</sup> Tajuntu coyene jops netsipaebiyo xua abe taexanaewa icha xaein barapo pexaewa xua jiwi tajeiba ibo nacomun. Ichun jopa itacupaetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowantame Jesús daunweya tatanacuichixae pon jiwi Pecanamataxeinaein. <sup>2</sup> Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús

pia peitorobi jwiwi jiwana tatsin. Painya nejume cowantsixae pon jwiwi Pecanamataxeinaein ichamona patsita itapeinya xeiname xua xan bara ponxaein Jesús tana neitorobin.

<sup>3</sup> Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin. <sup>4</sup> Barapomonaetha janje: Bernabé iru xan bara pana neitacupabe xua pata wecobe notebiwabe pocotsiwa xua jwiwi pata necatsibi-wabe pexaewa. Matautano pana neitacupabe xua pata wecobe notebiwabe pocotsiwa paapan xua poxonaé patanacuita ducuaenaebiyane Jesús. <sup>5</sup> Matautano icha jitha ecaetsi-pan bara neitacupaetsipa xua tabaru ponaewa taseuri icha Jesús pia peitorobi jwiwi tatsi ichi xua itacupatsi xua peexanaewa baraxua xua piseuriwi baru warapa. Iruu barichi Jesu-cristo pon jwiwi Pecanamataxeinaein pia peweicho jwiwi tatsi baxua exana. Iru Pedro exana baxua xua piseuri baru pona. <sup>6</sup> Poxonae ichamonaé paca tsipaeba Nacom Pejume Diwesi, payawename barapomonaé pocotsiwa penantawenonaewa. Paxanbe Bernabé iru xan panacuitanbe paxam nexa poxonaé Nacom Pejume Diwesi paca tsipaebatsi. Ichitha jopa pana neyawenaem pocotsiwa penantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonaé jopa daichiyo. <sup>7</sup> Soldadomonaepin poxonaé ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomonaé. Barichi pon ba uva pabi nacuita itacupatsi xua yawa uva cuei xaexaepona. Barichiru pon ba vaca yapu eena bapon ba itacupatsi mipi uyucapona vaca xua peaponaenexa. <sup>8</sup> Saya jopa meisa jwiwi yabara nanta xeinaeyo baxua xua pon tanacuita itacupatsi yawa xane. Aparu iru Moisés pia peitorobi coyenewatha baxua yabara paeparu. <sup>9</sup> Moisés tina po diwesi pia peitorobi coyenewathaxae, xua jeye: “Poxonae po duwein pon pewu buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonaé nacuitapona”, jei. Nacom jopa yabara paebiyu baxua xua saya meisa poxoru peyabara nanta xeinaexae buey. Jame saya apara poxoru peyabara nanta xeinaexae jwiwi. <sup>10</sup> Nacom pana neyayabara juta paeba poxonaé buey yabara paeba. Baxua painta exana xua pata taneyawenaenexa. Pon ba nacobe weta xua uba pabitha, iruu pon xuya nota poxonaé naweta, baponbe xeinaenabe pexaewa xua penawetsiwa. <sup>11</sup> Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa. <sup>12</sup> Paxam pacatsibame pocotsiwa xua nantawenona ichamonaé pomonaé Nacom Pejume Diwesi paca cuiduba, ichitha paxan paca yawenatsi beyacaincha xua barapomonaé paca yawena. Daxota bewa pana necatsibeibim icha paca wuqueibichipatsi beyacaincha xua pacatsi-beibame ichamonaé.

Ichitha baxua jopa paexanaein yu xua pata sawucaewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompebiwanexa bequein jopa paca wuqueibichi. Jopa paca wucaetsi tsipei jopa paichipaeinyo xua jopa painya nejume cowantsiwa Cristo pia pexeinya jume diwesi. Jopa paca wucaetsi poxoru metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi. <sup>13</sup> Paxam payaputaneme xua pomonaé ba nacuita Nacom pin pia botha barapomonaé ba apatatsi pexaewa Nacom pin pia botha. Barichiru pomonaé ba nacuita ichaxota iboto uncua po ibototha duwein bexuba xua tauta xua petuxusi exanaenexa Nacom nexa barapomonaé ba itacupatsi xua xuya penabanaewa barapo duwein xua saya jiwana xane. <sup>14</sup> Barichi Nacom pon jwiwi Pecanamataxeinaein jeye: “Pomonaé inta nacuita xua paeba dubenanaebiya tacapanenebiyae diwesi jume, barapomonaé apatatsi pexaewa xua poxonaé ichamonaé apateiba be pematomaquebiwatsi tsipei barapomonaé cueicuei-jei tsurubenanaebiya tajume diwesi”, jei Nacom. <sup>15</sup> Ichitha jopa bapana wucaein yu jwiwi xua tana apatsinexa pexaewa xua be tanamatomatsiwa. Pacata tinatsi xua jopa tapaca wucaewatsi. Ichichipan xua tatupaewa tsane pewunaeya xua poxonaé tapaca wucaewatsi tsainchi. Bichocono juntu coyene weiweinan poxonaé tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaquebiwam, daxota atsaquiya paca tsipaebatsi.

<sup>16</sup> Jopa neitacupaeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijeiya tsane barapo diwesi. Ichitha xan tsocuaein tsipae icha jopa cueicueijan tsipae barapo diwesi! <sup>17</sup> Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nexata ewatsipan xua jwiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cowantaponan be pocotsi coyeneya Nacom neitorobapona. <sup>18</sup> Daxota xua be tanematomatsiwa apara xua poxonaé juntu coyene weiweinan tapaca tsipaebixaetsi

barapo Nacom Pejume Diwesi bequein metha jopa pana catsibeibichipaem xua patane-matomatsiwam, matautano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca w̄ncaetsi bequein bara neitacupa xua tapaca w̄ncaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeiwiwa tsane.

<sup>19</sup> Bequein jopa bewa amanaya tanacuichin tsane ich̄n, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowantsinexa Cristo. <sup>20</sup> Poxonae poponan judiomonae pia xantha tatsi, exana ducuaanaebiyān icha be barapo judiomonae ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonae pejume cowantsinexa Cristo Jesús. <sup>21</sup> Poxonae poponan pexantha tatsi pomonae jopa exanaeyo pocotsiwa Moisés pia peitorobi coyenewatha itoroba, bapoxonae popona ducuaanaebiyān icha barapomonae ichi xua jinompa dubenanaebiya. Bapoxonae jopa exanaein yocotsiwa Moisés pia peitorobi coyenewatha itoroba, xua barapomonae tayawenaenexa, xua pejume cowantsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba. <sup>22</sup> Poxonae poponan pexantha tatsi pomonae j̄nt̄ coyene faefaena Nacomtha xua pejume cowantsiwa xua aena pejume cowantsixae bapoxonae exana ducuaanaebiyān icha barapomonae ichi xua exana dubenanaebiya tayawenaenexa xua equeicha bichocono mataropeicha pejume cowantsiwanexa Jesucristo. Daxita care-paya jiwitha peit̄tha poponeiban, poxonae be pocotsi coyeneya jinompeiwa barapo jiwi tayawenaenexa xua equeicha bichocono mataropeicha pejume cowanteibinexa Jesucristo. <sup>23</sup> Daxita baxuan exana ducuaanaebiban tacueicueijeji tsaibinexa Nacom pia pecapanenebiyae diwesi jume, matautano tsipei ichichipan xua taj̄nt̄ coyene weiweinaewa tsane poxonae barapomonae jume cowantsina Jesucristo.

<sup>24</sup> Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi j̄ta coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan. <sup>25</sup> Pomonae ba xua nacui w̄naeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonae ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapus̄ xua jopa weraweracaeyo. <sup>26</sup> Daunweya exanaponeiban Nacom pia petanacuichiwa tatsi be poxonae xua bichoina cuinaeponan xua tatoxeincha patopaewa. Jopa exanaein yocotsiwa ichi ichi xua pon naitacueinchiya jiraba. <sup>27</sup> Ichitha nama seicayiya exanan xua tapepon daunweya tacoya naitoroban xua daxota jopa abe exanaein yocotsiwa. Tapepon itoroban xua tana nejume cowantsiwa xua peexanaewa pocotsiwa itoroban. Ant̄ayapus̄ xua tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

## 10

*Meje xua Pablo muxuweta pomonae w̄nae jainta ibo nacom̄n*

<sup>1</sup> Tamonae pam, paxam pomonae ir̄ painya nejume cowantsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Bapoxonae tsaquinaebowā matatsun dubenapoinchi. Barapo tsaquinaebowā barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beepa n̄cababiya po pin pucua pew̄n Mar Rojo w̄n pucua. Barapo pin bicheito epatauta iyapona xua poxonae Nacom tsewa taexaniya xua be namto taexaniya. <sup>2</sup> Barapomonae tsaquinaebowā be caemonae matatsun dubenapoinchi. Matauta barapomonae be caemonae Mar Rojo w̄n pucua epatauta iya pona. Barapoxonae be caemonae naexana Moises̄tha xua Moisés pematacapanaenexa barapomonae. Barapomonae barapocotsi j̄ta coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamataxeinaenexa bapontha. <sup>3</sup> Daxita barapomonae xane po pexaewa Nacom taitorobica itaboco wetsica. <sup>4</sup> Yawano barapomonae apa po mera xua Cristo itoroba ira xuepana susato tsurucuae nacuaatha. Barapo

mera iboton weya mene pichapa. Cristo barapo mera apatapona poxonae yanta xua barapomonaе yantatsi. <sup>5</sup> Daichitha pin bicheitomonae xua barapomonaе jiwana jopa exanaeyo pocotsiwa Nacom ichichipa. Daxota Nacom copata xua barapomonaе bara pejiwana werapaponaewa tsane barapo ira xuepana susato tsurucuae nacuatha.

<sup>6</sup> Baxua exana xua nacata yabara canaata jutsiya exana. Jopa bewa waichichipaewa tsainchi pocotsiwa jopa nacata wanaeyo xua icha barapomonaе ichi poxonae pia coutha abe nata exana. <sup>7</sup> Daxota jopa bewa wanae pajainchim ibo nacomun icha be barapomonaе jiwana ichi. Barapomonaе wanae jainta ibo nacomun. Nacom Pejume Diwesitha barapomonaе yabara jeichi: “Barapomonaе ena xua pexaenexa yawa xua peapaenexa. Bapoxonaе yatsicaewa barapomonaе nawiraba ibo nacom tsita nawirabatsi”, jei Nacom Pejume Diwesitha. <sup>8</sup> Waxainchi jopa bewa exanaetsi xua nasi cui weiweina exanatsi icha be barapomonaе jiwana ichi. Barapomonaе jiwana nasi cui exana yabuxitha xua jopa piseurixi. Daxota caentaqueitha veintitres mil pebiwi werapa abe peexanaexae. <sup>9</sup> Matautano jopa bewa najuntu coyene jujuta exanaetsi Nacomtha xua wanaca baru anaepanaenexa, icha barapomonaе jiwana ichi. Barapomonaе najuntu coyene jujuta exana Nacomtha. Daxota Nacom copata xua barapomonaе werapa poxonae jomon sinebatsi barapomonaе. <sup>10</sup> Jopa bewa Nacom anaepanaya baru paebichi, icha be barapomonaе jiwana ichi. Barapomonaе Nacom anaepanaya baru paebatsi, daxota Nacom copata xua barapomonaе weraweraca poxonae matatsunpin juteba po matatsunpin jiwi pejutebin.

<sup>11</sup> Nacom exana daxita baxuan barapomonaetha, xua wanaca muxuweta exanaenexa xua jopa waraichiwana xua icha barapomonaе ichi. Moises yabara tina barapomonaе xua yaputane wanaca exanaewa xua bara nama imoxoyo barapo nacie weraweracaena. <sup>12</sup> Daxota tsipaeban pon paxam jiwana pam pon xua nayabara nanta xeina xua pinae bichocono pejume cowantsixae peajuntucoyenesuwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonaе metha abe exanaetsipame”, jan. <sup>13</sup> Jopa meisa paxam caurimonaе pia pentacaponaеin tatsi paca juntu coyene jujutsiyo. Barapara iru ichamonaе pomonaе pejume cowantsiwi barichichi juntu coyene jujutatsi abe peexanaenexa. Paxam paca itacupa xua pajuntu coyene amanayabame barapo caurimonaе pia pentacaponaеin tatsi. Baraxua paexaname icha barapomonaе ichi xua juntu coyene amanayaba barapo caurimonaе pia pentacaponaеin tatsi. Daichitha paca itacupa xua payabara jume cowantame Nacom xua bara bapon paca yawanaena. Nacom jopa copatsiyo xua caurimonaе pia pentacaponaеin tatsi bichocono paca juntu coyene jujutsina xua pocotsiwa bichocono pacata ayapube xua daxota abe painya neexanaewa tsane. Ichitha poxonae caurimonaе pia pentacaponaеin tatsi paca juntu coyene jujuta, Nacom paca yawanaena xua painya nerucupaewa bapon weya xua daxota jopa abe painya neexanaenexa.

<sup>14</sup> Tamonaе pam paxam pomonaе iru painya nejume cowantsiwixae Jesucristo. Paxam pomonaе tapaca caantobe jiwichi pam. Painya xoba wanae pajaintame ibo nacomun. <sup>15</sup> Paca tsipaebatsi paxam pomonaе painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban. <sup>16</sup> Waxainchi nacaetutatsi wayabara juntanainanexa xua Cristo wanaca tsitupaewa naetha. Bapoxonaе апatsi vino mera yawa xainchi pan. Barapo vino mera Cristo pia pejana tatsi yabara caunutatsi. Matautano barapo pan Cristo pia pepon tatsi yabara caunutatsi. Poxonaе апatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonaе be caemonaе naexainchi Cristotha waapaexae barapo vino mera. Barichi poxonae pan janacatsi be caemonaе naexainchi Cristotha waxaexae barapo pan. <sup>17</sup> Bequein waxainchi pinmonaetsi xua cae pan nabaу xainchi, ichitha waxainchi be caemonaetsi bapon Cristotha tsipei bara cae pan nabaу xainchi.

<sup>18</sup> Payabara nanta xeinare xua judiomonaе pomonaе Israel nacuamonaepiwi. Barapomonaе judiomonaе xane po duwein ichamonaе tauta xua petuxusi exanaewa Nacom nexa. Bapoxonaе barapomonaе be caemonaе naexana Nacomtha. <sup>19</sup> Jopa apara paca tsipaebichi xua ibo nacom xeina peajuntuуapusuwa. Matautano jopa paca tsipaebichi xua po wi jiwi tajeba ibo nacomun ainya cui barapo wi beyacaincha xua icha pewi. <sup>20</sup> Paca tsipaebatsi xua jiwi tajeba pewi ibo nacomun pomonaе jopa yaputaeyo Nacom. Barapomonaе tajeba barapo pewi caurimonaе. Jopa apara tajebiyo Nacom. Jopa ichichipaеinyo xua caemonaе pana naexaname caurimonaе pijimonaetha. Metha baraxua paexanaetsipame poxonae panabaу xaneme pomonaе nacaetuta pexaenexa po wi jiwi tajeba ibo nacomun. <sup>21</sup> Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacupaeyo xua panabaname yawa xua paapameno ichaxota exanompa cauri pia cui coyene pomonaе jopa pejume cowantsiwi.

<sup>22</sup> Icha waxainchi wūnae jaintatsi caurimonae poxonae xainchi po pewi jiwi tajeba ibo nacom bapoxonae waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayarusūwa xua bichocono daunwei xua beyacaincha Nacom.

*Meje xua Pablo yabara paeba xua bewa jiwi yabara nanta xeinae pewi poxonae xane*

<sup>23</sup> Baraxua bequein xainyei poxonae jiton jeye: “Neitacupa xua taexanaewa pocotsiwa ichichipan”, jei bapon. Daichitha jopa daxita nacata wūnaeyo xua pocotsiwa exanatsi. Bequein waxainchi naca itacupa xua waexana dubenanaebiyawa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowūnta dubenanaebiyawa Jesús. <sup>24</sup> Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara irū ichamonae painya neyawenaenexaru.

<sup>25</sup> Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonae painya jūntu coyene jopa paca tsipaebiyō xua apara abe paexaname. <sup>26</sup> Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha. <sup>27</sup> Poxonae jiton pon jopa pejume cowūntsin Jesús, paca tsiwaba pexaewa xua pia paca baru haetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae painya jūntu coyene jopa paca tsipaebiyō xua apara abe paexaname. <sup>28</sup> Ichacuiitha metha ichūn paca tsipaebichipa, xua jeye: “Apara barapo pewi jiwi tajeba ibo nacom poxonae wūnae jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowūntsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitūtha paexanaem tsane bapoxonae bapon jūntu coyene xanepanaya poponaena Nacomtha. <sup>29</sup> Yabara paca tsipaebatsi po coyene xua ichūn yabara nanta xeina barapo pewi pejūntu coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya jūntu coyenewatha.

Ichitha metha ichūn neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichūn yabara nanta xeina barapo pewi?” jei tsipae. <sup>30</sup> Equeicha metha bapon jei tsipae: “Poxonae pexaewa nabanān Nacomtha tsipaeban barapo pexaewa nexa, janje: Nacom, maisa jūntu coyene weiweinān xua barapo pexaewa tanecat-siwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae. <sup>31</sup> Yabara paca tsipaebatsi baraxuan daxita xua xuan painya neapaewān yawa daxita xua xuan painya nenabanaewān yawa daxita icha coyeneinno xua xuan painya neexanaewān daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wūnae jainteibina Nacom. <sup>32</sup> Jopa paexanaeinde pocotsiwa xua abe paexaname xua pocotsiwa daxota ichamonae jura exanaena. Baraxua jopa paexanaeinde judiomonaetha, irū pomonaetha pomonae jopa judiomonaē naexanaeyo, irū pomonaetha pomonae Nacom pejume cowūntsiwichi jiwānamonae. <sup>33</sup> Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia peexanae cuiru coyenein weya.

## 11

<sup>1</sup> Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

*Meje xua Pablo yabaxi yabara paeba powaxi poxonae ena penacacetutsi botha xua poxonae wūnae jainta Nacom*

<sup>2</sup> Tamonae pam paca weyatainchi tsipei paneyabara nanta xeinaPONAME xua daxita coyenyatha. Paxam paexana dubenanaebiyame pocotsiwa xua paca cuidubatsi. <sup>3</sup> Ichitha ichichipan xua painya neyaputaewa xua Cristo canamataxeina daxita pebiwitha. Barichiru daxita pebiwi barompaya piseuriwi canamataxeina. Barichi Nacom Cristo canamataxeinatsi. <sup>4</sup> Icha pebin nantasipa acata poxonae Nacomtha tsipaeba xuano poxonae cueicueijeī Nacom Pejume Diwesi, barapon Cristo jopa baru cui itura jinaetsi.

Saya pia coutha ainya cui nacana exana. <sup>5</sup> Jame icha yabũyo jopa nantasipa acatsiyo xua poxonae cueicueijeji Nacom Pejume Diwesi, xvano poxonae Nacomtha tsipaeba, bapowa pia pebin jopa baru cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jupa icha be poxonae ichi xua daxita matana sibatsi abe peexanaexae. <sup>6</sup> Icha jopa yabũyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina. <sup>7</sup> Poxonae Nacom exana pebin barapo pebin Nacom cui jupatsi. Daxota barapo pebiwi xeinaru barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xvano poxonae Nacom Pejume Diwesi cueicueijeji xua daxota pebaru cui itura jinaenexa xua Nacom pebaru cui itura jinaenexatsi. Ichitha yabũyo bewa baru cui itura jinae pia pebin, tsipei pia pebin canamataxeinatsi. <sup>8</sup> Poxonae Nacom forota jopa Nacom exanaeyo pebin yabũyo weya. Saya jame Nacom exana yabũyo pebin pexainya weya tatsi. <sup>9</sup> Nacom jopa forotsiyo xua pebin yabũyo tsixanatsi. Jame Nacom forota xua yabũyo pebin tsixanatsi. <sup>10</sup> Daxota yabũyo bewa nanta acatsina penacaetutsi botha. Bapoxonae bapowa tsita itapeinya xeina matatsunpiwimonaetha xua bapowa baru cui itura jinae pia pebin pecanamataxeinaexaetsi. <sup>11</sup> Daichitha pomonae Nacom pejume cowuntsiwixae, pebin nantawenona yabũyo, iru yabũyo nantawenona pebin. <sup>12</sup> Bequein Nacom exana yabũyo pebin peyene weya tatsi, ichitha pebiwi ba nowaemenapona yabuxi weya. Barapo naxobe coyenewabe Nacom forota, pebin yawa yabũyo.

<sup>13</sup> Pananta xeinare xua icha bara xaniwaicha xua yabũyo jopa nanta acatsiyo poxonae Nacomtha tsipaeba penacaetutsi botha xua poxonae wũnae pejainchinexa Nacom. <sup>14</sup> Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana. <sup>15</sup> Barichiru wacui coyenewa ba naca yaputane exana xua yabuxi wũnae exana poxonae nantana coraba xua antanapiya. Bapoxonae yabũyo pia pentanantha nantasipa acata. <sup>16</sup> Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Matauta daxita penacaetutsi bonmonae jiwi pomonae Nacom pejume cowuntsiwi pebũyua pana nabaru jupaya nanta xeinan tsipei icha coyene jopa payaputaeyo”, pajan.

*Meje xua Pablo yabara paeba xua abe exana pomonae pejume cowuntsiwi Nacom poxonae nainya xane po penabanaewa cayabara nanta xeina xua Jesús pia petsitupaewa jiwi*

<sup>17</sup> Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi xua beta painya neexanaewa. Bequein pana nabaru nacaetutame ichitha painya juntu coyene jopa paca sana exanaeyo xua paayapusa tsoponaem. Maisa apara abe paexaname. <sup>18</sup> Copiya matha paca tsipaebatsi janje: “Ichun netsipaeba xua pinae poxonae pana nabaru nacaetutame, wũnae painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba. <sup>19</sup> ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petanexatsi pomonae jopa iru najume matsontsonobiyo pomonae xua beta peexanaewi! <sup>20</sup> Bequein pana nabaru nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitupa, daichitha saya paxaneme. Apara jopa pacayabara nanta xeinaem barapo coyene. <sup>21</sup> Daxita paxam carepaya barompaya pia pexaewa nainya xane. Jopa rawũnae ewateibim ichamonae xua painya nenabaru xaenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacara exana peatsaxa meran xua apa poxonae muxuna xane pexaewa. <sup>22</sup> Apara paxeiname painya bon ichaxota paca itacupa xua pana napena jubame. Baraxua be paichaxaibim pomonae Nacom pejume cowuntsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacupaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanapanaya paexaname jan tsane? ¡Jume! Baxua jopa neitacupaeyo xua tapaca yabara paebiwatsi.

*Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús*

(Mt 26.26-29; Mr 14.22-25; Lc 22.14-20)

<sup>23</sup> Po coyene xua paca cuidubatsi baxua copiya Nacom neuciduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha. <sup>24</sup> Poxonae najume weta xua paxa tsipaeba xua jei: “Axa maisa juntu coyene weiweinan xua tanecatsiwam pan”, jei, bapoxonae pan epa janaca. Bapon barai pijimonae jeje: “Panore pan yawa paxaemano. Barapo pan neyabara caunuta xua



tapepon. Tapepon inta atene exanaeinchi painya nepaca cayawenaenexa tsane xua painya tanejume cowantsiwaxaem tsane. Poxonae baxua paexaneibame xua paxaibame panecayabara juntanaineibare painya juntu coyenewatha”, jei Jesús xua pijimonae tsipaeba. <sup>25</sup> Barichiya exana poxonae najain weta. Bapoxonae corotiyu pita pecobetha yawa jeye: “Pena petsiwanae muxu dutsi coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tupaein. Barapo jana tsita itapeinya xeinaena xua jiwi pinmonae yabara juntemainein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara juntanaineibare painya juntu coyenewatha xua tapaca catsitupaewaxaetsi”, jei Jesús, xua pijimonae tsipaeba. <sup>26</sup> Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara juntanainame xua painya nepaca tsitupaewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

*Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús*

<sup>27</sup> Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa juntu coyene xanepanaeyo Nacomtha, apara abe exana Cristotha. Bapoxonae bapon Nacom tsita xeinatsi xua penatsicuentisiwa xua abe peexanaexae Cristo pepontha tatsi xuano xua pia pejanathano tatsi tsipei bapon jopa baru cui itura jinaeyo barapo coyene. <sup>28</sup> Daxota daxita jiwi bewa barompaya matha pewnaeya najuntu coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha. <sup>29</sup> Pon xane barapo pan xuano xua apa barapo uva mera xua tsijunta eca corotiyotha xua Jesucristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa. <sup>30</sup> Daxota pinmonae pajiwana atenem xuano jopa xeinaeyo peajuntu yapusawa. Daxota ichamonae bayatha pajiwana werapame. <sup>31</sup> Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa najuntu coyene cayabara nanta xeinaetsi, xua icha metha bara wanae waexanaewa. Bapoxonae xain Nacom jopa naca atene exanaeyo xua wanatsicuentisiwaxae xua abe waexanaexae. <sup>32</sup> Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowantsiwi”, xua jopa pewanaca yabara jeinexa.

<sup>33</sup> Daxota tamonae pam poxonae pana nacaetutame xua painya nabaru xaenexa po pexaewa xua poxonae Jesucristo cayabara nanta xeinatsi, matha abu ichamonae paewaitebare. <sup>34</sup> Icha ichun jainpa bu bapon matha pia botha xane pewnaeya xua poxonae napatopaena penacaetutsi botha xua poxonae wanae jainta Nacom. Bapoxonae itacupatsi xua bapon penaxaewa po pexaewa poxonae Jesucristo cayabara nanta xeinatsi. Bapoxonae Nacom jopa peraxa jubi tsane bapon xua abe peexanaexae poxonae nanacaetuta pomonaetha pomonae Nacom pejume cowantsiwichi. Poxonae paca siwa ponaeinchi xua tapaca taenexa tsainchi, bapoxonae paca cuidubinchi pocotsiwan xua yabara pana neyainyabame.

## 12

*Meje xua pejuntu cui coyenein yabara po pejuntu coyenein Nacom pia Pejumope tnanxu tatsi amanaya cata daxita carepaya pomonaetha pomonae Nacom pejume cowantsiwichi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tnanxu tatsi cata pejuntu cui coyenein daxita barompaya carepaya pomonaetha pomonae Nacom pejume cowantsiwichi. <sup>2</sup> Paxam payaputaneme xua abe paexaname pewnaeya poxonae pajume cowantame. Pacopatame xua bara ichamonae ichawa beya paca matacapona xua wanae painya nejainchinexa ibo nacomun, po ibo nacomun jopa cueicueijeio. <sup>3</sup> Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tnanxu tatsi pia peayapusu itorobi coyenewa tatsi. Barichi dapocotsin aibi pon itacupatsi xua poxonae jeye: “Bapon Jesús apara pon jiwi

Pecanamataxeinaein”, xua poxonae jei, icha bapon jopa xeinaeyo Nacom pia Pejumope tñaxñ tatsi pia peayapusñ itorobi coyenewa tatsi.

<sup>4</sup> Jiwi itacupatsi xua daxita carepaya barompaya pexeinaewa ainya jñntñ cui coyenein pomonae pejume cowantsiwixae Nacom. Barapo jñntñ cui coyenein jopa nacui coyene jupaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tñaxñ tatsi. <sup>5</sup> Jiwi pomonae pejume cowantsiwixae Nacom, itacupatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon. <sup>6</sup> Jiwi pomonae Nacom pejume cowantsiwixae itacupatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene jupaeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha. <sup>7</sup> Nacom pia Pejumope tñaxñ tatsi tsita itapeinya xeina Nacom pia peayapusñ itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha. <sup>8</sup> Ichamonaе jiwánatha, Nacom pia Pejumope tñaxñ tatsi cata pejñntñ cui coyenewa xua po coyene barapomonae pejñntñ coyenetha beta yaputane xua peexanaenexa pocotsiwa pecueicueijejiwa ichamonaetha. Barichi ichamonaе jiwánatha Nacom pia Pejumope tñaxñ tatsi cata pejñntñ cui coyenewa po coyene xua beta peucidubiwa po coyene peyaputaewa xua daunwei yabara yaputane pecana exanaenexa xua ichamonaе yabara yaputane pecana exanaenexatsi. <sup>9</sup> Ichamonaе jiwánatha Nacom pia Pejumope tñaxñ tatsi cata peyabara jume cowantsi coyenewa xua daxota bapomonae nanta xeina xua bara itacupatsi xua peexanaewa daxita coyenein xua Nacom itoroba xua bapomonae peyawenaexaetsi Nacom. Barichi ichamonaе jiwánatha Nacom pia Pejumope tñaxñ tatsi cata xua po coyenewatha peatenewi axaibi peexanaewatsi. <sup>10</sup> Ichamonaе jiwánatha, Nacom pia Pejumope tñaxñ tatsi cata po coyenewatha pexeinya petsita itatsi coyene peexanaewa. Ichamonaе jiwánatha, Nacom pia Pejumope tñaxñ tatsi cata po coyeneya xua pecueicueijejiwa Nacom Pejume Diwesi. Ichamonaе jiwánatha Nacom pia Pejumope tñaxñ tatsi cata po coyeneya beta peyaputaewa xua po coyene poxonae Nacom pia Pejumope tñaxñ tatsi jiwi cueicueijeji exanatsi yawa po coyene poxonae jiwi cueicueijeji exanatsi caurimonae. Ichamonaе jiwánatha Nacom pia Pejumope tñaxñ tatsi cata po coyeneya xua ichamonaе pecueicueijejiwa icha jumeintha, po jumein bequein jopa nacuidubiyo. Ichamonaе jiwánatha Nacom pia Pejumope tñaxñ tatsi cata po coyeneya xua barapomonae xuya jume yaputane exana po jumein xua ichamonaе paeba po jumein xua ichamonaе bequein jopa nacuidubiyo. <sup>11</sup> Daxita barapo jñntñ coyenein exana ducuaenaebiya pon Nacom pia Pejumope tñaxñ tatsi. Barapo jumope daxita coyenein meisa compa exana, po jumope Nacom pia Pejumope tñaxñ tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

*Meje yabara xua daxitatsi be caemonaetsi Jesustha*

<sup>12</sup> Pepon bequein caein ichitha nawita xeina xua pia pecueyabiwatsi, petaxube, pesitobeno, pemaxubeno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi jñta coyeneya ichi, Cristo pinmonae xeina pia pejume cowantsiwichi bequein bara barapon Jesús caein. <sup>13</sup> Barapocotsi jñta coyeneya ichi, waxainchi seicaya jiwichi. Daichitha daxita waxainchi be caemonaе jiwichi wajume cowantsixae Jesús. Ichamonaе waxainchi jiwánatsi judiomonaetsi. Ichamonaetsi pomonae jopa judiomonaе naexanaeyo. Ichamonaetsi pomonae amanaya tanacuitatsi ichamonaе nexa. Ichamonaetsi pomonae saya wajinompaeui xua saya wawan wanata exanae jiwi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope tñaxñ tatsi wanaca barñ jinompaexae. Nacom daxita waxainchi barompaya carepayatsi naca cata barapo pejumope tñaxñ, pon bara saya meisa caein.

<sup>14</sup> Pepon jopa xeinaeyo bara caewa xua pecueyatsiwatsi. Apara nawita xeina xuan pecueyabiwatsi. <sup>15</sup> Metha petaxu jei tsipae: “Xan apara jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apara bara pepon cueyatatsi icha itacupatsi xua paeba. <sup>16</sup> Metha pemuxuyoroto jei tsipae: “Xan apara jopa peitamaiqueitñño daxota xan pepon nexa aibi”, jei tsipae. Bequein baxua paebichipa daichitha apara bara pepon cueyatatsi icha itacupatsi xua paeba. <sup>17</sup> Icha daxita wapepon ñ peitacuereto tsipae, jopa naca itacupaeyo xua wajume taewa tsipae. Barichi icha wapepon daxita ñ pemuxuyoroto tsipae, jopa naca itacupaeyo xua watuxubiwa tsipae. <sup>18</sup> Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi. <sup>19</sup> Icha daxita baxuan saya ñ najurpaetsipa, bapoxonae jopa xapain

xeinaetsipaetsi pepon. <sup>20</sup> Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

<sup>21</sup> Peitacuereto jopa itacupaetsi xua pejeiwa pecobetha: “Xam jopa cacanamatawenon-aetsi”, jopa pejeiwa. Barichi pentasipa jopa itacupaetsi xua pejeiwa petaxubetha: “Pax-ambe jopa paca canamatawenonaetsibe”, jopa pejeiwa. <sup>22</sup> Po wanaca cueyatsiwa wapepontha xua jopa naca tsita ainya cuiyo, apara bara baxua ainya cui wacanamatawenon-aenexa. <sup>23</sup> Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabarũ itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwi jopa benaca taeyo, naacabatsi paparuwantha wapin uraxae. <sup>24</sup> Po wanaca cueyatsiwa wapepontha pocotsiwa jiwi nacata tane baxuan jopa ainya cuiyo xua waacabinexa paparuwatha xua jopa waauxaxaetsi. Nacom nacata exana pepon xua waxainchi beta nayaewatatsi paparuwatha, po wanaca cueyatsiwa wapepontha xua bichocono pecanantawenonaewa baxua. <sup>25</sup> Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonae Nacom pejume cowantsiwichi ichi xua nantiya bewa nayawenae. <sup>26</sup> Icha barapo wanaca cueyabiwan caewa jiwana wepu atene, bara barichi pepon daxita atenerũ. Mataũta icha baxuan caewa jiwana ainya cui cana exanatsi bara daxita nabarũ weiweinaya dubena pepontha.

<sup>27</sup> Paxam Jesucristo piamonae tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo. <sup>28</sup> Nacom itapeta xua pomonae pejume cowantsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiwi tatsi. Bapoxonae irũ itapetatsi pomonae Nacom pia peitorobi jume pepaebiwi. Equeicha bapoxonae irũ itapetatsi pomonae jiwi pecuidubiwi Nacom Pejume Diwesi. Bapoxonae irũ itapetatsi pomonae pexeinya petsita itatsi coyenewan exana. Bapoxonae irũ itapetatsi pomonae axaibi peexanaewi peatenewi. Irũno bapoxonae itapetatsi pomonae jiwi peyawenaewi. Bapoxonae irũ itapetatsi pomonae peitorobiwi pomonaetha pomonae pejume cowantsiwi. Irũno bapoxonae itapetatsi pomonae cueicueijeji icha jumeintha, po jumein bequein jopa nacuidubiyo. <sup>29-30</sup> Nacom jopa apara daxita piamonae exanaeyo pomonae Jesús pia peitorobi jiwi tatsi. Mataũtano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyo pomonae exana pexeinya petsita itatsi coyenewan. Mataũtano jopa apara daxita jiwiyo pomonae axaibi peexanaewi peatenewi. Barichi jopa apara daxita jiwiyo pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyo pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo. <sup>31</sup> Ichitha paxam bewa paichichipaenema po jũntũ cui coyenein xua bichocono wnae po coyenein xua Nacom amanaya cata piamonaetha.

### *Meje xua Pablo yabara paeba peantobe coyenewa*

Ichitha anoxuae yabara paca cuidubinchi icha jũntũ cui coyenewa po jũntũ cui coyenewa bichocono toxeinchiya wnae beyacaincha xua po jũntũ cui coyenein aunxuae yabara paeban.

## 13

<sup>1</sup> Metha icha bequein neitacupaetsipa xua tacueicueijejiwa ainya jumein po jumein ichamonae cueicueijeji, xuanõ po jumein matatsunpiwi cueicueijeji. Bequein metha neitacupaetsipa daichitha icha jopa ichamonae tsita xeinaeyo peantobe coyenewa, bapoxonae saya apara pin busi jumein exanan poxonae saya cueicueijan. <sup>2</sup> Metha xan Nacom pia peitorobi jume tacueicueijan tsipae, mataũtano metha yaputaetsipan daxita po coyenein Nacom moya yawũn xeina xua bexa Nacom exanaena, mataũtano metha yaputaetsipan daxita peyaputane coyenewan, mataũtano metha beta jume cowantsipan xua taneitacupaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jityno. <sup>3</sup> Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatũpaein tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyũno.

<sup>4</sup> Jame pon xua peantobe coyenewa xeina daxita jiwi nexa bapon jame jũntema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya

yawena ichamonaē. Bapon jame jopa peyabara uwin pocotsiwa ichamonaē xeina. Matautano bapon jame jopa pia coutha penayabara nanta xeinaein xua peainya cui jiton. Matautano jame bapon jopa peaebin jiwī. <sup>5</sup> Barichi bapon jame jopa atsaquiya pepaebin. Matautano bapon jame jopa peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua bapon daunweya ayapubeya taexanaethatsi. Bapon ba jame juntu coyene weiweinaeyo poxonaē ichamonaē abe exana. Saya bapon jame juntu coyene weiweina poxonaē ichamonaē bara xainyeya exana. <sup>7</sup> Pon ba jame peantobe coyenewa xeina ichamonaē nexa, bapon jame exanapona beta bequein ichamonaē daunweya ayapubeya taexanaetha xua bapon daunweya ayapubeya taexanaethatsi. Bapon ba jame juntu coyene weiweinaeyo poxonaē ichamonaē xua barapomonaē pomonaē ichamonaē itacupatsi xua xanepanaya peexanaewa. Matautano bapon jame yabara jume cowantsiya ewatapona xua ichamonaē bexa beta peexanaewa tsane bequein abe peexanaewi. Matautano bapon ba saya junte ma pona bequein bapon abe taexanaethatsi ichamonaē.

<sup>8</sup> Po coyene xua jiwī antobe ichamonaē barapo coyenewa bapana jopa weraweracae tsane. Jopaena matakabi po matakabitha jopa nantawenonaē tsane xua pomonaē pecueicueijeī jiwī Nacom nexa pocotsiwa Nacom yaputane exana. Barichino jopa cueicueijeī tsane icha jumeintha po jumein barapomonaē jopa bequein nacuidubiyo. Matautano jopa nantawenonaē tsainchi po coyene peyaputae coyenewa. <sup>9</sup> Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijeīwa nacata seica daxota be conotha yabara cueicueijeīchi Nacom. <sup>10</sup> Ichitha poxonaē Cristo patopaetsica pon daxita coyenein peyaputaein bapoxonaē bapon naca yaputane exanaena po coyene xua nacata seica xua wayabara cueicueijeīwa bapon, xuano xua bapon yabara yaputainchi. Barapo ainya coyenebe weraweracaena bapoxonaē.

<sup>11</sup> Poxonaē xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonaē pinyonba nacui baraxuban pocotsiwa exanaponaē poxonaē pexuyon. <sup>12</sup> Bara juta coyeneya ichi anoxuae. Saya be conotha Nacom yabara yaputainchi. Baraxua be icha be pocotsi juta coyeneya ichi poxonaē tsabocototha nayatainchi xua daduna xua daichitha jopa nataetsi. Ichitha bexa tsane yatsicaewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejuntu coyene yaputaewa. <sup>13</sup> Acoibi po coyenewabe ataya ayapusu tsane. Meje barapo acoibi po jume coyenewabe xuaje: Pejume cowantsi coyenewaru Nacomtha, barichi peyabara jume cowantsiya ewatsi coyenewaru Nacomtha, matautano peantobe coyenewaru. Jame po jume coyenewa bichocono toxeinchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamonaē waantobe coyenewatsi. Barapo jume coyenewa bichocono toxeinchiya ainya cui.

## 14

*Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo*

<sup>1</sup> Bewa paichichipaename xua painya nexainaewa peantobe coyenewa. Barapoxonaē bewano paichichipaename icha juntu coyenein pocotsi juntu cui coyenein Nacom amanaya paca cata. Po juntu cui coyene xua bichocono wanaē beyacaincha xua icha juntu cui coyenewa, apara barapo juntu cui coyenetha pacueicueijam Nacom pia peitorobi diwesi. Baxua jame bewa paichichipaename. <sup>2</sup> Pon ba icha jumetha cueicueijeī po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwī jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope tnanaxu tatsi cueicueijeī exana. Bapon apara paeba pocotsiwa Nacom moya yawun xeina, pocotsiwa xua bequein jiwī jopa yaputaeyo. <sup>3</sup> Ichitha nama seicaya pon jame Nacom Pejume Diwesi cueicueijeī jiwitha, jiwī yaputane exanaeinchi Nacom yabara. Matautano bapon poxonaē Nacom Pejume Diwesi cueicueijeī yawena ichamonaetha xua barapomonaē juntu cui coyene tsacabatsi xua Nacom pejume cowantsiwatsi. Barichi poxonaē cueicueijeī Nacom Pejume Diwesi juntu coyene sadajei exana pomonaē anthuthurewe xua anthuthutane. <sup>4</sup> Pon ba cueicueijeī ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijeī jiwitha Nacom nexa po coyene Nacom yaputane exana, bapon jiwī yaputane exainchi Nacom yabara pomonaē xua Nacom pejume cowantsiwichi.

<sup>5</sup> Ichichipan xua daxita paxam painya necueicueijeixa ichta jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijeixa Nacom Pejume Diwesi ichamonaetha. Pon ba xua Nacom Pejume Diwesi cueicueijeixa ichamonaetha, bapon ba jame wɔnae exana beyacaincha pon ichta jumeintha cueicueijeixa. Ichacuitha bapon pon ichta jumeintha paeba itacɔpatsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomonae pejume cowuntsiwi Nacom xua beta mataropeicha pejume cocowantaponaenexa Cristo. <sup>6</sup> Tamonae pam, ichta poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha ichta paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cowuntsiwa Nacom. Ichitha ichta ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano ichta ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa hexa Nacom exanaena, baxua jame paca yawenaetsipa. Ichacuitha ichta paca cuidubichipatsi Nacom Pejume Diwesi baxua paca yawenaetsipa.

<sup>7</sup> Jiwi ba tanbaba po petanabiwa arpa matawɔn, xuanɔ ba oba po peobiwa pewɔn flauta. Ichitha ichta barapo ainya pecajume exanaewan jopa xapain busi pichapaetsipae bapoxonae jiwi jopa xapain yaputaetsipae po wei xua ichta jiwi wei tanbaba. <sup>8</sup> Barichi poxonae ba jiwi naba ichamonaetha bapoxonae ba oba xua penajunutsiwa. Ichitha ichta barapo busi, busi caewa, jiwi jopa xapain busi taeyo. Bapoxonae jiwi jopa itacɔpaetsi xua penacui wɔnaetsiwa xua penabinexa. <sup>9</sup> Barichi paxamtha. Icha ichta jumeintha papaebichipame jiwitha, po jumeintha bequein jopa panacuidubim, xuanɔ irɔ barapo jiwi jopa nacuidubiyo bapoxonae jiwi jopa xapain paca yaputaetsipae. Baraxua apara be saya poxonae sito patsipaebame. <sup>10</sup> Metha beya tsipae xua barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matawɔnɔmɔnaein tsiniya xeina po jumein xua yaputane barapomona. <sup>11</sup> Ichitha ichta xan jopa yaputaeyo po jumetha xua ichan netsipaeba bapoxonae xan be tsita tana nanapaincha poponaein xua be ichta nacua werena taponaein irɔ baponɔ be netsita penanapaincha poponaein xua be ichta nacua werena peponaein. <sup>12</sup> Paxam paichichipame po juntu cui coyenein Nacom pia Pejumope tɔnaxɔ tatsi amanaya cata piamonaetha. Yaitama baxuan paichichipame daxota bichocono pawɔcare barapo Nacom pia Pejumope tɔnaxɔ tatsi xua painya nepaca catsibinexa po juntu cui bichocono wɔnae. Baxua pawɔcare xua painya neyawenaenexa pomonae pejume cowuntsiwi Nacom, xua beta pejume cocowantaponaenexa Nacom.

<sup>13</sup> Daxota pon ichta cueicueijeixa ichta jumetha po jumetha bequein bapon jopa nacuidubiyo, bapon bewa wɔcaena Nacomtha xua Nacom bapontha yabara jume yaputane pecana exanaenexa barapo jume. Bapoxonae bapon itacɔpatsi xua yabara yaputane exana barapo jume xua ichamonaey yaputane exanatsi. <sup>14</sup> Icha ichta jumetha tsipaeban Nacomtha po jume bequein jopa yaputaeyo saya apara tajumope tɔnaxɔ tsipaeba Nacomtha. Tajuntu coyene jopa yaputaeyo xua tatsipaebiwa Nacom. Barichi ichamonaey jopa yaputaeyo xua tatsipaebiwa Nacom. <sup>15</sup> ¿Eta xua bewa exanocuaein? Jame, bewa wɔcaein Nacom tajuntu coyenewatha po jumein yaputan. Barichi bewa naxɔnaein Nacomtha tajumope tɔnaxɔtha po jumein jopa yaputaeyo. Matautano bewa naxɔnaein tajuntu coyenewatha po jumein yaputan. <sup>16</sup> Ichacuitha metha ichta jumetha wɔnae jainchipame Nacom xua nejumope tɔnaxɔ cueicueijeixa cacana exana. Pomonae xua cajume taetsipa jopa cajume yaputaetsipae. Daxota jopa itacɔpaetsipatsi xua peburɔya necajume notsiwa Nacom nexa, xua pejeinexa: “Bara ichi tsane”, xua pejeiwa. <sup>17</sup> Poxonae bequein Nacomtha wɔcaetsipame ichta jumetha bara bequein wɔnae pocotsiwa xua paebame, daichitha ichɔn jopa yawenaetsipatsi xua beta pejume cowuntsiwa Nacom. <sup>18</sup> Nacomtha tsipaeban paxam yabara, janje: “Nacom maisa juntu coyene weiweinan, xua ichta jumeintha tacatsipaebiwatsi, beyacaincha daxita barapomonaey xua ichta jumeintha catsipaeba”, jan. <sup>19</sup> Ichitha poxonae pomonae Nacom pejume cowuntsiwichi nacaetuta penacaetutsi botha bara saya wɔnae tsipae xua ichta saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonae ichta metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijeixa.

<sup>20</sup> Tamonae pam, paxam pomonae irɔ painya nejume cowuntsiwixae Jesucristo. Painya xoba pananta xeiname ichta pexui ichi poxonae nanta xeina. Jame pajinompa dubenanaebiyama ichta pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama ichta pomonae pinyon ichi xua nanta xeina dubenanaebiya. <sup>21</sup> Nacom jeye pia peitorobi jume diwesitha: “Paebin barapo judiromonaetha poxonae

cueicueijeji cana exanaein pomonae penanapaincha jinompaewi xua icha nacupiwi po jumein xua jopa yaputaeyo pomonae xua petsipaebixaetsi. Bequein baxua exanaein ichitha cataunxuae barapo judiomonae jopa nejume tae tsane”, jei pon jiwi Pecanamataxeinaein pia peitorobi jume diwesitha. <sup>22</sup> Daxota xua pecueicueijejiwa icha jumeintha tsita itapeinya xeina xua pomonaetha pomonae jopa pejume cowantsiwi xua aparta Nacom atene exanaena barapomonae jopa pejume cowantsixae. Barapo jumein jopa aparta nexiyo pomonae xua bayatha pejume cowantsiwi, poxoru Nacom jopa atene exanae tsane barapomonae. Ichitha xua cueicueijeji Nacom Pejume Diwesi, baxua tsita itapeinya xeina pomonaetha pomonae pejume cowantsiwi xua aparta Nacom yawenaena barapomonae peantobexae tsipei barapomonae Nacom jume cowantsi. Barapo Nacom Pejume Diwesi pecueicueijejiwa jopa aparta nexiyo pomonae jopa pejume cowantsiwi poxoru Nacom jopa yawena tsane barapomonae jopa pejume cowantsixae Nacom. <sup>23</sup> Ichacuitha metha patsipa painya nenacaetutsiwatha xua poxonae Nacom wñae pajaintame pomonae jopa yabara yaputaeyo poxonae ichamonae pecueicueijejiwa icha jumeintha, irñ pomonae jopa pejume cowantsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae. Bapoxonae barapomonae paca yabara nanta xeinaetsipa xua aparta painya nepacamatajemabi jiwi pam. <sup>24</sup> Ichitha metha pebiwi patsipa painya nenacaetutsiwatha xua poxonae Nacom wñae pajaintame pomonae jopa yabara yaputaeyo poxonae ichamonae pecueicueijejiwa icha jumeintha, irñ pomonae jopa pejume cowantsiwi Nacom. Poxonae daxita paxam Nacom Pejume Diwesi papaebichipame barapomonae paca yaputaetsipa xua papaebame. Bapoxonae barapomonae najññtñ coyene cayabara nanta xeinaetsipa xua abe peexanaewa. Matañtano barapomonae yaputaetsipa xua Nacom petsita natsicuentisiwatsi xua abe peexanaexae xua poxonae painya necajume taexae poxonae papaebame Nacom Pejume Diwesi. <sup>25</sup> Nacom exana xua barapomonae peyaputaewa po coyene xua Nacom daxita beta yabara yaputane po coyene xua barapomonae nanta xeina nejññtñ coyenewatha. Bapoxonae barapomonae yaputaena xua bara Nacom jñntemaina barapomonae abe pia peexanae cuiru coyenein tatsi. Bapoxonae pentabocototha umenaena xua Nacom wñae pejainchinexa tsainchi. Barapomonae jei tsane paxamtha: “¡Jaina, maisa deta Nacom paca barñ jinompa!” paca jei tsane barapomonae.

*Meje xua Pablo jeye: “Beta xanepanaya paexanaponde penacaetutsi bontha poxonae wññae pajainteibame Nacom”, jei*

<sup>26</sup> Tamonae pam, paxam pomonae irñ painya nejume cowantsiwixae Jesucristo. Paca tsipaebatsi xua je: Poxonae pana nacaetutame, ichamonae painyamonaе jiwana barabñ naxññaena peweixi xua wññae pejainchinexa Nacom. Ichamonae irñ barabñ cuidubina ichamonae. Ichamonae irñ barabñ cuidubina po coyenein Nacom yaputane exana. Ichamonae irñ barabñ icha jumeintha cueicueijeji tsane po jumein bequein jopa nacuidubiyo. Ichamonae irñ barabñ xuya barapo jumein yabara jume yaputane exanaena daxita jiwitha po jumein ichamonae paeba. Daxita po coyenein xua paexaname bara wññae paexande poxonae panacaetutame wññae painya jaintsinexa Nacom xua daxota xanepanaya mataropeicha painya nejume cocowññta dubenanaebiyaenexa Nacom. <sup>27</sup> Poxonae icha jumeintha pacueicueijam bewa saya cueicueijeji nacueyatabe poyobe ichacuitha poxonae acoiби poyobe. Ichitha ichamonae ajibi tsane. Barapo acoiби poyobe bewa xuya cotacaya barompaya tsana cueicueijeji tsoponae tsane. Bewa bapoxonae xuya ichññ cotacaya yabara jume yaputane exanae pocotsiwan xua barapo acoiби poyobe barompaya seicaya paeba. <sup>28</sup> Ichññ dapocotsin aibi pon itacupatsi xua xuya cotacaya peyabara jume yaputane exanaewa, jopa bewa barapo acoiби poyobe icha jumeintha paebi tsane penacaetutsi jiwitha xua poxonae Nacom wññae pejainchinexa. Saya bewa moya pia coutha cueicueijeji Nacomtha. <sup>29</sup> Bara wññae tsipae icha saya pacopatsipame nacueyatabe poyobe xua pecueicueijejiwa Nacom Pejume Diwesi xua ichacuitha poxonae saya acoiби poyobe. Ichamonae bewa jume taena icha metha bara xaniwaicha paeba barapo acoiби poyobe. <sup>30</sup> Icha ichññ eca baxota pon Nacom yaputane exana po jumein bewa cueicueijeji tsane bapoxonae pon xua copiya asiya uncuwa bewa moya ecaena xua daxota barapon pon ichññ itacupatsi xua cueicueijeji po jumein Nacom yaputane exana. <sup>31</sup> Daxita paxam paca itacupa xua painya necueicueijejiwa Nacom Pejume Diwesi, painya necana exanaenexa xua daxita barapomonae penacuidubinexa. Matañtano paca itacupa painya necueicueijejiwa painya nejññtñ cui tsacabinexa daxita jiwi pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tsoponeibim tsane. <sup>32</sup> Pomonae Nacom Pejume Diwesi pecueicueijejiwi barapomonae itacupatsi xua penajññtñ coyene itorobiwa. Daxota barapomonae ewata xua ichññ matha pecueicueijejinexa, xua bapoxonae bara pecueicueijejinexa tsane ichamonaetha. <sup>33</sup> Tsipei

Nacom jopa ichipaeyo xua jiwi ajumeyaexa poxonae daxita jiwi peburaya cueicueijeji Nacom Pejume Diwesi. Jame Nacom ichichipa xua pomonae pejume cowantsiwi jantema penabaru jinompawea poxonae nacaetuteiba xua wuna pejainchinexa Nacom.

Daxita pomonae xua nacaetuta pejume cowantsixae Jesucristo, exana xuaje: <sup>34</sup> Yabuxi bewa saya moya poxonae nacaetuta pomonae Nacom pejume cowantsiwi xua Nacom Pejume Diwesi pecueicueijejinexa. Nacom baxua jopa copatsiyo xua yabuxi pecueicueijejiwaxota. Barapo yabuxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba. <sup>35</sup> Icha barapo yabuxi ichichipa xua peyaputaewa pocotsiwa ichamonae paeba, bewa barapowaxi pia boxitha yainyabi pia seuriwi. Tsipei jopa wuna tsipae icha yabuxo cueicueijeji penacaetutsimonaetha pomonae Nacom pejume cowantsiwichi xua poxonae yainyaba pia pebiwi.

<sup>36</sup> Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Matautano jopa paxam compa pam pomonae meisa paxename Nacom Pejume Diwesi. <sup>37</sup> Ichamonae pomonae paxam jiwana pam nanta xeina xua xeina po juntu coyenewatha pecueicueijejiwaxota Nacom Pejume Diwesi. Barapo juntu coyene xua Nacom pia Pejumo pe tuxaxu tatsi amanaya cata. Matautano ichamonae pomonae paxam jiwana pam nanta xeina xua xeina icha juntu coyenewa po juntu coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa. <sup>38</sup> Icha pebin jopa bejume cowantsiyo pocotsiwa paeban, bapoxonae painya xoba pajume cowantame pocotsiwa bapon paeba.

<sup>39</sup> Tamonae pam, paxam pomonae iru painya nejume cowantsiwixae Jesucristo. Bewa jame paichichipaename xua painya necueicueijejiwaxota Nacom Pejume Diwesi. Painya xoba pajume itawetame poxonae ichamonae cueicueijeji icha jumein po jumein bequein jopa nacuidubiyo. <sup>40</sup> Daxita beta xanapanaya paexanaponde poxonae pana nacaetutame penacaetutsi botha xua poxonae wuna painya nejainchinexa Nacom, xua barompaya tsanaya patamropatsiya exanaponde.

## 15

### *Meje xua Pablo yabara paeba poxonae Cristo equeicha asu exainchi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume cowantame, xua daxota beta pajume cowantsiya jinompame Nacomtha. <sup>2</sup> Painya nejume cowanta dubenanae-biyaexae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanae-biyaename icha beta payabara jantanainame pocotsiwa paca cuidubatsi xuan icha xaniwaicha pajume cowantame baxuan. Icha copiya jopa pajume cowantsim tsane painya juntu coyenetha barapo pecapanenebiyae diwesi bapoxonae Nacom jopa paca capanenebiyae tsane.

<sup>3</sup> Copiya paca cuidubatsi pocotsiwa xua ichun necuiduba xua Cristo yabara. Paca cuidubatsi xua Cristo naca tsitupa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua. <sup>4</sup> Poxonae Jesucristo tupa bapoxonae mathatha xotsi. Ichitha poxonae acolibi po matacabibe jopa, barapo matacabitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua. <sup>5</sup> Bapoxonae Pedro tsita naitutatsi Jesucristo. Bapoxonae equeicha Jesucristo tsita naituta pia peitorobi jiwi tatsitha pomonae doce poyobe. <sup>6</sup> Bapoxonae caena equeicha Jesucristo tsita naituta pomonaetha pomonae pia pejume cowantsi jiwix-aetsi, pomonae beyacaincha quinientos poyobe jiwi. Awiya pinmonae barapo bicheito jiwamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana. <sup>7</sup> Bapoxonae equeicha Santiago tsita naitutatsi Jesucristo. Bapoxonae equeicha Jesús tsita naituta daxita pomonaetha pomonae pia peitorobi jiwi tatsi.

<sup>8</sup> Bapoxonae nama matapainya xan Pablon netsita naituta Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana. <sup>9</sup> Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha

pomonaē penacatetsimonaē jiwitha pomonaē pejume cowantsiwi Nacom. Pebaraxu-axae jopa bewa neyabara caunutsi baxua. <sup>10</sup> Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusya nacuitan Jesucristo nexa beyacaincha ichamonaē pomonaēxae Jesucristo pia peitorobi jwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae. <sup>11</sup> Jopa ainya cuiyiyi pomonaē bayatha paca cuiduba Nacom Pejume Diwesi. Jopa ainya cuiyiyi icha ichamonaē pomonaē Jesús pia peitorobi jume pepaebi jwi bayatha paca cuiduba. Matautano jopa ainya cuiyiyi icha xan bayatha paca cuidubatsi. Saya jame ainya cui xua daxita paxan nanta jupaya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

*Meje xua Pablo yabara paeba pomonaē xua equeicha asu exanatsi petupae cuiru coyene weya*

<sup>12</sup> Paca cuidubatsi xua Cristo equeicha asu exanatsi petupae cuiru coyene weya. Dai-chitha pomonaē paxam jiwana pam paeba xua pinae Nacom jopa equeicha asu exanaeyo jwi petupae cuiru coyene weya. ¿Eta xua nexata metha baxua paeba painyamonae jiwana? Bara bayatha payabara yaputanemeba. <sup>13</sup> Icha jwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya. <sup>14</sup> Icha Cristo jopa equeicha asu exanaetsipaetsi petupae cuiru coyene weya, bapoxonaē jopa ainya cui tsipae pocotsiwan paca cuidubatsi. Bapoxonaē baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae. <sup>15</sup> Icha baxua xaniyei paxan be pomonaē pemuxitorobi jwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi petupae cuiru coyene weya ichitha baxua jopa xainyeyo icha jwi jopa equeicha asu exanaetsi petupae cuiru coyene weya. <sup>16</sup> Icha petupae jwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae cuiru coyene weya. <sup>17</sup> Icha Cristo jopa equeicha asu exanaetsipaetsi petupae cuiru coyene weya bapoxonaē jopa paca yawenaetsipae xua painya nejume cowantsiwa. Daxota awiya paexana dubenanaebiyaetsipame abe painya neexanaē cuiru coyenein. <sup>18</sup> Icha baxua xaniyei tsipae xua Cristo jopa asu exanaetsipaetsi petupae cuiru coyene weya bapoxonaē pomonaē xua bayatha werapa bequein jume cowantsiwa tsipae Jesús, ichitha weraweracaetsipa xua abe peexanaexae. <sup>19</sup> Waxainchi jume cowantsiya wunaē ewatatsi xua bexa tsane Cristo naca asu exanaena poxonaē werapaeinchi. Ichitha icha saya jume cowanta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonaē wajume cowantsiwa jopa naca yawenaetsipae xua po coyene Nacom bexa asu wanaca exanaewa tsane poxonaē werapaeinchi. Bapoxonaē jwi pomonaē jopa pejume cowantsiwi naca yabara jei tsipae: “¡Pai barapomonaē tsobenae beyacaincha ichamonaē bequein jume cowantsiwa tsobenae!” xua wanaca yabara jeichiwa tsipae.

<sup>20</sup> Ichitha pocotsiwa xua yatsicaya jame xaniyei, apara jame xua Cristo bara yatsicaya asu exanatsi petupae cuiru coyene weya. Bapon Cristo copiya jwi asu canamata exanatsi xua petupae cuiru coyene weya pomonaē xua ataya tsitecaeya peasunexa xua jopa weraweracaeyo. <sup>21</sup> Jwi abe peexanaē cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jwi equeicha asu exanatsi, tsipei jiton copiya asu canamata exanatsi, bapon Jesucristo. <sup>22</sup> Jwi werapaena icha Adán ichi abe peexanaexae. Daxita pomonaē Cristo piamonaē tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaenexa. <sup>23</sup> Nacom iche tsane xua poxonaē exanaena xuaje: Copiya matha Cristo asu exanatsi. Bexa tsane pomonaē Cristo piamonaē tatsi asu exanaeinchi petupae cuiru coyene weya poxonaē Cristo equeicha patopaetsica barapo irathe tsique. <sup>24</sup> Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusya itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonaē poxonaē wetsina daxita, Cristo pia peayapusu itorobi coyenewa Paxa caewa catsina, pon Nacom. <sup>25</sup> Tsipei Cristo bewa tsiwanaya exanaponaena daxita jiwitha be pon jwi itorobiya pia pepa peewatsinchi. Baxua bewa exanaena beya poxonaē Nacom weraweraca exanaena pomonaē Cristo pia peaitafaetabi jiwichi. <sup>26</sup> Po coyene Nacom cotacaya exanaena xua apara piamonaē asu cana exanaena xua bapana jopa peweraweracaewa tsane. <sup>27</sup> Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha



itorobiya canamataxeinaena saya Paxatha meisa jopa itorobiyo tsane. <sup>28</sup> Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

<sup>29</sup> Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petypae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa. <sup>30</sup> Daxita matakabi jinompeibatsi xua naca peipeita ichamonae xua naca abe exana wajume cowantsixae. Icha jopa equeicha asu naca exanaetsipae jopa ainya cui tsipae xua wacueicueije tsurubenaebiwa Nacom Pejume Diwesi. <sup>31</sup> Tamonae pam, paxam pomonae iru painya nejume cowantsiwixae Jesucristo. Daxita matakabi muxu tatypaeibi xua ichamonae tanepeipeita exaneibixae. Baraxua xaniyei icha ichi xua xaniyei xua juntu coyene weiweinan xua Jesucristo pon Wanacanamataxeinaein xanepanaya peexanaexae painya xantha. <sup>32</sup> Xan bara imoxoyo tatypae poxonae Efeso tomarapiwi inta abe exana. Barapomonae baraxua necana exana icha neuthu ichi poxonae ichun waetabatsi. Bequein barapomonae baxua necana exana xua muxu tatypae ichitha jopa asu neexanaetsipae petypae cuiru coyene weya icha jiji equeicha jopa asu exanaetsipaetsi. Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi. Poxonae baraxua exanatsi jupa exanatsi icha ichamonae ichi pomonae jopa peyabara jume cowantsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowantsiwi.

<sup>33</sup> Painya xoba pacopatame xua bara ichamonae painya nepaca muxuitorobeibiwa. Jiwi ba pia pecayabara juta pepaebi diwesiyo ba jei: “Pomonae abe peexanaewi cuiduba ichamonaetha pomonaetha pomonae ichipa beta exana, xua barapomonae abe peexanaenexa”, ba jei barapo diwesiyo. <sup>34</sup> Equeicha caewa paexande po juntu coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neauranexa.

*Meje po coyeneya xua Nacom exanaena poxonae jiwi equeicha asu exanaeinchi petypae cuiru coyene weya*

<sup>35</sup> Metha ichun yainyabina, jei tsane: “¿Eta po coyeneya Nacom exanaena poxonae pewerapaewi equeicha asu exanaeinchi? ¿Eta pocotsi pepon barapomonae xeinaena?” jei tsane. <sup>36</sup> Barapo peyainyabiwa saya pejumexaei. Poxonae paubame peubi xuto, barapo xuto burana bocareca iratha xua pexu nantafobabinexa poxonae xua nae pexuwinexa. <sup>37</sup> Poxonae paubame jopa apara pepaboto paubim xua pepa nae pexuwinexa. Jame apara ba pexu paubame, metha beya xua trigo xuto tsipae, ichacuitha metha icha pexuton tsipaeno. <sup>38</sup> Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita peubi xuton tsanaya seicaya pia cui barompa poxonae xuwa. <sup>39</sup> Barichi jiwi pepon daxita jopa najupaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa. <sup>40</sup> Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonae barapo irathe pejinompaewi nexa. Po pepon pexeinya peitapanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe. <sup>41</sup> Xometo poto ataso pia pexeinya peitapanae coicha barompa. Barichi jomocoichato pia peitapanae coicha barompa. Opiteino pia peitapanae coicha barompa. Icha opitei pia peitapanae coicha jopa nacoicha jupaeyo icha opiteitontha po opiteiton pia peitapanae coicha xeina. <sup>42</sup> Barapocotsi juta coyeneya ichi pomonae xua equeicha asu exanatsi petypae cuiru coyene weya. Poxonae pomonae pewerapaewi iratha muthucatsi equeicha caewa tsorobo naexana petsabanaexae. Bapoxonae equeicha Nacom asu exanaena pena pepon xua petsitacaenexa. Barapo pena pepon bapana jopa tupa tsane equeicha, jopa petsabanaexae tsane. <sup>43</sup> Barapo peru pepon jopa xeinaeyo peitapanae coicha poxonae muthutha xotsi. Ichitha jame barapo pena pepon xeina pexeinya peitapanae coicha. Barapo peru pepon jopa xeinaeyo peasuwa poxonae muthutha boca. Ichitha jame barapo pena pepon xeina peasuwa. <sup>44</sup> Barapo peru pepon saya barapo cae pin nacuathe nexa. Daxota poxonae tupa, tsabana naexana, tsorobo equeicha caewa penaexanaenexa. Ichitha poxonae barapo pepon asu exanaeinchi, bapoxonae pena pepon naexanaena pejumore tupa nexa xua

Nacom pia nacuatha peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

<sup>45</sup> Nacom Pejume Diwesitha jeye: “Po jiton copiya Nacom forota, bapon Adán. Bapon peasüwa xeina xua pepoponaenexa barapo cae pin nacuathe”, jei Nacom. Ichitha Cristo Adán bichocono toxeincha ainya cuichi equeicha caewa asü peexanaeaeetsi. Daxota bapon Cristo itacüpatsi xua ichamonaetha cana exana xua pexeinaewa peajuntüyapusuwa xua po peajuntüyapusuwa ataya tsiteca. <sup>46</sup> Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa. <sup>47</sup> Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica. <sup>48</sup> Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona. <sup>49</sup> Anoxuae wapepon werapaena icha Adán pia pepon tatsi ichi xua bayatha tupa. Ichitha poxonae Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitapanae coicha xeina.

<sup>50</sup> Tamonae pam paxam pomonae irü painya nejume cowantsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacüpaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaeenexa tsane, tsipei barapo pepon tupa. <sup>51</sup> Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawün xeina. Daxita pomonae waxainchi jiwantsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon. <sup>52</sup> Poxonae trompeta matawün asiya obina xua poxonae Nacom daxita wetsina, bapoxonae Nacom jemeicha nainya asü exanaena pomonae pewerapaewi pomonae pejume cowantsiwixae Cristo. Baxua nainya exanaena icha be pocotsi jata coyeneya ichi poxonae jiton nainya naichaquetabiya necotaba. Pewerapaewi asü exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi. <sup>53</sup> Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacüpatsi xua pewerapaewa, bewa pepon naexanaena po pepon xua jopa werapaeyo. <sup>54-55</sup> Wapepon xua weraweracaena Nacom equeicha asü exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacüpatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwünae yabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa peexanaein”, jei Nacom Pejume Diwesitha. <sup>56</sup> Pocotsiwa xua naca amanayaba, apara xua wawerapaewa abeya waexanaeae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoror barapomonae awiya abe peexanaeae. <sup>57</sup> Paxan pajan Nacomtha: “Nacom, maisa pajuntü coyene weiweinan xua pata tanecatsiwam jinya neayapusü itorobi coyenewa pata amanayabinexa abe peexanae cüiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitüpaexae”, pajan.

<sup>58</sup> Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cüiru coyenein, pana najuntü ayapusü exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

## 16

*Meje xua Pablo paratixi yabara paeba po paratixi jiwi catsiba ichamonaetha pomonae pejume cowantsiwi Nacom*

<sup>1</sup> Yabara paca tsipaebatsi paratixi po paratixi penacaeuttsimonae jehebapona ichamona nexa pomonae pejume cowantsiwi Nacom. Paexande icha pomonae penacaeuttsi jiwimonae ichi xua exana pocotsiwa itoroban pomonae Galacia nacua monaepiwi. <sup>2</sup> Daxita domingo wün maticabintha paxam daxita barompaya painya paratixi pajiwana wetsabiya pajebaponaenane pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abü paratixi

pajebare xua jopa painya neexanaewa tsane baraxua xua poxonae equeicha patopaein.<sup>3</sup> Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajejebaponame Jerusalén tomarapiwi nexa pomonae pejume cowantsiwi Nacom.<sup>4</sup> Icha nanta xeinaein xua yapu wunaein paratixi penawichixae metha moyi bara ponaetsipan Jerusalén tomara beya. Bapoxonae barapomonae nepuna ponaena.

*Meje xua Pablo yabara nanta xeina, xua pewarapaewa tsane*

<sup>5</sup> Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha.<sup>6</sup> Metha beya paca baru ecaetsipatsi be caentacabiyobetha. Ichacuitha metha poxonae awubo paca baru ecaetsipatsi. Bapoxonae poxonae weta xua awubo, paca itacupa xua pata neyawenaewam pocotsiwa nantawenonan poxonae warapaein icha tomara beya.<sup>7</sup> Jopa ichipaeinyo xua saya bara caetho tapaca siwa ponaewatsi. Jame ichichipan xua be pecono daepayobe tapaca baru ecaewatsi tsainchi poxonae patopaein. Baxua exanaein icha Nacom baxua inta copatsina.<sup>8</sup> Ecan xote Efeso tomaratha beya poxonae matakabi jopaena po matakabi pewan Pentecostés. Barapo matakabi po matakabi jiwí yabara jantanaina xua poxonae matha Nacom pia Pejumore tñaxñ tatsi patopa penacaetutsi jiwitha pomonaetha pomonae pejume cowantsiwi.<sup>9</sup> Anoxuae neitacupa xua bichocono tatanacuichiwa Nacom xua jiwí pinmonae pejume cowantsinexa barapo tomaratha. Ichitha ayei jiwí ichichipa abe necana exana xua jopa taexanaenexa tsane.

<sup>10</sup> Icha Timoteo patopaena painya xantha, pantenta weyataema xua bapon jantema pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa.<sup>11</sup> Daxita paxam jopa payabara jande: “Apara bapon Timoteo pewowin, jopa aparta peyaputaen”, jopa payabara jande. Jame maisa bapon payawende xua equeicha jantema caewa peponaenexa taxainya berena. Baxua paexande tsipei xan iru ichamonae pomonae iru pejume cowantsiwixae Jesucristo, panabaru wunaewatan bapon xua Timoteo paewatan.

<sup>12</sup> Apolos pon iru pejume cowantsin matowa tsipaeban xua painya nepaca cataenexa xua bapon pecueyabinexa tsainchi ichamonae pomonae iru pejume cowantsiwixae Jesucristo. Ichitha bapon nanta xeina xua anoxuae jopa yapu japaetsi xua peponaewa tsane xua painya nepaca siwa ponaewa. Bapon ponaena ichitha poxonae tayapu jupaeinchi.

*Meje poxonae Pablo najume wetsiya paeba*

<sup>13</sup> Dota pam, pomonae xua abe pacata exana. Beta paajuntusuya pajume cowanta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyayo xua beta peexanaewa.<sup>14</sup> Daxita pocotsiwan xua paexaneibame, peantobe coyenyatha paexaneibare ichamonaetha.

<sup>15</sup> Tamonae pam, paxam pomonae iru painya nejume cowantsiwixae Jesucristo. Paxam payaputaneme xua Estéfanas piamonae tatsi copiya jume cowanta Jesucristo Acaya nacuatha. Barapomonae bichocono yawena ichamonaetha pomonaetha pomonae iru pejume cowantsi jiwí Nacom.<sup>16</sup> Paca tsipaebatsi xua paxam xuya paexana dubenanaebiyama pocotsiwan barapomonae paca itoroba. Pabaru nacuire barapomonae xuano ichamonae iru pabaru nacuitame pomonae jupaeya exana icha barapomonae ichi.<sup>17</sup> Maisa bichocono jantñ coyene weiweinan xua Estéfanas iru Fortunato iru Acaico xote pate. Barapomonae inta exana pocotsiwa jopa paca itacupaeyo xua painta exaname xua jopa xote tapaca baru ecaexaetsi.<sup>18</sup> Barapomonae nejantñ cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonae.

<sup>19</sup> Pomonae penacaetutsimonaepiwi, pomonae pejume cowantsiwi Nacom, pomonae Asia nacuatha jinompa, barapomonae paca jacoba. Aquila iru piowa tatsi Prisca, iru pomonae petanacaetutsi dubenanaebiyae jiwichi pia botha tatsi, barapomonae bichocono paca jacoba peantobe jiwixae xua peantobexaetsi pon jiwí Pecanamataxeinaein.<sup>20</sup> Daxita pomonae pejume cowantsiwixae Cristo pomonae xote jinompe daxita paca jacoba. Betiya painta nantiya pana najacobare painya neantobewaxae Cristo.

<sup>21</sup> Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

<sup>22</sup> Icha ichan jopa Jesucristo antobetsi pon jiwí Pecanamataxeinaein barabu Nacom itawetsina pexainya weya, xua bapon be pon abe peexanae jiton tsane. ¡Xam ponxaem Pata Necanamataxeinaem nainya antha patopare!

<sup>23</sup> Barabu Jesucristo pon jiwi Pecanamataxeinaein paca yawenaena pia paca nepaca caantobewaxae xua xanapanaya painya nejinompaenexa. <sup>24</sup> Daxita paxam pacata itorbatsi po coyene xua tapaca caantobe coyenewatsi taantobewaxae Cristo Jesús.  
Baja Pablo.

## Meje Po Carte Cotacaya Pablo Tatina, Corinto Tomarapiwi Tatinatsi

*Meje poxonae Pablo tamropata pitaba xua tatina pomonaetha pomonae Corinto tomarapiwi*

<sup>1</sup>Xan Pablon pacata tinati. Nacom peichichipaexae bapon necana exana xua Jesucristo pia peitorobi jiwi jiwana tatsin. Xan iru Timoteo pon pejume cowantsin baponbe panbe pacata tinati. Paxam pomonae iru painya nejume cowantsixae Jesucristo pana nacaetutame penacaetutsi botha Corinto tomaratha xua wuna painya nejainchinexa Nacom. Matautano pata tinanbe pomonae iru Nacom piamonae tati xua Acaya nacuatha jinompa. <sup>2</sup>Barabu Nacom pon Waxa iru Jesucristo pon jiwi Pecanamataxeinaein baponbe paca yawenaena pia paca nacaantobexae. Matautano barabu baponbe paca cana exanaena xua juntea painya nejinompaewa tsane.

*Meje yabara xua poxonae Pablo atene exanatsi*

<sup>3</sup>Bara Nacom wuna jaintatsi pon Wanacanamataxeinaein Paxa tati xua Jesucristo Paxa tati. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae. <sup>4</sup>Daxita xua xuan ichamonae pana atene exana, xuan Nacom pana cui matateiqueiba, baxua Nacom painta exana xua xuya iru ichamonae pata cui matateicaenexa tsaibi tsane pomonae poxonae atene exaneibatsi ichamonae. Paxan ichamonae pacui matateican icha Nacom pana ichi xua pana cui matateica. <sup>5</sup>Icha Cristo ichichi poxonae atene exanatsi ichamonae, barichi ichamonae pana atene exana pata jume cowantsixae Jesucristo. Nacom, Cristo cui matateicatsi poxonae atene exanatsi ichamonae. Bara pana ichi Nacom pana cui matateiqueiba poxonae ichamonae pana atene exaneiba. <sup>6</sup>Ichamonae pana anthuthutane exana. Bequein baxua painta exana, daichitha awiya pana itacupa xua tapaca cayawenaewatsi poxonae paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxonae awiya juntea pajinompa dubenanaebiyame bequein poxonae ichamonae paca atene exana icha barapomonae pana ichi xua pana atene exana. <sup>7</sup>Paxan ajuntasya paca cui yabara jume cowantsiya ewatatsi xua paxam bara beta pajinompa dubenanaebiyaname poxonae bequein ichamonae paca atene exana. Paxan payaputan xua paxam iruru pajuntucoyenetanem poxonae ichamonae pana atene exana. Barichi Nacom paca cui matateica icha pana ichi xua pana necui matateica.

<sup>8</sup>Tamonae pam, paxam pomonae iru painya nejume cowantsiwixae Jesucristo. Paichichipan xua painya neyaputaewa xua ichamonae bichocono painta ayapube exana Asia nacuatha. Baxua bichocono ayapusya pana juntu coyene jujuta, beya poxonae awatha muxu jopa juntea pata dubenanaebiyawa. Ichacuitha pananta xeineiban xua jopa pana itacupaeyo xua pata panenebiwa xua pata asawa tsane. <sup>9</sup>Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowantsiwa tsane xua meisa Nacom bara compa pia coutha pata taneyawenaewa tsane xua jopa pata tana nayawenaewa tsane pata coutha. Nacom apara pon equeicha asu exana pewateraewi petupa cuiru coyene weya. <sup>10-11</sup>Nacom pana necapanenebiya ichamonae weya poxonae barapomonae bichocono abe painta exana poxonae awatha muxu pata werapaewa. Matautano awiya Nacom baxua painta exanapona. Yatsicaewa Nacom payabara jume cowantan xua bexa tsane pana necapanenebiyaenano icha awiya painta wacaponame Nacomtha. Nacom pana neyawena poxonae pinmonae painta tsipaebina Nacomtha. Bexa poxonae Nacom pana necapanenebiyaena barapoxonae pin bicheitomonae jei tsane: "Nacom maisa pajuntu coyene weiweinan xua neyawenaewa Pablobaru xua jopa pewateraewa neantobexae poxonae jiwi pin bicheito cawuca barapomonae nexa", jei tsane barapo pin bicheitomonae.

*Meje poxonae Pablo jopa yapu jupaetsi xua peponaewa Corinto tomar beya*

<sup>12</sup>Pajuntu coyene weiweinan, daxota atsaquiya pata jeiwa pocotsiwe: Daxita pocotsiwa paexanan po cae pin nacuathe, xuano poxonae pata paca baru jinompaewatsi, pata juntu coyene bara pana tsipaeba xua pinae bara beta paexanan. Pajuntu coyene xanepanan Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Apra baxua jopa paexanaeinyo barompaya pata tayaputaey coyenewatha. <sup>13</sup>Daxita xua pacata tinati jopa icha diwesi

pacata yawa muxuna tinaetsi. Pocotsiwa pacata tinatsi saya pocotsiwa painya nepaca itacupaewa xua painya neyorobiwa tsane xuano xua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi. <sup>14</sup> Anoxuae daxita pam be conotha pana neyaputaneme. Poxonae Jesús pon Wanacana-mataxeinaein equeicha patopaetsica, pana neyabara juntu coyene weiweinaename icha paichin tsane xua paca yabara juntu coyene weiweinaeinchi.

<sup>15</sup> Poxoru pana neyabara juntu coyene weiweiname daxota nanta xeinan xua tapaca siwa ponaewatsi tsainchi. Bapoxonae icha neitacupa equeicha bexa paca siwa ponaeinchi xua daxota ainya cuiyobetha paca siwa ponaeinchi tapaca cayawenaewa tsainchi. <sup>16</sup> Bayatha paca tsipaebatsi janje xuaje: “Poxonae ponaein Macedonia tapaca cayawenaewa tsainchi. <sup>16</sup> Bayatha paca tsipaebatsi janje xuaje: “Poxonae ponaein Macedonia tapaca cayawenaewa tsainchi. Equeicha paca taeinchi poxonae caewa denan tsane Macedonia nacua werena. Bapoxonae paca itacupa xua tapana neyawenaewam poxonae warapaein Judea nacua beya”, paca jeichi. <sup>17</sup> Bequein baxua paeban, daichitha baxua jopa neitacupaeyo xua taexanaewa baxua. Poxonae baraxua paeban pana nejume cayabara cananta xeiname xua xan apara pon ichawa beya tapaebin xua be pocotsi jiton pon saya exana pocotsiwa bapon ichichipa xua ichawa beya ba paeba. Xan baxua jopa exanaeinyo. Jopa ba paca jeichi “Aja”, jopa paca jeichi. Ichacuitha jopa ba paca jeichi “Jume”, jopa paca jeichi xua poxonae cae coyene yabara paca tsipaebatsi. <sup>18</sup> Nacom bapon bara xaniwaicha tana neyabara paebin pocotsiwa taexanaewa. Bapon Nacom netane xua jopa ichawa beya tapaebiwa. Saya poxonae, ba “aja”, pejeinexa, ba “aja”, jan. Matautano saya poxonae ba “jume” pejeinexa, ba “jume”, jan. <sup>19</sup> Timoteo iru xan paca cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopa bapana jei tsabiyo bara caetotha: “Jume”, yawa “Aja”, jopa bapana jei tsabiyo. Saya jame ba jei: “Aja”, ba jei tsabi. <sup>20</sup> Cristo bara daxita exana pocotsiwa Nacom Pexanto yabara tsiwinae muxu duta. Bara Cristo “Je” jei xua peexanaenexa pocotsiwa Paxe itorobae. Daxota waxainchi barichichi jei tsabichi: “Je, barichi tsane bara Cristo Jesús exanaena baxua”, jei tsabichi waxainchi poxonae Nacom wanae jainteibatsi. <sup>21</sup> Bapon Nacom pana ajuntucoyenesu exana xua beta pata jume cowuntsinexa Cristo. Matautano iru bara paca ichi Nacom, paca yawena. Bapon Nacom naca itapeta watanacuichinexa bapon. <sup>22</sup> Barapon Nacom naca cana exana xua wanaca baru jinompaewa pia Pejumope tana xu tatsi wanaca yaputaenexa xua piamonae jiwichi. Baraxua Nacom naca tsita itapeinya xaina xua bexa tsane naca catsina ichawan.

<sup>23</sup> Nacom neyabara juntu coyene yaputane xua xainyeya paeban. Bequein juntucuru nanta xeinan xua paca siwa ponaeinchi ichitha jopa ponaeinyo. Jopa paca siwa ponaetsi Corinto tomaratha tsipei jopa daunweya bepaca tsipaebichi xua paca juntu coyene wecoyeyi exanaetsipatsi. <sup>24</sup> Jopa bepaca yabara itorobichi xua pocotsiwa bewa painya nejume cowuntsiwa tsane. Tsipei barapara ayapusya pajume cowanta dubenaeibiyame. Pocotsiwa jame paichichipan apara xua pata paca baru nacuichiwatsi jame, painya nejuntu coyene weiweinaenexa.

## 2

<sup>1</sup> Daxota juntucuru nanta xeinan xua jopa equeicha tapaca siwa ponaewa tsainchi, tsipei jopa bepaca wecoyeyi exanaetsi. <sup>2</sup> Icha paca juntu wecoyeyi exanaetsipatsi, dapomonae aibi tsipae pomonae nejuntu coyene weiweina exana. Jame meisa paxam paca itacupa xua tapana nejuntu coyene weiweina exanaewam. Ichitha icha paxam saya pajuntu coyene wecoyam tsipae jopa pana nejuntu coyene weiweina exanaetsipae. <sup>3</sup> Daxota bayatha pacata tinatsi icha carta tsipei jopa bepaca siwa ponaetsi icha saya paca juntu coyene wecoyeyi exanatsi poxonae yabara paca muxuwetatsi pocotsiwa paexaname xua abe paexaname. Apara jame paxam pomonae bewa pana nejuntu coyene weiweina exanaem. Xan nanta xeinan icha juntu coyene weiweinan paxam bara paichim tsane pajuntu coyene weiweinaename. <sup>4</sup> Poxonae bayatha po carta pacata tinatsi bichocono unthathu wecoyan, tsipei bichocono paca yabara najuntu coyene eena exanatsi pocotsiwa painya neexanaexae beya poxonae yatsicaewa wecoyan xua yatsicaewa taitacuere mene jujuincaewa. Jopa ichipaainyo xua tapaca wecoyeyi exanaewatsi. Jame ichichipan xua painya neyaputaewa xua tapaca caantobewichi bichocono.

*Meje poxonae Pablo itoroba xua Corinto tomarapiwi peyabara jantemainaewa tsane pocotsiwa exana pon penowa pita*

<sup>5</sup> Caein pon paxam jiwana pam abe exana ichamonaetha. Bapon juntu coyene wecoyeyi exana ichamonaetha. Bapon jopa meisa apara compa nejuntu coyene wecoyeyi exanaeyo. Barichi bapon bara iru paca juntu coyene wecoyeyi exana daxita paxam bequein saya bapon

abe exana pon painyamonaē jiwana jiton. <sup>6</sup> Pon yabara icha cartatha pacata tinatsi pon abe peexanaein, pebɯɯna nanta jɯpaya paitawetame bapon xua pepatopaeyainwa painya nenacaetutsiwatha poxonaē wɯnaē pajaintame Nacom. Anoxuae bapon nacui baraxuba xua abe peexanaewa. Baraxua bara wɯnaē. Painya xoba equeicha paitawetame bapon. <sup>7</sup> Anoxuae paxam bewa pacui yabara jɯntemainaem abe pia peexanaē cuiɯ coyene tatsi. Matautano bewa pacui mataiteicaename xua peurayainwa. Icha jopa baxua paexanaemt-sipae, bapoxonaē bapon metha jopa juniya bichocono jɯntɯ coyene wecoyei tsipae, xua daxota anaya pia coutha penacabetsiwa xua pebaraxubixae xua pejume cowɯntsiwa. <sup>8</sup> Daxota paca tsipaebatsi, bapon patsita itapeinya xeinare xua peantobe coyenewa painya netsita xeinaewa bapon. <sup>9</sup> Bayatha yabara pacata tinatsi xua bewa pamuxuwetsim bapon. Paca jɯntɯ coyene jɯjɯtatsi xua tayaputaenexa icha metha bara xaniwaicha pana nejume cowɯntame daxita pocotsiwa paca itorobatsi, bara bayatha pamuxuwetame bapon. <sup>10</sup> Icha paxam ichɯn pacui yabara jɯntemainaem abe pia peexanaē cuiɯ coyenein tatsi, barichin tsane irɯ bapon cui yabara jɯntemainaem abe pia peexanaē cuiɯ coyenein tatsi. Tsipei icha ichɯn cui yabara jɯntemainaem abe pia peexanaē cuiɯ coyenein apara poxoru copiya painya necui yabara jɯntemainaexae abe pia peexanaē cuiɯ coyenein tatsi. Baxua exanan Cristo tana neitorobixae. Baxua Cristo necui tane xua exanan. <sup>11</sup> Waxainchi ichamonaē abe pia peexanaē cuiɯ coyenein tatsi yabara jɯntemainaem xua caurimonaē pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiwi jɯntɯ coyene jɯjɯtatsi xua abe peexanaenexa.

*Meje poxonaē Pablo Tito bichocono yabara najɯntɯ coyene exabatsi Troas tomaratha*

<sup>12</sup> Poxonaē Troas tomaratha patopan xua tacueicueijeinexa Cristo pejume diwesi bara inta yapu wɯnaē xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane. <sup>13</sup> Ichitha bichocono jopa jɯntema poponaeinyo poxoru bichocono yabara najɯntɯ exaban Tito pon irɯ pejume cowɯntsin Jesucristo, yaitama jopa caxinaein yapon. Daxota Troas tomarapiwi napeyaban. Bapoxonaē ponan Macedonia nacua beya.

*Meje yabara po coyeneya xua Cristo naca yawena xua waamanayabinexa caurimonaē pia pentacaponaein tatsi*

<sup>14</sup> Nacom patsipaeban, pajan: “Nacom maisa pajɯntɯ coyene weiweinan xua painta exaname”, pajan. Nacom pana cana exana xua Cristo betiya pana canamataxeina poxonaē Nacom Pejume Diwesi pacueicueijan. Matautano Nacom pana cana exana xua pata amanayabiwa caurimonaē pia pentacaponaein tatsi poxonaē jiwi yaputane pacana exanan xua peyabara yaputaewatsi Cristo. Daxita nacuantha ichaxota paponeiban, bapon payabara paebeiban. Barapo pexeinya jume diwesi xua papaebeiban tajɯ beya pajume pichipaponan, icha be poxonaē petuxuei tuxusi ichi xua tajɯ tuxusi pona. <sup>15</sup> Nacom ichipa nawita poxonaē beta patacueicueijan xua Cristo payabara cueicueijan icha be poxonaē ichi poxonaē bichocono tuxusi ichichipa incienso tuxusi matawɯn. Barichi po diwesi xua Cristo payabara cueicueijan, tajɯ pajume pichipaponan pomonaetha pomonaē Cristo capanenebiya ducuanaebiya xuano pomonaetha pomonaē weraweracapona jopa pejume cowɯntsixae Cristo. <sup>16</sup> Poxonaē jiwi jopa jume cowɯntsiyo barapo diwesi po diwesi pacueicueijan be tsita tuxusichi xua po tuxusi tuxusi barapomonaē tɯpa peexanaewatsi. Ichitha poxonaē jiwi jume cowɯnta, bapoxonaē barapo diwesi tsita muxu wɯnaetsi icha xua jiwi ichi poxonaē po tuxusi tuxune bichocono ponxo tuxusi wɯnaetsi. Barapomonaē peɯntɯ coyenetha yaputane xua barapo jume diwesixae Nacom cata barapomonaetha peajɯntɯyapusɯwa po peajɯntɯyapusɯwa ataya tsiteca. ¿Jintam metha itacɯpatsi xua barapo Nacom pia petanacuichiwa tatsi peexanaewa xua pia coutha compa exana? Apara dapon ajibi. <sup>17</sup> Paxan jopa paexanaein yochi be jopa ichamonaē ichiyo xua poxonaē barapomonaē pia paratixichi paeba dubenanaebiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonaē wanaexanaexaetsi Cristotha.

### 3

*Meje poxonaē Pablo yabara paeba Nacom pia pena petsiwɯnaē muxu dutsiwa tatsi*

<sup>1</sup> Poxonaē baxua pacata tinatsi, metha pana neyabara nanta xeinaetsipame xua paxan pomonaē ainya cui jiwi pata naexanaē jiwi pan. Nama ichamonaē cartan capona po cartantha piamonaē beta yabara tina barapomonaē, xua painya necopatsiwa tsane xua bara pia paca tsipaebibichi Nacom Pejume Diwesi poxonaē barapomonaē patebina painya tomaratha. Metha paxam pana neyabara nanta xeinaetsipame xua xan irɯ barichinɯ icha ichamonaē ichi xua poxonaē barapo carta capona pia xua painya necopatsiwa tsane xua bara pia paca tsipaebibichi Nacom Pejume Diwesi. Bequein metha pana neyabara

nanta xeinaetsipame xua xuya painta tinaetsipame xua paxan yabara ichitha jopa apara paca wucaetsi baxua. <sup>2</sup> Poxonae daxita jiji paca cui tane xua beta painya jinompaewa Nacom nexa, bapoxonae jiji pana neyabara nanta xeina xua bara beta pata exanaewa xua pata paca yawenaexaetsi xua painya nejume cowantsiwa. Pata juntu coyenewan pana tsipaeba xua bara pinae pajume cowantame Cristo. Poxonae jiji paca cui tane xua beta painya nejinompaewa Nacom nexa, barapo jiji pana nejuntanaina xua beta pata paca cayawenaexaetsi. Baxua be poxonae jiji yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta. <sup>3</sup> Cristo ichichipa xua jiji tane xua bapon bichocono wunae exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiji petanenxa pejumein itaneton. Matautano jopa tinaeyo peitaneton xua ibo panawatha ichi Moisés ichi. Jame Nacom pia Pejumo pe tñaxu tatsi icha juntu coyene paca cata xua daxota jiji tsita itapeinya xeinatsi xua Cristo beta exana paxam nexa.

<sup>4</sup> Paxan pana itacupa xua baxua papaeban Cristo pata neyawenaexae xua pata jume cowantsiwa Nacom. <sup>5</sup> Ichitha jopa pana neitacupaeyo xua pata coutha pata exanaewa baxua. Daxita pocotsiwan pana itacupa xua pata exanaewa apara Nacom pata taneyawenaexae. <sup>6</sup> Nacom pana necana exana xua pomonae yatsicaewa pata yabara cueicueije jiji pan Nacom pia pena petsiwunae muxu dutsiwa coyenewa. Nacom pia pena petsiwunae muxu dutsi coyenewa jiwitha jopa xeinaeyo xua tina ainya coyenein xua jiji peitorobi coyenewatsi xua jiji bewa exanaena. Barapo Nacom pia pena petsiwunae muxu dutsi coyenewa paeba xua saya meisa xua beta pejinompaenexa. Nacom pia Pejumo pe tñaxu tatsi itacupatsi xua naca cata pena pejuntu coyenein. Nama Moisés pia peitorobi coyenewa seicaya paeba xua bequein jiji exana xua Moisés itoroba, barapomonae awiya werapaena abe peexanaexae. Nama seicaya Nacom pia Pejumo pe tñaxu tatsi peajuntayaruswa naca cata.

<sup>7</sup> Moisés pia peitorobi coyenewa ibo panawantha tina. Barapo coyene jiji cana exanatsi xua pewerapaewa abe peexanaexae. Poxonae barapo coyenewa Moisés cata israelmonaetha barapomonae israelmonae jopa itacupaetsi xua Moisés peitabara taewatsi tsipei Nacom pia pexeinya peitupanae coicha tatsi bichocono pentha Moisés peitabaratha. Ichitha barapo Nacom pia pexeinya peitupanae coicha tatsi Moisés pia xainya weya tatsi bewayo caewanaya. <sup>8</sup> Po pena juntu coyene Nacom pia Pejumo pe tñaxu tatsi naca cata bichocono wunae tsipei jiji cana exanatsi xua pexeinaewa peajuntayaruswa po peajuntayaruswa ataya tsiteca. Barapo pena juntu coyene bichocono wunae beyacaincha po peitorobi coyene Moisés itoroba. <sup>9</sup> Bequein Moisés pia peitorobi coyenewa wunae, barapo coyenewaxae Nacom tsitatsi xua jiji penatsicuentisiwa xeina xua abe peexanaexae. Nama bichocono wunae Nacom pia pena juntu coyenewa po juntu coyenewa jiji catatsi beyacaincha Moisés pia peitorobi coyenewa. Barapo Nacom pia juntu coyenewaxae, jopa tsitatsi xua piamonae tatsi pexeinaewa xua penatsicuentisiwa xua abe peexanaexae. <sup>10</sup> Moisés pia peitorobi coyenewa tatsi copiya bichocono wunae, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwunae muxu dutsi coyenewa tatsi jame barapo coyene jiji bichocono yawenatsi. Daxota barapo coyene yatsicaewa wunae beyacaincha Moisés pia peitorobi coyenewa tatsi. <sup>11</sup> Poxonae Moisés cata pia peitorobi coyenewa israelmonaetha bapoxonae barapomonae tane Moisés peitabaratha tatsi Nacom pia pexeinya peitupanae coicha tatsi. Barapo pexeinya peitupanae coicha caewanaya. Nama Nacom pia pena petsiwunae muxu dutsi coyenewa jopa caewanayiyo. Nama ataya ayaruswa tsiteca barapo coyene.

<sup>12</sup> Tsipei pajume cowantsiya ewatan xua Nacom exanaena daxita pocotsiwa bayatha yabara pana netsiwunae muxu duta, daxota jopa pauringyo xua pata yabara paebiwa daxitan. <sup>13</sup> Paxan jopa paexanaeinyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitupanae coicha caewanaya. <sup>14</sup> Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonae jopa peyaputaewa pia juntu coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonae jopa yaputaeyo xua barapo coicha caewanaya. Matauta anoxuae barapomonae jopa yaputaeyo xua icha jiji jume cowantsina Cristo saya meisa bapoxonae barapo jiji itacupatsi xua peyaputaewa Moisés pia peitorobi coyenewa. <sup>15</sup> Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonae jopa peyaputaewa Moisés pia peitorobi coyenewa tsipei najuntu coyene ararana jopa be peyaputaewaxae. <sup>16</sup> Ichitha poxonae jiji jume cowanta Jesucristo pon jiji Pecanamataxeinaein, bapoxonae Nacom cana exana xua pejuntu coyeneintha peyaputaewa Moisés



pia peitorobi coyenewa tatsi. <sup>17</sup> Jesucristo pon jiwi Pecanamataxeinaein iru Nacom pia Pejumope tɔnaxɔ tatsi najɔntɔ coyene jɔpabe. Pomonae ba Nacom pia Pejumope tɔnaxɔ tatsi xeina jopa nantawenonaeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha. <sup>18</sup> Daxita waxainchi wajume cowɔntsixae Jesucristo pon jiwi Pecanamataxeinaein, jiwi tsita itɔtatsi xua bara Nacom pia Pejumope tɔnaxɔ tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa pe-ichichipaexae xua peitabara taewatsi ichamonae, tsipei bichocono itabara daedaena xua Nacom pia peitɔpanae coicha tatsi. Jame waxainchi jinompatsi xua ichamonae naca jɔntɔ coyene tane, xua jiwi beta peyaputaenexa xua bara Nacom pon bichocono pexeinaein pejɔntɔ coyene xanepanaewa. Nacom pia Pejumope tɔnaxɔ tatsi naca yawena ducuaenaebiyaena bexa tsane xua waxeinaponaewa tsane pena jɔntɔ coyenewan. Icha Jesucristo ichi pia jɔntɔ coyenewatha, barichi tsainchi xua wajɔntɔ coyenewantha xua poxonae jinompatsi.

#### 4

<sup>1</sup> Nacom pata tanaantobexae pana cata barapo penacuichiwa. Daxota paxan jopa barana paajɔntɔcoyenefaetabiya cueicueijanyo Nacom Pejume Diwesi. <sup>2</sup> Jopa paexanaeinyo xua pata yabara cueicueijiwa po coyene ba jiwi aura exanatsi po coyene jiwi moya yawɔn xeina. Mataɔtano jopa paexanaeinyo po coyene xua pata muxujainyabiya paebiwa. Barichi jopa payabara jume toxeinchiya exanaeinyo Nacom Pejume Diwesi xua poxonae ichamonae pata cana exanaenexa xua Jesús pejume cowɔntsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia jɔntɔ coyenein tsipaebatsi xua bara xainyeya papaeban. Nacom pana jume tane daxita pocotsiwa papaeban. <sup>3</sup> Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poxoru barapomonaeweraweracaena, jopa pejume cowɔntsixae. <sup>4</sup> Jiton ba pon peitata quirein jopa itacɔpaetsi xua petaewa. Bara pocotsi jɔta coyeneya ichi pomonae weraweracaena jopa itacɔpaetsi xua pejume cowɔntsiwa Nacom. Caurimonae pia pentacaponaein tatsi jiwi jɔntɔ coyene itorobatsi barapo cae pin nacuathe. Bapon barapomonaeweraweracaena exanatsi xua jopa peyaputaewa. Daxota jopa Cristo jume cowɔntsiwi. Mataɔtano bapon jopa copatsiyo xua barapomonaeweraweracaena jume cowɔntsiwa Nacom pia pecapanenebiyae diwesi tatsi. Barapo diwesi bichocono wɔnae xua yabara caunuta xua Cristo pexeinya peitɔpanae coicha xeina. Bapon Cristo bara Nacom cui jɔpatsi. <sup>5</sup> Poxonae pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yaticaya pepa Wanacanamataxeinaein. Paxan amanaya panacuitan paxam nexa pata taantobexae Jesús. <sup>6</sup> Nacom pon xua jeye: “Barabɔ pecoicha ba pentha pequireiwatha”, jei. Bapon Nacom exana xua pepatopaewa pata jɔntɔ coyeneintha pia pexeinya jume diwesi tatsi, po diwesi copiya jopa pata yaputaewa. Pata jɔntɔ coyeneintha pata xeinaexae barapo diwesi pana itacɔpa xua pata yabara yaputaewa Nacom pia pexeinya peitɔpanae coicha xua paxan patan, xua Jesucristo pata itabara taewa.

*Meje xua Pablo yabara paeba xua pejinompaeya coyenewa xua pejume cowɔntsi coyeney-atha*

<sup>7</sup> Paxeinan pata jɔntɔ coyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitɔpanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peyapusu itorobi coyenewa paxeinan xua Nacom pana cata. Daxota apara Nacom piawa, jopa apara patawiyo. <sup>8</sup> Bequein jiwi ichawa beya pana jɔntɔ coyene jujɔta xua abe pata exanaenexa poxonae abe painta exana, ichitha awiya pana itacɔpa xua pata panenebiwa bara weya. Bequein bichocono yabara pana najɔntɔ coyene exaban pocotsiwa jiwi painta exana, ichitha awiya jopa paajɔntɔcoyenefaetabinyo. <sup>9</sup> Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomonaeweraweraca iratha pana bebai xua pata tanejutebiwa tsane, ichitha Nacom jopa pana copabiyo xua barapomonaeweraweraca pata tanejutebiwa. <sup>10</sup> Daxita nacuantha ichaxota paponeiban jiwi abe pana exaneiba. Barapomonaeweraweraca pana wan dubeiba pata tanejutebebiwa tsane icha Jesús ichichi xua bexotsi. Poxonae jopa pabobenaeyo xua ichamonae jopa pata tanejutebiwa, baxua patsita itapeinya xeinan jiwi xua apara Jesús asɔ pon pata taneyawenaexae pia peyapusu coyenewatha. <sup>11</sup> Poxonae cataunxuae pajinompan barapo cae pin nacuathe jiwi ichichipa pata tanejutebebiwa pata yabara paebi dubenanaebiyaexae Jesús. Daxota baxua jiwitha

patsita itapeinya xeinan xua xaniwaicha bara Jesús pana yantsiya popona poxonaе jiwi pana wan tane xua poxonaе bequein muxu pata bobeneibi. <sup>12</sup> Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajntuyarusuwa paxeiname po peajntuyarusuwa ataya tsiteca.

<sup>13</sup> Nacom Pejume Diwesitha jeye: “Jume cowantan daxota cueicueijan”, jei. Paxan pajume cowantan icha David ichi xua poxonaе baxua paeba. Iruu paxandu pajume cowantan daxota pacueicueijan. <sup>14</sup> Payaputan xua Nacom Jesús asu exanatsi xua petupae cuiru coyene weya pon jiwi Pecanamataxeinaein. Barichi tsane Nacom asu naca exanaena petupae cuiru coyene weya, caemonae waexanaexaetsi Jestustha. Paxan iru paxamdu Nacom naca caponaena pia xainya beicha. <sup>15</sup> Daxita pocotsiwan xua ichamonae pana necana exana xua paatanein baxuan paca yawena xua painya nejume cowantsinexa. Poxonaе jiwi equeicha mataropeicha jume cocowantaponaena Cristo, bapoxonaе ayei jiwi Nacom wunaе jainchinci, jei tsane: “Nacom maisa pajntu coyene weiweinan xua pata tanyawenaewam pata taneantobexaemxae”, jei tsane. Bapoxonaе jiwi bichocono wunaе jainchina Nacom xua bapon bara beta peexanaexae.

<sup>16</sup> Daxota jopa bapana paajntucoyenefaetabiya jinompaеin. Pata pepon ffinapona. Ichitha pata jntu coyene equeicha mataropeichiya asuya ayarusu tsoponeibi daxita matacabin. <sup>17</sup> Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo atenewa pata tana neexanaewa pana neyabara nacui wunaeta xua bexa tsane Nacom pata tana necatsibiwa tsane po coyenein xua bichocono wunaе xua po coyene ataya pata xeinaewa tsane po coyene xua pexeinya peitupanae coichaxae. <sup>18</sup> Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana jntu coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayarusu tsoponaе.

## 5

<sup>1</sup> Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta werapaenexa barapo cae pin nacuathe. Poxonaе pawerapaеin pata pepon weraweracaena icha bouto ichi. Bapoxonaе payaputan xua Nacom icha pepon painta xeina xua pena pepon pia nacuatheicha. Barapo pepon ataya payawa jinompaеin. Barapo pena pepon Nacom exana, jiwi jopa exanaeyo. <sup>2</sup> Anoxuae bichocono pana najntu coyene exaban tsipei bichocono bepaxeinaein icha pena pepon po pena pepon Nacom xeina pia nacuatheicha. <sup>3</sup> Barapo pena pepon Nacom pana cata xua jopa pata jinompaenexa athabeicha poxonaе jopa paxeinaeinjo pepon. <sup>4</sup> Poxonaе cataunxuae barapo pepon payawa jinompan barapo cae pin nacuathe bichocono pana najntu coyene exaban tsipei jiwi painta ayapube exana pata pepontha. Ichitha jopa paichichipaеinyo xua pata jinompaewa be poxonaе jopa paxeinaeinjo barapo peru pepon xua pata bebeixae. Jame paichichipan xua pata yawa jinompaewa pena pepon. Po pepon anoxuae payawa jinompan saya werapaena. Paichichipan xua equeicha pata xeinaewa pena pepon po pena pepon xua ataya asuya pata yawa jinompaewa tsane. <sup>5</sup> Nacom pana necui yabara wunaeta xua barapo pena pepon pana catsina. Nacom pana cata pia Pejumope tanaхu tatsi xua pana netsita itapeinya xeina xua bexa tsane Nacom pena pepon xaniwaicha pana catsina.

<sup>6</sup> Daxita matacabin ajuntusuya pajume cowanteiban Nacom pon jiwi Pecanamataxeinaein. Payaputan xua poxonaе cataunxuae barapo cae pin nacuathe payawa jinompan barapo peru pepon. Cataunxuae yatsicaya Jesucristo tajw tsana pana cuenta eca, jopa cataunxuae pata xeinaexae barapo pena pepon. <sup>7</sup> Pajinompan pata jume cowantsiya coyenyatha Jesús, xua bapon exanaena pocotsiwan bapon paeba, bequein cataunxuae jopa pana nebaru jinompaeyo itabocotheicha. Apara jopa pajinompaеinyo xua pata tataewaxae ichawa. <sup>8</sup> Ajuntusuya pajume cowanteiban Nacom. Paichichipan pata bebeixa barapo peru pepon xua po pepon anoxuae payawa jinompan pata jinompaenexa ichaxota Jesús popona pon jiwi Pecanamataxeinaein. <sup>9</sup> Bichocono paichichipan xua pata exanaewa pocotsiwa bapon Jesús pon jiwi Pecanamataxeinaein ichichipa bequein barapo pepon payawa jinompan barapo cae pin nacuathe, mataantano ichacuiitha metha bequein poxonaе painompan Nacom pia nacuathe. <sup>10</sup> Bexa tsane daxita waxainchi bewa umenaеinchi Cristo peitabaratha. Bapoxonaе barapo mataqueitha bapon yabara paebina jiwi xua penatsicuentisiwa xua abe peexanaexae Nacomtha. Daxita barompaya matoma xeinaena pocotsiwa pia peexanaexae poxonaе cataunxuae jinompa barapo cae pin nacuathe. Pomonaе wunaeya tanacuita xuya wunaeya matoma catsibinchi. Pomonaе jopa xapain tanacuichiyo xuya antomabeya catsibinchi.

*Meje xua Pablo yabara paeba xua jüntema pejinompae coyenewa yabara*

<sup>11</sup> Yaitama payaputan xua bewa pacunuwin Nacom pon jiwi Pecanamataxeinaein pata baru cui itura jinaenexa bapon. Daxota pamuxuwetan jiwi xua bewa jume cowantsina Jesús. Nacom pana juntu coyene yaputane xua xainyeya bepataxanaein. Barichi paichichipan xua paxam pana juntu coyene yaputaneme beta. <sup>12</sup> Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebaru cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Matautano paca tsipaebatsi xua ichamonaе painya nejume noteib-inexa poxonaе ichamonaе abeya pana neyabara paebeiba. Barapomonaе pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomonaе jopa najuntu coyene yabara tsaqueinaeyo xua po juntu coyenein xeina pia juntu coyeneintha po juntu coyene jopa wunaeyo. <sup>13</sup> Barapomonaе pana neyabara nanta xeina xua paxan pomonaе pata tanentsiyabi jiwi pan xua poxonaе pata cueicueijeixae Nacom Pejume Diwesi. Icha barapomonaе baxua pana neyabara nanta xeina apara poxoru Nacom pata taantobexae. Icha barapomonaе jopa pana yabara nanta xeinaeyo xua paxan pomonaе pata tanentsiyabi jiwi pan, apara poxoru saya pata paca yawenaexaetsi. <sup>14</sup> Cristo pata tana neantobexae paichichipan xua pata tatanacuichiwanexa bapon. Bara xaniwaicha payaputan xua Cristo tsitupa daxita jiwi pomonaе pia pejume cowantsiwichixaetsi. Daxota Nacom patsitan xua paxan be pomonaе pata werapaewi pan abe pata exanaexae. <sup>15</sup> Cristo tsitupa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxonaе jopa jinompae tsane po coyeneya poxonaе tsita xanepanatsi barapomonaе. Jame barapomonaе bewa jinompae Cristo nexa pon naetho tupa xuano xua equeicha asu exanatsi. <sup>16</sup> Anoxuae jopa payabara nanta xeinaeyo xua pata yaputaewa jiwi pia pejuntu coyenein tatsi xua saya poxonaе pacui tan poxonaе po coyenein exana icha pomonaе jopa pejume cowantsiwi ichi. Barapomonaе nanta xeineiba xua jiwi pejuntu coyene yaputaenexatsi xua saya poxonaе cui tainchi xua exaneiba. Bequein copiya bayatha Cristo jopa wunaeya payabara nanta xeinaeyo, ichitha anoxuae jopa baxua paraichinyo poxoru anoxuae bara xaniwaicha payaputan bapon. <sup>17</sup> Pon caein naexana Cristotha pejume cowantsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

<sup>18</sup> Daxita barapo pena juntu coyenein Nacom werena pona. Nacom naca cana exana xua piamonaе jiwi tatsichi pomonaexaetsi bequein copiya Nacom pia peaitafaetabi jiwi tatsichi. Baxua Nacom naca cana exana Cristo wanaca tsitupaexae. Matautano Nacom pana itoroba xua paxan xuya ichamonaetha pata cana exanaenexa Nacom piamonaе tatsi pomonaexae bequein copiya Nacom pia peaitafaetabi jiwichi. <sup>19</sup> Pocotsiwa xuaunxuae paca tsipaebatsi xua apara meje: Nacom jüntema jinompa cana exana barapo cae pin nacuathe pomonaе copiya pia peaitafaetabi jiwichi poxonaе barapomonaе yabara jume cowanta xua Cristo tsitupa barapo jiwi. Bapoxonaе Nacom jopa tsitatsi xua barapo jiwi penatsicuentiwa xua abe peexanaexae. Matautano Nacom pana ora penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamonaе cana exana jiwi, pomonaе bequein copiya pia peaitafaetabi jiwichi, barapo diwesi pacueicueijan. <sup>20</sup> Paxan pomonaе Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxonaе paca tsipaebatsi. Cristo patacueicueijan poxonaе jume daunweya paca jeichi: “Pana naci barapende abe painya neexanae cuiru coyenein. Pajume cowande Cristo caemonaе painya nenaexanaenexa Nacomtha”, paca jeichi. <sup>21</sup> Cristo bapana jopa abe exana. Ichitha Nacom tsitatsi xua Cristo penatsicuentiwa xua poxoru abe waexanaexae. Bapoxonaе Nacom naca cana exana xua caemonaе wanaexanaewa bapontha xua wajuntu coyenein xanepanaenexa Cristo pia peexanaexae poxonaе naca tsitupa. Bapoxonaе Nacom tsitatsi xua jopa watsita natsicuentiwa bequein abe waexanaethatsi.

## 6

<sup>1</sup> Nacom pata tana nebaru nacuita dubenanaebiyaexae, jume daunweya paca muxu tsipaebiya jeichi: “Painya xoba panaitematame po diwesi xua Nacom paca cata paca nacaantobexae. Barapo diwesi apara xua Nacom juntu coyene xanepana exana jiwi pomonaе pejume cowantsixae”, paca jeichi. <sup>2</sup> Tsipei Nacom, pewunaeya poxonaе xua jiwi yabara cui cananta xeinaeinchi peyawenaenexa tsainchi, Nacom Pejume Diwesiha namchi, jeye:

“Po matacabi jiwi yabara cui cananta

xeinaein tayawenaenexa tsane, barapo

mataqueitha paca jume taeinchi.

Po matacabitha jiwi capanenebiyaein

paxam yawa paca yawenaeinchi”,

jei Nacom Pejume Diwesitha.

Anoxuae apara barapo matacabi jopa, po mataqueitha Nacom naca yabara cui cananta xeina wanaca yawenaenexa.

<sup>3</sup> Poxonae Nacom patanacuitha dubenanaebiyon paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiyo xua abe pata exanaewa xua jiwi pata nejume aebiyainwa Nacom Pejume Diwesi Poxonae patsipaeban. <sup>4</sup> Jame apara daxita beta paexana dubenanaebiyon jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitha. Baxua paexanan poxonae awiya saya juntepa pajinompan poxonae bequein ichamonae atene pona exana, xuano bequein painta seica pocotsiwa panantawenonan, xuano bequein poxonae bichocono panta yapu daunwei tsaibi poxonae paexaneiban. <sup>5</sup> Ichacuitha jiwi pana beiba bichocono. Matautano ichacuitha jiwi pana cuaranobeiba jiwi pecubi bontha. Matautano ichacuitha jiwi ayei jiwi anaepanaya pana netsaquibabeiba poxonae jiwi ayei acycu. Poxonae panacuitha, bichocono aya-pusyua panacuitha. Ichacuitha merawitha jopa pamaiteibinyo tsipei saya paexaneiban Nacom pia panacuitha tatsi. Ichacuitha tsaibi bichocono pajainpeiban. <sup>6</sup> Jiwi patsita itapeinya xeinan xua paxan pomonae Nacom pia petanacuitha jiwi tatsi pan xua Nacom pata tsita junte coyene xanepanaexae, matautano tsipei poxoru payaputan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope tanaxu tatsi pata tanebaru jinompaexae, xuano xua ichamonae xaniwaicha pata taantobexae.

<sup>7</sup> Bara xaniwaicha payabara paeban po coyene pexainyeiwa. Paxan paxeinan Nacom pia peayarusu itorobi coyenewa tatsi. Pata Nacom pata tsita junte coyene xanepanaexae, paxeinan pocotsi coyenewa xua panantawenonan xua pata tacueicueijeinexa Nacom. Paxan panacui wetan xua Nacom patanacuitha. <sup>8</sup> Ichacuitha jiwi pana nebaru cui itura jineiba, ichamonae jopa pana tsita daicheibiyo. Ichacuitha ichamonae wanaeya pana neyabara paebeiba. Ichacuitha ichamonae abeya pana neyabara paebeiba. Ichamonae pana neyabara paebeiba xua paxan pomonae jiwi pata muxuitorobi jiwi pan. Ichamonae pana neyabara paebeiba xua paxan pomonae apara xaniwaicha pata paebi jiwi pan. <sup>9</sup> Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya asuya pajinompeiban. Jiwi pana neatene exaneiba, ichitha jopa pana nejutebeibiyo. <sup>10</sup> Bequein ichacuitha bara pajuntu coyene wecyon pata painta exanaexae ichamonae, daichitha awiya pajuntu coyene weiweinaya jinompeiban. Metha bequein paxan be pomonae peacopeibiwi pan tsiuae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexeinaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa peweraweracaewa.

<sup>11</sup> Tamonae pam, paxam pomonae Corinto tomarapiwi pam. Daxita xua po coyenein tajuntu coyenewatha nanta xeinan baxuan paca tsipaebatsi. ¡Bichocono tajuntu coyenewatha paca antobetsi! <sup>12</sup> Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonae jiwi tapana neexanaewam. <sup>13</sup> Xan paca tsipaebatsi xua be poxonae icha coxiyan ichi xua tsipaeba pia pexuyotha. Paca jeichi: “Xuya daxita painya nejuntu coyenewatha paneantobeinde icha paca ichichi xua tapaca antobewatsi bichocono”, paca jeichi.

*Meje poxonae Pablo jeye: “Icha Nacom ichi xua popona pia pin botha barichi Nacom pana nebaru jinompa”, jei*

<sup>14</sup> Jopa caemonae pana naexanaeinde pomonaetha pomonae jopa pejume cowantsi jiwi. Tsipei pon pejuntu coyene xanepanaein jopa itacupaetsi xua pecueyatsiwa pontha pon peajuntucoyenebein. Barichi xua pequireiwatha peyonoyoneiwa jopa itacupaetsi xua quirei tsanaya baxota, awiya peyonoyoneixae. <sup>15</sup> Barichi Cristo pon xanepanaya peexaneibin jopa itacupaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowantsin jopa itacupaetsi xua pecueyatsiwa

pontha pon jopa pejume cowantsin, poxoru jopa jupaeyo xua nanta xeinabe. <sup>16</sup> Barichi Nacom pin pia botha jiwi jopa bewa wanae jainchina ibo nacomn. Saya meisa bewa wanae jainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca baru jinompa, pon ataya asuya popona. Nacom caena bayatha baxua yabara jeje:

“Barapomonaе baru poponaein yawa  
cuyata ducuaaеbiyaеin.

Matautano barapomonaе pia Nacomn  
tatsin tsane.

Barapomonaе tamonaе naexanaena”, jei Nacom.

<sup>17</sup> Daxota Nacom pon Pecanamataxeinaein jiwi, equeicha yabara paebe pomonaе jopa pejume cowantsiwi. Nacom piamaeаtha jeje:

“Barapomonaе pia xainya weya paponare.

Jopa caemonaе pana nayawa  
exanaeinde barapomonaе.

Jopa paexanaeinde peabe coyene po  
coyene barapomonaе exana.

Nexata xan paca matenta weyataeya wabinchi.

<sup>18</sup> Xan naexanan xua xan painya Axan.

Matautano paxam taxanton jiwi pam tsane,  
xuano iru taxantixi jiwi pamdu”,

jei Nacom piamaeаtha pon daxita peayapusu  
itorobi coyenewan pexeinaein.

## 7

<sup>1</sup> Tamonaе pam, paxam pomonaе tapaca caantobe jiwichi pam. Xuaunxuae po diwesi paca tsipaebatsi baraxuan apara Nacom yabara naca tsiwunaе muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajuntu coyene nanta xeinano. Matautano bewa xua Nacom junuwiya wabaruru cui itura jinaewatsi tsainchi. Matautano bewa xanepanaya exanaponaetsi beya poxonaе bichocono Nacom watsita juntu coyene xanepanaewa tsane xua jopa wanatsicuentisiwa xua abe waexanaexae bapontha.

*Meje xua poxonaе Corinto tomarapiwi icha juntu coyene xaina xua Jesus pejume cowantsixaetsi*

<sup>2</sup> Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaеinyo ichamonaе xua xuya abe peexanaenexa. Matautano ichamonaе jopa pamuxujainyabeibinyo. <sup>3</sup> Jopa baraxua paca tsipaebichi xua paca yabara paebatsi xua abe painya neexanaewam. Bayatha copiya paca tsipaebatsi, paca jeichi: “Tajuntu coyenewatha bichocono paca antobetsi, bequein metha poxonaе paca baru werapaetsipatsi, xuano metha bequein poxonaе paca baru jinompaetsipatsino”, paca jeichi. <sup>4</sup> Bara bichocono paca yabara jume cowantatsi xua po coyene tapaca catsipaebiwatsi tsainchi pocotsiwa tajuntu coyenewatha nanta xeinan xua pocotsiwa painya neexanaenexa tsane. Matautano paca yabara wanae jaintatsi poxonaе ichamonaе tsipaeban poxoru tapaca cui yabara paebixaetsi. Bequein ichamonaе atene neexana, daichitha poxonaе jume tan pocotsiwa paexaname pana nejuntu coyene tsacaba exaname xua junteма tapoponaewa. Matautano barichi bichocono panejuntu coyene weiweina exaname.

<sup>5</sup> Poxonaе po mataqueitha weya papatan Macedonia nacia weya jopa cuinaya junteма painompaеinyo xua jiwi abe pata tana necana exanaewa daxita coyeneintha. Pomonaе jopa pejume cowantsiwi bichocono pana casebeiba pata natsipei cueicueijeixae Jesus pejume diwesi. Barichi pomonaе pejume cowantsiwi junuwiya payabara najuntu coyene exabeiban nawita xua jopa xanepanaya pejinompaewa tsipae. <sup>6</sup> Daichitha Nacom pana juntu cui coyene tsacaba xua junteма pata jinompaewa poxonaе bequein paatanein tsaibi. Barapon Nacom apara pon jiwi cana exanatsi xua junteма pejinompaewa poxonaе bequein juntu coyene wecoyei. Baxua Nacom pana necana exana poxonaе Tito patopa pata xantha. <sup>7</sup> Pajuntu coyene weiweinan xua bapon pepatopaexae. Ichitha jame yatsicaewa pana nejuntu coyene tsacabame xua poxonaе bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maisa Pablobaru bepataebenaеin. Bichocono pawecoyan yaitama Pablobaru abe exanatsi ichamonaе. Daxota payabara najuntu coyene exaban bapon”, pinae pajam. Poxonaе baxua jume tan bichocono juntu coyene weiweinan.

<sup>8</sup> Bequein xan paca juntu coyene wecoyei exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copiyatha yabara auran baxua. Barapo carta saya bara caeto paca juntu coyene wecoyei exana. <sup>9</sup> Ichitha anoxuae juntu coyene weiweinan xua jopa apara poxoru painya nejuntu coyene wecoyeixae poxonae payorobame barapo carta, saya apara jame poxoru Nacom icha juntu coyene painya netsita xeinaexae. Paxam pajuntu coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan jopa abe pacata exanaetsi. <sup>10</sup> Poxonae jiwi juntu coyene wecoyei icha be pocotsi coyeneya Nacom ichichipa, barapo peitanuwetha jiwi cana exanatsi xua peurawa abe peexanaexae bapoxonae barapo jiwi Nacom jume cowuntatsi. Bapoxonae Nacom jopa tsita natsicuentichi xua abe peexanaexae. Barapomonae icha juntu coyenein xeina poxonae barapomonae capanenebiyatsi abe pia peexanae cuiru coyenein weya tatsi. Bapoxonae barapomonae jopa bewa aura tsane xua copiya juntu coyene wecoyei. Ichamonae pomonae jopa pejume cowuntsiwi Nacom, poxonae barapomonae wecoyei xua jopa peuraxae poxonae abe exana, ichitha barapo itanuwetha barapomonae jopa yawenaetsi. Apara saya barapomonae werapaena Nacom petsita abe exanaexaetsi. <sup>11</sup> Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca juntu coyene tsacaba xua beta painya neexanaexa. Matautano paca exana xua pacui yabara nanta xeiname pon abe peexanaein. Bapoxonae nainya paitawetame bapon, abe peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Matautano paauram xua painya necopatsiwa bapon xua bara abe peexanaewa. Matautano pajunuwame xua Nacom atene paca exana poxoru bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apara daxita paxam jopa abe paexanaem. Saya meisa bapon abe peexanaexae. <sup>12</sup> Bayatha pacata tinatsi po carta xua paca itanuwe exana xua Nacom painya tsita itapeinya xeinaexa xua xaniwaicha bara pana neantobem painya neexanaexae pocotsiwa paca itorobatsi. Apara jopa pacata tinaetsi xua saya poxoru tayabara nanta xeinaexae pon abe exana, xuano iru pon coseuri pitatsi, xua tayawenaewa tsane. <sup>13</sup> Pata taneantobemxaem pana nejuntu coyene tsacabame xua tajuntu coyene weiweinaewa.

Barichiru daxita paxam Tito pajuntu coyene cui tsacabame daxita pocotsiwantha xua beta painya paebixaem bapontha. Jame yatsicaewa bapoxonae bichocono pajuntu coyene weiweinan xua poxonae Tito pacana exaname, beyacaincha poxonae pana necana exaname xua poxonae pajuntu coyene weiweinan. <sup>14</sup> Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowuntsiwi weyatan xua bichocono pejuntu coyene xanepanaexae Nacomtha”, jan. Paxam jopa panejuntu coyene aura exanaem. Xua ba paca tsipaebeibatsi baraxua bara pexainyeiwa tsabi. Matautano pocotsiwa paca yabara paebatsi Titotha baxua apara bara pexainyeiwano iru. <sup>15</sup> Bapon Tito bichocono paca antobe anoxuae beyacaincha poxonae cataunxuae jopa paca siwa ponaeyo. Bapon paca yabara jontanaina xua paxam pabaruru jume jejam tsabi pocotsiwa paca itorobeiba. Matautano bapon pantenta weyataeya wabame painya baru itura jinaexae bapon. Matautano pajunuweibame xua abe painya neexanaeyainwa bapon. <sup>16</sup> Maisa bichocono juntu coyene weiweinan xua tapaca yabara jume cowuntsiwatsi xua daxita coyenewan painya neexanaewaxae po coyene xua wanae.

## 8

*Meje xua poxonae Pablo yabara paeba xua Cristo piamonae tatsi paratixi pecacomocae paratixi jehebapona pomonae peacopeibiwi nexa*

<sup>1</sup> Tamonae pam, paichichipan xua painya neyabara yaputaewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowuntsiwichi, pomonae penacaetutsi bonmonae jiwi xua pomonae wunae pejainteibiwi Nacom pomonae xua Macedonia nacuatha jinompa. <sup>2</sup> Bequein barapomonae bichocono daunweya juntu coyene jujutatsi poxonae ichamonae abe taexana barapomonaetha, daichitha awiya cataunxuae barapomonae juntu coyene weiweina. Bequein barapomonae peacopeibiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibiwi Jerusalen tomarapiwi be poxonae yatsicaewa pepa copei pexeinaewi. <sup>3</sup> Xan tan xua barapomonae cata nawita be po

coyeneya xua daxita itacupatsi xua pecatsibiwa. Matautano ichawano catsiba beyacaincha xua poxonaē itacupatsi xua pecatsibiwa. <sup>4</sup> Barapomonaē bichocono pana muxu fayacotsiya jeye: “Bara pana copare xua bara Jerusalén tomarapiwi patacatsibinexa paratixi pecacomocae paratixi pomonaē iru pejume cowantsiwi, pomonaē peacopeibi jiji”, pana jei. <sup>5</sup> Barapomonaē baxua exana beyacaincha xua pocotsiwa pananta xeinan xua barapomonaē itacupatsi xua pocotsi coyeneya pecatsibiwa tsane. Matautano barapomonaē juntucuru nanta xeina xua bara petanacuichinexa tsane Nacom nexa daxita pejuntu coyeneinyatha. Bapoxonaē juntucuru nanta xeina xua barapomonaē bara pata taneyawenaenexa tsane be pocotsi coyeneya Nacom ichichipa. <sup>6</sup> Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tspei bapon bayatha caena tamropata pitaba xua penonotaponaewa paratixi painya xantha. Poxonaē barapo paratixi pacatsibaponaē bara pexeinya coyene paexanaponaē peacopeibiwitha painya neantobewaxae. <sup>7</sup> Paxam bichocono jopa juniya paxeinaem po coyenein xua painya neexanaewa. Bichocono pajume cowantame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano bichocono painya juntu coyenewatha paichichipame xua ichamonaē painya neyawenaewa. Matautano bichocono pana neantobem. Daxota bichocono jopa juniya toxinchia paexanaeinde xua painya neyawenaewa xua poxonaē paratixi pacatsibame pomonaetha pomonaē iru pejume cowantsiwixae. Baraxua paexande painya neantobexae barapomonaē.

<sup>8</sup> Poxonaē baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua tayaputaenexa icha bara metha paxam bichocono paantobem ichamonaē icha Macedonia nacuamonaepiwi ichi. Barapomonaē bichocono antobe ichamonaē daxota yawena nawita. <sup>9</sup> Paxam payaputaneme xua Jesucristo naca antobe pon Wanacanamataxeinaein. Jesucristo poxonaē Paxatha popona copiya daxita xeina be poxonaē yatsicuae copei pexeinaein. Daichitha bapon pia coutha nacana exana be pocotsin jopa copei pexeinaein poxonaē paxa cuenta pona. Poxonaē jiton pia coyeneya nacana exana bapoxonaē acopeibi nacana exana pia paca necaantobewaxae. Daxota xuya nawita painya nexeineaē jiji pam tsane xua po coyenewa Jesucristo xeina.

<sup>10</sup> Paca tsipaebatsi baxua painya tapaca cayawenaexaetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notacupame xua paratixi painya nejehebaponaewa Jerusalén tomarapiwi nexa. Baxua bayatha paexaname painya juntu coyeneintha bichocono painya neichichipaexae xua painya neexanaewa baxua. <sup>11</sup> Icha copiya paichim xua paichichipame nawita xua painya neexanaewa baxua, paexanaponde beya poxonaē panacui yabara wetsiname. Padodoutaponde xua be pocotsi coyene paca cui jupa xua pocotsi matoma paxeineibame xua pajiwana tsabeibiname paratixi. <sup>12</sup> Icha pebin ichichipa xua pecatsiwa paratixi Nacomtha bapon bara nata jiwana wetsasina paratixi xua catsina be pocotsi coyene xua cui jupatsi xua pecatsiwa. Pocotsiwa bapon cata bara Nacom wecobe pita. Saya poxoru Nacom jopa pewacaxae poxonaē pebin bequein jopa xeinaeyo taethatsi. Saya jame icha jiji cui jupatsi xua pecatsiwa poxonaē xeina, bapoxonaē jame Nacom wecobe pita.

<sup>13</sup> Jopa paca tsipaebichi xua ichamonaē bewa payawenaeneme xua painya necatsibiwa daxita xua paxeiname xua beya poxonaē daxota painya neacopeibiwa tsane. <sup>14</sup> Saya jame paca tsipaebatsi xua paxam copei pexeinaewi pam iru peacopeibiwi Jerusalén tomarapiwi bewa peburaya jupaeya paxeinaeneme. Metha anoxuae paxeiname nawita, ichitha barapomonaē jopa xeinaeyo. Daxota paxam pomonaē nawita painya nexeineaē jiji pam bewa pacatsibiname pomonaetha pomonaē jopa xeinaeyo pocotsiwa barapomonaē nantawenona. Metha bexa tsane barapomonaē xeinaena nawita ichitha paxam jopa paxeinaem tsane. Bapoxonaē bewa barapomonaē xuya paca catsibina pocotsiwa pantawenoname. Bapoxonaē daxita pam nanta jupaeya paxeinaeneme. <sup>15</sup> Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ichantha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

*Meje xua Tito yabara iru pomonaē pia peyanabiwatsiru*

<sup>16</sup> Tsipaeban Nacom, janje: “Nacom maisa juntu coyene weiweinan xua Tito pejuntu coyenewatha yabara nanta xeina ducuaenaēbiya Corinto tomarapiwi xua peyawenaenexa barapomonaē icha xan ichin”, janje. <sup>17</sup> Bapon Tito juntu coyene weiweina poxonaē patsipaeban xua pia paca necayawenaewa tsane. Daxota anoxuae bapon pia coutha paca siwa ponaena peichichipaexae xua pia paca yawenaetsi.

<sup>18</sup> Ichanda paitoroban pon pejume cowantsinda xua Tito pepuna ponaenexatsi. Daxita pomonae pejume cowantsiwi pomonae penacaetuteibi jiwi xua wnae pejainteiwi Nacom barapomonae bapon beta yabara nanta xeinatsi, tsipei pinae bapon beta xanepanaya cuiduba Nacom pia pecapanenebiyae diwesi jume. <sup>19</sup> Jopa meisa pebaxuaxae. Jame yawa matautano barapomonae pomonae pejume cowantsiwi peitapetsixae barapo pebin xua bapon pata tanebara ponaenexa poxonae pacapanan paratixi peacopebiwitha pata antobexae barapomonae. Barapo penacuichiwa pata exanaexae pabaru cui itura jinan Nacom pata exanaexae pocotsiwa bapon pana itoroba. Matautano poxonae baxua paexanan patsita itapeinya xeinan xua paichichipan xua nantiya pata tanayawenaewa. <sup>20</sup> Paichichipan xua xaniwaicha beta paexanan poxonae pin paratixi cun pacapanan xua jiwi abe pata neyabara paebiyainwa. <sup>21</sup> Paichichipan nawita xua xainyeya pata exanaewa Nacom peitabaratha tatsi xuano xua jiwi peitatha tatsino.

<sup>22</sup> Barichino ichanno paitoroban pon pejume cowantsinda xua baponbe Tito pepuna ponaenexa tsainchibe. Bapon pon cotacaya paitoroban, pajuntu coyene jujutan pata yaputaenexa icha bara metha beta nacuita Nacom nexa. Bara bapon beta jume cowanta ducuaenaebiya. Daxota bapon iru paitoroban. Bapon ichichipa nawita xua pia paca yawenaewa tsane pia paca yabara jume cowantsixae xua bara beta paexaname. <sup>23</sup> Icha ichan paca yabara yainyaba Tito pana nejume cayabara jume jande bapontha xua janje: “Bapon taneyantsin. Bapon neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe baponbe itorobatsibe pomonae pejume cowantsiwi. Baponbe tsita itapeinya xeinabe barapomonaetha xua bara xaniwaicha pejume cowantsinbe Cristo, xua daxota barapomonae wnae pejainchinexa Nacom”, pana nejume cayabara jande. <sup>24</sup> Barapo acolbi poyobe xaniwaicha patentata weyataeya wabare poxonae patsina painya xantha. Bapoxonae poxonae baxua paexaname patsita itapeinya xainaename pomonae pejume cowantsiwi xua xaniwaicha bara paantobem barapo acolbi poyobe. Bapoxonae barapomonae paca yabara cui yaputaena, xua paxan xaniwaicha papaeban xua poxonae juntu coyene weiweinaya atsaquiya tapaca yabara paebiwatsi xua painya nejume cowantsixae.

## 9

*Meje xua paratixi pejebaponaewa yabara pomonae pejume cowantsi jiwi nexa, pomonae peacopeibi jiwi xua pomonae Jerusalén tomarapiwi*

<sup>1</sup> Jopa nantawenonaeyino xua equeicha tayabara tinaewa xua painya neyawenaenexa ichamonae pomonae iru jume cowanta xua painya necatsibinxaru paratixi pomonae Jerusalén tomarapiwi. <sup>2</sup> Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonaepiwitha, janje: “Bayatha icha weitha Acaya nacuapiwi najuntu cui coyene wnaeta xua jebaponaena paratixi peacopeibiwi nexa”, jan. Barapo Macedonia nacuapiwi, najuntu cui coyene tsacaba xua iru pebarichinxaru pejume taexae xua pinae paxam paichichipame nawita po coyene painya neyawenaewa. <sup>3</sup> Barapo acolbi poyobe itoroban xua ichamonae jopa taneyabara paebinexa tsane xua tanaerabiwa xua bayatha tapaca yabara paeboxae. Daxota bewa pana nacui wnaetsiname xua painya nejehebaponaewa paratixi xua painya necatsibinxa ichamonaetha. <sup>4</sup> Metha barapo Macedonia nacuamonaepiwi jiwana nebaru ponaena poxonae paca siwa ponaeinchi. Metha barapomonae paca taetsipa xua jopa pana nacui yabara wnaetsim xua painya nejehebaponaewa paratixi xua painya necatsibiwa ichamonae. Bapoxonae bichocono paauran tsipae tsipei bayatha paca yabara paeboxae xua paxam pacatame nawita. Iru paxam paauram tsipae. <sup>5</sup> Nanta xeinan xua bewa copiya itorobin barapo acolbi poyobe xua bara poyobe copiya paca siwa ponaena beya poxonae xua paca siwa ponaeinchi. Barapoxonae barapoyobe painya nepaca yawenaenexa xua penotaponaewa paratixi. Bayatha pana nemuxu tsipaebame xua pinae paichichipame painya necatsibiwa ichamonae barapo paratixi. Po paratixi panotaponaeme panacui yabara wetsiname, baxua patsita itapeinya xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

<sup>6</sup> Payabara nanta xeinare po diwesi ba xua jeye: Pon ba conotha uba ba conotha jota pocotsiwan xua penawetsiwan. Pon ba jopa juniya ubiyo ba jopa juniya jotsiyo pocotsiwan xua penawetsiwan. <sup>7</sup> Daxita pomonae pejume cowantsiwi bewa catsibeibina be pocotsi coyeneya nanta xaina pejuntu coyenewatha. Jopa bewa asiwiya catsibeibi icha aichaxaibi xua pecatsibiwa. Matautano jopa bewa catsibeibi poxoru ichan pecui itorobixae xua pecatsibeibiwa tsane. Nacom tsita juntu coyene xanepantsi nawita pon juntu coyene weiweinaya douteiba ichamonaetha. <sup>8</sup> Nacom bara itacupatsi xua daxita



painya nepaca catsibiwa pocotsiwan panantawenoname, matautano ichawano xua bichocono nawita beyacaincha pocotsiwa xua panantawenoname. Bapoxonae paxeinaename pocotsi coyeneya xua paca cui jupa xua pajuntu coyene weiweinaya catsibiname ichamonaetha. <sup>9</sup> Nacom Pejume Diwesitha pon nawita pecatsibin jiji bapon yabara jeichichi, jeye:

“Pon catsibeiba poneiba nawita pomonaetha pomonae peacopeibi jiji Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

<sup>10</sup> Apara Nacom pon catsibeiba jiji po pexu xua jiji peubinexa. Matautano apara Nacom pon catsibeiba pexaewa xua jiji pexaenexa. Barichi Nacom paca catsibeibina beyacaincha xua pocotsiwa panantawenoname. Bapoxonae paca cui jupaena xua ichamona painya necatsiba dubenanaebiyawa tsane nawita, pocotsiwa jopa panantawenonaem.

<sup>11</sup> Nacom nawita paca catsibina xua daxota paca itacupaena xua ichamona pacatsiname nawita. Poxonae pacaponaein barapo paratixi xua pata itorobame peacopeibi jiji nexa, Jerusalén tomaratha, bapoxonae barapomona Nacomtha jeye tsane: “Nacom maisa pajuntu coyene weiwein xua painta exaname xua daxota barapo Corinto tomarapiwi painta itoroba paratixi”, jei tsane. <sup>12</sup> Poxonae barapo paratixi pacatame barapo pejume cowantsi jiwitha, bara barapomona pacatame pocotsiwa barapomona penantawenonae.

Matautano painya neexanaexae baxua barapomonae wuna jainte Nacom. <sup>13</sup> Barapomonae wunae jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomona Nacom wuna jainchinch, painya neyawenaexae poxonae pacatame paratixi nawita barapomonaetha xuano xua daxita ichamonaetha. <sup>14</sup> Barapomona Nacomtha pacata wucaena pia paca necaantobewaxae poxoru barapomona patsita itapeinya xeiname xua Nacom bichocono paca yawena pia paca necaantobewaxae. <sup>15</sup> Nacomtha patsipaeban, pajanje: “Nacom maisa pajuntu coyene weiwein xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacupaeyo xua po jumetha pata yabara paebiwa”, pajan.

## 10

### *Meje xua Pablo yabara paeba pia peitorobi coyenewa*

<sup>1</sup> Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebara cui itura jinae coyenetha xuano peantobe coyeneyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae taju wepainta tineibarena jume daunweya painta tineibarena”, pinae pana neyabara jam. <sup>2</sup> Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchi pocotsi jumeintha xua daxota jume daunweya tapaca catsipaebiwa tsainchi. Ichamona paxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowantsiwi. Bewa jume daunweya tsipaebin barapomonaetha xua baxua yabara xua taneyabara paebiwa. <sup>3</sup> Bara xaniwaicha xua paxan apara saya jiji pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonaeba yabara naba peexanaenexa pocotsiwa ichichipa. <sup>4</sup> Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapus itorobi coyenewa tatsi xua baraxota pana nayaewatsinexa. Barapon Nacom pia peayapus itorobi coyenewa tatsi pana necana exana xua paamanayaban po peayapuswa barapo cae pin nacuathepiwi xeina xua saya caurimonae pia pentacaponaein tatsi pia peayapuswa tatsi. <sup>5</sup> Ichamonae najume matsontsonoba poxonae pacueicueijan Nacom Pejume Diwesi jopa peichichipaexae xua Nacom peyaputaewa tsainchi. Barapomonae pajume amanayaban poxonae najume matsontsonoba. Barichi pomonae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomonae pacui amanayabundu. Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba. <sup>6</sup> Paxan panacui wunaetan xua pata muxuwetsiwa pomonae jumefeba Nacom pomonae painyamonae jiwana pamxaem. Baxua paexanaein barapomonaetha poxonae paxam matha tsiwanaya xaniwaicha pajume jejam tsurubenaebiyam tsane xua paexana dubenanaebiyame pocotsiwa Cristo ichichipa.

<sup>7</sup> Paxam paca tsitatsi xua paxan be pomonae jopa peainya cui jiwi pan poxonae saya pana taneme. Jopa pana nejuntũ cui coyene yaputaem po coyene xua paxeinan pata juntũ coyeneintha. Icha ichun xaniwaicha pia coutha nayabara nanta xeina xua bapon Cristo piamonae jiwana tatsi, bapon bewa barichi xua bewa pana yabara juntanainae xua paxan bara Cristo piamonae jiwana tatsi pan icha bapon ichi. <sup>8</sup> Jopa auranyo xua pata coutha pata nayabara paebiwa baxua bequein pata coutha atsaquiya xua nayabara paeban xua janje baxue: “Apara Nacom pana cata pia peayapusũ itorobi coyenewa xua pata paca cayawenaenexa tsainchi xua painya nejuntũ coyene xanepanaponaenexa. Apara jopa pana catsiyo barapo peayapusũ itorobi coyenewa xua pata paca abe exanaewatsi tsainchi”, xua jan. <sup>9</sup> Jopa ichipaeinyo xua pata taneyabara nanta xeinaewam xua pana pata tanejume cunuwiwam xua pacata tinatsi cartan. <sup>10</sup> Ichamonae neyabara paeba, jeye: “Pablo pia cartantha xua taju wenacata tineibarena bichocono ayapube xua wayabara jume cowantsiya exanaewa yawa bichocono jume daunwei tsai. Ichitha poxonae bapon patopa waxantha pia pepon saya pecui pawu xuan poxonae cueicueije jopa naca tsita ainya cuiyiyo”, jei barapomonae. <sup>11</sup> Barapomonae apara bara bewa pana neyaputaena xua paexanaein pocotsiwa xua cartantha papaeban poxonae papatsin barapomonae pia tomaratha tatsi.

<sup>12</sup> Pata coutha jopa pana nayabara nanta xeinaeinyo xua paxan pacui jupan xua pomonae pia coutha penayabara nanta xeinaewi xua peainya cui jiwi naexana. Saya barapomonae pia coutha nayabara nanta xeina xua bara betiya exana daxita, beyacaincha ichamonae pomonae piamonae tatsi. Barapomonae apara jopa peyaputae jiwi, poxorũ saya jeita nawita xua po coyene beyacaincha piamonae tatsi exana. <sup>13</sup> Paxan saya tsiwiyo atsaquiya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeinchiya atsaquiya papaebinyo xua beyacaincha xua poxonae Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi. <sup>14</sup> Jopa patoxeinchiya exanaeinyo po coyene Nacom pana itoroba poxonae paca siwa poinchi. Paxan pomonae pan pomonae copiya papatan painya xantha xua pata paca catsipaebinexatsi Cristo pia pexeinya jume diwesi. <sup>15</sup> Ichamonae pomonae paxam jiwana pam jume cowanta Cristo pejume diwesi pecuidubixaetsi ichamonae. Barapomonae pomonae pejume cowantsiwi Cristo pejume diwesi, jopa atsaquiya bepabayara janyo: “Barapomonae jume cowanta apara poxorũ barapomonae pata cuidubixae”, jopa bepajanyo. Jame xua paichichipan xua paxam bewa mataropeichiya pajume cowanta dubenanaebiyaename. Bapoxona pana itacpa xua mataropeichiya pata nacuichiwa painya xantha. Saya meisa bewa paexanaein pocotsiwa Nacom pana itoroba. <sup>16</sup> Paichichipan pata cuidubiwa ichamonae Nacom Pejume Diwesi xua taju beya xua painya tomara weya poxonae pawetan xua pata paca cuidubiwatsi Nacom Pejume Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota irũ ichamonae cuidubarũ barapo Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: “Barapomonae taju weya jume cowanta barapo Nacom Pejume Diwesi pata cueicueijeixae barapo diwesi”, jopa bepabayara janyo.

<sup>17</sup> Icha ichun ichichipa atsaquiya penayabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein. <sup>18</sup> Pocotsiwa xua pebin pia coutha nayabara wnae jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

## 11

*Meje xua Pablo yabara paeba pomonae xua muxitorobiya pejeiwa: “Paxan Jesús pia peitorobi jiwi tatsi pan”, pomonae pejeiwa*

<sup>1</sup> Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara. <sup>2</sup> Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxonae ba pexantiyo douta xua ichun pepichinexa powa bayatha ichun jopa pichiyo. Bapowa antobe pia pebin. Paxam bewa bara paichim, bewa Cristo pantobem. <sup>3</sup> Caurimonae pia pentacaponaein tatsi pon pia coutha naexana be jomo, bapon Eva muxitorobatsi peajuntũcoyenebewatha. Pajunuwan xua bapon paca muxitorobina barapo juntũ coyenewatha. Bapon paca cana exanaena xua painya nenanta xeinaewa

Cristo jopa beta peyabara nanta xeinaewatsi, xua equeicha jopa xanepanaya painya neantobewa tsane Cristo, meisa xua bapontha painya neantobenexa. <sup>4</sup> Paca yabara junuwatsi poxoru pajume naitaewatame pocotsi diwesin xua daxita jiwi paeba. Paxam itapeta pajume naitaewatame ichantha pontha pon peyabara paebin Jesús xua ichan xua pon pepa Jesús aibi. Paxam payabara jume naitaewatame icha jume xua po jume jopa xapain Nacom pia Pejumope tñaxñ tatsi. Matautano yabara pajume naitaewatame icha diwesi po diwesi xua jopa xapain Nacom pia pecapanenebiyae diwesi jume xua po diwesi jume copiya pajume taneme. <sup>5</sup> Pomonae baxuan paca tsipaeba, barapomonae pia coutha nayabara nanta xeina, jeye: “Paxan Jesús pia peitorobi jiwi tatsi pan, xua pata peainya cui jiwi pan”, jei. Ichitha jopa yabara nanta xeinaeinyo xua barapomonae netoxeincha peainya cui jiwi beyacaincha xua xan. <sup>6</sup> Xan saya taepato cueicueijan Nacom Pejume Diwesi tatsi. Jopa bichocono wñnae tacueicueijeixa jopa be bapocotsinyo be pocotsin xua beta pecueicueijeixa. Daichitha bara yaputan xua yabara tacueicueijeixa. Paca tsita itapeinya xeineibatsi xua bara tayaputaewa, xua poxonae daxita pocotsiwantha paca tsipaebeibatsi.

<sup>7</sup> ¿Metha bara abe exanan jampa poxonae jopa paca wñcaetsi pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeinyo. Tacoutha acopeibi naexanan xua tacui paw naexanan xua saya meisa ainya cui paca cana exanatsi poxonae paca cuidubatsi Nacom Pejume Diwesi. <sup>8</sup> Ichamonae pomonae pejume cowantsiwi pomonae penacaeuteibi jiwi, xua pomonae wñnae pejain-teibiwi Nacom barapomonae wecobe pitan paratixi tanecatsixae. Barapo paratixitha comocan pocotsiwa xua nantawenonan poxonae tapaca barñ ecaewatsi xua amanaya tapaca cayawenonaenexatsi. <sup>9</sup> Poxonae cataunxuae paca barñ ecatsi bapoxonae inta acoiibi pocotsiwa tacanantawenonaewa. Jopa wñcaeinyo painyamonaе jiton xua pocotsiwa daunweya pacata exainchi xua saya painya tana necatsibiwaxaem. Pomonae Macedoniae nacuamonaepiwi pomonae pejume cowantsiwi barapomonae inta carendena pocotsiwa xua tacanantawenonaewa. Bayatha jopa paca wñcaetsi xuano xua equeicha bexa jopa paca wñcae tsainchi xua daxota jopa pacata daunwei exanae tsainchi xua daxita coyenewantha. <sup>10</sup> Tajantñ coyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijeixa baxua xua jopa paratixi paca wñcaetsi. Baxua cueicueijan daxita Acaya nacuatha. <sup>11</sup> ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

<sup>12</sup> Ichitha awiya exanaponaеin pocotsiwa xua anoxuae exanaponan xua jopa tapaca wñcaponaewatsi paratixi. Baxua exanan xua tajume cui matawentsinexa, pomonae xua naerabiya atsaquiya paeba, xua jeye: “Paxan jupa paexanan icha Pablobarñ ichi xua paratixi nonotapona be pentoma xua pecueicueijeixae Cristo pejume diwesi”, jei. <sup>13</sup> Barapomonae pemuxuitorobi jiwi xua pinae barapomonae Jesús pia peitorobi jiwi tatsi. Barapomonae jiwi muxujainyaba pia penacuichiwa coyenewatha. Barapomonae be natsicotane Jesús pia peitorobi jume pepaebi jiwi tatsi. <sup>14</sup> Pocotsi coyeneya xua barapomonae nacana exana jopa yabara najantñ coyene cabenaеaeinyo. Payaputan xua barapomonae apara Satanás piamonae tatsi tsipei barapomonae pia coutha nacana exana xua itara mexeya beta peexanaewi icha bapon ichi. Satanás pon caurimonae pia pentacaponaein tatsi pia coutha nacana exana xua itara mexeya pon xanepanaya peexanaein icha matatsunpin ichi xua pexeinya peitupanae coicha xeina Nacom weya. <sup>15</sup> Daxota jopa bewa najantñ coyene cabenaеaeatsi xua poxonae Satanás pia petanacuichi jiwimonae tatsi exana icha Satanás ichi poxonae exana. Barapomonae natsicotane be pocotsimonae xua beta peexanaewi. Daxota poxonae Nacom yabara paeбina barapomonae xua penatsicuentisiwa xua abe peexanaeae, barapomonae bichocono atene exanebinchi xua be pocotsi coyeneya bichocono abe peexanaeae.

*Meje xua poxonae Pablo pia coya nayabara paeba xua atene exanatsi Jesús pia peitorobi jiwi jiwana tatsixae*

<sup>16</sup> Equeicha paca tsipaebatsi: Jopa paneyabara nanta xeinaeinde xua xan be pon tanentajemabin bequein cueicueijeithan barapo coyeneya. Ichitha icha panecayabara nanta xeiname baxua bara saya beitatemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonae xan tacoutha atsaquiya conotha nayabara paebin icha ichamonae ichi xua pia coutha atsaquiya nayabara paeba. <sup>17</sup> Apará jopa paeбinyo xua tana itorobixae Jesús pon jiwi Pecanamataxeinaein. Apará saya tacoutha atsaquiya nayabara paeбан icha pon matajemabatsi ichi xua pia coutha natsipaeba. <sup>18</sup> Tsipei ayei jiwi atsaquiya yabara paeба pocotsiwa barapo cae pin nacuathe xeina. Daxota xan barichin tacoutha atsaquiya nayabara paeбан. <sup>19</sup> Pananta

xeiname xua daxita pam painya neyaputae jiwi pam. Ichitha jopa peyaputaewi pam. Bara saya pacui yabara copatame xua pajume naitomatame pomonaetha pomonae be pematajemabi jiwi pomonae naerabiya paebe xua poxonae jeye: “Paxan Jesús pia peitorobi jiwi pan”, jei. <sup>20</sup> Matautano bara saya pacui yabara copatame xua bara amanaya painya netanacuichinexa tsane ichamonae. Matautano saya pacui yabara copatame xua bara ichamonae amanaya paratixi painya nepaca cobe wenoteibiwa xua saya barapomonae nexa. Matautano saya pacui yabara copatame xua bara ichamonae paca yabara muxitoroba painyawan xua painya nepacata notsiwa. Barichi bara saya pacui yabara copatame xua bara ichamonae painya nepaca aebiwa xua barapomonae ainya cui jiwi beyacaincha paxam. Matautano saya pacui yabara copatame xua bara painya nepaca itabara cuainchiwa. <sup>21</sup> Bequein auran xua paca tsipaebatsi baxua, ichitha jopa padaunwan tsobenaeyino icha paichim poxonae ichamonae pacata abe exana!

Icha daxita jiwi ichi xua atsaquiya nayabara paebe, xan barichin iru atsaquiya nayabara papaeban tacoutha icha pon pematajemabinchi ichi xua poxonae nayabara paebe. <sup>22</sup> Barapomonae atsaquiya nayabara paebe xua barapomonae pinae judiomonaepiwi. Xan iruru apara barichin judiomonaepin. Matautano pinae barapomonae Israel pon bayatha tupa pia pemomoxi susato jiwi tatsi. Xan apara iruru barichin barapon Israel pia pemomoxi susato jiwi jiwana tatsin. Matautano barapomonae atsaquiya nayabara paebe xua pinae Abraham pia pemomoxi susato jiwi tatsi. Xan apara iruru barichin Abraham pia pemomoxi susato jiwi jiwana tatsin. <sup>23</sup> Matautano barapomonae atsaquiya nayabara paebe xua pinae Cristo pia petanacuichi jiwichi tatsi. Nama apara xan iruru barichin Cristo pia petanacuichin tatsin beyacaincha barapomonae. Poxonae baxua paeban apara icha pocotsin ichi pon pematajemabinchi xua pia coutha nayabara paebe. Xan bichocono daunweya ayapusa nacuitan Cristo nexa beyacaincha barapomonae. Jiwi matowa nejebeiba jiwi pecabi bontha beyacaincha barapomonae. Ichamonae bichocono nebeiba beyacaincha barapomonae. Matowa muxu tatpeibi xua ichamonae inta exana. <sup>24</sup> Daxota cinco po coyenewathabe judiomonae newaetaba pia tanecuainchinexa. Daxita coyenewatha necuainta barapomonae treinta y nueve po cuiyobetha copabeiba xua nejuma cuainta xua xota cuainta xua duwein peru muto. <sup>25</sup> Ichacuitha tsaibi acoibi po cuiyobetha necuainteiba iwatontha. Cae coyenewatha ibotontha necuinbaeiba. Acoibi po coyenewathabe jeratha ponaetha pin naetha payothopan poxonae pawarapan xua jera bunareca. Cae merawitha yawa cae mataqueithano xoyopan pin mar mentha. <sup>26</sup> Matowa warapeiban tacaponaenexa Cristo pejume diwesi xua jiwi tatsipaebinxexa. Ichacuitha inta daunwei xua icha muxunene beya mene iya tapateibiwa tsane poxoru metha awabo tsipae. Ichacuitha inta daunwei poxonae poneiban namtontha xua metha pomonae pecaibi jiwi tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonae tanacuamonaepiwi metha inta abe exaneibichipa. Ichacuitha inta daunwei poxonae pomonae jopa pejume cowantsiwi metha abe tana neexanaewa tsipae. Ichacuitha inta daunwei poxonae jiwi tomarantha metha abe tana neexanaewa tsipae. Ichacuitha inta daunwei poxonae ira xuepana susato tsurucuae nacuatha taponeibiwa xua metha abe tana neexanaewa tsipae. Ichacuitha inta daunwei poxonae pin mene mar mentha metha abe tana neexanaewa tsipae poxonae jeratha ponan po nae pin naetha. Ichacuitha inta daunwei poxonae metha abe tana neexanaewa tsipae pomonae naerabiya pepaebiwi xua pinae pejume cowantsiwi. <sup>27</sup> Xeinan penacuichiwa po penacuichiwa inta bichocono daunwei xua neatene exana. Matautano ainya merawin tsaibi xua jopa maiteibinyo. Matautano tain atenein tsaibi. Matautano bichocono tameratsi tsaibi. Matautano ainya matakabin inta pexaewa ajibi tsaibi. Matautano bichocono aquein tsaibi poxonae inta seiqueiba paparuwa.

<sup>28</sup> Matautano iru icha coyeneinno xua seica xua tapaca tsipaebiwatsi. Matautano xeinan icha coyene po coyene xua neajuntucoyenerewe exana xua poxonae yabara nanta xeineiban pomonae Nacom pejume cowantsiwichi pomonae penacaetutsi bonmonaepiwi poxonae ne-eena xua tayawenaenexa barapomonae. <sup>29</sup> Icha ichun pon barapo penacaetutsi bonmonae jiwana pin, icha bapon juntucui coyene faefaena xua pejume cowantsiwi Nacom, nantanuweya yabara nanta xeinan bapon. Icha ichun juntucoyene jujutatsi xua abe peexanaenexa auran bapon nexa, yawano caseban pontha pon pejuntucoyene jujutsixae. <sup>30</sup> Icha bewa atsaquiya nayabara paebe, bapoxonae atsaquiya yabara paebe pocotsiwa xua jiwi tsita itapeinya xeinan xua xan faefaen xua jopa neitacupaeyo xua tacoutha tana nayawenaewa. <sup>31</sup> Nacom neyaputane xua xaniwaicha bara yabara paebe po coyenein xua inta daunwei. Nacom Jesucristo Paxa tatsi, pon Wanacanamataxeinaein. Barapon jiwi bewa wnae jainteibina ataya. <sup>32</sup> Caena bayatha Damasco tomaratha poponan. Bapoxonae pon canamataxeina barapo tomaratha, bapon itoroba soldadomona xua tomara peyacaincha toxorotsi dutsiwa coibototha peumenaenexa. Barapo soldadomona

tomara coibotontha umena xua pia tanewaetabichi poxonaē tomara wewarapiyan xua tanecaponaenexa jiwi pecūbi botha. Barapon pon canamataxeina barapo tomaratha bapon tanacuitatsi pon yatsicaewa nacua peewatsin bapon tanacuitatsi, pon pewun Aretas. <sup>33</sup>Bequein barapo soldadomonae bepa newaetabei, ichitha jopa ponaeinyo tomara coiboto iya. Ichamonae neyacote yoreca ventana wereca xua pepa tomara juma deca. Bara panepataban.

## 12

*Meje xua Pablo yabara paeba xua petsita itubiwatsi xua abe poxonaē camaita pocotsiwan Nacom tsita itateiba bapontha*

<sup>1</sup> Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Daichitha jopa xapain neyawenaeyo baxua. Jame apara awiya paca tsipaebatsi xua pocotsiwan Nacom netsita ituta xua be poxonaē camaitan. Matautano paca tsipaebatsi pocotsiwan xua Nacom neyaputane exana xua bapon pia peyabaraxae. <sup>2-3</sup> Caena bayatha ainya wei xua poxonaē copiya tajume cowantsiwa Cristo. Caena bayatha catorce po weibe yapucaewa xua poxonaē necapona jemeicha peitaboco beicha po itaboco bichocono taju beicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaeneyo saya meisa compa Nacom yaputane. <sup>4</sup> Xan yaputan xua necaicha paraiso matawun nacua beicha. Poxonaē patopan barapo nacuatheicha jume tan baxoteicha po jume xua nameicha moya yawun xeina xua jiwi jopa yabara yaputaeyo. Nacom jopa yabara necopatsiyo xua bara barapo jume tatsipaebiwa tsane ichamonaetha. <sup>5</sup> Bequein neitacupa xua atsaquiya tayabara paebiwa xua pocotsiwan wunae xua xuan tataxae, daichitha jopa barapo coyeneya exanaeneyo. Saya meisa atsaquiya yabara paeban pocotsiwan xua inta ayapube xua po coyene tatsita itapeinya xeinaewa xua apara nefaefaena exana xua daichitha Nacom neyawena. <sup>6</sup> Bara neyabara cui copata xua bara atsaquiya tanayabara paebiwan tsane pocotsiwan xua beta taexanaewan. Poxonaē baxua exanan jopa paebinyo icha be pocotsin pematajemabinchi ichi, xua nayabara paeba tsipei paeban pocotsiwan xua pexainyeyiwan. Ichitha xan jopa baxua atsaquiya nayabara cui paebinyo, tsipei jopa ichipaeneyo xua ichamonae taneyabara nanta xeinaewa xua xan bichocono taanya cuin, beyacaincha xua pocotsiwa barapomonae necui tane xua exanan, xuanō xua beyacaincha nejume tane xua cueicueijan. <sup>7</sup> Pocotsiwa xua Nacom neyaputane exana bichocono wunae nawita. Nacom copata xua bara saya atenein tsaibi tsane xua atsaquiya tapaebiyanwa pocotsiwan xua Nacom yabara neyaputane exana. Barapo peatene coyenewa caurimonae pia pentacaponaein tatsi, pon Satanās, itoroba xantha xua atene tana necana exanaenexa. Barapo peatene bichocono atenein tsaibi be poxonaē xua xane eto nexatempa. <sup>8</sup> Acoibi po jumeyothabe tsaibi Nacom jume fayacotsiya wuqueiban xua taneperaxa capanepaenexa barapo peatene coyenewa weya. <sup>9</sup> Ichitha Nacom netsipaeba, jeye: "Jume, jopa caaxaibi exanaetsi. Jame cata itorobatsi Tajumope tana xujinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itacupatsi xua daxita pia coutha peexanaewa. Jopa ba canantawenonaeyo taayapusu coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapusu coyenewa. Bara bapon yawenan", jei Nacom. Daxota ichichipan poxonaē inta ayapube tsaibi xua jopa tana neitacupaewa xua daxita beta taexanaewa tacoutha. Bapoxonaē jiwi tanetaenexa xua bara Cristo neyawena pia peayapusu coyenewatha. <sup>10</sup> Daxota juntu coyene weiweinan poxonaē inta ayapube tsaibi xua beta taexanaewa. Matautano juntu coyene weiweinan poxonaē jiwi abe neyabara paebeiba. Matautano juntu coyene weiweinan bequein jopa xeinaeneyo pocotsiwa xua tanantawenonaewa. Barichino juntu coyene weiweinan poxonaē bequein jiwi neatene exaneiba tajume cowantsixae Cristo. Matautano juntu coyene weiweinan poxonaē bequein jiwi inta ayapube exaneiba. Daxita baxuan nejuntu coyene weiweina exana, poxonaē inta ayapube tsaibi xua beta taexanaewa xua ichamonae inta daunwei peexanaexae. Bapoxonaē bara xaniwaicha asun tsipei Cristo tana neyawenaexae.

*Meje poxonaē Pablo yabara najuntu coyene eena exana nawita Corinto tomarapiwi*

<sup>11</sup> Cueicueijan icha ichi poxonaē cueicueijei pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijeiwa. Jame apara paxam barapomonae pam pomonaē bequein bewa xanepanaya pana neyabara paebim. Bequein xan jopa peainya cuiyinyo, ichitha barapomonae jopa peainya cui jiwi beyacaincha xua xan pomonaē pajume naitaewatame. Barapomonae naerabiya paeba xua pinae barapomonae bichocono peainya cui jiwi pomonaē Cristo pia

peitorobi jiwi jiwana tatsi. Ichitha barapomonaе xainwaicha bichocono jopa peainya cui jiwi. <sup>12</sup> Poxonae cataunxuae paca baru popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Matautano jopa aitaconaеyiya exanaeinyo poxonae bequein ichamonaе inta daunwei exana poxonae abe neyabara paeba. Jame saya junteма exana ducunaеbiyan petsita itutsi coyenewan painya xantha bequein ichamonaе abe neyabara paeba. Matautano exana ducunaеbiyan pocotsiwan jiwi nabenaeca exainchi. Daxita baxuan exanan Nacom pia peayapusu itorobi coyenewatha tatsi. <sup>13</sup> Paca yabara nanta xeinatsi xua paxam metha pananta xeiname xua paxam jopa peainya cui jiwi pam. Matautano metha pananta xeiname xua meisa icha penacaetutsi bonmonae jiwi pomonaе wanae pejume cowantsiwi Nacom bichocono peainya cui jiwi beyacaincha paxam. Metha pananta xeiname baxua poxoru jopa paca wucaetsi xua tapana neyawenaenexam tsane pocotsiwatha tanantawenonaewa pocotsiwatha xua ayapube pacata exainchi.

<sup>14</sup> Anoxuae nacui yabara wanaetan xua tapaca siwa ponaewatsi tsainchi equeicha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha jopa paca wucaetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaеxae pocotsiwa xua paxeiname. Apra saya paxam cuita paca siwa poinchi. Pexui ba jopa nantawenonaeyo xua paxeiwi juntana jeba paratixi, jame saya ba coxiyeiwi bewa pia pexui juntana jebi paratixi. Barapocotsi jata coyeneya ichin bewa paca yawenaеinchi. Jopa panantawenonaem xua tapana neyawenonaweam. <sup>15</sup> Juntu coyene weiweinan xua paca catsinchi daxita xua xeinan. Barichi copatan xua bara ichamonaе atene tana neexanaewa tapaca cayawenaenexatsi. Poxonae bequein matowa toxeinchiya paca antobe tsoponaetsi daichitha be conotha xuya pana neantobem.

<sup>16</sup> Ichamonaе pomonaе painyamonaе jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newuca paratixi bapon nexa. Daichitha ichacuitha tsipae metha apra bapon naca muxuitorobiya wecobe notsipararatixi”, jei. <sup>17</sup> ¿Metha paratixi paca yabara muxuitorobiya wecobe notsinchi poxonae pebiwi itorobin painya xantha? ¿jume apra! ¿jopa baxua exanaeinyo! <sup>18</sup> Tito itoroban xua painya nepaca siwa ponaewa tsane, irano ichanno itoroban pon iru pejume cowantsin xua Tito peyeiyatsiwa tsainchi. ¿Metha Tito bara paca yabara muxuitorobiya wecobe notsina paratixi? ¿jume apra! Paxam bara payaputaneme bara Tito betiya xaniwaicha pananta jupaya paexananbe, xuano pana najuntu coyene jupanbe.

<sup>19</sup> Jopa payabara nanta xeinaeinde barapo jumein xua pata paca catsipaеbiwatsi xua saya poxoru pata ichichipaеxae xua paxam paca tsita xanepanatsi. Jopa baxua paexanaeinyo. Jame po jume xua Cristo ichichipa xua patapaеbiwa, apra barapo jume cui coyeneya papaeban. Daxita baxuan pacueicueijan Nacom peitatha xua xanepanaya mataropeicha beta Nacom painya nejume cocowantaponaewa tsane. Baxua paexanan tsipei paxam tamonaе pam, pomonaе pata paca caantobe jiwichi pam. <sup>20</sup> Junuwan xua poxonae tapaca siwa ponaewa tsainchi xua metha pajinompaeisipame be pocotsimonaе aichaxaibin tataewa poxoru metha aichaxaibin tsipae pocotsiwa xua paexaname. Matautano metha paneyabara nanta xeinaetsipame xua xan jopa paca cui jupaetsi xua poxonae pocotsiwa exanan. Barichi junuwanno xua poxonae tapaca siwa ponaewa tsainchi xua metha nantiya pana najume matsontsonobame. Matautano junuwan xua nantiya pana yabara uwame pocotsiwan paxeiname, xuano xua nantiya pana nacasebame. Matautano junuwan xua nantiya pana naasiwam xua ichamonaе jopa bepayaewanaem. Matautano junuwan xua nantiya pana nabiaataetsipame xuano xua nantiya tsamu jumeяa pana nacui yopitsipame pocotsiwan xua paexaname. Junuwanno xua nantiya pana naeбichipame painya neyaputaеxae pocotsiwan xua paexaname, xuano xua nantiya pana natsaquibabame poxoru painya neanaepanaеxae. <sup>21</sup> Matautano junuwan xua poxonae equeicha tapaca siwa ponaewatsi tsainchi, Tanacom neexana xua paca yabara auratsi. Bichocono unthuthu wecoyan tsane pomonaе nexa pomonaе xua caena bayatha abe peexanaеxae. Barapomonaе cataunxuae jopa acuiuriyo pocotsiwan xua abe eexanapona xua poxonae barapomonaе yabuxi nata nota xua bequein jopa piseurixi xuano poxonae yabuxi nota pebiwi poxonae jopa piseuriyo. Matautano barapomonaе atsaquiya abe eexanapona.

## 13

*Meje poxonae Pablo napeyabiya najume weta*

<sup>1</sup> Anoxuae equeicha paca siwa ponaеinchi xua nama acoibi po cuiyobetha tsane xua taponaeewa tsane bara beya. Icha ichan ichichipa cui yopita xua ichan abe peexanaеxae

Nacom pia peitorobi coyenewa baxua yabara naca tsipaeba, naca jeye: “Poxonae jiwi cui yopita xua ichun abe peexanaexae bewa acoibi poyobe yabara paebina bapontha, xua abe peexanaexae bapon. Ichacuitha saya nacueyatabe poyobebe yabara paebichipa bapontha bapoxonae jiwi tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi. <sup>2</sup> Bayatha poxonae paca siwa poinchi yabara paca tsipaebatsi pomonae xua abe peexanaewi pomonae painyamonae jiwana pam xua iru ichamonae. Anoxuae bequein cataunxuae taju paca cuenta poponatsi, equeicha paca tsipaebatsi xua bayatha pocotsiwa paca muxuwetatsi, janje: “Poxonae equeicha paca siwa ponaeinchi ayapube taexanaein pomonaetha pomonae xua awiya abe peexanaponaewi”, jan. <sup>3</sup> Baxua paca cana exanaeinchi yaitama paichichipame xua paca tsita itapeinya xeinaeinchi xua pocotsiwa Cristo neitoroba tacueicueijeinexa bapon nexa. Paca muxuwetsinchi Cristo nexa tapaebixae bapon nexa. Cristo jopa jume faefaenayo poxonae yabara paca muxuwetatsi painya abe exanae cuiru coyein. Jame apara bapon jume daunweya paca tsipaeba. <sup>4</sup> Poxonae Jesucristo tupa naetho jiwi yabara nanta xeina xua bapon Cristo saya juntu coyene faefaena, tsipei jopa pia coutha nayawenaeyo. Ichitha anoxuae Jesucristo asu popona Nacom pia peayapusu itorobi coyenewatha tatsi. Bequein pajuntu coyene faefaenan anoxuae, daichitha poxonae paca itawetinchi bapoxonae jopa pajuntu coyene faefaenain tsane. Jame asu pajinompain. Bapoxonae Nacom pia peayapusu itorobi coyenewatha ayapusaya paca itawetsina.

<sup>5</sup> Incane painya coutha pana najuntu coyein jujure icha bara xaniwaicha metha beta pajume cowantsiya jinompame. Icha bara xaniwaicha pana nayaputaneme xua bara yatsicaewa Jesucristo piamonae tatsi pam, barapoxonae pana nayaputaename xua bara apara Jesucristo paca baru jinompa. Icha jopa Jesucristo piamonae tatsi pam, bapoxonae Jesucristo jopa paca baru jinompaeyo. <sup>6</sup> Ichichipan xua paxam payaputaneme xua paxan Cristo pana baru popona. Paxan jopa pemuxuitorobi jiwi pan xua poxonae pata jeiwa: “Paxan Jesucristo pia peitorobi jiwi tatsi pan”, poxonae pata jeiwa. <sup>7</sup> Pawacan Nacomtha xua jopa abe painya neexanaewa tsane. Jopa Nacomtha baxua payabara wacaeyo xua paca tsita itapeinya xeinaeinchi xua paxan Jesucristo pia peitorobi jiwi tatsi pan xua daxota beta painya neexanaewa tsane. Ichitha pacata wacatsi Nacom xua awiya u meisa pexinya coyene painya neexanaponaewa tsane bequein metha pana neyabara nanta xeiname xua paxan jopa pomonae Jesucristo pia peitorobi jiwi tatsi panyo. Bequein paxan jopa paca tsita itapeinya xeinaetsi xua bara Cristo pia peitorobi jiwi tatsi pan. <sup>8</sup> Paxan jopa paichichipaeinyo xua pata yabara jume toxechiya exanaewa pocotsiwa itoroba barapo Nacom pia pexainyei diwesi jume. Jame apara itapeta paexanan pocotsiwa itoroba barapo pexainyei jume diwesitha. <sup>9</sup> Daxota pajuntu coyene weiweinan poxonae ichamonae pana neyabara paeba xua pinae jopa daunweya papaebinyo. Saya paichichipan xua beta painya neume cowantsiwa tsane. Awiya Nacomtha pacata wacatsi xua paxam xaniwaicha painya nejuntu coyene xanapanaponaewa tsane Nacomtha xua jopa patsita natsicuentim tsane abe painya neexanaexae bapontha. <sup>10</sup> Pewunaeya xua poxonae tapaca siwa ponaewa tsainchi, matha barapo carte pacata tinatsi. Daxota tinan xua jopa bewa paca tsipaebi tsainchi pocotsiwa pacata ayapube exanatsi poxonae paca siwa ponaeinchi. Bapoxonae jopa nantawenonain tsane xua tapaca itorobiwa tsainchi xua taxainaexae Nacom pia peitorobi coyenewa tatsi po peitorobi coyenewa Nacom necata. Nacom necata barapo peitorobi coyenewa xua painya nejuntu coyene xanepana ponaenexa Nacomtha. Apara jopa baxua necatsiyo xua abe tapaca exanaenexatsi.

<sup>11</sup> Tamonae pam, bara wetan anoxuae barapo carte. Ichichipan xua painya nejuntu coyene weiweina jinompawam tsane. Itapeta pajume jejande pocotsiwa xua paca muxuwetatsi xua daxota beta mataropeicha painya neexanaponaewa tsane. Pana najuntu coyene tsacabare xua daxota peburaya caemonae pana nabaru nanta xeinaeya jinompare. Juntema panabaru jinompare. Bapoxonae Nacom pon juntea pepoponain, xuanu xua peantobe tsurucuaebiyain, barapon paca baru poponeibina. <sup>12</sup> Betya painta nantiya najacobare painya neantobewaxae Cristo. <sup>13</sup> Daxita pomonae xote jinompe pomonae pejume cowantsiwi Jesucristo barapomonae paca jacobae.

<sup>14</sup> Barabu Jesucristo pon jiwi Pecanamataxeinaein paca yawenaena pia paca necaantobexae. Barabu Nacom pia peantobe coyenewatha tatsi pajinompaname. Matautano barabu Nacom pia Pejumope tunaxa tatsi daxita pam paca baru jinompaena.

Baja Pablo.

## Meje Po Carte Pablo Tatina, Galacia Nacuapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Galacia nacuapiwi*

<sup>1</sup> Xan, Pablon, Jesucristo pia peitorobi jiwi jiwana tatsin. Apra ichun jopa neitapetsiyoyawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupae coyene weya. <sup>2</sup> Xan, iruru ichamonae pomonae pejume cowuntsiwi daxita barapomonae pan paca jacobatsi. Barapo carte pacata tinatsi pomonae Nacom piamonae tatsi pam, painya nejume cowuntsixae Jesucristo pomonae Galacia nacuatha painya nejinompaewa. <sup>3</sup> Barabu Nacom, pon Waxa, iru Jesucristo, pon jiwi Pecanamataxeinaein, baponbe amanaya paca yawenaena pia paca necaantobexae. Yawano barabu Nacom juntema jinompa paca exanaena. <sup>4</sup> Bapon Jesucristo naca tsitupa xua wanaca capanenebiya exanaenexa barapo abe waexanae coyene weya xua po abe exanae coyene exana pomonae jinompa po cae pin nacuathe. Nacom pon Waxa ichichipa naca capanepa daxita barapo coyenein weya. <sup>5</sup> Barabu Nacom wunae jaintatsi jiwi xua ataya tsane!

*Meje yabara xua ajibi icha pecapanenebiyae coyenewa*

<sup>6</sup> Najuntu coyene benaecan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iruru xaina waxainchi nexa. Yawa najuntu coyene benaecan xua pajume cowuntame icha jume diwesi xua be pecapanenebiyae diwesi jume xua saya jiwi paeba. <sup>7</sup> Bara xaniwaicha, xua icha pecapanenebiyae diwesi aibi. Pocotsiwa xua ichamonae paca cana exana baxua paca juntu coyene tsacaba xua painya nejume cowuntsinexa icha diwesi, xua toxinchiya painya nejume cowuntsinexa Cristo pia pecapanenebiyae diwesi jume tatsi. <sup>8</sup> Icha ichun toxinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabetsipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha. <sup>9</sup> Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichun toxinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae, paca jeichi.

<sup>10</sup> Poxonae paeban baxua jopa cueicueijanyo pocotsiwa jiwi beta tana neyabara nanta xeinaewa. Apra jame cueicueijan Nacom wunae tana neyabara nanta xeinaexae. Icha saya nanta xeineibichipan xua exanan po coyenyatha xua jiwi beta tana neyabara nanta xeineibiwa tsane bapoxonae xan jopa Cristo pia peitorobi jiwi jiwana tatsin tsipae.

*Meje yabara xua poxonae Pablo Jesucristo pia peitorobi jiwi jiwana pinsi tatsi cana exainchi*

<sup>11</sup> Tamonae pam, pomonae iru painya nejume cowuntsiwixae Jesucristo. Ichichipan xua painya neyaputaewa xua po diwesi pecapanenebiyae diwesi xua po diwesi cueicueijan, barapo diwesi apra jopa jiwi pia diwesiyo tatsi. <sup>12</sup> Matauta barapo diwesi apra xua jopa jiton netsipaebiyo. Yawa matautano dapon aibi xua pon necuiduba barapo diwesi. Apra saya Jesucristo neyaputane exana poxonae netsita itata pia coutha.

<sup>13</sup> Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomonae exana pia pejume cowuntsiwa xua abe yabara, yawa pejinompaeyoyawa yabara. Bayatha payaputaneme xua bichocono abe cana exanan pomonaetha pomonae Nacom piamonae tatsi daxita pomonae pejume cowuntsiwixaetsi Cristo. Ichichipan xua daxita weraweraca taexanaewa. <sup>14</sup> Xan bichocono yabara nacuidubaponan po coyene judiomonae pia pejume cowuntsiwa tatsi. Yawa yabara nacuidubaponan po coyene pia pejinompaeyoyawa tatsi. Bichocono nacuidubaponan beyacaincha xua ichamonae nacuidubapona pomonae tanacuapiwi pomonae tana newei jupaewi. Bichocono ichichipan xua taexanaewa po coyene tamo susato jiwi exana, beyacaincha xua ichamonae exana. <sup>15</sup> Ichitha caena bayatha Nacom neitapeta xua tajume cowuntsiwa tsane bapon pewunaeya poxonae beya tanaexanaewa tsane. Daxota Nacom newaba, bichocono petana neantobexae. <sup>16</sup> Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomonae jopa judiomonae naexanaeyo. Poxonae



barapo coyeneya necana exana jopa baxua yabara paebinyo ichamonaetha. <sup>17</sup> Matautano jopa ponaeinyo Jerusalén tomara beya xua baxua tayabara paebinxetha Jesucristo pia peitorobi jiwitha tatsi pomonae bayatha netsiwana cana exainchi Jesucristo pia peitorobi jiwi tatsi. Seicaya nama xan nainya ponan Arabia nacua beya. Bapoxonae pirapaeayo Damasco tomara beya ponan.

<sup>18</sup> Jopa nainya ponaeinyo Jerusalén tomara beya. Saya bara beya ponan poxonae acoihi po weiyobe yapucaewa. Bapoxonae Pedro tan, yawa baxota naecan quince po matacabibe. <sup>19</sup> Jopa taeinyo daxita pomonae Jesucristo pia peitorobi jiwi tatsi. Saya meisa Santiago tan pon Jesús pia peitorobi jiwi jiwana pin tatsi, pon jiwi Pecanamataxeinaein bapon peweicho tatsi. <sup>20</sup> Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

<sup>21</sup> Nexata bapoxonae Siria nacua beya ponan, yawano Cilicia nacua beya ponan. <sup>22</sup> Nama pomonae jinompa Judea nacuaetha, pomonae Cristo pejume cowantsiwi, cataunxae barapomonae jopa xaniwaicha neyaitaeayo. <sup>23</sup> Saya barapomonae jume tane xua ichamonaeyabara jeye: “Apara bapon, pon caena bayatha abe naca cana exana wajume cowantsixae Cristo. Anoxuae bapon yabara cueicueijeji tsurucuaena biya Jesucristo pia pejume cowantsi diwesi, bequein copiya ichichipa weraweraca cana exana ichamonaeyabara pomonae pejume cowantsiwi Jesucristo”, neyabara jei. <sup>24</sup> Barapomonae wanae jainteiba Nacom poxoru anoxuae wanae exanan Nacom nexa.

## 2

### *Meje yabara poxonae Jesús pia peitorobi jiwi tatsi Pablo caemonaeyabara naexanatsi*

<sup>1</sup> Jerusalén tomara weya ponan xua jiwi tatsipaebinxetha Nacom Pejume Diwesi icha nacuaetha. Poxonae catorce po weibe yapucaewa bapoxonae Bernabé equeicha paponanbe Jerusalén tomara beya. Yawa iru Tito baru ponan. <sup>2</sup> Bara beya ponan tsipei Nacom netsita itata xua bewa ponaein. Baraxota Jerusalén tomaratha pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo barapomonae compa nebaru nacaetuta. Barapomonaetha yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonaeyabara naexanaeyo. Baraxua exanan tsipei jopa ichipaebinyo xua barapo diwesi pejumexaei tsane po diwesi bayatha tsipaeba ducuaeteiban yawa xua anoxuae tsipaeban pomonaetha jopa judiomonaeyabara naexanaeyo. <sup>3</sup> Tito baxota naba ru ecan. Bequein bara bapon griego nacua monaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonaeyabara baxua ichichipa xua baxua Tito pecana exanaewatsi, ichitha jopa baxua cana exanaetsi. <sup>4</sup> Ichamonaeyabara pomonae Cristo Jesús jopa xapain jume cowantsichi, barapomonae namicha pata poxonae pana nacaetutan. Barapomonae ichichipa xua Tito pewi thabiwatsi xua ichaxota pebiwi nareixacaena. Barapomonae namicha pata poxoru ichichipa yaputane xua icha paxan jopa paexanaeyabara pocotsiwa Moisés pia peitorobi coyenewatha itoroba xua anoxuae pata jume cowantsixae Cristo Jesús. Barapomonae ichichipa xua equeicha bewa paexanaeyabara pocotsiwa Moisés pia peitorobi coyenewatha yabara itoroba xua penawi thabi coyene. <sup>5</sup> Matautano bara caetono barapomonae jopa pajume cowantsiya taeinyo. Yawano jopa paexanaeyabara pocotsiwa xua barapomonae pana neitoroba xua jame saya poxoru aparta painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

<sup>6</sup> Jerusalén tomaratha tsipaeban pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo. Nayabara paeban barapomonaetha pomonae Nacom piamonae tatsi pecanamataxeinaewichi po coyene Nacom Pejume Diwesi tsipaeban pomonaetha pomonae jopa judiomonaeyabara naexanaeyo. Ichitha barapo matcabitha barapomonae pomonae Nacom piamonae tatsi pecanamataxeinaewichi jopa neitorobiyo xua tamuxuna cueicueijejiwa xua icha diwesi xua Jesucristo yabara poxonae cueicueijeji ducuaenebiyan po diwesi xua yabara paeban pomonaetha pomonae jopa judiomonaeyabara naexanaeyo. Jopa inta ainya cuiyo xua barapomonae bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan iru barapomonae penajupae jiwi pan. <sup>7</sup> Barapomonae jopa necatsiyo pena pecuidubiwa xua tacueicueijejinexa. Barapomonae yaputane xua Nacom neitoroba tacueicueijejinexa pia pecapanenebiyae diwesi pomonaetha pomonae jopa judiomonaeyabara naexanaeyo pomonae jopa pewi thabiwichi. Icha Nacom ichi xua Pedro itorobatsi xua pecueicueijejiwa tsane barapo pecapanenebiyae diwesi judiomonaetha, barichi Nacom neitoroba xua tacueicueijejiwa tsane barapo diwesi pomonaetha pomonae jopa judiomonaeyabara naexanaeyo. <sup>8</sup> Nacom Pedro exainchi Jesucristo pia peitorobi jiwi jiwana pin

tatsi xua pomonae judiomonae nexa. Barichi Nacom neexana xua Jesucristo pia peitorobi jiji jiwana pin tatsin xua pomonae jopa judiomonae naexanaeyo nexa.

<sup>9</sup> Santiago, iru Pedro iru Juan barapo acoibi poyobe jiji yabara nanta xeina xua barapo acoibi poyobe pepa pecanamataxeinaewi xua canamataxeinatsi pomonae Nacom piamonae tatsi daxita pomonae pejume cowantsixaetsi Cristo. Barapo acoibi poyobe yaputane xua Nacom necata barapo penacuichiwa. Bapoxonae barapo acoibi poyobe necobe jayaba xua patsita itapeinya xeinan xua peburuya cuita pata nanta xeinaewa xua xan barapoyobe jiwana poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonae baxua exana poxoru pata jiwimonae pana naexanan, yawano poxoru barapomonae peburuya nanta xeina, xua paxanbe Bernabé panbe paponaeinbe ichaxota pomonae jopa judiomonae naexanaeyo xua iru poxonae barapomonae nabaru nacuichina pomonae judiomonaetha. <sup>10</sup> Barapo acoibi poyobe pana itoroba, pana nejei: “Pananta xeinare xua painya neyawenaewa tsane peacopeibi jiji Jerusalén tomaratha”, pana jei. Baxua bichocono ichichipan xua taexanaewa tsane.

*Meje yabara poxonae Pablo muxutainyaba, Pedro muxutainyabatsi Antioquia tomaratha*

<sup>11</sup> Nexata poxonae Pedro Antioquia tomaratha patopa, bapon itabara taeya muxutainyaban tsipei bapon bayatha abe exana. <sup>12</sup> Pocotsiwa bapon exana baxue: Copiya bapon Pedro naxane pomonaetha pomonae jopa judiomonae naexanaeyo, pomonae xua jopa ba wi thabichi xua ichaxota pebiwi pia penareixacaenaewa bequein bapon judiomonaepin. Ichitha poxonae pata pebiwi, po pebiwi Santiago baru popona, bapoxonae Pedro tsana xane jopa equeicha naxaeyo pomonaetha pomonae jopa judiomonae naexanaeyo. Baxua Pedro exana poxoru Santiago baru cunuwatsi xua poxoru Santiago baru paeba xua pinae bewa daxita pebiwi wi thabichi, metha bequein tsipae pomonae pepa judiomonae, matautano metha bequein tsipae pomonae jopa judiomonae naexanaeyo. <sup>13</sup> Bapoxonae ichamonae icha judiomonae pomonae pejume cowantsiwi Jesucristo, barichi jupa exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowantsiwi, ichitha awiya barapomonae paeba xua bewa pinae wi thabichi pomonae pejume cowantsiwi. Barichi Bernabé bara jutiya ichi iru exana xua tsana wepu xane pomonae jopa judiomonae naexanaeyo. <sup>14</sup> Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowantsixaetsi Cristo pomonae nacaetuta. Janje: “Xam bequein judiomonaepim ichitha poponae icha ichi poxonae popona pon jopa judiomonae naexanaeyo. Jopa exanaem icha ichi poxonae exana pon judiomonaepin. Xam jopa bewa itorobim pomonae jopa judiomonae naexanaeyo xua bewa exanaena icha judiomonae ichi xua poxonae exana”, jan.

*Meje yabara xua judiomonae xuano pomonae jopa judiomonae naexanaeyo xua iru capanenebiya tsainchi xua Jesucristo pejume cowantsiwi xaxaetsi*

<sup>15</sup> Waxainchi judiomonae naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomonae naexanaeyo, tsipei barapomonae abe peexanaewi. <sup>16</sup> Waxainchi yaputainchi xua bequein exanatsi pocotsiwa Moisés pia peitorobi coyenewatha itoroba, ichitha jopa juntu coyene xeicaetsi Nacomtha xua jopa Nacom watsita natsicuentisiwa tsane abe waexanaexae bapontha. Jiwi ba juntu coyene xeica poxonae Jesucristo jume cowantatsi. Waxainchi juntu coyene xeicatsi poxoru jume cowantatsi Jesucristo xua poxoru jopa wajume cowantsiya exanaexae pocotsiwa Moisés pia peitorobi coyenewatha itoroba. Dapon aibi pon pejuntu coyene xeicaein xua pejume cowantsiya exanaexae pocotsiwa Moisés pia peitorobi coyenewatha itoroba.

<sup>17</sup> Waxainchi ichichipatsi xua wajuntu coyene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajuntu coyenebewa xua bequein Cristo naca yawena, bapoxonae jopa naca yawenaeyo Cristo. Matautano bapoxonae bapon abe naca cana exana. jume, baxua apara Cristo jopa bapana nacata exanae!

<sup>18</sup> Nacom tsitan xua tatsita natsicuentisiwa abe taexanaexae bapontha icha equeicha jiji caewa itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya. <sup>19</sup> Barapo Moisés pia peitorobi coyene jopa neyawenaeyo xua necana exana xua tajuntu coyene xanepanaewa Nacomtha. Saya necana exana xua tatupaewa tsane, poxoru awiya tanatsicuentisiwa xeinan. Ichitha anoxuae Cristo tana netsitupaexae neitacupa xua tapoponaewa Nacom nexa. Matauta anoxuae jopa neitorobiwo Moisés pia peitorobi coyenewa tatsi poxoru jopa xeinaeyo peayapusu itorobi coyenewa xua tana necapanepaewa tsane

abe taexanae coyenewa weya. <sup>20</sup> Poxonae Cristo tupa naetotha inta yawa muxuna tupa abe taexanae coyenewan. Daxota anoxuae xan be ichuñ, tsipei Cristo neyawa popona. Po peajuntuyarupusuwatha poponan, barapo peajuntuyarupusawa Nacom necata tajume cowantsixae Cristo. Bapon Cristo, pon Nacom Pexanto, bichocono neantobe, daxota inta tsitupa abe taexanae coyenewan. <sup>21</sup> Jopa benaitematsinya Nacom pia peantobewa tatsi. Icha nanta xeinan xua jiwi najuntũ coyene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petsitupaewatsi bara be poxonae xuban Nacom pia peantobewa tatsi.

### 3

*Meje yabara xua Moisés pia peitorobi coyenewa tatsi*

<sup>1</sup> ¡Eta bichi tsobernae Galacia nacuapiwi! ¿Jintam pon mara pexeinaein paca baru xuaeji xua jopa painya nejume cowantsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitupa jiwi naetotha xua jiwi tsitupatsi. <sup>2</sup> Baraxua pana nejume nore: ¿Nacom paca cata pia Pejumope tũaxũ tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tũaxũ tatsi painya nejume cowantsixae po coyene xua yabara paca tsipaebatsi xua pejume cowantsiwa Jesucristo. <sup>3</sup> ¡Maisa bichoconocai! ¿Eta pomonae pam tsobernaem? Poxonae copiya pajume cowantame Nacom pia Pejumope tũaxũ tatsi paca yawena xua Nacom painya netsita xeinaewa pejuntũ coyene xeicaewa. ¿Anoxuae pananta xeiname xua bichocono pejuntũ coyene xeicaewa paxeiname beyacaincha xua copyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem. <sup>4</sup> Ichamonae bichocono paca atene exana Jesucristo pexeinya jume diwesi painya nejume cowantsixae. Jopa bewa pana nacui barapentsim xua painya nejume cowantsiwa Jesucristo pejume diwesi, po diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowantsiwa Jesucristo pejume diwesi jopa pexainyei jume tsipae pocotsiwa xua papaebame. <sup>5</sup> Nacom paca cata pia Pejumope tũaxũ tatsi. Matautano Nacom pexeinya petsita itubi coyenewa exana painya xantha. ¿Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Aparta jame baxua pacata exana poxoru painya nejume cowantsixae po diwesi xua pajume taneme.

<sup>6</sup> Abraham pon caena bayatha popona yabara jume cowanta xua Nacom exanaena pocotsiwa Abraham yabara tsiwũnae muxu dutatsi. Daxota Nacom tsitatsi xua bapon Abraham bara pejuntũ coyene xanepanaein xua jopa Nacom tsita xeinaetsi penatsicuentisiwa xua abe peexanaexae. <sup>7</sup> Daxota paxam bewa payaputaename xua pomonae xaniwaicha Jesucristo pejume cowantsiwichi, Nacom tsitatsi xua barapomonae bara be yatsicaewa Abraham pia pemomoxi susato jiwi tatsi bequein bara jopa yatsicaewa Abraham pia pemomoxi susato jiwiyo tatsi. <sup>8</sup> Caena bayatha Nacom Pejume Diwesi paeba, xua Nacom capanenebiya tsane pomonae jopa judiomonae naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonae judiomonae xua capanenebiya tsainchi. Daxita pewũnaeya baxua Nacom paeba pia pexeinya jume diwesitha xua Abrahamtha jeye Nacom: “Daxita nacuanpiwi juntũ coyene weiweina exanaein tana nejume cowantsixaemxae”, jei Nacom. <sup>9</sup> Daxota daxita pomonae jume cowanta, juntũ coyene weiweina, xua Abraham muxuna, xua irũ Abraham pejume cowantsixae.

<sup>10</sup> Pomonae bequein jume cowantsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonae bexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonae jopa exanaeyo daxita po coyene itoroba Moisés pia peitorobi coyenewatha, daxita barapomonae atene tsane xua Nacom exanaena abe peexanaexae”, jei. <sup>11</sup> Yaputainchi beta, dapon ajibi pon pexeinaein xua po coyene pejuntũ coyene xanepanaewa, xua daxota Nacom tsitatsi xua jopa penatsicuentisiwa abe peexanaexae. Tsipei bequein ichichipa xua peexanaewa xua po coyene Moisés pia peitorobi coyenewatha itoroba, daichitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juntũ coyene xanepana exana pon pejume cowantsixaetsi, barapon bara ataya asũ poponaena”, jei. <sup>12</sup> Jiton jopa nantawenonaeyo xua Jesucristo jume cowantatsi peexanaewa tsane daxita pocotsiwa Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita pocotsiwa xua barapo peitorobi coyenewatha paeba ayarupusya nepoponaewa tsane”, jei.

<sup>13</sup> Cristo naca capanepa poxonae naetotha naca tsitupa wanaca yantomatsixae xua abe peexanae coyene waexanaexae po peabe exanae coyene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coyene peyawa tupaexae. Baxua yabara Nacom Pejume Diwesitha jeye: “Pon petupaein naetotha ducua bapon Nacom tsita abetsi xua bapon abe peexanaexae”, jei. <sup>14</sup> Cristo Jesús naetotha petupaexae daxota Nacom catsina pomonaetha pomonae jopa judiomonae naexanaeyo po coyene xua bayatha Nacom Abraham tsiwunae yabara muxu dutatsi. Nacom Abraham tsiwunae yabara muxu dutatsi xua pecatsinexatsi peantuyapusuwa. Matautano Nacom Abraham tsiwunae yabara muxu dutatsi xua Nacom pia Pejumope tñaxu tatsi naca yawa jinompaena poxonae jume cowuntatsi Jesucristo.

*Meje yabara xua Nacom pia petsiwunae yabara muxu dutsiwa tatsi*

<sup>15</sup> Pamonae pam, pomonae iru painya nejume cowuntsiwixae Jesucristo. Paca tsipaebatsi tsica diwesiyo juta coyeneyatha xua pocotsiwa jiwi ba exana. Poxonae ba nacueyatabe pebinbe peburuaya nanta xeinabe xua nantiya penata exanaenexabe yawa daxota nawun dutabe paperatha, bara baponbe bewa exanaenabe po coyene baponbe tsiwunae yabara muxu dutabe. Ichun jopa itacupaetsi xua ichawa equeicha mataropata tina icha bayatha nawun tinabe. <sup>16</sup> Nacom exana pia petsiwunae yabara muxu dutsiwa Abrahamtha yawa iru Abraham pia pemomoxi susato jiwi jiwapanintha tatsi. Nacom Pejume Diwesitha jopa jeyo: “Pia pemomoxi susato jiwitha”, jopa jeyo. Jame meisa caeintha yabara jei: “Pia pemomoxi susato jiwi jiwapanintha”, jei. Baxua yabara paeba xua Cristo yabara caunutatsi. <sup>17</sup> Baxua paca tsipaebatsi meje: Poxonae Nacom yabara tsiwunae muxu duta Abrahamtha, bapoxonae poxonae cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiwunae muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiwunae muxu dutsiwa tatsi. <sup>18</sup> Icha jiwi itacupaetsi xua panenebiya abe pia peexanae cuiru coyene weya xua peexanaexae pocotsiwa Moisés pia peitorobi coyenewatha itoroba, bapoxonae ainya cui aibi po peyabara tsiwunae muxu dutsiwa Nacom yabara tsiwunae muxu duta Abrahamtha. Ichitha poxoru jiwi jopa itacupaetsi xua pepanenebiwa abe pia peexanae cuiru coyene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiwunae muxu dutsiwa, Nacom amanayiya yabara tsiwunae muxu duta Abrahamtha.

<sup>19</sup> ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwapanin tatsi pon yabara tsiwunae muxu duta Nacom. Nacom cata pia peitorobi coyenewa matatsunpiwitha xua barapomonae xuya Moisés catatsi jiwi nexa. <sup>20</sup> Ichitha poxonae Nacom yabara tsiwunae muxu duta Abrahamtha, bapoxonae dapon aibi pon capona barapo peyabara tsiwunae muxu dutsiwa Abrahamtha Nacom weya. Jame saya meisa Nacom compa yabara tsiwunae muxu duta Abrahamtha.

*Meje yabara xua daxota Nacom itoroba Moisés pia peitorobi coyenewa tatsi*

<sup>21</sup> Paca yainyabatsi: ¿Moisés pia peitorobi coyenewa abe cana exana Nacom pia peyabara tsiwunae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itacupaetsipatsi xua capanenebiyatsi abe pia peexanae coyenein weya peexanaexae po coyene Moisés pia peitorobi coyenewatha itoroba, bapoxonae jiwi juntu coyene xanepanaetsipa Nacomtha peexanaexae po coyene Moisés pia peitorobi coyenewatha itoroba. <sup>22</sup> Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itacupaetsi xua penacui barapentsiwa. Daxota daxita pomonae Jesucristo pejume cowuntsiwichi Nacom cana exanaena jiwi po coyene xua bayatha yabara tsiwunae muxu duta xua bepa pinae jiwi capanenebiya tsainchi Jesucristo pejume cowuntsixaetsi”, jei.

<sup>23</sup> Pewunaeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yapatane exana xua poxonae Cristo patopeicaena bapoxonae waxainchi bara bewa jume cowuntichi Cristo. Barapo peitorobi coyenewa yabara naca yapatane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca juntu coyene yawenapona beya poxonae Cristo patopaetsica. <sup>24</sup> Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua najuntu coyene xanepana exainchi Nacomtha wajume cowuntsixae Cristo. <sup>25</sup> Anoxuae jume cowuntatsi Cristo, daxota jopa nantawenonaetsi Moisés pia peitorobi coyenewa tatsi. <sup>26</sup> Paxam painya nejume cowuntsixae Cristo Jesús, daxota daxita paxam Nacom pia pexui tatsi pam. <sup>27</sup> Daxita paxam poxonae bayatha ichamonae paca

bautisaba caemonae pana naexaname Cristo Jesustha, Cristo pijimonae tatsi pamxaem. Daxota paxam pacoyene jupame Cristo. <sup>28</sup> Nacom daxita jiwi tsita najupatsi. Daxota Nacom jopa tsita ainya cuichi metha bequein judiomonae pam tsipaem, iru metha bara bequein griegomonae pam tsipaem pomonae jopa judiomonae naexanaeyo. Matautano jopa tsita ainya cuichi metha bequein pomonae amanaya painya nepaca busi cui tatayebeibiwi pam tsipaem, iru bara bequein pomonae jopa amanaya painya netanacuichi jiwi pam tsipaem. Matautano jopa tsita ainya cuichi metha bequein bara pebiwi pam tsipaem, iru metha bequein yabuxi pam tsipaem. Nacom tsitatsi xua paxam be caemonae jiwi pam xua caemonae pana naba ru exaname Cristo Jesustha. <sup>29</sup> Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsiwuna muxu dutatsi bara baxua paxam nexa.

#### 4

<sup>1</sup> Xua ichichipan xua tapaebiwa baxua meje: Icha pexuyo paxa cuenta tupatsi poxonae cataunxuae pexuyo tsecae barapoyo jopa bepijawa catichi ichamonae pocotsiwa xua coxiyup pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibixaetsi pomonae wichitiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa. <sup>2</sup> Barapo pexuyo nantaata pomonae peyawenaewichi, pomonae bapon wichitiya pebaru jinompaewichi. Matautano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyup paeba. <sup>3</sup> Waxainchi bara pocotsi jata coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba. <sup>4</sup> Poxonae barapo matakabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabuyo petsiperu wenaexanaenexatsi barapo cae pin nacuathe. Bapon yacuiya naexana judiomonaepin. Matautano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewa tatsi. <sup>5</sup> Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi. <sup>6</sup> Nacom pia pexui tatsi painya nenaexanaexae, daxota pacata itorobica pia Pejumope tunaxu tatsi pia painya nepaca cayawenaewa tsane poxonae paca juntu coyene tsipaeba. Barapo Nacom pia Pejumope tunaxu tatsi naca cana exana xua wajeiwa: "Axa", xua wajeiwa Nacomtha. <sup>7</sup> Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

*Meje yabara poxonae Pablo yabara nanta xeineiba pomonae pejume cowantsiwi Jesu-cristo*

<sup>8</sup> Pewaneya xua poxonae payaputaename Nacom, copiya paxam be barapocotsimonae pam be pocotsimonae bewa exanae xua pia nacoman itorobeibatsi, po nacoman xua saya jiwi pia coya cana exana xua jopa pepa nacomanyo. <sup>9</sup> Ichitha anoxuae Nacom payaputaname, yawa paca tsipaebatsi xua Nacom paca yaputane. Jopa bewa equeicha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonae cataunxuae jopa pajume cowantsim Nacom. Barapo Moisés pia peitorobi coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonae saya u painya neexaneibi barapo coyene barapoxonae be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi. <sup>10</sup> Paxam awiya cataunxuae paxename pocotsi coyenewan xua judiomonae itorobatsi Moisés pia peitorobi coyenewatha. Barapo coyenewa itoroba xua matakabin yabara yawa xua xometon yabara yawa xua wei yabara, po coyene jiwi bewa exanaena penajainbotsi yabara, yawa xua pin penabanaewa peexanaewa matakabin yabara. Barapocotsi coyenein paexaname painya nenanta xeinaexae xua painya nenajuntu coyene xanepana exanaenexa Nacomtha. <sup>11</sup> Tsipei cataunxuae baxua paexaname, daxota juntu coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

<sup>12</sup> Tamonae pam, pomonae iru painya nejume cowantsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi

coyewewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyewewatha itoroba. Bara bequein xan judi monaepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyewewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyewewatha itoroba. Paxam pomona jupa judi monaepa panaexanaem. Bayatha paxam jopa painta abe exanaem, daxota nanta xeinan xua bara pana nejume taneme pocotsiwa paca itorobatsi. <sup>13</sup> Payaputaneme poxona copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo. <sup>14</sup> Bequein pacata ayapube xua poxona pana nentaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxona matatsunpintha paichipaem poxona patopa po matatsunpin Nacom pia matatsunpin tatsi, pon painya cuin, yawano xua icha be poxona pacana ichipaem Jesucristo poxona patopaetsipa. <sup>15</sup> Copiya bayatha bichocono pajuntú coyene weiweiname, anoxuae jopa paraichim. Bequein baxua paexaname daichitha awiya wuna paca yabara paebatsi ichamonaetha xua paxam bichocono pana neantobem. Matautano bichocono jopa juniya pana neantobem pata tana neyawenaexaem tsane xua beya poxonaeno pana naitacuere jucame xua pata tana neantobexaem. <sup>16</sup> Anoxuae pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

<sup>17</sup> Po judi monaepa jiwí pecuidubiwi barapomonaepa naemata wunaeya paca tsipaeba, ichitha peajuntúcoyenebe jiwí. Daxota barapomonaepa baxua pacata exana pia painya tana nepenticham pia bapoxonaepa xuya painya ichichipaetsi barapomonaepa. <sup>18</sup> Baraxua bara bequein wunaepa xua ichamonaepa paca ichichipa, daichitha saya jame poxonaepa juntú coyene wunaepa. Barapomonaepa bewa daxita matacabi paca yaweneibina jopa meisa metha poxoru ecaeinchipaepa. Matautano bara bewa paca yawenaena poxonaepa jopa ecaeinyo. <sup>19</sup> Tamonaepa pam, paxam be pomonaepa tapexui pam. Paxam nexa bichocono ajuntúcoyenerewein xua anthathatanein, icha be poxonaepa yabuyó ichi poxonaepa bichocono atene poxonaepa beya pexuyo pabeta. Baraxua cataunxuae exanaponaepa beya poxonaepa pajuntú coyene wunaem tsane icha Cristo ichi xua juntú coyene wunaepa. <sup>20</sup> ¡Maise ichichipan bichocono xua tapaca bará ecaewatsi anoxuae xua tapaca tsipaebinxatsi icha jumetha, xua jume wunaeya tapaca tsipaebinxatsi! Tajú taecaexae xan jopa yaputaeinyo xua eta bichin xua tapaca yabara nanta xeinaewatsi xua tapaca yawenaenexatsi.

*Meje yabara xua yabuyóbe Agar irú Sara*

<sup>21</sup> Paxam pomonaepa pam pomonaepa painya neichichipaepa xua painya neexanaepa pocotsiwa Moisés pia peitorobi coyewewatha itoroba. Pana nejume nore. ¿Paxam jopa pajume taem xua barapo peitorobi coyewewatha paeba? <sup>22</sup> Barapo peitorobi coyewewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichiwatsi. <sup>23</sup> Powa Abraham tanacuitatsi amanaya, bapowa pexanto tanaexanatsi bara jupa icha be ichi xua poxonaepa ichamonaepa tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwunaepa muxu dutatsi. <sup>24</sup> Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsi wunaepa muxu dutsiwabe tatsi. Agar pexanto tatsi bapon pia pemomoxi susato jiwí tatsi bewa exanaepa xua Moisés itoroba pia peitorobi coyewewatha tatsi. Barapo peitorobi coyewewa Nacom Moisés catatsi ichaxota demxuwa, po demxuwa pewún Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwí tatsi barapo coyeneya yacuiya naexanumenapona. Daxota barapomonaepa bewa exanaponaepa po peitorobi coyene Moisés itoroba. <sup>25</sup> Barapowa Agar caunuta po demxuwa pewún Sinaí xua Arabia nacuaetha, po demxuwa Arabia nacua monaepa pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaepa Moisés pia peitorobi coyewewa tatsi icha Agar ichi xua bewa exanaepa pocotsiwa Abraham itoroba xua powa pebusi cui taetaewatsi pecana exanaepaetsi. <sup>26</sup> Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanaepa tsane Moisés pia peitorobi coyewewa tatsi. Waxainchi apara barapo tomarapiwichi. <sup>27</sup> Nacom Pejume Diwesitha Sara tsipaebatsi, jeichichi:

“Petsiriwa powa mawecowam, xam powa

jopa xeinaem pexui, juntu coyene weiweinare. Juntu coyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa bichocono ayei jwi xeinaena pexui beyacaincha po petsiriwa piseuri baru popona”,  
 jei Nacom Pejume Diwesitha.

<sup>28</sup> Tamonae pam, paxam pomonae iru painya nejume cowantsiwixae Jesucristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwunae muxu dutatsi. Waxainchi barapo pexuichi, po pexui Nacom yabara tsiwunae muxu duta wajume cowantsixae. <sup>29</sup> Po pexanto Agar tanaexanatsi xua pon naexana bara jupa icha be ichi xua poxonae ichamonae pexui tanaexanatsi be pon pewun Ismael. Bapon Isaac taayapube exainchi, pon naexana poxoru Nacom pia Pejumope tnanaxu tatsi peitorobixae. Bara jutiya ichi anoxuae pomonae xua Nacom pia Pejumope tnanaxu tatsi pexeinaewi taayapube exainchi xua ichamonae exana, pomonae peexanaponaewi po coyene Moisés pia peitorobi coyenewatha itoroba. <sup>30</sup> Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itacupaetsi xua pexeinaewa pocotsiwa coxiyun pecopaniwa tatsi xua saya cuita pepa pexanto tatsi nexa powa jopa pexui cui taetaewatsi amanaya”, jei Nacom Pejume Diwesitha. <sup>31</sup> Tamonae pam, paxam pomonae iru painya nejume cowantsiwixae Jesucristo. Jopa dapomonaetsi icha be ichi po pexui powa pexui cui taetaewatsi amanaya pia pexui tatsi pomonae bewa exanaewa pocotsiwa Moisés itoroba. Waxainchi jame barapomonaetsi icha be ichi po pexui powa jopa pexui cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

## 5

*Meje xua Pablo yabara paeba xua jopa bewa equeicha exanae Moisés pia peitorobi coyenewa*

<sup>1</sup> Cristo naca yawena xua equeicha jopa wanantawenonaewa tsane xua waexanaewa pocotsi coyenewam Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentisiwa xua abe waexanaexae. Beta ajuntayapusya pajume cowantaponde Nacom, xua bapoxonae jopa painya necopatsiwa tsane xua ichamonae paca itorobina xua painya neexanaewa pocotsiwa Moisés itoroba.

<sup>2</sup> Xan, Pablon, pana nejume taema. Jopa equeicha pacopatsinde xua bara judiomonae paca wi thabina, pomonae pebiwi pam, ichaxota panareixacaename. Tsipei icha baxua paexanaetsipame bapoxonae Cristo jopa paca yawenaetsipae po coyene bapon nepaca juntu coyene xanepana exanaewa tsane Nacomtha. <sup>3</sup> Equeicha ichichipan xua tapaca tsipaewatsi. Po pebin xua wi thabatsi xua judiomonae exana, barapo pebin bara be judiomonaepin naexana. Bapoxonae bapon bewa daxita matapaecha coyenein exanaewa pocotsiwa Moisés pia peitorobi coyenewatha itoroba. <sup>4</sup> Paxam pomonae pananta xeiname xua paca juntu coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi. <sup>5</sup> Nama jume cowantsiya ewatatsi xua Nacom naca juntu coyene xanepana exanaena xua jopa watsita xeinaewa tsane wanatsicuentisiwa xua abe waexanaexae. Nacom pia Pejumope tnanaxu tatsi baxua nacata exana wajume cowantsixae Nacom. <sup>6</sup> Waxainchi caemonae peburaya Cristo Jesús piamonae wanaexanaexaetsi jopa naca yawenaeyo icha ichamonae naca wi thaba xua judiomonae wanaexanaewa tsane. Ichacuiitha icha jopa naca wi thabiyo baxua iruru jopa naca yawenaeyo. Jame pocotsiwa xua wanaca yawenaewa bewa jame jume cowantichi Cristo Jesús. Barapo pejume cowantsiwa naca exana xua antobeya wajinompaewa.

<sup>7</sup> Bayatha copiya beta pajinompame painya nejume cowantsiwatha. Jintam metha pacata ayapube exana xua daxota jopa painya neexanaewa pocotsiwa Nacom pia pejume xainyeiwatha paeba? <sup>8</sup> Apara Nacom jopa pacata exanaeyo baxua xua pacata ayapube exana pon paca waba. <sup>9</sup> Payabara nanta xeinare po diwesiyo xua jeye: “Levadura ba peyauyo xoyo atsaxa tsecae daxita carepaya matapaecha atsaxa exana pantha”, jei. Barapo coyene icha be ichi poxonae abe peexanae coyene po coyene bewayo painya xainya bejojopa tsiniya. <sup>10</sup> Jume cowantan Nacomtha pon jwi Pecanamataxeinaein xua jopa painya neitapetsiwa tsane icha painya barompaya nenanta xeinaewa xua icha be jopa ichiyo pocotsiwa nanta xeinan. Icha ichun paca juntu coyene tsacaba xua paca itoroba xua

abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, matautano metha bequein pon peainya cuin jiton, ichitha awiwa atene cana exanaena.

<sup>11</sup> Tamonae pam, paxam pomonae iru painya nejume cowantsiwixae Jesucristo. Icha cueicueijan tsipae xua bewa jiwi wi thabichi metha judiomonae jopa inta abe exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tupa. <sup>12</sup> Pomonae xua paca juntu coyene cui tsacaba xua paca itoroba xua paca wi thaba barapomonae pin jumetha yabara janje: “Jame maisa bu moya bara pia coutha natobu jucaena xua daxota jopa ichamonae peitorobiwa tsainchi xua penawi thabiwa tsane”, jan.

<sup>13</sup> Tamonae pam, paxam pomonae iru painya nejume cowantsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xeinaewa tsane painya tsita natsicuentisiwa xua abe painya neexanaexae. Poxoru jopa painya nenantawenonaemxaxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiwi pia coutha ichichipa exana. Jame paexande pocotsi coyene xua ichamonae payawende xua nantiya caemonae painya nenaantobexae.

<sup>14</sup> Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarabu enaewi, icha ichim xua naantobem jinya coutha”, jei. <sup>15</sup> Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitafaetabi jiwi pam tsipae xua jopa beta painya nejume cowantsiwa Nacom.

*Meje xua Pablo yabara paeba pomonae yawa jinompa Nacom pia Pejumope tñaxu tatsi*

<sup>16</sup> Xua pocotsiwa paca tsipaebatsi meje baxue: Nacom pia Pejumope tñaxu tatsi payawa jinompare. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana. <sup>17</sup> Po coyene xua wacoutha wajuntu coyenetha najuntu coyene xeinatsi xua abe waexanae coyenewa baraxua Nacom pia Pejumope tñaxu tatsi jopa ichichipaeyo. Po coyene Nacom pia Pejumope tñaxu tatsi naca itorobeiba xua pexeinya coyene waexaneibinexa baraxua, barapo abe wananta xeinaewa jopa ichipaeyo barapo coyene, po coyene Nacom pia Pejumope tñaxu tatsi naca itoroba. Bapoxonae wajuntu coyene iru Nacom pia Pejumope tñaxu tatsi pia pejuntu coyene tatsi jopa peburaya jupaeya nanta xeinaebe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coyenein pexeinya coyenein. <sup>18</sup> Ichitha icha Nacom pia Pejumope tñaxu tatsi itorobiya paca mata cainompa bapoxonae jopa bewa pananta xeinaem xua Nacom paca capanenebiyaena abe painya neexanae coyeneyin weya painya neexanaexae po coyene Moisés paca itoroba pia peitorobi coyenewatha tatsi.

<sup>19</sup> Pocotsiwan jiwi ichichipa pia coutha exana xua abe meje baxue: Ichamonae nata siwa xeina xua bequein jopa piseuri jiwi. Ichamonae bichocono nanta xeineiba pocotsiwa bichocono xua abe, yawa xua pecui tsacatsacapae coyenewa xua weiweina. <sup>20</sup> Ichamonae wñae jainta ibo nacomun. Barichi ichamonae maratha cataerubenanaebiya xua icha jiwi maratha cataerubenanaebiyatsi. Ichamonae caemonae nantiya naita aenae-aenei. Ichamonae nantiya naba. Ichamonae nantiya nauwa. Ichamonae nantiya nacaseba. Ichamonae asiwa piawan. Ichamonae natsatabe exana. Ichamonae pia matabuxomonaenacana exana be pomonae seicaya barompaya penanta xeinaewi. <sup>21</sup> Ichamonae yabara uwa pocotsiwa xua ichamonae xeina. Ichamonae juteba xua icha jiwi pejutebiwatsi. Ichamonae cupatsi. Ichamonae penajainjubi jiwi bichocono. Ichamonae ichawan exana xua peabe coyewanan. Yabara paca tsiwñae muxu dutatsi xua jupa be po coyeneya bayatha paca tsipaebatsi, po jiwi bapocotsiwan exana barapomonae jopa patsi tsane Nacom pia peitorobi nacua beicha tatsi.

<sup>22-23</sup> Ichitha nama pocotsi coyewanan Nacom pia Pejumope tñaxu tatsi cana exanaena jiwi pejuntu coyenetha tatsi baxuanje: Peantobewa ichamonaetha, yawa pejuntu coyene weiweinaewa pejume cowantsixae Nacom, yawa xua junteama pejinompaewa, yawa xua junteama pejinompaewa xua bepijawa jopa aitaconaeyo poxonae bequein ichamonae abe exana, yawa xua beta peexanaewa ichamonaetha, yawano xua peyawenaewa ichamonae pejuntu coyene xeicaewaxae, yawano xeina xua bichocono pejume cowantsiwa Nacom, yawa bichocono pia coutha jopa penayabara nanta xeinaewa, xua saya yabara nanta xeina ichamonaetha, yawa po coyene xua penaitorobiwa pia coutha. Icha peitorobi coyenewa aibi po peitorobi coyenewa xua yabara paeba xua daxita barapo coyewanan pinae abe. <sup>24</sup> Waxainchi pomonaetsi xua Jesucristo piamonae tatsichi, jeichichi: “Poxonae Jesucristo naetotha cobe matatabarutatsi, wajuntu coyene, po juntu coyene jopa wñaeayo,



nacata yawa muxuna tupa. Bapoxonae nacata aichurubenaexana po coyene xua abe waexanaewa”, jeichichi waxainchi. <sup>25</sup> Waxainchi jinompatsi wanaca yawenaexae Nacom pia Pejumope tñaxu tatsi. Daxota bewa bara copatichi xua Nacom pia Pejumope tñaxu tatsi bara naca matacarucua ducuaenaebiyaena xua ichaxota daxita pocotsiwantha xua exaneibatsi.

<sup>26</sup> Jopa bewa waxainchi ichamonaetha aebichi. Matautano jopa bewa nantiya naanaepana exanaetsi. Matautano jopa bewa nantiya nauwichi.

## 6

*Meje yabara poxonae Pablo jeye: “Nantiya pana nayawende”, jei*

<sup>1</sup> Tamonae pam, paxam pomonae iru painya nejume cowantsiwixae Jesucristo. Icha ichuñ pacui taneme xua abe exana, pon pejume cowantsin Jesucristo, bapon payawende xua equeicha beta peponaewa tsane Nacomtha. Payawende bapon paxam jiwana pomonae pam Nacom pia Pejumope tñaxu tatsi pajume cowantsiya jinompame. Jopa anaya bichocho pamuxuconaeinde xua abe peexanaexae. Ichitha dota pam, xua iruñu paca juntu coyene cana exana xua abe painya neexanaewa tsane. <sup>2</sup> Nantiya caemonaexana pana nayawende xua poxonae ichamonaexana ajuntucoyenerewe tsaibi pocotsiwa xua ajuntucoyenetane exanatsi. Poxonae nantiya caemonaexana pana nayawenae bapoxonae bara paexanaename pocotsiwa Cristo itoroba xua poxonae jeye: “Nantiya caemonaexana naantobeinde”, jei.

<sup>3</sup> Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenaewatsi tsainchi, bapon pia coutha namuxutoroba. <sup>4</sup> Jiton bewa pia coutha nacui yabara nanta xeinaexana xua exana, bapoxonae barapon juntu coyene weiweina icha piawa beta exana. Bapon jopa bewa yabara nanta xeinaexana pocotsiwa xua ichuñ exana xua bichocono wunaexana xua beyacaincha bapon exana. Daxita jiji carepaya bewa barichi bewa pia coutha nacui yabara nanta xeinaexana icha metha bara wunaexana xua pocotsiwan exana. <sup>5</sup> Daxita jiji carepaya barompaya bewa exanaena pia penacuichiwan Nacom nexa be pocotsi coyene xua Nacom itoroba.

<sup>6</sup> Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchixaetsi xua be pematomatsi coyenewa exana.

<sup>7</sup> Jopa painya coutha pana namuxutorobinde. Dapon ajibi pon itacupatsi xua Nacom muxutorobatsi. Pocotsiwa xua pebin exana bara barapocotsi coyenetha cuita yabara cana exanatsi. Icha bapon abeya exana barichi bara abeya cuita yabara cana cui matomatatsi. Matautano icha bapon xanepanaya exana bara xanepanaya cuita yabara cana cui matomatatsi. <sup>8</sup> Icha ichuñ exana pocotsiwa xua pia coutha ichichipa exana pocotsiwa xua jopa xanepanayeyo, bapoxonae bapon xuya cuita xeinaena pocotsiwa xua abe xua jiji tupa exanatsi. Ichitha icha bapon exana pocotsiwa xua Nacom pia Pejumope tñaxu tatsi ichichipa, bapoxonae barapo Nacom pia Pejumope tñaxu tatsi bapon catinchi peajuntuyarupuswa xua ataya tsiteca. <sup>9</sup> Jopa bewa ajuntucoyenefaetabi tsainchi po coyenewa xua beta waexanaewa Nacom nexa. Icha jopa ajuntucoyenefaetabiya jinompae tsainchi xua beta waexanaewa Nacom nexa, bapoxonae po mataqueitha Nacom daxita wetsina Nacom naca catsina pentoma pocotsiwa wunaexana xua xanepanaya waexanaexae. <sup>10</sup> Daxota poxonae daxita coyeneintha naca itacupa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowantsiwichi, beyacaincha poxonae yawenatsi pomonae jopa pejume cowantsiwi.

*Meje yabara xua Pablo najume wetsiya paeba*

<sup>11</sup> Pataema xua matapainya tacoutha tinan, daxota pin itaneton tsica. <sup>12</sup> Pomonae judiomonaexana xua paca itoroba xua painya nepaca wi thabiwa tsane, barapomonaexana saya baxua exana pia icha judiomonaexana wunaexana yabara nanta xeinaetsi barapomonaetha. Yawa barapomonaexana pomonae xua paca itoroba pomonae judiomonaexana naerabiya nanta xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonaexana naexanaeyo, bara muxuna itorobatsi xua barapomonaexana bara bewa pebiwi wi thabinchi ichaxota nareixacaena. Bapo coyenewa icha waxainchi exanatsi baxua wamonae pomonae judiomonaexana juntu coyene weiweinaena. Bapoxonae barapomonaexana nacata abe exanaexana tsane, bequein tsipaebatsi pomonaetha, pomonae jopa judiomonaexana naexanaeyo xua Cristo naca tsitapa naetha”, jei xua naerabiya nanta xeina. <sup>13</sup> Bequein barapomonaexana paca itoroba xua paca wi thaba ichitha jopa exanaeyo pocotsiwa Moisés pia peitorobi coyenewa itoroba. Barapomonaexana ichichipa xua paca wi thaba ichamonaexana,

pia barapomonaē paca yabara paebichi ichamonaetha xua barapomonaē paca itoroba. Barapo judiomonaē ichichipa xua icha judiomonaē yabara nanta xeina xua pomonaē paca itoroba bara beta exana pia paca cui itorobixae barapo penawi thabi coyenewa. <sup>14</sup> Ichitha xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petupaewa naetotha pon Wanacacana-mataxeinaein. Cristo naetotha netsitupa daxota pocotsi coyenein xua xeina po irathe jopa netsita ainya cuiyiyo, xua taxeinaenexa yawa xan jopa tsita ainya cuiyiyo barapo cae pin nacuathepiwitha. <sup>15</sup> Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena juntu coyene. <sup>16</sup> Barabu Nacom paca cata juntema painya nejinompaewa. Matautano barabu Nacom nantanuweya paca yabara nanta xeinaena pia painya nepaca yawenaenexa. Barabu Nacom daxita paxamtha barapo coyenebe paca cana exanaena pomonaē pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena juntu coyenewa, yawano barabu Nacom paca cana exanaena daxita paxamtha pomonaē pam xaniwaicha painya nejume cowantsiwi pam Nacom.

<sup>17</sup> Anoxuae yawano xua bexa tsaneno jopa ichichipaeinyo xua ichun inta ayapube exanaena xua poxonaē neyabara paeba xua po coyene pinae Nacom jopa neitorobiyo xua tacueicueijejiwa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonaē newan duba taperutotha tajume cowantsixae Jesús.

<sup>18</sup> Tamonaē pam, paxam pomonaē iru painya nejume cowantsiwixae Jesucristo. Barabu bapon pon Wanacanamataxeinaein, paca juntu coyene weiweina exanaena pia painya nepaca antobexae. Je bara ichi tsane.

Baja Pablo.

## Meje Po Carte Pablo Tatina, Efeso Tomarapiwi Tatinatsi

*Meje yabara poxonaef Pablo tamropata pitaba xua tatina pomonaetha pomonaef Efeso tomarapiwi*

<sup>1</sup> Xan, Pablon, pacata tinatsi. Nacom necana exana xua Cristo Jesús pia peitorobi jiji jiwana tatsin xua bapon peichichipaexae. Pacata tinatsi pomonaef pam pomonaef Nacom piamonaef pamxaem, pomonaef pajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonaef painya nepaca exanaexae Cristo Jesustha. <sup>2</sup> Barabun Nacom, pon Waxa irun Jesucristo, pon jiji Pecanamataxeinaefin, baponbe paca yawenaena pia paca necaantobexae. Matautano barabun baponbe peburuya juntema jinompa paca cana exanaena.

*Meje yabara xua poxonaef Nacom wanaca yawenaewa, wanaca antobexae*

<sup>3</sup> Barabun waxainchi tsipaebatsi Nacomtha, Jesucristo Wanacanamataxeinaefin, pia Nacom tatsi xuano xua Paxa tatsi. Jeichichi: “Nacom maisa pajuntu coyene weiweinan jinya pata taneyawenaewaxaem”, jeichichi. Daxita waxainchi Nacom caemonaef wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejuntu coyenein po pejuntu coyenein xeina pia nacuatheicha. Bapo juntu coyenein naca catsiba xua wanantawenonaewatsi xua wanaca ajuntucoyenesu exanaenexa beta xua Nacom watsita jinompaenexatsi. <sup>4</sup> Caena bayatha pewunaeya xua poxonaef nacua forotsina, Nacom naca wun duba xua piamonaef tatsi wanaca exanaenexa tsane poxoru Cristo caemonaef wanaca exanaewa tsane bapontha. Matautano Nacom naca wun duba xua bichocono watsita juntu coyene xanepanaya tsane bapon xua matauta jopa watsita natsicuentiswatsi tsane xua abe waexanaexae bapontha. <sup>5</sup> Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaya aetsi. <sup>6</sup> Daxota barabun Nacom wunaef jainteibatsi pon bichocono pexeinya coyenewa exana poxonaef naca yawena wanaca antobexae. Matautano Nacom bichocono wanaca antobexae amanaya daxitatsi caemonaef naca cayawa exana Pexantotha, po Pexanto bichocono antobe. <sup>7</sup> Nacom pia pin wanaca antobexae naca capanenebiya exana abe waexanaef cuiru coyenein weya. Nacom tsitatsi xua jopa watsita natsicuentiswatsi xua abe waexanaexae, yawa naca cayabara cui juntemaina barapo cui. Baxua exana poxoru Nacom Pexanto tatsi jana pichapabarena poxonaef bexotsi, poxonaef abe waexanaef cuiru coyene naca yabara tsitupa naetotha. <sup>8</sup> Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon. <sup>9</sup> Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawun xeina xua jiji jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewun Jesucristo. <sup>10</sup> Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxonaef jopaena barapo matacabi xua poxonaef po mataqueitha Nacom ichichipa beexanaena baraxua.

<sup>11</sup> Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wun duba pata tanaexanaewa tsane piamonaef tatsi poxoru Cristo caemonaef wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wunaetsi. <sup>12</sup> Paxan, judiromonaef pan, pomonaef pan xua copiya pawunaef ewatan xua Cristo pepatopaewa tsane. Barabun daxota Nacom bichocono wunaef pajainchin pexeinya peitupanaewa peexanaefinxae. <sup>13</sup> Pocotsiwa xua pexainyei jume diwesi, barapo diwesi apara Nacom pia pecapanenebiyae diwesi tatsi. Poxonaef barapo pexainyei jume diwesi pajume taneme Nacom paca cana exana piamonaef tatsi painya nejume cowantsixaem Cristo painya nepaca capanenebiyaenexa. Bapoxonaef Nacom tsita itapeinya xeina xua paxam piamonaef tatsi pam poxonaef paca cata pia Pejumope tnanaxun tatsi. Bayatha Nacom yabara paca tsiwanaef muxu duta xua pinaef paca catsina barapo pia Pejumope tnanaxun tatsi. <sup>14</sup> Nacom pia Pejumope tnanaxun tatsi naca cata wanaca barun poponaenexa. Baxua naca tsita itapeinya xeina xua daxota xaniwaicha

yaputainchi xua bexa ichawan xua Nacom naca catsina pocotsiwan yabara naca tsiwinae muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowantsina Jesucristo. Bapoxonae jiwi wanae jainchina Nacom bichocono pexeinya peitapanaewa peexanaeinxae.

*Meje yabara poxonae Pablo Nacomtha tawuca pomonae pejume cowantsi jiwi xua Nacom yaputane pecana exanaewa tsane barapomonae pomonae pejume cowantsiwi*

<sup>15</sup> Paca yabara jume tainchi xua paxam pinae beta pajume cowantame Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonae iru pejume cowantsiwi. <sup>16</sup> Daxota ataya pacata wuqueibatsi Nacom, janje: “Nacom maisa juntu coyene weiweinan xua Efeso tomarapiwi neyawenaewa, pomonae necajume cowantsiwi”, jan. <sup>17</sup> Wuacan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitapanaewa peexanaein. Wuacan xua painya nepaca cacatsinexa pia Pejumoqe tuxaxu tatsi painya neyaputaewa tsane pocotsiwan xua xainyei xua Nacom yabara. Matautano wuacan xua painya beta neyaputaeponaenexa Nacom. <sup>18</sup> Nacom wuacan xua painya neyaputaenexa painya juntu coyeneintha. Bapoxonae paca itacupaena xua payaputaename pocotsiwa Nacom yabara paca tsiwun duba xua painya nexainaenexa pocotsiwa yabara paca tsiwinae muxu duba. jMaisa bichocono jopa juniyiyo xua pocotsiwa Nacom catsina pomonaetha pomonae pia pejume cowantsi jiwithaxaetsi pocotsiwa bapon juntana jeba barapomonae! <sup>19</sup> Matautano wuacan xua painya neyabara yaputaewa tsane Nacom pia peyapusu itorobi coyenewa, po peyapusu coyenewa bichocono wanae xua jopa wetsiyo. Barapo peyapusu itorobi coyeneyatha Nacom naca yawena wajume cowantsiwxiae. <sup>20</sup> Barapo peyapusu itorobi coyenewa jupa po peyapusu itorobi coyenewatha Cristo asu exainchi petupae cuiru coyene weya xua Nacom exana. Barapo pia peyapusu itorobi coyenewatha Nacom Pexanto cuareta pia pecoxa weya xua peitabocotha xua Pexanto aina xui cana exana. <sup>21</sup> Nacom Pexanto cana exana xua Jesucristo toxeincha canamataxeina pomonaetha daxita pomonae ichamonae canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peyapusu itorobi coyenewatha, po peyapusu itorobi coyenewatha bichocono ayapusu beyacaincha ichamonae pia peitorobi coyenewan tatsi. Po wun xua Jesucristo xeina xua “Cristo”, jeichichi barapo wun yabara matawun dutatsi pia peexanaewa. Barapo wun bichocono peainya cui wun, beyacaincha ichamonae pewunxi, po wunxi xua yabara matawun dubatsi xua peexanaewa pomonae anoxuae jinompa iru pomonae bexa jinompaenano. <sup>22</sup> Nacom exana xua daxita coyenewantha Cristo itoroba pia peyapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowantsiwxiaetsi. <sup>23</sup> Pomonae pejume cowantsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantaata pomonae pejume cowantsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowantsiwichi tsipei Cristo ataya tsitecaeya baru popona barapomonae daxita nacuantha.

## 2

*Meje yabara poxonae xua Nacom naca capanenebiya, wanaca antobexae*

<sup>1</sup> Copiya bayatha poxonae jopa pajume cowantsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaexae Nacom pia Pejumoqe tuxaxu tatsi. <sup>2</sup> Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matsuntha xua beyano Nacom pia nacua beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae juntu coyene itorobatsi xua abe peexanaewa tsane. <sup>3</sup> Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua wajuntu coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae. <sup>4</sup> Daichitha Nacom jopa juniya naca matateicaeyo xua wanaca yawenaewa bichocono wanaca antobexae. <sup>5</sup> Bequein poxonae cataunxuae bichocono

abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxonae Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. <sup>6</sup> Wajume cowantsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha. <sup>7</sup> Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita maticabintha tsoponae tsane. Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jestusta. <sup>8</sup> Tsipei Nacom paca antobe daxota paca capanenebiya poxonae pajume cowantame bapon. Apara jopa baxua painya coutha paexanaem, apara Nacom jame baxua amanaya paca cana exana. <sup>9</sup> Nacom apara jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwi pam tsipae xua poxonae ichuntha pajam: “Beta paexanan daxota Nacom pana capanenebiya”, pajam. <sup>10</sup> Nacom naca exana xua pena juntu coyenewatha jinompatsi Cristo Jesús nexa xua beta xanepanay waexaneibinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.

*Meje yabara po juntu coyenetha Nacom naca cana exana xua juntea wajinompawea caemonae wanaexanaexae Cristotha*

<sup>11</sup> Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixae pam nacui yabara jontanainare xua eta po jiwi pamda caena bayatha poxonae jopa pajume cowantsim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwi pia coya nacanautsiya exana. <sup>12</sup> Bayatha barapo dapaetha poxonae cataunxuae jopa pajume cowantsim jopa Cristo payabara yaputaem. Matautano paxam be painya nenapanaincha jinompawei pam xua icha nacua werena painya neponaewi xua jopa Israel nacupiwiji jiwana pam. Po petsiwunaeyabara muxu dutsi coyenewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apara jopa paxam nexa. Matautano pajinompame barapo cae pin nacuathe ichitha jopa pawunaeyewatsim xua pocotsiwa xua wunaey xua Nacom exanaena paxam nexa cataunxuae jopa painya nejume cowantsixae. Tsipei jopa painya neyabara yaputae jiwi pam Nacom. <sup>13</sup> Ichitha anoxuae Cristo Jesús paca exana xua caemonae pana naexaname bapontha. Paxam pomonae bayatha jopa Nacom painya nejume cowantsi jiwi pam xua jopa painya yabara yaputaexaem bapon. Ichitha anoxuae pajume cowantame painya neyabara yaputaexae Cristo Jesús, pon naetha painya abewan paca yabara tsitupa, poxonae jana pichapabarena poxonae bexotsi. <sup>14</sup> Cristo meisa bapon naca cata po juntu coyenewatha xua ichamonaetha xuya juntea jinompa exanatsi. Cristo exana xua caemonae naexana pomonae xua judiomonae iru pomonae jopa judiomonae naexanaeyo. Cristo cui weraweraca exana po juntu coyenein xua judiomonae iru pomonae jopa judiomonae naexanaeyo penaaitaetafeti jiwi naexana xua saya be caemonae penaexanaewa tsane. Baxua exana poxonae naetho tsitupa jiwi. <sup>15</sup> Poxonae Cristo naetho tupa bapoxonae bapon cana exana xua Moisés pia peitorobi coyenewa tatsi jopa equeicha xeinaeyo peayapusu itorobi coyenewa xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomonae Cristo caemonae pebaru naexanaewa tsainchi pomonae xua copya pia peaitaetafeti jiwixaetsi. Poxonae Cristo baxuan cana exana bapoxonae barapo bicheitomonaebe juntea nabaeru jinompa cana exana. <sup>16</sup> Petupaexae naetho Cristo exana xua equeicha barapomonaebe jopa nabiyo. Matautano bapoxonae Cristo naita coxone exana xua barapomonaebe juntea pejinompawea Nacomtha xua icha be jopa ichiyo xua poxonae copya jinompa xua Nacom pia peaitaetafeti jiwichi. Cristo exana xua barapomonaebe Nacom caemonae exainchi.

<sup>17</sup> Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo juntu coyenewatha jiwi equeicha caewa Nacom ita coxonatsi xua Nacom juntea petsita jinompawea tsainchi. Daxita paxamtha paca tsipaeba barapo diwesi pomonaetha iru pam pomonae copya jopa Nacom

payabara yaputaem, xua pomonae jopa judiomonae pam. Iru tsipaebatsi pomonae yatsicaya judiomonae pomonae Nacom yaputainchi pejume cowantsixae. <sup>18</sup> Cristo jiwi petsitupaexaetsi abe pia peexanae coyenewan tatsi daxota Nacom pia Pejumoŋe t̄nax̄u tatsi yawena xua pomonae judiomonae ir̄u pomonae jopa judiomonae naexanaeyo be caemonae naexanae xua cae axa xeina, bapon Nacom. <sup>19</sup> Daxota anoxuae jopa be painya nenanapaincha jinompawei pam xua be icha nacua warena painya neponaewi. Paxam ir̄u ichamonae pomonae Nacom pejume cowantsiwir̄u be pomonae cae nacuapiwi pam. Paxam Nacom piamonae jiwana tatsi pam. <sup>20</sup> Poxonae ba jiwi Nacom pin pia bo acaba copiya matha beta noba po iboton xua iratha tab̄u caumena. Nexata beta nota po iboto xua ainya cui xua po iboto bo daunweya babatanota po iboto xua epatauta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae bo acaba, Nacom piamonae bara cana j̄tsiya cana ichi. Pomonae Cristo pia peitorobi jiwi tatsi ir̄u pomonae Nacom pia peitorobi jume pepaebiwi barapomonae be bara pocotsi iboton xua tab̄u caumena tsipei barapomonae copiya paca cuiduba Nacom Pejume Diwesi tatsi. Iru Jesucristo be barapocotsi ainya cui iboto po iboto daunweya babatanota po iboto epatauta botabiya, tsipei Cristo paca yawena xua painya nejume cowantsiwa bapon. Iru paxam be po iboton xua jiwi nanta cajejebabapona, pomonae penanta carubenaŋe jiwi pam, tsipei cotacaya painya nejume cowantsixae. <sup>21</sup> Cristo piamonae bara cana j̄tsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabar̄u jijinapona, pomonae Nacom tsita j̄nt̄u coylene xanepanatsi. <sup>22</sup> Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam ir̄u daxita ichamonae pomonae ir̄u pejume cowantsiwi Nacom, caemonae pana naexaname xua Nacom pia Pejumoŋe t̄nax̄u tatsi pia paca bar̄u jinompaenexa icha Nacom ichi xua pia pin botha popona.

### 3

*Meje yabara poxonae Nacom Pablo itorobatsi xua pecueicueijeixa Nacom Pejume Diwesi pomonaetha pomonae jopa judiomonae naexanaeyo*

<sup>1</sup> Xan, Pablon, jiwi pecubi botha ecan yabara tanatsipei cueicueijeixae Cristo Jesús poxonae bapon yabara tapaca cuidubiŋatsi pomonae pam jopa judiomonae panaexanaem. <sup>2</sup> ¡Bara pajume taneme xua Nacom necata barapo tatanacuichiwa xua inta bichocono w̄nae! ¡Nacom neitoroba tana neantobexae xua tapaca cuidubinexatsi tapaca yawenaenexatsi! <sup>3</sup> Nacom itata xua po coyene xua moya yaw̄n xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yaw̄n xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae. <sup>4</sup> Poxonae barapo carte payorobiname payaputaename xua bara xan yaputan po coyene xua Cristo moya yabara cui yaw̄n xeinatsi po coyene xua bexa Nacom exanaena xua jiwi jopa yabara yaputaeyo. <sup>5</sup> Bayatha jiwi jopa yaputaeyo po coyene xua Nacom Cristo moya yabara cui yaw̄n xeinatsi po coyene xua Nacom exanaena. Ichitha anoxuae Nacom pia Pejumoŋe t̄nax̄u tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. <sup>6</sup> Meje baxue xua pocotsiwa moya peyaw̄n xeinaewa: Pomonae jopa judiomonae naexanaeyo barapomonae ir̄u xeinaena po coyene xua Nacom cata judiomonaetha po coyene bichocono w̄nae xua bayatha Nacom j̄nt̄ana jeba. Barapomonae pomonae jopa judiomonae naexanaeyo Jesucristo pejume cowantsixaetsi caemonae nanaexana pepa judiomonaetha pomonae ir̄u Cristo Jesús pejume cowantsiwiŋaetsi. Barapomonae ir̄u xeinaena po coyene Nacom yabara tsiw̄nae muxu duta judiomonaetha xua Cristo Jesús yabara. Barapomonae pomonae jopa judiomonae naexanaeyo daxita baxuan ir̄u xeinaena poroxu jume cowant̄ar̄u Nacom pia pecapanenebiyae diwesi jume.

<sup>7</sup> Nacom neitoroba xua tacueicueijeixa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peyapusu itorobi coyenewa xua tacueicueijeixa tsane barapo pexeinya jume diwesi. <sup>8</sup> Pomonae xua be conotha ainya cui xua Cristo piamonae tatsi barapomonae ainya cui beyacaincha xua xan. Daichitha Nacom necata barapo tatanacuichiwa xua inta bichocono w̄nae. Nacom neitoroba xua tacueicueijeixa tsane pia pexeinya jume diwesi pomonaetha pomonae jopa judiomonae naexanaeyo. Cueicueijan po pexeinya jume diwesi xua Cristo bichocono

peantobexae jopa juniya yawenaeyo barapomonae pomonae jopa judiomonae naexanaeyo. <sup>9</sup> Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawun xeina. Barapo coyene Nacom pon daxita peforotsin, caena bayatha moya nayawun xeina xua jiji jopa peyaputaewa tsane xua pocotsiwa bapon exanaena. <sup>10</sup> Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawun xeina caena bayatha xua jiji jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyewewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cowantsiwichixaetsi Cristo Jesús. <sup>11</sup> Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petupaexae naetotha. <sup>12</sup> Naca itacupa xua watsipaebiwi Nacom wajume cowantsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom. <sup>13</sup> Daxota jopa ichichipaeinyo xua paajuntucoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

*Meje yabara xua Cristo jiji peantobewatsi*

<sup>14</sup> Poxonae yabara nanta xeinan xua po coyenewa xua Nacom exana bapoxonae tantabocotha uncuan xua tatsita itapeinya xeinaewa tsane xua baru cui itura jinan Waxa pon itabocotha pepoponaein. <sup>15</sup> Daxita Nacom piamonae pomonae pejume cowantsiwichi, pomonae itabocopiwi iru pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi. <sup>16</sup> Nacomtha pacata wucatsi. Tsipei Nacom pexeinaexae peitaboco beicha pocotsiwa jopa juniyio xua bichocono wunae daxota jan: "Nacom care Efeso tomarapiwi xua bichocono jinya neayapusu itorobi coyenewa. Barapomonae nejumopetha juntu coyene daunweya jinompra exande. <sup>17</sup> Barabu Cristo baru poponeibina barapomonae pejume cowantsixaetsi. Barabu barapomonae bichocono antobe jiji bichocono pejuntu coyene yucaewaxaetsi peantobe coyenewa. <sup>18</sup> Barabu barapomonae beta yabara yaputaena Cristo pia peantobe coyenewa tatsi xua iruru daxita ichamonae ru yaputaena pomonae pejume cowantsiwi. Barapon Cristo pia peantobe coyenewa tatsi bichocono ayei xainto juntu coyenewa. <sup>19</sup> Cawucatsi Nacom xua barapomonae barabu yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto juntu coyenewa xua jiji jopa itacupaetsi xua peyabara yaputaewa. Cawucatsi xua barapomonae nejuntu coyene yuca exanaenexa daxita jinya nejuntu coyenewatha.

<sup>20</sup> "Wunae cajaintatsi poxoru caitacupa xua bichocono pata tana neyawenaewam beyacaincha xua pata tacawucaewatsi, xuan beyacaincha pata nanta xeinaewa. Baxua painta exaname poxonae jinya neayapusu itorobi coyenewa nacuita pata juntu coyenewatha. <sup>21</sup> Barabu daxita pomonae pejume cowantsiwi pomonae caemonae naexana Cristo Jusutha wunae cajainchina xua ataya petsitecaeponaewa tsane. Je bara ichi tsane", jan xua pacata wucatsi Nacomtha.

## 4

*Meje yabara xua Nacom pia Pejumope tynaxu tatsi cana exana xua caemonae naexana Nacom piamonae tatsi*

<sup>1</sup> Tatanacuichixae Jesucristo pon jiji Pecanamataxeinaein daxota jiji neeta jiji pecubi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wun dubixae painya neume cowantsixae bapon icha be pocotsi coyeneya xua Nacom tsita xanepanatsi. <sup>2</sup> Ita urunanaya pajinompeibare xua jopa painya neatsacaewa tsane. Matautano jume xanepanaya nantiya pana natsipaebibare xua jopa paantatsaxande. Matautano saya jopa paaitaconaeinde xua daxota juntema painompaename poxonae bequein ichamonae abe pacata exana. Matautano pitsita itapeinya xeinare xua nantiya pana nacui yabara antobem pocotsiwa bequein jopa pana nacui coyene juraem. <sup>3</sup> Nacom pia Pejumope tynaxu tatsi paca cana exana xua caemonae painya nenaexanaewa tsane. Daxota peajuntucoyenesuwatha paexande daxita coyeneya xua caemonae juntema painya nenabaru jinompaewam tsane. <sup>4</sup> Paxam pomonae painya nejume cowantsi jiwixae Cristo Jesús daxota caemonae paca exana. Bequein daxita carepaya paxam barompaya paxename Nacom pia Pejumope tynaxu tatsi, ichitha barapo pejumope saya bara caein. Nacom yabara paca wun duba xua daxita paxam painya nexainaewa tsane cae coyenewa xua po coyene peburuaya pana nabaru wunae ewatame

pocotsiwa xua bexa Nacom exanaena. <sup>5</sup> Matautano bara caein pon jiwi Pecanamataxeinaein. Matautano cae coyenewa xeinatsi po coyenewa xua wajume cowantsiwa Cristo. Matautano saya cae wantha nabautisabatsi xua Cristo pewantha tatsi. <sup>6</sup> Matautano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, matautano daxita carepaya nacuantha popona. Matautano daxita waxainchi carepaya naca baru popona.

<sup>7</sup> Daxita waxainchitha seicaya cabarompaya naca cana juntu cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa. <sup>8</sup> Daxota Nacom Pejume Diwesitha jeye Cristo yabara:

“Bapon athabe juinya taju beicha.

Poxonae athabe juinya baru juinya pomonae

pia peaitafaetabi jiwichi petsita

itapeinya xeinaenexa xua amanayaba

barapo peaitafaetabi jiwichi.

Matautano bapon pia pejume cowantsiwichi

catsiba po juntu cui coyenewantha xua

barapomonae Nacom petsita exanaenexatsi”,

jei Nacom Pejume Diwesitha.

<sup>9</sup> ¿Eta xua metha baxua caunuta poxonae paeba xua “athabe juinya taju beicha”? jei. Baxua caunuta xua copiya matha Cristo po irathe patopeica xua bapoxonae equeicha caibe juinya athabeicha itaboco beicha. <sup>10</sup> Pon xua po irathe patopeica, barichi bapon athabe juinya taju beicha xua bapon pepoponaewa tsane daxita nacuantha xuanu daxita itabocotha. <sup>11</sup> Cristo catsiba jiwitha xua seicaya barompaya pejuntu cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijeji jiwi pia peitorobi jume diwesi tatsi. Ichamonaetha cana exana pomonae xua pecueicueijeji dubenanoutsiji Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonae eena jiwi pomonaetha pomonae pejume cowantsi jiwi. Ichamonaetha cana exana pomonae xua pecuidubi jiwi pomonaetha pomonae pejume cowantsiwi. <sup>12</sup> Poxonae barapo coyene Cristo exana, piamonae cana juntu coyene wetsiya cana exana xua beta petaxanaewa tsainchi pia petanacuichiwa tatsi. Bapoxonae daxita piamonae tatsi mataropeichiya ajuntuyapusuya jume cocowantapona pomonae piamonaexae tatsi pomonae bara be Cristo pia pepon tatsi. <sup>13</sup> Baxua Cristo exana xua beya waxainchi caemonae wanaxanaewa tsainchi xua caemonae wanabaru jume cowantsixatsi Cristotha. Bapoxonae naexanatsi xua peburaya caemonae wanabaru yabara yaputaewa tsainchi Nacom Pexanto tatsi. Matautano bapoxonae yatsicaya beta jume cowantatsi, bapoxonae jinompatsi be pomonae bayatha pinyontsi xua pocotsimonae itacapsatsi xua Nacom beta petsita jinompawatsi. Bapoxonae wajuntu coyene naca cayabara cui wetsiya exana xua wajuntu coyene xanepanaewa icha Cristo ichi xua bichocono pejuntu coyene xanepanaewa. <sup>14</sup> Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowanta xua pocotsi coyenein xua poxonae nacuidubeiba xua poxonae cuiduba pomonae jiwi pemuxuitorobiwi. Barapo pemuxuitorobi jiwi yaputane nawita po juntu coyeneintha xua jiwi pemuxujainyabiwatsi. <sup>15</sup> Jame bewa pexainyei jume tsipaebichi ichamonaetha po coyeneya xua barapomonae yaputane xua waxainchi antobetsi barapomonae. Bapoxonae beta xanepanaya exanaeinchi wanajuntu coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonae pia pejume cowantsiwichi. Bapon bara be pentasipa pomonae pejume cowantsiwichi be bapon pepon tatsi. <sup>16</sup> Cristo canamataxeina pia pejume cowantsiwichi. Matautano cana exana xua barapomonae barompaya xeina pia petanacuichiwantsi. Bequein barapomonae piawan barompaya xeina ichitha Cristo cana exana xua caemonae nantiya nayawena be caemonae naexana. Poxonae barapomonae barompaya piawa beta exanapona pia penacuichiwan, bapoxonae be caemonae beta naajuntucoyenesu xanepana eexanapona, nantiya penaantobexae.

*Meje yabara po pena juntu coyenewatha wajinompawea wajume cowantsixae Cristo*

<sup>17</sup> Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompae icha barapo cae pin nacuathepiwi ichi xua poxonae jinompa poxonae jopa Nacom yaputaetsi. Pocotsiwa xua barapomonae pia penanta xeinae coyenewan tatsi, jopa ainya cuiyo. Jopa pejuntu coyene yawenaexatsi barapo penanta xeinae coyenewantha. <sup>18</sup> Barapomonae pia peyaputae coyenewan tatsi jopa xapain pepa peyaputae coyenewiyo. Barapomonae jopa xeinaeyo



peajuntꝑcoyenesꝑwa pocotsi peajuntꝑcoyenesꝑwa Nacom cata piamonae. Barapo coyene barapomonae jora xeinaeyo poxoru aichaxaibi xua Nacom peyabara peyaputaewatsi, xuano poxoru barapomonae najuntꝑ coyene ararana xua jora peichichipaexae xua Nacom peyabara jume taewatsi. <sup>19</sup> Barapomonae jora ajuntꝑcoyeneuriyo poxonae abe exana. Matautano barapomonae atsaquiya abe eexanapona, xua pecꝑpaewatsi atsaxa mera yawa weiweina ichamonae piseurixitha tatsi. Barapomonae cui xeica xua daxita coyewean abe peexanaponaewa. <sup>20</sup> Ichitha poxonae ichamonae yabara paca cuiduba Cristo, jora apara paca cuidubiyo barapo coyene xua abe painya neexanaewa tsane. <sup>21</sup> Xaniwaicha yabara pajume taneme Cristo, xuano piamonae tatsi painya nenaexanaewa poxonae ichamonae paca cuiduba po pexainyei jumein xua pexeinya jume diwesi xua Jesucristo yabara. <sup>22</sup> Pana nacui barapende po juntꝑ coyene xua bayatha paexaname poxonae jora cataunxuae pajume cowꝑntsim. Barapo juntꝑ cui coyene bichocono abe, tsipei paca cana exana xua paexaname pocotsiwan xua painya coya paichichipame poxonae paca muxuitoroba exana xua daxota abe painya neexanaewam. <sup>23</sup> Pacopare xua bara Nacom paca juntꝑ coyene xanepana exanaponaena, xua daxota pena coyene painya nenanta xeinaraponaewa tsane. <sup>24</sup> Painompare pena juntꝑ coyenetha, po juntꝑ coyene Nacom exana xua painya paca catsibinexa. Barapomonae paxeinaename be pocotsi juntꝑ coyene Nacom xeina. Poxonae paxeiname barapo juntꝑ coyene po juntꝑ coyene xua pexainyeiwa, barapomonae beta nantiya pana nabaru jinompame yawa xua bichocono paca tsita xanepana Nacomtha.

<sup>25</sup> Daxota anoxuae jora nantiya bewa pana namuxuitorobim. Bewa daxita pam xanepanaya pacueicueijam pomonaetha pomonae irꝑ pejume cowꝑntsiwi, tsipei waxainchi daxitatsi caemonae naexanatsi Cristotha.

<sup>26</sup> Icha paanaeraname jora pacopatsinde xua painya juntꝑ coyene paca itoroba xua anaya anaeranaya abe painya neexanaewa ichuntha. Icha paanaeraname jora abe paexanaeinde. Came jora paanaerana dubenanaebiyaeinde xua beya quirei tsanaicha, saya jame bara caetha pande. <sup>27</sup> Jora pacopatsinde xua bara caurimonae pia pentacaponaein tatsi paca juntꝑ coyene jujata abe painya neexanaewa tsane.

<sup>28</sup> Pon xua pecaibin, bu jora equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jora naerabiyo. Barapomonae bapon itacꝑratsi xua ichamonaetha xuya catsina pomonaetha xua acopeibiwi pomonae jora xeinaeyo xua pocotsiwa nantawenona.

<sup>29</sup> Jora ajumebeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamonae jume cocowꝑntapona exanatsi po jumeintha xua jiwꝑ muxu xeica exanatsi xuano xua yawenatsi po jumein xua paca jume tane. <sup>30</sup> Nacom pia Pejumope tꝑnaxꝑ tatsi jora pajuntꝑ coyene wecoyey exanaeinde xua painya nepaca cui taexae xua paexaname. Tsipei paca baru popona Nacom pia Pejumope tꝑnaxꝑ tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope tꝑnaxꝑ tatsi naca juntꝑ coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

<sup>31</sup> Jora paxeinaeinde painya juntꝑ coyenein weya po coyenein xua ichamonae payabara juntꝑ ajom xua came bichocono painya neyabara nanta xeinaexae xua ichamonae abe pia pacata exanaexae. Matautano jora paxeinaeinde po coyene xua jemeicha anaya paexaname. Matautano jora paxeinaeinde po coyene xua saya bichocono panthꝑthꝑ anaeraneibame. Matautano jora paxeinaeinde po coyene xua tsꝑmꝑ jume pabaru paebame ichamonae. Barichi jora paxeinaeinde po coyene xua ichamonae pabiataneme. Matautano daxita jora paxeinaeinde po coyenein xua bichocono paaitafaetabim ichamonae. <sup>32</sup> Jame seicaya maisa nantiya caemonae xanepanaya pana nata exande. Matautano nantiya pana naweyataema xua nantiya painya nenayawenaewam tsane. Matautano nantiya pana nacui yabara juntemainare xua abe nantiya pana nata exaname, icha Nacom paca yabara ichi xua paca cayabara juntemaina abe painya neexanae cuiru coyenein Cristo painya nepaca tsitꝑpaexae poxonae naetha tꝑpa exanadutatsi poxonae bexotsi.

## 5

*Meje yabara xua po juntꝑ coyeneyatha bewa jinompaena Nacom pia pexui tatsi*

<sup>1</sup> Tsipei paxam Nacom pia pexui tatsi pam xua bapon bichocono painya nepaca caantobe jiwꝑ pam, daxota bewa pacui jontsiya jinompaename icha bapon ichi poxonae popona.

<sup>2</sup> Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitꝑpa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwꝑ tsibexotsi xua daxota barapo

jiwi jopa penatsicuentisiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

<sup>3</sup> Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamonae pomonae painyamonae paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonae xeina. <sup>4</sup> Jopa nantiya pana nayabara yuyujande. Matautano jopa nantiya pana najume cui caponaeinde po jumein xua jopa wunaeyo. Matautano jopa nantiya itacupaetsi xua jume pana nayabara paebinde. Daxita barapo coyenein bichocono abe. Jame maisa bewa itapeta Nacom wunaeyo pajainchim painya nepaca capanenebiyaexae barapo coyenein weya. <sup>5</sup> Tsipei paxam bayatha payaputaneme xua Nacom cana exanaena pomonaetha pomonae meje: Pomonae xua penasi cui matacaetsiwa xua jopa poxonae piseuri jiwi, yawano pomonae xua yabara paeba po jume xua jiwi aura exanatsi, yawano pomonae bichocono pitacopeichi xua yabara uwa xua ichamonae xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wunaeyo jainta ibo nacom. Pomonae barapo coyenein exana bapomonae bapana jopa itacupaetsi xua jume itorobiya peewatsiwatsi xua ichaxota Cristo itorobiya pecanamataxeinaewa jiwi xua iru ichaxota barichi Nacom. <sup>6</sup> Jopa pacopatsinde xua ichamonae paca necamuxuitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanaeyo coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. <sup>7</sup> Barapomonaetha jopa imoxoyo pacuicuinaeinde, pomonae Nacom jopa jume jejeichi.

<sup>8</sup> Paxam copitha abe paexaname jopa painya yabara yaputaexaem Nacom. Baxua be poxonae pomonae pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxonae pomonae pona, poxonae pentha, beta pona beta pia petaxae. Pajinompare beta painya nejinompaenexa Nacom nexa icha pomonae ichi poxonae pona poxonae pentha. <sup>9</sup> Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wunaeyo peexanaewa yawa xua pocotsiwa tsita xanepanatsi Nacom, yawa xua pocotsiwa pexainyewa. <sup>10</sup> Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi. <sup>11</sup> Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae patsita itapeinya xeinare pocotsiwan xua barapomonae abe peexanaewanxae. <sup>12</sup> Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomonae tsipei bichocono abe. <sup>13</sup> Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinaeinchi xua pocotsiwa namicha exana, apara deta cou abe. Bapoxonae barapomonae itacupaetsi xua naexanaena Nacom piamonae tatsi. <sup>14</sup> Daxota Nacom piamonae tatsi ichun yabara jeichi:

“Nacui cayabara cananta xeinatabare,  
tsipei xam be pon abe neexanaein.  
Natsixire pia xainya weya tatsi pomonae  
be petupaewi pejinompaewi jopa  
tana nejume cowantsi jiwixae.  
Cristo cacana exanaena xua yabara  
neyaputaewa bapon pocotsiwa xua  
pia pexainyeyo coyenewa tatsi”,  
jei xua ichun yabara paebatsi.

<sup>15</sup> Dota pam, xua abe painya neexanaewa. Jame maisa xanepanaya pajinompare. Jopa pajinompaeinde icha be ichi poxonae jinompa pomonae Nacom jopa jume cowantsiya yaputaetsi. Barapomonae jopa peyaputaewi. Jame maisa pajinompare icha be ichi poxonae jinompa pomonae jume cowantsiya peyaputaewi Nacom. Barapomonae peyaputaewi. <sup>16</sup> Beta pa-eexanaponde daxita coyeneya xua paca itacupa poxonae cataunxae anoxuae pajinompame, tsipei barapo matacabintha jiwi abe bichocono peexanaewi. <sup>17</sup> Jopa pajinompaeinde icha be ichi poxonae jinompa pomonae amameibatsi jopa Nacom

peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwi Pecanamataxeinaein.<sup>18</sup> Jopa pana nacupa exanaeinde peatsaxa meran xua jiton acoyenebeya exanaeya exainchi. Jame maisa Nacom pia Pejumoꝛe tꝛꝛaxꝛ tatsi pacopabeibare xua daxita bara paca jꝛntꝛ coyene itorobeiba xua beta painya neexaneibiwa tsane.<sup>19</sup> Nantiya pana natsipaebare pocotsiwa xua Nacom paca jꝛntꝛ coyene weiweina exana. Nantiya pana nabaruꝛ naꝛꝛnare David pia weiꝛi, po weiꝛi pewꝛꝛ salmos. Mataꝛꝛtano panaxꝛnare po wei pomonae pejume cowꝛntsiwi pia weiꝛi tatsi xua pewꝛꝛnare jainchi weiꝛi Jesucristoꝛtha, pon jiwi Pecanamataxeinaein. Panaxꝛnare painya jꝛntꝛ coyene weya po weiꝛi xua Nacom wꝛnae pejainchiwatsi.<sup>20</sup> Nacom pon Waxa bapontha pajacobeibare, pajan tsaibinde: “Nacom maisa pajꝛntꝛ coyene weiweinan xua pocotsiwa daxita pata tana necatsixaemxae. Paca wꝛꝛcatsi Jesucristo pata Tanecanamataxeinaein rabꝛꝛꝛnna bobenounan”, pajan tsaibinde.

*Meje yabara po coyene xua pebin piseuribe bewa nabaruꝛ poroponaenabe ponbe pejume cowꝛntsinbe*

<sup>21</sup> Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Baropoxonae xua painya itapeinya xeinaenexa xua painya nebaruꝛ itura cui jinaewa pocotsiwa Cristo paca cui itoroba.

<sup>22</sup> Yabuꝛi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba.<sup>23</sup> Tsipei pebin canamataxeina piowa, icha Cristo ichi xua canamataxeina piamonae pomonae pia pejume cowꝛntsiwichixaetsi. Bapon Cristo barapomonae pia Pecapanenebiyaeinchi tatsi. Barapomonae pomonae pejume cowꝛntsiwi bara be Cristo pia pepon tatsi. Cristo bara be pentasipa pecanamataxeinaexae barapomonae.<sup>24</sup> Icha barapomonae ichi pomonae Cristo pejume cowꝛntsiwichi xua pichichi xua peexanaewa pocotsiwa Cristo itoroba, yabuꝛi bewa barichi. Bewa exanae daxita pocotsiwa piseuriwi itorobatsi.

<sup>25</sup> Pebiwi pam paantobeinde painya seuri jiwi, icha Cristo ichi xua antobe daxita xua i dapomonae pomonae pejume cowꝛntsiwichixaetsi. Cristo pia peantobexae barapomonae tsitupa poxonae naethoꝛtha tupa exanadutatsi poxonae hexotsi.<sup>26</sup> Cristo tsitupa barapomonae xua daxita i dapomonae pomonae peyabara jume cowꝛntsiwixaetsi po coyene xua Cristo jꝛntꝛ coyene xanepana pecana exanaenexa Nacom nexa. Baxua exana xua barapomonae jopa pexeinaewa tsane xua penatsicuentisiwa xua abe peexanaexae. Baxua Cristo cana exana poxonae barapomonae tabautisabatsi meratha, xuanu xua poxonae paeba xua pinae jume cowꝛnta Nacom Pejume Diwesi.<sup>27</sup> Cristo baxua exana daxita pomonaetha pomonae pia pejume cowꝛntsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitꝛpanae coicha. Poxonae barapomonae umenaena Cristo peitabaratha jopa yawa umenae tsane peabe coyenewan. Mataꝛꝛtano jopa yawa umenae tsane pocotsiwa xua barapomonae abe exanatsi. Barapomonae peꝛꝛntꝛ coyene xanepanaewi tsane Nacomtha xua jopa xeinaeyo xua penatsicuentisiwa xua abe peexanaexae.<sup>28</sup> Pebiwi bewa antobe pia seuriwi, pecui uꝛntabexae icha barapo pebiwi ichi xua pia pepon natsiꝛntabe. Pon pia coutha natsiꝛntabe bapon piowa antobe xua be caein penaexanaewa tsanebe.<sup>29</sup> Dapon ba ajibi pon pia coutha naatafaetabi. Saya jame naapatsina pexaewa yawano naewatsina beta. Cristo bara jꝛta ichiya cana ichi pomonae Nacom piamonae tatsi daxita xua i dapomonae pomonae Cristo pejume cowꝛntsiwichixaetsi.<sup>30</sup> Cristo beta eena barapomonae tsipei barapomonae be pia pepon tatsi. Waxainchi yaputainchi baxua tsipei barapomonae jiwantsi. Waxainchi pomonaetsi xua caemonae wanaexanae jiwichi Cristotha.<sup>31</sup> Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperꝛ cuicuinaenexabe. Baropoxonae baponbe piseuribe be caein naexanabe”, jei Nacom Pejume Diwesitha.<sup>32</sup> Barapo Nacom Pejume Diwesi xua pebin piseuribe yabara baraxua bara be Nacom moya yawꝛꝛn xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iꝛꝛ Nacom piamonae tatsi pomonae pejume cowꝛntsiwichi, daxita be caemonae naexana icha pebin piseuribe ichi xua be caeinbe naexanabe.<sup>33</sup> Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiꝛntabem. Barichi daxita yabuꝛi pam painya seuriwi bewa paca yabara baruꝛ cui itura jinaena.

## 6

<sup>1</sup> Pexui pam, paxam pomonae painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pexeinya cui coyene. <sup>2-3</sup> Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwanae muxu dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaem barapo cae pin nacuathe”, jei Moisés pia peitorobi coyenewatha.

<sup>4</sup> Paxam pomonae coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

<sup>5</sup> Pomonae amanaya painya nepaca cabusi tatayebeibi jiwi pam xua poxonae ichamonae pata nacuitame pajume baru jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabaru cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim poxonae Cristo patanacuitame. <sup>6</sup> Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. <sup>7</sup> Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonae jopa xapain patanacuichim pomonae xua poxoru saya jiwixae. <sup>8</sup> Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonae bequein amanaya painya nepaca busi cui tatayebeibi jiwi pam xua poxonae ichun pata nacuitame, xuano xua saya poxonae bequein paratixi patsinacuitame.

<sup>9</sup> Paxam pomonae pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonae. Pananta xeinare xua barapomonae bewa exanae pocotsiwa itoroba pon jiwi Pecanamataxeinaein icha paichim xua ira bewa paexanaeneme pocotsiwa bapon paca itoroba, pon eca itabocotha. Bapon daxita tsita najupatsi jiwi poxonae yabara paeba peyaputaenexa icha barapomonae natsicuenta xua abe peexanaexae.

*Meje yabara xua pomonae pejume cowantsiwi Cristo po coyeneintha bewa amanayabi caurimonaetha*

<sup>10</sup> Tamonae pam, anoxuae wetan pocotsiwa xua tapaca tsipaebiwatsi. Ajuntusuya pajinompere pon Pecanamataxeinaein jiwi pia peayapusu itorobi coyenewatha tatsi caemonae painya nenaexanaexae bapontha. <sup>11</sup> Painya juntu coyene pana naewatsiya yawenare daxita po coyenewantha xua Nacom paca cata xua xota pana nayaewatame painya juntu coyenewa. Barapomonae paca itacupa xua caurimonae pia pentacaponaein tatsi paamanayabame poxonae paca juntu coyene jujuta xua abe painya neexanaenexa. <sup>12</sup> Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonae peinya pejinompaewi xua caurimonaetha. Barapo caurimonae xeina pia peayapusawa yawa peitorobi coyene xua jiwi canamataxeinatsi barapo cae pin nacuathe tsique, pomonae abe peexanae jiwi. Matautano jinompa barapo cae pin nacua matatsunthe. <sup>13</sup> Daxota paxeinare daxita pocotsi juntu coyenein xua Nacom paca cata pocotsi coyeneintha xua pana nayaewatame. Anoxuae pana najuntu coyene wunaere xua painya juntu coyene amanayabi dubenanaebiyenexa tsane barapo peinya pejinompaewi. Baxua paexande xain awiya bichocono pajuntu coyene daunwam poxonae po mataqueitha paca juntu coyene jujutsina xua abe painya neexanaewa tsane. Bequein paca jujutsina, awiya ajuntucoyenesuya pajinompaeneme.

<sup>14</sup> Pana nacui wunare icha soldadomonae ichi xua yabara nacui wunaeta penabinexa ichamonaetha. Painya juntu coyenewatha paxeinare Nacom pia pexainyei coyenewa

painya tsita itapeinya xeinaenexa baraxua xua bara xainyeya pata exaname Nacom. Barapocotsi juta coyeneya paichinde icha be soldadomonaе ichi xua poxonae yabara nacui w̄naeta penabinexa ichamonaetha bapoxonae naera cat̄r̄uba paparuwan xua tsita itapeinya xeina xua bapomonae nacui w̄naeta xua bara xainyeya penabinexa xua pon pentacaponaein peitorobixae. Matautano pejuṅṅu coyene xanepanaewa Nacom patsita xeinare painya juṅṅu coyenetha, painya nenayaewatsinexa icha be poxonae soldadomonaе ichi xua xeina po penaintotha xua nantacari acaba poxonae nacui w̄naeta xua penabinexa. <sup>15</sup> Pana najuṅṅu coyene w̄naere xua painya necueicueijeji tsurubenaebiyaenexa Nacom pia pexeinya jume diwesi xua po diwesi yabara xua jiwi juṅṅema pejinompaewa. Barapocotsi juta coyeneya bara paichinde icha be poxonae soldadomonaе ichi, xua poxonae nataxu w̄naetaduba sapaton xua penacui w̄naetsinexa xua naba. <sup>16</sup> Matautano pamuxuna xeinare xua bichocono painya nejuṅṅu cowuṅṅu Nacom, xua pana najuṅṅu coyene yawename poxonae caurimonaе pia pentacaponaein tatsi paca juṅṅu coyene juṅṅu. Barapocotsi juta coyeneya bara paichinde icha be soldadomonaе ichi xua pemaxuntha duba peperacae nain xua naita arababa. Poxonae pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxonae barapo peperacae naintontha naita arababa barapomonaе, yawano baxota itaxubaba iso itere. <sup>17</sup> Pacopare xua bara Nacom paca capanenebiyaena painya paca juṅṅu coyene araranaenexa caurimonaе pecuiyainwa. Barapocotsi juta coyeneya bara paichinde icha be soldadomonaе ichi xua penain yoreitha nanta acaba. Nacom Pejume Diwesi painya juṅṅu coyenetha paxeinare xua po jume Nacom pia Pejumoṅṅu t̄naxu tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi juta coyeneya bara paichinde icha be soldadomonaе ichi xua capona cusi penayae-watsinexa pia peaitafaetabi jiwichi pecuiyainwa. <sup>18</sup> Nacomtha matowa patsipaеbeibare daxita matacabintha be pocotsi coyeneya paca yawena Nacom pia Pejumoṅṅu t̄naxu tatsi. Nacomtha paw̄queibare daxita painya new̄caе coyenewatha tsaibi pocotsiwan xua panantawenoname. Xain daxita matacabintha tsaibi tsaca painompeibame, matauta bapana jopa paajuṅṅucoyenefaetabinde xua paw̄came Nacom. Bichocono matowa pataw̄care daxita pomonaе Nacom piamonaе tatsi. <sup>19</sup> Barichi painta w̄care Nacomtha xua bapon tanecatsinexa po jume diwesitha xua tacueicueijeinexa. Matautano painta w̄care xua tana neitac̄paewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yawuṅṅu xeina po coyene yabara xua Nacom capanepa exana pomonaе jopa judiomonaе naexanaeyo. <sup>20</sup> Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonaе neeta jiwi pec̄uṅṅu botha tacueicueijeixae Nacom nexa. Painta Nacomtha w̄care xua cui tsacatsacapiya tacueicueijeinexa tsane poxonae icha bewa cueicueijan tsane.

*Meje yabara poxonae Pablo najume wetsiya paeba barapo cartathe*

<sup>21</sup> Tiquico pon paxan paantobein, pon iṅṅu pejuṅṅu cowuṅṅu Jesucristo bapon pacata itorobatsi. Bapon Tiquico bara xainyeya exana poxonae pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina. <sup>22</sup> Bapon Tiquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca juṅṅu coyene tsacabina, juṅṅu coyene weiweinaya sad̄jei painya nejinompaewa tsane xua bara beta tapoponaexae.

<sup>23</sup> Barabu Nacom, pon Waxa, iṅṅu Jesucristo, pon jiwi Pecanamataxeinaein, baponbe juṅṅema jinompa cana exanaenabe pomonaetha daxita pomonaе pia pejuṅṅu cowuṅṅuwixae. Matautano barabu exanaenabe xua barapomonaе nantiya naantobe tsane. Matautano barabu exanaenabe xua barapomonaе ajantucoyenes̄ya jume cowuṅṅu dubenanaebiyaena. <sup>24</sup> Matautano barabu Nacom peantobexae yawenaena daxita pomonaetha pomonaе peantobewi Jesucristo pon Wanacanamataxeinaein. Bapoxonae barapomonaе pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.

## Meje Po Carte Pablo Tatina, Filipos Tomarapiwi Tatinatsi

*Meje poxonae Pablo tamropata pitaba xua tatina, Filipos tomarapiwi tatinatsi*

<sup>1</sup> Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonaе jinompa Filipos tomaratha. Patatinanbe daxita pomonaе Cristo Jesús pejume cowantsiwichi, pomonaе yatsicaewa Nacom piamonaе tatsi. Matautano iru patatinanbe pomonaе pecanamataxeinaewi pejume cowantsi jiwu. Matautano iru patatinanbe pomonaе peyawenaewi pejume cowantsi jiwitha, poxonaе yawena peatenewitha, xuano xua poxonaе apata pexaewa peacopeibiwitha. Barapomonaе Nacom piamonaе tatsi, yawa barapomonaе caemonaе naexana Cristo Jesthа. <sup>2</sup> Barabu Nacom, pon Waxa, amanaya paca yawenaena painya pia paca necaantobexae, yawa xua jantema jinompa paca exanaena. Iru barabu Jesucristo pon jiwu Pecanamataxeinaein baxua pacata exanaena.

*Meje yabara poxonaе Pablo tawuca Nacomtha pomonaе Nacom pejume cowantsiwi*

<sup>3</sup> Poxonaе paca yabara nanta xeineibatsi Tanacom tsipaеbeiban paxam yabara. Jan tsaibinje: “Nacom juntu coyene weiweinan xua barapomonaе betiya necatsita dubenanaе-biyaexae”, jan tsaibin. <sup>4</sup> Poxonaе Nacom pacata wuqueibatsi bichocono juntu coyene weiweinaeya pacata wuqueibatsi xua daxita paxam. <sup>5</sup> Nacomtha yabara tsipaеban xua paxam tapana nebaru nacuichiwam Nacom Pejume Diwesi xua poxonaе aena pajume cowantame xua beya anoxuae. <sup>6</sup> Bara xaniwaicha yaputan xua Nacom tamropata pitaba xua xanepanaya beta paca cana juntu coyene exana. Baxua Nacom paca cana juntu coyene exana ducuaеabiyaena beya poxonaе Nacom xanepanaya paca cana juntu coyene wetsina poxonaе po mataqueitha Jesucristo patopaetsica. <sup>7</sup> Baxua jame intа xanepana xua tapaca yabara nanta xeinaewatsi, tsipei bichocono paca antobetsi. Poxonaе bequein anoxuae jiwu pecubi botha neeta, yawano poxonaе bequein caena bayatha pecapanenebiyaе diwesi jume yabara jume yawenaeya cueicueijan jiwitha, yawano xua jiwitha tsita itapeinya xeinan xua barapo diwesi bara pexainyei diwesi jume, bapoxonaе bara pana nebaru atenem. Daxota poxonaе Nacom amanaya neyawena poxonaе atene neexana ichamonaе pia taneantobexae Nacom, iruru Nacom amanaya paca yawena pia paca necaantobexae poxonaе paca atene exana ichamonaе. <sup>8</sup> Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe. <sup>9</sup> Yawano Nacom paca tsiwucatsi xua equeicha matowa mataropeicha painya nepaca catsinexa peantobewa. Yawa muxuna wucan xua Nacom paca cana exanaena xua painya neyabara yaputaewa daxita coyenewan. Matautano muxuna wucan xua Nacom paca cana exanaena xua painya neitapetsiwa pocotsi coyene xua betiya paca cana exanaena. <sup>10</sup> Bapoxonaе payaputaename xua itapetsiya paexanaename pocotsi coyene bichocono xanepana. Bapoxonaе bichocono rajuntu coyene xanepanaya jinompaename. Yawano poxonaе Cristo patopaetsica bapon jopa paca yabara paeби tsane xua panatsicuentame abe painya neexanaewan. <sup>11</sup> Paca tsiwucatsino xua Jesucristo paca necajuntu coyene yuca exanaenexa, xua po juntu coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonaе jiwu baxua paca cui taena bapoxonaе jiwu Nacom wunaе jaintsinchi jei tsane: “Maisa Nacom paca baru cui itura jinatsi, xua jinya neexanaexae barapo jiwu pia juntu coyenetha tatsi”, jei tsane barapo jiwu.

*Meje poxonaе Pablo namchi: “Xua tapoponaе coyenewa bara apara Cristo nexa”, jei*

<sup>12</sup> Tamonaе pam, pomonaе iru painya nejume cowantsixaе Jesús, ichichipan xua painya neyaputaewa tsane xua po coyene poxonaе necana exana ichamonaе xua jiwu pecubi botha neeta tayabara cueicueiexae Jesucristo. Baxua tana necana exanaexae ichamonaе jiwu taju jume tane Nacom pia pecapanenebiyaе diwesi jume tatsi. <sup>13</sup> Daxota daxita soldadamonaе pomonaе xote umene pomonaе peyapu eenaewi pepa pentacaponaein pia bo tatsi iruru seicayano ichamonaeru, daxita barapomonaе yaputane xua xan jiwu pecubi botha neeta tapaebi ducuaеabiyaexae Cristo nexa. <sup>14</sup> Pin bicheito, pomonaе pejume cowantsiwi Nacom, barapomonaе netane xua jiwu pecubi botha ecan. Daxota barapomonaе bichocono ichichipa xua pecueicueijiwa Nacom Pejume Diwesi. Barapomonaе jopa junuwiyo xua cui tsacatsacapiya pecueicueijiwa Nacom Pejume Diwesi, tsipei bichocono jume cowantatsi pon jiwu Pecanamataxeinaein.

<sup>15</sup> Ichamonaе Cristo yabara cueicueijeichi apara poxoru saya tana neuwixae, tsipei ichichipa xua jiwu baru cui itura jinaena barapomonaetha, beyacaincha xua tana nebaru

cui itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejuntũ coyene xanepanaexae. <sup>16</sup> Barapomonaexae baxua exana taneantobexae peyaputaexae xua jiwi pecubi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonaexae ichamonae abe yabara paeba barapo diwesi. <sup>17</sup> Pomonaexae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecubi botha. <sup>18</sup> Bequein jiwi Cristo xainyeya yabara paebatsi poxoru tana neantobexae, ichacuitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonaexae ba jiwi Cristo yabara paebatsi, baxua ba jame bichocono nejuntũ coyene weiweina exana.

<sup>19</sup> Yawa equeicha bichocono nejuntũ coyene weiweina exanaponaena, tsipei yaputan xua painta wucame nawita Nacomtha. Yawa yaputan xua Jesucristo pia Pejumope tũnaxũ tatsi neyawena, pebaxuaxaebae bapara Nacom necapanepaena pomonaexae tana neaitafaetabi jiwi weya. <sup>20</sup> Pocotsiwa xua taichichipaewa yawano pocotsiwa xua tawnae ewatsiwa, xua bapana jopa tacoutha naacauran tsane tajunuwixae xua tayabara cueicueijeixa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowantsina xua poxonaexae netane xua beta tapoponaewa Cristo nexa. Bapoxonaexae jiwi Cristo barũ cui itura jinaeinchi poxonaexae necui taena xua beta xanepanaya poponan Cristo nexa. Baxua jiwi exanaena poxonaexae bequein asũ poponaethan tsane, xua Cristo tatsita poponaewa yawa poxonaexae bequein tũpaethan tsane xua Jesucristo tayabara cueicueijeixae. <sup>21</sup> Jame pocotsiwa netsita xanepana apara xua jiwi Cristo barũ cui itura jinatsi, xua Cristo tatsita poponaewa xua. Ichitha icha tũpaein Cristo taein, baxua netsita xanepana bichocono, beyacaincha xua poxonaexae abũ cataunxuae poponan, tsipei Cristo taein. <sup>22</sup> Awiya cataunxuae poponan daxota neitacũpa xua awiya tanacuichiwa pocotsiwa pexanepanaexae coyenewa pon jiwi Pecanamataxeinaein nexa. Jopa yaputaeyno xua barapo naxobe coyenewabe jiwana itapetocuaein. <sup>23</sup> Inta bichocono ayapube xua barapo naxobe coyenewabe jiwana itapetan. Ichacuitha saya betũpaein xua tapoponaenexa tsane ichaxota Cristo popona, tsipei baxua jame inta bichocono xanepana. <sup>24</sup> Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi. <sup>25</sup> Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaenexa Cristo. Matautano yaputan xua bichocono equeicha matowa painya nejuntũ coyene weiweina tsoponaenexa tsane. <sup>26</sup> Daxota poxonaexae paca siwa ponaeinchi Cristo Jesús wũnae pajainchiname xua equeicha tapaca casiwa ponaexatsi tsainchi.

<sup>27</sup> Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha taju ecan, maisa ichichipan xua ichũn yabara benetsipaebina xua beta painya nejinompaewa. Bejume taein xua xanepanaya beta ajuntũyapũsũya pajume cowanta dubenanaebiyame Nacom. Matautano bejume taein xua caemonae pebũrũya jume daunweya pana nabaerũ cueicueijam painya nejume cowantsiwa Cristo. <sup>28</sup> Jopa pajunuwinde poxonaexae imoxoyo abe paca exaneiba painya nepaca caaitafaetabi jiwi. Baxuan barapomonaexae exana be tsita itapeinya xeina xua barapomonaexae weraweracaena xua poxonaexae pũ mataqueitha poxonaexae Nacom yabara paebina jiwi xua penatsicuentiwa abe peexanaexae xua irũ Nacom paca capanenebiyaena barapo mataqueitha. <sup>29</sup> Nacom pexeinya coyene paca cata painya netanacuichinexa Cristo xua poxonaexae pajume cowantame bapon, matautano xua poxonaexae ichamonae paca atene exana poxonaexae ichamonae abe paca yabara paeba painya nejume cowantsixae bapon. <sup>30</sup> Waxainchi bara nanta jũpaya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonaexae bayatha pana netaneme xua poxonaexae jume daunweya paeban Nacom Pejume Diwesi, matautata xua poxonaexae bara pana neyabara jume taneme xua awiya cataunxuae exanaponan barapo coyeneya.

## 2

*Meje yabara xua Cristo peacopeibin pia coutha naexana, xua jopa painya cui jityono*

<sup>1</sup> Payaputaneme xua Cristo paca jũntũ coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxonaexae ichamonae abe pacata exana. Matautano payaputaneme xua Nacom pia Pejumope tũnaxũ tatsi paca barũ jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa. <sup>2</sup> Icha daxita barapo pexainyei coyenein payaputaneme, bichocono pana nejuntũ coyene weiweina exande. Baxua painta exanaename poxonaexae caemonae jũntema pajinompame, xua caemonae nantiya pana naantobem. Matautano baxua painta

exanaename poxonae xua caemonaе nanta jupaya pana nabaru nanta xeiname yawano poxonaе nanta jupaya ichipaeya paexaname. <sup>3</sup> Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peaeби coyene. Jame maisa painya coutha pana nayabara nanta xeinare xua pomonaе pecui pawi jiwi pam. Jame maisa sayano ichamonaе pacui yabara nanta xeinare xua pepa peainya cuimonaе xua beyacaincha paxam. <sup>4</sup> Jopa bewa panantaitsim painyamonaе jiton pon saya ichichipa nawita xua saya meisa penata exanaewa pexanepanaе coyene. Jame bewa muxuna bapon taexanaе ichamonaе pocotsiwa xua ichamonaе tsita pexeinya coyenetsi. <sup>5</sup> Paxam beta pebaryaya pananta jupaya nanta xeinare icha Cristo Jesús ichi xua poxonaе beta ba nanta xeina. Bapon bara iche:

<sup>6</sup> Bapon Cristo peyacuuya jinaein Nacom.

Bapon bequein barapara Nacom, daichitha  
bapon jopa pia coutha ichichipaeya  
daunweya botsiyo barapo coyenewa xua  
peyacuuya jupae jinaein icha Nacom  
ichi poxonaе patopeica po cae  
pin nacuathe tsique.

<sup>7</sup> Daichitha barapo coyene naitematsiya cuenta pona.

Bapon Cristo be jiton yacuuya naexana po  
cae pin nacuathe tsique xua Nacom amanaya  
petanacuichinexatsi xua pia coya peichichipaexae.

<sup>8</sup> Poxonaе bapon naexana po cae pin nacuathe  
tsique bara yatsicaya be jiton coyene.

Baroxonaе pia coutha nacana exana be pon  
peacopeibin xua jopa peainya cui jitonyo.  
Bapon exana pocotsiwa Nacom itoroba poxonaе  
jejei xua tupa pecana exanaewatsi ichamonaе,  
bequein barapo petupaewa bichocono  
pin ura exanatsi xua tupa naetotha.

<sup>9</sup> Daxota Nacom, Cristo bichocono baru cui itura  
jinatsi poxonaе Nacom athabe juinya exana xua  
Cristo athabe juinya exanatsi.

Matautano Nacom baru cui itura jina,  
Cristo baru cui itura jinatsi poxonaе  
Nacom bapontha wun duta, po wun xua jei:

“Pepa Pecanamataxeinaein”, jei.  
Barapo wuntha Jesús copatatsi xua bara  
pecanamataxeinaenexa pia peayapusu itorobi  
coyenewatha daxita carepaya jiwi, matatsunpiwithano.

<sup>10</sup> Nacom barapo wun cata xua daxota daxita jiwi  
poxonaе jume taena barapo wun pentabocotontha  
umenaena, xua Jesús wunaе pejainchinexa tsainchi,  
pepa Pecanamataxeinaeinxae itabocopiwi,  
iraru po irathepiwi, iraru pomonaе  
jinompa ira buxupana wetsina.

<sup>11</sup> Daxita barapomonaе Nacom wunaе  
jainchinchinchi pon Nacom, Waxa, jei tsane:  
“Maisa, Nacom paca baru cui itura jinatsi,  
tsipei bapon Jesucristo bara yatsicaya  
pon pepa Pecanamataxeinaein jiwi”,  
jei tsane daxita barapomonaе.

*Meje yabara xua ichamonaе, Nacom pejume cowuntsiwi beta cui yaputainchi*

<sup>12</sup> Tamonaе pam paxam pomonaе bichocono tapaca caantobewichi pam. Tsipei bayatha pana nejume cowunteibame pocotsiwa paca itorobeibatsi poxonaе paca baru ecatsi, daxota anoxuae nama bichocono pana nejume cowunde beyacaincha xua poxonaе imoxoyo paca baru ecatsi bequein tajū ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca caranepaexae. Pana najuntū coyene aura exande xua jopa paat-sacande. Yawano pana najuntū coyene junuwa exande Nacomtha, abe painya neex-anaeyainwa. <sup>13</sup> Bapon Nacom paca sana juntū coyene yawena xua painya juntū coyene,



jume baru jejei pocotsiwa Nacom paca itoroba. Matautano Nacom paca yawena xua painya neexanaewam pocotsiwa Nacom ichichipa.

<sup>14</sup> Daxita coyenewan poxonaе paexaneibame jopa paexanaeinde pocotsiwa anaya painya juntu coyenewatha payabara paebame ichamonae. Matautano jopa payabara najume matsontsonobinde baxua poxonaе Nacom pata exaneibame. <sup>15</sup> Bapoxonaе poxonaе jiwi paca cui taena, barapo jiwi jopa abeya paca cui yabara paebi tsane xua painya nenatsicuentsiwa xua abe painya neexanaexae. Matautano paca cui taena xua jopa ajuntucoyenebeya pajinompae. Jame maisa painompare be Nacom piamonaе tatsi coyeneya. Matauta jopa abe paexanaeinde xua icha pomonaе anoxuae paca baru jinompa pomonaе pemuxuitorobiwi xua pomonaе peantucuiruyapubewi xua poxonaе abe exana dubenanaebiya. Icha paxam beta pajinompame bequein abe peexanae jiwi nataetha, icha be pocotsi jata coyeneya ichi xua opitei ba poton pentha tsurubenaе poxonaе quirei tsuncuae, bara ba jiwi tane barapo opiteim bequein quirei tsuncuae taetha. <sup>16</sup> Daunweya pajume cowanta dubenanaebiyama po diwesi jiwi ajuntuyapusu exanatsi. Daxota poxonaе Cristo patopaetsica bichocono paca weyataeinchi tajuntu coyenewatha beta xaniwaichiya painya nejinompaexae Nacom nexa. Bapoxonaе yaputaein xua xaniwaicha bara beta paca yawenatsi xua painya nejume cowantsiwam. <sup>17</sup> Bequein metha jiwi nebexubina xua tapaca cayawenaexaetsi, xua painya nejume cowantsinexa, daichitha awiya juntu coyene weiweinan, iru paxam paca cayawa juntu coyene weiweinaeinchi. <sup>18</sup> Daxota paxam bewa pana nebaru juntu coyene weiweinaename, bequein tupaеin xua tapaca cayawenaexaetsi xua painya nejume cowantsinexa.

*Meje Timoteo yabara iru xua Epafrodito yabara*

<sup>19</sup> Icha Jesus pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonaе juntu coyene weiweinaein xua poxonaе paca yabara jume taeinchi xua netsipaebina Timoteo. <sup>20</sup> Tsipei ichan ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompaе coyenewa icha xan ichin xua bichocono paca siwa yabara nanta xeinatsi. <sup>21</sup> Ichamonae saya itapetsiya yabara nanta xeineiba barompaya pia peexanae coyenewan. Barapomonaе jopa nanta xeinaeyo xua pocotsiwa Jesucristo pia petaxanaewatsi coyenewan tatsi. <sup>22</sup> Paxam pataneme xua Timoteo neyawena xua pecueicueijiwa Nacom Pejume Diwesi, icha be coxiyan ichichi xua poxonaе pexanto yawenatsi. <sup>23</sup> Xua poxonaе yaputaein xua ichamonae necana exanaena, bapoxonaе beitorobin Timoteo xua pia paca necataenexa. <sup>24</sup> Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

<sup>25</sup> Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesus, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonaе bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan. <sup>26</sup> Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: "Maisa bichocono Epafrodito nacata atene tsocuae", pinae pajam. <sup>27</sup> Bara xainyei, bapon bayatha bichocono atene bara muxu petypae. Daichitha Nacom nantanuweya yabara nanta xeina xua Epafrodito axalbi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petypaexae tsipae, xua beyacaincha juntu coyene wecoyan poxonaе xua copiya, xua poxonaе saya atene. <sup>28</sup> Daxota bichocono ichichipan xua bapon nainya pacata itorobinchi. Bapoxonaе pajuntu coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara juntu coyene wecoyineixatsi. <sup>29</sup> Moya bara bichocono pantanta juntu coyene weiweinaeya jacobare Epafrodito xua repatopaexae, pon jiwi Pecanamataxeinaein peitorobixae. Epafrodito beta pabaru cui itura jinare. Bara paichinde ichamonaetha, pabaru cui itura jinare pocotsimonae icha bapon ichi. <sup>30</sup> Bapon bara muxu pebexubichi xua Cristo petanacuichixaetsi. Bapon penapeichiwatha naexana, inta pewetsinexa pocotsiwa xua jopa paca itacupaeyo xua painta exaname.

### 3

*Meje yabara xua po coyene pepa rejuntu coyene xanepanaewa*

<sup>1</sup> Tamonaе pam, pomonaе iru painya nejume cowantsixae Jesus, pajuntu coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara

apara baxua paca yawena xua beta painya netsita jinompaenexa Nacom. <sup>2</sup> Dota pam pomonae peantꝯcoyenebe jiwi yawano xua abe peexanaewi. Matauta dota pam pomonae judiomonae pia cui coyeneyatha tatsi paca itoroba xua painya nenawi thabiwam po coyene xua pawi thabame pebiwi xua ichaxota nareixacaena. Barapomonae nanta xeina xua icha baxua exanaena Nacom capanenebiya exanaena. <sup>3</sup> Waxainchi xaniwaicha barapomonaetsi pomonae yatsicaewa Nacom watsita jũntũ coyene xanepanaewichi, tsipei Nacom pia Pejumoꝯe tũnaxũ tatsi naca yawena xua jume cowũntatsi watanacuichinexa Nacom. Matautano wajume cowũntsixae Cristo Jesús, daxota bapontha wũnae jointatsi pia wanacata exanaexae. Waxainchi jopa nanta xeinaetsi xua poxonae ichamonae naca wi thaba, barapo coyene naca jũntũ coyene xanepana exana Nacomtha. <sup>4</sup> Icha pebiwi itacũpaetsipatsi xua jume cowũnta xua pia coutha nacapanenebiya, barapoxonae irũ xan neitacũpaetsipa xua jume cowũntan xua tacoutha tanacapanepaewa beyacaincha xua barapo pebiwi. Ichitha pebiwi irũ xan, jopa pana neitacũpaeyo xua pana nacapanenebiyan pata coutha. <sup>5</sup> Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matacabitha newi thaba. Matautano xan bara israelmonae pia saineiwi jiwanan. Matautano Benjamin piamonae tatsi jiwanan tsipei pia pemomoxi susato jiwi jiwanaꝯin tatsin. Matautano yacuiya naexanan xua hebreo jume tacueicueijejwa, taxa irũ taena hebreo jume peapebiwixae. Matautano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba. <sup>6</sup> Bichocono jume cowũntan pocotsiwan fariseomonaepia pecuidubi coyenewan tatsi. Daxota abe exanan pomonaetha pomonae Jesús pejume cowũntsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa jũntũ coyene xanepanan Nacomtha xua jopa xeinaeinỹo tanatsicuentisiwa xua abe taexanae coyenewa. <sup>7</sup> Daxita po coyenein xua bayatha inta netsita ainya cui, porucae jopa daichiyõ. Anoxuae netsita acoyenebe barapo coyenein, tajume cowũntsinexa Cristo. <sup>8</sup> Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wũnae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijejxae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantaũtsinexa Cristo pon Tanecanamataxeinaein. <sup>9</sup> Ichichipan xua be caein naexanan Cristotha xua tajũntũ coyene Nacom pẽtsita xanepanexatsi bapon pi tana necana exanaexae barapo coyene. Barapo coyene necana exana Nacom, jopa poxoruyo xua tajume cowũntsixae Moisés pia peitorobi coyenewa xua daxota tajũntũ coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowũntan, poxorũ Nacom tanecatsixae pejũntũ coyene xanepanaewa. Barapocotsi coyenewa ba Nacom cata jiwitha pomonaetha pomonae pejume cowũntsiwixae. <sup>10</sup> Pocotsiwa taichichipaewa baraxua xua apara jame tayaputaewa Cristo. Matautano be yaputaein peayapusũ itorobiwa, po peayapusũ itorobi coyenewatha Jesús asũ exainchi barapo petũpae cuiru coyene weya. Bequein ichamonae atene neexanaena, icha Cristo ichichi xua poxonae atene exanatsi ichamonae, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitũpa jiw, barapara exana pocotsiwa Nacom ichichipa, jopa exanaeyo xua pocotsiwa bapon pi coutha ichichipa. Xan bara jũta ichiya ichichipa exanan xua pocotsiwa Nacom ichichipa. <sup>11</sup> Yawano ichichipan xua baxuan exanaein beya poxonae Nacom asũ neexanaena po mataqueitha Nacom asũ exanaena petũpae cuiru coyene weya pomonae irũ pejume cowũntsiwixae.

*Meje yabara xua po pentoma Nacom pia wanaca catsiwa, jũntema beta waexanaexae*

<sup>12</sup> Jopa paebinyo xua xeinan barapo coyene, po coyeneyatha xua Nacom asũ neexana petũpae cuiru coyene weya. Matautano jopa paebinyo xua Nacom bayatha xaniwaicha jũntũ coyene xanepana neexana xua jopa daxota abe taexanaewa. Daichitha awiya yabara nacuichiya exana ducuaenaebiyon xua taxainaenexa barapo coyenewa tsipei Cristo Jesús copiya neexana be piamonae jiton tatsin. <sup>13</sup> Tamonaepam, pomonae irũ painya nejume cowũntsixae Jesús, paca tsipaebatsi xua jopa cataunxuae baxua wetsinyo xua tajũntũ coyene bara xaniwaicha bayatha nejũntũ coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Jũntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein. <sup>14</sup> Bichocono ajũntũyapususỹa exana ducuaenaebiyon xua pocotsiwa Nacom ichichipa, beya taxainaenexa po pentoma pocotsiwa Nacom naca catsina poxonae naca wabina pia nacua beicha caemonae wayawa jinompaexae Cristo Jesús.

<sup>15</sup> Daxita waxainchi, pomonaetsi xua bayatha beta yabara yaputaetaepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae ab<sub>n</sub> jopa xeinaetsi po juntu coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua. <sup>16</sup> Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

<sup>17</sup> Tamonae pam, pomonae ir<sub>n</sub> painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonae xua jinompa xua poxonae exanapona, icha pocotsi coyeneya paichin poxonae paca cuidubatsi. <sup>18</sup> Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomonae aichaxaibi po diwesi po coyene xua Cristo naetotha tsitupa jiwi”, paca jeichi. <sup>19</sup> Nacom barapomonae weraweraca exanaena. Barapomonae saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonae yabara atsaca pocotsi coyene bequein barapomonae bewa ita aura tsane baxua. Daichitha barapomonae jopa yabara ita auriyo baxua. Saya barapomonae yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa. <sup>20</sup> Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetsica itaboco wetsica pon jiwi Pecapanenebiyaein, pon jiwi Pecanamataxeinaein, bapon Jesucristo. <sup>21</sup> Wapepon, po pepon jopa wnaetsi, po pepon atene yawa xua tupaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitapanae coicha, xua po pia pepon tatsi jopa ateneyo, yawa xua jopa tupaeyo. Baxuan Cristo nacata exanaena pia peayapusu itorobi coyenewatha, po peayapusu itorobi coyenewatha itacupatsi xua daxita pecanamataxeinaewa.

#### 4

*Meje yabara xua Pablo jei: “Ataya pajuntu coyene weiweineibare pon jiwi Pecanamataxeinaeintha”, jei*

<sup>1</sup> Tamonae pam, pomonae ir<sub>n</sub> painya nejume cowantsixae Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejuntu coyene weiweina exaname. Matautano paxam pomonae Nacom necata painya nejume cowantsinexa Jesustha xua be tana nematomasiwa, xua neyaputane exana xua bara exanan pocotsiwa xanepana poxonae tanacuitan bapon. Tamonae pam, paxam pomonae tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaein.

<sup>2</sup> Itoroban powa pewan Evodia, ichawayono xua powa pewan Síntique xua barapowayobe equeicha penaita coxonaenexabe xua be yatsicaewa caemonae jitowayobexaenaenexabe pon jiwi Pecanamataxeinaein piamonae jitowayobexae tatsi. <sup>3</sup> Xam ponxaem yatsicaewa tanebar<sub>n</sub> nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxonae cueicueijan Nacom pia pecapanenebiyaei diwesi. Barapoxonae barapowayobe, ir<sub>n</sub> Clemente ir<sub>n</sub> ichamonaeno daxita barapomonae daunweya nebar<sub>n</sub> nacuita. Daxita barapomonae w<sub>n</sub> dubatsi diborotha po diborotha xua Nacom capanenebiya tsalbi jiwi xua jiwi pecatsibeibinexatsi peajuntuyapusawa poxonae w<sub>n</sub> dubeiba barapo diborotha, xua Nacom pia diboro tatsi.

<sup>4</sup> Paca jeichi: “Ataya patsita juntu coyene weiweineibare pon jiwi Pecanamataxeinaein”, paca jeichi. Equeicha paca jeichi: “Ataya patsita juntu coyene weiweineibare”, paca jeichi. <sup>5</sup> Barab<sub>n</sub> beta pajinompae name xua daxita jiwi painya pia paca yabara yaputaenexa xua bara paxam pomonae pejuntu coyene xanepanaewi pam, tsipei imoxoyo patopaetsica pon jiwi Pecanamataxeinaein.

<sup>6</sup> Jopa payabara nanta xeinaeinde nawita pocotsiwa ba paca juntu deideijeji exana. Jame maisa Nacom patsipaebaire daxita coyenein yabara. Nacom yabara paw<sub>n</sub>queibare daxita coyenein. Matautano payabara jacobebare Nacom poxonae pocotsiwan paca catsibeiba pocotsiwan xua panantawenoname. <sup>7</sup> Barapoxonae Nacom paca juntu coyene junte miya jinompa exanaena. Barapo junte miya jinompae coyenewa jiwi ba jopa yabara yaputaeyo, tsipei bichocono pexeinya coyenewa. Barapo junte miya jinompae coyenewa paca juntu coyene eenaena. Matautano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

*Meje yabara poxonae Pablo jei: “Payabara nanta xeinare daxitan pocotsiwan xua wnae”, jei*

<sup>8</sup> Tamonaē pam, pomonaē irū painya nejumlah Jesú, paca tsipaebatsi nama anoxuae pocotsiwa xua tabū ducua paca tsipaebatsi pocotsiwa xua nama wetan. Payabara nanta xeinare daxitan meje xuae po coyenein: po coyenein xua pexainyeiwan, matautano po coyenein xua jiwi yabara nanta xaina xua pexanepanaewan, matautano po coyenein xua xaniwaichiya pecana exanaewan, matautano po coyenein xua Nacom petsita exanaewatsi pexeinya juntu coyenein, matautano xua po coyenein pexeinya peitapanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wunae jainchina xua barapo coyenein pexanepanaexae.

<sup>9</sup> Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonaē Nacom pon peyawa jinaein juntema pepoponaē juntu coyenewa, bara bapon paca yawa poponaena.

*Meje yabara paratixi po paratixi jiwi cata Pablo nexa*

<sup>10</sup> Tsita juntu coyene weiweinan pon jiwi Pecanamataxeinaein xua matapainya equeicha tapana neyabara nanta xainaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaenexam. <sup>11</sup> Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua juntema tapoponaewa pocotsiwa xua xeinan bequein inta acobi ichawa. <sup>12</sup> Yaputan xua beta poponan poxonaē bequein be pon taacopeibin. Matautano yaputan xua beta poponan poxonaē nawita taxeinain. Bayatha nacuiduban xua juntema tapoponaē coyenewanexa tsane bequein tonsanan, yawano bequein ichacuitha jainpeiban. Nacuiduban xua juntema tapoponaē coyenewanexa tsane bara bequein xeinibin beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa. <sup>13</sup> Neitacupa xua daxita taexanaewa tsipei Cristo necata pia peantuyapusawa. <sup>14</sup> Daichitha paxam bichocono wunae painta exaname poxonaē pana neyawename tapana nesiwamxae poxonaē ichamonaē jopa xanepanaya necana exanaeyo.

<sup>15</sup> Paxam Filipos tomarapiwi pam, payaputaneme poxonaē copiya tamropata pitaban xua cueicueijan Nacom Pejume Diwesi, barapoxonaē meisa paxam paratixi pana necataponame poxonaē Macedonia nacua weya ponan. Icha tomarapiwi pomonaē pejume cowantsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinxam po coyene xua tapaca cayawenaewatsi painya nejumlah cowantsiwanexa Nacom. <sup>16</sup> Poxonaē cataunxae Tesalónica tomaratha poponan, paxam painta itorobame paratixi. Bapoxonaē equeicha cotacaya painta itorobame icha paratixi xua tacana nantawenonaenexa. <sup>17</sup> Paca tsipaebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaename po pentoma xua Nacom paca catsina tapana neyawenaemxae. <sup>18</sup> Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonaē bichocono ichichipa po petuxusi tuxueiwa jiwi tuxusi exana Nacom nexa, yawa xua poxonaē po duwei petautsiwa xua tuxusi exana Nacom nexa. Barapo pecana exanaē coyenewabe Nacom tsita coyene xanepanatsi, yawa juntu coyene weiweina exanatsi. <sup>19</sup> Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peitapanawa. Paca catsina baxua painya neyawa jinompaexae Cristo Jesús. <sup>20</sup> ¡Barabū jiwi, Nacom pon Waxa, ataya wunae jainchinchí! Je, bara ichi tsane.

*Meje yabara xua Pablo najume weta barapo carte*

<sup>21</sup> Painta jacobare pomonaē baxotiya jinompa pomonaē Jesucristo pejume cowantsiwichi pomonaē yatsicaewa Nacom piamonaē tatsi. Irū pomonaē nebaru jinompa xote pomonaē xua irū pejume cowantsiwichi Cristo Jesús, barapomonaē paca jacobā. <sup>22</sup> Irū daxita pomonaē Jesús pejume cowantsiwichi pomonaē yatsicaewa Nacom piamonaē tatsi, pomonaē po tomarathepiwi, barapomonaē paca jacobaru. Irū paca jacobā pomonaē romanomonaē itorobiya pia pepa peewatsinchi pia botha tatsi tanacuitatsi. Barapomonaē bichocono paca jacobā, beyacaincha ichamonaē poxonaē paca jacobā.

<sup>23</sup> Barabũ Jesucristo, pon Wanacanamataxeinaein, daxita paxam paca jantũ coyene yawenaena pia paca necaantobexae.  
Baja Pablo.

## Meje Po Carte Pablo Tatina, Colosas Tomarapiwi Tatinatsi

*Meje yabara poxonaе Pablo tamropata pitaba xua tatina pomonaе Colosas tomarapiwi tatinatsi*

<sup>1</sup> Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae. <sup>2</sup> Barapo carte pacata tinatsi pomonaе painya neenaewi Colosas tomaratha, pomonaе Cristo pajume cowantame, iru pomonaeno yatsicaewa xanepanaya Cristo peitabaratha painya nejinompaewino. Barabu Nacom pon Waxa, paca yawenaena pia paca necaantobexae, yawano junteма jinompa paca exanaena.

*Meje yabara poxonaе Pablo Nacomtha tawuca pomonaе Jesús pejume cowantsiwi*

<sup>3</sup> Poxonaе Timoteo panbe pacata wuqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajuntu coyene weiweinabe xua barapomonaе necajume cowantsixae”, pajan tsaibinbe. <sup>4</sup> Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramonaе Cristo Jesús jume cowanta, —jei— yawa antobe ichamonaeno pomonaе pejume cowantsiwi Jesucristo”, jei Epafras. <sup>5</sup> Paantobem ichamonaе, pomonaе tsipei cowantsiwi Jesús, yawa xua pajume cowanta dubenanaebiyame. Baxua paexaname tsipei payaputaneme xua hexa tsane Nacom paca catsina xua pia nacuatheicha xeina, xua peantuayarusawa po peantuayarusawa jopa weraweracaeyo. Caena bayatha yabara paca tsiwinaeya muxu duta poxonaе Nacom Pejume Diwesi pajume taneme. Baxua anoxuae cataunxuae paewatame. <sup>6</sup> Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwi foforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantaponaе poxonaе aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxuae paexanaponaе. <sup>7</sup> Barapo Nacom pia pecapanenebiyae diwesi xaniwaicha caena bayatha Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua paita exanapona xua pana yawenapona xua Timoteo panbe pata ecaexaеbe jiwi pecubi botha. <sup>8</sup> Epafras xote patopa. Bapon Epafras Timoteobe, pana netsipaebabe xua pinaе paxam paantobem daxita pomonaе Jesús pejume cowantsiwi Nacom pia Pejumope tanaхu tatsi painya nepaca yawenaеae.

<sup>9</sup> Bara caena poxonaе aena, poxonaе pajume tanbe xua pinaе Jesucristo pajume cowantame, pomonaе Colosas tomarapiwi pam, Nacomtha pacata wuqueibatsi. Jopa seica paexaneibinyobe xua pacata wuqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame. Yawa care barapomonaе daxita peyaputae coyenewan po coyenewan nejumope tanaхu cata jiwitha”, pajan tsaibinbe Nacomtha. <sup>10</sup> Icha paxam payaputaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, bapoxonaе beta pajijinaponaeneme Nacom pia paca necayawenaenexa. Bara be Nacom pia pexui pana natsicotaneme tsipei baxua Nacom unthuthu jopa xua unthuthu weiweina. Jiwi pafoforotaponaе xua Jesucristo jume cocowantapoinchi. Daxota baxua Nacom unthuthu jopa xua unthuthu weiweina. Paca unthuthuyarusu exana. Matautano yabara paca yaputate exana xua painya neexanaewa tsane pocotsiwa Nacom ichichipa. <sup>11</sup> Timoteo iru xanno Nacomtha patsipaеbeibanbe xua Nacom pia paca catsinexa tsane pia peitupanaewa xua peayarusawa, icha Nacom ichi xua xeina barapo peitupanaewa xua peayarusawa. Barapo peayarusawa paca yawena xua pajume-febame xua poxonaе ichamonaе paca itoroba xua abe painya neexanaewa. Yawa paca yawena xua juntu coyene weiweinaya paexaname xua jopa paaitaconaem, xua poxonaе bequein ichamonaе abe pacata exana. <sup>12</sup> Poxonaе Nacom patsipaеbame, juntu coyene weiweinaya pajacobare tsipei bapon Nacom paca yabara junteмаina abe painya neexanae curu coyenein. Bapoxonaе Nacom tsita xanepanatsi painya juntu coyenein barompaya painyawan painya nexeiनाenexa pocotsiwa Nacom paca juntana jeba pia nacuatheicha xua painya nejume cowantsixae bapon. Paca catsibina poxonaе paxam bara xoteicha papatsiname. <sup>13</sup> Waxa, Nacom, wanaca capanepaexae Satanás pia peayarusu itorobi coyene weya tatsi, daxota anoxuae cauri pia pentacaponaein tatsi jopa equeicha cana

exanaetsi xua wanaca canamataxeinaewa tsane. Aparta jame Nacom yatsicaewa naca cana exana xua bapon piamonae tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe. <sup>14</sup>Nacom Pexanto tatsi naca capanepa, naetotha wanaca tsitupaexae. Daxota daxita abe waexanae cuiru coyenein Nacom naca cayabara junteina.

*Meje yabara xua waxainchi pomonaetsi junteina jinompatsi Cristo wanaca tsitupaexae naetotha*

<sup>15</sup>Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pewanaeya poxonae Nacom daxita forota barapo cae pin nacuathe. <sup>16</sup>Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonae pentacaponaeawi nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana. <sup>17</sup>Caena bayatha bapon Cristo ataya popona poxonae cataunxuae jopa bapon fororotaponaeyo daxita. Cristo canamataxeina daxita daxota nacua xanepanaya wanaeya ducua. <sup>18</sup>Daxita pomonae Cristo jume cowanta be caein naexana. Bapon Cristo barapomonae pia Pecanamataxeinaeinchi tatsi. Baxua caunuta xua Cristo canamataxeina barapomonaetha pomonae pia pejume cowantsiwiwaetsi. Bapon Cristo antajumopeyapusa exana pomonae pejume cowantsiwichi. Bapon Jesucristo copyia asu nanta canaexanatsi petupaewatha. Daxota bapon canamataxeina exanatsi xua canamataxeina daxita coyenein. <sup>19</sup>Nacom, Waxa, antathu weiweina bichocono poxonae Pexanto cui tane xua cui jupatsi Pexanto tsipei daxita xeina icha bapon ichi xua daxita xeina. <sup>20</sup>Daxita pomonae jinompa po cae pin nacuathe ita coxanatsi Nacomtha. Iraru pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitapaenexa naetotha pomonae po cae pin nacuathepiwi, iraru pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

<sup>21</sup>Paxam copyia Nacom jopa paita coxonaem, be pomonae penanapaincha jinompaewi patsita naexaname Nacomtha. Yawa Nacom pia peaitafaetabi jiwichi pam, abe painya neexanae dubenanaebiyaexae painya juntu coyenewatha. <sup>22</sup>Ichitha nama anoxuae payaputaneme xua Cristo bayatha tupa naetotha xua poxonae bara jiton cuiru coyeneya. Daxota anoxuae Cristo paca cana exana xua Nacom paita coxonaem pomonae pam pomonae copyia Nacom pia peaitafaetabi jiwichi pam. Poxonae Cristo tupa pia paca exanaenexa pomonae pam pomonae Nacom peitatha tatsi penthathu cui xanepanae jiwi pam. Matauta paca cana exana xua ichamonae painya jopa nepaca yabara paebiwa xua abe painya neexanaewa. <sup>23</sup>Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowanta dubenanaebiyaename Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacua beicha xeina xua peantayapusa xua jopa weraweracaeyo xua caena bayatha yabara paca tsiwanae muxu duta Nacom. Barapo pexeinya pecapanenebiyae diwesi bayatha Jesucristo pia pejume cowantsiwi tatsi cueicueijeji xua daxita nacuan yajupaya. Iru xan, Pablon, paebaponandu barapo diwesi.

*Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowantsiwichi*

<sup>24</sup>Xan, Pablon, anoxuae junteina weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajuntacoyenetane tsoponae tsane pomonae pia pejume cowantsiwichinexa. Bapoxonae Cristo pia coutha paebina xua xan equeicha jopa atenein tsane. <sup>25</sup>Xan, Pablon, Nacom Pejume Diwesi tacueicueijeji jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi. <sup>26</sup>Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowantsiwiwaetsi. <sup>27</sup>Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomonaewa naexanaeyo. Barapo Nacom moya

peyawun xeinaewa xua apara Cristo paca yanaba. Daxota paewatame xua bexa Cristo paca catsina, xua caena bayatha yabara paca tsiwunae muxu duta Nacom.

<sup>28</sup> Daxota pacueicueijan barapo diwesi po diwesi xua Cristo yabara. Daxita jiji pamuxu jan. Daxita jiji pacuiduban Nacom pia peyaputae coyene theta tatsi, tsipei paichichipan xua Nacomtha xaniwaicha yajuntu coyene xanepanaya patsina xua be caemonae pe-naexanaewa tsane Cristotha. <sup>29</sup> Daxota daunweya nacuitan Cristo tana necatsixae pia peyayapusawa xua bichocono ayapusu tacueicueijeinexa tsane Nacom Pejume Diwesi poxonae barapomonae tsipaeban. Barapo peyayapusawa jiji tsita itatan poxonae daunweya nacuitan.

## 2

<sup>1</sup> Baxua paca tsipaebatsi pomonae painya nejume cowantsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata wuwacaponiebatsi Nacomtha. Iruno pomonae Jesucristo jume cowanta, pomonae jinompa Laodicea tomaratha, barapomonae iru tawucan. Irunu daxita ichamonae pomonae jopa netaeyo, tawucan. <sup>2</sup> Antuyapusaya Nacomtha pacata wucatsi, xua painya nepaca cajuntu coyene tsacarabi exanaenexa xua juntema painya nejinompaenexa xua caemonae nantiya painya nenaantobenexa. Matautano pacata wucatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawun xeina po coyene xua Cristo yabara. <sup>3</sup> Cristo pon peyaputaen, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bu jame wuca. <sup>4</sup> Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba po jumeintha xua naemata beta paeba. <sup>5</sup> Paca yabara cananta xeineibatsi, be natsicotan xua be paca baru popoinchi bequein taju ecan. Juntu coyene weiweinan xanepanaya jume cowantsiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

*Meje yabara xua jiji pena juntu coyene xeina Cristotha*

<sup>6</sup> Mexeya poxoru painya neyabara jume cowantsixae xua pinae Jesucristo pon painya Nepacacanamateinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha. <sup>7</sup> Paitacoxonaya yaputaeponde Cristo painya pewunaein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ichun paca cuiduba poxonae pajume cowantame Jesucristo. Yawa matowa pajande: "Nacom, maisa pajuntu coyene weiweinan xua painta exaname", pajan tsabinde.

<sup>8</sup> Dota pam tsipei jopa ichipaeinyo xua ichamonae paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomonae xua paca cuiduba pia peitorobi coyenein, baraxua apara jopa Cristo pia peitorobi coyene theta tatsi. Apara saya pon pepawi, bapon pia peitorobi coyenein tatsi, apara saya nacua pia peitorobi coyenein tatsi.

<sup>9</sup> Nacom Pexanto cana nayawa exana xua Cristo xeina daxita i dapo coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi. <sup>10</sup> Apara Cristo piamonae tatsi pam. Cristo, bapon compa yatsicaya Pecanamataxeinaein cana exanatsi xua daxita canamateinatsi pomonae itabocotha peitorobiwi pia peyayapusawatha. Poxonae Cristo panantaewame, jopa ichauyo pacata seicaeyo xua paxeiame xua pocotsiwa Cristo juntema popona paca exana. <sup>11</sup> Paxam anoxuae icha juntu coyene paxeiame Cristo painya nejume cowantsixaemxae, yawano poxoru painya nenantu cui barapentsixaemxae xua abe paexaname. Icha Cristo ichichi poxonae matha xotsi. Bara paca juta ichi. Yawa poxonae xua pamatawuname be equeicha asu pajinompame, icha Cristo ichichi poxonae Nacom asu exana Pexanto poxonae equeicha itowan popona. Bara paca juta ichi painya nejume cowantsixae Nacom. <sup>13</sup> Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiji pam. Daxota Nacom be pomonae pewerapae jiji patsita jinompame. Saya u abe peexanae cuiru coyenein painya nenanta xeina dubenanaebiyaexaemxae, poxoru saya abe painya neexanaewi. Baxua paexaname poxoru barapo peabewa paca itata cadopiteiba xua abe painya neexanaewa tsabi tsane. Jopa Nacom pajeichim poxoru paxam barapocotsimonae pam, pomonae jopa



judiomonae naexanaeyo pam po judiomonae nawi thaba ichaxota pebiwi nareixacaena, Nacom paca exana xua anthathucoyenesuya painya nejinompaewa xua Cristo painya neyawa jinompaewa. Bapon Nacom nacata juntemaina xua daxita abe waexanae cuiru coyenein. <sup>14</sup> Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonae exana xuano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya. <sup>15</sup> Poxonae Cristo naetotha tupa, Cristo pecui pawi cana exana po pentacaponae wi xua abe peexanae wi xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapusa coyene. Pin bicheito itabaratha Cristo aura exana pentacaponae wi. Anoxuae Cristo pentacaponae in exanatsi xua daxita barapo jiwi pecanamataxeinaenexatsi.

*Meje yabara xua jei: "Itapeta payabara nanta xeinare xua pocotsiwa Nacom juntana jeba jiwi, pia nacuatheicha", jei*

<sup>16</sup> Daxota dapon ajibi pon itacupaetsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po matababitha poxonae jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonae jomocoichato aena equeica, matautano po matababitha poxonae pentaquei seicae matomaca poxonae jiwi jopa nacuichiyo. <sup>17</sup> Caena bayatha barapo peitorobi coyenein judiomonae cuidubatsi Nacom, xua saya u pejume. Barapo jumeintha judiomonae cuidubatsi Nacom, xua yabara yapatane peexanaenexa tsainchi pocotsiwa bexa Cristo exanaena. Apra bayatha Cristo patopeica. Icha paxam paichichipame xua painya nenaexanaewa tsane Nacom piamonae tatsi bewa paexanaem pocotsiwa Cristo paca itoroba. <sup>18</sup> Jopa pacopatsinde xua ichamonae paca yabara paeba xua pana natsiaenae cuentame xua jopa painya neexanaexae icha barapomonae ichi. Barapomonae paca aeba poxoru tane petsita itubi coyenewan po coyenewan xua ichamonae jopa taeyo. Barapomonae paca itoroba xua pepawi jiwi painya nenaexanaewa tsane painya coutha icha barapomonae ichi xua bequein jumexaeya paeba xua pinae pecui pawi jiwi. Matautano barapomonae paca itoroba xua matatsunpiwi wnae painya nejainchiwa tsane icha bapomonae ichi. <sup>19</sup> Barapomonae jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonae naca cana exana bapontha wajume cowantsixae. Nacom naca cana exana xua beta wajume cocowantaponaewa, icha be pocotsi coyeneya xua pejume diwesitha paeba, icha poxonae jiwi ichi xua poxonae pia pexui wichatapona pexaewa peapatsixae.

<sup>20</sup> Tsipei Cristo bayatha paca cayawa tupa. ¿Eta xua came awiya payabara nanta xeiname? Poxonae Cristo tupa bapon paca cana exana xua pana nacapanenebiyam abe painya neexanae cuiru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonae baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanae cuiru coyenein weya. Apra saya jame Cristo paca capanepa, naetotha petupaexae. <sup>21</sup> Judiomonae ainya peitorobi coyenewan xeina xua pia peitorobi coyenewanxae pocotsiwa be iche: "Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde", jei.

<sup>22</sup> Barapocotsi coyenein po coyenein xua jopa bewa pinae paexanaem tsane barapo coyenein, bapana jopa paca yawenae xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein apra pia peitorobi coyenein tatsi pomonae saya jiwi. Apra barapo peitorobi coyenewan saya nainya weraweraca icha pexaewa ichi xua nainya weraweraca poxonae jiwi xane. <sup>23</sup> Paxam pananta xeiname xua barapo peitorobi coyenewa xeina peantuyapusa poxoru be paca exana xua xanapanaya pajinompame, yawa be paca exana xua Nacom wnae pajaintame. Barapomonae judiomonae pia abe exaneibi pia coutha naperaxa exaneiba pia juntemainaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua baxua peexanaewa tsane. Barapomonae saya u pepaabeibi, ichitha cataunxuae jopa xanapanaya jinompaeyo.

### 3

<sup>1</sup> Tsipei Cristo bayatha paca cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa

pecoxa weya eca bapon. <sup>2</sup> Saya panaitomtsiya nanta xeinare Jesucristo pia peitorobi coyenewan tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina. <sup>3</sup> Tsipei bayatha paxam paca cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya neantajumopeyapusuwan jiji jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poroxu Cristo peyawa poponaexae Nacom, daxota waxainchi poxonae yawa jinompatsi Cristo barapara iruru yawa jinompatsi Nacom. Baxua jiji jopa paca cui yaputaeyo. <sup>4</sup> Bapon Cristo naca jumope antajumopeyapusu exana. Poxonae Cristo equeicha patopaetsica paca cayawa baru naitutsina jiwitha pexeinya peitupanane coichatha.

*Meje yabara xua peru juntu coyene, xuano xua pena juntu coyene*

<sup>5</sup> Po coyenein xua jiji exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonae paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonae xeina. Bu bichocono pacui yabara nanta xeiname beyacaincha xua poxonae pacui yabara nanta xeiname Nacom. Baxua icha be poxonae paichim poxonae ibo nacom paantobem beyacaincha xua Nacom paantobem. <sup>6</sup> Pomonae xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poroxu barapomonae saya jumefeba nawita pocotsiwa Nacom itoroba. <sup>7</sup> Icha barapomonae ichi, xua abe exana, paxam bara paichim caena bayatha barapocotsiwa paexaname poxonae jopa cataunxuae Jesucristo pajume cowantsim. <sup>8</sup> Ichitha anoxuae daxita pana cui barapende xua daxita peabe coyenein: xua peanaepanae coyenewan, xua juniya pejei coyenewan, xua jopa xanepanaya peexanae coyenein, xua saya abeya peyabara cueicueijiwa coyenewan, xua peyuyujeiwa coyenewan. <sup>9</sup> Jopa caemonaenantiya pana namuxuitorobeibinde, anoxuae pena juntu coyenein painya nexeiinaexae tsipei peru juntu coyenein bayatha papentame. Tsipei barapo peru juntu coyenein jiji ba ajumebeya cui itorobatsi xua abe exana. <sup>10</sup> Tsipei anoxuae pena juntu coyenein paxeiiname tsipei Nacom exana barapo pena juntu coyenein. Barapo pena juntu coyenein paca ita coxone exanapona Nacomtha. <sup>11</sup> Poxonae jiji pena juntu coyenein xeina pejume cowantsixae, baroponae Nacom tsita najupatsi, metha bara bequein griegomonaepin tsipae, iru metha bequein judiomonaepin tsipae, iru metha bequein pon xua pewi thabinchi tsipae xua ichaxota pebiwi nareixacaena, iru metha bequein pon jopa pewi thabinchi tsipae xua ichaxota pebiwi nareixacaena, iru metha bequein pon penanapaincha poponaen tsipae, iru metha bequein pon unupin tsipae, iru metha bequein pon pebusi cui taetaeinchi tsipae, iru metha bequein pon pepu copatinchi tsipae xua bara piawa penata exanaewa tsane. Apara jame meisa bapon Cristo ainya cui peexanaeinchi. Matautano Cristo baru popona pomonaen peantobewixaetsi.

<sup>12</sup> Nacom paca itapeta xua piamonaen tatsi pia paca necaexanaenexa pia paca necaantobexae. Daxota nantanuweya pacui yabara cananta xeinare ichamonaen xua painya neyawaenewa tsane. Yawa betiya payawende ichamonaen. Yawa jopa ichamonaen patsita atsacande xua icha coyene painya neexanaenexa. Yawa jopa paaebinde ichamonaen. Yawa jopa paaitaconaen tsaibinde poxonaen bequein ichamonaen abe pacata exaneiba. <sup>13</sup> Nantiya pana natsita xeinare po juntu coyene xua jopa painya neaitaconaewa xua poxonaen bequein ichamonaen abe pacata exana. Pacui yabara junteinaen poxonaen ichamonaen pacata abe exana, icha Cristo ichi pon jiji Pecanamataxeinaein exanatsi xua daxita paca cui yabara junteina xua abe paexaname. Bara paichinde pana nacui yabara junteinaen daxita pocotsiwa abe pana nata exaname. <sup>14</sup> Barapo coyenein paexande, yawa mataropechixi paexandeno xua bichocono nantiya pana naantobeinde. Poxonaen baxua paexanaename xua painya nenaantobewam, baropoxonaen xaniwaicha paexaname pocotsiwa bayatha paca itorobatsi xua bewa paexanaem icha paxeiiname pexanepanaen cui unthathun. Ichitha poroxu painya nenaantobexae daxota bapo coyenein paexaname. <sup>15</sup> Saya pacopare xua bara Cristo painya juntu coyeneintha pacata itorobina junteina pia pepoponaewa tatsi xua daxota junteina painya nejinompaewa tsane. Tsipei Nacom paca necajainchixae: “Caemonaen painya nenaexanaewi pam”, paca necajainchixae. Paxeiinare po coyene xua pajam tsaibi: “Nacom, maisa pajuntu coyene weiweinan xua painta exaname”, xua po coyene pajam tsaibi.

<sup>16</sup> Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesitha, barichi xuya ichamonaen pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonaen pajume taneme Cristo pejume diwesi. Nacom patanaxunare daxita weixi.

Juntũ coyene weiweinaya patsita naxũnare Nacom. <sup>17</sup> Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moya paexande xua pocotsi peexanaewa ichichipa Jesús pon jiwi Pecanamataxeinaeinxae. Bapontha pajande: “Jesús inta Axatha jande: ‘Maisa juntũ coyene weiweinan xua bapon yawenane’, inta, jande”, pajande Jestutha.

*Meje yabara xua pocotsiwa bewa exanae pomonae Jesucristo pejume cowũntsiwi*

<sup>18</sup> Yabũxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowũntsi jiwi pam Jesús pon jiwi Pecanamataxeinaein. <sup>19</sup> Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

<sup>20</sup> Pexui pamxaem paca tsipaebatsi. Painya axa jiwi xua irũ painya ena jiwi beta pajume naitaewateibiya exaneibare pocotsiwa paca itorobeiba tsipei baxua Jesús pon jiwi Pecanamataxeinaein tsita ita cui xanepanatsi. <sup>21</sup> Coxiyei jiwi pam, xua saya pebiwi jiwi pam paca tsipaebatsi. Painya xoba painya pexui pamxutainyabame xua jopa beta exanaeyo. Icha baxua paexaname pexui jopa beta jinompaetsipae.

<sup>22</sup> Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apará jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wũnae taexanaetsi pomonae painya nepacacanamataxeinaewi. Apará jame painya wũnae taexanaetsi irũ Jesús pon jiwi Pecanamataxeinaein, tsipei paxam pomonae Jesucristo painya nejume cowũntsi jiwi pam. <sup>23</sup> Daxita i daxuan xua paexaname xanepanaya paexanare. Saya u pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton. <sup>24</sup> Bayatha payaputaneme xua bexa Cristo pon jiwi Pecanamataxeinaein paca catsibina xua paca juntana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein. <sup>25</sup> Ichitha pon jopa xanepanaya exanaeyo, bapon xeinaena pentoma xua jopa pexanepanæ matoma. Nacom jiwi jopa natoxeincha necotsiyo. Pomonae pebusi cui taetaewichi, barapomonæ Nacom nanta jũpaya tane, icha pomonae pentacaponæwi ichi xua poxonæ Nacom nanta jũpaya tane. Daxota pon jopa xanepanaya exanaeyo, bapon xeinaena pentoma xua jopa pexanepanæ matoma.

#### 4

<sup>1</sup> Pomonæ pentacaponæwi pam, xanepanaya pacana exande pomonæ painya nebusi cui taetaeibi jiwi, tsipei paxam paxeiname painya pepa Nepacacanamataxeinaein itabocothicha.

<sup>2</sup> Nacomtha cuitiya pana cui babatsiya wũca dubenanaebiyama. Poxonæ Nacomtha pawũqueibame, pajan tsaibinde: “Nacom, maisa pajuntũ coyene weiweinan xua pata tanecatsiwaxaem yawa xua panta exaname beta”, pajan tsaibinde. <sup>3</sup> Yawano panta wũcare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paeebiwiwa tsane. Barapo diwesi caena bayatha jiwi jopa yaputaeyo tsipei Nacom moya yawũn xeina xua jiwi jopa yabara yaputaeyo. Ichitha anoxuæ Nacom ichichipa xua jiwi yaputaena barapo diwesi. Barapo diwesi xua anoxuæ apará xua Cristo naca yanaba. Jiwi pecabi botha neeta tana natsipei cueicueijeixæ barapo diwesi. <sup>4</sup> Panta wũcare Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

<sup>5</sup> Dota pam, xanepanaya beta jume wũnaeya pajinompare, tsipei paca tane pomonæ jopa jume cowũntsiyo Jesucristo. Barapomonæ patsipaebare xua pocotsiwa Nacom ichichipa xua poxonæ po mataqueitha cataunxuae paca itacũpa xua painya netsipaebiwa.

<sup>6</sup> Poxonæ ichamonæ patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

*Meje yabara poxonæ Pablo najume weta po carte*

<sup>7</sup> Daxita Tíquico neyabara diwesi paebina xua paca tsipaebina. Bapon be wayapin watsicotæin tsipei Jesucristo pejume cowũntsin. Bapon paantobein. Irũ bapon Tíquico

Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueijeí tsaibi. <sup>8</sup> Daxota Tíquico painya xainya beya itoroban painya neyaputaenexa xua paxan xanepanaya bara jüntema pajinompan. Yawa bapon paca necacui tsacarabinexa xua jüntema painya nejinompaewa tsane. <sup>9</sup> Tíquico bara beya pona iru ichun napona, pon pewan Onésimo, pon be pata tayapin patsicotan pejume cowantsixaeru Jesucristo, yawano bapon paantobein. Barapon beta xanepanaya pepoponaein Nacomtha. Tíquico irano Onésimo, baponbe daxita yabara paca tsipaebina xua pocotsiwa xote exananje.

<sup>10</sup> Iru Aristarco tajiton, pon jiwi pecubi botha paecanbe, bapon paca jacoba. Iru Marcos paca jacoba, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantenta weyataeya wabare. <sup>11</sup> Iru Jesús paca jacoba, pon icha wanno, Justo. Po acoibi poyobe, poyobe xuaunxuae paca jacoba meisa saya barapoyobe neyawena xote poyobe xua jiwana judiomona, po judiomona Jesucristo pejume cowantsiwichi jiwana. Barapo acoibi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamona tatsi petajume cowantsixaetsi Pexantotha. Barapoyobe nejuntu cui tsacarababe xua jüntema tapoponaewa tsane. <sup>12</sup> Iru Epafras paca jacoba, pon painyamona jiwana. Bapon Epafras Cristo Jesús pia petanacuichin tatsi. Bapon jume daunweya pacata wunqueiba Nacomtha, xua Nacom xanepanaya paca necaantuyarusua daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa. <sup>13</sup> Xan bara yatsicaewa tacui taewa xua Epafras pacata jume daunweya wunqueiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa. <sup>14</sup> Iru Lucas paca jacoba, pon jiwi peyawubin, pon bichocono antobetsi xua jiwi antobe. Iru Demas paca jacoba.

<sup>15</sup> Painta jacobare Jesucristo pejume cowantsiwichi, pomona Laodicea tomaratha ena. Iru painta jacobare powa pewan Ninfa. Iru painta jacobareno pomona pejume cowantsiwi, pomona nacaetuteiba Ninfa pia botha tatsi. <sup>16</sup> Poxona barapo carte payorobame equeicha ichun pacare xua pecaponaenexa Laodicea tomara beya, xua xuya peyorobinexa barapo carte pomonaetha pomona pejume cowantsiwi poxona nacaetuta. Yawa poxona Laodicea tomaramona pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha. <sup>17</sup> Paxam Arquivo pabarande: “Taema Arquivo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua wunaeya xanepanaya nacui yabara jume wetsiname xua exaname”, pajande.

<sup>18</sup> Xan, Pablon, paca jacobatsi. Baxoyo tacobe couyeje, xoyo tinaxuban. Jopa pajuntemainaeinde xua jiwi pecubi botha taecaewa. Nacomtha painta wunqueibare. Barabu Nacom jüntema jinompa paca exana pia paca necaantobexae.

Baja Pablo.

## Meje Po Carte Copiya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowuntsiwxiae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

*Meje yabara xua Pablo yabara paeba xua Tesalónica tomarapiwi pinae beta jume cowunta*

<sup>2</sup> Pacata tsipaebibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowuntsiwi”, pajan tsaibi Nacomtha. <sup>3</sup> Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowuntsiya cata exana dubenanaebiya. Matautano, bichocono necaantobexae daxota ayapusaya cata nacuita dubenanaebiya. Maisa bichocono barapomonae wuna ewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha. <sup>4</sup> Paxam pomonae painya nejume cowuntsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonae paca exanaetsi. <sup>5</sup> Poxonae Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumope tuxaxu tatsi pia peyapusu itorobi coyenewatha tatsi pana yawena, xua pata cueicueijiwa. Barapo diwesi bara xaniwaicha jume cowuntatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

<sup>6</sup> Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonae atene paca exana painya nejume cowuntsixae Jesucristo, ichitha barapo diwesi awiya juntu coyene weiweinaya pajume cowantame. Barapo pejuntu weiweinae coyene Nacom pia Pejumope tuxaxu tatsi paca cata. <sup>7</sup> Baxuan painya neexanaexae daxota ichamonae pomonae pejume cowuntsiwi Jesucristo, pomonae Macedonia nacuariwi, barapomonae exana pocotsiwa paexaname. Iru baxuan exana pomonae Acaya nacuanpiwi. <sup>8</sup> Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuariwi iru Acaya nacuariwi jume tane. Jopa meisa barapo nacuabepiwi bara apara daxita nacuanpiwi iru jume taneru. Daxita barapo jiwi paca yabara yaputane xua painya nejume cowuntsiwa Nacom. Daxota jopa panantawenonaeyno xua paca yabara paebatsi ichamonaetha. <sup>9</sup> Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomun po ibo nacomun copiya wuna pajainteibame pabebam painya nejume cowuntsixae Nacom. Matautano paca yabara paeba xua bapoxonae patamropatarucupame xua pata taexaname Nacom pia petanacuihiwa tatsi, pon yatsicaewa pepa Nacom, pon ataya tsitecaeya asu pepoponaein. <sup>10</sup> Matautano barapomonae pana netsipaeba xua pinae paxam Jesús pawuna ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petupae coyene cuiru weya. Barapon Jesús naca napaeba exanaena Nacom beya, poxonae Nacom copatsina xua jiwi bichocono peraxa jubebinchi abe peexanaexae.

## 2

*Meje yabara po coyeneya Pablo tanacuita Tesalónica tomarapiwi*

<sup>1</sup> Patamonae paxam pomonae pam pomonae iru painya nejume cowuntsiwi Jesucristo icha paxan paichin. Payaputaneme xua tapaca siwa ponaewatsi baxua wuna pata cayawenaexaetsi. <sup>2</sup> Poxonae Filipos tomaratha paponan, barapomonae abe pana exana. Yawa tsumu jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipaebinxatsi barapo Nacom pia

pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonaē pana jume matawenta. <sup>3</sup> Poxonaē paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. <sup>4</sup> Nama Nacom patsita juntu coyene xanepanan xua xainyeya paca tacueicueijexae. Daxota Nacom pana neitoroba xua pata tapaebinexa pia pecapanenebiyae diwesi jume. Apra jopa baxua paexanaeinyo xua daxota jiwi pata taneweyataenexa. Jame apra baxua paexanan xua Nacom pata taneweyataenexa. Barapon pana nejuntu coyene yaputane xua poxonaē paexaneiban. <sup>5</sup> Paxam bayatha payaputaneme xua jopa paca tsipaebichi po jume ba jiwi piraichi jume wanaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo. <sup>6</sup> Jopa bapana paichichipaeinyo xua jiwi wanaē xua tanejainchiwa, xua poxonaē metha bequein bara barapomonaē pam, ichacuiitha xua poxonaē bequein ichamonaē iru. <sup>7</sup> Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apra saya bewayo paca yayawenaponatsi, icha be pocotsi coyeneya petsiriwa ichi poxonaē pia pexui bewayo wichiitya yayawenapona. <sup>8</sup> Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonaē daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi! <sup>9</sup> Patamonaē pam, paxam pomonaē iru painya nejume cowuntsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matababintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxonaē paca cuidubatsi Nacom Pejume Diwesi.

<sup>10</sup> Paxam pomonaē painya nejume cowuntsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya xantha daxita carepaya paxamtha. Matautano Nacom patsita juntu coyene xanepanan, xua penatsicuentiwa jopa bapon patsita xeinaeinyo. Daxota ichamonaē jopa pana neyabara paebiyō xua abe pata pacata exanaewatsi. <sup>11</sup> Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonaē bichocono paanthuthutanem tsaibi xua abe painya nepacata exanaexae ichamonaē. Daxita barapo coyenein bara paexanan icha be pocotsi coyeneya coxiyan cana ichiya exana pia pexuiitha. <sup>12</sup> Paca itorobatsi xua bewa beta pajinompae, icha pomonaē Nacom pejume cowuntsiwi ichi xua bewa beta jinompae. Baraxua paexande poxoru Nacom paca wan duba piamonaē painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitupanaē coyenewa.

<sup>13</sup> Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonaē patsipaeban jinya jume diwesi. Barapomonaē nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apra saya jiwi pia diwesi”, pajan Nacomtha. Xaniwaicha barapo diwesi apra Nacom Pejume Diwesi painya paca cana exanaexae xua icha juntu coyene painya nexainaewa pomonaē painya nejume cowuntsixae Jesucristo. <sup>14</sup> Patamonaē pam. Ichamonaē atene paca exana pomonaē painyamonaxae. Baxua paca cana exana, icha Judea nacuapiwi ichichi pomonaē pejume cowuntsiwi Cristo Jesús. Daxita barapomonaē ajuntucoyenetane exainchi pomonaē piamonaxae pomonaē judiomonaē axae. <sup>15</sup> Caena bayatha judiomonaē pia pamo susato jiwi tatsi juteba, pomonaē Nacom pia peitorobi jume pepaebiwatsi tatsi jutebatsi. Cotacaya icha judiomonaē Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonaē pana yotaba pata penacaeutatsi bo weya. Pocotsiwan barapomonaē exana Nacom baxuan jopa tsita xanepanaetsi. Barapomonaē nacana exana pomonaē daxita jiwi pia peaitafaetabi jiwichi. <sup>16</sup> Paichichipan xua patsipaeban Nacom Pejume Diwesi pomonaetha pomonaē jopa judiomonaē naexanaeyo xua iru Nacom pecapanenebiyaenexa tsane bequein judiomonaē pata tanejume itawetsiwatha tsane poxonaē patsipaeban Nacom Pejume Diwesi. Poxonaē judiomonaē barapo abe peexanaē coyene pana tsiexana bapoxonaē opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonaē, penatsicuentisixae abe peexanaexae bapontha.

*Meje yabara xua equeicha Pablo besiuw ponaena Tesalónica tomarapiwi*

<sup>17</sup> Paxam pomonae patamonae pam, poxonae bequein paxan tajū paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi. <sup>18</sup> Paxan matowa paichichipan xua caewa pata paca siwa ponaewatsi. Xan, Pablon, ichacuiitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba. <sup>19</sup> Ichichipan paca siwa ponatsi poxoru paxam pana necana exaname xua pajūntū coyene weiweinan. Barichi paxam pomonae pana necana exaname xua pawūnae ewatan. Barichi paxam pomonae pana necana exaname xua matowa payabara pæban pocotsiwa xua paexanan poxonae paca cuidubatsi. Poxonae Jesucristo pon jiwī Pecanamataxeinaein equeicha caewa patopeicaena bapontha paca yabara pæbinchi po coyene xua paxam pana necana exaname. <sup>20</sup> Xaniwaicha paxam pomonae pam pana nejūntū coyene weiweina cana exaname. Mataūtano paxan pomonae pana necana exaname xua paca yabara wūnae jainchinchi Jesucristo peitabaratha poxonae bapon peitabaratha tatsi paca barū umenaeinchi beta painya neexanaexae.

**3**

<sup>1-2</sup> Jopa pana itacūpaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowūnta Nacom painya pia paca necataenexa tsanebe. Mataūtano juntucuru pananta xeinan xua Silvano compa pæcaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacūpatsi xua ajūntūcoyeneypasū paca cana exana. Mataūtano itacūpatsi xua paca jūntū cui tsacaba exana xua awiya mataropeichiya painya nejume cowūntaponaenexam Nacom. <sup>3</sup> Bapoxonae dapon aibi tsane paxam jiwana pon ajūntūcoyenefaetabiya jume cowūnta xua ichamonae abe pæxanaexae bapontha. Paxam bayatha payaputaneme xua daxota bewa ichamonae atene naca exanaena wajume cowūntsixae Jesucristo. <sup>4</sup> Mataūtano poxonae cataunxuae paca barū enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno. <sup>5</sup> Tsipei xan jopa neitacūpaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowūnta dubenanaebiyame Jesucristo?” jei. Baxua beyaputaein tajunuwixae xua caurimonae pia pentacaponaein tatsi pon jiwī pejūntū coyene jūjūtsin paca cui jūjūtsipa xua abe painya neexanaewa tsane. Bapoxonae pocotsiwa xua pata tapacata nacuichi-watsi jopa paca yawenaetsipae xua jopa xapain painya nejume cowūntsixaem tsipae.

<sup>6</sup> Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowūnta dubenanaebiyame Jesucristo. Mataūtano yabara pana tsipaeba xua pinae nantiya pana naantobe tsurubenaebiyam. Mataūtano yabara pana tsipaeba xua pinae pana neyabara antobeya nanta xeiname mataūta xua pinae bepana netaeneme, icha paichin xua bena tapaca taewatsi tsainchi. <sup>7</sup> Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajūntū coyene sadūjan poxonae pajume tan xua pinae beta pajume cowūnta dubenanaebiyame Jesucristo. <sup>8</sup> Poxonae paxam awiya beta pajume cowūnta dubenanaebiyame Jesucristo, pon jiwī Pecanamataxeinaein, baxua pajūntū coyene sadūjan pata jinompaewatha Nacom nexa. <sup>9</sup> Anoxuae pana itacūpa xua pata jeiwa: “Nacom maisa pajūntū coyene weiweinan Tesalónica tomarapiwi beta necajume cowūntsixae”, pata jeiwa. Paxam pomonae pana nejūntū coyene weiweina cana exaname poxonae Nacom patsipaeban. <sup>10</sup> Matacabintha, merawinthano Nacomtha pacata wūqueibatsi. Nacom pawūqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowūntsiwa Jesucristo pocotsiwa yabara pacata seica xua painya yabara neyaputaewa Jesucristo.

<sup>11</sup> Paichichipan xua Nacom pon Waxa irū Jesús pon jiwī Pecanamataxeinaein pana yawenaena xua pata paca casiwa ponaenexatsi. <sup>12</sup> Mataūtano paichichipan xua Jesús, pon jiwī Pecanamataxeinaein, paca cana exanaena xua equeicha bichocono tox-einchiya paxeinaponaeneme peantobe coyenewa xua nantiya painya nenaantobexaem tsane. Mataūtano paichichipan xua barapo peantobe coyenewa daxita jiwī painya tsita xei-naenexa icha paca ichichi xua bichocono paca antobetsi. <sup>13</sup> Mataūtano paichichipan xua Nacom pon Waxa, painya nepaca cana exanaenexa xua bichocono painya nejūntū coyene xanepanaewa. Mataūtano paichichipan xua Nacom pon Waxa bichocono

aꝓntuꝓapꝓuꝓa paca cana exanaena. Bapoxonaꝓ paxam bichocono Nacom tsita ꝓntuꝓ coyene xanepanaeinchi. Bapoxonaeno jopꝓ patsita natsicuentim tsane abe painya neexanaexae bapontha. Barapocotsi ꝓta coyene awiꝓa paexanaponaename beya poxonaꝓ Jesús pon Wanacanamataxeinaein, piamonaꝓ barꝓ patopeicaena daxita.

#### 4

*Meꝓe yabara po ꝓntuꝓ coyeneya bewa jiwi tajinomꝓae Nacom po coyene xua Nacom tsita xanepanatsi*

<sup>1</sup> Patamonaꝓ pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payaꝓntuꝓ coyene jinomꝓaem po ꝓntuꝓ coyene xua Nacom tsita xanepanatsi. Mataꝓtano anoxuae equeicha matowa paexanaponde barapo coyenein, po coyenein xua anoxuae paexanaponaem”, paca jeichi.

<sup>2</sup> Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein. <sup>3</sup> Xua jame Nacom pocotsiwa ichichipa xua paxam bewa bichocono ꝓntuꝓ coyene xanepanaya pajinomꝓaem Nacom peitabaratha xua daxota ichamonaꝓ patsita itapeinya xeiname xua bara Nacom painya neantobe jiwi pam. Jopꝓ panasi cui exana dubenanaebiyaeinde ichamonaꝓ pia seurixitha tatsi. <sup>4</sup> Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Mataꝓtano bapom bewa barꝓ cui itura jinaena piowa pia peantobexae. Daxita baromꝓaya pebiwi pam bewa irꝓ bara paichim tsane. <sup>5</sup> Barichi barapo pebin jopꝓ bewa exanae tsane barapowatha po coyene xua saya pia penaquenta exanaetsi. Tsipei ichamonaꝓ pomonaꝓ jopꝓ Nacom yaputaeyo, barapomonaꝓ abe nanta xeina nawita xua yabꝓxi yabara xua penaquentsiwa yabara. Barapo coyene painya xoba paexanaem. <sup>6</sup> Jopꝓ paexanaeinde barapo abe peexanae coyenewatha pontha pon irꝓꝓ pejume cowantsin Nacom. Jopꝓ bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi. <sup>7</sup> Nacom jopꝓ naca wꝓn dubiyo piamonaꝓ wanaca exanaenexa xua abe waexanaponaewa tsane. Jame apara Nacom naca wꝓn duba xua ꝓntuꝓ coyene wꝓnaeya wajinomꝓaenexa Nacom peitabaratha tatsi xua daxota ichamonaꝓ tsita itapeinya xeinatsi xua bara Nacom pijimonaꝓ tatsi wanaexanaexatsi. <sup>8</sup> Pon jume itaweta po coyene xua ichꝓn pepichiwa yabara xua ichꝓn piowa tatsi, apara bara bapom jume itaweta Nacom pia pecuidubi coyenewa tatsi. Jopꝓ apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope tꝓnaxꝓ tatsi xua painya yawa jinomꝓaenexa.

<sup>9</sup> Po peantobewa xeina pomonaꝓ pejume cowantsiwi Nacom, xua nantiya caemonaꝓ pe-naantobewa, xan jopꝓ nantawenonaeinyo xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane. <sup>10</sup> Bara baxua paexaneibame xua paantobe tsurubenanaebiyam daxita pomonaꝓ jinomꝓa Macedonia nacuatha, pomonaꝓ pejume cowantsiwi Nacom. Ichitha paxam patamonaꝓ pam painya nejume cowantsiwixae Nacom, paca itorobatsi xua awiꝓa mataropeicha paantobe tsurubenanaebiyama equeicha matowa. <sup>11</sup> Bichocono paichichipare xua painya neexanaewa xua po coyene meꝓe: ꝓntema parubenanaebiyama, xua jopꝓ pana najume matsontsonoba dubenanaebiyam. Mataꝓtano painya xoba patsipaebibame ichamon-aetha po coyenein barapomonaꝓ bewa exanae. Mataꝓtano baromꝓaya painya penacuichi-wan pana natsixana dubenanaebiyama icha be pocotsi coyeneya bayatha paca tsipae-batsi. <sup>12</sup> Icha barapocotsiwa paexanaename ichamonaꝓ pomonaꝓ jopꝓ Nacom pejume cowantsiwi paca barꝓ cui itura jinaena xua bara beta painya neexanaexaem. Mataꝓtano jopꝓ panantawenonaem xua ichamonaꝓ pawꝓcame pocotsiwa xua panantawenonaem.

*Meꝓe yabara poxonaꝓ Jesucristo pon jiwi Pecanamataxeinaein equeicha caewa patopaet-sica*

<sup>13</sup> Patamonaꝓ pam, paichichipan xua painya neyaputaewa po coyene pexainyei coyene, xua petꝓpaewi yabara. Mataꝓtano jopꝓ paichichipaeinyo xua be wecoyeya pajinom-pame icha be ichamonaꝓ ichi pomonaꝓ jopꝓ pejume cowantsiwi Nacom. Barapomonaꝓ be wecoyeya jinomꝓa jopꝓ xanepanaya pewnae ewatsixae po coyene xua poxonaꝓ petꝓpaewi equeicha asꝓ tsane. <sup>14</sup> Waxainchi jume cowantatsi xua Jesús tꝓpa naetotha xuano equeicha Nacom asꝓ juina exana. Icha Nacom pexanto cana ichi, waxainchi jume cowantatsi xua Nacom bara cana ichi tsane pomonaetha pomonaꝓ bayatha werapa. Barapomonaꝓ pejume cowantsixae Jesús, poxonaꝓ werapa asꝓ jujuina exanaeinchi xua



Nacom exanaena. Nacom barapomonaē baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

<sup>15</sup> Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonaē cataunxuae asu jinompa poxonaē patopaena pon jiwi Pecanamataxeinaein barapomonaē copiya jopa jujuinya exanaē tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonaē bayatha werapa. <sup>16</sup> Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueijeji matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonaē pomonaē Cristo jume cowwantsi xua pomonaē bayatha yacui werapaeya othopa bapomonaē copiya asu jujuina exanaeinchi. <sup>17</sup> Bapoxonaē cotacaya waxainchi pomonaē cataunxuae asu jinompatsi, pomonaē wajume cowwantsiwi Jesús naca cayawa muxuna caetucuetutsiya caponaena pomonaē copiya pewaterpaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein waxaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. <sup>18</sup> Daxota barapo jumetha caemonae nantiya pana najuntu coyene tsacabare xua painya neyaputaewa tsane, po coyene xua pewaterpaewi yabara.

## 5

<sup>1</sup> Patamonaē pam, jopa nantawenonaeyino xua yabara pacata tinatsi matababi, yawa dapae yabara xua poxonaē Jesucristo pepatopeicaewa tsane. <sup>2</sup> Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonaē xapain jopa nanta xeinaē tsainchi, icha pon pecaibin ichi xua jemeicha patopa merawitha. <sup>3</sup> Poxonaē jiwi jei tsane: “Maisa juntema jinompatsi tsipei daxita wūnaē tsurucuae”, jei tsane, bapoxonaē patopaena jemeicha po dapaetha poxonaē jiwi bichocono atene exanaeinchi. Jiwi jopa itacupaē tsainchi xua panenebiyaena barapo peatenewa weya. Jiwi atene exanaeinchi icha yabayo ichi xua bichocono bewa atene tsane xua pexuyo poxonaē naexanaena. <sup>4</sup> Patamonaē pam, paxam jopa dapocotsimonaē pam, pocotsimonaē jopa jume cowwantsiyo Nacom. Poxonaē equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonaē jiwi nabenaeca xua pecaibin jemeicha patopa. <sup>5</sup> Paxam pomonaē Nacom payabara yaputaneme. Daxota beta painompame icha be ichamonaē ichi, xua mataqueitha beta taeya jinompa xua penta petsuncuaeaxae. Waxainchi jopa dapomonaetsi xua icha be ichi pomonaē abeya jinompa jopa pejume cowwantsi jiwixae Nacom. Barapocotsimonaē be pomonaē poxonaē jinompa pequireiwatha, jopa beta jinompaeyo pequirei tsuncuaeaxae. <sup>6</sup> Pomonaē jopa pejume cowwantsiwichi Jesucristo barapomonaē jopa tsaca jinompaeyo xua pewnaē ewatsinexa Jesucristo pia pepatopeicaewa tsica tsane. Barapomonaē be pocotsimonaē xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompaewa poxonaē wūnaē ewatatsi Jesucristo pia pepatopeicaewa tsica tsane. <sup>7</sup> Pomonaē ba xua maita, bara merawi maita. Iruru pomonaē ba cupatsi peatsaxa mera, bara merawi cupatsi. Daxita barapomonaē jopa xapain Jesucristo wūnaē ewatichi. <sup>8</sup> Ichitha waxainchi wajume cowwantsixaetsi Jesucristo, daxota bewa juntu coyene coxonaetsi xua tsaca jinompatsi xua wawūnaē ewatsiwa Jesucristo. Waxainchi xanepanaya bewa beta jume cowwantsi Nacom. Matautano bewa beta nantiya naantobetsi. Barapo coyenebe naca juntu coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowwantsiya wūnaē ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasipabe exanaeyainwatsi. <sup>9</sup> Nacom jopa naca itapetsiyo xua wanaca atene exanaenexa wanatsicuentiswaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetotha pon Wanacanamataxeinaein. <sup>10</sup> Jesucristo naca tsitupa naetotha wanaca baru jinompaewa tsane pia nacuatheicha, bequein waxainchi bayatha werapatsi, yawano ichacuihtha bequein waxainchi awiya asu jinompatsi, poxonaē bapon patopaetsica. <sup>11</sup> Daxota paxam bewa awiya daxita nantiya pana najuntu coyene tsacabim. Matauta bewa nantiya pana naajuntucoyenesu exanaem beta painya nejume cowwantsinexa icha paichiponaem xua anoxuae paexanaponaē.

*Meje yabara xua Pablo muxuweta pomonaē Jesucristo pejume cowwantsiwichi*

<sup>12</sup> Patamonaē pam, paca muxuwetatsi xua pabarũ cui itura jinare pomonaē painya xantha Nacom tanacuitatsi xua pomonaē paca matakapona. Barapomonaē paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa. <sup>13</sup> Bewa barapomonaē beta pabarũ cui itura jinaem peainya cui jiwixae. Mataũtano bewa bichocono paantobem xua barapomonaē betiya painya nepaca mataxeinaexae. Daxita pam nantiya jũntema jinompa pana naexande.

<sup>14</sup> Patamonaē pam, paca itorobatsi xua jume daunweya pamuxuwere pomonaē afaetabi xua penacuichiwa. Pajũntũ coyene cui tsacabare pomonaē jũntũ coyene junuwiya jinompa ichamonaē atene peexanaexae barapomonaetha. Mataũtano payawende pomonaē jopa ajũntũcoyenesũya jinompaeyo Nacomtha. Bewayo payawende barapomonaē xua jopa painya neaitaconaewam.

<sup>15</sup> Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajũntũteibare xua nantiya painya nenata exaneibinexa, xuanõ irũ daxita jiwino.

<sup>16</sup> Barabũ tsitecaeya pajũntũ coyene weiweina dubenanaebiyama. <sup>17</sup> Daxita matakabi Nacomtha patsipaebeibare matowa. <sup>18</sup> Daxita pocotsiwa pacata exana bequein jopa pacata wũnaeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom maisa pajũntũ coyene weiweinã xua pata tana neyawenaewam poxonaē bequein painta daunwei tsaibi”, pajam tsaibinde. Poxonaē baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca barũ jinompaexae.

<sup>19</sup> Jopa paitawetsinde Nacom pia Pejumope tũnaxũ tatsi poxonaē paca itoroba pocotsiwa bewa paexanaem. <sup>20</sup> Jopa pajume itawetsinde po diwesi xua ichamonaē paeba pomonaē Nacom Pejume Diwesi pepaebiwi. <sup>21</sup> Incane pajume taema daxita po diwesin xua barapomonaē paeba icha bara metha xaniwaicha po diwesin pona Nacom weya. Saya paitapere po coyene xua pexainyeiwa. <sup>22</sup> Daxita po coyenein peabe coyenein panaitemare xua jopa painya neexanaewam abe peexanaē coyenein.

<sup>23</sup> Bara Nacom, pon jũntema jinompa naca exana, barabũ barapon paca jũntũ coyene ayapũsũ exanaena xua jupa paca cana exanaena icha bapon ichi xua jũntũ coyene xanepana. Mataũtano barabũ Nacom paca jũntũ coyene xanepana exanaena painya nejinompaewa tsane bapon nexa xua jopa painya nexainaewam penatsicuentisiwa xua abe painya neexanaexae bapontha. Barabũ Nacom beta paca jumope eenaena, yawano xua painya jũntũ coyenewa, mataũtano xua painya pepon xua Jesucristo nexa pon Wanacanamataxeinaein xua beya poxonaē bapon patopaetsica. <sup>24</sup> Nacom ponxae xua paca wũn duba pia paca exanaenexa piamonaē tatsi, bapon xainyeya pepaebin. Mataũtano bapon exanaena pocotsiwa xua bayatha yabara paca tsiwũnaē muxu duta.

*Meje yabara xua Pablo najume wetsiya paeba*

<sup>25</sup> Patamonaē pam, painta Nacomtha wũqueibare.

<sup>26</sup> Antobeya painta jacobare daxita pomonaē patamonaē pomonaē Jesucristo pejume cowantsiwichi.

<sup>27</sup> Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonaē Jesucristo pejume cowantsiwichi”, paca jeichi.

<sup>28</sup> Jesucristo, pon Wanacanamataxeinaein, barabũ paca yawena pia paca necaantobewaxae.

Baja Pablo, irũ Silvano, irũ Timoteono ponbe necueyatabe.

## Meje Po Carte Cotacaya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonae Tesalónica tomarapiwi pam, pomonae panacaetutame xua wnae painya nejainchinexa Nacom. Paxam iru pomonae pejume cowantsi jiwi pam, pomonae painya neyawa jinompaewi Nacom, pon Waxa. Matauta paxam pomonae xua painya neyawa jinompaewi Jesucristo, pon jiwi Pecanamataxeinaein. <sup>2</sup> Barabu Nacom, Waxa, iru Jesucristo, pon jiwi Pecanamataxeinaein, paca yawenaena pia paca necaantobewaxae xua juntu coyene weiweinaya painya nejinompaewa tsane. Matautano barabu betiya xanepanaya junte miya jinompa paca cana exanaena.

*Meje yabara xua poxonae Nacom yabara paebina jiwi xua penatsicuentisiwa xua abe peexanaexae poxonae Cristo equeicha patopaetsica*

<sup>3</sup> Patamonae pam paxam pomonae iru painya nejume cowantsi jiwixae Jesucristo. Bewa pacata wncaponeibinchi Nacom, xua pata jei tsaibiwa: “Nacom maisa pajuntu weiweinan xua Tesalónica tomarapiwi beta xanepanaya cajume cowanta”, xua pata jei tsaibiwa tsane Nacomtha. Baxua painta wnae xua paexanan, tsipei equeicha matowa mataropeichiya pajume cocowantaponame. Matautano equeicha matowa nantiya pana naantobem tso-ponaem xua daxita paxam. <sup>4</sup> Daxota juntu coyene weiweinaya paca yabara paebatsi Nacom piamonaetha xua ichamonae matabuxu. Paca yabara jeichi: “Maisa Tesalónica tomarapiwi jume cowanta beta, yawa saya beta dubenanaebiya poxonae bequein atene exanatsi abeya peyabara paebeibixaetsi ichamonae. Matautano barapomonae beta exana dubenanaebiya xua bequein atene exanatsi xua poxonae ichamonae abe peexaneibixaetsi”, paca yabara jeichi barapomonaetha. <sup>5</sup> Baxuan tsita itapeinya xeina xua poxonae bequein Nacom yabara paeba jiwi xua penatsicuentisiwa yawa peraxa jubitha barapo jiwi, barapara xanepanaya exana. Tsipei barapo jiwi natsicuenta Nacomtha abe peexanaexae. Daxota Nacom bara paca yabara cui copata xua painya patsinexa pia peitorobi nacua beicha tatsi, tsipei bichocono paatenem painya nejume cowantsixaem bapon.

<sup>6</sup> Pomonae xua paca atene exana, bexa tsane Nacom xuya cana exanaena xua barapomonae peraxa jubinchi. Barapara Nacom baxua beta exana pia abe pacata exanaexae barapomonae. <sup>7</sup> Nacom paca nafifina capanenebiya exanaena xua paca yabara cui opi ducia exanaena xua ichamonae atene paca exana. Iru paxantha barichi tsane Nacom, xua poxonae Jesús patopaetsica, pon jiwi Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapuswatha patsicaena. Matautano Jesús muxuna patopeicaena pexeinya peitupanae coicha xua be isoto. <sup>8</sup> Jesús patopaetsica xua atene peexanaenexa jiwitha abe peexanaexae pomonae jopa yaputaeyo Nacom, penaitematsixaetsi. Matautano atene exanaeinchi pomonae jopa jume cowantsiyo Jesús pia pecapanenebiyae jume diwesi tatsi, pon Wanacanamataxeinaein. <sup>9</sup> Barapo jiwi ataya tsitecaeya ajuntucoyenetane tsane tsana penobixae tsainchi taju beya xua bapon pon jiwi Pecanamataxeinaein pia xainya weya tatsi. Matautano barapo jiwi jopa tae tsane pon jiwi Pecanamataxeinaein pia pexeinya peitupanae coicha tatsi, xuano xua pia peayapusu itorobiwa tatsi xua bichocono pexeinya coyene. <sup>10</sup> Baxuan Nacom exanaena po matabitha abu poxonae patopeicaena pon jiwi Pecanamataxeinaein, xua daxita piamonae pebaru cui itura jinaenexa tsainchi. Matautano bapon daxita piamonae nabenaecaeya wnae jainchinchi pomonae pejume cowantsiwichixaetsi. Paxam bara paichim tsane barapo matabitha painya nejume cowantsixaemxae po diwesi jume bayatha paca tsipaebatsi.

<sup>11</sup> Daxota ataya paca yabara wunqueibatsi Nacomtha. Pajan: “Nacom yawende barapomonae xua jinompaena po coyeneya icha xua xam ichichipame poxonae wun dubame barapomonae xua penaexanaenexa jinyamonae. Matautano yawende barapomonae pewetsinexa tsane jinya neayapusu itorobi coyenewatha po coyene xua wnae, po coyene barapomonae ichichipa xua peexanaewa. Matautano yawende barapomonae pewetsinexa po penacuichiwa exana necajume cowantsixae”, pajan Nacomtha. <sup>12</sup> Icha beta pajinompaeme, jiwi wnae jainchina Jesús, pon Wanacanamataxeinaein, painya nejume cowantsixae tsane bapontha. Matautano Jesús cana exana xua barapo jiwi wnae paca jainchina painya paca cataexae tsane xua Nacom paca yawena, pia paca

necaantobewaxae, xuano xua Jesucristo paca yawenaru pia paca necaantobewaxae pon jiwi Pecanamataxeinaein.

## 2

### *Meje yabara xua equeicha patopaetsica pon jiwi Pecanamataxeinaein*

<sup>1</sup> Patamonae pam, anoxuae nama yabara bepaca tsipaebinchi xua Jesucristo, pon Wanacanamataxeinaein, equeicha pepatopaewa tsica. Matautano ichichipan yabara xua tapaca tsipaebiwatsi xua wanaca baru nacaetusiwa bapon. Daxota jume daunweya paca tsipaebatsi baxua. <sup>2</sup> Icha ichamonae paca tsipaeba xua pinae anoxuae maticabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepijawa payabara najuntu coyene cabenaecaenae xua daxota jopa beta pananta xeinaem. Jopa bichoina payabara jume cowantsinde bequein paebitha tsane xua pinae baxua barapomonae tsipaebatsi Nacom pia Pejumope tunaxu tatsi. Matautano painya xoba payabara jume cowantame bequein paebitha tsane xua pinae baraxua yabara paebandu. Matautano painya xoba payabara jume cowantame bequein paebitha tsane xua pinae barapomonaetha naraxua payabara tinandu. <sup>3</sup> Jopa pacopatsinde xua ichamonae yabara paca muxitoroba baxua bequein pinmonae paca tsipaebitha tsane baxua. Tsipei baxua pewanaeya tsane xua poxonae barapo maticabi jopaena, bewa matha patopaena xua po coyene jiwi Nacom naitematinchi. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounayiyo. <sup>4</sup> Bapon Nacom abe yabara paebinchi. Bapon jopa tsita ainya cuiyo tsainchi daxita pocotsiwa jiwi wuna jainta. Matautano bapon jopa tsita ainya cuiyo tsainchi bequein po nacomn jiwi exana. Bapon pia coutha penacanamataxeinaein naexana xua peewatsiwa daxita pocotsiwan Nacom piawa, xua pia wuna jaintichi, xua jiwi wuna jainchina. Matauta bapon ecaena Nacom pin pia botha xua pia coya Nacom najainta.

<sup>5</sup> Jbara baxuan yabara caena bayatha paca tsipaebatsiba poxonae cataunxuae paca baru popoinchi! ¿Bara pajantemainame jampa? <sup>6</sup> Anoxuae paxam payabara yaputaneme po coyene xua peayapusu itorobi coyenewa bapon cui matawentatsi xua pepatopaewa. Saya beya jame patopaetsica poxonae barapo maticabi tsane xua bapon copatinchi xua pepatopaewa tsica tsane. <sup>7</sup> Pinmonae anoxuae bichocono abe exanapona. Saya waxainchi yabara yaputaenchi baxua Nacom pia wanaca yaputane exanaexae wajume cowantsixae. Nama pomonae jopa jume cowantsiyo jopa yabara yaputaeyo baxua. Saya meisa acoibi xua pitinchi pon xeina barapo peayapusu itorobi coyenewa xua pecu matawentsiwatsi pontha pon bichocono abe peexanaein. <sup>8</sup> Saya bapoxonae naitatsina bapon pon bichocono abe peexanaein. Ichitha poxonae Jesús, pon jiwi Pecanamataxeinaein patopaetsica, bapon bexubina pon bichocono abe peexanaein bexubinchi poxonae ofutarabina, xua ataya weraweraca pecana exanaenexa pexeinya peitapanae coicha peyawa naitatsiya patopeicaexae tsane. <sup>9</sup> Pewanaeya tsane xua poxonae Jesús bexubina pontha pon bichocono abe peexanaein, Satanás pon caurimonae pia pentacaponaein tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusuwa yawa patopaena. Matautano bapon daxita coyeneintha pexeinya petsita itabiwan exanaena peayapusuwatha xua jopa xainyeyo xua jiwi pemuxujainyabinexatsi. <sup>10</sup> Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowantsiwa pexainyei jume diwesi po diwesi xua barapomonae pecapanenebiyaenexa tsainchi. <sup>11</sup> Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowantsina barapo penaerabi diwesi jume. <sup>12</sup> Pomonae jopa bejume cowantsiyo pexainyei diwesi jume barapomonae saya ichichip nawita xua peabe coyenewan exana. Barapomonae Nacom caununaya itawetsina poxonae yabara paebina xua barapomonae Nacom tsita natsicuentatsi xua abe peexanaexae.

### *Meje yabara pomonae Nacom itapeta pecapanenebiyaewa tsane*

<sup>13</sup> Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita maticabi pacata wuqueibinchi Nacomtha. Bewa pajan tsabin tsane: "Nacom maisa pajuntu coyene weiweinan beta necajume cowantsixae Tesalónica tomarapiwi", bewa pajan tsabin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonae aena Nacom forota barapo cae pin nacuathe. Nacom baxua exana pia peayapusuwatha po peayapusuwa pia Pejumope tunaxu tatsi xeina ponxae paca juntu coyene xanepana exana Nacom nexa. Matautano baxua exana poroxu painya nejume cowantsixae pexainyei

diwesi jume. <sup>14</sup> Daxota Nacom bayatha paca waba bapon painya nejume cowantsinexa poxonae paca cuidubatsi Nacom pia pecapanenebiyae diwesi jume. Daxotano paca waba xua Jesucristo pon Wanacanamataxeinaein painya nenabarũ xeinaenexa pia pexeinya peitũpanae coyenewan.

<sup>15</sup> Patamonae, daxota pajume cowũta dubenanaebiyama equeicha matowa. Painya xoba pajntemainame po pecuidubiwan xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi. <sup>16-17</sup> Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya jũntũ coyenewatha. Mataũtano Nacom naca cata xua wawũnae ewatsiwa pocotsiwa xua bapon naca catapaeba, pocotsiwa xua wũnae. Paca yabara paebatsi bapontha. Mataũtano paca yabara paebatsi Jesucristo tha pon Wanacanamataxeinaein. Pajan baponbetha: “Barabũ payawenaenamebe Tesalónica tomarapiwi. Barabũ pajntũ coyene cui tsacabiname barapomona. Mataũtano barabũ jũntũ coyene jume cowũtsiya ayapusuya pacana exanaenamebe barapomonaetha, xua pia pepaebibinexa pocotsiwa wũnae xua ano pia peexaneibinexa pocotsiwa xanepana”, pajan baponbetha.

### 3

*Meje yabara poxonae Pablo namchi: “Painta Nacomtha wũcare”, jei*

<sup>1</sup> Patamonae, paxam pomona. Pam pomona. Iru painya nejume cowũtsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha wũcare xua xain pon jiwi Pecanamataxeinaein pejume diwesi tatsi awiya painya tajũ patsipaebaponaein daxita nacuantha. Mataũtano painta wũcare xua xain ichaxota patsipaeban barapo diwesi daxita jiwi beta jume barũ jejei peainya cui diwesixae, icha paichim poxonae pajume taneme barapo diwesi. <sup>2</sup> Mataũtano Nacom painta wũcare xua xain Nacom jopa copatsiyo xua painta abe exana pomona. Bichocono ajũntũcoyenebe. Tsipei jopa daxita jiwiyoy pomona. Beta jume cowũta po diwesi patsipaeban. <sup>3</sup> Ichitha jame bara ita coxoinchi xua wajume cowũtsiwa pon jiwi Pecanamataxeinaein tsipei bara bapon xainyeya naca yawena. Mataũtano bapon paca jũntũ ayapusuya exanaena. Mataũtano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuir coyenewan. <sup>4</sup> Bara paca yabara jume cowũtatsi xua bara bapon pon jiwi Pecanamataxeinaein paca yawena. Bapon paca yawenaena xua paexaname, xuaano xua paexana dubenanaebiyaename pocotsiwan xua paca itorobatsi. <sup>5</sup> Barabũ bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Mataũtano barabũ paca yawenaena xua awiya antũcoyenesuya painya nejume cowũta dubenanaebiyaenexa tsane. Bapoxonae bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxonae jiwi barapocotsi coyene exana jopa aitaconaeoyo.

*Meje yabara poxonae Pablo yabara paeba xua jiwi bewa nacuichina*

<sup>6</sup> Patamonae pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo pabarũ jinompame peafaetabi jiwi pomona. Aichaxaibi nacuita, xua pomona. Iru pejume cowũtsiwixae. Barapomona. Jopa yabara jume cuiya exanaeyo po pecuidubi coyenein xua Jesucristo weya bayatha, xuaano xuya barapomonaetha pacuiduban. <sup>7</sup> Paxam payaputaneme, xua bewa xanepanaya betiya pajinompame, icha bayatha paichin. Poxonae paca barũ jinompatsi jopa paacoyenefaetabinyo, apara panacuitan nawita. <sup>8</sup> Poxonae paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apara daunweya panacuiteiban merawintha matacabinthano xua jopa daunweya pata pacata exanaewatsi tsainchi. Jopa panantawonaem xua painta comocame pexaewa. <sup>9</sup> Bequein pana yabara cui copata xua pata paca wũcaewatsi pata neyawenaenexam tsane, ichitha bara pana netaneme xua pexaewa pana natsiũpain nacuitan, xua irũ bara painya neichinexarũ. <sup>10</sup> Tsipei poxonae paca barũ enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo bũ jopa xae tsane”, paca jeiche. <sup>11</sup> Ichamonae pana tsipaeba xua painyamona. Jiwana yabara, xua pinae painyamona. Jiwana jopa natsiũpain nacuichiyo pexaewa. Saya pinae dubenanaebiya. Barapomona. Saya pinae ichamonae yabara yuũjeichi. Barapomona. Jopa pinae exanaeyo piawa. Saya pinae penabarũ yuũjei poxonae ichamonae enebatsi poxonae nacuiteiba. <sup>12</sup> Barapomona. Pomona. Saya dubenanaebiya, paitoroban pajanje: “Tsipei Jesucristo pana cata pia peitorobi coyenewa pon jiwi Pecanamataxeinaein, daxota pecono jumeyo tha paca tsipaebatsi. Bara panacuire painya nenacuichiwa xua pexaewa painya natsiũpain nacuichinexa. Jopa ichamonae payabara nabarũ yuũjande”, pajanje.

<sup>13</sup> Ichitha paxam patamonae pam, pomonae pam iru pajume cowantame jopa paajuntucoyenefaetabinde xua xanepanaya painya neexanaewam. Awiya xanepanaya paexanaponde. <sup>14</sup> Icha ichun painyamonae jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabarun jinompaende, xain bapoxonae aura xua jopa peexanaexae xua barapo cartathe papaeban. <sup>15</sup> Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Mataanta maisa bapon patsipaebare icha paichim poxonae patsipaebame pontha pon pejume cowantsin.

*Meje yabara xua Pablo najume wetsiya paeba*

<sup>16</sup> Jesucristo pon jiwu Pecanamataxeinaein xua juntema porona peyacuiya jinaein, bu bara barapo juntema pejinompaee coyene paca catsina daxita matabin tsaibi poxonae bequein ichamonae abe pacata exaneiba. Barabun bapon pon jiwu Pecanamataxeinaeinxae daxita paxam paca barun jinompaena.

<sup>17</sup> Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacartantha barapo jume couxi wetsiya tineiban icha barapo carte ichi. <sup>18</sup> Pon Wanacanamataxeinaein, Jesucristo, barabun daxita paxam bichocono paca yawenaena pia paca antobexae.

Baja Pablo, iru Silvano, iru Timoteono ponbe necueyatabe.

## Meje Po Carte Copiya Pablo Tatina, Timoteo Tatinatsi

*Meje yabara poxona Pablo tamropata pitaba xua tatina, Timoteo tatinatsi*

<sup>1</sup> Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacapanenebiyaein neitoroba. Matautano Jesucristo, pon Pecanamataxeinaein jiwi, pon wnae ewatatsi iruru neitoroba. <sup>2</sup> Timoteo, xam cata tinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua jantema popona jinya necaexanaenexabe.

*Meje yabara xua Pablo yabara muxuweta pomonae abeya pecuidubiwi pia pecuidubi coyenewa tatsi pecuiyainwa*

<sup>3</sup> Poxonae matha cain muxu taponae Macedonia nacua beya, bapoxonae jume daunweya cajeichi, janje: “Ecare Efeso tomaratha jinya necui itorobinexa tsane pomonae abeya pecuidubiwi pia pecuidubi coyenewatha. Barapomonae seicayiwa cuiduba ichi be jopa paxan ichiyo pomonae Jesucristo pia peitorobi jiwi tatsi panxaein. Itorobare xua barapomonae jopa cuidubi tsane ichamonaetha barapo coyene po coyene xua jopa xainyeyo. <sup>4</sup> Matautano barapomonae jopa bewa juntu coyene enae tsainchi po diwesin xua pia pamo susato jiwi tatsi paeba po diwesin xua pejimai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamonae wajume cowantsixae Nacom.

<sup>5</sup> Xua tapaeboxae xua barapo peitorobi coyenewatha paeba apara xua daxita jiwi nantiya caemona penaantobenexa tsane. Barapo peantobe coyenewa jiwi pia juntu coyene wetsina pona poxonae pia juntu coyenein xanepana xua jopa xeinaeyo peabe coyenewa yawa poxonae barapo jiwi pia coutha najuntu coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia juntu coyene wetsina pona poxonae barapo jiwi xaniwaicha jume cowanta Nacomtha. <sup>6</sup> Ichamonae jopa xeinaeyo barapo peantobe coyenewa poxoru jume itaweta, matautano poxoru najuntu coyene eena exana penajume matsontsonobi diwesin. <sup>7</sup> Barapomonae ichichipa becuidubina Nacom pia peitorobi diwesi jume. Bequein barapomonae baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomonae jopa yabara yaputaeyo po coyeneya xua atsaquiya yabara cuiduba ichamonae Moisés pia peitorobi diwesi jume.

<sup>8</sup> Bara yaputainchi xua Moisés pia peitorobi diwesi wnae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa. <sup>9-10</sup> Waxainchi matautano yaputainchi xua Nacom pia peitorobi diwesi jume jopa barapomonae nexiyo pomonae bayatha pejuntu coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomonae nexa pomonae meje: pomonae jopa exanaeyo pocotsiwa Nacom pia peitorobi diwesi jumetha itoroba; pomonae jopa jume cowantsiyo Nacom; pomonae jopa ichipaeyo Nacom; pomonae abe peexanaewi; pomonae jopa juntu coyene xanepanaeyo Nacomtha; pomonae aichaxaibi Nacom pia peitorobi diwesi jume; pomonae pia paxeivi pebewi; pomonae pia pena jiwi pebewi; pomonae jiwi pejutebiwi; pomonae penata siwa xeinaewi yabuxitha xua jopa piseuri jiwi; pomonae cae pebiwi penaisamaichi jiwi xua be yabuxi penatsicotae jiwi; pomonae paratixi xeineiba xua ichamonae pejiwana noteibixaetsi poxonae equeicha caewa pejiwana canawibeibixaetsi; pomonae jiwi pemuxuitorobiwi; pomonae naerabiya jume daunweya paeba xua ichamonae naerabiya peyabara paebiwaetsi. Barapo peitorobi jume iruru barapomonae nexa daxita pomonae seicayiwa yabara jume toxeinchiya exana po coyene xua Jesucristo pia pexeinya pecuidubi coyenewa. <sup>11</sup> Barapo pexeinya pecuidubi coyenewa, bara najume japabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xvano bichocono pejuntu coyene weiweinaein. Barapo diwesibe Nacom itoroba xua tacueicueijejiwa tsane.

*Meje yabara poxonae Pablo juntu coyene weiweina Jesucristotha*

<sup>12</sup> “Juntu coyene weiweinan tanecatsixaemxae peantuyapusuwa”, jan Jesucristotha, pon Wanacanamataxeinaein. Bapon necata peantuyapusuwa tacueicueijejiwa tsane jiwitha Nacom pia Pexeinya jume diwesi tatsi. Bapon neyabara nanta xeina xua bara beta jume cowantan, daxota necana exana xua xan pia petanacuichin tatsin. <sup>13</sup> Bapon baxua inta

exana bequein bara bayatha bapon abeya yabara paeban. Matautano bapon piamonaetha tatsi abeya tacana exanan. Matautano abeya tayabara paeban barapo pijimonaetha tatsitha pomonaetha pomonaetha pia pejume cowantsi jiwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonae jopa jume cowantsinyo Jesucristo poxonae abe exanan. Matautano jopa yaputaeyino pocotsiya xua bayatha exanan. <sup>14</sup> Daxota Nacom pon Wanacanamataxeinaein bichocono amanaya neyawena taneantobexae. Nacom nejuntũ coyene yuca exana po pejume cowantsiwa xuano xua po peantobewa tsita xeinatsi Cristo Jesús.

<sup>15</sup> Cristo Jesús patopeica po cae pin nacuathe tsique pecapanenebiyaenexa tsainchi pomonaetha abe peexanae jiwi, xua capanenebiyatsi abe pia peexanae cuiru coyenein weya. Pomonaetha abe peexanae jiwi barapomonaetha jiwanan xua bichocono abe taexanaein beyacaincha barapomonaetha poxonae abe exana. Baxuan apara xainyei pocotsiya xua yabara paeban. Jiwi bewa jume cowantsina baxuan. <sup>16</sup> Bequein bichocono abe taexanaein, dai-chitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristo xua poxonae jopa aitaconaeyo. Daxota ichamonaetha poxonae netaena Nacom exanaena xua barapomonaetha Jesucristo pejume cowantsiwa tsainchi, pexeinaenexa peantuyapusawa po peantuyapusawa xua ataya tsiteca. <sup>17</sup> Nacom, wunaetha paca jaintatsi: “¡Xam Nacom pon ataya jiwi itorobiya pepa Neewatsin! ¡Xam Nacom pon bapana jopa tupaem tsane! ¡Xam pon xua jiwi jopa itacupaetsi xua necataewa! ¡Xam yatsicaewa compam pepa Nacomum! ¡Ataya paca tsita baru cui itura jinatsi! ¡Barabu ataya jiwi wunaetha cajainchina! Je bara ichi tsane”, paca jeichi Nacom.

<sup>18-19</sup> Xam, Timoteom, bara xaniwaicha be taxantom canatsicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwunaetha muxu duta xua bexa cuidubiname jiwitha Nacom pia pexeinya jume diwesi. Xan caitorobatsi icha be pocotsi coyeneya bayatha barapomonaetha caitoroba. Cajechi: Jume daunweya antuyapusawa beta exande Nacom pia petanacuichiwa tatsi. Poxonae baxua exaname, beta jume cowantsiya exande, yawa pexeinya juntũ coyene xeinare po juntũ coyene xua xainyeya natsipaebame, xua jopa abe exanaem Nacomtha, cajeichi. Ichamonaetha bequein beta natsipaeba pijuntũ coyeneintha, ichitha barapomonaetha najuntũ coyene barapenta po coyene Jesucristo pejume cowantsiwatsi tsipei jopa jume cowantsiyo pocotsiya pia juntũ coyene tsipaebatsi. <sup>20</sup> Barapocotsi coyene Himeneo exana irũũ Alejandro exanaru. Baponbe caenaetanbe pon caurimonaetha pia pentacaponaeintha tatsi pon Satanás beya poxonae baraponbe nacuidubinabe xua jopa bewa abe yabara paebi tsanebe Nacomtha.

## 2

### *Meje yabara xua Pablo yabara cuiduba po coyene xua Nacomtha petsipaebiwa*

<sup>1</sup> Copiya caitorobatsi baxuanje xua exanaename: Nacomtha tsipaebare daxita jiwi nexa; Nacomtha wucare xua Nacom peyawenaenexa daxita jiwi; yawa jande Nacomtha: “Nacom, maisa juntũ coyene weiweinan xua daxita xanepanaya jinya netaexanaewam jiwi”, jande. <sup>2</sup> Bewa Nacomtha tawucaename daxita nacua peewatsiwimonaetha. Matautano bewa Nacomtha tawucaename daxita pentacaponaeiwimonaetha. Baxua bewa exanaename xua juntema beta wajume cowanta dubenanaebiyaenexa Nacomtha, yawa juntema wajinompaenexa jiwi peitutha. Barapo juntema wajinompawea bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha. <sup>3</sup> Barapo coyenein jame Nacom tsita wunaetsi pon Wanacapanenebiyaetha. <sup>4</sup> Nacom bichocono ichipa xua daxita jiwi pecapanenebiwa tsainchi abe pia peexanaetha cuiru coyenein weya. Matautano Nacom ichichipa xua jiwi yaputaena pocotsiya xua pexainyei coyenewa. <sup>5</sup> Meisa compa Nacom pon pepa Nacom, bapon meisa popona. Barichi saya meisa caein pon itacupaetsi xua jiwi yabara jume yawenatsi Nacomtha, apara barapon Jesucristo. <sup>6</sup> Jesucristo copata xua bara naetotha tsitupa xua daxita jiwi yantomatatsi xua jiwi pecapanenebiyaenexa tsainchi abe pia peexanaetha cuiru coyenein weya. Poxonae Jesús tupa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi. <sup>7</sup> Daxota Nacom newan duta, jeye: “Bapon apara pon tajume diwesi pecaponaetha yawa bapon taitorobi jiwi jiwanaein”, jei Nacom. Bara xaniyeya paeban, jopa naerabinyo. Daxota Nacom neitoroba tacuidubinexa pomonaetha pomonaetha jopa judiomonaetha naexanaeyo xua Nacomtha pejume cowantsiwa yabara yawano xua Nacom pia pexainyeiwa yabarano tatsi.



<sup>8</sup> Daxota ichichipan xua daxita nacuanpiwi Nacom pewnaeewa tsainchi. Poxonae wnaeana Nacomtha bewa namaxu yoichaena xua yatsicaewa pexeinaeaxe tsane pejuntu coyene xanepanaewa. Matautano jopa bewa yajuntu coyeneya paebi tsane xua peita aenae-aeneiwa ichuntha. Matautano jopa bewa yajuntu coyeneya paebi tsane xua penajume matsontsonobi coyenewa. <sup>9</sup> Ichichipan xua yabuxi nama xatabina pocotsi paparuwa be conotha wnae. Saya uuranaya jinompaena xua bichocono jopa atsaqui tsane xua pebaru yuyujeiwa pebiwitha. Jopa bichocono wnaeaya nantana fabi tsane. Jopa bichocono nantana repena exanae tsane pocotsiwatha xua bichocono ainya matoman, pocotsiwa pewun oro, matautano pocotsiwa pewun perlan. Matautano jopa namaxatabi tsane pocotsi paparuwa bichocono ainya matoma. <sup>10</sup> Jame yabuxi bewa exanaena pocotsiwa jiji tsita coyene xanepanatsi, xua pocotsi coyene jiji yawenatsi. Baxuan jame bichocono wnae xua yabuxi exana, po yabuxi xaniwaicha jume cowuntsiya jinompa xua Nacom pejume cowuntsiwatsi. <sup>11</sup> Yabuxi bewa saya moya jume naitaewatsiya jume taena pocotsiwa xua nacuiduba. Saya bewa moya jume jejei tsane. <sup>12</sup> Tsipei yabuxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabuxi pentacaponaeawi penaexanaewa tsane pebiwi nexa. Jame bewa yabuxi saya moya enaena poxonae pejume cowuntsiwi nacaetuta xua Nacom wnae pejainchinexatsi. <sup>13</sup> Tsipei Nacom copiya exana pebin pon pewun Adán, bapoxonae yabuxi copatsinyo xua pewun Eva. <sup>14</sup> Caena bayatha Adán jopa muxujainyabichi pon caurimonae pia pentacaponaein tatsi xua abe peexanaewa tsane. Aparajame bapowa Eva muxujainyabatsi, daxota bapowa abe exana. <sup>15</sup> Bequein yabuxi atene poxonae tanaexanatsi pexuyo, ichitha Nacom capanepaena bapowa icha bapowa jume cowuntsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

### 3

*Meje yabara xua bewa exanaena pomonae pecanamataxeinaewi pejume cowuntsiwi*

<sup>1</sup> Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume cowuntsiwichi pecanamataxeinaewatsi, bara baxua bara xanepana. <sup>2</sup> Daxota pon pomonae Nacom pejume cowuntsiwi canamataxeinatsi, bapon bewa xanepanaya beta poponaena xua bapon jopa abe peyabara paebinexa tsainchi ichamona. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonae ichamona bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha. <sup>3</sup> Bapon jopa bewa nacupa exanae tsane peatsaxae mera. Yawano jopa bewa bapon naba exanae tsane, saya jame bewa juntema poponaena. Bapon jopa bewa najume matsontsonoba exanae tsane. Yawano bapon jopa bewa pitaparaxichi xua paraxi peasiwiwa. <sup>4</sup> Bapon bewa beta itorobiya canamataxeinaena pia bomonae matabuxiyo. Matautano bapon bewa pia pexui jume naitaewatichi poxonae itorobeiba pia pexui. Yawa pia pexui bewa tsita xeinaetsi pebaru itura jinae coyenewa. <sup>5</sup> Icha barapocotsi jiton ita coxanatsi xua beta itorobiya canamataxeina pia bomonae matabuxiyo, bapon nexata jopa itacupaetsi xua canamataxeina Nacom nexa pomonae Nacom pejume cowuntsiwixatsi. <sup>6</sup> Pebin jopa bewa naexanae tsane xua pomonae Nacom pejume cowuntsiwichi pecanamataxeinaewatsi poxonae cataunxae abu pena pejume cowuntsin Jesucristo. Icha bapon pena pejume cowuntsin tsipae Jesucristo, metha bapon aebichipa nawita jiwitha, bapoxonae Nacom cana exanaetsipa bapontha, icha be pocotsi coyeneya ichi poxonae caurimonae pia pentacaponaein tatsi itawetatsi, xua Nacom itaweta pia nacua weya, xua Nacom peaebixaetsi. <sup>7</sup> Matautano bapon bewa beta poponaena, xua pomonae jopa pejume cowuntsiwi Nacom bapon beta peyabara nanta xeinaenexa tsainchi. Icha bapon jopa beta poponae tsane, bapoxonae jiji abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujuta xua po cui coyeneyatha bapon peexanaenexa.

*Meje yabara pomonae jiji peyawenaewi pomonaetha pomonae pejume cowuntsiwi*

<sup>8</sup> Barichiru pomonae jiji peyawenaewi pomonaetha pomonae pejume cowuntsiwi, xua peyawenaewi peatenewitha, xua muxunano peapatsiwano peacopebiwatha, barapomonae bewa beta jinompa, xua jiji pebaru cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nacupa exanae tsane peatsaxae meran. Matautano jopa bewa pitaparaxichi tsane xua

paratixi peasiwiwa. <sup>9</sup> Barapomonaē bewa beta jume cowantsi Jesucristo po coyene xua Nacom yabara tsita itata xua wajume cowantsiwa, yawano barapomonaē bewa muxuna xeinae po juntu coyenetha beta xaniwaicha natsipaebatsi xua jopa abe exanaetsi Nacomtha. <sup>10</sup> Bara matha bu ichamonaē cui jujtsina barapomonaetha icha beta xaniwaicha jinompa yawa icha ichamonaē jopa abeya yabara paebiyo barapomonaetha. Bapoxonaē barapomonaē cana exanaeinchi pomonaē jiwi peyawenaewi pomonaetha pomonaē pejume cowantsiwi, xua peyawenaewi peatenewitha, xua muxunano peapatsi-wano peacopeibiwitha. <sup>11</sup> Barichi yabuxi bewa beta jinompaena xua barapowaxi pebaru cui itura jinaewa tsainchi jiwi. Jopa bewa bapowaxi abe yabara paebi tsane ichamonaetha, xua ichamonaē abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompaē, xua ichamonaē peyabara jume cowantsiya nanta xeinaenexa xua pocotsiwa bapowaxi daxitan exana pocotsiwan bayatha exanapaēbeiba. <sup>12</sup> Barapocotsi jiwi jiwana jiton pomonaē peyawenaewi pomonaetha pomonaē pejume cowantsiwi, bapon bewa saya cae piseuri baru jji-naena. Matautano bapon bewa beta itorobiya canamataxeinaena pomonaē pia bomonaē matabuxuyo xua daxota bewa beta itorobiya canamataxeinaena pia pexui. <sup>13</sup> Tsipei barapocotsi jiwi pomonaē peyawenaewi pomonaetha pomonaē pejume cowantsiwi poxonaē barapomonaē beta exana pia petanacuichiwa, bapoxonaē ichamonaē barapomonaē wunaē jaintatsi beta pia petanacuuchiwaxae. Matautano barapomonaē ichamonaetha cui tsacatsacapiya yabara paeba xua pia pejume cowantsiwa xua Cristo Jesús pejume cowantsiwatsi.

*Meje yabara po coyene xua naitata xua po coyene copiya moya peyawun xeinaewa po coyene xua wajume cowantsiwa*

<sup>14-15</sup> Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonaē yaputaename po coyene xua jiwi bewa exanaena. Barapo coyene beta xanepanaya penabaru jinompaē coyenewa Nacom peitabaratha tatsi, pomonaē Nacom piamonaē tatsi. Apra yabara paeban pomonaē Nacom piamonaē tatsi, pomonaē Jesucristo pejume cowantsiwichi, pomonaē nacaetuta xua Nacom wunaē pejainchiwa tsainchi, po Nacom ataya asu pepoponaein. Barapomonaē yajuntu coyeneya jinompa Nacom pia pexainyei coyenewa tatsi. Matautano barapomonaē yabara jume yawena Nacom pia pexainyei jume diwesi poxonaē ichamonaē abeya yabara paeba barapo pexainyei jume diwesi. <sup>16</sup> Waxainchi paebatsi jeichichi: “Pocotsiwa jume cowantatsi Jesucristo, maisa bichocono xanepana bara be po coyenewa xua moya peyawun xeinaewa, po coyenewa jiwi jopa yaputaeyo”, jeichichi. Wayabara jume cowantsiwa baxua meje:

Nacom naexana be jiton pia juntu coyeneya tatsi, xua barapara bapon Cristo.

Nacom pia Pejumope tuxaxu tatsi yabara paeba, xua bapon yabara paebatsi, xua bara bapon yatsicaewa bara Nacom.

Iru matatsunpiwi tane, xua bapon tainchi.

Bapon yabara cueicueijeichi jiwi yabara cueicueijeiji daxita nacuanpiwitha.

Daxita nacuanpiwi jiwana monaē, bapon yabara jume cowantatsi.

Yawano equeicha bapon peitaboco becaichatsi.

## 4

*Meje yabara xua pomonaē naerabiya pecuidubi jiwi pomonaē seicayiya cuiduba xua ichi be jopa paxan ichiyo*

<sup>1</sup> Nacom pia Pejumope tuxaxu tatsi beta xaniwaichiya jeye xua poxonaē po dapae tabu ducuaena xua poxonaē po dapaetha Nacom daxita wetsina, bapoxonaē pomonaē pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomonaē napuna ponaena caurimonaē po caurimonaē jiwi muxuitorobiya muxujainyabatsi. Matautano barapomonaē exanaponaena po pecuidubiwa caurimonaē pia pecuidubiwa tatsi. <sup>2</sup> Matautano barapomonaē jume naitaewatsiya jume taena pocotsiwa paeba pomonaē jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po pejuntu coyenetha xanepanaya natsipaeba poxonaē abe exana. Daxota barapomonaē jopa yaputaeyo po juntu coyene xanepana. <sup>3</sup> Barapomonaē pomonaē pemuxuitorobi jiwi, jiwi cui matawentatsi xua jitha peenaewa. Matautano jiwi jain

matawentatsi xua jopa xae tsane icha penabanaewan, bequein taetha xua barapo pena-banaewan Nacom tsijain exana jiwi. Pomonae pejume cowantsiwi xuano pomonae peya-putaewi Nacom pia pexainyei coyenewa tatsi, poxonae barapomonae najume weteiba xua natsijain jacobeiBa Nacomtha, jei tsaiBi: “Nacom maisa juntu coyene weiweinan xua tana necatsiwaaxaem pexaewa”, jei tsaiBi, bapoxonae barapomonae bara xane barapo penabanaewan. <sup>4</sup>Daxita xua pocotsiwan Nacom forota baxuan wnae. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobeiBichi xua jei tsaiBichi: “Maisa Nacom juntu coyene weiweinan xua tana necatsiwaaxaem pexaewa”, xua jei tsaiBi tsainchi. <sup>5</sup>Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobeiBixae Nacomtha xua jei tsaiBichi: “Nacom maisa juntu coyene weiweinan xua tana necatsiwaaxaem pexaewa”, wajei tsaiBixaetsi.

*Meje yabara xua pon Jesucristo beta tanacuitatsi*

<sup>6</sup>Daxita barapo coyenein xuaunxuae catsipaebatsi, icha barapo coyenein tsipaebiya cuidubame ichamonaetha pomonae iru pejume cowantsi jiwi Cristo, bapoxonae xam pon beta netanacuichim tsane Jesucristo. Bapoxonae ichamonaecacui taena xua xam bara bichocono jinya coutha jume cowanta na-eexanaponaem, yawano xua neexanaexaeno pocotsiwan cacuidubatsi po pecuidubiwa bichocono pexeinya coyene. <sup>7</sup>Jume naitemare po diwesin xua saya jiwi cueicueiiei xua jopa Nacom pia diwesiyo tatsi, po diwesin xua pejemai diwesin xua jopa xapain wnaeyo. Jinya coutha nacuidubare, xua nenajuntu coyene cana exanaenexam tsane icha be Nacom pia juntu coyene ichi. <sup>8</sup>Bequein penacui jujutsiwa xanepana xua pepon daunwei penaexanaenexa, ichitha jame xua penajuntu coyene xanepana exanaewa Nacomtha, baxua jame bichocono xanepana beyacaincha xua penacui jujutsiwa. Tsipei barapo penajuntu coyene xanepana exanaewa Nacomtha naca yawena anoxuae poxonae cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha. <sup>9</sup>Baraxua yatsicaya apara xainyei. Daxota daxita jiwi bewa yabara jume cowantsina po coyene xua penajuntu coyene xanepana exanaewa Nacomtha. <sup>10</sup>Barapocotsi coyene waxainchi ajuntuayarusya daunweya exanatsi. Ichamonaecacui atene exaneiba xua poxonae abe naca yabara paebeiba, tsipei waxainchi jume cowantsiya wnae ewatatsi Nacom, pon ataya pepoponaem. Barapon Nacom ichichipa xua daxita jiwi pecapanenebiwa tsainchi abe pia peexanaecuiru coyenein weya tatsi. Bapon jiwi Pecapanenebiyaem abe pia peexanaecuiru coyene weya tatsi xua pomonae pia pejume cowantsi jiwixaetsi.

<sup>11</sup>Barapo coyenein bewa ichamonaecacui itorobiname, xua necuidubiwam pocotsiwa barapomonae peexanaewa tsane. <sup>12</sup>Jopa jume naitaewatsinde xua ichamonaecacuyabara paeBa xua poxonae jopa cabaru cui itura jinaeyo xua poroxu nepewoxaem. Jame bewa beta exanaponaem xua necacui taeponaenexa pomonae pejume cowantsiwi Jesucristo. Xua barapomonae tsita exaname, xua iru barapocotsi coyeneya peexanaenexaru. Beta cueicueijande, matautano beta poponde, yawa matautano antobe tsurucuaenaebiyama jiwi xua ichamonaecacui taenexa. Yawa matauta beta poponde xua bichocono jume cowantame Jesucristo xua ichamonaecacui taenexa. Yawa beta poponde xua nejuntu coyene bichocono xanepana Nacomtha xua ichamonaecacui taenexa. <sup>13</sup>Poxonae cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesin yabara cueicueijande, matautano cuidubareno pomonae pejume cowantsiwi Jesucristo. <sup>14</sup>Caena bayatha pitiri jiwi, po pitiri jiwi pejume cowantsiwi jiwanaem, canta jayabiya caitoroba xua necueicueiieiwa tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanaecoyenewatha jopa yabara toxeinchiya exanaeinde po cui coyenewa Nacom bayatha cacata poxonae barapo pitiri jiwi canta jayaba, po cui coyeneyatha neexanaewa tsane pocotsiwa Nacom ichichipa.

<sup>15</sup>Daxita barapo coyenein naitematsiya eexanaponde xua ichamonaecacui taenexa xua bara xanepanaya jume cocowantaponaem. <sup>16</sup>Dotam xua nejuntu coyenewa cananta xeiname. Matautano dotam xua pocotsiwa necuidubiwam. Awiya beta ajuntuayarusya jume cowanta ducuaenaebiyama. Icha baxua exanaename jinya coutha nacapanepa exanaename xua Nacom cacapanepaena petupae cuiru coyene weya. Iru barichim tsane capanenebiya exanaename xua Nacom capanenebiyaena pomonae necajume naitaewatsiwi.

## 5

*Meje yabara xua pocotsiwa Timoteo bewa cuidubina pomonae Jesucristo pejume cowantsiwichi*

<sup>1</sup> Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwi saya bewayo muxuwetame. <sup>2</sup> Pitiriwaxi saya bewayo cuidubare icha be ichim xua poxonae ena saya bewayo cuidubame. Matautano saya bewayo cuidubare penawaxi icha be ichim xua poxonae amcho jiwi saya bewayo cuidubame xua tsita auram. Juntu coyene xanepanaya yabara nanta xeinare barapowaxi, xua jopa abe neexanaewam.

<sup>3</sup> Nacom piamonae, pomonae pejume cowantsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi. <sup>4</sup> Icha ichawayo powayo pecuenta tupaewayotsi piseuri, icha bapowa pipexui xeina yawa ichacuiitha icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae yaweneibina bapowatha. Barapomonae bewa yawenaena bapowatha xua bapowa piamonaexae tatsi. Bapoxonae bapowa jopa nantawenonae tsane xua ichamonae bapowa peyawenaewatsi. Barapomonae bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonae pexui. Jame barapo coyene Nacom tsita coyene xanepanatsi, matautano barapo coyene Nacom juntu coyene weiweina exanatsi. <sup>5</sup> Powa bara xaniwaicha pecuenta tupaewayotsi piseuri, powa xaniwaicha compa, powa jopa xeinaeyo piamonae matabaxu pomonae peyawenaewichi, bapowa jume cowantsiya wunaewata xua Nacom yawenaena xua bapowa yawenaeinchi. Pebaxuanexa tsane bapowa waqueiba Nacomtha merawintha, yawa matakabintha. <sup>6</sup> Ichitha nama powa pecuenta tupaewayotsi piseuri, powa saya pia coutha nayabara nanta xeina nawita xua penasiwaiminchiwa pebiwitha, bapowa saya jopa nanta xeinaeyo xua jume cowantsiya wunaewata Nacomtha, xua peyawenaewa tsainchi. Daxota bapowa pia juntu coyene tatsi be tupa, xua Nacom be tsita tupaetsi bara bequein bapowa popona. <sup>7</sup> Daxota xua ichamonae jopa abeya peyabara paebinexa pomonaetha pomonae pejume cowantsiwi, cuidubare barapo peyawenaeyo xua barapomonaetha pomonae pejume cowantsiwi. <sup>8</sup> Meje xua pocotsiwe baxue: Icha pon jopa yabara nanta xeinaeyo xua piamonae peyawenaewa tsane, bapon apara bara exana be poxonae jopa jume cowantsiyo. Bapon apara bichocono ajuntacoyeneyapubeya exana, beyacaincha pon jopa jume cowantsiyo, pon daichitha piamonae yawena.

<sup>9-10</sup> Barapo paperatha, po paperatha ichaxota saya wun dubatsi powaxi pecuenta werapaewaxichi piseuriwi, barapo paperatha wun tinadubare. Saya wun tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano wun tinare powaxi xua ichamonae yabara paeba xua pinae bapowaxi xanepanaya exana. Pocotsi coyenein xua poxonae barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomonae petapateibiwichi pia bontha; yawa bapowaxi taxu quiateiba pomonae pejume cowantsiwi Cristo pomonae petapateibiwichi pia bontha; yawa bapowaxi yaweneiba pomonae peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

<sup>11</sup> Ichitha jopa wun tinaeinde powaxi cataunxuae taacolibichi xua xeina sesenta po weibe. Tsipei ichacuiitha bapowaxi jantemainaetsipa pocotsiwa bayatha Cristo yabara tsiwunaewata xua jopa equeicha penotsiwa icha pebiwi. Bexa barapowaxi equeicha icha pebiwi benotsipa. <sup>12</sup> Barapowaxi Nacom yabara paeba xua pinae barapowaxi barapara natsicuenta xua abe peexanaexae, poxoru jopa exanaeyo pocotsiwa bayatha yabara tsiwunaewata xua duba Cristotha pocotsiwa xua exanapaeba. <sup>13</sup> Matautano barapowaxi fifina, jopa ichichipaeyo xua penacuichiwa daxota saya daxita bontha siwa poneiba, matauta saya cueicueijeji tsurubenanaebiya xua ichamonae peyabara pebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebiya ichamonaetha. <sup>14</sup> Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barabu moya jitha enaena equeicha. Barabu moya equeicha xexeinaponaena pexui, yawa moya barabu xua pia boxi bara beta ewatsina. Matautano barapowaxi jopa bewa abe exanae xua daxota ichamonae pomonae jiwi peaitafaetabi jiwi abe yabara paebina xua abe yabara paebinchi pomonae pejume cowantsiwi. <sup>15</sup> Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponaein tatsi cui itoroba, pon Satana.

<sup>16</sup> Icha petsiriwa, powa pejume cowantsiwayo Jesucristo, icha bapowa tapopoinchi pia botha pijimonae jiwanaawayo tatsi powayo pecuenta tupaewayotsi piseuri, barapo

pejume cowantsiwayo bewa yawenaena bapowatha. Barapo pejume cowantsiwayo jopa bewa copatsi tsane xua pomonae pejume cowantsiwi apatsina pexaewa bapowatha, powa pecuenta tupaewayotsi piseuri. Bapoxonae pejume cowantsiwi itacupatsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexainaexae piamonae matabuxu jiwi tatsi pomonae peyawenae jiwichi.

<sup>17</sup> Pomonae pejume cowantsiwi bewa bichocono xanepanaya baru cui itura jinaena xua pitiri jiwi baru cui itura jinaeinchi, po pitiri jiwi betiya xanepanaya canamataxeinatsi pomonae pejume cowantsiwi. Po pitiri jiwi cueicueijejei Nacom Pejume Diwesi, matautano xua cuiduba barapo diwesi, barapo pitiri jiwi bewa bichocono xanepanaya baru cui itura jinaetsi yawa bewa pentoma catsibichi beyacaincha icha pitiri jiwi. <sup>18</sup> Nacom Pejume Diwesitha jeye: “Duwein pon pewun buey, pon pexu xu tanacapona xua poxonae nacuitapona jopa wano atsinde pocotsiwa bapon taayapubetsi poxonae nabusi matoma xaexaepona pentacona”, jei. Equeicha Nacom jeye: “Ponba tanacuita ichan bapon nantawenona xua xeina pia petanacuichiwa matoma”, jei Nacom.

<sup>19</sup> Jopa cui yopichinde pitirin xua abe exana pon pomonae pejume cowantsiwi canamataxeinatsi icha jopa xeinaem dos poyobe xua iruru cui taneru xua ichacuitha tres poyobe xua iruru cui taneru pocotsiwa barapo pitirin xua baxua bara exana.

<sup>20</sup> Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cowantsiwi peitabaratha tatsi, xua bapoxonae iru ichamonae pejunuwinxua xua abe peexanaewa, icha be poxonae xua bapon ichi.

<sup>21</sup> Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po juntu coyenewatha xua nanta xeiname xua caein pebin bichocono peainya cuin beyacaincha ichun. Icha barapocotsi juntu coyenewatha cayabara nanta xeinaeya exanaetsipame jopa xainyeya exanaetsipame. <sup>22</sup> Abu bepijawa jopa mata jayabinde pitirin, xua pecanamataxeinaenexatsi pomonae pejume cowantsiwi, tsipei icha bapon abe exanaetsipa apara baxua be iru xam yawename xua bapon abe peexanaewa. Dotam jinya coutha beta xanepanaya najuntu coyene eenare xua abe neexanaeyainwa.

<sup>23</sup> Bichocono necotsoroxaewa, yawa bichocono neparaxaewa, jopa saya u meisa apaende mera. Jame moyu tsiwiyo yawa muxuna apare vino merayo.

<sup>24</sup> Ichamonae cui taneme abe pia peexanae cuiru coyenewan tatsi, pewunaeya xua po mataqueitha poxonae Nacom yabara paebina xua jiwi penatsicuentisiwa xua abe peexanaexae. Ichitha nama anoxuae jopa ichamonae joi taem abe pia peexanae cuiru coyenewan tatsi, apara jame bexa yaputaename po mataqueitha poxonae Nacom yabara paebina jiwi xua penatsicuentisiwa xua abe peexanaexae. <sup>25</sup> Barichi pocotsiwa jiwi xanepanaya exana ichamonae nexa, baxua ba jiwi anoxuae cui tane. Bequein ichacuitha barapocotsi xanepanaya peexanae coyenewan jiwi jopa cui taeyo anoxuae, ichitha bexa tsane jiwi taena barapo coyenewan, tsipei poxoru barapo coyenein jopa bapana ataya tsitecaeya moyu peyawun xeinaewa.

## 6

<sup>1</sup> Pomonae ba pebusi cui tatayebeibiwichi, pomonae pejume cowantsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cowantsiyo Jesucristo, barapomonae ba bewa baru cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinxu Nacom pia cui coyenewa tatsi, matautano xain jopa abe peyabara paebinxu pata pecuidubiwa xua pocotsiwa pacuiduban Jesús yabara. <sup>2</sup> Ichamonae pomonae pebusi cui tatayebeibiwichi, pomonae pejume cowantsiwi Jesús, barapomonae xeina pia pecanamataxeinaewichi, pomonae iru jume cowanta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa xeinaeyo pebaru cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa baru cui itura jinae pia pecanamataxeinaewichi. Matautano bewa beta tanacuichi barapocotsimonae, beyacaincha ichamonae pomonae jopa jume cowantsiyo Jesucristo pomonae pebusi cui tatayebeibiwichiru pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae iru jume cowantaru Jesucristo. Matautano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichixaetsi.

*Meje yabara xua waxeinaewa pepa pexainyei coyenewa xua apara wajume cowantsiwa*

Barapo cui coyene cuidubare jiwitha xua jiwi beta peexanaewa tsane: <sup>3</sup> Ichacuitha ichun cuiduba pocotsi coyenewa xua penaerabiwa. Matautano jopa yabara baru jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacana-mataxeinaein. Matautano bapon pon ichun jopa yabara baru jume jejeyo po pecuidubi coyenewa xua Nacom juntu coyene xanepana exana jiwitha. <sup>4</sup> Pon ba bara pocotsi coyenewa exana bara aparta pon jiwi peaebin xua peyaputaexxae. Bapon aparta ichitha jopa peyaputaen. Bapon naemata yainyaba nawita ichamonaetha pia xua jiwi penajume matsontsonobinexa bapontha. Daxota barapomonaenantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeba. Matautano nantiya abeya nayabara nanta xeina. <sup>5</sup> Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonaenantiya jopa yaputaeyo pocotsiwa pexainyei coyenewa. Bapomonaenantiya jopa coutha: "Icha jan tsane: 'Jume cowuntan Jesucristo', jan tsane bapoxonaenantiya xain copei nawita xeinaein", najei barapomonaenantiya jopa coutha. <sup>6</sup> Bara xaniyei, poxonaenantiya Jesucristo jume cowuntan baxua bara bichocono naca yawena. Ichitha saya naca yawena icha waxainchi muxuna xeinatsi wajuntu coyeneintha xua beta juntea wajinompaeawa bequein xua naacopeibi taethatsi. <sup>7</sup> Tsipei poxonaenantiya naexanatsi jopa cayawa naexanaetsi barapo copei po cae pin nacuathe. Matautano tsipei poxonaenantiya werapaeinchi jopa barapo copei cawerapae tsainchi. <sup>8</sup> Ichitha icha xeinatsi pexaewa, yawa paparuwan bara bapoxonaenantiya bewa juntea jinompaeinchi. <sup>9</sup> Seicaya nama pomonaenantiya bichocono ichichipa xua copei pexeinaewa, barapomonaenantiya exana pocotsiwa caurimonaenantiya pia pentacaponaeinantiya tatsi juntu coyene jujuta. Daxota barapomonaenantiya exana pocotsiwa xua ichichipa, xua jopa wunaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua barapomonaenantiya peweraweracaewa tsane. <sup>10</sup> Poxonaenantiya jiwi bichocono ichichipa paratixi, bapoxonaenantiya tamropata notarucupa xua bichocono abe peexanaponaewa. Barapo peichichipae coyenewa paratixi, jiwi cana exanatsi xua repentsiwa po coyene xua Jesucristo pejume cowuntsiwa. Daxota barapomonaenantiya be pia coutha najuntu coyene jorojopei exana xua saya peyabara nanta xeinaexae paratixi, xua peichichipae paratixi.

*Meje yabara xua bewa Timoteo beta ajuntuyarusnya jume cowunta ducuaenaebiyana*

<sup>11</sup> Tsipei xam Timoteom Nacom piamonaenantiya tatsi jiwanam, baxuan cuitaya naetsiriware, pocotsiwa po coyenewatha weraweraca nacaexanaewa. Beta ponpode Nacom nexa xua nejuntu coyene xanepanaewa tsane Nacomtha. Eexanapode pocotsiwa Nacom ichichipa. Jume cowunta ducuaenaebiyama Nacom, yawano antobe tsurucuaenaebiyama Nacom, yawa jiwithano. Matautano saya juntea ponpode exana ducuaenaebiyama pocotsiwa Nacom caitoroba poxonaenantiya ichamonaenantiya bequein cata abe exana. <sup>12</sup> Xanepanaya antuyarusnya jume cowuntsiya exana ducuaenaebiyama pocotsiwa Nacom ichipa. Peantuyarusnya po peantuyarusnya ataya tsiteca, barapo peantuyarusnya jopa copatsinde xua necajuntu coyene weaichurucuaewa. Barapo peantuyarusnya Nacom cacata. Xam baxua xanepanaya yabara paebame pin bicheitho. <sup>13</sup> Catsipaebatsi Nacom peitabaratha, pon pia peantuyarusnya cata daxitan coyeneintha. Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi. <sup>14</sup> Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanapode, beya poxonaenantiya Jesucristo equeicha patopeicaena pon Wanacanamataxeinaein. <sup>15</sup> Poxonaenantiya po mataqueitha Nacom ichichipaena bapoxonaenantiya barapo mataqueitha Jesucristo naitatsina jiwitha. Jiwi yaputaena xua bapon Nacom meisa compa xeina daxita peayarusnya itorobi coyenewan. Bapon meisa compa peyawa jinaein pejuntu coyene weiweinaenantiya coyenewa. Bapon pon jiwi itorobiya pia pepa Peewatsinchi tatsi pia peayarusnya itorobi coyenewa xeina beyacaincha xua ichamonaenantiya xeina pomonaenantiya jiwi itorobiya pia pepa peewatsinchi xua ira xeina pia peayarusnya itorobi coyenewa. Matautano bapon pon jiwi pia pepa Pecanamataxeinaeinchi pia peayarusnya itorobi coyenewa xeina beyacaincha xua ichamonaenantiya xeina pomonaenantiya jiwi pecanamataxeinaewichi. <sup>16</sup> Barapon Nacom meisa compa peyacuiya jinaein peantuyarusnya po peantuyarusnya xua ataya jopa peweraweracaewa. Barapo Nacom pecoicha yawa ponpode po pecoicha bichocono daunweya pentha. Baxota jiwi jopa itacupaetsi xua imoxoyo peponaewa xua bichocono pecoicha pexeinaexae. Dapon aibi, pon bayatha tainchi Nacom. Matautano dapon aibi pon itacupatsi xua Nacom petaewatsi tsainchi. Barabu jiwi Nacom baru cui itura jinaeinchi, xua ataya tsane. Matautano barabu Nacom itorobina jiwitha pia peayarusnya itorobiwatha xua bara ataya tsane. Je bara ichi tsane.

<sup>17</sup> Pomonae xua bichocono copei pexeinae jiwi itorobare xua jopa ichamonae aebi tsainchi. Matautano itorobare xua jiwi jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowantsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca juntũ coyene weiweina exanaenexa. <sup>18</sup> Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyenewan, icha be jata coyeneya ichi poxonae copei nawita xeina. Barapomonae bewa piawa jiwana wecaenaetsina xua ichamonae pecatsibiwa tsainchi pomonaetha pomonae xua jopa xeinaeyo xua pocotsiwan nantawenona. Matautano barapomonae bewa yawenaena piamonae. <sup>19</sup> Icha barapomonae barapo coyenein exana, baroxonae barapomonae pia coutha nayawena xua nacui wanaeta pocotsi coyenewa xua bexa tsane, xua daxota baroxonae pexeinaewa tsane peajuntũyapuswa, po peantũyapuswa xua ataya tsiteca.

*Meje yabara xua Pablo najume wetsiya paeba*

<sup>20</sup> Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiwi jopa yawenaetsi. Matautano jopa jume matsontsonoba exanaeinde ichamonaetha pomonae yabara cueicueijej pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo. <sup>21</sup> Pomonae jume cowanta pocotsiwa poxonae yabara cueicueijej peyaputae coyenewa, barapomonae jiwana nacui barapenta po coyene xua Jesucristo pejume cowantsiwatsi.

Barabũ Nacom pon jiwi Pecanamataxeinaein, bichocono cayawenaena pia necaantobexae.

Baja Pablo.

## Meje Po Carte Cotacaya Pablo Tatina, Timoteo Tatinatsi

*Meje yabara poxonaē Pablo tamropata pitaba xua tatina, Timoteo tatinatsi*

<sup>1</sup> Jaco Timoteo, xan Pablon, Cristo Jesús pia peitorobi jiwī jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwī jiwana tatsin, tsipei Nacom bayatha peexanaexae pocotsiwa bayatha tsiyabara wūnaē muxu duta jiwitha. Po peyabara tsiwūnaē muxu dutsiwa, xua Nacom catsina jiwitha peajūntūyapusūwa, po peajūntūyapusūwa ataya tsiteca. Barapo peajūntūyapusūwa jiwī catsibeibinchi poxonaē jiwī jume cowūnteibina Cristo Jesús. <sup>2</sup> Xam, Timoteom, barapo carte cata tinnatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, irū Jesucristo, pon Wanacanamataxeinaein, baraponbe barabū amanayiya cayawenaenabe pia necaantobexaēbe. Mataūtano baponbe nantanuwēya cayabara nanta xeinaenabe pia necayawenaenaxa tsanebe. Mataūtano ichichipan xua baponbe jūntema popona caexanaena.

*Meje yabara xua Pablo yabara paēba xua Timoteo bewa jume cowūnta ducuaēbiyaena*

<sup>3</sup> Poxonaē Nacom tsipaēbeiban jan tsaibinje: “Nacom, maisa jūntū coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei tajūntū coyene netsipaēba xua pinaē bara beta exanan. Barichi tamo susato jiwī tanacuita barapon Nacom. <sup>4</sup> Xam cayabara nanta xeineibatsi xua poxonaē matha cain bichocono nesiwa wecoyam poxonaē cacuenta warapatsi. Maisa be cataeinchi merawintha, yawa matabintha xua bichocono tajūntū coyene weiweinaewa tsane. <sup>5</sup> Xan nanta xeineiban xua xam bara xaniwaicha beta jume cowūntsiya poponame Nacom. Po pejume cowūntsiwa xam Nacom tsita xeiname, barapo pejume cowūntsiwa copiya matha acue Loida, irū ena Eunice Nacomtha tsita xeinabe, beya poxonaē xam irū jume cowūntame. Bara beta yaputan xua xam irū barapo pejume cowūntsi coyenewa Nacom tsita xeiname anoxuae.

<sup>6</sup> Daxota catsipaēbatsi, beta najūntū coyene tsacabare, xua yabara nanta xeiname po cui coyenewa Nacom cacata xua po cui coyenyatha xua xanepanaya neexanaē ducuaēbiyaenaxa pocotsiwa Nacom caitoroba. Barapo cui coyene bayatha Nacom cacata poxonaē canta jayabatsi. <sup>7</sup> Tsipei Nacom poxonaē naca cata pia Pejumope tūnaxū tatsi, barapo pejumope tūnaxū tatsi jopa jiwī junuwa cana exanaetsi. Jame Nacom naca cata barapo pejumope tūnaxū tatsi, xua waxeinaewa tsane peayapusūwā itorobi coyenewa. Mataūtano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom mataūtano xuanō jiwithano. Mataūtano Nacom naca cata barapo jumope xua waxeinaewa tsane po cui coyene beta penayabara nanta xeinaē coyenewa xua beta peexanaewa tsane. <sup>8</sup> Jopa aurandē poxonaē yabara cueicueijam Jesucristo, pon Wanacanamataxeinaein, xua poxonaē bequein ichamonaē cacui capona. Mataūtano jopa neyabara aurandē xua jiwī pecūbi botha taecaewa. Baxua necana exana tayabara cueicueijaxae Jesucristo, xua jiwī catsawīya taneyabara nanta xeinaexae xua pinaē abe exanan. Cui barū jejande xua ichamonaē bara canthūthū jopojopeya atene exana, icha xan ichin xua yabara cui copatan xua bara ichamonaē atene tana neexanaewa tsane. Baxua cacana exana neyabara cueicueijaxae Nacom pia pexeinya diwesi jume. Nacom cacata peayapusūwa baxua nexa, xua jopa nejunuwiwa tsane poxonaē caatene exana. <sup>9</sup> Nacom naca capanepa abe waexanaē cuiru coyenein weya. Mataūtano Nacom naca waba xua Nacom watsita najūntū coyene xanepana exanaewa tsainchi. Apra jopa naca wabiyo poxoru xanepanaya waexanaexaetsi. Apra jame naca waba, tsipei caena bayatha yabara nanta xeina baxua, beya poxonaē forota barapo cae pin nacie xua amanayiya pia wanaca yawenaetsi pia wanaca antobexae. Nacom naca yawena caemonaē pebyūnyā wanabarū jinompaexae Cristo Jestutha. <sup>10</sup> Nacom naca tsita itūta pia peantobewa poxonaē itorobicatsi Jesucristo, pon Wanacacapanenebiyaein. Bapon weraweraca cana exana po peayapusūwa xua xota jiwī tūpa exanatsi. Mataūtano naca tsita itūta po coyenewatha xeinatsi peantūyapusūwa, po peantūyapusūwa ataya tsiteca wajume cowūntsixae Nacom pia pexeinya jume diwesi tatsi, po diwesi xua Jesucristo yabara.

<sup>11</sup> Nacom newaba xua tacueicueijeinexa barapo pia pexeinya diwesi jume tatsi. Mataūtano neitorobano xua tana necana exanaenaxa Jesucristo pia peitorobi jiwī jiwana tatsin xua tacuidubinexa pomonaē jopa judiomonaē naexanaeyo. <sup>12</sup> Taexanaexae baxua, daxota atene neexana ichamonaē. Daichitha jopa aurinyo xua tayabara cueicueijiwa Cristo, poxonaē bequein ichamonaē atene neexana, tsipei yaputan pontha pon tajume cowūntsixae xua peitacūpaewatsi xua tana neyawenaewa. Bara beta yaputan xua bapon



xeina peayapuswa xua tana neyawenaewa. Bapon neyawena xua tacueicueije tsurucua-naebiyenexa tsane pocotsiwa bayatha bapon neitoroba, beya poxonae barapo matacabi tsane, po matacabitha poxonae patopeicaena Jesucristo.

<sup>13</sup> Necui coyene jupaeya exana ducuaanaebiyama, po pecuidubiwa bichocono xanepana xua bayatha catsipaebatsi. Jume cowantsiya poponare, matautano antobeya poponde Nacom, iru jiwithano, caemonaeya peburaya wanabaru jinompaexae Cristo Jesustha. <sup>14</sup> Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumo pe tñaxu tatsi cacata, po pejumo pe tñaxu tatsi naca baru jinompa.

<sup>15</sup> Bayatha yaputaneme pomonae Asia nacuatha jinompa daxita barapomonae nepunapenta. Pomonae nepunapenta, barapomonae jiwana ichun pewun Figelo, ichun pewun Hermógenes. <sup>16</sup> Barabu Nacom pon jiwi Pecanamataxeinaein yabara nantanuweya nanta xeinaena pomonae Onesíforo piamonae tatsi, xua Nacom peyawenaewa tsane barapomonae. Bapon Onesíforo nejantu tsacaba poxonae beta xanepanaya neyaweneiba. Bapon jopa neacauriyo xua jiwi pecubi botha taecaewa. <sup>17</sup> Poxonae bapon patopa Roma tomaratha bapon matowa newenawenei tsurucuaenaebiya beya poxonae matapainya necaxina. <sup>18</sup> Barabu Nacom pon jiwi Pecanamataxeinaein, bapontha nantanuweya yabara nanta xeinaena peyawenaenexa tsane, poxonae po mataqueitha Nacom yabara paebina jiwi xua penatsicuentiwa xua abe peexanaexae. Xam yaputaneme bara, xua bapon neyawena nawita Efeso tomaratha.

## 2

*Meje yabara xua Pablo yabara paeba xua ponba beta tanacuita pia pecanamataxeinaeinchi*

<sup>1</sup> Xam Timoteom, be taxantom catsicotainchi. Najantu coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonaeya peburaya jinya nenaexanaexae Cristo Jesustha. <sup>2</sup> Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowantsiya xaniwaicha cuidubina ichamonaetha pocotsiwa xua cueicueijan.

<sup>3-4</sup> Yabara baru cui copare xua bara ichamonae atene necaexanaewa tsane, nejume cowantsixae Jesucristo icha xan ichin xua yabara cui copatan xua bara ichamonae atene tana neexanaewa tsane. Poxonae baxua exaname, xam bara juta coyene ichim icha be soldadomonaepin ichi. Bapon ba atene exanatsi poxonae naba, xua peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsixana piawa poxonae cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae. <sup>5</sup> Barapocotsi juta coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonae bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa. <sup>6</sup> Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa. <sup>7</sup> Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputaeneme daxita.

<sup>8</sup> Jesucristo yabara nanta xeinare. Bapon Jesucristo pon naexana xua David pia pemoximi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asu exana petypae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha. <sup>9</sup> Barapo diwesi tacueicueijeixae daxota ichamonaeya atene neexana, beya poxonae penaintotha necuba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonae jiwi pecubi botha tana neetsixae. Tsipei awiya cataunxuae jiwi jume tane barapo diwesi. <sup>10</sup> Daxota jopa junuwinyo xua ichamonae atene tana neexanaewa, matautano bara copatan xua bara moya necana exanaena baxua. Daxota baxua bara copatan pomonae Nacom pia peitapetsi jiwi tatsi barapomonae nexa, xua barapomonae iru pecapanenebiyaenexa tsainchi xua Cristo Jesús capanenebiyaena. Poxonae barapomonae barapo diwesi xeinaena, po diwesi pecapanenebiyae coyenewa, bapoxonae muxuna xeinaena pexeinya peajuntuyapuswa, po peajuntuyapuswa ataya tsiteca xua Nacom pia nacuatheicha tatsi.

<sup>11</sup> Baraxue bara xainyei xua jei:

Icha copatatsi xua bara ichamonae naca atene exana wajume cowantsixae Cristo beya poxonae naca tupa exana, icha poxonae

Cristo cana ichichi, bapoxonae yawa muxuna jinompaeinchi Cristo xua pia nacuatheicha.

<sup>12</sup> Icha waxainchi awiya jume cowanta dubenanaebiyatsi xua poxonae bequein ichamonae naca atene exana, icha Cristo cana ichichi, bapoxonae barapo coyenewa yawa muxuna waxainchi Cristo, baru canamataxeinaeinchi jiwitha, waitorobiya ewatsinexa tsane barapo jiwi.

Icha waxainchi itawetsiya yabara jeichichi Cristo: “Bapon jopa yaputaeinyo”, jeichichi, bapon xuya itawetsiya naca yabara jei tsane: “Bapomonae jopa yaputaeinyo”, naca yabara jei tsane Cristo.

<sup>13</sup> Icha jopa beta xaniwaicha jume cowantsiya jinompaetsi, daichitha bapon cataunxuae exana ducuaanaebiyana pocotsiwa xua bayatha jiwi yabara paebatsi.

Baxua exana, tsipei Nacom jopa itacupaetsi xua exana pocotsiwa jopa be pia cuiyiyo tatsi.

*Meje yabara xua pon beta petanacuichin xua ichun beta petanacuichiwatsi*

<sup>14</sup> Xuaunxuae catsipaebatsi baraxua paebare ichamonaetha yawano cui itorobare baraxua barapomonae Nacom peitabaratha tatsi. Jande barapomonaetha: “Jopa yabara pana najume matsontsonoba exanaeinde xua po diwesin ichamonae pepaebixae”, jande. Barapo penajume matsontsonobiwa barapo coyenewatha bapana jopa naca yawenae. Barapo coyenewa saya abe cana exana pomonaetha pomonae jume tane. <sup>15</sup> Exande daxita pocotsiwan pexanepanae coyenewa xua Nacom nexa, xua Nacom jinya necacui taenexa xua bara beta tanacuitame Nacom. Bapoxonae xam jopa nayabara acauram tsane pocotsiwa xua beta xaniwaicha necaunutsiya paebixaem Nacom Pejume Diwesi, po diwesi pejume xainyei jume. <sup>16</sup> Jopa yabara najume matsontsonoba exanaeinde po jumein xua pejumexaei, po jumein xua saya yabara cueicuei jei pocotsiwa xeina barapo cae pin nacuathe, po jumein xua bapana jiwi jopa yawenaetsi. Tsipei pomonae bapocotsiwan paeba, eexanapona pocotsiwan abe peexanae cuiru coyenewan. <sup>17</sup> Barapomonae abeya pia pecuidubi coyenewan tatsi tajru nayoyotapona, icha be ichi xua tsuweto xua bapana putsuna xua beya tajru putsuna pona. Barapocotsi coylene xua tajru nayoyotapona, exanabe pon pewun Himeneo iru pon pewun Fileto. <sup>18</sup> Barapone jume naitematabe pocotsiwa pexainyei coyenewa. Bapone naerabiya jeibe: “Bayatha Nacom nacui weta xua asu exana, xua jiwi equeicha jopa asu peexanaewa tsainchi pomonae bayatha werapa”, jei baponbe xua naeraba paebabe. Baponbe ainya muxu cana exanabe ichamonaetha xua barapomonae jopa xapain pejume cowantsiwa tsane Nacomtha. <sup>19</sup> Nacom pia pexainyei coyenewa, peayarusiwa, xua icha cui coyeneya jopa naexanaetha. Barapon Nacom pia pexainyei coyenewa tatsi jeye: “Nacom pon jiwi Pecanamataxeinaein yaputane pomonae piamaenaxae tatsi”, jei. Matautano equeicha jeye: “Daxita pomonae xua nawun duba xua jei: ‘Paxan Cristobaru pan, pon jiwi Pecanamataxeinaein’, jei, bewa barapomonae naitematsina abe peexanae cuiru coyenewan”, jei Nacom pia pexainyei coyenewatha.

<sup>20</sup> Botha ba ichaxota pin bo, barapo bo xeina penain coroton pocotsiwa pewun oro nain, yawano icha penainwan pocotsiwa pewun plata nain. Matautano ba muxuna xeina napae coroton. Matautano ba xeina tisorobo coroton pocotsiwan be juruwaton. Po coroton xua pexeinya coroton, barapo coroton pecanamatawenonaenexa penabaruru itata weiweinae matacabintha. Po coroton xua saya pexeinya coroton aibi, barapo coroton pecanamatawenonaenexa daxita matacabintha. <sup>21</sup> Bara jutiya ichi, icha pebin ichichipa exana xua pocotsiwa pexanepanae coyenewa pon jiwi Pecanamataxeinaein nexa, bapon bewa naitematsina abe peexanae cuiru coyenewa xua Nacom pejuntu coylene xanepana exanaenexa bapontha. Bapoxonae bapon itacupaetsi xua peexanaewa daxita carepaya coyenein pocotsi coyenein Nacom tsita xanepanatsi.

<sup>22</sup> Xam naitemare pocotsi coyenewan pewowi exana xua poxonae abe exana. Exana ducuaanaebiyama pocotsiwa pexeinya juntu coyenewa. Matautano beta jume cowanta ducuaanaebiyama. Matautano antobe tsurucuaanaebiyama Nacom, matautano jiwithano. Matautano junte ma popona ducuaanaebiyama. Xam itapeta napuna ponde pomonae pejuntu coylene xanepanaewi poxonae Nacomtha tsipaeba pon jiwi Pecanamataxeinaein.

<sup>23</sup> Naitemare po peyabara najume matsontsonobiwa jopa xapain wanaeyo xua jopa



poxonae bequein ichamonae jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan. <sup>11</sup> Xam yaputaneme xua jiwi bichocono abe necana exana tajume cowantsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Lистра tomarathano. Ichitha pon jiwi Pia Pecanamataxeinaeinchi neyawena xua necapanera barapomonae pia xainya weya. <sup>12</sup> Bara xaniwaicha, daxita pomonae ichichipa xua najuntu coyene xanepana exana dubenanaebiya Cristo Jesustha, barapomonae iru atene exanaeinchi ichamonae. <sup>13</sup> Ichitha pomonae peajuntucoyenebe jiwi, iruru pomonae pemuxujainyabi jiwi, daxita barapomonae bichocono abe eexanaponaena beyacaincha xua copiya. Barapomonae muxujainyabiya canamataxeina ichamonae, xua abe peexanaenexaru, matautano xua barapo ichamonae iru xuya pemuxujainyabiya canamataxeinaenexa ichamonae, xua abe peexanaenexaru.

<sup>14</sup> Ichitha xam awiya beta exana ducuaanaebiyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomonae xua cacuiduba barapo coyenein, pomonae pejuntu coyene xanepanaewi. <sup>15</sup> Poxonae pexuyotham yaputaneme Nacom Pejume Diwesi. Barapo diwesi itacupatsi xua necacuidubiwa xua necapanepaewanexa abe jinya neexanae cuiru coyene weya nejume cowantsixae Cristo Jesús. <sup>16</sup> Daxita carepaya Nacom Pejume Diwesi tati, barapo diwesi Nacom ayapusu diwesi exana. Daxita barapo diwesi xanepana xua jiwi pecuidubiwa tsainchi. Matautano daxita barapo diwesi xanepana xua jiwi yaputane peexanaenexatsi poxonae abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesi xanepana xua jiwi peyawenaenexatsi xua pejuntu coyene xanepana dubenanaebiyaenexa Nacomtha. <sup>17</sup> Barapo diwesi jiton xanepanaya canacui weta exanatsi xua beta peexanaewa tsane pon Nacom piamonae jiwana jiton tati. Barapo diwesi xua daxita coyenein xena xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

#### 4

<sup>1</sup> Nacom peitabaratha tati yawa Cristo Jesús peitabaratha tati, baponbe peitabaratha tati caitorobatsi. Bapon Cristo Jesús patopaetsica be pon jiwi itorobiya pia pepa Peewantsinchi. Matautano bapon yabara paebina jiwi xua penatsicuentisiwa xua abe peexanaexae, pomonae xua anoxuae cataunxae asu jinompa, iruru pomonae xua bayatha werapa. <sup>2</sup> Caitorobatsi xua cueicueijande Nacom Pejume Diwesi. Beta jume daunweya cueicueijam tsabinde Nacom Pejume Diwesi poxonae jiwi ichichipa cajume taibina, matautano poxonae bequein jiwi jopa ichichipaeyo xua necajume taewa. Barapomonae juntu coyene yaputane exande xua barapomonae petaseicaewatsi pejuntu coyene xanepanaewa Nacomtha. Matautano barapomonae yabara muxuwere abe pia peexanae cuiru coyenein tati. Matautano barapomonae juntu coyene cui tsacabare xua Jesucristo pejume cowantsiwa tsainchi. Matautano bapana barapomonae jopa tsita xeinaeinde peitaconaewa. Matautano bapana jopa nacui copatsim tsane xua necuidubaponaewa barapomonae, xua bequein barapomonae jopa Jesucristo pejume cowantsiwichi taetham tsane. <sup>3</sup> Tsipei jopaena matakabi poxonae po matakabitha jiwi jopa jume cowantsi tsane barapo pexainyei cuidubi jume. Barapomonae saya u jeichina po pecuidubiwi saya cuiduba pocotsiwa xua jiwi ichichipa jume tane. <sup>4</sup> Barapomonae saya naitemapenta xua aichaxaibi pejume taewa pocotsiwa pexainyei jume. Saya barapomonae u jume naitaewatsina ainya diwesi, po diwesi xua saya pejemai diwesi. <sup>5</sup> Ichitha xam dotam. Najuntu coyene babare xua neexanaeyainwa pocotsiwa barapomonae exana. Jopa junuwinde xua ichamonae poxonae caatene exanaena nejume cowantsixae Jesucristo. Ichitha xam exana ducuaanere jinya nenacuichiwa xua Nacom pia pexeinya jume diwesi necueicueije ducuaetsiwa. Daxita wetsiya exanare pocotsiwa jinya netanacuichiwa Nacom.

<sup>6</sup> Bara nama imoxoyo nebehubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha. <sup>7</sup> Ajuntucuiyapusu amanayaban caurimonaetha Jesucristo nexa, icha soldadomonaechi xua poxonae amanayaba pia peitafaetabiwichi. Bayatha nacui wetan pocotsiwa xua bayatha Nacom neitoroba, icha jiton ichi xua patopa poxonae penaxenacaewa. Matautano jume cowantsiya poponan Jesús, icha be pocotsi coyeneya ichi poxonae jiton beta yapu eena pocotsiwa itorobatsi pia pecanamataxeinaeinchi. <sup>8</sup> Anoxuae ewatan po pentoma Nacom necatsina xua tajuntu coyene xanepanaexae bapontha. Pon jiwi Pecanamataxeinaein, pon xua yatsicaewa xainyeya jiwi yabara paebatsi xua

penatsicuentisiwa xua abe peexanaexae, bapon pentoma necatsina po mataqueitha poxonae bapon patopeicaena. Saya meisa jopa compa necatsi tsane, iru barichi tsainchi baxua catsibinchi pomonae wunae ewatsiya ichichipa xua pia pepatopaewa tsane bapon.

*Meje yabara xua Pablo waba xua Timoteo wabatsi*

<sup>9</sup> Nainya nesiwa ponde poxonae caitacupa. <sup>10</sup> Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacua beya pona. Pon Tito, bapon Dalmacia nacua beya pona. <sup>11</sup> Meisa pon Lucas, bapon xote baru ecan. Wenawenande Marcos, cabaru dena tsane, tsipei bapon itacupatsi xua tana neyawenaewa tsane. <sup>12</sup> Pon Tíquico bapon Efeso tomara beitorobian. <sup>13</sup> Poxonae nesiwa denam, inta carenande po paparuwa aitiu, po paparuwa cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

<sup>14</sup> Pon Alejandro, pon penain penacuichin, bapon inta abe exana. Pon jiji Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae. <sup>15</sup> Dotam xua bapon, tsipei bapon aichaxaibi pocotsiwa po diwesiwacin cueicuejeichi.

<sup>16</sup> Poxonae tacoutha nayabara jume yawenaeya cueicueijan pentacaponae wi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom bu jopa cabetsi tsane barapomonaetha xua tana nepunapentsixae. <sup>17</sup> Daichitha Nacom pon jiji Pecanamataxeinaein, neyawena poxonae bequein ichamonae nepunapenta. Bapon peantayarusuwa necata xua beta tacueicuejeinexa pijume diwesi xua pejume taewa tsane daxita pomonae jopa judiomonae naexanaeyo. Bapoxonae Nacom neyawena xua jiji jopa necabetsiyo xua tatapaewa. <sup>18</sup> Bapon pon jiji Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaen pia peitorobi nacua beicha. Barabu jiji ataya wunae jainchina Nacomtha. Je bara ichi tsane.

*Meje yabara xua Pablo najume wetsiya paeba*

<sup>19</sup> Inta jacobare powa Prisca, iru pia pebin tatsi, bapon Aquila. Iru inta jacobare pon Onesiforo piamonae matabuxuyo tatsi. <sup>20</sup> Pon Erasto bapon eca Corinto tomaratha. Pon Trófilo, bapon cuenta ponan Mileto tomaratha yaitama atene. <sup>21</sup> Jujere xua patopare xua pewunaeya poxonae beya awabo tsane. Pon Eubulo, iru pon Pudente, iru pon Lino, iru powa Claudia, iru daxita pomonae pejume cowantsiwi, daxita barapomonae cajacoba.

<sup>22</sup> Barabu Jesucristo, pon jiji Pecanamataxeinaein cabaru poponaena. Barabu Nacom amanayiwa cayawenaena jinya necaantobexae.

Baja Pablo.

## Meje Po Carte Pablo Tatina, Tito Tatinatsi

*Meje yabara poxonae Pablo tamropata pitaba xua tatina, Tito tatinatsi*

<sup>1</sup> Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomonae pejume cowantsinexa Nacom. Pexunaeya copiya Nacom itapeta barapomonae, xua pejume cowantsiwa tsainchi. Matautano neitoroba xua barapomonae yaputane taexanaenexa Nacom pia pexainyei jume diwesi xua daxota barapomonae Nacom peitabaratha xanapanaya pejinompaewa tsane. <sup>2</sup> Poxonae barapomonae jume cowanta Nacom, barapomonae ewata xua Nacom catsina pia peajuntuyaruswa po peajuntuyaruswa ataya tsiteca. Bapon Nacom bapana jopa penaerabin. Barapo peajuntuyaruswa po peajuntuyaruswa ataya tsiteca, caena bayatha Nacom yabara tsiwinae muxu duta jiwi poxonae cataunxuae jopa nacua forotsiyo. <sup>3</sup> Ichitha anoxuae nama Nacom peichichipaexae barapo matacabitha daxota jiwi yabara yaputane exainchi xua pia pexeiya jume diwesi tatsi. Nacom necopata xua bara tacueicueijejiwa tsane barapo diwesi daxita jiwitha. Nacom pon xua jiwi Pecapanenebiyaein neitoroba xua tacueicueijejiwa barapo diwesi poxonae necata barapo pia penacuichiwa tatsi xua tatanacuichinexa bapon. <sup>4</sup> Barapo carte cata tinatsi Titom, ponxaeem be yatsicaewa taxantom catsicotainchi ira nejume cowantsixae Jesucristo. Barabu Nacom pon Waxa, ira Jesucristo pon Wanacapanenebiyaein petupae cuiru coyene weya, cayawenaenabe pia necaantobewaxaebe. Matautano jantema popona caexanaenabe.

*Meje yabara xua Tito Creta tunaeto nacuatha nacuita*

<sup>5</sup> Caena bayatha Creta nacua tunaetotha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomonae pecanamataxeinaenexa pomonae pejume cowantsi jiwi Nacom. Baxua eexanaponde daxita i dapo tomarantha icha be pocotsi coyeneya bayatha caitorobatsi. <sup>6</sup> Bayatha catsipaebatsi xua pon barapocotsi pitiri jiwi jiwanapin bewa poxonae poponaena bewa iche: Bapon bewa xanapanaya poponae xua ichamonae jopa petsita natsicuentinexa tsainchi xua abe peexanaexae bapon. Matautano bapon saya bewa cae petsiriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanapanaya bewa jinompaexa xua daxota ichamonae jopa peyabara paebiwa tsane xua abe exana barapo pexui. Barichi matautano xua ichamonae jopa peyabara paebiwa tsane xua barapo pexui jopa jume jejeyo pocotsiwa coxiyan itoroba. <sup>7</sup> Po pitiri jiwi canamataxeina pomonae pejume cowantsiwi Nacom, barapomonae tanacuita Nacom piawa. Daxota ainya cui xua barapomonae xanapanaya bewa jinompaexa. Barapomonae jopa bewa jumefebi pocotsiwa xua Nacom itoroba. Matautano jopa bewa exanae pocotsiwa jiwi nainya bichoina anaapanaya jume nota. Yawano jopa bewa nacupa exanae, yawano jopa bewa nacayatsi. Yawano jopa bewa pitaparaxixichi poxonae jopa xapain exanaeyo penacuichiwa. <sup>8</sup> Jame bewa barapomonae matenta weiweinaya wabeibi pomonae pesiwa poneibiwichi pia bontha. Yawa bewa ichichipae pocotsiwa xua wnae. Yawa bewa xanapanaya cayabara nanta xeinae. Yawa bewa beta exanae ichamonaetha. Yawa bewa exanae pocotsiwa Nacom itoroba. Yawa bewa yaputae xua pia coutha najuntu coyene itoroba xua beta peexanaewa. <sup>9</sup> Bewa ajuntucoyenesya jume cowantsina Nacom pia pexainyei jume diwesi tatsi po diwesi barapomonae cuidubatsi. Barapomonae itacupatsi xua xuya ichamonae juntu coyene tsacaba xua pejume cowantsiwa tsainchi poxonae cuiduba barapo pexainyei jume diwesi. Matautano barapomonae itacupatsi xua jume jejei cana exana pomonaetha pomonae bequein copiya pejume itawetsixaetsi pocotsiwa xua barapomonae cuiduba.

<sup>10</sup> Tsipei judiomonae jiwanapiwi bichocono pinmonae pomonae pejumefebiwi xua Nacom itoroba. Bichocono pinmonae pomonae jiwi peitorobiwi xua pebiwi bewa wi thabinchi ichaxota penareixacaenaewa. Pocotsiwa barapomonae cuiduba ichamonaetha saya pejumexaei. Yawano jiwi muxuitorobatsi nawitano. <sup>11</sup> Barapomonae bewa pajume matawentsim xua jopa pepaebiwa tsane barapo jumein, yaitama barapomonae cana exana xua jopa jume cowantsiyo pomonae xua daxita matabaxumonaein tsiniya. Baxua exana poxonae cuiduba pejemai diwesin po diwesin jopa bewa cuidubi, jiwi peyamuxujainyabiya wucaenexatsi paratixi.

<sup>12</sup> Caena bayatha popona pon Creta tunaetopiwi jiwanapin, pon piamonae yabara jeichi: “Wanacom pia peitorobi jume pepaebin tatsi”, jei. Barapon yabara cueicueijeji Creta tunaetopiwi pomonae piamonaexae. Bapon yabara jeye piamonae: “Maisa Creta tunaetomonae, barapomonae jiwi muxuitorobeiba, yawa be unupiwi pomonae peaitoisa

jiwi yawa napenajuba nawita yawa fifina nawita”, jei bapon. <sup>13</sup> Poxonae bapon baxua paeba barapara jume xainyeya paeba. Daxota xam Titom barapomonae bichocono jume matawende xua barapomonae xaniwaicha jantema pejinompaewa tsane xua Jesucristo pejume cowantsiwatsi. <sup>14</sup> Matautano cui matawende barapomonae xua jopa equeicha pejume naitawatsinexa judiomonae pia pejema diwesin tatsi. Matautano cui matawende xua jopa pejume naitawatsinexa pomonaetha pomonae xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

<sup>15</sup> Pomonae yabara jume cowanta xua Cristo tsitupa barapomonae, barapomonae jame pejuntu coyene xanepanaewi. Barapomonae daxita po coyenein xua tane tsita xanepanatsi. Seicaya nama pomonae jopa yabara jume cowantsiyo xua Cristo tsitupa xua barapomonae tsitupatsi, barapomonae apara peajuntucoyenebewi. Barapomonae daxita po coyenein xua tane tsita abetsi. Barapomonae pia penanta xeinaewan jopa xaexaenaecaeyo, yawa pia juntu coyenein tatsi po juntu coyenein itorobeibatsi xua poxonae peexaneibinexa, bichocono jopa xaexaenaecaeyo. <sup>16</sup> Barapomonae jei: “Nacom pajume cowantan”, jei. Daichitha poxonae exaneiba, icha coyene exaneiba icha ichi pomonae jopa pejume cowantsiwi Nacom. Bara barapomonae Nacom tsita abetsi pejumefebixaetsi pocotsiwa itoroba. Matautano jopa itacupaetsi xua exana pocotsiwa xua pexeinya penacuichiwa.

## 2

### *Meje yabara pocotsiwa Nacom pia pexainyei jume diwesi tatsi*

<sup>1</sup> Ichitha xam Titom pocotsiwa cuidubame bewa cayabara cuita cananta xeineibim xua u pocotsiwa Nacom pia pexainyei jume diwesi tatsi. <sup>2</sup> Pitiri jiwi muxuwere xua jopa bewa nacupa naexanae peatsaxa meran. Matautano muxuwere xua xaniwaichiya pejinompaewa tsane xua daxota ichamonae pebara cui itura jinaewa tsane, xua barapo pitiri jiwi pebara cui itura jinaewa tsainchi. Matautano muxuwere xua penajuntu coyene itorobeibinexa xua peexaneibinexa po coyenein xua wnae. Matautano muxuwere xua xaniwaichiya pejume cowanta dubenanaebiyawa tsane xua Nacom xaniwaicha pejume cowanta dubenanaebiyawa tsainchi. Yawano muxuwere xua piamonae peantobe tsurubenanaebiyawena. Yawano muxuwere xua ayapusya jume cowantsina poxonae bequein ichamonae abe taexanatsi. <sup>3-4</sup> Barichi pitiriwaxi muxuwere xua xanepanaya pejinompaewa tsane, icha be ichi poxonae jinompa powaxi jume cowanta Nacom. Matautano barapowaxi jopa bewa cueicueiei tsane po jumein xua abe xua ichamonae yabara paeabatsi. Yawa jopa bewa nacupa naexanae peatsaxa meran. Matautano barapo pitiriwaxi muxuwere xua piseuriwi peantobe nexa tsaibi tsane, xua daxota iru xuya penawaxi pebarichinexa xua peexanaenexa po coyene wnae xua peantobe nexa tsaibi tsane piseuriwi yawa pia pexuithano. <sup>5</sup> Matautano muxuwere barapo pitiriwaxi xua penajuntu coyene itorobeibinexa xua peexaneibinexa po coyenein xua wnae. Matautano muxuwere xua penajuntu coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawanaenexa pomonaetha pomonae pia botha petajinompaewichi. Yawa muxuwere barapo pitiriwaxi xua jume jejei tsaibi tsane poxonae itorobeibatsi piseurixi xua ichamonae jopa abe peyabara paebinexa Nacom Pejume Diwesi.

<sup>6</sup> Matautano barichi pewowi muxuwere xua penajuntu coyene itorobeibinexa xua peexaneibinexa po coyenein xua wnae. <sup>7</sup> Xam Titom barapo pewowi peitutha tatsi xanepanaya eexanaponde daxita coyenein poxonae exaneibame. Barapoxonae barapo pewowi xua pebarichinexa xanepanaya peexanaenexa po coyenein wnae. Poxonae pewowi cuidubame xainyeya cuidubare nejuntu coyene wetsina. Matautano xanepanaya beta cuidubare. <sup>8</sup> Xanepanaya betiya cueicueijande xua ichamonae jopa abe necayabara paebiwa tsane. Daxota barapomonae aura tsaibi tsane xua abe necayabara paebebiwa beta neexanaexae. Bapoxonae barapomonae jopa itacupa tsainchi xua abe wanaca yabara paebiwa.

<sup>9</sup> Tsipaebare pomonaetha pomonae pebusi cui tatayebebiwichi xua amanaya tanacuita xua poxonae ichamonae tanacuitatsi, jande: “Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxonae paca itorobeiba painya nepaca canamataxeinaewi”, jande. <sup>10</sup> Yawa jande: “Jopa pacaibinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacacapanenebiyaein abe waexanae cuiru coyene weya”, jande.

<sup>11</sup> Nacom bayatha naca yaputane exana xua bara naca yawena pia wanaca antobexae. Naca yawena poxonae naca capanenebiya. Barapo pecapanenebiyae coyene daxita

nacuanpiwi nexa. <sup>12</sup> Barapo coyene xua Nacom pia peyawenae coyene jiwitha pia peantobewaxae, naca cuiduba xua wanacui barapentsiwa tsane abe waexanae cui ru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowantsiwi, xua pomonae jinompa po cae pin nacuathe. Matautano naca cuiduba xua najuntu coyene itorobeibinchi xua waexaneibinexa po coyenein xua wanae barapo cae pin nacuathe yawa xanepanaya wajinompa dubenanaebiyaenexa xuano xua xainyeya waexana dubenanaebiyaenexa pocotsiwa Nacom itoroba. <sup>13</sup> Yawa naca cuiduba xua wawanae ewatsiya jinompaewa xua equeicha caewa patopaetsica pon xua bayatha Nacom yabara naca tsiwunae muxu duta. Waxainchi ewatatsi xua Jesucristo pia pepatopaewa pexeinya peitapanae coichatha. Bapon barapara wapepa Nacom xuano xua Wanacacapanenebiyaen. <sup>14</sup> Jesucristo nacaenaeta xua naca tsitupa wanaca capanenebiyaenexa daxita coyenein weya xua abe waexanae cui ru coyenein. Matautano nacaenaeta wanaca juntu coyene xanepana exanaenexa poxonae naca yabara junteina abe waexanae cui ru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa wanae.

<sup>15</sup> Xam Titom barapo coyenein bewa cuidubim. Juntu cui coyene tsacabare xua barapomonae junteima pejinompaewa tsane. Matautano muxuwere daxita barapo Creta tunetopiwi xua bara xanepanaya peexanaewa tsane daxita peitorobi coyenyatha po peitorobi coyene xua Nacom cacata. Jinxoba barapomonae peitutha exaname po coyenewa xua daxota barapomonae tsita pecui paw i nenaexanaewa.

### 3

#### *Meje yabara po coyene bewa exanae pomonae Nacom pejume cowantsiwichi*

<sup>1</sup> Xam Titom barapo Creta tunaeto nacuaiwi equeicha caewa yabara nanta xeina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponawewi. Matautano muxuwere xua bewa barapomonae najuntu cui wanaetsiya exaneibina xua peexanaenexa tsabi tsane pocotsiwa xua wanae. <sup>2</sup> Matautano muxuwere xua bewa barapomonae jopa abe paebi tsane xua ichamonae abe peyabara paebiwatsi. Matautano muxuwere xua barapomonae jopa bewa jume matsontsonobi ichamonaetha. Matautano muxuwere xua barapomonae bewa juntu coyene xanepanaya cueicueiji ichamonaetha. Matautano muxuwere xua bewa barapomonae baru cui itura jina dubenanaebiyaena daxita jiwi.

<sup>3</sup> Caena bayatha copiya waxainchi jopa wajume cowantsiwi, jopa Nacom wayaputaexae. Yawa jopa wajume jejei jiwi pocotsiwa Nacom naca itoroba. Yawa waxainchi naca itaxanumena. Waxainchi wajuntu coyene naca itoroba xua waexanaewa pocotsiwa waichichipaewa pocotsiwa xua abe. Matautano naca itoroba xua bewa exanaetsi po peabe coyene naca weiweina exana icha ichi pomonae jinompa po nacuathepiwi. Matautano abe peexanae cui ru coyenein exana dubenanaebiyatsi, xuano xua peuwi juntu coyeneya jinompa dubenanaebiyatsi. Matautano ichamonae naca ita aenae-aenei tsurubenanaebiyatsi, yawano xua waxainchi nantiya naita aenae-aenei tsurubenanaebiyatsi. <sup>4</sup> Ichitha Nacom pon Wanacacapanenebiyaen yabara naca yaputane exana xua po coyene bapon naca juntu coyene xanepana exana, xuano xua wanaca antobewa poxonae naca capanenebiya abe waexanae cui ru coyenein weya. <sup>5</sup> Naca capanenebiya, apara jopa poxoruyo xua xanepanaya waexanaexae bapon nexa, apara poxoru nantanuweya naca yabara nanthu coyene xeina pia wanaca yawanaenexa. Poxonae naca bautisaba meratha baraxua saya yabara caunuta xua Nacom pia Pejumo pe tnanax tatsi naca juntu coyene xanepana exana. Poxonae baxua naca cana exana bapoxonae pena juntu coyene xeinatsi, xua poxonae Nacom pia Pejumo pe tnanax tatsi naca juntu cui coyene yabara cajunteina abe waexanaewan. <sup>6</sup> Jesucristo pon Wanacacapanenebiyaen nacata itorobica Nacom pia Pejumo pe tnanax tatsi pia jopa juniya wanaca yawanaenexa. <sup>7</sup> Poxonae Nacom naca juntu coyene xanepana exana, bapoxonae naca cana exana xua jopa wanatsiaenae cuentsinexatsi bapontha. Bapon naca yawena pia wanaca antobexae. Daxota waxainchi ewatatsi xua Nacom wanaca catsibiwa tsane peajuntu yapusawa, po peajuntu yapusawa ataya tsiteca, tsipei bapon pia pexuichi.

<sup>8</sup> Baxua jame xainyeya pepaebiwa. Ichichipan xua xam jume daunweya tsipaebiname barapomonae xua bewa barapomonae barapo coyene exanaena pomonae xua pejume cowantsiwi xae Nacom. Bapoxonae barapomonae cui enatsi xua peyabara nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi. <sup>9</sup> Dotande xua necuiainwande



xua ichamonae yabara necabar<sub>n</sub> najume matsontsonobiwa tsane po diwesin xua peje-mai diwesin. Matautano cuiyainwande xua yabara necabar<sub>n</sub> cueicuejeiwa judiomonae pia pamo susatopiwi tatsi pia w<sub>n</sub>x<sub>i</sub> tatsi. Matautano cuiyainwande xua penajume matsontsonobiwa xuano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyeiwanxae.

<sup>10</sup> Icha ich<sub>n</sub> cana exana xua pomonae Nacom pejume cow<sub>n</sub>tsiwichi, cana exanatsi xua barapomonae pomonae Nacom pejume cow<sub>n</sub>tsiwi be pomonae jopa penayaitae jiwi penaexanaewa tsane xua penaita aenae-aeneiwa, bara bapon muxuwere. Icha equeicha jopa xapain exanaeyo equeicha muxuwere. Icha equeicha jopa beta exanaeyo baroxonae bapon itawere painya xainya weya. <sup>11</sup>Yaputaneme xua barapon pia coutha naj<sub>n</sub>t<sub>n</sub> coyene matanonoxuba xua abe peexanae cuiru coyene peexanaewa. Daxota abe peexanaexae pia coutha natsicuenta exana Nacomtha.

*Meje yabara xua Pablo muxu tsipaeba pocotsiwa bewa Tito exanaena*

<sup>12</sup> Poxonae nexainya beya cata itorobatsi Artemas, ichacui<sub>n</sub>tsipae icha cata itorobatsi Tíquico, nexata bapoxonae yacuinaya ponare Nicópolis tomara beya. Nexata barapo tomarathiya netaename, tsipei bayatha nanta xeinan xua baxotiya taecaewa tsane aw<sub>n</sub>botha. <sup>13</sup>Zenas pon jiwi yaweneibatsi peyabara yaputaeinxae peitorobi coyenein, ir<sub>n</sub> pon pew<sub>n</sub> Apolos pon xua casiwa ponabe baponbe yawendebe. Bara exande be pocotsi coyeneya xua caitac<sub>n</sub>pa xua yawename. Baponbe carebe pocotsiwa xua canantawenonabe poxonae pewarapaenexabe xua jopa petaseicaenexa tsainchibe. <sup>14</sup>Barab<sub>n</sub> wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Baroxonae pia j<sub>n</sub>t<sub>n</sub> coyenein tatsi Nacom tsita xanepanatsi.

*Meje yabara xua Pablo najume wetsiya paeba*

<sup>15</sup> Pomonae taxantha ena barapomonae cajacoba. Painta jacobare pomonae Jesucristo pejume cow<sub>n</sub>tsiwichi, pomonae bichocono paantobein pejume cow<sub>n</sub>tsixae. Barab<sub>n</sub> Nacom paca yawenaena daxita paxam pia paca necaantobexae.

Baja Pablo.

## Meje Po Carte Pablo Tatina, Filemon Tatinatsi

*Meje poxonae Pablo tamropata pitaba xua tatina, Filemón tatinatsi*

<sup>1</sup> Xan Pablon, ponxaein jiwi pecubi botha taneetsin xua tanatsipei cueicueijeixae Cristo Jesús yabara. Iru Timoteo, pon iru pejume cowantsin Jesús, baponbe panbe barapo carte pacata tinatsi. Xam Filemón ponxaeim bichocono paca antobetsi tsipei pana yantame xua cueicueijam Nacom Pejume Diwesi. <sup>2</sup> Iru pata tinanbe pomonaetha pomonae pejume cowantsiwi Jesús pomonae jinya botha nacaetuteiba. Iru barapo carte yabuyo nexa powa pewan Apia, powa be wamcho watsicotaewa pejume cowantsixaeru Jesús. Iru barapo carte pebin nexa pon pewan Arquipo, pon daunweya pana nebaru nacuita xua poxonae pata cueicueijiwa Nacom Pejume Diwesi. <sup>3</sup> Barabu Nacom Waxa iru Jesucristo pon jiwi Pecanamataxeinaein paca yawenaena pia paca necaantobexae, xuano xua jintema jinompa paca exanaena.

*Meje yabara xua Filemón Cristo antobetsi xuano xua jume cowantano*

<sup>4</sup> Poxonae Nacomtha tsipaebiban cayabara nanta xeineibatsi jan tsaibin: “Axa, Nacom sawnae jaintatsi tsipei Filemón nejuntu coyene weiweina exana”, jan tsaibin. <sup>5</sup> Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Matautano jume tan xua pinae antobem Jesús xua iruno pinae antobem daxita pomonae pejume cowantsiwi. <sup>6</sup> Nacomtha tawacan xua pomonae Jesús pejume cowantsiwi xua barapomonae taena xua waxainchi be nacaemonaetsi wajume cowantsixae. Matautano Nacomtha tawacan xua barapomonae xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowantsixae Cristo Jesús. <sup>7</sup> Taneantobemxae nejuntu coyene tsacarabame yawa nejuntu coyene weiweina exaname xua xaniwaicha jintema tapoponaewa tsane. Xam ponxaeim be tayapin canatsicotainchi iru nejume cowantsixae Jesús. Beta nepoponaexae daxota beta jinompa daxita pomonae pejume cowantsiwi Cristo Jesús.

*Meje xua Pablo Filemón wucatsi xua Onésimo tawucatsi, pon Filemón pia pebusi cui taetaeinchi*

<sup>8-9</sup> Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein matautano anoxuae jiwi pecubi botha neeta tanatsipei cueicueijeixae Cristo Jesús yabara. <sup>10</sup> Cacui itorobatsi xua neyawenaenexa Onésimo. Bapon taxanto be tatsicotaein taneyawenaexae xua cueicueijeixae Jesús yabara poxonae cataunxae xote ecanje jiwi pecubi botha. Bapon bayatha nexainya weya nametaba, pon bayatha amanaya necata nacuichin.

<sup>11</sup> Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixaetsi. <sup>12</sup> Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein. <sup>13</sup> Xan ichichipan xua bapon taxantha eca xua barapon tana neyawenaenexa po penacuichiwa inta exaname xua iru poxonae cataunxae jiwi pecubi botha neeta tanatsipei cueicueijeixae Jesucristo pejume diwesi. <sup>14</sup> Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi. <sup>15</sup> Metha bayatha Onésimo nametaba nexainya werena saya be caetho nexa xua anoxuae bara tsitecaeya nebaru poponaenexa tsane. <sup>16</sup> Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cowantsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema iru pejume cowantsixae Jesucristo, pon jiwi Pecanamataxeinaein.

<sup>17</sup> Jinya eweicho tana necana exanaemxae iru tajume cowantsixae Jesús, daxota moya beta weyataeya matenta wabare Onésimo, icha be neichim poxonae nententa weiweinaya wabame. <sup>18</sup> Icha bapon cata abe exana, icha ichauyo cantoma amanayaba moya newucare xua barapo matoma tacacatsinexatsi. <sup>19</sup> Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa sawucaetsi pentoma po matoma xua tanematoma amanayabiwam xua bayatha

tacayawenaexaetsi xua nejume cowantsiwa Jesús. <sup>20</sup> Bara barichinde, be pon taeweicho tacanatsicotaeinchi nejume cowantsixaerü Cristo. Inta exande xua caitorobatsi Jesús, pon jiwí Pecanamataxeinaein, pia pejume cowantsiwi pia pejantü cui coyeneya. Nejäntü coyene tsacarabare xua jäntema xaniwaicha tapoponaewa tsane.

<sup>21</sup> Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi. <sup>22</sup> Bapoxonae inta bo tutu netsiwanaere. Tsipei bexa tsane paca taeyopiyaeinchi xua bayatha Nacom painya newucaexae xua tapaca taeyopiyaewatsi tsainchi.

*Meje yabara xua ichamonae Filemón jacobatsi*

<sup>23</sup> Epafras cajacoba pon irü xota eque jiwí pecabi botha penatsipei cueicueijeixae Cristo Jesús yabara. <sup>24</sup> Matautano irü Marcos, irüno Aristarco, irüno Demas, irüno Lucas, daxita barapomonae matabuxüyo neyawena xua tacueicueijeiwa Jesucristo yabara.

<sup>25</sup> Barabü Jesucristo pon jiwí Pecanamataxeinaein, paca yawenaena daxita paxam pia paca necaantobexae.

Baja Pablo.

## Meje Po Carte Po Carta Nacom Pia Jiton Tatsi Tatina, Hebreomona Tatinatsi

*Meje yabara xua Nacom Pexanto itoroba jiwitha petacueicueijeinexatsi*

<sup>1</sup> Caena bayatha Nacom itoroba pia peitorobi jume diwesi petacueicueijeji jiwichi. Barapomona Nacom tacueicueijeichi xua poxona tsipaebatsi wamo susato jiwí. Barapomona matowa tacueicueijeji tsaibi xua Nacom tacueicueijeji tsaibichi matautano ainya coyeneintha tsipaeba xua Nacom tatsipaebatsi. <sup>2</sup> Ichitha nama anoxuae matapainya barapo matacabinthe po matacabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxona cana exana xua Pexanto tatsi pecanamataxeinaenexa daxita coyeneintha. <sup>3</sup> Nacom Pexanto tatsi pexeinya peitupanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxona naca tsitupa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxona bapon itaboco beicha pona penacuaretsinexa pexeinya peecaathopeibiwatha Nacom pia coxa weya tatsi xua itaboco beicha xua Nacom pia peecaathopeibiwatha tatsi beicha.

*Meje yabara xua Nacom Pexanto tatsi peainya cuin beyacaincha matatsunpiwi*

<sup>4</sup> Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wun duta Pexanto xua po wun jei: “Nacom Pexanto”, jei, po wun bichocono ainya cui beyacaincha matatsunpiwi pewun. <sup>5</sup> Tsipei Nacom bapana jopa jeiyto matatsunpintha:

“Xam Taxantom, anoxuae jiwí tsita itapeinya  
xeinan xua xan jinya axan”,

jopa bapana jei Nacom matatsunpintha.

Matautano bapana jopa jei matatsunpin yabara:

“Xan bapon pia paxa tatsin tsane,

bapon bara taxanto tsane”, jopa  
bapana jei Nacom xua matatsunpin  
peyabara paebiwatsi.

Saya ba meisa Nacom Pexantotha  
yabara paeba barapo jume.

<sup>6</sup> Matautano poxona Pexanto itorobica po cae pin nacuamonaepiwitha tsique, pon yatsicaya compa tatsi, Pexanto yabara jei:

“Baraba daxita tamatatsunpiwimona

Taxanto wunae jaintinchi”, jei Nacom.

<sup>7</sup> Nacom yabara jei matatsunpiwi:

“Tamatatsunpiwi itoroban xua nainya inta

nacuita icha joibo ichi xua nainya pona

poxona itoroban barapo joibo.

Barichi barapomona itoroban xua inta

daunweya nacuita icha nawa coicha ichi xua

daunweya taxua poxona itoroban barapo nawa”,

jei Nacom.

<sup>8</sup> Ichitha nama Nacom Pexantotha jei:

“Jaina, xam ponxaem Nacom, ataya tsitecaeya

itorobiya ewatsiname xua

itorobathopequeibame jiwí.

Jinya neitorobiya ewatsi coyenewa

bara ataya pexainyei coyenewa.

<sup>9</sup> Xam ichichipame pocotsiwa exana

pomona xanepanaya peexanaewi.

Matautano bichocono aitaftabim

pocotsiwa exana pomona abe peexaneibiwi.

Daxota xan Nacom ponxaein, jinya Nacom

bichocono cajuntu coyene weiweina

exanatsi, beyacaincha xua jinya jiwimonae  
jũntũ coyene weiweina exanan”,  
jei Nacom Pexantotha.

<sup>10</sup> Equeicha Nacom Pexantotha jei:  
“Xam pon pepa Necanamataxeinaem jiwi,  
caena bayatha forotame barapo cae  
pin nacua poxonae aena.

Jinya coya exaname peitaboco.  
<sup>11</sup> Daxita baxuan pocotsiwan xua jinya  
neexanaewam weraweracaena.

Tsipai daxita baxuan saya peruwan tsane,  
icha be poxonae paparuwa ichi xua  
peruwa tsane xua tsapatsapaca.

Ichitha xam nama ataya  
tsitecaeya poponaename.

<sup>12</sup> Barapo cae pin nacua irũ barapo itaboco  
poxoru peruwa tsane pichiname xua  
nexubinexa, xua pena ira equeicha  
neexanaenexa yawa xua itaboco.

Barapocotsi jũta coyeneya exanaename  
icha be poxonae pebin ichi xua peruwa  
nama xuena xua xuba, xua  
penawa penamaxatatsinexa.

Ichitha xam nama ataya tsitecaeya poponame.  
Mataũtano jinya nepoponae coyenewa  
ataya jopa weraweraca tsane”,  
jei Nacom Pexantotha.

<sup>13</sup> Nacom bapana jopa jeiyo matatsunpintha:  
“Xam tacoxa weya ecare, beya poxonae abũ  
caexanaeinchi xua itorobiname jinya  
necaaitafaetabi jiwi”, bapana jopa jeiyo  
Nacom matatsunpintha.

Saya meisa Pexantotha baxua paeba.

<sup>14</sup> Daxita matatsunpiwi peinya pejinompaewi jiwitha. Barapo matatsunpiwi exana dubenanaebiya pocotsiwa Nacom itoroba. Nacom itoroba barapomonae xua petayawenenaexa tsainchi pomonaetha pomonae hexa Nacom capanenebiyaena pomonae pejume cowũntsi jiwixaetsi.

## 2

*Meje yabara xua poxonae naca muxuweta xua jopa bewa pepawi cana exanaetsi Nacom pia pecapanenebiyae coyenewa tatsi*

<sup>1</sup> Nacom Pexantotha ainya cui cana exana beyacaincha matatsunpiwi. Daxota bewa matowa itapeta jume naitawatchi pocotsiwa bapon yabara xua jume tainchi. Bapoxonae jopa wayabara jũntemainaponae tsainchi po coyene xua Nacom pia pecapanenebiyae coyenewa tatsi. <sup>2</sup> Po peitorobi coyenein caena bayatha matatsunpiwi Nacom tacueicueijeichi, barapo coyenein bara xainyei. Pomonae jopa jume cowũntsiyo barapo peitorobi coyenein xuano xua abe exanaponano, barapomonae atene exanaeinchi xua canacui matajũpiya cana exanatsi. <sup>3</sup> Cristo naca cana exana xua panenebiyatsi abe waexanae ciuru coyenein weya. Cristo pia pecapanenebiyae coyenewa bichocono ainya cui coyenewa. Icha Cristo pia pecapanenebiyae coyenewa cayabara nanta xeinatsi xua pepawi xua jopa ainya cuiyiyo, waxainchi bapana jopa naca capanenebiyae tsane xua poxonae jiwi atene exanaeinchi abe peexanaexae. Barapon Cristo pon jiwi Pecanamataxeinaein barapo pecapanenebiyae coyenewa yabara tsipaeba copia. Bapoxonae xuya barapo pecapanenebiyae coyenewa naca tsipaeba pomonae jume tane pocotsiwa xua bapon paeba pon jiwi Pecanamataxeinaein. <sup>4</sup> Nacom tsita itapeinya xeina xua barapomonae bara xaniwaicha yabara paeba Nacom pia pecapanenebiyae coyenewa. Baxua exana poxonae Nacom cana exana xua barapomonae pexeinya petsita itubi coyenewan muxuna exana poxonae cueicueijeji. Mataũtano baxua exana poxonae cana exana xua barapomonae muxuna exana pocotsiwa bichocono wũnae xua jiwi nabenaeca cana exanatsi. Mataũtano baxua exana poxonae cana exana xua barapomonae pexeinya peayapusũ itorobi coyenewan muxuna cueicueijeji. Mataũtano Nacom tsita itapeinya xeina xua

bara barapomonae xaniwaicha cuelicueije poxonae Nacom pia Pejumope t̃nax̃ tatsi itoroba barapomonae pia j̃nt̃ coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope t̃nax̃ tatsi icha be pocotsi coyenewa Nacom ichichipa xua barapomonae barapo cui coyeneya exanaena.

*Meje yabara xua Jesucristo be jiton coyeneya naexana*

<sup>5</sup> Nacom jopa copatsi tsane xua matatsunpiwi canamataxeinaena barapo pena nacuatha po nacua yabara xuaunxuae pacata tinatsi. <sup>6</sup> Jame nama Nacom Pejume Diwesitha ich̃n yabara jeye xua pomonae barapo pena nacua pecanamataxeinaewa tsane, jeye:

“Nacom xam jiwi toxeincha bichocono

pin j̃nt̃ coyene xeiname.

¿Eta xua metha yabara nanta xeiname

jiwi xua ainya cui exaname xua

pecanamataxeinaenexa tsane ichamona?

<sup>7</sup> Nacom copiya saya caetotha exaname xua

jiwi be conotha ainya cui.

Baxua exaname poxonae matatsunpiwi toxeinchiya

ainya cui exaname beyacaincha jiwi.

Ichitha cotacaya exaname xua jiwi

ainya cui naexana.

Jiwi cana exaname xua pexeinya

peit̃panae coicha xeina

yawa catame barapomonae peayapus̃

itorobi coyenewa xua icha jiwi

pecanamataxeinaewa tsainchi.

<sup>8</sup> Po jiwi cajume cow̃nta barapo

jiwitha catame peayapus̃ itorobi

coyenewa daxita xua pecanamataxeinaenexa

xuantha xua forotame”.

jei xua ich̃n tsipaeba Nacomtha.

Poxonae Nacom cana exana jiwi xua canamataxeinaena daxita xua xuan forota, dapocotsi

coyenewa aibi xua jiwi jopa itac̃paetsi xua pecanamataxeinaewa. Daichitha awiya

cataunxuae jopa jiwi cui taetsi xua daxita pecanamataxeinaewa. <sup>9</sup> Ichitha waxainchi Jesús

yaputainchi pontha pon Nacom saya caetotha cana exana xua jopa ainya cuiyo. Matat-

sunpiwi conotha ainya cui beyacaincha xua Jesús xua poxonae caetotha cana exanatsi

xua jopa ainya cuiyo xua poxonae popona be jiton. Nacom bichocono peantobexae daxita

jiwi daxota bapon copata xua Cristo tsit̃paena daxita jiwi abe pia peexanaexae. Anoxuae

equeicha Nacom ainya cui cana exana xua Jesús ainya cui cana exanatsi. Matãntano

Nacom cana exana xua Jesús jopa juniya ainya cuiyiyo xua jiwi itorobiya peewatsiwatsi.

Matãntano Nacom Jesús catatsi pexeinya peit̃panae coicha. Nacom baxua exana xua Jesús

pia p̃sit̃paexae jiwi.

<sup>10</sup> Nacom forota daxita coyenein. Matãntano daxita baxuan Nacom nata exana.

Matãntano Nacom ichichipa xua daxita p̃amonaē tatsi pexeinaewa tsane pia p̃xe-

inya peit̃panae coicha tatsi peponaenexa tsane pia nacuatheicha tatsi. Daxota Nacom

tsita xanepanatsi xua poxonae Jesucristo atene exanatsi beta yatsicaewa pẽj̃nt̃

coyene w̃naetsinexatsi xua jiwi pecanamataxeinaenexatsi Nacom pia nacuatheicha.

Baxua Nacom exana poxonae Jesucristo atene exanatsi poxonae tsit̃pa xua jiwi p̃ca-

panenebiyaenexatsi abe pia peexanae cuir̃u coyenein weya tatsi. <sup>11</sup> Tsipei daxita pomonaē

j̃nt̃ coyene xanepana exanatsi Nacomtha, ir̃u Jesús pon cana exana baxua barapomon-

aetha, daxita barapomonae nantãta caein Paxa pon Nacom. Daxota Nacom Pexanto tatsi

jopa auriyo poxonae naca yabara jei: “Tayapin jiwi pam”, poxonae jei. <sup>12</sup> Nacom Pexanto

tatsi pon Jesucristo, caena bayatha Nacom Pejume Diwesitha xua salmos penax̃nae weixi

diwesintha jeye Nacomtha:

“Cayabara paeb̃nchi tayapinmonae jiwitha.

Cata nax̃naeinchi p̃wei xua w̃nae

tacajainchinexa poxonae nanabar̃u

nanacaetutsin jinya botha pomonaē cajume

cow̃nta”, jei Jesucristo Nacomtha.

<sup>13</sup> Ichacuitha caena bayatha Jesucristo jeye xua Isaias pia diborotha:

“Xan jume cow̃ntsiya w̃nae ewatsin

Nacom xua tana neyawenaewa”, jei.

Equieicha Jesucristo jeye:

“Xote ecan, barꝫ ecan tapexui pomonae tana nejume cowꝫntsiwi pomonae Nacom necata”, jei Jesucristo.

<sup>14</sup> Peꝫui ba bara xeina pejana yawa pewito icha be coxiyeiwi ichi tsipei jiwixae. Barichi Jesús xeina jiton pia pepon tatsi pexeinaexae jiwi pia pewito tatsi xuano xua jiwi pia pejana tatsi. Jesús baxua xeina xua petsitꝫpaenexa jiwi. Daxota itacꝫpatsi xua peamanayabiwa pontha pon xua peayapusꝫ itorobi coyenewa xeina xua jiwi pe-jutebiwatsi. Bapon apara pon caurimonae pia pentacaponaein tatsi. <sup>15</sup> Jesús baxua nacata exana wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita matacabin junuwiya jinompeiba xua pewerapaewayainwa. <sup>16</sup> Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apara jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi. <sup>17</sup> Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonaē pia petaexanaē coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitꝫpaenexatsi xua Nacom jiwi peꝫjntꝫ coyene yabara jntemainaenexa tsaibi tsainchi abe pia peexanae cuiru coyenein tatsi. <sup>18</sup> Jesús atene exanatsi poxonae caurimonae pia pentacaponaein tatsi jntꝫ coyene jꝫꝫtatsi petaenexa tsainchi icha abe exana. Daxota anoxuae bapon Jesús itacꝫpatsi xua peyawenaewa pomonaetha pomonae irꝫꝫ jntꝫ coyene jꝫꝫtatsi caurimonae xua abe peexanaewa tsane.

### 3

*Meje yabara xua Jesús peainya cuiñ beyacaincha Moisés*

<sup>1</sup> Nacom irꝫ paca wꝫn duba poxonae itapeta pomonae pepatsinexa tsane pia nacuathe-icha tatsi. Tamonae pam, paxam jiwana pam pomonae pejume cowꝫntsiwi Jesucristo, pomonae pam Nacom paca jntꝫ coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaetha wajume cowꝫntsixae bapon. <sup>2</sup> Jesús bara xainyeya exana Nacom pia petanacuichiwa tatsi Nacom peyabara tsiwꝫnae muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa. <sup>3</sup> Jesús pecapanepaexae jiwi bewa bichocono toxeincha barꝫ cui itara jinaetsi bapon beyacaincha xua barꝫ cui itara jinatsi Moisés. Barapocotsi jꝫta coyeneya ichi, bewa Jesús cana exanaetsi icha be poxonae jiton ichi xua bewa barꝫ cui itara jinaeinchi xua ainya cui exanatsi peacabixae bo beyacaincha xua bo xua ainya cui tsuncuae. <sup>4</sup> Daxita ba bon tsoponae poxoru apara jiton peexanaexae. Ichitha jame pon yatsicaewa nama daxita coyenewan exana apara bapon Nacom. <sup>5</sup> Bayatha Moisés apara pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiwꝫnae caunuta pocotsiwan xua hexa Nacom exanaena. <sup>6</sup> Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piamonae tatsi. Waxainchi Nacom piamonaetsi icha ajntꝫyayapusꝫya jume cowꝫntapoinchi Cristo beya xua poxonae tꝫpaeinchi. Matautano waxainchi Nacom piamonaetsi icha jntꝫ coyene weiweinaya wꝫnae ewatatsi pocotsiwa hexa Nacom wanaca tsixanaewa tsane.

*Meje yabara xua nafifina caewata Nacom piamonae tatsi*

<sup>7</sup> Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumope tꝫnaxꝫ tatsi naca itoroba xua bewa jume taetsi Cristo. Baxua paeba Nacom pia Pejumope tꝫnaxꝫ tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

<sup>8</sup> Painya xoba pana nejumefebame painya jntꝫ coyenewatha xua daxota jopa painya tana nejume cowꝫntsiwam. Jopa bara paichinde icha pomonae ichi

xua poxonae bayatha nejume matawenta  
 xua exanan poxonae jinompa ichaxota  
 ira xuepana susato tsurucuae nacuatha.  
 Barapomonae nefayacoteiba poxonae  
 nejuntũ coyene jũjuteiba beya  
 poxonae anaepanan barapomonaetha  
 poxonae jopa xapain exaneibiyo.

<sup>9</sup> Barapomonae pomonae nejuntũ coyene  
 jũjuta, apara painya amo susato jiwi.  
 Barapomonae baxua inta exana poxonae  
 jopa nejume cowantsiyo.

Baxua exaneiba beya poxonae cuarenta po  
 weibe tsuxubi bequein taiba pocotsiwa  
 xua taexaneiban barapomonae xua beya  
 cuarenta po weibetha.

<sup>10</sup> Daxota barapomonae caseban yawa yabara  
 jan barapomonae: ‘Barapomonae benejume  
 cowantsiyo pejuntũ coyeneintha yawa  
 jopa beyaputaeyo pocotsiwa ichichipan  
 taexanan barapomonae’, jan.

<sup>11</sup> Barapomonae caseban.

Tacoutha jume daunweya najan:  
 ‘Barapomonae bapana jopa patsi tsane  
 tanacuatha ichaxota po nacuatheicha  
 naffinacaewatsina pomonae tana nejume  
 cowantsiwi’, najan”, jei Nacom  
 pia Pejumope tũnaxũ tatsi,  
 Nacom Pejume Diwesitha.

<sup>12</sup> Tamonae pam, pomonae irũ painya nejume cowantsi jiwixae Jesucristo. Painya  
 xoba paxename po jũntũ coyene bichocono abe, po jũntũ coyene jopa ichipaeyo xua  
 pejume cowantsiwa Nacom, pon xua asũ popona. <sup>13</sup> Jame maisa daxita matacabin  
 nantiya pana najũntũ coyene tsacabare xua ajũntũyarusũya painya nejinompaewa tsane.  
 Daxita pam baxua paexande anoxuae poxonae cataunxuae po dapaetha anoxuae petain  
 paca itacũra xua paexaname baxua. Matautano baxua paexande xua jopa pata tana  
 nejumefebiwam painya jũntũ coyenewatha. Icha pana nejumefebame painya coutha pana  
 namuxujainyabichipame xua daxota abe painya neexanaewa tsane. <sup>14</sup> Bewa xanepanaya  
 ayarusũya jume cowanta dubenanaebiyaeinchi Nacom xua beya poxonae tũpaeinchi.  
 Icha baxua betiya ayarusũya jume cowanta dubenanaebiyaeinchi icha ichichi poxonae  
 aena jume cowantatsi, bapoxonae nayawa muxuna xeinaeinchi Nacom pia nacuatheicha  
 pocotsiwa Cristo xeina.

<sup>15</sup> Daxota equeicha paca tsipaebatsi xuaunxuae po diwesi paca tsipaebatsi xua Nacom  
 Pia Pejumope tũnaxũ tatsi cueicuejjei, jeye:

“Anoxuae pana nejume taema pocotsiwa paca  
 tsipaebatsi, ponxaein Nacomxaein.

Icha pana nejume taneme bapoxonae painya xoba  
 pana nejumefebame painya jũntũ coyenewatha  
 xua daxota jopa pata tana nejume  
 cowantsiwam tsane.

Jopa bara paichinde icha pomonae ichi xua  
 poxonae nejume matawenta poxonae jinompa  
 ichaxota ira xuepana susato tsurucuae nacuatha”,  
 jei Nacom pia Pejumope tũnaxũ tatsi.

<sup>16</sup> Payabara nanta xeinare pomonae jume tane xua Nacom pejume tatsi xua bapoxonae  
 Nacom jume matawentatsi. Daxita bapomonae apara pomonae Moisés mata cawarapa  
 Egipto nacua weya. <sup>17</sup> Payabara nanta xeinare Nacom xua caseba xua beya cuarenta  
 po weibetha tsuxubi. Bapomonae apara israelmonae pomonae xua abe exana poxonae  
 jinompa ichaxota ira xuepana susato tsurucuae nacua beya, xuano xua baxota wera-  
 pano. <sup>18</sup> Payabara nanta xeinare pomonae Nacom daunweya yabara paeba, xua jei:  
 “Barapomonae bapana jopa patsi tsane tanacuatha ichaxota po nacuatheicha naffinacae-  
 watsina pomonae tana nejume cowantsiwi”, jei. Bapomonae apara israelmonae pomonae  
 xua jopa exanaeyo pocotsiwa Nacom itoroba. <sup>19</sup> Bara yaputainchi xua barapomonae jopa  
 itacũpaetsi xua pepatsiwa Nacom pia nacuatheicha tsipei jopa Nacom jume cowantsichi.



## 4

<sup>1</sup> Waxainchi yabara jume cowanta dubenanaebiyatsi xua Nacom naca tsiwɔnae muxu duta. Nacom naca tsiwɔnae muxu duta xua bara wanaca itacɔpaewa tsane xua wapatsiwa pia nacuatheicha po nacua xua Nacom pia penaffinacaewatsi nacua. Daxota poxonae cataunxuae naca itacɔpa xua wapatsiwa tsane barapo nacua bwa yabara najɔntɔ coyene exabichi xua paxam jiwana jopa itacɔpaetsipaetsi xua pepatopaewa Nacom pia nacua. <sup>2</sup> Waxainchi barichichi jume tainchi barapo Nacom pia pecapanenebiyae diwesi, icha bayatha barapomonaе ichi xua jume tane barapo diwesi. Ichitha barapo diwesi jopa yawenaetsi barapomonaе xua pejume cowantsinexa Nacom, tsipei jopa jume cowantsiyo barapo diwesi. <sup>3</sup> Waxainchi nama barapomonaetsi xua wajume cowantsiwi barapo pecapanenebiyae diwesi. Daxota naca itacɔpa xua wapatsiwa Nacom pia nacuatheicha ichaxota bapon naca baru naffinacaewatsina baxoteicha. Nacom wamo susato jiwi yabara paebatsi xuaunxuae paca tsipaebatsi. Jeye:

“Barapomonaе caseban.

Tacoutha jume daunweya najan:

‘Barapomonaе bapana jopa patsi tsane tanacuatha ichaxota po nacuatheicha naffinacaewatsina pomonaе tana nejume cowantsiwi’, najan”,

jei Nacom Pia Pejumope tɔnaxɔ tatsi.

Bequein baxua Nacom paeba ichitha caena bayatha weta barapo nacua ichaxota jiwi naffinacaewatsina poxonae nacobe weta xua daxita forota barapo cae pin nacua. <sup>4</sup> Po matabi pewɔn “siete matabi”, jei, barapo matabi Nacom Pejume Diwesitha yabara paeba. Bapon jeye:

“Nacom nacuita seis po matabibе.

Bapoxonae naffinacaeca po mataqueitha pewɔn ‘siete matabi’, jei”,

jei Nacom Pejume Diwesitha.

<sup>5</sup> Equeicha Nacom Pejume Diwesitha jeye:

“Barapomonaе bapana jopa patsi tsane tanacuatha ichaxota po nacuatheicha naffinacaewatsina pomonaе tana nejume cowantsiwi”, jei Nacom.

<sup>6</sup> Ichitha cataunxuae acobi ichamonaе pomonaе xua bexa tsane Nacom copatsina xua naffinacaewatsina ichaxota bapon naffinacaewata. Barapomonaе jume cowantsina xua Nacom paeba. Pomonaе copiya bequein jume taetha Nacom pia pecapanenebiyae jume barapomonaе Nacom caena bayatha jopa copatsiyo xua barapomonaе naffinacaewata tsipei jopa jume cowantsiyo pocotsiwa Nacom paeba. <sup>7</sup> Daxota Nacom nanta xeina xua equeicha pena matabi exana. Barapo matabi xua wɔn duta “anoxuae” jei xua pena coyene. Barapo matabitha xua piamonaе tatsi petaitacɔpaewatsi tsainchi xua naffinacaewatsina. Baxua Nacom exana caena bayatha poxonae David popona xua ainya wei pirapae poxonae jinɔmpa pomonaе jopa copatsichi xua naffinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamonaе jiwitha, poxonae David popona, pon jeye:

“Icha anoxuae pajume naitawatame

pocotsiwa Nacom paca tsipaeba jopa

pajumefebinde painya jɔntɔ coyenewatha

xua daxota jopa Nacom painya nejume

cowantsiwam”, jei David caena

bayatha Nacom nexa.

<sup>8</sup> Josuэ caena bayatha wamo susato jiwi matabapoinchi Canaán nacua berena pomonaе Israel piamonaexae tatsi. Apra jopa matabaponaе ichaxota po nacua Nacom yabara paeba xua barapomonaе naffinacaewatsina. Icha Josuэ bayatha matabaponaetsipa barapomonaе barapo nacua bapoxonae Nacom jopa nantawenonaetsipaе xua exanaena icha matabi po matabitha poxonae barapomonaе itacɔpatsi xua pepatsiwa tsane barapo nacua, po nacua ichaxota Nacom yabara paeba. <sup>9</sup> Daxota cataunxuae awiya barapo matabi tsoponae po matabitha poxonae Nacom piamonaе tatsi naffinacaewatsina Nacom pia nacuatheicha. <sup>10</sup> Tsipei pon weta pia penacuichiwa pocotsiwa Nacom itoroba bara itacɔpatsi xua naffinacaewata ichaxota Nacom naffinacaewata. Bapon baxua exanaena icha Nacom ichi poxonae naffinacaeca, poxonae nacobe weta pia penacuichiwa xua poxonae forota daxitan. <sup>11</sup> Daxota bwa ajɔntɔsɔya jume cowanta dubenanaebiyaeinchi xua wanaffinacaewatsinexa tsane ichaxota Nacom naffinacaewata. Baxua exanaeinchi xua ichamonaе waxainchi jiwantsi jopa peyaseicaewa tsane

xua naffinacaewata. Waxainchi jopa ichipaetsi xua icha ichamonae ichi xua jopa naffinacaewatsiyo jopa pejume cowantsixae pocotsiwa Nacom paeba.

<sup>12</sup> Nacom Pejume Diwesi peajuntuyapusu diwesi xuano peayapusu itorobi coyene xeina. Barapo Nacom Pejume Diwesi barapocotsi jata coyeneya ichi xua icha ba cusi ichi xua po wato nantiya baru ducuabe. Barapo cusi taju uncuiya pebarawa xua pepontha. Barapoxonae barapo cusi itapeinya xeina daxita pocotsiwan xeina wan iya xua matha iya dubeinya bupaniya. Ichitha Nacom Pejume Diwesi ayapusu beyacaincha cusi tsipei barapo Nacom Pejume Diwesi itacupatsi taju bereca pona wajuntu coyenewatha ichaxota nanta xeinatsi. Barapo diwesi naca yaputane exana po coyenein xua wajuntu coyenewatha xeinatsi. Naca yaputane exanano po coyenein yabara nanta xeinatsi wajuntu coyeneintha. <sup>13</sup> Dapocotsiwan aibi barapo cae pin nacuathe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopa taeyo. Daxitan naitatarubena xuano xua Nacom itacupatsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

### *Meje yabara xua Jesús pepa sacerdotepin*

<sup>14</sup> Jesús apara Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabaratheicha tatsi. Daxota bewa ajuntuyapusuya jume cowanta dubenanaebiyaetsi bapon, pon yabara cueicueijeichi ichamonaetha. <sup>15</sup> Barapo wasacerdotepin pon pepa sacerdotepin, naca weyatane xua wanaca yawenaenexa poxonae juntu coyene faefaenouneibatsi abe waexanaexae. Bapon baxua nacata exana, tsipei bapon barichichi juntu coyene jujutatsi xua abe peexanaenexa. Caurimonae pia pentacaponaein tatsi juntu coyene jujuta icha naca ichi. Daichitha nama bapon Jesús bapana jopa abe exanae. <sup>16</sup> Daxota bewa ajuntuyapusuya wucaetsi Nacom pon bichocono naca antobe. Jopa bewa junuwi tsainchi xua wacueicuei-jeiwa Nacomtha. Bapoxonae Nacom naca weyataena wanaca yabara juntemainaenexa xua abe waexanae cuiru coyenein. Matautano bapon wanaca antobexae naca yawenaena poxonae po matacabitha canantawenoneibatsi, poxonae naca juntu coyene jujuta.

## 5

<sup>1</sup> Jiwi ba barompaya pia xantha tatsi jiwana taitapetatsi pomonae xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunata jiwi yabara poxonae cueicueijeji Nacom peitabaratha xua jiwi nexa. Matautano barapo sacerdotepiwi yabara tsiwan dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiwan dubatsi po coyene xua jiwi petaexaneibiwa tsaiibi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomtha abe peexanaexae. <sup>2</sup> Barapo sacerdotepiwi ichacuitha juntu coyene faefaenouneiba, poxonae juntu coyene jujuteibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae juntu coyene jujuteibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonae abe peexanaewi xua bequein jopa yaputaeyo xua abe exana, irugu pomonae yatsicaewa nacui yaputane xua abe exana. <sup>3</sup> Barapo sacerdotepiwi irugu abe exaneiba xua pejuntu coyene faefaenexae poxonae juntu coyene jujuteibatsi caurimonae pia pentacaponaein tatsi. Daxota bewa irugu pia coutha nata exanae po coyene xua duwei penata tautsinexa Nacom nexa icha poxonae jiwi tacana ichichi poxonae abe peexanaexae. <sup>4</sup> Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwan duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawan dutsiwa icha bayatha Nacom cana ichi pon pewun Aarón pon copiya pepa sacerdotepin naexana. <sup>5</sup> Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Apara jame Nacom cata barapo peainya cui yabara matawan dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara matawan dutsiwa xua penaexanaenexa pepa sacerdotepin, xua jeye:

“Xam apara taxantom.

Anoxuae xan jinya axaxaein.

Yabara catsiwan dutatsi barapo jinya  
nenacuichiwaneixa”, jei Nacom.

<sup>6</sup> Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepin, xua bara ataya  
sitacaeya tsane, icha Melquisedec matha

ichi pon caena bayatha popona.  
Bapon pepa sacerdotepin naexana xua  
ataya tsitecaeya pepoponaein”,  
jei Nacom.

<sup>7</sup> Poxonae cataunxuae Cristo popona po cae pin nacuathe bichocono jume daunweya tsipaebaiha Nacomtha xuano jume daunweya wuqueibano beya poxonae bichocono wecoyei. Cristo wuqueiba Nacomtha, pon bequein itacupatsi xua Cristo peyawenaewatsi xua jopa petupaewa. Mexeya poxoru bapon itapetsiya peexanaexae pocotsiwa Nacom ichichipa daxota bara Nacom jume tane pocotsiwa Cristo wuca. <sup>8</sup> Bequein Cristo Nacom Pexanto tatsi, ichitha nacuiduba xua Paxa jume jejei xua exana pocotsiwa Paxa itorobatsi xua poxonae atene exanatsi xua ichamonae exana. <sup>9</sup> Bapon pia coutha daxita najuntu cui yabara wunaeta poxonae atene xua penaexanaenexa pepa sacerdotepin. Daxota bapon Cristo exana xua jiwi capanenebiyatsi abe pia peexanae cuiuru coyenei weya xua ataya tsitecaeya tsane daxita pomonae pia pejume cowuntsiwichixaetsi. <sup>10</sup> Nacom yabara tsiwun duta xua Cristo pepa sacerdotepin naexana, icha matha Melquisedec ichichi xua yabara tsiwun dutatsi xua pepa sacerdotepin naexana, pon caena bayatha popona.

*Meje yabara xua poxonae muxuwetatsi pomonae Nacom pejume cowuntsiwi xua pebarapentsiyainwa po coyene xua pejume cowuntsiwa Nacom*

<sup>11</sup> Waxainchi xeinatsi nawita xua po coyene wayabara natsipaebinexa Cristo xuaunxuae anoxuae paca tsipaebatsi. Daichitha bichocono ayapube xua paca yaputane exainchi tsipei painya coutha jopa pana nayabara copatsim xua bara painya neyabara yaputaewa tsane baxuan. <sup>12</sup> Caena bayatha bewa pana naexanaem pomonae jiwi painya necuidubi jiwi pam. Daichitha cataunxuae panantawenoname xua ichamonae equeicha caewa yabara paca cuiduba Nacom Pejume Diwesi pocotsiwan xua jiwi nantawenona copiya nacuiduba poxonae aena jume cowanta. Paxam pomonae equeicha caewa pajuntu coyene faefaeneme, xua painya nejume cowuntsiwa. Barapo coyene icha be poxonae pexui ichi xua nantawenona mito, jopa peitacupaexaetsi xua pexaewa pewito. <sup>13</sup> Pexui poxi isainatsi ba nantawenona mito poxoru pewito jopa xaeyo. Barapocotsi juta coyeneya paichim. Paxam jopa paca itacupaeyo xua painya neyabara yaputaewa Cristo pia pecuidubiwa xua po coyene xanepanaya painya nejinompaewa. <sup>14</sup> Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi juta coyeneya ichi pomonae ba xaniwaicha jume cowanta pia juntu coyeneintha barapomonae jopa abe exanaeyo. Barapomonae nacuiduba xua yabara yaputane po coyene abe yawano po coyene wunaeta.

## 6

<sup>1</sup> Barabu nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowantatsi. Jame barabu nanta xeinatsi, po coyene pepa pena coyene icha pomonae pinyon ichi xua pocotsiwan nanta xeina pomonae beta jume cowanta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Matautano jopa nantawenonaetsi xua jume cowantsinchi Nacom. <sup>2</sup> Barapocotsiwanje jopa nantawenonaetsi xua equeicha caewa nayabara cueicueijeichi tsainchi tsipei bayatha payaputaneme. Matautano jopa equeicha nantawenonaetsi xua caewa nayabara cueicueijeiji tsainchi xua bewa bautisabinchi. Matautano jopa nantawenonaetsi xua equeicha caewa nayabara cueicueijeiji tsainchi xua poxonae Nacom pejume cowuntsiwi pecobetha pemataboco jayabiwatsi xua pexeinaenexa pejuntu cui coyenein po pejuntu coyene Nacom pia Pejumope tunaxu tatsi cata. Matautano jopa nantawenonaetsi xua equeicha caewa nayabara cueicueijeiji tsainchi xua equeicha jiwi asu peexanaewatsi petupa cuuru coyene weya. Barichi jopa nantawenonaetsi xua equeicha caewa nayabara cueicueijeiji tsainchi xua poxonae Nacom yabara paebina jiwi xua penatsicuentisya xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae. <sup>3</sup> Jame barabu nayabara cueicueijeiji tsoponae tsainchi icha coyenein xua pena coyene icha Nacom bara naca cui yabara copatsina.

<sup>4</sup> Ichamonae penta xua Cristo pejume cowuntsiwatsi. Daxota jopa neyapucupaeyo xua equeicha tacuidubiwa Nacom Pejume Diwesi barapomonaetha. Barapomonae Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Matautano barapomonae xeina po pejuntu coyenein Nacom pia Pejumope tunaxu tatsi cata. <sup>5</sup> Matautano barapomonae yabara jume cui jujuta Nacom Pejume Diwesi xua daxota yaputane xua barapo diwesi bara xanepana. Matautano barapomonae

tane po peayapusu itorobi coyenewa Nacom pia Pejumope tuxaxu tatsi cata jiwitha xua barapo jiwi barapo coyenewatha exana pexeinya petsita itabi coyenewan beya poxonae Cristo equeicha patopaena. <sup>6</sup> Icha daxita barapo coyenein barapomonaе equeicha nacui barapenta xua jopa Nacom pejume cowantsixaetsi, bapoxonaе nama jopa itacupaetsi xua equeicha caewa pejume cowantsiwa Nacom. Poxonaе Nacom equeicha pentatsi baxua be barapomonaе equeicha Jesus caewa bexotsi naetotha. Barapomonaе exana xua jiwi Nacom Pexanto tatsi yabara jume cui caponatsi tsipei jopa Nacom jume cowantsichi. Baxua icha be poxonaе ichamonaе ichi poxonaе matha Jesus naetotha bexotsi xua daxota daxita jiwi Jesus cui caponatsi. <sup>7</sup> Pabi ba po iratha ema mu jojoneca poxonaе ema duneiba barapo iratha, barapo pabitha jiwi pexaewa uba. Nacom exana barapo iratha xua pexaewa xaniwaicha taxainwaetsina xua pomonaе peubimonaе taxainwaetsi. <sup>8</sup> Ichitha icha icha pabi saya u pesoiwan xuwa, barapo pabi jopa wunaeyo poxoru jiwi jopa yawenaetsi poxonaе uba barapo pabitha. Daxota Nacom exana xua barapo pabi jiwi tautsina xua pesoiwan daxita tupa peexanaenexa. Icha Nacom cana ichi pabitha bara juta cana ichiya exana jiwitha. Icha jiwi Nacom jume cowanta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenaе tsane barapo jiwi. Saya jame Nacom itoroba xua barapo jiwi petautsiwa tsainchi po isototha xua bapana jopa itacounayiyo.

*Meje yabara xua wawunaе ewatsiwa xua pocotsiwa Nacom yabara wanaca tsiwunaе muxu dutsiwa*

<sup>9</sup> Tamonaе pam, paxam pomonaе tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae. <sup>10</sup> Tsipei Nacom bara xainyeya exana. Nacom jopa paca yabara juntemainae tsane pocotsiwan xua bayatha paexaname. Matautano jopa paca yabara juntemainae tsane xua ichamonaе painya neyawenaewa pomonaе iru pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponame, awiya cataunxuae baxuan paexanaponame. <sup>11</sup> Bequein baxua paexaname daichitha paichichipan xua daxita paxam awiya payawenaponaename ichamonaе. Ajuntayapusuya pawunaе ewataponare pocotsiwa Nacom yabara paca tsiwunaе muxu duta xua beya payacuiya werapaeya othopaename. <sup>12</sup> Jopa paichichipeinyo xua payabara ajuntayoyenefaetabim xua pawunaе ewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jitiya paichiponaеinde, icha ichamonaе ichi xua poxonaе bichocono jume cowanta Nacom. Matautano barapomonaе jopa bepijawa aitaconaeyo xua wunaе ewata pocotsiwa Nacom yabara tsiwunaе muxu duta.

<sup>13</sup> Poxonaе Nacom yabara tsiwunaе muxu duta Abrahamtha, Nacom pia wantha yabara tsiwunaе muxu duta Abrahamtha. Baxua Nacom pia wantha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wantha paebiyo. <sup>14</sup> Nacom jeye Abrahamtha: “Bara xaniwaicha bichocono cayawenaeinchi. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom. <sup>15</sup> Abraham abu saya beitatemaya wunaе ewatapona pocotsiwa Nacom yabara tsiwunaе muxu duta, jopa aitaconaeyo. Bapoxonaе pirapae Abraham catatsi pocotsiwa Nacom bayatha yabara tsiwunaе muxu duta bapontha. <sup>16</sup> Poxonaе jiwi ba yabara natsiwunaе muxu duta xua pocotsiwa bepa pinaе exaneibina, pewantha paeba, po wun xua ichun pewun tatsi pon xua bichocono ainya cui beyacaincha xua barapomonaе. Barapomonaе baxua exana xua ichamonaе peyaputaenexa xua bara xaniwaicha xainyeya peexaneibinexa pocotsiwa xua penayabara tsiwunaе muxu dubeibixae. Bapoxonaе ichamonaе jopa itacupaetsi xua baxua yabara jume matsontsonoba barapomonaetha. <sup>17</sup> Nacom ichichipa xua tsita itapeinya xeina piamonaetha, pomonaetha pomonaе pecatsixae tsane pia petsiwunaе muxu dutsiwa xua jopa equeicha ichawa nanta xeinaе tsane xua pocotsiwa exanaena. Nacom ichichipa xua barapomonaе peyaputaewa tsane xua bapon xaniwaicha exanaena pocotsiwa bayatha yabara tsiwunaе muxu duta Abrahamtha. Daxota Nacom yabara tsiwunaе muxu duta pia wantha. <sup>18</sup> Ainya coyenewabe Nacom exana po coyenewabe xua jopa itacupaetsi xua ichawa yabara jume toxeinchiya exana. Meje baxue: Icha coyenewa Nacom yabara tsiwunaе muxu duta; icha coyenewano xua Nacom pia wantha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacue pia coyenein, po coyenein xua abe exanatsi naca cana exana. Matautano jume cowantsiya wunaе ewatatsi xua Nacom wanaca yawenaewa tsane xua naca capanenebiya abe waexanaе coyenewa weya. Barapocotsiwa

bayatha naca yabara tsiwūnae muxu duta. <sup>19</sup> Waxainchi wūnae ewatatsi xua Nacom bexa naca capanenebiya tsane. Wajume cowūntsixae baxua daxota jūnta coyene ayapusū exana. Naca itacupa xua wayabara jume cowūntsiwa. Wawūnae ewatsixae baxua naca yawena xua beta jinompatsi Nacom nexa. Baraxua icha be poxonae jera ichi xua tuwūtha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wūnae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonae nanaexanatsi bapontha. Nacom itaboco beequiya, paparuwa pema werena pia botha eca xua tututhiya xua pin botha ichaxota wapatsiwa tsane. <sup>20</sup> Jesús itaboco beicha naca tsiwūnae patopiya Nacom pexainya beicha tatsi. Bapon copiya bewa bara bepatopiyaena xua wanaca matacaponae xua irū wanaca itacupaewa tsane xua wapatsiwa tsane bara beicha Nacomtha. Daxota poxonae baxua exana Jesús naexana pepa sacerdotepin icha matha Melquisedec ichi pon caena bayatha popona.

## 7

*Meje yabara xua Jesús pepa sacerdotepin naexana, icha matha Melquisedec ichi*

<sup>1</sup> Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaebin Nacomtha jiwi nexa, pon Nacom xua itaboco beequiya. Abraham caibe nawirena xua poxonae nawabchūta xua poxonae yotaba ainya nacuanapiwi pomonae jiwi itorobiya pia pepa peewatsiwichi xuano xua poxonae Abraham juteba barapomonae. Bapoxonae Melquisedec matenta iya, Abraham matenta iyatsi. Melquisedec Abraham jeichichi: “Barabū Nacom beta cayawenaena”, jei Melquisedec. <sup>2</sup> Abraham nota pocotsiwan xeina pomonae jiwi itorobiya pia pepa peewatsiwichi xua peamanayabixae poxonae juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomonae pijumetha yabara wūn caunuta xua jei: “Bapon jiwi itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem wūn hebreomonae pijumetha yabara wūn caunuta xua jei: “Jūntema popona”, jei. Daxota barapo naxobe wūnbe yabara wūn caunutatsi xua jeye: “Pon jiwi itorobiya pia pepa peewatsinchi xua beta peexanaein xuano xua jūntema popona”, jei xua hebreo jumetha. <sup>3</sup> Nacom Pejume Diwesitha Melquisedec paxa tatsi pewan jopa yabara yopitichi. Matautano pena tatsi jopa yabara yopitichi. Barichi jopa yabara yopitichi pia pamo susato jiwi tatsi. Matautano bapon jopa yabara paebichi ichaxota naexana. Matautano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwi nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

<sup>4</sup> Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonae jiwi itorobiya pia pepa peewatsiwichi xua poxonae Abraham juteba. <sup>5</sup> Moisés pia peitorobi coyenewatha jeye: “Sacerdotepiwi pomonae Leví pia pemomoxi susato jiwi tatsi, itacupatsi xua bara nota caewan pocotsiwa xua jiwi catsiba xua poxonae jiwi diez xuanbe caewan jiwana wetsaba pocotsiwan xua xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamonae tatsi. Matautano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi. <sup>6</sup> Ichitha Melquisedec jopa Leví pia pemomoxi susato jiwi tatsi. Bequein bapon jopa dapomonaeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiwūnae muxu dutsiwan, po peyabara tsiwūnae muxu dutsiwan bayatha Nacom yabara tsiwūnae muxu duta. Bequein Abraham xeina po peitorobi coyenewa xua itacupatsi xua jeye ichamonaetha: “Barabū Nacom beta cayawenaena”, xua jei, ichitha Melquisedec baxua Abraham tsipaebatsi. <sup>7</sup> Jiwi ba yaputane xua ba bichocono ainya cui pon xua jeye: “Barabū Nacom beta cayawenaena”, pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi. <sup>8</sup> Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewerapaewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaein xua jopa petupaewa. <sup>9-10</sup> Metha jame be icha iche: Poxonae Abraham cata Melquisedectha poxonae caewan jiwana wetsaba

diez xuanbe jiwana, bapoxonae cataunxuae ab<sub>u</sub> Leví jop<sub>a</sub> naexanaeyo. Matautano Leví pia pexui tatsi cataunxuae jop<sub>a</sub> naexanaeyo. Barichi cataunxuae pia pemomoxi susato jiwí tatsi cataunxuae jop<sub>a</sub> naexanaeyo. Bapon Leví pon matapainya pepa sacerdotepin canamata canaexana poxonae cotacaya ichamonae ir<sub>u</sub> sacerdotemonea naexana. Bapoxonae sacerdotepiwi naexanumenapona. Bapon tsipaebeiba Nacomtha jiwí nexa. Poxonae Abraham catsiba Melquisedectha xua poxonae caewan jiwana wetsaba diez xuanbe Nacom be tsitatsi xua apara be Leví ir<sub>u</sub> cata xua ir<sub>u</sub> be bara Leví pia pemomoxi susato jiwí tatsi catsiba. Poxonae Abraham cata Melquisedectha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwí tatsi nexa bequein barapomonea jop<sub>a</sub> cataunxuae naexanaeyo.

<sup>11</sup> Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwí tatsi. Barapo sacerdotepiwi jop<sub>a</sub> itacupaetsi xua jiwí cana exanatsi xua penajunt<sub>u</sub> coyene xanepana exanaewa Nacomtha xua penatsicuentsiwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiya jop<sub>a</sub> itacupaetsi xua jiwí yawenatsi. Daxota jiwí equeicha canamatawenona icha sacerdotepin. Barapo sacerdotepin jop<sub>a</sub> bewa exanae icha Aarón pia pemomoxi susato jiwí tatsi jiwana ichi. Jame barapo sacerdotepin bewa exanaena icha Melquisedec ichi. <sup>12</sup> Poxonae Nacom icha sacerdotepin cana exana be pocotsin icha Melquisedec ichi bapoxonae yawa muxuna bewa exanaena pena peitorobi coyenewa. <sup>13</sup> Barapo pena sacerdotepin pon Wanacanamataxeinaein, bapon baxua yabara paebatsi Nacom Pejume Diwesitha. Bapon apara Israel pemomoxi susato jiwí jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jop<sub>a</sub> jiwana naexanaeyo sacerdotepin. <sup>14</sup> Daxita jiwí yaputane xua barapon pon Wanacanamataxeinaein naexana Judá barompaya pia pemomoxi susato jiwí dena tatsi. Poxonae Moisés yabara paeba sacerdotepiwi Moisés jop<sub>a</sub> yabara paebiyo xua Judá pia pemomoxi susato jiwí jiwana tatsi naexanaena sacerdotepin.

<sup>15</sup> Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin. <sup>16</sup> Bapon Cristo jop<sub>a</sub> naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwí jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapus<sub>u</sub> itorobi coyenewatha xua pexeinaexae peajunt<sub>u</sub>coyenes<sub>u</sub>wa po peajunt<sub>u</sub>coyenes<sub>u</sub>wa ataya tsiteca xua jop<sub>a</sub> itacupaetsi xua peweraweracaewa. <sup>17</sup> Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,  
jei Nacom Pejume Diwesitha,  
xua Cristo yabara paebatsi.

<sup>18</sup> Nacom cana exana xua Moisés pia peitorobi coyenewa tatsi jiwí jop<sub>a</sub> canantawenonaeyo tsipei barapo coyenewa jop<sub>a</sub> xeinaeyo peayapus<sub>u</sub>wa xua jiwí cana exanatsi xua jop<sub>a</sub> pexeinaewa penatsicuentsiwa xua abe peexanaexae Nacomtha. Matautano jop<sub>a</sub> itacupaetsi xua jiwí pecanaexanaewatsi xua pecapanenebiwatsi abe pia peexanae cuiru coyene weya. <sup>19</sup> Barapo Moisés pia peitorobi coyenewa tatsi bapana jop<sub>a</sub> itacupaetsi xua jiwí junt<sub>u</sub> coyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua w<sub>u</sub>nae ewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

<sup>20</sup> Nacom xainyeya yabara tsiw<sub>u</sub>nae muxu duta pia pew<sub>u</sub>ntha xua Cristo naexanaena sacerdotepin xua ataya tsitecaeya. Jop<sub>a</sub> nama Nacom pia pew<sub>u</sub>ntha yabara tsiw<sub>u</sub>nae muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi. <sup>21</sup> Ichitha poxonae Cristo pon jiwí Pecanamataxeinaein sacerdotepin naexana, bapoxonae ich<sub>u</sub>n, Cristo yabara paebatsi Nacom Pejume Diwesitha, jeye:

“Nacom pia pew<sub>u</sub>ntha yabara tsiw<sub>u</sub>nae muxu duta, ichawa jop<sub>a</sub> toxeincha yabara exanae tsane.  
Poxonae Nacom yabara tsiw<sub>u</sub>nae muxu duta,  
bapon jeye Pexantotha: ‘Xam sacerdotepim xua ataya petsitecaenexa’, jei Nacom”,  
jei ich<sub>u</sub>n xua Nacom tapaebatsi

Nacom Pejume Diwesi.

<sup>22</sup> Poxoru Nacom tsiw̄nae muxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha. <sup>23</sup> Bayatha sacerdotepiwi pinmonae tsopona. Ichitha barapo sacerdotepiwi naitapataya werapouneiba, yawa ichamonae naexana sacerdotepiwi. Dapon aibi barapo sacerdotepiwi jiwana pon itac̄patsi xua pewetsiwa pia peexanae coyenewan tsipei daxita werapouneiba. <sup>24</sup> Ichitha poxoru Jesús ataya as̄u pepoponaexae daxota ataya tsitecaeya exanaena pia peexanae coyenewa icha pepa sacerdotepin ichi. Jopa nantawenonaeyo xua ich̄n Jesús pecoutha tanacuitatsi pon xuya sacerdotepin naexana. <sup>25</sup> Daxota bapon ataya tsitecaeya itac̄patsi xua jiwi ataya pecapanenebiwatsi pomonae xua pepatsiwa tsane Nacomtha pomonae xua Nacom peyaputaewi pejume cow̄ntsi jiwixae Jesús. Jesús baxua exana ataya tsitecaeya as̄u pepoponaexae xua pew̄caenexa Nacomtha xua barapo jiwi peyawenaenexatsi.

<sup>26</sup> Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejūntu coyene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentisiyo poxoru abe jopa exanaeyo Nacomtha. Bapon Jesús seicaya exana ducuanabiya. Jopa exanaeyo icha be ichi pomonae abe peexana dubenanaebiyawewi. Bapon Jesús Paxa capoinchi po itaboco taj̄u beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi. <sup>27</sup> Pepa sacerdotepiwi ba bewa exaneibina po coyene xua duwei jutebeiba iboto natatsuntha xua tuxusi exaneiba Nacom nexa, daxita matababintha tsaibi. Baxuan nata exaneiba copiya abe pia peexanae coyenewan nexa. Bapoxonae cotacaya jiwi taexaneibatsi abe pia peexanae coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua t̄pa exanatsi saya bara cae cui coyenetha daxita carepaya jiwi nexa xua jiwi abe pia peexanae cuiru coyenewan tatsi nexa. <sup>28</sup> Moisés pia peitorobi coyenewa tatsi canacui coyene exanatsi xua bara saya jiwi naexana pepa sacerdotepiwi. Barapo pepa sacerdotepiwi abe exana xua saya pecui paw̄i. Barapomonae jopa pejūntu cui coyene xanepanae jiwi Nacomtha. Ichitha Nacom yabara tsiw̄nae muxu duta pia w̄ntha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejūntu coyene xanepanaeinxae Nacomtha. Baxua Nacom exana xua yabara tsiw̄nae muxu duta xua pepuya weya tatsi poxonae Moisés catatsi peitorobi coyenewa.

## 8

### *Meje yabara xua Jesús pon pejume yawenaein jiwi Nacomtha*

<sup>1</sup> Anoxuae xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejūntu coyene xanepanaein Nacomtha xuaunxuae yabara paca tsipaebatsi. Bapon eca pia peit̄panae ecaethopaewatha Nacom pia pecoxa weya tatsi, peitabocotha. <sup>2</sup> Anoxuae Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocotha. Barapo bo yatsicaewa Nacom pia pexainyei bo tatsi ichaxota popona xua itabocotha. Nacom pon jiwi Pecanamataxeinaein exana barapo bo. Jiwi jopa exanaeyo barapo bo.

<sup>3</sup> Nacom daxita carepaya pepa sacerdotepiwi yabara tsiw̄n dubatsi xua jiwi petaexanaenexa tsaibi tsainchi po coyene pocotsiwa xua jiwi amanaya pecatsiwa Nacomtha. Matautano barapo pepa sacerdotepiwi yabara tsiw̄n dubatsi xua jiwi petaexanaenexa tsaibi tsainchi po coyene xua duwei pejutebiwa pocotsi duwein xua jiwi amanaya pecatsiwa Nacomtha xua abe peexanaexae. Daxota Jesús ir̄u bewa bara ichiya exanae xua Nacom taexanatsi ichi sacerdotepiwi ichi poxonae Nacom taexanatsi. <sup>4</sup> Icha metha barapo dapaetha Jesús poponaetsipa barapo irathe poxonae ir̄u jinompa barapo sacerdotepiwi po sacerdotepi Aarón yaiwi jopa itac̄paetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixae. <sup>5</sup> Ichitha barapo sacerdotepiwi tanacuita be pocotsiwa xua saya penaj̄pae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penaj̄pae coyenewa ichitha xaniwaicha jopa naj̄paeayo xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi w̄nae jainteibina Nacomtha bapoxonae Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco

xua bayatha pocotsiwa yabara catsita itapeinya xeinatsi demxuwatha. Barapocotsi anserabocotontha seicaya jiwi newanae jainchina”, jei Nacom. <sup>6</sup> Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiwanae muxu duta xua bichocono wanae beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi juntu coyene xanepana exanatsi Nacomtha. Ichitha barapo peru coyenewa jopa daichiyu.

<sup>7</sup> Bayatha peru petsiwanæ yabara muxu dutsiwa Nacom Moisés yabara tsiwanae muxu dutatsi. Icha barapo coyenewa xeinaetsipa peayapusawa xua daxota jiwi beta juntu coyene xanepana exanatsi Nacomtha, metha jopa nantawenonaetsipae icha pena petsiwanæ muxu dutsiwa. <sup>8</sup> Ichitha Nacom tane xua barapo jiwi jopa pejuntu coyene xanepanae jiwi bapontha poxonae barapo peru peyabara tsiwanae muxu dutsiwa xeina. Daxota ichun Nacom Pejume Diwesitha jeye:

“Nacom jeye: Matacabin othopaena, po matacabintha pena petsiwanæ muxu dutsiwa exanaein Israel nacuapiwi pia pemomoxi susato jiwitha tatsi iru Judea nacuapiwi pia pemomoxi susato jiwitha tatsiru.

<sup>9</sup> Jopa bara juta coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae matacaponan Egipto nacua weya.

Daichitha barapomonae jopa nacui yabara wanaetsiyo xua peexanaenexa pocotsiwa itoroban poxonae catan barapo peyabara tsiwanae muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ichun.

<sup>10</sup> Equeicha ichun jeye:

“Nacom jeye: Barapo peyabara tsiwanae muxu dutsiwa Israel nacuamonaetha, poxonae barapo matacabin wetsina bara baxua exanaein.

Janje: Jiwi pejuntu coyenewatha ichaxota nanta xeina taitorobi coyenewa baxota dubin. Bapoxonae barapomonae neyaputaena yawa nejume cowantsiya jejei tsane.

Tacoutha barapomonae pia Nacom tatsi naexanaein.

Barapomonae tamona naexanaena.

<sup>11</sup> Dapon aibi pon bewa cuidubina ichantha xua xan yabara, xuano xua cuidubina pia jitontha xua xan yabara, matautano xua cuidubina peweicho xua xan yabara petana neyaputaewanexa tsane.

Jopa bewa cuidubi tsane barapomonae tsipei daxita jiwi neyaputaena pomona pecui pawu jiwi, irano pomona peainya cui jiwi.

<sup>12</sup> Xan barapomona cui yabara junteinaein abe pia peexanae cuiru coyenein tatsi, xua jopa pexeinaewa tsane xua tana netsita natsicuentisiwa xua abe peexanaewaxae.

Bapana ataya equeicha jopa yabara nanta xeinaein tsane barapo abe peexanae cuiru coyenein, jei Nacom”, jei ichun Nacom Pejume Diwesitha xua saya Nacom tapaebatsi.

<sup>13</sup> Nacom yabara paeba pena peyabara tsiwanae muxu dutsiwa tsipei po peyabara tsiwanae muxu dutsiwa copiya Moisés yabara tsiwanae muxu dutatsi saya peru jume.



Pocotsiwa ba peru coyenewa ba saya weraweraca. Daxota barapo peru peyabara tsiwuna muhu dutsiwa saya iru weraweraca.

## 9

*Meje yabara xua Nacom pin pia bo tatsi po bo xua itabocotha uncua xuano iru po bo xua po irathe tsique uncua*

<sup>1</sup>Nacom copiya Moisés yabara tsiwuna muhu dutatsi. Barapo peyabara tsiwuna muhu dutsiwa peitorobi coyenein xena xua pocotsi coyeneya israelmonae bewa exanaena poxona nacaetuta xua wuna pejainchinexatsi Nacom. Matautano barapo peyabara tsiwuna muhu dutsiwa itoroba xua jiwi xena po bo xua Nacom pia bo tatsi xua po irathe. <sup>2</sup>Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xena. Po tutu copiya dena pewun: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncua penainto po penaintotha itanatanota penasiwa. Matautano barapo tututha uncua xua pexaethopaewa po pexaethopaewatha xua baxota jeba pan, po pan xua Nacom catatsi. <sup>3</sup>Paparuwa xua dutsica barapo paparuwa peama werena icha tutu xena po tutu pewun: “Yatsicaewa Nacom pia tutu po tutu bichocono pepa peainya cui tutu xua jopa xenaeyo peabe cuiru”, jei. <sup>4</sup>Barapo tututha uncua xua be pecaxaethopaewa xua u penainto xua oro wun nainto. Baraxota yubeibiya tauteibathopa petuxueiwa po petuxueiwa tuxusi tuxuei benata poxona tauta. Matautano barapo tututha uncua xua be caja po caja pewun: “Nacom pia peyabara tsiwuna muhu dutsi caja”, jei. Barapo caja peama weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pewun maná matawun xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xena. Barapo naewa bayatha Nacom xuwa exana xua tsiwixi piwunjei poxona pexeinya petsita itatsi coyene exana pia peayapusu itorobi coyeneatha. Matautano barapo caja juntututha bobena iboton po ibotontha mata tinaduba Moisés pia peitorobi coyene. <sup>5</sup>Barapo caja pemata xatatsiwa jumatha nacueyatabe eabe ainya querubinbe matawunbe xua jumope canaxobiya exana oro naintontha, ponbe be matatsunpinbe. Barapo ainya querubinbe matawunbe yabara caunuta xua Nacom baxota eca. Barapo ainya querubinbe matawunbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nunababareca po jana duwein jana. Barapo duwein sacerdotepin bexuba jiwi abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

<sup>6</sup>Daxita nacui wunaeta pocotsiwa xua barapo tutubetha nexa. Bapoxonae sacerdotepiwi jojoneibeibiya daxita mataba po tututha xua copiya dena. Barapo sacerdotepiwi barapo tututha exaneiba pia penacuichiwa. <sup>7</sup>Ichitha nama po tutu dabeya saya meisa joniyeiba pon pepa sacerdotepin xua saya caetotha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata cajoniyaena duwein jana. Barapo jana nunababa ichaxota querubinbe matawunbe itabarayo deca xua bapon abe pia peexanae cuiru coyenein tatsi nexa xuano xua iru jiwi abe pia peexanae cuiru coyenein tatsi nexa xua poxonae jiwi jopa nacui yabara yaputaeyo. <sup>8</sup>Peyabara exanaewa daxita baxua Nacom pia Pejumo pe tnanaxu tatsi nacuiduba xuae: Poxonae cataunxae sacerdotepiwi taexana dubenanaebiya Nacom po tututha xua copiya dena, jiwi jopa copatsichi xua pata po tutu dabeya ichaxota Nacom popona. <sup>9</sup>Daxita pocotsiwan barapo anserabocotha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwi Nacom wunae jainteibatsi poxonae sacerdotepin exaneiba pocotsiwa xua jiwi pecatsiwa Nacomtha xuano xua poxonae exaneibano xua duwei pejutebiwa xua tuxusi exana Nacom nexa. Bara bequein jiwi baxua exaneiba ichitha cataunxae pia juntu coyenein tatsi cana exanatsi xua awiya yabara nanta xena dubenanaebiya abe pia peexanae cuiru coyenein tatsi. Barapo coyene po coyene jiwi exana jopa beta juntu coyene xanepana exanaetsi xua jopa penatsicuentiwa tsane Nacomtha xua abe peexanae. <sup>10</sup>Barapo peru peitorobi coyenewa xua Moisés pia peitorobi coyenewa tatsi jiwi jopa yawenaetsi xua penajuntu coyene xanepana exanaewa Nacomtha. Saya apara yabara paeba xua jiwi bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jiwi itorobatsi xua po coyenein yabara xua jiwi beta penaperu xainwaetsiya nowaewa yabara pia wuna jainteibichi Nacom. Barapo coyenein xua saya jiwi bewa cana exanae pia pepontha beya xua anoxuae Nacom pena coyenewa equeicha exana.

<sup>11</sup> Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocotheicha bichocono wūnae tsipei Nacom daxita matapaecha wetsiya exana. Barapo tutu bichocono wūnae beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocotheicha tsipei barapo tutu jopa apara po cae pin nacuathe tsique nexiyo. <sup>12</sup> Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pewan chivo, xvano xua vaca jana jopa caponaeyo xua penan jana, xua pebto jana. Saya jame Cristo Nacom tsita itutatsi xua bapon jiwi tsitupatsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwi nexa. Daxota bapon Cristo bara ataya tsitecaeya naca capanepa. <sup>13</sup> Sacerdotepiwi ba nota vaca pebton pia pejanan, yawa chivo pia pejana xvano ipuna xua poxonae tautatsi vaca pesowatiyo peweinyo. Sacerdotepiwi mata wenunubaba jiwi daxita baxuantha pomonaetha pomonae xua abe peexanae cuiru coyenein peexanaewixae. Bara bapoxonae barapo coyene jiwi itacupatsi xua cana exanatsi xua jopa penatxobiwa pia pepontha bequein awiya xeina penatsicuentisiwa. <sup>14</sup> Bequein bara baxuan barapo jiwi tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomonae bichocono yawenatsi. Cristo pejana bichocono peayapusu coyenewa xeina beyacaincha xua duwein pejana. Nacom pia Pejumo pe tūnaxu tatsi po jumope ataya tsitecaeya popona barapo pejumope tūnaxu tatsi Cristo yawenatsi poxonae saya Cristo nayabara cui copata xua bara pebexubinxatsi poxonae pejana pichapabarena pewan weya petupaewatha. Bapon Cristo jopa bapana exanaeyo peacoyenebewa. Cristo wanaca tsitupaexae Nacom naca juntu coyene xanepana exana. Daxota Nacom jopa tsita natsicuentichi abe waexanaexae. Wajuntu coyene equeicha jopa yabara wanaca tsipaebinxae abe waexanae coyene. Daxota jopa bewa ponae tsainchi ichaxota ataya atene tsaiibi pomonae jopa pejume cowantsiwi. Anoxuae jame naca itacupa xua ajuntusuya taexana dubenanaebiyatsi Nacom pon xua ataya tsitecaeya asu pepoponaein.

<sup>15</sup> Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiwūnae muxu dutsiwa tatsi. Bapon naca cana exana xua daxitatsi caemonae naexanatsi Nacomtha. Poxonae naca tsitupa Nacom yabara jūntemaina abe peexanae cuiru coyene po peabe exanae cuiru coyenein xua jiwi caena bayatha exana poxonae cataunxae exanapona po coyene bayatha Nacom Moisés yabara tsiwūnae muxu dutatsi xua peru peyabara tsiwūnae muxu dutsiwa. Daxita pomonae Nacom pewabixae barapomonae catsibinchi peajuntuyarusūwa po peajuntuyarusūwa xua ataya tsitecaeya tsane xua bayatha Nacom peyabara tsiwūnae muxu dutsixae barapomonaetha. <sup>16</sup> Poxonae pebin ba ichichipa cata pia pecopiniwa ichamonaetha xua poxonae tupaena, copiya matha yabara caununaya wūn tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara tupa xua poxonae beya pewūnaeya tsane xua pecopiniwa notsineixatsi pon xua tupa. Bapoxonae barapomonae bara itacupatsi xua pexeinaewa pocotsiwa xua bapon xeina pon tupa. <sup>17</sup> Barapo papera, po paperatha bayatha pebin nacopiniwa yabara jume tinaduba cataunxae jopa ainya cuiyiyo poxonae abū cataunxae bapon popona tsipei jopa copiniwa notichi barapomonae. Saya jame poxonae bapon yatsicaewa tupa bapoxonae jame ainya cui barapo papera, tsipei barapomonae itacupatsi xua pexeinaewa tsane pocotsiwa bapon xeina. <sup>18</sup> Barichi barapo copiya peyabara tsiwūnae muxu dutsiwa. Pewūnaeya tsane xua poxonae jiwi xeinaena pocotsiwa bayatha Nacom Moisés yabara tsiwūnae muxu dutatsi sacerdotepin bewa matha duwein behubina xua bapoxonae barapo coyene jiwi pexeinaewa tsane. <sup>19</sup> Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pewan hisopo naeyo. Bapon mene muxunaxuba vaca jana poyo peweinyo pebtiyo xvano xua muxunaxuba chivo jana. Bapoxonae baxuan bapon Moisés nunubaba Nacom Pejume Diwesitha. Matautano daxita jiwitha mata wenunubaba. <sup>20</sup> Bapoxonae Moisés daxita jiwitha jeye: “Barapo jana po janatha paca mata wenunubabatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiwūnae muxu dutsiwa”, jei Moisés. <sup>21</sup> Barichino Moisés exana xua anseraboco mata wenunubaba pejanatha. Matautano muxuna mata wenunubaba xua xuan barapo anserabocotha tututha umena pocotsiwan sacerdotepiwi canacuiteiba poxonae jiwi nacauteiba xua Nacom wūnae pejainchinxatsi. <sup>22</sup> Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata

wenunababi xua daxita baxuan Nacom jopa petsita nataxobinexatsi. Nacom jopa yabara juntemainaeyo jiwi abe pia peexanae cuiru coyenein tatsi icha jopa pejana epa-epacaeyo xua barapo jiwi nexa.

*Meje yabara xua Cristo tsitupa jiwi abe pia peexanae cuiru coyenewan tatsi*

<sup>23</sup> Sacerdotepiwi bewa jutebina duwei pemata wenunababinexa pejanatha anseraboco. Bapoxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewatha peexanaenexa peitabocotha. Ichitha nama barapo yatsicaewa pepa coyenewatha peexanaenexa peitabocotha jame bewa pejana epa-epacae pejana pon pejuntu coyene xanepanaein pon peainya cuin pia pejana tatsi xua Nacom tsita jiwi xanepanatsi xua jopa penatsicuentisiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi nunababa po cae pin nacuathe. <sup>24</sup> Poxonae Cristo joniya Nacom pin pia botha tatsi xua itabocotha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocotha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheicha tatsi xua itabocotha. Baxoteicha anoxuae Cristo naituta Nacomtha xua wanacata tsipaebinxae Nacom peitabaratha. <sup>25</sup> Pon pepa sacerdotepin bewa joniyaena bara saya caetha tsaiabi xua daxitan weithan tsaiabi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocotha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa tupa pecana exanaewatsi xua jiwi abe peexanae cuiru coyenein tatsi nexa. <sup>26</sup> Icha baxua tsipae bapoxonae bapon matowa tupa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe petupaenexa xua saya bara cae coyenewatha ataya petsitecaenexa tsane. Bapon Cristo naetha tsitupa jiwi xua Nacom jiwi peyabara cui juntemainaenexatsi abe pia peexanae cuiru coyenein tatsi. <sup>27</sup> Daxita jiwi ba werapouneibina saya caetha. Bapoxonae pirapae Nacom yabara paebina daxita jiwi xua penatsicuentisiwa xua abe peexanaexae. <sup>28</sup> Barichiru, icha jiwi ichi Cristo saya caetha tsitupa jiwi pinmonae, xua Nacom jiwi abe pia peexanae cuiru coyenein tatsi pecayabara juntemainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pewunae ewatsi jiwixaetsi xua bapon pepatopaewa po cae pin nacuathe tsique.

## 10

<sup>1</sup> Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua wunae po coyene xua bexa Nacom exanaena itabocotha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xeina itabocotha. Moisés pia peitorobi coyenewa tatsi jopa itacupaetsi xua jiwi pejuntu coyene xanepana exanaewatsi Nacomtha pomonae wunae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi junttu coyene xanepana exanatsi xua jopa pexeinaenexa xua penatsicuentisiwa xua abe peexanaexae Nacomtha. <sup>2</sup> Icha Moisés pia peitorobi coyene tatsi jiwi junttu coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein tatsi nexa. Icha jiwi caetha junttu coyene xanepanaetsipa Nacomtha, bapoxonae jiwi jopa natsicuentisipae xua abe peexanaexae Nacomtha. <sup>3</sup> Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara juntanaina barapo abe pia peexanae cuiru coyenein tatsi. Jiwi yabara juntanaineiba baxuan daxita weitha poxonae duwein jutebeibatsi barapo jiwi nexa. <sup>4</sup> Vaca pebto pia pejana tatsi yawa chivo pia pejana tatsi jopa bapana jiwi junttu coyene wenotichi abe pia peexanae cuiru coyenein tatsi xua jopa penatsicuentisiwa nexa Nacomtha xua abe peexanaexae.

<sup>5</sup> Daxota poxonae Cristo patopa po cae pin nacuathe tsique, Cristo jeye Nacomtha: “Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.

Jame pebaxuanexa yatsicaewa pepa jiton necana exaname xua naexanan, tatsitupaenexa jiwi abe pia peexanae cuiru coyenein tatsi nexa.

<sup>6</sup> Xam jopa cajuntu coyene weiweina exanaeyo poxonae duwein ompin tautatsi xuano xua pexaewa tauta petuxusi exanaenexano xua xam neyabara junteinaenexa jiwi abe pia peexanae cuiru coyenein tatsi.

<sup>7</sup> Bapoxonae xan Cristo, janje:

'Xam Tanacom.

Xan xote po nacuathe patopeicanje taexanaenexa xua pocotsiwa ichichipame be pocotsi coyeneya necui yabara tina jinya diwesitha', jan", jei Cristo.

<sup>8</sup> Copiya Cristo paeba xua jeye: "Xam jopa ichichipaem yawa jopa cajuntu coyene weiweina exanaeyo po coyene xua poxonae jiwi bexuba duwein xuano poxonae exaneiba po coyene poxonae jiwi amanaya cacatsibeiba. Matautano jopa ichichipaem poxonae duwein ompin tautatsi xua jiwi abe pia peexanae cuiru coyenein tatsi nexa", jei Cristo. Baxua Cristo paeba tsipei Moisés pia peitorobi coyenewatha itoroba xua jiwi bewa exanaena barapo coyenein Nacom nexa. <sup>9</sup> Equeicha bapoxonae Cristo cotacaya jeye: "Xan xote po cae pin nacuathe patopeicanje taexanaenexa pocotsiwa ichichipame", jei. Poxonae Cristo baxua caunutsiya paeba copiducua cana exana po coyene peru coyene. Cristo anoxuae equeicha pecoutha pena coyene exana poxonae naetho thatsitupa jiwi abe pia peexanae cuiru coyenein tatsi. <sup>10</sup> Nacom naca juntu coyene xanepana exana wabaca cana exanaenexa piamonae tatsi poxoru Jesucristo exana pocotsiwa Nacom peichichipaexae. Jesucristo pia pepom nacaeneta Nacomtha xua naetho thatsitupaenexa daxita jiwi abe pia peexanae cuiru coyenein tatsi xua bara cae coyenewatha xua ataya petsitecaenexa tsane.

<sup>11</sup> Daxita sacerdotepiwi pomonae judiomonae daxita matakabi exaneiba xua duwein pebexubiwa, bequein barapo coyenewa jopa itacupaetsi xua jiwi juntu coyene wenotatsi abe pia peexanae cuiru coyenein tatsi. <sup>12</sup> Nama Jesucristo bara cae coyenewatha exana poxonae naetho thatsitupa jiwi abe pia peexanae cuiru coyenein tatsi, xua bara ataya tsane. Poxonae Cristo baxua nacui weta Nacom pia pecoxatheicha tatsi equiya xua itabocothaicha. <sup>13</sup> Baxoteicha Cristo abu ewata beya poxonae abu tsane poxonae Nacom cana exanaena xua Cristo cana exanaeinchi xua pecanamataxeinaenexa pia peaitaetafi jiwichi. <sup>14</sup> Cristo piamonae juntu coyene xanepana exana xua ataya tsane poxonae naetho thatsitupa cae coyenewatha. Barapomonae pomonae xua Nacom tsitatsi xua jopa xeinaeyo penatsicuentsiwa pomonae piamonaexae tatsi. <sup>15</sup> Nacom Pia Pejumo pe tuxuxu tatsi baxua yabara iru naca tsipaeba bayatha Nacom Pejume Diwesitha, jeye:

<sup>16</sup> "Matacabin othopaena po matacabintha xan tayabara tsiwanae muxu dutsiwa xua pena coyenewa exanaein barapomonaetha.

Jiwi pia juntu coyenewantha xua ichaxota nanta xeina taitorobi coyenewa baxota dubin", jei Nacom pia Pejumo pe tuxuxu tatsi.

<sup>17</sup> Bapoxonae equeicha Nacom pia Pejumo pe tuxuxu tatsi jeye:

"Bapana ataya equeicha jopa yabara jantanainaen tsane jiwi abe pia peexanae cuiru coyenein tatsi", jei Nacom pia Pejumo pe tuxuxu tatsi, Nacom Pejume Diwesitha.

<sup>18</sup> Daxota poxonae Nacom yabara junteinaen jiwi abe pia peexanae cuiru coyenein tatsi, equeicha jopa nantawenonaeyo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsibeibiwatsi.

*Meje yabara xua waxainchi bewa wajantu coyeneyatha nanta xeinaetsi xua bara apara imoxoyo itiya jinompatsi Nacom*

<sup>19</sup> Tamonae pam, daxota anoxuae naca itacupa xua jopa junuwiya patsi tsainchi itabocothaicha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itacupa tsipei Nacom yabara copata xua bara Jesucristo naca tsiwanaya patopa

barapo tututha pejana pichapabarenaexae poxonaе naetotha naca tsitapa. <sup>20</sup> Anoxuae naca itacupa xua wapatsiwa Nacomtheicha pena juntu coyene waxeinaexae po pena juntu coyene ataya ayapusa xua poxonaе Cristo wanaca tsitapaexae. Baraxua be poxonaе metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota joniyaеinchi wajinompnaexa Nacomtha. <sup>21</sup> Bapon Jesu’s, yatsicaewa wasacerdotepin, pon canamataxeina Nacom pia bo tatsi xua itabocotheicha. <sup>22</sup> Daxota bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajuntu coyene xanepanaexae bapontha. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom xanepanaya wajume cowantsiya jinompnaexae. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom tsipei jopa juntu coyene auratsi xua jopa watsita natsicuentisixae xua abe waexanaexae. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom tsipei poxonaе ichamonaе naca bautisaba meratha tsita itapeinya xeinatsi xua Nacom bayatha naca juntu coyene xanepana exana. <sup>23</sup> Barabu naajuntucoyenesu exainchi xua jopa junuwiya wayabara paebiwa tsainchi wawunaе ewatsiwa. Baxua exanaponaеinchi tsipei bara yaputainchi xua Nacom bara exanaena pocotsiwa bayatha yabara naca tsiwunaе muxu duta xua jopa yabara ainya unthutntsi. <sup>24</sup> Barabu yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonaе nantiya naantobe tsainchi, matautano xua xanepanaya beta nantiya nata exanaeinchi. <sup>25</sup> Jopa bewa bara juta coyeneya ichiya exanaetsi be pocotsimonaе waxainchi jiwantsi pomonaе jopa pateibiyo poxonaе nacaetuteibatsi xua poxonaе Nacom wawunaе jainchinexa. Ichitha jame bewa nantiya najuntu coyene tsacabichi xua junteма wajinompnaewatsi. Barapo coyene bewa exanaponaetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua maticabi jopaeana, po mataqueitha pon jiwi Pecanamataxeinaein patopaetsica.

<sup>26</sup> Tsipei icha ichamonaе waxainchi jiwantsi icha barapomonaе awiya abe exanapona xua pocotsiwa peichichipaexae xua abe exana xua poxonaе bequein peyaputaewatha po coyene pexainyei jume, nama icha coyenewa ajibi, xua ichun equeicha petsitapaenaxa barapo peabe coyenewa. <sup>27</sup> Saya jame meisa tanacopatatsi pomonaе awiya abe exanapona xua maticabi cunuwa po mataqueitha poxonaе Nacom yabara paebina jiwi xua penatsicuentisiwa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomonaе pia peaitafaetabi jiwichi. <sup>28</sup> Po pebin jumefeba po coyene Moises itoroba pia peitorobi coyenewatha, xua poxonaе nacueyatabe pebinbe ichacuitha poxonaе acoibi poyobe baponbe yabara paebabe: “Bapon pajume tan poxonaе jumefeba”, jei, bapoxonaе bapon bewa tupaena. Tsipei pomonaе bapon yabara paebatsi xua penatsicuentisiwa xua abe peexanaexae, barapomonaе tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomonaе jopa yabara nanta xeinaeyo xua bapon peyawenaewatsi. <sup>29</sup> Xuaje payabara nanta xeinare: Nacom bichocono atene exana pomonaetha pomonaе Pexanto tatsi itaweta. Matautano atene exana pomonaetha pomonaе abe yabara paeba xua pinaе Jesu’s pejana jopa ainya cuiyo bequein Jesu’s tsitapa jiwi. Jesu’s petsitapaexae daxota Nacom yabara tsiwunaе muxu duta xua jiwi pejuntu coyene xanepana exanaenexatsi Nacom. Matautano barapomonaе jopa natsicuentisi tsane xua abe peexanaexae. Matautano Nacom atene exana pomonaetha pomonaе Nacom pia Pejumope tynaxu tatsi tsumu jumeya baru paebatsi po pejumope jiwi yawenatsi pia peantobexaetsi. Barapomonaе nama bichocono atene exanaeinchi beyacaincha xua ichamonaе atene exanaeinchi pomonaе jopa exanaeyo pocotsiwa Moises itoroba. <sup>30</sup> Waxainchi yaputainchi xua Nacom bayatha jeye: “Xan tacoya exanaein pentoma xua jiwi atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonaе xua penatsicuentisiwa xua abe peexanaexae”, jei. <sup>31</sup> Po pebin abe exana bichocono junuwa cana exanatsi poxonaе Nacom yabara paebina bapon tsipei barapo pebin Nacom tsitatsi xua bapon bara penatsicuentisiwa xua abe peexanaexae. Bapoxonaе Nacom, pon ataya asu pepoponaеin, bichocono jopa juniya atene cana exanaе tsane bapontha.

<sup>32</sup> Bara ataya payabara juntanainare po dapaetha poxonaе bequein aena pajume cowuntame Nacom, xua ichitha beta paexaname. Bapoxonaе awiya ichitha junteма parubenaеbiyame poxonaе bequein ichamonaе pacata abe exana. <sup>33</sup> Ichamonaе xua paxam jiwana pam barapomonaе tsumu jumeya biatainchi xuano jiwi itutha atene exaneibatsi. Iruru ichamonaeru pomonaе paxam jiwana pam barapomonaе nacayabara nanta xeina xua barapara iruru atene exaneibatsi poxonaе ichamonaе atene exaneibatsi. <sup>34</sup> Paxam painya antobexae pacayabara nanta xeiname pomonaе jiwi pecubi botha je-

batsi xua painya neyawenaenexa. Bequein bara ichamonaē daunweya pacata nota xua xuan daxita paxeiname, daichitha awiya cataunxuae peḡntu coyene weiweiname. Bara payaputaneme xua paxeiname itabocothēicha pocotsiwa bichocono yatsicaewa wḡnae beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocothēicha ataya tsitecaeya paxeinaename baxua. <sup>35</sup> Jopa pana nacui barapentsinde xua payabara jume cowḡnta dubenanaebiyame xua painya nepaca catsinexa pocotsiwa bayatha Nacom yabara paca tsiwḡnae muxu duta. Tsipei wajume cowḡnta dubenanaebiyaexae tsane Nacom, baxua nexa Nacom pentoma naca catsibina xua bichocono nawita xua pia nacuatheicha. <sup>36</sup> Paxam panantawenoname xua aḡntuyarusya parubenanaebiyama awiya xua jopa paaitaconaem bequein ichamonaē pacata abe exana xua painya neexanaenexa pocotsiwa Nacom ichichipa. Bapoxonaē Nacom paca catsibina pocotsiwa xua bayatha yabara paca tsiwḡnae muxu duta. <sup>37</sup> Nacom Pejume Diwesitha jeye:

“Methaunxuae patopaetsica, pon bewa patopeicaena.

Jopa bayathiyō tsane.

<sup>38</sup> Pon bara netsita peḡntu coyene xanepanaein, bapon bara ataya poponaena tana nejume cowḡnta ducuaanaebiyaexae. Ichitha icha bapon equeicha caewa jopa nejume cowḡntsiyo jopa xanepanaya beyabara jḡntu coyene weiweinaeinyo, pocotsiwa bapon peexanaexae”, jei Nacom.

<sup>39</sup> Ichitha nama waxainchi jopa be barapomonaetsi, pocotsimonae equeicha caewa jopa jume cowḡntsiyo Nacom. Barapomonaē Nacom weraweraca exanaena. Nama waxainchi pomonaetsi awiya jume cowḡnta dubenanaebiyatsi Nacom beya poxonaē wajḡntu coyenewa nacata capanepa exanaeinchi.

## 11

### *Meje yabara xua Nacom pejume cowḡntsiwatsi*

<sup>1</sup> Pon jume cowḡnta ducuaanaebiya Nacom, bapon bara xaniwaicha yaputane xua xeinaena pocotsiwa wḡnae ewata. Matautano peḡntu coyene tsita najume itapeinya xeinatsi xua barapara xainyei po coyene xua barapōn yabara jume cowḡnta bequein cataunxuae yatsicaewa jopa taeyo. <sup>2</sup> Wamo susato jiwi xanepanaya beta yabara paebatsi xua Nacom beta yabara paeba ayarusya pejume cowḡntsiwaxaetsi.

<sup>3</sup> Waxainchi wayabara jume cowḡntsiwaxae xua Nacom naca yawenapaeba daxota yaputainchi xua barapo cae pin nacie iru barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

<sup>4</sup> Abel pon caena bayatha popona yabara jume cowḡnta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon peḡntu coyene wḡnaein. Iruru Cain Abel pentapin tatsi, bapon iruru bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Cain exana. Nacom baxua beita cui jichatsi tsipei Abel peyabara jume cowḡntsiwaxae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonaē yabara yorobatsi Abel pia pejume cowḡntsiwa tatsi.

<sup>5</sup> Enoc pon caena bayatha popona yabara jume cowḡnta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothēicha, xua bapon Enoc jopa petupaenexa bara po cae pin nacuathe. Enoc piamonaē jopa caxinaetsi, poxoru Nacom pichica. Nacom Pejume Diwesitha paeba xua poxonaē pewḡnaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae. <sup>6</sup> Jopa itacupaetsi xua jiwi Nacom tsita xanepanatsi icha barapo jiwi jopa beta jume cowḡntsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowḡntsiwaxae xua Nacom bara xaniwaicha popona. Matautano jame bewa yabara jume cowḡntsiwaxae xua Nacom bara cata pocotsiwa bayatha yabara tsiwḡnae muxu duta pomonaetha pomonaē pia pejeichiwichi xua pejume cowḡntsinexatsi. Barapomonaē Nacom yaputainchi.

<sup>7</sup> Noé pon caena bayatha popona yabara jume cowanta xua Nacom yawenapaeba. Daxota Noé piamonae tsiexana pin jera nae xua piamonae matabaxho pebaru nacapanepaenexa. Nacom Noé pewnaeaya yabara muxuwetatsi xua pocotsiwa bexa exanaena pocotsiwa Noé barana bayatha jopa taeyo, xua pin awubo tsane xua Nacom itorobina. Noé bara jume cowantsiya exana pocotsiwa Nacom itoroba poxonae pin jera nae exana xua piamonae matabaxho pebaru nacapanepaenexa. Noé pejume cowantsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonae jopa yabara jume cowantsiyo xua Nacom itorobapaeba pin awubo. Nacom tsitatsi xua barapo jiwi atene tsane penatsicuentiswaxae jopa pejume cowantsixaetsi. Jame Noé Nacom juntu tsita coylene xanepanatsi pejume cowantsixaetsi bapon. Daxota Nacom Noé piamonae matabaxho baru capanepatsi.

<sup>8</sup> Abraham pon caena bayatha popona yabara jume cowanta xua Nacom yawenapaeba. Daxota poxonae Nacom pewabixae, bapon bara exana pocotsiwa Nacom itoroba. Bapon Abraham pia nacua weya pona xua peponaenexa icha nacua, po nacua bayatha Nacom yabara tsiwnae muxu duta, xua bapon catapaebatsi. Bapon Abraham pia ira weya pona xua icha nacua beya pona po nacua bequein jopa yaputaeyo ichaxota pona. <sup>9</sup> Abraham peyabara jume cowantsixae Nacom, bapon popona po iratha xua bayatha Nacom yabara tsiwnae muxu duta. Bapon Abraham be pon penanapaincha poponaen xua icha nacua werena poponaexae xua poxonae icha nacua popona. Bapon Abraham poponeiba anserabocon bomaxixitha icha Isaac ichi iru icha Jacob ichi poxonae poponeibabe anserabocon bomaxixitha. Abraham, iru Isaac, iru Jacob barapoyobe Nacom tsiwnae yabara muxu duta barapo ira xua Nacom pecatsinexa. <sup>10</sup> Abraham nacui yabara wnae ewata xua patopaena po tomaratha ichaxota xua pepu umenae bon xua Nacom pia nacua theicha. Apara Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

<sup>11</sup> Barichi Sara Abraham piseuri tatsi yabara jume cowanta xua Nacom yawenapaeba. Bequein barowa acue xua jopa peitacupaewatsi xua pexeinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntuyapusawa, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwnae muxu duta. <sup>12</sup> Bara barichi Abraham. Bapon bichocono amo tsecae xua bara imoxoyo petupaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota baroxonae bapon pia pemomoxi jiwi tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Matautano barapomonae icha taetowa beno ichi xua bichocono beno tscujei xua mar mene itapatha. Jopa itacupaetsi xua barapo jiwi peununaewatsi icha taetowa beno ichi.

<sup>13</sup> Daxita pomonae jume cowanta Nacom barapomonae yajume cowantsiya werapa. Abu cataunxuae jopa catsibichi pocotsiwa bayatha Nacom yabara tsiwnae muxu duta xua pocotsiwa barapomonae catsibapaebatsi. Daichitha barapomonae yabara jume cowanta xua pocotsiwan bexa xeinaena xua Nacom bexa catsibina. Barapomonae baxuan yabara jume cowantsiya tsita xanepanatsi. Barapomonae nantiya nayabara nanta xeina, jeye: “Waxainchi pomonae be wananapaincha jinompaewichi barapo pena nacua the xua be icha nacua werena waponae wi, pomonaetsi xua awiya jeita dubenanaebiyatsi po nacua yatsicaewa pepa wanacua”, jei daxita barapomonae. <sup>14</sup> Tsipei barapomonae baxua paeba, naca yaputane exana xua awiya jeitapona po nacua yatsicaewa pia nacua tatsi. <sup>15</sup> Barapomonae jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarapaewa pia nacua the ichaxota copiya bayatha jinompa. <sup>16</sup> Ichitha barapomonae ichichipa po nacua xua bichocono wnae beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomonae yabara paebatsi xua pinae Nacom barapomonae pia Nacom tatsi. Daxota Nacom barapomonae tsiwnaetatsi tomara.

<sup>17</sup> Nacom Abraham juntu coylene jujutatsi peyaputaenexa icha bara metha yatsicaya jume cowantatsi. Daxota Nacom Abraham itorobatsi xua pexanto pebexubiwa tsane icha be pocotsi coylenea ichi xua poxonae duwein bexuba Nacom nexa. Abraham pejume cowantsixae Nacom daxota pexanto capana atororo beya pon yatsicaewa compa tatsi pon pewan Isaac. Abraham muxu pexanto pebexubi icha be pocotsi coylenea ichi xua poxonae duwein bexuba Nacom nexa. Bapon baxua exana bequein Nacom yabara tsiwnae muxu duta barapo Abraham pexanto tatsi, jeye: <sup>18</sup> “Barapo nexanto Isaacxae nantausiname nemomoxi susato jiwi”, jei Nacom. <sup>19</sup> Abraham jume cowanta xua icha Isaac tupaetsipa Nacom itacupaetsi xua equeicha Isaac caewa asu exanatsi poxonae bequein

pexanto bexubichipa. Poxonae Abraham muxu pexanto pebexubi, apara bara be xua bayatha тара, matautano apara be xua Abraham pexanto equeicha caewa asu taexainchi.

<sup>20</sup> Barichi Isaac yabara jume cowanta xua Nacom yawenapaeba. Daxota bapon Isaac pexantobe tsipaeba, jeye: “Barabu Nacom paca yawenaena pia paca necaantobexaebe”, jei Isaac pexantobetha, Jacob ира Esaú.

<sup>21</sup> Barichi Jacob yabara jume cowanta xua Nacom yawenapaeba. Daxota poxonae bapon juntucuru imoxoyo тараenaba barompaya tsipaebabe José pia pexantobetha tatsi xua pia pemomobexae tatsi. Bapon jeye: “Barabu Nacom paca yawenaenabe pia paca necaantobexaebe”, jei Jacob José pia pexantobetha tatsi. Bapoxonae bapon Nacom wnae jaintatsi poxonae naewatha наыха babatanotsiya ууутанота tsipei bichocono amo tsecae.

<sup>22</sup> Ira José yabara jume cowanta xua Nacom yawenapaeba. Daxota poxonae bara imoxoyo тараenaba yabara paeba israelmonae. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacuatha beya po nacua bayatha Nacom yabara tsiwinae muxu duta xua Nacom catapaeba. Matautano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiwinae muxu duta xua Nacom catapaeba.

<sup>23</sup> Moisés pena tatsi ира paxa tatsi yabara jume cowanta xua Nacom yawenapaeba. Daxota Moisés matsiyatatsi botha acoibi po xometobe poxonae aena naexana. Moisés pena yabara nanta xeinatsi yawa paxa yabara nanta xeinatsi xua Moisés итубун tsecae. Baponbe jopa yabara jume cuitaya junuwiyobe xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin wtxixi bewa jutebinchi.

<sup>24</sup> Ира Moisés yabara jume cowanta xua Nacom yawenapaeba. Daxota poxonae bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés. <sup>25</sup> Saya jame bapon Moisés itapetatsi xua ира yawa muxuna atene exanaeinchi Nacom piamonae tatsi xua poxonae barapomonae atene exanaeinchi xua ichamonae atene exanaena pomonae Egipto nacua monaexae. Moisés ichichipa xua pecana exanaewa tsainchi icha piamonae tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xeina. Icha baxuan xeinaetsipa Moisés juntu coyene weiweina exanaetsipatsi barapo nacuatha xua saya caepatiyo nexa tsipae po coyene xua jiwi weiweina exanatsi xua abe peexanaponaewa. Moisés piamonae jopa benaitematsiyo daxota jopa benotsiyo Faraón pecopiníwa tatsi. <sup>26</sup> Ichamonae Moisés tsamь jumetha biatainchi xua ajuntacoyenetane exanatsi icha Mesías ichichi pon Nacom itoroba. Poxonae Moisés nayabara jume tane baxua tsita coyene xanepanatsi, beyacaincha xua poxonae barapo copei pexeinaewa tsane Egipto nacuatha. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiwinae muxu duta.

<sup>27</sup> Moisés yabara jume cowanta xua Nacom Moisés yawenapaebatsi. Daxota najuntu coyene weta xua pewarapaewa tsane Egipto nacua weya. Moisés jopa junuwiyobe bequein yaputane xua Faraón bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa baru poinchi pon peinya peponaein xua jiwi jopa itacupaetsi xua petaewa. <sup>28</sup> Moisés pejume cowantsixae Nacom, piamonae cui itoroba xua peexanaenexa penabanaewa xua Pascua wun matacabi nexa. Matautano bapon cui itoroba piamonae xua pejanantha pecapibinexa daxita бомыха pecoibotontha. Barapo Moisés piamonae tatsi pomonae Israel pia pemomoxi susato jiwixae tatsi baxuan exana xua daxota matatsunpin jopa тара exanaeyo piamonae. Barapo matatsunpin merawi patopaena xua pejutebiwa tsane matapin jiwi pomonae pia bontha jopa xeinaeinyo po jana xua Moisés cui itoroba xua jiwi бомыха pecoibotontha pecapibiwa tsane.

<sup>29</sup> Barapo Israel pia pemomoxi susato jiwi tatsi yabara jume cowanta xua Nacom yawenapaeba. Daxota Mar Rojo mene mentha icha muxunene beya panenebiya xua epatauta iya pona be poxonae xua ira tsewa iya peponaewa. Ichitha poxonae Egipto nacua monae baraxoya iyiya daxita bunothopa.

<sup>30</sup> Israel pia pemomoxi susatopiwi tatsi yabara jume cowanta xua Nacom yawenapaeba. Daxota matawacaicha tocuecueniya enaponeiba ремыхибунг иya siete po matacabibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya. <sup>31</sup> Bayatha yabayo powa Jericó tomarapiwayo Rahab yabara jume cowanta Nacom pon Israel pia pemomoxi susato jiwi tatsi pia Nacom tatsi. Daxota bapowa jopa baru тараeyo piamonae xua pia tomarapiwixae poxonae tomarapiwi werapa jopa pejume cowantsixae Nacom pon Israel pia pemomoxi susato jiwi tatsi pia Nacom tatsi. Bapowa Rahab powa copiya bayatha pesi



cui weiweinaewa pebiwitha. Poxonae Israel pia pemomoxi jiwanamonaе namicha pata xua pecui amanayabiya taenexa Jericó tomaratha, bapoxonae barapowa Rahab matenta weyataeya waba, xua barapo israelmonae jiwanamonaе wabatsi pia botha tatsi.

<sup>32</sup> Jopa equeicha paebinyo xua equeicha pinmonae tayabara paebiwa pomonaе pejume cowantsiwi Nacom. Jopa neyapu jupaeyo xua jopa taxeinaewa matacabi xua tacueicuei-jeinexa Gedeón yabara, iruno Barac yabara, iruno Sansón yabara, iruno Jéfté yabara, iruno David yabara, iruno xua Samuel yabara, iruno pomonaе Nacom pia peitorobi jume petapaebiwi tatsi yabara. <sup>33</sup> Daxita barapomonaе jume cowanta Nacom. Ichamonaе barapomonaе jiwana, amanayaba ainya nacuanpiwitha, pejume cowantsixae xua Nacom yawenaena. Ichamonaе pejume cowantsixae Nacom daxota jiwitha beta xaniwaicha canamata itoroba. Ichamonaе pejume cowantsixae Nacom barapomonaе catsibatsi pocotsiwan xua bayatha Nacom yabara tsiwunaе muxu duta. Ichamonaе pejume cowantsixae Nacom, Nacom exana xua coibo acaba neuthun, xua barapomonaе jopa atene peex-anaenexatsi barapo neuthun. <sup>34</sup> Matautano ichamonaе pejume cowantsixae, daxota Nacom yawena barapomonaе poxonae Nacom itaxutaba exana po isoto bichocono pin isoto xua barapomonaе po isototha tautatsi. Barichi ichamonaе pejume cowantsixae daxota Nacom capanenebiya tsaibi barapomonaе poxonae muxu pejutebeibichi peopi sojeiwantha xua be cusi. Matautano pomonaе faefaena, equeicha Nacom daunwei exana. Daxota barapomonaе daunwei poxonae naba. Ichamonaе Nacom peyawenaexae amanayaba pia peaitafaetabi jiwichi xua ainya soldadomonaein bicheitontha. <sup>35</sup> Barichi ichamonaе yabaxi pejume cowantsixae equeicha caewa piamonaе xeina, pomonaе equeicha caewa taasatsi petupaewa weya.

Ichamonaе itacupatsi xua panenebiya xua jopa werapae tsane xua icha poxonae Nacom itawetatsina. Nama barapomonaе jopa bepaebiyo baxua daxota barapomonaе werapa poxonae bichocono caitacueintatsi ichamonaе. Barapomonaе, pomonaе pewerapaeawi yapatane xua pejume cowantsixae Nacom, daxota Nacom equeicha asu exanaena xua barapomonaе pepatsiwa tsane Nacom pia nacuatheicha. <sup>36</sup> Ichamonaе pejume cowantsixae Nacom, bichocono ajuntacucioyenetane tsipei bichocono cui capanebatsi ichamonaе. Matautano ichamonaeru cuaintebatsi. Ichamonaeru penain matontha cubebatsi. Ichamonaeru jivi pecubi bontha cuaranobatsi. <sup>37</sup> Ichamonaе pejume cowantsixae Nacom, ibotontha tupa exanatsi poxonae cuinbabatsi. Matautano ichamonaе werapa poxonae epa nantarabobiya thabebatsi seruchotha. Iruru ichamonaе pejume cowantsixae jutebatsi peopi sojeiwantha xua cusin. Ichamonaeru pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonaе acopeibiwi tsoberaе, barainebatsino abe taexanebatsino. <sup>38</sup> Pomonaе barapo cae pin nacuathepiwi Nacom pejume cowantsiwi yabara paebatsi, yabara jeichiche: “Jopa be cui copatichi xua barapomonaе pejinompaewa tsane watomaratha”, yabara jeichichi. Ichitha barapomonaе Nacom tsita ainya cuichi beyacaincha barapomonaе pomonaе barapo cae pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonaе demxuwantha dubenanaebiya, muthanthano jinompa, xuano xua duwei pia muthantha jinompano.

<sup>39</sup> Bequein Nacom yabara paeba barapomonaе xua beta peexanaexae pejume cowantsixaetsi, daichitha cataunxuae abu barapomonaе jopa catsibichi pocotsiwa Nacom bayatha yabara tsiwunaе muxu duta barapomonaе, matautano xua caeinthano. <sup>40</sup> Barapomonaе cataunxuae abu jopa catsibichi baxua tsipei Nacom naca yabara nanta xeina xua bexa tsane iru naca catsibina pocotsiwa bapon tsita xanapanatsi. Pocotsiwa bapon catsibina xua apara barapomonaе Nacom naca cayawa muxuna juntu coyene xanepana exanaena.

## 12

*Meje yabara xua waxainchi bewa exanaponaetsi icha Jesús ichi poxonae exanapona*

<sup>1</sup> Pomonaе xuaunxuae yabara pacata tinatsi barapomonaе bichocono pin bicheitomonae, pomonaе pejume cowantsiwi po coyene xua Nacom yawenapaeba. Barapomonaе naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaе. Baxua naca cuiduba xua iru bewa xanepanaya jume cowanta dubenanaebiyaeinchi bequein naca atene exana ichamonaе. Barabu waxainchi daxita nacui barapentinchi abe waexanae cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barabu waxainchi beitatemaya ajuntusuya awiya exanapoinchi pocotsiwa Nacom naca cui itoroba. <sup>2</sup> Saya meisa Jesús jantanainaeya jinompatsi wanaca yawenaenexa. Bapon copiya bichocono pejume cowantsixae Nacom

daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonae cataunxuae awiya wajinom-paewa barapo cae pin nacuathe. Jesús bara saya copata xua atene exanadutatsi naetotha ichamonae poxonae tupa exanatsi. Bapon jopa auriyo bequein naetotha tupa exanatsi jiwi peitutha tatsi. Ichamonae ba bichocono aura xua poxonae petupa exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonae nacana cui wetinchi xua atene exanatsi, xuano xua poxonae tupa exanatsi naetotha, bapoxonae bichocono juntu coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pecoxa weya tatsi xua itabocothaicha ichaxota Nacom eca pia pexeinya peecaethopeibiwatha.

<sup>3</sup> Jesús pacayabara jantanainaponde xua bayatha po coyene Jesús abeya exanatsi pomonae abe peexanae jiwi. Jesús awiya beitatemaya saya popona poxonae bequein bichocono atene exanatsi barapomonae pomonae abe peexanaewi. Daxota jopa paraichinde xua poxonae jopa pana najuntu coyene tsacabim. Matautano jopa paajuntucoyenefaetabinde xua poxonae daxota jopa beta painya taexanaewa Nacom.

<sup>4</sup> Painya juntu coyenewatha pajume torobabame abe peexanae cuiru coyenein xua painya neexanaeyainwa barapo coyenein. Bapoxonae jopa panaitematsim xua painya nejume cowantsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua tupa xua bichocono daunweya peexanaexae barapo coyene. <sup>5</sup> Paxam pajuntemainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi tapaca cuidubinexatsi.

Poxonae atene paca exanatsi jopa ajuntucoyenefaetabiya pajinompaeinde xua yabara tapana nejume cowantsiwam.

<sup>6</sup> Tsipei muxuwetsiya cuiduban pomonaetha pomonae antobein.

Matautano atene exananno pomonaetha pomonae tapexui tsicotan”, jei Nacom Pejume Diwesitha.

<sup>7</sup> Awiya juntepa pajinompae poxonae bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi xua poxonae icha bichocono antobetsi paxa. <sup>8</sup> Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonae paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa. <sup>9</sup> Matautano caena bayatha poxonae cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi baru cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom, pon itabocothaicha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocothaicha popona wanaca catsinexa peajuntuayarusu coyenewa. <sup>10</sup> Waxeiwi poxonae pexuichi barapo cae pin nacuathe saya caeratiyo naca muxuwetsiya cuiduba. Baxua nacata exana icha be pocotsi coyene xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono wajuntu coyene xanepanaewichi, icha Nacom ichi xua bichocono pejuntu coyene xanepanaein. <sup>11</sup> Poxonae naca atene exana bara bapoxonae nanta xeinatsi xua jopa nacata xaexaenaecaeyo, tsipei bara xaniwaicha naca atene exana. Ichamonae yabara cui copaba xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuenti tsane xua abe peexanaexae bapontha. Barapomonae xeinaena pejuntu coyene xanepanaewa Nacomtha xuano juntepa dubenanaebiyaena.

*Meje yabara xua poxonae Nacom naca muxuweta xua jopa bewa Nacom itawetichi*

<sup>12</sup> Yaitama pajuntu coyene faefaename, xua painya nejume cowantsiwa daxota painya coutha pana najuntu coyene tsacabare xua beta painya nejume cowantsiwa tsane Nacom. Matautano xua payabara ajuntucoyenerewem tsaibi ichawan. Pana najuntu coyene itorobare xua awiya ayarusuya painya neexanaponaewa tsane. <sup>13</sup> Painya xoba icha diwesi pajume cowantame po diwesi xua jopa Nacom Pejume Diwesi tatsi. ¶ meisa paexanare

pocotsiwa Nacom Pejume Diwesitha yabara paeba xua beta painya nejume cowantsiwa. Icha baxua paexanaetsipame iru ichamona barichipae. Bequein barapomona copia juntu coyene faefaenaetsipa pejume cowantsiwatha ichitha bapoxona beta exanaponaetsipa xua pejume cowantsiwa pia paca cui taexae.

<sup>14</sup> Nantiya daxita jiwi ajuntu yapusuya betiya pana nabaru junte miya jinompare. Bichocono pana najuntu coyene xanepana exande Nacomtha xua jopa painya nenat-sicuentinexa xua abe painya neexanaexae bapontha, xua painya netaenexa bapon. Tsipei pomona jopa xeinaeyo barapo coyene jopa itacupaetsi xua Nacom petawatsi tsainchi. <sup>15</sup> Dota pam xua ichamona pomona paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Matautano barapo ichamona pomona painyamonae jiwanaexae pia xoba abe exana ichamona peitutha tatsi xua daxota iru ichamona pebarichinexa xua abe peexanaewa. <sup>16</sup> Ichamona pomona paxam jiwana pam, pia xoba nota icha yabuxitha, powaxi jopa xapain barompaya pia seurixi. Matautano dota pam xua ichamona paxam jiwana pam jopa tsita pecui pawi tsainchi po coyenewan xua Nacom piawan tatsi. Barapo coyene Esaú exana pon caena bayatha tupa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwuna muhu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya penamataxeinae coyenewa po coyene matapin ba xeina. Tsipei Esaú jopa jume cowantsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo. <sup>17</sup> Paxam payaputaneme xua bapon Esaú pirapayo ichichipa xua equeicha caewa pexainaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyan tawuca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata pupara. Bequein bara bapon auranaya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

<sup>18</sup> Caena bayatha pia Nacom caquita ponaetsi Israel pia pemomoxi susato jiwi tatsi demxuwa itabaratha umena poxona Nacom Moisés catatsi pia peitorobi coyenewa. Barapomona jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxona Israel pia pemomoxi susato jiwi tatsi umena barapo demxuwa itabaratha, baxoyo pin isoto uncueica barapo demxuwa. Matautano bapoxona bichocono quirei, yawano nobonno. Matautano pin joibo baxoyo uncueica. Ichitha jopa bara paichim, jopa pataem baxuan. <sup>19</sup> Paxam jopa pajume taem peobiwa jume po peobiwa pewun trompeta nain matawan, icha poxona barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxona Nacom cueicueije barapo Israel pia pemomoxi susato jiwitha tatsi barapo demxuwa. Pomona jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane. <sup>20</sup> Barapomona baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxona itoroba Nacom jeye: “Pon nataxuna Jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom. <sup>21</sup> Barapomona bichocono junuwa pocotsiwa xua tane barapo demxuwa iru Moisés bichocono junuwa. Daxota paeba, jeye: “Bichocono tajunuwi jijijan”, jei Moisés.

<sup>22</sup> Jame anoxuae painya nejume cowantsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewun Jerusalén tomara. Barapo tomara eca ichaxota po demxuwa pewun Sión. Barapo tomara Nacom pia tomara tatsi pon ataya tsitecaeya asuya pepoponaein. Barapo tomara xua pepa Jerusalén tomara Nacom pia nacuathetha tatsi eca. Matautano papatsiname baxoteicha ichaxota jinompa ayeimona matatsunpiwi, xua weiweinaeya nanacaetsina xua pia nanabaru wuna jainchinexa Nacom. <sup>23</sup> Matautano pajume cowantame Jesús xua painya nepatsinexa ichaxota Nacom piamona tatsi nacaetuta pomona Nacom pia diborotha wan dubena xua itabothetha. Barichi papatsiname Nacomtha, pon yabara paebina daxita jiwi xua penatsicuentiwa xua abe peexanaexae. Matautano papatsiname ichaxota jiwi pia jumopein tana xua tatsi jinompa pomona xua beta exana xuano xua Nacom beta cana juntu coyene wetsiya xanapanaya exana. <sup>24</sup> Matauta papatsiname ichaxota Jesús popona pon jiwi peyabara jume yawenaen Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia pena peyabara tsiwuna muhu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara juntu coyene jantemaina abe waexanae cuiru coyenein. Barapon pia pejana tatsi jiwi beta cana exanatsi beyacaincha Abel ipot pejana tatsi. Tsipei poxona bapon hexotsi,

jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona xua peyantomatsiwatsi.

<sup>25</sup> Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonae bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonae jopa Nacom capanenebiyaeyo xua atene abe pia peexanaexae. Waxainchi jopa naca itacupaeyo xua panenebiyatsi xua atenetsi abe waexanae coyenewantha icha jopa Nacom jume naitaewatichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonae xua atene abe pia peexanae coyenewantha pomonae Moisés baru popona. <sup>26</sup> Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abu equeicha bara caeto tsane ira jijitsin yawano itabocothreichano jijitsin”, jei Nacom. <sup>27</sup> Poxonae Nacom jei: “Abu equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xaina pocotsiwan itacupaetsi xua pejiijiyatsiwatsi. Saya meisa jopa aichurucuae exanae tsainchi pocotsiwan xua jopa itacupaetsi xua pejiijiyatsiwatsi xua pocotsiwan Nacom piamonaetha peyabara tsiwanae muxu dutsi coyenewa. <sup>28</sup> Nacom pia nacua, ichaxota Nacom itoroba, yawano xua waxainchi baxota itorobatsi, barapo nacua jopa itacupaetsi xua jijiyatatsi xua aichurucuae peexanaexatsi. Daxota bewa jeichichi Nacomtha: “Nacom, maisa pajuntu coyene weiweinan pebaxuaxae”, bewa jeichichi. Poxonae Nacom wunae jaintinchi waxainchi bewa yabara nanta xeinaetsi pia pejuntu coyene xanepanae coyenewa tatsi. Matautano bewa bapon cunuwiwa wunae jaintinchi pia peyapususwa pexeinaexae. <sup>29</sup> Wanacom weraweraca cana exana jiwi, pomonaetha pomonae jopa pejume cowantsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

## 13

*Meje yabara xua pocotsiwa bewa exanaetsi xua pocotsiwa Nacom tsita xanepanatsi*

<sup>1</sup> Jopa pana nacui barapentsinde xua caemonae nantiya painya nenaantobewam pomonae be painya eweicho jiwi painya nenatsicotae jiwi pam painya nejume cowantsixae Jesucristo. <sup>2</sup> Jopa pajuntemainaeinde xua beta painya netaexaneibiwa tsane pomonae pateiba painya bontha pomonae iru pejume cowantsiwi Nacom tsipei metha beya jemeicha barapomonae tsipae pomonae Nacom itoroba xua beta painya nepacata exanaenexa. Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou aparta matatsunpiwi.

<sup>3</sup> Payabara nantu coyene xeinare pomonae jiwi pecubi botha cuaranobebatsi painya neyawenaenexa barapomonae icha be poxonae paichim xua iru jiwi pecubi botha paca cuaranobaru. Payabara nantu coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam iru jiwi pam, paca yabara itacupaetsi xua ichamonae paca necaperaxa jubuwa.

<sup>4</sup> Paxam bewa beta pananta xeinaem poxonae jitha paename xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxename. Tsipei Nacom yabara paebina jiwi xua penatsicuentisiwa xua abe peexanaexae pomonaetha pomonae jopa xapain exanaeyo xua be poxonae yabuxi jeita xua po coyene jiwi jopa yabara copatsiyo. Matautano barichi Nacom yabara paebina jiwi xua penatsicuentisiwa xua abe peexanaexae pomonaetha pomonae nasi cui weiweina exana poxonae bequein pia seurixi xeina.

<sup>5</sup> Jopa bichocono paichichipaeinde paratixi. Jame maisa pajuntu coyene weiweinare painya nexenaexae pocotsiwa Nacom paca catisba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponae tsainchi”, jei Nacom. <sup>6</sup> Daxota naca itacupa xua jume cowantsiya jeichichi:

“Nacom, pon jiwi Pecanamataxeinaein,

bapon pon xua tana neyawenaein.

Jopa junuwinyo poxonae jiton xua

abe tana exanaewa”, jeichichi.

<sup>7</sup> Payabara cui jantanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cowantsiya jinompa beya poxonae barapomonae yacuiya werapa. Paxam beta pajume cowantsiya jinompare icha barapomonae ichi xua beta jume cowantsiya jinompa.

<sup>8</sup> Jesucristo saya tsitecaeya pepu jupa exanapona. Baxua exana caena bayatha, anoxuaeno, xuano xua bara ataya tsitecaenano xua jiwi beta peyawenaewatsi. <sup>9</sup> Daxota jopa pacopatsinde xua ichamonae painya nepaca cuidubiwa icha pecuidubi diwesin po

diwesin pia diwesin barompa, po diwesin jopa Cristo pia diwesin tatsi. Jame aina cui xua naajuntuyapusu exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajuntuyapusu exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

<sup>10</sup> Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitupa xua daxota Nacom jopa tsitatsi xua penatsicuentisiwa xeinatsi xua abe waexanaexae. Baxua apara xua poxonae Cristo tupa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacupaetsi xua pexeinaewa barapo coyene tsipei barapo sacerdotemonaе cataunxuae jutebeiba duwei jiwi abe pia peexanae cuiru coyenein tatsi nexa. <sup>11</sup> Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara juntemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya. <sup>12</sup> Cristo barichichi. Tomara cuariya beya tupa exanadutatsi naetotha, xua daxita jiwi pejuntu coyene xanepana exanaenexa tsainchi Nacom. Cristo pejana pichapabarenaexae poxonae tupa, Nacom jopa tsitatsi xua jiwi penatsicuentisiwa xua abe peexanaexae. <sup>13</sup> Ichamonaе Jesús aura exanatsi poxonae tomara cuariyatha tupa exanadutatsi naetotha. Barabu copatatsi xua ichamonaе iru naca aura exana wajume cowantsixae Jesús xua daxota naca atene exana icha Jesús ichichi. <sup>14</sup> Barapo cae pin nacuathe jopa xainaetsi tomara, po tomara ataya tsitecaeya ayapusu tsuncuae. Jame wunaeya ewatatsi, po tomara xua bexa patopaetsica Nacom pia nacua wetsica tatsi. <sup>15</sup> Daxota waxainchi bewa wunae jainteibichi Nacom tsipei Jesucristo naca tsitupa. Poxonae Nacom wunae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wunae jaintatsi jeichichi: “Nacom maisa bichocono nejuntu coyene xanepanaein”, jeichichi. <sup>16</sup> Jopa pajuntemainaeinde po coyene xua beta painya taexanaewa ichamonaе. Painyawan panata jiwana wetsabare pocotsiwan xua paxename xua painya necatsibinexa pomonae xua jopa xinaeyo. Tsipei poxonae baxua paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

<sup>17</sup> Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabaru cui itura jinare barapomonaе tsipei barapomonaе paca juntu coyene eeniya ewata. Barapomonaе yaputane xua bexa tsane Nacom barapomonaе yabara paebina xua penatsicuentisiwa xua abe peexanaexae icha barapomonaе jopa beta paca juntu coyene eeniya ewatsiyo. Bara pacopare xua barapomonaе juntu coyene weiweina exanatsi poxonae paca juntu coyene eeniya ewata xua jopa pejuntu coyene wecoyeyinexa xua abe painya neexanaexae. Tsipei icha barapomonaе juntu coyene wecoyeyi baxua xapain jopa paca yawenaeyo.

<sup>18</sup> Nacomtha painta wucare. Bara payaputan xua pata juntu coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan. <sup>19</sup> Paca wucatsi xua painya inta wucaenam tsane Nacomtha xua Nacom bara inta pecopatsinexa xua methaunxuae tapaca siwa ponaewa tsainchi equeicha.

### *Meje yabara xua najume wetsiya paeba pon tina*

<sup>20</sup> Nacom, barapon peyajuntu coyene jinaein xua juntema pepoponaewa. Barapon Nacom Jesús caewa asu exanatsi petupaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwi peewatsinchi icha be pocotsin ojeja beta peewatsin ichi. Bapon Jesucristo pejana pichapabarenaexae poxonae tupa, canacui wetsiya exana po coyene xua bayatha Nacom yabara tsiwunae muxu duta po coyene xua ataya tsitecaeya tsane. <sup>21</sup> Barabu barapon Nacom paca juntu coyene xanepana exanaena xua jopa painya nenatsicuentisinexa xua abe painya neexanaexae. Matautano bu bara paca catsina xua daxita pocotsiwan panantawenoname xua xuan xanapanaya painya exanaenexa po coyenein Nacom ichichipa. Barichi barabu Jesucristo pia peayapusu naca cana exanaena xua exanaeinchi po coyene Nacom tsita xanepanatsi. ¡Barabu jiwi Cristo ataya wunae jaintinchi pexeinaexae peayapusu coyenewan! Je, bara ichi tsane.

<sup>22</sup> Tamonaе pam, pomonaе pam iru painya nejume cowantsixae paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae. <sup>23</sup> Maisa ichichipan xua painya neyaputaewa tsane xua Timoteo bayatha copatatsi jiwi pecubi bo weya. Barapon be wayapin watsicotaein pejume cowantsixaeru Jesucristo. Ichaunxuae bapon taxantha patopaena bapon

methaunxuae nebar<sub>u</sub> iya tsane painya xainya beya xua equeicha tapaca siwa ponaewa tsainchi.

<sup>24</sup> Painta jacobare daxita pomonae painya nepaca canamataxeinaewi. Irano painta daxita jacobare pomonae pejume cowantsiwir<sub>u</sub> Jesucristo. Italia nacuamonaepiwi barapomonae paca jacob<sub>a</sub>, pomonae ir<sub>u</sub> pejume cowantsiwi.

<sup>25</sup> Barab<sub>u</sub> Nacom daxita pam bichocono paca yawenaena pia painya nepaca caantobewaxae.

## Meje Po Carte Santiago Tatina, Pomonae Jesucristo Pejume Cowantsiwi Tatinatsi

*Meje yabara poxonae Santiago tamropata pitaba xua tatina pomonaetha pomonae  
pejume cowantsiwi pomonae xua taju jinompa*

<sup>1</sup> Xan, Santiago ponxaein Nacom amanaya pia petanacuichin tatsin iru Jesucristo pon jiwi Pecanamataxeinaein amanaya pia petanacuichin tatsinno. Paca Jacobatsi pomonae Israel pia saineiwi tatsi pam, pon caena bayatha tupa. Israel doce po pexantobe xeina, pomonae caena bayatha werapa.

Paxam barapo doce po bicheito matabuxumonaebe pia sainei jiwi tatsi pam, pomonae pam xua anoxuae taju nacayayatsiya pajinompame daxita nacuantha xua painya pepa nacua weya.

*Meje yabara xua po peyaputae coyene Nacom pia peyaputae coyenewa tatsi*

<sup>2</sup> Tamonae pam pomonae iru painya nejume cowantsi jiwi pam Cristo, bewa juntu coyene weiweinaya pajinompaein poxonae bequein pacata ayapube tsaibi tsane ichauxi.

<sup>3</sup> Poxonae pacata ayapube tsouneibi ichauxi ichitha beitatemaya awiya ayapusya pajume cocowantaponame, bapoxonae payaputaneme xua paantuyapusya amanayabame pocotsiwa xua paca atene exana. <sup>4</sup> Bara saya beitatemaya payabara cui copare barapo coyene xua ayapusya jume cocowantapona paca necana exanaenexa beya poxonae painya juntu coyene Nacom petsita xanepanaenexatsi. Bapoxonae painya juntu coyeneintha jopa paxeinaem tsane pocotsiwa pacata seica. <sup>5</sup> Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Matautano Nacom jopa aenae-aeneya itawetsiyo poxonae cata. <sup>6</sup> Daichitha jame bewa jume cowantsiya pawucaeneme. Matauta jopa bubujeya pawucaeinde Nacomtha. Tsipei pon bubujeya wuca Nacomtha, bapon ichawa beya tamropata nanta xeinapenteiba icha be pocotsi coyene juta ichi poxonae ba maratsaca joibo ichawa beya tsaibi icha muxunene beya. <sup>7</sup> Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wucaeyo Nacom pon jiwi Pecanamataxeinaein. <sup>8</sup> Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacupaetsi xua xanepanaya pepoponaewa.

<sup>9</sup> Pon xua Jesucristo pejume cowantsin, bapon bequein saya tsiwiyo copei xeina, bapon bewa junte miya juntu coyene weiweinaeya poponaena tsipei bapon Nacom peitabaratha ainya cui penaexanaein. <sup>10-11</sup> Matautano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa junte miya poponaena pejume cowantsixae Nacom. Poxonae bapon tupaena, bapana jopa cuenta tupa po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto nacuita ducuanaebiya bapoxonae cuenta tupa copei poxonae nacuita ducuanaebiya. Barapo coyene icha be pocotsi juta coyeneya ichi xua pentono. Bara caeto matono weiweinaeya umena. Cotacaya xometo ecoina yawano atsa bichocono, naepanaewan tsaquiwa, pentononno othopeica. Weraweraca xua matono itapana. Pon copei pexeinaein bapon tupaena, saya weraweracaena icha pentono ichi xua weraweraca.

*Meje yabara poxonae jiwi pemuxujainyabiwatsi xua abe peexanaewa tsane*

<sup>12</sup> Nacom jujuta pomonaetha pomonae pejume cowantsiwichi pia yaputaetsi icha barapomonaexaniwaicha antobetsi. Pon xua acuiyapusya jume cowantsiya popona poxonae bara bequein Nacom juntu coyene jujuta, jame bapon juntu coyene weiweinaeya popona. Poxonae yapucaewa xua bapon juntu coyene jujutatsi bapoxonae Nacom yabara wunaexa muxu dutsina xua hexa bapon Nacom pia nacua beicha peajuntucoyeneyapuswathaponaena. Barapo peyabara tsiwanaexa muxu dutsiwa Nacom cata pomonaetha pomonae peantobewixaetsi. <sup>13</sup> Poxonae ichan matowa juntu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejuntu coyene jujutatsi xua barapomonaexa abe peexanaewa tsane. <sup>14</sup> Aparajame nama pon juntu coyene jujutatsi abe peexanaenexa, bapon copiya pejuntu coyenetha nanta xeinaeya popona xua abe peexanaenexa. Bapoxonae poxonae xaniwaicha juntu coyene jujutatsi xua abe peexanaenexa bara bapon exana xua abe exana. <sup>15</sup> Pon xua abe exana bapon exana po peabe exanae cuiro coyene copiya yabara nanta

xeina. Icha bapon awiya abe exana ducuaaebiya matapainya tupa abe peexanae cuiuru coyene peexanaexae bichocono.

<sup>16</sup> Tamonaē pam paxam pomonaē tapaca caantobewichi pam. Jopa painya coutha pananta xeinaeinde xua pajam: “Nacom nemuxujainyaba xua abe taexanaewa tsane”, jopa pajande. <sup>17</sup> Daxita xua wūnae, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubenaē peitabocotha. Nacom jopa bapana ichawa beya pepaebiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua penta tsaibi yawa quirei tsaibi. Dapon aibi pon itacupatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana. <sup>18</sup> Poxoru saya Nacom pia coutha ichichipa daxota naca cata peantuyapusuwa po peantuyapusuwa ataya tsiteca. Baxua naca cata poxonaē jume cowantsiya jume tainchi Nacom pia pexainyei jume diwesi tatsi. Poxonaē Nacom baxua naca cana exana bara waxainchi piamonaē jiji tatsichi xua waxainchi ichamonaē toxeinchiya jume cowantsi. Xua copiya wajume cowantsixae, Nacom naca cana exana xua pomonaetsi pomonaē wajuntū coyene xanepanaē jiwichi Nacom nexa. Daxota Nacom tsita be peainya cui jiwichi beyacaincha ichamonaē.

*Meje yabara pomonaē xaniyeya pepa pejume cowantsiwi Nacom*

<sup>19</sup> Tamonaē pam pomonaē bichocono tapaca caantobe jiwichi pam pacayabara nanta xeinare barapo diwesi xua jeje: Daxita paxam bewa pewanaeya pana najuntū coyene wūnaeteibim painya nenamnaewateibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxonaē cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande. <sup>20</sup> Tsipei pon anaepana, Nacom jopa taexanaetsi pexeinya coyene po coyene xua Nacom tsita xanepanatsi. <sup>21</sup> Bara pabarapende po coyene abe peexanae cuiuru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiuru coyene bichocono nawita pocotsiwa ichamonaetha pata exaname. Matautano painya juntū coyeneintha ita ururaquiya pajume cowunde Nacom pia pexainyei jume diwesi tatsi. Tsipei barapo pexainyei jume diwesi xeina peayapusuwa xua paca cana exana xua pajuntū coyene panenebiyam abe painya neexanae cuiuru coyenein weya.

<sup>22</sup> Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame. <sup>23</sup> Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocototha nayaitane. <sup>24</sup> Bara nayaitane. Poxonaē bapon pona caena bapon yacuinaaya naitabara itaxananaya. <sup>25</sup> Nacom Pejume Diwesi bichocono xanepana. Barapo peitorobi diwesi naca juntū coyene capanepa exana abe waexanae cuiuru coyene weya. Ichitha pon jopa junteinaeyo xua pocotsiwa Nacom Pejume Diwesitha paeba, xuano xanepanaya exana ducuaaebiya pocotsiwa barapo diwesi itoroba, bapon juntū coyene weiwaina xua pocotsiwa peexanaexae.

<sup>26</sup> Icha pebin nanta xeina xua daxita jume cowantsiya exana Nacom nexa, xua daichitha jopa naebato yatacutsiyo poxonaē ichamonaē catsawiya yabara paebatsi, bapon pia coutha namuxuitoroba. Matautano pocotsiwa jume cowantsiya exanapona Nacom nexa saya pejumexaei. <sup>27</sup> Pomonaē xainyeya pepa pejume cowantsiwi Nacom, barapomonaē jopa abe exanaeyo Nacom peitabaratha, pon Waxa. Pomonaē xanepanaya exana bewa iche: Bewa yawenaē pomonaē peacoibi jiji, yawa bewa yawenaē powaxi pecuenta werapaewaxichi piseurixi. Matautano jopa bewa exanae pocotsi coyene exana pomonaē jopa pejume cowantsiwi Nacom.

## 2

*Meje yabara xua poxonaē jiji bewa daxita tsita najupaetsi*

<sup>1</sup> Tamonaē pam, pomonaē irū painya nejume cowantsixae Jesucristo pon Wanacana-mataxeinaein. Bapon Jesucristo pon bichocono pejuntū coyene xanepanaein. Jopa bewa paexanaem painya xantha painya nejume cowantsixae xua ichūn bichocono peainya cuin wūnaē penaexanaeinxae beyacaincha ichūn xua jopa wūnaē penaexanaeinxae xua daxota bapon catsapin pacana exaname. <sup>2</sup> Ichacuitha metha be pocotsi coyeneya tsipae, xua meje: Metha poxonaē paxam panacaetutsipame, bapoxonaē irūn pebinbe patopaetsipabe. Metha baponbe joniyaetsipabe baxota. Ichūn nacobesi xataba aniyon pocotsiwan daedaena. Matautano paparuwa nama xatata xua mū daedaena. Nama irū ichūn acopeibi, nama dapon saya pia penama xatatsiwa taabetsi. <sup>3</sup> Metha pon copei pexeinaein pantenta



weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa patentana weyataeya wabichipaem. Bapontha pajam tsipae: “Bara beuncuiyama, ichacuiha bara saya iratha ecare”, pajam tsipaem. <sup>4</sup> Icha metha baxua paexanaetsipame bapoxonae abeya pananta xeinaetsipame xua jiwi jopa najupaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentisiwa yabara xua abe peexanaexae.

<sup>5</sup> Tamonae pam pomonae iru painya nejume cowantsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibi xua barapomonae bichocono pejume cowantsinexa. Matautano Nacom catsibina barapomonaetha pocotsiwa bayatha juntana jeba pia peitorobi nacuatheicha pia peantobewixaetsi. <sup>6</sup> Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Matautano barapomonae ba pentacoponaewi peitararatha paca capona xua abeya pia paca necayabara paebinexa. <sup>7</sup> Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowanta dubenanaebiyaxaetsi, naca jei, “Cristobaramonae”, naca jei.

<sup>8</sup> Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuarabu enaewi icha paichim xua painya coutha pana naantobem”, jei xua barapo diwesitha. Moya bara beta paexanaename. <sup>9</sup> Poxonae ichamonae ainya cui pacana exaname xua beyacaincha ichamonae, bapoxonae paxam apara abe paexaname. Matautano apara paxam pomonae abe painya neexanaewi, tsipei jopa paexanaem pocotsiwa Nacom penajume caitorobi coyenewatha paeba. <sup>10</sup> Icha ichun jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom tane xua daxita tsita abetsi. <sup>11</sup> Nacom namchi: “Jopa panasi cui wainmeinchinde poxonae jitha painya neenaewatha”, jei Nacom. Yawa namchimo: “Jopa bexubinde ichun”, jei Nacom. Ichitha icha bequein jopa panasi cui wainmeinchim, daichitha pabexubame ichun baraxua be poxonae daxita abe pacayabara exaname Nacom penajume caitorobi coyenewa. <sup>12</sup> Paxam bewa beta xanepanaya papaebim. Matautano bewa beta pajinompam. Tsipei bexa tsane Nacom paca yabara paebina painya nenatsicuentisiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya. <sup>13</sup> Pomonae jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jutiya ichane barapomonaetha. Ichitha pomonae xua yabara nantanuweya nanta xeina xua ichamonae peyawenaenexa tsainchi, xuya Nacom bara jutiya ichane po matababitha jiwi yabara paebinchi xua penatsicuentisiwa xua abe peexanaexae.

*Meje yabara xua Nacom pejume cowantsiwichi pia pexeinya peexanae coyenewan tatsi*

<sup>14</sup> Tamonae pam, iru pomonae painya nejume cowantsixae Jesucristo. ¿Eta xua metha tsipae? Metha ichun jei: Xan Nacom Pejume Diwesi jume cowantan, jei, ichitha jopa betiwa xanepanaya exanaeyo. ¿Bara metha bapon najuntu coyene capanepaetsipae Nacom beya? Apara jume tsipae, jopa najuntu coyene capanepaetsipae. <sup>15-16</sup> Ichacuiha metha tsipae, metha panantaetsipame pomonae pejume cowantsiwi Jesucristo painya xantha. Barapomonae metha taabichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichun pon painyamonae jiwana jiton bapomonaetha jeye: “Bara juntana panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonae nantawenona xua pejinompawea nexa. Baxua bapana ba ichamonae jopa yawenaetsi icha saya ba u xua paebatsi. <sup>17</sup> Barichi xua pon pejume cowantsin Nacom Pejume Diwesi. Icha bapon jopa yawenaeyo ichuntha pontha pon nantawenona ichawa xua pia peponaewa nexa, bapoxonae bapon pia pejume cowantsiwa Nacomtha be cayabara juntamaina.

<sup>18</sup> Ichacuiha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowanta jopa itacupaetsi xua netsita exana xua bapon xaniwaicha jume cowanta pocotsiwa Nacom itoroba poxonae bequein jopa beta yawenaeyo ichamonae. Bapoxonae xan tsita exanan bapontha xua xaniwaicha

jume cowūntan pocotsiwan Nacom itoroba poxonae exanan pocotsiwa Nacom neitoroba xua poxonae yawenan ichamonaē”, jan tsane. <sup>19</sup> Xam jume cowūntame xua bara compa pepa Nacom popona, xua ichūn bapocotsin aibi. Baraxua bara beta nanta xeiname. Ichitha baxua irū saurimonaē jume cowūnta yawa bichocono pijunuwi jijiyei. <sup>20</sup> Xam bapocotsim pocotsin ba jopa peyaputaēin, incane jume taema. Pon paēba xua pinae jume cowūnta pocotsiwa xua Nacom itoroba, xua daichitha jopa beta exanaēyo ichamonaē nexa, bapon pia pejume cowūntsiwa bara be cayabara jūntemaina. <sup>21</sup> Nacom tsita jūntū coyene xanēpanatsi Abraham, pon wamo susatorpin, pon caena bayatha tūpa. Bapon Abraham Nacom jopa tsita natsicuentisichi xua abe peexanaēxae, ichitha yabara jume cowūntsiya peexanaēxae pocotsiwa Nacom itoroba. Bapon pexanto isoto beya capona, petautsinexa xua petuxusi exanaēnexa Nacomtha, po pexanto tatsi pewūn Isaac. <sup>22</sup> Anoxuae payaputaneme xua Abraham jume cowūntsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowūntsi coyenewa. <sup>23</sup> Nacom exana xua caena bayatha Pejume Diwesitha jeje: “Abraham jume cowūntsiya exana pocotsiwa Nacom itoroba. Daxota Nacom tsita jūntū coyene xanēpanatsi jopa penatsicuentisixae xua abe peexanaēxae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

<sup>24</sup> Anoxuae bara payaputaneme pocotsiwa Nacom tsita jūntū coyene xanēpanatsi xua jopa tsita natsicuentisichi xua abe peexanaēxae pon exana pocotsiwa Nacom itoroba, jopa meisa metha poxoru pejume cowūntisixae. <sup>25</sup> Bara caena ichirū Nacom pētsiriwatha powa nasi cui matacaeta pebiwitha, pia paratixichi, powa pewūn Rahab, powa caena bayatha popona. Nacom tsita jūntū coyene xanēpanatsi barapowatha xua poxonae peyawenaēxae icha pebinbētha ponbe peitorobinchibe xua poxonae peyantabinexabe tomara. Barapowa barapo pebinbe būpana etatsibe pia botha poxonae baponbe jexitompatsibe ichamonaē. Bapoxonaē pirapaeyo bapowa baponbe capanēpatsibe icha namto iya xua tomara weya. <sup>26</sup> Daxota anoxuae paca tsipaebatsi, icha pepon ba jopa xeinaēyo pejumope, ba pepon tūpa. Barichi icha pebin jume cowūnta Nacom daichitha jopa exanaēyo pocotsiwa Nacom itoroba bapoxonaē pia pejume cowūntsiwa bara be cayabara jūntemaina.

### 3

#### *Meje yabara pocotsiwa xua peebatotha pepaēbiwa*

<sup>1</sup> Tamonaē pam pomonaē irū painya nejume cowūntisixae Jesucristo. Paxan pajume tan xua pinmonaē painyamonae jiwana ichichipa xua penaēxanaewa pomonaē jiwī pecuidubiwi Nacom Pejume Diwesi. Daichitha pinmonaē jopa bewa naēxanaē pomonaē jiwī pecuidubiwi. Bayatha daxita paxam payaputaneme xua paxan pacueicueijan tsurubenanaēbiyan Nacom Pejume Diwesi xua jiwī jopa bewa abe exanaēna. Daxota poxonae baxua pacueicueijan xua daichitha abe paēxanan bapoxonaē Nacom bichocono pana peraxa jūbina beyacaincha xua poxonae bapon cana exanaēna ichamonaētha. <sup>2</sup> Daxita waxainchi ichichipatsi nawita xua abe waēxanaēwa. Anoxuae payaputaēma, icha ichūn jopa abe exanaēyo xua poxonae paēba bapon jame penthūthū yapu xanēpanaēin. Mataūtano bapon itacūpatsi xua najūntū coyene itoroba daxita pia pepontha xua xanēpanaya peexanaēwa abe peexanaēyainwa. <sup>3</sup> Poxonaē waxainchi cawayu wano atatsi penainto xua wanaca cui jejeinexa baraxua apara xua wacafēbabinexa daxita pepon ichaxota waponaēwa. <sup>4</sup> Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafēcaēca bapon cafēbabēcapona ichawa beya xua ichaxota ichichipa peponaēwa xua xoyotha tsiwiyo tsecae xoyo iru werucueina. <sup>5</sup> Icha jera ichi po nae pin nae xua dapocotsiwiyotha cafēbabēcapona, barichi peebato xua dapocotsi ebatīyo tsecae pepon nexa. Daichitha barapo ebatīyotha itacūpatsi xua yabara eētaēponaēya paēba pia peexanaēwa poxonae ichamonaē aēbatsi. Barichi unu itacūpatsi xua petaxuiwa dacotsi iteretiyotha. <sup>6</sup> Icha nawa iteretiyotha cana ichi unu, peebato bara ichiya exana daxita coyēintha. Bequein nawato peyauyo tsecae xua wapepon jiwana xua pin xaintotsi, ichitha bara itacūpecatsi xua bichocono abe exanatsi naca cana exana. Waebato naca cana exana xua waēxanaēwa daxita abe waēxanaē cuiru coyēnein xua poxonae wacueicueijeixae waebatotha xua caurimonaē pia pentacaponāein tatsi wanaca cui itorobixae. <sup>7</sup> Jiton ba itacūpatsi xua ita coxone exana daxita duweimonaē, pepupunaēwi, jomon yawa menēpipichiwanno. Daxita baxua i daxua jiton ba ita coxone exana. <sup>8</sup> Nama peebato jopa be baraichichi. Jopa wanaca yapu xanēpanaēwa xua waebato cuidubatsi xua jopa abe jume pepaēbiwa tsane. Waebato bichocono abe tsecae. Itacūpatsi xua jiwī cana exanatsi xua ichamonaē pejumetaya

anthuthatunewa, icha jomo ichi xua jiwi ba atene exanatsi pewanotha xua ichacutha ba jiwi tupa exanatsi xua pewano tsapa pexeinaexae. <sup>9</sup> Barapo ebatotha wunae jaintatsi Nacom pon Waxa. Matautano abe yabara paebatsi pebiwi barapo ebatotha. Ichitha barapo pebiwitha Nacom caena bayatha forota daxota barapo jiwi pia juntu coyene tatsi jupa icha Nacom pia juntu coyene tatsi ichi. <sup>10</sup> Matautano barapo coibototha jume pichapa xua wunae pejainchiwa Nacomtha, xuano xua abeya pepaebiwa. Tamonae pam pomonae ira painya nejume cowantsixae Jesucristo. Jopa bewa barapocotsi coyenewa paexanaem xua poxonae Nacom wunae pajaintame xuano xua jiwi abe payabara paebame. <sup>11</sup> Po mera natsibotarucua ira baxupana wetsina, poxonae mene jujuina barapoxonae caena yawa jopa muxuna jujuinaeyo po mera xeica yawa po mera atsaxa. <sup>12</sup> Tamonae pam bara pocotsi jata coyeneya ichi poxonae waxainchi abatsi. Higuera nae jopa ba nacoichiyo olivo nae thei, po pethei aceituna thei matawun. Yawano uva unbototha jopa ba nacoichiyo higuera nae thei. Barichi barapo mene po mera mene natsibotarucua poxonae mene jujuina barapoxonae caena yawa jopa muxuna jujuinaeyo po mera xeica yawa po mera atae. Barichi waebatotha jopa bewa xeinaetsi ainya jume coyenewabe po jume wunae yawa po jume abe.

*Meje yabara xua pepa pexainyeiwa xua peyaputae coyenewa*

<sup>13</sup> Icha painya xantha popona pon bichocono peyaputaein xua yawa pecoxonaein bapon bara bewa moya xanepanaya beta poponae yawa bara bewa moya ita ururaquiya poponae. Beta peexanaexae jiwi peitutha, bapoxonae jiwi tane xua bara bapon pon bichocono pepa peyaputaen. <sup>14</sup> Metha painya juntu coyenetha paxeiname peuwiwa xua paca juntu coyene atsaca exana ichamonaetha. Yawa metha painya coutha pana nata exaname painyawan pia jiwi wunae paca yabara paebichi xua pia ainya cui paca exanaetsi xua beyacaincha ichamona. Icha paxeiname barapo peyaputae coyenebe bapoxonae painya xoba paeabame ichamona. painya pepa neyaputae jiwi pamxaem. Poxonae baxua papaebame apara saya panaerabame xua jopa paxainyam. <sup>15</sup> Apra barapo peyaputae coyene xuaunxuae po peyaputae coyene yabara paca tsipaebatsi barapo coyene apra jiwi nanta xeina barapo cae pin nacuathe pomonae jopa pejume cowantsiwi Nacom. Barichi barapo peyaputae coyene cauri nanta xeina. Apra barapo peyaputae coyene Nacom werena jopa ponaeyo. <sup>16</sup> Daxota poxonae ba jiwi pejume uwiwa xeina ichamonaetha yawa u penata exanae coyene piawan bapoxonae ba jiwi jopa xanepanaya penanta xeinaewa yawa exana daxita abe peexanae cuiru coyenein. <sup>17</sup> Nama pomonae xua peyaputae coyene xeina xua po peyaputae coyene Nacom werena pona, barapomonae copiya juntu coyene xanepanaya jinompa yawano barapomonae jopa naita aenae-aeneyo saya juntepa pejinompaexae. Yawa barapomonae yabara jume baru cui itura jina pocotsiwa ichamona. paeba. Yawa jume jejei xua peexanaewa pocotsiwa ichamona. itoroba. Matautano nantanuweya yabara najuntu coyene xeina peyawenaenxa tsaihi tsane ichamona. Matautano barapomonae wunaeya xanepanaya exaneiba ichamona. nexa xua jopa ichawa beya nanta xeinaeyo xua saya xaniwaichiya exana. <sup>18</sup> Pomonae xua bichocono ichichipa xua juntepa pejinompaewa barapomonae cana exana ichamonaetha, xua ichamona. juntepa jinompa xua daxota barapo ichamona. bichocono xanepanaya betiya exana dubenanaebiya.

## 4

*Meje yabara pomonae ichichipa naexana pomonae jopa pejume cowantsiwi piamonae tatsi*

<sup>1</sup> ¿Eta werena pona barapo coyene xua pana najume matsontsonobame? ¿Yawano eta werena pona barapo coyene xua pana nabame? Apra barapo coyenebe naforoba painya juntu coyeneintha ichaxota paichichipame xua abe painya nenanta xeinaewa. <sup>2</sup> Ichawa paichichipame ichitha jopa paxeinam daxota ichun anaya pabexubame. Ichawa payabara cui uwame, ichitha jopa paca itacupaeyo xua paxeiname daxota anaya pana nayabara bame. Jopa paxeinam pocotsiwa paichichipame tsipei Nacomtha jopa pawucaem. <sup>3</sup> Poxonae Nacomtha payabara wucame pocotsiwa paichichipame, jopa Nacom paca catsiyo tsipei jopa xanepanaya pawucaem, saya painya nata wucaexae pocotsiwa xua abe painya neexanaewa tsane. <sup>4</sup> ¡Maisa paxam caurimonae pia pepuna jinompaewichi pam! Payaputaneme xua pomonae ichichipa naexana pomonae jopa pejume cowantsiwi Nacom piamonae tatsi, barapomonae apra ba Nacom peaitafaetabiwichi. Daxota poxonae paichichipame xua panaexaname barapo cae pin nacuamonaepiwi piamonae tatsi, apra panaexaname Nacom pia peaitafaetabiwichi tatsi pam. <sup>5</sup> Daxota Nacom Pejume Diwesi jeye: “Nacom asiwiya antobe po jumope tanaxu naca cayawa exanaeya jinompa

exana”, jei. <sup>6</sup> Ichitha Nacom pia peantayapuswatha naca yawena xua jopa abe waexanaewa tsainchi. Nacom Pejume Diwesitha jeye: “Nacom jopa yawenaeyo pomonaetha pomonae jiwi peabiwi. Ichitha pia peajuntayapuswatha yawena pomonaetha pomonae ita ururanaya jinompa xua jopa atsaquiyoy”, jei. <sup>7</sup> Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonae bapon naetsircuaena painya xainya weya. <sup>8</sup> Nacomtha patsipaebare, bapoxonae Nacom paca yawenaena. Paxam pomonae abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najuntuyoyene xanepana exande. <sup>9</sup> Abe painya neexanaexae, pana najuntuyoyene acaurande, pawecoyande, yawa panantuyoyene exabare. Poxonae pajuntuyoyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajuntuyoyene wecoyande xua painya neauraxae. <sup>10</sup> Nacom pon jiwi Pecanamataxeinaein pabaruyoye cui itura jinare xua jopa ainya cui pana nacana exanaem. Bapoxonae Nacom ainya cui paca cana exanaena.

*Meje yabara xua jopa bewa ichamonae yabara paebichi tsainchi xua penatsicuentisiwa xua abe peexanaexae*

<sup>11</sup> Pomonae painya nejume cowantsi jiwi pam Jesucristo, jopa bewa ichamonae yabara paebichi tsainchi xua penatsicuentisiwa xua abe peexanaexae. Pon abe yabara paeba pontha pon Cristo pejume cowantsinda, bapon muxuna abe yabara paeba Nacom pia peitorobi diwesi. Bapon jopa jume cowantsiyo pocotsiwa xua barapo diwesi itoroba xua pinae jopa bewa abe yabara paebichi ichan xua xeina penatsicuentisiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba. <sup>12</sup> Aparameisa bapon Nacom pon naca cata pia peitorobi coyenewa. Matautano bapon compa pon jiwi peyabara paebin xua penatsicuentisiwa xua abe peexanaexae. Meisa saya bapon itacupatsi xua jiwi capanepatsi pia nacuatheicha, xua ichacuitha ba jiwi itawetatsi pia nacua weya xua abe peexanaexae. Nama paxam apara jopa paca itacupaeyo xua payabara paebame xua ichamonae pia peexanae coyenewa tatsi. Matautano jopa paca itacupaeyo xua jiwi pacapanepame Nacom pia nacua beicha tatsi, xuano xua jiwi ba ichacuitha paitawetame Nacom pia nacua weya tatsi abe peexanaexae.

*Meje yabara xua cataunxuae jopa nayaputaeyo pocotsiwa xua baya nexa tsane*

<sup>13</sup> Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam. <sup>14</sup> Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi jata coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa. <sup>15</sup> Jame bewa pocotsiwa papaebim xua jeye: “Icha Nacom pon jiwi Pecanamataxeinaein ichichipa xua wajinompawea, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei. <sup>16</sup> Ichitha nama paxam, jopa baxua papaebim pocotsiwa icha Nacom ichichipa. Paeba abame paxoru paichichipame xua painya neexanaewa pocotsiwa painya coutha paichichipame. Icha poxonae paichimje xua poxonae paebame bapoxonae bara apara abe peexanae cuiru coyene paexaname. <sup>17</sup> Pon xua yaputane xua beta peexanaewa, xua daichitha jopa baxua exanaeyo, apara bapon bara abe peexanae cuiru coyene exana.

## 5

*Meje yabara xua pemuxuwetsi coyene pomonaetha pomonae copei pexeinaewi*

<sup>1</sup> Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaxae pocotsiwa xua jopa xaexanaecaeyo, pocotsiwa xua paca atene exana. <sup>2</sup> Daxita xua xuan paxeiname baxuan daxita tsabana, yawa painya pexeinya paxeyan xua pemu itane wunawean baxuan daxita ofon xane. <sup>3</sup> Painyawan xua pocotsiwa pewan oro nain yawa xuano pocotsiwa pewan plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya pantaropeicha xexeinaponame barapo copei. Barapo copei pajebame anoxuae. Ichitha po mataqueitha poxonae Nacom yabara paebina jiwi xua penatsicuentisiwa xua abe peexanaexae bapontha, barapo matabi imoxoyo tsane. Nacom weraweraca exana barapo copei xua painya copei, icha isoto

ichi xua tauta exana xua topowa. Bichocono copei pacaetubame bequein jopa baxua paca yawenaeyo painya nepanenebiyawa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuiitha xua metha wɔnae, ichacuiitha xua metha abe. <sup>4</sup> Jopa pantomatsim pomonaetha pomonae pacata nacuita poxonae pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai. <sup>5</sup> Barapo irathe bichocono copei paxeina dubenanaebiyame, matautano paexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxonae Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane. <sup>6</sup> Paxam pomonae copei pexeinae jiwi pam abe payabara paebame pomonae pejuntu coyene xeicae jiwi. Yawano pajutebame barapomonae, bequein jopa itacupaetsi xua pia coutha penayawenaewa.

*Meje yabara poxonae Santiago jei: "Jopa paaitaconaeinde poxonae bequein ichamonae abe pacata exana", jei*

<sup>7</sup> Tamonae pam pomonae iru Jesucristo painya nejume cowuntsixae. Beitatemaya pawnae aware pon jiwi Pecanamataxeinaein, pon Cristo. Jopa paaitaconaeinde poxonae pawnae ewatame xua poxonae bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxonae beitatemaya ewata xua naweta xua naxainwaeta. Bapon jopa aitaconaeyo poxonae beitatemaya ewata xua ema taatsanaeinchi pia pabi. <sup>8</sup> Paxam iru bara paichinde. Jopa paaitaconaeinde poxonae pawnae ewatame pon jiwi Pecanamataxeinaein. Pana najuntu coyene tsacabare xua juntema painya nejinompaewa tsane, tsipei pon jiwi Pecanamataxeinaein bara nama imoxoyo pewnaeyo tatsoponaetsi xua pepatopaewa.

<sup>9</sup> Tamonae pam pomonae iru Jesús painya nejume cowuntsixae. Jopa caemonae nantiya aitaconaeya pana nayabara paebinde xua abe painya nenata exana dubenanaebiyaxae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentisiwa xua abe peexanaexae. Nama imoxoyo tsoponae poxonae Nacom itorobina xua jiwi peraxa jubebinchi pomonae abe peexanaewi. <sup>10</sup> Tamonae pam matha pataema po diwesi yabare: Pomonae Nacom peitorobi jume pepaebiwu pomonae caena bayatha jinompa, barapomonae bichocono atene exanatsi ichamonae. Bequein bara barapomonae atene, daichitha awiya jopa aitaconaeyo poxonae abe taexanatsi ichamonae. Awiya barapomonae pomonae Nacom peitorobi jume pepaebi jiwi ba cueicueijei tsaibi Nacom nexa, pon jiwi Pecanamataxeinaein. <sup>11</sup> Waxainchi ba yabara nanta xeinatsi barapomonae, xua bichocono juntu coyene weiweina poxonae beitatemaya awiya jume cowuntsiya exana dubenanaebiya poxonae bequein abe taexanatsi ichamonae. Bayatha caena pajume taneme xua pinae pon pewun Job jopa aitaconaeyo Nacomtha poxonae bequein Nacom yaperaxaeya jume cowunta ducuaebiyatsi. Matautano payarutaneme xua Job equeicha matapainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nantu coyene xeinaeinchi xua jiwi peyawenaenexatsi.

<sup>12</sup> Jame xuaje ainya cui: Jopa Nacom pawun caunutsinde xua bapon painya nepaca taewa tsane xua xaniwaicha painya nepaebiwa poxonae yabara pana natsiwana wnae paebame ichamonaetha pocotsiwa bexa painya exanaetsi. Poxonae pajam: "Je", pam, bara bara paichinde. Poxonae pajam: "Bara", pam, bara moya bara jopa paexanaeinde. Baraxonae jopa Nacomtha panatsicuentim tsane abe painya neexanaexae. Barichi jopa itaboco pawun caunutsinde, yawa irano jopa pawun caunutsinde, matautano jopa icha wunno pawun caunutsinde.

<sup>13</sup> Icha ichun pon painyamonae jiwana jiton ajuntucoyenetane xua abe petaxanaexaetsi ichamonae, barabu bewa bapon Nacomtha wucaena xua peyawenaewa tsainchi. Icha ichun juntu coyene weiweina, barabu bewa bapon peweixi naxnae xua Nacom wnae jainchiya peyabara naxunaewatsi. <sup>14</sup> Icha ichun atene, bewa pawabim pepatae jiwi, pomonae pecanamataxeinaewi xua canamataxeinatsi pomonae Nacom pejume cowuntsiwi. Baraxonae barapomonae bewa tawucaena xua pon peatenein petawucaewatsi xua Nacom axaibi peexanaenexa. Baraxonae barapomonae bewa juinya penasiwatha mata caxuebina Cristo pewuntha pon jiwi Pecanamataxeinaein. <sup>15</sup> Poxonae barapomonae Nacomtha wuca bewa yabara jume cowuntsiya wucaena xua bara Nacom pon jiwi Pecanamataxeinaein axaibi exana bapontha. Baraxonae pon atene jume tsane. Matautano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara juntemainaena. <sup>16</sup> Daxota paxam, caemonae nantiya pana natsipaeibbare xua poxonae abe nantiya pana nata

exaneibame, pajam tsaibinde: “Pin uran, yaitama jopa xapain cata exanaetsi necayabara j̄ntem̄ainare”, pajam tsaibinde. Pon Nacom peitabaratha tatsi j̄nt̄u coyene xanepanaya popona, poxonae bapon Nacomtha w̄ca bichocono peayapus̄awa xeina xua daxota Nacom beta cana exana bapontha. <sup>17</sup> Nacom peitorobi jume pepaebin Elías, bapon bara jiton bara wanaca cui j̄p̄aein, pon caena bayatha popona. Poxonae bapon Nacomtha matowa w̄ca xua jopa peruneicaewa tsane, bapoxonae jopa duneicaeyo tres po weibe yawa equeicha bara caeto nama. Bapoxonae barapo nacuatha pin jainbo nacia tsurucuae. <sup>18</sup> Bapoxonae, poxonae equeicha Nacomtha w̄ca, bapoxonae equeicha duneica yawa pexuwiwan xanepanaya nawetsiya xuwa.

<sup>19</sup> Tamonae pam metha ich̄un pon paxam jiwana abe exanapona bequein yaputane xua bewa exanaena pocotsiwa pexainyeiwan. Icha ich̄un yawena bapontha xua equeicha caewa beta peexanaewa tsane bapon, pon yawena, bara beta exana. <sup>20</sup> Pon yawena bewa yaputaena xuaje: Po jiton xua cana exana ichamonae xua penacui barapentsiwa abe peexanae cuiro coyenein, xua equeicha pejume cow̄ntsinexa Nacom, barapon j̄nt̄u coyene capanepa exana barapomonae pet̄p̄ae cuiro coyene weya. Matautano bapon j̄nt̄u coyene yawena xua Nacom peyabara j̄nt̄em̄ainawa xua barapomonae abe pia peexanae cuiro coyenein tatsi xua bequein bichocono nawita.

Baja Santiago.

## Meje Po Carte Copiya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Pedron, Jesucristo pia peitorobi jiwi jiwana tatsin. Daxita barapomonae pam pacata tinatsi pomonae painya nacua nacayayatsiya pawu jinompame xua ichamonae painya nepaca yotabixae. Pomonae painya nejinompaewi pam Ponto nacuaatha, iruru pomonae painya nejinompaewi pam Galacia nacuaatha, iruru Capadocia nacuaatha painya nejinompaemdu, iruru Asia nacuaatha painya nejinompaewi pamdu, iruru Bitinia nacuaatha painya nejinompaewi pamdu. <sup>2</sup> Caena bayatha poxonae aena, baroxonae Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumope tuxaxu tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonae Jesucristo paca tsitupa naetotha jana pichapabarena painya nejume cowantsinexa Jesucristo pocotsiwa bapon paca itoroba. Bapoxonae pajuntu coyene xanepaname Nacomtha. Barabu Nacom bichocono paca yawenaena pia paca necaantobewaxae. Matautano barabu barapon jantema jinompa paca exana.

*Meje yabara xua po coyeneya bewa beta jinompaetsi Jesucristo nexa*

<sup>3</sup> Nacom wunae jaintatsi pon Jesucristo Paxa tatsi. Jesucristo bapon pon Wanacana-mataxeinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua paina exaname poxonae Jesucristo equeicha asu exaname petupae cuiru coyene weya”, jeichichi. Jesucristo naca cana exana xua wunaeya jume cowantsiya ewatatsi xua Nacom naca catsina peajuntu yapuswa. <sup>4</sup> Bara Nacom paca catsibina pocotsiwa paca juntana jeba pia nacuaatheicha pocotsiwa xua jopa itacupaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi. <sup>5</sup> Nacom paca yapu eena pia peayapuswathath painya neyabara jume cowantsixae bapon. Barapon Nacom paca capanera xua jopa painya neatenenexa xua abe painya neexanaexae xua poxonae daxita barapo nacue weraweracaena.

<sup>6</sup> Daxota pajuntu coyene weiweiname, bara bequein saya cae dapaeyobetha paca ajuntucoyenerewe exana xua ichamonae abe painya nepacata exanaexae matowa. <sup>7</sup> Barapo painya nepaca caajuntucoyenerewe exanaewan piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewan oro nainto, jiwi ba piraichi isototha tauta peyaputaneexa icha bara metha pepa oro nainto. Po pejume cowantsiwa jiwi xeina bichocono daunwei beyacaincha oro nainto bequein ichamonae juntu coyene juntu xua abe peexanaenexa. Barapo oro nainto weraweraca. Barapoxonae poxonae Jesucristo patopaetsica xua awiya beta painya nejume cowanta dubenanaebiyaexae daxota Nacom wunae paca jainchina. Matautano paca cana exanaena xua peainya cui jiwi pam. Matautano paca cana exanaena xua jiwi paca baru cui itura jinaena painya nejume cowantsiwxae.

<sup>8</sup> Paxam paantobem Jesucristo bara bequein jopa bapon pataem. Matautano anoxuae pajume cowantame bequein jopa bapon anoxuae pataem. Paxam bichocono pajuntu coyene weiweiname. Bara bequein barapo pexeinya pejuntu coyene weiweinae coyenewa bayatha payabara paebame daichitha awiya pacata seica xua po jumetha beta payabara paebame barapo peajuntucoyeneswa. Daxota bichocono pajuntu coyene weiweiname tsipei pananta xeiname xua painya nexainaewa tsane pebaru cui itura jinaewa Nacom pia nacuaatheicha. <sup>9</sup> Painya nejume cowantsixae Jesucristo, Nacom paca juntu coyene capanepaena xua jopa painya neatenenexa xua abe painya neexanaexae.

<sup>10</sup> Caena bayatha pomonae Nacom pia peitorobi jume pepaebi yabara jejeitaponeiba nawita barapo pecapanenebiyae diwesi, xuano yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae. <sup>11</sup> Nacom pia Pejumope tuxaxu tatsi, po jumope Cristo weya pona, barapo jumope cueicueije barapomonae pejuntu coyenewatha tatsi. Nacom pia Pejumope tuxaxu tatsi cueicueije barapomonaetha, jeye: “Payabara tinare xua bexa tsane Cristo, pon Nacom itorobina, atene tsane. Matautano bapon Cristo xeinaena pexeinya peitapanae coicha”, jei. Barapomonae nayainyaba, jeye: “¿Eta bichi tsane jiwitha poxonae baxua exanaena? ¿Yawa eta poxonae metha baxua exanaena?” najei barapomonae. <sup>12</sup> Ichitha Nacom, barapomonae yabara yaputane exainchi xua po diwesi barapomonae

xua Jesucristo yabara tsiwunaē paebatsi apara jopa barapomonaē nexa. Apara jame barapo diwesi paxam nexa. Po diwesi xua caena bayatha barapomonaē yabara paeba barapo diwesi jura po diwesi xua anoxuae ichamonaē yabara paca tsipaeba. Barapo diwesi xua pecapanenebiyae diwesi barapomonaē paca tsipaeba Nacom pia Pejumope t̄nax̄u tatsi pia peayapus̄u itorobi coyeneyatha tatsi po jumope itorobatsi itaboco wetsica. Barapomonaē yabara paeba barapo pecapanenebiyae diwesi po diwesi matatsunpiwi bequein ir̄u ichichipa yabara yaputane.

*Meje yabara xua Nacom naca itoroba xua bewa xeinaetsi pepa pejunt̄u coyene xanepanaewa*

<sup>13</sup> Daxota pana najunt̄u coyene w̄naere Nacom nexa xua pana najunt̄u coyene itorobare xua barompaya painya nenanta xeinaewatha. Ajunt̄uyapus̄uya payabara jume cow̄ntsiya eware pocotsiwa Nacom paca catsibina pia paca necaantobewaxae xua poxonaē Jesucristo patopaetsica. <sup>14</sup> Paexande icha pexui ichi xua ba exana pocotsiwa coxiyan itoroba. Jopa paichichipaēinde xua abe paexaname po coyenewa icha be paichim copiya xua abe paexaname poxonaē cataunxuae jopa payabara yaputaem Nacom. <sup>15</sup> Seicaya pajinompape pepa painya nejunt̄u coyene xanepanaewatha, tsipei Nacom pon paca waba bichocono pepa pejunt̄u coyene xanepanaein. <sup>16</sup> Baxua paexande poxoru Nacom Pejume Diwesitha jeye: “Paxam daxita bichocono pajunt̄u coyene xanepande, tsipei bichocono tajunt̄u coyene xanepanaein”, jei.

<sup>17</sup> Nacom Waxa, pon jiwi peyabara paebin xua penatsicuentsiwa xua abe peexanaexae, barapon Nacom jopa nanta xeinaeyo xua ich̄n̄ bichocono peainya cuin beyacaincha ich̄n̄. Icha paxam barapo Nacomtha pajam: “Axa”, pajam, xua pia painya nepaca yawenaenexa bapoxonaē pajunuware xua abe painya neexanaeyainwa Nacomtha. Matautano barapon Nacom bichocono paantobeinde daxita matacabin poxonaē pajinompame po irathe. <sup>18</sup> Jesucristo paca capanepa painya abeya nejinompaewa weya. Poxonaē Jesucristo paca yantomata xua paca capanenebiya, jopa catsiyo po penainto pew̄n oro nainto. Matautano jopa catsiyo po penainto pew̄n plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jiwi ichi xua barapo abeya junt̄u coyenewatha jinompa. Baxua paca yawena aibi. <sup>19</sup> Saya meisa Cristo naca yantomata abe waexanaē cuiru coyenein weya. Baxua apara xua poxonaē Jesucristo naca tsitupa naetotha, icha caena bayatha oveja ichich̄i xua poxonaē bexotsi xua t̄pa exanatsi xua Nacom peyabara juntemainaenexa jiwi abe pia peexanaē cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejunt̄u coyene xanepanaein. <sup>20</sup> Nacom itapeta xua Cristo itapetatsi pet̄paenexa tsane naetotha caena bayatha poxonaē cataunxuae jopa forotsiyo po cae pin nacue. Nacom paca tsita it̄ta bapon Cristo barapo petab̄u ducuae matababitha. <sup>21</sup> Cristo painya nepaca tsitupaexae naetotha xua abe painya neexanaē cuiru coyenein daxota Nacom pajume cow̄ntame. Nacom equeicha Cristo as̄u exanatsi pet̄pae cuiru coyene weya. Matautano Nacom pia nacuatheicha cana exana bapontha xua xaina pepa peainya cui coyenewa. Daxota anoxuae pajume cow̄ntame Nacom. Matautano pajume cow̄ntsiya ewatame Nacomtha xua bexa Nacom paca catsina pocotsiwa xua bayatha yabara paca tsiwunaē muxu duta.

<sup>22</sup> Anoxuae pajume cow̄ntame Nacom pia pexainyei diwesi jume xua Nacom pia Pejumope t̄nax̄u tatsi paca tsipaeba. Daxota paca itac̄pa xua pana najunt̄u coyene w̄naē exaname Nacomtha xua xaniwaicha painya neantobenexa ichamonaē pomonaē ir̄u pejume cow̄ntsiwi Nacom. Daxota bewa bichocono nantiya pana naantobem daxita painya nejunt̄u coyene daunweyatha. <sup>23</sup> Paxam icha junt̄u coyene paxename tsipei be pena jiwi pana naexaname, xua pajunt̄u coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jiwi pana naexaname painya nejume cow̄ntsixae Nacom Pejume Diwesi, po jume diwesi jopa weraweracaeyo, xua ataya tsitecapona. <sup>24</sup> Nacom Pejume Diwesi jeye:

“Naepanaewa ba tsewa tsoponae

yawa pentono ba othopeica.

Icha naepanaewa ichi jiwi ba barichi,

ba werapa.

Matautano pocotsiwa jiwi exana xua bequein

tsita ainya cuichi ichitha weraweracaena.

<sup>25</sup> Ichitha nama Nacom Pejume Diwesi ataya

ayapus̄u tsoponae”, jei Nacom Pejume Diwesitha.



Barapo diwesi apara pecapanenebiyae diwesi xua po diwesi paca tsipaebatsi.

## 2

<sup>1</sup> Daxota daxita pana nacui barapende daxita abe peexanae cuiru coyenein, yawano xua pemuxitorobi coyenewan, yawano xua naerabiya peexanae coyenewan xua naemata wnae pepaebiwa, yawano xua peyabara uwi coyenewan xua ichun xeina, yawano xua abe peyabara paebiwa ichamonaetha xua ichun peyabara paebiwatsi. <sup>2</sup> Pexui ba poxi anoxuaetha naexana ba jeita mito pia apaetsi xua pewichibinexa peapaexae mito. Icha pexui ichi, barapocotsi juta coyeneya paichinde. Saya u meisa Nacom Pejume Diwesi payorobare nawita xua painya nejume cowanta dubenanaebiyaenexa tsane, matautano xua painya nepaca capanenebiyaenexa tsane Nacom. <sup>3</sup> Icha paita coxoneme Nacom, painya juntu coyenetha bara payaputaneme xua pon jiwi Pecanamataxeinaein bichocono bara pewanaein.

*Meje yabara iboto, po iboto peainya cui iboto*

<sup>4</sup> Jesucristo pajume cocowantaponde, pon jiwi Pecanamataxeinaeinchi, pon xua ataya tsitecaeya ajantuypusaya pepoponaein. Barapon Jesucristo yabara caunutatsi be pocotsi iboto xua copiya boca xua poxonae bomuxu exana. Icha jiwi ichi xua barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi. <sup>5</sup> Poxonaе jiton ibo bo exana xua Nacom pin pia bo nexa, itapeta po iboton wnae. Bara jutiya ichi Nacom itapeta jiwi, xua pomonaе piamonaе tatsi cana exana pomonaе pejume cowantsi jiwichixaetsi. Painya coutha pana najuntu coyene doure Nacomtha beta painya netanacuichinexa icha sacerdotemonaе ichi xua najuntu coyene douta Nacomtha poxonaе beta tanacuita. Poxonaе baxua paexaname bara baxua Nacom tsita xanepanatsi xua Jesucristo painya nejume cowantsixae. <sup>6</sup> Nacom Pejume Diwesitha jeye:

“Pajume taema, itorobarecan Jesucristo  
Sión tomaratha tana nejume  
cowantsiwi taitorobarecan.

Bapon itapetan xua bichocono peainya  
cuixae, icha iboto ichi, po iboto  
babatanota bomuxu.

Pon Jesucristo jume cowantatsi bapon jopa  
aura tsane xua bapon Jesucristo pejume  
cowantsixae”, jei Nacom Pejume Diwesitha.

<sup>7</sup> Painya nejume cowantsixae bapontha, daxota payaputaneme xua bapon bichocono asi-wiya paantobem. Ichitha pomonaе jopa bapon jume cowantsichi barapomonaе canacui yabara jume wetatsi be pocotsi coyeneya bayatha Nacom Pejume Diwesi paeba, xua Jesucristo yabara caunutatsi, jeye:

“Po iboto xua jiwi naitemata xua pomonaе  
ibo bon peacabiwi, barapo iboto  
pecanamatawenonaе ibotatsi naexana”,  
jei Nacom Pejume Diwesi, xua Jesucristo  
yabara caunutatsi.

<sup>8</sup> Nacom Pejume Diwesitha equeicha jeye:  
“Barapo ibotiyotha jiton taxu autabatsi.

Matautano barapo iboto, ichacuitha  
jiton xuirapopa exainchi”,  
jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba barapo iboto Jesucristo yabara jutsiya canautapaebatsi. Jiwi jopa beta exanaeyo poxoru jopa jume cowantsiyo xua Nacom Pejume diwesitha Jesucristo yabara paebatsi. Caena bayatha Nacom pewanaeya yabara cui yaputane xua barapomonaе peexanaewa tsane baxua.

<sup>9</sup> Paxam Nacom painya nepaca itapetsi jiwi pam. Paxam po sacerdotemonaе pam xua pata nacuitame Nacom pon jiwi itorobiya pia pepa Peewatsinchi. Matautano paxam pomonaе Nacom patsita juntu coyene xanepaname jopa painya tsita natsicuentsexae bapon. Matautano Nacom pia pepa piamonaе tatsi pam. Nacom baxuan pacata exana pia painya yabara netacueicueijeinexa xua pia pexeinya petsita itubi coyenewan tatsi. Barapon Nacom paca waba abe painya neexanae cuiru coyenein weya. Paca waba pia painya yabara neyaputaenexa Nacom xua xeina pexeinya peitapanae coicha. <sup>10</sup> Copiya paxam jopa Nacom piamonaе tatsi pam, ichitha anoxuae nama Nacom piamonaе tatsi pam. Matautano copiyatha jiwi jopa paca yabara nantanuweya nanta xeinaeyo xua pia

paca necayawenaewa tsane. Ichitha anoxuae Nacom paca yabara nantanuweya nanta xeina xua pia paca necayawenaewa tsane.

*Meje yabara xua jiwi bewa beta jinompae xua Nacom petanacuita dubenanaebiyenex-atsi*

<sup>11</sup> Tamonae pam, pomonae tapaca caantobe jiwichi pam. Paxam pomonae be penana-paincha jinompaewi pam xua icha nacua werena painya neponaewi. Daxota paca itorobatsi xua jopa painya neexanaewa tsane pocotsiwa abe pocotsiwa xua painya juntu coyenewatha ichichipa xua peexanaewa. Barapo abe peexanae cuiru coyenein paca juntu coyene itoroba bichocono xua painya neexanaenexa po coyenein abe peexanae cuiru coyenein. <sup>12</sup> Beta pajinompare Nacom nexa xua peitatha tatsi pomonae Nacom jopa jume cowantsichi. Icha barapomonae abe paca yabara paebichipa be pomonae abe painya neexanae jiwi pam tsipae bichocono daichitha barapomonae taena xua beta painya neexanaewa. Bapoxonae barapomonae Nacom wunae jaintinchi wunae painya neexanaexae xua po mataqueitha Nacom yabara paebina jiwi xua penatsicuentisiwa xua abe peexanaexae.

<sup>13</sup> Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonae pecanamataxeinaewi painya nacua. Matauta paexande pocotsiwa paca itoroba pon romanomonae itorobiya pepa peewatsinchi. Jame Nacom ichichipa xua waexanaewa baxua. <sup>14</sup> Paexande pocotsiwa paca itoroba pomonae nacuan peewatsiwi pomonae xua tanacuitatsi pon romanomonae itorobiya pepa peewatsinchi. Nacom itoroba barapomonaetha pomonae nacua peewatsiwi xua barapomonae cuainchina pomonaetha pomonae abe peexanaewi. Matautano Nacom itoroba barapomonaetha xua wunae jainchina pomonaetha pomonae beta peexanaewi. <sup>15</sup> Nacom ichichipa xua beta painya neexanaewa tsane pomonaetha pomonae xua jopa Nacom yabara yaputaetsi xua barapomonae pemoyanexa xua jopa abe painya nepaca yabara paebinxae.

<sup>16</sup> Pajinompare, icha be ichi pomonae jopa nantawenonaeyo xua ichamonae amanaya petanacuihiwatsi. Ichitha jopa abe paexanaeinde xua poxoru saya painya nejinompaexae. Beta pajinompare, icha be ichi pomonae Nacom amanaya tanacuita dubenanaebiyatsi. <sup>17</sup> Beta payabara nanta xeinare daxita jiwi. Matautano paantobeinde ichamonae pomonae iru pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabaru cui itura jinareno pon romanomonae itorobiya pepa peewatsinchi.

*Meje yabara po coyene xua Cristo atene peexanaewatsi*

<sup>18</sup> Paxam pomonae amanaya painya netanacuihi jiwi pam ichamonae barapomonae pam paca tsipaebatsi. Bewa pajume baru cui jejam tsaimb tsane pomonae xua paca itorobeiba pomonae painya nepaca canamataxeinaewi. Baxua paexande poxonae bequein ichamonae wunae peexaneibiwi, matautano xua poxonae ichamonae bequein abe peexaneibiwi poxonae paca itoroba. <sup>19</sup> Baxua Nacom tsita wunae xua pabaru cui itura jiname barapomonae pomonae painya nepaca canamataxeinaewi xua poxonae bequein paca cuainta barapomonae xua xaniwaicha painya neexanaexae painya nejume cowantsixae Nacom. <sup>20</sup> Icha abe paexaname xua daxota paca cuainta, baxua Nacom jopa tsita coyene xanepanaetsi xua bequein saya beitatemaya moya paumename poxonae paca cuainta. Ichitha icha jame paca cuainta xua wunae painya neexanaexae xuano xua icha beitatemaya moya paumename baxuan jame Nacom tsita coyene xanepanatsi. <sup>21</sup> Xua ichamonae atene painya nepaca caexanaexae daxota Nacom itapeta paca waba. Ichamonae Jesucristo atene exainchi waxainchi nexa. Jesucristo cana caunutsiya exanatsi xua waxainchi bewa exanaetsi icha bapon ichi xua pocotsiwa exana. <sup>22</sup> Bapon Jesucristo bapana jopa abe exanae. Matautano bapana jopa muxitorobi ichamonaetha. <sup>23</sup> Poxonae ichamonae Jesucristo biatainchi jopa xuya jume barabotsiyo Jesucristo. Poxonae Jesucristo bati, jopa Jesucristo jeyo, "Aunxuae xuya paca cuaintinchi", jopa jeyo. Ichitha Jesucristo jume cowanta Nacom xua pocotsiwa poxonae Nacom exanaena barapomonaetha pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiwi, xua penatsicuentisiwa xua abe peexanaexae. <sup>24</sup> Cristo pia pepontha yawa muxuna tupa abe waexanae cuiru coyenein poxonae tupa naetotha. Poxonae bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta juntu coyene xanepanaya jinompaeinchi Nacomtha. Daxota Cristo wan exanatsi xua equeicha jopa abe painya neexanaenexa tsane. <sup>25</sup> Ichacuitha oveja itaxanuncuatsi, pipato pepoponaexae jopa penantauntsixae pon peenaen ovejan. Icha oveja ichi paxam bara pocotsi jata coyeneya paichim. Copiya jopa xanepanaya painompaem,

jopa painya nenantausixae Jesucristo. Ichitha anoxuae xanepanaya pajinompame, tsipei anoxuae Jesucristo panantaatame pon paca yawena. Bapon nepaca eenaein, icha be ichi pon oveja peenaein. Yawano bapon Cristo paca jũntũ coyene canamataxeina.

### 3

#### *Meje yabara xua po coyeneya bewa jinompae pomonae jitha peenaewi*

<sup>1</sup> Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuitha jopa jume cowũntsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cowũntsiyo Nacom painya nepaca cui taexae bara bequein Jesucristo jopa payabara paebim. <sup>2</sup> Barapo painya seuriwi paca taena xua Nacom paantobem. Yawano xua paca taena xua jũntũ coyene xanepanaya painompame. <sup>3</sup> Jopa metha meisa painya pepon pexeinyowa pana naexanaemtsipaem, xua daxota jiwi painya nepaca yabara paebewi, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana naperepeneinde po penaintotha pewũn oro nainto. Mataũtano jopa pana nama xatabinde po paparuwan bichocono ainya matoman xua bichocono pexeinyowaxi pana naexaname. <sup>4</sup> Icha pexeinyowaxi ichichipa pana naexaname moyã maisã pana najũntũ coyene wũnae exande. Barapo pexeinyowa coyenewa bũpana xeina jiwi pejũntũ coyenewatha. Barapo pexeinyowa coyenewa jopa itacũpaetsi xua peweraweracaewa. Painya pexeinyowa coyenewa bewa payabara ita ururanaya pajinompam, yawano jũntema pajinompam. Baxuan jame bichocono tsita coyene xanepanatsi Nacom. <sup>5</sup> Barapo pexeinyowa coyenewa caena bayatha xeina po yabũxi xua bichocono pepa pejũntũ coyene xanepanaewaxi. Barapo yabũxi jume cowũntsiyo ewata Nacomtha, xua Nacom exanaena pocotsiwa yabara tsiwũnae muxu duta. Mataũtano barapo yabũxi exana pocotsiwa piseuriwi itorobatsi. <sup>6</sup> Petsiriwa powa pewũn Sara bara jũtiya ichiyo exana. Barapowa exaneiba pocotsiwa piseuri itorobeibatsi pon pewũn Abraham. Barapowa piseuritha jeye: “Tanecanamataxeinaem”, jei barowa. Paxam bara paichim tsane icha barapowa Sara ichi icha beta paexanaename, yawano xua jopa pajinuwim, bequein painya seuriwi jopa xanepanaya paca itorobeibiyu.

<sup>7</sup> Barichi pam pebiwi pam, po pebiwi painya seuriwi painya nexeinea jiwi pam. Beta payabara cui yaputaema painya seuriwi. Yawano painya seuriwi pabarũ cui itura jinare tsipei yabũxi jopa acucoyenesũyo icha jopa be pebiwi ichiyo. Pananta xeinare xua pebin piseuribe xeinabe po peajũntũyarusũwa jopa bapana weraweracae, po peajũntũyarusũwa Nacom cata piãmonaetha pomonae pia peantobewixaetsi. Baxua paexande painya seuriwitha xua wũnae painya neexanaewa xua Nacom bara beta painya nepaca jume taenexa poxonae rawũsame.

#### *Meje yabara xua jiwi atene pomonae xua beta peexanaewixae*

<sup>8</sup> Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowũntsiyo Nacom, icha be ichi poxonae barompaya painya eweicho jiwi nantiya pana naantobem. Pomonae jiwi peyawenae jiwi pana naexande xua painya neantobexae barapo jiwi. Mataũtano jopa bichocono painya coutha pana nayabara nanta xeinaeinde. Jame maisã ichamonae itapeta bichocono payabara nanta xeinare. <sup>9</sup> Poxonae ichamonae abe pacata exana xuya jopa paexanaeinde. Yawano poxonae ichamonae paca biatane jopa xuya pabiataeinde. Seicaya nama paexande. Jame Nacomtha patawũcare barapomonae xua Nacom pecana exanaenexa xua barapomonae pejũntũ coyene weiweinaenexa. Daxota Nacom paca waba xua xuya pacata exana tsipei barapomonae beta pacana exaname. <sup>10</sup> Tsipei Nacom Pejume Diwesitha jeye:

“Pon xua antobe xua po coyene cataunxuae peponaewa, xuano xua daxita matakabi jũntũ coyene weiweina poneiba, bapon bewa peebatotha jopa paebi tsane peabe jumeyo. Mataũtano peopiratotha jopa bewa paebi tsane xua ichamonae naerabiya peyabara paebiwatsi.

<sup>11</sup> Bewa taju beya paponam xua peabe coyenewan weya.

Yawano saya bewa beta paexanaem. Itapeta paexande pocotsiwa xua jiwi jũntema jinompa exainchi.

Bara ajũntũyarusũwa paexanaponde baxua.

<sup>12</sup> Tsipei Nacom, pon jiwi Pecanamataxeinaein,

yawena pomonaetha pomonae pejuntu  
coyene xanepanaewi.

Yawano Nacom jume tane xua pewaewatsi.

Ichitha Nacom jopa yawenaeyo pomonae abe  
peexanaewi", jei Nacom Pejume Diwesitha.

<sup>13</sup> Dapon aibi pon itacupatsi xua abe pacata exana icha saya paexaneibame pocotsiwa xua wnae. <sup>14</sup> Bequein icha ichamonae pacata abe exanaena juntu coyene xanepanaya painya nejinompaeaxae, daichitha Nacom paca cana exana xua pajuntu coyene weiweinaya jinompame. Jopa ichamonae pacunuwinde, yawano jopa pacuitaya juntu deideijande. <sup>15</sup> Jame maisa Cristo bichocono payabara nanta xeinare painya juntu coyenetha xua bapon bichocono ainya cui. Pajande: "Pon jiwu Necanamataxeinaem", pajande. Pana najuntu coyene wnaeetebare xua painya nejume noteibinexa pomonae paca yainyabiya jeye: "¿Eta pocotsiwa pajume cowantsiya ewatame xua Jesucristo bexa paca capanepaena?" paca jei. <sup>16</sup> Ichitha saya ita ururaquiya pajume noteibare, jopa paaebebinde. Yawano pajunuware Nacomtha xua abe painya nepaca exanaeyainwa Nacom, abe painya nexanaexae. Pajinompame xua painya juntu coyenewa paca tsipaeba xua wnae bara paexaname. Bapoxonae icha ichamonae abe paca yabara paeba, barapomonae aura tsane xanepanaya painya nejume cowantsiya jinompaeaxae Cristo.

<sup>17</sup> Icha Nacom ichichipa xua ichamonae atene paca exana, beta painya neexanaexae, baxua jame wnae, beyacaincha xua poxonae atene paca exana poxoru abe paexaname. <sup>18</sup> Tsipei Cristo atene exanatsi poxonae tsitupa abe waexanae cuiru coyenein daxita xua poxonae cae coyenetha tupa. Cristo bapana jopa abe exanae. Ichitha bapon Cristo naca tsitupa pomonae abe waexanae jiwichi. Baxua Cristo nacata exana, xua wanaca exanaenexa xua wapatsiwa tsane Nacom beicha. Bapon Cristo bequein tupa pepon ichitha equeicha asu exanatsi pia pejumope tuxaxu tatsi. <sup>19</sup> Bapoxonae Jesucristo pia pejumope tuxaxu tatsi pona ichaxota jiwu pia pejumopein tatsi be cubathopeibatsi pomonae xua caena bayatha werapa. Barapon Jesucristo pia jumope tuxaxu tatsi yabara cueicueiji barapo jumopeintha xua Nacom pia pecapanenebiyae diwesi tatsi. <sup>20</sup> Caena bayatha barapomonae jopa jume cowantsiyo Nacom poxonae po mataqueitha Noe popona po irathe. Nacom beitatemaya ewateiba barapomonae, ainya dapaen xua pejume cowantsinexatsi poxonae xua cataunxuae Noe cobe naemata xua pin jera nae exana. Ichitha saya ocho poyobe jiwu panenebiya poxonae bichocono awabo xua butuxuba po cae pin nacue. <sup>21</sup> Barapo awabo caunuta xua be naca bautisaba. Poxonae naca bautisaba apara jopa wanaca peru iquicaenexa tsane xua tsoreichi, apara jame daxota naca bautisaba Nacom, wanaca capanepaeaxae abe waexanae cuiru coyenein weya. Yawano Nacom wacatsi xua wanaca juntu coyene xanepana exanaewa tsane. Bapoxonae wajuntu coyene naca tsipaeba xua bara beta exanatsi. Waxainchi naca itacupa xua wanaca bautisabiwa tsipei Jesucristo equeicha asu exanatsi petupae cuiru coyene weya. <sup>22</sup> Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, iruru pomonae itoroba itabocotha barapomonae exana pocotsiwa Jesucristo itoroba.

## 4

*Meje yabara xua jiwu bewa beta tanacuichi Nacom icha be po coyeneya Nacom cata jiwu barompaya pia peexanae coyenewan tatsi*

<sup>1</sup> Yaitama copiya Cristo atene exanatsi ichamonae, waxainchi daxota bewa nanta xainaetsi xua iru naca atene exanaena ichamonae. Pon atene exanatsi ichamonae bapon abe pia peexanae cuiru coyenein wepu pona xua bichocono pejume cowantsixae Jesucristo. <sup>2</sup> Paxam jopa bewa paexanaem pocotsiwa xua paichichipame xua abe painya neexanaewa poxonae cataunxuae pajinompame. Ichitha cataunxuae paexanaponde pocotsiwa Nacom ichichipa poxonae cataunxuae pajinompame barapo cae pin nacuathe. <sup>3</sup> Caena bayatha paexaname pocotsiwa xua ichamonae exana pomonae jopa yaputaeyo Nacom. Barapomonae abe exaneiba xua nasi cui exana icha yabaxitha xua jopa piseuriwi. Yawano exaneiba xua pocotsiwa abe yabara nanta xaina nejuntu coyenetha. Yawano nacupa exaneiba peatsaxae meran. Yawano pin penabanaewan exaneiba po penabanaewantha jiwu weiweinaya abe exana xua napenajuba yawa bichocono cupatsi. Yawano ibo nacomun wnae jainteibatsi. <sup>4</sup> Pomonae jopa yaputaeyo Nacom, barapomonae paca cui yabara nanta xaina, jeye: "¿Eta xua metha jopa naca baru exanaeyo xua waxainchi abe exanatsi?" najei barapomonae. Barapomonae paca cui capana yawa daxota abe paca yabara paeba. <sup>5</sup> Payabara nanta xeinare pomonae abe exana. Barapomonae bewa yabara caununaya jume notsina Nacomtha pocotsiwa xua abe exana. Nacom yabara pabina pomonaetha pomonae xua cataunxuae jinompa yawa pomonaetha pomonae

bayatha werapa xua penatsicuentisiwa xua abe peexanaexae. <sup>6</sup> Daxota Nacom Pejume Diwesi bayatha cueicueijeji pomonaetha pomonaetha bequein bayatha werapa xua barapo pewerapae jiwi pejumope t̄nax̄n pejinompaenexa tsane icha Nacom ichi xua popona. Bayatha Nacom yabara paeba barapomonae xua penatsicuentisiwa xua abe peexanaexae barapo cae pin nacuathē xua daxota pia pepon tatsi werapa icha daxita jiwi ichouneibi.

<sup>7</sup> Bara nama imoxoyo po dapaetha poxonaē Nacom daxita weraweraca exanaena barapo cae pin nacue. Daxota painya coutha pana naj̄nt̄u coyene itorobare xua xanepanaya paexaname Nacomtha beta painya w̄caenexa tsane. <sup>8</sup> Pocotsiwa xua ainya cui xua jame bewa bichocono nantiya pana naantobeinde. Poxonaē ich̄n paantobem, paj̄nt̄emainame poxonaē bequein xua bapon abe pacata exana. <sup>9</sup> Paxam nantiya pana nantenta weyataeya wabeibare painya boxitha xua painya nenaapateibinexa tsane, xua jopa pana naita aenae-aenande. <sup>10</sup> Daxita barompaya paxam Nacom paca cana exana xua painya nexainaewa barompaya painya neexanae coyenewan. Paxam nantiya pana nayawende barapo cui coyenetha, bapoxonaē paxam pomonaē beta painya neexanae jiwi pam tsane pocotsi coyenewatha xua Nacom paca cana exana. <sup>11</sup> Icha ich̄n cueicueijeji, b̄u bara cueicueijeji pocotsiwa Nacom cueicueijeji exana bapon. Icha pebin yawena xua ich̄n yawenatsi b̄u bara barapo pebin yawena ich̄nth̄a po peayapus̄watha xua Nacom cata. Daxita pocotsiwan xua paexaname bara beta paexande xua jiwi w̄nae pejainchinexa Nacom xua beta painya neexanaexae xua Jesucristo peyabaraxae. B̄u bara Jesucristo ataya xeinaena peainya cui coyenewa, yawano xeinaena xua peayapus̄u itorobi coyenewa. Je bara ichi tsane.

*Meje yabara po coyeneya xua bewa exanaetsi wajume cow̄ntsixaē Cristo xua poxonaē bequein ichamonae atene naca exana*

<sup>12</sup> Tamonaē pam painya tapaca caantobetsi jiwichi pam ir̄u painya nejume cow̄ntsixaē Jesucristo. Jopa yabara pana nabenaecaeinde poxonaē bichocono atene paca cana exana ichamonae painya nejume cow̄ntsixaē Jesucristo. Jopa pananta xeinaeinde xua baxua pocotsiwa jopa bewa pacata exanaē tsane. <sup>13</sup> Jame seicaya paj̄nt̄u coyene weiweinare xua painya nepaca itac̄paewa xua ichamonae atene paca exana icha Cristo ichichi xua atene exanatsi. Yawano bexa paj̄nt̄u coyene weiweinaename poxonaē Jesucristo yawa patopaetsica pia peainya cui coyenewa. <sup>14</sup> Icha ichamonae paca muxucona painya nejume cow̄ntsixaē Cristo saya paj̄nt̄u coyene weiweinare, tsipei Nacom pia Pejumo pe t̄nax̄n tatsi, po jumope pexeinya peit̄panae coicha yawa popona, barapo pejumope paca yawa popona. <sup>15</sup> Jopa bewa paexanaem tsane xua ichamonae pajutebame xua daxota ichamonae paca atene exana. Mataut̄ano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Mataut̄ano jopa bewa paexanaem tsane xua ichamonae paj̄nt̄u coyene anaepana exaname xua daxota ichamonae paca atene exana. Mataut̄ano jopa bewa paexanaem tsane xua ich̄n paj̄nt̄u coyene itorobame xua abe peexanaewa tsane xua daxota ichamonae atene paca exana. <sup>16</sup> Icha ich̄n atene exanatsi ichamonae, pejume cow̄ntsixaē Jesucristo jopa bewa bapon aura tsane. Ichitha jame bapon bewa w̄nae jainchina Nacom tsipei atene exanatsi pejume cow̄ntsixaē Jesucristo.

<sup>17</sup> Po matabitha aena Nacom tamropata pitaba xua Nacom yabara paebina daxita jiwi xua penatsicuentisiwa xua abe peexanaexae, apara barapo matabitha bayatha patopa. Barapo matabitha Jesucristo piamonae tatsi umenaena Nacom peitabaratha xua Nacom peyabara paebinexa tsane xua penatsicuentisiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya exanaeyo pomonaetha pomonaetha jopa pejume cow̄ntsiwi Nacom pia pecapanenebiyae diwesi tatsi. <sup>18</sup> Daunwei nawita pon capanepatsi abe pia peexanae cuiru coyenein weya pon w̄nae peexanaein. Ichitha nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein. <sup>19</sup> Poxonaē ichamonae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume bar̄u jejam tsane Nacom xua paexaname bara bequein paayapube taetham. Nacom paca necaforotsixaē yawa peexanaexae xua pocotsiwa yabara paca tsiw̄nae muxu dubeiba xua exana paebeiba, daxota Nacom pia coya canamataxeina painya j̄nt̄u coyene.

## 5

*Meje yabara xua Pedro muxuweta pomonaetha pomonaē pejume cow̄ntsi jiwi*

<sup>1</sup> Ichichipan xua tamuxu wetsiwa penapatae jiwi pomonaē paxam jiwana pam pomonaē painya nejume cow̄ntsi jiwi pam. Xan ir̄u bichocono penapataein icha barapomonae ichi. Xan natan poxonaē Cristo naetotha t̄parucua exanatsi. Xan ir̄u yawa xeinaein po

peainya cui coyenewa Cristo xeina poxonae patopaetsica. <sup>2</sup> Beta pa-eeenare pomonaetha xua Nacom paca cana exana xua pamatacaponame, icha pon oveja peyapu eenaen ichi xua beta yapu eena ovejamona. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono. <sup>3</sup> Jopa atsaquiya pamatacaponaeinde pomona xua pamatacaponame. Jame saya maisa beta pamatacaponde xua painya necacui taenexa xua bara juta ichiya peexanaenexa. <sup>4</sup> Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweracaeyo.

<sup>5</sup> Barichi pomonaewewowi jiwi pam, bewa paexanaem pocotsiwa xua penapatae jiwi paca itoroba. Daxita paxam bewa nantiya pana naantobem, yawa bewa nantiya pana nayabara ita ururanaya jinompaem. Baxua paexande tsipei Nacom Pejume Diwesitha jeye:

“Nacom aichaxaibi pomonaewewowi ichamonaetha.

Ichitha Nacom yawena xua peantobexae pomonaewewowi

bara ita ururanaya jina ichamonaewewowi”, jei.

<sup>6</sup> Daxota papende po coyene xua paebame ichamonaewewowi. Paexande pocotsiwa xua Nacom pecobetha paca ita cowai pia peayapusu itorobiwatha xua Nacom ainya cui paca necaexanaenexa tsane poxonae Jesucristo equeicha patopaetsica. <sup>7</sup> Bara pacopare xua Nacom bara daxita paca wepichina daxitan po coyenein xua juntu coyene natsepa paca cana exana tsipei Nacom paca yabara nanta xeina nawita xua painya nepaca cayawenaewa tsane.

<sup>8</sup> Painya coutha pana najuntu coyene itorobare xua beta pajinompare. Tsaca pajinompare poxoru caurimonaewewowi pia pentacaponaein tati ichichipa paca abe exana. Bapon pacata exana icha neuthu ichi xua ba piyain fiba poxonae jeita ducuaeta pon ichichipa bexaena.

<sup>9</sup> Dota pam panaitemare bapon xua beta painya nejume cowantsiwatha. Pananta xeinare xua daxita nacuanpiwi jiwana pomonaewewowi nejume cowantsiwi Jesucristo barapomonaewewowi atene exanatsi icha paca ichi. <sup>10</sup> Ichitha bexa tsane xua caeto poxonae paca atene exanaena ichamonaewewowi, bapoxonae Nacom paca juntu coyene xanepana exanaena. Yawano Nacom paca exanaena xua beta painya nejume cowantsiwa tsane. Yawano paca exanaenano xua bichocono painya neajuntucoyenesuwam tsane. Barapon Nacom painya nepaca antobexae paca waba pia paca catichi po peainya cui coyenewa xua ataya tsiteca xua Jesucristo xeina. <sup>11</sup> Bu bara Jesucristo ataya xeinaena peainya cui coyenewa, yawano xua peayapusu itorobi coyenewa. Je bara ichi tsane.

*Meje yabara poxonae Pedro najume wetsiya paeba*

<sup>12</sup> Pon pewun Silvano, pon be tayapin tatsicotaein iru nejume cowantsixae Jesucristo, bapon cobe itoroban xua inta tina barapo peya cartiyo xua bapoxonae tapacata itorobinexatsi xua tapaca muxuwetsinexatsi. Barapo cartatha paca juntu coyene tsacaba exanatsi xua Nacom xaniwaicha painya nepaca cayawenaewa tsane painya nepaca caantobexae. Daxota baxua awiya pajume cowantsiya jinompare.

<sup>13</sup> Pomonaewewowi Babilonia tomaratha jinompa pomonaewewowi nejume cowantsiwichi, barapomonaewewowi paca jacobae. Barapomonaewewowi Babilonia tomarapiwi Nacom itapeta icha paca ichi xua paca itapeta. Iru Marcos paca jacobae be pon taxanto tatsicotaein tsipei yawenan xua nejume cowantsiwa Jesucristo. <sup>14</sup> Paxam nantiya pana najacobare painya nenaantobexae.

Paxam pomonaewewowi Cristo piamonaewewowi tati pam barapomonaewewowi pam bara Nacom juntema jinompa paca exana. Je bara ichi tsane.

Baja Pedro.

## Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiji jiwana tatsin. Pacata tinatsi barapo carte painya nexeiinaexae xua pejume cowantsiwa Jesucristo xua bichocono wnae icha paxan paichin. Barapo pejume cowantsi coyenewa Nacom werena pichapa, pon bichocono pejuntũ coyene xanepanaewa pex-einaein. Yawano barapo pejume cowantsi coyenewa Jesucristo werena pichapa pon irũ bichocono pejuntũ coyene xanepanaewa pexeiinaein. Bapon jiji Pecapanenebiyaein abe pia peexanae cuiru coyenein weya. <sup>2</sup> Barabũ Nacom paca yawenaena pia paca necaantobexae. Yawano barabũ Nacom paca catsina jũntema pejinompae coyenewa. Barabũ barapo naxobe coyenewabe bichocono paxeinaponaename xua poxonae payabara yaputaeponaename Nacom xuano xua payabara yaputaeponaename Jesucristo pon Wanacanamataxeinaein.

*Meje yabara pocotsi coyenewano bewa exanaena Cristo piamonae tatsi*

<sup>3</sup> Nacom naca cata daxita pocotsiwa nantawenonatsi xua jũntema wajinompaewanexa yawa xua xanepanaya wajinompaenexa Nacom nexa. Daxita baxuan Nacom naca cata pia peayapusũ itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua irũ waxeiinaenexa peainya cui coyenewa, xuano xua irũ waxeiinaenexa Nacom pia pexeinya peexanae coyenewa. <sup>4</sup> Poxonae Nacom naca cata pia peainya cui coyenewa, yawano pia pexeinya peexanae coyenewa bapoxonae naca naca cata pia peyabara naca tsiwũnae muxu dutsiwan. Nacom pia peyabara naca tsiwũnae muxu dutsiwan bichocono ainya cui xua jiji jopa itacũpaetsi xua pecomotsiwa. Barapo peyabara naca tsiwũnae muxu dutsiwan painya necacatsixae anoxuae paxeiiname xua Nacom pia peajũntũyapusũwa xua jopa weraweracaeyo. Yawano barapo peyabara naca tsiwũnae muxu dutsiwan painya nexeiinaexae paca itacũpa xua papanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana. <sup>5-7</sup> Bequein pajume cowantame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenajũntũ coyene itorobiwam. Poxonae painya coutha pana najũntũ coyene itorobame, bapoxonae panantawenoname xua muxuna paexaname xua jũntema pajinompame bequein ichamonae abe pacata exana. Poxonae jũntema pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonae pejume cowantsiwi Jesucristo. Poxonae paantobem pomonae pejume cowantsiwi Jesucristo, bapoxonae panantawenoname xua muxuna paexaname xua paantobem daxita jiji.

<sup>8</sup> Icha paxeiiname daxita barapo coyenewan yawa xua paexanaponaeme daxita baxuan bapoxonae beta painya neexanae jiji pam tsane Nacom nexa. Yawano beta payabara yaputaneme Jesucristo pon Wanacanamataxeinaein. <sup>9</sup> Ichitha jicha pebin jopa yabara exanaeyo barapo coyenein, bapon be pon naita tsaqueta poxoro jopa ichipayo xua peyabara yaputaewa barapo coyene. Daxota bapon jũntemaina xua bayatha wejũntemaina exanatsi abe pia peexanae cuiru coyenewan tatsi xua Nacom wejũntemaina exana. <sup>10</sup> Tamonae pam paxam pomonae be tayapin jiji tapaca canatsicotae jiwichi pam irũ painya neume cowantsiwa Jesucristo. Daxota paca tsipaebatsi xua xaniwaicha pana naexanda xua daxota patsita itutsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom. <sup>11</sup> Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusũ tsoponae ichaxota Jesucristo jiji itorobiya ewatatsi, pon Wanacanamataxeinaein, xua pon Pecapanenebiyaein jiji.

<sup>12</sup> Bequein baxua bayatha payaputaneme, ichitha equeicha paca tsipaebatsi xua jopa painya jũntemainaenexa. Anoxuae paxam ajũntũyapusũya pajume cowantame pexainyei

jume Jesucristo yabara. <sup>13</sup> Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi. <sup>14</sup> Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaein. <sup>15</sup> Daxota xaniwaicha pacata tinatsi xua baxuan jopa yabara painya nejuntemainaewa tsane poxonae tupaein. Bapoxonae bexa tsane pana necui yabara jantanainaename pocotsiwan yabara paca tsiwuna muxu dutatsi.

*Meje yabara xua pomonae tane Cristo pia peainya cui coyenewa tatsi*

<sup>16</sup> Poxonae paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejemai diwesi po diwesi xua saya jiwi paeba. Bara pana natan Jesucristo pia pexeinya peitupanae coicha tatsi pon jiwi Pecanamataxeinaein. <sup>17</sup> Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitupanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana”, jei Nacom. <sup>18</sup> Paxan baxua pajume tan xua Nacom cueicueije peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxua ichaxota Nacom cueicueije itaboco wetsica.

<sup>19</sup> Daxita baxuan naca yawena po diwesin xua Nacom pia peitorobi jume pepaebiwi tina xua barapo diwesin pexainyei jume diwesin. Pajume naitaeware pocotsiwan xua barapomonae paeba, beya poxonae yatsicaewa payaputaename pocotsiwa barapomonae paeba. Barapo pejumein jume xanepana. Bichocono naca yawena icha pecoicha ichi xua penta exana poxonae quirei xua ba naca yawena. Barapo pecoicha waxainchi jopa nantawenonaetsi poxonae jarawato ecoina xuan poxonae matacabi penta tsina. Barichi poxonae Jesucristo patopaetsica jopa cana matawenonae tsainchi barapo diwesin tsipei bayatha patopeicaena Jesucristo. <sup>20</sup> Matha copiya bewa payaputaem xua meje: Nacom pia peitorobi jume diwesitha dapo jumein aibi pocotsiwa pia coya ichichipa paeba barapo Nacom pia peitorobi jume pepaebiwi. <sup>21</sup> Tsipei Nacom pia peitorobi jume pepaebiwi jopa cueicueijeiy pocotsiwa ichichipa pia coutha paeba xua poxonae tina Nacom Pejume Diwesi. Ichitha barapomonae tatina pocotsiwa Nacom ichichipa, xua Nacom pia Pejumo pe tanaxu tatsi peitorobixae.

## 2

*Meje yabara xua pomonae naerabiya pecuidubi jiwi*

<sup>1</sup> Caena bayatha israelmonae jiwana jinompa pomonae naerabiya peitorobi jume diwesi pepaebiwi. Barichi painya xantha patsina pomonae naerabiya pecuidubi jiwi. Barapomonae cuidubina po diwesin xua paca weraweraca exanaena. Barapomonae nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomonae itawetsinchi xua Jesucristo itawetsina, pon xua bayatha barapomonae tsitupatsi. Nacom nainya weraweraca exanaena barapomonae, abe peexanaexae. <sup>2</sup> Pin bicheitomonae exanaena xua abe exana pocotsiwa xua barapomonae cuiduba pomonae naerabiya pecuidubi jiwi. Barapomonae pomonae naerabiya pecuidubi jiwi naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi. <sup>3</sup> Barapomonae paca muxuitorobina nawita, yawano paca itorobina xua painyamonae amanaya paitorobiname pedoutsinexa paratixi barapomonae pomonae naerabiya pecuidubi jiwi. Ichitha caena bayatha Nacom yabara paeba barapomonae, jeye: “Barapomonae bichocono abe peexanae jiwi, daxota bewa werapena tsipei bichocono abe peexanaexae”, jei Nacom.

<sup>4</sup> Nacom bayatha jopa yabara junteinaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayiyo. Yawano Nacom napenta exana peita quirei nacuatha beya poxonae barapo matatsunpiwi umenaena Nacom peitabaratha poxonae po mataqueitha Nacom yabara paebina daxita jiwi xua penatsicuentisiwa xua abe peexanaexae. <sup>5</sup> Barichi Nacom jopa bayatha yabara junteinaeyo po peabe coyenewa jiwi exana pomonae caena bayatha jinompa. Barapo matacabintha Nacom itoroba pin awuho xua bunothopa peexanaenexa pomonae abe peexanae jiwi. Meisa saya Noé irano piamonae tatsi xua siete poyobe tatsi daxita barapoyobe capanenebiyatsi barapo awubotha. Barapon Noé cuiduba jiwitha xua jiwi bewa juntu coyene xanepanaya jinompaena Nacomtha. <sup>6</sup> Pomonae Sodoma tomarapiwi irano Gomorra tomarapiwino, barapomonae abe peexanaewi. Barapo tomarabemonae yawa tomarabe Nacom yabara paeba xua pinae abe exana daxota Nacom weraweraca exana isototha beya poxonae daxita xua ipunan naexana. Barapo coyenein Nacom tsita itata xua bapon bexa jupa



exanaena pomonaeintha pomonae abe exana dubenanaebiya. <sup>7</sup> Ichitha meisa saya Nacom capanepa barapo pin isoto weya pon pewan Lot. Bapon Lot pejuntu coyene xanepanaein Nacomtha. Lot cuitaya anthuthu deideijeji pocotsiwa jiwi abe exana.

<sup>8</sup> Bapon Lot, pon pejuntu coyene xanepanaein Nacomtha, baru popona pomonae peajuntucoyenebe jiwi. Daxita matacabi bapon bichocono anthuthutane xua pejuntu coyene xanepanaexae Nacomtha xua poxonae bapon taiba yawano xua poxonae jume taiba xua jiwi abe exaneiba. <sup>9</sup> Ichitha Nacom pon jiwi Pecanamataxeinaein yaputane xua peyawenaewa pomonae peantobewixaetsi poxonae barapomonae bichocono juntu coyene jujuteibatsi caurimonae pia pentacaponaein tatsi. Yawano Nacom yaputane xua atene peexanaewa pomonaetha pomonae jopa pejume cowantsiwichi. Nacom baxua exanaena beya abu poxonae barapomonae umenaena Nacom peitabaratha poxonae Nacom yabara paebina daxita jiwi xua penatsicuentsiwa xua abe peexanaexae. <sup>10</sup> Pomonae xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonae Nacom atene exanaena. Barapomonae bichocono atsaca yawa ichamonae aebatsino. Jopa junuwiyo xua abe peyabara paebiwa xua matatsunpiwi abe peyabara paebiwatsi. <sup>11</sup> Matatsunpiwi xeina peayapusawa yawano xeina peitorobi coyenewa xua beyacaincha pomonae naerabiya pecuidubi jiwi. Ichitha barapo matatsunpiwi jopa abe yabara paebiyo xua barapomonae pomonae naerabiya pecuidubi jiwi poxonae barapo matatsunpiwi cueicueijeji tsumenae Nacom peitabara tatsi, pon jiwi Pecanamataxeinaein.

<sup>12</sup> Barapomonae pomonae abe peyabara paebi jiwi, barapomonae exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinxexa pexaenexa. Barapo pebiwi abe yabara paeba pocotsiwa jopa yaputaeyo. Barapomonae werapaena pia abewantha icha duwei icha xua werapa. <sup>13</sup> Barapomonae xuya atene tsane abe peexanaexae ichamonaetha. Barapomonae jopa auriyo xua abe peexanaewa mataqueitha. Barapomonae paca muxuitoroba abe peexanaexae bequein naxaiba poxonae pin penabanaewan paexaneibame. Ichamonae paca abe yabara paeba abe peexanaexae barapomonae yawa aura paca necaexanaexae.

<sup>14</sup> Barapomonae ichichipa nawita xua peyacaibiwa yabaxi daxita xua powaxi taiba. Jopa juniya abe eexanaponaeyo xua abe exana. Barapomonae nanta pia pepuna ponaewichi pomonae pejuntu coyene faefaenaewi Nacomtha. Barapomonae ichichi xeica nawita pocotsiwan xua tane daxita. Barapomonae yacuiya naexana xua abe peexanaewa. Daxota barapomonae Nacom bichocono atene cana exanaena. <sup>15</sup> Barapomonae jopa Nacom yabara yaputaetsi pejume naitematsixae po coyene xua Nacom pejuntu coyene xanepana exanaewa barapomonae. Barapomonae barapo cana jutsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi. <sup>16</sup> Balaam pon naerabiya peitorobi jume diwesi pepaebin, poxonae ichichipa abe peexanaewa, cui matawentsi xua abe exana. Po duwein pewan burra, bapon cui matawenta, Balaam cui matawentsi. Burra cueicueijeji icha jiton ichi, xua saya jiton cueicueijeji. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentsi poxonae ichichipa abe peexanaponaewa.

<sup>17</sup> Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be feto mene ichi xua weitha bichocono ameneibi xua ba jiwi jopa yawenaetsi. Yawano barapomonae icha be tsaguinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruniceaenexa. Nacom itaweta barapomonae xua barapomonae itawetatsi ichaxota ataya pejinompaenexa peita quirei nacuatha. <sup>18</sup> Barapomonae bichocono atsaca poxonae cueicueijeji. Yawano barapomonae pia jume, barapo jume jopa jiwi yawenaetsi. Yawano barapomonae naemata jume wunaeya tsipaeba pomonaetha pomonae aena pejume cowantsi jiwi Jesucristo xua barapomonae iru abe peexanaenexa pocotsiwa bequein barapomonae aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe. <sup>19</sup> Barapomonae wuna tsimuxu duta ichamonaetha xua ichamonae beta pejinompaenexa. Ichitha barapomonae pia coutha exana be pomonae xua caurimonae pia pentacaponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara juntu coyene itorobatsi. <sup>20</sup> Barapo cae pin nacuathe ichamonae jinompa pomonae capanenebiyatsi abe pia peexanae cuiru coyenein weya xua po abe peexanae cuiru coyene po cae pin nacuathepiwi exana. Barapomonae baxua exana poxonae jume cowanta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonae equieicha abe exana xuano xua icha awiya exana dubenanaebiya baxuan, bapoxonae

barapomonaē bichocono abe beyacaincha xua poxonae copiya exana xua pewnaeaya poxonae jume cowanta Jesucristo. <sup>21</sup> Icha barapomonaē jume cowanta yawano icha penta Nacom peitorobi coyenewa, bapoxonae barapomonaē bichocono abe exana Nacomtha. Ichitha icha barapomonaē copiyatha jopa jume taetsipae barapo peitorobi coyenewa, bapoxonae barapomonaē saya be conotha abe exanaetsipa Nacomtha. Ichitha poxoru barapomonaē pejume taexae barapo peitorobi jume yawa pejume cowantsixae, daxota barapomonaē Nacom bichocono atene cana exana, beyacaincha xua poxonae jopa jume taeyo barapo diwesi. <sup>22</sup> Barapomonaē equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonaē nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranaē meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

### 3

#### *Meje yabara xua Jesucristo equeicha pia pepatopeicaewa tsica tsane*

<sup>1</sup> Tamonaē pam, pomonaē tapaca caantobewichi pam, iru painya nejume cowantsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi. <sup>2</sup> Pananta xeinare pocotsiwa xua Nacom pia peitorobi jume pepaebiwi paeba poxonae caena bayatha. Yawano jopa pajantemainaēinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaēin xuano xua pon jiwi Pecapanenebiyaēin pia peitorobi coyenewa tatsi.

<sup>3</sup> Copiya matha pananta xeinare xua meje: Pewnaeaya poxonae po matacabitha Nacom ira weraweraca exanaena, barapo matacabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonaē exanaena pocotsiwa saya ichichipa xua abe exana. <sup>4</sup> Barapomonaē yainyabiya jei tsane xua Cristo yabara: “Bapon bayatha paca tsiwinaē muxu duta xua equeicha patopaetsica. ¿Eta xua metha awiwa bapon pawnaē ewatame bara jopa patopeicaeyoba? ¿Incane bapon? Bequein wamo susato jiwi jume cowanta xua pinaē bapon patopaetsica ichitha jopa daichiyo beya nama poxonae barapomonaē werapa cataunxae bapon jopa patopaeyo. Bara saya jujurapona wanacuatha xua bapon jopa patopeicaeyo xua poxonae Nacom nacua forota beya anoxuae”, jei tsane barapomonaē. <sup>5</sup> Ichitha barapomonaē jopa ichipaeyo xua yabara jume jantanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonae mene buxhpana weyotsina. Barapo ira Nacom mentha exana. <sup>6</sup> Yawano barapomonaē jopa ichipaeyo xua jantanaina xua caena bayatha xua poxonae Noē popona Nacom itoroba pin awubo xua equeicha ira mene buxhpana boca yawa xua daxita pocotsiwa barapo iratha weraweraca. <sup>7</sup> Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxonae Nacom cueicueiwei pia peayapusu itorobi coyenewatha. Nacom baxuan duba beya abu poxonae weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxonae po mataqueitha Nacom yabara paebina daxita jiwi xua penatsicuentisiwa xua abe peexanaexae.

<sup>8</sup> Tamonaē pam pomonaē tapaca caantobewichi pam, iru painya nejume cowantsi jiwixae Jesucristo. Jopa pajantemainaēinde po coyene xua daxita bara Nacom tsita najupatsi pon jiwi Pecanamataxeinaēin. Caentacabi tsita najupatsi xua mil po weibe. Matautano mil po weibe Nacom tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi. <sup>9</sup> Nacom jopa apara bewayo exanaeyo pocotsiwa yabara naca tsiwinaē muxu duta bequein ichamonae nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya nejume cowantsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanapanatsi.

<sup>10</sup> Ichitha po mataqueitha pon jiwi Pecanamataxeinaēin patopaetsica barapo matacabitha jiwi jopa wanaē ewatsi tsane. Bapon pon Wanacanamataxeinaēin jemeicha patopeicaena icha be ichi pon pecaibin xua poxonae namicha patopa. Peitaboco weraweracaena poxonae pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

<sup>11</sup> Tsipei daxita baxuan tautinchi daxota bewa pajinompae be pomonae pejantu coyene xanepanaewi Nacomtha pomonae jopa Nacom tsita xeinaetsi penatsicuentsiwa xua abe peexanaexae. Beta pajinompare icha Nacom ichi xua beta popona. <sup>12</sup> Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matacabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha. <sup>13</sup> Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwuna muxu duta. Barapo pena ira yawa barapo pena itaboco daxita wuna exanaena pocotsiwa pexainyeiwanexa tsane.

<sup>14</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Paca tsipaebatsi baxua xua daxota poxonae cataunxuae paewatame baxuan, xua pocotsiwa Nacom exanaena bara beta paexande. Bapoxonae Nacom paca caxinaena xua jantema pajinompare, matautano xua jopa paxeinaem peabe coyenewa painya jantu coyenewatha, yawano xua ichamonae jopa paca yabara paebi tsane xua abe painya neexanaewa. <sup>15</sup> Yawano payaputaneme xua caena bayatha Nacom pon Wanacanamataxeinaein beitatemaya naca ewata xua wajume cowantsinexa xua pia wanaca capanenebiyaewa tsane. Yawano iru Pablo baxua yabara pacata tina. Bapon Pablo, pon waantobein, pon iru jume cowantaru Jesucristo. Pablo yaputane exainchi baxuan yabara xua Nacom yaputane exana. <sup>16</sup> Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwi iru pomonae pejantu coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonae pia coutha nanatsixana xua abe exana xua peweraweracaewa tsane, xua Nacom exanaena.

<sup>17</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Painya neyaputaexae baxuan pewanaeya xua Nacom exanaena baxuan, daxota dota pam pomonae abe pacata necaexanae jiwi xua jopa paca necantacapanawa tsane. Jopa pacopatsinde xua barapomonae baxua pacata exana xua jopa painya nepentsiwa tsane Nacom. <sup>18</sup> Bichocono pana najantu wuna exanaponde Wanacanamataxeinaein pia peantobewathaxae. Jesucristo beta payabara yaputaeponde, pon Wanacacapanenebiyaein. ¡Barabu bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro

## Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.

*Meje yabara po diwesi xua pon naca ajuntuyarusuwa exana*

<sup>1</sup> Pacata yabara tinatsi pon pewan “Pejume”, baraichi, pon jiwi ajuntuyarusuwa exainchi. Bapon asu caena bayatha poxonae Nacom abu cataunxuae jopa exanaeyo wanacua. Poxonae bapon naexana wanacuatha, bapoxonae hexa poxonae bapon cueicueijeji diwesi bara bapoxonae barapon pajume tan. Barapon bara yatsicaya patan. Yawa bapon bara pacobe jayabeiban. <sup>2</sup> Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yaputaewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae. <sup>3</sup> Paca tsipaebatsi xua bayatha patan yawa xua pajume tanno, caemonae painya naexanaenexa paxantha, peburuwa wajume cowantsixae Jesucristo. Icha paxan paichin xua Nacomtha Waxatha caemonae panaexanan yawa Pexantho pon Jesucristo, bara paichinderu. <sup>4</sup> Daxota bara po coyenein pacata tinatsi xua bichocono pata tajuntu coyene weiweinaewa tsane.

*Meje yabara xua Nacom pexainyei juntu coyene peyacuuya jinaein*

<sup>5</sup> Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuuya jinaein. Bapon jopa xeinaeyo peacuirube coyenewa pejuntu coyenewatha, tsipei bapon bichocono pejuntu coyene xeicaein. <sup>6</sup> Icha jeichichi: “Waxainchi Nacom yawa jinompatsi, be caemonae peburuwa nacayawa jinompatsi Nacomtha”, jeichichi, daichitha caena poxonae saya abe exanatsi, bapoxonae saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi. <sup>7</sup> Ichitha icha cajinompaetsipatsi Nacom Pejume Diwesi wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuwa caemonae naexanatsi. Jesucristo jana pichapabarena poxonae tupa, pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

<sup>8</sup> Icha jeichichi: “Jopa abe taexanaewa”, jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa. <sup>9</sup> Ichitha icha Nacomtha yabara tsipaebatsi xua abe waexanaewa, xua jeichichi: “Nacom auran yaitama abe exanan”, jeichichi, bapoxonae Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon baru jume cui cowantsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein. <sup>10</sup> Icha jeichichi: “Jopa abe exanaetsi”, jeichichi, apara bara yabara jume cuiya exanatsi xua Nacom pon jiwi pemuxitorobin, tsipei Nacom naca yabara jei: “Barapomonae abe peexanaewi”, naca yabara jei. Yawano Nacom Pejume Diwesi jopa xeinaetsi wajuntu coyeneintha.

## 2

*Meje yabara xua Cristo pon wanaca yabara jume yawenaein Nacomtha*

<sup>1</sup> Pomonae be tamonae tapaca canatsicotaewichi pam, iru painya nejume cowantsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantaatatsi Jesucristo pon wanaca yabara jume yawenaein Nacomtha xua Paxathaxae. Bapon matauta juntu coyene xanepanaya peexanaein. <sup>2</sup> Barapon Jesucristo petupaexae naca yantomata daxota Nacom naca capanepa abe waexanae cuiru coyenein weya. Jopa meisa waxainchi nexa apara bara iru daxita barapo cae pin nacuanthapiwi tatsitupatsi abe pia peexanae cuiru coyenein tatsi.

<sup>3</sup> Icha jume cowantsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom. <sup>4</sup> Icha ichun jei: “Xan Nacom yaputan”, jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxitorobin, yawa pejuntu coyenewatha jopa xeinaeyo pexainyei coyenewa. <sup>5</sup> Seicaya nama pon exana pocotsiwa xua Nacom

itoroba pon waxainchi jiwantsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara pebɔŋɔya caemonaē nacayawa jinompatsi Nacomtha. <sup>6</sup> Pon xua jei: “Nacom yawa poponan, caemonaē pebɔŋɔya nacayawa poponan Nacom”, jei, bapon bewa jajuntɔ coyene wnaeya poponaē, icha bayatha Jesucristo ichi xua bapon beta xanepanaya jajuntɔ coyeneya popona.

*Meje yabara xua Nacom pia pena peitorobi diwesi jume*

<sup>7</sup> Tamonaē pam pomonaē bichocono tapaca caantobewichi pam, irɔ painya nejume cowantsixae Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxeiame poxonaē aena pajume cowantame. Barapo peru itorobi diwesi jume caena bayatha pajume taneme. <sup>8</sup> Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, irɔɔ paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: “Nantiya pana naantobeinde”, jei. Icha be pocotsi coyeneya juta ichi poxonaē jiwi jopa beta taeyo poxonaē quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacɔpatsi xua xanepanaya pejinompaewa, icha be pocotsi coyeneya juta ichi poxonaē jiwi beta jinompa mataqueitha.

<sup>9</sup> Icha ichɔn jei: “Xan Nacom yaputan”, jei, xua daichitha ita aenae-aeneya caseba nawita pontha xua irɔ jume cowantarɔ Cristo, bapon apara cataunxuae jopa yaputaeyo Nacom. <sup>10</sup> Pon antobe pontha xua irɔ jume cowantarɔ Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua irɔ ichamonae peexanaewa tsane. <sup>11</sup> Ichitha pon ita aenae-aenei pontha xua irɔ jume cowanta Cristo, bapon acuicoyenebeya popona be pocotsin jopa yaputaeyo Nacom. Bapon jopa xanepanaya poponaeyo, icha be pocotsi coyene juta ichi poxonaē pon peitata nacatsin catsawa pona poxoru jopa xapain taeyo.

<sup>12</sup> Pomonaē pexui pam, pacata tinatsi tsipei Nacom paca juntɔ wejuntemaina exana abe painya neexanaē cuiru coyenewan xua Jesucristo painya nejume cowantsixae.

<sup>13</sup> Pomonaē pinyon pam, pacata tinatsi tsipei payaputaneme Nacom, pon Waxa, pon ataya pepoponaēin, pon copiya popona poxonaē aena daxita forota. Pomonaē pewowi jiwi pam, pacata tinatsi, tsipei caurimonaē pia pentacaponaēin tatsi paamanayabame poxonaē paca juntɔ coyene jujuta xua abe painya neexanaewam tsane.

<sup>14</sup> Pomonaē pexui pam, pacata tinatsi, tsipei payaputaneme Nacom, pon Waxa. Pomonaē pinyon pam, pacata tinatsi tsipei payaputaneme Nacom, pon ataya popona, pon copiya popona poxonaē aena daxita forota. Matautano pewowi jiwi pam, pacata tinatsi tsipei bichocono paajuntɔcoyenesum, yawano xanepanaya pajume cowantame Nacom Pejume Diwesi, matautano tsipei pajuntɔ coyene amanayabame caurimonaē pia pentacaponaēin tatsi.

<sup>15</sup> Jopa bichocono paichichipaeinde pocotsiwa xua abe po cae pin nacuathe. Matautano jopa bichocono pacayabara nanta xeinaeya ichichipaeinde xuan pocotsiwan xeina pomonaē jopa pejume cowantsiwi pomonaē jinompa po cae pin nacuathe. Icha ichɔn saya ichichipa bichocono xua xuan xeina pomonaē jopa pejume cowantsiwi bapon jopa apara antobeyo Nacom, pon Waxa. <sup>16</sup> Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonaē jopa pejume cowantsiwi pia coutha exana barapo penasi cui tatae coyene. Matautano Nacom jopa itorobiyo xua abeya peichichipae coyene xua peuwiya tae coyene. Matautano Nacom jopa itorobiyo po coyenein xua peaebi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonaē jopa pejume cowantsiwi pia coyene tatsi. <sup>17</sup> Barapo cae pin nacue weraweracaena, yawano muxuna weraweracaena xua xuan abe peexanaē cuiru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

*Meje xua pexainyeiwa yabara, yawa xua penaerabiwa yabara*

<sup>18</sup> Pomonaē pexui pam, bara nama imoxoyo tsane po matacabi Nacom daxita weraweraca exanaena barapo cae pin nacua. Bayatha pajume taneme xua jei: “Imoxoyo patopaena pon Cristo pia peaitafaetabinchi”, jei. Ichitha bayatha pata pinmonae, pomonaē Cristo pia peaitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue. <sup>19</sup> Barapomonaē pomonaē Cristo pia peaitafaetabiwichi copiya naca baru nacaetuta poxonaē nacaetueibatsi, ichitha anoxuae bara weya naca wepu pona. Icha xaniwaicha barapomonaē waxainchi jiwana tsipaetsi metha awiya cataunxuae naca baru nacaetuta dubenanaebiyatsipa. Barapomonaē waxainya weya pona, xua daxota jiwi taena xua barapomonaē bara jopa wamonae jiwiyu xua jopa pejume cowantsi jiwixae Cristo.

<sup>20</sup> Ichitha paxam Cristo paca cata Nacom pia Pejumope t̃nax̃u tatsi pia painya nepaca bar̃u jinompaenexa. Daxota paxam daxita yabara paca yaputane exana pexainyei coyenewa. <sup>21</sup> Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyo. <sup>22</sup> ǂjintam pon pemuxuitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxuitorobin. Bapon Cristo pia peaitafaetabi jitontsi tsipei jume matawenta poxonae jiwi paeba xua pinae Cristo Nacom Pexanto tatsi xuano xua Nacom Cristo Paxa tatsi. <sup>23</sup> Pomonae xua Nacom Pexanto tatsi jume itawetatsi xua pejume cowantsiwa, barapomonae jopa nantaatsiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantaata Nacom be Paxa tatsi.

<sup>24</sup> Daxota painya j̃nt̃u coyeneintha pajume xeinare Nacom Pejume Diwesi xua bayatha pajume taneme poxonae aena pajume cowantame. Icha painya j̃nt̃u coyeneintha pajume xeiname xua pajume taneme bayatha, nexata bapoxonae pebur̃ya caemonae pana naexanaename Pexanto tatsitha yawa coxiỹntha, xua Nacomtha. <sup>25</sup> Matautano Jesucristo yabara naca tsiw̃nae muxu duta, naca jei: “Peaj̃nt̃uyapus̃wa paca catinchi po peaj̃nt̃uyapus̃wa xua ataya tsitaca”, naca jei.

<sup>26</sup> Yabara pacata tinatsi barapo coyenein pomonae xua painya nepaca muxujainyabiwa. <sup>27</sup> Ichitha paxam Nacom pia Pejumope t̃nax̃u tatsi paxeiname, po pejumope t̃nax̃u tatsi paca cata Jesucristo. Bapoxonae jopa nantawenonaeyo xua ichamonae paca cuiduba poxoru barapo Nacom pia Pejumope t̃nax̃u tatsi paca cuiduba daxita coyenein. Po coyenein Nacom pia Pejumope t̃nax̃u tatsi paca cuiduba baraxua pexainyeiwa, matautano jopa pemuxuitorobiwa. Bara paichinde caemonae pebur̃ya pana naexande Cristotha, icha Nacom pia Pejumope t̃nax̃u tatsi ichi xua yabara paca cuiduba xua po coyene painya neexanaewa tsane.

<sup>28</sup> Pomonae pexui pam, ant̃abus̃ya caemonae pebur̃ya pana naexande Cristotha xua jopa wajunuwinexa xua poxonae bapon patopaetsica barapo cae pin nacuathe. Yawa caemonae pana naexande Cristotha xua jopa waaura tsane barapon peitabaratha xua abe waexanaexae poxonae patopaetsica. <sup>29</sup> Bayatha payaputaneme xua Jesucristo pon j̃nt̃u coyene xanepanaya peexanaein. Barichi bewa payaputaename pomonae j̃nt̃u coyene xanepanaya peexanaewi, barapomonae barapara Nacom pia pexui tatsi.

### 3

#### *Meje yabara xua Nacom pia pexuimonae tatsi*

<sup>1</sup> Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonae jopa bayatha yaputaeyo Nacom. <sup>2</sup> Pomonae tapaca caantobewichi pam xua ir̃u painya nejume cowantsixae Nacom, waxainchi bara Nacom pia pexuimonaetsi. Anxuae cataunxuae jopa nayaputaetsi xua bexa tsane eta po coyeneya naca cana exanaena. Ichitha yaputainchi xua poxonae Jesucristo patopaetsica, waxainchi naexanaeinchi icha barapon j̃ta coyeneya ichi. Tsipei bapon bara yatsicaewa taeinchi. <sup>3</sup> Pomonae Jesucristo w̃nae ewatatsi xua pepatopae w̃nae, barapomonae naj̃nt̃u coyene xanepana exana, xua jopa xeinaeyo peabe coyenewa, icha Jesucristo ichi xua bichocono pej̃nt̃u coyene xanepanaein xua jopa xeinaeyo peabe coyenewa.

<sup>4</sup> Daxita pomonae abe peexanaewi, barapomonae Nacom yabara paebina xua penatsicuentiwa abe peexanaexae bapontha. Tsipei poxonae abe exana taacobiichi xua exana pocotsiwa Nacom pia peitorobi diwesi jume paeba. <sup>5</sup> Paxam payaputaneme xua Jesucristo patopeica barapo cae pin nacuathe, wanaca j̃nt̃u coyene j̃nt̃emaina exanaenexa abe waexanae cuir̃u coyenein. Matautano payaputaneme xua bapon jopa abe exanaeyo. <sup>6</sup> Daxita pomonae pebur̃ya caemonae naexana Cristotha, barapomonae jopa abe exana dubenanaebiyaeyo. Ichitha nama pomonae abe exana dubenanaebiya, barapomonae jopa Jesucristo yaputaetsi, matautano jopa pijimonae tatsichi. <sup>7</sup> Pomonae pexui pam, jopa pacopatsinde xua bara ichamonae paca muxujainyabina. Pon ba xanepana exana bapon ba bichocono pej̃nt̃u coyene xanepanaein, icha Jesucristo ichi xua bichocono pej̃nt̃u coyene xanepanaya exanaein. <sup>8</sup> Ichitha pon ba xua abe exana ducuanabiyi, apara bapon ba caurimonae pia pentacaponaein tatsi pijimonae jiwanaein tatsi. Tsipei caena bayatha, poxonae aena Nacom Daxita forota, caurimonae pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonae pia pentacaponaein tatsi pia coyenewan tatsi.

<sup>9</sup> Pomonae Nacom pia pexui tatsi barapomonaе jiwana dapon ba aibi pon ba abe exana ducuaеabiya, tsipei bapon yajuntũ cui coyeneya popona Nacom pia cui coyenewa tatsi. Bapon jopa itacupaetsi xua abe exana ducuaеabiya tsipei Nacom pia pexui tatsi jiwana pin tatsi. <sup>10</sup> Daxota yaputainchi pomonaе Nacom pia pexui tatsi, matautano yaputainchi pomonaе caurimonaе pia pentacaponaein tatsi pia pexui tatsi. Yabara yaputainchi pomonaе jopa xanepanaya exanaeyo, barapomonaе jopa Nacom pia pexui tatsi. Matautano yabara yaputainchi pomonaе jopa antobeyo ichamonaе pomonaetha pomonaе irũ pejume cowantsiwi, barapomonaе jopa Nacom pia pexui tatsi.

*Meje yabara xua poxonaе jei: “Caemonaе pebũnya bara nantiya naantobe tsainchi”, jei*

<sup>11</sup> Poxonaе aena pajume cowantame, xua beya anoxuae, pajume taneme Nacom Pejume Diwesi. Barapo diwesitha jeje: “Caemonaе pebũnya bara nantiya naantobe tsainchi”, jei barapo diwesitha. <sup>12</sup> Waxainchi jopa bewa naexanaetsi icha ichi pon pewũn Caĩn, pon caena bayatha tũpa. Bapon Caĩn caurimonaе pia pentacaponaein tatsi pia jiton tatsi. Bapon peweicho bexuba. ¿Eta xua metha Caĩn peweicho bexuba? Caĩn peweicho uwiya bexuba, tsipei pocotsiwa Caĩn exana Nacom nexa, Nacom tsita abetsi. Ichitha nama pocotsiwa Caĩn peweicho tatsi exana Nacom nexa baxua jame Nacom tsita xanepanatsi.

<sup>13</sup> Tamonaе pam, pomonaе irũ painya nejume cowantsixae Jesucristo. Painya xoba panantũ exabame icha ichamonaе paca ita aenae-aenei pomonaе jinompa po cae pin nacuathe, pomonaе jopa pejume cowantsiwi. <sup>14</sup> Waxainchi yaputainchi xua bewa werapaeinchi abe waexanaexae. Ichitha anoxuae peajuntũyarusũwa xeinatsi, po peajuntũyarusũwa ataya tsiteca waantobexae pomonaetha pomonaе irũ pejume cowantsixae. Pon xua jopa antobeyo piamonaе jiwana pin tatsi, pon irũ pejume cowantsin Nacom, bapon bequein popona ichitha jopa xeinae tsane peajuntũyarusũwa. <sup>15</sup> Pon ita aenae-aeneya caseba ichamonaе pomonaetha pomonaе irũ pejume cowantsiwi Nacom, bapon Nacom tsitatsi be pon jiwi pejutebin. Payaputaneme xua pon jiwi pejutebin bapana jopa xeinae peajuntũyarusũwa pejuntũ coyenewatha, po peajuntũyarusũwa ataya tsiteca. <sup>16</sup> Waxainchi yabara yaputainchi xua Nacom wanaca antobewa, tsipei Jesucristo naca tsitũpa naetotha wanaca antobexae. Daxota bewa copatinchi xua bara ichamonaе naca atene exanaena, xua bequein beya poxonaе tũpa naca exanaena ichamonaе nexa pomonaе irũ pejume cowantsiwi. <sup>17</sup> Pebin ba xeina nawita xuan pocotsiwa ba nantawenona xua jantema popona penaexanaewa tsane. Bapon cui tane pia jiton pon irũ pejume cowantsin Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwi nexa. <sup>18</sup> Tamonaе pam, pomonaе irũ painya nejume cowantsixae Jesucristo. Jopa bewa saya ichamonaetha jeichi: “Paca antobetsi”, jopa bewa saya jeichi, poxonaе jopa yawenaetsi barapomonaе. Jame bewa xaniwaicha yawenaetsi barapomonaе, bapoxonaе jame yatsicaewa antobe tsainchi barapomonaе.

*Meje yabara xua wajume cowantsiya jinompaewa Nacomtha*

<sup>19-20</sup> Poxonaе yawenatsi ichamonaе bapoxonaе yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajuntũ coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya cui, beyacaincha wajuntũ coyene poxonaе abe naca yabara paeba, tsipei Nacom daxita yaputane. <sup>21</sup> Tamonaе pam, paxam pomonaе tapaca caantobe jiwichi pam, painya nejume cowantsixae Jesucristo. Bequein wajuntũ coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowantatsi xua waexanaewa pocotsiwa Nacom ichichipa. <sup>22</sup> Yawa Nacom naca cata pocotsiwa wacatsi wajume cowantsixaetsi pia peitorobi diwesi jumein tatsi, yawano poxoru waexanaexae pocotsiwa Nacom ichichipa. <sup>23</sup> Yawa Nacom pia peitorobi diwesi jume naca itorobiya jeje: “Taxanto Jesucristo pajume cowande, yawa nantiya pana naantobeinde”, naca jei. <sup>24</sup> Daxita pomonaе ba exana pocotsiwa Nacom pia peitorobi diwesitha paeba, barapomonaе Jesucristo yawa jinompa, barichi barapomonaе Jesucristo barũ jinompati. Waxainchi yaputainchi xua bapon naca yawena ducuaеabiya, tsipei nanajumope cata waxantha wanaca cuidubinexa barapo coyene.

## 4

*Meje yabara xua Nacom pia Pejumope tũnaxũ tatsi, irũ pomonaе Jesucristo abe peyabara paebiwichi*

<sup>1</sup> Tamonaе pam, pomonaе tapaca caantobe jiwichi pam, irũ painya nejume cowantsixae Jesucristo. Jopa pajume cowantsinde xua daxita pomonaе paca jei: “Paxan Nacom

peitorobi jume pata paebiwi pan”, paca jei. Jame maisa pajujere saya barapomonaе painya neyaputaenexa barapomonaе icha metha bara Nacom itoroba barapomonaе. Tsipei barapo cae pin nacuathepiwi jiwi ayei pomonaе penaerabiwi, pomonaе jei: “Paxan Nacom peitorobi jume pata paebiwi pan”, jei. <sup>2</sup> Ichitha paca itacupa xua payaputaneme pomonaе xeina Nacom pia Pejumope tñaxu tatsi. Icha barapomonaе paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonaе payaputaneme xua barapomonaе apara Nacom pia Pejumope tñaxu tatsi yawa jinompa. <sup>3</sup> Icha ichamonaе paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pewyn Jesús”, paca jei, bapoxonaе paxam payaputaneme xua barapomonaе ba jopa yawa jinompaeyo Nacom pia Pejumope tñaxu tatsi. Barapomonaе ba seicaya xeina icha pejumope tñaxu po jumope tñaxu Cristo ita aenaе-aeneichi. Paxam bayatha pajume taneme xua barapo pejumope tñaxu bewa patopaetsica po cae pin nacuathe tsique. Bara xainyei bara bayatha barapo jumope tñaxu patopa po cae pin nacuathe tsique.

<sup>4</sup> Tamonaе pam, paxam Nacom pijimonaе tatsi pam. Paxam pacui coyene amanayabame barapo penaerabi jiwitha. Tsipei po pejumope tñaxu paca yawa popona xua Nacom pia Pejumope tñaxu tatsi, barapo pejumope tñaxu bichocono peyapusu itorobiya coyenewa pexeinaein, beyacaинcha po pejumope tñaxu po cae pin nacuathepiwi juntu coyene itoroba dubenanaebiyatsi xua abe peexanaenexa. <sup>5</sup> Barapo jiwi apara barapo cae pin nacuathepiwi, daxota barapomonaе yabara cueicueijeji pocotsiwan barapo cae pin nacuathe xeina. Ichamonaе iru pomonaе po cae pin nacuathepiwixae barapo coyene baxuan jume naitaewatsiya exana. <sup>6</sup> Ichitha waxainchi Nacom piamonaetsi. Pomonaе Nacom yaputainchi, barapomonaе bara naca jume naitaewata. Ichitha nama pomonaе jopa Nacom yaputaetsi, barapomonaе jopa naca jume naitaewatsiyo. Daxota naca itacupa xua wayaputaewa pomonaе cueicueijeji pexainyei jume. Matautano naca itacupa xua wayaputaewa pomonaе cueicueijeji pemuxuitorobi jume.

*Meje yabara xua Nacom peyawa cui jinaein xua bichocono peantobe coyenewa*

<sup>7</sup> Tamonaе pomonaе tapaca caantobewichi pam, iru painya nejume cowantsixae Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonaе xua antobe ichamonaе apara barapomonaе bara Nacom pia pexui tatsi naexana. Matautano barapomonaе bara Nacom yaputainchi. <sup>8</sup> Nacom ba peyacuiya jinaein peantobe coyenewa. Daxota pon jopa tsita xeinaeyo ichamonaе peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa. <sup>9</sup> Poxonaе Nacom Pexanto itoroba Nacom naca tsita itata pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peantuyarusyawa, po peantuyarusyawa ataya tsiteca. <sup>10</sup> Barapo yatsicawea pepa peantobe coyenewa meje baxue: Poxonaе ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicawea pepa peantobe coyenewa. Poxoru Nacom itorobica Pexanto wanaca wejuntemaina exanaenexa abe waexanae cuiru coyenein. Barapo coyene jame yatsicawea pepa peantobe coyenewa.

<sup>11</sup> Tamonaе, pomonaе tapaca caantobe jiwichi pam, iru painya nejume cowantsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi. <sup>12</sup> Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonaе Nacom naca yawa poponaena. Nacom beta xaniwaichiya cana exana pia peantobe coyene wajuntu coyene berena. <sup>13</sup> Waxainchi natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope tñaxu cata waxantha. <sup>14</sup> Paxan patan Jesucristo poxonaе Nacom Pexanto itorobica. Daxota pajan: “Bara xainyei xua Nacom Pexanto itorobica, xua barapon pecapanenebiyaenexa po cae pin nacuathepiwi xua abe pia peexanae cuiru coyenein weya tatsi”, pajan. <sup>15</sup> Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, iru Nacom yawa popona bapon.

<sup>16</sup> Daxota waxainchi Nacom yaputainchi, yawa jume cowantsi xua xaniwaicha bara Nacom naca antobe. Nacom apara pon peyanthuthya jinaein xua pocotsiwa bichocono peantobe coyenewa. Pon xua bichocono antobe ichamonaе, bapon apara bara yawa popona Nacom, iru Nacom yawa popona bapon. <sup>17</sup> Daxota waxainchi yabara nacuiduba dubenanaebiyatsi xua bichocono peantobe coyenewa. Poxonaе matabi tsuxubi tsane po mataqueitha Nacom jiwi yabara paeбina xua penatsicuentsiwa Nacomtha, barapo matabi jopa junuwi tsainchi. Jume cowantinchi xua Nacom jopa wanaca yabara paebiwa tsane xua abe waexanaexae. Icha Jesucristo ichi xua jopa abe exana ducunaebiyaeyo poxonaе popona po cae pin nacuathe, waxainchi barapocotsi coyeneya ichichi



poxonae jinompatsi po cae pin nacuathe. <sup>18</sup> Poxonae antobetsi ichamonae barapo juntu coyenewatha ba jopa cunuwichi barapomonae. Tsipei barapo peantobe coyenewatha torotatsi pocotsiwa xua pejunuwiwa xua wajuntu coyene weya. Tsipei pon junuwa nayaputane xua atene tsaneba, peyayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

<sup>19</sup> Waxainchi daxota Nacom antobetsi tsipei bapon copiya pewanaeya naca antobe. <sup>20</sup> Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua iru jume cowuntaru Nacom, apara barapo pebin pon jiwi pemuxuitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo. <sup>21</sup> Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua iru jume cowuntaru Nacom”, naca jei barapo diwesitha.

## 5

*Meje yabara poxonae xua waxainchi juntu coyene amanayabatsi pomonae jopa pejume cowuntsiwi*

<sup>1</sup> Pon ba bichocono tsita xeina pejume cowuntsiwa Jesús pon xua jei: “Jesús apara bara bapon pon Nacom itorobica, pon Mesias jeichichi”, jei, bapon jame Nacom Pexanto tatsi naexana. Daxita pomonae antobe Nacom xua paxatha, barichi barapomonae muxuna antobe Nacom pia pexui tatsi pomonae iruru pejume cowuntsixae. <sup>2</sup> Poxonae waxainchi Nacom antobetsi xuano exainchi pocotsiwa Nacom pia peitorobi coyenewantha itoroba, bapoxonae yaputainchi xua bara antobetsiru Nacom pia pexui tatsi. <sup>3</sup> Poxonae Nacom antobetsi, bapoxonae jume cowuntsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana. <sup>4</sup> Daxita pomonae Nacom piamonae tatsi, barapomonae juntu coyene amanayaba pontha pon jiwi juntu coyene itorobatsi po cae pin nacuathepiwi xua abe peexanaewa tsane. Wajume cowuntsi coyenewa Nacomtha, barapo coyenewatha naca yawena xua wajuntu coyene amanayabiwa pontha pon jiwi juntu coyene itorobeibatsi po cae pin nacuathepiwi xua abe peexanaewa tsane. <sup>5</sup> Saya pomonae jame jume cowanta, xua pejeiwa: “Jesús apara Nacom Pexanto tatsi”, jei, jame barapomonae juntu coyene amanayaba bapontha pontha pon jiwi juntu coyene itorobeibatsi po cae pin nacuathepiwi xua abe peexanaewa tsane.

*Meje yabara xua po diwesi Nacom Pexanto tatsi yabara*

<sup>6</sup> Bapon Jesucristo patopeica po cae pin nacuathe tsique. Poxonae bapon bautisabatsi, yawa poxonae naetotha tupa exanatsi, xua poxonae jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxonae bautisabatsi, bara yawa iru naca yaputane exana xua poxonae naetotha tupa exanatsi, yawa xua poxonae jana pichapabarena. Nacom pia Pejumope tuxaxu tatsi yabara paeba daxita baxua. Barapo Nacom pia Pejumope tuxaxu tatsi bara xaniyeya pepaebin. <sup>7</sup> Nacom naca yaputane exana xua Jesucristo bara Nacom Pexanto tatsi poxonae cueicueijejei acolbi po jumeyobe peitaboco wetsica. <sup>8</sup> Barapo jume apara poxonae Nacom naca tsipaeba wajuntu coyenewatha. Yawano barapo jume po jume xua cueicueijejei poxonae Jesús bautisabatsi. Yawano barapo jume po jume xua cueicueijejei poxonae bara nama imoxoyo tupaena Jesús. Barapo acolbi jumeyobe peburaya cuita caunuta xua jei: “Bapon Jesús apara Nacom Pexanto tatsi”, jei. <sup>9</sup> Ba jume cowantatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowantichi po coyene xua Nacom Pexanto yabara paeba. <sup>10</sup> Pon ba Nacom Pexanto tatsi jume cowantatsi, bapon ba pia juntu coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowantichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowantsiyo po coyene Nacom Pexanto yabara paeba. <sup>11</sup> Barapo jume, po jume Nacom Pexanto yabara paeba, barapo jume wajuntu coyenewatha jume tainchi, naca jeye: “Nacom peajuntu yapusawa naca cata po peajuntu yapusawa ataya tsiteca, po peajuntu yapusawa Nacom Pexanto tatsi pia xainya werena tapichapatsi”, jei barapo jume. <sup>12</sup> Pon ba Nacom Pexanto tatsi yawa popoinchi, bapon xeina barapo peajuntu yapusawa. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajuntu yapusawa, po peajuntu yapusawa ataya tsiteca.

*Meje yabara poxonae Juan muxu tsipaeba, poxonae imoxoyo nacobe weta xua tina*

<sup>13</sup> Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxename peantayapusawa, po peantayapusawa xua ataya tsiteca.

<sup>14</sup> Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae wacatsi pocotsiwa Nacom ichichipa, bapoxonae Nacom bara naca jume tane pocotsiwa yabara xua wawucaexae. <sup>15</sup> Tsipei yaputainchi xua Nacom naca jume tane poxonae wacatsi, daxota yaputainchi xua bara xeinatsi pocotsiwa wacatsi Nacom.

<sup>16</sup> Icha taneme xua ichun abe exana pon iru jume cowanta, xua ichitha pocotsiwa bapon exana jora tupa naexanaeyo, bapoxonae Nacomtha tawucame bapon. Bapoxonae Nacom cana exana xua bapon xeina peantayapusawa. Ichitha icha jiton abe exana pocotsiwa xua tupa naexana jora catsipaebichi xua Nacomtha tawucame bapon. <sup>17</sup> Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jora tupa naca cana exanaeyo.

<sup>18</sup> Yaputainchi pon yawa popona Nacom xua pia Paxaxae, bapon jora exanae ducua-naebiyaeayo abe peexanae cuiru coyenein, tsipei Nacom Pexanto tatsi yawena xua bapon yawenatsi. Matautano caurimonae pia pentacaponaein tatsi jora itacupaetsi xua bapon peitorobiwatsi xua abe peexanaewa tsane. <sup>19</sup> Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane. <sup>20</sup> Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Matautano yawa jinompati Nacom Pexanto tatsi, pon pexainyein, pon Jesucristo. Barapo Nacom pexainyein pon naca cata peantayapusawa, po peantayapusawa xua ataya tsiteca. <sup>21</sup> Tamonae pam, jora pajume cowantsinde ibo nacomun.

Baja Juan.

## Meje Po Carte Juan Epatotha Tatina, Pomonae Jesucristo Pejume Cowantsiwi Tatinatsi. Barapo Carte Epatowa Carta.

*Meje xua pexainyei diwesi yabara, yawano peantobe diwesi yabara*

<sup>1</sup> Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowantsixaem. Nacom paca itapeta painya paca exanaenexa piamonae. Iru tatinan pomonae paca baru nacaetuta pomonae be painya pexui natsicotane. Xaniwaicha betiya paca antobetsi painya neyarputaexae pexainyeiwa. Matautano ichamonae paca antobe pomonae yaputane pexainyei jumein. <sup>2</sup> Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajuntu coyenewantha cajinompeibatsi anoxuae, matautano xua ataya tsane. <sup>3</sup> Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa iru Jesucristo Wanacanamatax-einaein pon Nacom Pexanto tatsi baponbe naca yawenabe. Baponbe naca yawenaena, matautano amanayiya baponbe naca yabara nantanuweya nanta xeinaena pia wanaca yawenaenexa. Matautano baponbe juntea jinompa naca exanaena.

<sup>4</sup> Juntu coyene weiweinan tsipei painyamonaе jiwana cui tan, xua beta pejinompaewa. Barapo painyamonaе exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba. <sup>5</sup> Paxam, iru painya nejume cowantsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonae aena jume cowantatsi. <sup>6</sup> Icha waxainchi Nacom antobetsi, barapoxonae bewa jume cowantsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonae aena pajume cowantame. Barapo peitorobi diwesi jume naca jeye: “Nantiya pana naantobeinde”, jei.

*Meje yabara pomonae jiwi pemuxujainyabi jiwi*

<sup>7</sup> Po cae pin nacuathe jiwi ayei jinompa, pomonae jiwi pemuxujainyabi jiwi. Barapomonae jeye: “Nacom jopa itorobiyo Pexanto barapo cae pin nacuathe, pon pewun Jesucristo xua pepa jiton naexana”, jei barapomonae. Pomonae xua bapocotsiwa paeba, bapomonae apara pomonae jiwi pemuxujainyabi jiwi yawa bapomonae Cristo abe peyabara paebiwichi. <sup>8</sup> Dota pam bu caurimonae paca juntu coyene jujuta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

<sup>9</sup> Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaustiyo Nacom xua be Paxa. Ichitha jame pon exana ducuaaеbiya pocotsiwa xua Jesucristo pia pecuidubi coyenewatha paeba, bapon jame nantauta Nacom be Paxa, matautano nantauta Jesucristo pon Nacom Pexanto tatsi. <sup>10</sup> Icha ichun paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesus pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena. <sup>11</sup> Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara iruru abe exanaru icha be bapon ichi pon ichun pon pia botha petapatopaexaetsi.

*Meje yabara poxonae xua Juan opi wetaba po carte*

<sup>12</sup> Ainya diwesi bequein cataunxuae xeinan xua tapaca camuxu tsipaеbiwa tsainchi, ichitha jopa beyabara tinaeinyo paperatha barapo diwesi. Daichitha ewatan xua tapaca cataewa tsainchi bexa, matautano xua tapaca catsipaеbiwa tsainchi. Bapoxonae wajuntu coyene weiweinaenexa tsainchi bichocono.

<sup>13</sup> Pomonae iru Nacom pejume cowantsiwi icha paxam paichim, pomonae iru Nacom itapeta, barapomonae paca jacobae.

Baja Juan.

## **Meje Po Carte Juan Cotacaya Tatina, Pomonae Jesucristo Pejume Cowantsiwi Tatinatsi. Barapo Carte Petabu Carucuae Carta.**

*Meje yabara poxona Juan juntu weiweinaya tatina, Gayo tatinatsi*

<sup>1</sup> Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

<sup>2</sup> Pon tacaantobetsim, pon be tayapin tacanatsicotaeinchi iru nejume cowantsixae Nacom. Nacomtha cata wucatsi xua juntea nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi.

<sup>3</sup> Bichocono juntu coyene weiweinan poxona ichamona pomonae pejume cowantsiwi jiwana taxantha pata yawa netsipaeba. Barapomonae cayabara paeba xua pinae yajuntu coyeneya popona ducuaenaebiyame Nacom pia pexainyei coyenewa tatsi. Bara xainyei bara barapo coyenewa exaname. <sup>4</sup> Dapocotsiwa aibi pocotsiwa jume tan pocotsiwa xua nejuntu coyene weiweina exana beyacaincha xua poxona jume tan xua tajiwimona xaniwaicha beta jinompa Nacom peitabaratha tatsi pejume cowantsixae Jesucristo.

<sup>5</sup> Pon tacaantobetsim, pon be tayapin tacanatsicotaeinchi iru nejume cowantsixae Jesucristo. Bichocono xanepanaya exaname xua Nacom nexa xua poxona yawename pomonae Jesucristo pejume cowantsiwichi, matautano poxona yawename pomonae icha nacuan werena pepatsiwi, pomonae bequein jopa neyaitae jiwi. <sup>6</sup> Barapomonae pomonae icha nacuan werena pepatsiwi pomonae Jesucristo pejume cowantsiwichi jeichichi: "Maisa bichocono pana antobe Gayo tsipei pana yawena", jei barapomonae. Sawucatsi xua barapomonae equeicha neyawenaenexa xua pocotsiwa barapomonae nantawenona xua poxona warapaena jinya neexanaenexa po coyenewa Nacom ichichipa bichocono. <sup>7</sup> Barapomonae ponarucpa xua Jesucristo petanacuichiwa tsainchi. Barapomonae jopa wucayo pomonaetha pomonae jopa pejume cowantsiwi Nacom xua peyawenaenexatsi pocotsiwa penantawenonaewa. <sup>8</sup> Daxota bewa barapomonae yawenaetsi xua bapoxona barapara iru barapomonae nanabaru cueicueijeichi pexainyei jume diwesi.

*Meje yabara po diwesi xua Diótfrefes abe exana xuano iruru Demetrio beta exana*

<sup>9</sup> Xan caena bayatha icha coyenewiyo tatinan Jesucristo pejume cowantsiwichi. Dai-chitha Diótfrefes jopa jume cowantsiyo taitorobi coyenewa, tsipei barapomonae pomonae Jesucristo pejume cowantsiwichi pia xantha tatsi Diótfrefes ichichipa naexana be pon pecanamataxeinaein. <sup>10</sup> Daxota icha ponaein nexainya beya, yabara catsipaebinchi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wunae weyataeya wabeibiyo pomonaetha pomonae Jesucristo pejume cowantsiwichi. Iruu pomonae jiwi pententa weyataibiya wabeibiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

<sup>11</sup> Pon tacaantobetsim, pon be tayapin tacanatsicotaeinchi iru nejume cowantsixae Jesucristo jopa acucoyenebeya poponaende icha poxona ichan ichi xua acucoyenebeya popona. Saya jame maisa beta exanaponde icha poxona ichan ichi xua beta exanapona. Pon ba beta exana pocotsiwa Nacom itoroba apara bara Nacom piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

<sup>12</sup> Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Iruu xan xanepanaya yabara paeban Demetrio. Matautano yaputaneme xua pocotsiwa paeban bara xainyei.

*Meje yabara xua Juan opi wetaba po carte*

<sup>13</sup> Xam Gayo ainya diwesiin bequein cataunxuae xeinan xua tacamuxu tsipaebiwa tsainchi, daichitha jopa beyabara tinaeinyo paperatha barapo diwesiin. <sup>14</sup> Bara nama methaunxuae catayopiyaeinchi nexata bapoxona wanatsipaebiwa tsanebe.

<sup>15</sup> Bara Nacom juntea popona caexanaena. Pomonae xote jinompa pomonae be jinya jiwimona, barapomonae cajacoba. Inta jacobare daxita wajiwimona.

Baja Juan.

## Meje Po Carte Judas Tatina Pomonaetha Pomonae Jesus Pia Pejume Cowantsiwichi

*Meje poxonaetha Judas tamropata pitaba xua tatina pomonaetha pomonae bayatha Nacom waba xua pia pejume cowantsinexatsi*

<sup>1</sup> Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonae pam, pomonae bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom. <sup>2</sup> Barabꝰ Nacom jopa juniya paca yabara nanta xeinae tsane xua nantanuweya paca yabara nanta xeineibina pia paca cayawenaenexa. Matautano barabꝰ Nacom bichocono juntea jinompa paca exanaena. Matautano barabꝰ Nacom paca catsibina pia peantobe coyenewa painya neyawa muxuna jinompaenexa.

*Meje yabara xua pomonae pemuxujainyabiya cuidubi jiwi*

<sup>3</sup> Paxam pomonae bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanae cuiru coyenein weya. Barapo coyenewatha Nacom necapaneparꝰ barapo coyene weya. Bequein ichichipan yabara pacata tinatsi baxua, daichitha anoxuae jopa neitacupaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamonae paca atene exana painya nejume cowantsixae Jesus. Barapo pejume cowantsiwa Nacom caena bayatha caetho nacui coyene cata pijimonae, xua barapomonae xuya penacui coyene cacataponaenexa ichamonaetha. <sup>4</sup> Bara barapocotsiwa paca tsipaebatsi, tsipei jiwi namichiya jinompa painya xantha pomonae pemuxujainyabiya cuidubi jiwi xua jopa pacui yaputaem pocotsiwa barapomonae exana. Caena bayatha barapomonae Nacom Pejume Diwesitha yabara tinatsi xua barapomonae pinae bewa atene tsane abe peexanaexae. Barapomonae peajuntꝰcoyenebe jiwi. Matautano barapomonae jiwi muxujainyabiya cuidubatsi xua pinae Nacom amanayiya capanepa jiwi pia peantobexae. Nacom peantobexae jiwi, daxota pinae Nacom copata xua jiwi bara abe peexanaenexa. Barapomonae yabara jume itaweta, poxonaetha po jumetha ba jiwi jeye: "Jesucristo, bapon yatsicaya compa pon Wanacaitorobin xuano Wanacanamatexeinaein", jei.

<sup>5</sup> Bequein payaputaneme xua bayatha Nacom, pon jiwi Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonae tatsi Egipto nacua wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonae jiwamonae jutebatsi pomonae jopa pejume cowantsiwixaetsi. <sup>6</sup> Matautano payaputaneme xua Nacom cana exana matatsunpiwitha. Barapo matatsunpiwi nacui barapenta pia peitorobi coyenewan bequein Nacom cata. Matautano barapomonae Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamaxꝰ cubiya jebinxatsi pequirei nacuatha beya, beya abꝰ poxonaetha po matakabi tsane poxonaetha atene tsane poxonaetha Nacom yabara paeibina daxita jiwi xua penatsicuentisiwa xua abe peexanaexae. Barapo matatsunpiwi penaintontha maxꝰ cubebatsi, po penainton jopa weraweracaeyo. <sup>7</sup> Pacayabara nanta xeinare xua poxonaetha po tomarabetha Nacom cana exana, po tomara pewꝰn Sodoma yawa xua Gomorra, yawano xua poxonaetha ichaxota po tomarantha xua cuariyatha ena. Barapo tomaranpiwi abe exana xua poxonaetha cana siwainyameinta exana pebiwitha xua jopa be ichiyo xua pocotsi coyenewatha ba pebiwi cana exana yabuxitha. Nacom caunutsiya yabara paeba barapomonae xua barapomonae ataya tsitecaeya peraxa exainchi abe peexanaexae. Barapomonae naca tsita itapeinya xeina xua Nacom bara cana ichi tsane daxita jiwitha icha barapo tomarabepiwi cana ichichi.

<sup>8</sup> Ichitha pomonae anoxuae yabara paca tsipaebatsi, pomonae pemuxujainyabiya cuidubi jiwi, barapomonae abeya nanta xeina dubenanaebiya, xua poxonaetha baxua yabara amachinae tsurubenanaebiya. Daxota barapomonae pia pepon abeya taxoba exana dubenanaebiya. Barapomonae itaweta Nacom pia peitorobi coyenewa pon jiwi Pecanamataxeinaein. Matautano barapomonae abe yabara paeba Nacom pia matatsunpiwi. <sup>9</sup> Nacom pia matatsunpin, po matatsunpin matakapani icha matatsunpiwi, bapon pewꝰn Miguel. Bapon Miguel najume matsontsonobabe caurimonae pia pentacaponaein tatsi. Yabara najume matsontsonobabe xua Moisés pia pepon xua jintam metha pinae xeinaena.

Miguel jopa nanta xeinaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwi Pecanamataxeinaein atene cacana exanaena”, jopa jeyo, bara bequein itacupatsi xua pepaebiwa baxua. Saya jame Miguel jei: “Barab<sub>n</sub> Nacom caitawetsina”, jei Miguel. <sup>10</sup> Ichitha barapomona<sub>e</sub> pomona<sub>e</sub> pemuxujainyabiya cuidubi jiwi abe yabara paeba pocotsiwa barapomona<sub>e</sub> jopa yaputaeyo. Matautano barapomona<sub>e</sub> exana icha be pocotsi coyeneya ichichipa xua abe peexanaewa. Barapomona<sub>e</sub> baxua exana bequein jopa pexanepanaeyo taetha, icha duweimona<sub>e</sub> ichi xua poxona<sub>e</sub> exana be pocotsi coyeneya ichichipa. Daxota barapomona<sub>e</sub> pia coutha naajuntucoyenebe cana exana.

<sup>11</sup> Ijaibo, barapomona<sub>e</sub> tsobena! Tsipei barapomona<sub>e</sub> Nacom jopa bejume cowuntichi icha be ichi pon pew<sub>n</sub> Caín, pon caena bayatha peweicho bexuba, peweicho peuwixae. Matautano barapomona<sub>e</sub> catsibatsi paratixi xua ichamona<sub>e</sub> catsiba xua barapomona<sub>e</sub> abeya coyeneya pecuidubixae. Tsipei barapomona<sub>e</sub> bichocono pitaparatixichi icha be poxona<sub>e</sub> ichi pon pew<sub>n</sub> Balaam poxona<sub>e</sub> paratixi catsibatsi xua ichamona<sub>e</sub> catsiba xua Balaam abeya coyeneya pecuidubixae. Matautano barapomona<sub>e</sub> jiwi juntu coyene tsacabatsi xua jiwi naba peexanaenexa Nacomtha daxota barapomona<sub>e</sub> werapaena. Baxua exana icha be poxona<sub>e</sub> pon pew<sub>n</sub> Coré ichi poxona<sub>e</sub> jiwi juntu coyene tsacabatsi xua jiwi naba peexanaenexa Moises<sub>ta</sub>, xua bapoxona<sub>e</sub> Coré tupa xua bexotsi. <sup>12</sup> Poxona<sub>e</sub> paxam paexaname xua jiwi nacaetuta painya nenabanaenexa painya nenaantobexaem, barapomona<sub>e</sub> pomona<sub>e</sub> pemuxujainyabiya cuidubi jiwi paca caxinta pia peexanae coyeneintha. Barapomona<sub>e</sub> atsaquiya nabane, yawa atsaquiya apa. Saya jopa yabara nanta xeinaeyo ichamona<sub>e</sub>. Saya meisa barapomona<sub>e</sub> nayabara nanta xeina nawita. Poxona<sub>e</sub> barapo coyene exana, barapomona<sub>e</sub> abe paca cana exana. Po tsaquinaebowan ba xua jopa jiwi catichi mera, xua equeicha pin joibo tabu torota peira tseyi weya xua jopa peruneicaenexa tsane, barapo tsaquinaebowan ba jiwi jopa catichi mera, jiwi jopa yawenaetsi. Bara juta ichi barapomona<sub>e</sub> pomona<sub>e</sub> pemuxujainyabiya cuidubi jiwi. Bequein barapomona<sub>e</sub> pia coutha beta nayabara paeba, daichitha jiwi jopa yawenaetsi. Po naein ba xua jopa nacoichiyu pia matacabintha xua poxona<sub>e</sub> nacoiteiba barapo naein jiwi ba yatabaca jona tsipei jopa naein penacoichixae. Bara juta ichi barapomona<sub>e</sub> pomona<sub>e</sub> pemuxujainyabiya cuidubi jiwi. Daxota jiwi itaweta barapomona<sub>e</sub>. <sup>13</sup> Ichamona<sub>e</sub> aura exanatsi poxona<sub>e</sub> barapomona<sub>e</sub> abeya cuiduba xua jopa jiwi peyawenaexaetsi. Barapomona<sub>e</sub> bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara juta ichi barapomona<sub>e</sub> saya jiwi aura exanatsi abe peexanaexae daxota jiwi cuenta pona barapomona<sub>e</sub>. Poxona<sub>e</sub> opiteiton ba poton pia namton weya itaxanumeinyatsi saya pipato dubenanaebiya ataya ichaxota pequireiwatha. Bara juta ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom bebai tsane barapomona<sub>e</sub> pia xainya weya ichaxota pequireiwatha xua bara ataya tsitecaeya tsane abe peexanaexae.

<sup>14</sup> Barapomona<sub>e</sub> pomona<sub>e</sub> pemuxujainyabiya cuidubi jiwi yabara paebatsi, xua ich<sub>n</sub> yabara paeba pon pew<sub>n</sub> Enoc. Adán xeina seis poyobe pia pemomo susatopiwi xua napuna naexanapona beya poxona<sub>e</sub> bapon naexana pon Enoc. Bapon Enoc pon caena bayatha Nacom pia nacua beicha caichatsi. Bapon Enoc yabara paeba barapomona<sub>e</sub> pomona<sub>e</sub> pemuxujainyabiya cuidubi jiwi, poxona<sub>e</sub> cueicueijej<sub>e</sub> pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi baru patopeica, bichocono pin bicheito matatsunpiwi. <sup>15</sup> Bapon baru patopeica matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsicuentisiwa xua abe peexanaexae. Matautano bapon yabara paebina xua pocotsiwa bapomona<sub>e</sub> abe exana Nacomtha. Matautano bapon yabara paebina pocotsiwa barapomona<sub>e</sub> Nacom abe peyabara paebiwaetsi”, jei Enoc. <sup>16</sup> Barapomona<sub>e</sub> pomona<sub>e</sub> pemuxujainyabiya cuidubi jiwi ichawa beya daxita coyeneintha abeya yabara paeba. Xua daxita coyenein petsita aitacoyenebexaetsi daxota barapomona<sub>e</sub> jopa juntu coyene weiweinaya jinompaeyo. Matautano meisa yabara nanta xeina xua piawan meisa penata exanaewan. Barapomona<sub>e</sub> peatsacae jiwi bichocono. Bara bequein barapomona<sub>e</sub> beta paeba ichamona<sub>e</sub>ta, saya poxoru xua peyabara muxujainyabinexa xua ichamona<sub>e</sub> peyabara muxujainyabinexatsi pocotsiwa xeina.

*Meje yabara xua Judas muxuweta pomona<sub>e</sub>ta pomona<sub>e</sub> pejume cowuntisiwi xua pejume cowuntisyainwa pemuxutorobi diwesi*

<sup>17</sup> Equeicha paca tsipaebatsi pomona<sub>e</sub> bichocono tapaca caantobewichi pam. Paxam bewa payabara jantanainaem pocotsiwa bayatha paeba pomona<sub>e</sub> Jesucristo pon jiwi Pecanamataxeinaein pia peitorobi jiwi tatsi. <sup>18</sup> Barapomona<sub>e</sub> paca jeye: “Pew<sub>n</sub>anaeya

tsane poboxonae po dapaetha Nacom yabara paebina jiwi xua penatsicuentisiwa xua abe peexanaexae copiya patsina pomonae cui caponaena, pocotsiwa Nacom piawa tatsi baxua cui caponaeinchi. Matautano barapomonae ichichipaeya exana dubenanaebiyaena icha be pocotsi coyeneya ichichipa xua abe peexanaewa”, jei barapomonae pomonae Jesús pia peitorobi jiwi tatsi. <sup>19</sup> Pocotsimonae baxua exana xua abe exana, bapocotsimonae tsaba exana piamonae xua barapo bicheitobe nacasebabe. Barapomonae pomonae abe peexanaewi exana xua pocotsiwan ichichipa peexanaewa. Barapomonae jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope tñaxu tatsi.

<sup>20</sup> Ichitha nama paxam pomonae bichocono tapaca caantobewichi pam. Bayatha painya nejume cowantsixaem Nacom, daxota awiya pana najuntu coyene tsacabare. Awiya mataropeichiya painya nejume cocowantaponaenexa po pejume cowantsi coyeneya Nacom weya pona. Nacom pia Pejumope tñaxu tatsi pia peayaruswatha tatsi pawncare Nacom. <sup>21</sup> Beta payajuntu coyeneya jinompare Nacom pia peantobe coyenewa tatsi. Pawnae eware po matabitha poboxonae Jesucristo Wanacanamataxeinaein naca catsina peajuntu yarusuwa, po peajuntu yarusuwa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

<sup>22</sup> Ichamonae pomonae yabara ainya muxu pexeinaewi pemuxujainyabi diwesi barapomonae payabara nantanuweya yawende painya neantobexae xua jopa pejume cowantsinexa barapo pemuxujainyabi diwesi. <sup>23</sup> Ichamonae muxu pejume cowantsi barapo pemuxujainyabi diwesi. Nainya payawende barapomonae painya neantobexae xua Nacom pecapanenebiyaenexa bapo abe peexanae cuiru coyene weya pejume cowantsixae tsane Nacomtha. Panantanuweya yabara nanta xeinde ichamonae, painya neyawenaenexa tsane painya neantobexae xua iru pejume cowantsinexa tsane Nacom. Ichitha dota pam xua abe painya neexanaeyainwa icha poboxonae xua barapomonae ichi xua poboxonae abe exana.

*Meje yabara xua Judas najume wetsiya wñnae jainta Nacom*

<sup>24-25</sup> Anoxuae nama yabara paca tsipaebatsi Nacom pon pepa Nacom pon nacata compa. Bapon bichocono peyaputaen. Barapon Nacom Wanacacapanenebiyaen. Barapon pia peayarusu itorobiya coyenewatha paca yapu eenaena xua jopa abe painya neexanaewa tsane. Matauta Nacom paca cana exanaena xua juntu coyene xanepanaeya painya neumenaenexa tsane bapon peitabaratha tatsi. Matautano bapon paca cana exanaena xua bichocono painya nejuntu coyene weiweinaya neumenaenexa tsane bapon pia pexeinya peitupanae coicha itabaratha tatsi. Barapon Nacom waxainchi wñnae jaintatsi Jesucristo pon Wanacanamataxeinaein petupaexae. Waxainchi jeichichi Nacomtha: “Barabu ataya tsitecaeya xeinaeya poponaename jinya pexeinya itupanae coicha yawa jinya neainya cui coyenewa. Matautano barabu ataya xeinaeya poponaename jinya neayarusu itorobi coyenewa, xuano xua jinya neayarusu exanae coyenewa. Daxita baxuan caena bayatha xeiname poboxonae aena, xuano xua anoxuaeno xeiname yawano xua bexa tsane bara ataya xeinaename”, jeichichi Nacomtha. Je, bara ichi tsane.

Baja Judas.

## Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

*Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi*

<sup>1</sup> Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutsinexa daxita baxuan xua imoxoyo bara exanaenaba. <sup>2</sup> Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba irano xua Jesucristo paeba.

<sup>3</sup> Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Irano pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

*Meje yabara xua Juan tatina pomonae pejume cowantsiwi, pomonae siete po matabuxumonaebe, pomonae nacacetuta xua Nacom wuna pejainchinexatsi*

<sup>4</sup> Xan, Juan, pacata tinatsi pomonae painya nejume cowantsiwi pam pomonae siete po matabuxumonaebe pam xua painya nenacacetutsi jiwi pam, xua wuna painya nejainchinexa Nacom. Paxam pomonae Asia nacuathe pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wucatsi Nacomtha xua painya nepaca juntu coyene weiweina exanaenexa tsane. Yawa pacata wucatsi xua Nacom paca yawenaena pia painya nepaca caantobexae. Yawa pacata wucatsi Nacom pia Pejumope tana xua tatsi beya xua bapon baxuan pacata exanaena tsipei Nacom pia Pejumope tana xua tatsi siete po pexeiya juntu coyenebe pexeiyaen. Barapo Pejumope tana xua Nacom peitabaratha tauncuatsi ichaxota Nacom eca pia pexeiya peecaethopaewatha. <sup>5</sup> Yawano pacata wucatsi Jesucristo xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupa coyene weya. Yawa bapon itoroba pomonaetha pomonae itorobiya pepa peewatsiwi ichamona po cae pin nacuathe. Cristo naca antobe daxota naca tsitupa naetotha wanaca juntu coyene junteinaenexa abe waexanae cuiru coyenewan. <sup>6</sup> Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeiya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

<sup>7</sup> ¡Matha pataema!

Cristo patopeicaena tsaquinaebowatha.

Daxita jiwi taena bapon

xua bapon taeinchi.

Iruru pomonae bapon cobe matatabarutatsi

naetotha bapon taeinchi.

Daxita nacuanpiwi, pomonae bapon jopa jume

cowantichi, daxita barapomonae juntu coyene

wecoyei tsane poxonae bapon taeinchi.

Je bara ichi tsane.

<sup>8</sup> Nacom jeye: “Xan ponxaein apara ataya tsitecaeya tapoponaen xua poxonae aena daxita tamropata pitaban. Matautano hexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaen, pon itoroba pia peayapusu itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

*Meje yabara poxonae Cristo pia peitupanae tsita itutsi coyenewatha tatsi Juan tsita itutatsi*

<sup>9</sup> Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthuthurewe exana xua poxonae jopa xapain pacata exanaeyo,



anoxuae bara neichi. Jiwi anthuthurewe neexana tsipei waxainchi Nacom piamon-aetsi jiwantsi pomonae Nacom itorobiya ewata. Tsipei Jesucristo paca yawena dax-ota cataunxuae pajume cowanta dubenanaebiyame Nacom, iru xandu barichin. Jiwi pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae. <sup>10</sup> Caentaqueitha, po mataqueitha peseicae mataqueitha bichocono Nacom pia Pejumope tuxaxi tatsi nejuntü coyene yuca exana. Tauxa werena jume tan pejume xua bichocono jume daunweya ajumetsaca be poxonae icha xua oba po peobiwa pewan trompeta. <sup>11</sup> Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wanae pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pérgamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

<sup>12</sup> Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewan oro nain xua pentatutuntha itanacanoba. <sup>13</sup> Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cata paparuwa po paparuwa bichocono pereca yawa juntacari jayatsinatsi yawa bichocono daedaena icha be oro nain ichi. <sup>14</sup> Pentanan tatsi bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto. <sup>15</sup> Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isotho nain boquiya. Pejume bichocono ajumetsa be poxonae xua ainya menein busin. <sup>16</sup> Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

<sup>17</sup> Poxonae bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua hexa tsane. <sup>18</sup> Xan ponxaein xua copiya bayatha tapoponaein. Bequein bayatha tapan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi taitorobeibinexa petupaeyo coyene nacua beya. <sup>19</sup> Daxota yabara tinare xuaunxuae pocotsiwa taneme. Yawano yabara tinare xua aunxuae taeponaeneme. <sup>20</sup> Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabuxu jiwi, pomonae Nacom pejume cowantsiwichi”, jei Jesucristo pon xua uncua.

## 2

### *Meje yabara xua po diwesi Juan tatina Efeso tomarapiwi*

<sup>1</sup> Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba. <sup>2</sup> Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paichaxaibim xua exana pomonae peajuntücoyenebewi. Yawano bara yaputan xua jopa paca itata cui xainyei tsaihiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxuitorobiwi. <sup>3</sup> Beta pana najuntü wunaetame. Mataanta jopa paacyenefaetabim, bequein ichamonae bichocono abe paca exana painya inta nacuichixaem. <sup>4</sup> Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. <sup>5</sup> Payabara nanta xeinare xua poxonae copiya pana nejume cowantame xua poxonae bichocono pana neantobem. Icha juntu coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin

painyawa xua pocotsiwa ichaxota pentatutuntha paitanacanobame, xua pichin painya tomara weya. Apara xua jan, daxita painya nenacaetutsi jiwi pam pana nenepentapon-aename xua pata tana nejume cowantsiwam xua daxota jopa pana nejume cowantsim tsane jan. <sup>6</sup> Daichitha cae coyenewa ichichipan xua paexaname. Juntu coyene weiweinan tsipei pananta xeiname icha ichin xua pocotsiwa nanta xeinan. Paxam paichaxaibim pocotsiwa nicolaitamonae xua exana, pomonae bichocono abe peexanaewi. Xan iruru aichaxaibin xua pocotsiwa exana barapomonae. <sup>7</sup> Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumope tana xua tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajuntuyapusawa, po peajuntuyapusawa xua jopa weraweracaeyo, jei Nacom pia Pejumope tana xua tatsi, jei Nacom Pexanto', jande", nejei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tatsi.

*Meje yabara po diwesi Juan tatina Esmirna tomarapiwi*

<sup>8</sup> Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: 'Meje xua paeba pon xua daxita forota poxonae aena. Yawano bapon daxita wetsina xua bexa tsane. Bequein bapon bayatha tupa ichitha equeicha asu popona xua ataya tsitecaeya tsane. <sup>9</sup> Bapon jeye: Yaputan daxita xua pocotsiwan paexaname. Bara paca tainchi xua paanthututanem poxonae xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinae jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae u caurimonae pia pentacaponaein tatsi bapon piamonae tatsi. <sup>10</sup> Jopa pajunuwinde xua pocotsiwa ichamonae paca anthututane exanaena xua tsipei pacata abe exanaena. Caurimonae pia pentacaponaein tatsi itorobina ichantha xua piraichi paca jiwana capanaena jiwi pecubi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanthututanem tsane diez po matakabibe. Daichitha pana najuntu coyene daunweya wunaere beya poxonae payacuiya werapaeya othopaename. Bapoxonae paxam paca catsibinchi xua be pentoma xua peantuyapusawa po peantuyapusawa xua jopa weraweracaeyo. <sup>11</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tana xua tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa ateneya werapae tsane, jei Nacom pia Pejumope tana xua tatsi, jei Nacom Pexanto', jande", nejei Jesucristo pon xua uncua.

*Meje yabara xua po diwesi Juan tatina Pérgamo tomarapiwi*

<sup>12</sup> Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Pérgamo tomaramonae xua barapon petayorobinexa xua barapomonae peyorobinexatsi. Jande: 'Meje xua paeba pon pecoiboto tsina tapichapeinatsi cusi po wato nantiya baru ducuaabe. <sup>13</sup> Bapon jeye: Bara yaputan xua daxita paexaname. Yawano yaputan xua painompame ichaxota caurimonae pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi. <sup>14</sup> Daichitha paca cui yaputainchi xua icha coyenein paexaname, po coyenein xua jopa ichichipaeyo. Paxeiname Pérgamo tomaratha pomonae xua painyamonae jiwana, pomonae barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacupatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabuxi. <sup>15</sup> Barichi pomonae painyamonae jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. <sup>16</sup> Daxota icha juntu coyene paxeinare. Icha jopa icha juntu coyene

paxeinaem, nainya jemeicha baxota patopaein yawa paca beinchi cusitha, po watotha xua tacoboto pichapeina. <sup>17</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃ t̃atsi paca tsipaeba. Bapon jeye: Pomonae xua Jesucristo jume cowanta dubenanaebiyainchi beya xua yacui werapaeya othopaena, barapomonae catsin po pexaewa pew̃n maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena w̃n xua ichamonae jopa w̃n taeyo. Saya meisa w̃n yaputaena pon xua catsin barapo iboto, jei Nacom pia Pejumope t̃nax̃ t̃atsi, jei Nacom Pexanto', jande", nejei Jesús pon xua uncuá.

*Meje yabara po diwesi Juan tatina Tiatira tomarapiwi*

<sup>18</sup> Jesucristo pon uncuá equeicha nejei: "Barichinde tatinare pon Nacom Pejume Diwesi pepaein pomonaetha tana nejume cowantsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: 'Meje xua paeba Nacom Pexanto t̃atsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pew̃n bronce. <sup>19</sup> Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawename ichamonae. Yawano yaputan xua saya beitatemaya j̃ntema painompame poxonae bequein ichamonae pacata abe exana. Yawano yaputan xua anoxuae nawita paexanapomae beyacaincha xua poxonae copiya paexaname. <sup>20</sup> Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pew̃n Jezabel. Powa jei: Nacom nexa tapaebiwayon, jei. Daichitha tana nejume cowantsi jiwi muxuitorobatsi. Barapowa Jezabel tamonae cuidubatsi xua bara nata siwa xeineibina yab̃xi. Yawa bapowa cuidubano po coyene aichaxaibin xua tamonae jain itorobatsi xua tamonae xaena duwein, po duwein poxonae hexuba ibo nacom nexa. Barapo duwein jiwi cata ibo nacomtha poxonae w̃nae jainta pia ibo nacom. <sup>21</sup> Caena bayatha ewatan xua bapowa icha j̃nt̃ coyene pexeinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba. <sup>22</sup> Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Ir̃r̃ pomonae xua bapowa abe nanabar̃ exainchi barapomonae atene tsane exanaein xua icha barapomonae jopa nacui barapentsi tsane pocotsiwa bapowa cuiduba. <sup>23</sup> Yawano bapowa pia pexui t̃atsi tajutebin. Bapoxonae daxita pomonae Nacom pejume cowantsiwichi neyaputaena po coyene xua xan deta cou jiwi tanth̃th̃ yaputaein daxita xua poxonae exaneiba yawa daxita poxonae xua nanta xeineiba. Bapoxonae daxita paxam barompaya paca catsibinchi be xua pentoma. Pomonae xua xanepanaya paexaname, xua w̃nae paca catsibinchi. Pomonae xua abe paexaname, xua peatenewa paca catsibinchi. <sup>24</sup> Paca tsipaebatsi daxita pam pomonae Tiatira tomarapiwi jiwana pam, xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabar̃ nacuidubim pocotsiwa caurimonae pia pentacaponaein t̃atsi pia coyenewan t̃atsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube. <sup>25</sup> Daichitha awiya pana nejume cowanta dubenanaebiyama beya poxonae equeicha patopeicaein. <sup>26</sup> Awiya pajume cowanta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonae baxua exanaena, barapomonae catsin taayapus̃ itorobi coyenewa xua peitorobeibinexa tsane po cae pin nacuathepiwi. <sup>27</sup> Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa pep̃r̃w̃ixi, bara j̃ta ichi tsane pomonae nejume cowanta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae. <sup>28</sup> Bapoxonae yawa paca catsibinchi po coyene xua tapaca bar̃ ponaewatsi. Barapo coyene bichocono w̃nae tsane, icha jarawato ichi xua jiwi bichocono tsita w̃naetsi poto mataquei pew̃naeya ecoina. <sup>29</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃ t̃atsi paca tsipaeba, jei Nacom Pexanto', jande", nejei Jesús, pon xua uncuá.

**3**

*Meje yabara po diwesi Juan tatina Sardis tomarapiwi*

<sup>1</sup> Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowuntsiwi pomonae Sardis tomaramonae xua bapon petayorobinexa xua barapomonae petayorobinexa. Jande: ‘Meje xua paeba Jesucristo pon xua xeina siete po pexeinya juntu coyenebe, po coyenebe xua Nacom pia Pejumoꝑe tanaꝑu tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam. <sup>2</sup> Pana najuntu coyene tsacabare. Payawende pomonae tana nejume cowuntsiwi xua pejuntu coyene wunaꝑe nexa, tsipei barapomonae be pewerapaewi pejuntu coyene natsepaexae. Paca tainchi xua pocotsiwa paexaname. Baxua jopa Nacom tsita wunaetsi. <sup>3</sup> Daxota pananta xeinaꝑe xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha juntu coyene paxeinaꝑe Nacomtha xua equeicha caewa painya nejume cowuntsiwa tsane. Icha jopa baxua paexanaem tsane, bapoxonae nainya jemeicha patopaꝑe in paxamtha poxonae jopa payaputaem xua patopaꝑe in. Exanaein icha be pocotsin pon pecaibin ichi xua jemeicha patopa. <sup>4</sup> Daichitha paxeinaꝑe barapo tomaratha, Sardis tomaratha, pomonae tana nejume cowuntsiwi. Barapomonae penththu xeicaꝑe jiwi. Jopa xeinaeyo po coyene xua peajuntucoyenebewa tsipei jopa abe exanaeyo. Barapomonae nebaꝑu jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban. <sup>5</sup> Pomonae xua nejume cowuntu dubenanaebiyaena xua beya yacui werapaeya othopaena barapomonae nama xatabina po paparuwan inyapana. Yawa pomonae wun dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa wun iquicaein tsane. Yawano wun yaputane exanaein Taxa Nacomtha yawano Nacom pia matatsunpiwi tatsi peitabarathano. <sup>6</sup> Paxam pomonae painya nejume cowuntsiwi pam. Icha pamuxu dubename, moya pajume naitaeware xua pocotsiwa Nacom pia Pejumoꝑe tanaꝑu tatsi paca tsipaeba, jei Nacom Pexanto’, jande”, nejei Jesus pon xua uncua.

*Meje yabara po diwesi Juan tatina Filadelfia tomarapiwi*

<sup>7</sup> Equeicha Jesucristo pon xua uncua nejei: “Barichinde tatinare pon Nacom Pejume Diwesi pepaebin pomonaetha tana nejume cowuntsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: ‘Nacom Pexanto tatsi, bapon bichocono pejuntu coyene xanepanaein Nacomtha xua jopa penatsicuentiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon beboupa peewatsin ichi xua poxonae David yawenatsi. Bapon pon beboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonae itorobiya pia pepa peewatsinchi. Bapon pon beboupa peewatsin pia peitorobi coyenewa xeina xua poxonae bapon beboupa saranaxuba ichun jopa itacupaetsi xua beboupa xatataba. Yawa poxonae bapon beboupa xatataba ichun jopa itacupaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichun jopa itacupaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye: <sup>8</sup> Yaputan xua daxita paexaname. Xan copatan xua tajume diwesi pacaponame ichamonaetha. Ichun jopa itacupaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paajuntucoyenesun, daichitha awiya tajume diwesi pacueicueijam yawa jopa pana nepentsim xua painya tana nejume cowuntsiwam. <sup>9</sup> Ichitha pomonae naerabiya jei: Paxan, judiomonae pan, jei, barapomonae, Satanás, caurimonae pia pentacaponae in tatsi bapon piamonae tatsi tsipei jopa benejume cowuntsiyo. Xan exanaein xua barapomonae patsina paxamtha pentabocotha peumenaenexa tsane painya itabaratha wunaꝑe painya nepaca jainchinexa tsane. Bapoxonae barapomonae yaputaena xua xan tapaca caantobewichi pam. <sup>10</sup> Pajume cowuntsiya exana dubenanaebiyama po coyene xua paca itorobatsi xua beitatemaya painompame xua jopa painya neaitaconaewa poxonae bequein ichamonae paca yabara abe exana. Daxota barapo matabaci, po mataqueitha poxonae caurimonae pia pentacaponae in tatsi daxita barapo cae pin nacuathe jiwi juntu coyene jajutinchí, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponae in tatsi juntu coyene jajutsina pomonaetha pomonae Nacom pejume cowuntsiwichi poxonae bichocono atene exanaeinchi xua daxota Nacom jopa pejume cowuntsiwa tsainchi. <sup>11</sup> Imoxoyo patopeicaein. Xaniwaicha beta paxeinaꝑe pocotsiwa

xua tapana nejume cowantsiwam xua bexa Nacom paca catsina pocotsiwa paca jantana jeba pia nacuatheicha beta painya tana nejume cowanta dubenanaebiexaemxae. Jopa pacopatsinde xua ichan paca exanaena xua abe painya neexanaewa tsane xua daxota jopa painya nexeiawa tsane pocotsiwa paca jantana jeba pia nacuatheicha. <sup>12</sup> Pomona xua nejume cowanta dubenanaebiyaena barapomona bichocono jantu coyene ayarusaya daunweya exanaein xua pepatsinexa tsane Nacom pia nacia beicha. Bapoxonae bapana jopa pona tsane Nacom pia nacia weya. Bapoxonae barapomonaetha catsin po wan Taxa Nacom pewan, xua jiwi peyaputaenexa xua barapomona apara Nacom piamona tati. Yawa catsin po wan pena Jerusalén tomara pewan, po tomara Nacom pia tomara tati ichaxota jinompa pomona peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawan, po wan pena wan. <sup>13</sup> Paxam pomona painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumo pe tanaxu tati paca tsipaeba, jei Nacom Pexanto', jande", nejei Jesús pon xua uncua.

*Meje yabara po diwesi Juan tatina Laodicea tomarapiwi*

<sup>14</sup> Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi, pomona Laodicea tomarapiwi xua bapon petayorobinexa xua barapomona petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. <sup>15-16</sup> Yaputan daxita pocotsiwa paxam paexaname. Paxam paca tsipaebatsi xua be paichimje: Ichamona ba aichaxaibi xua apa poxonae po mera mene tana xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowantame. Jopa panepentsim xua pata tana nejume cowantsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowantame icha xua pebin ichi xua anaya mene sutabina tsipei mene tana. <sup>17</sup> Payabara paebame po coyene xua copei painya nexeiawewi pam. Yawa payabara paebame po coyene xua painya coutha pana nayaweneibame xua jopa pacata acobi tsalbiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsoberae, paca yabara jeichi. Matautano jopa payaputaem xua paxam be pomona peacopeibiwi pana natsicotaneme. Yawano be pomona peitata nacutsi jiwi pana natsicotaneme. Yawano be pomona tamasaina pana natsicotaneme. Apara xua jan: Paxam be barapomona pam tsipei jopa beta painya jantu coyenewatha pana nejume cowantsim. Yawa jopa beta panta nacuichim, jan. <sup>18</sup> Daxota paca tsipaebatsi. Pana necomocare po penainwan pewan oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexeiawewi pam tsane. Yawano pana necomocare po paparuan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Matautano pana necomocare pewawa tabotsinexa painya itamaiqueitha bapoxonae beta pataeneme. Apara xua jan: Pana newacare xua poxonae po coyene xua beta paca jantu coyene exanaeinchi xua jopa painya nexeiawewam tsane painya jantu coyeneintha, pocotsiwa xua abe, jan. <sup>19</sup> Pomona xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowande yawano icha jantu coyene paxeinare. <sup>20</sup> Pataema bo coibototha uncan yawa wawan. Icha pebin nejume tane yawa inta coibo sarana xorena bara joniyan yawa bara pana nabaan xanbe pia bothaxae. <sup>21</sup> Taxa jume cowanta ducunaebiyan xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tati tauncuatsi. Icha Taxa neichi baxua, barichin tsane pomonaetha pomona tana nejume cowantsiwi. Pomona nejume cowanta dubenanaebiyaena xua itoroban, xua beya yacui werapaeya othopaena, barapomona copatsin xua peenaenexa ichaxota imoxoyo pexeinya taequibithopeibiwa inta uncua. <sup>22</sup> Paxam pomona painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumo pe tanaxu tati paca tsipaeba, jei Nacom Pexanto', jande", nejei Jesús pon xua uncua.

**4**

*Meje yabara po diwesi xua xuan Juan tsita naitatatsi peitabocotha*

<sup>1</sup> Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya

ajumetsaca be poxonae xua oba po peobiwa pewn trompeta. Bapon Jesús nejei: “Anetha tsinande taxainya betsina. Catsita itútsinchi xua pocotsiwa bexa tsane exanaena”, nejei Jesús.

<sup>2</sup> Bapoxonae nama bichocono Nacom pia Pejumo pe tñaxu tatsi nejtũtũ yuca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiwa baxota. <sup>3</sup> Pon xua equiwa baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewn jaspe, yawa be pocotsi iboto pewn cornalina. Yawano matawacaicha matatsun uncueicatsi coinwawa. Barapo coinwawa bichocono sũjeya penta exana icha iboto ichi pocotsi iboto pewn esmeralda. <sup>4</sup> Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe. Barapo peenaethopeibiwantha ena pitiri jiwi xua mataũta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewn oro nain. <sup>5</sup> Barapo pexeinya peecaethopeibiwa weya be yamuxu busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumo pe tñaxu tatsi xeina siete po pexeinya jũtũ coyenebe. <sup>6</sup> Barapo peecaethopeibiwa peitabaratha ducua xua pocotsiwa penta pocotsiwa icha pin mene mar ichi xua mene itarana yawa icha bosibu muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asu. Barapo cuatro poyobe nantian itamaiquei dubena peitabara weyano yawa peyna wer-enano. <sup>7</sup> Barapo cuatro poyobe jiwana xua xuan asu, pon copiwa be neuthu itabara, iru ichun be vaca pebto itabara, iru ichun be jiton itabara, iru ichun be cotsara itabara, pon pepupunaen. <sup>8</sup> Barapo cuatro poyobe daxita barompaya xeina seis po cuarafeinbe. Matautano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueije Nacomtha pon xua eca barapo pia peecaethopeibiwatha, jeje:

“¡Xam pon bichocono nejtũtũ coyene xanepanaem,  
xua bapana jopa nexenaewa abe peexanaewa!

¡Xam pon jiwi Necanamataxeinaem!

¡Xam Nacom, pon neayapusu itorobi  
coyenewa xeiname!

¡Xam pon caena bayatha poponeibame xuano  
xua anoxuae poponeibame xuano xua bexa  
ataya tsitecaeya poponaename!”

jei barapo cuatro poyobe poxonae  
cueicueije Nacomtha.

<sup>9</sup> Pon xua pexeinya pia peecaethopeibiwatha eca, pon xua ataya popona, bapon wũnae jaintsi, barapo cuatro poyobe wũnae jainta. Baxua exana tsipei bapon pexeinya jũtũ coyene pexeinaen, matautano tsipei bapon ainya cui coyenewan peexanaen. Matautano bapon jeichichi: “Maisa pajũtũ coyene weiweinan pocotsiwan pata tana necatsix-aemxae”, jeichichi bapon. <sup>10</sup> Poxonae barapo cuatro poyobe wũnae jainta, bapoxonaeru pitiri jiwi xua veinticuatro poyobe xua barompaya pia peenaethopeibiwatha ena, barapomonae iru pentabocotha umena xua wũnae pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonae jeba pon ataya pepoponaen peitabaratha tatsi. Bapoxonae jeje:

<sup>11</sup> “Pata Tanecanamataxeinaem,

yawano xam pata Nacom.

Maisa wũnae xua paexana dubenanaebian  
ichamonaetha pata yabara cueicueijeinexa

jinya pexeinya jũtũ coyene yawa jinya

pexeinya ainya cui coyenewan, yawano

jinya neayapusu itorobi coyenewa.

Baxuan paexanan tsipei xam daxita forotame.

Tsipei xam neichichipaexae daxota baxuan

forotame”, jei barapo pitiri jiwi.

## 5

*Meje yabara po diwesi xua poxonae Juan tane Nacom pia diboro*

<sup>1</sup> Bapoxonae tan diboro pecobe weya, po cobe pecoxa weya xua pon xua eca peecaethopebiwatha. Barapo diboro quiyontsiya matuba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa.

<sup>2</sup> Yawano tan matatsunpin pon peitorobi coyenewa xeina. Yawano jume daunweya yainyaba jeye: “Jintam Nacom tsitatsi pon pejuntũ coyene xanepanaein pontha pon xua Nacom daxota copatsina xua barapo pecatsabiwa petsitsinaxubiwa tsane xua pepataxubiwa tsane barapo diboro?” jei bapon.

<sup>3</sup> Ichitha dapocotsin aibi pon itabocotha popona, irũ pon xua popona po irathe, irũ pon popona po ire peuma bereca. Tsipei dapon aibi pon bichocono pejuntũ coyene xanepanaein xua pontha pon Nacom copata xua peitacũpaewatsi xua pepataxubiwa tsane yawa xua peyorobiwa tsane barapo diboro.

<sup>4</sup> Bapoxonae bichocono wecoyan tsipei dapon aibi pon xua bichocono pejuntũ coyene xeicaein xua pon itacũpatsi pepataxubiwa tsane yawa xua peyorobiwa tsane barapo diboro.

<sup>5</sup> Bapoxonae caein barapo pitiri jiwi, nejei: “Jopa equeicha wecoyande. Tsipei pon uncua pon wũn dutatsi: ‘León’, jei xua po wũn jei: ‘neutha’, jei bapontha Nacom copata xua exana baxua tsipei pia peayapusũ itorobiwa canamataxeina. Aparã bapon Judã piãmonae jiwi jiwana tatsi, pon Judã caena bayatha tũpa. Barichi bapon apara David pia pemomoxi susato jiwana tatsi, pon David Judea nacuapiwi itorobiya pia peã peewatsinchi caena bayatha. Saya meisa bapontha Nacom copata xua itacũpatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asũ poxonae tũpa naetotha”, jei pitirin.

<sup>6</sup> Bapoxonae tan Cordero xua oveja pebto penãn, pon uncua Nacom pia pexeinya peecaethopebiwatha peitabaratha tatsi yawa xua barapo cuatro poyobe peitabaratha tatsi xua xuan asũ, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina mataũtano siete pontetobe xeina. Barapo siete itamaiqueitobe yabara caunuta siete po pexeinya juntũ coyenebe xua Nacom pia Pejumope tũnaxũ tatsi xeina. Nacom najumope itoroba daxita irantha.

<sup>7</sup> Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopebiwatha. <sup>8</sup> Poxonae Cordero pita barapo diboro, bapoxonae barapo veinticuatro pitiri jiwi, irũ cuatro poyobe xua xuan asũ daxita barapomonae pentabocotha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petaũnbabiwan pocotsiwan pewũn arpa. Yawano barompaya xeina pocotsiwan pecaapaewãn xua pocotsiwan pewũn oro nain. Yawa barapo pecaapaewixitha wũnba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewũcaewa Nacomtha pomonae xua Nacom piãmonae, pomonae pia peantobewichi tatsi.

<sup>9</sup> Barapomonae pena wei naxũna, jeye:

“Xam maisa pon bichocono nejuntũ coyene xanepanaein xua netsitsinaxubiwa barapo siete xoyobe xua catsataba barapo diboro.

Tsipei bayatha pana netsitãpame poxonae painta pentoma exaname pata naexanaenexa tsane Nacom piãmonae tatsi.

Yawano jiwana itapetame, pomonae tsicamonaexi xua daxita carepaya tsicamonaexitha xua necajume cowũntsiwa tsane.

Mataũtano jiwana itapetame daxita i dapomonae, pomonae barompaya icha jume penatsipaebiwa.

Mataũtano daxita carepaya tomarãpiwi jiwana itapetame.

Mataũtano daxita carepaya nacuanpiwi jiwana itapetame.

<sup>10</sup> Pana necana exaname be pomonae jiwi itorobiya pia peã peewatsiwichi tatsi pan.

Yawa pana exanamento be pomonae sacerdotemonaepiwi pan xua Nacom pata tanacuichinexa.

Yawano pana exaname pata itorobiya ewatsinexa po cae pin nacuathepiwi”, jei barapomonae poxonae naxũna.

<sup>11</sup> Bapoxonae necotan, yawan jume tan xua bichocono pinmonae juinya pomonae Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua juinya matawacaicha umeinchi barapo cuatro poyobe xua xuan asu. Pomonae jume tan bichocono ayei jiwi casujei. <sup>12</sup> Bapoxonae barapomonae bichocono jume daunweya paeba, jeye:

“¡Cordero, po Cordero bayatha jiwi tsibexotsi  
abe pia peexanae coyenewan tatsi,  
maisa barapo Cordero Nacom tsita  
juntu coyene xanepanatsi!  
Daxota Nacom copata xua bapon xeina  
pia peayapusu itorobi coyenewa.  
Matautano Nacom copata xua bapon xeina  
daxita pocotsiwan xua Nacom xeina.  
Yawano xeina pia peyaputae coyenewan.  
Yawano xeina pia peayapusuwa xua  
daunweya peexanaewa.  
Matautano jiwi bewa baru cui  
itura jinaena barapon pon Cordero.  
Matautano jiwi bewa wunaenae jainchina  
barapon pon Cordero.  
Matautano jiwi bewa beta exanae juntu  
coyene weiweina peexanaenexatsi bapon xua  
petsitupaexae jiwi abe pia peexanae cuiru  
coyenein tatsi”, jei barapo matatsunpiwi.

<sup>13</sup> Yawano equeicha jume tan daxita pomonae caena bayatha Nacom forota: pomonae peitabocotha forotatsi, irano pomonae po cae pin nacuathe forotatsi, irano pomonae po ire peuma wetsina forotatsi. Yawano jume tan xua pocotsiwan pin mene mar mentha jinompa. Daxita baxuan carepaya Nacom forota. Jume tan xua jeye:

“Xam Nacom, pon ecame jinya pexeinya  
neecaethopeibiwatha irano xam Corderom,  
barabu ataya juntu coyene weiweina  
paca exanaenabe xua jiwi juntu coyene  
weiweina paca exanaenabe xua  
pocotsiwa painya neexanaexaebe.  
Barabu daxita jiwi paca baru cui  
itura jineibinabe.  
Yawano barabu daxita jiwi wunaenae  
paca jainteibinabe.  
Yawano barabu paxeineibinamebe peayapusuwa  
xua daunweya painya neexaneibiwabe.  
Daxita barapo coyenein ataya tsitecaeya  
paxeineibinamebe”, jei daxita  
barapomonae, pomonae Nacom forota.

<sup>14</sup> Barapo cuatro poyobe xua xuan asu, jeye: “¡Bara bara, bara baxua exanaena!” jei. Pitiri jiwi, pomonae veinticuatro poyobe, pentabocotha umena, xua Nacom wunaenae pejainchinexatsi, pon ataya tsitecaeya popona.

## 6

*Meje yabara po diwesi xua siete xoyobe xua xuan pecatsababawan*

<sup>1</sup> Bapoxonae tan poxonae Cordero tsitsinaxuba caewa xua catsataba. Bapoxonae caein jiwana pomonae cuatro poyobe xua xuan asu jume tan xua daunweya paeba xua be yamuxu busi, nejei: “¡Anetha, taema!” jei. <sup>2</sup> Bapoxonae tan cawayu pemainyan. Pon cawayutha equeica, bapon bicheibi caequeica. Bapon pexeinya tepa catatsi penamata xatatsinexa. Bapon cawayutha ponataba xua beta penabinexa. Bapon amanayaba pia peaitafaetabiwichi.

<sup>3</sup> Poxonae Cordero equeicha tsitsinaxuba icha pecatsatabiwa, bapoxonae barapo cuatro poyobe jiwana xua xuan asu jume tan, nejei: “¡Anetha, taema!” jei. <sup>4</sup> Equeicha patopa ichan cawayu petsobian. Pon tsijuma equeica, bapon catatsi peayapusu itorobi coyenewa xua jiwi pejuntu coyene wepuxana exanaenexatsi po coyene xua junteima pejinompaewa. Yawano peexanaenexa xua pebiwi penajutebinexa. Matautano bapon pin dejona catatsi.



<sup>5</sup> Poxonae Cordero equeicha tsitsinaxuba icha pecatsatabiwa, bapoxonae equeicha barapo cuatro poyobe jiwana xua xuan asu jume tan, nejai: “¡Anetha, taema!” jei. Equeicha cawayu tan petsaebian. Pon tsijuma equeica, bapon comaequeica pocotsiwa pepesabiwa.

<sup>6</sup> Bapoxonae barapo cuatro poyobe pia xantha jume tan xua nejai: “Saya cae kilo trigo xu cae denario nantomatsina, pocotsi paratixi xua nantomata caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

<sup>7</sup> Barapoxonae barapo cuatro poyobe xua opi ducuanaya jume tan yawa nejai: “¡Anetha, taema!” jei. <sup>8</sup> Bapoxonae cawayu ichan tan pon na daena. Pon tsijuma equeica wan dutatsi: “Pon Petapaein”, jei. Barapo cawayu peputha tapoinchi ichan cawayu. Pon tsijuma equeica wan dutatsi: “Petapaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinexabe poxonae cuatro poyobe necotabe pomonae po cae pin nacuathe jinompe, yawano xua pejutebinexabe poxonae jiwi naba, yawano pejutebinexabe poxonae jiwi piyain poroxu pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

<sup>9</sup> Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae.

<sup>10</sup> Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejantu coyene xeicaem. Xam ponxaem pocotsiwan yabara tsiwunae muxu dubame baxuan xaniwaicha exaname. ¿Eta poxonae exanaename xua poxonae jiwi yabara paebiname xua penatsicuentisiwa xua abe peexanaexae, xuanu xua pana yantomatsiname xua nejutebinexa pomonae jinompa po cae pin nacuathe copiya pata tana nejutebixae?” jei barapomonae. <sup>11</sup> Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Abu cataunxuae paeware beya poxonae yacui opi ducuiya weraweracaena xua cataunxuae jujutebaponaeinchi pomonae iru Cristo pejume cowantsiwi. Barapomonae jujutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

<sup>12</sup> Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsoبيا tsanaya icha pejana ichi.

<sup>13</sup> Opitei xua peitabocotha dubena othoheica po irathe tsique, icha be joibo ichi xua jubaba higuera nae xua pethei othoheica. <sup>14</sup> Peitaboco aichurucuae icha be poxonae ichan ichi xua poxonae mata quyontaba papera. Matautano demxuwan, petunaetonno equeicha ichawa bepoinya poxonae ira jijiyata. <sup>15</sup> Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Iru pomonae pentacaponaewi iru pomonae copei pexeinaewi, iru pomonae soldadomonae pia pentacaponaewi xua pomonae jiwi peamanayabeibi jiwi daxita barapomonae nantsiyaba. Daxitaru pomonae pebusi cui tatayebeibiwichi iru pomonae xua saya penata exanaewi piawan nantsiyabaru. Ichamonae barapomonae jiwana ibo mathantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuwan itapatororon tsica. <sup>16</sup> Barapomonae demxuwan beya yawa iboton beya jeye: “Pana matorababare xua pata werapaewa tsane xua daxota pon xua eca pia pex-einya peecaethopeibiwitha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae. <sup>17</sup> Tsipei barapo matabi patopa po mataqueitha daxita jiwi peraxa jubebinchi. Dapon aibi pon panepa barapo mataqueitha”, jei pomonae nantsiyaba.

## 7

*Meje yabara po diwesi xua Nacom itapa tina Israel pia pexui tatsi pia pemomoxi susato jiwana piwi tatsi xua peyaitaenexa*

<sup>1</sup> Bapoxonae cuatro poyobe tan matatsunpiwi xua iratha umena. Ichun uncuca ichaxota pocotsiwa xometo weecoina, ichun uncuca ichaxota pocotsiwa xometo bejopiya, ichanbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. <sup>2</sup> Barichi ichun tan ichun matatsunpin pon pocotsiwa wetsina pona ichaxota pocotsiwa xometo

weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peyapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peyapusu itorobi coyenewa xeina xua itacupaetsi xua abe exanaena pin mene mar mentha yawa iratha. <sup>3</sup> Barapo matatsunpin jeye: “Jopa abe paexanaeinde iratha yawa pin mene mar mentha, paeware abu beya poxona jiji paitapa tinaein Nacom pia pejume cowantsiwichi, pon pata Nacom”, jei barapo matatsunpin.

<sup>4</sup> Jume tan barapomonaе yabara, xua ichan jeye: “Ciento cuarenta y cuatro po jiwimonaеbe paitapa tinan xua Israel pia pemomoxi susatomonaе jiwana tatsi”, jei. <sup>5</sup> Barapo Israel pon icha wan Jacob. Bapon xeina doce po pexantobe tatsi pomonaе caena bayatha werapa. Israel pia pexanton tatsi pia pemomoxi susato jiji tatsi xeina. Pon Judá, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Rubén, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Gad, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. <sup>6</sup> Pon Aser, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Neftalí, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Manasés, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. <sup>7</sup> Pon Simeón, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Leví, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Isacar, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. <sup>8</sup> Pon Zabulón, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon José, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Benjamín, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe.

*Meje yabara po diwesi xua pomonaе juma xatabatsi pemainya paparuwan*

<sup>9</sup> Bapoxonaе equeicha tan ichamonaе pomonaе bichocono jiji ayei. Daxita nacuanpiwi jiwana monaе, yawano daxita carepaya tsicamonaеxi jiwana monaе, yawano daxita carepaya icha jumexitha pepaеbiwi jiwana monaе, yawano daxita carepaya tomaran jiwana monaе. Daxita barapomonaе umena ichaxota imoxoyo Nacom pia pexeinya peecaethopeiwi, yawa xua Cordero peitabaratha tatsi. Barapomonaе bichocono pin bicheito xua ichamonaе jopa itacupaetsi peununaewa. Daxita barapomonaе juma xatabatsi pemainya paparuwan. Yawano barapomonaе pecobetha cajjinca xua be coichaxu axu. <sup>10</sup> Daxita barapomonaе jume daunweya jeye:

“¡Wanacom pon xua eca pia pexeinya peecaethopeiwiwatha yawano Cordero pon uncuа, naca capanepa xua jopa waatenewa tsane xua abe waexanaexae!” jei barapomonaе.

<sup>11</sup> Barapo matatsunpiwi matawacaicha yatoxoroto umena xua pitiri jiji matawacaicha yatoxoroto umeinchi. Yawa pitiri jiji matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeiwi matawacaicha yatoxoyoroto umeinchi. Bapoxonaе barapo matatsunpiwi irabe taemendeca barapo pexeinya peecaethopeiwi peitabaratha. Yawano Nacom wanae jaintatsi. <sup>12</sup> Barapo matatsunpiwi jeye:

“¡Barabu Nacom juntu coyene weiweina exaneibatsi pocotsiwa xua beta waexanaewa!  
¡Bara ichi tsane!  
¡Barabu daxita jiji wanae jainteibina Nacom!  
¡Matautano barabu Nacom xeineibina pia peyaputae coyenewa!  
¡Matautano barabu jiji jei tsaibi:  
‘Nacom maisa pajuntu coyene weiweinan xua amanaya pata tana neyawenaemxae’,  
jei tsaibi jiji!  
¡Barabu daxita jiji cayabara baru cui itura jineibina!  
¡Matautano barabu xeineibiname jinya neyapusu”

itorobi coyenewa, xuano xua xeinaename jinya  
neayarusuwa xua daunweya neexanae coyene!

¡Baxuan barabũ ataya xeinaename!

¡Je bara ichi tsane!” jei barapo matatsunpiwi.

<sup>13</sup> Barapo pitiri jiwu jiwana caein neyainyaba, nejei: “¿Jintam barure pomonae pemainya paparuwa nama xataba? ¿Eta werena pona?” nejei pitirin. <sup>14</sup> Jume notan, janje: “¡Pon pentacaponaem, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwu bichocono atene exaneibatsi. Barapomonae abe pia peexanae coyenewan tatsi Nacom tajantemaina, tsipei barapomonae jume cowantatsi xua pon tsitupa barapomonae, pon ‘Cordero’ baraichichi. Barapomonae juntu coyene wũnae exanatsi Nacom. Yawa pemainya paparuwa jume xatabatsi”, nejei pitirin.

<sup>15</sup> Equeicha nejei pitirin:

“Daxota barapomonae umena ichaxota imoxoyo

Nacom pia pexeinya peecaethopeibiwa.

Barapomonae tanacuita dubenanaebiya Nacom

mataqueitha, yawa merawithano Nacom pia

pin botha tatsi xua pia nacuatheicha tatsi.

Pon xua eca pia pexeinya

peecaethopeiwatha bapon eenequeibina

barapomonae, tsipei barũ popona.

<sup>16</sup> Bapoxonae barapomonae jopa piyainyo,

yawa jopa pia meratsino,

yawa jopa tsaquiwichi xometotha

xua bichocono jainchi.

<sup>17</sup> Barapo coyene jopa abe exanaeyo

barapomonaetha, tsipei Cordero Nacom

Pexanto tatsi, pon uncua ichaxota

imoxoyo Nacom pia pexeinya

peecaethopeiwatha, bapon yawena

xua barapomonae yawenatsi.

Barapon Cordero barapomonae beta yapu

eenaeinchi, icha be poxonae

pon ovejan peewatsin ichi

poxonae pia ovejan matacapona beta

ichaxota penaton mene, po meran

mene xeica, xua peasuwa tsane.

Bapoxonae barapomonae Nacom itacuere

mene tsewa exanaena xua pewecoyeixa”,

nejei pitirin.

## 8

*Meje yabara po diwesi xua siete po pecatsabiwa xua tabũ ducua*

<sup>1</sup> Poxonae Cordero tsitsinaxuba siete po cuiyobetha xua barapo diboro catsataba, bapoxonae peitaboco moya ducua saya be ainya dapaeyobe. <sup>2</sup> Bapoxonae tan siete poyobe matatsunpiwi, pomonae xua umena Nacom peitabaratha tatsi. Barapo matatsunpiwi daxita barompaya catsibatsi siete xoyobe xua pocotsiwan pecaobiwan, po pecaobiwan pewan trompeta. <sup>3</sup> Bapoxonae pirapaeyo patopa ichun matatsunpin. Barapo matatsunpin capatopa xua be coroto xua pocotsiwa oro nain coroto. Barapo oro nain corototha boca petuxuei tsapato xua petautsinexa Nacom nexa. Barapoxonae barapo matatsunpin yutabotsiya tautabota xua ichaxota pocotsiwa be pexaethopaewa, bichocono tuxuei tsurucuae. Barapo matatsunpin uncua ichaxota pocotsiwa be pexaethopaewa ichaxota tauteiba petuxueiwan, po petuxueiwan xua tuxusi exaneiba Nacom nexa. Bapoxonae barapo matatsunpin catatsi nawita xua petuxueiwan. Pomonae Nacom peantobewix-aetsi poxonae tsipaebiwa Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pexeinya peecaethopaewa itabaratha tatsi uncua. <sup>4</sup> Barapo petuxuei tuxusi mureiwa matatsunpin pia maxu wetajujuinyatsi Nacom peitabara beya yawa athabe muxuna jujuinya pejume, po jume xua jiwu poxonae tsipaeba Nacom. <sup>5</sup> Bapoxonae barapo matatsunpin barapo oro nain coroto pita, yawa barapo corototha bichocono wunca exana iso itere, po itereton xua taxua barapo petuxusi

exanathopeibiwatha. Bapoxonae daxita baxua po irathe xuba, bapoxonae уаmыxи busi, yawa jerajerei, yawa ira jijiyatano po cae pin nacuatha tsique.

*Meje yabara po diwesi xua trompeta xua pecaobiwan*

<sup>6</sup> Barapo siete poyobe matatsunpiwi daxita barompaya nacui w̄naeta pia trompetan xua peobinexa.

<sup>7</sup> Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

<sup>8</sup> Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo. <sup>9</sup> Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

<sup>10</sup> Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira б̄х̄р̄п̄аnа mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira б̄х̄р̄п̄аnа mentha. Icha ira б̄х̄р̄п̄аnа menthabe jopa daichiyo. <sup>11</sup> Barapo pin opiteito w̄n dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

<sup>12</sup> Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya penta tsurubenaeyo. Yawano jomocoichato muxunenepa, po muxunenepa abe exanatsi, jopa penta tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya penta tsurucuaeyo. Daxota mataqueitha tsiwiyo quiriquirica, yawa merawi bichocono nama.

<sup>13</sup> Bapoxonae pirapaeyo tan matatsunpin pon be cuiyausi xua juinya pupuna ducua-naebiyā itabocotha. Bapon jume daunweya jeye: “iPai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

## 9

<sup>1</sup> Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itac̄p̄atsi xua pecoibo saranaxubiwa tsane barapo pin m̄th̄n̄ deca xua ira bereca. <sup>2</sup> Bapoxonae bapon coibo saranaxuba. Barapo m̄th̄n̄ coiboto tsina be pin ts̄x̄n̄ jujuina, po ts̄x̄n̄ icha pabi coicha ts̄x̄n̄ ichi poxonae pin pabi. Barapo ts̄x̄n̄ po irathe naquitaba exana yawa xometo naquitaba exanano. <sup>3</sup> Barapo ts̄x̄n̄ weya pupuna sure, xua daxita irantha pupuna. Barapo sure catatsi, pocotsi coyene icha p̄to ichi xua poxonae naca cawata. <sup>4</sup> Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo. <sup>5</sup> Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyoabe tsane. Barapo peatenewa bichocono atene icha be poxonae ichi xua poxonae ichan cawatatsi p̄to.

<sup>6</sup> Barapo mataqueitha, po mataqueitha jiwi bichocono atene tsane, cuinaya bewera-pabenaena ichitha jopa cuinaya werapabena tsane.

<sup>7</sup> Sure be cawayumonaein nacui w̄naeta xua penabinexa. Barapo suremonaein mataina pocotsiwan be tepan be pocotsiwan penainton xuan pew̄n oro nain. Matauta peitabaran be jiwi itabaran. <sup>8</sup> Pentanan bichocono antanapiyiya be yab̄xi, pewanon

awanoyei be neutha wanon. <sup>9</sup> Pia pepon tsebocon dubena be penain xuan baxota penayae-watsinexa, po penain pewan hierro nain matawan. Pecuarafein busin be cawayu busin poxonae cawayu cacuinaejijinca ainya naein xua cawayu pecaponae naexi xua penabiwa tsane. <sup>10</sup> Pebosoton be pnton bosoton xua e dubena. Pia pebosotontha itacupatsi xua abe peexanaewa jiwitha xua beya poxonae cinco po xometobe. <sup>11</sup> Barapo suremonaein xeina pia pentacaponaein, po pentacaponaein peewatsin barapo pia pin mathu, po mathu ira bemathu taerucuaera. Barapo matatsunpin pon suremonaein pia pentacaponaein tatsi hebreo jume wantha "Abadón", jei. Seicaya griego jume wantha "Apolión", jei. Barapo jume wantha jeye: "Pon Pecaewitaxubin daxita", jei.

<sup>12</sup> Baxua weta xua copiya abe peexanaewan, ichitha awiya seica ainya peabe coyenewabe.

<sup>13</sup> Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijeji cuatro po pentetobe weya. Barapo cuatro po pentetobe umena pemaxubaruha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua. <sup>14</sup> Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: "Barapo cuatro poyobe matatsunpiwi pomonae maxu cubebatsi maxu isacapende xua pomonae umena ichaxota po mene pin mene, po mene pewan Eufrates", jei. <sup>15</sup> Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui wanaetatsi xua po horathe nexa, yawa xua po matacabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi. <sup>16</sup> Jume tan xua pia soldadomonae yabara paeba xua pomonae bichocono ayei xainto bicheiton, jeye: "Bapon doscientos millones xeina po soldadomonae cawayutha pona", jei.

<sup>17</sup> Xua xuan tan cawayumonaen iche: Pomonae cawayutha eneica pentacaritha cajiinca penain bocoton, petsobiwanno, yawa pesujeiwanno, yawa pedaedaenawanno. Barapo cawayumonaen peitabaran be neutha itabaran. Barapo cawayumonaen pecoiboton tsina iso itereton tajujinatsi xua tsuxu tsobia, yawano icha tsuxuno xua coicha sujei. Yawano icha coicha po tsuxu coicha daena. <sup>18</sup> Pin bicheitomonae werapa tsipei barapo cawayumonaen pecoiboton tsina tajujinatsi iso itere, petsuxuno xua sujei, yawa icha tsuxu po coicha bichocono coicha daena. Dos po bicheito cuntiyobe jopa daichiyo. <sup>19</sup> Barapo cawayumonaen pecoiboton tajujinatsi pia peayapuswan tatsi yawano pebosoton tsinano. Barapo cawayumonaen bosoton be jomon matanaen. Barapo jomo matanaenitha jiwi abe exainchi.

<sup>20</sup> Ichitha ichamonae pomonae jopa werapaeyo barapo pewerapaewantha, barapomonae jopa pentsiyo abe pia peexanae coyenewan. Matautano jopa barapentsiyo xua antobeya wnae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronce nainto nacom. Yawano wnae jainta ibo nacom. Yawano wnae jainta nae nacom. Barapo nacomnmonae jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa. <sup>21</sup> Matautano jopa barapentsiyo xua ichamonae pejutebiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

## 10

### *Meje yabara po diwesi xua matatsunpin capona tsica dibiriyo*

<sup>1</sup> Xan ponxaein Juan, bapoxonae equeicha tan icha matatsunpin pon bichocono peayapusun xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncueicatsi coinwawa. Peitabara bichocono itabara penta icha xometo ichi poxonae penta. Yawa pesitobe be isoto coicha xua bichocono coicha tsobia. <sup>2</sup> Tsica dibiriyo pecobetha capona xua itataduta. Po sito xua pecoxa weya pin mar mentha uncua, yawa po sito petsocona werena iratha uncua. <sup>3</sup> Bapoxonae bapon jume daunweya wawai be poxonae neutha jume daunweya fiba. Poxonae bapon wawai, bapoxonae jume tan xua be jurujurei yamuxu siete po jumeyobe xua paeba. <sup>4</sup> Poxonae baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: "Моя явүн кейнаре ява жоп тинаеинде хуа баропо siete jumeyobe xua be jurujurei yamuxu", nejei.

<sup>5</sup> Bapoxonae barapo matatsunpin pon xua po sito pecoxa weya uncuu pin mar mentha yawa xua po sito petsocona weya uncuu iratha, bapon namaxu yoicha peitaboco beicha po maxu xua pecoxa weya. <sup>6</sup> Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwuna muXu dutan: ‘Equeicha daxua aibi xua peewatsiwa’, jan”, jei matatsunpin. <sup>7</sup> Equeicha barapo matatsunpin jeye: “Poxonae matakabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jutsina xua daxita wetsina. Nacom wetsina xuan pocotsiwan caena bayatha Nacom yabara tsiwuna muXu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwuna muXu duta, baxuan jiwi jopa yaputaeyo poroxu jopa Nacom yatsicaewa tsita itutsiyo jiwitha”, jei barapo matatsunpin.

<sup>8</sup> Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncuu pin mar mentha, yawa uncuu iratha po sito petsocona weya”, nejei. <sup>9</sup> Bapoxonae matatsunpin beya ponan yawa wucan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

<sup>10</sup> Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya. <sup>11</sup> Bapoxonae netsipaeba, nejei: “Xam bewa equeicha yabara tsiwuna muXu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

## 11

*Meje yabara po diwesi xua dos ponbe, ponbe yatsicaewa Nacom pia petapaebinchibe xua petaxaebe pocotsiwa Nacom exana*

<sup>1</sup> Bapoxonae necata naeto pocotsiwa xua peepa canaabiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaebare. Yawano epa canaebare xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wuna jaintatsi, pomonae yatsicaewa Nacom peantobewichi. <sup>2</sup> Ichitha jopa pana epa canaebinde, po pana pesato beya boca ichaxota Nacom pia pepa pin pia bo tatsi uncuu. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. <sup>3</sup> Xan itorobin dos poyobe, ponbe xua inta yatsicaewa paebinabe xua petaxaebe xua pocotsiwa exanan. Baponbe inta yabara tsiwuna muXu dutsiya paebinabe jiwitha xua beya un mil doscientos sesenta po matakabinbetha tsane. Baponbe jume xatatsinbe pocotsi paparuwa xua axan, xua jiwi nama xatabeiba poroxu wecoyeyi”, nejei matatsunpin xua Nacom tapaebatsi.

<sup>4</sup> Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewan Zacarias yabara tina olivo naebe, yawa yabara tina ainyawabe pocotsiwa petabayubeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabayubeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi. <sup>5</sup> Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peaitafaetabiwichi jiwitha. Barichi werapaena pomonae ichichipa xua baponbe abe peexanaewatsibe. <sup>6</sup> Baraponbe xeinabe pia peitorobi coyenewa xua itacupatsibe peitaboco acatsiwa tsanebe xua jopa ema peruneicaewa tsane. Baxua itacupatsibe xua exanabe poxonae baponbe po matakabitha cataunxuae Nacom tapaebi ducunaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe.

Matautano baponbe itacupatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

<sup>7</sup> Poxonae baponbe nacui wetsinabe xua tapaeba ducuaanaebiyabe xua Nacom tapaeba ducuaanaebiyatsibe, bapoxonae juinaena po mathu pin mathu tsina pon ayei pon bichocono abe peexanaein. Baraponbe be xua butsibe natsicotainchi yawa amanayabinchibe xua tupa peexanaenexatsibe. <sup>8</sup> Petupaeinbe saya pesatotha bocaenabe tomara namtotha, po pepa tomaratha ichaxota matha naetotha tupa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi aparta be ‘Sodoma tomarapiwi’, jei, yawa barichi be ‘Egipto nacuaapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa iru Egipto nacuaamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana. <sup>9</sup> Daxita pomonae tomarapiwi jiwana, irano tscamonaeyo jiwana, irano pomonae barompaya icha jumexitha pecueicueijeji jiwi jiwana, irano daxita pomonae nacuanpiwi jiwana, daxita barapo jiwimonae taenumaena barapo petupaeinbe. Baponbe petupaeinbe bocaenabe acoibi po matacabibe yawa xua equeicha bara caetono. Daxita barapomonae pomonae taenumaena, jopa copatsi tsane xua ichamonae bara petupaeinbe pemathu xubiwa tsainchibe. <sup>10</sup> Pomonae xua jinompaena po irathe junte miya jinompaena xua petupaexaebe baponbe. Daxota daxita barapomonae juntu coyene weiweinaena, yawano daxota barapomonae nantiya nacatsibina pocotsiwan amanaya penacatsibiwan. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

<sup>11</sup> Ichitha poxonae yapu caewinaba acoibi po matacabibe yawa xua equeicha bara caeto bocaenabe, bapoxonae equeicha Nacom asu exanaenabe. Bapoxonae asiya uncuaenabe. Daxita pomonae xua poxonae baponbe taenachibe, bichocono junuwina. <sup>12</sup> Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara werajuinamebe!” jei tsainchibe. Bapoxonae baponbe itaboco beicha juinyaenabe tsquinaebowatha yawa pu taenumaenachibe pia peaitafaetabi jiwichi. <sup>13</sup> Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wanae jainchinchinchi, po Nacom itaboco beequiya.

<sup>14</sup> Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

*Meje yabara po diwesi poxonae xua matatsunpin xua pon siete poyobetha oba pia trompeta*

<sup>15</sup> Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi  
barapo cae pin nacuathe, anoxuae barapo peitorobi  
coyewana Nacom pon Wanacanamataxeinaein  
piawa irano Mesías pon Nacom pia  
peitorobarecaein, bapon piawa tatsi.  
Baponbe daxita jiwi itorobiya ewatsinchi  
barapo cae pin nacuathe xua ataya tsane”,  
jei pomonae xua itabocotha jume  
daunweya wawai.

<sup>16</sup> Bapoxonae tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopebiwatha, Nacom peitabaratha tatsi. Barapo pitiri jiwi pentabocotha irabe taenumendeca xua Nacom wanae pejainchinxatsi. <sup>17</sup> Barapo pitiri jiwi jeye Nacomtha:

“Xam pata Nacom, ponxaem jiwi  
Necanamataxeinaem pajuntu coyene  
weiweinan xua pocotsiwa painta neexanaexae.  
Xam barapo pata Nacom, pon  
neayapusu itorobi coyenewantha neexanaein.  
Xam pon anoxuae ataya poponeibiname yawa  
xua caena bayatha ataya poponeibameno,  
yawano xua bexa tsane ataya poponeibinameno.

Tsipei anoxuae po mataqueithe nama tamropata  
pitabame jinya neayapusu itorobi coyenewa  
xua tsita itutame xua poxonae daxita  
carepaya nacuanpiwi itorobiname.

<sup>18</sup> Daxita nacuanpiwi cacaseba, ichitha  
anoxuae matacabi patopa, po mataqueitha  
bichocono anaya atene exanaename  
barapomonaе abe peexanaexae.

Yawano barapo mataqueitha daxita jiwi  
yabara paebiname xua  
penatsicuentisiwa pomonaе xua wunaе  
peexanaewi iru pomonaе xua abe peexanaewi.  
Daxita barapomonaе bayatha werapa.  
Barapo mataqueitha iru pomonaе xua cata  
nacuuta, pomonaе jinya neitorobi jume pepaebiwi,  
iru pomonaе xua pejuntu coyene xanepanaewi,  
barapomonaе matabuxumonaеbe catsibiname  
pocotsiwan xua bayatha juntana jebame  
xua nematomatsiwan.

Barichi catsibiname pomonaetha pomonaе jopa  
judiomonaе naexanaeyo pomonaе bequein bara  
ichamonaе saya pecui pawimonaе, matautano  
bequein bara ichamonaе peainya cui jiwimonaе.  
Ichitha xam saya bara catsita najupa.

Matautano barapo mataqueitha daxita omeicha  
atene exanaename pomonaе abe peexanaewi  
barapo cae pin nacuathe”,  
jei barapo pitiri jiwi.

<sup>19</sup> Bapoxonaе Nacom pin pia bo tatsi nacoibo saranaxuba xua itabocotheicha. Barapo Nacom pin pia botha jiwi tane pocotsiwa xua ichawa yanta xatatababota xua be caja. Barapo cajatha boca Nacom petinae diwesi, pocotsiwa xua Nacom yabara tsiwunaе muxu duta pomonaetha pomonaе pia petanacuichiwichi pocotsiwa bexa Nacom taexanaena xua barapomonaе taexanaeинchi. Bapoxonaе yamuxu busi xua be jurujurei yawa jerajerei. Matautano ira jijiyata, yawano nawita othopeica xua dederawa, pocotsiwan benata poxonaе po eman ichaxota bichocono aque.

## 12

*Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya*

<sup>1</sup> Bapoxonaе itabocotha naituta xua pocotsiwa bexa exanaena po cae pin nacuathe tsique. Tan petsiriwa powa nama xatata po paparua bichocono wunaе, icha be xometo ichi poxonaе penta. Bapowa nataxu yatuncua jomocoichatho. Barapowa mataina tepa, po tepatha doce xoyobe xeina opitei. <sup>2</sup> Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo. <sup>3</sup> Bapoxonaе itabocotha equeicha naituta ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsohia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan. <sup>4</sup> Pebosototha ira bereca bebaireca opitei. Ichaxota acobi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabayo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonaе naexanaena. <sup>5</sup> Barapo petsiriwa tanaexanatsi pexuyo pebin wato. Barapo pexuyo, po pexuyo poxonaе wichaba itorobiya ewata pomonaе jinompa po cae pin irathe xua daxita carepaya nacuantha. Bapon daunweya beta ewata barapomonaе icha pon oveja peewatsin ichi xua poxonaе daunweya beta ewata ovejan. Bapon exana baxua naewa xua be naebarupato. Poxonaе barapo pexuyo naexana, pitatsi yawa capoinchi Nacom pia pexeinya peecaethopaewatha beicha. <sup>6</sup> Bapoxonaе barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwunaeta xua pia ira nexa yawa xua bapowa pexaewa peapatsinexatsi mil docioment sesenta matacabibetha.



<sup>7</sup> Bapoxonae itabocotha matatsunpiwi naba. Matatsunpin pon pewan Miguel, bapon matacapona pia matatsunpiwi. Iraru pon be Joyoinya, bapon pia matatsunpiwi matacapona. Daxita barapo bicheito nantiya naba. <sup>8</sup> Ichitha pon be Joyoinya iru pia matatsunpiwi tatsi jopa cui jupaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi. <sup>9</sup> Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wan pewan Satanás. Bapon pon jiwí pemuxujainyabeibin pomonaetha pomonae jinompa daxita po cae pin irathe tsique.

<sup>10</sup> Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamataxeinaexa. Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique. Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin. Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha, pomonae jume cowanta Nacom, abeya muxujainyabeibatsi merawitha yawa mataqueithano xua Nacom peitatha tatsi.

<sup>11</sup> Wajiwimonae pomonae iru xua pejume cowantsiwi Nacom, barapomonae amanayaba bapontha pejume cowantsixae xua Mesías tsitupa barapomonae.

Bapon pon Cordero, xua pon oveja pebto penan. Yawano amanayaba bapomonae tsipei Mesías yabara paeba dubenanaebiyatsi pocotsiwa bapon barapomonae taexainchi.

Barapomonae amanayaba, tsipei najei: ‘Bequein bapon pon be Joyoinya ichichipa naca juteba ichitha jopa junuwichi xua werapaeinchi. Awiya jume cowanta dubenanaebiyaeinchi Nacom’, najei.

<sup>12</sup> ¡Pajuntu coyene weiweinare pomonae

itabocotha painya nejinompaexae!

¡Daichitha tsobenae pomonae jinompa

po cae pin nacuathe deque, yawano

xua xuan pin mar mentha jinompa,

tsipei Satanás bara bereca

bichocono anaepanaya patopareca!

Bapon Satanás yaputane xua jopa

bayatha tsaiibi tsane poxonae abe

exaneibina po cae pin nacuathe deque”, jei.

<sup>13</sup> Poxonae barapon pon be Joyoinya, pon Satanás itawetsicatsi po cae pin irathe tsique, bapoxonae yabuyo barainatsi, powa xua bayatha pexuyo exana pebin wato. <sup>14</sup> Ichitha Nacom, barapowa pecuarafe catatsi, ainya cuarafebe xua cuiyausi piawan. Daxota Nacom cata xua bapowa taju beya pepupunaenexa ichaxota po ira beya xua Nacom bayatha tsiwanaeta, xua pepupunaenexa pon be Joyoinya weya. Barapowa pupuna barapo ira xuepana susato tsurucuae nacua beya. Nacom apata bapowatha pexaewa tres po weibetha yawa xua seis po cometobetha. <sup>15</sup> Bapon pon be Joyoinya pecoiboto tsina mene sutaba xua peawubonexa xua bapowa pemonoxubinexa tsainchi awubotha. <sup>16</sup> Ichitha ira bapowa yaweinchi. Barapo ira, naira yetaxuba yawa mene apaxoreca, po mene bayatha sutaba bapon pon be Joyoinya. <sup>17</sup> Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua butsi pomonae jume cowanta Nacom penajume caitorobi diwesi xuano

xua paeba dubenanaebiya Jesús pejume diwesi. <sup>18</sup> Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

## 13

*Meje yabara po diwesi pon ayei, pon be Corei, iruno xua ichun pon ayei, pon be Metsametsawa*

<sup>1</sup> Bapoxonae ichun tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewunxi, po wunxi xua Nacom abe yabara paebatsi. <sup>2</sup> Barapon pon be Corei be neutha xua yaquiquibia. Petaxu be tson taxu. Pecoiboto be neutha coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa. <sup>3</sup> Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaeabi exana. Daxita barapo irathe nacuanpiwi nabenaeca, tsipei naawanxaeabi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi. <sup>4</sup> Barapon pon be Joyoinya wunae jaintatsi, jiwi wunae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wunae jaintatsi, jiwi wunae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

<sup>5</sup> Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. <sup>6</sup> Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi. <sup>7</sup> Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsicamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijeiji peitorobiwatsi. Matautano catatsi xua daxita carepaya nacuanpiwi peitorobiwatsi. <sup>8</sup> Barapon, pon be Corei wunae jaintatsi xua daxita carepaya po cae pin irathe nacuanpiwi wunae jainta. Barapomonae jopa wun dubenaeyo diborotha, po diboro pon Cordero xeina pecobetha, pon Mesias pon naetotha tupa. Barapo diborotha Nacom wun duba pejume cowantsiwichi caena bayatha poxonae Nacom aena forota nacua. Pomonae wun dubena barapo diborotha jopa weweracaeyo.

<sup>9</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumo pe tuxaxu tatsi paca tsipaeba meje:

<sup>10</sup> “Pomonae xua ichun waetabatsi xua atene peexanaenexatsi barapomonae xuya bara teicaeinchi ichamonae atene peexanaenexatsi tsane. Pon xua cusitha namawainta xua ichun bexubatsi, bapon xuya cusitha bexubinchi”, paca jei Nacom pia Pejumo pe tuxaxu tatsi.

Daxota pomonae pejume cowantsiwi Nacom bewa saya juntu coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowanta dubenanaebiyaena Nacomtha.

<sup>11</sup> Bapoxonae tan ichun pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penun. Daichitha poxonae cueicueijeji, be poxonae cueicueijeji pon be Joyoinya. <sup>12</sup> Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wunae pejainchinxatsi pon be Corei, pon pia coutha nantasipa awanxaeibi exana. <sup>13</sup> Yawano pon be Metsametsawa exana nawita xua pexeinya petsita itatsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa. <sup>14</sup> Barapon pon be Metsametsawa petsita itatsi coyenewa exana pon be Corei peitabaratha tatsi. Barapo petsita itatsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua

peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa т̄раеуо. <sup>15</sup> Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueijeji tsane yawa jutebina daxita pomonae jopa w̄nae jainchichi. <sup>16</sup> Yawano bapon itoroba ich̄antha xua daxita cobe juma tinaeinchi po cobein pecoxa weya, yawa xua ichacuitha itapa tinaeinchi, xua pomonae jopa ainya cuiyiyo, ir̄ru pomonae xua peainya cui jiwi, ir̄u pomonae xua copei pexeinae jiwi, ir̄u pomonae peacopeibi jiwino, yawano pomonae pia coutha penata exanae jiwi, ir̄no pomonae xua pebusi tatayebeibiwichi. <sup>17</sup> Dapon aibi pon itac̄patsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pew̄n tatsi, ichacuitha barapo pecatinaewa saya número xua pew̄n tatsi pia número tatsi.

<sup>18</sup> Beta pananta xeinare xua yabara painya neyaputaenexa baxuan. Pon xua yaputane baxua bū bapon yabara nanta xeina xua pon be Corei pia número tatsi. Barapo número jupa xua pebin pew̄n. Barapon pon be Corei pia número tatsi baxue: seiscientos sesenta y seis.

## 14

*Meje yabara po diwesi xua pomonae nax̄na 144, 000 po bicheitomonae matab̄x̄ube*

<sup>1</sup> Bapoxonae tan Cordero xua oveja pebto pen̄n xua uncuia demxuwatha, po demxuwa pew̄n Sīn. Barapo Cordero bar̄u uncuia ciento cuarenta y cuatro mil po bicheitomonae matab̄x̄ube. Barapo ciento cuarenta y cuatro mil po bicheitomonae matab̄x̄ube daxita carepaya itapa tinatsi barapo Cordero pia w̄n tatsi, yawano xua Paxa tatsi pia w̄n tatsino. <sup>2</sup> Bapoxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae taj̄u wemene othoipeica. Yawano be poxonae xua yam̄xu nameta, yawa be poxonae ainya busin xua pinmonae tanbaba. <sup>3</sup> Barapomonae pomonae tanbaba pexeinya wei nax̄na Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asu, yawano xua pitiri jiwi pia peitabaratha tatsi. Ichamonae jopa itac̄paetsi barapo wei xua peyaputaewa xua po wei nax̄na barapomonae. Saya jame barapomonae, pomonae ciento cuarenta y cuatro mil po bicheitomonae matab̄x̄ube yaputane barapo wei xua pomonae po irathepiwi jiwanamonae, pomonae bayatha Cordero capanenebiya abe pia peexanaewan weya poxonae tsit̄pa barapomonae. <sup>4</sup> Barapomonae jopa nataxobiyo xua penasi cui exanaewa xua yab̄x̄itha pejeinya enaexae. Yawano barapomonae exaneiba daxita xua pocotsiwan Cordero itoroba xua poxonae barapomonae naruna poneiba ichaxotha Cordero poneiba. Barapomonae capanenebiyatsi, Nacom capanenebiya xua daxita carepaya jiwi jiwanamonae tatsi xua bapomonae pecana exanaenexatsi pomonae bichocono pepa pejun̄tu coyene xanepanaewi Nacomtha ir̄no Corderotha pomonae xua copiya, pomonae xua Nacom pejume cow̄ntsiwichi. <sup>5</sup> Barapomonae jopa penaerabiwi tsipei barapomonae bichocono pepa pejun̄tu coyene xanepanae jiwi, Nacom peitabaratha tatsi. Barapomonae jopa xeinaeyo xua penatsicuentisiwa Nacom peitabaratha tatsi xua abe peexanaexae.

*Meje yabara po diwesi xua cueicueijeji acoibi poyobe matatsunpiwi*

<sup>6</sup> Bapoxonae tan ich̄n matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, ir̄no pomonae tsicamonaexipiwi nexa, ir̄no pomonae barompaya icha jumein pecueicueijejiwi nexa, ir̄ru daxita tomarapiwi nexano. <sup>7</sup> Barapon jume daunweya paeba, jeye: “Pacunuwiya jinomp̄are Nacom xua beta painya ne jume cow̄ntsiwa. Yawano Nacom w̄nae pajainde. Tsipei anoxuae nama barapo matab̄cabi patopa po mataqueitha Nacom yabara paebina jiwi xua penatsicuentisiwa xua abe peexanaexae. W̄nae pajainde pon exana itaboco, xuano xua exana pin mar mene, yawa exana ira būx̄pana mene”, jei barapon pon jume daunweya paeba.

<sup>8</sup> Ich̄n matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yab̄x̄itha, xua ir̄u pebiwitha!” jei matatsunpin.

<sup>9</sup> Bapoxonae ich̄n matatsunpin patopa, bapon jume daunweya jeye: “Icha ich̄n w̄nae jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi. <sup>10</sup> Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui w̄naetsixaetsi. Jopa juniya exanae tsane

poxoru bichocono Nacom yabara anaepana. Barapon bichocono atene tsane poxonae Nacom tautsina barapon isototha, yawa xua po tsyxh, tsyxh daena, po tsyxh pexwñ azufre matawñ. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. <sup>11</sup> Po isototha Nacom tautsina bapon, barapo iso tsyxh athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei wñae jaintatsi xuano xua barapo ibo Corei nacom wñae jaintatsi, yawano xua barapomonae itapa tinatsi barapo Corei pia wñtha tatsi”, jei matatsunpin.

<sup>12</sup> Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiysi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

<sup>13</sup> Bapoxonae jume tan pejume xua peitaboco wenebaraichica. Nejei: “Baxua tinare: ‘Bñ bara jñntu coyene weiweina pomonae jume cowantsiya werapaena Jesustha, pon jiwi Pecanamataxeinaein’, jei”, nejei.

Nacom pia Pejumope tñaxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa naffina ewatsina Nacom pia nacuatheicha. Po coyene xua barapomonae jñntu coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiysi, barapo jñntu coyene barapomonae yawa ponaena Nacom pia nacua beicha tatsi”, jei Nacom pia Pejumope tñaxu tatsi.

*Meje yabara po diwesi xua matatsunpiwi cusin caucuboba po cae pin irathe tsique*

<sup>14</sup> Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi. <sup>15</sup> Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “¡Barapo cusi caucubobare yawa jore pocotsiwa xua naweta tsipei barapo matacabi patopa, po mataqueitha naweta po cae pin irathe deque!” jei matatsunpin. <sup>16</sup> Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

<sup>17</sup> Bapoxonae equeicha ichñ matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi. <sup>18</sup> Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin irñ cusi xeina, po wato xuiyoi. Yawa bapon jume daunweya wawai icha matatsunpin beya pon irñ pia wato xeina cusi. Bapon jeye: “¡Barapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin. <sup>19</sup> Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebairca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara jñta ichi Nacom jiwitha, xua poxonae bichocono atene exanaena jiwitha xua abe peexanaexae jiwi. <sup>20</sup> Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua tajñ beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan tajñ ayei tsoponae tsane.

## 15

*Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa*

<sup>1</sup> Bapoxonae equeicha tan peitabocotha icha pin petsita itatsi coyenewa xua nebenaeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabetha bapoxonae Nacom nacui weta xua poxonae anaya bichocono atene exana jiwi abe peexanaexae.

<sup>2</sup> Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibñ muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa wñae jainchiyo pon be Corei yawa pon be ibo Corei

nacom, yawano jopa itapa tinaetsi pon be Corei pewantha. Barapomonaе imoxoyo caquita umena barapo pin mar mene. Yawano barapomonaе саumena arpa matawun xua pocotsiwa pecatanbabiwan xua Nacom catsiba. <sup>3</sup> Barapomonaе пaxyna Moisés pia wei tatsi, pon Nacom pia penacuichiwa tatsi taexainchi. Yawano barapomonaе пaxyna Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono wanae.

Xam pon, daxita neayapusu

itorobiya coyenewan xeiname.

Jinya coyenewan bara pexainyeiwan

poxoru beta exaname.

Xam itorobiya neewatsin daxita

carepaya nacuanpiwi.

<sup>4</sup> Xam pon jiwi Necanamataxeinaein.

Daxita jiwi junuwiya cabaru cui itura jinaena.

Yawano daxita jiwi wanae cajainchina tsipei

saya meisa xam nejuntu coyene xeicaem.

Daxita carepaya nacuanpiwi patsina xua wanae

necajainchinexa tsipei barapomonaе bayatha tane

pocotsiwa xua betiya xanepanaya exaname”,

jei barapomonaе.

<sup>5</sup> Bapoxonaе equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba. <sup>6</sup> Barapo tutu weya matatsunpiwi pona pomonaе xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juntacari jayabeinatsi. <sup>7</sup> Bapoxonaе tan caein, xua jiwana barapo cuatro poyobe xua xuan asu. Bapon barapo siete poyobe matatsunpiwi catsibatsi coroton xua wamba po coyenewan peabe cui coyenewan pocotsiwan Nacom exanaena, pon ataya popona. <sup>8</sup> Bapoxonaе barapo tututha, bichocono petsuxu wunca. Barapo tsuxu Nacom pia xainya weya tatsi tapichapatsi pon peainya cuin yawa xua peayapusu itorobi coyenewa pexeinaein. Dapon aibi pon pecopatsiwatsi xua pejoniyaeawa barapo tututha poxonaе cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

## 16

*Meje yabara po diwesi xua barapo corototha xeina siete po coyenewabe po coyenewa xua peabe cui coyenewan*

<sup>1</sup> Bapoxonaе jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentisixae xua abe peexanaexae Nacomtha”, jei.

<sup>2</sup> Matatsunpin pon xua ichaxota ba “uno”, jei, bapon copiya piawa epataba. Bapoxonaе pomonaе itapa tinatsi xua pon be Corei pewan tatsi, xuano xua wanae jainta ibo Corei nacom, bapomonaе barapoxonaе nainya xeina xua peaperubewan xua bichocono aperutane.

<sup>3</sup> Bapoxonaе equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonaе barapo pin mar mene bichocono mene janowanaya be poxonaе xua petupaein boca. Barapo pin mar mentha daxita werapa xua xuan baxota jinompa.

<sup>4</sup> Bapoxonaе equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira buxapana meneintha, bapoxonaе barapo menein be pejanan tsanaya. <sup>5</sup> Bapoxonaе jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara paebame poxonaе atene exaname jiwi xua penatsicuentisixae xua barapomonaе bichocono abe peexanaewi.

Bapana jopa abe exanaem.  
 Xam nejuntũ coyene xeicaem,  
 yawa xua pon anoxuae nepoponaem,  
 yawa xua pon caena bayatha nepoponaemno.

<sup>6</sup> Tsipei barapomonaē jinyamonae jutebatsi,  
 yawano tsipei jutebatsi pomonaē  
 neitorobi jume pepaebiwi.

Daxota barapomonaē xuya werapa exaname,  
 peyantomatsiwa exaname abe peexanaexae copiya”,  
 jei barapo matatsunpin Nacomtha.

<sup>7</sup> Equeicha ichan jume tan pon cueicueijeji pon uncua ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusũ itorobi coyenewan nexainaem. Tsipei xam yabara paebame xua jiwi penatsientsiwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

<sup>8</sup> Bapoxonaē equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa. <sup>9</sup> Bichocono daxita carepaya jiwi taxuatsi. Ichitha barapomonaē icha juntu coyene jopa xeinaeyo mataatano Nacom jopa wunaē jainchichi, yawa barapomonaē Nacom abe yabara paebatsi yaitama Nacom xeina peayapuswa xua itoroba barapo coyenewan po coyenewan xua peabe cui coyenewa.

<sup>10</sup> Bapoxonaē equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonaē jopa xapain piamonaē matacaponaeyo be pon xua pona poxonaē quireitha. Daxota piamonaē tatsi juntu coyene deideijeji. Barapomonaē peparaxaewa nawano sine. <sup>11</sup> Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonaē exanapona xua Nacom abe yabara paebatsi po Nacom itabocotha eca. Daxota barapomonaē Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperatanewan.

<sup>12</sup> Bapoxonaē equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewun Eufates. Barapo Eufates mene namto naexaniya xua pepatsinexa pomonaē pocotsiwa werenepiwi pomonaē jiwi itorobiya pia pepa peewatsiwichi.

<sup>13</sup> Nexata bapoxonaē tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonaē barompanya pia coiboton tsina tajujuinatsi acobi peyobe cauri xua xuan be pocotsiwan cuei. <sup>14</sup> Barapo caurimonaē exana pexeinya petsita itatsi coyenewan. Barapo caurimonaē ponarũcũra xua penacaetuta exanaenexa daxita pomonaē jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusũ itorobi coyenewan pexeinaein.

<sup>15</sup> Nacom jeye: “Taema, jemeicha patopaein icha be pon pecaibin ichi poxonaē jemeicha patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itutha xua bapon petaeuwatsi daxita pia pepon”, jei Nacom.

<sup>16</sup> Daxita pomonaē jiwi itorobiya pia pepa pecanamataxeinaewichi, barapomonaē nacaetuta ichaxota po iratha pewun Armagedon xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

<sup>17</sup> Bapoxonaē equeicha ichan matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonaē itabocotha xua tutu wet-sica ichaxota Nacom pia pexeinya peecaethopaewatha baxota jume tan pon xua jume daunweya cueicueijejiya jeye: “Bara bayatha nacui xainwaetaba”, jei pon xua paeba. <sup>18</sup> Bapoxonaē bichocono jerajerei itabocotha, yawa pejumein, yawa bichocono jurujurei. Mataatano bichocono ira jijiyata beyacaincha xua poxonaē ira jijiyateiba poxonaē copiya jiwi aena naexana po cae pin nacuathe xua beya anoxuae. <sup>19</sup> Po tomara, pepa tomara barapo tomara aina wanbe exanabe poxonaē baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. <sup>20</sup> Daxita petunaeton yawano daxita demxuwan aichurubenaē xua ira pejijiyatsixaē. <sup>21</sup> Barichino itaboco weothopeica xua jiwi matatsun

othopeicatsi pocotsiwan dederawa xua xuan benata ichaxota po eman bichocono aque. Barapo pedederawian bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawian pocotsiwa bichocono abe barapomonae nexa.

## 17

*Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara*

<sup>1</sup> Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: “Anetha catsita itatinchu xua yabayo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara. <sup>2</sup> Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabaru exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

<sup>3</sup> Poxonae cataunxuae Nacom pia Pejumope tuxaxu tatsi netsita ituta baxua, bapoxonae matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina. <sup>4</sup> Bapowa nama xatata paparuwa, po paparuwa mu sujei yawa mu tsobia. Bapowa yawa napepena xua pocotsiwan pewun oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pewun perla. Barapowa pecobetha xeina coroto penain coroto xua oro nain yawa wunta pocotsiwan xua be mara, yawa barapowa pia penasi cui matacaetsi coyene xua weiweina. <sup>5</sup> Powa xua yabara caunutatsi Babilonia tomara, barapowa peitapatha tinaduta pewun, po wun jiwi jopa yabara yaputaeyo. Barapo wun jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matauta bapowa daxita pomonae xua bichocono abe peexanaewi barapomonae pena tatsi”, jei xua tinaduta. <sup>6</sup> Pirapaejo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono cupatsi, barapo Babilonia tomarapiwi barapocotsi coyeneja juta ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijmonae tatsi, ira pomonae Jesus pejume diwesi pepaebiwu”, yabara jeichi barapo Babilonia tomarapiwi.

Poxonae tan xua barapo tomarapiwi be cupatsi bichocono, yabara nabenaecan bapoxonae. <sup>7</sup> Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina. <sup>8</sup> Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po muthu bichocono pin muthu tsina. Bapoxonae nama yatsicaewa weweracaena. Bapoxonae jinompaena jiwi barapo cae pin irathe. Barapomonae jopa wun dubenaeyo Nacom pia diborotha tatsi, po diborotha xua jei: ‘Pomonae wun dubena barapo diborotha jopa weweraca tsane’, jei. Barapo jiwi caena bayatha jopa wun tinaetsi barapo diborotha. Barapo jiwi poxonae taena barapon xua taeinchi pon be Corei bichocono najuntu coyene cabenaecaena. Daxota najuntu coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

<sup>9</sup> Equeicha matatsunpin nejei: “Meje tha xua paebichi xua ichamonae itacupatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuwan yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi. <sup>10</sup> Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacaponae tsane po cae pin irathepiwi. <sup>11</sup> Bapon pon be Corei pon caena bayatha popona xua anoxuae jopa poponaeyo, bapon ichaxota ha jei: ‘ocho’, jei, bapon pon jiwi itorobiya pia pepa

peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonae tupaena”, nejei matatsunpin.

<sup>12</sup> Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua ira barapon pon be Corei itorobiya ewatsina. <sup>13</sup> Barapo diez poyobe pomonae piamonae itorobiya pepa peewatsiwi peburuya nanta xeinarcupa. Matautano barapo diez poyobe pomonae itorobiya pepa peewatsiwi itorobiya pia peayapusya exanaewan pon be Corei catatsi, yawano peayapusu itorobi coyenewa catatsi. <sup>14</sup> Daxita barapomonae pomonae diez poyobe, pomonae piamonae itorobiya pepa peewatsiwi ira pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusu itorobi coyenewa xaina beyacaincha xua ichamonae xaina pomonae jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xaina beyacaincha xua ichamonae xaina pomonae jiwi itorobiya pia pepa peewatsiwichi xua ira xaina pia peayapusu itorobi coyenewa. Pomonae Cordero naba ru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

<sup>15</sup> Equeicha barapo matatsunpin nejei: “Xua xam po menein taneme mar menein xua ichaxota yabuyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijeijiwi, yawano yabara caunutatsi daxita nacuanpiwi. <sup>16</sup> Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepon tautinchi isototha. <sup>17</sup> Nacom itoroba xua barapomonae pia pejuntu coyenetha peexanaewa tsane xua pocotsiwan Nacom ichichipa. Daxota barapomonae pomonae jiwi itorobiya pia pepa peewatsiwichi pomonae diez poyobe, peburuya nanta xeinarcupa xua barapomonae pia peayapusu itorobi coyenewanxae tatsi pon be Corei catsinchi. Baxuan catsina beya abu poxonae wetsina pocotsiwa Nacom bayatha paeba. <sup>18</sup> Petsiriwa powa taneme xua powa nasi cui matacaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomara, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi”, nejei matatsunpin.

## 18

*Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano*

<sup>1</sup> Bapoxonae equeicha tan ichun matatsunpin xua pon peitaboco wetsica pona po cae pin irathe tsique. Barapo matatsunpin xaina ainya peayapusu itorobi coyenewan. Bapoxonae bapon exana xua ira bichocono pentha tsurucuae xua pia pepon weya cueicha pona.

<sup>2</sup> Yawano bapon jume daunweya wawai, jeye:

¡Bayatha Babilonia tomarapiwi  
wetapentatsi yawa tomara abe  
exanatsi, po tomara pepa tomara!

¡Yawano anoxuae caurimonae baxota jinompa!

<sup>3</sup> Tsipei daxita carepaya nacuanthapiwi  
bichocono abe exana, po abe peexanae  
coyenewa pocotsiwa xua barapo  
Babilonia tomarapiwi exana.

Yawano pomonae jiwi itorobiya pia pepa  
peewatsiwichi barapomonae cuiduba piamonae  
xua abe peexanaewa tsane icha barapo  
Babilonia tomarapiwi ichi xua abe exana.

Yawano pomonae pecaenaetsiwi piawan, bapomonae  
xuya copei pexeinaewi naexana, tsipei barapo



tomarapiwi copei ayei ichichipa xua beta pejinompaewa tsane”, jei matatsunpin.

<sup>4</sup> Bapoxonae equeicha ichawa jume tan xua wawai itabocotha, jeye:

“Pomonae tamonaepiwi pam, barapo tomara weya paponarucypare, xua jopa abe painya neexanaenexaruc icha barapo tomarapiwi ichi xua bichocono abe peexanaewi.

Bapoxonae Nacom jopa paca atene exanae tsane icha bayatha ichichi xua atene exainchi barapo Babilonia tomarapiwi.

<sup>5</sup> Tsipei barapo abe peexanae coyenewan xua barapo tomarapiwi exana bichocono ayei xua daxota Nacom pon itabocotha peecaen tane baxuan.

Daxota Nacom yabara nanta xeina xua atene exana barapomonaetha.

<sup>6</sup> Barabuc ichamonae jupa exanaena barapomonaetha, icha be pocotsi coyeneya xua bapomonae abe taexana ichamonaetha. Barabuc barapomonae pentoma catsibinchi xua po pentoma equeicha mataropataba xua peatenewa.

Barabuc barapomonae bichocono atene tsane, icha be pocotsi coyeneya xua poxonae barapomonae atene taexana ichamonaetha.

<sup>7</sup> Pocotsiwa xua bapomonae exana xua atsaca naexana xua penasi cui matacaetsi jiji naexana, barabuc barapomonae bichocono atene tsane, yawa wecoyei tsane.

Tsipei bapomonae pia coutha natsipaeba, jeye: ‘Waxainchi xote enatsi.

Waxainchi jopa dapomonaetsi pomonaetsi pomonae waseuri jiji wanaca cuenta werapaewi.

Matautano waxainchi pomonae jiji itorobiya pia pepa peewatsi jiwichi, jopa bichocono atene tsainchi’, jei bapomonae.

<sup>8</sup> Daxota saya caentaqueitha tsane jopaena po coyene xua abe peexanaewa tsainchi bapomonae, xua bichocono peperaxa jubuwa tsainchi, matautano xua pejainpaewa tsane bichocono, yawano xua petautsiwa tsainchi xua werapaena.

Tsipei Nacom pon pepa Pecanamataxeinaein jiji peayapusu itorobi coyenewa xeina, yawano bapon pia coutha yabara paebina po coyene xua tsitatsi xua bapomonae natsiaenae cuenta abe peexanaexae”, jei matatsunpin.

<sup>9</sup> Pomonaе jiji itorobiya pia pepa peewatsiwichi xua po cae pin irathe, pomonaе xua bayatha irucuc abe exana poxonae barapo Babilonia tomarapiwi abe exana, barapomonaе bichocono wecoyei tsane poxonae xua taena iso tsucuc xua poxonae barapo Babilonia tomarapiwi tautsinchi. <sup>10</sup> Barapomonaе tajuc wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonaе pomonaе jiji itorobiya pia pepa peewatsiwichi najei tsane:

“¡Pai jaiBo Babilonia tomarapiwi pam tsobenae!  
¡Babilonia tomara tsocuaem!

Bequein pepa tomara tsocuaem, ichitha saya bara cae horatha barapo tomaram omeicha Nacom cawetaxubina”, najei tsane barapomonaе.

<sup>11</sup> Daxita pomonaе caenaeta piawan barapomonaе bichocono wecoyei tsane xua barapo Babilonia tomara siwa wecoyeichi tsainchi tsipei barapomonaе jopa xeinae tsane xua comocaenichi xua pia pecaenaetsiwan. <sup>12-13</sup> Barapomonaе xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira buxurana iboton xua bichocono ainya

matoman, yawano xua pocotsiwan be warowaxu pocotsiwan perla matawun, yawano papabun ꞑ pocotsiwan bichocono ainya matoman pocotsiwan seda matawun, yawano ꞑo paparuwan mꞑ sꞑjei, yawa xua xuan mꞑ tsobia; yawano napaewan, ꞑo naein xua bichocono tuxuei; yawano xua ichawan weya forobano xua pocotsiwan marfil matawun, yawano xua ichawan weya forobano xua naewan xua ꞑo naewan bichocono ainya matoman, yawano xua ichawan weya forobano xua pocotsiwa bronze nain matawun, yawano xua ichawan weya foroba xua penainton, ꞑo penainton hierro nain matawun, yawano xua ichawan weya foroba xua iboton, ꞑo iboton mármol ibo matawun; yawano capana ꞑo petuxueiwan canela tseboco matawun, yawano ichawanno capana xua ichawan xua petuxueiwan; yawano capana icha petuxueiwan xua incienso xua ꞑo tuxusi tuxueiwa benata poxonae taxua exana, yawano icha petuxueiwa pocotsiwan be mauto xua jiwa tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaein, cawayumonaein, yawa caronaemonaein, xua cawayu pecaponae naexi, yawano jiwino capoinchi pecaenaetsinexatsi xua pomonae jiwa pebusi cui tatayebewiwichi peexanaenexa tsainchi. <sup>14</sup> Barapomonae jei tsane xua barapo Babilonia tomarapiwi yabara jei tsainchi:

“iAnoxuae jꞑa paxeinaem pethei, ꞑo pethei ainya matoman ꞑo pethei paichichipame bichocono!

iAnoxuae nama pacata aichurubena xua copei xeina painya nenaexanaewam xua bara ataya tsane!” jei tsane.

<sup>15</sup> Pomonae xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonae taju wenewatumendena xua abe peexanaeyainwatsi xua Nacom exanaena. Barapomonae bichocono wecoyei tsane. <sup>16</sup> Barapomonae jei tsane:

“iPai jaibo pepa Babilonia tomara tsobenae!

Xam Babilonia tomaram bichocono pexeinya tomaram, icha yabꞑo ichi xua pexeinyawayo poxonae paparuwa nama xatata ꞑo paparuwa bichocono sꞑjei yawa bichocono tsobia.

Yawano bapowa napepena xua pocotsiwa pewun oro nain yawa xua be ibotixi xua pocotsiwan ainya matoman yawano ꞑo warowa xu xua inyapana xua pewun perla.

<sup>17</sup> iSaya bara cae horatha daxita aichurubena xua xuan barapo tomara xeina!” jei tsane barapomonae.

Pomonae jera pecanamataxeinaewi, yawano pomonae xua napona xua warapa icha tomaratha nexa, irꞑ pomonae petanacuichiwi barapo jera naeintha, irꞑno pomonae nacuita jeratha, daxita barapomonae taju wenecotumendena. <sup>18</sup> Poxonae barapomonae tane xua iso tsꞑꞑ xua barapo Babilonia tomara tautatsi, barapomonae jume daunweya wawai, jeye: “Icha pepa tomara aibi ꞑo tomara wꞑnae pocotsi tomara icha Babilonia tomara ichi”, jei. <sup>19</sup> Barapomonae pia cui xeina xua tsorobotha nantatsaeba poxoru bichocono wecoyei. Wawaya jeye:

“iPai pepa Babilonia tomara tsocuae!

iAnoxuae jꞑa peraichiwa xua pocotsiwan bayatha jera wꞑnbatsi xua copei xeina naexainchi xua poxonae naca comoca barapo tomarapiwi!

iDaxita baxuan caayawachurucuae exainchi tomara!” jei barapomonae.

<sup>20</sup> Ichitha paxam pomonae itabocotha painya nejinompaewi pam irꞑ pomonae tamonae pam, irꞑ pomonae Jesús pia peitorobiwi tatsi pam, irꞑ pomonae Nacom peitorobi jume pepaebiwi pam.

Daxita barapomonae pam, ꞑajꞑntꞑ coyene weiweinare xua pacata peaichurucuaexae barapo Babilonia tomara.

Nacom xuya abe exana barapo Babilonia tomara tsipei bayatha barapo tomarapiwi pacata abe exana.

<sup>21</sup> Bapoxonae matatsunpin pon bichocono pia peayapusu itorobiwa xeina, bapon pita iboto, po iboto bichocono pin iboto xua be pocotsi ibototha jiwi cuba trigo xu. Bapoxonae barapo matatsunpin xuba barapo iboto pin mar mentha. Bapon jeye:

“Icha barapo iboto ichin xua xuban barapo pin mar mentha, Nacom barichi wetaxuba barapo Babilonia tomara xua equeicha jiwi jopa petaewa tsane.

<sup>22</sup> Yawano bapana equeicha jiwi jopa jume tae tsane xua petanbabiwan busin xuan pewan arpa matawan, yawano xuan po peobiwa jumein pewan flauta matawan, yawano icha peobiwan jumein xuan pewan trompeta matawan.

Matautano jopa tae tsane pomonae xua barompaya piawan penata exanae jiwi.

Matautano jopa busi tae tsane barapo pin tomaratha xua busi

xu yacatoyeraba trigo xu xua pin ibototha.

<sup>23</sup> Matautano jopa yonoyonei tsane pecoichan.

Matautano jopa jume tae tsane xua pin penabanaewa exana xua poxonae pebin pecotsiwa pita.

Pomonae pecaenaetsiwi barapo pin tomaratha bichocono copei pexeinaewi xua daxota daxita nacuanpiwi yabara cui yaputane xua barapomonae peainya cui jiwi.

Barapomonae pomonae Babilonia tomarapiwi

itacupatsi xua daxita nacuanpiwi

muxuitorobatsi mara peexanaewi pia

coyenyatha xua daxota iru abe

peexanaenexa tsane, icha barapo Babilonia

tomarapiwi ichi xua abe exana”,

jei matatsunpin.

<sup>24</sup> Nacom weraweraca exanaena barapo tomara. Barapo tomarapiwi Nacom tsitatsi xua barapomonae penatsicuentisiwa xeina xua ichamonae pejutebixaetsi, pomonae Nacom pia peitorobi jume pepaebiwi, iru pomonae Nacom pejume cowantsiwichi tatsi yawano daxita pomonae bayatha jutebatsi po cae pin nacuanthepiwi xua ichamonae juteba icha tomarantha.

## 19

<sup>1</sup> Bapoxonae peitabocotha jume tan xua juinya pinmonae jeye:

“¡Barabu Nacom wanae jainatsi, Nacom naca capanepa abe waexanae coyenewan weya!

¡Maisa Nacom pexeinya juntu coyene pexeinaein!

¡Maisa Nacom bepa juniya xeinae

peayapusu itorobi coyenewa!

<sup>2</sup> Nacom wanae jaintatsi tsipei bapon Wanacom.

Poxonae yabara paeba jiwi xua

penatsicuentisiwa xua abe peexanaexae,

bara beta xaniwaicha exana.

Yawano bapon bichocono atene exana

barapowa powa xua penatsicuentisiwa

xeina xua abe peexanaexae.

Bapowa penasi cui matacaetsiwa xua

weiweina pebiwitha pia paratixichi.

Barapowa yabara caunutatsi Babilonia tomara

po tomaramonae xua penatsicuentisiwa xeina xua

abe peexanaexae icha bapowa ichi.

Bapowa bayatha cuiduba barapo cae pin

nacuapiwi xua iru abe exana icha

xua barapowa ichi.

Tsipei bapowa Nacom pijimonae tatsi

jutebatsi daxota xuya Nacom pijimonaе  
yantomata xua poxonaе bapowa bexotsi powa  
peyabara caunutsixaetsi Babilonia  
tomarapiwi”, jei xua juinya pinmonaе.

<sup>3</sup> Barapo pin ayei jiwi jeye:

“¡Barabu Nacom wunaе jaintatsi!  
¡Iso tsuxu xua bapomonaе tautatsi barabu  
bapana jopa athabe jujuinaе tsane xua pepu  
ataya tsane!” jei barapomonaе xua juinya pinmonaе.

<sup>4</sup> Bapoxonaе veinticuatro poyobe pomonaе pitiri jiwi, iruru cuatro poyobe xua xuan asu  
daxita barapomonaе irabe taeumenareca xua Nacom wunaе pejainchinexa tsainchi, jeye:

“¡Je bara ichi tsane! ¡Barabu Nacom wunaе jaintatsi!” jei daxita barapo matabuxumonaеbe.

<sup>5</sup> Bapoxonaе Nacom pia pexeinya peecaethopeibiwatha, jume tan pejume, xua jeye:

“¡Daxita pam, pomonaе Nacom pata exaname,  
Nacom pon pata Nacom, wunaе pajainde!  
¡Iru ru pomonaе paexaname pocotsiwa Nacom  
paca itoroba, Nacom wunaе pajainde!  
¡Iru ru pomonaе peacopeibi jiwi iruru  
pomonaе copei pexeinaе jiwi, daxita  
paxam Nacom wunaе pajainde!”  
jei pejume xua paeba.

*Meje yabara po diwesi xua poxonaе jiwi tsinacaetuta pexaewa penabanaenexa poxonaе  
Cristo, pon Cordero, pecotsiwa nacueyaba*

<sup>6</sup> Yawano jume tan peitabocotha xua pejumein be pin bicheitomonaе be poxonaе xua  
ainya pin mar menein busin, yawano be xua xuan yamuxu jurujurei. Barapo jumein jeye:

“¡Barabu Nacom wunaе jaintatsi  
pon jiwi Pecanamataxeinaein!  
Bapon nama anoxuae tamropata pitaba  
xua daxita carepaya nacuanthapiwi  
itorobiya ewatsinchi.

Bapon xeina daxita coyenewan xua pia  
peayarusu itorobi coyenewan.

<sup>7</sup> ¡Juntu coyene weiweinatsi yawano  
jacobatsi, jeichichi: ‘Maisa pexeinya  
juntu coyene pexeinaein’, jeichichi!  
Baxua bewa exanaetsi tsipei patopa matabi  
poxonaе po matababitha jiwi tsinacaetuta  
pexaewa penabanaenexa poxonaе pon  
Cordero, piowa nacueyaba.

Barapon pon Cordero, pecotsiwa tatsi nacui  
xainwaeta, poxonaе po matababitha jiwi  
pin penabanaewa tsinacaetuta xua  
penabanaewa tsane.

<sup>8</sup> Barapowa copatatsi xua penama xatatsinexa  
paparuwa, po paparuwa bichocono  
pexeinya paparuwa.

Barapo paparuwa bichocono inyapana yawa  
xua bichocono mu daedaena.

Barapo pexeinya paparuwa caunuta xua po  
coyenein Nacom pia peantobewichi tatsi exana  
xua po coyenein Nacom tsita xanapanatsi.

Barapo yabuyo yabara caunutatsi Nacom  
pijimonaе tatsi, pomonaе Nacom pejume  
cowuntsixaetsi”, jei barapo pin bicheitomonaе.

<sup>9</sup> Bapoxonaе matatsunpin nejei: “Tinare xuaje: ‘Bichocono juntu coyene weiweina  
pomonaе Nacom waba poxonaе pin penabanaewa tsinacaetuta xua penabanaewa tsane  
poxonaе pon Cordero, nacueyaba pecotsiwa’, jande poxonaе xua tiname”, nejei barapo  
matatsunpin. Equeicha nejei: “Daxita po jumein xua catsipaebatsi barapo jumein xani-  
waicha Nacom paeba”, nejei barapo matatsunpin.

<sup>10</sup> Bapoxonaе barapo matatsunpin petaxutha irabe taeuncuarecan xua wunaе ta-  
jainchinexa. Ichitha bapon nejei: “¡Bara! Jopa baxua neexanaeinde. Apra xan iru

ponxaein Nacom piawa taexanaein, icha xam ichim xuano xua icha jinya jiwimonaee ichi pomonaee Nacom pejume cowantsiwichi, xuano xua jume cowanta dubenanaebiya pocotsiwan xuan Jesús paeaba. Jame Nacom bapon wanae jainde”, nejei matatsunpin.

Baxuan xuan pocotsiwan Jesús paeaba xua xuan pexainyeiwan, baxuantha yawenatsi nawita pomonaee Nacom peitorobi jume pepaebiwi.

*Meje yabara po diwesi xua pebin equeica cawayutha, pon pemainyan*

<sup>11</sup> Bapoxonaee peitabocotha tan xua naitaboco yausaranaxuba. Baxota naitata cawayu, pon pemainyan. Pon xua cawayutha equeica, wan dutatsi, jeichichi: “Pon xua pejume cowanta ducuanabiyaein, yawano xua xaniwaicha pepaebin”, jeichichi. Bapon xainyeya betiya yabara paeaba jiwi xua penatsicuentsiwa xua abe peexanaexae. Matautano bapon xainyeya betiya exana poxonaee naba ichamonaetha. <sup>12</sup> Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewan po wan xua saya meisa bapon wan yaputane. <sup>13</sup> Yawano nama xatata paparuwa, po paparuwa pejanan dubena be poxonaee xua jautuxuba pejanatha. Bapontha Nacom wan duta: “Nacom Pejume”, jei. <sup>14</sup> Bapon puna poinchi soldadomonaee itabocopi soldadomonaee, pomonaee Nacom pia soldadomonaee tatsi. Barapo soldadomonaee pexeinya paparuwan nama xataba xua xuan mu inyapana, yawa xua axuiruibi. Yawano barapomonaee eneica cawayumonaeintha xua xuantha pemainyawantha. <sup>15</sup> Barapon pon mata capana pia soldadomonaee pecoiboto tsina tapichapeinatsi cusi, po wato bichocono xuyoi. Bapon barapo watotha ucuboba xua jiwi ucubobatsi, pomonaee po irathe jinompe. Yawano bapon ajumeyapusya itorobi ewatsina jiwi. Yawano bapon daunweya yabara paebina jiwi xua penatsicuentsiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonaee jopa pejume cowantsiwichi, tsipei bichocono Nacom caseba barapomonaee. Barapon Nacom pia peayapusu itorobi coyenewan xeina xua jiwi peperaxa exanaewatsi. <sup>16</sup> Bapon nawan tinaduta pia peju-mainaewatha, yawa nawan duta pethutotha xua po wan jeje: “Pon Corderoxae jiwi itorobiya pia pepa Peewatsinchi tatsi, pia peayapusu itorobi coyenewa xeina beyacaincha xua ichamonaee xeina pomonaee jiwi itorobiya pia pepa peewatsiwichi xua iru xeina pia peayapusu itorobi coyenewa. Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonaee xeina pomonaee jiwi pia pepa pecanamataxeinaewichi”, jei barapo wan.

<sup>17</sup> Bapoxonaee matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeje: “Anetha xua painya nexaewa tsane Nacom pin pia penabanaewa. <sup>18</sup> Barapo penabanaewan paxaema, xua pomonaee jiwi itorobiya pia pepa peewatsiwichi pewi, yawano soldadomonaee pia pentacaponaewi tatsi barapomonaee pewi, yawa pomonaee peamanayabeibi jiwi barapomonaee pewi, yawa cawayu pewi, yawa pomonaee xua eneica pewi. Daxita xua iruru ichamonaeno barapomonaee pewi. Iru pomonaee penata exanaewi pia coutha barapomonaee pewi, ichacuiitha xua iru pomonaee amanaya petanacuichi jiwi barapomonaee pewi. Iru no pomonaee jiwi pebusi cui tatayebeibiwichi barapomonaee pewi, iru no pomonaee copei pexeinaewi barapomonaee pewi”, jei matatsunpin.

<sup>19</sup> Bapoxonaee tan pon ayei pon be Corei, yawano tan pomonaee jiwi itorobiya pia pepa peewatsiwichi xua baru pona pia soldadomonaeein. Daxita barapomonaee nacaetuta xua nantiya penabinexa tsane pontha pon pia soldadomonaee matacapona xuano yawa pia soldadomonaeeintha tatsi petanabinexa tsainchi. <sup>20</sup> Barapon pon ayei, pon be Corei, bapon maxu cubiya waetabatsi iru maxu cubiya waetabatsi pon naerabiya jeje: “Xan Nacom peitorobi jume tapaebin”, jei, pon xua petsita itutsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itabiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wanae pejainchiwa tsane ibo Corei nacom. Barapon pon be Corei iruru pon xua naerabiya jeje: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusu tsuncuae po peitare pewan azufre matawan. <sup>21</sup> Iru ru daxita ichamonaeru jutebatsi cusitha, po watotha xua pecoibototha tapichapeinatsi pon xua matacapona pia soldadomonaee. Daxita pepupunaewi bichocono tonsana pewi xaexaetsi pomonaee xua jutebatsi.

## 20

*Meje yabara po diwesi xua Cristo itorobiya ewatsina jiwi mil po weibetha*

<sup>1</sup> Bapoxonae tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewun cadena xua bichocono pin nainto. <sup>2</sup> Barapo matatsunpin waetaba, pon be Joyoinya waetabatsi, pon po jomo xua poxonae copiya jiwi muxu jainyabatsi. Bapon apara caurimonae pia pentacaponaein tati. Bapon icha wun Satanás. Barapon Satanás maxu cubiya waetabatsi cadenatha xua mil po weibe nexa. <sup>3</sup> Yawano barapon Satanás xorecatsi barapo pin muthu deca. Bichocono yauxatatabotatsi muthutha. Yaucateitabotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae abu yapu caewina mil po weibe. Bapoxonae isanaxubinchi xua saya bara caeto tsane.

<sup>4</sup> Bapoxonae tan xua pexeinya peenaethopeibiwan. Baxota ena pomonae xua bayatha catsibatsi peitorobi coyenexan xua jiwi peyabara paebiwa tsainchi daxita xua bayatha penatsicuentisiwa xua abe peexanaeaxe. Bapomonae pomonae xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonae bayatha jopa wunae jainchiyo pon be Corei. Matautano jopa wunae jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wuntha tati ichacuiwa xua pecobe juma tinaewatsi. Barapomonae tan xua equeicha asu exainchi. Barapomonae iru Cristo, nabaaru caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane. <sup>5</sup> Ichitha nama ichamonae pomonae xua caena bayatha werapa cataunxuae jopa asu exanaetsi. Barapomonae asu exanaeinchi beya abu poxonae yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya. <sup>6</sup> Maisa bichocono juntu coyene weiweina pomonae equeicha Nacom asu exana petupae coyene weya po peasu coyenewa xua copiya! Barapomonae Nacom piamonae tati. Barapomonae jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonaepiwi tati xua iru Cristo pia sacerdotepiwi tati. Matautano barapomonae nabaaru caemonae xua barapomonae barapo cae pin nacuepiwi itorobiya ewatatsi mil po weibetha tsane.

*Meje yabara poxonae caurimonae pia pentacaponaein tati xotsi*

<sup>7</sup> Poxonae yapu caewina mil po weibe bapoxonae barapo Satanás isanaxubinchi xua peponaewa tsane muthu weya. <sup>8</sup> Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaeutusiwa tsane pia soldadomona tati xua penabinexa pomonaetha pomonae Nacom piamonae tati. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa purun ichi xuan taetabotha bobena xuan acucu xua mar mentha bobena.

<sup>9</sup> Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tati jinompa, yawano xua po tomarapiwi Nacom jume cowantsi. Ichitha bapoxonae Nacom pin isoto itoroba deca peitaboco wereca, daxita barapo soldadomonaein taxuatsi omeicha. <sup>10</sup> Barapon Satanás, pon be Joyoinya, pon caurimonae pia pentacaponaein tati, pon xua barapo soldadomonaein muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewun azufre matawun. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonae baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

*Meje yabara po diwesi xua Nacom yabara paeba jiwi xua penatsicuentisiwa poxonae eca pia pexeinya ecaethopeiwiwatha, po pexeinya ecaethopeiwiwa xua pemainyawa*

<sup>11</sup> Bapoxonae tan xua pexeinya peecaethopeiwiwa xua pemainyawa. Muxuna tan xua pon eca barapo pexeinya peecaethopeiwiwatha. Bapon peitabaratha tan ira xua po ire yawa itaboco, baxua daxita aichurubena, equeicha jopa naitusiyo. <sup>12</sup> Bapon Nacom peitabaratha tati umena pomonae xua caena bayatha werapa xua pomonae peacopeibi jiwi irano pomonae copei pexeinae jiwi. Bapoxonae diboron patapenta, yawano pataxuba po diborotha ba nacapanenebiya tsaibi pomonae Nacom pia peantobewichi poxonae wun tinadubatsi barapo diborotha. Pomonae xua caena bayatha werapa daxita itawetatsi. Barapomonae yabara cui jupiya exantsi be po coyeneya bayatha abe exana xua barapo

diborotha pecui yabara tinaexaetsi xua poxonae barapomonae abe exana. Daxota barapomonae atene tsane. <sup>13</sup> Barichi pomonae iru pin mar mentha notatsi, barapomonae Nacomtha pata. Iru pomonae iratha bobena ira wejujuina xua Nacomtha pepatsinexa. Daxita barapomonae Nacom peitabaratha tatsi umena xua baxota peyabara paebinxatsi xua Nacom yabara paebina xua penatsicuentisiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana. <sup>14</sup> Nacom cana exana po coyenewa xua jiwu tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonae pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwu caewa werapaena po jiwu jopa pejume cowantsiwi. <sup>15</sup> Iru pomonae xua jopa wan dubenaeyo barapo diborotha po diborotha ba jiwu nacapanenebiya tsabi poxonae wan dubeibatsi, barapomonae iru barapo isoto pucuatha bebaichi, Nacom bebai.

## 21

*Meje yabara po diwesi xua pena itaboco yawa xua pena ira*

<sup>1</sup> Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naitatsiyo. Yawano pin mar mene aichurucuae. <sup>2</sup> Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabyo ichi xua poxonae nacui xaxainchiya weta xua poxonae pecotsiwa peru nacoyobina. <sup>3</sup> Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom baru poponaena, bara barapomonae Nacom pijimonae tatsi tsane. Nacom ataya tsitecaeya baru poponaena barapomonae penacana exanaexae xua piamonae tatsi pia Nacom tatsi. <sup>4</sup> Barapomonae Nacom itacuere mene canotsina xua pewecoyeixae, xua barapomonae equeicha jopa peatenewa tsane. Equeicha jiwu jopa werapae tsane barapo petupae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuae y nacaewita”, jei po jume xua itaboco wetsica paeba.

<sup>5</sup> Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itacupatsi xua tana neyabara jume cowantsiwa xua bara exanaein pocotsiwa xua taneme”, nejei Nacom.

<sup>6</sup> Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano hexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwu yawenan. Pon xua bejunt coyene jichatsi xua ajunt coyeneyapusu bara bapon amanaya catsin peajunt coyeneyapusuwa, po peajunt coyeneyapusuwa xua ataya tsiteca. <sup>7</sup> Pon xua juntu coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha juntana jeban bapon. Barapon pia Nacom tatsin tsane yawa barapon apara bara taxanto tsane. <sup>8</sup> Ichitha pomonae pijunuwi jopa nejume cowantsiyo xua ichamonae abe peexanaewa tsane barapomonaetha iruru pomonae jopa benejume cowantsiyo, iruru pomonae peajunt coyenebewi, iruru pomonae jiwu pejutebiwi, iruru pomonae xua penasi cui exanaewi xua peweiweinaewa, iruru pomonae mara pexeinaewi iruru pomonae wunae pejainchiwi ibo nacom, iruru pomonae naerabiya pepaebiwi, daxita barapomonae bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewun azufre matawan. Barapo petupae coyenewa apara xua poxonae equeicha jiwu caewa werapaena pomonae pejume cowantsiwi”, jei Nacom pon eca pia pexeinya peecaethopaewatha.

*Meje yabara po diwesi xua pena Jerusalén tomara*

<sup>9</sup> Bapoxonae matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wanba peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itatsinchi Cordero pecotsiwa tatsi xua bara yatsicaya piowa tatsi”, jei matatsunpin. <sup>10</sup> Tananetsita itatsiwatha xua poxonae Nacom pia Pejumo pe tuxaxu tatsi netsita itata bapoxonae matatsunpin necapona pin demxuwa beya po demxuwa xua bichocono tuxa. Yawano baxotiya matatsunpin netsita itata Nacom pia pepa pexeinya tomara tatsi ichaxota jinompa pomonae

peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. <sup>11</sup> Barapo tomara bichocono wnae xua pentha exanuncua Nacom pia pexeinya itupanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itupana po iboto ira baxupana iboto. Bara pocotsi itupanae iboto jaspe matawun, po iboto xua epa nasaba. <sup>12</sup> Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amaxuburatiya xuano xua bichocono taucha. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wun dudubenapoinya Israel pia pemomoxi susato bicheiton tatsi. <sup>13</sup> Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantiya ducua. <sup>14</sup> Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wun dubena pewaxi xua doce poyobe pomonae Cordero pia peitorobi jivi tatsi.

<sup>15</sup> Barapo matatsunpin, po matatsunpin netsipaeba, bapon capatopa pocotsiwa xua pecacanaabiwa xua be naewa xua oro nainto peepa canaabinexa tomara yawa pecoiboton yawa curara. <sup>16</sup> Tomara nantiya namaxuburatiya jupabe xua apiya dena. Barapo matatsunpin epa canabarena barapo tomara dos mil doscientos po kilómetrobe xeina xua apiya dena yawa xua taucha xua asiyeicha daxita baxuan nantiya naera jupa. <sup>17</sup> Baroxonae epa canaba curara maxuburatiya sesenta y cinco po metrobe xeina xua pemaxuburatiya xua aitiya. Baxuan matatsunpin exana be jivi pia pecanaabiya coyenewa tatsi.

<sup>18</sup> Curara iboton u xuan pexeinya iboton, xua ira baxupana iboton xuan jaspe matawun. Tomara acaba u xuan pocotsiwan oro matawun be xuan peepa nasabiwan. <sup>19</sup> Po iboton ira weumeina xua doce po ibotonbe, daxita mata pepena xua mata wnae exana icha be iboton ichi pocotsi iboton ainya mataman. Po iboto copyia barapo iboto mata pepena xua jaspe iboton matawun. Po iboto ichaxota ba “dos”, jei, barapo iboto mata pepena xua zafiro ibo matawun. Po iboto ichaxota ba “tres”, jei, barapo iboto mata pepena ágata ibo matawun. Po iboto ichaxota ba “cuatro”, jei, barapo iboto mata pepena esmeralda ibo matawun. <sup>20</sup> Po iboto ichaxota ba “cinco”, jei, barapo iboto mata pepena ónice ibo matawun. Po iboto ichaxota ba “seis”, jei, barapo iboto mata pepena cornalina ibo matawun. Po iboto ichaxota ba “siete”, jei, barapo iboto mata pepena crisólito ibo matawun. Po iboto ichaxota ba “ocho”, jei, barapo iboto mata pepena berilo ibo matawun. Po iboto ichaxota ba “nueve”, jei, barapo iboto mata pepena topacio ibo matawun. Po iboto ichaxota ba “diez”, jei, barapo iboto mata pepena crisoprasa ibo matawun. Po iboto ichaxota ba “once”, jei, barapo iboto mata pepena jacinto ibo matawun. Po iboto ichaxota ba “doce”, jei, barapo iboto mata pepena amatista ibo matawun. <sup>21</sup> Barapo doce po boupanbe exana u xuan be perla matawun xua daxita barompaya peboupan tsiniya. Barapo peba namto xua tomaratha exana u pocotsiwa xua xuan be oro nainton xua xuan peepa nasabiwan poxoru xua be pepa oro nainton.

<sup>22</sup> Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peyapusu itorobi coyenewan xeina. Iruru xua baxota pepoponaexae Cordero daxota jopa nantawenonaeyo Nacom pin pia bo tatsi. <sup>23</sup> Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano iruru xeina Cordero barapo coicha. <sup>24</sup> Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jivi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wnae pejainchiwatsi po coyene xua tsita exanatsi xua bayatha jivi tsita exana barapomonaetha. <sup>25</sup> Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaiibi tsouneibixae. <sup>26</sup> Daxita nacuanpiwi Nacom capona barapo tomaratha xua Nacom pecatsiwiwa tsainchi pocotsiwan pewnaewwan xua be copei. Matautano Nacom catatsi po coyene xua Nacom wnae pejainchiwatsi. <sup>27</sup> Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomonae abe peexanaewi iruru pomonae pemuxitorobiwi. Saya meisa patsina baxota pomonae wun dubena po diborotha ba jivi nacapanenebiya tsaiibi poxonae wun dubeibatsi baxota, xua po diboro xeina Cordero.

## 22

<sup>1</sup> Nexata matatsunpin netsita itata mene, po mene xua mene itarana, po mene xua jivi axumerasu exanatsi, xua icha Nacom ichi xua jivi ajuntacoyeneyapusu exanatsi.



Barapo mene bichocono mene itarana icha bosibu ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona. <sup>2</sup> Barapo mene, mene ducuaponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajuntucoyeneyapusu exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua jantema pejinompaewa xua jopa peatenewa. <sup>3</sup> Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi iru baxota uncuaena Cordero pia pexeinya peecaethopeibiwa tatsi. Pomona Nacom pia petanacuichiwichixaetsi barapo tomaratha barapomona Nacom wuna jainchinch. <sup>4</sup> Bapoxonae jiwi Nacom itabara taeya cueicueijeji tsainchi. Barapomona peitapatha cainompaena Nacom pewun tatsi. <sup>5</sup> Barapo tomaratha ataya tsitecaeya jopa quirei tsounae tsaibi tsane. Pomona baxota jinompa jopa nantawenonae tsane pecoicha xua lámpara coicha xuanu xua xometo coichano. Daxota jopa nantawenonae tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaxae xua pia pepontha. Iru pomona baxota jinompa jiwi itorobiya ewatsinchi xua ataya tsitecaeya tsane.

*Meje yabara po diwesi xua Jesucristo poxonae patopeicaena xua imoxoyo bara nama*

<sup>6</sup> Bapoxonae equeicha matatsunpin nejei: “Barapo jumein pexainyei jumein. Daxota ichamonae itacupatsi xua tana neyabara jume cowantsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tana xua tatsi xua jiwi peyawenaewa tsainchi xua poxonae jiwi cueicueijeji Nacom nexa. Yawano Nacom itoroba pia matatsunpin xua petsita itatsinexa pomona Nacom pia penacajume caitorobi diwesi tatsi petacueicueijejiwichi xua barapo matatsunpin barapomona yabara petsipaebinexatsi po coyene Nacom imoxoyo exanaenaba”, nejei.

<sup>7</sup> Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeicaen! ¡juntu coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

<sup>8</sup> Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita itata, bapoxonae bapon petaxutha irabe tauncuarecan xua wuna tajainchinexa bapon. <sup>9</sup> Ichitha bapon nejei: “¡Bara! Jopa baxua neexanaeinde. Apra xan ponxaein taexanaein Nacom piawa tatsi, icha xam ichim yawa icha pomona jinya jiwimona ichi, pomona Nacom peitorobi jume pepaebiwi, irano pomona xua jume cowanta dubenanaebiya daxita po coyenein xua po diborothe tina. Jame Nacom bapon wuna jaine”, nejei matatsunpin.

<sup>10</sup> Yawano nejei: “Jopa moya yawun xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. <sup>11</sup> Poxonae cataunxuae Nacom jopa wetsiyo, pon xua abe peexanaein, bu moya bara abe exana ducuaenaebiya. Iru pon xua nanthu coyene xeina peacuirucoyenebewan, bu moya bara baxuan nanta xeina ducuaenaebiyaena. Ichitha pon wuna exana Nacom nexa, bu moya exana ducuaenaebiya. Pon xua Nacom petsita naexanaewatsi xua penthathu xeicaein penaexanaewa, bu moya bara Nacom jume cowanta ducuaenaebiysati”, nejei.

<sup>12</sup> Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. <sup>13</sup> Xan ponxaein apra ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

<sup>14</sup> Juntu coyene weiweinaena pomona najuntu coyene cui barapenta peabe coyenewan. Baxuan be poxonae barapomona Nacom pia paparuwan matanaca xua jopa tsoreiyo. Bapoxonae barapomona itacupaeinchi xua jojoniyaena tomara coiboto iya tsipei pia paparuwan inyapana yawa juntu coyene wuna. Yawa barapomona itacupaeinchi xua tomaratha iya xaena po pethei pexaewa, po pethei jiwi ajuntucoyenesu exainchi. <sup>15</sup> Ichitha nama aisowatha xua tomara jumatha umenaena pomona peajuntucuirucoyenebewi iru pomona mara pexeinaewi. Yawano pesatotha umena pomona penata siwa xeinaewi yabuxitha, irano pomona jiwi pejutebiwinu, irano pomona ibo nacom wuna pejainchiwi. Daxitano pomona becu jichatsi xua naerabiya pepaebiwi xua naerabiya exanano, barapomona pesatotha umenaena.

<sup>16</sup> Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinxaxa pomonaetha pomona pejume cowantsiwi. Xan bara yatsicaya David pia

peemoxi susato jiwi jiwanapin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wɔnae xua poto baya ecoina poxonae icha matacabi patopa, xan barichin. Patopan tacapatopaenexa jiwitha po coyene xua bichocono wɔnae po coyene xua Nacom tsiexana, xua jiwi tsiexanatsi”, nejei Jesús.

<sup>17</sup> Nacom pia Pejumope tɔnaxɔ tatsi, irɔ Cordero pia pecotsiwa tatsi, pomonae Nacom pia pejume cowɔntsiwichixaetsi, jeye Jesustha: “Anetha”, jei Nacom pia Pejumope tɔnaxɔ tatsi irɔ Cordero pia pecotsiwa tatsi. Pomonae xua irɔrɔ jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bɔ apa po mera jiwi ajɔntɔyapɔsɔ exainchi xua saya amanaya nexa”, jan.

<sup>18</sup> Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichɔn mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe. <sup>19</sup> Icha ichɔn jiwana jume wexuba xua po diborothe paeba, xuya Nacom pia diborothe wɔn xubina, po diborothe jiwi nacapanenebiya tsaibi poxonae wɔn dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa irɔ barapo tomarano barapo diborothe yabara tina.

<sup>20</sup> Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxaem Tanecanamataxeinaem, jan.

<sup>21</sup> Jesucristo, pon jiwi Pecanamataxeinaein, barabɔ paca yawenaena pia painya nepaca caantobexae daxita paxam. Je bara ichi tsane.

Baja Juan.